

KİLİSLİ MUSTAFA RÛHÎ EFENDİ’NİN RÛHU’Ş-ŞURÛH’U

Hazırlayan: Cumhur ÜN

Danışman: Prof. Dr. Süreyya A. BEYZADEOĞLU

**Lisansüstü Eğitim, Öğretim ve Sınav Yönetmeliğinin Türk Dili ve Edebiyatı,
Türk Edebiyatı Bilim Dalı için öngördüğü DOKTORA TEZİ olarak hazırlanmıştır.**

Edirne

Trakya Üniversitesi

Sosyal Bilimler Enstitüsü

Eylül, 2007

T.C.
TRAKYA ÜNİVERSİTESİ
SOSYAL BİLİMLER ENSTİTÜSÜ

TÜRK DİLİ VE EDEBİYATI ANA BİLİM DALI
TÜRK EDEBİYATI BİLİMDALI

KİLİSLİ MUSTAFA RÛHÎ EFENDİ’NİN RÛHU’Ş-ŞURÛH’U

DOKTORA TEZİ

Bu çalışma, 13.02.2008 tarihinde aşağıdaki jüri tarafından Oybirliği / Oyçokluğu ile kabul edilmiştir.

Başkan: Prof. Dr. Kemal YAVUZ

Üye: Prof. Dr. Süreyya A. BEYZADEOĞLU (Danışman)

Üye. Prof. Dr. Recep DUYMAZ

Üye: Doç. Dr. Ali İhsan ÖBEK

Üye: Doç. Dr. İbrahim SEZGİN

ÖN SÖZ

Özellikle Osmanlı coğrafyasında yüzyıllar boyu çok yaygın şekilde okunan, bu sebeple cemiyet hayatını etkilemiş olması muhtemel bir nasihat kitabı olan *Pend-nâme-i Attâr*'a sahip olduğu şöhret dolayısı ile farklı müellifler tarafından birçok tercüme ve şerh yazılmıştır. Tez konumuz bu şerhlerin en tafsilatlılarından biri olan ve Kilisli Mustafa Rûhî Efendi tarafından Hicrî 1181(1767/68) yılında kaleme alınan *Rûhu 'ş-Şurûh* 'tur.

Taşıdığı edebî değere nisbetle az tanınmış bir eser olan *Rûhu 'ş-Şurûh* 'un edebî değerine ve ihtiva ettiği edebî unsurlara dikkati çekmeye çalıştığımız tezimiz:

Söz konusu eserin bir şerh metni olması hasebiyle *şerh* kavramı ve şerhler hakkında genel bilgi verdiğimiz *Giriş*; şerhedilen eser *Pend-nâme* ve şairi Feridüddin Attâr hakkında biyografik bilgi vermekle yetindiğimiz *Attâr ve Pend-nâme'si*; söz konusu eserin şerhini kaleme alan şahıs ve eserleri hakkında bilgi verdiğimiz *Kilisli Mustafa Rûhî Efendi*; şarihin şerhi tertip şeklini, şerh tekniğini ve metnin teşkilinde esas kabul ettiğimiz nüshaları tanıttığımız *Rûhu 'ş-Şurûh*; metnin teşkilinde esas kabul ettiğimiz kriterleri sıraladığımız *Metnin Tesisi*; şerhin ihtiva ettiği edebî unsurlar için numune vermeyi amaçladığımız *Edebî ve Kültürel Malzeme*; eser hakkında şahsî kanaat ve değerlendirmemizi ifade ettiğimiz *Sonuç*; çalışmamıza merkez teşkil eden *Metin* ve metinde geçen şahıs, eser, yer isimlerini aldığımız *Metnin İndeksi*, ve nihayet, buraya kadarki safahat ve metnin tesisi safhasında yararlandığımız kaynakları sıraladığımız *Kaynakça* bölümlerinden oluşmaktadır.

Bu çalışmamda daima teşviklerini gördüğüm ve rehberliğinden istifade ettiğim hocam ve danışmanım Prof. Dr. Süreyya A. Beyzadeoğlu'na, her hususta bana destek veren öğretim üyeleri Doç. Dr. Ali İhsan Öbek ve Yrd. Doç. Dr. Yüksel Topaloğlu'na; Arş. Gör. Oğuzhan Durmuş ve Arş. Gör. Ozan Yılmaz'a en samimi hislerimle teşekkürlerimi arz ederim.

Cumhur ÜN

Edirne -2007

ÖZET

KİLİSLİ MUSTAFA RÛHÎ EFENDİ’NİN RÛHU’Ş-ŞURÛH’U

Tez konumuz olan Kilisli Mustafa Rûhî Efendi’nin *Rûhu’ş-Şurûh* isimli eseri, Osmanlı coğrafyasında yüzyıllar boyu çok yaygın olarak okunan ve şöhreti dolayısı ile birçok tercüme ve şerhi yapılan Feriddüdin Attâr’ın *Pend-nâme*’sinin en tafsilatlı şerhlerinden biridir. *Rûhu’ş-Şurûh*’un taşıdığı edebî değer ve unsurları tespit amacı taşıyan çalışmamız; *şerh* kavramı ve şerhler hakkında genel bilgi verdiğimiz *Giriş*; şerhedilen eser *Pend-nâme* ve şairi Feridüddin Attâr hakkında biyografik bilgi vermekle yetindiğimiz *Attâr ve Pend-nâme’si*; söz konusu eserin şerhini kaleme alan şahıs ve eserleri hakkında bilgi verdiğimiz *Kilisli Mustafa Rûhî Efendi*; şarihin şerhi tertip şeklini, şerh tekniğini ve metnin teşkilinde esas kabul ettiğimiz nüshaları tanıttığımız *Rûhu’ş-Şurûh*; metnin teşkilinde esas kabul ettiğimiz kriterleri sıraladığımız *Metnin Tesisi*; şerhin ihtiva ettiği edebî unsurlar için numune vermeyi amaçladığımız *Edebî ve Kültürel Malzeme*; eser hakkında şahsî kanaat ve değerlendirmemizi ifade ettiğimiz *Sonuç*; çalışmamıza merkez teşkil eden *Metin* ve metinde geçen şahıs, eser, yer isimlerini aldığımız *Metnin İndeksi*, ve nihayet, buraya kadarki safahat ve metnin tesisi safhasında yararlandığımız kaynakları sıraladığımız *Kaynakça* bölümlerinden oluşmaktadır.

Anahtar Kelimeler: Eski Türk Edebiyatı, Şerh, Pendname, Kilisli Mustafa Ruhi, Rûhu’ş-Şurûh

SUMMARY

RÛHU’Ş-ŞURÛH OF KİLİSLİ MUSTAFA RÛHÎ EFENDİ

Rûhu’ş-Şurûh of Kilisli Mustafa Rûhî Efendi is my thesis, has been one of the most detailed commentaries written on Pend-nâme of Feriddüdin Attâr that is a book very well recognised and read for centuries in all Ottoman territory.

The study contains the following chapters.

Chapter 1, “Giriş” is an introduction on conception and content of commentaries.

Chapter 2, “Attâr ve Pend-nâme’si” gives general information on Pend-nâme and its author.

Chapter 3, “Kilisli Mustafa Rûhî Efendi” gives information on life and works of author of the Commentary.

Chapter 4, “Rûhu’ş-Şurûh” explains composition and expounding methodology of the Commentary as well as information on selected edition used in the study .

Chapter 5, “Metnin Tesisi” explains the criteria used for building the translation of the Commentary.

Chapter 6, “Edebî ve Kültürel Malzeme” gives some samples on literary and cultural value of the Commentary.

Chapter 7, “Sonuç” includes concluding remarks by the writer of the thesis.

Chapter 8, “Metnin İndeksi” gives index of important names, places and works mentioned in the study.

Chapter 9, “Metin” includes full text of the Commentary used for the study.

Chapter 10, “Kaynakça” gives Bibliography used for the study.

Key Words: Old Turkish Literature, Commentary, Pendname, Kilisli Mustafa Ruhi, Rûhu’ş-Şurûh

İÇİNDEKİLER

1. GİRİŞ	i
2. ATTÂR ve PEND-NÂMESİ.....	v
2.1. Attâr'ın Hayatı.....	v
2. 2. Eserleri	vii
2. 3. Attâr'ın Pend-nâme'si.....	vii
2. 4. Pend-nâme'nin Türkçe Tercüme ve Şerhleri.....	xii
3. KİLİSLİ MUSTAFA RUHÎ EFENDİ	xiii
3. 1. Mustafa Rûhî Efendi'nin Hayatı ve Eserleri	xiii
3. 2. Rûhu's-Şurûh.....	xxiii
3. 2. 1. Rûhî Efendi'nin Rûhu's-Şurûh'u tertip şekli	xxiii
3. 2. 2. Rûhî Efendi'nin Şerh Tekniği	xxiv
3. 2. 3. Rûhu's-Şurûh'un Nüshaları.....	xxvi
4. METNİN TESİSİ	xxviii
5. EDEBÎ VE KÜLTÜREL MALZEME	xxix
SONUÇ.....	lxxvii
TRANSKRİPSİYON ALFABE.....	lxxviii
 METİN.....	 1
METNİN İNDEKSİ.....	541
 KAYNAKÇA.....	 553

1. GİRİŞ

Tez konumuz olan *Rûhu’ş-Şurûh* adından da anlaşılacağı gibi bir *şerhtir*. “Açma, yarma”¹; “keşfetmek, beyân etmek”²; “müşkil ü mübhem ü mahfî makûlesini keşf ve izhâr eylemek, kesmek, açmak, fehm eylemek...”³ gibi sözlük anlamlarına sahip olan *şerh* kelimesinin terminolojik anlamlarını en sınırlı tarif ile: “Bir kitabın ibaresini yine o lisanda veya bir lisân-ı âharda tafsîl ve izah ederek, müşkilatını açma” ve ayrıca: “Bir kitabın ibaresini kelime-be-kelime açıp, izah ederek yazılan kitap”⁴ şeklinde ifade edebiliriz. Nitekim söz konusu tezimiz, Farsça yazılmış *Pend-nâme* isimli eserin Türkçe şerhidir. “Bir metnin, daha iyi anlaşılсын diye, o metni başkalarından daha iyi anladığı kanaatinde olan kişiler tarafından açıklanması”⁵ ise daha modern bir tariftir.

İslamî ilimler âleminde yüzlerce yıldır var olan metin şerhi, metod olarak; filoloji, astronomi, tıp, kimya, cebir gibi çok çeşitli ilim dallarına ait metinlerde uygulama alanı bulmuştur. Nitekim kütüphanelerimizin yazma eser kataloglarındaki *şerh* maddesinin kabarıklığı da bunun ifadesidir. Tabiatıyla bizi ilgilendiren, edebî metinlerin özellikle de *klasik edebî metinlerin* şerhleridir.

Edebî anlamda *şerhin*, kavram ve metod olarak kaynağını “ilm-i tefsîr”den aldığı şüphesizdir. *Fesr* kökünden müştak olan *tefsîrin* lugat manâsını Mütercim Âsım Efendi şu şekilde nakletmiştir: “*Fesr* gibi pûşîde ve mestûr nesneyi rûşen ve ıyân eylemek manâsınadır.” Âsım Efendi, devamında *tefsîrin* ıstılahî manasına da temas ederek: “Ve müfessirîn örfünde *tefsîr*, İmâm-ı Sa’leb kavli üzre *te’vîl* ile mürâdiftir. Ve inde’l-ba’z *tefsîr*; lafz-ı müşkilden ma’nâ-yı murâdı keşf ü beyân ve *te’vîl*; iki muhtemel olan ma’nânın birini zâhir-i kelâma mutâbık olan ma’nâya reddeylemekden ibâretidir”⁶ demiştir. *Tefsîrin* terminolojik manası, daha sınırlı ve tahsisî şekliyle: “Kur’ân-ı Kerîm’in ibâresini şerh ve îzâhla, îcâb eden tafsîlât ve mütâla’âtı beyân etme ve buna dâ’ir kitap yazma”dır. Yine *şerhin* “kitap” anlamında olduğu gibi: “Kur’ân-ı Kerîm’in şerhi, bütün Mushaf-ı şerîfin veyâ bir yâhud bir kaç sûre-i şerîfenin şerhini hâvî kitap”tır.⁷

Şerh ve *tefsîr* kelimelerinin hem lugavî hem de ıstılahî manalarının yakınlıkları, hattâ müteradif oldukları görülmektedir. Şu kadar farkla ki; *tefsîr* bir ilim olarak sadece Kur’ân-ı

¹ Ş. Sâmî, (1317-1318 h./1900-1901): *Kâmûs-ı Türkî*, Cilt: 1, İkdâm Matbaası, Dersaadet: 773.

² Ahterî Mustafa b. Şemsüddîn Karahisârî, (1310 h./1893): *Ahterî-i Kebîr*, Şirket-i Sahhâfiyye-i Osmâniyye, Matbaa-i Âmire, Cilt:1, İstanbul: 434.

³ Mütercim Âsım Efendi, (1305 h./1888): *El-Okyanûsu’l-Basît fî-Tercemeti’l-Kâmûsi’l-Muhît*, Matbaa-i Osmâniyye, Cilt:1, İstanbul: 474.

⁴ Ş. Sâmî, (1317-1318 h./1900-1901): 422.

⁵ Tunca Kortantamer, (1994): “Teori Zemîninde Metin Şerhi Meselesi”, *Ege Üniversitesi Fen-Edebiyat Fakültesi Türk Dili ve Edebiyatı araştırmaları Dergisi*, Sayı: VIII, İzmir: 1.

⁶ Mütercim Âsım Efendi, (1305 h./1888): Cilt:2, 68.

⁷ Ş. Sâmî, (1317-1318 h./1900-1901): 422

Kerîm'e hasredilmiştir. Kur'ân-ı Kerîm haricindeki metinlerin izahı için ise aralarında nüanslar bulunmakla birlikte; *şerh*, *hâşiye*, *ta'lik*, *telhîs* gibi isimlendirmeler yapılmıştır.

Özelikle edebî metinlerin şerhinin bir ilim dalı ve usûlü olarak *ilm-i tefsîr*den kaynaklandığını Kortantamer şu şekilde ifade etmektedir:

“Şiir metinlerinin şerhi İslâm kültür dünyasında varlığının bütün karakteristik çizgilerini tıpkı filoloji, belâgat, tarih, biyografi ve benzeri birçok dal gibi Kur'ânı ve onun i'câzını daha iyi anlamaya yönelik araştırmalara borçludur.

Bilhassa filologlar, müfessirler, kelâmcılar ve filozoflar bu alanda büyük çalışmalar yapmışlardır. Bu alanlarda elde edilen bilgi ve tecrübe sanat ve şiir alanına aktarılmış, orada eserlerin açıklanmasında uygulanmıştır. Hitâbet ve kitâbetin ortaya çıkardığı edeb literatürü, şâirlerin faaliyeti, şiir tartışmaları, eleştiri, daha fesîh ve belîğ ifâdenin araştırılması, hep birlikte, klasik metin şerhinin esâsını oluşturan bilgilerin tesbitinde, kristalleşmesinde önemli roller oynamışlardır. Bu çerçevede lafz, manâ, kelime, nahv, cümle, paragraf, ifâde şekilleri ve daha çok bedî ve beyân adı altında toplanan retorik figürler araştırılmıştır. Bu iş yapılırken mantık dilinden ve usullerinden yararlanılmış, aklî vaz'î delâletlerle sınırlandırmalara, sınıflandırmalara gidilmiş, kurallar konmuştur.”⁸

Şerhe neden ihtiyaç duyulduğunu ve şerhte dikkat edilmesi gerekli hususları Kâtip Çelebi Keşfü'z-Zünûn'un girişinde şu şekilde hulâsa eder:

“(Ona göre) her yazar, metnini şerhe ihtiyaç duyulmadan anlaşılması için yazar; fakat (a) yazarın düşünce ve ifadedeki üstün ve özel kabiliyeti dolayısıyla ince manaları maksada delalet eden veciz/öz ve yoğun bir şekilde dile getirmesi, ama okuyucuların yazarla bu konuda aynı seviyede olmaması; (b) zaten açık ve biliniyor olduğu düşüncesi ile veya bir başka ilim dalını ilgilendirdiği için bazı ön bilgilerin verilmemesi ve (c) lafzın birden fazla anlama yorulacak tarzda mecazlı kinayeli bir üslupla yazılmış olması şeklinde üç sebepten ötürü ortaya konulan metnin açıklanması (şerhi) gerekmektedir. Ayrıca metin yazarının insan olması hasebiyle yanılması, meseleleri ve bilgileri karıştırması, önemli noktaları dile getirmeyi unutması, tekrara düşmesi gibi kompozisyon hatalarının da şerhin sebeplerinden olduğunu söyler (Kâtip Çelebi 1941: I/35). Yazarın şerhte dikkat edilecek hususlar ile ilgili olarak da şârihin (metni şerh edenin) elinden geldiği ve birikiminin müsaade ettiği kadarıyla metni açıklamaya çalışması, fakat metin sahibine karşı insaflı olması, itiraz edilmesi gerekiyorsa yumuşak ve üstü kapalı bir dille bunu ifade etmesi, şahsiyet karalaması yapmadan, hatta itirazlarını adres göstermeden yapması ve bunları müstensih hataları olarak yorumlaması gibi hususları dile getirmesi dikkat çekicidir. Kâtip Çelebi'nin bu

⁸ Kortantamer, (1994): 2.

sözleri klasik şerh anlayışında –bu konuda sanılanın ve ileri sürülenin aksine- eleştirinin de bulunduğunu göstermektedir”⁹

Umumî manada, metni izahı gaye edinen klasik edebî metinlerin şerhinde tek bir usulden bahsetmek mümkün değildir. Ancak umumen tatbik edilen usul şu şekildedir: Önce şerhe mevzu metin verilir. Müteakiben metin farklı dilde ise tercümesi, daha sonra tek tek kelimelerin anlamları verilir ve filolojik yönden incelenir. Bu esnada gerektiği takdirde farklı şâirlerden ve lugatlerden şahit gösterilir. Daha sonra metni inşa eden münşî veyâ şâirin neyi ve hangi anlamı kasdettiği izaha çalışılır. Bu esnada yine Kur’ân-ı Kerîm’e, hadîs-i şeriflere divanlara ve kıssalara müracaat edilebilir. Tabiatıyla manzum şerhlerde kelimelerin filolojik yönden teferruatlı incelenmesi söz konusu değildir; sadece anlamın manzum olarak verilmesi kâfi görülmektedir. Şerh edilen metin nazm ise, beytin anlam bütünlüğüne sadık kalınır. Şerhlerde gaye; şerhedilen metnin edebî kıymetini ortaya koymaktan ziyade, şerhedilen metni anlaşılır kılmak yani “şâirin (veya münşinin) karnındaki manâ”yı açığa çıkarmak ve bu yoldan eğitici/öğretici bir fayda teminidir. Kısacası şârih, önce “bi’l-ibâre” manâyı açığa çıkarmaya ve sonra “bi’l-işâre” ve “bi’d-delâle” manalara ulaşmaya çalışır. Bu usul, genel hatlarıyla Arap, Fars ve Türk edebiyatlarındaki şerhlerde müşterektir. Müşterekliğin sebebi yukarda belirttiğimiz gibi *şerhin* kaynağının *tefsîr* olması ve dinî kültür birliğidir.

Klasik Türk Edebiyatı sahasındaki Türkçe şerhleri çeşitli yönlerden sınıflandırmak mümkündür. Şerhi yapılan metinleri dili yönünden; Arapça, Farsça ve Türkçe olarak üç grupta ele alabiliriz. Dil yönünden tasnifte ağırlık Arapça ve Farsça eserlerden yanadır. Şerhe mevzu metni Arapça ve Farsça olan eserlerin aynı zamanda tercüme özelliği taşıdığını da göz önünde bulundurmalıyız.¹⁰

Müteakiben şekil yönünden, hem şerhi yapılan metinleri hem de şerhleri mensur ve manzum olarak iki genel grupta toplayabiliriz. Yani; mensur metinlere yapılan manzum veya mensur şerhler olduğu gibi manzum metinlere yapılmış manzum veya mensur şerhler de vardır. Nazmîzâde Hüseyin Murtazâ Bağdâdî’nin *Şerh-i Lügat-i Târîh-i Vassâf*’ı, Sûdî-i Bosnevî’nin *Şerh-i Kâfiye*’si ve Mehmed bin Ahmed bin Hacı Muslî’nin *Şerh-i Şefiknâme*’si mensur metinlere yazılmış mensur şerhlere; Kemâl-i Ümmî’nin *Kırk Armagan*’ı¹¹, Hazînî’nin *Hadîs-i Erba’in Şerhi*¹² ve Ferdî’nin *Amentü Şerhi*¹³, mensur metinlere yapılmış manzum şerhlere örnektir. *Bostân*, *Bahâristân*, *Mesnevî*, *Pendnâme*, *Kasîde-i Bürde*, *Kasîde-i Bür’e*, *Dîvân-ı*

⁹ M. A. Yekta Saraç, (2006): “Şerhler”, *Türk Edebiyatı Tarihi*, TC Kültür ve Turizm Bakanlığı Yayınları, Cilt: 2, İstanbul: 123-124.

¹⁰ Saraç, (2006):127.

¹¹ İsmail Ünver, (2002): “Kemâl Ümmî”, *Türkiye Diyanet Vakfı İslam Ansiklopedisi*, Cilt: 25, Ankara: 230.

¹² Abdülkadir Karahan, (1954): *İslâm Türk Edebiyatında Kırk Hadis: Toplama, Tercüme ve Şerhleri*, İstanbul Üniversitesi Edebiyat Fakültesi Yayınları, İstanbul: 154.

¹³ Amil Çelebioğlu, (1998): *Eski Türk Edebiyatı Araştırmaları*, Milli Eğitim Bakanlığı Yayınları, İstanbul: 361.

Hâfiz gibi manzum eserlere farklı şârihler tarafından yapılmış şerhleri ise manzum metinlere yapılmış mensur şerhlere örnek verebiliriz. Yoğunluğun bu grupta olduğunu da belirtmeliyiz. Cevrî İbrâhîm Çelebi'nin *Cezîre-i Mesnevî* şerhi olan *Aynü'l-Fuyûz*'u¹⁴, Muînî'nin *Mesnevî*'nin 1. cildini şerhettiği *Ma'neviyyü'l-Murâdî*'si¹⁵ ve Sâlih Nâilî'nin *Pendnâme*'yi şerhettiği *Kenz-i Nasâyih*'i manzum metinlere yapılmış manzum şerhlerdir. En çok şerhi yapılan metinlerden *Gülistân* gibi bazılarının mensur-manzum karışık olduğunu da göz önünde tutmalıyız.

Çok genel hatlarıyla işaret ettiğimiz bu tasnifleri edebî şerhlerin muhtevâlarına göre yapmak da mümkündür: Tasavvufî metinlere yapılmış şerhler, edebî metinlere yapılmış şerhler, lugatlara yapılmış şerhler gibi. Burada dikkat etmemiz gereken husus; ister şekil, ister konularına göre olsun kesin sınırlar çizmenin güçlüğüdür. Meselâ *Kırk Hadîs* şerhlerini sadece dinî şerhler kabul etmek veya *Mesnevî* şerhlerini sadece tasavvufî şerh olarak kabul etmek içlerindeki edebî ve kültürel malzemeyi ihmal etmek olur. Şerhe mevzu metni Arapça veya Farsça olan eserlerin aynı zamanda tercümeyle de ihtiva etmeleri gibi bazı tercüme eserlerin kısmen şerh özelliği taşımaları da mümkündür.¹⁶

Şerhler, bir edebî metnin tamamına yapılabileceği gibi bir kısmına da yapılabilir. Bir şâirin divanından bir/birkaç gazele veya kasideye veya şerhedilen metin mensur ise bir fasla/bahse de yapılmış olabilir. Bu tip şerhlere umumiyetle şârih tarafından farklı bir isim verilmez. Şârihler, ancak yaptıkları şerh müstakil ve mufassal bir eser haline gelmişse farklı bir isim vermeyi tercih etmişlerdir.¹⁷ Nitekim tez konumuz *Ruhu's-Şurûh* da farklı bir isim verilmiş *Pend-nâme-i Attâr* şerhidir. Şerhe farklı bir isim verilmesi durumu, kütüphane kataloglarında yapılan araştırmalar sırasında, kataloglardaki bilgi eksikliği veya yanlışlığı nedeniyle bazı şerhlerin gözden kaçmasına sebep olabilmektedir.

Son derece zengin olan klasik edebiyatımızın en önemli meselelerinden biri klasik metinlere nüfuz ve anlaşılmasındaki zorluktur. Bunu Ali Nihad Tarlan şu şekilde ifade eder:

“Altı asır bir milletin ruhu üzerinde gelişip ona hâkim olan, kütüphaneler dolusu eser veren bir edebiyat, incelenmeğe değer ve bu, neslimiz için, mukaddes bir vazifedir sanırım. İyice bilmeden, sathî bir görüşle bir sanati mahkûm etmek, fikrî bir fâciadan başka bir şey değildir. Evet, bu edebiyatı anlamak güçtür. Büyük bir kültür zenginliğine muhtaçtır. Bu kültürü elde edip bu sanat mahsullerini avucu içine almak,

¹⁴ Hüseyin Ayan, (1993): “Cevrî İbrâhîm Çelebi”, *Türkiye Diyanet Vakfı İslam Ansiklopedisi*, Cilt: 7, İstanbul: 460.

¹⁵ Kemal Yavuz (Haz.), (1982): *Mevlana, Mesnevî-i Murâdiyye, Mu'înî Çevirisi*, Kültür ve Turizm Bakanlığı Yayınları, Ankara.

¹⁶ Şerhlerin farklı tasnifleri ve ayrıntılı bilgi için bkz.: Saraç, (2006); Ömür Ceylan, (2000): *Tasavvufî Şiir Şerhleri*, Kitabevi, İstanbul; Ozan Yılmaz, (2007): “Klâsik Şerh Edebiyatı Literatürü”, *Türkiye Araştırmaları Literatür Dergisi*, Cilt:5, Sayı:9, 271-304.

¹⁷ Saraç, (2006): 126.

yüksek tefekkürün verdiği yüksek zevke erişmek demektir. Bu büyük nimetin külfeti de büyüktür.”¹⁸

Kanatimizce bu zorluğu aşmadaki en büyük yardımcılardan biri *şerh külliyyatı* diyebileceğimiz klasik metin şerhleridir. Zira metin şerhleri, edebî metinlerin yazıldıkları devirde veya sonraki devirlerde nasıl anlaşıldığını gösteren en sağlıklı vesikalardır. Şerh metinlerini meydana getiren şârihlerin bir çoğunun şâir veya edebiyatla ilgili bulunması bu bakımdan değerlerini daha da artırmaktadır.

2. ATTÂR¹⁹ ve *PEND-NÂME’Sİ*

2.1. Attâr’ın Hayatı

İranlı mutasavvıf ve şâir Ferîdüddîn Attâr, Nişâbur’da 537-540h./1142-1145-46 yılları arasında doğmuş ve 618 h./1221 yılında yine Nişâbûr’da vefât etmiştir. Adı Ebû Hâmid Muhammed bin Ebî Bekr İbrâhîm, yahut İbnü’l-Füvâtî’ye göre Sa’d bin Yûsuf’tur.²⁰ Attâr ve *Ferîdüddîn* onun mahlaslarıdır.

Attâr’ın hayatı üzerine muteber bilgi nâdirdir. Üzerinde ittifak edilen bilgilerden biri Attâr’ın Nişâbûr’lu olduğudur. Fûrûzanfer’in kaydına göre (*Şerh-i Ahvâl*: 13.) Nâsiruddîn-i Tûsî, 612 h./1215 ila 618 h./1221 tarihleri arasında onu Nişâbur’da ziyâret ederdi. O sıralar Attâr yaşlı bir adamdı. Bu bilgi Avfî’nin Attâr’ı Selçuklu devri şâirleri bahsine almasıyla muvafıktır. Bundan dolayı 6. h./12. yüzyılın ikinci yarısı onun olgunluk devri olmuş bulunmaktadır. Attâr’ın eserlerinde kendisinin bahsettiği tek biyografik tarih *Mantıku’t-Tayr*’da eserin tamamlanış yılı olarak verdiği 573 h./1177 tarihidir. Ancak bu kat’î bir delil olarak alınamaz. Çünkü bu tarihe kaynaklık eden beyit bütün nüshalarda görülmemektedir. Attâr için üzerinde ittifak edilen bir husus da Attâr lakabını almasına sebep olan eczacılık ve tıp ile meşgul olduğudur.

Attâr’ın eğitimi konusunda eserlerinden kâfi bir kanaat elde edilemez. Olgunluk yıllarında eski Aristo mirasını nefret ve şüpheyile mütalaa ederken sadece İslâmî ilimlere, fıkıh, tefsîr ve hadîse itibâr etmiştir.

Kaynakların verdiği bilgilerden ve bazı şiirlerinden anlaşıldığına göre Attâr, küçük yaştan itibaren ve özellikle kendisini tasavvufa verdikten sonra birçok seyahatlerde bulundu. Irak, Şam, Mısır, Mekke, Medine, Hindistan ve Türkistan’a yaptığı bu seyahatlerden sonra Nişâbur’a döndü ve orada inzivaya çekildi. Uzun yıllar devam eden bu inziva hayatı sonunda

¹⁸ Ali Nihad Tarlan, (1981): *Edebiyat Meseleleri*, Ötüken Neşriyat, İstanbul: 84.

¹⁹ Attâr’ın biyografisi şu kaynaklardan alıntılanmıştır: M. Nazif Şahinoğlu, (1991): “Attâr, Ferîdüddîn”, *Türkiye Diyanet Vakfı İslâm Ansiklopedisi*, Cilt:4, İstanbul: 95-98.; B. Reinert, (1989): “Attâr, Shaikh Farîd-Al-dîn”, *Encyclopedia of Iranica*, Routledge & Kegan Paul, Cilt:3, London and New York: 20-25.

²⁰ Mustafa Rûhî Efendi de *Rûhu’s-Şurûh*’un mukaddemesinde Yûsuf ismine işâret eder. Ancak; ilgili bölümde belirteceğimiz gibi bu isim şârihin yanılmasına da sebep olmuştur. (Metin: 15.)

oldukça ileri bir yaşta iken Moğollar tarafından Nişâbur'da şehid edildi. Türbesi 891 h./1486'da Ali Şir Nevâî tarafından yaptırılmıştır.

Attâr'ın tasavvuf terbiyesini kimden aldığı, irâde hırcasını giyip giymediği kesin olarak bilinmemektedir. Babasının da şeyhi olduğu rivâyet edilen Kutbuddîn Haydar ile Rükneddîn-i Ekkâf ve Mecdüddîn El-Bağdâdî'nin müridi olduğu şüphelidir. *Esrâr-nâme*'sinin ön sözünde aşırı derecede övdüğü Ebû Saîd-i Ebu'l-Hayr'a (ö. 440 h./1049) mânen intisâb ettiğini, sahip olduğu her devleti onun ruhâniyyetinden aldığını, kendisini terbiye eden kişinin bu zat olduğunu söyler ve dolayısıyla "üveysî" olduğuna işaret eder.²¹ Bununla beraber Attâr'ın, *Mantku't-Tayr* ve *Musîbet-nâme*'de mevcut bir şeyhe bağlılığın zarureti vurguladığı da belirtilmelidir. Bu hususta muhakkak addedilmesi gereken, babası tarafından teşvik edilen Attâr'ın, çocukluğundan itibaren sûfilerle, onların sözleri ve hayat tarzlarıyla ilgilendiği ve velileri manevî kılavuzu olarak kabul ettiğidir.

Attâr kendisinden sonra yaşayan pek çok mutasavvıf-şâir ve edibe önderlik etmiştir. Bunlar arasında Mevlânâ, Mahmûd-ı Şebisterî, Sa'dî, Hâfız ve Molla Câmî sayılabilir. Özellikle Mevlânâ'nın, Attâr'ı âşıkların önderi sayması, tasavvuf yolunda kendisini küçük, onu büyük görmesi, eserlerinden büyük ölçüde faydalanması, hattâ onu rûh, Senâî'yi de rûhun "iki gözü" olarak kabul etmesi dikkat çekicidir.²² Attâr'ın bu tesiri, Mevlânâ gibi asırlar boyu devâm etmiştir. Attâr'dan takrîben dört asır sonra yaşayan Bakî'nin:

Mantk-ı Tayr okumağa başladı mürğ-i çemen

Gûşe-i gülzâr şimdi tabla-i Attârdur

beytini, yine takrîben altı asır sonra yaşamış Şeyh Gâlib'in:

Mu'attar-sâz-ı bezm-i ehl-i esrâr

Şeh-i ma'nî Ferîdüddîn-i Attâr

²¹ Mustafa Ruhî Efendi, mukaddeme kısmında, Attâr'ın manevî terbiyesini Hallâc-ı Mansûrdan almış bir "üveysî" veya Nakşibendî olabileceği ihtimallerini belirtmiştir. Attâr'ın Mevlânâ ile görüştiklerini de kaydetmektedir. Rûhî Efendi bu konuda kaynak belirtmemiştir. Benzer bilgiler Câmî'nin *Nefehât*'inde de bulunmakla birlikte, Rûhî Efendi'nin *Nefehât*'den yararlanmamış veya *Nefehât*'in verdiği tarihleri kabul etmemiş olması gerekir. Zira *Nefehât* Attâr'ın vefat tarihini 627 olarak vermekte, Rûhî Efendi ise Attâr'a isnad ettiği *Müferrih-nâme/Müferrihât*'ın te'lif tarihinin 740 olduğunu belirtmektedir Bkz: (Metin: 15-16.); Lami'î Çelebi (Çev.), (1270 h./1854): *Terceme-i Nefehâtü'l-Üns*, Matbaa-i Âmire, İstanbul: 668-669.

²² Hz. Mevlânâ'ya atfedilen bu meşhur beyt:

عطار روح بود سنائی دو چشم او

ما از پی سنائی و عطار آمدم

"Attâr ruh, Senâî onun (ruhun) iki gözü idi; biz Senâî ve Attâr'ın ardından geldik" anlamındadır. Ancak; Gölpınarlı hem bu beytin hem de yine Hz. Mevlânâ'ya atfedilen M. Ruhî Efendi'nin de naklettiği: "Attâr aşkın yedi şehrini gezdi, dolaştı; bizse henüz bir sokağın dönemecindeyiz" anlamındaki,

هفت شهر عشق را عطار کشت

ما هنوز اندر خم یک کوچه‌ایم

beytin Hz. Mevlânâ'ya ait olmadığını ileri sürmüştür. Bkz.: Abdülbaki Gölpınarlı (Çev.), (1967): *Ferideddin-i Attâr İlâhîname*, Milli Eğitim Bakanlığı Yayınları, İstanbul: IX-X.

beyitlerini misâl olarak zikredebiliriz.

Selefleri gibi Horasan üslûbunda şiir söyleyen Attâr'ın sözü akıcı ve süssüz, dili sıcak ve tatlıdır. Şiirleri aşk ve iştiyâkı dile getirir. Güç ve anlaşılmaz tarafı azdır. Eserlerinin hemen hepsini tasavvufî konuları açıklamak için yazmış, bu yolda zaman zaman lafız fesahatini manâ uğruna fedâ etmiştir. Bu tasavvufî şevk içinde şâirliğin bazı teamüllerini terk etmiş, mesela ömrünün sonuna kadar hiçbir makam ve rütbe sahibini övmemiştir.

Attâr, gazel ve mesnevîlerinde Senâî dahil bütün seleflerini geride bırakmış, bu konuda onu bazı istisnalarla yalnız Mevlânâ aşabilmiştir. Şiirlerinin çoğunluğunu teşkil eden mesnevîlerin hepsi tasavvufî ilgilidir. Bu nazım şeklindeki eserlerine bakarak onun doğuştan mesnevîci olduğu kabul edilebilir. Mesnevîlerinde şiire ve edebî sanatlara hâkim, üstün bir hikayeci olarak görünür. Şiirlerinin hepsinde insana ömrünü nasıl geçireceği konusunda etkili hatırlatmalarda bulunarak, onu fırsatı ganimet bilmeye, hayra ve Hak yoluna hizmete çağırır.

2. 2. Eserleri

Attâr üzerinde çalışan araştırmacıları meşgul eden en büyük problem ona isnad edilen tüm eserlerin, hakikatte onun kaleminden çıkıp çıkmadığı sorusudur. Eserlerinin sayısını Devletşah'ın 40, Nûrullahu't-Tüsterî'nin 114, Hidâyet'in bir eserinde 114, diğerinde 190 olarak göstermeleri tam bir mübalağa örneğidir. H. Ritter, Attâr'ın eserlerinde en az üç farklı üslûbun müşahede edilmesini, hayatı boyunca İran şâirlerinde çok ender görülen ruhî değişimler geçirmesine bağlarken Saîd-i Nefîsî, Zerrînkûb ve Fûrûzanfer bu üslûp farkının gerçekte onun olmayan eserlerin ona isnat edilmesinden kaynaklandığını, kendisinin olduğu kesin olarak bilinen eserlerinde üslûbun tek ve mükemmel olduğunu ispata çalışırlar. Bu araştırmacılara göre Attâr'ın günümüze kadar gelen ve onun olduğunda şüphe bulunmayan yedisi manzum biri mensur sekiz eseri vardır. Bunlar: *Îlâhî-nâme*, *Esrâr-name*, *Musîbet-nâme*, *Hüsrev-nâme*, *Muhtâr-nâme*, *Mantiku't-Tayr*, *Dîvân* ve *Tezkiretü'l-Evliyâ*'dır.

Pend-nâme'nin Attâr'a aidiyeti ise şüphelidir. Ancak araştırmacılar *Pend-nâme*'nin Attâr'a aidiyetini, yine Attâr'a nisbet edilen diğer bazı eserler gibi tamamen redd etmeyip ona ait olabileceğini belirtirler.²³ Müstakil bir araştırma mevzuu olabilecek bu husus asıl mevzumuz *Pend-nâme*'nin şerhi olduğundan sadece temasla iktifa ediyoruz.

2. 3. Attâr'ın *Pend-nâme*'si

²³ Reinert, (1989): 25.; A. Gölpınarlı (Çev.), (1962): *Mantık al-Tayr*, Milli Eğitim Bakanlığı Yayınları, Cilt:1, 2. baskı, İstanbul: IV-V. *Pend-nâme*'nin Attâr'a aidiyetini kabul eden veya reddeden ve bu aidiyeti şüpheli bulan araştırmacılar için bkz.: Rızâ Mustafevî Sebzvârî, (1379 h. ş./2000): "Pend-nâme-i Attâr", *Dâniş-nâme-i Cihân-ı İslâm*, Bünyâd-ı Dâ'iretü'l-Ma'ârif-i İslâmî, Cilt: 5, Tehran: 766.; Muhammed Rızâ Şefî'î Kedkenî, (1383 h.ş.): *Attâr-ı Nişâbûrî*, *Mantiku't-Tayr*, Tehran: 16-17.

Öğüt vermeyi gaye edinen, manzum veya mensur olabilen *pend-nâme* veya diğer adı ile *nasihat-nâmeler* Şark-İslâm edebiyatlarında mühim bir mevki ve yeküne sahiptir. Şerh türü eserlerin vücut ve inkişafında en mühim âmilin tefsir ilmi olduğunu yukarıda ifade etmiştik. Pend-nâme/nasihat-nâme türünün teşekkülüne sebep de insanları iyiliğe sevk etmenin veya iyilikle emretmenin dinî bir farîza olması ve “Din nasihatı” meâlindeki hadîs-i şerif ve benzeri hadîs-i şeriflerdir.²⁴

“Nasihat-nâmeler (pend-nâmeler) genelde ahlâkî-didaktik eserlerdir. İslâm toplumları teorik ahlâktan ziyade ahlâkın uygulamasına önem vermişler, dinin emir ve yasakları ile gelenek ve töre ahlâkı içinde yapılması veya yapılmaması gereken davranışları konu alan nasihatnâme türü kitapların telifi doğrultusunda gayret sarfetmişlerdir. Yazarların kendi gözlemleri, bilimsel çalışmaları ve kültürel birikimlerinin yer aldığı bu eserlerde öğüt verilirken âyet ve hadislerden, atasözleri ve vecizelerden yararlanılır, ayrıca muhtelif hikâyeler anlatılıp kıssadan hisse alınması öğütlenir.

Doğu toplumlarında, Pehlevîce’de *Pançatantra* diye bilinen fabl türü eserin İbnü’l-Mukaffâ’ tarafından *Kelîle ve Dimne* adıyla Arapça’ya tercüme edilmesinden sonra bu türün örnekleri hızla çoğalmıştır. Câhiz’e nisbet edilen *et-Tâc fî ahlâkı’l-mulûk* bunların önemli bir örneğidir. Yûsuf Has Hâcib’in *Kutadgu Bilig*’i, Nizâmülmülk’ün *Siyâset-nâme*’si bu tür nasihatnâmelerin en olgun örneklerinden sayılır. Nasihat-nâmelerin İslâm kültür coğrafyasındaki en meşhur örneği ise Ferîdüddin Attâr’a nisbet edilen *Pend-nâme*’dir”²⁵

Pend-nâme kazandığı bu şöhret ile nasihat-nâme/pend-nâme türü eserlerin umumî adı olmuş, kendisinden sonra bu vadiye farklı sanatkârlar tarafından yazılan birçok eser *pend-nâme* ismi ile anılmıştır.

Pend-nâme, en çok Osmanlı kültür sahasında okunmuş ve tanınmıştır. Hattâ Osmanlı medreselerinde ders kitabı olarak da okutulmuştur.²⁶

Pend-nâme 1809’da Londra’da, 1819’da Paris’de yayınlanmış; Türkçe’den başka Fransızca, Almanca, İngilizce, İsveççe, Latince, Hintçe ve Arapça’ya da tercüme edilmiştir.²⁷

“İslâmî ve tasavvufî bir görüşe dayanan pratik ahlâk kurallarını, insanlık duygularını beşerî faziletlerle muaşeret usullerini, hattâ en basit yaşayış tarzlarını kuvvetli ve âhenkli bir mesnevî kalıbı içinde vecizelendiren bu küçük eser, kendi nev’inden en mükemmel bir örnektir. Çok itinalı bir şekil ve üslûp nizamı altında

²⁴ İyiliği tavsiyenin dini önemi için bkz.: Mustafa Çağrıçı, (1995): “Emir bi’l-ma’rûf nehiy ani’l-münker”, *Türkiye Diyanet Vakfı İslâm Ansiklopedisi*, Cilt: 11, İstanbul: 138-141.

²⁵ İskender Pala, (2006): “Nasihatnâme”, *Türkiye Diyanet Vakfı İslâm Ansiklopedisi*, Cilt: 32, İstanbul: 409. Ayrıca Türk Edebiyatında Manzum nasihat-nâmeler için bkz.: Mahmut Kaplan, (2002): “Türk Edebiyatında Manzum Nasihat-nâmeler”, *Türkler*, Yeni Türkiye Yay., Cilt: 11, Ankara: 791-799.

²⁶ Hellmut Ritter, (1979): “Attâr”, *İslâm Ansiklopedisi*, Millî Eğitim Bakanlığı, Cilt:2, İstanbul:10.; Azmi Bilgin (Haz.), (1998): *Terceme-i Pendnâme-i Attâr*, Emre, Enderun Kitabevi, İstanbul: 15.

²⁷ Ritter, (1979): 12.; Sebzîvârî, (1379 h.ş./2000): 766-767.

yazılmış olan *Pend-nâme* bize sekiz asır önce Şark-İslâm klâsiklerinin şekil ve öz bakımından eriştiği merhaleyi de aydınlatmaktadır.

Pend-nâme, genel bir bakışla İslâmî bir temele dayanan ahlâk ve âdap kaidelerini kısa formüller halinde gençliğe aşılama maksadıyla yazılmış didaktik bir eserdir. Ancak içinde her seviyeye hitap eden müsbet ve kuvvetli fikirlerin de serpiştirilmiş olmasına göre uzun bir tecrübenin derin ve ihatalı bir bilginin rehberliğiyle pratik hayatta bahtiyar geçinmenin sırlarını da öğretmektedir.”²⁸

Pend-nâme’de verilmek istenen öğütler, diğer bir çok nasihat-nâme ve mesnevîde görüldüğü gibi kısa veya küçük hikâyeler vasıtası ile değil direkt olarak verilir.

Nazım şekli mesnevî olan *Pend-nâme*, arûzun *fâ’ilâtün/fâ’ilâtün/fâ’ilün* vezni ile kaleme alınmıştır. Beyit sayısı ve konu başlıkları nüshalara göre bir hayli farklılık arz etmektedir. Bu durumu M. Nuri Gençosman şu şekilde izah etmektedir ki biz de bu görüşe katılıyoruz:

“*Pend-nâme*’de fasıl başlarına konulan serlevhaların mânaya fazla tesir etmeyen bazı değişiklikler göstermesine ve bunların konuya tamamiyle uygun düşmemesine bakılırsa bu serlevhaların ya eserin aslında hiç bulunmadığı yahut ta sonradan gelişigüzel konuldukları hususunda şüphe edilebilir. Sonra eserde genel bir fikir topluluğu hâkim bulunduğu halde bir kısım mesnevîler de hemen ufak bir fark ile birkaç fasılda tekrarlanmaktadır.”²⁹

Tabiidir ki bu durum yapılan tercüme ve şerhlerinin dayandığı *Pend-nâme* metinlerinin -en azından başlıklar ve beyit sayıları bakımından- farklılık arz etmelerine sebep olmaktadır.

Mustafa Rûhî Efendi’nin şerhine nazaran *Pend-nâme*’nin beyit sayısı 868’dir. Bu rakama şârihin nüsha farklarından dolayı ilâve ettiği beyitler de dahildir. Yine şârih tarafından, metin içerisinde 12 mısra nüsha farkından dolayı ayrıca verilmiştir.

Yine söz konusu şerhe nazaran *Pend-nâme*’nin konu başlıkları şunlardır:

1. Hamd ve senâ³⁰ (Metin: 17.)
2. Na’t-ı Pâk-i Fahr-i Cümle-i Kâ’inât (Metin: 71.)
3. Der-Beyân-ı Menâkıb-ı E’imme-i Dîn rahimehümu’llâh (Metin: 98.)
4. Münâcât (Metin: 111.)
5. Der-Nekûhiş-i Nefs-i Emmâre (Metin: 120.)
6. Der-Fevâ’id-i Hâmûşî (Metin: 138.)
7. Der-Beyân-ı İhlâs Der-A’mâl (Metin: 150.)
8. Der-Beyân-ı Ahlâk-ı Hamîde (Metin: 167.)
9. Der-Beyân-ı Çâr Çîz Ki Der-Hatarest (Metin: 177.)

²⁸ M. Nuri Gençosman (çev.), (1992): *Pendname, Feridüddin-i Attâr*, Milli Eğitim Bakanlığı Yay., 2. baskı, İstanbul: VI.

²⁹ Gençosman, (1992): VII-VIII.

³⁰ Metnin aslında bu kısmın başlığı bulunmayıp, konusu itibarıyla tarafımızca eklenmiştir.

10. Der-Alâmet-i Nîk-Bahtî (Metin: 191.)
11. Der-Beyân-ı Esbâb-ı Âfiyet (Metin: 205.)
12. Der-Sıfat-ı Dervîş ü Hubb-ı Dervîşân (Metin: 234.)
13. Der-Sıfat-ı Bed-Bahtî (Metin: 248.)
14. Der-Sıfat-ı Riyâzat (Metin: 256.)
15. Der-Beyân-ı Mücâhede-i Nefs (Metin: 263.)
16. Der-Beyân-ı Sabr Ber-Fakr u Fâka (Metin: 270.)
17. Der-Beyân-ı Hisâl-i Zemîme (Metin: 295.)
18. Der-Beyân-ı Alâmet-i Müdbirî (Metin: 300.)
19. Der-Beyân-ı Düşmân-râ Hor Ne-Bâyed Dâşt (Metin: 308.)
20. Der-Beyân-ı Fûrû Horden-i Hışm u Gadab ve Ânçi Ez'o Rûsvâyî Hîzed (Metin: 316.)
21. Der-Beyân-ı Çâr Çîz Ki Bekâ Ne-Dâred (Metin: 322.)
22. Der-Vasf-ı Çâr Çîz Ki Ez-Çâr-ı Diğer Tamâm Mî-Şeved (Metin: 329.)
23. Der-Beyân-ı Ân Ki Ba'd-Ez-Reften Bâz Gerdânîdeneş Muhâlest (Metin: 335.)
24. Der-Sıfat-ı Hâmûşî (Metin: 341.)
25. Der-Beyân-ı Çend Ahlâk Ki Çend-i Diğerân Ez'o Hâsıl Şeved (Metin: 349.)
26. Der-Beyân-ı Terk-i Zînet-i Zâhir (Metin: 353.)
27. Der-Beyân-ı Eblehân (Metin: 367.)
28. Der-Beyân-ı Terk-i Dünyâ ve Der-Beyân-ı Âfiyet Ez-Belâ (Metin: 370.)
29. Der-Sitâyîş-i Akl u İrfân (Metin: 378.)
30. Der-Beyân-ı Restgârî (Metin: 383.)
31. Der-Beyân-ı Zîkr-i Hakk (Metin: 390.)
32. Der-Beyân-ı Düşmen Dâştan ü Vâm Kerden (Metin: 400.)
33. Der-Sıfat-ı Zenân u Sıbyân Mî-Gûyed (Metin: 402.)
34. Der-Beyân-ı Hakk-ı Vâlideyn ve Farz Be-Cây Âverden (Metin: 405.)
35. Der-Tezâyüd-i Ömr Mî-Gûyed (Metin: 407.)
36. Der-Beyân-ı Sebeb-i Noksân-ı Ömr (Metin: 409.)
37. Der-Beyân-ı Şe'âmet-i Durûg u Hisâl-i Bî-Fürûg (Metin: 412.)
38. Der-Beyân-ı Alâmet-i İmân (Metin: 415.)
39. Der-Beyân-ı Ân Ki Âb-rû Ez-Ân Bi-Yefzâyed (Metin: 419.)
40. Der-Beyân-ı Nişân-ı Eblehân Mî-Gûyed (Metin: 428.)
41. Der-Beyân-ı Zindegânî (Metin: 428.)
42. Der-İhtirâz-ı Düşmen ü Nâ-dân-Dost (Metin: 435.)
43. Der-Beyân-ı Çîzhâ Ki Ez-Îşân Hârî Peydâ Şeved (Metin: 438.)
44. Der-Beyân-ı Çîzhâ Ki Der-Cihân Be-Kâr Âyed (Metin: 443.)

45. Der-Beyân-ı Çîzî Ki Bâyed Şinîd (Metin: 448.)
46. Der-Beyân-ı Ehl-i Sa'âdet (Metin: 449.)
47. Der-Beyân-ı Restgârî (Metin: 451.)
48. Der-Sıfat-ı Sıdk u Emânet (Metin: 454.)
49. Der-Sıfat-ı Terk-i Hışm u Kahr (Metin: 456.)
50. Der-Beyân-ı Makbûlân-ı Cihân u Bî-Vefâ-yı Zamân (Metin: 459.)
51. Der-Sıfat-ı Ma'rifet (Metin: 460.)
52. Der-Sıfat-ı Vera' (Metin: 466.)
53. Der-Sıfat-ı Hizmet (Metin: 469.)
54. Der-Beyân-ı Ta'zîm-i Mihmân (Metin: 471.)
55. Der-Alâmethâ-yı Gûl u Eblehân u Ahmakân (Metin: 476.)
56. Der-Sıfat-ı Fâsık (Metin: 479.)
57. Der-Sıfat-ı Şakî (Metin: 479.)
58. Der-Beyân-ı Bahîl (Metin: 481.)
59. Der-Beyân-ı Hâcet Hâsten (Metin: 482.)
60. Der-Sıfat-ı Kanâat (Metin: 483.)
61. Der-Beyân-ı Sehâ (Metin: 491.)
62. Der-Beyân-ı Fi'l-i Şeytânî (Metin: 493.)
63. Der-Sıfat-ı Münâfık (Metin: 494.)
64. Der-Sıfat-ı Takvâ'-i Müttakî (Metin: 495.)
65. Der-Beyân-ı Şükr-i Ni'met ve Ehl-i Cennet (Metin: 496.)
66. Der-Fazîlet-i Sadaka Mî-Gûyed (Metin: 497.)
67. Der-Beyân-ı Nasâyıh (Metin: 500.)
68. Der-Beyân-ı Fevâ'id Mî-Gûyed (Metin: 509.)
69. Der-Beyân-ı Tecrîd ü Tefrîd (Metin: 511.)
70. Der-Beyân-ı Ân Ki Dostî-râ Ne-Şâyed (Metin: 517.)
71. Der-Beyân-ı Sıla-i Rahm Mî-Gûyed (Metin: 521.)
72. Der-Beyân-ı Fütüvvet (Metin: 523.)
73. Der-Beyân-ı Fakr Mî-Gûyed (Metin: 526.)
74. Der-Beyân-ı İntibâh Ez-Gaflet (Metin: 527.)

Söz konusu bu başlıklar, diğer *Pend-nâme* nüshalarındaki başlıklar ile karşılaştırıldıklarında farklı oldukları görülecektir. Bu durum, yukarıda bahsi geçen sonradan ilâve edilmiş olma şüphesini doğrular niteliktedir.³¹

³¹ Basit bir karşılaştırma için bkz.: Bilgin, (1998): 21-24.; Şeyh İsmâîl Hakkı, (1287 h./1870): *Şerh-i Pend-i Attâr*, Matbaa-i Muhib, İstanbul: Fihrist-i Pend.

2. 4. *Pend-nâme*'nin Türkçe Tercüme ve Şerhleri

Pend-nâme 'nin tercümelerinden bazıları şunlardır:

- XV. yüzyıl şâirlerinden Sabâyî'nin *Sırât-ı Müstakîm* adlı manzum tercümesi.³²
- Edirneli Nazmî'nin manzum tercümesi.³³
- Zaîfî'nin *Kitâb-ı Bostân-ı Nasâyih* adlı manzum tercümesi.³⁴
- Emre'nin manzum tercümesi.³⁵
- M. Nuri Gençosman'ın mensur tercümesi.³⁶
- Ahmet Metin Şahin'in manzum tercümesi.³⁷

Ayrıca *Osmanlı Müellifleri*'nde Livâî'ye ait bir tercüme olduğu bildirilmektedir.³⁸

Pend-nâme'nin tespit edebildiğimiz Türkçe şerhleri ise şunlardır:

- Ömer bin Hüseyin'in *Şerh-i Pend-i Attâr*'ı.
- İsmâil Hakkı Bursevî'nin *Şerh-i Pend-i Attâr*'ı.³⁹
- Şem'î Şem'ullâh Prizrenî'nin *Saâdet-nâme*'si.⁴⁰
- *Şerh-i Nazm-ı Miftâh-ı Pend-i Attâr*
- Mehmed Murâd el-Nakşibendî'nin *Mâ-hazar*'ı.⁴¹
- Vak'anüvîs Abdurrahman Abdî Paşa'nın *Müfid*'i.
- Hulûsî'nin *Vesiletü'l-Merâm*'ı.
- Mustafa Refî'a'nın *Berg-i Dervîşân*'ı.⁴²
- Nailî Sâlih Efendi'nin *Kenz-i Nasâyih*'ı.⁴³
- Hasan Şu'urî'nin *Şerh-i Pend-nâme-i Attâr*'ı.⁴⁴

³² Kadir Atlansoy, (1987): *Sabâyî, Sırât-ı Müstakîm, İnceleme-Metin*, Yüksek Lisans Tezi, Uludağ Üniversitesi, Dan.: Yrd. Doç. Dr. Mustafa Kara

³³ Hasibe Mazıoğlu, (1977): "Edirneli Nazmî'nin Pend-i Attâr Tercümesi", *Ankara Üniversitesi Dil Tarih Coğrafya Fakültesi Türkoloji Dergisi*, Cilt: VII, Ankara: 47-53. Ancak M. Fatih Köksal söz konusu Nazmî'nin "Edirneli Nazmî" olduğu hususuna ihtiyatla yaklaşmak gerektiğini haklı sebepler ileri sürerek açıklamıştır. Bkz.: M. Fatih Köksal, (2001): *Mecma'ü'n-Nezâ'ir (İnceleme-Tenkitli Metin)*, Doktora Tezi, Hacettepe Üniversitesi, Dan.: Doç Dr. Osman Horata: 108-109.

³⁴ Ümit Tokatlı (Haz.), (1996): *Pîr Mehmed b. Evrenos b. Nureddin Za'îfî- Kitâb-ı Bostân-ı Nasâyih*, Erciyes Üniversitesi Yay., Kayseri.

³⁵ Bilgin, (1998).

³⁶ Gençosman, (1992).

³⁷ Ahmet Metin Şahin (Çev.), (2006): *Pendnâme (Öğütler)*, Yağmur Yayınları, İstanbul.

³⁸ Cemal Kurnaz-Mustafa Tatçı (Haz.), (2000): *Bursalı Mehmed Tahir, Osmanlı Müellifleri I-II-III*, Bizim Büro Yayınları, Cilt: II, Ankara: 405.

³⁹ Rafiye Duru, (1998): *Bursalı İsmâil Hakkı'nın Şerh-i Pend-i Attâr'ı*, Yüksek Lisans Tezi, Ege Üniversitesi, Dan.: Prof. Dr. Tunca Kortantamer.

⁴⁰ Şükrü Akkoyun, (1999): *Şem'î: Saâdetnâme, Giriş-Metin* Yüksek Lisans Tezi, Uludağ Üniversitesi, Dan.: Yard. Doç. Dr. Kadir Atlansoy; Sevgi Elif Keyik, (2001): *XVI. Yüzyıl Sanatçılarından Şem'î'nin Şerh-i Pendnâmesi*, Yüksek Lisans Tezi, Ege Üniversitesi, Dan.: Prof. Dr. Tunca Kortantamer; Nazlı Şenel, (2004): *Attâr'ın Pendnâmesi'nin Türkçe Şerhi*, Yüksek Lisans Tezi, Kocaeli Üniversitesi, Dan.: Prof. Dr. A. Naci Tokmak.

⁴¹ Mehmed Murâd el-Nakşibendî, (1252 h./1836): *Mâ-hazar, Pend-nâme-i Attâr Şerhi*, Matbaa-i Uhuvvet, İstanbul.

⁴² Buraya kadarki şerhlerin yazma nüshaları ve bulundukları kütüphaneler için bkz.: Yılmaz, (2007): 284-285.

⁴³ Sâlih Nailî , (1294 h./1877): *Pend-i Attâr Şerhi Kenz-i Nasâyih*, Bulak Matbaası, Kahire.

- *Kenzü'l-Fevâ'id ve Hulâsatü'l-Kavâ'id*.⁴⁵

- Söz konusu tezimiz Mustafa Rûhî Efendi'nin *Rûhu's-Şurûh*'u.

Yine *Osmanlı Müellifleri*'nde İsmet Süleymân ve İsmâil Müfid Efendi'nin birer *Pend-nâme* şerhi olduğu bildirilmektedir.⁴⁶

3. KİLİSLİ MUSTAFA RUHÎ EFENDİ

3. 1. Mustafa Rûhî Efendi'nin Hayatı ve Eserleri⁴⁷

“*Kilisli Rûhî* namı bugün bile her Kilisli'nin hürmetle hafızasında yerleşmiş büyük bir isimdir. Bu zatın yaşadığı zamana ait ve kendisinin hususî hayatına müteallik menkabeler, fıkralar hâlâ münevver zümrenin edebî mübâheselerine zemin teşkil eder. Rûhî Efendi, Kiliste yetişen şâirlerin başçılı bulunuyor.

Şâir olduğu kadar ve belki daha fazla bir ilim adamı olan Rûhî'nin şâirlikte büyük bir şöhrat kazanması, muhitine ve zamanına göre iyi bir edip tanınmasından ileri gelmiştir. Mustafa Rûhî Efendi, Çelebizâdeler'dendir. 1133 (1720/21) tarihinde doğmuştur. Çekmeczâde'den ikmâl-i tahsil ederek icâzetnâme almıştır. Bundan sonra *Güllü Câmi* Medresesinde ders okutmağa başlamış, halkın irfanına mühim hizmetler etmiştir. Rûhî Türk, Arap ve Fars lisanlarının edebiyatına vâkıf ve bu üç lisanda şiir söylemeğe muktedir idi. Divan Edebiyatını örnek ittihaz ederek yazdığı eş'arı içinde hakîmâne ve Fuzûliyâne parçalar vardır.

Mûmâileyh uzun seneler te'lifât ile de iştigâl ederek bazı eserler vücuda getirmiştir. Te'lifâtından elde mevcut olanlar; *Rûhu's-Şurûh*, *Dîvân*, *Ta'bîr-nâme*, *İnşâ* ve *Kur'ân-ı Kerîm Havâssı* namındaki eserlerden ibarettir.⁴⁸ *Rûhu's-Şurûh* adlı eser Farsça *Pend-i Attâr*'ın mufasssal şerhidir. 1181(1767/68) tarihinde te'lif etmiştir. İhtivâ ettiği mütenevvi' malumat dolayısıyla zamanının *Muhîtü'l-Ma'ârif*'i denmeğe lâyıktır. Bu eserini Rûhî çok severdi. Bir aralık Şam'da bulunduğu sırada zuhur eden bir harîkta

⁴⁴ Hellmut Ritter, (1961): “Plogika XVI.”, *Oriens*, Cilt: 13-14, Leiden: 234-235.

⁴⁵ Ritter, (1961): 236-237.

⁴⁶ Kurnaz-Tatçı (2000): 304 ve 243.

⁴⁷ Mustafa Rûhî Efendi'nin biyografisi ile ilgili elimizdeki en önemli kaynak Prof. Dr. Faruk Kadri Timurtaş'ın babası Avukat Kadri Timurtaş'ın *Kilis Tarihi* isimli eseridir. Ulaşabildiğimiz diğer iki kaynak da Rûhî Efendi'nin biyografisini *Kilis Tarihi*'nden aktarmışlardır. Rûhî Efendi her ne kadar *Rûhu's-Şurûh*'un “sebeb-i te'lif” kısmında hayatına dâir bazı ipuçları veriyor ise de bunlar biyografik malumat olmaktan ziyâde çektiği sıkıntıları anlatmak için söylenmiş san'atlı sözlerdir. Bu sebeple Rûhî Efendi'nin biyografisini, günümüz imlâsına uygun şekilde *Kilis Tarihi*'nden aynen aktarmayı uygun gördük. Bkz.: Kilisli Kadri, (1932): *Kilis Tarihi*, Yay.: Kilis Cumhuriyet Kütüphanesi Sahibi Osman Vehbi, Burhaneddin Matbaası, İstanbul: 150-155.

⁴⁸ Kilisli şâir ve araştırmacı Hasan Şahmaranoğlu, Rûhî Efendi'ye ait *Dîvân*'ın “Süleymaniye Kütüphanesi Yazma Eserler Bölümü(?) 536 numarada kayıtlı”; *Ta'bîr-nâme*, *İnşâ* ve *Kur'ân-ı Kerîm Havâssı* isimli eserlerin ise “Kilis Kütüphanesinde iken Konya Kütüphanesi Kilis Bölümü'ne nakledildiğini” belirtmiştir. Bkz.: Hasan Şahmaranoğlu, (2003): *Kilis'in Ünlüleri*, Kent Ofset, Kilis: 91-92. Yaptığımız araştırmada Süleymaniye Kütüphanesi Hüsrev Paşa bölümü 536 no. kayıtlı 151 varaklık eksik bir divan tespit ettik. Rûhî mahlaslı bir şaire ait gazellerin bulunduğu bu yazmanın Kilisli Mustafa Rûhî Efendi'ye ait olup olmadığı hususu tetkika muhtaçtır. Konya Kütüphanesi'nde ise adı geçen diğer kitaplara ait herhangi bir kayda rastlayamadık.

bir takım eşyâsı ve o meyanda *Rûhu's-Şurûh*'u ziyaa uğramış idi. Bundan son derece müteessir olan Rûhî; '*Aramam mâl ü menâl Rûh-ı Şurûh'um yitti*' mısraıyla başlayan meşhur kasidesiyle valiye mürâcaat ederek kitabını bulmağa muvaffak olmuştur.

Dîvân, mûmâileyhin manzum eserlerini ihtiva etmektedir. Mündericâtı edebiyattaki iktidarının parlak delilidir. *Kur'ân-ı Kerîm Havâssı*, Rûhî'nin manyetizmde de mahâret ve ihtisas sahibi olduğuna delâlet ediyor. Bu eserlerin hiçbirisi matbu değildir. Yazma nüshaları ahfâdı nezdindedir.

Rûhî, zamanında pek revaçta olan remil ilminde de ihtisas sahibi idi. Bu husustaki şöhreti şu fıkra ile daha iyi anlaşılmaktadır:

Bağdad taraflarında remil ilmine merakı olan bir zat, şöhretini işittiği Rûhî'yi görmek ve kendisinden remil ilmini daha tam bir şekilde öğrenmek arzusu ile Kilis'e kadar gelir. Remil ata Rûhî'nin hanesini bulur; kapıyı çalar. İçeriden kimi istediği sorulunca, Rûhî Efendi'yi istediğini söyler. Rûhî kapıya çıkarak sorar:

- Ne istiyorsunuz?

- Sizin şöhretinizi işittim. Bağdad'dan beri remil tahsil etmeğe geliyorum.

Biraz remil bilirim. Hattâ evinizi de remil atarak buldum.

Rûhî o adama iyi bir tokat aşkettikten sonra şu cevabı verir:

- Madem ki benim evimi bulabilecek kadar remil biliyor idin. Sana remil öğretip öğretmeyeceğimi remil atarak anlamalı da ona göre buraya gelmeli idin. Bu noktayı anlamadan kalkıp Bağdad'dan beri buraya kadar geldiğin cihetle dayaa müstehaksın!

Rûhî'nin edebî şöhreti kendisine başka memleketlerden de bir çok dostlar kazandırmış idi. Her taraftan bir çok şâirler kendisini ziyarete gelirlerdi. Hattâ İstanbullu şâir Zâtî⁴⁹ de mûmâileyhin gıyâben tanışıp seviştiği ve mektuplaştığı dostlarından idi. Bunlar birbiriyle gıyâben muhabere ve hattâ müşâare ederler, edebî latîfeler yaparlardı. Bir gün Zâtî Efendi haber vermeksizin Rûhî'yi ziyâret için Kilis'e kadar gelir. Rûhî'nin evini arayıp bulur. Rûhî'ye mülâkî olunca hüviyetini bildirmeden hemen şu sûretle söze başlar:

- Efendim! der: Sizi görmeğe gelirken yolda bir köpek ölüsü gördüm; rûhi g...den çıkmış idi.

Rûhî, misafirin Zâtî Efendi olduğunu bu sözlerinden anlayarak hemen hürmet ve ikramla içeriye alır. Oturup sohbet ederler. Fakat Rûhî, Zâtî Efendi'nin şu latîfesine bir mukâbelede bulunmak cihetini ihmal etmez. Akşam yemeğinden sonra oturup konuştukları sırada içeriye açık meşrep bir kadın girer. Zâtî Efendiye hitâben:

- Efendim bir şüphem var, halleder misiniz? (Eliyle âlet-i tenâsüliyesinin üzerine vurarak) Şu a'râzî midir zâtî midir?

Zâtî Efendi Rûhî'nin mukâbelesini derhal çakmış ve:

⁴⁹ Kadri Timurtaş söz konusu şâir hakkında bilgi vermemiştir. Rûhî Efendi'nin çağdaşı, Zâtî mahlaslı bu şâir bizce de meçhuldür.

- Zâtîdir kadın zâtî!

cevabı ile meclisin kahkahalarını celbetmiştir.

Rûhî Efendi'nin buna benzer edebî mülâtefeleri çoktur. Edebî hayatında latîfeyi, cinaslı ve nekrelî sözleri pek severdi. Fakat hususî hayatında felekten çok şikâyet eder, liyâkatsiz câhillerin mevki'â geçmesine pek kızardı. Âtîdeki kıt'a bu yoldaki şikâyetlerinden birisidir:

Ey felek lutfun eğer câhil ü nâdâna ise
Ben dahi tâ o kadar âlim ü dâna değilim
Echelin dünü denîyim bana da bir nazar et
Ehl-i fazl anladın ise beni hâşâ değilim

Rûhî'nin zamanında meşhur Daldabanoğlu Mehmet Paşa Kilis müsellimi bulunuyordu. Onun ef'âl ve harekâtından herkesten fazla Rûhî müteessir oluyordu. Mehmet Paşa'nın mutemedi Kôr Bilâl ile beraber Ayıntab hadisesinde katledilmesi üzerine Rûhî uzun boylu bir tarih manzumesi yazmıştır. Şu bir kaç beyit o manzûmenin mukaddimesinden alındı:

Şâh olursan fi'l-mesel ey dil bu heft(-i) kişvere
Gırre olma devlet-i dünyâ-yı dîn u pür-şere
Adları Şehnâmelerde yâd olan şehir hani
Feth-i gûş et kıssa-i Dârâ ile İskender'e
Saltanat da'vâsı ile cân veren cânîlerin
Gittiler, da'vâlarının kaldı faslı mahşere
Âkıbet bâlîn-i kabre baş koyan sultanların
Zahmeti değmez safâ-yı tahta, tâc u efsere
Mâlına mağrûr olan makhûr olur encâm-ı kâr
Görmedin mi mâl ile hasfoldu Kârun zerlere

Rûhî, ilim ve edebiyat cihetiyle parlak ve hürmetli bir hayat yaşadıktan sonra 1212(1797/98) tarihinde vefat etti. Vefâtına Hâkî-i Kadîm tarafından söylenilmiş olan aşağıdaki tarih manzumesi hâlâ mezar taşında okunmaktadır:

Âb-ı rûy-ı ser-fîrâz-ı şu'arâ
Ya'ni Hâcî Rûhî tâb-ı râyiha (?)
İlmini fazlını beyândan âciz
Olsa hep hâme-i âlem mâdiha
Hükm-i Hâlıkla meşâm-ı cânı
Aldı ezhâr-ı ecelden râyiha
Yâ İlâhî! Fazl u lutfunla ola
Keff-i Mîzânı sevâbı râciha
Hâkî târîhin de rızâ'en li'llâh
Rûhî Efendi cânı için fâtiha

Rûhî'nin gazellerinden bir tanesini örnek olmak üzere âtiye dercediyorum:

Âsiyâb-ı dehr-i dûn eyyâma etmez ilticâ
 Hâsılı devr-i felek dölâba etmez ilticâ
 Bîm-i seng-i hâdisât ile humârın fikr eden
 Şîşe-i bezm ü şarâb-ı nâba etmez ilticâ
 Âsitân-ı Ka'be-i aşkın gedâsı kâm için
 Arz-ı hâcâtında gayrı bâba etmez ilticâ
 Giryeden vakt-i ferâğı bulmayan üftâdenin
 Dîdesi şâm u seherde hâba etmez ilticâ
 Rûhiyâ bâlâ-nişîn-i evc-i istiğnâ olan
 Kâse-i hurşîd-i âlem-tâba etmez ilticâ”

Kadri Timurtaş'ın verdiği bu bilgilere ilâveten İbrahim Hakkı Konyalı, Rûhî Efendi'ye ait bir tarih manzumesini ve yine Kadri Timurtaş tarafından beş beyti verilen, yukarıya derc ettiğimiz manzumenin tamamını nakletmiştir ki bunlar şu şekildedir:

“Hamam Şeyhler Mahallesi'ndedir. Kapısının üstündeki mermer taşta dört satır hâlinde şu kitabeyi okuduk:

زهی دولتو پاشای مکرم دالطبان زاده
 بو جای دلکشاده بویله بر حمام ایدوب انشا
 یکی حمام پاشا ایله آکا نام و نشان ویردی
 او نام شان عالی میر میران کلیس حالا
 بو آب و تاب ایله حمام اقبالی آنک یا رب
 همیشه ایشلسن بختی کبی با همت والا
 انشا ایلر ایکن روحیا هاتف دیدی تاریخ
 بو حمامی تمام سعی ایله بنیاد ایلدی پاشا

Satırların arasına 1200 tarihi de kazılmıştır. Şâir Rûhî'nin hazırladığı bu tarih manzumesinin son mısraı ebced hesabına vurulunca 1200 tarihi çıkar ki kitâbeye göre bu hamamı Kilis mîr-i mîrânı Daltabanzâde Paşa yaptırmıştır. Adına da Yeni Paşa Hamamı denilmiştir. Kitâbede Paşa'nın adı yazılmamıştır. Bu Daltabanzâde Mehmet Paşa'dır. Kitâbe yeni harflerle şöyle yazılır:

Zehî devletlu pâşa-yı mükerrem Daltabanzâde
 Bu cây-i dil-küşâda böyle bir hammâm idüp inşâ
 Yeni Hammâm paşa ile ana nâm ü nişân verdi
 O nâm-ı şân-i âlî mîr-i mîrân-ı Kilis hâlâ

Bu âb u tâb⁵⁰ ile hammâm-i ikbâli anın yâ Rab
 Hemîşe işlesün bahtı gibi bâ-himmet-i vâlâ
 İn(i)şâ eyler iken Rûhiyâ hâtif dedi târîh
 Bu hammâmı temâm sa'y ile bünyâd eyledi pâşâ

1200

Hamamın ilk adı Yeni Paşa Hamamı idi, sonra Daltabanzâde Hamamı denir olmuştu. Şimdi yaşayan adı Tuğlu Hamam'dır."⁵¹

“Şâir Rûhî Efendi, Daltaban Paşa'nın zulümlerini ve Anteb hareketini 92 beyitli bir manzumesiyle bize bırakmıştır. Rûhî Efendi *İbretnümâ* adlı manzumesini şu beyitle bitirmiştir:

Şükr kim oldu vücûdu nâ-yâb
 Daltaban cîfesine kondu gurâb

1203

Halbuki Rûhî Efendi, Daltabanzâde'nin üç sene evvel yaptırdığı hamamı hakkında tarih manzumesinde Paşa'yı 'adı, şanı yüce Kilis mîr-i mîrânı, büyük himmetli' vasıflarıyla anıyor. Hamamının da kendi yüce bahtı gibi işlek olmasını diliyordu. Şâirin üç sene gibi az bir zamanda kanaat değiştirmesi halkın başa kakma korkusundan olduğu sanılır.

İbretnümâ'da Anteb hadisesinin ve Daltaban'ın öldürülmesinin 1203 h.'de olduğu yazıldığı halde Kilis Tarihi sahibinin bunu 1209 h. gibi göstermesinde bir zuhul olması lazımdır.

Rûhî Efendi'nin *İbretnümâ*'sını aynen buraya koyuyoruz:

TÂRÎH-İ İBRET-NÜMÂ

Şâh olursan fi'l-mesel ey dil bu heft(-i) kişvere
 Gırre olma devlet-i dünyâ-yı dîn-i pür-şere
 Ser-te-ser ibret gözüyle bak bu mülk-i âleme
 Mâlik ü hâliklerin fikreyle hâlin bir kere
 Adları Şeh-nâmelerde yâd olan şâhlar hani?
 Feth-i gûş et kıssa-i Dârâ ile İskender'e
 Tâk-ı evvânında eller yetmeyen Kisrâların
 Kasredip ömrün felek döndürdü rûz-i Kaysere
 Saltanat da'vâsı ile cân veren hanlar hani?
 Gittiler da'vâlarının faslı kaldı mahşere
 Nice Şeddâdî binâ bünyâd eden zâlimlerin
 Yıktı evin rûzigâr uğrattı bâd-ı sarsare

⁵⁰ Burası yeni harflere aktarımda “ab-ı nâbı” şeklinde çıkmıştır. Konyalı orijinal metni verirken “âb u tâb” şeklinde verdiğine göre dizgi hatası olmalıdır.

⁵¹ İbrahim Hakkı Konyalı, (1968): *Abideleri ve Kitabeleri ile Kilis Tarihi*, Fatih Matbaası, İstanbul: 557-558.

Nice bin mîr ü vezîrin rahtlerin ba'del-vefât
 Verdiler sûk-ı fenâda kal' için zergerlere
 Âkıbet bâlîn-i kabre baş koyan sultanların
 Zahmi değmez ol safâ-yı izz ü tâc-ı efsere
 Mâlına mağrûr olan mahkûr olur encâm-ı kâr
 Görmedin mi mâl ile hasfoldu Kârûn yerlere
 Ârzû-yı nefsine esb-i hevâ ile binen
 Yorulur yolda erişmez kûy-ı aşk-ı Kanber'e
 Zulm ile çok sîm ü zer cem' eyleyen ehl-i tama'
 Kor gider çok sevdiği mâlın adû-yı ekbere
 Nitekim Killîs ile A'zâz'e ibn-i Daldaban
 Vaz'-ı engüş-i hükûmet eyledikde yek-sere
 Kendüden evvel geçen zâlimlerin îrâdına
 Kâni' olmayup tama' zehriyle döndü ejdere
 Kürt Türkmân ü Arab Rişvân-ı Antâb ü Haleb
 Mâlların def'atle gasbedip satardı âhare
 Akla fikre gelmeyen bid'atleri ihdâs edip
 Haddeden çekti elin mâlın misâl-i cendere
 Vârisi mevcûd olan mevtâların mâlın tamam
 Zaptedip eytâmın el bastırdı yalın yerlere
 Sâliyân vaz' etti emlâke hilâf-ı âde hem
 Nice sâhib-mülkü sâ'ilveş düşürdü derlere
 Harmanı sâlyânesine yetmeyen çok ehl-i zer'
 Devredip tâlib arardı bey'-i beglî cercere
 İşbu etrâfın hubûbâtın tamâmen zaptedip
 Vakf u tîmâr u ze'âmet geçti dest-i es'are
 Siyyemâ Bostân-ı verd kim câmi'ine vakf iken
 Zaptedip ma'lûm deyü sebtetti anı deftere
 Rû-nümâ oldukda mağdûriyyeti câmi'lerin
 Âlimûn ibrâm edip bağlattılar mu'akkere
 Kürtlerin dîbs ü zebîbin cebren idüp iştirâ
 Halka tarh edip satardı kıymetinden evfere
 Sağdı Anteb illerini nice sâl sağmal misâl
 Ba'dehu sağım tasın çaldırdı saht ü mermere
 Nice kervân aldı itâbın deyu zehrin misâl
 Yine pâşalık ile çaldırdı tabl-ı mehtere
 Bâc ihdâs eyleyip yollara koydu bâc-dâr
 Cahşe yarım bir kuruş vaz'etti bağl ü estere
 Vaz'-ı sîm ü zer için Kârûn misâli câ-be-câ

Bî-adet sandûklar yaptırdı hayli dülgere
 Masrafin bundan kıyâs eyle zenân-ı hâsı hep
 Nân-ı ma'dûddan bulup yerlerdi ekser fahfere
 Cümle esnâfın alup emvâlini bâd-ı hevâ
 Kimseye bir akçe vermezdi meğher kim berbere
 Hem birisi cümleden aylık alırdı Kôr Bilâl

.....
 Sonra pâşanın sarây içre olan emvâlini
 Âşikârâ zaptedip yükletti vâfir estere
 Hem dahi Battâl Bey'in cümle metâ'-ı beytini
 Nakledüp hammâl ile çekti sarây-ı evbere
 Sâdık Âğâ'yı ol esnâda edüp ahz u girift
 Cürmünü yüz kîseye kat'etti yazdı deftere
 Mâl ü eşyâsın satup vermiş iken on bin kuruş
 Rahm ü şefkat etmeyip yine o abd-i kemtere
 Hayli tahkîr ile habs ü renc-i dil eyleyerek
 Câ-be-câ darbeyleyip korlardı bâb-ı Ca'fere
 Nice bin zengîn olan erleri harâca kesip
 Hapsedip herbirlerin hergün döğerdi bir kere
 Darb-ı nisvâna Tüfekçibaşayı ta'yîn edip
 Lîk oda başı me'mûr idi darb-ı erlere
 Kôr köpek tahsîl-i cürm için kamu mahbûsları
 Darbedip çûb ile gâhî el atardı hançere
 Bu te'addîler kamusu paşâya malûm iken
 Hiç ölüm fikrin getürmezdi dil-i sengîntere
 Askerinin hele hemşehrî kurâya ettiğîn
 Dil ile ta'bîr olunmaz ki diyem sen servere
 Kôr firenk etbâ'mın şerrinden ise ehl-i sûk
 İsti'âze ederek derhâl seğirtir ma'bere
 Hâsılı Anteb binâ oldu olalı lâ-cerem
 Çatmamıştı halkı bir böyle azâzil peykere
 Nâdim oldu bunları da'vet eden dîvâneler
 Esterâsa herbiri gûyâ bakardı baytara
 Kuyruk asmış olmuşuz kurdun boynuna diyerek
 Kavrulup nâr-ı nedâmetle misal-i cezdere
 Cümleten dergâh-ı Mevlâya tazarru' ederek
 Dediler zâlim bizi sıktı misâl-i ma'sare
 Bu Bilâl-i kôr belâyı âcilen kahret deyu
 Yalvarup Hakk'a tevessül edicek Peygamber'e
 Der-akab te'sîr-i nâr-ı inkisâr-ı halk ile

Kaynadı her cânibi şehrin misâl-i tencere
 Gayretiyle cem' olup cemm'iyet eyledi zuhûr
 Bastılar pâşâyı ulaştırmadılar askere
 Gûyâ şehbâz-ı kazâ'-i Hakk'a sayyâd-ı ecel
 Da'vet-i emri işâret birle saldı natere
 Her taraftan attılar beylik sarâya kurşunu
 Değdi kurşunun biri pâşâya geçti yerlere
 Âh u feryâd ile der-sâ'at zemîne diz çöküp
 Cânı hulkûma gelip gûyâ ederdi gargara
 Kestiler başıyla bir kolun paşânın aldılar
 Soydular cismin leşin seyroldu ehl-i mahzere
 Kör Bilâl'in kellesin hem çeşmede katleyleyip
 Sürdüler sakkalını necs-i galîz-i asfere
 Hem tüfekçibaşı darb âhurunda maktûl olup
 Leşleri su burcunu hem eylemişti kapkare
 Lahm-i pâşâyı fakat ol şeb yedi vâfir kilâb
 Sonra defnoldu cevâb için Nekîr ü Mûnker'e
 Ba'dehu maktûl olanları nice erbâb-ı hayr
 Götürüp defnettiler herbirlerin bir makbere
 Sağ kalan etbâ' ü hüddâmın kamusun soydular
 Anadan doğmuş gibi döndü cem'an andere
 Ato Ağayı velâkin kal'ada bend ettiler
 Düştü zencîr-i kazâ içre belâ-yı Dâvere
 Kör Bilâl'in götürüp sonra ser-i murdârını
 Sardılar ba'zı yerin bir pâre boklu astare
 Sonra bir bok saksısın it bokuyıla doldurup
 Tütsü verdiler mücennes cismine bâ-micmere
 Gerdenine ol harın zen mâderi bir ip takıp
 Oynatırdı anı ayuveş misâl-i maskara
 Öyle zen mâder ki ol kör kâfirin her kârını
 Kendisi ru'yet edip vermezdi nevbet duhtere
 Öyle bir kemçik kekeç duhter ki râyı yâ okur
 Hem dü çeşmi ahveli benzer şikest-i cabere
 Boklu bostanda leşin bir hufreye ilkâ için
 Hây u hûy ile göturdüler anı bâ-keckere
 Kabre varınca o kör puştı tamâmen soydular
 Hande kalsun deyu döndürdüler anı kaşmere
 İki ayak kaldırıp katlolduğu tarihten
 Bir tavîl sap saktular kûn-ı Bilâl-i a'vere
 Şükr kim oldu vücûdu nâ-yâb

Daldaban cîfesine konu gurâb (1203)⁵²

Seyfettin Başçılar ise *Kilisli Divan Şairleri Antolojisi*'nde Rûhî Efendi'ye atfen 1173 h./1759 Şam zelzelesi ile alakalı bir Zelzele Manzumesi nakleder:

“Çıkar ey hâce gönülden emel ü evhâmı
 Bu fenâ mülküne bend etme dil-i nâ-kâmı
 Ne kadar kendi murâdınca cihânı görsen
 Anda kılsan nice binlerce sene ârâmı
 Arsa-yı dehre kamu bâğ-ı safâ bahş etsen
 Görmese bülbül-i tâbın keder-i âlâmı
 Pes-i pâý olsa felek rütbe-i iclâlinden
 Kasr-ı eyvânına ser çekmese çarkın bâmı
 Cümle elvân-ı ni'am kâmına lezzet-dih olup
 Âlemin zâtına hasrolsa kamu in'âmı
 Sad hezâr atlas u zer-beft ile dîbâ giyinip
 Eylesen subh u mesâ râhat ile bayramı
 Zîr-i destinde olup cümle selâtîn-i cihân
 Hem açılsa yüzüne cümle tılsım ilhâmı
 Hind ü Rûmî ile hatt ü Hutun'in hûbânı
 Müşterî benden olup eylesen istihdâmı
 Cümle sâz-ı tarab-efzâ ile sâkî-i safâ
 Dem-be-dem verse sana câm-ı mey-i gül-fâmı
 Cem' olup duhterinin ahter-i rub'-ı meskûn
 Gelip âgûşuna hep eyleseler ikrâmı
 Tutsa İskender ü Dârâ gibi dehri nâmın
 Bende olsa bu cihânın sana hâs ü âmı
 Esb-i tâzî-i hüner-râna binip seyretsen
 Kûh u sahrâda yürütsen kadem-i ikdâmı
 Şâhbâz-ı himemin pençesi mânend-i kafes
 Olsa nahçîr-i çerâ-gâhı cihânın dâmı
 İlm ü hikmette sebak-hân-ı Felâtun olsan
 Hasma versen nice bin ecvibe-i ilzâmı
 Zûr-ı bâzû ile Rüstemleri kılsan mağlûb
 Dest ü pâý-ı beden bulsa bu istihkâmı
 Çâre yok böyle iken redd-i kazâ-yı Hakk'a
 Olur âhir olacaklar gelicek hengâmı
 Mütezil olur elbette bu bünyâd-ı vücûd
 Yıkılıp hâk ile yek-sân oliser endâmı

⁵² Konyalı, (1968): 565-569.

Hâsılı va'de tamâmın bulıcak âlemde
 Emr-i Hak terke komaz kimseye subh u şâmı
 Nitekim Şâm-ı şerîf gibi mukaddes belde
 N'oldu emr-i Hak ile dinle bu nev peygâmı
 Izdırab aldı ale'l-gafle diyârın yer yer
 Lerzenâk oldu zemînin bu kadar ecrâmı
 İrti'âş üzre erüp zelzele berr ü bahre
 Kodu hayretde kamu sâhib-i akl-ı tâmı
 O kazâ bulunan bunca kurânın nâ-gâh
 Bu kazâ başına teng etti şeb ü eyyâmı
 Ol diyâr içre olan nice binâ-yı muhkem
 Münhedim oldu esâsiyle bulup hitamı
 Hedm olup hayli mesâcid yeri tenhâ kaldı
 Arsa-yı hâliye oldu nice beytin nâmı
 Revnak-ı ma'bed-i İslâm Emevî Câmi'inin
 Sahnine secdeye diz çöktü o sakf-ı sâmi
 Çok minâre külehi yerlere galtân oldu
 Erdi her seng-i sûtûna maraz-ı sersâmı
 Hayfa o gül deste-i şarkıyye-i nûr-efzânın
 Bozdu hedm ü kederi keyf-i dil-i İslâmı
 Çok nüfûs oldu telef sakf-ı cidâr altında
 Eyledi hâke berâber nice bin ecsâmı
 Sallayup yattı biraz mehd-i zemîn ol şebde
 Ayak altında kalıp girye eden eytâmı
 Hâbgâhı nice nâzik bedeninin kabre dönüp
 Yumup açılmadı nergislerinin bâdâmı
 Çıkdı ayyûka sadâ-yı dem-i innâ li'llâh
 Şâmın âhıyla güzâr eyledi vâh ol şâmı
 Belini kırdı be-dehşet nice hayvanâtın
 Nicesin sürdü bekâya ecelin ibrâmı
 Göricek eşk-i ter-i halkı hemân havfinden
 Titreşip durdu kamu âb-ı revân akşamı
 Hâk-i kahr içre kalıp hayli keşîş ü kefere
 Ser-nigûn oldu kilîsâların esnâmı
 Hem Yehud tâ'ifesinden nice merdûd-ı cehûd
 Mürd olup buldu yer altında yatan hâhâmı
 İşbu dehşet-ver olan dâhiye-i uzmânın
 Çâr-etrafı erişti haber ü i'lâmı
 Gelin ey ma'ser-i İslâm Hak'a nâlişler edip
 Diyelim tevbe ile târik olup esnâmı

Ey berârende-i tâk ü tibak-ı melekût
 Vey bu ecrâm-ı zemîne verici ahkâmı
 Ol Rasûlü's-Sakaleyn hürmetine yâ Rahmân
 Dergehinde ederiz sıdk ile istirhâmı
 Ey günehkârlara afv u keremi çok Mevlâ!
 Eyle kahrından emîn bizlere sensin hâmî
 Katre-i bahr-i midâd-ı mededin lutfeyle
 Mahvede her günehi mağfiretin aklâmı
 Bu keder cümlemizi vâlih ü hayrân etti
 Ola kim hayrola yâ Rabbi bunun encâmı
 Rûhiyâ eylediler böyle rivâyet târîh
 Gece sâ'at ikide zelzele yıkdı Şâmı"⁵³

Naklettiğimiz bu manzumeler için kaynak bildiren sadece İbrahim Hakkı Konyalı olmuş; *İbret-nümâ*'nın el yazmasını öğretmen Cemal Bingölden aldığını belirtmiştir.⁵⁴

Kadri Timurtaş ve diğer araştırmacıların buraya kadar verdiği bilgilere ilâve edilmesi gereken mühim bir husus da Rûhî Efendi'nin, Mütercim Asım Efendi'nin şiir ve edebiyat hocası olduğudur.⁵⁵

3. 2. *Rûhu's-Şurûh*

3. 2. 1. Rûhî Efendi'nin *Rûhu's-Şurûh*'u tertip şekli

Rûhî Efendi, klasik eserlerin bir çoğunda mevcut teamül üzere besmele hamdele ve salveleyi müteakip nasihatın ehemmiyetini ifade eden bir hadîs-i şerîf naklederek söze başlamıştır. Devamında *Sebeb-i Te'lîf* (Metin: 3.) başlığı altında özetle; Kilis'te doğduğunu ve tahsilini burada ikmâl ettiğini ve idâme-i hayat etmekte iken Kilis'te zuhur eden kargaşadan uzaklaşmak için Antep'e hicret ettiğini anlatır. Zamanla vatan hasretine dayanamayıp Kilis'e döner ve kendi ifâdesi ile: "Halktan inkıta' ile zâviye-i tenhâyîde karâr" kılar; kendini kitap mütalaasına verir. Rûhî Efendi, bu noktadan sonra çeşitli kitaplardan nakille Farsça'nın ilmî ve edebî değerinden, tarihî seyrinden bahsederek sözü Fars Edebiyatı'nın en şöhretli şairlerinden Attâr'a ve onun en çok tanınan eseri *Pend-nâme*'ye getirir (Metin: 9-11.). *Pend-nâme*'yi talebeye okuttuğunu ve çok zaman incelikleri üzerinde dostlarıyla fikir alışverişinde bulunduğunu söyler. Yine bir dost sohbetinde *Pend-nâme*'nin, inceliklerine vâkıf bir ilim sahibi tarafından şerh edilmesi gerektiğini dile getirir. Dostları bu işi ancak kendisinin yapabileceğini

⁵³ Seyfettin Başçılar, (1990): *Kilisli Divan Şairleri Antolojisi*, Kilis Kültür ve Dayanışma Derneği Yayınları, Ankara: 9-14.

⁵⁴ Konyalı, (1968): 566.

⁵⁵ İbnülemin Mahmud Kemal İnal, (1988): *Son Asır Türk Şairleri*, Dergah Yayınları, Cilt: I, İstanbul: 54.; Mustafa S. Kaçalın, (2006): "Mütercim Âsım Efendi", *Türkiye Diyânet Vakfı İslâm Ansiklopedisi*, Cilt: 32, İstanbul: 200.

söylerler ve onu bu işe iknâ ederler⁵⁶ (Metin: 12.). Müteakıben şerhte takib ettiği usulü belirtir ve kullandığı kaynakları sayar. Bu bahsin sonunda; kendi şerhinin önceki şârihlerin şerhleri ile kıyaslandığında “rûh-ı pür-fütûh” (ni’met-i ruhaniyye) mesâbesinde olduğunun görüleceğini⁵⁷, bu sebeple de söz konusu şerhin *Rûhu’ş-Şurûh* adını vermeye değer olduğunu ifâde eder. *Sebeb-i Te’lîf* bölümünü, şerhte yapabileceği hataların hoş görülmesi ve okuyanların kendisine du’a etmeleri temennîsi ile tamamlar.

Sebeb-i Te’lîf’i takib eden bölüm *Mukaddeme*’dir. Rûhî Efendi bu kısımda Attâr’ın biyografisi ve bununla ilgili konulardan bahsederek yine besmele ile *Pend-nâme* metninin şerhine başlar. Beyitler büyük ekseriyetle mısra mısra şerhedilerek metin tamamlanır.

Rûhî Efendi özellikle *Sebeb-i Te’lîf* bölümünü, klasik nesir teamülü üzere “kudret-i kalemiyye”sini göstermek amacıyla oldukça sanatlı ve secili yazmış, birçok beyitle süslemiştir.

3. 2. 2. Rûhî Efendi’nin Şerh Tekniği

Rûhî Efendi, *Rûhu’ş-Şurûh*’ta takip ettiği şerh tekniği ve usulünü *Sebeb-i Te’lîf* bölümünde şu şekilde açıklamıştır (Metin: 13.):

“Sözün kısası bütün nüshalarını toplayıp yazarak, önce lafzının lughat ve ıstılah manalarını Farsça ve Arapça sözlüklerde bildirildiği üzere gösterip, Farsça ve Arapça kelimeleri temyiz edip, makama uygun ve anlatılmak istenen manayı açıklayıp, kulağa hoş gelen diğer manalarını da ‘bu lafz şu kadar manaya gelir’ diyerek; *Ferheng-i Şu’ûrî*, İbnü Kemâl’in *Dekâ’iku’l-Hakâ’ik*’ı, *Müfredâtü’l-Fürs*, *Ni’metu’llâh*, *Halîmî*, *Düstûrû’l-Amel* ve *Tuhfetü’l-Mülûk* isimli sözlüklerden naklen açıkladım. Her beytin manasını açıklamakta, inceliklerini ve işaretini göstermekte de nâzımın muradı üzere zahîrî manayı öne çıkarıp, ayetler ve hadislerden neye işaret ettiğini açıkça yazıp, hadisler ve rivâyetlerin çoğunu İmâm Münâvî rahmetu’llâhın *Dekâ’iku’l-Hakâ’ik*’⁵⁸ından ve bazan *Meşârik-ı Şerîf* ve *Mebârik*’dan yâd eyledim. Ve o makama uygun olan hoş nasihatleri ve faydalı mev’ızaları bildirmekte; İbnü Cevzî’nin *Muhtasaru’l-İhyâ*’sından, İbnü Gânim’in *Hallü’r-Rumûz* ve *Cevâhirü’l-Künûz*’undan,

⁵⁶ “Şerhler yazarların ifadelerine göre, manevi bir işaret ile veya dostların ısrarı ile yazılır. Böylece ilk durumda ortaya konulan şerhin manen teyit edildiği ve doğrulandığı, ikinci durumda da o metindeki zorlukları ve kapalılıkları açabilecek kişinin ancak kendisinin olduğu üstü kapalı bir şekilde ifade edilmiş olur.” Saraç, (2006): 126.

⁵⁷ “...Bir metnin, daha iyi anlaşılсын diye, o metni başkalarından daha iyi anladığı kanaatinde olan kişiler tarafından açıklanması. Bu kanaat başkaları tarafından paylaşılsa da paylaşılmasa da, bir metni açıklamaya başlayan bir kişi, onu bazı kişilerden veya herkesten daha iyi anladığı kanaatine kendisi sahiptir.” Kortantamer, (1994): 1.

“Bir metnin ilk şerhinden sonra tekrar şerh edilmesi tabii olarak daha önceki şerhlerin yetersiz kaldığı ön kabûlüne dayanır.” Saraç, (2006): 126.

⁵⁸ Şârihin en çok istifade ettiği kaynaklardan biri olan bu eserin adı kaynaklarda *Künûzü’l-Hakâ’ik min-Hadîsi Hayri’l-Halâ’ik* olarak geçmektedir. Ancak şârih bu eseri daima *Dekâ’iku’l-Hakâ’ik* şeklinde zikretmiştir. Bkz.: Abdurraûf el-Münâvî, (1996): *Künûzü’l-Hakâ’ik min-Hadîsi Hayri’l-Halâ’ik*, Dâru’l-Kütübî’l-İlmiyye, Cilt: I-II, Beyrut.

Mecma'u'l-Fevâ'id, *Müdhişü'l-Kulûb* ve başka güvenilir risalelerden dayanak verdim. Ve makama uygun Arapça ve Farsça atasözleri getirerek, anlatılmak istenen manayı açığa çıkardım. Ve bunlardan başka her beytin altında nice Arapça ve Farsça beyit ve şiirlerle özet anlamları genişletip, söz konusu beyitlerin çoğunu nâzımın *Müferrih-nâme*⁵⁹ adlı eserinden şahit gösterip, bazan *Mukatta'ât-ı İbnü Yemîn* ve *Divân-ı Sâib* ve benzerlerinden getirdim. Ve o beyitleri de (anlamalarını) kısaca beyan edip, (anlamlarının) özünü nazmen ve nesren gösterdim. Ve ikinci olarak her beytin tasavvufî anlama tahammülü olanlarını, *Makâmâtü'l-Evliyâ* ve *Mesnevî-i Mevlanâ*'dan bazı beyitler naklederek batınî anlamlarını yazıp işaret ederek ve hakikati ortaya çıkaran şeyhlerin tavır ve tabirlerini yazarak, *nazm*:

Kilk-i sihr ile idüp nakş-ı nigâr-ı matbû'

Silk-i takrîre çeküp dürr-i kelâm-ı makbûl

parlak mazmûnunu meydana çıkardım. Kaldı ki nâzımın sözünde, *mesnevî*:

معنى اندر شعر جز با خبط نیست

چون فلاسنگست اندر ضبط نیست⁶⁰

ifadesince, şairlerin âdeti üzere sadrdan başka sadra nakletmek eski bir yol olup, özellikle nüshaların birbirinden farklılığı yönünden, her birinin şerhine başlamak ne kadar görünüşte şiirin tekrarı ise de *nazm*:

مکرر چند باشد شهد و شکر

شود بسیار نفع و خوب و خوشتر⁶¹

inceliği gözetken mazmunu ile yericilerin ağzından yergiyi kovmak için, *mısra*':

سخنش تلخ نخواهی دهندش شیرین کن⁶²

emrine uyma kuşağı bağlanmıştır. Ve müsveddeden/karalamadan sonra geceyi süsleyen sahifelerin temize çekilmeleri sabahı, arzu ufkunda baş gösterdiğinde; "ilk bakış akılsızdır" diye baştan ayağa⁶³ فرجع البصر کرتین mazmununa göz bebeğini çevirerek uyup, tekrar tekrar bakarak her harfi düzeltip, kalemtırışın kazıması ile fazla ve eksiklerini giderip, düzeltmeyi isteme kalemi ile ayıklanmıştır."

Rûhî Efendi, azınlıkta kalmakla beraber bazı beyitlerin sadece anlamlarını vermiş, şerhe gerek görmemiştir. Mısraları vücuda getiren kelimelerin tek tek ele alınıp anlam ve gramer yönünden incelenmeleri, şerhin sonlarına doğru azalmış, bir kaç kelime ele alınıp şerhe geçilmiştir. Kelimelerin anlamları veya konu ile alakalı şahit gösterilen özellikle Arapça ve

⁵⁹ Söz konusu eserin Attâr'a ait olamayacağı muhakkaktır. Rûhî Efendi, *Müferrih-nâme*'nin te'lif tarihini 740h. olarak belirtmektedir ki bu tarih Attâr'ın vefatından 122 yıl sonradır.

⁶⁰ Şiirde mana hatadan hâlî değildir; isâbeti atanın elinde olmayan sapan taşı gibidir. Bkz.: Tahir-ül-Mevlevî, (?): *Şerh-i Mesnevî*, Şamil Yayınevi, Cilt: 3, İstanbul: 784.

⁶¹ Şeker ve bal ne kadar tekrar olunursa/yenirse, faydası ve lezzeti o kadar çok olur.

⁶² Onun sözünün acı olmasını istemiyorsan ağzını tatlı eyle.

⁶³ "Sonra gözü(nü) tekrar tekrar çevir." Kur'an-ı Kerim, Mülk Suresi: 4.

Farsça beyitleri verirken bu beyitlerin öncesinde veya sonrasında “...mazmûnunca, ...mefhûmunca, ...müfâdınca, ...ma’nâsınca, ya’ni...” gibi ifadelerle anlamlarını da vermiştir. Ancak anlamını vermeden “ma’nâsı ma’lûmdur” diyerek geçtiği beyitler de mevcuttur. Aynı durum darb-ı meseller ve iktibas edilen bir çok mensur ibâre için de geçerlidir.⁶⁴ Rûhî Efendi, azınlıkta olmakla birlikte “li-şârihihi” kaydıyla kendi şiirlerine de yer vermiştir.

Dikkat çekici diğer bir husus ise Rûhî Efendi’nin *Pend-nâme*’nin tek nüshası ile yetinmeyip birden çok nüshaya müracaat ve nüsha farklarına işaret etmiş olmasıdır.

3. 2. 3. *Rûhu’ş-Şurûh*’un Nüshaları

Metin tesisinde yararlandığımız nüshalar:

1) Süleymaniye nüshası; Hasan Hüsni Paşa Bölümü No. 752

İstinsah tarihi: 1210 h./1795-96

İstinsah yeri: yok

Müstensihi: Ayıntablî Hüseyin bin Hüseyin

Dış ebat: 23,5x16,5 cm.

İç ebat: 18x9 cm.

Satır sayısı: 23

Varak sayısı: 3+452

Yazı: nesih

Cilt: siyah meşin, şemseli; şîrâzesi dağılmış, sırtı kağıt kaplı; zincirekli.

Kağıt: orta kalınlıkta, aharlı; tek çizgili cetveli; baş sayfa tezyinatlı.

Nüshanın baş tarafında sonradan eklenmiş olması muhtemel ta’lik hatla fihrist ve yine baş tarafta “an-muhallefâtî Küçük Efendi Vâ’iz-i Ayasofya-i Kebîr Re’îsü’l-Meşâyih” şeklinde kayıt mevcuttur.

2) İstanbul Üniversitesi Kütüphanesi nüshası; Nadir Eserler Bölümü No. TY 1481

İstinsah tarihi: 9 Teşrin-i Evvel 1317 ş.h.-10 Receb 1319 h. Salı/22 Ekim 1901⁶⁵

İstinsah yeri: yok

Müstensihi: yok

Dış ebat: 36,7x23,7 cm.

İç ebat: 16,5x29 cm.

⁶⁴ “Türkçe dışında Arapça ve Farsça’dan yapılan alıntılarda tercüme yoluna gidilmeden çoğu zaman olduğu gibi cümleler aktarılır.” Saraç, (2006): 125-126.

⁶⁵ Müracaat ettiğimiz kaynaklarda Rûmî 9 Teşrin-i Evvel 1317 tarihi Salı gününe isabet etmekte, Hicrî 10 Receb 1319 tarihi ise Çarşamba gününe isabet etmektedir. Müstensihinin günde (Salı) yapılması zayıf ihtimal olduğundan tarihin Salı’ya isabet eden 22 Ekim 1901 olması kuvvetle muhtemeldir. Bkz.: Faik Reşit Unat, (1984): *Hicrî Tarihleri Milâdî Tarihe Çevirme Kılavuzu*, Türk Tarih Kurumu, Ankara: 132-133.; Yücel Dağlı-Cumhure Üçer, (1997): *Tarih Çevirme Kılavuzu*, Türk Tarih Kurumu, Cilt: V, Ankara: 318.

Satır sayısı: 15

Varak sayısı: 427+5

Yazı: rik'a

Cilt: Vişne çürüğü mukavva, sırtı siyah meşin

Kağıt: Kalın, aharsız, rutubet lekeli, nohudi renkte.

Bu nüshanın bazı varakları kırmızı mürekkeple yazılmıştır. Metnin cilt tertibi ile mutabık olmaması, aradaki boş varaklar ve hattaki farklılık, formalar halinde farklı kişiler tarafından yazılıp ciltlenirken formların karıştırılmış olabileceği ihtimalini akla getirmektedir. Bazı varakların üst kısmında "Rıza Paşa Kütüphanesi" mührü görülmektedir. Ketebe kaydında müellif nüshasından istinsah edildiğine dair; "kad ketebe hâzihi'n-nüşate min nüshati mü'ellifihi rahima'llâhü li-men ketebehâ ve kara'ehâ" ibaresi okunmaktadır. Metne, istinsah edildiği devrin imlâsına uygun olarak noktalama işaretleri ilave edilmiş, *Pend-nâme*'ye ait mısralar parantez işareti içinde gösterilmiştir.

Diger nüshalar:

3) Müellif nüshası: Rûhî Efendi'nin ahfadından Kilis'te meskun Hasan Bıyıkbeyoğlu elindedir.⁶⁶

4) Manisa İl Halk Kütüphanesi 45 Hk 2600 arşiv no'lu nüsha.

5) Manisa İl Halk Kütüphanesi 45 Hk 6467 arşiv no'lu nüsha.

6) Manisa İl Halk Kütüphanesi 45 Hk 6447 arşiv no'lu nüsha.

7) Milli Kütüphane 06 Hk 387 arşiv no'lu nüsha.

8) Milli Kütüphane 06 Mil Yz B 326 arşiv no'lu nüsha.

9) Mısır Milli Kütüphanesi Türkçe Yazmaları bölümü, Ahlâkî Türkî Talat 18 arşiv no'lu nüsha.

⁶⁶ 23.05.2001 tarihli Zaman gazetesi, Hasan Bıyıkbeyoğlu elinde bulunan aile yadigarı Ruhu's-Şuruh nüshasının araştırmacı-yazar Hasan Şahmaranoğlu tarafından günyüzüne çıkarıldığı şeklinde bir haber yapmıştır. (Bkz: <http://arşiv.zaman.com.tr/2001/05/23/guneydogu/guneydogudevam.htm>). Hasan Şahmaranoğlu ise 2003'te yayınladığı *Kilis'in Ünlüleri* kitabında bu nüshaya ait fotokopinin Hasan Bıyıkbeyoğlu tarafından araştırmacı-yazar Abdülhamit Tektuna'ya verildiğini bildirmiştir. [Şahmaranoğlu, (2003): 91.]

Kilis Üniversitesi Fen-Edebiyat Fak. Türk Dili ve Edebiyatı Böl. Bşk. meslektaşımız Yrd. Doç. Dr. Mehmet Erol, tezimizi tamamladığımız tarih itibarı ile hem asıl nüshaya hem de fotokopisine ulaşmamızın mümkün olmadığını bildirmiştir. Meslektaşımız Mehmet Erol'un tavassut ve gayreti ile söz konusu nüshaya ait fotokopinin ancak son sayfasına ulaşmamız mümkün olmuştur.

Müellif nüshası olması kuvvetle muhtemel bu nüshanın elimize ulaşan fotokopisine nazaran metin Rûhî Efendi'ye ait:

فردا كه روح دامن عمرم رها كند
وين خاك تيره بند ز بندم جدا كند
يا رب نگاه دار تو ايمان آن كسى
كين خط من بخواند و بر من دعا كند

سنه ١١٨١

kıt'ası ve tarih kaydı ile bitmektedir. Tezimizde kullandığımız iki nüshada da bu kıt'a ve tarihe, müstensihler tarafından kendi istinsah kayıtları ilave edilmiştir. (Bkz.: Metin 541.) Bu nüshanın yakın bir gelecekte araştırmacıların istifadesine sunulmasını temenni ve ümid ederiz.

4) METNİN TESİSİ

- Metnin tesisinde yararlandığımız İstanbul Üniversitesi Kütüphanesi nüshası Ü harfi ile, Süleymaniye Kütüphanesi nüshası S harfi ile gösterilmiştir.

- Her iki nüshaya ait varak numaraları [] işareti içinde gösterilmiş, Ü nüshası varaklarındaki karışıklık yeri geldiğinde dipnotlarla belirtilmiştir.

- *Pend-nâme*'ye ait her mısra paragraf başlangıcı kabul edilmiş, orijinal harfleri ile ﴿ ﴾ işareti içinde gösterilmiş ve koyu karakterle yazılmıştır. Şerh metni kısmında bu mısralara ait kelimeler şârih tarafından gramatik inceleme veya şerh amacıyla ele alındığında okunuşları koyu karakterle belirtilmiş ve bu okunuşlarda orijinal telaffuza yaklaşılmaya çalışılmıştır. Yine *Pend-nâme* metnine ait okunuşlarda birbirini takip eden kelimeler arasında izafet bulunduğu takdirde işbu izafet kesreleri -şârih tarafından "ahirine/mâ-ba'dine muzâfdır" ibaresi ile zaten belirtildiğinden- tarafımızca ayrıca gösterilmemiştir.

- Nüshalar arasında kelime veya kelime grubu farklılığı mevcudiyetinde anlama daha uygun olan kelime/kelime grubu tercih edilmiştir.

- Metindeki âyet-i kerîme, hadîs-i şerîf, Farsça ve Arapça darb-ı mesel, şiir ve diğer iktibaslar orijinal harfleri ile verilmiştir.

- Fıkıh, kelâm, tefsir gibi bilimlere ait kısımlar ve şârihin Attâr'a ait olduğu zannı ile sık sık atıfta bulunduğu adeta *Pend-nâme*'nin taklidi diyebileceğimiz *Müfferihât/Müfferih-nâme*'ye ait manzumelerin birçoğu metne alınmamıştır. Yine şârihin bir konuyu açıklarken verdiği birden fazla ve tekrar mahiyetindeki benzer örneklerden uygun olanları seçilerek diğerleri metne alınmamıştır. Metne alınmayan bu kısımlar (...) işareti ile belirtilmiş ve müteakip varaklara isabet ettiği takdirde bu varakların numaraları (...[]...) işareti içinde gösterilmiştir.

- S nüshasının imlâ bakımından dikkat çekici özelliklerinden biri; klasik devirde aradaki vokali daima yuvarlak olan⁶⁷ ikinci teklik şahıs iyelik (-uñ, -üñ, -ñ) ve genetik eklerinde (-uñ, -üñ, -nuñ, -nüñ) düzenli olmamakla beraber -i- (ی) vokali kullanılmış olmasıdır. S nüshasında -i- (ی) vokali kullanılarak iñ, iñ, niñ, niñ (یک, یک) şeklinde yazılan bu ekler, Ü nüshasında büyük ekseriyetle (ک, ک) şeklinde vokal gösteren bir harf kullanılmaksızın, klâsik imlâyâ uygun yazılmıştır. Ü nüshasının müellif nüshasından istinsâh edilmiş olduğu kaydını ve klasik imlâyâ uygunluğunu göz önüne alarak bu hususta Ü nüshasını esas kabul etmeyi uygun gördük. Diğer dikkat çeken bir husus ise iyelik eki alan -duk sıfat fiil ekinin (-dugı, -dugi) ve bu ekin çeşitli eklerle genişletilmiş hali olan zarf fiil eklerinin (-dugınca, -dugince, -dugında, -duginde, -dukda, -dükde) her iki nüshada da son devir imlâsına yakın şekilde -ı/-i- vokali ile (دیگی, -دیگی,

⁶⁷ Faruk K. Timurtaş, (1985): *Osmanlı Türkçesi Grameri*, İstanbul Üniversitesi Edebiyat Fak. Yayınları, Cilt: 3, İstanbul: 436.

(-دیگده، -دیقده، -دیکنده، -دیغنده، -دیکنجه، -دیغنجه) şeklinde yazılmış olmasıdır. Biz de her iki nüshada ekseriyetle görülen bu imlâdan dolayı söz konusu eklerin traskripsiyonlarını; -dığ, -digi, -dığınca, -digince, -dığında, -diginde, -dıkda, -dikde şeklinde yaptık.

- Anlam gereği eksik olduğunu düşündüğümüz harfleri/kelimeleri () işareti içinde gösterdik.

5. EDEBÎ VE KÜLTÜREL MALZEME

Bu bölümde ele alacağımız, *Edebî ve Kültürel Malzeme* olarak isimlendirmeyi uygun bulduğumuz bilgiler, şârihin şerh esnasında okuyucuya aktardığı doğrudan veya dolaylı olarak edebî bilgi ihtiva eden maddelerdir. Maddeler halinde vereceğimiz bu bilgiler, tezimizin içeriğini tam bir tasniften ziyade örnekleme amacını taşımaktadır. Aynı madde sözlük bilgisi, mazmun, gramer, sosyal hayat, âdet ve inançlar gibi birden fazla konuda bilgi ihtiva edebileceğinden, konulara göre bir tasnif yapmanın güçlüğü dolayısı ile maddeleri alfabetik olarak sıralamayı tercih ettik. Şârihin manasını vermediği veya işaret etmediği Arapça ve Farsça ibarelerin manalarını dipnotlarla vermeye çalıştık.

Ağniyâ: Nitekim ebnâ'-i cihândan, resîde-i rütbe-i vâlâ-yı ğinâ olanların devleti efzâyiş buldıķca şadâ-yı ihsânları şunda kıalsun; ruṭûbet-i mâl, zâtların pür-kelâl ve zebân-ı şöhretlerin lâl eylemişdür. Binâ'en 'aleyh H'âce Şâ'ibüñ *beyt*:

دل ارباب تنعم ز نوا می افتد

جام لبریز چو کرد ز صدا می افتد⁶⁸

buyurduğu beyt-i laṭîfüñ ma'nâ-yı dilârâsına Râġibu'l-vezîr *beyt*:

Kâse-i faġfûr leb-rîz olıcaķ virmez şadâ

Şervet efzâyiş bulınca ağniyâ hissetlenür

beytiyle îmâ buyurmuşdur. (Metin: 297.)

Ağyâr: Ve âteş-i ıışķ ile sūzân olmaķ 'uşşāķuñ muḳtezâ-yı şânları olduğından, gülşen-i 'ıışķ-ı yârda ağyârūñ 'adem-i ihtirāķın hâr olduğına nisbet eylemişlerdür. Nitekim Hilâlîñüñ *beyt*:

یار ما هرکز نیازد دل اغیار را

کل سراسر آتشست اما نسوزد خاررا⁶⁹

beyt-i dil-ârâsından ma'nâ-yı murâd hüveydâdur. (Metin: 316.)

Ağlamak: Ve 'uḳbâda ḥandân olayum diyen dünyâda giryân gerekdür. Nitekim *beyt*:

⁶⁸ Dolu kadeh nasıl şadâ vermekden uzak olursa, bolluk içinde olanların gönülleri de ses vermekten uzaktır.

⁶⁹ Yârimiz ağyârın gönlünü aslâ incitmez; gül baştan başa âteştir ama dikenî yakmaz.

Āhiret ister iseñ dünyede giryān ol kim
 Hʿābda ağlayan iy dil uyanup gülse gerek

dimişlerdür. Dahı *naẓm*:

هیچ دانی که وقت زادن تو
 همه خندان شوند و تو کریان
 جهد آن کن که وقت مردن تو
 همه کریان شوند و تو خندان

diyü buyurmuşlardır. Yaʿnī sen dünyāya geldikde ağlar idüñ, hāḷḷ ıtrāfında gülerler idi. Pes saʿy eyle ki öldigün vaktde hāḷḷ ağlayalar ve sen gülesin dimekdür. Bu maʿnāyı ʿArabīde naẓm idüp buyurmuşlardır, *naẓm*:

ولدتك امك باکيا مستصرخا
 والناس حولک یضحکون سرورا
 فاجهد لنفسک ان تكون اذا بکوا
 فی یوم موتک ضاحکا مسرورا

(Metin: 396.)

Ākārīb: Pes kâṭır-ı rahme, ʿakārībūñ gāyet ile münāsebeti vardır. Zīrā ʿakārīb toğdıķda anasınūñ karnında iken anasınūñ yüregın yiyüp ve karnın yarup öyle toğar. Ḥattā anadan kör toğdıgına sebep budur. Ve kendi anasına itdigini evlādından bulur dimişlerdür. (Metin: 522.)

Ākl: İmdi ʿaḳḷ didigimüz bir nūr-ı İlāhīdür ki maʿdeni ḳalbdür. Şuʿāı dimāğdadur. Dimāğ aña fetil ü zeyt gibidür. Ḳaçan ol şuʿā münḳaṭır olsa şāhibine cünün el virür. Ḥattā ʿaḳḷ ile işāret-i İlāhiyyeye iltifāt eylemeyenün ʿaḳḷı zevāl-pezir olur dimişlerdür. Meşelā ʿaḳḷ, lafz-ı ādem gibidür. Ādemün başından ʿaḳḷ gitdikde elifi giden ādem gibi «düm» ḳalur. Düm, luğatde kıyruḳdur. Zenebde zillet der-kār olmağıla ḥaḳır ḳalur dimekdür. Zīrā insān sâʿir ḥayvāndan ʿaḳḷ ile eşref ü efḍaldür. ʿAḳḷı olmayan kimse ḥayvāndan ednā vü eḍalldür. (Metin: 120-121.)

Ālem-i Misāl: . ʿĀlem-i mişālden murād; ekābir-i evliyā vü meşāyır-ı ʿurefānuñ beynlerinde müşbet olan bir ʿālemdür ki nāmına ʿālem-i mişāl dimişlerdür. Beyānı şöyledür ki; bu ʿālem-i ecsām-ı māddiyye ile ʿālem-i ervāḥ-ı mücerrede miyānesinde bir ʿālem-i diğeri vardır ki ecsām-ı keşifeden laṭif ve ervāḥ-ı laṭifeden keşifdür. Yaʿnī; tecezzī vü aḳsāma ḳābiliyyetde ecsāma müşābihdür. Ve heyülā vü şüretten tecerrüdde ervāḥa mümāsıldür. Ve her nesne ki bu ʿālemde mevcüddur elbette anūñ mişālī ol ʿālemde meşhüddur. Yā ittihād şüretiyle ki meşelā şuyūñ mişālī, ʿālem-i mişālde yine şudur. Veyā tegāyür şüretiyle ki meşelā; ʿilmūñ mişālī, ʿālem-i mişālde süddür. Ve aḥlāḳ-ı ḥasenenuñ mişālī, besātīn ü reyāḥīn ve eşmār-ı lezzet-āgīn ve

enhāru lezzeten li’ş-şāribīndür. Ve ahlāk-ı redī’eniñ mişālī zulümāt u gayāhib ve hayyāt u ‘aķārib ve ğassāķ u ğislīndür, kezā fi’l-Meşnevī. (Metin: 522.)

Âlem-i Şûret: Meşâyih-ı muhaķķıkīnūñ beyānı üzre bu ‘āleme ‘ālem-i şûret dirler. Pes hāke menşûb olan cism-i insānīnūñ seyr ü sülûki hāķ ve şûret ‘ālemine vāķī’dür, ammā rūhuñ seyrānı vāz-ı kadem-i himmet-nişānı baķr-i ma’nāda vāķī’dür. Fe-‘alā-hāzā sālīke lāzım olan ‘ālem-i şûret şahrāsında tazıyī-i evķāt itmeyüp, Âdem gibi baķr-i ma’nā-yı hayāt-ı ma’rifet ve mütelaķķī-i kelimāt-ı hāzret-i Rabb-i ‘izzet olup, sefine-i sülûke dāķil olup ve Nūh-āsā bir mürşid-i kāmīl peydā idüp ķaķ-ı emvāc-ı deryā-yı ebdānī ve seyr-i ‘ālem-i sülûk-i rūhānī hāşıl ile ya’nī hāke menşûb olan emvāc-ı fıkr ü vehm ü fehminden güzer eyleye ki bunlar müte‘allıķ-ı ‘ālem-i şûretdür. Ve daķı āba menşûb olan emvāc-ı maķv u sekr ü fenādan güzer eyleye ki bunlar müte‘allıķ-ı rūhānīdür. Pes bunlardan güzer eyleyen sālīk maķv-ı hāķıķī sekr-i hāķıķī ve fenā’-ı hāķıķī mertebesin bulur. (Metin: 28.)

Aşķ: Hattā ııķķ didikleri hālet-i muķriķanuñ beyānında dimişlerdür: Luğat-i Fārisīde ııķķ bir şarmaşığuñ adıdır ki her ķanğı şecere şarılsa ol şeceri elbette ķurudur. Aña leblāb ve daķı ‘aşaķa daķı dirler. Pes ‘aşıķuñ hāli bundan ma’lūmdur. (Metin: 417.)

Aşķ-ı Hakīķī: Ma’lūm ola ki şıdķ u ihlāş ile cāme-i muraķķa‘ u libās-ı köhnede olanuñ ķalbi hayāt-ı ebedī vü şafā-yı sermedīde olup, vuşûl ila’llāh hāşıl ider. Zīrā bu şıfat ‘aşıķ-ı hāķıķīler kārıdır ki zāhirleri cāme-i zībādan ‘ārīdür. Pes bunlaruñ ma’şûķı Hayy u Bāķī olmağıla ııķķ-ı hāķıķīde kendüler daķı her bār zindelerdür. Nitekim hāzret-i Mevlānānuñ *mesnevī*:

عشق زنده در روان و در بصر

هر دمی باشد ز غنجه تازه تر

diyü buyurdığı bu beyāna şāhiddür. Ya’nī; ııķķ-ı hāķıķī ile hayy olan ‘aşıķuñ ııķķı cānda vü başardadır ki āşār-ı maķbûbı müşāhededen başar-ı ‘aşıķ lezzet vü cān-ı pür-şevķ vişāli ile zevķ u hālāvet bulmağın her nefes ğonceden tāze vü ter olur. Ammā ııķķ-ı mecāzī tende olduğından ‘aşıķ-ı mecāzī ten-perver ve cāme-i zībā fikriyle der-be-der olduğından mā‘adā maķbûb-ı mecāzīnūñ hüsni fānī vü pejmürde ve ba‘de’z-zevāl efsürde olmaķ itibāriyle hayātta iken mürde hükmindedür. Pes neyl-i hayāt-ı ebedī, meyl-i maķbûb-ı hāķıķī ile ııķķ-ı sermedīdedür. (Metin: 225.)

Ķaldı ki mezkûr āteşlerūñ az iken itfāsına ihtimāmuñ lüzümü āteş-i ııķķ-ı hāķıķīnūñ ğayrında idigi bī-reybdür. Zīrā:

‘İşķ her dilde bulunmaz dil-i dānāda olur

Şeb-ķirāğı arama cûda o deryāda olur

‘İşkî tursun ço mecāzī ise de sīneñde
 Āb-ı engūr ħum içre tırarak bāde olur

dimişlerdür. (Metin: 316.)

Āyīne-i dil: Āyīne-i dil «göñül āyīnesi» dimekdür ki ‘Arabīde mir’āt-ı ħalb dirler. Ve ‘inde’l-meşāyih, ekser āyīne-i dilden defter-i a‘māl murād olunur. Meşnevīde bu ma‘nāda isti‘mālī çokdur. (Metin: 496.)

Bād: Ve dağı bāduñ emr-i Hāğğā imtişāl ile fermān-ber-dār oldığın beyānda erbāb-ı temşīl bādı bir çarĥa ve dolāba teşbīh idüp, dolāb deverānda āb-ı nehrūñ esīri oldığı gibi hūbūb-ı bād dağı fermān-ı İlāhiyyeye esīr ü münkāddur dimişlerdür. (Metin: 30.)

Bāde-hār: Bāde-ĥ^vār, terkīb-i tavşīfidür; «süci içici» demek ma‘nāsına şārib-i ĥamr için ‘alem olmışdur ki ma‘rūfdur. Lākin ‘inde’l-meşāyih; sāgar-ı hevā ile nūş-ı bāde-i şehvet ve cām-perest-i ġaflet olandur. (Metin: 518.)

Bahīl: Pes böyle olan denīleri:

دارد از چوب کدا قفل دهان سک کلید
 دیدن سائل بخیلانا بغریاد اورد

beytiyle zemm itmişlerdür. Ya‘nī; ‘aşā-yı gedā miftāh-ı ħufl-i dehān-ı segān oldığı gibi baĥīlān ru‘yet-i sā’ilāndan feryāda gelüp ‘av‘ave-i redde dem-sāz olur dimekdür. (Metin: 348.)

İmdi baĥīlden şehāvet muĥālātandur dimişlerdür. Nitekim şā‘iruñ *beyt*:

نطق سبحانرا زوابل کی توان امید داشت
 و ز محالات خرد باشد سخاوت از شحیح⁷⁰

buyurduğu bu ma‘nāda tāmmdur ve baĥīl her ĥālde rüsvā-yı ‘āmmdur. Lākin ‘inde’z-zurefā egerçi kerem buĥlden eyüdü. Lākin baĥīl ĥiç bir kimsenūñ gedā oldığın istemediginden, baĥīl kerīmden eyüdü, *beyt*:

کرم ز بخل به اما بخیل به ز کریم
 بخیل هیچ کسی را کدا نمی خواهد

beyt-i laţīfin īrād ve leţāfete īmā buyurmuşlardır. (Metin: 368.)

Bed-hū: Bed-ĥū, «kötü ĥūylu» dimekdür. Meşelā; ĥīzān u fāĥiše olan zenān ve emşālleri olan bed-ĥūyān gibi kimselerūñ tevbesine tırdığın görmüş olmamağ gerekdür. İmdi bu maĥūlelerūñ tevbesine i‘timād eyü degüldür. *Li-şāriḥihī*:

Olmaz ĥayā’-i dīdesi bī-‘ār olanlarūñ
 Menfūr olur fī‘ālī kem-eṭvār olanlarūñ

⁷⁰ Sehbān’ın sözünün kötülüğü nasıl umulabilir?; Cimriden cömertlik aklın muĥālātındandır.

‘Ahd u yemîn ü tevbesine itme itimād
Aşlı denî cibilleti murdâr olanlaruñ

(Metin: 521.)

Beliyye: Beliyyât, cem‘-i ‘Arabîdür; müfredi «beliyye»dür ki «zaḥmet ve tecrübe ve imtiḥân» ma‘nâsınadır. Ve bunda murād budur. Zîrâ elfâz-ı beliyye için ‘inde’l-‘Arab ma‘nâ-yı dîger-i ğarâbet-eşer vardır. Budur ki; Zamân-ı cāhiliyyetde ‘Arabdan bir ḥâtırluca kimse ölüp defn olındıkda, bu meyyit kıyâmetde piyâde qalmasun diyü bir deveyi getürüp ol meyyitüñ qabrünüñ yanına bağlayup, ölünceye dek ol deveye âb u ‘alef virmezler idi. Ve gâh qabrüñ yanında bir çukur qazup, deveyi ol çukurdan çıkarmayup aç ve şusuz helâk iderler idi. «Beliyye» mezkûr devenüñ daḥı adıdır. (Metin: 246.)

Bî-kes:

Bağ şu ‘âlem ḥalkına her kimsenüñ var kimsesi
Kimsesiz qaldum meded iy kimsesizler kimsesi
didikleri, bî-kes qaldum dimegi Türkîce beyândur. Nitekim:
Göñül nāmında bir ğamm-ḥ^vârumuz qalmışdı ‘âlemde
O da varup ser-i kūy-ı dil-ārâda vaṭan tutdı
bu ma‘nâcadur. Ve Ḥ^vâce Kelîmüñ *beyt*:

دید چون بیکسی عادل آهن شد نرم
ماند پیکان تو در سینه بغمخواری دل

beyti yine böyledür. Ya‘nî; iy maḥbûb-ı cefākârüm ve sengîn-dil olan nigârüm! Bizüm bî-kesligümüzi âhen gördikde dili nerm oldu. Pes senüñ peykân-ı cefānuñ sînede qaldığı dilüme ğamm-ḥ^vârlığındandır; ya‘nî bî-keslige merḥametindendir dimekdür. Ve şu‘arâ-yı ‘Acemden Şaîr-qulîñ *beyt*:

ز فیض بیکسیها الفتی دارم بتنهایی
که کر بایار نشینم دمی دلگیر میگردم

beyti ke-zâlikdür. Ya‘nî; bî-keslügen feyzlerinden tenhâlıkda tenhâlık ile öyle ülfet tutaram ki, eger bir dem yâr ile otursam dil-gîr oluram dimekdür. Ammâ işılâh-ı meşâyıḥda bî-kes; «bir mürşid-i kāmîle yanaşmayup, her umûrında nefsinı reh-ber idene» dirler, intihâ. (Metin: 248-249.)

Bûriyâ: Bûriyâ, Fârisî vü Türkîde müsta‘meldür. ‘Arabîde zamm ile «bûrî» dirler ki cem‘i «bevârî»dür. Murād bûriyâ ḥaşîridur ki anı fuḳarâ-yı dervîşân dōşenürler. Fârisîde aña fetḥ-i bâ’-i muvaḥḥide ile «belâc» dirler. Pes bûriyâda menḳûş olan şuver-i şecer, bî-semer olduğu ḥasebiyle ol naḳşdan fâ’ide yokdur. Nitekim bî-nef‘ olan nesneye ‘Arab «daḳḳu’l-ḥaşîr»

taʿbîr eylemişlerdür. Ve ʿAcem «nağş-ı büriyâ» ile edâ iderler. Ve bu güne teşbîhde tağşîşuñ vechi budur ki baʿzı nuğûşuñ mağallinden kalʿ u izâlesi yesîrdür. Lâkin nağş-ı büriyânüñ kalʿı gayet ʿasîr olmağın izâlesi ancak mağallinüñ iğrâkıyle olur. Ve iğrâka kıbîliyyeti sâʿirlerden ziyâdedür. Anuñçün Türkîce; “fûlânüñ başına büriyâ yağılur” diyü darb-ı meşel eylemişlerdür. Nitekim şâha şikâyeti olan Rûm diyârında gerdenine haşîr tağup yağır. Diyâr-ı ʿAcemde şekvâci kâğıddan câme geyüp, huzûr-ı şâhda ol kâğıddan câmeyi iğrâk eylediği gibi. Pes riyâ ile âlûde olan aʿmâlüñ ʿadîmüʿn-nefʿ olması, mağbûl-i dergâh-ı İlâh olmayup şâyeste-i iğrâk biʿn-nâr olduğunu iğhâr içündür. (Metin: 157.)

Bülbül: Bülbül, elbine-i selâse de tayr-ı meşhûr maʿnâsınadır. Ve Fârisîde bübüle hezâr dağı didikleri kütüb-i luğâtde meşhûrdur. Lâkin İbnü Kemâl, Değâyıkuʿl-Hağâyık nâm kitâbında *beyt*:

صد هزاران کل شکفت بانگ مرغی بر نخواست
عندلیبان را چه پیش آمد هزارانرا چه شد⁷¹

beytini îrâd idüp, hezâr-ı evvel «biñ»dür; hezâr-ı şânî «bülbüle beñzer bir kuş»dur. Ve ol kuş bülbülün gayrı idigine bu beyt şâhid iken, Bağruʿl-Ğarâʿib şâhibi ikisin birbirinden fark itmeyüp ğalağa düşmişdür, intihâ. Ammâ Ferheng-i Şuʿurînün ıstılâh-ı Fûrsde “چون آخر حرفست در ابجد” âğir-i harf-i ebced hezârdur ve hezârdan bülbül murâd olunur” diyü beyânı, kütüb-i luğâtüñ ve Bağruʿl-Ğarâʿib şâhibinün kelâmların teʿyîd ider, feʿthem. (Metin: 325-326.)

İmdi zâğ-ı bed-şadâ ve ğurâb-ı belâ-ender-belânüñ bülbül-i hoş-nevâzdan nefreti, bâʿis-i şûriş-i ʿandelîb olan râyîha-i dil-firîb-i gülden bî-naşîb ve dağı *beyt*:

Hezâruñ hâlini fehmi eylemez zâğ
Ne bilsün derdmendün hâlini sağ

mazmûnı üzre bülbül ile hem-dil ü hem-zebânlığı olmadıgındandır. Zâğ ile nâ-cinsün bu hâlde ittiğâdı, beyân-ı mezkûrdan müstefâddur. Feʿalâ-hâzâ câhil ü nâ-dân dağı zâğ gibi bûy-ı maʿrifetden bî-naşîb olmağın, ʿâlim ü dânanüñ şöhetinden müteneffir olmak mücerrebdür. Qaldı ki zâğ-ı rû-siyâh mişâli olan nâ-cins-i güm-râhuñ vücûd-ı sıklet-âlûdlarından nefret, bülbül ve mişâli olan erbâb-ı dil tarafından olmak iktizâ ider iken *beyt*:

Qahr-ı dehr ile olur bülbül ğurâba hem-nişîn
Yine şekvâyı ğurâb eyler ğarâbet bundadır

müfâdıncâ nâzımuñ nefreti zâğ tarafına nisbet eylediği, zâğ ve mişâli olan nâ-cinsi mezemmet nüktesine işâret içündür. Yoksa cehele mağûlesinün meşelâ ʿulemâdan nefret eylediği, zümre-i

⁷¹ Yüz bin gül açıldı, kuşların sesi çıkmadı; bülbüllerin başına ne geldi, hezârâna ne oldu?

‘ulemā anları na‘l-i vāj-gūn ile gōñülden sürüp iz yitürür didiklerinden nāşīdūr. (Metin: 326-327.)

Büzürgān-ı Kühen-sāl: Hattā istişāre ve ğayride re’y-i rūşen isteyen, pīrān u büzürgān-ı kühen-sālden istesün kim şular vaqt-i ħarīf ü eyyām-ı ħazānda şāf u nazīf olur diyü *beyt*:

رای روشن ز بزرگان کهن سال طلب
آبها صاف در ایام خزان میکردد

didikleri maẓmūn üzre büzürgān-ı kühen-sālden murād elbette pāk-nijād olmağ rūşendür dimişlerdür. (Metin: 193.)

Can İncitmek: Hülāşa-i kelām bir mü’minüñ cesedini āzürde kılan ehl-i şūret bi’l-vāsiṭa cān incitmiş olur. Ve bu sebeble kurre-i nāḳa yirinde olan ħāṭır-ı Mü’mini elden çıkarup bir dağ avlayamaz. Nitekim Rāğīb:

Bir kerre toḳınsañ teline sāz-ı derūnuñ
Biñ gūne nevāzişle düzelmez bozılınca

dimişlerdür. Pes cān incideni cānān incidür. İmdi *beyt*:

Bu ‘ālem būstānında budur maḳbūl-i ins ü cinn
Ne kimse senden incinsin ne sen bir kimseden incin

maẓmūnın düstūru’l-‘amel eylemek hoşdur. (Metin: 40.)

Cennet: Cennet, şadruñ muẓāfun-ileyhidür ve ‘Arabīdür. Muṭlaḳā «bağ u bustān» ma‘nāsınadır. Cem‘i cennāt gelür. Lākin ba‘zı erbāb-ı luğat engürdan mā-‘adā eşcār-ı müşmireyi ħāvī olan bustāna «cennet» ile tesmiye idüp, eşcār-ı engūra münḥaşır olan bustāna «firdevs» tesmiye idüp bu vechle cenneti, firdevsden fark eylemişlerdür. Ammā ehl-i ‘örf ‘indinde bu fark yokdur, cennāt cümleye şāmildür. (Metin: 111.)

Cennet’e Girecek Hayvanlar: Muḳātil rivāyetiyle ħaberde gelmişdür ki: Cināna duḡūl idecek ḫayvān ondur; icl-i İbrāhīm ‘aleyhi’s-selām ve kebş-i İsmā‘īl ‘aleyhi’s-selām ve nāḳa-i Sālīḫ ‘aleyhi’s-selām ve baḳara-i Mūsā ‘aleyhi’s-selām ve ħūt-ı Yūnus ‘aleyhi’s-selām ve ħımār-ı ‘Uzeyr ‘aleyhi’s-selām ve nemle-i Süleymān ‘aleyhi’s-selām ve hūdhūd-i Belḳīs ve Qıṭmīr-i Eşḫāb-ı Kehf rızvānu’llāhi ‘aleyhim ecma‘ın ve nāḳa-i Muḫammed ‘aleyhi’s-şalātü ve’s-selām. (Metin: 40.)

Çerāğ: Çerāğ Türkīde چراغ ile ma‘rūfdur. Pes nāzımuñ meş‘ale veyā şem‘ ile ta‘bīr itmeyüp çerāğ lafzını ihtiyārında nükte vardır. Budur ki; çerāğ ancağ fuḳarāda bulunur. Ve meş‘ale şāha ve şem‘ aḡniyāya maḥşūşdur. Bu naşīḫat egerçi ğanī vü faḳīre şāmildür, lākin şāh u ğanī vü faḳīruñ cihet-i imtiyāz u rütbede mümtāzlıkları dünyādadır. Ammā ba‘de’l-mevt her

birleri kabre duhûlde berâber ve kabrûn zulmeti hâne-i fuḳarâ gibi ancak sirâc-ı maḥşûş ile münevver olur dimege işâretdür. (Metin: 215.)

Ve gâhî isti'âre tarîkı ile şerâre-i âteşe ve çerâğa daḥı gül dirler. Nitekim:

برک میریزد ز کل دائم خزان خواهد رسید
میهمان آید بخانه چونکه کل بارد چراغ⁷²

beytinde mışrâ'-ı evvelde gül-i meşhûr ve mışrâ'-ı sâni'de şerâre murâddur. (Metin: 325.)

Çerâğuñ tütününe dimâğ içerüsine yol virme. Zîrâ dimişlerdür, *beyt*:

Püf diyüp söndürme gel aşlâ çerâğ
Şem' dūdından olur muhtell dimâğ

(Metin: 508.)

Çocuğun Ana-baba Üzerindeki Hakları: Pes veledüñ vâlid üzerinde olan hûḳûḳları çokdur. Ez-cümle, ismini güzel itmek ve tekellüme âgâzında «Lâ-ilâhe illa'llâh» ve daḥı فتعالی 73 âyet-i kerîmesi ve daḥı sûre-i Ḥaşruñ âḥirin telkîn itmek ve ḥayra terğîb ve şerrden taḥzîr eylemek ve yedi yaşında İslâmını taşîḥ ve kelime-i küfr tekellümünden ihtirâza tenbîh ve namâza mübâşeret itdürmek ve sünnet itmek ve bülûğa vardıkda te'ehhüline sa'y itmek ve nafaḳalarında taẓyîḳ eylememek ve 'aṭıyyede beynlerin tesviye eylemek gibi dimişlerdür. Ancak bâzârdan mîve getürdikde evvel kıza vireler diyü taşîḥ buyurmuşlardur. (Metin: 406.)

Çok Gülen Çok Ağlar: Ve “çok gülen çok ağlar” didikleri meşhûr u ma'lûmdur. Nitekim şu'arâdan bir merd-i şâḥib-i zekâ buyurmuşdur, *kıta*:

İy dil-i münbasiṭ! Ḳatı gülme
Ḥande zımnında girye munzamdur
Münḳalibdür cihan-ı bûḳalemün
İnbisâṭı ḡamm ile müdḡamdur

Ve Ḥ'âce Şâ'ib-i Tebrîzîñüñ *beyt*:

خنده' صبح بخوناب شفق پیوسته است
هیچکس شاد کردید که غمناک نشود⁷⁴

beyt-i laṭîfinden hüveydâdur. Ve ḥ'âce-i müşârun ileyh bir maḥall-i diğerde *beyt*:

مهر زن بر دهن خنده که در بزم جهان

⁷² Gülden yaprak dökülüyor, sonbahar gelecek; çerâğ şerâre dökünce eve misâfir gelir.

⁷³ «Demek ki Allâh, o hak padişah yüksek çok yüksek...» me'âlinde, Tâhâ Sûresi /114 ve Mü'minûn Sûresi/116. âyet-i kerîmelerinin başlangıcıdır.

⁷⁴ Sabahın gülmesi(güneşin doğması), şafakın kanlı göz yaşına bağlıdır; şâd olmuş kimse yoktur ki kederlenmesin.

سر خود میخورد آن پسته که خندان باشد⁷⁵

diyü buyurmuşdur. Hâşıl-ı kelām beyne’l-enām hāndan olan şāh-ı cihān bī-heybet ü şān ve encāmında giryān olmağ muḳarrerdür. Hattā selāṭīn-i māzīyyeden Aḥmed Hān zevāl-i salṭanatiyle Ḳahḳaha nām ḳal’ada ḥabs der-zindān oldıḳda lisān-ı şāh-ı müşārun ileyhden su’āl ṭarīḳıyla *ḳır’a*:

از کردش چرخ واژگون میکریم
از جور زمانه بین که چون میکریم
با قد خمیده چون صراحی شب روز
در قهقهه‌ام ولیک خون میکریم⁷⁶

ḳıṭ’a-i dil-ārāsın taḥrīr buyurdıḳlarında:

دی روز که کارت همکی قهقهه بود
یارای تو رای سلطنت صد دمه بود
امروز درین قهقهه با کریه بساز
کان قهقهه را نتیجه بی قهقهه بود

Ya’nī iḡtirār-ı devlet ile muḳaddemā ḳahḳaha-künān-ı hāndānlıḡının netīcesi Ḳal’a-i Ḳahḳahada ḥabs-i zindān olmuşdur; bugün Ḳal’a-i Ḳahḳahada giryē-sāz ol diyü cevāb tezbīr eylemişdür, kezā-fi’t-tevārīḡ. (Metin: 159-160.)

Dâḡ: . Dâḡ, insānuñ veyā ḥayvānuñ cesedine āteş veyā āteşde kızdırılmış timür ile yaḳdıḳları nişāndur ki ‘Arabīde yā’-i müşeddede ile «keyy» dirler. Ve daḡı ba’zı meşḳ-ı ışḳ idenlerüñ ḳollarına yaḳdıḳları dâḡ-ı meşhūra dinilmişdür. Ve daḡı bir kimseden dil-gīr olmaḡı bunuñla ta’bīr idüp: “Fülāndan dâḡ oldum” dirler. (Metin: 240.)

Dehân: Ma’lûm ola ki lisānı femmde ḥabs içün Ḥudā-yı müte’āl dehānı ḳal’a-mişālî ḥalḳ idüp isnān nāmında otuz iki ḳufl ile muḳaffel ve taşrasın lebler ḥişārıyla mükemmel ḳılmışdur. Pes ‘āḳıl u kāmīl olan ol zindān-ı İlāhīden lisānın irḡā ile maḡhar-ı belā-yı her dü-serā olmamağ gerekdür. Zīrā erbāb-ı temsīl, lisān-ı insāna; hem āteş ve hem ḥırmen ta’bīr itmişlerdür. Āteş ta’bīri, aḡız tūfenginden peydā olıcı ve fesādāt ile ḥasenātı maḡv u iḡrāk idici oldıḡındandır. Ve ḡaṭāyāyı tekellüminden kināyedür. Ammā ḥırmen ta’bīri mezra’a-i ‘ālemde, ḥırmen-i a’māl-i ḥaseneye sebep oldıḡı ḥasebiyledür. Pes ‘āḳıl olan ḥırmen semtinden āteş şavuşdurmamaludur. Ve āteş-meşreb olandan ḡazer itmek gerekdür. (Metin: 147-148.)

⁷⁵ Gülen aḡzına mūhūr vur ki cihan meclisinde aḡzını açan fıstık kendi başını yer.

⁷⁶ Felekin tersine dönmesinden ve cevrenden nasıl aḡlıyorum gör; gece gündüz sürāhi gibi iki büküm Kahkahadayım lâkin kan aḡlıyorum.

Derd-i Ser: Ḥattā āḥaruñ efsāne-i derd-i serin istimā‘a zurefā rızā virmemişlerdür. Nitekim bir ḥuşuşı beyānda muḥātaba; “eger ser-i sa‘ādeti taşdı‘ olmaz ise” diyu i‘tizār meşhūr-ı miyāne-i şığār u kibārdur. Ve bu ma‘nā üzre derd-i ser-i dīgerāndan derd-i ser peydā olacağın i‘lānda ve bu mişllü nesneyi istimā‘dan gürizān olmağı beyānda zurefā-yı şu‘arādan bir merd-i laṭif, *beyt*:

كل همان به كه بهر حرف نيندازد كوش

ور نه درد سر مرغان چمن بسيارست⁷⁷

buyurmuşlardır. (Metin: 314.)

Deve: Ve nāzımuñ teşbīhinde bir nükte-i ḥafıyye daḥı vardır. Budur ki; deve şavt-ı ḥasen ile okunan eş‘ār-ı ‘Arabīden ıtarab bulup, ol sürür-ı şevk-āmiz ü terāne-i ḥālet-engiz sebebiyle, meşelā niçe eyyām u leyālīde kaç olınacak mesāfe-i ba‘ıdeyi bir gün veyā bir gicide kaç ider. Ke-zālik mü’min olan kimesne daḥı eḥādīs ü āyāt ve kelām-ı meşāyihdan ḥalet-i şevk iktisābıyla kaç-ı merāḥil-i mükāşefāt ve tayy-i menāzil-i kerāmāt eylemek gerekdür dimege işāretdür. (Metin: 286.)

Dişleri Tehallül: Ma‘lūm ola ki dişleri tehallül ber-mantūk-ı ḥadīs-i şerif nezfāfetdür; ve nezfāfet imāna dā‘ıyyedür; ve imān şāhibiyle cennetdedür, intihā. Ve daḥı āzūlara şıḥḥat ve cālib-i rızq u ni‘metdür. Lākin her şecer ile ḥılāle izn yokdur. Ez-cümle kāmı, ākile ‘illetin mürişdür. İncir, ‘adem-i kabūl-i du‘āya sebebdür. Ve reyḥān, vebāldür. Ve şecer-i verd, cüzẓām ve beraş ‘illetlerin mürişdür. Ve mersin, sü’-i ḥulḳ ve su’-i zann ve veca‘-i zırsı mürişdür. Ve ıarfā, nisyān ve ‘aḳlda noḳşānı mürişdür. Ve süpürge çöpi ḳulunc ‘illetin mürişdür. Ve yonca ḳıkke marāzın mürişdür. Ve kezbüre nisyānı mürişdür dimişlerdür. (Metin: 507.)

Dost: Pes dostān birbiriyle encūmen-ārā-yı şöḥbet oldıḳda ol ülfet-i ezeli ve şöḥbet-i bī-ḥalelīnūñ büy-ı rūḥānīsı mu‘aṭṭar-ı meşāmm-ı cān olarak ḥarekete gelüp ol ‘ālem-i ervāḥdaki güzērān iden ḥālāt-ı ünsiyye müvālāt-ı fıtrıyyeden münba‘is sürür-ı ḥuzūruñ āsar-ı berekātından, miyāne-i dostānda her dost mesrūr olur. Lākin dost didikleri yār-ı şadīḳun fī-zamāninā hāzā vü‘ūdı kibrīt-i aḥmerdür. Nitekim İmām Şāfi‘ī raḥimehu’llāhuñ:

صاد الصديق و كاف الكيمياء معا

لايوجدان فدع عن نفسك الطمعا⁷⁸

buyurduğu ve daḥı:

Amān şaḳın yañılup dime Sābit ölmüşdür

⁷⁷ Gül iyi ki her söze kulak vermiyor; yoksa çemen kuşlarının başında dert çoktur.

⁷⁸ Sadık(dost)ın sādı ve kimyânın kâfı bulunmamakta müşterektirler; kendin için bunları istemekten vazgeç.

Fülân ile aramızda hezâr haqq (u) huquq

İki müşâbihi var kîmyâ vü sîmurğûn

Biri refîk-ı muvâfîk biri şadîk-ı şadûk

buyurdıkları bu beyânda muḳarrerdir. İmdi her ‘âkıla lâzım olan, yâr-ı şadîk peydâ eylemekdür. Tâ ki miyânede üstüvâr olan bünyân-ı maḥabbet ḥalel-pezîr olmaya. (Metin: 174.)

Ma‘lûm ola ki şoḥbete lâyıḳ olan muḥibb-i şadîḳdan a‘lâ bir kîmyâ olmaya. Zîrâ lâleye muḳârin olan şebnem, yâḳût-ı aḥmerden rengînter olur diyü *beyt*:

به از همصحبت شایسته اکسیری نمی باشد

ز قرب لاله از یاقوت رنگین تر شود شبنم

buyurmuşlardır. (Metin: 175.)

Ḥattâ dost ittiḥâz idecek kimsede dört şartıñ vücdı lâzımdır. Evvelen, ‘âql; sâniyen, ḥüsn-i ḥulḳ; sâliḡen, ḥavfu’llâh; râbi‘an, inşâf dimişlerdür. Ve Yaḥyâ bin Mu‘âz eyitmiş ki: Seni ḡâhîce “Beni du‘âdan unutma!” dimege muḥtâc iden ve kendü ile müdârâ üze geçinilen ve daḥı seni itizâra muḥtâc iden ve daḥı zararı mücerreb olan kimesnenüñ dostluḡından ictinâb gerekdür, intihâ. İmdi nâ-dân-dost olanda bu ḥasletlerüñ vecdânı nümâyândur. Dostluḡundan perhîz eylemek bâ‘is-i selâmet-i nekbet-i cihândur. (Metin: 435.)

O devletüñ içinde dostlardan kesilme. Ya‘nî; devlete maḡrûren dostlardan ve nevâzişlerinden dūr olma. Zîrâ devlet bî-beḳâ ve serî‘u’z-zevâldür. Aralıkda dost kazanmak ve dostlardan ayrılmamak nâzûk ḥışâldür. Ḥattâ hengâm-ı devletde dostlardan münḳaṭı‘ olmamaḡa sebep, devletüñün zevâli ve yine faḳr ile devlet düşküni olmaḡuñ ihtimâli ile dostlara muḥtâc olınmak ḡâlib ḥâline îmâ içündür. Nitekim *beyt*:

Üftâdegân-ı bî-ser ü pāsın gören Münîf

Meydân-ı devletüñ leb-i bām oldıḡın bilür

maẓmûn-ı münîfi bu ma‘nâya şâhiddür. (Metin: 460.)

Dünyâ: Pes nâzım-ı merḥûm daḥı dünyâyı semme teşbîh idenlerden ziyâde nikâte işâret içün bunda mâr-ı zehr-âlûda teşbîh buyurmuşlardır. Nikât budur ki; evvelen yılan sevilecek nesne degüldür ve zehr ile memlûdur. Ve zehri her-bâr tevellüd üzredür ve teḳallübâtı yılan gibi çokdur. Ve yılan gibi teḳallüb kılmadıḳca zehr-pâş olmayıcıdur. Ve şûretâ âlûde-i naḳş-ı dil-fîrîbdür. Ve iḳbâli ile idbârı müsâvîdür, *beyt*:

هیچ فرقی در میان پشت و روی مار نیست

نسبت از ادبار کردن فرق تا اقبال او

buyurmuşlardır. Ya‘nî; mârüñ zâhir ü bâṭını beyninde farḳ olmadıḡı gibi dünyânuñ iḳbâl ile idbârınuñ beyninde farḳ yokdur. Ve daḥı dünyâ yılan gibi zâlim ü ḡaddârdur. Zîrâ من اظلم فلان

⁷⁹حیة darb-ı meşelinüñ beyânında Muḥāzarāt şāhibinüñ yazdığı üzre; yılan güci yitdiği hayvânı ininden kaçurup veyâ öldürüp inini zabt ider imiş dirler. Ve daḥı köhneliginden nāşī ejder-meşrebdür ki dā'imā insāna düşmān ve yutmaḵ kaşdıyle fırsatı nigerāndur. Nitekim *beyt*:

Dü-tā olmuş yatarsın altuñ üstüñ zehre müstaḡraḵ

Yedi başlu bir ejdersin sen iy merdüm-rübā dünyā

didikleri bu beyānda kāfidür. (Metin: 181.)

Ma'lūm ola ki sürḡ u zerd ve zer ü sīm ve metā'-ı dil-firīb, dünyādan kināyedür. Nitekim “dünyānuñ alına vü kıızılına aldanma” dirler. Ve huşuşıyle altuna «kıızıl» ta'biri keşirdür. Pes “delü alacayı sever”⁸⁰ didikleri meşel-i sâ'ir üzre böyle bir mār-ı zehr-ālūduñ dil-firībine naẓar-ı maḥabbet ile mā'il olan ehl-i dünyā, tāmümü'l-ʿaql olmayan eṭfāl yirindedür. Zīrā eṭfāl, mecānīn-mişāl sūd u ziyānın fehmden dūr ve ḥaṭar u helāki idrākden mehcūrlardur. (Metin: 184.)

Ve daḥı buyurmuşlardur ki:

Cümle ḥalḵ ehl-i sefer ʿālem müsāfir-ḥānedür

Hîç muḵîm âdem bulunmaz bir ʿaceb kâşānedür

Bir kefendür ʿāḳıbet sermāye-i şāh u gedā

Pes buña maḡrūr olan mecnūn degüldür yā nedür?

(Metin: 201)

Ḥattā mevt der-kār iken ḥayāt-ı dünyānuñ nā-güvārılıḡuñ beyānda:

با وجود مرک چون هستی کوآرا میشود

تلخی ماتم کجا شیرین بچلوا میشود

Ya'nî; mevt-i zehr-fāmuñ vücūdiyle ḥayāt-ı dünyā nice haẓm olunur. İmdi telḡi-i mātem, ḥalvā ile ḵande şīrīn olur? Ya'nî; olmaz dimişlerdür. Nitekim hengām-ı mātemde ḥalvā tedārūki ʿArabistānda ʿādetdür. (Metin: 268.)

Ma'lūm ola ki dünyā ve niʿmetlerini, ḥukemā'-i pīşīn ü ʿuḵalā'-i dīrīn şaḥrāda olan serāb-ı bī-me'āle ve ru'yāda görilen şuver-i ḥayāle teşbīh idüp: “Āḳıl olan şu yaldızına dil-beste olmaz ve bīdār olan ru'yāda görilen şuvere rabṭ-ı ḵalb kılmaz” dimişlerdür. Ve fi'n-nefsi'l-emr dünyā, ḡam-gede-i beliyyāt ve mecrā-yı seyl-i ḥādīṣāt olmaḡın, zīr-i gerdūnda bir kimse ḥāṭırı ma'mūr bir kimseyi görmemişdür. Nitekim:

نیست این غمکده بی سئل حوادث صائب

⁷⁹ Falan kimse yılandan daha zâlimdir.

⁸⁰ Bkz.: Süreyya Beyzadeoğlu (Haz.), (2003): *Durûb-ı Emsâl-i Osmaniye, Şinasi*, Millî Eğitim Bakanlığı Yayınları, İstanbul: 95.

زیر کردن دل معمور ندیده‌ست کسی

beyti bu ma'nāya güvāhdur. Ḥattā ebnā'-i dūnyā, dūnyā-meşreb olmağın bir kimseden bir kimseye luṭf u kerem kalmadı diyü *kıṭ'a*:

Meyl eyleme nişîmen-i dūnyāya iy göñül!
Olmaz qarārgāh-ı hümā āşiyān-ı büm
Luṭf ü kerem kapusı kapandı bu fānide
Şimden girü mürüvveti gayrı kapudan um

dimişlerdür. (Metin: 217-218.)

Ol sebebden dūnyāyı iki kapulı kārban-serāya teşbîh ve her konan göçmek üzre olduğına Ḥ'āce Ḥāfız bu vechile teşbîh buyurmuşdur, *beyt*:

درین رباط دو در چون ضرورتست رحیل
رواق طاق معیشت چه سر بلند چه پست

Ya'nî; çünkü dūnyādan irtihāl muḳarrerdür; ma'îşetüñ ğinā ile olmuş yāḥod faḳr ile olmuş ne fā'ide dimekdür. (Metin: 530.)

Qaldı ki ehl-i dūnyāyı mevtādan 'add eylemegüñ beyānında 'ulemādan maḳāle-i keşîre vardır. Şöyle ki; dūnyā, ehlini kâtil ü hālikdür. Zîrā dūnyā bir telḥ deryāya beñzer; ehli andan şārib oldıkça 'aṭaşı artup helāk olur dimişlerdür. Ve daḥı dirhem-i dūnyā 'aḳrebdür; efsūnını bilmeyen eline aldıkça ledğîyle helāk olur. Efsūnı ḥalāldan miḳdār-ı kifāyet aḥz ve maḥall-i şer'isine şarf itmekdür. (Metin: 388.)

Ḥattā dūnyādārānı tezek yuvalayan siyāh böcüge teşbîh itmişlerdür. Şöyle; mezkūr böcek yuvaladığı tezegi delüğine tıkamayup, taşrada terk idüp, yalnızca dāḥil-i sūrāḥ ve çekdiği zahmete peşimān olur. Ke-zālik dūnyādārānuñ cem' itdiği çirk-āb-ı dūnyā yirinde kalmayup, kendüsi yalnızca dāḥil-i sūrāḥ-ı ḳabr-i ḥasret olur. dimişlerdür. (Metin: 390.)

Ve bunun beyānı budur ki; ḥayāt-ı dūnyā ḳanṭara-mişāl mi'ber-i 'uḳbādur. Ve ol ḳanṭaranuñ bir ḳaç rükn-i vardır. Şöyle ki; dūnyāya gelen insāna āğuş-ı māder ve gehvāre-i ıztırāb-eşer rükn-i evveldür. Ve laḥd-i mezār-ı pür-i'tibār rükn-i āḥardur. Bu iki rüknüñ miyānesinde ba'zılar ḳanṭaranuñ nişfini veyā şulāṣātını ḳaṭ' ve ba'zısı nihāyetine ḳadem-nihād olmağa bir ḥaṭvesi ḳalmış iken bu maḳûle köpriden 'ubûr ve ḳubûrdan ğāfilāne köpri üzerinde 'imāret-ḥāne itmek ancaḳ kār-ı dīvānedür dimişlerdür.

Cümle ḥalk ehl-i sefer 'ālem müsāfir-ḥānedür
Hîç muḳîm âdem bulunmaz bir 'aceb kâşānedür
Bir kefendür 'āḳıbet ser-māye-i şāh u gedā
Çün buna mağrûr olan mecnûn degül de yā nedür?

(Metin: 488.)

Esrâr-ı İlâhiyye: Hattâ esrâr-ı İlâhiyye, ‘inde’l-evliyâ’ emânetu’llâh olup ve evliyâlar ümenâ’-i İlâh olduğundan ⁸¹ ان الله يأمرکم ان تؤدوا الامانات الى اهلها⁸¹ mantûkıncı emânet-i şerîfi ancak ehline edâ iderler ve ehli olmayandan cüdâ vü sükût üze giderler. Nitekim hâzret-i Mevlânânuñ:

هرکه او از همزبانى شد جدا
بى زبان شد کرچه دارد صد نوا⁸²

beyt-i dil-ârâsı bu beyânda kâfîdür. (Metin: 329.)

ضمير الاحرار: هادىء-ى şerîfi ve dahı hâzret-i Hayderüñ: صدور الاحرار قبور الاسرار Ve dahı kelâm-ı münîfi mışdâklarınca evliyâ’-i kirâmuñ kulüb-ı aqdesleri, maḥzen-i esrâr-ı İlâhî ve mevķı’-i ‘inâyet-i nâ-mütenâhî olmağın, bilâ-izni’llâh kimseye keşf-i râz buyurmazlar ve esrâr-ı ‘ışķı bî-gâneye tıyurmazlar. Ammâ müdde’ilerüñ ḥâlî ma’lûmdur. Nitekim Nâbî eyidür:

Hüneri var ise ketm-i eşer-i ‘ışķ itsün
‘Aybdur bülbül-i şūrîdeye feryâd itmek

Hattâ ḥalvetde dahı keşf-i râza izn vermeyüp dîvârlaruñ kulağı var didiklerin şâ’ir *beyt*:

بخلوت نیز از دیوار مى پوش
که باشد در پس دیوارها کوش

beytiyle edâ buyurmuşdur. Ve nâzımuñ kelâmında, zamâne de esrâr keşf idecek dost yokdur dimege dahı ihtimâl vardır. (Metin: 422.)

Ez-ser-i engoşt: Ez-ser-i engoşt, bu kelâmuñ mecmû’ı ıştılâḥ-ı Fârisîde aşl «teğâfûlâne ve gönülsüz» ma’nâsına müsta’meldür. Nitekim Ebu’l-Ma’ânînuñ *beyt*:

انتظار ان هلال ابرو کشیدم روز عید
مرحبا کرده ولیکن از سر انکشت کرد

beytinde bu ma’nâca: Yevm-i ‘idde ol hilâl-ebrûnuñ intizârın çekdüm. Baña merḥabâ eyledi, lâkin nîm-nigâh u teğâfûlâne ile eyledi dimekdür. (Metin: 83.)

Gurbet: Ma’lûm ola ki ğurbetüñ fevâ’idi çokdur. Nitekim Kâsım-ı Meşhedînuñ *beyt*:

نیست قدرى هیچکس را در دیار خویشان
آب تا در کل بود آبست و در مینا کلاب

buyurduğu ve dahı Ḥ’âce Şâ’ibüñ *beyt*:

⁸¹ «Haberiniz olsun ki Allâh size şunları emrediyor: Emâneti ehline veresiniz...» me’âlinde âyet-i kerîme Nisâ Suresi/58.

⁸² Dilinden anlayan refîkından ayrılan kimsenin çok sözü olsa da dilsizdir.

کامل هنران در وطن خویش غریبند
در پشت صدف کوهر شهوار یتیمست

didigi ebyāt-ı laṭīfler mışdāķınca, kişinüñ kendi beldesinde ķadri yokdur. Zīrā āb, mā-dām gülde oldıķca ābdur. Ammā mīnāya naķlinde gül-ābdur. Ve daķı şadefinde olan dürr-i şehvār bī-ķadrdür. Ammā pūşt-i şade fe ħurūc u naķlinde dürr-i yetīmdür ki, şarrafān-ı rūzgār yanında zī-iʿtibārdur. Ḥattā ħurbetde raġbet ħarfi mevcūddur dimişlerdür. Lakin ħurbetüñ zaĥmet-i ġün-ā-ġūnı daķı maʿlūmdur. Nitekim: ⁸³ السفر قطعة من السقر ḥadīs-i şerīfi bunda şāhiddür. Bināʿen ʿaleyh kişinüñ ħānesinde çekdiği zaĥmet, ħurbetde olan şafāsından evlādur dimişlerdür. Ancak taḥşīl-i ʿilm ü kemāl ve puḥtelik, baĥr-i ħurbetüñ zaĥmetlerin çekmege mevķūfdur. Nitekim Şāʿib:

نیست ممکن پختکی تحصیل کردن در وطن
خامی عنبر کجا از جوش دریا کم شود

diyü buyurmuşlardır. Yaʿnī; vaṭanda puḥteligi taḥşīl mümkin degüldür. Ve illā ʿanberüñ ħāmlıġı, cūş-ı deryādan ķande kem olur idi? Yaʿnī; ʿanber ħāmlıġın deryāya düşmek ve āĥara sefer itmek ile giderür dimekdür. Şöyle ki Serendīb semtinde leb-i deryāda olan cibāl-i şāhiķanuñ el irişmez ķayalarında bal arısı mekān tutup, çıķardıġı baluñ ger mūmı deryāya düşüp, bilād-ı sâʿire semtine aķup vardıķda, anı sâĥile ķarīb maĥallerde cemʿ idüp şatarlar. ʿAnber ol mūmdandur dimişlerdür, intihā. (Metin: 410.)

Gûy u Çevġân: Pes ʿāķıl olana zulmden ihtirāz idüp ṭop gibi bī-ser ü pā olmaķ kişinüñ iķtidārında iken, çevġān gibi zaĥm-sāz-dilān olmamaķ gerekdür diyü *beyt*:

چوكان مشو كه از تو خرد زخم بردلی
تا همچو كویی بی‌سر و بی‌پا توان شدن

mażmūnın irād buyurmuşlardır. (Metin: 375.)

Güzer-nāme: Ḥaķķ teʿalā aña raĥmetinden bir nāme virür. Nāme-i raĥmet, düzaĥdan berāʿet nāmesidür. Nitekim şāʿirüñ:

همه دیانت و دین جوی و نیک رایی کن
كه سوی خلد برین باشدت كذر نامه⁸⁴

beytiyle müsteşheddür. Güzer-nāme; seyyāḥ ve ebnāʿ-ı sebīl maķūlelerine bācdārān ve ġayrıdan taʿarruz olunmamaķ için ĥukkām-ı devlet tarafından virilen ızn-nāmedür ki aña muʿāf-nāme dirler. Ve Fārisīde aña ḥaṭṭ-ı cevāz ve berāt-ı müselleme daķı dirler. (Metin: 474.)

⁸³ «Sefer cehennemden bir parçadır.»

⁸⁴ Dâimâ din ve diyâneti gözet, hüsn-i zan üzre ol ki senin için cennete güzer-nāme olur.

Hâb-hor: H^vâb-hor, kelime-teyn beyninde olan harf-i ‘aṭfuñ ḥazf-iyle terkīb-i tavşîfî itibâr olunup «yiyüp yatmak» ma‘nâsı virilür. Nitekim ḥûn-âb kelimesinüñ aşlı ḥûn u âb idi. Ma‘ṭûf ile ma‘ṭûfun ‘aleyh beyninde olan vāv-ı ‘aṭfuñ ḥazf-iyle terkīb-i tavşîfî itibâr olunup «kanlu şu» ma‘nâsı virilmişdür. Mā-naḥnū fihide ke-zālik aşlı ḥâb u ḥor iken ḥazf-i vāv ile ḥâb-hor dinmişdür. (Metin: 251.)

Hâb-ı Subh: Ma‘lûm ola ki giceleri nevm güzerân iden ḥ^vâb-âlûdlar, kıyâm-ı leyl ve seher-ḥîzlik ile me’lûf olan ehl-i sa‘âdetüñ nâ’il oldığı devletden mahrûm olur. Ez-cümle, ḥ^vâb-ı şubḥ māni‘-i rızq olur. Nitekim الصبحة تمنع الرزق ḥadîs-i şerîfî tercemesinde:

Kısmet-i merdüm-i seher-ḥîzüñ
Genc-i ğaybden irür imidâdı
Men‘-i rûzî vü telḥî-i ‘îşe
Ḥ^vâb-ı nûşîn-i şubḥdur bâdî

dimişlerdür. İmdi mü’mînüñ ekser-i evkât-ı leyālîsi seher ve bîdārî-i seher ile güzer itmek hoşterdür. (Metin: 214.)

Hânedân: Hânedân, «aşl evüñ dâ’iresinde olan havlî»ya dirler ki lisân-ı ‘Arabda aña ḥarem dinmişdür. Pes ‘Arablar ḥâtûnlarından «ḥarem» ile ta‘bîr eyledikleri gibi ‘Acem «ḥânedân» ile ehl-i beyt murâd iderler. Ammâ ḥānmān bunuñ ğayrıdur ki ma‘nâsı «menzile beñzeyici» dimekdür. Aşl mevzû‘un lehi; yörük ve ‘urbân ve ekrāduñ evleri idi. Şoñra keşret-i isti‘māl ile ḥānmān «ev ü barḳ» demek olmuşdur. (Metin: 206.)

Hâtem: Ma‘lûm ola ki bu ḥâtem-i şerîfe, Ḥâtem-i Süleymân ve Mühr-i Süleymân didikleri gibi Fârisîde «Ḥâtem-i Cem» daḥı dirler. Zîrâ elfâz-ı Cem egerçi ma‘nâda «pâdşâh» dimekdür. Lâkin kaçan Cem lafzı «ḥâtem» ile yâḥod «bâd» lafzı ile yâḥod «âşaf» lafzı ile zîkr olınsa, andan ḥazret-i Süleymânı murâd iderler. Nitekim «âyine» lafzı kaçan «ḥikmet» ile veyâ «hukemâ» ile ve emşālî nesneler ile isti‘māl olınsa murâd İskenderdür dirler. Ve kaçan «cām» ile veyâ «bâde» ile veyâ «sâğar» ile isti‘māl olınsa murâd Cemşiddür dirler. (Metin: 43.)

Hâtır-şikenlik: Ma‘lûm ola ki ḥâtır-şikenlik kadar bir ḥaşlet-i bedter olmaya; her kimüñ ḥâtırı olur ise olsun. ‘Ale’l-ḥuşûş âzürde eyledigiñ mü’mîn qarındaşuñ ola. Bunuñ tafşîlî aşâğıda in-şâ’a’llâh beyân olınacaḳdur. Qaldı ki bir kimsenüñ nażargâh-ı Rabbü’l-erbâb olan ḥâne-i ḥâtırını ḥarâb ü yebâb itdikden şoñra anı bir daḥı nevâziş-i bî-ḥisâb ile ta‘mîre şitâb eyleseñ evvelki gibi ‘umrân bulmayacağı meşhûr-ı miyâne-i ehl-i ‘îrfândur. Nitekim Nâbî raḥimehu’llāhuñ beyt:

Kenâd itseñ yene ‘ayb-ı şikâf-ı kâse bâḳîdür
Olur tarz-ı nevâziş bî-nemek âzârdan şoñra

kelāmı işbāt-ı müddeāda kāfīdür. Hülāşa-i kelām hiçbir kimsenüñ kalbini incidüp hāne-i hātırın harāb itme. (Metin: 133.)

Hatt: Hatt, Fārisīde niçe ma’nāya gelür. Ez-cümle hatt-ı nev-hīz-i hūbāndur ki şu‘arānuñ ba‘zısı henüz görünmiş şakala dir. Ve ba‘zısı tāze bitmiş bıyığa dirler. Ba‘zısı kaşa müşābih olan bıyığa dir ki çār-ebur ta‘bīri şāhīh ola. Ve dağı hatt-ı sāgar ve hatt-ı Bağdādīdür ki kenār-ı cāmda olan hattdur ki tolu olmağdan kināyedür. Ve dağı hatt-ı gerdendür ki diyār-ı ‘Acemde kâ‘ide-i qādīmleri üzre qatlı olacağ ādemüñ gerdānına cellād bir hatt çeküp ve gözlerin bağlayup ve na‘-ı rīg üzre oturdup ve iki-üç def’a istizān ba‘dehū qatlı ider idi. (Metin: 253.)

Hikmet: Ve eger ol nā-cins senden ağız-i hikmet ve taleb-i ma‘rifet kaydında ise de yine andan sür‘at ile nefret gerekdür. Zīrā hem-rāz u hem-zebān olmayana i‘tā’-i hikmet ol hikmete zulmdür diyü beyān buyurmuşlardır. Nitekim hadīs-i şerīfde لا تعطوا الحكمة الى غيرها⁸⁵ vārid olmuştur. (Metin: 329.)

Hudāy: Hudāy, bunda ism-i müfreddir, ‘Arabīsi «şāhib» ve Türkīsi «issi» dimekdür. Ve dağı «mālik» ve «‘azīz» ma’nāsınadır. İmdi haqīkatda şāhib-i muṭlağ ve mālik-i muṭlağ ve ‘azīz-i muṭlağ hazret-i Haqq olup, Haqquñ ğayrına şāhib ve mālik dinmek mecāz oldıysa, lafz-ı Hudā Vācibü’l-Vücūd hazretine maḥşuş olup keşret-i isti‘māl ile ‘alem-i hāş olmuştur. Bu taqdīrce Haqquñ ğayrına Hudā dinmek e’imme-i dīn qatında küfrdür dirler, meger ki lafz-ı Hudādan ma’nā-yı terkībī murād olına. Zīrā lafz-ı Hudā gāhī mürekkebi olup ma’nāsı «kendi gelici» demek olur. Nitekim İmām Rāzī Me‘ālīb nām kitābında böyle beyān buyurmuştur. Bi-‘aynihī ‘ibāresi İbnü Kemālūñ Deḳāyīku’l-Haḳāyıkında naklen meşhūrdur. Lākin lafz-ı Hudāy mürekkebi i‘tibār olındıqda evlā olan vāv-ı resmī ile خودای (Hudāy) yazılmağ gerekdür. Nitekim nazm:

آمد بر من که من رسولم

گفتم تو برو که من خودایم

beytinde böyledür. Ma’nā-yı beyt: Fülān benüm yanuma geldi ki; “ben saña gönderilmişim” diyü. Eyitdüm; “Sen git ben kendüm geliciyim”. (Metin: 18-19.)

Hüdhüd: Ma‘lūm ola ki bu mes’elenüñ bağısı ibtidā huzūr-ı Süleymān ‘aleyhi’s-selāmda, miyāne-i mürğānda vāqı‘ olmuştur. Şöyle kim; mürğān pīşgāh-ı hikmet-penāh-ı hazret-i Süleymān ‘aleyhi’s-selāma geldiklerinde, hüdhüdüñ zīr-i zemīnden kırk zirā‘ kadar yirde mestür olan ābı görmek hāşıyyeti ibrāz olındıqda zāğ-ı ḥased-pīşe, hüdhüdüñ bu kelām-ı haqīkat-nizāmın lāf u güzāfa haml ile: “Eger hüdhüde bu nazar dā’im kâ’im ola idi bir avıç

⁸⁵ «Hikmeti ehil olmayana vermeyiniz, ona zulmedersiniz. Ehline verilmesine mâni olmayınız; bu da ona zulümdür.»

hâküñ zîrindeki dâma giriftâr olmaz idi” diyü mu‘arazaya âgâzında hüdhüd-i râst-gû: انا جاء القضاء غشى البصر⁸⁶ ifhâm kıldıkda, bu kelâm-ı haqîkat-beyân pesendide-i hazret-i Süleymân olmışıdi, intihâ. (Metin: 336.)

Hümâ: Hülâşa-i kelâm, kişünñ her nekadâr sa‘d u devleti efzûn olur ise kibr ü naḥvetden pâk olmak lâzımdur. Hattâ sāyesi bâ‘is-i sa‘adet olan hümâ kuşınñ rızkı üstüññ olmasınınñ ḥikmetini beyānda erbāb-ı işāret ve eşḥāb-ı fiṭnatuñ kelāmı üzre; mağz-ı hümādan naḥvet-i sa‘adet be-der ola diyü üstüññ-h̄vār olmakda seg ile hümāyı şerîk kılmışlardır. Nitekim:

تا نخوت سعادت بیرون رود ز مغزش

با سک شریک روزی کردند ازان همارا

beyti bu ma‘nāyı mübeyyendür. (Metin: 228-229.)

İyâde-i Marîz: Ve beyne’l-aḥbāb ‘ıyâde-i marîz, inşāf u mürüvvetüñ nişānesidür. Nitekim bir zarîf dimişdür, *beyt*:

Bir kerre de şor bâri gelüp ḥasteñi zālîm

İnşāf nenüñ adı, mürüvvet neye dirler?

(Metin: 519.)

İbret-gîrlik: Nâzımuñ ḥitābı cüvāna eylediginde, ‘âşıkāna işāret-i dîger dahı vardır. Budur ki; zamāneden ‘ibret-gîrlik eyyām-ı cüvānide maḳbûl ve ‘inde’l-‘uḳalā maḳûldür. Yoksa hengām-ı pîrîde eşk-rîz-i nedāmet olmak, kiştzârı bî-maḥall sîḳāyet itmek gibidür. Anuñ ise ‘adem-i nef’i zāhir ü bâhirdür dimişlerdür. Nitekim şā‘irüñ:

باران بی محل ندهد نفع کشت را

در وقت پیری اشک ندامت چه میکند

beytinden ma‘nā-yı murād müstefāddur. Hülâşa-i kelâm zamāneden ‘ibret-gîrlikde şarf-ı nazar ile ihtimām eylemek ‘uḳalā vü cüvān-ı şulehā kārıdur:

‘Âḳıl iseñ i‘tibār al iy cüvān

(Metin: 307.)

İhsân: Ma‘lûm ola ki iḥsānuñ ḥasen olduğına, iḥşānda olan elifler şāhideyn-i ‘ādileyndür dimişlerdür. (Metin: 407.)

⁸⁶ Kazâ geldiği zaman göz görmez olur. Bu söz, *Durûb-ı Emsâl*’de “Kazâ gelince dâniş gözü kör olur” şeklinde geçmekte, Arapça’da darb-ı mesel karşılığı: انا جاء القضاء عمى البصر olarak verilmektedir. Bkz.: Beyzadeoğlu, (2003): 164.

Kâfir: Kâfir lafzı, ‘inde’l-‘Acem fâ’nuñ fethiyledür. Ve ‘inde’l-‘Arab fâ’nuñ kesriyledür. Ma’nası «sâtir»dür. Nitekim dâne-yi yirde zirâ‘at ile setr iden zürrâ‘a ve nehâruñ nûrını zulmetiyle setr iden leyle kâfir dimişlerdür. Pes nâ-müselmâna kâfir dindigi, haqqı setr itdiği içündür. ‘Arabîde cem‘i küttâb vezninde küffâr ve ciyâ‘ vezninde kifâr ve fecere vezninde keferedür. Fârisîde cem‘i kâfirân gelür. Nitekim şâ‘irüñ:

آنچه در جان منست کر بر شتر بودی ز غم
می زندی کافران در جنة المأوى علم

beytinde vâkı‘dur. Ya‘nî; benüm cānumda olan ğamm eger bir devenüñ üzerinde ola idi, deve ol ğammdan rişte gibi incelüp semm-i hıyâtdan duhûle kıabil olur idi. Pes ehl-i küfrüñ cennete duhûlleri: ⁸⁷ لايدخلون الجنة حتى يلج الجمل فى سم الخياط ⁸⁷ āyet-i şerîfi üzre devenüñ igne yurdısından geçmege muvaffak olup ve devenüñ semm-i hıyâtdan ‘adem-i duhûli egerçi ma‘rûfdur ammâ benüm derūnumda olan derd ü ğammumı götüren deve böyle olduğu taqdîrce kâfirân cennetü’l-me’vâya duhûl ile naşb-ı ‘alem-i me’mûl iderler idi demekdür. Şâ‘irüñ bundan murâdı mübâlağa ile keşret-i ğamm-ı cānın beyāndur. Ve bu maзмün-ı belîguñ ‘Arab u Türk şu‘arâlarınuñ şi‘riyyelerinde vukû‘ı vardır. ‘Arabîsi:

ولو ان ماى من جوى و صبابة
على جمل لم يبق فى النار كافر

ve Türkîsi:

Derūnumda olan derdi ba‘îrüñ üstine kıoysam
Cehennemde olan kâfir güler ehl-i ‘azâb oynar

(Metin: 194-195.)

Kâgad-ı Bâd: Ve dağı başında hevâ-yı kibr olup kâgad-ı bâd gibi halkdan yüksek uçanuñ, boğazında urġan ile maşhara-i ehl-i seyrân olduğu H‘âce Muhlîşuñ beyt:

همچو کاغد باد⁸⁸ هر کس را هوایی در سرست
از برای سیر هر دم در رسیمانش دهند

beyt-i laţîfinden nümâyāndur. Kâgad-ı bâd didikleri, şan‘atle ma‘mûl bir varağdur ki kendü-yi rîsmân ile hevâya şalup, pervâz itdürüp seyrine dem-sâz olurlar. (Metin: 352-353.)

Kanâ‘at: İmdi her umûrda, huşûşıyla libâs huşûşında tekellüfden mücânebet ile senevî bir libâsa kanâ‘at itmek gerekdür. Zîrâ:

⁸⁷ Onlar «...ve deve iğne deliğinden geçinceye kadar cennete giremezler.» me‘âlinde A’râf Sûresi/40. âyet-i kerîmesi. Şârih âyet-i kerîmeyi tefsîren yazmıştır. Hüm zamiri âyet-i kerîmenin aslında olmayıp baş tarafındaki; âyetleri yalanlayanlara ve imânı kibirlerine yediremeyenlere işârettir.

⁸⁸ Beyitte –vezin gereği– kâgad-bâd şeklinde kullanılmıştır.

عزیزتر نہ از کعبہ ای لباس پرست
بجامہ کہ بسالی رسد قناعت کن

Ya'nî; Ka'be-i mükerreme bu deñlü muhtereme iken senede bir libāsa k̄ānī'adur. İmdi iy libās-perest ve iy talebkār-ı zīb ü zīnet! Sen Ka'beden 'azīzter degülsin; senede ulaşan bir came ile k̄anā'at ve ihrāz-ı rāhat-ı āhīret eyle dimekdür. (Metin: 230.)

Ve harīş-ı t̄ama'kārūñ Hudānuñ rahmetinden dūr ve Haqqdan mehcūr olduğına sebep; mün'im-i haqqīnūñ ni'meti her ān vāsıl olur iken: "Belki bu ni'met fevt olur, sonra zahmet çekerem" diyü Benī-İsrā'ilūñ mā'ide-i pūr-fā'ideyi hilāf-ı emr-i İlāh üzre iddiḥārı, küfrān-ı ni'metden nāşī ni'metlerinūñ inḳıṭā'ına ve kendülerinūñ şuverleri kırede vü ḥanāzīr şüretine tahvīl olmağa bādī olduğu gibi, hırşa ibtidār ile ni'am-ı vāşılanuñ 'adem-i inḳıṭā'ına cāzım olmamak ma'nāsınca dīnār u dirhemi iddiḥār ider harīşuñ belāsı ise ḥod ma'lūmdur. Pes bunlardan ḥalāş murāduñ ise *beyt*:

Meges gibi harīş-ı cīfe-i dünyā-yı dūn olma
Maḳāmuñ kulle-i Kāf-ı k̄anā'at eyle 'Anḳāveş

dimişlerdür. (Metin: 280.)

. Pes ġinā k̄anā'atdedür; yoksa cem'-i mālda degüldür. Nitekim dimişlerdür Şā'ib:

روده تنک به یک نان تهی پر کردد
نعمت روی زمین پر نکند دیده تنک

Ya'nî; t̄ar olan bağırsak bir nān-ı sāde ile tolar. Ammā dīde-i teng, ni'met-i rūy-ı zemīn ile t̄olmaz. Çāresi k̄anā'atdür dimekdür. (Metin: 378.)

Pes bunda Ḥ'āce Ḥāfiḡ buyurmuşdur, *beyt*:

قلندران حقیقت بنیم جو نخرند
قبای اطلس آنکس که از هنر عاریست

Ya'nî; evliyā'u'llāhlar, hūnerden 'ārī olan ebnā'-i dünyānuñ atlas ḳaftānını yarım arpaya şatun almazlar dimekdür. Hūnerden murād; āhīret için tedārük-i zāddur. (Metin: 512.)

Karınca: "Ḥattā ḥaşmuñ ḳarınca ise de merdāne ol"⁸⁹ didikleri, meşel-i sā'ir üzre arslan bu kadar kuvvet ü şavlet şāḥibi iken toğurdığı yavrisını ḳarınca elinden bir yirden bir yire ağız ile götürüp ḳaçurur. Ḥattā yavrisın ağızında tutup gider iken ba'zı bıldırcın didikleri kuş nā-gāḥ uğrında pervāz itmek ile yavrisına zarar gelmemek için şefḳat dā'iyyesiyle ağızında ziyāde şıḳup bilmezlik ile helāk ider. Anuñçün sebebine isnād t̄arīḳı üzre mezkūr bıldırcın kuşına luğat-i Fārisīde «şīrküş» diyü ad virmişlerdür. Ḥulāşa düşmeni ḥaḳīr görmelü degüldür. (Metin: 173.)

⁸⁹ Bkz.: Beyzadeoğlu, (2003): 134.

Ma'lûm ola ki qarınca keşîrû'l-ḥarekât olmağın 'Arabîde ismine «nemle» dinmişdür. Künyesi «ebû meşğûl»dür. Sâ'ir ḥayvanâtından bu cihet ile mümtâzdur ki; kendi cüssesinde demüri götürür. Ğāyet kuvvetlüdür. Hattâ selefde bir qavmi, Ḥudâ qarınca ile helâk itmişdür dirler. Ve kendünün ḥavfından arslan yavrısını yirden yire qaçırur. Zîrâ arslanun yavrısını helâk ider. Ve cüsse-i 'azîme şāhibi olan fîlün ayağına buğağı gibi cem' olmağıla fîli helâke virür. Ve taleb-i rızqda ḥîlesi 'āzîmdür. Dâne olan yiri birbirine ḥaber iderler. Ve birbiri ardınca naql-i dāneye giderler ve dāne olan anbārın işin görürler. Zîrâ şitâ için yazdan zehā'ir cem'ine düşüp, ihtikār üzre hırş ile her biri hezār dāne iddiḥār iderler. Ma'a-hāzā senede küçüğü yarım dāne ve büyüğü bir dāneden ziyāde yimez. 'Ömri daḥı 'alā-rivāyetin bir seneden ziyāde sürmez. Ve kilār zemninde müddeḥar olan dānelerde ta'affün aḥlasa, ol dāneleri cümleten leyle-i qamerde taşra çıkarup, tamām kurıdup yine kilārına naql ider. Ve mezkûr dāneler zîr-i zemninde bitmemek için vaktiyle iktizāsına göre dāneleri taşnîf üzre ikişer böler. Ve küzbüre didikleri nesneyi dört böler. Zîrâ küzbüre munşifen zer' olunur imiş. Böyle bir ḥarîş u ḥîle-bāz ḥāyvāndur. Qaldı ki qarıncayı beyne'ş-şu'arā «merd-i kânî»a teşbîh ile ez-cümle *beyt*:

سفره اهل قناعت هر دم از نعمت پر است
روزئ موران بود دائم مهیا بر زمین⁹⁰

didikleri senede yiyeceği rızq-ı qalîle nazarandur. Yoksa anbār u kilārde müddeḥar olan ni'mete nazaran degüldür. Ancaq qalîle qanā'at itdiği için kısmeti zemn üzre dā'im müheyyādur; aç qalmaz dimekdür. (Metin: 272-273.)

Ve daḥı hırşun taqarrurı ile qalb qaralur. Ve siyāh oldıqdan soñra izāle-i hırş 'asîr olur. Nitekim buyurmuşlardır, Muḥliş:

حرص دنیا کی رود بیرون ز دلہای سیاہ
نیست امید رہایی مور پا در قیر را

Ya'nî; siyāh-dillerden hırş-ı dünyā qaçan taşra gider? Ya'nî gitmekden 'uşret vardır. Zîrâ ayağı ālûde-i zift olan mûruñ ḥalāşına ümîd yoqdur dimekdür. (Metin: 371.)

Kazâ-i İlâhiyye: Ve kazâ'-i İlâhiyyenün redde imkânı olmadığın beyānda Mevlānâ qaddesa'llāhu sırrahū ḥazretleri Meşnevîsinde, ḥazret-i 'Aliyyü'l-Murtezâyı şehîd iden rikābdâr-ı Ḥayder-i Kerrār İbnü Mülceme: “Sen kâtil-i Ḥayder olacaqsın” diyü Faḥr-i 'ālemün ḥaber virdiği sırâ, ḥazret-i Ḥayder:

کفت پیغمبر بکوش چاکرم

⁹⁰ Kanâat ehlinin sofrası her zaman nimet ile doludur; karıncanın rızkının daima yeryüzünde hazır olduğı gibi.

کو برد روزی ز کردن این سرم⁹¹

maẓmūnın maḳālesi üzre āgāh olup ve mezbūr rikābdār ḥazret-i Ḥaydere gelüp: “Yā ‘Alī! Beni evvel sen ḳatlı eyle” diyü her gāh recā eyler iken ḥazret-i Ḥayder,⁹² جف القلم بما انت لاق müfādı üzre ḳazā-yı Ḥaḳḳa ḥile-perdāzlıḳ olmaz diyü ḳazāya rızā virmişdür dimişlerdür, intihā. İmdi işbu ezā’-i müşkilü’-d-devāya teslîmden ğayrı çāre yoḳdur. Nitekim, *beyt*:

در زیر تیغ حادثه بر دست و پا مزن

کین درد را بجز سر تسلیم چاره نیست⁹³

dimişlerdür. Ḥattā ḳazāya rızā vü teslîm gösterenüñ başına ebr-i belā, bāl-i Hüma olur. Nitekim şā‘irüñ:

هرکه تسلیم بفرمان قضا میکردد

بر سرش ابر بلا بال هما میکردد

beyt-i lâṭifinüñ maẓmūnı bu ma‘nāya güvāhdur. Ve daḥı:

چون کشیدی پای بر دامان تسلیم و رضا

تیغ اگر چون کوه بارد بر سرت پروا مکن⁹⁴

Ve daḥı bu maẓmūn-ı leṭāfet-nümünü düstüru’l-‘amel eylemek beyânında *kıṭ‘a*:

Hemîşe nāfız olur ser-nüvişt-i ḥükm-i ḳazā

Dimeñ ki ṭālib olan sa‘yde ḳuşūr eyler

Nihāde ḳıl ser-i teslîmi levḥ-i taḳdîre

Muḳadderāt-ı İlāhî gelür zuhūr eyler

didikleri kāfî ve teslîmde vāfîdür dimişlerdür. (Metin: 337.)

Ol nesneden ki saña ḥāşıl yoḳdur; gönli ḳānî‘ tut. Ya‘nî; ḥaḳḳuñda ḥuşûli muḳadder olmayanı taleb ile bî-hüde zaḥmete düşmeyüp muḳaddere rāzî ol dimekdür. Nitekim *beyt*:

Ne deñlü sa‘y iderseñ bir murāde

Naşîb olmaz muḳadderden ziyāde

dimişlerdür. (Metin: 458.)

Ḳazā-yı āsmānî, ḳalem-i ḳazā ile nigāşte-i levḥ-i maḥfûz ve ānan-fe-ānan semādan nāzil ü melḥûz olan aḥkām-ı İlāhîdür. Pes bundan baḥş cā’iz degüldür. Nitekim ḥaberde لا تكلّموا فی

⁹¹ Peygamber (s. a. v.) kölemin kulağına, günün birinde başımı boynumdan ayıracağını söyledi.

⁹² «Takdir kaleminin yazdığı lâıık olduĖundur» me’âlinde hadîs-i şerîf.

⁹³ Kazâ kılıcının altında çırpınma, başı teslim etmeden bu dertten kurtulmanın çaresi yoktur.

⁹⁴ Ayağını teslim ve rızâ eteğinin altına çektiğinde, başına dağ gibi kılıç yağsa da korkma!

⁹⁵ vārid olmuşdur. İmdi her aḥkām, müsbet-i ezeli-i Ḥaḳḳ üzre iken te'sīrāt u aḥkāmı feleke nisbet ḥaṭādur. Nitekim Ḥ'āce Ḥafızuñ *beyt*:

راز درون پرده چه داند فلک خموش
ای مدعی نزاع تو با پرده‌دار چیست⁹⁶

bu beyānı müş'irdür. Rāz-ı derūn-ı perdeden murād ḳazā-yı İlāhīdür; ve perdedārdan murād felekdür ki ḥavādişuñ ekseri anuñ gerdişi ile zuhūr bulur. Lākin fā'il-i muḥtār olan Perverdḡārdan emrsiz olmaz ve ḳazādan dem uran felāḥ bulmaz. Anuñçün bu mu'ammāyı ne keşf itmiş ve ne keşf ider vardur dimişlerdür. (Metin: 478.)

Kazm-ı Gayz: Ḥulāşa-i kelām kazm-ı ḡayz, bā'is-i selāmet-i dāreındur. Ve hengām-ı ḡaḍabda nefsi zebūn itmek ḳadar yigitlik yokdur. Nitekim ber-manṭūḳ-ı ḥadīs-i şerīf buyurmuşlardur, *ḳıṭ'a*:

Pehlevānlık degül muşāra'ada
Eylemek şiddet ile ḡaşmı zebūn
Merd-i zūr-āzmāy odur ki ide
Nefs-i şūmı dem-i ḡaḍabda zebūn

(Metin: 123.)

Kebūter: Ma'a-hāzā Faḡru'l-ebrār şalla'llāhu 'aleyhi ve sellem ḡazret-i Şiddīḳ rażıya'llāhu 'anh ile cānib-i yemīn-i Mekke de vāḳı', şehre bir sā'at bu'diyyeti şāyi' Cebel-i Şevr dimekle meşhūr bir kūh-ı lāmi'ūñ bir ḡār-ı sa'ādet-āşārında ārām u ḳarārı ihtiyār buyurmuşıdı. Ve 'aḳībū'l-ḳarār ol ḡār-ı pūr-envāruñ bāb-ı devlet-medārı üzre be-ilhām-ı Bārī 'ankebūt pūd u tār ihzārı ile perde-sāzlık ḡizmetin ibrāz idüp ve ol perde-i ḡıfz-ı İlāhī sāyesinde bir kebūter-i Ḥarem lāne-sāz-ı iḳāmet ve zīr-i şeh-bālinde beyza-nevāz-ı sa'ādet olup şevḳ-i ḡizmet-i şulṭān-ı her dü-serāyile nevā-sāz-ı zevḳ ü şafā olmuşıdı. Ḥattā ḡālā Beytu'llāhi'l-ḡarāmda āşyān-nişīn olan ḡamām-ı lāzımu'l-iḡtirāmlar bāb-ı ḡārda ḡizmet-ḡüzār olan kebūter-i ḡoş-bāl ü perūñ neslindendür dimişlerdür, kezā fi-Şerḡi'l-Ḳaşīde li-'Aliyyi'l-Ḳārī. (Metin: 87.)

Kelām-ı Bī-münāsebet: Ammā bī-münāsebet olan kelām, bā'is-i zarar-ı tāmm olur. Bu mişllü kelāmdan ḡazer ve ḡaṭarından ḡā'if olmaḳ lāzımdur. Nitekim Ḥ'āce Şā'ib *beyt*:

دلم چون برک بید از حرف بی هنگام میلرزد
چو عاقل طفل بیند بر کنار بام میلرزد

diyü buyurmuşdur. Ya'nī bī-maḡall sözden söḡüt yapraḡı gibi ditrerem. Zīrā 'āḳıl olan ṭam kenārı üzre bir tıflı ḡorse ḡavfindan anuñ üzerine ditrer dimekdür. (Metin: 170.)

⁹⁵ «Kader hakkında konuşmayınız; o muhakkak Allāhın sırrıdır.» meâlinde hadīs-i şerīf.

⁹⁶ Perdenin ardındaki sırrı dilsiz felek ne bilir; ey müdde'î! Perdedār ile kavgan nedir?

Kesret-i Gussa: Kesret-i guşsa ihtiyârlık getürür. Zîrâ kesret-i gamm u guşşâdan dâhil-i bedende cân şıkılır. Ol sebebdan harâret-i garîze inîfâ-pezîr olup, eczâ'-i gîdâ'ıyyeyi nuzc-ı tāmmdan alıkor. Ve kılllet-i nuzc balgamuñ ahlât üzerine galebesin îrâs ider. Ol zamân saç u şağal sefîd ve beden kadîd olur, kezâ fî-Şeyh-zâde. (Metin: 505.)

Kesret-i İyâl: Pes dünyāya dil-beste olan keşîru'l-işğālûñ zâr u dil-haste olması vâreste-i kayd u beyândur. Qaldı ki giriftâr-ı kayd-ı kesret-i ıyâl olmak, ʿadû ve deyn ve işğālûñ her birlerini cāmiʿ oldığı nüktesin işʿâr için nâzım kesret-i ıyâlûñ zararını tafşilde sükût eylemişdür. Evvelen, evlād u ıyâlûñ şāhibine ʿadâvetleri zâhir ve bî-gāneden düşmāna hâcet koymadıkları bâhirdür. Ve keyfe lâ ki nâzımuñ icmâlde anları қаtâr lafzıyla beyânı, anlar çâr-pâ-mişâldür dimekdür. Şöyle ki; şāhibini ekşer deve tepmesi ve қаtır çiftesiyle müteʿezzî iderler. Ve şürette dost, haqîkatde düşmānlıkları hasebiyle koyun başlu kurdlardır. Ve қaydlarına giriftâr olan, âhir-i ʿömre dek mahbûs ve ümîd-i halâşdan meʿyûsdur. Sāniyen, şāhibinüñ fakr u fâkası maʿlûmları iken teklîf-i mâ-lâ-yuṭâkların istiḥşâl, şāhibini medyûn-ı müstağrak eylemek zâhirü'l-ḥâldür. Bināʿen ʿalâ-zâlik zurefâdan birisi buyurmuşdur, *nâzm*:

و الله سئمت من البيت
ليت اراه خاليا ليت
فى كل يوم الف تصديعة
و اخرها قارورة الزيت⁹⁷

Sālişen, şāhiblerinüñ her ne kadar ruṭubet-i ḥālî olsa teklîflerin yerine getürmekde ol kadar işğāl-i keşîreye dūçâr olmaқ âşkârdur ve dürlü dürlü zaḥmetleri erbābına bedîdârdur. İmdi saʿâdet-i dāreyn mücerredlikdedür. Hîç olmazsa rāḥat-ı cüzʾî, kılllet-i ıyâldedür. Nitekim⁹⁸ قلّة العيال احد اليسارين ḥadîs-i şerîfi bu beyānda dâlldür. (Metin: 402.)

Kettân: Hattâ kettân kısmı eger mâhuñ zıyāsına dūçâr olmasa kıyāmete dek çürimez idi dimişlerdür. (Metin: 221.)

Kötü söz: Ve gaḍabdan nāşî ʿibāda düşnāmdâr olmağın zararı yine şetm idene rāciʿ idigin beyānda Şāʿib:

دهن خویش بدشنام میالا زنهار
کین زر قلب بهرکس که رهى باز دهد

⁹⁷ Vallâhi evden bıkip usandım, keşke boş olaydı keşke; hergün bin baş ağrısı, yağ şişesi de sonuna geldi.

⁹⁸ «Âile efrâdının azlığı iki kolaylıktan biridir.»

buyurmuşdur. Ya‘nî; kendi dehānuñı düşnām-ı enām ile zinhār telvīs eyleme ki ol qalb altını her kime virür iseñ girü saña redd ider dimekdür. Bunda murād ma‘lūmdur. Kötü söz ile kötü aqça yine şāhibinūndür didikleri meşhūrdur. (Metin: 317.)

Zīrā kötü söz, geçmez aqça gibi şāhibine redd olunur. Ve belki bir sözüñ yirine iki işidürsüñ. Nitekim:

Ṭaḳ ḥalḳa gibi gūşuña pendüm cevāhirin
Dervīşūñūñ cevābına incinme iy dede
Ma‘nāda yine kendi sözüñdür işitdigüñ
Bir söyleyenler iki işidür bu ḳubbede

dimişlerdür. (Metin: 415.)

Lokma-i Halīfe: Luḳme, ‘Arabīdür; «yudılan nesne»ye dirler ve Fārisīde müsta‘meldür. Nitekim bir nev‘ ḥalvāya «luḳme-i ḥalīfe» diyü tesmiyeleri ḥakīm-i Ḥāḳānīnūñ *beyt*:

كان لقمة خليفة كه از دست وی خوری
لوزینه(ای) است خورده‘ الماس در میان⁹⁹

beytinde nümāyāndur. (Metin: 48-49.)

Māh-ı Siyām: Māhveş ve mehveş, «ziyāde güzel maḥbūb»a dirler. Pes nāzımuñ cemālī mehveşle tavşīfinde dil-berde ḥüsn ü ān gerekdür ve ol daḥı māh-ı āsmān gibi zātī gerekdür dimege işāret vardır. Zīrā meşşāta işi olan kesme vü vesme ḥīle-perdāzlıḳdur. Nitekim:

حاجت مشاطه نیست روی دل ارام را¹⁰⁰

dimişlerdür. Ḥattā ḥīle-i meşşāta ile olan ḥüsn-i cemāl, māh-ı siyām gibi bī-encāmdur dimişlerdür. Māh-ı siyām didikleri, bir ‘amelī māh şekli bir nesne idi kim anı Naḥşeb nām şehir ḳurbinde Siyām nām bir taḡda, Muḳanna‘ nām bir ḥakīm şu‘bede ile peydā eylemişidi. Dört fersaḥ yire dek zıyā virür idi. Altmış giceye dek şüret-nümā oldu. Ba‘dehū ‘amelī māh olmağın bi’l-küllīyye zā’il oldu. (Metin: 408.)

Māl: Pes mālā, devlet ta‘bīrleri mütedāvil olduğu cihetledür. Zīrā ¹⁰¹المال ډارب-ı meşeli üzre şāhid-i māl bir kimsenūñ maḥşūş-ı āḡūş-nişīn-i taşarrufı olmak muḥāldür, belki pīr-zen-i hezār-dāmād-ı zamāne gibi herkesüñ ḥuşūşā edānī-i rüzgārın ‘aḳd-i muvāşalatına meyyāldür. Nitekim nefs-i mālın devre meyyāl olduğunu beyānda:

Ḥāşılı altını teşḥīr itdiler tedbīr ile

⁹⁹ O *lokma-i halīfeyi* onun elinden yersen ortasında elmas parçaları olan bir *levzīne*dir. (*Levzīne* için kaynaklarda baklava, kadayıf veya helvaya benzeyen farklı tarifler vardır. Tariflerde müşterek olan husus badem içi ile yapılmasıdır. Geniş bilgi için bkz: Günay Kut, (2002): “Şirvānī’nin Yemek Kitabı Çevirisine Eklediği Yemekler Üzerine”, *Yemek Kitabı, Haz: M. Sabri Koz*, Kitabevi, İstanbul: 80.)

¹⁰⁰ Güzel yüzün süsleyiciye ihtiyacı yoktur..

¹⁰¹ Mal çok meyledicidir.

Gördiler tırmaz gider bend itdiler zencîr ile
dimişlerdür. Ve kendi ile münâsebet peydâ ideni dağı yeldürdigi *beyt*:

Gezdirür kendü gibi māl seni
‘Ākıbet eyler ol abdāl seni

maẓmūnından ma‘lūmdur. (Metin: 60-61.)

Mansıb Ehline Yakınlık: Ve bu maḳūle menāhīyi mürtekib olmayan anlara ẓarīb olamaz. Nitekim şā‘ir eyidür:

Menāşıb ehlinüñ ḳurbine āyā yol bulam dirseñ
Hoş āmed söyle kızb it muḍḥik-i bî-‘ār u ḡammāz ol
Uşûlün ‘ārif-i muṭribveş uydur maḳāmāta
Ne tilden kim çalarlarsa aña ney gibi dem-sāz ol

(Metin: 179.)

Mâr-âmûz: Ma‘lûm ola ki mâr-âmûz didikleri şol kimsedür ki; yılanı tıutup ve bir ḳutuya koyup ḥalka seyr itdürür. Pes şu destîsi şu yolında gider didikleri meşel üzre mâr-âmûz olanuñ ekseri yılan ledġiyle helāk olur. Ke-zâlik mâr-ı zehr-âlûd-mişāl olan māl-i dünyâyı cem‘ ile şandūka vü ḥazînede iddiḥār ile ḥalka ‘arz-ı kâlâ vü iftiḥār iden ehl-i dünyâ dağı dünyānuñ mesmûm u maḳhûrî olmak muḳarrerdür. (Metin: 182.)

Meges: Meges, fethile «siñek» ma‘nâsınadır; siñegüñ cümle envā‘ına şâmil ism-i ‘ammdur. Ḥattâ aruya dağı itlāk olunur. Nitekim eşek arusına «ḥar-meges» dirler. Lâkin bunda murād ma‘rûf siñekdür ki ‘Arabîde «zûbâb» dirler. (Metin: 438.)

Pes bu ḥışâl-i selâsede, da‘vetsiz bir yire varan kimesnenüñ meges ile müşâreketi ve bu maḳūle rezâleti ḳabûlde müşâbeheti olmağın nâzım beyt-i sâbıkda mânend-i meges dimişdür. Zîrâ meges, gedâ-çeşm ü bî-edebliğinden nâşî teklîfe ve da‘vete bakmayup ve cehâletinden nâşî ḥârr u şîrîn nesnelerden helāk veyâ mülevveş olacağın añlamayup ve hevâ-yı nefesine mütâba‘at sebebiyle ḥalâl u ḥarâm ve ṭâhir ü murdâr dimeyüp ve vaz‘ u vaḳârını ‘adem-i fehminden nâşî şâh u gedānuñ süfresini fark itmeyüp, hırsız gibi bir yire varup, ḥaḳâretile ile ḳonar. Ol zamân meges-rân ile kendüyi ḳovarlar. Eger ḳaçmağa iḳtidârı var ise uçar ve ḳaçar. Ve illâ bir mehâlike düşmiş ise ḥayyen veyâ meyyiten kendüyi süriyüp ṭaşra atarlar. İmdi bu vechile rānde oldıḳdan soñra ḥaḳâret ü rezâletden ve ḳovılıp ve sürilmekden i‘tibâr almayup elleriyle kendü yüzlerine sille urarak ve elini yüzine alarak ve inleyerek der-ḥâl ḳovıldığı yire yine tereddüd idüp yüz tırmalayarak yine ṭaşra gelür. Pes bu ma‘nâlar da‘vetsiz bir yire varanda zâhirdür. Ez-cümle kendi yüzine sille urarak mübtelâ-yı belâ-yı nedâmet oldıḳın beyānda:

چون مکس ناخوانده هر کس بر سر خوانی رود

ای بسا سیلی بدست خود زند بر روی خویش¹⁰²

buyurmuşlardır. (Metin: 439.)

Merdüme: Merdüm, Fārisīdūr; «ādemoğlanı» ma'nāsınadır ki «kişi» dimektür. Nitekim kişi-zādeye 'Acem, merdüm-zāde dir, *beyt*:

Gözüm yaşına rahm it sürme derden

Ki merdüm-zādedür düşmüş nazardan

Ve dahı merdüm lafzı «merdüme» ma'nāsına isti'māl olunur. Lafz-ı merdüme mürekkebdür. Bir cüz'i merdüm ve bir cüz'i kâf-ı taşgirdür. Ma'nası «merdümcük»dür. Türkî dilinde «bebek» didiklerinin adıdır ki gözde görünür merdümün ba'de't-terkib ismi olmuştur. Ma'nā-yı ahlî ile bu ma'nāya münasebet zāhirdür, kezā fi'd-Deḳāyık. (Metin: 134-135.)

Merhem: Ḳalbün mecrūhiyyeti, maḥabbetu'llāhda kuşūr ve maḥabbeti mā-sivāya maḥşūr eylemekden 'ibāretdür. Zīrā zikr ü fikre bā'ış olan maḥabbet-i kāmile-i Ḥaḳḳ, sāḥa-i beyzā'-i ḳalbden dirāht-ı maḥabbet-i mā-sivāyı ḳal' ve 'urūḳ-ı 'alā'ıḳ-ı dünyeviyyeyi ḳaṭ' ile olur. Şöyle ki; ḳalb ibtidā'-i ḥıḳkatinden ḳābil-i hüdā vü müste'idd-i şafā ve ḥāne-i maḥabbet ü nazargāh-ı Ḥudādur. Her ḳaçan maḥabbet-i mā-sivā ile mükedder ü muḡberr olsa, nazār-ı rahmetden maṭrūḥ ve zaḥm-ı dūr ile mecrūḥ olup merheme muḥtāc olur. Pes merhem-i bür'ü's-sā'a zikru'llāh idigi bī-iştibāhdur. Ol zamān ḳalb muṭma'in olur ve şıḥḥat bulur. Nitekim لا بذكر الاله تطمئن القلوب¹⁰³ bu beyānda kāfīdür. Ve nāzımuñ merhem ta'bırinde; sālik-i mecrūḥ bir pīr-i hünermendün terbiyesine muḥtācdur dimege imā vardır. Zīrā zaḥmdārāna merhem-sāy olmaḳ üstād-ı kārđān işi oldığı müstaḡnin 'anī'l-beyāndur. (Metin: 392.)

Meyyite Nazar: Pes nāzımuñ mürdeden murādı; maşlūb u maḳtūl olmaḳ zāhirdür. Zīrā bu mişllü meyyite nazār, noḳşān-ı 'aḳla dahı sebebdür. Ve nāzıra, ḡamm ve henn ve ḥüzn-i elem īrās itmegin maḡmūm u mehmūm u maḥzūnuñ ḥayātdan 'adem-i temettü'i zāhirdür. (Metin: 411.)¹⁰⁴

Mihr-giyā: Mihr-giyā, «maḥabbet otı» dimektür. Aşlı «giyāh-ı mihr» idi, li-eclī'l-'alemiyyet taḳdīm ü te'ḥīr ve ba'dehū hā ḥarfı terḥīm olunup «mihr-giyā» olmuştur. Mihr-giyā bir otdur ki, anı toşbaḡa didikleri ḥayvān bilür. Ḳaçan dişisi kendüye rām olmasa mezkūr otı bulup, aḡziyle getürüp üzerine ḳor. Ol sā'at kendüye anı rām ider. Nitekim *naẓm*:

بر مهر تو سبزه خط سر نه برآورد

¹⁰² Sinek gibi davetsiz, bir sofranın başına giden herkes kendi eliyle kendi yüzüne ne çok tokat vurur.

¹⁰³ «Şüphesiz kalpler Allāhın zikri ile mutma'in olur.» me'ālinde Ra'd Sûresi/28. âyet-i kerîmesi.

¹⁰⁴ Bu konuda –Sabit'ten bir örnek için de– Ahmet Talat Onay, (1992): “Asılana Bakılmaz” maddesi, *Eski Türk Edebiyatında Mazmunlar ve İzahı*, Türkiye Diyanet Vakfı Yayınları, Ankara: 44.]

نشاخت دلم خاصیت مهر کیا را¹⁰⁵

bu ma'nāya dālldür. (Metin: 69.)

Mûy-ı Sefîd: Hülâşa 'ömr-i dünyâ, serî'u'z-zevâl ve dünyâda beķâ muḥâl-ender-muḥâldür. Fenâsın fikr itmek herkese elzem ü ehemmdür. Huşûşâ ki pîrlîk devri resîd olmağıla kâmet dü-tâ ve rîş sefîd ola. Nitekim *beyt*:

موی سفید از کفن آرد پیام
پشت خم از مرک رساند سلام

dimişlerdür. Ya'nî; şaķal ağılığı kefinden ḥaber-i tām getürür ve kâmet dü-tâlığı mevtden selâm ulaşıdurur dimekdür....Ve daḥı 'alâmet-i inķızâ'-i 'ömr olan rîş-i sefîdden müstefîd-i ķurbîyyet-i mevt olmayan ġâfiller ḥaķķında *beyt*:

ازین چه سود که موی سفید کردیست
ترا چو نیست غم عاقبت سر مویی

dimişlerdür. Ya'nî iy ġâfil müyuñuñ beyâzlığından ne fâ'ide senüñ içün ser-i mü ķadar 'âķıbet ġammı yokdur; ya'nî hîç encâmuñı düşünmezsin dimekdür. Hattâ mü-yı sefîd, ba'zı ġâfilüñ tezâ'üd-i ġafletine sebep olur dimişlerdür. Nitekim *beyt*:

چنانکه شیر کند خواب طفل را شیرین
فرزون غفلت من از سفید مویها

beyti bu ma'nāya dālldür. Ya'nî; beyâz-levn olan şîr-i dāye tıfluñ ḥ'âbını şîrîn eylediği gibi müy-ı sefîd, hem-reng-i şîr olmağın tıfl-ı dilüñ ḥ'âb-ı ġafletin efzün itmekdedür dimekdür. (Metin: 197-198.)

Dünyâdârlıģa ḥarîş olmaķ ekser pîrândadır ve pîrlîkde hırşuñ ziyâdeliği ḥadîs-i şerîf ile şâbitdür. Ve pîrânda olan rîş ü müy-ı sefîdüñ hırşuñ izâlesine nâfi' olmadığı Şâ'ibüñ *beyt*:

حرص از طینت پیران نبرد موی سفید
این تبی نیست که ساکن بطباشیر شود

beytinden hüveydâdur. Ya'nî; tînet-i pîrânda ṭab'ı olan hırşı saç ve şaķal ağarması izâle vü kaṭ' idemez. Zîrâ hırş 'illeti bir sıtma degüldür ki ṭabâşîr ile sâkin ola dimekdür. Bunda olan Bunda olan leṭâfet zâhirdür. (Metin: 279.)

Müdde't: Pes bunda da'vâdan murâd; zamânede olan müdde'tlerüñ da'vâlarıdır ki, ġanâ vü raķşdan 'ibâret olan eġânî-i muṭribeden ḥâşıl olan ḥużûzât-ı nefsâniyyeyi ḥużûr 'add itmişlerdür. Ve neġamât-ı eş'ardan peydâ olan inzî'âc-ı ķalbi vecd şaymışlardır. Ve hây-hüy kılp, 'âşîķîni bâbu'llâha ihzâr nâmin vaz' eylemişlerdür. Kâlb-i 'âşîķi âheng ile bâbu'llâha

¹⁰⁵ Güzel yüzünde ayva tüyleri çıkmadığından gönlüm mihr-giyânın özelliğini öğrenemedi.

da‘vete ne hâcet? Qalb dâ’imâ ol bâbuñ mülâzımı olmak gerek idigin bilmemişlerdür. Ve böyle iken bî-kesb ü kârlüğü mücâhede ve dünyâyâ nazarı müşâhede şüretin ibrâz ile da‘vâ-yı kerâmete dem-sâz olmuşlardır. Bunlara merdân-ı Hudâ müdde‘î dimişlerdür. Evvelen tecrîd bu da‘vânuñ libâsın zâhir ü bâtından hal‘ itmekdür. (Metin: 511.)

Mümsik: Mümsik, zamm-ı mîm ile «baḥîl» ma‘nâsınadır. Ve sümsik vezninde olduğundan zurefâ-yı ‘Acem¹⁰⁶ ممسك لائق سمسك¹⁰⁶ dimişlerdür. Sümsik; meçhûlû’n-neseb olan alçaq kimesneye dirler. (Metin: 475.)

Nâ-kes: Eger nâ-kesi görür iseñ daḥı andan haber şorma. Pes andan haber şormamak birkaç veche muḥtemeldür. Evvelâ kendüye: “Ne ḥâlûñ?” dime. Zîrâ ḥasîsüñ ḥâli eḥass-ı ḥayvânât olan itüñ ḥâlinden alçaqdur. Alçaqdan alçaq haber istemek ‘uḳalâ işi degüldür. Şâniyen nâ-kesden bir ḥavâdiş şorma ki ḥasâsetinden nâşî mes’üle muṭâbık haber virmez. Nitekim Maḳâmât şerḥinde meşṭûr olduğu üzre Eş‘as nâm nâ-kes ma‘lûmı olan bir ḥadîs-i şerîfi tamâm beyân eylememişdür.

Bu nükteyi gördüm şuhuf-ı nuşḥ-ı pederde
Nâ-kes ile yâr olma seferde vü ḥazarda
Bî-minnet olup nânına el şunma ḥasîsüñ
Ḥançer gibi ḳalur sözünüñ zaḥmi cigerde

(Metin: 434.)

Nazar: Ve fi’l-ḥaḳîḳa göz âlât-ı muḥarrikedendür. Müştehâte nazar itdikce ḳalbi taḥrîk ider. Qalb daḥı şehveti taḥrîk idüp, şâhibini düçâr-ı siḥâm-ı belâ ider. Nitekim ḥadîs-i şerîfde

¹⁰⁷ vârid olmağın tercemesinde: النظر سهم مسموم من سهام ابليس¹⁰⁷

Ru’yet-i zülf ü ḥâl ü nâ-maḥrem
Dâne-i mekr ü dâm-ı ‘ısyândur
Her nazar bir ḥadeng-i pür-semmdür
Belki zehr-âbedâr-ı şeytândur

diyü buyurmuşlardır. (Metin: 397.)

Nefes: Nefes, nûn ve fânuñ fetḫalarıyle bunda üslûb-ı meşâyıḥ üzre «söz» ma‘nâsınadır. Zîrâ; «söz diñle» diyecek yirde «nefes ḳabûl eyle» dinmek şâyi‘dür. (Metin: 448.)

Nefs ü Hevâ: Zîrâ ḥukemâ nefis ile hevâyı âb-ı revâna teşbîḥ ve fussâḳ u süfehâyı şamana temşîl eylemişlerdür ki âb-ı revân, şamanı her ne ṭarafa olsa aḳıdır. Ke-zâlik nefis ü hevâ süfehâ-yı ḥafîfü’l-‘uḳûlî murâdı üzre püyân u sefil-i ser-gerdân ider. Ammâ tâmmü’l-‘aḳl

¹⁰⁶ Cimrinin ekmeği alçağa lâyıktır.

¹⁰⁷ Bakmak şeytanın oklarından zehirli bir oktur.

olan suleḥā cibāl-mişâldür. Âb her ne kadar revân olsa cibāle kārger olmadığı gibi nefis ü hevā daḥı şuleḥâyı bi-ḥıfzı'llāhi te'ālā her sūya pūyān için yirinden harekete kâdir degüldür. (Metin: 123.)

Nesnâs: Hülâşa insāniyyet muḳābilinde insāniyyet ider zamānede nādirdür. Nitekim Muḥliş:

پس قحط مردمیست درین دیر دون اساس
نسناس در حساب مضاعف بود ز ناس¹⁰⁸

beyt-i laṭîfî bu ḥisābda tamāmdur. Nesnâs, şekl-i insānda bir ḥayvân-ı zarar-resāndur ve 'aded-i ḥurūfda nāsuñ muzā'afı oldığı müstağnin 'ani'l-beyāndur.¹⁰⁹ didikleri ذهاب الناس و بقى النسناس¹⁰⁹ 109
ḳaḥṭ-ı ricālî müş'ir ḍurūb-ı emşāldendür. (Metin: 379.)

Nevm-i Gaflet: Ve ma'lūm ola ki nāsuñ nevm-i ḡaflete mensūbı min-vech ḥavāşşuñ ḥālīdür. Yoksa 'avām-ı cehālet-pīşe emvāt ḥükmindeḍür dimişlerdür. Nitekim ḥazret-i Kerrāruñ:

الجهل قبل الموت موت لاهله
و اجسادهم قبل القبور قبور¹¹⁰

beyt-i âbdārı bu beyāna işāretdür. Ḥattā Münhel nām şerḥ-i Şifāda eyidür: Bir 'ālim kimseye su'āl olup; "Ulemā'-i selefūñ mevā'iz ü naşāyılı zamānlarında bulunan nāsa mü'essir olup 'ulemā'-i ḥalefūñ naşāyılı şimdi ḥalkā mü'essir olmadığına sebep nedür?" didiklerinde ol 'ālim kimesne cevābda eyitdi kim; "Ulemā'-i selef bīdār idi ve ol zamānuñ ḥalkı nā'im idi. Pes bīdār bulunan kimesne nā'im olanı tḳāz idebilür idi. Lākin 'ulemā'-i ḥalef nā'imlerdür ve zamānlarında bulunan ḥalk ḡalebe-i cehlden nāşī emvāt ḥükmindeḍür. Pes nā'im olan kimesne iḥyā'-i emvāta kâdir degüldür" intihā. (Metin: 128.)

Ömr: Pes nāzımuñ bu beyānı, ḥukemānuñ medār-ı 'ömr-i nāzenīn olan beden-i insānı, terkeşe ve enfāsi, tīre teşbīh eylediklerine mebnīdür. İmdi atılan ok girü dönmediği gibi enfās-ı 'ömr-i telef-kerde daḥı girü dönmez; belki insānuñ cümle-i 'ömrü bir ok atmak ḳadardur. Zīrā ḥadīş-i şerīfde¹¹¹ الدنیا ساعة vārid olmuşdur. İmdi 'ömr-i âdem ol sâ'atden bir dem ḳadar ancaḳ olur. (Metin: 337-338.)

'Ömr, ma'rūfdur ve 'adem-i vefā ile mevşūfdur. Nitekim beyt:

چه خوش باغیست باغ زندکانی

¹⁰⁸ Bu alçaḳ dünyada adam kıtlığı esastır; hesap itibariyle de «nesnâs», «nâs»tan (adamdan) çok fazladır.

¹⁰⁹ Nâs (insanlar) gitti; nesnâs kaldı.

¹¹⁰ Cehālet, sahibi için ölümden önce bir ölümdür ve onların bedenleri mezardan önce mezardırlar.

¹¹¹ «Dünyâ(nın ömrü) bir saattir.»

کر ایمن بودی از باد خزان¹¹²

maẓmūnından ḥālī maʿlūmdur. Ve bu maʿnāda buyurmışlardır:

وفا ز عمر و مراد از جهان و بهره زمال
حضور وقت ز ایام و فرصت از مه و سال
من این خیال تصور کنم فلک کوید
زهی تصور باطل زهی خیال محال¹¹³

(Metin: 528.)

Perī: Perī, feth-i bā'-i 'Acemī ile bir ma'rūf maḥlūḳdur, mü'min ü muvaḥḥidlerdür. Uçdukları için «perī» tesmiye olunmuşlardır. Zīrā perī «ḳanadlu» dimekdür, bunda murād budur. Ve gāh isti'āre tarīḳıyle «āftāb» ma'nāsına gelür. Maḥbūba, «perī-peyker ve perī-rüy ve perī-çihre» didikleri bu ma'nācadur. (Metin: 43.)

Pistān-ı Zengī: Ve müşteheyāt-ı muḥarremātuñ encāmında çekilecek 'uḳūbāt-ı dāreyni düşünmeyüp, günāha bī-muḥābā hücumından nāṣī, kendüyi pistān-ı siyāhdan bī-pervā olan tıfl-ı zengīye teşbīh ile kendüye «nefs-i ḫulmānī» daḥı dimişlerdür. Nitekim:

نفس ظلمانی نمیدارد محابا از کناه
نیست پروا طفل زنگی را زیستان سیاه

bu ma'nāya güvāhdur. Ve bunuñ beyānı şöyledür ki; etḫāl-i Rūmīnūñ südden inḳıṭā'ın murād iden māder-i Rūmī, ser-i pistānını siyāh-reng eyledigi meşhūrdur. Ammā zengī beççenūñ beşere-i māderi siyāh olmağın, tıflına maşş-ı nedādan nefret ü ikrāh gelmediginden, anlara ser-i pistān-ı māderi tıllā-yı reng-i sefīd ile ḥīle-sāz-ı inḫitām ez-leben olurlar imiş. İmdi tıfl-ı zengī yirinde olan nefs-i ḫulmānīyi, müştehāt-ı bā'ışetü'l-'uḳūbātından kaç'da, a'māl-i nūrānī ile reng-sāz ve bu vechile mücāhedesine āgāz eylemek gerekdür. (Metin: 205.)

Riyā: Pes mūrā'ī bu vechile mezmūm ve sīreti şūretinden şūmdur. Ḥattā riyā vü sālūsī ile şūretā delḳ-pūş olan zāhid-i ḥuşḳ ḥaḳḳında:

کند چو شیخ ز حیوانی اینقدر پرهیز
بحیرتم که چرا در لباس حیوانند¹¹⁴

buyurmışlardır. Ve daḥı

زاهد چه بلایی توکه این رشته تسبیح

¹¹² Hayat bahçesi ne hoş bahçedir; eğer hazan rüzgarından emin olursa idi.

¹¹³ Hayattan vefā, dünyādan murād, varlıktan hisse, günlerden huzurlu vakit, aylardan ve yıllardan fırsat...ben bu hayālī kurarken felek der ki: "Ne hoş boş düşünce, ne hoş olmayacak hayal!"

¹¹⁴ Şeyh gibi nefs-i hayvānīnin isteklerinden bu kadar perhiz eder; hayretteyim ki niçin hayvan kıyafetindedirler?

از دست تو سوراخ بسوراخ کریزد

Ya'nî, iy zâhid-i huşk! Sen ne belâsın ki bu rişte-i sübhâ-i şalâh-nişân senüñ elüñden delükden delüğe gürizan olur dimişlerdür. Ve keyfe lâ ki riyâ-pîşe olan cemâ'at-i câmi' ve kâse-i çeşm-i sâlûsî ile şekâbet-kün-i sâha-i şavâmi' olan zühhâdî, zinâdan mütevellid tıfl-ı haramuñ endâhte-i gûşe-i mescid kılan rûsbî vü kâhbeye teşbîh idüp Mîrzâ Vahîd dimişlerdür ki:

اشک ریای زاهدان ریخت بخانه خدا

قحبه بمسجد افکند طفل حرام زاده را

Belki mürâyînüñ meşûb-ı riyâ olan a'mâl-i müzahrafâtı, maşrûh-ı zâviye-i mescid olan veledü'z-zinâdan eşedd ve nazar-ı rahmetden eb'ad idigi zâhir ü bâhirdür. (Metin: 154.)

Rûh: Ve meşâyîh-ı şûfiyye 'indinde rûh zâten birdür ammâ 'itibâren esâmî-i muhtelifeleri vardır. Nitekim eyidürler: 'Âlem-i Kudse intisâbı olup hila'-ı kudsiyye ile mülebbes olmak 'itibâriyle rûh-ı kudsî dirler ve 'Âlem-i Ceberûta intisâbı olup hilâ'-ı ceberûtiyye ile mülebbes olmak 'itibâriyle rûh-ı sulţânî dirler ve a'ladan esfele, esfelden a'lâya hübü' u şu'ûdî ya'nî vaţan-ı aşliyyesine seyr ü sülûki 'itibâriyle rûh-ı seyrânî dirler ve rûh-ı revânî dirler. Ve aşlına izâfet ü nisbeti hasebiyle rûh-ı izâfî dirler. Ve hâlen bu 'âlem-i ecsâma 'alâkası olmak hasebiyle rûh-ı cismânî dirler, intihâ. Ammâ erbâb-ı luğat 'indinde her bir zî-rûha zamm-ı râ ile «rûhânî» dirler ve melâ'ike ve cinne dağı böyle nisbet iderler. Cem'leri «rûhâniyyûn» gelür, ammâ rûhuñ cem'i «ervâh» gelür ve müzekker ve mü'enneş olur. Qaldı ki ervâhuñ ecsâddan muqaddem halk oldığı müttefeķun 'aleyhdür, lâkin miyânelerinde olan müddetüñ beyânında ekâvîl vardır. (Metin: 22-23.)

Rûzî: Rûzî, yâ'-i nisbet ile «gün-be-gün ta'yîn olınan vazîfe-i yevmiyye» ma'nâsına idi. Şoñra ta'mîm olunup «mutlak rızık-ı muqadder»e itlâķ olındı. Anuñçün “kimse kimsenüñ rızkını yiyemez” diyecek yirde 'Acem ¹¹⁵ کس کس نمیخورد dirler. (Metin: 261.)

Samur: Semür, sîn-i mühmele ve zamm-ı mîm-i müşeddede vü muhaffefe ile bir ma'rûf cânverüñ derisidür ki andan olan kürk maķbûl u mu'teber ve zî-havâşş u kıymetverdür. Semmür kürki ibtidâ icâd iden mülûk-i kadîmeden Hüşeng şahdur. A'lâsı, siyâh ve tüyi uzun ve hemvâr olundur. Moskov diyârında nâhiyye-i şimâlîde olur. Hâşşası, tabî'atde cümle kürklerden eharr u eşhandur. Ve eyyâm-ı şitâda geyildigi gibi eyyâm-ı şayfda dağı geyilür. Zîrâ sühûneti bedene eziyyet virmez, ancak mu'tâdî olmayan şâbbuñ bedenine ilbâsı muzırrdur. Zîrâ 'urûķda olan dem-i fâsid u muhterikî ve şafrâyı müstemil ü mültefik ider. Ammâ müsinn ü pîr ve ihtiyâr u sâl-horde-i rûzgâr olanlara ve mebrûdü'd-tab' olana nâfi' ve balgâmdan hâdiş olan niķrîs

¹¹⁵ Kimse kimsenin rızkını yiyemez.

zahmetin dāfi¹¹⁶ ve emrāz-ı balgamiyye vü eşkām-ı sevdāviyye hudūsinā māni¹¹⁷ ve her bir cilel-i bārideye nefi vāki'dür. Ve bunı evvel mülük geyerler idi. Pes nāzımuñ zikri buña binā'endür. Lākin zamān tenezzülde olmağın şimdiki aşrda ahvāl ma'lumdur, beyāna hācet yoğdur. (Metin: 57.)

Sedūm: Ebu's-Su'ūd 'aleyhi'r-raḥmeti'l-Vedūduñ beyānı üzre Sedūmdan murād «ḥumḳ»dur ve ol qurālar zīr ü zeber oldığı için esāmilerine Mü'tefikāt dimişlerdür. Pes ḳavm-i Lūt 'aleyhi's-selām küfr ü ḳalālete inhāk-i tām ve bundan mā-ʿadā 'ulemānuñ beyān eyledikleri üzre şaḳız çiynelemek ve ağızlarıyla zarta çekmek ve ḳoltukların yellendirmek ve beyt-i ḥalāya varmazdan aḳdem keşf-i 'avret eylemek ve tūruk u mesālik ü ārāmgāh olan eşcār altına teğavvū itmek ve fiske taşu atmak ve birbirlerine sille urmaḳ ve ta'līm-i Şeytān ile livāta fi'line düşmek mişüllü ḳabāyih-ı şen'ā ile gūzāriş-yāfte-i şubḥ u şām olduklarından mā-ʿadā ḥazret-i Lūt 'aleyhi's-selāmuñ da'vet ü naşihatini ḳabūlden rū-gerdān ve gūn-ā-gūn ezā vü cefāya cūr'et ile izḥār-ı fişḳ u tuğyān eylediklerinde يَأْتِيهِمُ الْعَذَابُ بِهِمُ الْأَرْضُ أَوْ يَأْتِيهِمُ الْعَذَابُ مِنْ أَلْفَا مِنَ الَّذِينَ مَكْرُوا السَّيِّئَاتِ أَنْ يَخْسِفَ اللَّهُ بِهِمُ الْأَرْضَ أَوْ يَأْتِيَهُمُ الْعَذَابُ مِنْ أَلْفَا مِنَ الَّذِينَ مَكْرُوا السَّيِّئَاتِ 116

āyet-i şerīfinūñ maẓmūn-ı 'ibret-nūmūnı üzre Ḳārūnuñ ḥasfı bağıteten oldığı gibi ḳavm-i mezḳūr nā'im-i pister-i ḡaflet iken hengām-ı seḫerde nā-gāh vuşul-i ḳahr u tedmīr-i ḥazret-i İlāh ile cümle mesākin ü büyüṭ ve ārāmgāhları فلما جاء أمرنا جعلنا عاليها سافلها 117

ḳavl-i ḳudret-penāhı müfādınca zīr ü zeber olup cümle ehl-i küfr ü fesād ḳahr u helāke maẓhar oldılar. (Metin: 35.)

Seḫāvet: Ve merd-i saḫīye Fāriside «cūvān-merd», 'Arabīde «saḫī vü kerīmu'n-nefs» ile ta'bīr olunur. Merd, er ma'nāsınadır; racūl 'Arabīsidür. Bu kelimeyi īrādda leṭāfet vardır, şöyle ki: Seḫāvet, kār-ı merdāndur; kār-ı zenān degüldür dimek olur. Nitekim Şeyḫ Sa'dīnūñ *beyt*:

جوانمرد اگر راست کویى وليست

کرم پیشه شاه مردان عليست 118

beyt-i laṭīfi bu beyānda güvāhdur. Ve fi'l-ḥaḳīḳa seḫāvet kār-ı merdāndur. Belki mişāl-i kār-ı ney-zenāndur ki, zenān ol kārđan maḫrūmāndur. Nitekim:

'Aceb merdānedürler nāy-zenler

Anuñçün üfleyemez nāy zenler

laṭīfesi maẓmūnından herkes āḡāhdur. (Metin: 343-344.)

¹¹⁶ «Ya şimdi emān mı buldu o kimseler; o fenalıkları yapmak için hile kurup duranlar, Allah'ın kendilerini yere geçirmesinden veya hatır ve hayallerine gelmez cihetlerden kendilerine azap gelivermesinden?» Nahl Sûresi/45.

¹¹⁷ «Vaktâ ki emrimiz geldi; o memleketin üstünü altına geçirdik...» Hūd Sûresi/82.

¹¹⁸ Civānmerd eğer doğru sözlü olursa velîdir; civāmerd yiğitlerin şâhı Ali (r. a.)'dir.

Seng-i Siyâh: Ma‘lûm ola ki hâţır-âzâr olan sitemkâruñ cân üzre za‘hmdârlığı cerâhât-ı dâreynden e‘ammdur ve ekşerinüñ cânı hedef-i sihâm-ı intikâm olageldiği meşhûd u meşhûr-ı enâmdur. Nitekim beyne’z-zurafâ’, maţârihu’l-ezkiyâ olan ebyât-ı ğâmıza-i şu‘arâdan işbu beyt-i dil-ârânuñ hâlli bu beyânda müşkil-küşâ ve fuķarâ vü zu‘afâdan inkisâr alan seng-dilânuñ hâl-i tebâhına tamâm îmadur ki budur, *beyt*:

Hâzır ol bezm-i mükâfâta eyâ mest-i ğurûr

Raĥne-i seng-i siyeh penbe-i mînâdandur

Penbe-i mînâ, «penbe-i ĥurde-i mînâ» ma‘nâsına ıstîlâhdur. Seng-i siyeh haķîķatine maĥmûldür ki «ķara taş» dimekdür. Pes eĝirre-i aĥbâb-ı ma‘ârif-nişâbdan bir yâr-ı şâdiķ-ı ĥurde-bînüñ şehir-i Şîrâzda, kâr-hâne-i şîşegerânda meşhûd-ı ‘ayn-i yakîni oldığı üzre ĥurde-i mînânuñ saĥķını seng-i siyâh ile iderler imiş. Lâkin ol ĥurdelerüñ ‘amele gelmek mertebe saĥķı, ol seng-i siyâhuñ elde vücûdı ĥalmayacak ķadar ķarba muĥtâc imiş. Ve ĥurde her ķarb olındıkķa ol sengi yimek ĥâşşası imiş. İmdi seng-dil zâlimüñ kesr eylediği zarar-ı şûrî ma‘nâda kendü vücûdına ‘â’id olmaķ bundan hüveydâdur. Haķîķatine nażar olınsa sebeb-i idbârları, inkisâr aldıkları ve mazlûmuñ nâle-i istirĥâmın ğuş-ı cândan dūr ve seng-dil olmaķdan nâşî yanlarında merĥamet menfûr olup, bu vechle ĥalkı dergâh-ı Kâdi’l-hâcâta şaldıklarıdır ki ol dergâhuñ ise sâ’ili ĝayr-ı maĥrûm idigi beyân-ı sâbıkdan ma‘lûmdur.¹¹⁹ (Metin: 133-134.)

¹¹⁹ Rûhî Efendi’nin izahını yaptığı Arpa Emîni-zâde Sâmî (ö.1734*)’ye ait bu beyitle baĝlantılı olarak Ahmet Hamdi Tanpınar *XIX. Asır Türk Edebiyatı Tarihi*’nde, Klasik Edebiyatımızla ilgili bazı tenkitlerde bulunmuştur:

“...Bu hususda bir fikir vermek için yarım asırdan beri edebiyat bilgilerimiz için bir muamma olan ve hocamız Ferit Kam’dan başıyarak o kadar deĝişik tefsire yol açan

Hâzır ol bezm-i mükâfâta eyâ mest-i ğurûr

Raĥne-i seng-i siyeh penbe-i mînâdandur

beyti üzerinde duralım. Bu telâşsız, rahat, her adımda sese ayrı bükölüşler, ayrı tonaliteler veren sonuna kadar her hecenin yeri ve ifâde kudreti evvelden hazırlanmış beyiti okumak eski şiir dilimizi iyi bilenler için hakikî bir zevktir. Fakat mânâsına dikkat ettiğimiz anda bu zevkin yerini ister istemez bütün bu beyhude gayrete ve ciddiliĝe -çünkü pek az beyit bu kadar ciddî edalı olabilir ve teşrifatını okuyucuya kabul ettirir- acıyan bir ĝölümseme alır. Fakat asıl mühim olanı böyle bir dikkatte beytin bütünlüğünün gitmesidir. Filhakika biraz üstüne düşünce bahsettiğimiz hazzın yalnız birinci mısraa âit olduğunu, hattâ, mânânın onda tamamlandığını görürüz. Şair bizim için, gururunun cezâsını elbet çekeceksin dediği zaman şairdir, bunu bir kıyasla tamamladığı zaman sadece başladığı sözü gereği gibi bitiremeyen bir hüner adamıdır. Eski estetikte beytin esas olmasına rağmen, çok defa bu mısralardan birinin lüzumsuz görünmesi buradan gelir. Ve yine iyi dikkat edilirse bu seçilen mısraın doğrudan doğruya, oyunsuz konuştuğu görülür.” [Ahmet Hamdi Tanpınar, (1997): *19 uncu Asır Türk Edebiyatı Tarihi*, Çaĝlayan Kitabevi, İstanbul: 12.]

Yine aynı beyitle ilgili olarak Ahmet Talat Onay, “beytin ikinci mısra’ının iki buçuk asırdan beri pek çok kimselere zihin yordurduğunu ve edebiyat kitaplarında ta’kid misâli olarak gösterildiğini” belirterek, bir çok klasik edebiyat müteĥasssının görüşlerini sıralamıştır. [Onay, (1992): “Penbe-i Mînâ” maddesi: 329-330.]. Ayrıca Ali Nihad Tarlan da bu beyte ilişkin -Onay’ın naklettiği kadarıyla- F. Kam’ın mütalaasına yakın bir deĝerlendirmede bulunmuştur: Bkz. Tarlan, (1981): 47. F. S. Kutlar, Müstakim-

Ser-keşlik: Nitekim Şevket buyurmuşdur *beyt*:

مرا این نکته روشن از زبان شمع مجلس شد
که می آید بپایان سر کشی بالا نشینانرا

Ya'nî; zebân-ı şem'î-i meclisden baña zâhir oldu ki; ser-keşlik, bālâ-nişîn olanları pâyâna götürür. Murâd; gerden-firâzlık, ser-keşlikden nâşî bî-encâm ve maḥv-ı endâma sebebdür. Nitekim şem'îde bu hâl nümâyân ve lisân-ı hâlınden 'ıyândur dimekdür. Ve bu ma'nâda *beyt*:

‘Ulüvv isterseñ ol fevvâre, âb-ı âteşin olma
Fişek nâ-bûd olur bālâya şiddetle şu‘ûdından

beyt-i laṭîfî güvâhdur. Pes nâzımuñ bundan murâdı tevâzu‘uñ muḳâbili olan kibr ü ser-bülendlik iddi‘asında olan ser-keşân, encâmında maḥv u bî-nâm u nişân olur. Nitekim bu şıfat şeyṭânıñ kibrden nâşî hızlânına ve maḥv-ı tã‘ât-ı bî-pâyânına sebep olmuştur. (Metin: 364.)

Serv-i Âzâde: Âzâde, ta‘lîkât-ı dünyeviyye ve zarûrât-ı beşeriyyeden ḳurtılmış kâmil ü bî-ayb ma‘nâsınadur ki anlar ḥavâdişât-ı ‘âlemden maşûnlardur. Nitekim:

از حوادث دل آزاده چه پروا دارد
چهره‘ سرو ز بیداد خزان زرد نشد¹²⁰

maẓmûnı bu ma‘nâya dâlldür. *Mıṣra‘*:

Ber-murâd olmazsañ olma tek hemân âzâde ol

didikleri buña binâ’endür. Lâkin bu maḳâmda faḳîr-i tehî-dest ma‘nâsı rûşendür, *beyt*:

بسرو گفت یکی میوه‘ نمی آری
جواب داد که آزادگان تهی دستند¹²¹

bu beyâna kâfidür. Pes serve âzâde tesmiyesinüñ vechi bundan zâhirdür. Lâkin ba‘zılar buyurmuşlardur ki: Bir gün bir kimse bir şecer-i servi ḳaṭ‘a mübâşeretde iken Mecnûn İbnü ‘Âmir aña baḳup: “Bu dirâht-ı serv ma‘şûḳam Leylânıñ ḳadd-i bālâsına müşâbih iken anı ḳaṭ‘ itdürmek revâ degüldür” diyü ḳable‘l-ḳaṭ‘ ol dirâht-ı servi ol kimseden iştirâ ve ḳaṭ‘dan âzâd eylediği için her bir serve âzâde tesmiye olmuştur, kezâ-fî-Ferheng. (Metin: 477-478.)

zâde’nin de bu beyte dair bir değerlendirmesinden söz etmiş ancak nakletmemiştir: Bkz.: Fatma Sabiha Kutlar, (2004): *Arpaemîni-zâde Mustafa Sâmi, Dîvân*, Ankara: 30.

Bizce, Rûhî Efendi’nin yaptığı izahat, hem Tanpınar’ın yönelttiği bu tenkidin ne kadar isabetsiz ve indî olduğunu hem de Klasik Edebiyatımızın anlaşılması bakımından şerh metinlerinin önemini tereddüde mahal bırakmayacak şekilde göstermektedir.

* Sâmi’nin ölüm tarihi bizim de ulaşabildiğimiz kaynakların genelinde 1733 olarak geçmektedir. Ancak şâirin divanını yayımlayan F. S. Kutlar, bu tarihi geçerli kabul etmeyip doğrusunun 1734 olduğunu tespit etmiştir. Ayrıntılı bilgi için bkz.: Kutlar, (2004): 21-22.

¹²⁰ Azade gönlün bela ve musibetlerden pervası yoktur; servinin yüzü güzün zulmünden sararmaz.

¹²¹ Biri serviye dedi: “Bir meyve getirmedi”; cevap verdi: “Azadelerin elleri boştur.”

Sevâd-ı Safha-i Kamer: Kitâbü'l-İberde hâzret-i Hâyderden naql-i mu'teber böyledür ki: "Miyân-ı dâ'ire-i kamerde olan sevâd nedür?" diyü kendüden su'âl olındıķda eyitmiş ki: "Hâzret-i Cebrâ'îl 'aleyhi's-selâmuñ mâhı meshinden bir eşerdür. Zîrâ Hudâ-yı müte'âl şems ile kamerüñ nûrların yitmiş cüz' halk idüp ba'dehü nûr-ı kamerden altmış toķuz cüz'ini bi-vâsıta-i Cibrîl mesh itdirüp şemsüñ üzerine zamm itdirmişdür. Ve şafha-i kamerde olan sevâd hurûf-ı muķaţta'a ile جمىلا harfleridür." diyü cevâb eylemişdür, intihâ. Ve İbnü 'İmâd: "Şafha-i kamerde olan sevâda nâzar idüp bu vech ile görüp okudum" diyü i'timâd virmişdür dirler. Lâkin zurefâ-yı şu'arâdan ba'zı fâzıllar sevâd-ı mezķurı ber-vech-i âtî beyân idüp birķaç ta'bîr ile tahrîr eylemişlerdür. *Naẓm:*

Râst geldüm gice âgyâr ile şakķu'l-kamere
Didüm iy mâh ! Nedür 'ârızuñ üstinde bere
Nâz ile hânde idüp didi o hurşid-cemâl
Şehper-i Rûh-ı emîndür ki toķındı kamer

Naẓire:

Didüm iy Zühre-cebîn ! Dün gice şakķu'l-kamere
Yâ nedür mihr-i cemâlünde görinen bu bere
Didi kim: Kıldı eşer hâzret-i maħbûb-ı İlâh
Başdı ayağını mi'râca çıkarken kamer

Naẓiretü'l-fakîr:

Seyr idüp bu gice hâl-i ruh-ı şakķu'l-kameri
Didüm iy şem'-i şeb-ârâ ! Ne bu vechünde bere
Didi mi'râca 'urûcında habîb-i Hâķķuñ
Eşer-i na'l-i Burâķı ki toķındı kamer

Naẓire:

Seyr-i bâğ içre irişdüm gice şakķu'l-kamere
Didüm iy mâh-ı şeb-efrûz nedendür bu bere
Giderüp perde-i vech-i haseni Yûsufveş
Didi engüşti Nebîdür ki toķındı kamer

(Metin: 85.)

Sıfat-ı Sefîne-i Nûh (a. s.): Kâdî Beyzâvîñ beyânı üzre sefinenüñ tûli üç yüz zirâ ve 'arzı elli zirâ ve kâmeti otuz zirâ idi. Ve Ebu's-Su'ûd 'aleyhi rahmetü'l-Vedüduñ hâzret-i Hâsen razıya'llâhu 'anhdan naqlen beyânı üzre tûli biñ iki yüz zirâ ve ve arzı altı yüz zirâ olmak üzre üç kat idi. Pes Nûh 'aleyhi's-selâm devâbb u cânverân u vuħuş ve her nev' kuşdan

zevceyn ile, esfel-i sefîneye devâbb u vuḥūṣı ve evsaṭına insānı ve aʿlāsına ṭuyūrı īvā eyledi. Ṭuyūr u vuḥūṣ ḥaddden bīrūn idi, lākin insāndan cemʿan yekūn ricāl ü nisā yetmiş ṭokuz nefer mü'min ü mü'mināt idiler. Pes deryā-yı ḳahr-ı İlāhī cūṣ u ḥurūṣa gelüp Şeref-nāme ve Mü'eyyedü'l-Fuṣalā nām kitāblarda olan beyān üzre ol zamān Nūḥ ʿaleyhi's-selāmuñ ḥāne-i saʿādeti Kūh-ı Celīl ile müsem mā bir cebelde idi, galeyān eyledi. Ve Mīrzā İbrāhīmī nām kitābda eyidür: Zālkūfe ile müsem mā bir pīre-zenūñ tennūrından fevērān eyledi. Ve ʿArā'is ve sā'irūñ beyānı üzre Kūfe mescidinde olan tennūr-ḥīz-i ḥazret-i Ḥavvādan galeyān eyledi. Deryālar gibi cereyān ve ʿālemi mā'-i firāvān-ı ṭūfān ihāṭa eyledikde ¹²² بِسْمِ اللّٰهِ مَجْرِيهَا ile sefîne-süvār olup beş māh vech-i māda seyrān ve ʿālemi devrān eylediler. (Metin: 27.)

Sırāt-ı Müstakīm: Şırāt-ı müstakīm, ṭarīḳ-ı Muḥammedīdür. Nitekim ḥaberde gelmişdür ki: Bir gün Faḥru'l-enām ʿaleyhi's-selām ḥazretleri maḥṣar-ı eşḥāb-ı kirāmda mübārek engüşt-i muʿcize-nizāmiyle bir ḥaṭṭ-ı müstakīm naḳş idüp: “Cennet yolu budur” didi. Baʿdehū ḥaṭṭ-ı mezkūruñ her ṭarafına otuz ikişer ḥuṭūṭ-ı saḳīme çeküp: “Bu ḥaṭṭlaruñ her birinde şeyṭān oturur. Ve ṭarīḳ-ı müstakīm budur diyü mü'mini idlāle saʿy ider” diyü buuyurmuşdur, kezā-fī-Şerḥ-i Ḳırşehrī. (Metin: 517.)

Sincāb: Sincāb, luḡat-i ʿArabīde sīn-i mūhmele ve nūnuñ kesreleriyleüdür. Buña göre bunda nūnuñ sūkūnı zarūret-i vezn için olur. Ve Fūrs ü Türkde daḥı müstaʿmel bir maʿrūf ḥayvāndur ki derisin kürk iderler. Faşl-ı bahārda geyilmesi ʿādet-i kibārdur. (Metin: 57.)

Sohbet: . Ve şöḥbet eyledigüñ sāde-rūnuñ şüret-i ḥālī her ne ḳadar ālūde-i şerm ü ḥayā olsa, yine murg-ı dil-i ʿāşīḳānı şayd u giriftār-ı ḳayd eylemek der-kārdur dimişlerdür. Nitekim *beyt*:

ز چشم شرمکین دلبران ایمن مشو صائب

¹²³ که شاهین چشم خونخواری کند در چشم پوشیدن

beyt-i laṭīfī bu maʿnāya şāhiddür. Pes şöḥbetüñ maʿnā-yı ḡālīsī üzre, anlar ile kār-ı mekrūh sevdāsında olmaḳ, bāʿiṣ-i rusvā-yı ʿālem idigi āşkārdur. Nitekim İbnü Kemāl buyurmuşdur:

İsm-i dil-ber ʿaceb tılısm oldu

Anda meyl ehli iki ḳısm oldu

Kimi dāl ile lāmını gözler

Kimi bā ile rāsını özler

Kim ki ḳaldurdu aradan lāmı

Ehl-i ʿışḳ içre olmadı nāmı

¹²² «... Allâhın ismiyle mecrâsında da...» Hûd Sûresi/40.

¹²³ Sâ'ib! Utangaç güzellerin gözlerinden emin olma ki şahin, gözü örtülü de olsa kan içici bakar.

(Metin: 405.)

Sultân: Sultân ma'rûfdur. 'Arabîde «salṭanat»dan iştiḳâka göre «gâlib ve kâhir» ma'nâsınadır. «Selîṭ»den iştiḳâkına göre «zulmi dâfi' ve nûr-ı 'adl ile halkı ziyâlandırıcı» ma'nâsınadır. Ve daḥî «ḥuccet ve bürhân» ma'nâsına da menḳûldür. Cem'î «selâṭîn»dür. Fârisîsi «şâh ve pādşâh»dur. (Metin: 52.)

Sûret-fürûş: İmdi sikke-i merdân geymege bî-liyâḳat olan dervîşânun ḥâlî ḳalb-zen ḥâlî gibidür. Ḳalb-zenün fitneden 'adem-i selâmeti nümâyândur dimişlerdür. Ve bu maḳûlelere «şûret-fürûş u eli boş» dimişlerdür. Nitekim:

Çeşm-i 'inâyet umma o şûret-fürûşdan
Kim kendi çeşmine çekecek tûtyâsı yok
Ümmîd-i himmet eyler iseñ andan eyle kim
Ḥâk-i siyâha baş idecek bûriyâsı yok

(Metin: 231.)

Sûkût: Pes ḥayât-ı ḳalb ile ḳâbil-i feyz-i İlâhî olan 'âḳıl u kâmillerün ḥâlî ḳillet-i kelâm ile ihtiyâd itmekdür. Ve ḳalb-i meyyit ile nâ-puḥte ve ḥâmlarun aḥvâli, keşret-i kelâm ile kendi zâtını ifsâd itmekdür. Nitekim:

مهر بر لب زن که بر خامی دلیل ناطقست
باده چندانى که در میخانه میگویند سخن¹²⁴

diyü buyurmuşlardır. Ḳaldı ki bî-hûde kelâma âgâz idenün sözi ḥaḳîḳat veyâ mecâz üzre dürr-i 'Aden gibi şûretâ ser-firâz olsa yene 'inde'l-ıḳalâ maḳbûl ü ma'ḳûl degûldür. (Metin: 146-147.)

. Pes beyân-ı sâbîḳ üzre herkesün fikr-i kederi ekşer lisânından şudür iden sözden olmağın sükût ihtiyâr idende fikr-i keder olmayup herşeyden emîn olacağı nümâyândur. Nitekim beyt:

زبان تا بود کویا تیغ میبارید بر فرقم
جهان دار الامان شد تا زبان در کام ورزیدم

Ya'nî; dilüm gūyâ oldıḳca depem üzre tiğ yağıdurdı. Ammâ dilümi damağumda ḥıfz idelden cihân baña dâru'l-emân oldı dimişlerdür. (Metin: 342.)

Pes sükût üzre evḳât-güzârlıḳ, herkesün ḥaḳḳında lâzım ve ḥuşûşıyle pîrâne-serlikde, ihtiyâr-ı sükût cümleden pesendidedür. Zîrâ şabâḥa ḳalma şem'ün meclis-ārâlıḳı hoş olmaz dimişlerdür. Şem'ün şabâḥlaması vaḳt-i pîrâneye resîdelikden kinâyedür. Nitekim Şâ'ib eyidür, *beyt*:

¹²⁴ Ağıza mühür vur ki konuşanın hamlıḳına delildir; meyhanede şarap ne kadar olursa o kadar konuşurlar.

زبان خموشی پسندیده است در پیری
ز شمع خوش نبود صبح مجلس ارایی

(Metin: 343.)

Süt Deymek: Nefsek kelimesinde olan kâf, taşgîr içündür. Ve taşgîr ile ityânı bir kaç nikâte işaretdür ki nefs-i emmâre hadd-i zâtında bir şey’-i haķîrdür. Anı isti’zâm, hevâsına mütâba‘atüñ iktizâsıdır. Dağı:

النفس كالطفل ان تهمله شب على
حب الرضاع و ان تطفمه ينظم

mazmûnına îmâdur. Ya‘nî; nefs küçük şabî gibidür. Eger kendüye irhâ-yı ‘inân gösterür iseñ hubb-ı razâ‘ üzre mûla‘ olup keşret-i leben ise kendüye zarardan hâlî olmaz. Nitekim şıbyân içün; “süd degmiş” ta‘bîri meşhûrdur. Ve eger kendüyi bir hîle südden keserseñ kesilür dimekdür. (Metin: 204.)

Sütûn-ı Âlem: Ve ma‘lûm ola ki ğaflet iki kısmdur. Biri; mu‘tedile vü maķbûledür. İnsânı Haķķdan ğâfil eylemez. Belki meşâ’ibüñ âlâmından ve mûcib-i hayret ü dehşet olan mevânî-i ‘î‘atden ğâfil eyler. Pes bu ni‘met-i İlâhîdür. Zîrâ bu olmasa insân keşret-i dehşetden ve ğalebe-i firķatden mu‘aṭṭal olur idi ve humûd mertebesin bulur idi. Bu mertebe ise mezmûmdur. Anuñçün ğaflet-i mu‘tedileyi ‘âlem-i ğaybden hikmet-i İlâhiyyenüñ irsâli meşâ’ib-zedegânuñ kulûblerin tesliyet ve hayret rütbesine varanlaruñ rûhı revh ü rāhat bulmaķ içündür dimişlerdür. Kısm-ı şânî; ğaflet-i mütecâvîze vü mezmûmedür ki, bi-ġaḍabi’llāh ba‘zı kulûba istilâ itmegile şāhibini Hudādan vü tedārük-i ‘uķbādan ğâfil ve zînet-i dünyāya mā’il ve ekl ü şürb ü nevme şāġıl eyler. Ve bu ğaflete meşâyıḡ-ı ‘izām «sütûn-ı ‘âlem» tesmiye itmişlerdür ki cihānuñ şüretā ma‘mûr u müzeyyen olmasına ve ehline göre revnaķ bulmasına sebep-i illetdür. Nitekim ¹²⁵ لولا الحمقاء لخربت الدنيا haber-i münîfî mazmûnınca hamāķat ü ğaflet, bu fenānuñ zîb ü ‘imāretine bādîdür. Ammā huş-yārлық, bu ‘âleme nisbeten âfetdür ki bu fenānuñ ta‘mîr ü tezyînine mâni‘ olur. (Metin: 245.)

Şem’-i İlâhî: Qur’ân, ‘Arabîde cem‘ etmek ve Qur’ân ma‘nâsınadır. Bundan murād şuver-i Qur’ândur ki aña Fârisîde «şem’-i İlâhî» dirler. (Metin: 398.)

Şikem: Şikem, kesr-i şîn-i mu‘ceme ve feth-i kâf-ı ‘Arabî ve sükûn-ı mîm ile Fârisîdür. Türkîsi «ķarın» ve ‘Arabîsi «baṭn»dur. Nitekim yemegi ziyāde çok yiyen kimesneye Fârisîde «şikem-bende»; ‘Arabîde «‘abdü’l-baṭn»; Türkîde «ķarın kulu» dirler. (Metin: 154.)

Şu’arâ: *Su’âl:* Şu‘arâ vü zuraḑadan mübālaġa-güy olan ‘urafâ haķķında meşelâ:

¹²⁵ Ahmaklar olmasa idi dünya harap olurdu.

Ger dirse Fuzûlî ki güzellerde vefâ var
İnanma ki şâ‘ir sözi elbette yalandur

beyt-i rengîninüñ müfâdı üzre ve dağı

‘Aceb mi hâne-ğarâb olsa Şābitā şā‘ir

Kimüñ ya beytini ma‘mūr ider felekde dūrūğ

beyt-i nezāket-āğîninüñ mışdāķı üzre dağı

Pādşāh-ı mülk-i nazmem dirse ‘Ālî ġamm degül

Serverā ma‘zūr tut şā‘ir bulunmaz lâfsız

mazmün-ı belāğat-mağrūnı üzre ve niçe bunların emsālî ebyāt-ı şādīķāt üzre ve kaçā’id ü ġazeliyyātda olan mübālağat-ı şā‘irāne üzre felekde şu‘arādan yalancı kimse yokdur. Hattā Sa‘de’d-dîn ‘aleyhi rahmetü’l-Meliki’l-Mu‘în Muṭavvelinde ¹²⁶اعذب الشعر اكذبہ buyurmuşdur. Böyle oldığı hâlde şu‘arānuñ ahvālî neye müncer olur? Ma‘a-hāzā bunların her biri ġazā’in-i ma‘ārifüñ miftāhı ve her biri zamānının sultān-ı şāhib-i şalāhıdır. Bu su‘āl olunur ise cevāb böyledür ki: Şu‘arānuñ ġüftār-ı dürer-bārı mübālağadan kināye ve iddi‘āya maḥmūldür. Pes kizb ile kināyenüñ beynlerinde fark zāhirdür ki kizbüñ kâ‘ilî sözünüñ şıdkını da‘vā idüp işbātına ityān-ı yemîn-i ġamūs ile me’nūs olur. Ammā şu‘arāyı söyletseñ maḳālesinüñ nefsu’l-emre muṭabaķatin da‘vā itmeyüp mübālağadan kināyedür dir. Pes mübālağa-ğüy olan bed‘u’l-beyān, yalan ‘ıtlāķ olunmadığı maḥallinde meşūrdur. Qaldı ki sābıkda beyān olıdığı üzre ġıybet, ġarām-ı kaç‘î ile ġarāmdur. (Metin:152.)

Şütürmürg: Şütürmürgî, yā’-i vaḥdet ile «bir deveķuşı» dimekdür. Lāfz-ı mezkūr aşlında mürğ-ı şütür idi. ‘Alemiyyet için muzāfun ileyh, muzāf üzerine taķdīm ve izāfetinden kaç‘ olunmuşdur; deveķuşınuñ ‘alemidür. Ve Fārisîde şütürmürg dindigi gibi kesr-i hemze ile «icfîl» dağı dirler. Nitekim şā‘ir maḥbūbını aña teşbîh ile:

نه وفا كند بوعده نه درست جور ان شوخ

نه كشد او بار چون اشتر نه می پرد چو اجفیل

dimişdür. Ya‘nî; benüm maḥbūbüm ne va‘dine vefā ve ne toğrıdan toğrı cefā ider. Pes deveķuşı gibidür; ne deve gibi bār çeker ve ne ķuş gibi uçar dimekdür. Ve ‘Arabîde aña zamm-ı nūn ile «nu‘āme» dirler. (Metin: 281.)

Tabīb: İmdi müdāvā mevti dāf‘ degül iken tabīb, mürāca‘at-ı eceli gelmeyene göre ‘illetüñ ziyāde olmaması ve tezāyüd-i ‘illet ile ‘ibādetden qalmaması içündür. Hattā bir şehirde tabīb-i ġazıķ bulunmasa ol şehirde iķāmet cā’iz degüldür. Zîrā beden şāḥiḥ olmadıķca ‘ibādet-i

¹²⁶ Şiirin en tatlısı, en yalan olanıdır.

kāmilenüñ istihşālî müteʿassir olur demişlerdür. Velākin ʿabībde ʿazākat ü İslāmiyyet şartdur demişlerdür. (Metin: 313.)

Ṭabīb, maʿrūfdur. Ve ʿindeʿl-ʿArab ʿālim ve üstād-ı kāmile ṭabīb ıtlāk olunur. Ve istiʿāre ʿarīkî ile maḥbūba daḥı ṭabīb dirler. (Metin: 429.)

Tamaʿ: Ḥattā ṭāmīʿ olan ʿulemādan olur ise ṭamaʿ, ʿalbinde olan ḥikmetüñ zevāline sebep oldığı ¹²⁷ الطمع يذهب الحكمة من قلوب العلماء ḥadīs-i şerīfî hüveydādur demişlerdür. Ve bināʿen ʿaleyh ʿAbduʿr-Raḥmān-ı Cāmī:

طمع آرد بمردان روی زردی

طمع را سر ببر کر مرد مردی

buyurmuşdur. Yaʿnī; ṭamaʿ, merdāna şafrat-i rüy getürür; eger merdlerüñ merdi iseñ ṭamaʿuñ başını ʿaṭe eyle dimekdür. Murād; ṭamaʿ, merdān-ı İlāhī olanda bāʿis-i ḥicābdur. Ḥarf-i ṭāʿ-i ṭamaʿ ʿaṭe olmadıkça merdān maʿaʿllāh rütbesini bulamaz dimekdür. (Metin: 280.)

Târik-i Dünyâ: Qaldı ki târik-i dünyâ olanlaruñ, kifāyet miqdārı dünyâ levāzımın tedārükleri perhîzkārılıklarına zarar virmez ve anlar ḥaqqında māʿil-i dünyâ dinmez. Nitekim *beyt*:

نمیسازد پریشان شغل دنیا وقت عارفا

صدف را شور دریا نیست منع از کهر بستن

dinmişdür. Yaʿnī şadefüñ ḥāmil-i gevher olmasına, deryānuñ acılığı mānīʿ olmadığı gibi baḥr-i şūrābe-mişāl olan dünyādan kifāyet miqdārı levāzımuñ tedārükine meşgūliyyet ʿarīf-i biʿllāhuñ vaqt-i ʿazîzini perîşān eylemez dimekdür. (...) Pes böyle olan kāmiller, miqdār-ı kifāyet niʿmet-i dünyādan zarar gelmez. Zîrā zehr-i mārā mişāl olan dünyānuñ niʿmetinüñ semūmiyyeti, telezzüzāt-ı nefsāniyyeye tālib olan ʿavām ḥaqqındadır. Yoksa dünyādan gürizān olan ḥavāşş ḥaqqında degüldür. Ve şeyʿ-i vāḥid, maḥallerüñ teğāyürüyle müteğāyir olmaḳ zāhirdür. Nitekim ʿaṭre-i āb-ı nīsān, dehān-ı şadefde dürr-i şehvār ve fem-i mārda zehr-i pür-ḥasār olur. Ve ḥalvā, ṭayyibe ziyān itmeyüp ḥasteye muzırr olur. İmdi nefsāniyyeti helāk iden târik-i dünyâ, ḥubb-ı dünyādan meʿmūn olmaḡın mār-ı münakkaşuñ zehrinden maşūnlardur. Ḥattā Ḥalid ibnü Velid razıyaʿllāhu ʿanh ḥazretinüñ izḥār-ı kerāmet içün Qayşardan ilçî ile kendüye hediye gelen bir kumḡuma zehri ¹²⁸ بسم الله الشافى ile nūş idüp: “Var şāhuña söyle! Ārif-i biʿllāh olan müʿmin-i kāmile zehr kār eylemez. Selāmet-i dāreyn isterse İslāma gelsün” diyü ilçîye ḥiṭābı ve ol zehr-i kātılüñ kendüye ʿadem-i zararı meşhūrdur, intihā. (Metin: 183.)

¹²⁷ «Tamaʿ, âlimlerin kalplerinden hikmeti giderir.»

¹²⁸ Allāhın adıyla, şifayı veren Allāhtır.

Tatlı Söz: Ve sözi şîrîn söylemek kişinüñ düşmânın dost ider diyü *kıta*:

Hoş-kelâm ol bed sözüñ dilden çıkar tedbîrini

Acı söz ile kişi çeşm-i cihân-bînden çıkar

Ŧatlu söz koymaz muhâtabda yılanlıktan eser

Hoş dimişler Ŧatlu söz ile yılan inden çıkar

buyurmuşlardır. (Metin: 170.)

Teklîf-i Semerkandî: Teklîf-i Semerkandî; Fârisîde gönülsüz teklîf ü maḥabbete ve kapu başırıgına ve bu itibâr ile ‘avretinüñ mağlûbı olana dirler. Baḥilde bunlaruñ bulunduğı zâhirdür.¹²⁹ (Metin: 475.)

Ten: Ten; Fârisîdür «gövde» ma‘nâsınadır. Baş ve el ve ayak lafzınıñ müsemmasından ḥâricdür. Nitekim ‘Arabîde olan «beden»den etrâf ḥâricdür. Ḥattâ tende baş dâḥil olmamağın başı olmayan nesnede «ten» müsta‘meldür. Ve daḥı gâhî ten lafzı zikr idüp şahşuñ zâtını murâd iderler. (Metin: 47.)

Tıfl: Tıfl, kesr-i ṭā’-i mûhmele ve sükûn-ı fâ ve lâm ile ‘Arabîdür, Fârisîde isti‘mâli ta‘cîmendür; «yeñi toğmış veled» ma‘nâsınadır. Cem‘i «eṭfâl ve ṭufûl» gelür ve ‘inde’l-ba‘z vâḥid cem‘ olur. İsm-i muşâğğarı «ṭufeyl»dür, lâkin kesret-i isti‘mâl ile «tâbi‘ ve uyundı ve bilâ-da‘vet ziyâfete varanlara ism olmuştur, kezâ fi-Ferheng. İmdi nâzımuñ bunda tıflıdan murâdı «tekellüm şânından olmayan ma‘şûm-ı pāk»dur. Râ, edât-ı mef‘ûldür. *Laṭife*: İnsân mâ-dâm raḥm-i mâderde oldıkça nâmına ‘Arabîde «cenîn» dirler. Ve kaçan merkez-i ‘âleme teşrîf eyleye «veled» dirler. Ve bunuñ üzerine zamân-ı kalîl güzer eyledikde «tıfl» dirler. Ba‘dehü «şabî» dirler, ba‘dehü toḡuz yaşına vardıkda «mürâḥik», ba‘dehü on toḡuz yaşına vardıkda «ḡulâm» dirler. Ba‘dehü otuz dört yaşına vardıkda «şâb» dirler, ba‘dehü elli yaşına varınca «kehl» dirler. Ba‘dehü âḥir-i ‘ömre dek «şeyḥ» dirler. (Metin: 63)

Tiryâk: Tiryâk, ‘Arabîdür; diryâk ve tıryâk mişlühüdür. Fârisîden mu‘arrebdir. Zîrâ Fârisîsi kesr-i tā ile «tiryâk»dur. Dâfi‘u’z-zehr bir devânuñ ismidür. Ḥattâ pâdzehre daḥı tiryâk dimişlerdür. Luğat-i ‘Arabîde şarâba tiryâk didikleri ‘alâ-zu‘mihim zehr-i ḡuşşayı dâfi‘ oldıgındandır, kezâ fi’l-Aḥterî. (Metin: 425.)

¹²⁹ *Teklîf-i Semerkandî* için *Ferheng-i Şu‘ûrî*: “Türkî’de kuzgun teklîfi dedikleri mazmûndur” demiş ve; yâr ağyâr ile yalnız, gülşen seyri ederken benî gördüklerinde teklîf-i Semerkandî ettiler anlamında şu beyti nakletmiştir:

یار با اغیار تنها سیر کلشن میکند

چون مرا بینند تکلیف سمرقندی کنند

Bkz.: Hasan Şu‘ûrî, (1314h./1896) : *Ferheng-i Şu‘ûrî*, Cemâl Efendi Matbaası, Cilt: 1, İstanbul: 83.

Yemek Yedirmek: Bu mışrā^c, mışrā^c-ı evvelde olan nān dāden kelimesini îzāh ve etmek virmegüñ ve yimek yidürmegün şartını îlām içündür. Gūyā kapuyı bağlayup sâ'il geldikde feth-i bâb ile sâ'ile nān-pāre virmek her neḳadar sevāb ise de bâb-ı iḥsān üzerine dā'imā:

بابنا مفتوح لمن دخل
و طعامنا مبدول لمن اكل¹³⁰

yazup ve bu vechile dostānı hışşamend-i nān eyleyenüñ faḥr u şerefi a'ladur dimege îmādur. Ve dostlar yüzine açmaḳdur diyü dostlar zikr eylemesi vāḳı^cı beyāndur. Zîrā kişinüñ ḥānesine gelenün dostluḡı etmegini yimek iledür. Ve illā aña düşmān ta'bîr iderler. Nitekim 'âdet-i 'Arab böyle idi. Yāḥod kişinüñ iç'am eylediḡi kimse elden geldikce racül-i taḳî gerekdür. Nitekim ḥadîs-i şerîfde: ¹³¹ لا تصاحب الا مؤمنا ولا يأكل طعامك الا تقي vârid olmuştur. Pes dostān dimek ile bu ma'nāya işâret murād olunmaḳ daḡı mümkindür. Ve hemîşe bâb-ı iḥsānı mesdûd olanuñ bunda zemmine işâret vardur. Zîrā kapısı mesdûd olmaḳ, ancaḳ kendi 'alafiyle geçinüp âḡara nef'i olmayan gāv u ḡaruñ ḥālidür ki âḡur kapısı üzerlerine sedd olunmaḳ 'âdetdür. Nitekim şâ'irüñ *beyt*:

در آنکه بسته بود سربسر
برابر بود او بکار و بخر¹³²

beytinden ma'nā-yı mezkûr müstefāddur. (Metin: 427.)

Yılan: Mār, bunda «yılan»dur ki 'Arabîde tā'-i efrād ile «ḡayye» dirler; erkeğine ve dişisine şāmildür. Ġāyet büyüḡine Fārisîde ejderhā ve ejdehā dirler. Aşlı «ejder»dür; âḡirindeki hā' ve elif mülḡaḳdur. Egerçi cem' şüretinde yazılır lâkin cem' degüldür. Ve yılana kimse degmeyince 'ömr-i ḡab'îsi üzre biñ yaşar ve yaşadıkda ejder olup ayakları çıkar. Ve daḡı merd-i şecî'a ve şāh-ı zālîme ve sancaguñ 'alemine ve daḡḡāḳ nām bir şāḡa ejder dirler. Ve daḡı lafz-ı mār bundan mā'-adā niçe ma'nālara gelür. Ez-cümle ḡāḡī māder lafzından muḡaffef olur. Ve ḡāḡī bīmār ma'nāsına gelür. Bīmāristāna, mārīstān didikleri bundandur. Ve ḡāḡī nehy-i ḡāzır olan «meyāred» lafzından muḡaffef olup ma'nāsı «getürme» dimek olur. Ve ḡāḡī Ġarcistāna dirler ki şāh-ı Ġarcistāna, şāh-ı mār dinmiştür. Ve ḡāḡī «zeden» lafzınıuñ ma'nāsı gibi, urmaḳ ma'nāsına olur. Ve ḡāḡī ḡisāb u erḡām ma'nāsına gelür, kezā fî-Ferheng-i Şu'urî. (Metin: 180-181.)

¹³⁰ Kapımız giren için açıktır; yemeḡimiz yiyen için boldur.

¹³¹ «Ancak mü'min olanla sohb et, yemeḡini de ancak takva sahibine yedir.»

¹³² Kapısı baştan başa kapalı olan öküz ve eşekle beraberdir.

Nāzımuñ der-naazar kelāmında bir nükte-i daķıķa vardır. Budur ki; yılan envāından iki nev‘a yılan var ki ھاşşaten nazarı her kimüñ nazarına ٲokınur ise nazarından zehr-i ٲatıl, nāzıra sirāyet idüp fi‘l-ħāl nāzırı helāk ider. Ve daķı ھاmlı olan ھاvātınüñ ھاmlını işķāt iderler. Ol nev‘ānuñ biri zahrında iki beyāz ھاţţları olandur ki aña zamm-ı tã’-i mühmele ve sükün-ı fā’ ile «zi’ţ-tufyeteyn» dirler. Ve nev‘-i dıġeri ھاşru’z-zeneb olandur ki aña «ebter» dirler. Sā’ir ھاyyātdan bunlar zarar u iħlāki ekşer oldıġından Faħru’l-enām ‘aleyhi’s-selām ھاżretleri ھاđıs-ı şerīfnde ھاţl-i ھاyyāt ile emri zeylinde bunların ھاţlını ھاşş bi’z-zıkr buyurmuşdur. (Metin: 182.)

Zāl: Zāl, Fārisīde «ķoca ve ķocaķarı» ma‘nālarına müsta‘meldür. Pes muzāfun ileyhi olan **dünyā** ھاřinesiyile bunda murād «dünyā ھاřısı»dur. Nitekim Zāl-i Medā’in bir ķoca ‘avratuñ adıdur ki Nüşirevānuñ binā eylediġi tãķ-ı kisrānuñ içinde bir meskeni olmaġın, Nüşirevān iştirā murād eyledikde virmeyüp ve Nüşirevān daķı inkisārından ھاżeren cebr eylemeyüp ‘alā-ħālihi ھاoymuşidi. Ve daķı Zāl-i Kūfe bir ķoca ھاřınıñ adıdur ki Mīrzā İbrāhīmüñ yazdıġı rivāyet üzre tũfān-ı Nūħ ‘aleyhi’s-selām ol ھاřınıñ tennūrından feverān ھاılmışidi. Ve Zāl-i Dāstān, Rüstem-i Zālūñ pederinüñ ismidür. Vech-i tesmiyye anasından beyāz saçlı ھاġdıġıdır. Ve vilāyetinüñ nāmı Zāvüldür. Ĥulāşa zāl-i dünyā, keşret-i isti‘māl ile pīre-zen-i dehrüñ ‘alemi mecrāsına cārı olmuştur ki aña zāl-i dehr ve ‘arūs-ı hezār-dāmād daķı dirler. (Metin: 186.)

. Pes böyle her laħzada niķe biñ dost u ھاľili ve her lemħada şad hezār hālik ü ھاťili olan ‘acüz-ı mekr-āmūzuñ ھاľ ü şānın beyānda şu‘arādan:

Niķe dāmāda kendin rām ھاılmış pīr-zendür bu

Dilā meyl eylemezseñ zāl-i dehre gerķek ersin sen

dimişlerdür. Ve daķı:

Zāl-i dünyā virse şüret kendüye erzen gibi

Aña aşlā meyl ھاılmaz olmayan er zen gibi

diyü buyurmuşlardır. Zīrā bu zāl-i dehrüñ zīneti ġurūr ve lu‘beti pūr-mekr ü fütür olmaġın maħabbeti maħzūl ve şadīķı maķtöldür. (Metin: 187.)

Zemīn: Zemīn lafzında «zem», fethle «şovuk» ma‘nāsınadır; yā ġarfı nisbet içündür; nūn nisbet-i mezkūrı te’kīd içün. Pes ٲopraġuñ ٲab‘atı bārid olmaķ itibāriyle zemīn, «yir» ma‘nāsına olmuştur. ‘Arabīsi «arż»dur. Bilā-nūn yā’-i nisbī ile aşlı üzre «zemī» daķı lūġatdır. (Metin: 69.)

Zenān/Nisā: Ve fi‘l-ھاķıķa tã’ife-i zenān, bī-vefā vü pūr-cefā vü envā-ı ġile vü mekre ibtidār ile her mefsedeti icrāda, zāl-i dünyā ile hem-meşreb ü bī-mezheblerdür. Ve ülfetlerinden

insāna sū’-i ṭabī‘at īrās olınmağda bedān ile siyyānlardur. Ve sulṭān gibi āteş-i sūzān u pūr-ziyān oldukların ḥazret-i Mevlānā, ricālī āba vü nisāyī āteşe teşbīh ile çend ebyāt īrād buyurmuşdur ki budur, *meşnevī*:

آب غالب شد بر آتش از نهیب
آتشش جوشد چو باشد در حجیب
چونکه دیکی حائل آمد هر دو را
نیست کرد آن آبرا کردش هوا
ظاهرا بر زن چو آب ار غالبی
باطنا مغلوبی زنرا طالبی

Ya‘nī; iy şoḥbetdār-ı zenān ve iy ṭalebkār-ı ülfet-i nisvān olan kimesne! Āb yirinde olan ricāl egerçi ¹³³ الرجال قوامون على النساء mantūḳınca bi-ḥasbi’z-ẓāhir nisāya gālībdür. Lākin bi-ḥasbi’l-bāṭın āteş yirinde olan zenānuñ mağlūbıdır. Zīrā āb, nehīb olmağ cihetiyle egerçi āteş üzre gālīb oldı. Lākin āb çömlekte maḥcūb olmağın āteş kendüyi ḳaynadur ve oynadur. Ve her birinüñ miyānelerinde çömlek çünki ḥā’il olduğından āteş ol ābı yok ve hevā eyledi. Pes sen daḥı zāhiren āb gibi āteşin olan zen üzerine gālībsin ammā bāṭında anuñ mağlūbısın. Zīrā aña ṭālıbsın; ol senüñ maṭlūbañ oldıḡı cihet ile saña gālībdür, intihā. Ve fi’l-ḥaḳīḳa zevc zāhirde Rüstem-i Zāl olsa, öteden berü ‘avratuñ zīr-i ḥükminde esīr gibi bī-mecāldür. Ḥattā İskendere: “Niçün te’ehhül eylemezsiz?” diyü su’āl eylediklerinde: “Ben ‘āleme ḥākim iken murāduñuz beni bir ‘avrata maḥkūm itmekdür” diyü cevāb buyurdıḡı Netāyicü’l-Fünūnda meşṭürdur. Ve meşāyih-ı muḥaḳḳıḳīnūñ taḥḳīḳı üzre, insānuñ a‘ḳal ü ekmeli nisānuñ ḥaḳīḳatine ‘ālim ve aḥlāḳ-ı ḥamīdeye mülāzım olmağın zevcesinüñ mağlūbıdır. Ammā cāhil olan zevc aḥlāḳ-ı ḥayvāniyye vü evşāf-ı şehvāniyyesinüñ iḳtiżāsı üzre nisāsına izḥār-ı ḡaflet ve her bār ḥuşūnetden ḥālī olmaz dimişlerdür. (Metin: 190-191)

Ma‘lūm ola ki nisādan vefā me’mūli, zehrden şifā me’mūline beñzer dimişlerdür. Ve daḥı Müşelleşātda nisāyī bī-vefālar cerīdesinüñ ḥātimesi ḳılup:

ثلاثة ليس لها الوفاء
السيف و الفرس و النساء

buyurmuşladur. Şöyle ki; seyf ve feres ve nisādan her biri dost u düşmān dimeyüp her birlerinüñ ḥācetlerin ḳazā iderler. Ḥattā nisānuñ ‘adem-i vefāsı, ḥīle vü nifāḳ ile tiz elden girye-i şūrīlerinden hüveydādur. Pes anlara i‘timād cā’iz degüldür. Nitekim Nābī:

Sirişk-i çeşmine ehl-i nifāḳuñ i‘timād itme

¹³³ «Erkek olanlar kadınlar üzerinde hâkim dururlar...» Nisâ Sûresi/34.

Esāsında binānuñ reşh-i āb olsa metīn olmaz
dinmişdür. Ve eslāfda olan ḥāl-i ‘ibret-me’āllerin beyānda Firdevsī buyurmışdur ki *kıta*:

آدم ببهشت یافت حرمان از زن
یوسف ببلای چاه زندان از زن
صد ملک سلیمان شده ویران از زن
سیمرغ بکوه قاف پنهان از زن

intihā. (Metin: 403.)

Zillet Erbābı: İmdi dergāh-ı İlāhuñ ḳurbine ṭāliblerūñ ‘inda’ llāh ve ‘inde’ n-nās ḳadrleri a‘lādur. Ḥattā bir kimesne zātında her ne ḳadar zelīl ise de bāb-ı İlāhīye vardıḳda ‘azīz olur. Nitekim:

Zillet erbābı olur bāb-ı İlāhīde ‘azīz
Ḥalk cāmi‘de el üstinde taşır pābūcın

dimişlerdür. (Metin: 258.)

Zīnet-i Zāhir: Ḳaldı ki muḳteżā-yı rūzgār üzre ehl-i ma‘ārifūñ libās-ı faḳrda bī-i‘tibār ve zīnet-i zāhiri olmayan zamānede bī-revāc-ı bāzār oldıḳı ḥasebiyle, zīnet-i zāhirūñ lüzūmını iş‘ārda *beyt*:

غلط کردم نیفتادم بفکر ظاهر آرای
بجای عقل در سر طره‘ دستار یابستی

Ya‘nī, zāhir-ārālīḳ fikrine düşmemekde ḡalaṭ itdüm; başda ‘aḳl yirine ṭurre-i destār gerek idi didikleri, meżemmet-i ehl-i zamān içündür. Yoksa zāhir-ārālīḳı fī-nefsi’l-emr midḥat için degüldür. İmdi zīnet-i zāhirden ḥazer gerekdür. (Metin: 221.)

Ma‘lūm ola ki kāla-yı fānī hevāsında olmaḳ, insānı der-beder ḡarīḳ-ı baḫr-i keder itdiginden mā‘adā ḳalb-i ṭālibi maḳhūr u giriṭfār-ı dām-ı kibr ü ḡurūr ider. Anuñçün rüşen-dil olan kāmiller bu tekellüfden āzāde ve bu hevādan sāde-dillerdür. Nitekim Ḥ^vace Kelīm eyidür:

نیست جز ترک تکلف زینت روشن دلان
کر لباس اطلس است آیینه عریان بهترست

Ya‘nī; rüşen-diller için terk-i tekellüfden ḡayrı zīnet yokdur. Görmez misin ki libās-ı aṭlas daḡı olsa āyīne-i bī-cāme bihterdür dimekdür. Pes rüşen-dil olanlar, āyīnenūñ hiçbir cemāle dil-bend olmadıḳı gibi firīfte-i reng u būy degüllerdür. Nitekim Ḥ^vace-i mūmā-ileyhūñ *beyt*:

روشندلان فرفته‘ رنگ و بو نیستند
آیینه دل بهیچ جمالی نبسته است

beyti bu beyāna şāhiddür. Hülāşa-i kelām, nīk-bāṭın olan ārāyiş-i zāhir kaydında olmaz. Meşelā gülīstānuñ derūnı gül ü ğonce ve ezhār-ı gūn-ā-gūn ile meşhūn olduğundan, dīvārı naqş-ı naqqāşa muhtāc degüldür. Nitekim Kelīm:

نباشد نیک باطن در پی ارایش ظاهر
نقاش احتیاجی نیست دیوار کلاستانرا

dimişlerdür. (Metin: 223-224.)

İmdi ḥod-nümālīguñ ḥālī ve zāhir-ārālīguñ bī-me’ālī böyle olduğundan terk-i zīnet-i zāhirūñ lüzūmı zāhir ve terk-i zīnet itmek, şāhibinūñ ḥavādiş-i rūzgārdan maşūn olacağı H^vāce Kelīmūñ *beyt*:

تا نبود این تاج زرین بر سرش آسوده بود
شمع افتاد از هوای سر فرازی در کنار

beyt-i laṭīfinūñ me’ālinden ma’lūmdur. Ya’nī; şem^euñ ḥālinden i’tibār almaludur ki, mā-dāmā başında tāc-ı zerrīn olmadıkça āteş-i sūzān ile giryān ve mīkrāş-ı meclis ile ser-bürīde olmağdan der-emān u āsūdedür. Pes şem^e, ser-firāzlık hevāsıyle sūzişgerlige düşmiş dimekdür. Ve H^vāce-i mūmā-ileyh beyt-i dīgerinde *beyt*:

نشکنی کر خویش را باری خود ارایی مکن
نیستی چون بت شکن بتکر نمی باید شدن

diyü buyurmuşdur. Ma’nāsı; eger kendūñi teber-i riyażat ile kesr idemezseñ bārī kendūñi bezeyici olma. Çünkü büt-şiken degilsin, büt yapıcı olmak gerekmez dimekdür. Bundan murād ma’lūmdur. Pes kendü üzerine zīnet virmek zenān işidür; merdān işi degüldür. Ḥod-rālīguñ encāmı ḥusrān u helāk-i cāndur. (Metin:356.)

Zulm: Pes zālīm olan aḥmaḳ, eyledigi zūlmi kendi vücūdnuñ āyīnesi olan mazlūmuñ vücūdında ḥaḳīḳat göziyle göremeyüp ve zararı kendüye olacağın fehmi idemediginden, mü’min karındaşını zaḥmdār u dil-rīş idüp, kendi eliyle dimāğ-ı ḥūzūrını mecrūḥ u taḥdīş ider. Pes mazlūmān-ı şāf-dilān āyīne gibidür. Āyīneye ḥançer-keşīdelik, kişinūñ kendi vücūd-ı şūret-nümūdına kaşd eylemekden ‘ibāret idigi nümāyāndur. Nitekim şā’rūñ *beyt*:

با صاف دل مجادله باخویش دشمنیست
هرکه کشد بر آیینہ خنچر بخود کشد

beyti bu ma’nāyı mü’eyyeddür. Ḥattā meşāyih-ı ‘izāmūñ ḥukemā vü zūrafāsı, kişinūñ her a’mālını dīvāruñ zemīne düşen sāyesine teşbīh idüp: “Ol sāye ānen fe-ānen yene ol dīvāre rücū’ ider” dimişlerdür. (Metin: 131.)

Şāniyen, zālīmūñ derdi bī-‘ilācdur dimekdür. Nitekim Meşārīķ-ı şerīf ḥadīs-i münīfi üzre zālīm çam ağacına beñzer; bir kerre şadme-i bād ile devrildikten soñra bir daḥı toğrılmaz ve yirinde tāze şıgvası olmaz. Lākin fuķarā sūnbüleye beñzer; teşādüm-i hevā ile egilüp yine zararsız toğrılır, intihā. Şālīşen, zālīmūñ aḥzi bağteten olup kabza-i intikāmdan taḥlīs-i girībāna mecālī olmaz dimekdür. (Metin: 164.)

Zīrā zālīm tīz muźmaḥill olmağıla zulmi daḥı bī-beķā olur dimege mebnīdür. Nitekim *mısrā*‘:

Zālīmūñ zulmine bakma ‘ömrinūñ noķşānidur

dirler. Fahr-i ‘ālem şalla’llāhu ‘aleyhi ve sellemūñ ḥadīs-i şerīfi mañtūķınca zulm iden şanevber şecerine müşābihdür ki bir kerre yıkıldıkda bir daḥı toğrılmaz ve yirinde nihāl-i tāze şıgvası bitmez. Amma mazlūm sūnbüle gibidür; hevā ile egilüp yine toğrılır dinmişdür. Ḥulāşa zālīmūñ devleti serī‘u’z-zevāldür ve kabza-i intikāmdan ḥalāşı muḥāldür. (Metin: 322.)

Zülāl: Zülāl, parmak kadar bir kurd gibi nesnedür ki içi tolu şu olur. Ve ol şu şekerden ve kırdan şovuk ve beyāz olur. Lākin zülāl-i mezkūr her yirde olmaz. Ancaķ Ercis nām bir tağda olur ki yaz ve kış cebel-i mezkūruñ başından kırdan eksik olmaz. (Metin: 521.)

Zünnār: Zünnār, her bir örilen ip ve iplik ve ibrīşim mişllü nesnelere ‘āmmıdır. Ve ḥuşūşıyla ruhḥān u kıssīslerūñ miyānelerine bağıladıkları ipdür ki on iki ḥavāriyyūna işāret için anda on iki yirinde on iki düğümi vardır. Şu‘arānuñ zūlf-i ḥūbānı zünnāra teşbīh eylediği, mürğ-ı dil-i ‘uşşāķı muḥkem bağıladıkları içündür, kezā fī-Ferheng-i Şu‘ūrī. Ammā Ta‘rīfātda zıkr olındığı üzre; zünnār, bir ibrīşimden ma‘mūl ḥaytdur ki anı zımmīler vasaṭlarına bağlarlar. Ve eger şūfdan ma‘mūl olursa aña «küstīc» dirler. Bu zünnāruñ ğayrıdır. Ve dünyāya heveskānı zünnār ile ta‘bīr, dünyāya muḥkem bel bağıladıkları ḥasebiyle isti‘āredür. (Metin: 386.)

SONUÇ

Osmanlı coğrafyasında yüzyıllar boyu en çok okunan eserlerden biri olan *Pend-nâme-i Attâr*'ın 18. yüzyıl ortasında kaleme alınmış oldukça mufassal bir şerhi olan tez konumuz *Rûhu's-Şurûh*, bizce taşıdığı edebî değere nisbetle az tanınmış bir eserdir. Buna sebep olarak Rûhî Efendi'nin, aynı zamanda kültür başkenti de olan İstanbul edebiyat çevrelerinden uzakta yaşamasını ve tanınmış bir şâir olmamasını gösterebiliriz.

Rûhî Efendi, metni hem gramer ve sözlük bilgisi hem de konu açısından ele alırken Türkçe, Arapça ve Farsça'dan şahitler göstermiş, bu da şerhe bir nevi mukayeseli şiir antolojisi özelliği kazandırmıştır. Darb-ı mesel ve deyimler için de aynı şeyi söylemek mümkündür. Rûhî Efendi, Arapça ve Farsça'dan gösterdiği numunelerin çoğunlukla tercümelerini de vermiş ve yer yer bu beyitlerin barındırdıkları mazmunlara da işaret etmiştir.

Eserin dili ve tarzı, klasik inşâ kalıplarına uymakla beraber *Sebeb-i Te'lîf* bölümü hariç tutulursa külfetsiz, akıcı ve anlaşılabilir. Rûhî Efendi'nin şerh esnasında verdiği kendisine ait şiirler için de aynı şeyi söyleyebiliriz. Rûhî Efendi'nin özellikle bu inşâ tarzı ile hocası olduğu Mütercim Asım Efendi'ye tesir ettiğini düşünmek mümkündür.

Rûhu's-Şurûh'un dikkat çekici diğer bir yönü edebî özelliklerine ilâve olarak çok çeşitli bilim dallarına ait bilgiler ihtiva etmesidir. Tefsir, kelâm, tasavvuf, astronomi, tıp, zooloji, botanik ve psikolojiyi bunlar arasında sayabiliriz. Bu hususta Kadri Timurtaş'ın *Kilis Tarihi*'nde *Rûhu's-Şurûh* için ifade ettiği: “İhtivâ ettiği mütenevvi' malumat dolayısıyla zamanının *Muhîtü'l-Maarif*'i denmeğe layıktır” tespiti, bu nedenle çok isabetli bir hükümdür. Ayrıca söz konusu eserin devrin cemiyet hayatı, inanış ve anlayışına dair mühim ipuçları verdiğini de ifade etmeliyiz.

Tezimizin metin kısmından seçtiğimiz, *Edebî ve Kültürel Malzeme* başlığı altında topladığımız maddelerle, yukarıda saydığımız özelliklerin bir kısmına numune vermeyi ve dikkat çekmeyi amaçladık.

Sonuç olarak şu iki hususu bilhassa belirtmeliyiz:

-Tez konusu olarak ele aldığımız *Rûhu's-Şurûh*, kaleme alındığı devirde klasik şiirin nasıl anlaşıldığına ve devrin cemiyet hayatına dair mühim bilgiler ihtiva etmektedir. Bu da klasik edebiyatımızın özellikle de klasik şiirin günümüzde anlaşılabilmesi için çok önemlidir.

- *Rûhu's-Şurûh*, devrin kültür merkezi İstanbul'dan uzakta, çok tanınmamış bir müellif tarafından kaleme alınmış olsa da şerh metinlerinin gözden uzak tutulmaması gerektiğini muhtevası ile ortaya koymaktadır.

TRANSKRİPSİYON / TRANSLİTERASYON ALFABESİ

ء : '	ع : ˈ
ا : A, a; E, e; Ā, ā	غ : Ġ, ġ
آ : Ā, ā, A, a	ف : F, f
ب : B, b	ق : Q, q
پ : P, p	ك : K, k; G, g; ñ
ت : T, t	ل : L, l
ث : S, s	م : M, m
ج : C, c	ن : N, n
چ : Ç, ç	و : V, v; O, o, õ; Ö, ö; U, u, Ū, ū; Ü, ü
ح : H, h	ه : H, h; a, e
خ : H, h	ی : Y, y, I, ı, Ī, ī
د : D, d	
ذ : Z, z	
ر : R, r	
ز : Z, z	
ژ : J, j	
س : S, s	
ش : Ş, ş	
ص : Ş, ş	
ض : Ž, ž, Đ, đ	
ط : T, t	
ظ : Z, z	

METİN

[1b] بِسْمِ اللّٰهِ الرَّحْمٰنِ الرَّحِیْمِ Ḥamd-i bī-pāyān ve şükr-i firāvān ol ‘amīmū’l-luṭf ve ḡadīmū’l-i iḥsān olan Ḥālīḡ-ı ins ü cānn tenezzehe ‘an-şıfātī’n-noḡşān ḡazretine her vechle sezā ve şāyāndur ki ḡudret-i kāmīle ve raḡmet-i şāmīlesi üzre işbu kār-ḡāne-i ‘ālem-i imkānda tıynet-i tābnāk-i aṡl-ı insānı ḡāḡ-i pākden sirişt ü taḡmīr ve kālbüdin aḡsen-i taḡvīmde bu şüret-i zībā üzre vücüd-peżīr ve نفخت فيه من روحی naşş-ı şerāfet-tırāz ile ḡayāt-sāz ve ḡil’at-i nuṡḡ-ı leṡāfet-nevāz ile beyne’l-enām mümtāz ve ‘ilm ü ‘irfān ü imān ve ta’līm-i esmā’-i bī-kerān ile maḡhar-ı ikrām ü ‘zāz ve sā’ir maḡlūḡāt üzerine ser-firāz eyledi. Ve ol aṡl-ı ṡāhirden nümā-yāfte-i ‘ālem-i zāḡir olan fūrū’-ı enāmı fīṡrat-ı ezelde şehd-i ‘aḡl u imān ile zevḡ-yāb u şīrīn-kām ve ol zevḡ üzre ḡabül-i ḡaḡḡa sevḡ ile isti’dād ü ḡābiliyyet ve iktisāb-ı a’māl-i ḡudret-i tāmm virüp irsāl-i rusül-i kirām ve ba’ş-i enbiyā’-i ‘izām ile beyān-ı şerāyi’ ü aḡḡām ve herkese rāḡ-ı şavābı ‘lām idüp bu ‘ilāve ile pend-i nāşīḡān u va’z-ı vā’ızānı istimā’a ḡidāyet iḡsān u in’ām eyledi. Ve revāyiḡ-ı naşāyiḡ-ı ‘ıṡr-āmīz ve fevāyiḡ-ı miskiyye-i leṡāfet-engīz istiṡmāmına ḡuvvet-i şāmme vü muḡtezāsınca sülūke ḡudret-i tāmm ikrām eyledi. *Naẓm*:

خالقا قدرت تو داری هرچه خواهی آن کنی
مرده را جانی ببخشی زنده را بیجان کنی
[Ü2a] آب را با خاک کردی آشنا از لطف خود
[S2a] آسمان بی ستون قائم فلک کردان کنی
کرکدا را شاه کردانی توانای تراست
شاه را همچون کدا محتاج بر یک نان کنی
ابر می بارد ز فرمان تو در جمله جهان
باغ و بوستان تازه تر بر شاخ کل خندان کنی
هم بهشت و دوزخ و پیدا تو کردی در جهان
هم بجنّت بندکان خویش را مهمان کنی
روحی بیچاره ام از لطف خود فریاد رس
چونکه هر بیچاره را از فضل خود احسان کنی

Na’t-ı şerīf:

سروست قد او چمن ارای فاستقم
طبی بباغ سدره هوادار قد اوست

Diger:

ز مهر روی او تابئی مهر و بدر
ز مشک موی او تارئ شب قدر

Şalāt ü selām-ı bī-ḡadd ve dūrūd-i nā-ma’dūd u lā-yü’add ol *naẓm*:

سبب افرینش عالم
منبع جود ومعدن الطاف
شرف دودمان آل قصی

نامهٔ سربمهر عبد مناف
 همچو قدرش بلندرفت قدم
 همچو نامش ستود بود اوصاف
 نردبانش فلک شب معراج
 دیدبانش ملک بروز مصاف

nu'ūt ve evṣāfile mevṣūf ve daḥī ol *naẓm-ı şāriḥ*:

لولاک Efser-efrūz-ı sipihr-i
 وما ارسلناک Şeref-endūz-ı
 Nokṭa-i dā'ire-i mülk-i vücūd
 Sāhib-i şadr-ı Maḳām-ı Maḥmūd
 Ekmel-i vāsiṭa-i naẓm-ı zamān
 Efḍal-i rābiṭa-i neṣr-i emān
 Menba'-ı āb-ı zülāl-i ḥikmet
 Maṭla'-ı mihr-i kemāl-i fiṭnat
 Vāḳıf-ı ḳāf-ı rumūz-ı esrār
 Kāşif-i kāf-ı kūnūz-ı envār
 Vāzı'-ı millet ü dīn-i İslām
 Rāfi'-i rāyet-i şer'-i aḥkām
 Enbiyā vü rusūlūñ sulṭānı
 Maẓhar-ı mu'cize-i Fūrḳānī
 Maḥrem-i ḥāşş-ı ḥarīm-i Mevlā
 [Ü2b] Perdedār-ı ḥarem-i ادنى
 Rāyet-i mertebe-i izz ü şeref
 Rākib-i zīn-i Burāḳ u Refref
 Vāşıl-ı seyr-i semā-yı melekūt
 Nā'il-i sırr-ı serāy-ı ceberūt
 Nuṭḳ-pīrā-yı ḥaşāt u aḥcār
 Da'vet-ārā-yı semā'-ı eşcār
 Şeh-i evreng-i vüfūr-ı ğayret
 Şāfi'-i zenb ü ḳuşūr-ı ümmet

medāyih-i şöhret-fevāyihıyle meşhūr u ma'rūf olan *naẓm*:

Ser-şatır-ı risāle-i risālet
 Tevḳīr-i ḳabāle-i nübüvvet

sulṭān-ı her dü-serā, şefi'-i rüz-ı cezā Muḥammedü'l-Muştafā 'aleyhi efḍalü's-şalavāt ve ekmelü't-teḥıyyāt ḥazretlerinüñ Ravza-i muṭahhara-i sidre-maḳām ve bük'a-i münevvere-i dārü's-selāmına pey-der-

pey vâsıl olsun kim, pend-i dil-pesend-i medâr-ı millet ü dîn-i mübîn idigin sem^c-küşâ-yı qabûl olanlara i^clâm u tebyînde şehd-i mükerrerden şîrîn olan النصيحة الدين النصيحة الدين hadîs-i halâvet-dihîni ile lezzet-bağş-ı kâm-ı Eşhâb-ı güzîn rızvânu'llâhi 'aleyhim ecma'in olmuşdur. Ve âl ü eşhâb [S2b] u etbâ'ınun meşâhid ü biğâ'-ı bülend-irtifâ'larına hemîşe şâmil olsun kim hadîs-i mezkûrun keşf-i cemâl-i beyân u vaşl-ı vişâl-i murâd-resânında لمن يا رسول الله ile leb-cünbân-ı su'âl olup zebân-ı mu'ciz-beyân mütemmim-i mekârim-i ahlâkdan للمؤمنين و لكتابه و لرسوله و لله cevâb-ı cevâhir-nişâbını kılâde-i gerden-i imtişâl eylemişlerdür.

Sebeb-i Te'lîf-i Şerh-i Şerîf

Ammâ ba'd işbu Rûhî-i pür-kuşûr u bî-şınâ'a, yerâ'a-i kalîlû'l-bizâ'a ile ruhsâre-i evrâk-ı müstenîretü'l-vücûha bu vech üzre zîb-ârâ-yı nuqûs-ı rengîn ve temhîd-pîrâ-yı muqaddeme-i maqşûd-ı [Ü3a] nâzûk-terîn olur ki, çünki bundan aqdem taleb-i 'ilm üzre sâbit-ka-dem olup *beyt*:

ديار بها حلّ شباب تميمتى
و اول ارض مسّ جلدی ترا بها

müfâdıncâ maşkaṭ-ı re's-i âcizânem olan belde-i Killîzde tevfiḳ-i Bârî yârî olmağla iktisâb-ı 'ulûm u ma'ârif için peygûle-nişîn-i medâris ve câlis-i hayru'l-mecâlis olup bi-fazlî'llâhi te'âlâ hasbe'l-isti'dâd evvelâ 'ulûm-i 'Arabî taḥşîline şarf-ı heves ile fetḥ-i gencîne-i esrârına dest-res oldum. Ba'dehû sūdâ-gerân-ı kâlâ-yı girân-bahâ-yı nazm u inşâyâ sermâye ve bâlâ-hâne-i refî'u's-şân-ı eş'âr-ı şu'arâya mirḳât-ı bülend-pâye olan 'ilm-i Fârisînün meydân-ı tekmiinde bi-ḥamdi'llâh fâris oldum. Ve bu münâsebet ile 'Arab u 'Acemden ehl-i şeref olan şu'arâ-yı selefün *gülistân*-ı güftâr ve *büstân*-ı eş'arlarından gül-çîn-i ma'ânî ve dīvân-ı *şevket*-ünvânlarından re'y-i *sâ'ib* üzre olan âdâb u 'örf ü âyîn ü erkânı seyrden nâ'il-i emânî olup *nazm*:

Sûḥan-ı gayrden itmeme hele istimdâdı
Gerçi kim rûḥlarından iderüm istimdâd

müfâdıncâ mevhibe-i Kırdigâr ile inşâ'-ı eş'ârda daḥı bir miqdâr iktidâr buldum. Pes *nazm*:

Şîrdür âyîne-i kuvvet-i ṭab'-ı mevzûn
İder ol âyînde cılve cemâl-i mazmûn

mazmûnıncâ her bâr ebkâr-ı mezâmînün ıqd-i muvâşalatına ḥarîdâr olduğumdan ber-vefḳ-i dil-ḥ'âh şâhid-i mazmûn-ı nâzûk-nigâh gâh u bî-gâh mir'ât-ı mücellâ-yı derûnında cilverger oldıḳça نعم الادوات القلم و الدوات diyerek kalem-i nâdire-senc ü hoş-eşer ile yegân yegân kayd-ârâ-yı gûşe-i mecmû'a-i rağbet ve tertîb-i dīvân ider idüm. Ve ba'de't-tertîb tenḳîḥ-i elfâz ile kâlâ-yı sûḥan-ı 'arz-ı Sûḳu'l-Uḳâz eyledikçe *kıṭ'a*:

زبان خامه بیانک [S3a] بلند [Ü3b] میگوید

که میشود ز دل چاک فتح باب سخن

ز تیره روزی اهل سخن شود معلوم

که نیست اب حیاتی بغیر آب سخن

diyu bülend āvāz ile hāmem hāl ü şān-ı sūhanı ibrāz ve ahvāl-i dil-i ber-zede-sāmānı sūhanverāne beyāna dem-sāz olur idi. Pes ber-muktezā-yı rūzgār *kıta*:

هنرمندان عالم خوار اکنون
هنر بيقدر و بيمقدار اکنون
هنرمندان درین عالم گرفتار
برنج نیستی دائم دل افکار

mışdākınca hünermendān-ı cihān haķır ü h^vār ve hüner-i maʿārif bī-ķadr u bī-miķdār ve hünervērān-ı ʿālem derd ü ğama giriftār ve hemīşe renc-i nīstīde dil-fiġār olageldiginden zer-beft-i sūhana bāzār-ı iʿtibārda bir ħarīdār bulamayup ve kaçan taleb-i ihsān içün bāb-ı kibāra tereddūd iden erbāb-ı maʿārif taʿrīz zımnında vārid olan *beyt*:

باچنین کنج که خازن او روح امین
بکدائی بدر خانه شاه آمده ایم

beyt-i laṭīfinūn maẓmūn-ı iṭāʿat-maķrūnından tesāmūh iderek deryā-yı ṭab-ı dānişmendīde temevvūc-i nesāʾim-i füyūẓāt-ı İlāhī ile endāḥte-i sāhil-i şaḥāʾif ve keşīde-i silk-i naẓm-ı leṭāʾif olan cevāhir-i girān-bahā-yı hüner-i midḥat-āṣārı kanķı şāhib-i şervetūn pīşgāh-ı celālet-penāhına nişār ve şad hezār qavāft-i eşʿār ile hāl-i zār-ı pūr-iftikārımı işʿār eylesem *kıta*:

Erzān metāʿ-ı faẓl u hüner tā şu deñlü kim
Biñ maʿrifet zamānede bir āferīnedür
Ebnāʾ-ı vaķt her hünere āferīn virür
Yā Rab bu āferīn ne dūkenmez ḥazīnedür

müfādınca ihsānı istihsāna bedel eyledikleri meşhūd-ı ʿayn-ı haķīķat-bīnüm ve nigāşte-i cerīde-i ʿilm-i yaķīnüm oldıķda *naẓm*:

مر از دست هنرهای خویشان فریاد
که هر یکی بدیکر کونام کند ناشاد

terānesin iʿtiyād ider idüm. Ve işbu hāl-i mūrīşüʾl-fütür [Ü4a] tıfl-ı ṭab-ı pūr-istiʿdādımı dāʾire-i idrāk u şuʿürdan dūr ve seng-i ṭaʿne-i ḥussād daḥı şīşe-i ḥāṭırı her taraḫdan tamām meksūr itmegin gāh *kıta*:

Gerçi vīrān-şüde-i dest-i taʿaddī-i ğamem
Līk var dilde nihüfte niçe genc-i medfūn
Ser-te-ser ḥükm-i maķālīd-i tılısm-ı sūhanı
Kıldı gencūr-ı ezel dest-i dilümde merhūn

diyü tesliyet-baḥş-ı ḥāṭır-ı fātir ve ʿilm ü ʿirfāna dāʾir niʿmetlere şākir olup ve gāhī *naẓm*:

Bu ķadar māye-i ʿirfān ile hālā ḥāṭır
Olamaz jeng-i elemde yene bir dem meʾmūn
Gāh endīşe-i sermāye-i sāmān-ı maʿāş
Gāh taḥdīş-i [S3b] ser-i nāḥun-ı ifāʾ-i duyūn

diyü kendi hālūmi tefekkür birle “Āyā bu dağdağa-ı pür-hayretüñ defî ve ʿillet ü kıllatüñ refî ne ʿarîk ile olur?” diyü gâh ğunūde-i hayāl-i dūr-ā-dūr-ı taḥayyür ve gâh mānend-i şāne penc-engüşt-i fikret ile teşrîḥ-i rîş-i taşavvur ider iken *kıṭʿa*:

Iztırārī ğama düşmekden ise
İhtiyārī sefer itmek yegdür
Yāri aġyār ile görmekden ise
Yıkılup bir yana gitmek yegdür

kıṭʿa-i mevzūnı sencīde-i mīzān-ı ʿaql u fikr ü endişem olup baʿzı yār-ı şiddīk u dost-ı şefīk ile bu vechle baḥr-i endişede şaşt-ı mütefekkiye ile şayd-ı mähī-i evhām u hayāl-i ḥām eyledigümi meşveret zımında iʿlām itdikde *beyt*:

Hemīşe olmadadur ehl-i dil cüdā-yı vaṭan
Cilā-yı āyine-i sīnedür celā-yı vaṭan

mışdākınca naql-i bār-ḥāne-i külfet ile ihtiyār-ı ğurbeti ḥasen görüp ve bu reʿyüñ şehāfetine dāʿir niçe edille-i müstaḳille irād eyledüm ise her birin bir vechle menʿ idüp *naẓm*:

تغرب عن الاوطان في طلب العلى
و سافر ففى الاسفار خمس فوائد
تفرج هم و اكتساب معيشة
وعز و اداب و صحبة ماجد
فان قيل فى الاسفار ذل و محنة
وقطع فياف [Ü4b] و ارتكاب شذائد
فقل له موت الفتى خير من حياة
بدار هو ان بين واش وحاسد

maḳālesiyle tenvīr-i sened ve müsnedün-ileyh-i fevāyid olan diyār-ı ğurbete sāde-zamīr olan ḳalbimi mesned eylemek eşnālarında beldemizüñ bi-taḳdīriʿllāhi teʿālā nīzāmı muḥtell ve ḳulüb-ı eḥibbā ālūde-i kesel olmaġın intizām-ı hāl-i bāy u gedā fiʿl-cümle dest ü pāçeden rüsvā olmışıdi *beyt*:

رشته برکردنم افکنده دوست
میکشد هر جا که خاطر خواه اوست

İmdi vaṭanda erbāb-ı maʿrifete raġbet olmadıġından *beyt*:

همای کر مفکن سایه شرف هرکز
دران دیار که طوطی کم از زغن باشد

maẓmūnına ḥamelen heveskār-ı ğurbet olmuşıdüm. Pes bu muḳaddemāta iʿtibār birle defʿ-i derd ü ğinā niyyetiyle ḳuvvet-i cāzibe-i kısmet-i mıḳnāṭīs-eser

رشته برکردنم افکنده دوست
میکشد هر جا که خاطر خواه اوست

müfādınca bu faḳīri, biʿl-ehli veʿl-ıyāl, kāh-ı ḥafifüʿl-ḥāl-āsā rubūde-i rāh-ı sefer itmegin

بقدر زخم بود راه شانه را در زلف

بچاکهای دل خود امیدها دارم

terānesiyle yeser-i sefere āgāz idüp diyār-ı āhara rāhile- [S4a] bend-i ‘azīmet ve daḥı *naẓm*:

ز بس نامهربانها ز یاران وطن دیدم

بجای سرمه برچشم کشیدم خاک غربت را

müfādınca dīde-i hevesi türāb-ı ‘Ayntāb ile iktihāl ve muḫīm-i ‘ayn-ı gurbet olmışidüm.

Pes anda daḥı evvelā egerçi *naẓm*:

اشنایی بامسافر کردن دل خوب نیست

او بشهر خویش رفته داغ بر بالای داغ

mıṣdākıncı müşāfire göre āšnālīk hoş degüldür, lākin ḥasbe’z-zarūre āšnā peydā idinceye dek ḥālüm tebāh olup:

سنگ خاره عبث تیشه می زند فرهاد

بزور در دل کس جان می توان کردن

mıṣdākıncı her ne kadar Bīsütün-ı sa‘yda miṣāl-i Kūh-ken seng-i ḥārā-yı talebe tīše-zen oldumsa zūr ile bir *ṣīrīn*-dehenüñ dilinde cāy-gīr olamadum. Ve bundan mā-‘adā derd-i ‘ayn ālām-ı sā’ire üzre meziyyet [Ü5a] bula geldiginden gurbetüñ gūn-ā-gūn cefā vü eziyyeti ve bī-hūde ḥizmet küdürerinden ve ḥarr u berdüñ şiddetinden gözim açılmayup ve gecem gündüzümden seçilmez idi. Binā’en-‘alā-zālik *beyt*:

صائب زبان شکوه نداریم همچو خاره

چون غنچه دست بردل پر خون نهادهایم

müfādınca ḥār gibi lisān-ı şekvāya bī-iḫtidār oldıgumdan gonce miṣāl dil-i pūr-ḥūn üzre vaẓ-ı dest ile bir zamān sükūti ihtiyār idüp nesā’im-i eṣḥār ile gonce-i dil küşāyiş buldıḳça gāh u bī-gāh *beyt*:

Vaṭanda çekdigüm şad-güne miḥnet az idi iy baḥt

Zihī himmet ki kılduñ vāyedār ālām-ı gurbetden

diyü şad-güne āh idüp feryād ile derūn-ı cānı süznāk ve şadā-yı fīgānı resīde-i eflāk ider idüm. *Kıṭa*:

Ruḥ-ı ‘arūs-ı emel ‘ın olursa göstermez

Felek didikleri gaddār-ı nā-bekār bize

Piyāle-i dili seng-i tegāfūl itdi şikest

Nedendür iy meh-i tāli‘ bu inkisār bize

dir idüm ve her şeb tābe-seḥer gūn-ā-gūn derd ü keder ile encümāsā dīde-bīdār ve her sā‘at nīṣḥurde-i ‘aḳreb-i hicr-i yār olup her bār ḥaṭāmı iḳrār birle *beyt*:

Ġalaṭ itdüm sipihri süfre-i bezm-i ṭarab şandum

Mehi sīmīn ṭabaḳ pervīni ‘unḳūd-ı ‘ineb sandum

diyerek sehvümi itirāf ve ‘ale’ d-devām *mıṣra‘*:

من کجا هجر کجا ای فلک بی انصاف

dir idüm. Vaḳtā ki *beyt*:

Ne şāḥ-ı Sidreye [S4b] eyler ne bām-ı ‘arşa nüzūl

Hümā-yı himmete lāne bulunmadı gitdi

mışdāḳınca āşyān-ı ğurbeti mürğ-i himmetden ḥālī gördüğümde *beyt*:

پرواز من بشهیر سنک ملامتست

در دست روزگار همانا فلاختم

müfādınca benüm pervāz-ı şehbāl-i ḥālüm seng-i melāmetdür, beñzer ki dest-i rüzgārda şapan-mişālüm diyü sū-be-sū [Ü5b] sengāsā endaḥte-i dūr-ā-dūr ve şapan gibi her kimūñ başına çevrilsem ‘indeinde bī-hūde devr ile tehī-destligüm meşhūr iken ‘ayn-ı ğurbetden kısmetüm olan қаtre-i ābı, gevher-i nā-yāba mu‘ādil farz idüp, pāy-ı istiğnāyı keşide-i dendān-ı şadef kılup, bu vechle kih ü mih қatında şeref bulmuşidüm, *mısra*‘:

مرغ زیرک چون بدام افتد تحمل بایدش

mışdāḳınca bir zamān bu dām-ı şiklele şabr ile taḥammül ve vech-i ma‘āşa kirişme-i ‘ayn-ı tevekkül ile taḥammül gösterüp, bī-hūde naqd-ı vaḳti revāc-ı bāzār-‘ünvān-ı ‘ayn-ı a‘yānda güzerān itdürdigümünden kendüme ye’s-i tāmm gelüp rücū-ı қаhқarī ile *beyt*:

هر که اوقات کند صرف بتقائی خلق

میرود زود تهی دست ز بازار برون

müfādınca vaṭan-ı aşıyyeme ‘avdete içdāmumda ṭab-ı āzādegānuma yeñi başdan қayd-ı girān vaż‘ı içün dāne-i dām ile mürğ-i dilümi şayd sevdāsında olanlara *beyt*:

هر دانه نمی آورد مرا در دام

باشد زکوه قاف چو عنقا نواله‌ام

mażmūnınca vaṭanda nān-ı ḥuşke қanā‘at hoşluğın irād idüp hemīşe *beyt*:

Kibāruñ köfte-ḥor-ı süfre-i in‘āmı olmaқdan

Қanā‘at-kerde-i şūrbā-yı bulğur olmamız yegdür

manzūmesin şubḥ u şām evrād kılar idüm. Vaḳtā ki sebū-yı dīdede āb-ı şafā-yı vidā‘ müreşşah ve ‘avdet içāmete müreccaḥ oldıqda uşul ile ol a‘yān-ı müşārun ileyhe *beyt*:

نه روا که در دیار تو دانا عزیز نیست

نفرت بدان دیار که نادان بود عزیز

beytini kırā‘et ve der-‘aқab қаşidesiz pīşrev-i ‘avdet olup *ḥasb-i ḥāl*:

Derd (ü) ğam ile bağrumı ḥūn eyledi ğurbet

Ġāyetle beni zār u zebūn eyledi ğurbet

[Ü6a] Kārum n’ola hep sehv ü ḥaṭā vü ğalaṭ olsa

Sermāyemi sevdā-yı cünūn eyledi ğurbet

Niyyetger-i ‘avd-i vaṭan oldıqça derūnum

Pā-bend ile biñ [S5a] siḥr ü füsūn eyledi ğurbet

Қıldı beni deryūzeger-i bāb-ı edānī

Pāmāl idüben kıadrümi dün eyledi ğurbet
 Şaıranc-ı ğam u derd ile şad-renc ü miğenden
 Ruğ göstererek hayli oyun eyledi ğurbet
 Bî-hüde tekâpü ile ebnâ'-i zamāna
 Hayfâ kıad-i mevzūnumı nūn eyledi ğurbet
 Aĥvāl-i dil-i ber-zede-sāmānumı dehre
 Şerĥ itmege şad kıayd-ı mütūn eyledi ğurbet
 Tıfl-ı dilimūñ mühre-i gehvāresin el-ĥaķ
 Seng-i yede-i seyl-nümūn eyledi ğurbet
 Kııldı dil-i zārum hedef-i tîr-i tegāfûl
 Her dem beni āzürde-derūn eyledi ğurbet
 Aĥvālūmi tanzîme ruĥûbet diledikçe
 Her dîdemi mecra-yı ‘uyūn eyledi ğurbet
 Meylüm çok idi rāĥat içün ğurbete ammā
 Ben ‘ācize ednā-yı rükūn eyledi ğurbet
 Mesken taleb itdikçe bu bî-menzile raĥmen
 ‘Arz-ı maķar-ı ğuşe-i tūn eyledi ğurbet
 Ma‘zûr ola bir yirde kıarār eyleyemezsem
 Zîrā beni bî-şabr u sükūn eyledi ğurbet
 Berg-i ğül-i bâĝ-ı emelüm tâze ter iken
 Şuvarmaĝa taĥrîk-i ğuşūn eyledi ğurbet
 Gāĥ itdi beni kıayd-ı kitābetde giriftār
 Her dem ser-i sevdāmı nigūn eyledi ğurbet
 Feryādum olursa n’ola peyveste-i eflāk
 Çün āhumı pür-şekl-i sûtūn eyledi ğurbet
 Nîk ü bed-i dünyāya kıılup kendümi vāķıf
 Her vechile āĝāĥ-ı fūnūn eyledi ğurbet
 Sebķat-kūn-i endîşe iken eşheb-i ĥāmem
 Merkûb-ı cefā ile ĥarūn eyledi ğurbet
 Cümle raķam-ı daĝdaĝa-ı derd-i me’ālî
 Levĥ-i dilüme cem‘-i yekūn eyledi ğurbet
 Her dem dil-i nā-kāmı şuvarup kıulaĝından
 Bāver-kūn-i her va‘d-i kemūn eyledi ğurbet
 Bir luķme içün ĥavşalamı [Ü6b] kıahr-ı minenle
 Pür-zehr-i girān-bār-ı menūn eyledi ğurbet
 Ancaķ ğözümü seyr-i beliyyāt-ı vaıandan
 El-minnetü lillāĥ maşūn eyledi ğurbet

Lenger-figen-i sâhil iken Rûhî-i zârı

Müstagrağ-ı deryâ-yı duyûn eyledi ğurbet

diyerek bi-ḥamdillâh maşḥûben bi's-selâme cânib-i vaṭana vuşûl ümniyyesi qarînü'l-ḥuşûl oldıkda *beyt*:

مرو بخانه ارباب بيمروت دهر

که کنج عافیتی در سرای خویشتنست

beyti üzre kendi beytimde gûşe-gîr-i ikâmet olup gördüm ki *naẓm*:

مدتی شعر بهر نوع نوائین کفتم

لفظ و معنیش در افشان و پسندیده نفس

غزل از روی [S5b] هوس بود و مدایح ز طمع

نه طمع ماند کنون در دل تنکم نه هوس

müfâdınca bir zamân her nev'de lafz u ma'nâsı pesendide eş'âr güftârına şâhib-i iktidâr iken ne gerdende hevâ-yı kaydı ṭurre-i ḥübân ve ne dil-i tengde ṭama'dan nâşî heves-i medḥ-i a'yân kaldı. *Zîrâ beyt*:

بی محرک نشود هیچ سخنور کویا

نغمه بی زخم نیامد ز رک تار برون

mışdâkıncı reg-i târdan zaḥmetsüz nağamât zâhir olmadığı gibi bî-muḥarrık süḥanverân gūyâ olmadığı nümâyândur, *beyt*:

خنک نیک بختی که در کوشه

بدست ارد از معرفت توشه

mışdâkıncı; «Nîk-baḥt u sa'âdetmend bir gûşede qarâr ve ma'ârifden bir tûşe iddiḥâr idendür» didikleri mazmûna dil-bend olup 'uzleti ihtiyâr ve daḥı *naẓm*:

کوشه کیری میکند ناقص عیار انرا تمام

بی صدف صورت نبندد قطره را کوهر شدن

تاکی از اقبال دنیای خسیس افروختن

چند چون اتش زهر خاری زبان او رشدن

کوشه‌گیران مردمان صائب که جز درگاه حق

با قد حم نیست لائق حلقه هر در شدن

müfâdınca ḥalkdan inḳıṭâ' ile zâviye-i tenhâyide qarâr idüp *beyt*:

نعم‌المجالس والرفیق کتاب

تخلوا به ان فاتک‌الاحباب

mertebesine vâşıl ve müṭâla'a-i kütüb ü resâ'il ḥâşıl ider iken feẓâ'il-i 'ulûm beyânında olan ekâvîl-i şaḥîḥa ve nuḳûlât-ı şarîḥa üzre 'ilm-i Fârisînüñ maḥbûl ve mergûb ve 'inde'l-efâzıl maḥbûb olduğın bu vechle iz'ân eyledüm ki evvelâ İbnü Kemâl 'aleyhi rahmetü'l-Müte'âl maḥşûş risâlesinde eyidür:

Feşâḥat ve belâğat ile zirve-i icâza [Ü7a] vuşûli menşûş ve cümle elsine üzre ser-firâzlığı edillesi ke'l-benânî'l-merşûş olan lisân-ı Arabîdür ba'dehü efḍal-i elsine-i sâ'ire zebân-ı Fârisîdür. Ve

Fāris bir diyāruñ adıdır ki aña Şīrāz dirler. Ve Fārisī pā-i ‘Acemī ile Pārsiden mu‘arrabdur, ‘alāmet-i ta‘rib bānuñ fāya tebdīlidür. Zīrā ta‘rib, naql bi’l-ma‘nā üzre bir lafz-ı ‘Acemī ‘Arabī lafza döndürmege dirler, intihā. Ve dağı Mevlānā Nī‘metu’llāh ‘aleyhi rahmetü’l-İlāh eyidür: Hāfızu’d-dīn e’n-Nesefī Kāfī nām kitābında Ebū Sa‘īdi’l-Berda‘ī rivāyeti üzre ḥadīs-i şerīfde لسان اهل [S6a] الجنة العربية والفارسية الدرية vārid olmışdır. «Deriyye»den murād zebān-ı Fārisīdür, intihā.

Ƙaldı ki sebeb-i tesmiyede birkaç ƙavl vardır. Evvelâ mevlânâ-yı mûmâ-ileyh Kitâbü'l-Luġatinde eyidür: 'Acem pâdşâhlarından Behrâm-ı Gûr ibni Yazdecird bin Şâpûr kendi ƙapusında: "Fârisî dilinden ğayrı söylenilmeye ve berâvât u aĥkâm u mekâtîb ü erĥâm cümle Fârisî dili ile terĥîm olına" diyü tenbîh idüp bu minvâl üzere ĥaylî müddet icrâ'-i ĥükûmet ve saltanat itdi. Pes bu dil ol ƙadar şây' oldu kim bu dili anuñ ƙapusına nisbet idüp yâ-i nisbet ile Derî dirler. Ve daĥı Uĥnûm şâĥibi eyidür: Derî diyâr-ı 'Acemde bir tâ'ifenûñ ismidür ki anlar luġat-i faşîĥa ve 'Arabiyye söylerler. Ve daĥı şol taġ etegine dirler ki âb u hevâsı laţîf ola, ol sebebden ol taġuñ kekligine Derî dirler. Ve ƙarârgâĥ ve zarfiyyet ma'nâsına gelür dimişler, intihâ. Ve Ferheng-i Şu'ûrî şâĥibi rahmetu'llâhi 'aleyh eyidür: Muĥammed Hindûşâĥ-ı Naĥcuvânî Şîĥahında rivâyet ider ki: 'Acem pâdşâhlarından Behmen bin İsfendiyâr zamânında etrâf-ı âlemden ĥalk gelüp şâĥ-ı müşârun-ileyĥûñ ƙapusına cem' oldular, ammâ birbirlerinin lisânın fehm idemezler idi ve Fâriside ġûn-â-ġûn luġatler söylerler idi. [Ü7b] Zîrâ her vilâyetün maĥşûş luġati vardır. Pes Şâĥ Behmenûñ emriyle ol 'aşruñ 'ulemâ vü fûşâĥâsı zebân-ı Fârisinûñ eşaĥĥ u efşâĥın vaz' idüp Derî nâm ƙoydılar, ya'nî ƙapu lisânı diyüp etrâf-ı memâlike tenbîh itdiler ve cemî'-i ĥalk daĥı ol luġati isti'mâl eylediler. Ve ehl-i zamâna bu vaz'-ı luġat maĥbûl ü maţbû' gelmek ile mûnaĥĥaĥ u mühezzeb eylediler. Ve Ferheng-i Cihân-ġûrî nâm kitâb şâĥibi Yûsuf-ı İncuvî rivâyet ider ki: Luġat-i Fârisiye «Derî» tesmiyesinde üç vech vardır. Vech-i evvel: Bir cemâ'at faşîĥ eyitdiler; her luġatde ki noĥşân olmaya aña Derî dirler. Vech-i şânî: Bir cemâ'at eyitdiler ki: Derî bir lisândur ki anı birkaç pâre şehrüñ sâkinleri tekellûm iderler, ol şehrlere Bâi ve Merv ve Buĥârâ dirler. Vech-i şâlis: Bir cemâ'at eyidür; Derî pâdsâĥlaruñ âsitânında olan ĥalkuñ tekellûm itdikleri luġate dirler, intihâ.

Ve yine ‘ilm-i Fûsûñ maǧbûliyyeti beyânında İmâm Suyûfî rahmetu’llâhi te’âlâ, Ḥabâ’ikü fî-
Aḥbârî’ [S6b] l-Cinni ve’l-Melâ’ik nâm kitabında eyidür: اخرج ابن ابى شيبه عن ابى امامة قال ان الملائكة
الذين يحملون العرش يتكلمون بالفارسية intihâ. Ve Ferheng-i Şu’urî eyidür: Ba’zî kütübden naǧlen Tefsîr-i
Deylemîde ‘ibâret-i şarîḥa ve rivâyet-i şaḥîḥa böyledür ki: سأل رسول الله صلى الله عليه وسلم من ميكائيل عليه
السلام هل يقول الله عز وجل شيئاً بالفارسي قال نعم يقول الله جل جلاله چکنم با این مشتئ ستمکار جز
intihâ. Ve bu ma’nâya işâretde Kemâl İsmâ’îl:

یک کرشمه کرده فضلت یا بنی ادم ازان

غلغله، در حان مشته، خاکبان انداخته

divü buyurmışdur, kezā fî-Ferheng.

[Ü8a] Ve niçe nādīre-i dehr ü devrān olan evliyā'-i zī-şānuñ ve niçe ʿulemā-yı aʿlām u fuḡahā-yı ʿizām u fuḡalā-yı vālā-makāmuñ güftār-ı cevāhīr-āşārları bu lişānuñ silkinde muntazam olmağın

yâdgârlarına herkes hâridâr olmuşdur. Ve bu ‘ilmüñ ‘ulüm-ı müsteħabbeden olduğu meşûr-ı mütûn u şurûh-ı ‘ulemâ ve cerâ’id-i pür-fevâ’idlerini bu elfâz-ı dürrer-bâr ile müzeyyen ü memdûh-ı fużalâdur. Zîrâ bu lisân-ı şeref-‘ünvân ile âşnâlığı olan dânişmendân ihtirâ-ı nazm-ı âbdâr ve ibdâ-ı neşr-i cevher-âsâra iktidâr bulmağın ba‘zıları rub‘-ı meskûn-ı fûnûnda feth-i diyâr-ı teşânîf-i maqbûle ile beyne’l-enâm nâmdâr ve ba‘zıları vücûh-ı şahâ’if-i sühanverî vü ruhsâre-i evrâk-ı leṭâ’if-i enverîde tarḥ-ı şuver-i ma‘ârif ü hûner ile şâhib-i iştihâr olmuşdur. Ve ba‘zıları bu ‘ilmüñ vesâṭatıyla isti‘mâl-i ebkâr-ı mezâmînde müşârun bi’l-benân ü istikmâl-i efkâr-ı nazûkterinde fâ’ik-ı beyne’l-aḫrân olmuşdur. Ve ba‘zıları kişver-i nazm-ı bedî‘u’n-nizâmda tekml-i dâ’ire-i devlet ü ‘irfân ve tertîb-i dîvân-ı şevket-‘ünvân ile mâlik-i bahr u berr-i hûner ü ‘izz ü şân olmuşdur.

Pes ‘ayn-ı ḥaḳîkat-bîn ile bu ḥâlâta nazar-ı diḳḳat-eşer ü çeşm-küşâ-yı ‘ibret olınsa nâzıra ḥaḳı degüldür ki ḥazret-i Ḥaḳḳ u Feyyâz-ı Muṭṭaḳ ḳudret-i kâmile vü ḥikmet-i bâliğası muḳteżâsınca kâffe-i eşyâyı birbirinden mümtâz ve birbirine nisbet ile ba‘zısın ba‘zısından ser-firâz itmek ile her şeyde bir ḥikmet ve herkesde bir ḳudret ve her ḳudretde bir ḳuvvet ve her dîdede bir başîret ve her başîretde bir [S7a] şûret ve her şûretde bir sîret ve her sîretde bir sırr-ı şerîf ve her ‘aynda bir nûr-ı laṭîf ve her gülde bir bûy-ı dil-âvîz ve her dilde bir hûy-ı sihr-âmîz ve her dehende bir lisân-ı hoş-ta‘bîr ve her süḥanda bir te’şîr ve her nuṭḳda bir rûḥ ve her rûḥda bir fûtûḥ ve her râḥda bir inşirâḥ ve her inşirâḥda bir râḥ ve her nesnede şad gûne feyz ve her feyzde şad hezâr neş’e ve her yirde bir ḥâşşa ve her ḥâşşada bir eşer [Ü8b] ve her eşerde bir ḥaber ve her ḥaberde bir ḳâl ve her ḳâlde bir me’âl ve her câda bir şecer ve her şecerde bir şemer ve her şemerde bir lezzet ve her nihâlde bir gûne gül ve her gül için bir gülşen ve her gülşende bir bûlbûl ve her bûlbûlde bir gülḡul ve her murḡda bir nâle ve her gülde bir jâle ve her jâlede bir gevher ve her gevherde bir âb ve her âbda bir cevher ve her çemende bir serv-i âzâd ve her servde bir ḳumrî ve her ḳumrîde bir feryâd ibdâ‘ u îcâd idüp خلق الانسان علمه البيان nazm-ı belâgat-‘ünvân u ḥulḳ-ı ḥikmet-nişânı üzre âşyân-sâz-ı gülistân-ı ‘irfân olan bûlbûlân-ı süḥanuñ her birin bir gülşen-i süḥanda nev-perdâz ve tûṭiyân-ı ‘ulûmuñ her birin bir âyine-i şâf-zamîr üzre tekellüm-sâz eylemişdür. Cümleden biri ol bûlbûl-i gülşen-serây-ı ‘ilm ü ‘irfân ve tûṭî-i şekeristân-ı faẓl u hûner-i bî-kerân ve ol bâlâ-nişîn-i taḥṭgâh-ı vilâyet ve maḳâm-güzîn-i evc-i kerâmet, tuḡrâ-keş-i münşî-i feşâḥat ve emîr-i dârü’l-mülk-i belâgat, sermerd-i meydân-ı kemâl mazḥar-ı mevhibe-i Müt’eâl, üstâd-ı ehl-i ‘irfân, şâhib-i irşâd-ı mürîdân Şeyḫ ‘Atṭâr ‘aleyhi rahmetü’l-Gaffârdur ki ḡâliye-i kerâmât-ı ‘âliyyesi ‘ıṭrsâ-yı meşâmm-ı rûzgâr ve tefârîḳ-i te’lîfât-ı ‘abîr-âşârı zîver-i bâzâr-ı iştihâr olmuşdur. Pes ol şeker-fürûş-ı naşâyıḥ-ı leṭâ’if olan merd-i ‘ârifüñ âşâr-ı pür-fevâyıḥ u yâdgâr-ı miskiyyetü’r-revâyıḥı egerçi bisyârdur lâkin cümleden ziyâde müsta‘mel olan Pend-nâme-i ḥalâvet-âşâridur ki bâzâr-ı rûzgârda serserî devr iden bî-kâr ve merâret-i aḥlâḳ-ı nâ-hemvâr ile telḥ-kâm olan bîmârı *beyt*:

درین بازار عطاران مر و هر سو چو بیکاران

بدکانی کسی بنشین که در دکان شکر دارد

maḳâlesiyle da‘vetde kâfi [S7b] ve devâ-yı derd ü ‘illete şehd-i şâfidür. *Şi‘r*:

کتاب فاخر کالدر لفظا

حزى شانه بالنور سطرًا
معانيه علت كل المعالى
جلى نفعه كالمسك قدرا

Pes derûnında münderic olan kıand-i nebât-ı [Ü9a] naşâyıh u pend-i ‘ıtrıyyetü’r-revâyıh nev-hevesân-ı naşîhate mâye-i iktisâb-ı şevâb u ma’rifet ve re’s-i māl ü nişâb-ı bî-ħisâb-ı fazîlet olup ve sâl-ħorde-i rûzgâr olan ħâne-i ħarâba daħı bu kitâb ile ‘amele şitâb, dâfî-i ârzü-yı ‘avdü’ş-şebâb idigin aħbâba îmâ içün ekşer-i evânda nikâtın müfâkere ve tullâba her ânda ta’lîm ü müzâkere ider idüm. Pes enîs ü celîs-i meclis-i laţîf-i zarîfâne olan yârâna: “Şeyh-i müşârun ileyhüñ bu kitâb-ı müstetâbınun cümlegâh-ı derûn-ı kelâm ve ħâne-i bütûn-ı elfâz-ı cevâhir-nizâmında mestûr olan ebkâr-ı işâret ü ‘arâ’is-i nikâtı vuşlatına kıâdir ve daħı *naẓm*:

معانيه من تحت الحروف كانها
بدور بانوار الحقائق تشرف

müfâdınca böyle bir envâr-ı ħaķâyık u deķâyıkı câmi’ olan nüşha-i lâmi’anun mecâz u kinâyât-ı luġatı şöĸbetine vâşıl bir mâhir bulınsa zeyl-i himmetine teşebbûş birle bu vech üzre keşf-i beyân u şerĸ ü ‘ıyânın recâ ve kıabûl-i niyâz zımnında sâye-i mürüvvetine ilticâ ider idik” diyu izĸâr-ı temennâ eyledigimde bu gûne tereccî vü temennîde üslûb-ı ħakîm kıâ’idesi üzre *beyt*:

هر سر که در ته دل کنج انزوا
خود را بجلوگاه سخن بیقرار کرد

maẓmûnın iz’ân itmeleriyle ber-vech-i recâ: “Şerĸ-i Pend-nâme-i girân-bahâ ancak cenâb-ı ma’ârif-nişâbuñ cell-i himmetine vâ-bestedür” diyu eĸıbbâ yek-sere dâmen-gîr-i temennâ olup *naẓm*:

Gerçi ehl-i zamâne kâhildür
Ekşeri lehv ü laĸve mâ’ildür
Sözün olursa daħı dürr ü güher
Kim oķur anı şimdi kim diñler
Eylemez aķça ma’rifet güheri
Getür ortaya varsa sîm ü zeri
Lîk bir tuĸfe gezse bâzârı
Çıķar elbetde bir ħarîdârı
Bâĸ-ı dilde açılsa ger bir gül
Bulınur aña daħı bir bülbül
Yûsufâsâ belirse bir maĸbûb
Der-‘aķab [Ü9b] bulınur aña Ya’ķûb
Ger zuhûr itse bir şaķı Leylâ
Bulınur aña daħı bir şeydâ

su’âl-i muķadderine [S8a] cevâb-ı meẓâmîn-ibrâz u ifhâm ile niçe muķaddemât-ı niyâz tertîbiyle netîce-perdâz-ı ibrâm olduķlarında ħ^vâh u nâ-ĸ^vâh ĸuşûl-i merâmlarına kemer-bend-i iķdâm olup ber-vech-i

niyâz şerh-i *Pende* ihtimâm-ı tamm ve ber-vech-i âtî beyân-ı lügât ve ‘ıyân-ı nikâtında hitâm gösterdüm. Hülâşa-i kelâm cümle nüshaların cem‘ ü taḥrîr birle evvelen lafzınıñ luğaten ve ıstılâhan ma‘nalarını lügât-i Fârisî ve ‘Arabîde beyân olındığı üzre ibrâz ve Fârisîyi ‘Arabîden imtiyâz idüp maḳâma münâsib ve murâd olan ma‘nâyı taṣrîḥ ve semâ‘a şafâ-baḥş olan ma‘ânî-i bâkıyelerin daḥı bu lafz şu kadar ma‘nâya gelür diyü Ferheng-i Şu‘urî ve Dekâ’ıku’l-Ḥaḳâ’ıḳ-ı İbnü Kemâl ve Müfredâtü’l-Fürs ve Ni‘metu’llâh ve Ḥalîmî Ve Düstûru’l-‘Amel ve Tuḥfetü’l-Mülûk nâm kütüb-i luğâtden naḳlen tavzîḥ eyledüm. Ve her beytün ma‘nâsını beyânda ve nikât u işârâtın ‘ıyânda daḥı evvelen nâzımuñ murâdı üzre ma‘nâ-yı zâhiri taḳdîm ve âyât u eḥâdîsden neye telmîḥ oldığın şarâḥaten terḳîm idüp eḥâdîs ü aḥbârın ekşerin İmâm Münâvî rahmetu’llâhuñ Dekâ’ıku’l-Ḥaḳâ’ıḳından ve ba‘zan Meşârıḳ-ı Şerîf ve Mebârıḳdan yâd eyledüm. Ve ol maḳâma münâsib olan naşâyıḥ-ı latîfe ve mevâ‘ız-ı münîfe beyânında İbnü Cevzî’nün Muḥtaşaru’l-İḥyâsından ve İbnü Ğânimün Ḥallû’r-Rumûz ve Cevâhiru’l-Künûzından ve Mecma‘u’l-Fevâ’id ve Müdhişü’l-Ḳulûb ve resâ’il-i sâ’ire-i mu‘temedün-‘aleyhâdan istimâd virdüm. Ve maḳâma münâsib ḍurûb-ı emsâl-i ‘Arabîye ve Fârisî ityânıyla ma‘nâ-yı mezkûr u murâdı keşf ü ‘ıyân eyledüm. Ve bunlardan mâ-‘adâ her beytün zeylinde niçe ‘Arabî ve Fârisî ebyât u eş‘arlarıyla icmâlleri tafşîl idüp ebyât-ı mezkûrenün ekşerin nâzımuñ Müferriḥ-nâme nâm yâdgârından istiṣhâd ve ba‘zan Muḳaṭṭa‘ât-ı İbnü Yemîn ve Dîvân-ı Şâ’ib ve emsâllerinden îrâd eyledüm. Ve ol ebyâtları daḥı icmâliyle beyân ve hülâşaların [Ü10a] nazmen ve neşren ‘ıyân eyledüm. Ve şâniyen her beytün ma‘nâ-yı şüfîyâneye taḥammüli olanlarını Maḳâmâtü’l-Evliyâ ve Meşnevî-i Mevlânâdan ba‘zı ebyât-ı şerîfe ile yâd ve ma‘ânî-i bâtınelerin taḥrîr ü işâret ve meşâyıḥ-ı muḥaḳḳıḳînün edâ vü ta‘bîrlerin [S8b] taṣṭîre mübâderet birle *naẓm*:

Kilk-i siḥr ile idüp naḳş-ı nigâr-ı maṭbû‘

Silk-i taḳrîre çeküp dürr-i kelâm-ı maḳbûl

maẓmûn-ı âbdârın âşkâr eyledüm. Qaldı ki nâzımuñ kelâmında, *meşnevî*:

معنى اندر شعر جز باخط نیست

چون فلاسنگست اندر ضبط نیست

müfâdıncâ ber-de’b-i şu‘arâ şadrân şadr-ı âḥara intikâl, meslek-i ḳadîm olup ḥuşuşân nüshaların birbirine tegâyüri ḥasebiyle her birinün şerḥine ibtidâr ne kadar şüretâ tekrârı müş‘ir ise, *naẓm*:

مکرر چند باشد شهد و شکر

شود بسیار نفع و خوب و خوشتر

maẓmûn-ı nezâket-perveri ile dehân-ı tâ‘înândan def‘-i ta‘n için *mıṣra‘*:

سخن تلخ نخواهی دهنش شیرین کن

emrine şedd-i niṭâḳ-ı imtişâl olınmışdır. Ve ba‘de’t-tesvîd şaḥâ’if-i şeb-ârânun beyâz-ı şubḥı ser-dâde-i maṭla‘-ı merâm oldıḳda; “naẓra-i ũlâ ḥumeḳâdur” diyü ser-tâ-pâ فرج البصر کرتين maẓmûnına idâre-i ḥadeḳa-i ‘ayn-ı imtişâl idüp tekrîr-i naẓar birle her ḥarfî taṣḥîḥ ve ḥarâş-ı ḳalem-tırâş ile noḳşân u zâ’idlerî ıslâḥ ve ḳalem-i istiṣlâḥ ile tenḳîḥ ḳılınmışdır. Ve bi-fazlı’llâhi te‘âlâ bu şerḥ-i ḥayât-efzâ beyân-ı şurrâḥ-

ı pîşîne nisbet olınsa rûh-ı pür-fütûh meşâbesinde idigi nümâyân olmağın **Rûhu's-Şurûh** ile tesmiyeye şâyân olmuştur, *li-şârihihî*:

Dilimüzde n'ola derc olsa firâset Rûhî
Kâşif-i sırr-ı laţîf (ü) sūhan-ı pākiz biz
Sözimüz cân gibi cāndur sevenün fehminde
Nüşa-i nādire-i 'ālem-i idrāküz biz

Ve dağı işbu şerh-i pākîze ez-ğarağ-ı dünyānuñ nefi 'āmm olmak için hasbeten lillāhi te'ālā lisān-ı [Ü10b] Türkî üzre taḥrîr ü imlā ve ber-vech-i muḥarrer taştîr ü inşā kılınmıştır.

İmdi bu yādgār-ı rûh-efzāya nāzır ve 'indinde ḥāzır olan ulü'l-ebşārdan recā-i bende-i günehkār budur ki صارم نبوة و لكل عالم هقوة و لكل صارم نبوة müfādınca hemîşe rāst-kār u pākîze-i kirdārdan zelle vuḳû'ı bedīdār ve elbetde çeşide-i ālām u ekdār-ı rûzgār ve büyüde-i hāmūn-ı dār u diyār olanuñ pāy-ı kalem-i ḥizmet-güzārı vādî-i şaḥā'if-i sehv ü ḥaṭāda ālūde-i gubār ve dağı *beyt*:

Semend-i ḥāṭırum şahrā-yı gurbetde yorılmışdur
N'ola naḥçîr-i ma'nādan tehî olursa fitrāki

itizārınuñ kabûli kâbil-i inkār [S9a] degüldür, lâkin dāmen-i şebgîr-i tegāfûl-i kerīmāne ile setr-i 'uyûb u hefevât lâzime-i şân-ı munşif-nihādān u sûtûde-şifāt olmağın işbu şerh-i laţîfde olan işārāt-ı te'lîfi 'adem-i fehminden nāşî vaz'-ı kenāre sebbābe-i itirāz-ı bî-mevkî ile telvîs-i şaḥā'if-i leṭā'ifde bî-ihtiyār olan cāhilān-ı nāķış-naḫarān-ı pür-i'rāza sîlî-i kafa-şiken-i tevbiḥ havālesiyle ḥadlerin bildirüp ḥimāye-i ırz-ı şerh-i pākîze-dāmānda himmet-i bî-kerān u gayret-i firāvān ile bu faḫîr-i ma'zeret-ḥ'āh her-gāh taḥmîl-i minen-i bî-pāyān idüp bu yādgārdan müstefid olan yārān dağı dergāh-ı Āmurzgārdan bu günehkār için tālîb-i gufrān olalar. Pes dergāh-ı Vāhibü'l-āmāldan be-her-ḥāl ümîd-i vāşık u recā-i şādıkum budur ki bu bâbda olan sa'yümi cemîl ü bâ'is-i gufrān-ı cürm-i keşîr ü ḫalîlüm eyleye, āmîn! *Mışra*:

Bi-ḥaḫķı gönçe-i طه ve sünbül-i يس

الله هادى عليه اعتمادى *li-şârihihî*:

Yā Rabb dilümi vāķıf-ı esrār-ı yakîn it
Mihr-i sūhanum kâşif-i envār-ı berîn it
Tevfîķuñ ile rişte-i bârîk-i ḥāyālüm
Vādî-i sülûk-i talebe metn-i metîn it
Her-dem beden-i 'ācizümi 'āfiyet üzre
Luṭfuñla şafā-ḥāne-i şîḫhatda mekîn it
Esb-i kalemüm sâḫa-i 'irfān u hünerde
Sebķat-kün-i endîşe-i merdān-ı güzîn it
Tebyîz-i süveydā-yı şaḥā'ifde hemîşe
Dest-i emelüm cümle mevānî'den emîn it
Eşdāf-ı yem-i dilde olan cevher-i nuṭķum
Bāzār-ı ḫaḫîķatde ḫamu dürr-i semîn it

Rūhī kuluñuñ Rūh-ı Şurūhını İlähî

İmdād-ı füyûzât ile itmâma karîn it

[Ü119a]¹ **Muqaddeme**

Ma'ûm ola ki bu yâdgâr-ı naşâyıh-âşârûñ nâzımı Şeyh 'Attâr dimekle âvâze-gîr-i bâzâr-ı rûzgâr olmuştur. Nitekim hâtime-i Pend-nâmeye karîb bir ma'halde temşîl zımnında lafz-ı 'attâr ile bu ma'nâya tevriye buyuracaqdır. Şeyh-i müşâru'n-ileyhüñ nâm-ı bülend-ihtîşâmı Yûsuf ve laqab-ı sa'âdet-nizâmı Ferîdü'd-dîn ve vatan-ı 'âlîleri Nîşâbürrdür. Nîşâbürrüñ aşl-ı nâmı «İrân-şehr»dür. İrân, kesr-i hemze ile Şâh Hüşeng bin Siyâmeküñ adıdır. Şâh Ferîdün 'Irâk ve Fâris ve Âzerbeycân memâlikinüñ mecmû'ın büyük oğlu İrece virmişidi; [S9b] İrân ismi andandur. Ve nehr-i Âmûnuñ öte tarafın Tûr nâm oğluna virmişidi; Tûrân ismi andandur. Ve Şeyh hazretleri meşâyıh-ı şüfiyye miyânelerinde "üveysî" tesmiye olunan evliyâ-yı kirâm-ı 'âlî-ma'âmıdandır. Üveysî didikleri anlardır ki zâhiren bir mürşidi ma'ûm olmaya ve şüretâ meşâyıhdan birinüñ hizmetin kılmaya. Lâkin ma'nâda bir velînüñ rûhâniyyeti anı terbiye vü irşâd eyleye. Pes şeyh-i müşârun-ileyhüñ zâhiren şeyhi ma'ûm degüldür, lâkin ma'nâda Şeyh Hüseyn Manşûruñ rûhâniyyeti ile terbiye vü irşâd bulmuştur. Niteki evliyâ-i 'izâmdan Şeyh Hasen-i Harkânîñüñ dağı zâhiren şeyhi nâ-ma'ûm olmağın ma'nâda Bâyezîd-i Bestâmî ravvaḥa'llâhu rûḥahu's-sâmî hazretinüñ rûhâniyyeti ile terbiye bulmuştur. Ve dağı Şeyh Bahâ'ü'd-dîn Nakş-bendî ke-zâlik böyle olmağın ma'nâda Şeyh 'Abdü'l-Hâlîk-ı Gücdüvânîñüñ rûhâniyyeti anı terbiye vü irşâd buyurmuşdur. Ve Şeyh 'Attâra üveysî didikleri gibi Nakş-bendî dağı dimişlerdür. İmdi "nakş-bend" luğat-i Fârisîde nakş bağlayıcı dimekdür, gerek nakḫâş-ı ma'rûf olsun ve gerek kumâş tokıyanlardan kumâşa nakş bağlayıcı olsun. Ammâ ıstılâhda ṭuruk-ı şüfiyyeden bir ṭarîḳuñ adıdır ki Nakş-bendiyye dirler. Silsileleri ve nisbet-i külliyyeleri hazret-i Ebî Bekrîni's-Şiddîk razıya'llâhu 'anha müntehî olur. Ve nisbet-i cüz'iiyyeleri Ehl-i Beyt [Ü119b] vesâtiyle hazret-i 'Alî kerrama'llâhu vecchēya müntehî olur. Bu nisbete Silsiletü'z-zeheb dirler. Pes ṭarîḳ-i Ḥalvetîñüñ nisbet-i külliyyeleri İmâm 'Alî razıya'llâhu 'anh hazretine ve nisbet-i cüz'iiyyeleri İmâm Ebû Bekr razıya'llâhu 'anh hazretine müntehî oldığı Silsiletü'z-zeheb vesâtiyledür. Ve sā'ir ṭuruklar bu iki ṭarîḳ-i 'aliyyeden müteferriḳ ü müşa'ab olurlar. Ve Nakş-bendiyye meşâyıhına Ḥ'âcegân-ı 'Azîzân dirler. Bu ṭa'ifenuñ zîkr-i tevḥîdleri Ḥ'âce Bahâ'ü'd-dîne gelince zîkr-i hafî idi. Ba'dehü Ḥ'âce-i müşârun-ileyh zîkr-i cehriyye vü 'alâniyye itmek ile Nakş-bend tesmiye olındı. Ḥ'âce-i müşârun-ileyhden soñra gelen Ḥ'âcegân-ı 'Azîzân kimi zîkr-i hafıyyeyi ve kimi zîkr-i 'alâniyyeyi [S10a] ihtiyâr eylediler ve giderek esmâ'-i Celâlden Ḥayy u Ḥaḳḳ ism-i şerîfleriyle zikre izn virdiler. Ammâ deverâna izn virmediler. Ba'dehü meşâyıh-ı kibârdan sulṭânü'l-'ârifîn ve burhânü'l-vâsılîn, mişbâḥ-ı derûn-ı ehl-i yakîn ve miftâḥ-ı ḥazâ'in-i envâr-ı 'âlemîn, hazret-i Mevlânâ ve hazret-i Necmü'd-dîn-i Kübrâ ve hazret-i Gülşenî ve sā'ir emsâl ü aḳrânları ḡalebe-i zevḳ ü vecd ü şevḳ ḥâletinden nâşî her biri bir güne deverân ile zîkr-i Sübhânî ihtiyâr eylediler, kezâ fî-Ferheng. Ḥulâsa-i kelâm Şeyh 'Attâr hazretlerinüñ âşâr-ı kerâmâtı ma'âm-ı velâyetde olan 'ulüvv-i derecâtı şöhet-şi'âr ve ikrâr-kerde-i

¹ Metin Ü nüshasında 11a yerine 119a'dan devam etmektedir.

evliyā’-i kibārdur. Nitekim ḥazret-i Mevlānā ḳāddese’llāhu sırrahu’l-‘azīz ile Nīṣābūrda şoḥbetleri olup ve şeyḫ muşannefātından Mevlānāya hediye nāmıyle i‘tā buyurmağın, ba‘de’l-mütāla‘a Mevlānā Şeyḫūñ rütbe-i vālāsın beyānında, *Meşnevī*:

هفت شهر عشق را عطار کشت

ما هنوز اندر خم یک کوچه ایم

buyurmuşdur. Ve yegāne-i şu‘arā-yı ‘Acem Ḥ’āce Şā’ib-i Tebrīzī, *beyt*:

صائب از درد سر هر دو جهان باد رسی

سر اگر در سر عطار نشابور کنی

buyurmuşdur. Qaldı ki Şeyḫ ‘Aṭṭār [Ü120a] bu yādgārı tārīḫ-i hicret-i Nebī ‘aleyhi’ş-şalātü ve’s-selāmuñ ḳanḳı sālinde nazm eylediği Pend-nāmesinde ma‘lūm u meczūm olur vech ile mefhūm degüldür. Lākin mihr-i ma‘ārif ü kevākib-i teşānīf-i pūr-leṭā’ifinūñ şa‘şa‘a-baḫş-ı ‘ālem-i envār ve pertev-endāz-ı bilād u diyār oldığı tārīḫ-i Hicretūñ yedi yüz ile sekiz yüz sāl-i meyāmin-iştimalinūñ miyānelerinde olmak ba‘zı teşānifinde olan beyānında ma‘lūmdur. Nitekim Müferriḫ-nāmesinūñ ḫitāmında:

ز هجرت رفته از هفتصد چهل سال

مفرح نامه کفتم از سر حال

diyü buyurmuşdur. Pes Müferriḫātınūñ tārīḫi yedi yüz kırkıncı sālinde olunca Pend-nāmesi bundan birkaç sene muḳaddem veyā mu’ahḫar olmak muḫtemeldür. والله اعلم بالصواب

[S10b] بسم الله الرحمن الرحيم وبه نستعين Ma‘lūm ola ki nāzım-ı merḫūm bu kitāb-ı müsteṭāba iḳtidā’-i bi’l-kitāb ve imtişālen bi-ḥadīsi’l-ibtidā’ besmele-i şerīfe ile ibtidā eylemişdür. Mā’nā-yı şerīfi vü terkīb-i münīfi ḳavā’id-i ‘Arabiyyeden min-vech āgāh olana ḫafī degüldür ve fevā’id-i ḫavāşşı kütüb-i keşīrede merḫūm ve ehline ma‘lūmdur. Ve medḫ-i evşāfi ile cerā’id-i şu‘arā meşḫūn ve ferā’id-i şurūf ile nazm-ı feraḫ-fezā ile eşdāf-ı yemm-i mecmū‘a-i zurefā pūr-dürr-i meknūndur. Ez-cümle nāzımūñ Müferriḫ-nāme nām tuḫfesinde olan medḫ-i bismi’llāh tilāvet-kerde-i gedā vü şāḫ idigi bī-iştibāhdur ki tercemesi ḫāme-i isti‘ānet-penāḫ-ı faḳīr ile bu vech üzre taḫrīr olındı, nazm:

Besmeyleyle bāb-ı rāzı kıl küşād

Eyleyüp pāk-i senā-yı Ḥaḳḳı yād

Çünkü bismi’llāhdur a‘lā-yı nām

Başa bismi’llāhı tāt itdüm tamām

Buldı Qur’ān bed’i bismi’llāhda

Besmeleye şākirem her-gāhda

Gördi bismi’llādan Fahr-i cihān

Lā-mekānı hem daḫı Ḥaḳḳı ‘ıyān

Ya‘nī seyr-i ḳurb-i mi‘rāc eyledi

[Ü120b] Daḫı bismi’llāhı ser-tāt eyledi

Açdı bismi’llāh ile Mevlāya rāz

Ümmetūñ bāb-ı ḡamını ḳıldı bāz

Virdi bismi'llāhdan Haqq aña kām
 Virdi hem teşrîf-i İslām u selām
 Besmeleyle oldı gūyā keff-i hāk
 Döndi bismi'llāhdan eflāk-i pāk
 Buldı bismi'llāhdan t̄alib murād
 Besmeleyle hıfz-ı Haqq olur ziyād
 Bunda ismu'llāh Raḥmānu'r-Raḥīm
 Var Kerīm^{ün} hem 'Alīm^{ün} hem Ḥakīm
 Oldı bismi'llāh ile Qur'ān beyān
 Virdi her bir sūreye 'ūnvān-ı şān
 Buldı bismi'llāh ile 'ālem vücūd
 Oldı [S11a] bunda Ādeme hil'at nümūd
 İrdi bismi'llāhdan Mūsāya nūr
 Haqq tecellisine mazhar oldı Tūr
 Hızırı ğamdan kıldı bismi'llāh emīn
 Buldı maḥrem Meryem-i 'işmet-kaṛīn
 Kıldı bismi'llāh ile Dāvūd niyāz
 Yūnusūn bāb-ı murādı oldı bāz
 Dīde-i Ya'qūba arturdu ziyā
 Buldı bismi'llāh ile Eyyüb şifā
 Hem Süleymān salṭanat buldı tamām
 Besmeleyle emrine dīv oldı rām
 Buldı bismi'llāh ile herkes murād
 Nārdan eyler 'uşātı bu azād
 Oķu bismi'llāhdan ism-i a'zamı
 Urma bismi'llahsız hēçbir demi
 Rūḥiyā budur t̄arīķ-i müstaķīm
 Söyle bismi'llāhi'r-raḥmāni'r-raḥīm

﴿حمد بی حد ان خدای پاکرا﴾ Ḥaddsiz ḥamd ol naķāyışdan t̄āhir olan Tañrı içündür. **Ḥamd** dördinci bābdan maşdardur, cem'i meḥāmid gelür. Ma'nāsı luġatde «ta'zīm vechiyle vaşf bi'l-cemīldür», gerek in'ām muķābilinde olsun ve gerek olmasun. Pes ḥamd-i luġavī ancaķ lisān ile olur. Ammā 'örf ü ışılāḥda «mün'im-i ni'am oldıġı sebebiyle ta'zīmi müş'ir olan fī'l-i cemīle dirler»; bu ancaķ cümle a'zā ile olur. [Ü121a] Ve lafz-ı ḥamd bunda āḥirinūn kesriyle mā-ba'dine muzāfdur. Zīrā Fārisīde muzāfuñ āḥiri meksūr olur mā-naḥnü fīhi gibi, eger zāhire muzāf olursa. Ve meftūḥ olur eger zamīre muzāf olursa, meşelā «ḥamdem» ve «ḥamdeş» gibi. *Fā'ide*: Ma'lūm ola ki ḥurūf-ı hecādan sekiz ḥurūf zebān-ı Fārisīde müsta'mel degüldür. Ol ḥurūfları bu beyt cāmī'dür:

بشنو اكنون اين حروف هشت را با سمع صاف

ثا و حا و صاد و ضاد و طا و ظا و عين و قاف

kaldı ki bu aḥruf-ı semāniye egerçi Fārisīde müstaʿmel degüldür lâkin lisān-ı ʿArabīden birkaç kelimeler aḥz itmeleri ile kimini maʿnā-yı mevzūʿun-lehi üzre istiʿmāl ve kimini maʿnā-yı āḥar ile istiʿmāl ve kimini kendü terkīblerinden cüz' itmekle istikmāl-i maʿānī idüp kendü lügatleri mertebesine iṣṣāl eylemişlerdür. Ve baʿzınuñ lisān-ı Fārisīde maʿnāsına muṭābık lügat bulunmağıla maʿnā-yı ʿArabīsinde istiʿmāl eylemişlerdür. Meşelā mā-naḥnū fihi olan ḥamd ve daḥı bī-ḥadd kelimesinde [S11b] olan ḥadd kelimeleri gibi ki bunlar ʿArabīden aḥz olıñup terākīb-i Fārisīde cüz' olarak istiʿmāl olınmışdır. Hattā harf-i ḥā lisān-ı ʿArabīden ḡayrıda yokdur diyü İmām Suyūfīden naḳl vārid olmışdır. Buña göre ḥā harfiyle olan çend kelimāt-ı ʿArabiyyeyi erbāb-ı Fūrs taʿcīmten istiʿmāl eylemişlerdür. Ve ḥamdūñ maʿnāsını Fārisīde «senā» ve «sütüden» lafzı ile taʿbīr eylemişlerdür. Ve daḥı Firdevsī-i Tūsīnūñ ḥamd ü şükri ekşer maḥallerde «āzādī» lafzıyle taʿbīr eylediği Ferheng-i Şuʿūrīde meşūrdur. **Bī-ḥadd**, «nihāyetsiz» dimekdür. Naḳımuñ bu kelāmında [Ü121b] روى عن النبي عليه السلام اذا اعطى الله تعالى عبدا نعمة فقال العبد الحمد لله يقول الله تعالى روى عن النبي عليه السلام اذا اعطى الله تعالى عبدا نعمة فقال العبد الحمد لله يقول الله تعالى hadīs-i şerīfine işāret vardur ve bu hadīs-i şerīf bu maḳāmda cümle-i aḥmedūñ iḥtiyāriyye oldıḡını iṣṣān ider. Zīrā cemīʿ-i ḥamdī inşā vūsʿ-i ʿabdde olmadıḡı zāhirdür. **Bī**, Fārisīde edāt-ı nefydür. Bunuñ ifāde eylediği maʿnāyı Türkīde kesr-i sīnle «siz» ile taʿbīr iderler. Maʿlūm ola ki Fārisīde nā kelimesi daḥı edāt-ı nefydür. Bunuñ ifāde eylediği maʿnāyı Türkīde «degül» lafzı ile taʿbīr iderler. Pes bī lafzı ile nā lafzınuñ maʿnāları birbirine muḥālifdür; farqları maʿnā cihetiyledür. Anuñçün her bār birbirinūñ maḳāmında istiʿmāl olınmazlar. Meşelā mā-naḥnū fihide «bī-ḥadd» dinür, ammā «nā-ḥadd» dinmez. Ve ḡāhī birbirinūñ maḳāmında istiʿmāl olınurlar. Meşelā, «bī-kes» ve daḥı «nā-kes» dirler. Bī-kes, kimsesiz dimekdür. Nā-kes, kimse degül dimekdür. Ve yine Fārisīde ḡāhī nā kelimesinin elifin «hā»ya tebdīl iderler. Meşelā «er degüldür» ve «avret degüldür» diyecek maḥallde ʿAcem «ne-merdest» ve «ne-zenest» dirler. Ḥadd, bunda «ḡāyet» maʿnāsınadır, Türkīsi «şoñ»dur. **Ān** **Ḥudā-yı pāk-rā**, tetābuʿ-ı izāfet ile «ol pāk olan Ḥudāyadır» dimekdür. **Ān**, elif-i memdūde ile birkaç maʿnāya gelür, bunda murād baʿīde işāret için mevzūʿ-ı ism-i işāretdür. Ammā qarībe işāret «īn» lafzı iledür ve bu īn [Ü122a] maḳāmı iken ān geldiği taʿzīm nüktesini işʿār içündür. Nitekim الم ذلك الكتاب āyet-i şerīfinde hāzā maḳāmına zālīk [S12a] geldiği böyledür. Ve daḥı ān lafzı āḥirinde hā kelimesi bulunmayan ism-i müfredūñ āḥirine lūḥūḳ ile edāt-ı cemʿ olur, meşelā «ālimān» gibi. Ve daḥı ḡāhī emrūñ āḥirine lūḥūḳ ile şıfat-ı müşebbehe maʿnāsı ifāde ider, meşelā «ḥandān» ve «giryān» gibi. Ve daḥı ḡāhī vaşfiyyet için baʿzı terkībe mezc olur, meşelā «ān-çünān» gibi. Ve daḥı ḡāhī naḳd-i ḥüsn maʿnāsına olur ki aña ʿArabīde cāzibe dirler. Ve daḥı maʿlūm ola ki ism-i işāret olan ān lafzı müşārūn-ileyhi olan ism ile cemʿ olmak cāizdür, ol ism gerek muʿayyen olsun «ān zeyd āmed» gibi mā-naḥnū fihi ke-zālīk böyledür. Ve gerek ism-i mübhem olsun «ān kes āmed» gibi. Ammā zamīr-i ḡāʾib-i münfaʿil olan «o» lafzı mercīʿi olan ism ile muṭlaḳā cemʿ olmaz. **Ḥudāy**, bunda ism-i müfreddir, ʿArabīsi «şāḥib» ve Türkīsi «issi» dimekdür. Ve daḥı «mālīk» ve «ʿazīz» maʿnāsınadır. İmdi ḥaḳıḳatda şāḥib-i muṭlaḳ ve mālīk-i muṭlaḳ ve ʿazīz-i muṭlaḳ ḥazret-i Ḥaḳḳ olup, Ḥaḳḳuñ ḡayrına şāḥib ve mālīk dinmek mecāz oldıysa, lafz-ı Ḥudā

Vācibü'l-Vücūd hazretine mahşûş olup keşret-i isti'māl ile 'alem-i hāş olmuşdur. Bu taqdīrce Hāḫḫuñ gayrına Hudā dinmek e'imme-i dīn qatında küfrdür dirler, meger ki lafz-ı Hudādan ma'nā-yı terkībī murād olına. Zīrā lafz-ı Hudā gāhī mürekkeḫ olup ma'nāsı «kendi gelici» dimek olur. Nitekim İmām Rāzī Meṭālib nām kitābında böyle beyān buyurmuşdur. Bi-ʿaynihī ʿibāresi İbnü Kemālūñ [Ü122b] Deḳā'ıḳu'l-Hāḳā'ıḳında naqlen meşṭūrdur. Lākin lafz-ı Hudāy mürekkeḫ i'tibār olındıḳda evlā olan vāv-ı resmī ile خودای (Hudāy) yazılmaq gerekdür. Nitekim *naẓm*:

آمد بر من که من رسولم
کفتم تو برو که من خودایم

beytinde böyledür. Ma'nā-yı beyt: Fülān benüm yanuma geldi ki; “ben saña gönderilmişim” diyü. Eytidüm; “Sen git ben kendüm geliciyim”. Ve daḫı ḳavā'id-i muḳarrere-i erbāb-ı Fūrs üzre kelimāt-ı Fārisiyyenūñ āhirinde vāv yāḥod yā vāḳi' olsa ve mā-ḳablleri elif olsa ol vāvuñ ve yānuñ ḥāl-i izāfetde işbātī lāzımdur, mā-naḥnū fihideki Hudāy gibi. Ammā izāfetūñ gayrında [S12b] ḥazfleri cā'izdür, meşelā rūy ve mūy ve pāy ve Hudāy kelimelerinde rū, mū, pā, Hudā dinmek gibi. *Fā'ide*: Ekser-i ʿulemā ʿindinde esmāu'llāḫ tevḳīfidür; ya'nī Cenāb-ı Hāḳḳa bir ismūñ iṭlāḳında Şāri'den izne mevḳūfdur. Ve ba'zıların ʿindinde taẓīmi müş'ir olunca iṭlāḳı cāizdür. Hūlāşa bu bābda altı ḳavl vardur, tafşīlī 'Aḳā'id-i Celāldedür. Pes Fārisīde olan Hudā ve emşālī ve Türkīde olan Tañrı ve Çalab ismlerini Cenāb-ı Rabb için iṭlāḳ mezāhib-i sitteden tecvīz olınan ḳāvle mebnīdür. Ḳaldı ki bu mişüllü iṭlāḳatda meşāyih-i şūfiyyeye göre evliyāu'llāḫ için üç ḥāl vardur. Evvelkisi şāḥv-ı ʿālīdür. Bu ḥālde olan mūkālemeleri ʿalā-mezhebi'l-cumḥūr tevḳīfī olan esmā-i şerīf ile olur. İkincisi sekr ü istiḡrāḳ ḥālīdür. Bu ḥālde şarāb-ı ıṣḳ-ı İllāhī ile mest (ü) müstaḡrāḳ olduklarından meşreb-i ʿālīlerine münāsib olan elfāz-ı şerīf ile tekellüm-i laṭif iderler. Bu mertebelerinde ʿinda'llāḫ ma'zūrlardur, dimişlerdür. Zīrā mest ü hüşyār olmaq ziyāde ekmelūñ ḥālīdür, evsaṭ-ı sülūkde [Ü123a] olana ḳābil degüldür. Üçüncüsü fenā-fi'llāḫ ḥālīdür. Bu ḥālde tefriḳa ve temyīzi ber-ṭaraf idüp lisān-ı şerīflerinden her ne cārī olursa feyz-i Hāḳḳ iledür, lākin «ene'l-Hāḳḳ» öyle degüldür. Bunun tafşīlī inşā'a'llāhu te'ālā aşağıda beyān olunur. **Pāk**, bā'-i ʿAcemī ile Fārisīdür, üç ma'nāya gelür. Evveli «ṭāhir»dür ki Türkīde elif-i memdūde ile «arı» dirler, bunda murād budur. Ve daḫı tamām ma'nāsına gelür, nitekim *mıṣrā'*:

همه پاک برد و پاک بسوخت

mıṣrā'ında «dükeli tamām götürdi ve tamām yaḳdı» dimekdür. Ve daḫı heme ya'nī cem' ma'nāsına gelür, nitekim Sührābuñ fevtinde māderinūñ mātem zımnında dükeli ḥānesini siyāḫ eyledigini ḥikāyede Firdevsī-i Tūsī *mıṣrā'*:

همه خانهها را سیه کرد پاک

buyurmuşdur. **Rā**, bunda ʿArabīdeki «lām-ı cārre-i müfīdetü't-taḥşīş» ma'nāsınadır. Ve gāḥ edāt-ı mef'ūl ve gāḥ ta'diye ve gāḥ ḳasem için olur ve [S13a] gāḥ taḥşīn-i lafz için zāid olur. Pes bunda ma'nā-yı evvel murād olmaḡıla āḫir-i fıḳrada edāt-ı cerr olan «est» lafzı muḳarrerdür. (...[Ü123b]...)

﴿ آ نكه ايمان داد مشتی خاک را ﴾ Ol Hudā ki bir avıç hāke yaʿnī hākden yaradılmış Ādeme īmān virdi. **Ān ki**, «ol Hudā ki» dimekdür. Zīrā ān ism-i işāretdür. Müşārun-ileyhi Hudādur ki kesr-i kâf ve hā-i resmī ile bunda ismdür, zūʾl-ʿuqūl için mevzūʿdur. Zīrā zūʾl-ʿuqūlūn ğayrī için چه (çi) lafzı mevzūʿdur. Pes bunun tizāhı şöyledür ki: Kelimāt-ı Fārisiyye bā-cemʿuhā sevākinūʾl-evāhirdür, [S13b] illā nādir olanlar degül. ʿAlā-vechiʾn-nedre müteharrik olanlar dağı cümle meftūhuʾl-evāhirdür. Meşelā ism-i fāʾil ism-i mefʾūl gibi, illā «ki» lafzı ile «çi» lafzı meksūrlardur. Kaldı ki «ki» lafzı gāh ism olur mā-naḥnū fīhi gibi ve gāh kelāmeyn beynini rabṭ için olur. **Īmān**, luġatde «iʿtikād» maʿnāsınadır, ammā iştilāḥ-ı şerʿde «qalb ile taṣdīq ve lisān ile ikrār»dur. Pes dīn ve īman ve millet ve İslām zāten bir ve iʿtibāren muġāyirlerdür, taṣṭīli kütüb-i āḳāidedür. **Dād**, bunda fīʾl-i māzī müfred ğāibdür, maʿnāsı «virdi» dimekdür. Maşdarı «dāden»dür, iʿṭā maʿnāsına ve gāh ʿadl maʿnāsına ism olur lākin bunda murād degüldür. **Müşti**, zamm-ı mīm ve sükūn-ı şīn-i muʿceme ve kesr-i tā ve sükūn-ı yā-i vaḥdet ile «bir avıç ve bir miqdār» maʿnāsınadır. Zīrā müşt bunda «avıç» maʿnāsınadır. Ve gāh yumruk ve dağı şeyʾ-i ḳālīl ve dağı «mālīden» yaʿnī «sürmek» maʿnālarına gelür. Laṭife: Ammā zamm-ı mīm ve sükūn-ı sīn-i mūhmele ile «müstī»; «şikāyetci» maʿnāsınadır. Nitekim üstād Veysīnūn *naẓm*:

[Ü124a] باده خور و مستی کن مستی چکنی از غم

زیرا که بود مستی خوشتر ز غم مستی

beytinde feth-i mīm ile mestī «ser-ḥoşluk», zamm-ı mīm ile «şikāyetcilik» maʿnāsına vāḳiʿdür. **Hāk**, «toprak» maʿnāsınadır, ʿArabīsi «türāb»dur. Bundan murād Ādem ʿaleyhiʾs-selāmuñ aġleb-i ʿunşurı hāk olduğu iʿtibāriyle ḥalkını işārdur, ḥattā şeyṭānuñ nārdan ḥalk olduğu aġleb-i ʿunşurı nār olmak iʿtibāriyledür diyü Tefsīr-i Ḳāḍide meşṭürdür. Pes nāẓım ḥamdinūñ niʿmet muḳābilinde olduğın īmāya mübāderet ve eşref-i niʿam-ı niʿmet īmān olduğın işāret için bāis-i ḥayāt olan ifāza-i rūḥ niʿmetinūñ üzerine iʿṭā-i niʿmet-i īmān taḳdīm eylemişdür. Ve niʿmet-i īmānuñ celālet-i ḳadri ve her bār şükriṇe müdāvemmet iḳtiżāsını beyānda Mecālis-i Ümmü Sīnā nām kitābda eyidür: Müʾminūñ ömr-i dünyā ḳadar ömri olsa ibtidādan intihāya dek ve baʿdehū ileʾl-ʿebed şākir-i niʿmet-i īmān olsa yine ʿaleʾl-kemāl ol niʿmetūñ şükriṇ edā idemez. Zīrā niʿmet-i [S14a] īmandā duḥūl-i cinān ve bi-lā-keyf ruʾyet-i Raḥmān gibi nūr-ı ʿazīm olmağın kendüden ecell niʿmet yokdur, intihā. Bināen ʿalā-zālik nāẓım Müferriḥ-nāmesinde īmānı bu vechle medḥ ü beyān buyurmuşdur, *naẓm*:

ز ايمان مؤمنان دیدار بینند

بمحشر خویش را بازار بینند

ز ايمان یافت سرور کامرانی

بود ايمان بقای جاودانی

ز ايمان انبيا را داده صد کام

خلاص تو ز ايمانست و اسلام

ز ايمان بر سر امد دين سرور

ز ايمان یافت ادم بر سر افسر

ز ايمان دید موسی نور دیدار
 نمودش از تجلی طور دیدار
 ز ايمان نوح را کرد از غم ازاد
 سلیمان را ز ايمان مملکت داد
 ز ايمان شد خلیش شاد در نار
 برو شد نار ز ايمان چو کلزار
 ز ايمان یافت درمان درد ایوب
 ز ايمان داد بینایی بیعقوب
 ز ايمان خضر را اب بقا داد
 ز ايمان مؤمنان را صد صفا داد
 ز ايمان یافت مصر کام یوسف
 بعالم فاش کرده نام یوسف

Ya'nī mü'minler ĩmān sebebiyle [Ü124b] maẓhar-ı dīdār ve maḥşerde şāḥib-i bāzār-ı i'tibār olur. ĩmān, beḳā-yı cāvidanī olmağın ĩmāndan server-i nā'il-i kāmranī oldu. ĩmāndan enbiyāya niçe iḥsān olınmağın senüñ daḥı iy mü'min ḥalāşuñ ĩslām u ĩmāndur. ĩmāndan dīn-i server ser-āmed ü 'ālīter ve ādem ĩmāndan efser-yāfte-i ber-ser oldu. ĩmāndan ḥazret-i Mūsā 'aleyhi's-selām nūr-ı dīdar gördi ve aña tecellīden Ṭūr-ı dīdār gösterdi. ĩmān sebebiyle Nūḥ 'aleyhi's-selāmı ğamdan āzād ve ĩmāndan ḥazret-i Süleymān 'aleyhi's-selāmı i'ṭā'-i memleket ile ber-murād eyledi. Ḥaḳḳuñ Ḥalīli 'aleyhi's-selām ĩmāndan nārda şādān ve ĩmān sebebiyle nār aña gūlistān oldu. ĩmāndan derd-i Eyyūb dermān-yāb ve ḥazret-i Ya'qūb bīnālīk ile kām-yāb oldu. ĩmān sebebiyle Ḥudā Hızra āb-ı beḳā i'ṭā ve mü'minlere şad şafā virdi. ĩmān sebebiyle Yūsuf 'aleyhi's-selām şāh-ı Mısr-ı kām olup 'ālemdē izḥār-kerde-i nām oldu. Pes Yūsuf lafzında nāzımuñ kendi ismine tevriye [S14b] murādı ḥaḳı degüldür. *Nūkte-i Şūfiyān*: Ma'lūm ola ki ḥāḳden sirişt olan vüçüd-ı insānī bir şüretdür ki endāzeze şıgmayan rūḥ bi-emri'llāh ol şüret ile ülfet ve o muzıḳ ḳafesi iḥtiyār ile aña şevḳ ü maḥabbet eylemişdür. İmdi ĩmān ve 'irfān ve ĩḳān ol şüretten murād olan ma'nā-yı zī-şāndur ve iḥsān-kerde-i Ḥannān u Mennān olan ni'met-i 'aẓīmü'l-bürhāndur. [Ü125a] Ve ma'nā-yı mezkūr şüret-i insanuñ başı üzre sāyedār olan şehbāl-i Hümā-yı devlet-i 'uzmā ve mūcib-i sa'ādet-i 'uḳbādur. Pes mürġuñ pervāzı vā-beste-i bāl ü per olmağın ol şeh-bāl-i sa'd-eşer yirinde olan ma'nā şüret-i insānı āşyān-ı ḥaḳıḳate perīde ve her vechle kām-dīde eyler. İmdi ol mevhībe-i İlāhī olan ma'nā-yı ādāb-ı a'māl ile tekmile-i sa'y-ı tām idüp şüret-perest olmamak gerekdür dimege işāret içündür. Nāzım ĩmānı ḥilḳat-ı vüçüd üzre taḳdīm ve ser-tāc-ı kelām-ı pūr-dürr-i yetīm eylemişdür. Ḥattā erbāb-ı işārātuñ 'indinde ĩmān u 'irfān bir tīg-i cevherdār yirindedür. Ol tīg-i kārgeruñ cebe-ḥānesi ḳulūb-ı mü'minīndür ve cesed ü cānuñ her a'dā vü dūşmāndan emniyyet ü selāmeti ol tīgüñ ḥıfz u himāyeti berekātındadır dimişlerdür.

﴿ آنکه در ادم دمید او روح را ﴾ Ol Ḥudā ki rūḥ-ı Ādemde nefḥ u āşḳār eyledi. **Ān ki**, «ol Ḥudā ki»; **der Ādem**, «Ādem 'aleyhi's-selāmda» dimekdür. Zīrā **der** lafzı bunda zarfiyyet ma'nāsın ifāde iden

«iç» ma'nâsınadır. Nitekim gâhî âhîrine vāv ve nūn-ı [S15a] nisbiyye getürüp «derūn» didiklerinin ma'nâsı «içerü»dür. Ve daḥı der lafzı, gâhî «kapu» ma'nâsına ve «taş depesi» ve «bögürtlen yemişi» ma'nâlarına gelir. Ve ef'āl ü meşâdirūn evā'il ü evâhîrlerine taḥsîn-i lafz için dâhil ü lâhik olur. **Âdem**, aṣl-ı ism-i 'Acemîdür, fâ'il veznindedir. İstiḳâkında birkaç kavl vardır. 'İnde'l-ba'z zamm ve teskîn ile sümre ma'nâsına olan «üdm» den müştakḳdur, buña göre âdem «buğday eñlü, esmer gibi» demek olur. Ve 'inde'l-ba'z feth ile üns ü ülfet ma'nâsına olan «edm» den müştakḳdur. Ve 'inde'l-ba'z vech-i arz ma'nâsına olan «edim» den müştakḳdur. Egerçi ba'z-ı 'ulemâ istiḳâkı te'assüfe ḥaml buyurmuşdur, lâkin ḥilḳat-i Âdem 'aleyhi's-selâmi beyânda ان الله قبض من جميع الارض الحديث ve daḥı خلق من ثلث تربيات [Ü125b] ان ادم [Ü125b] eḥādīs-i şerîfeleri bu istiḳâkı mü'eyyedür ve benî-Âdemün zî-elvân u evşâf olduğu bu vechle aḥze mübtenîdür dimişlerdir. **Demîd**, «üfürdi» demek ma'âsına mâzî-i müfred gâ'ibdür. Maşdarı «demîden»dür, «üfürmek» ma'nâsınadır, bunda murâd budur. Ve gâhî demîden, «zuhûr ve «hübûb-ı rîḥ» ve «şabâ yiri belürmek» ve «kabarmak» ve «sebze ürpermek» ma'nâlarına da gelir. **O**, zamm-ı hemze sükûn-ı vāv ile zamîr-i gâib müfred munfaşıldır. Hudâya râcî'dür ve fi'l-i mezkûrūn fâ'ilidür. O lafzı, aṣlında yâ ile اوى (oy) idi. Yâsı ḥazf olunmuşdur. Gâhî evvelindeki hemze daḥı ḥazf olup yalnız vāv sâkin ḳalur. Pes yalnız isti'mâl murâd olındıḳda sükûn ile ibtidânun te'azzürinden nâşî, fetḥa eḥaff-ı harekâtdan olmaḡın ibtidâ'-i kelimedede bulunduḳda fetḥa ile hareke virüp kendü ile ibtidâ iderler. Ammâ âhîr-i kelimedede vâkı' olduḳda 'alâ-hâlihî sâkinen ibkâ iderler, meşelâ کو (ko) lafzı gibi. Aṣlı او (o) idi, taḥfîf olunmaḡın «ko» oldu dirlar. **Rûḥ-râ**, demîd fi'lînün mef'ûlidür. **Râ**, edât-ı mef'ûldür, «rûḥı» dimekdür. Pes [S15b] **rûḥ** zamm ile 'Arabîdür, Fârisîsi «cân» ve «revân»dur. Lâkin cân ve revânun beyinlerinde fark vardır. Budur ki; cân rûḥ-ı hayvânîdür, zî-hayâtta bulunur. Cânver didikleri bundandır ki cânlu dimekdür. Zîrâ «ver» lafzı Fârisîde «şâhib» ma'nâsınadır ki 'Arabîde «zû», Türkîde «lü» ile ta'bîr iderler. Ammâ revân insâna maḡşûş olan rûḥ-ı mücerreden 'ibâretdür, rûḥ için ise ma'ânî çokdur. 'İnde'l-ekşer vücûd-ı insânînün devâmı kendünün devâmına merbûṭ ve idrâkât u kemâlâtı zâhîren ḥâmil olan cevher-i ḡayr-ı meşhûrdan 'ibâretdür. Ve 'inde'l-ba'z nefis-i nâṭıka ile [Ü126a] mu'teberdür. Lâkin ḥukemânun ba'zıları ḥalîfe ve ba'zıları müfîz ve ba'zıları mu'allim-i evvel ve ba'zıları mâdde-i ulâ ve ba'zıları mir'ât-ı Ḥaḳḳ ve ba'zıları merkez-i dâ'ire ile ta'bîr eylemişlerdir. Ve rûḥun maḡallinde daḥı ihtilâf vardır. Ekşer-i 'ulemâ 'indinde revân ḥâcibeyn beynindedir. Rûḥ cemî-i a'zâya ḥâll ve sâridür ve ḥâliyyet ü sirâyeti mâ'-i verdün verde ḥulûli gibidür. Ve İmâm Zemaḡşerî eyidür: Rûḥ için elḳâb-ı şelâse vardır. Biri sulṭânîdür ki mevzî'i fuâddur ve biri rûḥânîdür ki mevzî'i kebd ü şadrdur ve biri cismânîdür ki mevzî'i laḡm ile dem ve 'âzm ile 'urûḳ miyâneleridir. İnsân nevme vardıḳda rûḥ-ı cismânî 'aḳla mürâfaḳat ile beyne's-semâ ve 'l-arz seyrân ider. 'Aḳl yanında bulunur ise ru'yâyı fehm idemez, intihâ. Ve ḳutb-ı Râzî Şerḥ-i Meṭâlî'de eyidür: Rûḥ için reft ü âmed olmaz, âmed ü reft revânun ḥâlidür. Pes revân gitdükde şâhibi nevme varur, ammâ rûḥ gitdükde şâhibi meyyit olup ölüme varur, intihâ. Ve meşâyıḥ-ı şüfiyye 'indinde rûḥ zâten birdür ammâ 'itibâren esâmî-i muḡtelifeleri vardır. Nitekim eyidürler: 'Âlem-i Ḳudse intisâbı olup ḥıla'-ı ḳudsiyye ile mülebbes olmaḡ 'itibâriyle rûḥ-ı ḳudsî dirlar ve 'Âlem-i Ceberûta

intisābı olup hilā^c-ı ceberūtiyye ile mülebbes olmak itibāriyle rūh-ı sultānī dirler ve a^clādan [S16a] esfele, esfelden a^clāya hūbūt u şu^cūdī ya^cnī va^ctan-ı a^cşliyyesine seyr ü sülūki itibāriyle rūh-ı seyrānī dirler ve rūh-ı revānī dirler. Ve a^cşlına izāfet ü nisbeti ḥasebiyle rūh-ı izāfī dirler. Ve ḥālen bu ʿālem-i ecsāma ʿalākası olmak ḥasebiyle rūh-ı cismānī dirler, intihā. Ammā erbāb-ı luḡat ʿinde her bir zī-rūḥa zamm-ı rā ile «rūḥānī» dirler ve melā'ike ve cinne daḥī böyle nisbet iderler. Cem'leri «rūḥāniyyūn» gelür, ammā rūḥuñ cem'ı «ervāḥ» gelür ve müzekker ve mü'enneş olur. Qaldı ki ervāḥuñ ecsāddan muḳaddem ḥalḳ olduğu müttefekun ʿaleyhdür, lākin miyānelerinde olan müddetüñ beyānında eḳāvīl vardır. Şeyḥ-zādenüñ Qāḍī ḥāşiyesinde beyānına göre, ervāḥ ecsāddan sekiz biñ sene muḳaddem ḥalḳ olmuştur. Lākin şāriḥ-i Meşnevīnün istidlāl itdiği: *الارواح قبل الاجساد بالف مائة عام* [Ü126b] *ان الله خلق* ḥadīs-i şerīf üzre ervāḥ ecsāddan iki yüz biñ yıl muḳaddem ḥalḳ olmuştur. *Ādem ʿaleyhi's-selāmuñ ḥilḳati*: Ma^clūm ola ki (...) şādır olan eḥādīs-i şerīfe ve emşālī aḥbār-ı münīfeler üzre vaḳtā ki Ḥālīḳ-ı ʿālem ʿarş u semāvātı bu nizām-ı ʿacībū'l-intizām üzre ʿademden vücuda getürüp ve ecsām-ı laṭīfe-i nūrāniyye [S16b] olan melā'ike-i kirāmı ḥalḳ ve arzeyn-i seb'a ve mā-fihātı ber-muḳteżā-yı ḥikmet-i bālīga ibdā' u icād eyledikten soñra ebu'l-cinn olan Cānı māric-i nār ya^cnī āteş-i bī-düddan ḥalḳ idüp ve cinni daḥī mezkūr Cāndan ḥalḳ eyledikde ber-mücib-i muḥkem tenzīl-i *لا يعصون الله ما امرهم و يفعلون ما يؤمرون* evşāfiyle mevşūf olan melā'ike-i kirāmı iki kısım olmak üzre āsmānda iskān eyledi. Qısmınuñ birine melā'ike-i ʿilliyūn ve muḳarrebūn dirler ki anlar leyl ü nehār ʿibādāt u t̄ā'āt ve tesbīḥ ü ezḳār ile der-kār olup ḡayrı iştiḡālden tenezzüh-i tām ile ma'rifet-i ḥaḳḳda istiḡrāḳ-ı mā-lā-keḷām bulmuşlardır. Bir kısmına daḥī müdürāt-ı emr dirler ki anlar sebaḳ-ı qālem-i ḳazā-yı İlāhī üzre zuḥūr idecek emrleri semādan arza inzāl ile tedbīre müvekkildür. Ve cinni daḥī vech-i arzda iskan eyledikde İbnü ʿAbbās razıya'llāhu ʿanhdan mervī olan ḥaber-i şıḥḥat-eşer üzre Benū-Cānn nice sāl ʿibādete iştiḡālden [Ü127a] soñra fesād u tuḡyān eylediler. Pes ḥazret-i Bārī ol t̄ā'ife-i ḡayr-ı ḥā'ifenüñ üzerine ḥuzzān-ı cināndan, cinn ismiyle müsem mā melā'ike-i cünūdından bir cündī irsāl ve ol cündīnün üzerine iblīs daḥī re'īs ve me'ān īşāl buyurmaḡın ḥasbe'l-me'muriyye ol t̄ā'ife-i bāḡiyye ile ceng ü cidāl ve ḥarb ü ḳitālde Benū-Cānn maḡlūb olup cezā'ir ü cibāle fırār u tār-mār ve niçeleri mazḥar-ı ḳahr u demār oldu. Pes bi-emri'llāhi te'ālā ol cünd-i zafer-yāb anlaruñ yirlerinde ʿibādāt u t̄ā'āt ile muṭī-i fermān-ı Rabbū'l-erbāb oldılar. Qaldı ki sükkān-ı āsmān ʿulüvv-i maḳām ve irtifā-ı mekānları ḥasebiyle ʿibādetleri teraḳḳide olup vech-i arzda olanlarınuñ t̄ā'atları zāhiren anlara nisbet eḡaff iken Ḥudā-yı müte'āl kereminden bunlaruñ t̄ā'atın daḥī ʿalā-vech-i kemāl ḳabūl ve iblīs mülk-i arzda seyrān ve mülk-i semāya ʿurūc ve mülk-i cināna duḡūl devletin iḥsān itmegın zemīn ü āsmānda ʿibādet [S17a] ḥizmetine dāmen der-miyān iken vaḳtā ki Cenāb-ı Mute'āl: *كنت كنزا مخفيا فاحببت* *ان اعرف فخلقت الخلق* ḥadīs-i ḳudsīsi manṭūḳınca bu ʿālem-i kübrā ile mu'aven olan insānı ḥalḳ itmek irāde-i ʿaliyye vü meşīyyet-i seniyyesinde insānuñ şānına ta'zīm ve vücuda geleceḡüñ şey'-i ʿazīm olduğın ve meşveretde fā'ide olduğın ʿibādine tefhīm ve niçe ḥikmetlerin izḥar u ta'lim içün *و ان قال ربك للملائكة* *انى جاعل فى الارض خليفة* *kerimi* üzre ḳable ḥalḳ-ı Ādem ʿaleyhi's-selām ḥalīfe telaḳḳubiyle tekrīm buyurdığında Cenāb-ı Ḥaḳḳuñ melā'ike-i kirāma yā iḥbāriyle yāḥod melā'ikenüñ levḥ-i maḥfūzdan

telaqqîleriyle yâhod kulüb-ı emlakde olan idrāk kuvvetiyle yâhod muqaddemā cinn tā'ifesiñ hâllerine kıyās ile hâlleri kezā ve kezā olanlarınıñ ehl-i t̄āt mekânına istiḥlâfında te'accüb ve üzerlerine hafî olan hikmeti istikşâf zımnında اتجعل فيها من يفسد فيها ilā-âhîrî'l-âyeh ile istifsâr-ı hikmete ibtidârlarında ile evele-i cevâb-ı İlâhdan âgâh ve ke'l-evveli muṭî-i emr ü fermân-ı İlâh oldılar. Pes ber-muḳtezâ-yı kudret-i kâmile vü hikmet-i bâliğa Âdem şafîyyu'llâhuñ taḥmîr-i vücûd-ı [Ü127b] şerâ'if-nümûdınıñ aḡleb-i 'unşur ve cüz'-i a'zamı olan türâb-ı müstetâbını maḥallerinden aḡz u cem' ü ityân hizmetine âhîru'l-emr ḥazret-i 'Azrâ'tl 'aleyhi's-selâm kıyâm u ihtimâm gösterüp her elvândan aḡz-i ḥāk-i pāk itmegin mübârek cebhe-i tâbnâkinüñ ḥâkini qurb-ı Ka'be-i mükerrmeden ve şadr u zahr-ı şerîfin arz-ı Beytü'l-Muḳaddesden ve fahzeyn-i muḥteremeynin arz-ı Yemenden ve sâḳ-ı sa'âdet-mesâḳların arz-ı Mısr'dan ve pâ-yı devlet-iḥtivâların arz-ı Hicâzdan ve yed-i yümnî-i münevveresin arz-ı Maşrıḳdan ve yed-i yüsri-i muṭahharasın arz-ı Maḡribden aḡz u cem' eyledikde bi-ḳudreti'llâhi te'âlâ ol türâb-ı şerâfet-nişab âb-ı 'azb u mâ'-i mâliḥ ile âmîḥt ü sirişt [S17b] olup ber-manṭûḳ-ı naşş-ı mübîn kırk sene طين لازب ve kırk sene كالفخار صلصال mekîn olup ba'dehü cesed-i devlet-eşer olup tarîḳ-i melâi'ke-i kirâm üzre kırk sene müsteḳarr olup ba'dehü nefḥ-i pür-fütûḥ ile ḥâmiden lillâh kıyâm idüp cebîn-i sa'âdet-ḳarîninde nûr-ı Muḥammedî leme'ân ve ol nûr-ı behcet-mevfûr ile ziyâ-baḡş-ı âlem-i 'arş u âsmân u cinân ادم الاسماء و علم ادم lazib ve kırk sene طين لازب ilā-âhîrî'l-âyeh manṭûḳınca ḥ'âce-i cümle-eflāk ve ḳiblegâh-ı sücûd-ı sükkân-ı eflāk oldu. Pes nazm:

Âferîn Cân-âferîn-i pâke kim
Virdi bu vechile şüret ḥâke kim
Oldı mescûd-ı melek maḥsûd-ı cân
Nüşâ-i Ümmü'l-kitâb-ı کن فکان

bu taḥḳîḳâta fezleke olduğu nümâyândur, lâkin Âdem 'aleyhi's-selâma Hudâ-yı müte'âlüñ ta'lim-i esmâ eyledigini beyânda Şeyḥ-zâde ve Şihâb ve Nevâhid ve Mecma'u'l-Fevâ'id den taḥḳîlleri bu maḳâmda taḥrîr cây-gîr-i şaḥîfe-i imkân olmamağın kütüb-i mezkûrenüñ ḥulâşası üzre meşâyıḥ-ı muḥaḳıḳînüñ me'âl-i maḳâlleri böyledür ki Hudâ-yı müte'âl celle 'ani's-şebîḥ ve'l-miṣâl ḥazretleri ḥazret-i Âdem 'aleyhi's-selâmı ta'lim eylediği esmânuñ emîri eylemişdür. Ya'nî feyz-i Perverdgâr ile Âdemüñ her tamarında 'ilm ü 'irfân şad hezâr ḥâşıl olmuşıdi. Ta'lim-i esmânuñ ma'nâsı 'ilmü'llâhda her şey'üñ her ismi ne olmuş ise ve ḥâtime vü 'âḳıbetinde [Ü128a] ne olacaḳ ise ol esmâ'-i müsemmeyâtuñ 'ilmini Hudâ-yı müte'âlüñ Âdem 'aleyhi's-selâma keşf ve ol müsemmalaruñ esrâr-ı ḥaḳâ'ıḳını ta'limdür. Ve ma'lûm ola ki ma'lûm-kerde-i Âdem 'aleyhi's-selâm olan esmâ'-i ḥaḳîḳî mübeddel olmaz, ammâ bizüm zâhir eyledigimiz esmânuñ ba'zıları ḳâbil-i zevâldür. İmdi bizüm zâhiren görüp bildigimiz eşyânuñ isimleri zâhirâne ḥâletde ise bizüm 'indümüzde öyledür, lâkin 'ilmü'llâhda olan ismi ol müsemmânuñ sırrı ve ḥaḳîḳatidir. Meselâ ḥazret-i Kelîm 'aleyhi's-selâmıñ dest-i mu'cizât-peyvestinde [S18a] maḡşûb olan ma'rûf çöpüñ zâhirde kırâ'et eyledigimiz üzre ismi «aşâ»dur, ammâ 'ilmü'llâhda anuñ sırr-ı ḥaḳîḳatinde dâll olan ism ejderhâdur ki, ol ism-i ḥaḳîḳî andan zâ'il olmaz ve 'ilmü'llâhda olan esmâ'-i ḥaḳîḳî bâ-sırruhâ ezelen ve ebeden bozılmaz, âhîru'l-emr zuḥûra gelür ve ol ism ile müsemmâ vü münâdâ olur.

getürmüşlerdür. Ve dağı tahkîkûñ tîzâhında şâhib-i Fuşûl-i Mufaşşal ve İmâm Râzî, Risâletü'l-Âlem fî-Vaşfî'l-Âdem nâm kitabında eyidürler: Hudâ-yı müte'âl celle celâluhu ve 'amme nevâluhu hâzretleri cem'î-i 'avâlimden 'âlem-i beşeri intihâb idüp ve anda cümle 'âlemi derc idüp cemâl ü celâlini mazhar bir kitâb-ı vasa' kılmuşdur, ya'nî vücûd-ı insânı 'âlem-i kübrâ eylemişdür. Meşelâ 'âlemde şems ü kamer mu'âbili, âdemde 'aynân ve dağı 'âlemde nücûm-ı âsmân, âdemde esnân ve dağı 'âlemde devr-i eflâk, âdemde seyr-i sür'atnâk ve dağı 'âlemde ka'tre-i semâ, âdemde eşk-i 'ibret-nümâ ve dağı 'âlemde ber'î-lem'a, âdemde lem'ha ve dağı arzda zelzele âdemde ra'dvârî velvele ve 'âlem için ilâ-mâ-şâ'-Allâh qarâr, âdem için sükûnet ü vekâr ve 'âlemde enhâr u hurûk, âdemde mecârî vü 'urûk ve 'âlemde hayvanât, âdemde kaml ü berâğîs-i bî-gâyât ve 'âlemde cibâl ü a'lâm, âdemde 'izâm ve 'âlemde 'azb ü mürr ü muntin ü mâlih olan miyâh-ı erba'a mu'âbili âdemüñ dehânında âb-ı şîrîn, gûşında âb-ı telh, enfinde mâ'-i muntin, dîdelerinde mâ'-i mâlih vardır. Ve dağı âdemüñ vechi maşrîk ve zahırî mağrib ve yemîni cenûb ve yesârî şîmâl ve kalbi Ka'be ve nefesi hevâ ve kelâmı ra'd ve 'arâkı seyl ve nevmi mevt ve seheri hayât ve tufûliyyeti rebî' ve şebâbiyyeti şayf ve kühûliyyeti harîf ve şeyhûhâti şitâ gibidür. Ve ba'zî muhakkıķın eyidür: 'Âlemdeki şems mu'âbili, âdemde 'aql ve 'âlemde kamer, âdemde ma'rifet ü hüner ve 'âlemde nücûm, âdemde 'ulûm ve 'âlemde tuiyûr, âdemde hu'tur ve 'âlemde 'arş-ı pür-'azamet, âdemde 'arşdan a'zam [Ü140b] himmet ve 'âlemde cennet, âdemde cennetden ezyen kalb-i müzeyyen vardır. Zîrâ cennet maħall-i şehvetdür ve hâzini Rıdvândur, ammâ kalb maħall-i ma'rifetdür [S19b] ve hâzini Rahmândur. (...) Ve kalb ber-şanevberiyü's-şekl bir nesnedür ki anuñ derûnında merdûmek-i çeşm miķdârı bir ka'tre hûn-ı la'tîf vardır. Aña «süveydâ-yı dil» dirler, maħall-i hayât ve menba'-ı ruh oldur. Ve 'ilm ü 'irfân ile mevşûf bir dürr-i yektâ vü gevher-i bî-hemtâdur ki Hudâ ol gevheri deryâlara virmedi, maħalli ancak 'âlem-i kübrâ ve mir'ât-i ma'ârif-i İlâhî olan insân oldu. Ve kalbün tafşîlen beyânı in-şâ'-allâhu te'âlâ aşâğıda zıkr olunur. Ve dağı hâzret-i 'Alî razıya'llâhu 'anhûñ ينزل الرحمة ذكر الانبياء، kelâmı 'alâkasıyle mazhar-ı rahmet olmak için nâzım kitabınuñ evvelinde Âdem safıyyu'llâhuñ ism-i şerîfin ityâna is'âf ve 'aķabinde Nûh necıyyu'llâhuñ nâm-ı la'tîfin îrâd u irdâf eylemişdür.

﴿ داد ان طوفان نجات نوح را ﴾ Hâzret-i Nûh 'aleyhi's-selâma tufândan necâtı Allâh virdi. **Dâd**, «virdi» ma'nâsına fî'l-i mâzî-i müfred gâyibdür. Kemâ-merre **ez**, hemze-i maķşürenüñ fetħi ile ve zâ-i mu'cemenüñ sukûniyle harf cerr-i Fârisîdür, 'Arabîdeki min-i cârre yirindedür. Ve gâh hemzesin hâzîf idüp yalnız zây ile iktifâ iderler. Ol zamân mezkûr zânuñ mâ-ba'di gerek harf-i şaħîh ve gerek harf-i 'illet olsun, müteħarrik olursa zâ meksûr okınur. Ammâ mâ-ba'di harf-i 'illet-i sâkine olursa elife mu'ârenetde meftûh, vâva mu'ârenetde mazmûm, yâya mu'ârenetde meksûr okınur. Meşelâ زانكه (zân ki) ve dağı زوست (zûst) ve dağı زين (zîn) kelimeleri gibi. **Tufân**, «havâdiş-i kevniyyeden zamân-ı Nûh 'aleyhi's-selâmda [S20a] 'âlemi ğarķ iden mâ'» [Ü129a]³ ma'nâsınadır. Ve dağı yağmur ve şu ğâlib olup her nesneyi örtmek ve bütün kablamaķ ma'nâsınadır, bu maķâmda murâd bu ma'nâlardır. Ve gâhî Fârisîde keşret-i sirişken tufân ta'bîri iderler. **Necât**, 'Arabîdür, bunda «selâmet» ma'nâsınadır, Fârisîde

³ Metin Ü nüshasında 141a yerine 129a'dan devâm etmektedir.

müsta‘meldür. Ve gâhî ‘Arabîde «ağac budagı» ma‘nâsına ve «arkasına rākibi mehālikden hālâş iden nāka-i serî‘a» ma‘nâsına gelür ve hevdec haşebesine dağı dirlir. **O**, zamîr-i gâ‘ibdür, Hudāya rāci‘dür. **Nūh**, fi‘l-aşl ism-i ‘Acemîdür. hāzret-i Nūh ‘aleyhi’s-selām bin Lāmek bin Metūşelaḥ bin İdrîs ‘aleyhi’s-selāmuñ adıdır, Kaşas-ı ‘Alî el-Kisā’ide böyle muşarraḥdur. Ammā Qādî havāşından ba‘zı hāşiyede; Nūh, ‘alem mecrāsına cārî elḳāb-ı müste‘ābdandır. Nūh ile mülakḳab oldığı ḳavminüñ üzerine keşret-i nevḥasından nāşîdür, yoksa aşl-ı ism-i şerîfi «‘Abdü’l-Ġaffār» diyü meş‘ürdür. **Rā**, edât-ı mef‘ûldür. Ve vaḳ‘a-i Tūfān ma‘lûm ola ki hāzret-i Nūh ‘aleyhi’s-selām ulü’l-‘azm olan mürselîn-i kirām ‘aleyhimü’s-selāmdandır. Ulü’l-‘azmüñ ma‘nâsı «eşḥāb-ı şebāt u cezm» dimekdür. **فاصبر كما صبر اولوالعزم** āyet-i şerîfini; «İy eşḥābü’s-sebāt ve’l-cezm» ile tefsîr eylemişdür. Ulü’l-‘azm olan zāt-ı şerîflerüñ a‘dād-ı laṭifeleri beşdür. Anların esāmî-i şerîfeleri **وإذ أخذنا ميثاقهم و منك و من نوح و ابراهيم و موسى و عيسى** āyet-i şerîfinden ma‘lûmdur. Bunlaruñ belāya şabrları a‘le’l-e‘ālî ve ‘alā vechi’l-ekmeldür. Ez-cümle mā-naḥnū fihide olan hāzret-i Nūh ‘aleyhi’s-selāmuñ ezā-yı ḳavme şabridur; “şabruñ soñı selāmetdür” didikleri üzre. Vaḳ‘a-i Tūfānda kelām-ı müfessirîn böyledür ki: Hāzret-i İdrîs ‘aleyhi’s-selāmdan soñra hāzret-i Nūh ‘aleyhi’s-selām bir rivāyetde elli yaşında iken ve bir rivāyetde kırk yaşında iken risāletle cümle nāsa peygamber gönderildi. Ber-mantūḳ-ı naşş-ı kerîm toḳuz yüz elli sene ḳavmini sırran ve cehran îmāna da‘vet eyledi. Lākin ol ḳavm-i pür-ḳalālet da‘vet-i îmānı ‘adem-i [S20b] istimā‘ içün eşābîleriyle mesāmîlerin sedd ve Nūh ‘aleyhi’s-selāmı görmemek içün şiyābların kendi ru‘ūslarına bürüyüp o hāzreti redd, bi-hidāyeti’llāhî Celîl icābet ile müheddā olanları eḳall-i ḳalîl olduğından mā-‘adā ol ḳavm-i bî-insāf mücāsir-i cevri ü itisāf olup Nūh ‘aleyhi’s-selāma gūn-ā-gūn ezā vü cefāya [Ü129b] ibtidār eylediklerinde ol hāzret şabr ile dem-güzār ve vaḳtine intizār üzre olmuşıdi. Pes ol ḳavm-i bed-kār müsteḥaḳḳ-ı ḳahr u demār olduklarında Cenāb-ı Bārî Nūh ‘aleyhi’s-selāma inşā’-i sefîne ile emr itmegin emr-i İlāhiyyeye şedd-i niṭāḳ-ı imtisāl ile Sāc ağacından olmaḳ üzre sefîneyi iki senede āmāde vü ikmāl buyurdılar. *Şifat-ı sefîne*: Qādî Beyzāvinüñ beyānı üzre sefînenüñ tūli üç yüz zirā‘ ve ‘arzı elli zirā‘ ve ḳāmeti otuz zirā‘ idi. Ve Ebu’s-Su‘ūd ‘aleyhi rahmetü’l-Vedūduñ hāzret-i Ḥasen raḳıya’llāhu ‘anhdan naḳlen beyānı üzre tūli biñ iki yüz zirā‘ ve ve arzı altı yüz zirā‘ olmaḳ üzre üç ḳat idi. Pes Nūh ‘aleyhi’s-selām devābb u cānverān u vuḥūş ve her nev‘ ḳuşdan zevceyn ile, esfel-i sefîneye devābb u vuḥūşı ve evsaṭına insānı ve a‘lāsına ṭuyūrı İvā eyledi. Ṭuyūr u vuḥūş ḥaddden bîrûn idi, lākin insāndan cem‘an yekûn ricāl ü nisā yetmiş toḳuz nefer mü’mîn ü mü’mînāt idiler. Pes deryā-yı ḳahr-ı İlāhî cūş u ḥurūşa gelüp Şeref-nāme ve Mü’eyyedü’l-Fuzālā nām kitāblarda olan beyān üzre ol zamān Nūh ‘aleyhi’s-selāmuñ ḥāne-i sa‘ādeti Kūh-ı Celîl ile müsemmə bir cebelde idi, galeyān eyledi. Ve Mîrzā İbrāhîmî nām kitābda eyidür: Zālkūfe ile müsemmə bir pîre-zenüñ tennûrından fevārān eyledi. Ve ‘Arā’is ve sā’irüñ beyānı üzre Kūfe mescidinde olan tennûr-ḥîz-i hāzret-i Ḥavvādan galeyān eyledi. Deryālar gibi cereyān ve ‘ālemi mā’-i firāvān-ı tūfān ihāṭa eyledikde **بسم الله مجريها** ile sefîne-süvār olup beş māh vech-i māda seyrān ve ‘ālemi devrān eylediler. [S21a] Pes sefînenüñ ḥāricinde olan cümle zî-rūḥ ḡarḳ-āb-ı Tūfān-ı helāk oldılar. Ḳaldı ki: “Ḳavm-i hālikînüñ eṭfāllerinüñ ve ṭuyūr u vuḥūşuñ cerā’imleri ne idi?” diyü

su'ālūn cevābında 'ulemā'-i İ'tizāl; egerçi kavm-i mezkūruñ tuğyān u fesādları müzdād oldıkdā helāklerinden kırk sene muḳaddem nisāları cümle 'aḳīm olmağın hālīkīnde eṭfāl yok idi, cümlesi mükellef ricāl idi ve ḥayvānātuñ şayd u zebḥi ḥalāl olmağın helākleri zebḥ maḳāmında oldı dimişlerdür. Lākin İmām Faḥr-i Rāzī rahmetu'llāhi te'ālā bu cevābları [Ü130a] redd idüp; "Cevāb-ı şavāb لايسئل عما يفعل" diyü buyurmışdır. Pes beş māh tamāmında sefīne-i mu'cize-āsār cebel üzerinde qarār itmegin şular çekilinceye degin bir māh daḥı sefīnede murabba'-nişīn-i iḳāmet ve cebel üzerinde istiḳrār eylediler. Ba'dehū فاجيناه و من معه فىالفلک المشحون mantūḳ-ı necāt-nümünü üzre selāmetleri nümāyān oldıkdā emr-i şerīfine imtişāl ile sefīneden taşra ḥurūc u nüzūl, maẓmūn-ı بركات عليك و maẓmūn-ı cāvidānī-şumūlī üzre Ādem-i şānī olmışdır. Zīrā sefīnede olan ricāl ü nisānuñ eşlāblarından ba'dehū 'ālem-i dünyāya kimse gelmeyüp neslleri münḳaṭı' olmağın Tūfāndan soñra bu āna dek cilveger-i 'ālem-i dünyā olan beşerūñ cümlesi sefīnede olan evlād-ı kirām-ı Nūḥ 'aleyhi's-selām; Sām ve Ḥām ve Yāfeşūñ 'urūḳ-ı pāk ve eşlāb-ı tāb-nāklerinden olmışdır. İmdi bu cihetle ḥazret-i Nūḥ 'aleyhi's-selāma Ādem-i şānī dinmişdür. Ve necāt-ı Nūḥ 'aleyhi's-selām ber-mantūḳ-ı āyet-i mübīn و من معه ile müşterek iken nāẓımuñ necātı Nūḥ 'aleyhi's-selāma taḥşīşinde birkaç nikāt vardır: Evvelā metbū'uñ necātı etbā'uñ necātını müstelzimdür, yāḥod necātdan murād selāmet-i Nūḥ 'aleyhi's-selāmdur, sefīnenūñ selāmeti ise derūnında olanlaruñ selāmetinden 'ibāretdür, yāḥod fıkra-i ūlāda Ebu'l-beşer-i evvel, fıkra-i şānīde Ebu'l-beşer-i şānī zikri nüktesine İmādur, yāḥod maḳşūd-ı aṣlī ḥazret-i [S21b] Nūḥ 'aleyhi's-selāma olan 'ināyet-i İlāhī beyān olmağın sā'irleruñ zikrinden iktifā' kabīlindendür, yāḥod و من معه nazm-ı kerīminūñ medlūlī bu fıkra muḳadderdür, ḥazfī zarūret-i şī'r ḥasebiyledür dimek içündür. *İşāret-i şūfiyyān*: Ma'lūm ola ki nāẓımuñ beyt-i evvelde ḥāk ve beyt-i şānīde Ādem ile rūḥ ve Tūfān ile Nūḥ zikri sālīklere irā'et-i rāḥ-ı sülūke işāretdür. Meşāyih-ı muḥaḳḳıḳīnūñ beyānı üzre bu 'āleme 'ālem-i şūret dirler. Pes ḥāke menşūb olan cism-i insānīnūñ seyr ü sülūki ḥāk ve şūret 'ālemine vāḳī'dür, ammā rūḥuñ seyrānı vāḳī'dür, Fe-'alā-hāzā sālīke lāzım olan 'ālem-i şūret şaḥrāsında taẓyī'-i evḳāt itmeyüp, Ādem gibi baḥr-i ma'nā-yı [Ü130b] ḥayāt-ı ma'rifet ve mütelaḳḳī-i kelimāt-ı ḥazret-i Rabb-i 'izzet olup, sefīne-i sülūke dāḥil olup ve Nūḥ-āsā bir mürşid-i kāmīl peydā idüp ḳaṭ'-ı emvāc-ı deryā-yı ebdānī ve seyr-i 'ālem-i sülūk-i rūḥānī ḥāşıl ile ya'nī ḥāke menşūb olan emvāc-ı fīkr ü vehm ü fehminden güzere eyleye ki bunlar müte'allıḳ-ı 'ālem-i şūretdür. Ve daḥı āba menşūb olan emvāc-ı maḥv u sekr ü fenādan güzere eyleye ki bunlar müte'allıḳ-ı rūḥānīdür. Pes bunlardan güzere eyleyen sālīk maḥv-ı ḥaḳīḳī sekr-i ḥaḳīḳī ve fenā'-ı ḥaḳīḳī mertebesin bulur. Bu mertebe-i ḥaḳḳānīde baḳıyye-i vücūd bulunmamaḳ ḥasebiyle mertebe-i rūḥānīden berterdür, zīrā rūḥānīde baḳıyye-i vücūd bulunur. Ḥattā lezzāt-ı rūḥānī ile sekr muḳayyed olan lezzāt-ı ḥaḳḳānīden dūr olur, zīrā rūḥānī neḳadar var ise ḥicāb-ı nūrānīdür. Niteki envā'-ı lezzāt-ı cismānī ḥicāb-ı zūlmānīdür. Sālīk bu iki nev'a ḥicāblardan güzere eylemek gerekdür. Ḥattā Serīyy-i Saḳaṭī mürīdlerin lezzāt-ı tā'ātden daḥı taḥzīr ider idi dimişler, kezā fī-Minhāci'l-Fuḳarā'. (...[S22a]...)

﴿ آ نكه فرمان كرد قهرش باد را ﴾ Ol Hudā ki hevāya qahrı ile fermān itdi. **Ān ki**, «ol Hudā ki».

Fermān Fārisīdür, bunda «buyruq» ma'nāsınadır. Ve gāhī aḥkām-ı pādşāhī olan menşūra daḥı fermān dirler ki Fārisīde adı «küşād-nāme» dūr. **Kerd**, feth-i kāf-ı 'Arabī ve sükün-ı rā'-i mühmele ve dāl-i mühmele ile māzī-i müfred gāyibdür. Ma'nāsı 'Arabīdeki cümel-i fī'lı gibi «kıldı» dimekdür. **Qahreş**, «anuñ qahrı» dimekdür. [Ü131a] Pes kelāmda müsāmaḥa vardır, murād; «qahr ile fermān itdi» dimekdür. **Qahr** fethayle «galebe» ma'nāsınadır. Nitekim و هو القاهر فوق عباده nazm-ı keriminde «qāhir», gālib ma'nāsınadır. Āhirindeki şīn-i mu'ceme zamīr-i gā'ib müfred muttaşıldır, cem'i «şān» ve «īşān» gelür. İsm ve fī'le ve ḥarfe lāḥıq olur. Lākin isme lūḥūḳında muzāfun-ileyh olup muzāfun-ileyh ma'nāsın ifade ider, mā-naḥnū fihide olduğu gibi. Bundan böyle gelecek 'ibārelerin ism olanında cümle ḥükm böyledür, lākin ef'āl ü rābıta lūḥūḳında mef'ūliyyet ma'nāsın ifade ider. Ve şīn-i mezkūruñ *mā-ḳabli ḥarf-i 'illet olmazsa, mā-ḳabli her bār meftūḥ olur. Meşelā, «güfteş» ve «ekşereş» gibi. Ve kaçan lāḥıq olduğu kelimenüñ āḫirinde bir hā'-i resmī bulunur ise mezkūr şīnüñ evveline gāḥ bir hemze getirürler ve getürmemek daḥı cā'izdür. Meşelā, بنداش (bende-eş) gibi. بندش daḥı cā'izdür. Ve lafz-ı şīn gāhī zamīr olmayup 'alāmet-i maşdarī daḥı olur. Ol zamān bi-eyyi-vechin kāne mā-ḳabli meksūr olur. **Bād** Fārisīdür, on bir ma'nāya gelür. Bunda «esen yıl» ma'nāsı murāddır. [S22b] Ma'ānī-i bāḳıyyesi nām-ı firişte ve māḥ-ı şemsinüñ yigirmi ikinci günü ve nā-būd ve süḥan ma'nāsından kināye ve āḥ itmek ve medḥ ü şenā ve Keyḥusrevüñ ḥazā'in-i seb'asından bir ḥazinenüñ adıdır. Ve tünd ü tiz ve naḥvet ü kibr ve «olsun» ma'nāsına olan «bādā» lafzından muḥaffef olmaḳ ma'nalarıdır. **Rā**, edāt-ı mef'ūldür.

﴿ تا سزایی داد قومی عاد را ﴾ Tā 'Ād ḳavminüñ lāyıkını viridi, ya'nī ḳavm-i mezkūrı bād-ı qahr ile helāk eyledi. **Tā**, bunda 'illet ma'nāsın müfiddür. Ve gāhī intihā'-i gāyet ve ibtidā'-i gāyet ve istimrār-ı dāll-i mā-dām ma'nāsına, ḳāmet ma'nāsına ve ḡarāz içün ve taḥzīr ma'nāsına gelür. **Sezāyī**, «lā'ıḳlıq» ma'nāsınadır. Yā'-i ūlā nefis-i kelimedendür, yā'-i sāniye maşdariyyedür. **Dād**, «viridi» dimekdür. **Qavm-i 'Ād-rā**, izāfetle «'Ād ḳavmine» dimekdür. Lafz-ı ḳavm fethile müfred-i 'Arabīdür, cem'i «aḳāvim» gelür, müzekker ve mü'enneş olur. Zīrā kendi lafzından [Ü131b] müfredi olmayan ism-i cem' āde miyyīn içün oldıḳda te'nīs ü tezkīri cā'izdür. Nitekim nazm-ı celilde و قوم لوط ما حالده و كذب قومك ve bir maḥallde nāzil olmuşdur. Ve daḥı ḳavm «erler cemā'atine» dirler, ma'nā-yı luḡavīsinde nisā daḥil degöldür. Lākin 'alā-sebīli't-teb' duḫūlinde māni' yokdur, mā-naḥnū fihide ricāl ü nisā murāddır. *Vaḳ'a-i ḳavm-i 'Ād*: Ma'lūm ola ki 'Ādden murād, 'Ād bin İrem bin Sām bin Nūḥ 'aleyhi's-selāmdur. **Qavm-i 'Ād** demek «evlād-ı 'Ād» dimekdür ve ābānuñ ismleriyle evlāda tesmiye rāygāndur dimişlerdür. Pes و انه اهلك عادا الاولى و انه اهلك عاد فاهلكوا بريح صرصر عاتية manṭūḳınca ḳavm-i hālikine «'Ād-i ūlā» dinilmişdür. Bunlar ḳavm-i Hūd 'aleyhi's-selām ve Şemūddur. Şeddāddur. Anlar şayḥa ile helāk olmuşlardır. [S23a] Pes 'Ād-i ūlā didigimiz, bilād-ı Yemende 'Ālic nām maḥall ile Şecer-i 'Ummān nām mevzi'üñ miyānelerinde sākin olurlar idi. Ve zātü'l-'imād olan 'ālī-bünyād u raşīnü'l-esās u emīnü'l-indirāsları şol mertebe muḥkem ve bir güne müstaḥkem idi kim

rūzgārda niçe biñ yıllar pâydar olur dirler idi. Tūl-i tavīli dört yüz zirāc olmak üzere bālā kıddleri ve aña göre kuvvetleri olmağın *من اشد من قوة* kelāminuñ mü’eddāsına bī-edebāne ictirā idüp Şūd ve Şad ve Hübel nām putlara perestārlığa der-kār ve bu güne şirk ü küfr-i ‘ināda zulm u bağy u feşād inzimāmiyle dem-güzār oldıklarında kendüleri imāna da’vet ile mebcūs olan hāzret-i Hūd ‘aleyhi’s-selāmuñ emrine inkiyāddan rū-gerdān oldılar. Pes istirācları resīde-i kemāl oldıkdā hāzret-i Melikū mütēāl celle ‘ani’ş-şebīhi ve’l-miṣālūñ irāde-i ‘aliyye vü emr-i şerīfi ile galebe-i vağīk şāhibi olan rūzgār-ı pūr-ķahr u demāruñ hūbūba ibtidārında ne kadar kuvvetlerine i’timād vü da’vālarına istinād ile def’ine iķdām ve ba’dehū hīle vü hūd’a ile redd ü men’ine teşmīr-i bāzū-yı ihtimām eylediler ise sa’y u hīlelerinūñ kendülere fā’idesi olmayup [Ü132b]⁴ bi-emri’llāhi te’ālā hevā üzerlerine gālīb ve her ne maḥalle ihtifā eylediler ise rīh-i ‘ātiye ol cāya duḥūl ile her birlerinūñ aḥz ü ihlāklerine tālīb olup kāzer-i rūzgār ol ķavm-i bedkāruñ cāme-i nā-pāk-āsā mülevveş olan ecsād-ı murdārların taşdan taşā çalarak kurbās-ı ḥayātların çāk ü helāk eyledi. Zīrā rīh-i ‘ātiyenūñ ma’nā-yı şerīfi «rīh-i gālībe» dimekdür. Pes galebesi yā ķavm-i hālikīn üzerine dimekdür ki ānifen beyān olındı, yāḥod ḥuzzānuñ üzerine galebe idici rūzgārdur dimekdür. Nitekim ḥadīs-i şerīfde *قال النبي صلى الله عليه وسلم طفى الماء على خزانة يوم نوح و عنت الريح على* [S23b] *يوم عاد الحديث* vārid olmışdur, kezā fī-Şeyḥ-zāde fī-ḥāşiyeti tefsīru şūreti’l-Hāķķa. İmdi bu ma’nāca bāda kendi galebesiyle fermān itdi dimek daḥı ma’nādur. *İşārāt*: Ma’lūm ola ki hevānuñ fermān-ı Hāķķa inkiyādını beyānında nāzım mezheb-i ḥukemānuñ reddine işāret buyurmuşdur. Zīrā anlar Hūdānuñ eşyāda taşarrufına ‘aql-ı fa’ālī vāsıta düşürürler, bu mezhepleri bātıldur. Ve ķavl-i Hāķķ nāzımuñ beyānı üzere ehl-i taḥķīkdur ki eyidürler: Her şey’uñ cünbüş ü ḥarekāt ve ārām u sekenātı ancak Hūdānuñ ķabza-i ķudret ve emr ü irādetindedür. Pes meşelā bāduñ hūbūb u sūkūneti ve mülāyemet ü şiddeti cümle emr-i İlāhī iledür. Ve bād her ne kadar ķavm-i mezkūruñ ḥelākine bādī oldı ise ḥadd-i zātında ni’met-i celīle-i Rabbū’l-ibāddur. Ḥattā hūbūb-kerde-i āfāk olan hevā-yı rūḥ-efzā nefes-i Raḥmānī meşābesindedür diyü naql-i ‘ulemā üzere ḥāķķında medḥ u senā vārid olmışdur. [Ü133a] Nitekim ḥadīs-i şerīfi *من نفس الرحمان* *فانها من روح الله* ve fī-rivāyeti uḥrā *من نفس الرحمان* ḥadīs-i şerīfi işbāt-ı murāda nümāyāndur. Ve daḥı bāduñ emr-i Hāķķa imtişāl ile fermān-ber-dār oldıgın beyānda erbāb-ı temşīl bādı bir çarḥa ve dolāba teşbīh idüp, dolāb deverānda āb-ı nehrūñ esīri oldıgı gibi hūbūb-ı bād daḥı fermān-ı İlāhiyyeye esīr ü münķāddur dimişlerdür. Nitekim müfessirīnūñ beyānı üzere hāzret-i Hūd ‘aleyhi’s-selām ķavm-i ‘Āduñ yevm-i helāklerinde kendüye imān getüren mü’mīnīn ve mü’mīnātı bir yire cem’ idüp, eṭrāflarına bir dā’ire-i ḥıfz u emān çeküb anları merkez-nişīn-i dā’ire-i selāmet-i cān kıldı. Zīrā ol şedīdū’l-‘aşf olan hevā ḥāric-i dā’ire-i imān olanların ihlākinde şiddet ile deverān idüp, kaçan dā’ire-i Hūd ‘aleyhi’s-selāma yakın olsa leṭāfet ile vezān olup nesā’im-i dil-küşā-yı seḥer gibi tefrīḥ-i ķulūb-ı ehl-i imān ider idi. Ve bu mu’cizāt yed-i şerīf-i Hūd ‘aleyhi’s-selāmda zūḥūr [S24a] itdigi gibi bu ümmet-i ‘ālī-maķām evliyā-yı kirāmından Şeybān-ı Rāī raḥmetu’llāhī’l-Meliki’l-mülki’l-‘Azīzi’l-‘Allāmuñ yed-i kerāmet-āşārında kerāmeten bedīdār oldıgı meşḥūr ve kütüb-i meşāyīḥ-ı kibārān-ı rūzgārdur. Bunuñ daḥı

⁴Ü132a boştur.

beyânı şöyledür ki ol şahrâ-neverd-i ‘âlem-i velâyetin bir kıt’a aġnâmı olmaġın MıŖ arâzîlerinden bir cây-ı ġırmende tedbîr-i aġnâmile güşe-nişin-i dâ’ire-i t̄at olup haftada bir def’a edâ-i şalât-ı cum’a ve ziyâret-i İmâm Muġammed Şâfî’i için MıŖa ‘azîmet ider idi. Pes hengâm-ı ‘azîmetde cümle aġnâmın bir yire cem’ idüp besmele-i şerîfe ile etrâf-ı [Ü134a]⁵ aġnâma dâ’ire-keş olup ġıfz-ı İlâhîyi üzerlerine päsân ider idi ve fâriġu’l-bâl MıŖa gider idi. Ve kendünüñ ‘akabinde râ’isiz aġnâmuñ ekşer düşmânı gurgân olmaġın ol şahrânuñ kurdarı aġnâm-ı mezkûruñ izrâr kaşdiyle hücum-ı tamm idüp dâ’irenüñ semtine vürûdlarında ol dâ’ire anlaruñ uğrında sedd-i İskender gibi mâni’-i vüşûl olup aġnâmın kenârdan seyrinden ġayrı bir nesneye nâ’il olmaz ve dâ’ireye duġûle yol bulmazlar idi. Ve aġnâm daġı dâ’ireden taşra çıkmaz ve kurdardan mübâlât kılmazlar idi, intihâ. Pes her ġâlde cızıġı taşra şavuşmayup dâ’ireden çıkmadan a’âdan emîn olmaġ bundan nümâyândur.

﴿ آ نكه لطف خيش را اظهار كرد ﴾ Ol Ĥudâ ki kendi luţfını izhâr itdi. **Ān ki**, «ol Ĥudâ ki»; **luţf-i ġış-râ**, izâfetle «kendi luţfını» dimekdür. Luţf, zamm-ı lâm ile «a’mâlde rıfķ itmege» dirler, cem’i «elţâf» gelür. Binâ’en ‘alâ-zâlik luţfuñ ma’nâsına İmâm Ėazâlî eyidür: Laţîf, meşâliġuñ deķâ’iķ u gavâmızından adaķķ u elţâf olanı bilüp ba’dehü anları müstaşlaġa t̄şâlde rıfķ eylemenüñ ismidür. **Ĥış**, bîş veznindedür, bunda «kendi» ma’nâsınadır. Ve daġı ġâġi «ķavm ve ġaşm» ma’nâsına olur. **Râ**, edât-ı mef’ûldür. **İzhâr**, [S24b] if’âl bâbından maşdar-ı ‘Arabîdür, Türkîsi «açmaķ»dur. **Kerd**, «eyledi» ma’nâsına mâzîdür. Pes bu mıŖâ’dan faşl ka’idesiyle, ġüyâ; “Ėizhâr-ı luţf ne ġüne oldı?” diyü su’âl-i muķaddere peydâ olmaġın nâzım ġüyâ cevâb maķâmında beyân-ı luţf [Ü135a]⁶ muzahher idüp buyurur:

﴿ بر خيلش نار را كلزار كرد ﴾ Ĥalîlinüñ üzerine âteşi ġüllük eyledi. **Ber-Ĥalîleş**, «Ĥalîlinüñ üzerine» dimekdür. Zîrâ «ber» kelimesi bâ’-i muvaġġide ve sükûn-ı râ’-i mühmele ile Fârisîde on toķuz ma’nâya gelür. Bunda murâd ‘Arabîdeki ġarf-i cerr olan ‘alâ’-i isti’lâ bih ma’nâsıdır. Ve ma’nâ’-i sâ’iresi: Nezd ma’nâsına, ve daġı zarfiyyete dâll olan «fî» ma’nâsına, ve sînenüñ yanı, ve kenâre-i âġuş, ve yañaġuñ cânib-i bâlâsı, ve berg lafzınuñ muġaffefi, ve mîve ma’nâsına olan «bâr» dan muġaffef, ve ġaşıl-ı nebâtât, ve toġm, ve naşîb ma’nâsına, ve ķarârgâġ, ve ġâne vü serây ma’nâsına, ve «burden» lafzından emr, ve pehnâ, ve zen-i tâze, ve ġıfz u ezber ma’nâsına, ve ġaraf, ve taġsîn-i lafz için maşadır u ef’âl evvellerine duġûl ma’nâlarına gelür. **Ĥalîl**, luġatde «dost» dimekdür, «ġullet»den müstaķdur. Bunda murâd ġazret-i İbrâġim Ĥalîlu’llâġ ‘aleyhi’s-selâmuñ nâm-ı şerîfidür. Ve ġazret-i İbrâġime Ĥalîlu’llâġ tesmiyesinüñ beyânı واتخذالله ابراهيم خليلا âyet-i şerîfinüñ tefsîrinde Ėâġî Beyzâvîde ma’lûmdur. Āġirinde olan **şîn** zamîrdür, Ĥudâya râcîdür. **Nâr**, ‘Arabîdür. Türkîde «od» ve Fârisîde «âteş» ve «âzer»dür. Mü’enneş-i vâvî olduġı taşġîri «nüveyre» ve cem’i «envâr» ve «nür» ve «nîrân» geldiginden ma’lûmdur. Zîrâ nîrân, aşlında «nürân» olmaġın vâvı yâya dönmişdür. **Râ**, edât-ı mef’ûldür. **Ėülzâr**, ġül ile zâr lafzından mürekkebdür. Ėül Fârisîde her çiçege itlâķ olınur. Zâr Fârisîde dört ma’nâya gelür: Bunda ism-i cāmiddür, ismüñ âġirine luġûķ ile keşret ma’nâsına olur. Türkîde andan «lûķ» ile ta’bîr iderler. Meşelâ tereke [Ü135b] ġaşıl olan yire ‘Acem «ķiştzâr» dir; Türkîsi «ekinlûķ»dür. İmdi ġülzâr

⁵ Ü133b boştur.

[S25a] «güllük» demek olur, ammā gülistān «gül yiri» dimekdir. Zīrā «istān» bunda zarf-ı mekândur, kezā fi'd-Deḡā'ik. Lākin Ferheng-i Şu'ūrîde eyidür: Gülzār ve çemenzār ism-i mekândur, intihā. Ve zāruñ ma'ānî-i sâ'iresi ve müştakḡ olduğu in-şā'allāh aşağıda maḡalliyle beyān olunur. **Kerd**, «eyledi» dimekdir. *Vaḡ'a-i gülzār şoden-i âteş ber-İbrāhīm Ḥalīlu'llāh*: Ma'lūm ola ki ḡazret-i İbrāhīm 'aleyhi's-selāmuñ tārīḡ-i vilādetlerinde aḡāvīl vardur. Ba'zı kışaşda eyidür: Ḥazret-i Ādemden biñ üç yüz yigirmi iki sene şoñra 'ālem-i dünyāya teşrīf buyurmuşdur. Lākin İtkānda İmām Suyūtī eyidür: Ḥazret-i İbrāhīm 'aleyhi's-selām ḡazret-i Ādem 'aleyhi's-selāmdan iki biñ sene şoñra merkez-i 'āleme pā-nihāde-i şeref olmuşdur. Ve vaḡ'a-i nāruñ tafşilinde beyān-ı keşīr vardur. 'Arā'is-i Vānīde 'ıyān olduğu üzre icmālen beyānı budur ki: Nemrūd bin Ken'ānuñ vaḡtinde müneccimīn vāfir ve re'īsleri Nebaḡīn nām bir kāfir idi. O kāfir-i bī-dīn olan Nebaḡīn, Nemrūd-ı merdūd ve ḡavm-i cünūdın idlāl birle zu'm-ı fāsīd ü ḡavlı-kāsīdince; “Ālem-i esfelde olan mevcūdāta te'sīr kevākibūndūr” diyū, ḡāşā Cenāb-ı Bārī celle ve 'alā ḡazretine ta'ḡīl isnādına cūr'et ve ḡalḡı kevākib-perest olmaḡa delālet eyledi. Ve nüfūs-ı felekiyye a'dādınca, cevāhir-i arzdan otuz iki 'aded heyākıl-i aşnām icād idüp, cüşşede cümlesinden kebīr olan şaneme ihtirā'ı üzre Heykel-i Şems ile şüret ve nām virdi. Ol ḡavm-i ḡālī bu vechle idlālinde ḡazret-i İbrāhīm 'aleyhi's-selām yevmen mine'l-eyyām şanem-i kebīrden mā-adā olan aşnāmuñ cümlesin şikest idüp ālet-i kesri şanem-i kebīr olan Heykel-i Şemsūñ gerden-i idbārına ta'līḡ eyledi. Pes Nemrūd-ı merdūd bu keyfiyyetden ḡaberdār olup *يا ابراهيم انت فعلت هذا بالهتنا يا ابراهيم* ile kesr-i aşnām aḡvālīn [Ü136a] istifsārında ol güm-rāḡları ḡarīḡ-i ilzāma sevk için ḡazret-i Ḥalīl *كانوا ينطقون هذا فسلوهم ان* [S25b] her birlerin taḡcīl buyurmaḡın cümlesi nefslerine mürāca'atda zūlmetlerin iḡrār ve ser-nigūn oldukları ḡasebiyle *لقد علمت انكم و لماتعبدون من دون الله* ilā-āḡiri'l-āyeh, ḡavlı-i şerīfiyle ilzām olmayup ḡabūl-i İslāmdan rū-gerdān olduklarında *من دون الله* kelām-ı belāḡat-ünvānı mantūḡınca anları vādî-i ḡayfa sevk ile aşnāmları gibi şikeste vü 'azāb-ı elimde dil-ḡaste olacaḡların 'ilānında Nemrūd-ı 'inād-ālūduñ peşezār-ı meclis-i pūr-ḡārında kūnām-gīrān olan ḡūkān-ḡab'āndan sātī bī'l-fesād ez-ḡā'ife-i Ekrād-ı bed-nihāddan Heyzen nām bir bī-raḡm-ı şūm-encāmı müsteşār idinüp ḡazret-i Ḥalīl 'aleyhi's-selām ḡaḡḡında : “Ne itmek gerekdūr?” diyū istişāre eylediginde *قالوا حرقوه* naşsımuñ müfādınca ol Kürd-i pūr-'inād derūnında olan nā'ire-i küfr ü fesād muḡteżāsınca re'y-i seḡīfinde kendüye tābi'ler ile ittifāḡ üzre iḡrākı re'y eyledi. Pes bu siyāk üzre 'ale'l-ittifāḡ Kūsā nām maḡallde cem'-i envā'-ı aḡḡāb ile īḡād-ı nāra teşmīr-i sāk eylediler. Vaḡtā ki emr-i nārī āmāde ve ol ḡazreti derūnına ilḡāya dil-dāde olduklarında şiddet-i iltihāb-ı nārdan āteşe ḡurbiyyet ol bed-kārlara düşvār olmaḡın ol eşnāda iblīs-i pūr-telbīs icrā-yı merāmlarında ol melā'īne rehberlikde re'īs olup mancık inşā'siyle ol ceddü'l-enbiyā' Ḥalīl-i Ḥalīḡu'l-arz ve's-semā ḡazretlerin ol nār-ı şedīdū'l-iltihāba ilḡā eylediler. Ol ān-ı ḡayret-nişānda Ḥalīlū'r-Raḡmānuñ lisān-ı mu'ciz-beyānından *لا اله الا انت* [Ü136b] *سبحانك لك الحمد* tesbīḡ-i nūr-efşānı leme'ān itmegin ḡazret-i Celīl celle ve 'alā *يا نار كوني بردا و سلاما على ابراهيم* ḡiḡāb-ı ālī-şānı ile Ḥalīline ol āteş-i sūzānı gülistān idüp

⁶ Ü134b boştur.

kelām-ı mu‘ciz-āsarı üzre ḥazret-i [S26a] Perverdgār ol zāt-ı ‘ālī-tebāre der-ḥāl nārdan necāt iḥsānını kelām-ı qadīmında iḥbār ile ان فى ذلك لآيات لقوم يؤمنون mışdākıncı ehl-i īmān için bunda āyāt-ı i‘tibār vardır, diyü buyurmuşdur. Qaldı ki Nemrūd-ı merdūda īkād-ı nār ile ta‘līm-i iḥrāk iden Heyzen nām Kürd mürd oldıktan soñra taht-ı arzda ḥālen ilā-yevmi’l-kıyāme ḥasf üzre giriftār-ı ‘azāb-ı āteş-encām olmaḳdadur, kezā fi’l-‘Arā’is. Ve Kaşas-ı ‘Alī el-Kisā’ide eyidür: Vaḳ‘a-i ilkā’-i nār Bābil-i ‘Irāḳda Kūsā nām maḥall ü ḳaryede olmışdur, Ruhāda oldıḡı nā-ma‘lūmdur. Ve İbnü Ka‘b rażiya’llāhu ‘anhdan mervī olan ḥaber-i şihḥat-eşer üzre, bu vaḳ‘a hengāmında ḥazret-i İbrāhīm ‘aleyhi’s-selām on altı yaşında idi. Ve nār içinde murabba‘-nişin-i çār-bāliš-i gülzār oldıḡında zılla müvekkel melek ile ve ḥuşūsā Cibrīl ‘aleyhi’s-selām yedi gün, bir rivāyetde kırk gün şöḡbet ü muvānesete āḡāz ve ol cāy-ı nüzhetgāhda ḥamd ü şükr-i ḥazret-i Rabbü’l-‘izzete dem-sāz oldı, intihā. *İşārāt*: Nāzımuñ bu beyt-i laṭifinde birḳaç nikāta işāret vardır. Evvelen, ber-manṭūḳ-ı ḥadīs-i şerīf ile; eşedd-i belā ile ibtilā ekmelü’l-vücūd olan ḥavāşş içündür. Sāniyen, Hudā-yı müte‘āl maḳām-ı ḥullete vāşıl ve şābir-i kāmil olan dostlarına ezā vü cefā-yı nāsı zevḳ ü şafā ve dūd u ‘inād-ı dünyāyı ‘ayn-ı devā ve miḥnet ü şiddeti vüs‘at ü füşhat ü nüzhet ider dimege işāretdür. Sālişen, nā’ire-i ehl-i fesād dā’ire-i ehl-i şalāḥa izrāra ḡayr-ı ḳādir ve dūd-ı nār-ı mefsedetleriyle ile encāmında rū-siyāḥ [Ü137a] u tebāḥ olacaḳları bāhirdür. Rābī‘an, āteş-i sūzān iḳtizā-yı ‘ādet-i İllāhī üzre āteş-perestānı iḥrāk ider. Lākin ḥıfzu’llāh üzre Ḥaḳḳ-perest olan Ḥalīl-i Raḥmānı yakmaz. Güyā bir kimse āteş-i Nemrūddan ḥilāf-ı ḥāşşa-i ṭabī‘isi olan ‘adem-i iḥrāḳıyyeti su’āl eylese [S26b] lisān-ı ḥāl ile cevābı bu olur idi kim: “Benüm derūnumı Hudā pür-süz u ḥarāret ḥalḳ itmegin ṭab‘-ı ‘unşurumda teḡayyür yoḳdur. Lākin ben ahd ü peymān nāriyam ve Ḥaḳḳuñ bir ma‘nevī tūḡ-ı āteş-bāriyam. Pes be-dün-ı irādetu’llāh ve bilā-izn-i İllāh ḳıṭ‘an mecālden ‘ārīyem, benüm hemişe ḥālüm emr-i Ḥalīḳa iṭā‘at ve Ḥaḳḳuñ āşnālarına ri‘āyet ü ḥimāyet ve bī-gānelerine iḥrāk ile ‘adāvet ü ihānetdür.” Ḥāmisen, ‘anāşır-ı erba‘a zāhiren baña ve saña göre mürdelerdür, ammā emr-i Ḥaḳḳa iṭā‘atlerine nisbeten zindelerdür. Nitekim ḥāk emr-i «kūn» ile Ādem-i zī-şān oldı, āb-ı Tūfān bi-emri’llāh bā’iş-ı necāt-ı Nūḥ ‘aleyhi’s-selām oldı. Ve bād-ı helāk-sāz-ı ḳavm-i Ād, bād-ı selāmet-i Hūd ‘aleyhi’s-selām oldı. Ve āteş-i pür-süz كوني بردا و سلاما ile gülzār-ı şafā-baḥş-ı Ḥalīl-i Rabbü’l-enām ‘aleyhi’s-selām oldı. Sādisen, esbāb-ı şūrī olan esbāb u ālāt-ı dünyeviyi ‘amel-konende vü nef‘-dihende ḳılan, esmā’ vü şıfātı delāleti üzre irādetu’llāh vü meşıyyet-i İllāhdur. Zīrā ḥasbe’l-irāde tevḫīḳ-i İllāhī refīḳ olmadıḳca esbāb-ı zāhirīler bī-eşer ḳalup kārger olamaz. Meşelā, tedārük-i ma‘āş u erzāḳda dükkān ile cehd-i iktisāb zāhirī olan esbābdandır. Pes bu ālāt u esbāb ile fā’ide-yāb-ı ‘amel olmaḳ Rezzāḳ-ı ‘ālem olan Rabbü’l-erbābuñ tevḫīḳ-i iḥsāniyle feth-i bāb eylemesine vā-bestedür. Nitekim nār-ı Nemrūd, esbāb-ı zāhire-i iḥrāḳdan iken murād-ı şerīf bād olmaḡın ol ‘amel mu‘aṭṭal vü ni‘mete mübeddel olmışdur. Sābī‘an mezheb-i Ṭabī‘ī üzre olan fāsıdleri redde işāret vardır ki, Ḥalīḳ-ı eşyā [Ü137b] olan Hudānuñ ḳudret ü irādetiyle āteş āb ve āb āteş-i zī-iltihāb olup her şey’ ṭabī‘atinden muḡāyeret ider. Nitekim mā-naḥnū fihide āteş gülzār-ı pür-āb olmışdur. Ve ḥazret-i ‘Alī kerrama’llāhu vecchūdān mervī olan naḳl-i şaḥīḥ üzre والبحرالمسجور āyet-i şerīfinüñ tefsīrinde, [S27a] bu deryālar ‘umūmen ‘āḳıbet āteş olup cehennemüñ üzerine cem‘ olacaḳdur.

Hikāyet: İsbāt-ı müdde'ada naql-i rivāyet-i şahīḡu'l-fehvā böyledür ki; Şeyḡ-i Ekber rahmetu'llāhi te'ālā ḡazretleri eyitmiş ki: Birgün bir meclis-i nefside mezheb-i Ṭabī'de olan bir ḡakīm ile mücālese vü şoḡbetüm vāḡi' olup ḡasbe'l-münāsebe nesā'im-i dil-küşā-yı şoḡbet ile ḡulistān-ı ḡudret-i İllāḡi inkişāf bulup *يا نار كوني بردا و سلاما على ابراهيم* āyet-i şerīfinūñ tefsīr ü ma'nāsı beyānına fetḡ-i zebān-ı şāf kılındıḡda ol ḡakīm-i bī-ḡalb-i selīm leb-cünbān-ı i'tirāz olup kendi mezheb-i bāṡıl vü ḡavl-i 'āṡılı üzre inkār ṡarīḡına ibtidār birle; "Muḡriḡ bi't-ṡab' olan nār-ı maḡsüse ecsām-ı ḡābiletü'l-iḡrāḡı, 'adem-i iḡrāḡ ile niḡe me'nūs olur?" diyü inkāra dem-sāz ve te'vīl-i āfide; "Nārdan murād, nār-ı ḡāzab-ı Nemrūddur ki ḡazret-i İbrāḡīm 'aleyhi's-selām ḡaḡḡında teskīn cihetiyle ḡüyā berd ü selām oldı" diyü, te'yīd-i mezheb-i fāsīd vü revāc-ı bāzār-ı ḡavl-i kāsīdine āḡāz eyledikde; bu baḡşimiz hengām-ı şitāda bulunmaḡ ḡasebiyle miyān-ı meclisde bir kānūn-ı pūr-āteş mevzū' idi. Pes ol ḡakīm-i saḡīmūñ bu maḡūle ḡüftār-ı perīşānını istimā'da kānūn-ı dil-i pūr-ḡayretüm bād-ı ḡayret-i İllāḡi ile leleheb-ḡir ü mirvaḡa-i ḡamiyyet-i dīniyye ile iştī'āl-peḡzīr olmaḡın 'avn u 'ināyet-i Bārī miyān-ı meclis-i şoḡbet-ḡüzārīde olan nār-ı sūzişgeri baḡna müsāḡḡar idüp izḡār-ı ḡaḡḡa ḡuvvet müyesser itmegin ol ḡakīme eyitdüm: "İy merd-i ṡabāyi'-şinās-ı beyne'n-nās! Eger bu nār-ı maḡsūs saḡna mūmāss oldıḡda [Ü138a] vūcūd u libāsuñ bi-emri'llāhi te'ālā yaḡmazsa tebdīl-i mezheb ü ṡabī'at ile muḡırr-ı ḡudret-i Rabbū'l-enām ve dāḡil-i ḡülşen-i īmān u İslām olur mısuñ?" Ol ḡakīm eyitdi: "Belī." Pes besmele-i şerīfe ile ol kānūnda memlū olan āteş-i sūzānı ḡakīmūñ ceyb ü dāmānına ta'biyye eyledigimde āteş-i mezkūr bir-iki sā'at miḡdarı üzerinde maḡşūr olup vūcūd u libāsına ḡaṡ'ā eḡer eylemedi. Ol zamān bu germiyyet-i [S27b] meclis ile terbiyye-i tāmm bulup ol vūcūd-ı ḡām puḡte olmaḡın der-ḡāl şeref-i İslām ile müşerref oldı.

﴿ آن خداوندیكه هنگام سحر ﴾ Ol bir mülk issi ki seḡer vaḡtinde. **Ān Ḥudāvendi ki**, «ol bir mülk issi ki» dimekdür. Zīrā «ān» kemā-merre ism-i işāretdür. Ḥudāvend, şāḡib-i mülk ma'nāsınadır, mā-naḡnū fihi gibi. Ḥudāyā itlāḡında zamm-ı ḡā iledür, ammā ḡula itlāḡında kesr-i ḡā iledür diyü bā'zılar fark eylemişdür. Ve ḡāḡī āḡirine edāt-ı mūbālaḡa olan «ḡār» lafzın ilḡāḡ ile Ḥudāvendḡār dirler. Ve āḡirinde olan «yā» vaḡdet içündür ve bi-mu'āveneti'l-maḡām kendüden ma'nā-yı ta'zīm daḡı müstefāddur. «Ki» lafzı bunda rābīṡadur. **Hengām-ı seḡer**, izāfetle «seḡer vaḡtinde» dimekdür. Zīrā hengām, Fārisīde «mu'ayyen ve maḡdūd olan vaḡt ü zamān» ma'nāsınadır. Nitekim hengām-ı ḡül ve hengām-ı bahār dirler. Pes Baḡru'l-ḡarā'ib şāḡibinūñ; «hengām, muṡlaḡ vaḡt ma'nāsınadır» didiḡi vaḡt-i mu'ayyen ma'nāsına olan hengām ile muṡlaḡ vaḡt ma'nāsına olan «ḡāḡ» lafzınıñ beynlerin 'adem-i farkından nāşīdür, kezā fi'd-Deḡā'ik. Ve daḡı mu'ayyen vaḡtde olan cem'iyyete «hengāme» dirler. Āḡirindeki ḡā «nāme» ve «ḡāme» lafızlarında olan «ḡā»lar gibi iḡtişāş içündür. Seḡer, sīn-i mūhmele ve ḡā'-i mūhmelenūñ fetḡalarıyle Fārisīde «şabāḡa ḡarīb vaḡte» dirler, 'Arabīde daḡı müsta'meldür.

﴿ کرد قوم لوط را زیر و زبر ﴾ Lūṡ 'aleyhi's-selāmuñ [S138b] ḡavmini alt-üst eyledi. Murād, aḡaḡsın yuḡaru ḡetürüp iḡlāk eyledi dimekdür. **Kerd**, «eyledi» ma'nāsına māzīdür. **Ḳavm-i Lūṡ-rā**, «Lūṡ ḡavmini» dimekdür, ḡavm-i ma'lūmdur. Lūṡ 'aleyhi's-selām bin Hārān bin aḡḡu İbrāḡīm 'aleyhi's-selāmdur. **Rā**, edāt-ı mef'ūldür. **Zīr**, «alt ve aḡaḡa» ma'nāsınadır. **Vāv**, 'āṡıfedür. **Zeber**, fetḡle «üst ve yuḡaru» ma'nāsınadır ki muḡābili «zīr»dür. *Ḳaşaş-ı ḡavm-i Lūṡ 'aleyhi's-selām*: Ma'lūm ola ki ḡazret-i

Lût ‘aleyhi’s-selâm evvel ‘Irâkda ârâm buyurmuşdı. Çünkü [S28a] helâk-i Nemrûddan sonra hazret-i İbrâhîm ‘aleyhi’s-selâm ‘âzîm-i şavb-ı Şâm-ı behîşt-ihtîşâm olmağın ol hazret ile refâkât ve cânib-i Şâma ‘azîmetde hazret-i Rabbü’l-enâm Lût⁷ ‘aleyhi’s-selâmı ehl-i Sedûmuñ da‘vet-i îmân u İslâmı için gönderdi. Ebu’s-Su‘ûd ‘aleyhi’r-raḥmeti’l-Vedûduñ beyânı üzre Sedûmdan murâd «ḥumḳ»dur ve ol kūrâlar zîr ü zeber oldığı için esâmîlerine Mü’tefikât dimişlerdür. Pes kavm-i Lût ‘aleyhi’s-selâm küfr ü dâlâlete inhâk-i tām ve bundan mâ-‘adâ ‘ulemānuñ beyân eyledikleri üzre şakız çiyenmek ve ağızlarıyla zarṭa çekmek ve koltukların yellendirmek ve beyt-i ḥalāya varmazdan aḳdem keşf-i ‘avret eylemek ve tūruk u mesâlik ü ârāmğāh olan eşcār altına tegavvuṭ itmek ve fiske taşu atmak ve birbirlerine sille urmak ve ta‘lîm-i Şeyṭân ile livāṭa fîline düşmek mişüllü kabāyih-ı şen‘a ile güzāriş-yāfte-i şubḥ u şām olduklarından mâ-‘adâ hazret-i Lût ‘aleyhi’s-selâmıñ da‘vet ü naşîḥatini kabûlden rû-gerdân ve gün-â-gün ezâ vü cefāya cūr‘et ile izḥār-ı fışḳ u tuḡyân eylediklerinde افا من اللذين مكروا السيئات ان يخسف الله بهم الارض

āyet-i şerîfinüñ mazmûn-ı ‘ibret-nümünü üzre Kārûnuñ ḥasfı [Ü139a] baḡteten oldığı gibi kavm-i mezkûr nâ‘im-i pister-i ḡaflet iken hengām-ı seḫerde nâ-gāh vuşûl-i kahr u tedmîr-i hazret-i İlâh ile cümle mesâkin ü büyüṭ ve ârāmğāhları سافلها جعلنا عاليها سافلها kavı-i kudret-penâhi müfâdıncı zîr ü zeber olup cümle ehl-i küfr ü fesâd kahr u helâke mazḥar oldılar. Pes nâzımuñ **zîr ü zeber** kelâmı bu āyet-i şerîfe telmîḥdür, ḳaldı ki **hengām-ı seḫer** kelâmında birkaç nükteye işâret bulunmak mümkündür. Evvelen, kavm-i mezkûruñ helâkleri ايس الصبح يقرب āyet-i şerîfi şehâdetiyle şabāḥa ḳarîb olduğına işâretdür. şâniyen, **hengām-ı seḫer** maḥall-i füyûzât-ı [S28b] İlâhî iken küffâr-ı ḥâksâr ol hengāmda bî-tevbe vü istiḡfâr ve belki ekseri ‘âdetleri üzre nevm-i ḡaflete mütaḡraḳ olmalarıyla feyz-i İlâhiden maḥrûm ve baḡteten mazḥar-ı kahr u helâk olmak ḥûkminde ‘umûm ‘ahzine işâret içündür. Fî’l-ḥaḳîḳa, küffâr u eşrârûñ üzerlerine şeb-ḥûn ile ḥâne-i hayâtlarınuñ taḥrîbi ekser hengām-ı seḫerde oldığı ma‘lûm u meşhûrdur. (...[S29a, Ü139b]...)

(سوى او خصمى كه تير انداخته) Bir ḥaşm ki ‘alâ-raḡmehu anuñ cânına oḳ atmışdur. [Ü11a]⁸

Sûy-ı o, izâfetle «anuñ cânına» dimekdür. Zîrâ sûy lafzı bunda «ḥâyib» ma‘nâsınadır ve bundan mâ-‘adâ «mânend» ve «ziyâ» ma‘nâlarına gelür. Ve yâsız «sû» daḫı dirler. Bunda yānuñ geldiği mā-ba‘dine izâfet içündür. O, zamîrdür; Ḥudāya rāci‘dür. **Ḥaşmîde** yâ vahdet içündür yāḥod ibḥāmdan münşa‘ib taḥḳîr ma‘nâsın müfîddür. Ḥaşm, fethile ‘Arabîdür, ceng ü cidāl [S29b] murâd idene dirler. Müzekker ve mü’enneş ve cem‘i berâberdür. Zîrâ aşlında maşdardur, lâkin ba‘zı ‘Arab tensiyesinde «ḥaşmân» ve cem‘inde «ḥuşûm» dimişlerdür. **Ki**, rābîṭadur. **Tîr**, Fārisîdür. Otuz dört ma‘nāya geldiği Ferheng-i Şu‘urîde meşhûr ve mübeyyendür, bunda «oḳ» ma‘nâsınadır ki ‘Arabîsi «sehm»dür ve daḫı «nibāl»dür. **Endāḫte**, ism-i mef‘ûldür, «atmış» dimekdür. Maşdarı «atmak» ma‘nâsına olan «endāḫten»dür. Âḫîr-i mîsırâ‘da edât-ı ḥaber olan «est» mukadderdür. *Fā‘ide*: İsm-i mef‘ûl aḫzinde ḳā‘ide, maşdarıñ nününü ḥazfden sonra nūnuñ mā-ḳablindeki ḥarfî meftûḥ idüp ve âḫîr-i kelimeye bir hâ’-i ‘alâmet getürmekdür.

⁷ Her iki nüshada da sehven Hüd yazılmıştır.

⁸ Metin Ü nüshasında 140a yerine 11a’dan devam etmektedir.

﴿ پشه کارش کفایت ساختہ ﴾ Bir sivrisiñek anuñ işini kifāyet düzmişdür. **Peşşei**, feth-i bâ'-i 'Acemî ve feth-i şîn-i müşeddede ve hâ'-i 'alâmet ile maḥşûş «sivrisiñek» ma'nâsınadır, 'Arabîsi «be'üz»dur. Türkîde «cibinlik» didiklerine 'Acemüñ «peşşe-hâne» didigi bundandır. Âhîrindeki hemzenüñ tahtında yâ'-i vahdet-i mevhûme gözetmek ile müsâmaḥa-i hemze vahdet içündür, diyilür. Bu mişüllü hemze-i vahdet nâzımuñ mā-seye'tideki 'ibârelerinde keşîredür. **Kāreş**, «anuñ işini» dimekdür. Zîrâ kâr, kâf-ı 'Arabî ile Fârisîde üç ma'nâya gelür: Biri «şuğl ü 'amel»dür ki bunda murâd budur. Ve daḥı «zirâ'at» ma'nâsınadır. Ve daḥı «ceng» ma'nâsına gelür. Nitekim «kârzâr» ve «peykâr» dirler, ceng ma'nâlarınadur. Ve kâr lafzı âhîrindeki zamîr-i gâ'ib olan şîn harfine muzâfıdır, zamîr-i mezkûr ḥaşma râcî'dür. **Kifāyet**, [Ü11b] «yetişmek» ma'nâsına maşdar-ı 'Arabîdür, Fârisîde daḥı müsta'meldür. Tānuñ tavîle yazıldığı bu isti'mâle karînedür. Zîrâ maşadır-ı 'Arabî terâkîbinde tā harfî âhîr-i kelimedede gird yazılır, ammâ terâkîb-i Fârisîde ve Türkîde tavîle yazılır. Meşelâ; رحمت (rahmet) ve عزت ('izzet) ve دولت (devlet) ve کفایت (kifāyet) gibi. **Sāhte**, «düzmiş» ma'nâsına ism-i mef'uldür ve maşdarı «sāhten» [S30a] dür. Bunda daḥı edât-ı haber muḳadderdür, taḳdîr «sāht» dimekdür. *Vaḳ'a-i ḥāl-i helāk-i Nemrūd*: Ma'lûm ola ki ḥaşmdan murâd Nemrūd bin Ken'ândur. Mesfûruñ veledü'z-zinâ idigi Ḳaşaş-ı Kisâ'te meşîrdur. Pes veledü'z-zinâ mezbûr dünyānuñ câh-ı şûrî vü devlet ü ḥuzûriyle maḡrûr olmaḡın ulûhiyyet da'vâsına ibtidâr ile Ḥâlîk-ı 'âlem celle celâlühuya karşı koymaḡa ictisâr itmişdi. Binâ'en 'aleyh ol erzel ü aḥmaḳ, mücâdele-i ḥazret-i Ḥaḳḳ sevdâsıyla ḥile-perdâz-ı tedârük-i cidâl olmaḡın evc-pervâz olan birkaç büyük aç kuşların zahrlarına serîr şeklinde birkaç tahta pâre bend ve kendü kendüyi ol serîrûñ üzerine peyvend idüp ve kuşlara münâsib ḡidâ ne ise dest-res olmayacakları mertebe birer çüb üzerine âviḥte kılup ol ḡidâ-senc olan çübları ḥile ile terâzû-mişâl evvelâ ser-firâz itmek ile kuşları pervâza getürüp cânib-i semâya mürḡân ile kerkesvârî 'urûca âḡâz idüp vâfir 'urûcdan şoñra şitâb ile süy-i âsmâna ok pertâb eyledi. Ol ânda ḥazret-i Müt'eâl celle 'anî's-şebîh ve'l-mişâl ol aḥmaḳ, ḥile vü tedbîrûñ istidrâcını tamâm-pezîr eylemek ḥikmeti içün cânib-i semâya pertâb eylediği tîri miyân-ı zemîn ü âsmânda mu'allâḳ olan baḥr-i bî-pâyānuñ mâhîlerinden bir mâhînüñ demine bulaşdırup ol tîr-i âlûde-i ḥûmı yene ol mel'ûnuñ pîşḡâh-ı serîrine rucû' itdürdi. Şeyḥ-zâde Tefsîr-i Teysîrden nakl ve 'İkrime ḥazretlerinden rivâyet olındığı üze; “ ن والغلم naẓm-ı kerîminde muḳsemün-bih [Ü12a] olan ḥût, bi-emri'llāh Nemrûduñ tîr-i istidrâc-te'shîrine karşı bi-vâsıṭati'l-emplâk tutulup zaḥmnâk olan balıḳdur ki, Ḥâlîk kendüye ikrâmen anuñla ḳasem-i iclâl ve cinsinüñ bilâ-zebḥ eklini halâl itmişdür” dimişdür, intihâ. Pes ol mel'ûn zahr-ı mürḡânda dest-âvîz eylediği çüb-ı ḡidâ-yı maşḥûbı ḥile ile tedricen ser-nigûn-ı mürḡâna 'arz-ı ḡidâ-yı [S30b] ḥud'a-nümün iderek âheste-âheste zemîne nâzil ve 'alâ-zu'mehu merâmına nâ'il olduğına mübâhî olarak istidrâcî resîde-i kemâl ve her vechle müsteḥaḳḳ-ı ḥazret-i Müt'eâl oldıḳda ḥazret-i İbrâhîm 'aleyhi's-selâtu ve's-selâm ile taḥaddî-i müzdâd idüp cünüd-ı 'Azîzün zü'ntîḳâm ile muḥârebe murâd eyeldi. Ve 'asker-i firāvân ile meydân-ı ma'reke olan şahrâ vü beyâbâna nasb-ı sāyebân-ı tuḡyân eyleyüp cünüd-ı İlâh-ı âsmân ile kârzâr-ı diledi. Ol zamân Ḥâlîk-ı zemîn ü âsmân olan ḥazret-i zü'l-celâl Nemrūd-ı bed-fr'âl ile ḳavm-i pür-dalâletüñ üzerlerine nâ-gâh ez'af-ı maḥlûḳâtı olan

peşşelerden ke-dā'ireti'l-gırbāl bir niçe peşşe-i tîz-bāl musallaṭ u irsāl itmegin ol cānver-i zafer-ālūd küffār-ı hāksāruñ üzerlerine bāl-küşā-yı hücum oldıḳda ol ma'rake-i kıtāl ü meydān-ı ceng ü cidālî ser-i şūmlarına teng idüp terāküm-i bād-ı şarşardan evrāk-ı eşcār ve teşādüm-i hevā-yı şiddet-eşerden aḳtār-ı emfār dökilür gibi niçe biñ kefere-i fecere fütāde-i hāk olup ve niçelerinüñ bu hücum-ı hevlnāk sebebiyle girībān-ı qarārları, ceyb ü dāmān-ı mātem-zedegānāsā şad-çāk-ı bīm-i helāk oldıḳından efkār-ı perīşānāsā tefriḳadār olarak eyne'l-meferr vādilerinden cūy-bende-i rāh-ı firār oldılar. Pes ol eşnāda Nemrūd-ı merdūduñ daḫı firāra iḳtidārı ḳalmayup müteveccih-i semt-i firār iken nā-gāh bir nīm-per peşşe nerm-āvāz ile ان جندنا لهم الغالبون و ان maẓmūn-ı şerīfine dem-sāz olarak Nemrūduñ vech-i nā-pākine pā-nihāde-i vürūd oldıḳda, [Ü12b] mel'ūn bu ḳadar da'vā-yı tayş u şiddet ider iken def' ü ref'ine ḳudret bulmayup ıztırāba düşdikde peşşe-i helāk-işāret mel'ūnuñ sūrāḫ-ı enf-i hevā-şümüline duḫūl ve ol rāhdan maḡz-i pūr-tebāhında lānesāz-ı iḳāmet ve dört yüz sene dimāḡ-ı murdārında qarār eyledi. Her sāt-i 'ömrin mu'ādil-i sāl-i ḳıyāmet idüp ba'dehū helākine sebep olmaḡın ol merdūduñ cānı [S31a] cibāl-i Caḫīme pervāz eyledi. Nitekim nāẓımuñ Mantıḳu't-Ṭayr nām kitābında *beyt*:

نیم پشه برسر دشمن کماشت

در سر او چار صد ساله بداشت

Ya'nī; İzidī çün celle ve 'alā düşmen-i dīn olan Nemrūd-ı mel'ūnuñ başı üzre nīm bir peşşeyi musallaṭ eyledi. Ve ol peşşeyi o düşmenüñ seri içre dört yüz sene ḳā'im ḳıldı , didigi bu mezkūrı işbātda kāfīdür.

﴿ آنکه اعدا را بدریا در کشید ﴾ Ol Hudā ki düşmānları deryāya ilerü çekdi, ya'nī keşide-i baḫr-i helāk eyledi. **Ān ki**, «ol Hudā ki»; **a'dā-rā**, «düşmānları» dimekdür. Murād, Fir'avn 'aleyhi'lla'ne ile helākde refīḳı olan ḳavmidür. A'dā, cem'-i 'Arabīdür; müfredi «'adū»dur. Fārisīde «düşmān»dur. **Rā**, edāt-ı mef'uldür. **Be-deryā**, «deñize» dimekdür. Bundan murād, ekşer-i müfessirīn 'indeinde baḫr-i Nıldür. Ba'zı müfessirīnüñ 'indeinde baḫr-i Ḳulzumdür. Evvelinde olan bā ḫarfı fethle ilşāk içündür. *Fā'ide*: 'İbārāt-ı Fārisīde olan bā'-ı ma'ānī-i ḡayr-ı zā'ide dā'imā meftūḫdur. Pes elif ile «bā» ve bilā-elif «be» ḫarfīnüñ bādan muḫaffefi «cem'iyet ve ma'iyet» ma'nāsına olur. Ammā bādan muḫaffef olmayan «be» ḫarfı meftūḫan birḳaç ma'nāya gelür ki anlar; ḳasem içün ve gāh ḫarfıyyet içün ve gāh sebebiyyet içün ve gāh «ilā» ma'nāsına ve gāh ilşāk içün ve gāh taḫsīn-i lafz içün gelür. Lākin müştakḳāt evā'iline dāḫil olan be-i tevessül meksūr olur. Ammā be-i zā'id eger uḡrında mīm ve vāv ve fā gibi ḫarf-i şefevī veyā bir ḫarf-i maẓmūm bulınur ise zālike'l-bā' maẓmūmdur. Ve eger böyle bulunmazsa zālike'l-bā' dāi'mā meksūrdur. **Der keşid**, māzī-i müfred ḡā'ibdür, ma'nā-yı mecmū'-ı işlāl-ı Furs olmak [Ü13a] üzre «ilerü çekdi» dimekdür. Maşdarı «çekmek» ma'nāsınadır. Pes bunda وجاوتنا ببني اسرائيل البحر فاتبعهم فرعون وجنوده ilā-āḫiri'l-āyeh āyet-i şerīfine telmiḫ vardır. İcmālen beyānı budur ki zıkr olunur. *Ḳıssa-i Fir'avn*: Ma'lūm ola Fir'avn 'aleyhi'l-la'ne Şeyṭānuñ ve vezīri Hāmānuñ kendüyi iḡfālleriyle evvelā ḡarīḳ-ı baḫr-i küfr ü dālāl ve [S31b] gürūh-ı mekrūh-ı Ḳıbtıyān nādānların انما ربكم الاعلى diyü idlāl üzre olup, ḫazret-i Mūsā 'aleyhi's-selāmuñ yed-i beyzāsından zuḫūr-yāfte olan envā'-ı mu'cizāt-ı nūr-āşar ve 'aşā-yı şeref-

طريقا فما له من هاد من يهدى الله يهتدى

fezāsından şudūr iden havārīk-ı ‘ādāt-ı mu‘cize-şi‘ārını gördikçe müfādınca inkārı eşedd ü efzūn ve Benī-İsrā’ile ezā vü cefā-yı gün-ā-gün eyledükde müsteḥakk-ı ġarḳ-ı biḥār-ı iḳāb ve müste’hil-ı ħarḳ-ı nār-ı eşedd-i ‘azāb olmağın deryā-yı ḳahr u demār-ı ḥazret-i Müste‘ān cūṣa gelüp Ḥaḳḳuñ emr-i şerīfiyle ḥazret-i Kelīmu’llāh ‘aleyhi’ş-şalātü ve’s-selām Benī-İsrā’īli ‘umūmen alup mıṣr-ı Ḳāhireden nehzat ile pā-nihād-ı sebīl ve ṭalī‘a-i tevfiḳ-i ni‘me’r-refiḳ ile ‘āzim-i şavb-ı baḥr-i Nīl oldılar. Ol sefer-i ḥayru’l-eşerde refāḳatle ma‘iyyet-i ‘ālilerinde olan Benī-İsrā’īl eṭfāl ü nisā vü şüyühdan mā‘adā altı yüz biñ ve yetmiş biñ kimesne idiler. Vaḳtā ki Fir‘avn-ı bed-kār bu ḳazıyyeden ḥaberdār oldıḳda kenār-ı baḥr-i endīşede şaşt-ı mütefekkiye ile şayd-ı mähī-i evḥām u ḥayāl-i ḥām iderek ġürüh-ı mekrüh-ı Çingānyāndan yedi yüz biñ nefer muḳaddemü’l-ceyş ve bunuñ eż‘āf-ı muzā‘afı meymene vü meysere vü ḳalb ü sāḳa ile tertīb-i alay-ı ‘asākir-i idbār-ı müzāḥir idüp başlarına ġırbāl-i belā vü māşū-yı ḳazā ile ḥākister-i ‘azāb elenmek ḥikmeti zuḥūrı için o Çingān u Ḳıbtīler ḥar-ı lāğar gibi lengān zağar-ı bī-dilān gibi ‘av‘ave-künān iken ḥ‘āh u nā-ḥ‘āh cümlesin vādī-i ḳahr u helāke kendi ayaklarıyla sevḳ ve tesyīrinde Benī-İsrā’īle lühūḳ için sāḳ-ı şe‘āmet-mesāḳların teşmīr üzre ittifaḳ eylediler. Pes Benī-İsrā’īl resīde-i baḥr-i Nīl oldıḳlarında, ol ḥādī-i ümmet olan ḥazret-i Kelīm-i Rabb-i ‘izzet ‘aleyhi’ş-şalātü ve’s-selām [Ü13b] bi-emri’llāhi’l-Celīl ‘aşa-yı mu‘cize-nümāsıyle ḍarb-ı deryā-yı Nīl eyledi. Ol ḍarb-ı mu‘ciz-eşerden derūn-ı deryā-yı mehālik, perverde-i ṭavr u ṭarz-ı nīk, hey’ātu ḥoşter ve derk keyfiyyeti ḥāric-i ṭavḳ-ı beşer, ṭuruḳ-ı [S32a] isnā ‘aşer zāḥir olmağın, ol rehber-i ehl-i İslām olan ḥazret-i Kelīm ‘aleyhi’s-selām ile ḳabā’il-i Benī-İsrā’īl ol rāḥ-ı düvāzdeḥden deryā-yı mezkūra duḥūl ve birbirleriyle şoḥbet-künān ḳaṭ-ı rāḥ-ı deryā ile meşğūl iken nā-gāḥ Fir‘avn ile ol sipāḥ-ı güm-rāḥ daḥı kenār-ı baḥre gelüp vuşūl buldılar. Fir‘avn-ı bed-ḥ‘āh ol ṭuruḳ-ı mu‘cize-penāḥa nigāḥ itdikde الخائف الخائف müfādınca ol rāḥ-ı müstaḳīme duḥūle cesāret idemeyüp deryāya girmemek fikrine düşdi. Nā-gāḥ bi-emr-i İlāḥ ḥayyāt-süvār oldıḳı ḥālde ḥazret-i Cebrā’īl ‘aleyhi’s-selām pīş-rev-i esb-i Fir‘avn olup rāḥ-ı deryāya sevḳ-i maṭıyye-i ḥayyāt ile Fir‘avn ve ‘asākirin deryāya idḥāl eyledi. Pes Benī-İsrā’īl bi-tamāmihim āminen ve sālīmen sāḥil-i selāmete vuşūllerinde Fir‘avn ile ḳavmi vasaṭ-ı baḥre irmişler idi. Nā-gāḥ vürūd-ı ġaḍab u ḳahr-ı İlāḥ ile āb-ı deryā cünbiş-nümā olmağın ol ṭuruḳlar maḥv u mesdūd ve bī-niṣān olup Fir‘avn ile cümle ‘asākiri ġūṭager-i baḥr-i helāk u bī-cān oldı ve helāk-i Fir‘avn Benī-İsrā’īl miyānesinde şoḥret buldı. Pes Fir‘avnuñ fevt ü mevti Benī-İsrā’īlün re’yü’l-‘ayn meşḥūdları olmağın ḥikmeti zımnında ol düşmen-i düzaḥ-ḳarāruñ lāşe-i murdārın deryā ḳabūl itmeyüp dest-i emvāc ile endāḥte-i kenār eyledi.

﴿ ناقة را از سنک خارا بر کشید ﴾ Nāḳayı berk ṭaşdan çekdi ya’nī zuḥūra getürdi. **Nāḳa-rā**, «dişi deveyi» dimekdür ki bunda murād, nāḳa-i Şālīḥ ‘aleyhi’s-selāmdur. Lafz-ı nāḳa ‘Arabīdür, «dişi deve» ma’nāsına müfreddür, cem‘i «nūḳ» ve «enīḳ» ve «eyānīḳ» ve gāḥ «niyāk» gelür. Ve bu ma’nāya Fārisīde isti‘mālī şāyi‘dür. Nitekim Cāmīnūñ *ḳıṭ‘a*:

من هم بفقر و فاقه خوش

در خلیل ایشان ناقةکش

ناقه کش اما ناقه وش

داده بدست دل عنان

kıt'asında bu ma'nâda müsta'meldür. **Râ**, edât-ı mef'ûldür. **Ez**, harf-i cerr-i Fârisîdür, 'Arabîdeki «an» ma'nâsınadır. [S32b] **Seng-i hârâ**, Fârisîdür, üç ma'nâyâ gelür. Bunda ma'nâ-yı evvel murâddur ki [Ü14a] «berkliginden kendüye demür âleti işlemeyen bir nev'a taş»dur. Ma'nâ-yı sâni; saht-dildür. Ma'nâ-yı sâlis; hisset ü buhliden kinâyedür. Gâhî âhîrinde nefis-i kelimeden olan elifi hâya tebdîl ile «seng-i hâre» dahı dirler, «âşkârâ» lafzından «âşkâre» dimegi câ'iz gördikleri gibi. **Ber-keşîd**, «çekdi» dimekdür. Bunda murâd hâlķile zühûrîdur. *Ahvâl-i nâka*: Ma'lûm ola ki hâzret-i Şâlih 'aleyhi's-selâm Eşhâb-ı Hicre ba's olunmışdı. Kavm-i mezkûr Sâm-ı şerîf ile Hicâz miyânesinde Vâdî-i Qurâ nâm mahalle yakın emâkinde olurlar idi. Bi-emri'llâhî te'âlâ tûl-i 'ömr ile mu'ammer olduklarından rûzgârda niçe yüz sene pâydar olmak için bi-'avni'llâh Ferhâdâsâ tîşe-i seng-güzâr ile taşdan kesme binâlarda hânesâr-ı iķâmet olurlar idi. Ve bundan mâ-'adâ hâzret-i Vâhibü'l-'atâyâ kendülere hemîşe sıhhat ve bî-hadd ü bî-kıyâs ni'met kerem itmişken hâzret-i Sâlih 'aleyhi's-selâmuñ da'vet-i şerîfiyle mülzem olmayup da'vâ-yı nübüvvetine şahid olmak için beyne'n-nâs mes'ûlleri üzre izhâr-ı mu'cize iltimâs eylediler. Ve taleplerinde; Kâşibe nâm bir şahre-i şammâdan havâş-ı tefâsîrde beyân olunan evşâf üzre bir nâka-i 'acîbetü'l-hulķa zühûr itsün ve der-'aķab kendi cüşsesinde bir kuresi hüveydâ olsun, didiler. Pes hâzret-i Sâlih 'aleyhi's-selâm müteveccih-i dergâh-ı Hâlîķu'l-enâm olup kavminüñ mes'ûlleri üzre seng-i hârâdan zühûr-ı nâkayı recâ buyurdıkda 'âlem-i 'ademden vücûd-pezîr iden hâzret-i Hayy u Qâdir 'inde-ru'üsü'l-eşhâd nâka-i ma'lûbeyi şahre-i şammâdan hâlķ u icâd eyledikde hâzret-i Sâlih 'aleyhi's-selâm hasbe'l-mes'ûl zühûr iden nâkanuñ min-ķibeli'llâh beyyine vü ni'met ve delîl-i sıdķ u da'vâ-yı nübüvvet olduğın nazm-ı lâţîfî vü âyet-i şerîfi mazmûn-ı münîfince kavmine i'lân ve ba'dehü ta'fîyn-i beyyine [S33a] su'âlinden cevâb-ı beyânile [Ü14b] هذه ناقه الله لكم آية فذروها تأكل فى الارض الله ولا تمسوها nazm-ı kadîme mefhûmın 'ıyân idüp, bu minvâl üzre kavminden 'ahd ü peymân ahzından sonra ol kavm-i bed-kâr, kavm-i 'Âdden sonra kendülere olan ni'amları inkâr ve huşûşâ nâka-i mu'ciz-âşârdan şîrîn-kâm-ı ihsân oldukları şîr-i in'âmı küfrâna ibtidâr birle naķz-ı 'ahd ü mîşâķa teşmîr-i sâķ idüp evvelâ ber-mücib-i 'ahd ü peymân nâka için ta'fîyn olunan şîrb-i ma'lûmı men' ile naķz-ı ahd-i Sübhân eylediler. Ba'dehü istikbârlarından nâşî emr-i İlâhîyi kabûlden rû-gerdân ve izhâr-ı utuvv ile 'aķr-ı nâkaya ictisâr eylediler. Nitekim ففقروالناقاة و عتوا عن امر ربهى âyet-i şerîfi bu ma'nâda bedîdârdur. Ve bu güne tuğyândan sonra من المرسلين وقالوا يا صالح ائتنا بما تعدنا ان كنت من المرسلين nazm-ı mübîni mişdâķınca ķahr-ı Perverdgâra talebkâr oldılar. Ol zamân zühûr-ı gayret-i İlâhî üzre bi-emri'llâh nâka-i ma'ķûrenüñ hûn-bahâsı muķâbilinde ol kavm-i 'ahd-şikenânuñ şehr ü ķurâları vîrân ve cânları süy-i Caķîme tayerân idecegin hâzret-i Şâlih 'aleyhi's-selâm ol kavm-i zâlimîne i'lâm birle eyitdi kim: “Üç güne degin ol nâka-i mazlûmenüñ kuresini giriftâr-ı kayd-ı dest ve celb-i zimâm-ı hâķır ile peyvest olursañuz 'azâbu'llâhdan hâlâş bulursuz. Ve illâ mürġ-i ümîdi perîde olmuş görürsünüz. Kârûñuz ġâyet düşvâr olup, evvel yevm yüzlerünüñ zerd-reng ve yevm-i sâni sürh-reng ve yevm-i sâlis siyâh-reng olursuz. Ve bu 'alâmâtuñ

hitāmında mazhar-ı kahr-ı İllāh olmañuz bī-İştibāhdur.” Pes ol kavm-i bed-ṭālī^c bu bürhān-ı sātī^c u kıātī^c ol hāzretiden istimā^clarında bā-cem^cahüm kurre-i nākayı şayd u giriftār-ı kayd eylemek rāhında her neḳadar cidd ü cehd ile sa^cy-ı belīḡ eylediler ise fā^cide itmeyüp, āhū-yı maḳşūdī remīde ve mürḡ-i ümīdi perīde eylemeleriyle ol kurre-i mübārekeyi kühsārda nā-bedīd oldıḡın yaḳīn eylediklerinde her birleri sebbābe- [S33b] gez-i dest-i ḡayf u dirīḡ oldılar. Pes işāret-i vürūd-ı ‘azāb üzre eyyām-ı şālīse müteḡayyirū^c’l- elvān [Ü15a] ve ḡātime-i reng-i rūları olan reng-i siyāh ile vüçūh-ālūd u perīşān olup vürūd-ı ‘azāba nigerān olarak meydān-ı siyāsete cāşim olan mücrimān gibi herkes nāle-künān, ḡāne vü mekānlarında vālīh ü ḡayrān dizleri üzre çöküp fiḡān eylediler. Nā-ḡāh emr-i ḡāzret-i İllāh ile ‘āleme zelzele düşüp keşret-i ıztırābdan cümle ḡāneleri ḡarāb u yebāb ve ser-i şūmlarına inhidām ḡasebiyle her birleri giriftār-ı pençe-i türāb ve mazhar-ı ‘azāb u ‘ikāb-ı Rabbū^c’l-erbāb oldılar. Nitekim فَاخَذْتَهُمُ الرِّجْفَةَ فَاصْبَحُوا فِي نَازِمٍ نَازِمٍ bu ma^cnāyı nātūkdur. Zīrā «ecāşim»; «diz üzerine çökici» ma^cnāsınadır. Kaldı ki nāzımuñ siyāḳ u sibāḳ üzre: “Ḥudā kavm-i Sālīhi zelzele ile ihlāk eyledi.” dimeyüp; “seng-i ḡarādan nāḳa ḡalḳ eyledi” didigi, seng-i ḡarādan zuhūr-ı nāḳanuñ helāk-i kavmden āḡrebiyyeti ve nāḳanuñ helāk-i kavme sebebiyyeti nūktelerin işāret içündür. Bu ḳaşāşda nūkte-i şūfiyāne vü ‘āşīḳāne vardır. Budur ki: Her ‘aşr u zamān ve her ān u mekānda şālīh ü müteḡayyīn olan merdānuñ cismi nāḳa yirinde ve rūḡı Şālīh yirindedür. İmdi merdānuñ ḡuḳūḳına ri‘āyet eylemeyenler kavm-i hālīkīn gibi elbetde bir belāya dūḡār olur. Ve encāmında zānū-yı nedem üzre çökmesi, ḳatle müsteḡāḳkuñ naḡ^c-ı zemīne diz çökmesi gibi olur. Zīrā merdānuñ ḡuḳūḳ-ı bahāsı şehir degül belki ‘ālem bahāsınadır. Nitekim موت عالم كالعالم bu ma^cnāya delāletde müsellemdür. Pes merdān-ı Ḥudānuñ ḳalb-i pāk ü rūḡ-ı tābnāklere fīkr-i vişāl-i Mevlāda ve tenleri mişāl-i nāḳa-i faḳr u fāḳadadır. Ve nāsuñ şūretā ezā vü cefāsı nāḳa yirinde olan cism-i pūr-fāḳayadır, yoksa Şālīh yirinde olan rūḡa degüldür. Zīrā rūḡ nūr-ı İllāhiden olmaḡıla bir kimsenüñ maḡlūb u zebūnı olmaz, lākin cisme olan ezā vāsītasıyla müte‘ezzi^c olur. Ol zamān [S34a] ḡālīḳ-ı ‘ālemüñ intīḳāmı zuhūra gelür. Nitekim ḡadīs-i ḳudsīde من اهان لى وليا فقد بارزنى فى المحاربة vārid olmuşdur. Ḥulāşa-i kelām bir mü’minüñ [Ü15b] cesedini āzürde kılan ehl-i şūret bi’l-vāsīta cān incitmiş olur. Ve bu sebeble kurre-i nāḳa yirinde olan ḡātır-ı Mü’mini elden çıkarup bir daḡı avlayamaz. Nitekim Rāḡīb:

Bir kerre toḳınsañ teline sāz-ı derūnuñ

Biñ ḡüne nevāzişle düzelmez bozılınca

dimişlerdür. Pes cān incideni cānān incidür. İmdi beyt:

Bu ‘ālem büstānında budur maḳbūl-i ins ü cinn

Ne kimse senden incinsin ne sen bir kimseden incin

maẓmūn-ı düstūru’l-‘amel eylemek hoşdur. Fā^cide: Muḳātil rivāyetiyle ḡaberde gelmişdür ki: Cināna duḡūl idecek ḡayvān ondur; icl-i İbrāhīm ‘aleyhi’s-selām ve kebş-i İsmā‘īl ‘aleyhi’s-selām ve nāḳa-i Şālīh ‘aleyhi’s-selām ve baḳara-i Mūsā ‘aleyhi’s-selām ve ḡūt-ı Yūnus ‘aleyhi’s-selām ve ḡimār-ı ‘Uzeyr ‘aleyhi’s-selām ve nemle-i Süleymān ‘aleyhi’s-selām ve ḡüdhūd-i Belḳīs ve Ḳıtmīr-i Eşḡāb-ı Kehf rızvānu’l-lāhi ‘aleyhim ecma‘īn ve nāḳa-i Muḡammed ‘aleyhi’s-salātü ve’s-selām.

Dāvūd ‘aleyhi’s-selāmdur. **Dād**, «virdi» ma’nāsına mazī-i müfred gā’ibdür. Fā’ili müstetir zamīrdür, Hudāya rāci’dür. **Mülk**, zamm-ı mīm ve sükün-ı lām ile bunda «bir kimsenün taht-ı taşarrufında olan nesne» ma’nāsına ‘Arabīdür. Zīrā Fārisīde «tehiyyet ü selām» ma’nāsına mervīdür. Ve «bir nev’a kara dāne» ve «mercüme» olmağ üzere menkūldür. **Vāv**, ‘alāmet-i ‘atfdur. **Serverīde** yā, maşdariyyedür. Ma’nā, «riyāset» ve «siyādet» ve «saltanat»dur. Zīrā server lafzı «serdār [Ü17a] ve re’isü’l-kavm ve bahādır» ma’nāsına şāyi’dür. Yegāne-i ehl-i hünar İbnü Kemāl eyidür: Server kelimesinde «ser» lafzı mecāzen «riyāset ve metbūciyyet» ma’nāsınadır. Galebe-i isti’māl ile ma’nā-yı mezkūr haqīkat menzilesine cārı olmuştur. Ve dağı «ver» kelimesi «şāhib» ma’nāsınadır ki ‘Arabīde «zū» ve Türkīde «lü» ile mu’abberdür, kemā-merre intihā. Ve Ferheng-i Şu’urīde eyidür: «Ver» lafzı «zū» ma’nāsına, meşelā hünarver ve behrever gibi ki «hünarlı» ve «naşıblı» dimekdür. Ve gāh «āverden» lafzından ism-i fā’il olan «āver» kelimesinün elifin hāzıf idüp ve meşelā sühan lafzıyla terkīb idüp «sühanver» dirler. Ve dāl ile terkīb idüp «dilāver» dirler, dilden murād kuvvet-i kalbdür ve āverden murād izhārdur. Bahādır, dilāver dinmek bu itibārladır. Ammā serverde, mecāzen muḳaddem ve metbūc ma’nāsına iken haqīkat menzilesine varması galebe-i isti’māldendür. Pes server, «şāhib-i riyāset» dimekdür. *Beyān-ı riyāset-i Süleymān ‘aleyhi’s-selām*: Kilk-i meşşāta-i beyān, vücūh-ı şahā’if-i ‘Arā’isde bu vechle zīb-efgen-i gül-güne-i raḳam-nişān olmuştur. Hāzret-i Dāvūd ‘aleyhi’s-selāmuñ on toḳuz evlād-ı kirāmı var idi. Vaḳtā ki ol hāzretün ‘ömr-i şerīfleri tamām ve civār-ı rahmete itizāmı qarīb oldıḳda kendüye peyk-i Raḥmān olan hāzret-i Cembrā’l ‘aleyhi’s-selām nāzil olup eyitdi: [S36a] “Yā Dāvūd ! Emr-i hāzret-i Melik-i ma’būd böyledür ki; veled-i ekremün olan hāzret-i Süleymāndan ber-vech-i ātī işbu on beş mesāyili beyne’l-enām istifsār u isti’lām buyurasın. Eger hāzret-i Süleymān ol su’āllere ‘alā-vech-i ş-şavāb cevābların keş ü beyān ile i’lām ider ise kendüye maḳarr-ı ḥükümet niḳāmuña kā’im-i maḳām idüp şad hezār vedd-i i’tāf ile istiḥlāf buyurasın.” Pes ol ān-ı meyāmin-nişānda hāzret-i Süleymān on üç yaşına vāşıl ve derūn-ı ḥikmet-meşḥūnı enmüzec-i ‘ulūm u ma’ārif ü feżā’il (ve) ‘āḳıl u kāmil ve ‘ālim ü ‘āmil idi. İmdi emr-i Rabbü’l-enām üzere Dāvūd ‘aleyhi’s-selām maḳzar-ı ‘ulemā’-i ‘ā’lāmda [Ü17b] hāzret-i Süleymān ‘aleyhi’s-selāma: “İy ser-efrāz-ı evlād-ı kirām ve iy mümtāz-ı ‘ulemā’-i ‘izām ! Akreb-i eşyā nedür?” Eyitdi: “Āḫiretdür.” Ba’dehū hāzret-i Dāvūd eyitdi: “Eb’ad-ı eşyā nedür?” Eyitdi: “Dīnde fevt olan nesnelerdür.” Ba’dehū eyitdi: “Üns-i eşyā nedür?” Süleymān eyitdi: “Rūḥ ma’āl-ceseddür.” Ba’dehū eyitdi: “Evḫaş-ı eşyā nedür?” Süleymān eyitdi: “Cesed-i bī-rūḥdur.” Ba’dehū eyitdi: “Aḥsen-i eşyā nedür?” Süleymān eyitdi: “İmān ba’de’l-küfr” Ba’dehū eyitdi: “Aḳbah-ı eşyā nedür?” Süleymān eyitdi: “Küfrü ba’de’l-imāndur.” Ba’dehū eyitdi: “Eḳall-i eşyā nedür?” Süleymān eyitdi: “Yāḳīndür.” Ba’dehū eyitdi: “Ekşer-i eşyā nedür?” Süleymān eyitdi: “Şekkdür.” Ba’dehū eyitdi: “Ḳā’imān nedür?” Süleymān eyitdi: “Zemīn ü āsmāndur.” Ba’dehū eyitdi: “Sā’iyān nedür?” Süleymān eyitdi: “Şems ile ḳamerdür.” Ba’dehū eyitdi: “Müşterekān nedür?” Süleymān eyitdi: “Leyl ile nehārdur.” Ba’dehū eyitdi: “Mütebāğizān nedür?” Süleymān eyitdi: “Mevt ile ḥayātdur.” Ba’dehū eyitdi: “Müteḥābbān nedür?” Süleymān eyitdi: “Rūḥ ile ceseddür.” Ba’dehū eyitdi: “Encāmı maḥmūd olan nedür?” Süleymān eyitdi: “Ḡāzab vaḳtinde ḥilm ile ‘afvdur.” Ba’dehū eyitdi: “Encāmı mezmūm olan nedür?” Süleymān eyitdi: “İbtidā’-i icrā-yı ḡāzabdur.”

İntihā. Vaqtā ki ḥazret-i Süleymān ‘aleyhi’s-selāmı maḳām-ı ‘ālilerine istiḥlāf buyurdıkda işbu āti’l-beyān [S36b] veşâyâyı sem‘-i sa‘âdet-simā-yı ḥazret-i Süleymāna ilkāya is‘âf buyurup eyitdi: “İy nūr-ı ‘ayn-ı sa‘âdet ve iy mühr-i mīnā-yı ḥilāfet! Hezlden ḥazer eyle ki nef‘i eḳall ve beyne’l-iḥvān muḥarrik-i ‘adāvet-i bī-maḥalldür. Ve ḡazabdan ictināb eyle ki ḡazab şāhibini ḥafīf ider. Ve daḥı taḳvāya müdāvet eyle, t̄ā‘ate mülāzemet kıl ki taḳvā her şey’e ḡālib ve rızā’-i Ḥaḳḳı cālībdür. Ve ehl ü ‘ıyāl üzerine bilā-sebeb keşr-i ḡayretten ḥazer gerekdür. Zīrā bu sū’-i zannı mürīşdür. Ve daḥı nāsdan ṭama‘ı ḳaṭ‘ gerekdür. Zīrā ḡinā ḳaṭ‘-ı ṭama‘dan ‘ibāretdür ve ṭama‘ faḳr-ı ḥātīrdur. Ve daḥı ḳavlen ve fī‘len itizār olınacaḳ nesnelerden ḥazer gerekdür.[Ü18a] Ve daḥı iy benüm şemere-i fu‘ād ve ekrem-i evlād-ı ‘ālī-nijādum ! Her bār lisānuñı şıdḳa mu‘āvede eyle. Ve namāzuñı āḫir namāzuñ gibi edā eyle. Ve süfehā ile mücāleset eyleme. Ve ‘ālimūñ üzerine bir şey’i redd eyleme ve ‘ālime dīnde mūmārāt itme. Ve farazā ḡazabnāk olsañ, oldıḡın maḥallden taḥavvül eyle tā ki ḡazab teskīn ola. Ve daḥı iḥsāna mülāzım ol. Ve daḥı ḥasbe’l-istiṭā‘a imrūzuñ ferdādan ḥayr olmaḡa sa‘y eyle. Ve daḥı ümīdvār-ı rahmet-i Ğaffār ol. Zīrā rahmet-i Mevlā herşeyden evsa‘dur.”

﴿ شد مطيع خاتمش ديور پرى ﴾ Dīv ü perī ḥāteminūñ mut‘i oldı. **Şüd**, Fārisīde olan ef‘āl-i nāḳışadandır. ‘Arabīdeki صار(şāra) fī‘li gibi «oldı» ma‘nāsınadır, bunda murād budur. Ve ḡāhī «gitdi» ma‘nāsına māzī-i müfred ḡā‘ib olur. **Muṭr**, if‘āl bābından ism-i fā‘ildür, «iṭā‘at ü inḳıyād idici» ma‘nāsınadır ve mā-ba‘dine muzāfdur. **Ḥātemeş**, ḥātem ‘Arabīdür ve Fārisīde ma‘rūfdur, āḫirinde olan şīn ḥarfine muzāfdur. Şīn, zamīr-i ḡā‘ib-i müfreddür; mercī‘i ḥazret-i Süleymān ‘aleyhi’s-selāmdur. Ma‘lūm ola ki bu ḥātem-i şerīfe, Ḥātem-i Süleymān ve Mühr-i Süleymān didikleri gibi Fārisīde «Ḥātem-i Cem» daḥı dirler. Zīrā elfāz-ı Cem egerçi ma‘nāda «pādşāh» dimekdür. Lākin ḳaçan Cem lafzı «ḥātem» ile yāḥod «bād» lafzı ile yāḥod «āşaf» lafzı ile zıkr olınsa, andan ḥazret-i Süleymānı murād iderler. [S37a] Nitekim «āyine» lafzı ḳaçan «ḥikmet» ile veyā «hukemā» ile ve emşālī nesneler ile isti‘māl olınsa murād İskenderdür dirler. Ve ḳaçan «cām» ile veyā «bāde» ile veyā «sāḡar» ile isti‘māl olınsa murād Cemşiddür dirler. **Dīv**, kesr-i dāl-i mühmele ile ve sükūn-ı yā vü vāv ile «şeyṭān» ma‘nāsınadır dirler. Dīvūñ eyyidi vü ḡalīzına «ifrit» dirler. Ve perī dīv üzerine maṭūfdur. **Perī**, feth-i bā’-i ‘Acemī ile bir ma‘rūf maḥlūḳdur, mü‘min ü muvaḥḫidlerdür. Uçduḳları içün «perī» tesmiye olınmışlardır. Zīrā perī «ḳanadlu» dimekdür, bunda murād budur. Ve ḡāh isti‘āre ṭarīḳıyle «āftāb» ma‘nāsına gelür. Maḥbūba, «perī-peyker ve perī-rüy ve perī-çihre» didikleri bu ma‘nācadur. *Vaşf-ı Ḥātem-i şerīf-i Süleymān ‘aleyhi’s-selām*: Vaqtā ki ḥazret-i Süleymān ‘aleyhi’s-selām tāc-ı nübüvvet [Ü18b] ile ser-efrāz ve maḳām-ı ḥilāfetde hemişe namāz ü niyāz ile ‘ibādet-sāz iken ذلك فضل الله يؤتيه من يشاء mışdāḳınca mevhibe-i ḥazret-i Ḥayy u Laṭīf olan ḥātem-i şerīfī emr-i Rabbü’l-enām ile ḥazret-i Cibrīl ‘aleyhi’s-selām bu vaşf üzre cennet-i a‘lādan alup Muḥarremü’l-ḥarāmuñ on toḳuzuncı günü yevm-i cum‘a olmaḡ üzre ḥazret-i Süleymān ‘aleyhi’s-selāma inzāl buyurdi. Ol ānda ḥazret-i Süleymān namāzda bulunmışdı. Pes ‘ale’t-tamām namāzın itmām ve ferāḡ u selāmdan soñra ḥazret-i Cibrīl ‘aleyhi’s-selām ḥātem-i ḥilāfet-penāhı ber-mücib-i emr-i İlāhī teslīm ve ol daḥı لا اله الا الله محمد رسول الله ḳırā’etiyle ḳarīn-i nazar-ı ḳabūl ve Ḥudāya şükr-i şad

hezār ü hāmd-i bisyār ile maḳbūl buyurduğında ‘ālem-i dünyā sürūr u ḥubūr ile memlū olup cümle zī-rūḥ ile bu sürūr ile secde-i şükre ser-fürûlûḳda سبحان من غير من يشاء و هو الفعال لمن يشاء و يذل من يشاء ile tesbīḥ-ḥ’ān ve hāmd ü şenā-yı firāvān kıldılar. Lākin ḥātem-i şerīf kevkeb-i dürrī gibi laṭīf ve berḳ-ı lāmi‘āsā nūr-pāş-ı dīde-i dünyā olmağın رسول الله محمد kelimāt-ı şerīfesin tilāvet ile çeşm-i iltifātına kuvvet vermeyen seyr ü naẓarına ḳudret bulamaz idi. Ḥulāşa-i kelām ḥātem-i şerīf envā-ı nūr ile münnevver ve rāyihāsı misk-i ezfer-i ‘ūd u ‘anberden ber-ter idi. Ve şekl ü hey’atı [S37b] çār-güşe üzre olmağın her cānibinde ḳalem-i ḳudret ile muḥarrer bir faşş-ı envār var idi. Faşş-ı evvelde لاله الا الله kelām-ı lāle الا الله kl şey ḥālk الا menḳūş olmağın buña dīvler müsahḥar idi. Ve faşş-ı s̄ānīde لاله الا الله kl şey ḥālk الا merḳūm olmağın buña, berārī vü felevāt ü şahārī vü mīşe vü būstānuñ sibā ve s̄ā’ir ḥayvānāt u ḥaşerātı müsahḥar idi. Faşş-ı s̄ālīde له الملك وله الكبرياء والسلطان والعزة nigāşte olmağın buña şarḳan ve ğarben mülūk-i eṭrāf müsahḥar idi. Faşş-ı rābī’de فتبارك الله احسن الخالقين olmağın buña şarḳan ve ğarben mülūk-i eṭrāf müsahḥar idi. Faşş-ı rābī’de muḥarrer olmağın sükkān-ı enhār u biḥār ve nebātāt u eṣcār müsahḥar idi, kezā fī-Ḳaşaş-ı Kisā’ī. Ve daḥı ‘Arā’is-i Vānīde [Ü19a] eyidür: Ḥātem-i ḥilāfetüñ nüzül ve dest-i mübārek-i ḥazret-i Süleymāna vuşulinden soñra ḥazret-i Süleymān dergāḥ-ı Ḳadīmü’l-iḥsāna leb-cünbān-ı du‘ā olup ملكا رباغفرلى وهبلى müfādınca Vāhibü’l-‘aṭāyādan ğufrān ile mülkinüñ ‘azamet ü şānın فسخرنا له الريح تجرى بامرہ رضاء حيث اصاب والشياطين كل بناء: recā buyurmağın ḥazret-i Rabbü’l-erbāb: nazm-ı kerīmi üzre du‘ā-yı şerīf ve recā’-ı laṭīfın müstecāb itmegin emr-i Süleymān ‘aleyhi’s-selāma hevā vü ‘amele vü ırġad olan bennā vü ğavvāş-ı deryā maḳūlesi şeyāṭīn ve bu ṭā’ifeden ḳābil-i ḳayd-kerān olan eşḳiyā-yı ‘inād-āġīni müsahḥar eyledi, intihā. Ḳaldı ki له الملكا وهب لي ملكا ile du‘ā-yı şerīfine ‘ulemā’-ı muḥaḳḳıḳīn nükte beyān idüp buyurmuşlardır ki: Süleymān ‘aleyhi’s-selāmuñ dünyāya maḥabbet naẓarı olmadığı şān-ı nübüvvet-nişān-ı ‘ālīlerinden nümāyāndur. Lākin naẓar-ı ḥaḳīḳat-bīn ü nūr-ı ‘ayn-ı yakīn ile mülk-i dünyānuñ ḥaṭarnāk idigin idrāk ü iz‘ān-ı pāk buyurmağın ol ma‘den-i luṭf ü seḥā ve menba‘-ı kerem ü aṭānuñ biḥār-ı merāḥimleri ‘ālemüñ saltanat-ı şūrīsinden maḥşūr olan ve olacaḳ pādşāhān üzerine mevc-endāz olmağın anlaruñ ḥāllerine merḥamet birle ḥaḳḳlarında Ḥudādan [S38a] şefā‘at dileyüp me’āl-i ma‘nā-yı recāda: “Yā Rabb ! Bu mülk ü devlet ve rif‘at-ı pāye-i saltanatuñ kerāmātı vü kemālātını şol ḳuluña iṭā vü iḥsān eyle ki aña ‘iffet ü istikāmet ve ‘işmet ü ‘adālete tevḫīḳ ḳılmış olasuñ, nitekim bu saltanat ve mecd ü devleti baña öyle virdüñ. Tā ki ol şāh-ı cihān-bānī tevḫīḳuñ ile zamānesinuñ sultānı ola. Pes böyle olan şāh-ı ‘ādil zamāne ḥasebiyle neḳadar benden soñra gelürse ma‘nāda «ma‘ī» olur, «min ba‘dī» olmaz.” Ya‘nī ‘adālet şāḥibleri benimle ḥaşr olur demek olur, intihā. İmdi cihāna şāh olan şāḥib-i devlet ü cāh, dünyāya meyl ü maḥabbet maġrūriyyet-i saltanatdan ḥazer ve şad hezār reng ü būydan [Ü19b] güzer idüp hem de Süleymān-ı zamān olmaḳ gerekdür diyü taḥḳīḳ-i ḥaḳīḳate ḥazret-i Mevlānā *mesnevī*:

رب هبلى از سليمان امدست

که مده غير مرا اين ملك و دست

بیم سر با بیم سر با بیم دین
امتحان نیست مارا مثل این

ile işâret buyurmuşdur. Sulţân-ı cihānuñ mû-be-mû haţarnāk ve kendüde baş u dîn havfleri oldığı meşhûr-ı ‘ayn-ı erbâb-ı idrâkdur. Hattâ Meşâbîh-i Şerîfüñ bâb-ı emâretinde İmâm Begavîden işbu hadîs-i şerîf mervîdür ki: قال النبي عليه الصلاة والسلام انكم سنحرسون على الامارة وانها ستكون عليكم ندامة فنعم المرزعة و. نسبت الفاطمة «Mürzi’a» zât-ı leben olandur, «fâtîme» lebeni munkaţır olandur. İmdi bu hadîs-i şerîf üzre emâretüñ nedâmet olması kendüde cereyân-ı ‘adâlet nâdir olduğındandır. Ve Fahr-i ‘âlemüñ emâreti mürzi’a ile darb-ı meşeli şâhibine mevşûl olan menâfî-i ‘âcile hasebiyledür. Fâtîme ile darb-ı meşeli kendüde in‘izâl veyâ mevt ile inkıţâ-ı menâfî olduğına göredür. Bunda maḥşûşun bi’l-medḥ ve’z-zemm maḥzûfdur ki; emâretdür. Ve daḥı «ni‘me» fi’l-i ğayr-ı munşarıfdur; fâ‘ili mü’ennes olduğda kendüye tâ’-i te’nîşüñ ilhâkı ve terki câ’izdür. Pes enbiyâ’-i kirâm [S38b] ‘aleyhimü’s-selâm hâzerâtından ğayrı âḥâd-i nâsdan olan pâdşâhân-ı cihānuñ heybet ü şevket ve huṭbe-i nâm-ı devletleri hevâdandır; perîşân u fânî ve bî-nîşân olur. Ammâ enbiyâ’-i ‘izâm ‘aleyhimü’s-selâmuñ icâzet-nâme-i devlet ve ‘alâmetleri Cenâb-ı Kibriyâdandır. Hudānuñ kibriyâ vü ‘azametine zevâl ü fenâ ṭârî olmadığı gibi cânib-i şerîfinden meb‘ûs olan enbiyâ’-i zî-şānuñ daḥı mevhibe-i İlâhî didigimiz şevket ü ‘azametlerine zevâl-i tırpan ilmez. İmdi bu beyānuñ tîzâhı şöyledür ki; âḥâd-i nâsdan olan selâṭîn-i sālifenüñ darb-ḥâne-i saltanatlarında nāmlarına darb u nakş olunan şāḥâ’if-i sîm ü zerleri nāsuñ ekşeri hıfzı ol şāḥānuñ esāmîleri bulunduğı içün ve beyne’n-nās meymenetlü olduğ içün degüldür. Belki cem‘-i mâle dil-dâde olan nâ-kesānuñ nazarında mu‘teber olmağın gâḥ şandûka-i ḳufl-i âheninde [Ü20a] muḳaffel ü mestür ve gâḥ zîr-i ḥāk-i ibtizâlde mübtezel ü maḥşûr olup nâ-gâḥ ol ḳufl-i muṭalsem mazḥar-ı kilid-i fütuhât olduğda ḥalâş-yâfte-i habs ü zindân-ı nâ-kesân olduğ içün ecnâs-ı nās ellerinde devr-i bâzâr-ı şarf u tebdîl belki pûte-i zergerānda maḥv-ı esāmî ile tağyîr ü taḥvîl olur. Ammâ dâru’n-naḳş-ı ta‘zîm ü tebcilde nuḳûş-yâfte-i sikke-i teyemmün ü teberrük olan nâm-ı celîl-i Aḥmed ü Muḥammed ‘aleyhi’salâtü ve’s-selâm hemîşe tebdîl ü tağyîrden maḥfûz ve ‘ayn-ı ihtirâm ile melḥûz olup, gâḥ ruḥsâre-i ḥûbānda teyemmünen ḳarâr ve gâḥ ru’ûs-ı etḫâl-i şeref-nîşānda teberrüken cāy-gîr-i veḳâr olmaḳdadur. Ve nigâşte-i şāḥâ’if-i evrāk-ı kütüb-i letâ’if olan esāmî-i şerîfe-i enbiyâ’ ve ḥuşûşā tevḳî’-i ḳıbāle-i nübüvvet olan ism-i Ḥâtemü’l-enbiyâ’ ilâ-yevmi’l-ḳıyām tilâvet-kerde-i elsine-i enâm ve nâm-ı vâcibü’l-ihtirâmları zîb-baḥş-ı menâbir-i huṭabā-yı cum‘a vü bayramdur. Ḳaldı ki; “Âdemden Ḥâteme ve Âdemden⁹ ilâ-yevmi’l-ḳıyāmeh güzerân iden enbiyâ’-i zî-şānuñ cümlesine îmân getürdüm.” demek kâfidür. Zîrâ enbiyâ’-i kirāmuñ cümlesinüñ esāmî-i şerîfeleri bu zamānda ma‘lûmumuz degüldür dimişler iken ve daḥı ekşer-i şerāyır-ı selefi [S39a] şerāyır-ı ḥalef nesh eylemişken taḥḳîḳ-ı şābîḳ niçe olur? dinür ise cevâb oldur ki *meşnevî*:

نام احمد نام جمله انبياست
چونکه صدر آمد نود هم پیشماست

⁹ Her iki nüshada da “Ḥâtemden” şeklinde yazılmıştır. Ancak anlam gereği “Âdemden” olmalıdır.

müfâdınca Fahr-i ‘âlem şallâhu ‘aleyhi ve sellem hazretlerinin nâmı cümle-nün nâmıdır. Ya‘nî nâm-ı Sultân-ı enbiyâ’ mecma‘-ı esâmî-i cümle-i enbiyâdur. Ve şer‘ati hülâşa-i cümle-i şer‘iyî‘dur. Zîrâ haqîkî cāmî‘, cem‘î-i haqāyîk ve rûh-ı pür-behçeti cümle-i ervāh u ‘ulūma hadā’îk‘dur. İmdi nām-ı Ahmed zîkr olındıkda esâmî-i şer‘fe-i cümle-i enbiyâ vü aşfiyâ zîkr olunmuş gibidür. Nitekim a‘dâddan yüz ‘adedin disek, toksan ve seksen ve yetmiş ve altmış tâ ahadât-dan âhade varınca bu yüzüñ derûnında mevcûddur. Ve ‘aded-i şad bu cümleyi cāmî‘dür. *Fā‘ide*: Tefsîr-i Şeyh Ebā Kāsım bin Cebîbde Vehb hazretlerinden rivāyet böyledür ki; Vehb hazretleri eyitmiş: Ba‘zı kütübde gördüm [Ü20b] ki hazret-i Süleymân ‘aleyhi’s-selām bir ân-ı sa‘d-iķtirānda semend-i hevāya süvār olup bā-devlet ü iķbāl Vādî-i Nemle sāye-endāz-ı şeref-i şevket ü iclāl buyurdıkda hasbe’l-mu‘cize üç mîl mesāfeden aķvāl-i nemli istimā‘ vü idrāk ‘ādāt-i pāk ü sîret-i tâbnākleri olmağın nā-gāh قالت نملة ياايهاالنمل ادخلوا مساكنكم لا يحطمنكم سليمان āyet-i şerîfinün mażmûn-ı ‘ibret-nümünü üzre nemlenün ol vādîde olan mūrāna mesākinlerine duħûl ile emre mübāderet ve haţm-i cünûddan anları himāyet ü şıyānete dā’ir maķālesin istimā‘ buyurdıkda ‘inān-gîr-i eşheb-i hevā olup eyitdi: “İy nemle-i şîrîn-edā ! Kendümüz rākib-i semend-i hevā iken senün mūrāna duħûl-i künām-larına delāletde لا يحطمنكم ya‘nî; «pā-zede-i cünûd-ı Süleymân olmayasuz» dimekdür; murāduñ nedür?” diyü su‘āl-i şerîf buyurdıkda cevābda nemle eyitdi: “Yā nebiyya’llāh! Haţmden murādum pā-zede-i şiklet olmaları degüldür. Belki mūrānuñ ķulūbların haţmden himāyetdür. Ya‘nî Cenāb-ı vālā-şānuñ mülk-i ‘azamet-‘ünvānına nazār u seyrān zımnında şāyed temennā-yı mülk idüp, ol temennā sebebiyle ķulūbları mażhar-ı haţm olmaya” [S39b] dimişdür. Ve rivāyet-i uħrā üzre cevāb-ı nemle-i hoş-haber bu olmuş ki: “Mūrāna duħûl-i künām ile emr ü nefh eyledigüm kevkebe-i devlet-i iclāl ve mevkibe-i mülk-i ‘azamet-iştimalüñize nazār u seyrān idinceye dek zîkr ü tesbîhlerinden dūr olmaları havfumdan nāşîdür. Ve zîkr ü tesbîhden dūr olanlaruñ haţm-i ķulūbı ma‘lûm u meşhûrdur” dimişdür. Ba‘dehü nemle-i mezkûre eyitdi: “Yā nebiyya’llāh ! Hazret-i Mute‘ālden ne şey’uñ huşûlin recā vü su‘āl buyurduñ?” Hazret-i Süleymân eyitdi: “ملكا لا ينبغي لاحد من بعدى” Pes nemle eyitdi: “Yā nebiyya’llāh Hudā-yı vāhibü’l-‘aţāyā cenābuña ne i‘ţā kıldı?” Hazret-i Süleymân ‘aleyhi’s-selām eyitdi: “Menāţ-ı mülk ü taşarruf olan hātem-i hilāfeti kerem ü ihsān kıldı.” Nemle eyitdi: “Yā nebiyya’llāh ! Hātem-i şerîf hācer oldığı hayşıyyet ile kendü ile iftiħār olunmaz.” Ba‘dehü eyitdi: “Yā nebiyya’llāh ! Hudā saña dağı ne i‘ţā kıldı.” [Ü21a] Süleymân ‘aleyhi’s-selām eyitdi: “Merkeb-i hevāyı i‘ţā kıldı.” Nemle eyitdi: “Yā nebiyya’llāh ! Bir merkebe süvār olmuşsuz ki ber-mantûķ-ı nazm-ı Kerîm غدوها شهر dur. Süvār olacak semend-i bād-pā oldur ki rākibi tarfetü’l-‘aynda müşîl-ı menzil-i vālā ve resānende-i Arş-ı a‘lā ola.” Ba‘dehü eyitdi: “Yā nebiyya’llāh ! Cündümün baña i‘ţā‘ati cünûdunuñ cenāb-ı vālā-şānuña i‘ţā‘atinden ziyāde gibidür. Zîrâ senün cünûduñ senden rızķ u ma‘îşet taleb idüp ba‘dehü cür‘et-āmîz-i ma‘şıyyet-i Rabb olurlar. Ammā benüm cündüm Hudāya i‘ţā‘at iderler ve benden rızķ talebinde olmayup kedd-i yemînlerine ķanā‘at kılarlar.” Ba‘dehü eyitdi: “Yā nebiyya’llāh ! Peder-i vālā-maķāmuñ nām-ı bülend-iħtişāmı Dāvūd ve cenāb-ı vālā-şānuñ nām-ı devlet-nişānı Süleymân olmaķda nükte-i hafıyye nedür ve ma‘nā-yı behıyye nedür? dinürse, cevāb budur ki: ” ان اباك داوى جرحه فود وانت

“سليم آن لك ان تلحق ابيك” Pes ol zamān ḥazret-i Süleymān ‘aleyhi’s-selām bu kelām-ı ḥikmet-nizāmı nemleden istimāc buyurdıkda [S40a] nemleden ḥazr-ı tām idüp şākir-i ni‘am-ı celīle-i Rabbü’l-enām oldığını قولها من قولها فتبسم ضاحكا من قولها ilā-āhiri’l-āyeh nazm-ı kerīminüñ beyânında Vānī ‘aleyhi rahmetü’s-Samedānī bu vechle zīb-efzā-yı ruḥsāre-i ‘Arā’is-i Ma‘nā olmışdur.

﴿ از تن صابر بكرمان قوت داد ﴾ Şābirüñ gövdesinden ḳudrlara ḳüt u ḡidā virdi. **Ez-ten-i şābir**, izāfetle «ḥazret-i Eyyüb ‘aleyhi’s-selāmuñ cesed-i mübārekinden» dimekdür. Zīrā «ez» lafzı min-i cārre ma‘nāsınadır. Ten; Fārisīdür «gövde» ma‘nāsınadır. Baş ve el ve ayak lafzınuñ müsemmasından ḥāricdür. Nitekim ‘Arabīde olan «beden»den eṭrāf ḥāricdür. Ḥattā tende baş dāḥil olmamağın başı olmayan nesnede «ten» müsta‘meldür. Ve daḥı gāhī ten lafzı zıkr idüp şaḥṣuñ zātını murād iderler. Ve daḥı «şābir»den murād ḥazret-i Eyyüb bin ‘Īş bin İshāk ‘aleyhi’s-selāmdur ki ḥazret-i Rabbü’l-erbāb Ḳur’ān-ı kerīminde انا وجدنا صابرا نعم العبد انه اواب ile medḥ idüp kendüye şābir dimişdür. Pes lafz-ı şābir bunda [Ü21b] ‘alem mecrāsına cārī olmağın Eyyüb demek yirindedür. Bu ta‘bīrde nükte şabrı memdüh-i Perverdgār ve şabruñ encāmı selāmet idigin iş‘ār içündür. Pes nāzımuñ daḥı şābir ile ta‘bīri bu āyet-i şerīfe telmīḥ ü imā içündür. **Be-kirmān**, «ḳudrlara» dimekdür, zīrā evvel-i kelimedede olan bā’-i meftūḥa bunda ilşāk içündür. Kirmān, kesr-i kāf-ı ‘Arabī ile cem‘-i Fārisīdür, müfredi kesr ile «kirm»dür. Pes luḡat-i Fārisīde cem‘i murād olınan ism-i müfred eger zevi’l-‘uḳūl ve zī-rūḥ olur ise ve āḥirinde hā’-i resmī bulunmaz ise mā-naḥnū fihi gibi cem‘i elif ve nūn ile olur. Ve eger hā’-i resmī bulunur ise cem‘i «gān» lafzını āḥire ilḥāk ile olur, meşelā ḥ‘ācegān gibi. Ve eger zevi’l-‘uḳūl olmazsa anda ḥāl ikidür; zīrā cism-i nāmī olur veyā ism-i cāmīd olur. Cism-i nāmī şüretinde nümāsı itibāriyle müşābih-i zevi’l-‘uḳūldür diyü elif nūn ile cem‘lenmek ve bī-‘aḳl u bī-rūḥ olması itibāriyle «hā» lafzıyla cem‘lenmek cā’izdür. [S40b] Meşelā «diraḥt» lafzınuñ cem‘inde «diraḥtān ve dirāḥthā» demek cā’izdür. Ve cism-i nāmī olmayup cevāmidden olursa cem‘i her bār «hā» iledür. Nitekim āsmānuñ cem‘inde feḳaṭ «āsmānhā» dirler. **Ḳüt**, ‘Arabīdür; Fārisīde daḥı müsta‘meldür. Ma‘nāsı «bedeni ḳā’im kılan ta‘āma» dirler, Fārisīsi «āşām»dur. Ve ‘inde’l-ba‘z «sedd-i ramaḳ» olınan nesnedür. **Dād**, «virdi» ma‘nāsına māzīdür. *Ḳaşaş-ı Eyyüb ‘aleyhi’s-selām*: Bunda icmālen beyān-ı ‘ulemā böyledür ki; ḥazret-i Eyyüb ‘aleyhi’s-selām bilād-ı Şām-ı bihişt-iḥtişāmdan Beyşiyye nām bir maḥallde temekkūn ü ārām buyurmuşıdı. Ve ḥatunı Leyyā binti Ya‘ḳūb ‘aleyhi’s-selām ve bir rivāyetde Raḥīme binti Efrāyim bin Yūsuf ‘aleyhi’s-selām idi dirler. Ol maḥall-i mübārekede ‘ale’-d-devām hem-ser-i ‘iffet-iḥtişām ve evlād-ı kirāmıyle şākir-i ni‘am-ı Rabbü’l-enām olmuşıdı. Zīrā ol ḥānedān-ı ‘ālī-şāna ḥazret-i Müste‘ān niçe evlād-ı kirām ve niçe emvāl-i berekāt-nizām iḥsāniyle seksen sene beden-i şerīfine ‘āfiyet ni‘metin kılmışıdı. Pes اشد الناس بلاء الانبيا ثم الصالحون ḥadīṣ-i ḥikmet-nümünü üzre ol ḥazretüñ şābir-i kāmīl oldığın izḥār u imtiḥān bedīdār eylemek [Ü22a] zımında bi-emri’llāhi’l-Meliki’l-‘Azīzi’l-‘Allām evvelā evlād-ı kirāminuñ üzerlerine sākin oldukları ḳaşr-ı müstāḥkemüñ inhidāmıyle cümlesi ‘āzim-i Dārü’s-selām oldılar. Ba‘dehū ‘ilm-i Bārīde ma‘lūm olan esbāb-ı ḥafīyye üzre emvālī cümle telef oldu. Ba‘dehū on sekiz sene ve bir rivāyetde on üç sene ve bir rivāyetde yedi sene ve yedi māh ve yedi gün ve yedi sā‘at ḳalb-i şerīf ve lisān-ı laṭīfinden mā-‘adā beden-i leṭāfet-iḥtivāsı zurra

mübtelâ oldu. Ve eyyâm-ı ibtilânuñ hitâmına degin şabra mülâzım ve şükre müdâvim idi. Nâ-gâh nihâyet zurr u belvâ ve gâyet-i sâ'at-i ibtilâdan bi-emri'llâh vahyen âgâh oldıkdâ و ایوب ان نادى ربه انى میشدākınca 'arz-ı niyâz ile çâre-sâz-ı dergâh-ı [S41a] Rabbü'l-âlemîn oldıkdâ cenâb-ı Rabbü'l-erbâb du'â-yı şerîfini müstecâb idüp و شراب emr-i müste'tâbına bir âb-ı nâb-âsâ ol zât-ı 'âlî-cânuñ sem'î sa'âdetine vahy ile işrâb eyledikde emr-i zû'l-celâle şedd-i ni'tâk-ı imtişâl eyleyüp mübârek kâdemîn Câbiye nâm maḥallde zemîne dârb idince bir nâzûk pınâr-ı hayât-âşâr ve bir rivâyetde ber-mantûk-ı âyet-i şeref-şî'âr biri bârid ve biri hârr olmaḥ üzre iki pâkîze pınâr zâhir ü bedîdâr olup mâ'-i bâridden nûş-ı cām-ı şafâ ve mâ'-i hârr ile emr-i ğusle iktidâr buyurdıkdâ âftâb-ı vücûdından def'-i şehâb-ı zurr u belvâ ile maẓhar-ı envâr-ı şifâ oldu. Ve dest-âvîz-i peyk-i İlâh olan hediye-i behiyye vü ḥulle-i seniyyeyi iktisâ ile şâkir-i ni'am-ı celîle-i Vâhibü'l-a'tâyâ oldu. Ve ber-mantûk-ı âyet-i kerîme hem-ḥ'âbe-i 'iffeti olan ḥâzret-i Raḥîme ile mesned-ârâ-yı şıḥḥat u ikbâl ve maẓhar-ı berekât-ı evlâd u emvâl oldılar. *Fâ'ide*: ḥâzret-i Eyyûb 'aleyhi's-selâmuñ menba'-ı âb-ı şifâsı olan Câbiye nâm arzuñ beyânında arz-ı mezkûr ḥayyât u 'aḳârib ile meşḥündür. Nitekim arz-ı Nuşaybîn 'aḳâribile maḥzündür dimişlerdür. İmdi cenâb-ı Bârîden gelen beliyyâta şabr idenlerüñ âb-ı şifâsı her ne kadar âmîḥte-i zehr-âb olsa hengâm-ı şifâda zehr-i rûzgârdan zarar-âlûd olmaz ve kudret-i İlâhî dâ'ire-i 'aḳla şıḡmaz [Ü22b] idigine bunda işâret âşkârdur. *Nûkte*: Bu mışrâ'-ı bâb-ı ḥikmetden ṭâlî' olan nûkte-i 'âşîkâne bu vechle nûr-pâş-ı maşrûḳ-ı beyân olur ki; bûlbûlân-ı gülşen-i 'ışḳ-ı İlâhî olan 'âşîḳ u şâdıklar ḥâr-ı ibtilâdan ḥâlî olmazlar ve ol imtiḥân-ı Sübhânînuñ encâmı selâmet-i câvidânî olmaḡın ol ḥâr-ı ibtilâyı gûyâ ğidâ ve tezâḥüm-i belâ vü cefâyı zâtında şafâ 'add idüp و من الحبيب حبيب كل شیئ müfâdıncâ cānib-i maḥbûbdan gelen luṭf u ḳahr u 'adâvet ve mihr ü tiryâḳ u zehre ḳabûl ü rîzâ gösterüp her ḥâlde şâkir olarak miḥneti maḥabbet ve belâyı velâ bilürler. (...[S41b]...)

﴿ هم ز یونس لقمة باحوت داد ﴾ Daḡı Yûnus 'aleyhi's-selâmı balıḡa bir luḳme virdi. **Hem zi-Yûnus**, «daḡı Yûnus 'aleyhi's-selâm» dimekdür. Zîrâ «hem» kelimesi bunda şol ma'ñâyadur ki Türkîde anı da «hem» ile ta'bir iderler. Meşelâ Türkîde «hem öyledür» didiklerini 'Acem «hem-çünānest» dimekle ta'bir iderler. Yâḥod bunda «hem» lafzı şol ma'ñâyadur ki Türkîde andan «de» ile ta'bir iderler. Meşelâ Türkîde «o da böyle oldı» [Ü23a] didikleri yirde 'Acem «o hem-çün būd» dirler. Ve gâḥî ba'zı maḥallde «hem» lafzı ifâde-i şirket için olur meşelâ yolda şerîke «hem-râh» ve ḥānede şerîke «hem-ḥāne» ve gölgede şerîke «hem-sāye» dirler. Ve bir yirde cem' olmış nesneye «ferāhem» dirler. Ve «yüzin dürdi» diyecek yirde «rûy der-hem keşîd» dirler. [S42a] Ve aḥlâḳ u ṭabî'atleri evzâ' ve ḥurmetleri birbirine muvâfîḳ olana «hem-meşreb» dirler. Nitekim *beyt*:

مشو هم مشرب و هم بزم زنه‌ار

با نکس که نمی باشد وفادار

beytinde böyledür. Ve Yûnus 'aleyhi's-selâm bin Mettâdur. Lāvî bin Ya'ḳûb 'aleyhi's-selâmuñ esbâtındandır. **Luḳme**'i, «bir luḳme» dimekdür. Luḳme, 'Arabîdür; «yudılan nesne»ye dirler ve Fârisîde müsta'meldür. Nitekim bir nev' ḥalvâya «luḳme-i ḥalîfe» diyü tesmiyeleri ḥakîm-i Ḥâḳānînuñ *beyt*:

كان لقمة خليفة كه از دست وی خوری

لوزینه(ای) است خورده الماس در میان

beytinde nümāyāndur. «Luḫmei»deki hemze vaḥdeti müş'irdür. **Bā-ḥūt**, «balıḡa» dimekdür. Bā ilşāḳ içündür, elifi zā'idedür. Ḥūt, zāmmıla 'Arabīdür; «büyük balıḡa» dirler ve 'inde'l-ba'z muṭlaḳā balıḡa dirler. Müfreddür, cem'i «ḥūtān» gelür. Farisīde «māhī» dirler, bunda murād budur. Ve gāhī kevākib burcınıñ on ikincisine ḥūt dirler. **Dād**, «virdi» dimekdür. *Ḳaşaş-ı Yūnus 'aleyhi's-selām*: Pes bunda icmālen beyān-ı 'ulemā böyledür ki; İlyās ve Elyesa' 'aleyhimü's-selāmdan şoñra Yūnus 'aleyhi's-selām Mevşul cānibinde Nīnuvī ḳavmine nebī gönderilmegin teblīḡ-i aḥkām ile güzāriş-yāfte-i şubḥ u şām oldı. Vaḳtā ki ḳavm-i mezkūr ḳabūl-i ḳavl-i Yūnus 'aleyhi's-selāmdan rū-gerdān oldıklarında ol ḥazret anlara ityān-ı 'azābu'llāh ile helāk haberin i'lān buyurup kendüsi ḥıram-āver-i cānib-i Şām oldı. Pes eşnā'-i rāhda sevk-i taḳdīr-i İllāhī ile Rūm diyārında sefīne-süvār olup ehl-i sefīne ile bādbān-küşā-yı keştī-i himmet ve bād-ı şurṭa-i tevḫīḳ ile seyr-i deryā-yı pūr-ḥikmet ider iken nā-gāḥ terāküm-i emvāc-ı baḥr emr-i İllāh ile sefīneyi ıztırāb iḥāṭa eyledi. Ol ān-ı ıztırāb-nişānda sükkān-ı sefīne selāmet-i ḥāl-i me'alleri [Ü23b] için içlerinden birini baḥre ilḳā eylemege ḳur'a-sāz olup, üç def'a ḳur'a-endāz-ı dā'ire-i meclis-i cem'iyet-nevāz oldılar. Ḳur'anuñ her birinde ilḳā-kerde-i baḥr olunmaḡa nām-ı Yūnus 'aleyhi's-selām zühür eyledi. Nitekim فکان من المدحضين فساهم naẓm-ı mübīni [S42b] bu beyāna dālldür. Pes Yūnus 'aleyhi's-selām müsteḡīsen bi'llāhi te'alā ol baḥre raḥmet-i İllāhī gibi nüzul-rām oldı. Ba'de'n-nüzul فالتقمه الحوت medlülince ol zāt-ı şerīf bi-emr-i İllāhī fütāde-i dehān-ı māhī olmaḡın ḥūt anı bi-taḳdīr-i Melik-i 'allām iltikām eyledi. Nāẓımuñ «luḫmei bā-ḥūt dād» kelāmı bu āyet-i ḥikmet-nizāma telmīhdür. Pes bir rivāyetde üç gün ve bir rivāyetde yigirmi gün ve bir rivāyetde kırk gün baṭn-ı ḥūt ve derūn-ı deryā-yı zulmātda çerāḡ-efrūz-ı nidā-yı tevḥīd ü du'ā' ve pertev-i pervez-i nūr-ı temcīd-i pūr-zīyā olmaḡ berekātında 'umūm-ı melā'ike-i kirām necāt-ı Yūnus 'alehi's-selām için du'ā-sāz-ı dergāh-ı Melik-i 'azīz ü 'allām olurlar idi. Çün ḥazret-i Rabbü'l-erbāb ol zıkr ü tesbīḥ ü du'āları müstecāb itmekle ol zāt-ı 'ālī-şāna baṭn-ı ḥūtdan necāt ve tārīk-i deryādan selāmet iḥsān idüp ve kendüden şoñra şeref-i īmān ile müşerref olan ḳavmini ru'yet-i nūr-ı dīdār-ı Yūnus ile ḳarīrū'l-'ayn u şādān ḳıldı. (...)

﴿ بنده را اره برسر می نهـد ﴾ Bir ḳuluñ başı üzre bıçḳı ḳor. **Bende'i-rā** ma'nāda **ber-ser** kelāmınuñ muẓāfun-ileyhidür. Me'al-i ma'nā-yı mecmū' «bir ḳulınuñ başı üzre» dimekdür. **Bende**, fetḥle muṭlaḳā ḳula dirler. Zükūr u ināşa şāmildür ve ma'nāsında «sebī» mu'teber degüldür. Ammā yene Fārisīde [Ü24a] «ḳul u ḳaravaş» ma'nāsına olan «berde» lafzında «sebī» mu'teberdür. Pes bunda bende, «'abd» dimekdür. Cümle-i nās 'abdu'llāh idigi bī-iştibāhdur. Āḫirindeki hemze vaḥdet içündür. Rā, edāt-ı mef'uldür. **Ber** lafzı bunda, isti'lā'ī olan «'alā» ma'nāsınadır. Ve **ser** bunda «baş» ma'nāsınadır. [S43a] Ve bundan mā-'adā «evc» ve «ulu» ve mecāzen «meyl ü heves» ma'nalarına gelür. **Erre**, fetḥ-i hemze ve fetḥ-i rā'-i müşeddede ile ālāt-ı neccārāndan «bıçḡu»nuñ adıdır. Sī'at-i kelāmda rānuñ taḥffī dahı cā'izdür. Lafz-ı mezkūr «mī-nehed» fi'līnuñ muḳaddem-i mef'ulidür. **Mī-nehed**; mī, edāt-ı ḥāldür. Nehed, müzāri'-i müfred gā'ibdür; «ḳor» dimekdür. Maşdarı «ḳoymaḡ» ma'nāsına «nihāden»dür. Pes bu mışrā'-ı

pākūn mā-şadaķına dā'ir eḥādīs-i şerīfe işāreti üzre selefde bunuñ vukū'ı niçeler ḥaķķında olmaķ gerekdür. Lākin kütüblerde ekşer-i meşūr ve elsine-i 'ulemāda meşhūr oldıķı üzre bunda murād ḥazret-i Zekerıyyā 'aleyhi's-selāma işāret olmaķ hüveydādur. Ve bu kışşanuñ icmālen beyānı böyledür ki; Yehūd-ı hızlān-ālūd ḥākimlerinden bir zālīm ü bed-kār ḥazret-i Yahyā 'aleyhi's-selāmı şehīd eyledikden soñra ol zālīm ü sitem-kāruñ hemser-i murdār u ehl-i beyt-i idbārı bir 'illete düçār olmağın, bu 'illetüñ zuhūrını ḥazret-i Yahyā 'aleyhi's-selāma olan ictisārından ve peder-i büzürgvār-ı Yahyā 'ālī-tebār olan ḥazret-i Zekerıyyā 'aleyhi's-selāmuñ inkisārından nāşī oldı diyü fikr ile 'ināda düşüp ḥazret-i Zekerıyyā 'aleyhi's-selāmı dađı şehīd eylemek kaşdına ibtidār itmişidi. Ol eṣnāda ḥazret-i Zekerıyyā 'aleyhi's-selām ol kavm-i zālīmīnūñ içlerinden fırķat ile Şām-ı şerīfe hicrete niyyet ve bādiye-peymā-yı rāh-ı ğurbet olmışidi. Pes ol zālīm-i bed-kār 'azīmet-i ḥazret-i Zekerıyyādan ḥaberdār oldıķda bir mıķdār ğürūh-ı küffār u fırķa-i füccār ile pā-nihāde-i rāh-ı diyār olup, ol nebiyy-i nāmdāra luḥūķ için müsāra'at eylediler. Pes zuhūr-ı ḥikmet-i İlāhī ile eṣnā'-ı rāhda nā-ğāḥ pā-ber-cāy-ı ḥizmet olmış bir dirāḥt bulunmağın, ol şecer-i şevķ-āver dīdār-ı Zekerıyyāsına 'aşıķānāsā tābe-dāmān çāk-i ğirībān olup ol nebiyy-i 'ālī-şānı derūn-ı şevķ-meşhūnına [Ü24b] da'vet ve cevher-i cān gibi şādef-i sīnesinde pinhāna himmet gösterdikde ol ḥazret bermuķtezā-yı ḥikmet da'vet-i şecere icābet buyumışidi. Meger dāmen-i devlet-pīrāmeninūñ bir ğüşesi Ḥaḫīm-i Beyt-i Ḥudāāsā dā'ire-i āġuş-ı şecerden be-der kılmağın [S43b] ol nişāne-i pāki a'dāya irā'et için şeytān-ı la'īn rehber-i ğürūh-ı melā'īn olup, ol şecere yakın gelüp, nişāne-i dāmānı bir ğüşeden irā'et ü i'lān birle, ol şecer-i devlet-eşeri kalemvārī şaķķa delālet idüp, bu ḥuşuşuñ temşiyetinde teşmīr-i bāzū-yı mel'ānet ve tedārük-i minşār-ı mefsedet kıldı. Pes ol kavm-i sitemkār 'alā-mā-işārin ileyhimü'l-la'īnī'l-idbār ihzār-ı minşār idüp ol dirāḥt ile ser-i sa'ādet-medār-ı Zekerıyyāyı tābe-dāmān şaķķ ile şehīd eylediler.

﴿ دیکریرا تاج برسر می نهـد ﴾ Bir āḫarınuñ başı üzre tāj ķor. **Dīgerī-rā**, kemā-merre aḫz-i ma'nāda ber-ser kelāmınuñ muzāfun-ileyhidür. Ma'nā-yı mecmū' «bir āḫarınuñ başı üzerine» dimekdür. Zīrā «dīger» ve bilā-yā' «diger» ğayr u āḫar ma'nāsına olur, bunda murād budur. Ve ğāḥī «dađı» ma'nāsına ve «ikinci vaķtı» ma'nāsına olur. Āḫirindeki yā vaḫdet içündür. Rā, edāt-ı mef'uldür. **Ber-ser**, «baş üzre» dimekdür. **Tāj**, Fārisīde ma'rūfdur. Pādşāḥān-ı kādīme maḫşūs olan nesnedür ki muraşsa' u mücevher ü müzeyyen idüp taḫtgāḥ-ı ḥükūmete cülūslarında geyerler idi. Anuñçün şāhlara nisbet ile tāj-ı Keyānī vü tāj-ı Ḥusrevānī dirler, bunda murād budur. Ve dađı ḥorūsuñ ve ḥüdhüdüñ ve emşāli kuşlaruñ depelerinde olan tüye dirler. **Nehed**, kemā-merre «ķor» dimekdür. Tāj muķaddem-i mef'ulidür, fā'ili zamīr-i müstetirdür; Ḥudāya rāci'dür. Pes bu ni'mete mażhar çoķdur, beyān-ı maḫşūşa ḥācet yoķdur. *İşāret-i şūfiyāne*: Ma'lūm ola ki fa'ālün limā-yürīd olan Rabb-i me'īd celle ve 'alā ḥazretleri bermuķtezā-yı ḥikmet-i bālīga bu maḫlūķāt bīşeżārında bir şāḫ-ı vüçüd-ı tarāvet-ālūdı vaż'-ı minşār-ı meşīyyet ü erre-i irādetiyle şaķķ u bī-ber ider ve ser-i şāḫ-ı dīgere vaż'-ı efser-i şikūfe-i behcet-eşer ile bār-āvīz yeler. Nitekim يفعل الله مايشاء و يحكم ما يريد mażmūnı bu beyānda zāhirdür. Ve erre-i irādetinūñ kaḫ'ına ta'alluķ eyledigi şāḫuñ bāġbānı anı redd ü def'de bī-mecāl ve zebān-ı su'ālī [Ü25a] çün وان يمسك الله بضر فلا كاشف له الا هو وان يردك بخير فلا راد Nitekim

bu ḥaḳīḳatde bāhirdür. Pes herkesüñ dirāht-i vücūdı bāḡbān-ı ḥaḳīḳatüñ ḳabza-i ḳudret ve taht-ı irādet ü meşīyyetinde olmağın, erre-i ḳazā vü ḳader ve minşār-ı meşīyyet-i pür-eşerinden ḥalāşa çāre yokdur. Binā'en 'aleyh bu esrāruñ vāḳıfları vü ka'be-i teslīmüñ 'āḳıfları evrādiyle ḥursend olmaşlardır. Nitekim 'ārīfān-ı İlāhiden nāẓım-ı merḥūm irādet ü meşīyyet-i pür-ḥikmeti bu kitābında beyān itdiği gibi Müferriḥ-nāme kitābında daḡı beyān-ı tām ile bu vech üze 'ıyān idüp buyurmuşdur, *naẓm*:

یکی را در جهان داده همه کام
یکی را رنج و محنت صبح تاشام

Ya'nī; cihānda bir ḳulına dūkelü kām virmişdür ve bir ḳulına renc ü miḥnet-i şubḥ u şāmı virmişdür.

یکی را افسر شاهی نهاده
یکی را قسمتی ماهی نهاده

Ya'nī; bir ḳulunuñ başına tac-ı şāhī ḳomışdur ve bir ḳulını daḡı ḳismet-i māhī ḳılmışdur.

یکی را داده مال و ملک بسیار
یکی را کرده با صد غم گرفتار

Ya'nī; bir ḳulına māl ü mülk-i keşīre virmişdür ve bir ḳulını niçe ḡamm ḳaydında esīr ḳılmışdur.

یکی را شادمانی یار همدم
یکی را صدهزاران غصه و غم

Ya'nī; bir ḳulını şādmānlığa yār u hem-dem ve birini mübtelā-yı şad hezārān ḡuşşa vü ḡamm ḳılmışdur.

یکی را از شرف برسر نهد تاج
یکی را کرده خوار و زار و محتاج

Ya'nī; birinüñ başına şeref ü devletden vaz'-ı tāc ve birini ḥaḳīr ü zār u muḥtāc eylemişdür.

یکی را کرده از خاصان درگاه
یکی را کرده در بتخانه کمراه

Ya'nī; birini şeref-i imān u 'irfān ile ez-ḥavāşş-ı dergāh ve birini büt-ḡānede ḡüm-rāh eylemişdür.

یکی را شهریار کامران کرد
یکی را دهد نانی بصد درد

Ya'nī; bir ḳulını şāh-ı kām-rān ider ve birine şad derd ile bir nān virür.

یکی را کرده ازاد دو عالم
یکی را بنده فرزند ادم

Ya'nī; bir ḳulını āzāde-i ḳuyūdāt-ı dü-'ālem ve bir ḳulını bende-i ḳayd-ı nıḳḳıyyet-i ferzend-i ādem eylemişdür.

یکی را عقل و دانش کرده رهبر
یکی از جمله حیوانات کمتر

[Ü25b] Ya'nî; bir kûlîna 'aql u 'irfânı rehber ve birini [S44b] cehl ile cümle-i hayvânâtdan kemter eylemişdür.

یکی بر تخت شاهی چون سلیمان

یکی چون یوسف مسکین بزدان

Ya'nî bir kûlîni tahtgâh-ı saltanatda Süleymân-ı zamân ve birini Yûsuf-ı miskîn gibi der-zindân eylemişdür. Pes Yûsuf zikriyle nâzım kendi ismine işâret ve الدنيا سجن المؤمن maẓmûnınca meclis-i 'âlemde maḥbûs-ı zindân olduğına îmâ buyurmuşdur dimek hoşdur. Ve bu beyânın ekşerine bu kitâbda işâret buyurduğu siyâk u sibâkda gelmiş ve gelecek ebyâtından nümâyândur. Her birinde tevzî'a hâcet yokdur, ma'lûmdur. Nitekim bu beyt iki cümlesini câmi'dür ki buyurur:

﴿ اوست سلطان هرچه خواهد ان کند ﴾ Sulṭân-ı ḥaḳîkî odur, her ne dilerse anı ider. **Ost**, «o» dimekdür; او است (o est) lafzından muḥaffefdür. «O» zamîr-i gâ'ibdür, «est» edât-ı haberdür. **Sulṭân** ma'rûfdur, 'Arabîde «saltanat»dan iştikâka göre «gâlib ve kâhîr» ma'nâsınadır. «Selîṭ»den iştikâkına göre «zulmi dâfir ve nûr-ı 'adl ile ḥalkı ziyâlandırıcı» ma'nâsınadır. Ve daḥı «ḥucet ve bürhân» ma'nâsına da menkûldür. Cem'i «selâṭîn»dür. Fârisîsi «şâh ve pâdşâh»dur. Bu lafzların tafşîli inşâ'a'llâh maḥallinde beyân olunur. **Her çi**, «her ne» dimekdür. Zîrâ «her» feth-i hâ ve sükûn-ı râ ile bir kelimedür ki ma'nî-i 'umûm ifâde ider, «her câ» ve «her kes» gibi. Bunda murâd budur. Ve daḥı bir dânedür ki buğday arasında biter, ekli muzırr olduğundan buğdaydan ayururlar. Çi «ne» ma'nâsına idigi ma'lûmdur. **H'âhed**, müzâri-i müfred-i gâ'ibdür; «diler» dimekdür. Maşdarı vâv-ı resmî ile «h'âsten»dür, «dilemek» ma'nâsınadır. **Ān**, «ol nesneyi» demek murâddur. **Koned**, «ider» ma'nâsına müzâri-i müfred-i gâ'ibdür, maşdarı «eylemek» ma'nâsına «kerden»dür. Pes ma'nâ-yı mısra'ı beyânda «odur sulṭân» dimek «o sulṭândur» dimekten eblağdur. Zîrâ ta'bîr-i evvelde ḥaşr fâ'idesi vardur, ta'bîr-i şânîde ḥaşr bulunmaz. Bunda ما يريد āyet-i şerîfine telmîḥ vardur.

﴿ عالمی را در دمی ویران کند ﴾ 'Ālemi bir ânda vîrân ve [S45a] ḥâk ile yeksân ider. **'Ālemî-râ**, «bu 'aẓîm 'âlemi» yâḥod «nice 'âlemi» dimekdür. Zîrâ âḥîr-i kelimedeki «yâ»; ta'ẓîm için yâ tekşir içündür. [Ü26a] 'Ālem, feth-i lām ile Fârisîde müsta'meldür; maḥlûḳâtın her birine ıtlâḳ olunur. Cem'i «'avâlim» gelür. Ve eşnâf-ı ḥalka «'âlemûn» dirler, bunda mâ-siva'llâh murâd olunmak eblağdur. Ve daḥı bâde meclisine «'âlem-i âb» dirler, bazı vâḳî' olur. **Der-demî**, «bir nefesde» veyâ «bir zamânda» dimekdür. Zîrâ «der» lafzı zarfîyyet içündür. «Demî» kelimesinde yâ vahdet içündür. Dem bunda «nefes ve zamân» ma'nâsınadır. Ve bundan mâ-'adâ on toḳuz ma'nâyâ daḥı gelür, tafşîli Ferheng-i Şu'urîde meşṭûrdur. **Vîrân**, ma'mûrûn zıddıdır, nitekim şâ'irûn beyt:

هر لحظه دلم را پسری کرد تصرف

ویران شده چون وقف اولاد نکورست

beytinde ma'nâ-yı mezkur zâhirdür ve bu beytde vâfir leṭâfet vardur, ehline ma'lûmdur. **Koned**, kemâ-merre «ider» dimekdür. Ma'lûm ola ki *beyân-ı 'âlemde* ulemâ-yı muḥaḳḳıḳînden kelâm çokdur ve bu maḥallde tafşîle maḥall yokdur. Ancak ḥulâşa budur ki; 'âlem vücûd-ı Şânî'a 'alâmet olduğu için, kendü

ile vücūd-ı Hālîka istidlāl olınan nesneye ‘ālem dimişlerdür. Meşelâ, ‘ālem-i ins ve ‘ālem-i cinn ve ‘ālem-i melek ve ‘ālem-i nebātât ve sâ’irlere ‘ālem ta’bîrleri gibi. Pes mā-siva’llāha ‘ālem demek bu ma’nâcadur. Ve ‘adedinde ‘ālem on sekiz biñ demek, mā-siva’llāhuñ a’ḍadı cümle budur demek degüldür. Zîrâ Vehb ḥazretleri eyidür: “Ḥudā-yı müte‘āl on sekiz biñ ‘ālemi ḥalk eyledi, dünyā ol ‘ālemden ba’zıdır”, intihā. İmdi nāzımuñ bu kelāmındaki ‘ālemdan, ‘ālem-i dünyā murād olınur ise irāde-i Bārī vîrânına ta‘alluḳ eylediği ānda ḥarāb u yebāb olacağı bî-irtiyābdur. Nitekim Tūfanda ḥasbe’l-irāde ‘ālem-i dünyā bir ānda ḡarḳ ile vîrān oldı. Ve eger mā-sivā murād olınursa ke-zālîk vîrān olacağı meṭūr-ı cümle-i kitābdur ki her bir zî-rūḥuñ ecel-i mev‘ūdları resīde-i ḥitām oldıḳda nefḥ-i şūr ile bî-cān ve hengām-ı ḥaşrde يوم تبدل الارض غير الارض müfādınca ‘ālem ḥāk ile [S45b] yeksān u vîrān olur. *Naẓm*:

بيک ساعت بيک لحظه بيک دم

دکر کون ميشود احوال عالم

Bu beyānda kāfîdür. Ve nāzımuñ «der-demî» ḳavlinüñ medlûlince bir nefesde veyâ bir zamānda didiği Ḥudānuñ sür‘at-i ḳudretin ‘uḳûle tefhîm içündür. [Ü26b] Yoksa Mevlānuñ luṭf u ḳahrınuñ sür‘ati güncāyîş-pezirān-ı zamān ve cāy-gîr-i ‘uḳûl-i insān degüldür. Pes ef‘ālu’llāhda olan ḥikmet-i gün-ā-gün bâ‘îş-i ḥayret-i dil-i erbāb-ı fûnûn olmuşdur. Ve bu seyrānuñ ḥayrānı iki kısımdur. Ḳısm-ı evvel, ḥayrān-ı ḥaḳḳ şeklinde ḥayrān-ı ḥalk olandur ki libās-ı ehl-i dîn ü ziyî-i eşḥāb-ı yakîn ile vü kelām-ı meşāyih ile cem‘-i ḥitām-ı dünyā ve celb-i ḳulûb-i aḡniyâ idenlerdür. Bu kısmuñ şüretâ ḥayrānlığı kendüye bâ‘îş-i ḥızlān olur. Ammâ ḳısm-ı şānî şol müstaḡrak-ı baḥr-i maḥabbet-i ḥaḳḳ olandur ki dā’imā şarāb-ı ‘ıṣḳ ile sekrān ve syr-i sun‘-ı İlāhîde ḥayrān olmaḡın لايسئل عمايفعل وهم يستلون maẓmûnıñ nigāşte-i şaḥîfe-i cān kılmuşdur.

﴿ هست سلطانى مسلم مرو را ﴾ Anuñ için sulṭānlıḳ vardur yāḥod ma’nā; sulṭānlıḳ ancak ana müsellemdür. **Hest**, «vardur» dimekdür. Zîrâ bu kelime «vücūd» ma’nāsın müfîd olan «hā» lafzı ile edât-ı ḥaber olan «est» lafzından mürekkebdür. Pes aşlı هاست (hā est) idi, ba’dehū def‘-i ictimā’-ı sâkineyn için ḳā‘ide-i muḳarrere-i ehl-i Fûrs üzre «est» lafzınuñ hemzesi lafzan ve ḥaṭṭan ḥazf olındı. Ve taḥḫîfen fi’l- kelām «hā» lafzından daḡı elif ḥazf olunup «hest» oldı. İmdi ma’nā-yı evvele göre bunda ma’nā «vardur» demek olur. Ve gāḥî «hest» kelimesi edât-ı ḥaber olan «est» ma’nāsına olur; «est», «hest» ma’nāsına oldığı gibi. Pes buña göre «hest», «est» ma’nāsına olmaḡın ma’nāda müsellemet demek olur. **Sulṭānî**, āḫirindeki yā’-i maşdariyye ile «sulṭānlıḳ» ma’nāsınadır. Pes salṭanat ma’nāda «ḡalebe ve ‘azamet» demek idigi beyān-ı sâbıḳadan nümāyāndur. **Müselle** tef‘îl bâbından ism-i mef‘ûldür, ma’nası ma’rûfdur. **Mero-rā**, ma’lûm ola ki lafz-ı «mer» Fārisîde iki ma’nāya [S46a] gelür. Ma’nā-yı evvel ‘aded-i ḥamsîn için mevzûdur. Zîrâ muḥāsebān-ı ‘Acem ‘indinde ḳā‘ide-i muḳarreredür ki ḥisāb elli ‘aded mertebesine varsa; «yek-mer» dirler ve yüz ‘adedine varsa «du-mer» dirler. Ma’nā-yı şānî; kelime-i zā’idedendür, taḥsîn-i lafz için gelür. Nitekim mā-naḥnū fîhîde böyledür. Pes mero-rā, «anuñ [Ü31b]¹⁰ için» demek ma’nāsına oldığı «mer» zā’id oldığı itibāriyledur. Ta’bîrde «mer-o-rā» yirindedür. Ve daḡı mer lafzı gāḥî ḥaşr için

¹⁰ Ü26b-Ü31b arası varaklar boştur. Ancak metinde eksiklik yoktur.

gelür. Pes buña göre mero-rā, «ancaç aña» demek olur; nitekim ihtimāl-i ma'nāda işāret olındı. Lākin 'Arabīde mer lafzı «i'dād» ma'nāsınadır, mā-naḥnū fiḥide irādesine ihtimāl yokdur.

{ نیست کس را زهره چون و چرا } Bir kimse için nite ve neyçün mecālî yokdur. **Nīst**, «yokdur» dimekdür. Zīrā bu kelime hestūn muḳābilidür, edāt-ı nefy olan «nī» ile edāt-ı haber olan «est»den mürekkebdür. Hīn-i terkībde hemze-i est ḥazf olunup «nīst» ḳalmışdur. *Fā'ide*: Ma'lūm ola ki sābıḳda «bī-ḥadd» lafzının beyānında ıyān oldığı üzre ḥurūf-ı nefyün biri daḫı «nā» lafzıdır ki Türkīde ma'nāsı «degül» ve 'Arabīde ليس (leyse) ile ta'bīr olunur. Pes gāhī nā lafzının elifini ḥazf idüp, elif-i maḥzūfdan bedel āḫirine bir hā'-i ḡayr-ı melfūza getürüler. Nitekim şā'irün *naẓm*:

نه عمر خضر بماند نه ملک اسکندر

نزاع برسر دنیای دون مکن درویش

beytinde vāḳi'dür ki ma'nā; «'ömr-i Hızr ḳalur degüldür ve mülk-i İskender ḳalur degüldür, iy dervīş! Dün-yā-yı dün üzre nizā' eyleme» dimekdür. Ve bu isti'māl isme muḳārenetindedür, ammā fī'le ittīşālinde yalñuz nūn müsta'meldür. Meşelā «ne-dānem» gibi ki ma'nāda «bilmezem» dimekdür. Ve ḳaçan bir ḥarf āḫire muttaşıl olsa, elif-i maḥzūfdan bedel āḫirine bir yā getürmek ile meftūḥan isti'māl iderler. Meşelā «neyem» dirler, ma'nāsı «ben degilem» dimekdür. Ammā ḳaçan nūn-ı nefy-i mezkūrı müstaḳbelen isti'māl murād itseler āḫirine bir yā' getürüp ve li-eclī'l-yā nūnūn fethasın kesreye tebdīl idüp «nī» dirler ki «yok» ma'nāsınadır. 'Arabīde [S46b] ol ma'nādan [Ü32a] «lā» ile ta'bīr iderler. Ve gāh āḫirine edāt-ı haber olan rābiḥa ilḥāk idüp mā-naḥnū fihi gibi «nīst» dirler ki ma'nāsı «yokdur» demek olur. Pes «nā» ile «nī» kelimelerinin ma'nā farḳları zāhirdür ve isti'mālde birbirinün yirine ityānları şaḫīḥ degüldür. Meşelā «nā-merd» dirler, «ne-merd» dimezler. Ve daḫı «merd nīst» dirler, «merd nāst» dimezler. **Kes**, feth-i kāf-ı 'Arabī işāret-i mechüldür dimekdür. Pes 'Arabīde siyāḳ-ı nefyde vāḳi' olan nekre 'umūm ifāde itdiği gibi bunda daḫı ke-zālik ol ḳā'ide cārīdür. **Rā**, lām-ı ta'līl-i 'Arabī ma'nāsına olmaḳ edāt-ı mef'ul olmasından rüşendür. **Zehre-i çün u çirā**, «nite vü neyçün mecālî» dimekdür. Zīrā «zehre», fethle acılıḳda aḡuya nisbet olınan «öd» ma'nāsınadır. Āḫirindeki hā' ihtīşāş içündür, ma'nā-yı ḫaḳīḳī böyledür ammā mecāzen «mecāl ü ḫāḳat» ma'nāsınadır. Nitekim şā'irün *naẓm*:

زهره ندارم که ببوسم لب

تیر کمان دارد ابروی تو

beytinde «zehre», mecāl ma'nāsına mecāzen müsta'meldür, mā-naḥnū fihi de ke-zālik böyledür. Ve mā-ba'dine muzāf olmaḡın āḫirine hemze getürmüşlerdür. Muzāfun-ileyh olan «çün» bunda vāv-ı ma'rūf ile «nice vü nite» ma'nāsınadır, 'Arabīde كيف (keyfe) ile ta'bīr iderler. Nitekim sü'āl-i ḥalde bir kimseye Türk; «Nicesün ?» dir, 'Acem; «Çünī ?» dir, 'Arab; «Keyfe ḫālūke ?» dir. Ḥattā Ḥudā-yı müte'ālūn kūnh-i ḫaḳīḳatinden su'āl cā'iz olmadığından Ḥudāya «İzid-i nī-çün» dirler. Zīrā kūnh-i ḫaḳīḳatine itṭilā' ḡayr-ı mümkündür. Ve daḫı «çirā» lafzı kesr-i cīm ile «neyçün» dimekdür. Aşlı «ne» ma'nāsın ifāde iden چه (çi) lafzıyla, «içün» ma'nāsın ifāde iden «rā» kelimesinden mürekkebdür ki li-eclī't-terkīb «çi» lafzının āḫirindeki hā'-i resmī taḫḳīḳan ḥazf olunup «çirā» olmuştur. Mā-ḳablindeki «çün» kelimesinin [Ü32b]

üzerine ma'fûfdur. Pes bu beyt-i laṭîf mā-ḳablindeki beyt-i sābıḳuñ ma'nāsı yirindedür, me'âlde yene لايسئل عمايفعل dimekdür. Nitekim nāẓım bu icmālî ebyât-ı âtiyye ile tafşîle îmā zımnında buyurur:

﴿ آن یکی را کنج و نعمت میدهد ﴾ Ol birine [S47a] ḥazîne vü ni'met virür. **Ān yekî-rā**, «ol birine» ya'nî bir ḳulına dimekdür. Zîrâ «ān» ism-i işâretdür, Ḥudâ murâdetdür. Ve daḥı «yekî» kelimesinde «yek» mübtedâ'-i 'adeddür ki 'Arabîsi «vāḥid» lafzıdır, Türkîde «bir» dirler. Ammâ «yekî» şol ma'düddür ki ma'nâ-yı yek ile mevşûfdur, Türkide buña daḥı «bir» dirler. Pes âḥirindeki yâ ḥarf-i mevşûlî vaşfa nisbet içündür. Nitekim mescide «cāmî» dirler, ve gāhî yek lafzı «yekî» ma'nāsına isti'mâl olunur. Ve gāhî mütteḥid olan nesneye Türkîde «bir» didikleri gibi. Fârisîde daḥı gāhî «yekî» ile ma'nâ-yı mezkûrî murâd iderler. Bu maḳâmda murâd ma'nâ-yı evveldür. Râ kelimesi edât-ı mef'ûldür. **Genc**, feth-i kâf-ı 'Acemî ile «ḥazîne» ma'nâsınadır. Murâd envâc-ı «emvâl ü emti'a ile memlû ḥazîne» dimekdür. Vāv 'âṭıfedür. **Ni'met**, 'Arabîde feth-i nûn ile «ten nâzûklığı ve dirlik hoşlığı» ma'nâsınadır. Ve kesr-i¹¹ nûn ile «mâl ve yed ve şanî'a» ma'nâsınadır. Cem'î «ni'am» gelür. Ma'neynüñ bu maḳâmda şalâḥiyyeti vardır. Ve Fûrs ü Türkde daḥı isti'mâline âḥirindeki tânuñ tavîle yazıldığı ḳarînedür. Ḳaldı ki Ḳur'ân-ı kerîmüñ müte'addid maḥallerinde tâ'-i tavîle نعمت (ni'met) yazıldığı ḥaṭṭ-ı 'Osmânîdür diyü cevâb virilür. **Mî-dehed**; edât-ı ḥâl ile muzâri'-i müfred-i gâ'ibdür, «virür» dimekdür. Maşdarı i'ṭâ ma'nāsına olan «dâden»dür.

﴿ و آن نکر را رنج و زحمت میدهد ﴾ Ve ol âḥarına emek ü zaḥmet ve te'ab ü meşâḳḳat virür. **V'ân diger-rā**, «ve ol âḥar ḳulına» dimekdür. Ba'zı nüshada bu kelâmuñ yirine «digerî-rā» [Ü33a] vâkı'dür, buña göre ma'nâ «bir âḥarına» dimek olur. «Digerî» âḥirindeki yâ vaḥdet için olmaḳ fâ'idesi nüsha-i evvelde yokdur, yoksa ma'nâları birdür. **Renc**, fethle «emek» ma'nâsınadır. Ve **zaḥmet**, rencüñ 'aṭf-ı tefsîridür. Ba'zı nüshada zaḥmet yirine «miḥnet» vâkı'dür, ma'nâsı ma'lûmdur. Ḥulâşa-i kelâm ol fa'âlün limâ-yürîd olan Rabb-i mecîd ḥazretleri ber-muḳteżâ-yı ḥikmet bir ḳulına bilâ-te'ab ḥazîne-i emvâl vü ni'met-i mâl-â-mâl i'ṭâ ider. Ve bir ḳulına renc ü zaḥmet ve te'ab [S47b] ü meşâḳḳat ve derd ü 'illet ve faḳr u şiddet virür. Pes bunda niçe ḥikmetler vardır ki uḳûl-i beşer derkinde ḳâşırür. Nitekim ḥazret-i Mevlânâ ḳuddise sırruhu'l-'azîz bu beyânda buyurmuşdur *meşnevi*:

حق تعالی عادلست و عادلان
کی کند استمکری بر بیدلان
آن یکی را نعمت و کالا دهد
آن یکی را برسر آتش لا دهد
آتش سوزان که دارد این کمان
بر خدا و خالق هر دو جهان

Ya'nî Ḥudâ 'ādıldür. 'Ādil olan bî-dil ü şikestegāna ḳaçan ḳulm ider, ḥāşâ ḳulm eylemez. وما ربك بظلام لايسئل عمايفعل ma'nâ-yı maḳşûda vâfîdür ki ol 'Ādil-i zü'l-celâl bir ḳulına bunda kâfî ve daḥı

ni‘met ü kālā i‘fā ider ve bir kılının başı üzre faqr u fākadan nāşī āteş-i nīstī vaz‘ıyle mübtelā ider, intihā. Ve bunda beyān-ı ‘adl şöyledür ki; Hudā-yı müte‘āl ol ni‘met virdigi kılına anuñ şükürin edā zaḥmetin mu‘ādil kıldı. Pes ol ‘abd-i mün‘am şükr zaḥmetin çekmez ise, dünyāda zevāl-i ni‘met ve āḥiretde mes’ūliyyet zaḥmetlerin çeker. Ve daḥı faqr u şiddet ve renc ü zaḥmet virdigi kılına bir rāḥat lezzetin mu‘ādil kılmışdır ki, ol rāḥatı dünyāda bulamaz ise hālet-i nez‘de selāmet-i īmān ile ve āḥiretde duḥūl-i Cinān ile bulur dimişlerdür. Ve nāzımuñ bu beytinde umūr-ı dünyevīde sa‘y bī-fā’ide olduğına [Ü33b] işāret vardır ki نحن قسمنا da muḳadder ne ise andan ziyāde olmaz. Nitekim ḥadīs-i ḳudsīde ارید و تريد vāriddür ve bu bahşūñ tafşīli inşā’a’llāhu te‘ālā aşağıda müstevfā beyān olunur.

﴿ آن یکی را زر دو صد همیان دهد ﴾ Ol birine iki yüz himyān altın u açca virür. **Ān yekī-rā**, «ol Hudā bir kılına» dimekdür. **Zer**, feth-i zā’-i ‘Arabī ve sükūn-ı rā’-i mühmele ile «altın ve açca» ma‘nāsınadır, bunda murād budur. Ve daḥı «pīr» ma‘nāsına olur. Ve Rüstem-i cihāngīrūñ pederinūñ adıdır. **Dü şad**, «iki yüz» dimekdür. Zīrā Fārisīde «dū», esmā’-i ‘adāddan «iki» ma‘nāsına dāldür. «Şad» yüz ‘adedine dirler, faşīḥ olan sīn-i mühmele ile «sed»dür. Lākin şād ile isti‘mālī şāyī‘dür. Ḳaldı ki ‘Arabīde [S48a] «şad»; «men’ ü i‘rāz» ma‘nāsınadır, mā-naḥnū fihide murād oldur. **Himyān**, kesr-i hā ile «kise ve derāhim ve meşīn ṭāgarcığa» dirler. Bunda murād kīsedür. Lākin «Ān yekī-rā kīse-i himyān dehed» nüshasına göre himyān «derāhim» ma‘nāsınadır. **Dehed**, «virür» ma‘nāsına muzārī‘-i müfred-i ḡāyibdür. Kemā-merre beyānuhu fā’ili taḥtında müstetir zamīrdür, Hudāya rācī‘dür. Pes bunda nāzımuñ murādı «meşelā» dimekdür, yoksa Hudānuñ ‘atāyāsı kıyās u endāzeye gelmez.

﴿ دیگری از حسرت نان جان دهد ﴾ Bir āḥarī nān ḥasretinden cān virür. **Diğeri**, āḥirindeki yā’-i vaḥdet ile «biri daḥı» ya‘nī «bir āḥar» dimekdür. **Ez-ḥasret-i nān**, izāfetle «etmek ḥasretinden» dimekdür. «Ez» ḥarf-i cerr olan «min» ma‘nāsınadır. «Ḥasret» aşl-ı ‘Arabīdür, Fārisīde ta‘cīmen müsta‘meldür. Ma‘nāsı «nedāmet ve bir nesnenūñ kuvvetinden veyā ‘adem-i vuşūlinden nāşī ḡuşşalanmak»dur. «Nān» Fārisīdür, Türkīde «etmek», ‘Arabīsi «ḥubz ve raḡīf ve ebū cābir ve bū ḥabbe»dür. **Cān dehed**, «cān virür» dimekdür. Fā’ili, muḥtāc-ı [Ü34a] nān olan insāndur. Pes ḥasret-i nāndan cān virmek, mübālaḡa-i iştīyāḳdan kināyedür yāḥod ḥaḳīḳaten «nāna dest-res olmadıḡından aç teslīm-i rūḥ ider» dimekdür. Nitekim ne‘ūzü bi’llāh ḳaḥṭ senelerinde bunuñ vuḳū‘ı keşīr olmışdır. Ve buña göre “Hudā ol kimsenūñ rızḳını ḳaṭ‘ eyledi” dinmez. Zīrā ḥadīs-i şerīfde ان الله لا يعذب احدا يقطع الرزق vārid olmışdır. “Belki ol aç olanūñ ecel-i muḳadderi ve va‘de-i ‘ömri ḥulūl eylemişdür” dinür. Yoksa baş-ı rızḳ ḡanīnūñ kerāmeti ve ḳabz-ı rızḳ faḳīrūñ hevān u ḥaḳāreti içün degüldür. Belki يقدر و يكان الله يبسط الرزق لمن يشاء من عباده و نازm-ı kerīmī delāleti üzre ḥaḳḳ te‘ālānuñ meşīyyet-i pūr-ḥikmetidür. Ve bu güne meşīyyetde olan ḥikmete īmāda ولو بسط الله الرزق لعباده لبغوا āyeti kāfīdür. Nāzımuñ bu beyt ile mecmū‘a işāreti vāfīdür.

﴿ آن یکی پوشیده سنجاب و سمور ﴾ Ol biri sincāb u semmūr geymişdür. **Ān yekī**, «ol biri» ya‘nī «ol bir kılı» dimekdür. **Pūşīde**; «geymiş» ma‘nāsına ism-i mef‘ūldür, maşdarı «geymek» ma‘nāsına

¹¹ Orijinal metinde, verilen anlamlardan feth yerine kesr, kesr yerine feth yazıldığı anlaşılmaktadır. Çeviride yerleri uygun olarak düzeltilmiştir.

«püşiden»dür. **Sincāb**, luġat-i ‘Arabīde sīn-i [S48b] mühmele ve nūnuñ kesreleriyledür. Buña göre bunda nūnuñ sükunı zarūret-i vezn için olur. Ve Furs ü Türkde daġı müsta‘mel bir ma‘rūf hayvāndur ki derisin kürk iderler. Faşl-ı bahārda geyilmesi ‘ādet-i kibārdur. Vāv ‘atıfedür. **Semūr**, sīn-i mühmele ve zamm-ı mīm-i müşeddede vū muħaffefe ile bir ma‘rūf cānveruñ derisidür ki andan olan kürk maķbūl u mu‘teber ve zī-havāşş u kıymetverdür. Semmūr kürki ibtidā icād iden mülük-i qadīmeden Hüşeng şahdur. A‘lāsı, siyāh ve tüyi uzun ve hemvār olandur. Moskov diyārında nāhiyye-i şimālīde olur. Hüşşası, tabī‘atde cümle kürklerden eħarr [Ü34b] u eşhandur. Ve eyyām-ı şitāda geyildigi gibi eyyām-ı şayfda daġı geyilir. Zīrā sühūneti bedene eziyyet virmez, ancak mu‘tādı olmayan şābbuñ bedenine ilbāsı mu‘ırrdur. Zīrā ‘urūķda olan dem-i fāsıd u muħterikı ve safrāyı muştemil ü mültefik ider. Ammā müsinn ü pīr ve ihtiyār u sāl-ħorde-i rüzgār olanlara ve mebrūdū’d-‘ab‘ olana nāfi‘ ve balġamdan ħādiş olan niķrīs zaħmetin dāfi‘ ve emrāz-ı balġamiyye vū eşķām-ı sevdāviyye ħudūşınā māni‘ ve her bir ‘ilel-i bārideye nef‘i vāķi‘dür. Ve bunı evvel mülük geyerler idi. Pes nāzımuñ zikri buña binā’endür. Lākin zamān tenezzülde olmaġın şimdiki ‘aşrda aħvāl ma‘lumdur, beyāna ħācet yokdur.

﴿ دیکری خفته برهنه در تنور ﴾ Bir āħar tennūr içinde ‘uryān yatmış veya uyumuşdur. **Diġeri**, «biri daġı». **Ĥufte**, zammıla «yatmış yāħod uyumuş» dimekdür. Zīrā maşdarı olan «ħuften» ma‘nāsın şāmildür. Ve bunda edāt-ı ħaber muķadderdür, taķdīr «ħufte» dimekdür. **Birehne**; kesr-i bā’-i muvaħħide ve feth-i rā’-i mühmele ile «çıplaķ» ma‘nāsınadur, ‘Arabīsi «‘uryān»dur. Bu kelime «ħufte» lafzından ħāldür. **Der**, bunda zarfiyyet içündür. Bundaki zarfiyyet ħaķīķī ve mecāzīden e‘ammdur, nitekim beyān olınacaķdur. **Tenūr**, feth-i tā ve taħfif-i nūn-ı mażmūme ile Fārisidür. Türkīde «tandur» didikleri meşhūr nesnedür ki içinde nān taḅḫ iderler. Ammā ‘Arabīde zamm-ı nūn-ı müşeddede iledür. Aşlı feth-i nūn ile نور (nevūr) idi; ‘aynū’l-fīlinde olan vāv evvel-i kelimeye naķl ba‘dehū tāya ḳalb olup «tennūr» dimişlerdür. Pes bunda Ebu’d-Derdā radıya’llāhu ‘anh ħaķķında [S49a] menķıldür ve āfiye işāret vardır ki eyidürler: “Ebu’d-Derdā ħazretleri merd-i kāmīl ve faķr u fāķaya şābir bir zāt-ı ‘ābid ü ‘āmil olmaġın hemser-i ‘iffet-perveri olan ħātūniyle ikisinin bir şevbi [Ü35a] var idi. Ḳaçan vaķt şalāt olsa eħadühümā edā-yı şalāt için ol şevbi zīver-i dūş-ı kıyām-ı tā‘at idüp ħitām-ı şalāte deġin āħarı li-eclī’t-tesettür tennūr içinde mülāzım-ı ku‘ūd olur idi” dirler, intihā. Ve daġı buña münāsebet ile şıķātın mesmū‘ımız olmuşdur, eyidürler ki: “Nāhiyye-i Mışrda vāķi‘ ḳurālaruñ cümle meskenlerinüñ altı zīr-i zemīnvārī maḥfūr tennūrdur. Ağniyāsı nānı anda taḅḫ idüp, furūn şamında ħufteler gibi nīm-firāş ile nā’im olup, berd-i şitādan maşūn olurlar. Ammā muħtāc-ı nān u bī-dermān olan fuķarāsı ħas u ħāşāk ile ber-vech-i muħarrer bir tennūra germiyyet virüp ‘uryān u büryān ol tennūruñ üzerinde yaturlar” dimişlerdür.

﴿ آن یکی بر پستر کما و نخ ﴾ Ol biri kemḫā vū zili dōşeme üzerindedür. **Ān yekī**, «ol biri». **Ber-pister-i kemḫā**, izāfetle ḳalı üzre dimekdür. Zīrā «ber» bunda «‘alā» ma‘nāsınadur. Pister, kesr-i bā’-i ‘Acemī ve sükun-ı sīn ve feth-i tā ile «ḳalı» ma‘nāsınadur ki ekşerī ağniyā dōşeme yirine kullanurlar. Ve kaçan lafz-ı «pister», lafz-ı «āheng» ile mürekkeb isti‘māl olup «pister-āheng» dinse ehl-i Furs ‘indinde «yorgan ve çarşafı» murād olunur. Kemḫā, feth-i kāf-ı ‘Arabī ile bir ma‘rūf u meşhūr ḳumāşdur. Ve naḫ,

kemhā üzre maʿtūfdur. **Naḥ**, feth-i nūn ve sükūn-ı hāʾ-i muʿceme ile Fārisīde beş maʿnāya gelür: Evvelkisi, tār-ı ibrīşim ve rīsmān-ı ibrīşimdür. Şānī, şaff-ı leşker ve ğayrıdur. Şālīs, Māzenderān dīvlerinden bir dīvūn adıdır. Rābiʿ, şaban demürüdür. Hāmis, bu nevʿa ḥarīr-mişāl laṭīf ü münakkaş döşemedür ki anı kibārlar, ḥuşūşiyile şāhlar mesnedlerinde baş iderler. Aña Türkīde «zilü-yi rümī» dirler ve «zili» taʿbīr iderler. Pes bunda murād maʿnā-yı hāmisdür.

﴿ و آن دکر بر خاک خواری بسته یخ ﴾ Ve anuñ āḥarī ḥaḳāret türābı üzre [Ü35b] buz bağlamışdur. Yaʿnī, naẓar-ı iʿtibār u ihtirāmdan sāḳıṭ olmışdur. **Vʿān diger**, «ve anuñ ğayrı» yaʿnī «ol biri» dimekdür. [S49b] **Ber-ḥāk-i ḥʿārī**, izāfetle «ḥorluk üzre» dimekdür. Zīrā ber lafzı, «alā» maʿnāsınadır. Ḥāk, maʿrūfdur. Ḥʿārī, yāʾ-i maşdariyye ile «zillet ü ḥaḳāret» maʿnāsınadır. Zīrā ḥʿār, ḥānuñ zammı ve vāv-ı maʿdūle ile bunda ʿazizūñ zıddı olan «zelīl ü ḥaḳīr» maʿnāsınadır, Fārisīdür. Ve bundan ğayrı gāhī «āsān ve şūḥ ve ḥʿārende» maʿnalarına gelür. Ve şehir-i Rey ḥavālisinde bir ülkenüñ nāmıdır ki Şehnāmede çok gelür. Ammā zamm-ı hā ve feth-i vāv ile ʿArabīde «āvāz-ı gāv»dur ve Fārisīde bir memleketüñ adıdır ki ferzend-i İdrīs ʿaleyhiʾs-selām anda medfūndur. **Beste-yeh**, «buz bağlamış» dimekdür. Zīrā beste, «bağlamış» maʿnāsına ism-i mefʿūldür; maşdarı «besten»dür. Ve baʿzı nüshada «beste» yerine «kerde» vāḳıʿdür. Kerde, fethle «eylemiş» dimekdür. Yeh, feth-i yāʾ-i müşennāt ve sükūn-ı hāʾ-i muʿceme ile ʿArabī ve Fārisīde müstaʿmeldür. «Buz» maʿnāsınadır ki şiddet-i hevā ile eyyām-ı şitāda olan māʾ-i mūncemiddür. Maḥşūş-ı ʿArabīsi «cemed»dür. Pes bunda bu mışrāʿdan murād eğerçi «ḥāk-i mezelletde ḥaḳīḳaten buz bağlamak» maʿnāsı zāhirdür, lākin iştilāḥ-ı Fārisīye göre maʿnā «ḥāk-i mezelletde mehcūr u bī-nām ve mensī vü bī-ihtirām olmışdur» dimekdür. Zīrā bir kimsenüñ adını aña diyecek maḥallde ʿAcem «nāmeş ber-yeh zen» dimegi iştilāḥ itmişdür. Qaldı ki mışrāʿ-ı evvelüñ muḳābelesi ḳarīnesiyle li-eclīʾl-mübālağa maʿnā-yı zāhir üzre «ḥāk-i mezelletde ḥaḳīḳaten yeh-beste olmışdur» demek daḥı muḥtemeldür.

﴿ آن یکی بر تخت با صد عز و نان ﴾ Ol biri taḥt üzre yüz ʿizz ü nāz ile. **Ān yekī**, «ol biri». **Ber-taḥt**, «taḥt üzre» dimekdür. Ber lafzı, «alā» maʿnāsınadır. Taḥt, Fārisīde muṭlaḳā «serīr»dür ki [Ü36a] ağaçdan ola. Pes maʿnā-yı aşliyyesi üzre taḥtın «serīr-i sulṭān»a ihtisāsı yokdur. Ammā muṭlaḳ zıkr olındıkda ğalebe-i istiʿmāl ḥasebiyle «serīr-i sulṭān» murād olunur, mā-naḥnū fihide ke-zālik böyledür. **Bā-şad ʿizz ü nāz**, «nice ʿizz ü nāz iledür» dimekdür. Zīrā bā ḥarfı muşāḥabet ü maʿiyyet içündür. Şad; yüz ʿadedine dālldür, lākin bunda keşretten kināyedür. Nitekim çiyana «şad-pāye» didikleri ayağı çok oldığı içündür, yoksa yüz ayağı [S50a] demek murād degüldür. ʿİzz, ʿArabīde ve Fārisīde daḥı şāyiʿdür ve zülllūñ zıddıdır. Ve «şeref ve ḥürmet ve ğalebe ve nedret» maʿnāsınadır. Ve nāz ʿizz üzerine maʿtūfdur. Nāz, Fārisīdür. İki maʿnāyadır; biri «şīve vü istiğnā» ve biri «rāḥat u ḥuzūr». Bunda maʿneyn murād olunmaḳ cāʾizdür. Ve Edāt-ı Fuṣalā nām kitāb-ı luġat-i Fārisīde eyidür: Nāz, bir ağaçdur ki aña ʿArabīde «şanevber» dirler. Ammā luġat-i ʿArabīde nāzuñ ʿArabīsi «ġunc u delāl»dür ki şīveye yakın bir evzāʿdur.

﴿ دیگری کرده دمان از فاقه بان ﴾ Bir āḥarī faḳr u ihtiyācdan aġzı açıḳ eylemişdür. **Digerī**, «bir āḥarī». **Kerde**, «eylemiş» maʿnāsına ism-i mefʿūldür. Āḥirinde edāt-ı ḥaber muḳadderdür, taḳḍir; «kerdest» dimekdür. **Dehān**, kesr-i dāl ile meşhūr ve fethile faşīḥdür; «aġız» maʿnāsınadır ki ʿArabīsi

«femm»dür. Ve gāhī elifin hāzile «dehen» dahı dirler. Kaçan āhirine hā'-i ihtışâş getürüp «dehâne» diseler cüllâhların «ağızlık» didikleri âlet murād olunur. **Ez-faḳa**, «ihtiyâcdan» dimekdür. **Bâz**, bunda açık ma'nâsınadır ki «püşide»nün muḳâbilidür. Pes bu mışrâ'ın ma'nâsı [Ü36b] birkaç ta'birre kâbildür. Budur ki: Bir kulu faḳr u fâḳadan ağız açmışdur. Yâḥod ḥasbe'l-faḳr kemâl-i za'fdan leblerin birbirine zamma iktidârı kalmadığından ağız açık olmuşdur. Yâḥod ḥasbe'l-cûc ve'l-faḳr nân u ta'âma tehyî'-i tammından nâşî ağzını açık eylemişdür ya'nî ağzını aç dimege ḥâcet koymamışdur. Bu ma'nâların eblağı kangısı idigi gayr-ı hafîdür.

﴿ طرفة العينی جهان بر هم زند ﴾ Göz açup yumana caḳ cihânı birbirine urur ya'nî kuvvet-i kâhiresi serîfdür. **Ṭarfetü'l-aynî**, «göz kapağın bir kerre depredinceye dek» dimekdür. Zîrâ ṭarfetü'l-ayn, «nazar vaḳtinde bir kerre göz kapağın depretmek» ma'nâsınadır. Ṭarfe, ṭarfuñ binâ'-i merresidür. Buña göre kelâmın āhirinde olan yâ ḥarfî te'kîd için olmuş olmağıla «bir kerre göz kapağı depredince» demek olur. Ve bunuñla sür'atden kinâye idüp 'inde'l-Arab طرفة العين dirler. Ve «ṭarf»dan ma'nâ-yı mezkûr murād olındığı gibi gāhī nefis-i 'ayn [S50b] dahı murād olunur. Nitekim لا يرتد اليهم āyet-i şerîfnde ṭarfdan murād «ayn»dur. 'Ayn, on beş ma'nâya gelür, bunda murād «göz» ma'nâsıdır. **Cihân**, kesr-i cîm-i 'Arabî ile dünyâ vü 'uḳbâya şâmindür. Bunda murād «dünyâ» idigi zâhirdür. **Berhem**, «birbiri üzerine» dimekdür. Hem kelimesinün ma'nâları qarîben beyân olınmışdur. **Zened**, muzâri'-i müfred-i gâyibdür; «urur» dimekdür. Ve maşdarı «ḍarb» ma'nâsına «zeden»dür; birbirine urmaḳ, herc ü merc ve ḥarâb u yebâb itmekden kinâyedür. Ṭarfetü'l-ayn ta'birî kuvvet-i kâhire-i Perverdgarî fehm-i 'ibâda tefhîm içündür. Nitekim sür'at-i ḳudret beyânında âyât-ı [Ü37a] kerîmede وما امرالساعة الا كلمحالبصر nâzil olmuşdur. Yoksa hezârân bu cihân gibi cihânları bir laḫzda yokdan var, ve var oldıḳdan soñra yine yok ve yine var itmege Mevlâ kâdirdür. Ve nâzımın bunda ṭarfetü'l-ayn didigi yuḳarudan «Ālemî-râ der-demî vîrân koned» kelâmındaki «der-demî» ḳavlınden eblaḡdur. Ve eblaḡıyyeti zâhir ve bu mışrâ'ın ma'nâsı, mışrâ'-ı mezkûrın ma'nâsınun gayrıdur ve gayriyyeti bâhirdür. Ve bunda bir *nükte-i şıfîyâne*ye işâret vardur ki; ḥazret-i Mevlânâ buyurmuşdur *meşnevî*:

هر نفس ميشود دنيا و ما

بی خبر از نوشدن اندر بقا

Ya'nî, her demde bu dünyâ köhne vü nev olur ve her eşyâ mürde vü ḥayy olur. Hâlbuki bu cihânın bu nev' üzere olan beḳâsından ve fânî iken vetîre-i vâhîde üzere olan kıyâmından bî-ḥaberleriz. Pes bu işâretün tavzîhi böyledür ki: Esmâ'-i İlâhiyye iki kısımdur; biri luṭfiyye ve biri ḳahriyyedür. Ve cümlesi her ânda der-kâr u ber-ameldür. Hâşâ hîç birine ta'ṭîl mümkün degüldür. İmdi ḥaḳâyıḳ-ı imkâniyyede bir şey kaçan bi-irâdeti'llâh vücûda gelse der-ḥâl rahmet-i Raḥmâniyye anı aḫz u ifâza-i vücûd eyler. Pes aḫadiyyet ḥaḳîḳati, istid'â'-i izmiḥlâl-i keşerât ve iḳtizâ-yı inḳihâr-ı te'ayyünât itmegın der-ḥâl ol mevcûdı nefsinde ḥal' eyler. Hemân-dem yine rahmet-i Raḥmâniyye şıfatı, üslûb-ı sâbıḳ üzere aña izâfe-i vücûd eyler. Pes yine vahdet-i ḥaḳîḳiyye, anı andan aḫz u selb eyler ve rahmet-i Raḥmâniyye şıfatı aña ifâza-i vücûd eyler. Tâ ol mevcûd [S51a] ecel-i müsemmasına varınca fe'alâ-hâzâ, Ḥudâ-yı lâ-yezâl ve Vâhid-i müte'âlün

taqdîr ü irâdetiyle bu ʿâlem her demde köhne vü cedîd ve her lahzada nîst ü hest olmağın [Ü37b] cemʿ-i eşyâ dâ'imâ icdâm u icâd ve ifnâ vü ibkâdan hâlî degüldür. Pes ecel-i müsemmasına vardıkda bir lahzada bi-emri'llâh icdâmda kalur. Ve ol demde bir kimse nefes urmağa kâdir olamaz. Nitekim nâzım eyidür:

﴿ کس نمی آرد که آنجا دم زند ﴾ Bir kimse kâdir olamaz ki anda dem ura. **Kes**, «bir kimse».

Ne-mî-âred ki, nefy-i hâldür. نمی تواند (ne-mî tüvâned) ma'nâsını tazmîn ile «kâdir olamaz» dimekdür. «Ki», râbıtadur. **Ān-câ**, «ol maḥallde» dimekdür. Zîrâ ān, ism-i işâretdür. Cā, aşlında «cây» idi, kâ'ide-i muḥarrere üze yâsı ḥazf olunup cā kalmışdur. «Maḥall ve mevzî' ve mekân» ma'nâsınadur. Bunda murâd maḥalldür, gâhî mu'cem ü zâ'id olur. **Dem zened**, «nefes ura» dimekdür. Nefes urmağa ʿadem-i kudret, sür'at ü sirâyet-i qahrândur yâḥod nüfûz-ı ḥükmu'llâha mümâneʿat ü müzâḥamet ve su'âl-i ḥikmet bir ferdüñ ʿuhde-i ḥaddi olmadığındandır.

﴿ آنکه با مرغ هوا مامی دهد ﴾ Ol Ḥudâ ki hevâ kuşına ya'nî hevâda tâ'ir olan kuşa balık virür.

Ya'nî nehr ü baḥrdeki balığı aña kısmet ü rızq virür. **Ān ki**, «ol Ḥudâ ki» dimekdür. **Bâ-mürğ-i hevâ**, «hevâ kuşına» ya'nî «hevâda tayerân iden mürğa» dimekdür. Zîrâ bâ ḥarfî, ilşâk içündür. Mürğ; zamm-la «kuş» ma'nâsınadur, her bir kuşa şâmilür. Lâkin bunda maḥâm qarînesiyle «balıkcıl» didikleri tayr-ı ma'rûf murâd olunmak zâhirdür, mâ-ba'dine muzâfıdır. Muzâfun-ileyh olan «hevâ» bunda ʿanâşır-ı erbaʿanuñ birisidür ve kürevîdür. Ḥâki, âb nice ihâta kılmış ise âbı daḥı hevâ öyle ihâta kılmışdur. Ve hevâyı daḥı kürre-i nâr öyle ihâta kılmışdur. Pes cevvi-i semâ hevâ ile memlûdur. Zîrâ rûḥ-ı ḥayvânîyi beden-i insânda Ḥudâ-yı müteʿâl gâyet ḥârr ḥalk itmişdür. Hâlî üze kılsa cevvi-i bedende muḥterik olup şâhib-i bedeni helâke virür. Pes aña bir müberrid lâzım olmağın hevânuñ tab'atı bârid-i raṭb olup rûḥın ḥarâretin teskîn idüp istidâl ḥâsıl [S51b] eyler. Rûḥ daḥı bedene ifâza-i ḥayât birle hevâyı cevvi-i bedene bi-vâşıṭati'n-nefes işâl eyler. **Mâhî**, «balık» ma'nâsına ism-i cinsdür; bunda oldığı gibi. Ammâ kaçan bir lafz-ı âḥar ile muḥayyed isti'mâl olınsa andan nev'-i maḥşûş murâd olunur meşelâ, mâhî-i zerrîn gibi. Pes [Ü38a] mâhî-i zerrîn bir nev'â balıkdur kim kumda ḥâsıl olur. Ve kuvvetde şöyledür ki on zirâc zemîni delüp aşığı girer. Eṭıbbâ bunı saḳankûra bedel şaymışlardır. Vilâyet-i Sindde çok olur. Nitekim şâ'ir *nâzm*:

ای تنم ماهی زرین و ره عشق تو ریک

در دلم تیهوی خونین و غمت پای زنی

beytinde vâkı'dür. **Dehed**, «virür» dimekdür.

﴿ بندگانرا دولت شامی دهد ﴾ Kullara şâhlık devletin virür. **Bendegân-râ**, «kullara» dimekdür.

Bendegân, cem'dür; müfredi «bende»dür. Ma'nâsı ma'rûfdur. **Râ**, edât-ı mef'ûldür. **Devlet**, ʿArabîdür; «galebe ve ʿulüvv-i yed ve inḳılâb-ı zamân ve mütedâvil olan nesne» ma'nâsınadur. Cem'i zamm-ı dâl ile «düvel ve develât» gelür. Ve yine luğat-i ʿArabîde ba'zılar: «Zamm-ı dâl ile mâldadır ve fetḥle ḥarb ü kıtâl ve câh u iclâlde galebe ma'nâsınadur» demişlerdür. Pes mâla, devlet ta'bîrleri mütedâvil oldığı cihetledür. Zîrâ المال میال ḥarb-ı meşeli üze şâhid-i mâl bir kimsenüñ maḥşûş-ı âğûş-nişîn-i taşarrufı

olmak muhâldür, belki pîr-zen-i hezâr-dâmâd-ı zamâne gibi herkesün huşûşâ edânî-i rûzgârın ‘ağd-i muvâşalatına meyyâldür. Nitekim nefis-i mâlın devre meyyâl olduğunu beyânda:

Hâşılı altını teşhîr itdiler tedbîr ile

Gördiler tûrmaz gider bend itdiler zencîr ile

dimişlerdür. Ve kendi ile münâsebet peydâ ideni dağı yeldürdigi *beyt*:

Gezdirür kendü gibi mâl seni

‘Âkıbet eyler ol abdâl seni

maẓmûnından ma‘lûmdur. İnşâ’ a’llâhu te‘âlâ bunun tafşîli aşağıda beyân olunur. Ve bazıları dâluñ zammı ile fethin berâber şaymışlardır. Qaldı ki lafz-ı devlet, Fârisîde dağı şâyî’u’l-isti‘mâldür. Nitekim kendi kelâmlarından cüz’ idüp «devletmend» dirler. Bunda dağı Fârisî itibârına tânuñ tavîle yazıldığı karînedür ve mâ-ba‘dine muzâfdur. [S52a] Muzâfun-ileyh olan «**şâhî**» âhîrindeki, yâ’-i maşdariyyedür. Ve «şâh» lafzı Fârisîde yedi ma’nâya gelür: Evvelen, aşı ve şâhib ma’nâsınadır. şâniyen, dâmâd; şâlişen, şâh-ı şatıranç; râbî’an, dil-berlikde emşâlinde mümtâz ma’nâsınadır. Hâmisen, geniş yol ki andan niçe yollar [Ü38b] ayrılır. Aña «şâh-râh» dirler. Sâdisen, Hind cânverlerinden bir hayvânun adıdır. Sâbi’an, bir nev‘a câmedür ki Hindde meşhûrdur, kezâ fi-Ferheng. Ammâ ‘örfde muṭlaq zıkr olınsa «sultân» murâd iderler, kezâ fi’t-Tuḥfe. İmdi mâ-naḥnü fihide muṭlaq zıkr olındığına binâ’en ma’nâ-yı ‘örfî üzre «şâhî»den saltanat ma’nâsı murâd olunmak zâhirdür. Ve ma‘ânî-i luğaviyyenun maḳâma mülâyimi üzre «ululuk ve aşâlet ve şâhiblik ve hüsnde emşâlinde mümtâzlık» ma’nâları murâd olunmak dağı muḥtemeldür. **Dehed**, «virür» dimekdür. Ma‘lûm ola ki nâzımun evvel-i mısrâ‘da «bendegân» kavlınden «mevâlî vü ‘abîd» murâd olunmak mülâyim-i sibâk ve münâsib-i siyâkdur. Buña göre ma’nâ «mevâlî maḳûlelerin maḳâm-ı aḥrâra nâ’il ve şâhlık devletine vâsıl ider» demek olur. Nitekim şâ‘irun *naẓm*:

و کم عبد يقوم مقام حر

و کم حر يقوم مقام عبد

kelâmı ma’nâ-yı mezkûrı mü’eyyiddür.

(بی پدر فرزند پیدا او کند) Babasız oğlu o Allâh vücûda getürüp ḥalk ider. **Bî-peder**, «babasız» dimekdür. Zîrâ «bî» edât-ı nefydir. Peder, feth-i bâ’-i ‘Acemî ile «ata» ma’nâsınadır; ‘Arabîsi «eb ve vâlid»dür. **Ferzend**, «oğul» ma’nâsınadır; ‘Arabîsi «ibn»dür. Bunda murâd budur. Ve gâhî «ferzend» lafzı ‘Arabîdeki «veled» lafzı gibi zükür u inâşda e‘amm olur. Lâkin bu maḳâmda ‘umûmiyyet maḳşûd degüldür. Zîrâ bundan zâhiren murâd ḥazret-i ‘İsâ ‘aleyhi’s-selâmun mevlüdiyyetine işâretdür. **Peydâ**, «izhâr olunmuş» ma’nâsınadır; muḳâbili pinhândur ki «maḥfi» ma’nâsınadır. Qaldı ki gâhî peydânun muḳâbilinde «ḥafi» ma’nâsına olan «pinhân» getürdikleri zarûret-i vezn içündür. Nitekim maşlahat-ı kâfiye için «zâhir» ma’nâsına olan «âşkârâ»nun muḳâbilinde «pinhân» lafzın zıkr iderler. Ma’a- [S52b] hâzâ âşkârânun muḳâbili «nihân»dur, pinhân degüldür. **O koned**, «o ider» dimekdür. «O» zamîrdür, mercî‘i Hudâdur. Koned, «ider» ma’nâsına muzâri‘-i müfred-i ğâyibdür. [Ü39a] İmdi nâzımun bu mısrâ‘ınun murâdı ḥazret-i ‘İsâ ‘aleyhi’s-selâmun bilâ-eb zühür-yâfte-i ‘âlem-i vücûd olduğu işâreti bize zâhir ü nümâyândur. Nitekim ان مثل عيسى عندالله كمثل ادم خلقه من تراب ثم قال له كن فيكون *naẓm*-i

celili işbât-ı murâdda bâhir ü 'ıyândur. Ve 'alâ vechi'l-icmâl *beyân-ı hilâkat-i İsa 'aleyhi's-selâm* böyledür ki; tâc-i ser-i düşîzegân-ı hâne-i aqdes olan hazret-i Meryem razıya'llâhu 'anhâ harem-nişîn-i Beyt-i Muḳaddes olup, hazret-i Zekerıyyâ 'aleyhi's-selâmuñ hâtûnı ol ḡonce-i bâḡ-ı 'işmetüñ ḡalası olmaḡın, ḡalasınuñ 'indinde terbiyesinde istiḡrâr ile civâr-ı pür-envâr-ı Zekerıyyâ 'aleyhi's-selâmda leyl ü nehâr t̄â'ât u 'ibâdât üzre der-kâr olur idi. Vaḡtâ ki ol düşîze-i pâk-perde-i 'işmetüñ sinn-i sa'âdetleri resîde-i ḡadd-i şâlis 'aşer oldıḡda 'âdet-i benât-ı beşer üzre ḡayz görüp ba'de't-ḡuḡr-ı tām̄m ḡālasınuñ ḡücre-i ḡāliyyesinde ḡusl idüp, tetāhhura ihtimām ve şubḡ u şām, namāz u niyāza ḡıyām gösterürdi. Ba'dehū ḡamer-i şāniyede yine ru'yet-i ḡayz ile ḡuḡr-ı tāmmdan soñra ke'l-evvel ḡusl ü tetāhhur itmām eyledi. Pes ilhām-ı hazret-i Rabbü'l-enām ile Beyt-i Muḳaddesüñ mekân-ı şerîfesine ḡıram-āver-i teşrîf oldıḡda nā-gāḡ bi-emr-i İlāḡ فتمثل لها بشرا سويا mışdāḡınca hazret-i Cebrâ'ıl 'aleyhi's-selâm ḡuzūr-ı Meryemde 'arz-ı kelām-ı işâret ve nefḡ-i şerîf ile bilā-eb kendüye 'atıyye-i Bārī olan İsa 'aleyhi's-selāma ḡamlını beşâret eyledi. Pes ol peyk-i İlāḡnūñ işâret-i pür-beşâreti üzre ol düşîze-i ḡarem-serāy-ı 'iffetüñ ḡamlı zāḡir olup, ol gevh̄er-i yek-tā-yı nübüvvetüñ 'ālem-i dünyāya teşrîf-i meyāmin-redîfine nigerān oldı. Vaḡtâ ki bir rivāyetde ḡoḡuz māḡ ve bir rivāyetde sekiz māḡda mevlūduñ mu'ammerligi ancaḡ ḡāşşa-i Rūḡu'llāḡ olmaḡ üzre sekiz māḡ ve bir rivāyetde bir sene ve bir rivāyetde bir sâ'at müddeti ḡaml tamām oldıḡda ol mekân-ı şerîf-i rūḡ-efzāda bir naḡl-i ḡurmā var idi. Lākin hengām-ı şitā ḡasebiyle naḡl-i mezkūr evrāḡdan 'ārī ve temr-i ḡoş-mezāḡdan ḡālī idi. Ve şecer-i mezkūruñ ḡurbinde bir 'ayn-ı bī-mā' [S53a] var idi. Nā-gāḡ hazret-i Meryeme bi-emri'llāḡ meḡāz gelmekligin ilhām-ı ḡālīḡ-ı enām ile ol ḡāmil-i Rūḡu'llāḡ, mübārek şikem-i sa'âdet-penāḡın ol şecer-i bī-şemer ü bī-evrāḡa iltisāḡ buyurdıḡda, ol dirāḡt-ı bī-berg ü ber bi-emri'llāḡi te'ālā der-ḡāl [Ü39b] kālā-yı evrāḡ ile pür-zīnet ü fer ve tāze ḡurmā-yı ḡoş-mezāḡ ile ḡarāvet-perver-i letāfet-ḡüster oldı. Pes ol ān-ı sa'âdet-nişānda hazret-i İsa 'aleyhi's-selâm bi-'ināyeti'llāḡ 'ālem-i zūḡūra teşrîf buyurdıḡda ol tāze ḡurmālar tekmīl-i lezzet ile laḡîf olup ve ol 'ayn-ı bī-mā'nuñ dīde-i meserret-nümāsından āb-ı ḡayāt-efzā cūş u ḡurūş eyledi. Ol dem hazret-i Meryem ber-mūcib-i emr-i şeref-sāz ciz'-i naḡlūñ ihtizāzına āḡāz idüp suḡāḡa-i yemīn ü nihāde-i ḡabaḡ-ı zemīn olan raḡb-ı letāfet-ḡitām ile şīrīn-kām ve ol 'ayn-ı ḡayāt-efzādan āb-āşām olup İsa 'aleyhi's-selāmuñ ḡārīḡ-ı 'āde bī-peder 'ālem-i zūḡūra ḡıram-āver oldıḡını beyān içün silk-i 'ıyāna nazm idecek kelīmāt-ı cevāḡir-simāt tedārūki fikrinde iken, ol ḡūtī-i şeker-ḡā-yı ḡikmet ve ol ḡümā-yı semā-yı nübüvvet ḡazretleri intāḡ-ı ḡaḡḡ ile nuḡḡa gelüp eyitdi: "İy tâc-i ser-i muḡadderāt olan vālide! Maḡzūn olma ki işbu emr-i ḡārīḡu'l-'āde içün cānib-i ḡavmden olan su'ālūñ cevāb-ı şavābı 'ināyet-i Rabbü'l-erbāb ile benimdür." diyü māder-i 'iffet-perverine içtā'-ı beşâret idüp, lede's-su'āl benān-ı sa'âdet ile kendüsini müşār iderek, sūḡūtı ihtiyārı māder-i 'ālī-tebārına ta'ḡīm ü işâret buyurdi. Pes hazret-i Meryem bu sürūr-ı etemm ile ol nev-bāre-i bâḡ-ı nübüvveti şadr-ı sa'âdetinde ibrāz ve cānib-i ḡavme teşrîfe āḡāz eyledi. Nā-gāḡ ol āftāb-ı nübüvvet ile miyāne-i ḡavmde zıyā-pāş-ı nūr-ı zūḡūr oldıḡda ḡavmi يا مريم لقد جئت شيئا فريا ile su'āle mübāderet eylediler. Pes hazret-i Meryem فاشارت اليه mışdāḡınca bu su'ālūñ cevāb-ı müsteḡābı işbu nūr-ı İlāḡidedür diyü, ol şems-i sa'âdete tevcīḡ-i benān-ı işâret eyledi. Ol zamān ḡavmi fetḡ-i dehān-ı istiḡrāb

“Mehdde nevā-sāz-ı kelām olan eṭfāl on birdür” diyü buyurmağın ammā Suyūṭī anları bu vech üzre nazmen beyān eylemişdür, *naẓm*:

تکلم فی المهدالنبی محمد
و یحیی و عیسی والخلیل و مریم
مبری جریج و شاهد یوسف
و طفل لذلئ الاخذ و دیرویه معلم
و طفل یمر علیه بالامه التی
یقال لها تزنی ولا تکلم
و ماشطه فی عهد فرعون طفلها
و فی زمن الهادی المبارک بختم

(مرده صد ساله را حی میکند) Yüz yıllık ölmüşü diri ider. **Mürde-i şad sāle-rā**, izāfetle «yüz yıllık ölmüşü» dimekdür. Zīrā mürde, «ölmüş» ma'nāsına ism-i mef'ul-i Fārisīdür. 'Arabīsi zeyt vezninde «meyt»dür, yoksa teşdīd-i yā ile «meyyit» degüldür. Meyt ile meyyitūñ farkları luğat-i 'Arabīyye kütüblerinde zāhirdür. Pes mürde lafzı mā-ba'dine muzāf olduğu için āhırine bir hemze getirilmişdür. Şad sāle, «yüz» ma'nāsına olan şad ile, «yıl» ma'nāsına olan sāle lafzlarından mürekkebdür. Āhırindeki hā miqdāriyye olmağın ma'nā-yı mecmū'ı «yüz yıllık» dimekdür. *Fā'ide*: Kelimāt-ı Fārisī āhırinde olan hā gāhī miqdārı [S54b] beyān için olur, meşelā «sāle» gibi. Ve nisbet ü liyākat için olur, meşelā «şāhāne» gibi. Ve gāhī 'alāmet-i fethā olmağın ne ḥurūf-ı ma'ānī ve ne ḥurūf-ı mebānīden olur. Meşelā ism-i fā'il olan «dānende» ism-i mef'ul olan «mürde» ve esmā'-i cevāmidden meşelā «bende» evāhırlerindeki 'alāmet-i fethā olan «hā»lar gibi, [Ü41a] intihā. **Rā**, edāt-ı mef'uldür. **Ḥayy**, bunda «diri» ma'nāsına 'Arabīdür; Fārisīsi «zinde»dür. **Mī-koned**, «ider» dimekdür. Pes 'Arā'isde beyān olındığı üzre bundan murād ḥazret-i 'Uzeyr 'aleyhi's-selāmdur. İcmālen beyānı böyledür ki: Ber-mücib-i ḥaber-i şihḥat-eşer, vaqtā ki Buḥtu'n-naşr bilād-ı Şāmı pençe-i isti'lā ile tamāmen taḥrīb ve niçe nüfusi qatl-i 'ām ile ta'zīb idüp Benī-İsrā'īli, Bābil-i 'Irāқа sevḳ ü iclā eyledikten sonra bi-'ināyeti'llāh 'Acem şāhlarından Behmen nām bir pādşāhuñ ḳalbine merḥamet-i tāmm gelüp Benī-İsrā'īli ḥazret-i 'Uzeyr 'aleyhi's-selāma terfīқа himmet ve cānib-i Şām-ı behişt-iḥtişāma i'āde vü ircā'a şarf-ı miknet eyledi. Pes rāh-ı 'azīmet iderek Benī-İsrā'īl ile vāşıl-ı menzil-i maḳşūd oldıḳdan sonra yevmen mine'l-eyyām ḥazret-i 'Uzeyr 'aleyhi's-selām ḥımārına rākiben ḳāşıd-ı seyr-i diyār u nevāhī-i Şām olup Beyt-i Muḳaddese iki fersaḥ aḳreb «Ḳaryetü'l-İneb» ile be-nām bir cāy-ı ḥarābezāra vuşul ve bir gūşeye sa'ādet ile nüzul idüp gördi kim ol ḳarye-i şīrīn-ṭarḥuñ menāzil ü büyüti ḥarāb u yebāb ve 'arāyiş-i bāğ-ı pākīze-nu'utı sākıṭ-ı vech-i tūrāb olup ليس فی الدار غیرنا دیار maẓmūnı üzre cümle ahālīsi zīr-i ḥāḳde lāl ü mebhūt ve devlet-ḥānelerinuñ pāsbānı büm ve perdedārı 'ankebūt olmış. Çünki zümre-i ebrār ve fırқа-i aḫyār-ı ulū'l-ebşār her bār fīkr-i dārū'l-ḳarār ile der-kār ola geldiginden ḥazret-i 'Uzeyr 'aleyhi's-selām aḫvāl-i pūr-i'tibāra şarf-ı naẓar-ı diḳḳat ve çeşm-küşā-yı 'ibret olup, bir miqdār anda ārām için ḥımārın bir dirāḥta rabṭ-ı tāmm eyledi. Ba'dehū bir selle-i çübīne bir miqdār engür ü tīn cem'le bir dirāḥtuñ sāyesinde ḥoş-nişīn olup engür-ı

mezkûrûn bir miqdârın bir kûzeye şıķup, ol ‘uṣāre-i şîrînüñ bir miqdârın nûṣ ile ṣafā ve baķıyyesin kâse de ibķā eyledi. Ve mîvenîñ daķı bir miqdârın ķarîn-i [S55a] dehân-ı devlet ve baķıyyesin rehîn-i selle-i pür-nîmet ķıldı. Pes naẓar-ı ‘ibret ile zıkr-i ķudret-i Lā-yezāl ve fıkr-i ṣun‘ u ḥıķmet-i Mûte‘ālî ziyāde yāda getürüp eyitdi kim: “İy Ḥayy u Ḳadîr ve iy Semî‘ ü Baṣîr olan ḥazret-i Ḥaķķ, bu cümle berāyāyı ibdā‘ u iḥyā eyledigin gibi ba‘de’l-imāte iḥyāya ķadîr-i muṭlaķsın. Ne olaydı beyân-ı ḥālî ‘ıyân-ı ķarîn ve rehîn-i ‘ayn-ı yakîn olaydı.” diyü ber-mücib-i fikret-i niyāz mend-i ittılā‘-ı ḥaķıķat oldıķda der-ḥāl cenāb-ı ḥazret-i Ḥayy u Mûte‘āl rūḥ-ı ṣerîf-i ‘Uzeyr ‘aleyhi’s-selāmı ķabẓ idüp ḥımārın daķı meyyit ķıldı. Pes bu ḥāl-i ḥıķmet-iṣtimālüñ üzerine [Ü41b] ṣad sāl mürûrından soñra Ḳadîr ü Ḳayyûm celle ve ‘alā ḥazretleri ‘Uzeyr ‘aleyhi’s-selāmuñ yene rūḥ-ı ṣerîfin cesed-i laṭîfine ifāza idüp ruḥ-ı pākî evvel mübārek ebnān ve lisān-ı mu‘ciz-beyān ve ṣadr-ı tābnākine baḥṣ u iḥsān ķıldıķda ḥımārınuñ ‘aẓmlarınuñ ḥayāt-peẓîr oldıķın kendüye re’yü’l-‘ayn irā’et-i seyrān ve bu vechle beyānı resîde-i mertebe-i ‘ıyân itdürdikde ḥazret-i Perverdġār ḥıķmet-i bâhiresin izḥār içün ‘Uzeyr ‘aleyhi’s-selāma: “Ne ķadar yatduñ ?” diyü su‘āl buyurdıķda çünki izṭıcā‘ı vaķt-i ḍuḥāda ve kıyāmı ba‘de’l-‘aṣr olmaġın cevābda evvelā “Bir ġün” diyüp ba‘dehū maṭmaḥ-ı enẓār-ı müstedillān, miqdār-ı mürûr-ı zamān olan ṣems-i āsmāna nigerān olup او بضع قال بل ليثت مائة عام فانظر الى طعامك و شرابك لم يتسنه وانظر الى حمارك diyü beyān buyurdıķda قال بل ليثت مائة عام فانظر الى طعامك و شرابك لم يتسنه وانظر الى حمارك diyü beyān buyurdıķda ilā-āḥiri’l-āyeh mıṣdāķınca Ḥudā-yı mûte‘āl ‘Uzeyr ‘aleyhi’s-selāma yüz sāl meķ ü ārām eyledigin i‘lām idüp kemāl-i ķudretine dāll olan dālle-i ķaṭı‘aya naẓarile emr buyurmaġın emr-i ṣerîfe fetḥ-i ‘ayn-ı imtiṣāl ile naẓar-ı tām̄m idüp sellede baķıyye olan ta‘āmı ve kûzede pes-mānde olan āb-ı engür-ı ḥalāvet-nizāmı teġayyürden maṣûn ve tebeddül den me’mûn ġörüp ve ḥımārınuñ ġüsiste-nizām olan ecẓā vü ‘izāmınuñ cem‘ ile iḥyā-kerde-i Ḥālîķu’l-enām oldıķın seyr eyledi. Pes bu ġüne imtiḥān ‘aķabinde [S55b] ḥazret-i Sübhān kendüyi Benî-İsrā’île baṣ ü irsāl eyledi. Vaķtā ki zāt-ı ṣerîfi sa‘ādet-ḥānesine teṣrîf idüp ġördi kim, hengām-ı müfāraķat-i beytde on sekiz yaṣında olan oġlı, yüz on sekiz yaṣına resîde pîr-i rûṣen-zamîr olmuṣ ve yigirmi yaṣında olan kerîme-i muḥteremesi, yüz yigirmi yaṣına resîde pîr-zen olmuṣ ve kendü ise ḥāne-i sa‘ādetinde ne hey’āt-ı ṣerîf üzere mufāraķat itmiṣ ise yene ol heykel-i bî-ḥalel ve ol ṣekl ü ḥüsn-i bî-bedel üzere teṣrîf-i sa‘ādet-redîf buyurmuṣdı. Binā’en ‘aleyh ḥānedān-ı ‘iffet-ünvāmı tarafında bir kimse kendüyi bilemedi, ol zamān ‘Uzeyr nāmın lisāna getürdi. Meger ol arada sāye-niṣîn-i dîvār-ı ḥayret ve mübtelā-yı ‘illet-i ‘amā-yı pür-zahmet bir ‘acüz-ı dānā-yı rumûz bulunup, ḥazret-i ‘Uzeyr ‘aleyhi’s-selāmdan nām-ı ‘Uzeyri istimā‘da dîde-i ķalbine bu nām-ı mübārekden nûr-ı sūrūr iltimā‘ itmegın işbāt-ı müdde‘āda talebkār-ı burhān olup eyitdi kim: “Evā’il-i zamānda ‘Uzeyrûñ du‘āsı müstecāb idi. [Ü42a] Eger fi’l-ḥaķıķa ‘Uzeyr sen isen dîdelerümden perde-i ‘amānuñ refi ve bu ‘illet-i pür-zahmetüñ defi içün dü-dest-i du‘ā ile fetḥ-i ḥoķķa-i dārū-yı ṣifā idüp, ġözlerümi maẓhar-ı feyz-i nûr-ı himmet ve nā’il-i kuḥl-i cilā-yı ‘ināyet eyle.” didikde ol ḥazret, dergāh-ı Rabbü’l-‘izzete dest-küṣā-yı du‘ā olup dîde-i ‘acüz içün nûr-ı ṣifā recā eyledikde du‘ā-yı ṣerîf bereķātından ol ‘acüz maẓhar-ı nûr-ı baṣîret ve çeṣm-küṣā-yı devlet oldı. Pes bu burhān-ı müsellemlü’l-ķıyās ṣuhūd-ı dîde-i ekṣer-i nās oldıķda her birleri ṣükr ü sipās iderek, olzāt-ı ḥaķāyık-ṣinās ile istînās murād eylediler. Ve evlād-ı ‘ālî-nijādı daķı ṣaḥā’if-i ķulüblarına va‘z-ı ṣekle te’kîd-i i‘timād içün ṣekl-i pāk-i ‘Uzeyr

‘aleyhi’s-selâmı beyânda: “Ol hâzretüñ kitf-i mübârekinde zîb-i kitâb-ı cemâl olan bir nokta-i hâl-i ‘anber-mişâl var idi.” diyü istikşâf-ı hâkîkat-i hâl kılup, ol ‘alâmet-i şâdıkı dağı beyâna [S56a] muṭâbık buldılar. Ve Buḥtu’n-naşr Benî-İsrâ’ile istilâ eyledikde cümle Tevrât-ı şerîfi iḥrâk itmegin ol ânda Tevrât-ı şerîf ve Tevrât hıfzında bir merd-i laṭîf bulunmadığı miyâne-i kavmda resîde-i ḥadd-i şöhret iken hâzret-i ‘Uzeyr ‘aleyhi’s-selâm Tevrât-ı şerîfi hıfzan kırâ’et u tilâvet eyledi. Ve ba‘dehü kavmine eyitdi kim: “Aḥbâr-ı Benî-İsrâ’ilden fülân nâm bir kimesne fülân târîḥde fülân bâğçenüñ fülân maḥalline bir Tevrât-ı şerîf defn eylemişdür, varup iḥrâc idivirüñ.” diyü iḥbâr eyledikde varup ḥaber-i şîḥḥat-eşer-i ‘Uzeyr ‘aleyhi’s-selâm üzre ol tevrât-ı medfûnı bulup ḥârice iḥrâc eylediler. Hıfz-ı ‘Uzeyr ‘aleyhi’s-selâm ile Tevrât-ı mezkûrı muḳâbele idüp birbirlerine muṭâbık buldılar. Pes bu güne ‘alâmet-i zâhire vü mu‘cize-i bâhiresi nümâyân olmaḳ ‘ilâvesiyle ḥasbe’l-meb‘ûsiyyet ol kavme teblîğ-i aḥkâm ve iḥyâ’-i sünen-i enbiyâ’-i kirâm ile bir zamân miyâne-i kavmda mu‘ammer ü müstedâm ba‘dehü mevt-i inḳıẓâ ile ‘âzım-i Dârü’s-selâm oldı. Qaldı ki Qaryetü’l-İnebde ber-manṭûḳ-ı âyet-i şerîf yüz sene vefât-ı laṭîf mevt-i imtiḥândur, yoksa mevt-i inḳıẓâ degüldür dimişlerdür, kezâ fî-Havâşî’t-tefsîr. *Su’âl*: Hâzret-i İsâ ‘aleyhi’s-selâmuñ du‘âsı berekâtında bi-iznillâh dört ‘aded emvât mazḥar-ı ḥayât olmışıdi ki [Ü42b] anlaruñ birine ‘Âzâr dirler idi; vefâtından üç gün sonra ḥasbe’d-du‘â’ zinde olup bir zamân ‘âlem-i dünyâda mu‘ammer oldı. Ve biri dağı bir ‘acûzuñ oğlu idi kim mevtinden bir niçe müddet sonra ḥasbe’d-du‘â’ dirilüp ‘âlemde ta‘ayyüş ü te‘ehhül ile evlâd şâḥibi oldı. Ve biri dağı bir mekkâsuñ kerîmesi idi kim ba‘de’l-vefât mazḥar-ı ḥayât olup haclegâh-ı ‘âlemde ‘arûsâne iḳâmet ü imtizâc ve me’nûs-ı ḥâlet-i izdivâc oldı. Ve biri dağı Sâmbin Nûḥ ‘aleyhi’s-selâmdur ki vefâtından iki biñ sene sonra berekât-ı du‘â’-i İsâ ‘aleyhi’s-selâmda dirilüp: “Amân yâ nebiyya’llâh ! Bir dağı âlâm-ı ceşş-i [S56b] sekerât-ı mevt olmayam.” diyü recâ eyledi. Pes ḥasbe’l-ḳabûl yine ser-nihâde-i bâliş-i ḳabr-i ḥasret oldı. Pes buña göre iki biñ yıllık mürdenüñ iḥyâsı, yüz yıllık mürdenüñ iḥyâsından istidlâl-i ḳudretde eblağ iken nâzımuñ «mürde-i şad sâle» zikrine teşaddisinde nûkte nedür? *Cevâb* birkaç vechledür: Evvelen, ḳudretu’llâhda emvâtüñ cümlesini iḥyâ müsâvîdür; gerek bir yıllık ve gerek bin yıllık. Şâniyen, egerçi iḥyâ’-i emvât eḫâl-i Ḥâlîḳu’l-arzı ve’s-semâvâtdandur. Lâkin Sâmuñ iḥyâsı mu‘cize-i İsâ ‘aleyhi’s-selâm zımnında olmağın eger Sâmuñ iḥyâsı beyân olınsa hâzret-i İsâ ‘aleyhi’s-selâmuñ iḥyâ’-i emvâtda du‘âsı müstecâb idi dimek olur. Ammâ ‘Uzeyr ‘aleyhi’s-selâmı iḥyâ bi-vâsiṭati’d-du‘â olmayup belki hemân izḥâr-ı ḥikmet-i Mevlâ ve beyân-ı ḳudret-i Ḥâlîḳu’l-arzı ve’s-semâ’ oldığından mâ‘adâ bunda yüz seneye dek ‘adem-i teğayyür-i ta‘âm ve şarâb-ı ḥoş-güvâr ve ḥayât-ı ḥımâr ve sâ’ire dâ’ir niçe fevâ’id zâhir olduğu bâhirdür, والله اعلم بالصواب.

﴿ این بجز حق دیکری کی میکند ﴾ Bunu Ḥaḳḳ te‘âlâdan ḡayrı bir âḡarı ḳaçan ider, ya‘ni idemez.

İn, ḳarîbe işârete mevzû‘dur; müşârun ileyhi meşâri‘-i evvelüñ mefhûmıdır. **Be-cüz’-i Ḥaḳḳ**, izâfetle «Ḥaḳḳuñ ḡayrı» dimekdür. Be-cüz kelimesindeki «be» zâ’iddür. Cüz, zammla «ḡayr» ma’nâsınadır; terkîbi özgedür. Ḥaḳḳ, bunda ism-i Celâldür ve gâhî [Ü43a] bâṭıluñ muḳâbili olmaḳ üzre «şıdḳ u sedâd» ma’nâsına ve «naşîb ve vâḳi‘ ve vâcib» ma’nâlarına gelür. Ol zamân cem‘i «ḥuḳûḳ» olur. **Digerî**, «bir âḡar». **Key**, fethle bunda «ḳaçan» dimekdür; ‘Arabîsi zamândan su’âl olan متى (metâ)dur. Ve gâhî key kelimesi «ulu pādşâh» ma’nâsına gelür. Nitekim cem‘inde «keyân» dirler; «ulu pādşâhlar» dimekdür.

Keyānlaruñ āhiri Keyhūrevdür. Ve Keyhūrev, Keykāvusūñ oğlunuñ oğlıdur. Ve gāhī keyān, «ṭabāyī» ve ḳara ev» ma'nāsına olur. **Mī-koned**, «ider» dimekdür. Ma'lūm ola ki bu beyt-i laṭifde kemāl-i ḳudretu'llāha delālet ve ḥaṣr-i cismānīyi münkirleruñ redd-i mezheb-i fāsıdlerine işāret vardır.

﴿ صَانعی كز طین سلاطین میکند ﴾ [S57a] Bir şānī'dür ki balçıḳdan pādşāhlar ider. **Şānī**; şānī' 'arabīdür, «fā'il ve ḥālīḳ» ma'nāsınadır. Āhırindeki yā vaḥdet içündür. **K'ez-ṭīn**, ki ez-ṭīn ya'nī «balçıḳdan» dimekdür. Zīrā lafz-ı ki, rābıṭadur; ez, «min» ma'nāsınadır. Ba'de't-tahfīf «k'ez» olmuştur. **Ṭīn**, «balçıḳ» ma'nāsına 'Arabīdür. **Selāṭīn**, cem'dür. Müfredi sultāndur, mā'nāsı mā-sebaḳdan ma'lūmdur. **Mī-koned**, «ider» dimekdür. Ma'lūm ola ki bundan murād, ḥilḳatī ṭinden mübtedā' olan Ādemuñ neslinden selāṭīn getirür dimege zāhirdür. Nitekim ذلك عالم الغیب والشهادة الذى احسن كل شىء خلقه و بدا bu taḥḳīḳa dālldür. Buña göre selāṭīn gelmiş ve gelecek pādşāhlaruñ cümlesine şāmil olur yāḥod tefennün ḳā'idesince bundan yine ḥazret-i Ādem murād olunup ibtidā'-i dībācede faḳaṭ ḥilḳat-i şerīfin beyān ba'dehū bunda ḥilāfetin i'lān birle 'ulüvv-i şānın 'ıyān var demek daḥı muḥtemeldür. Buña göre selāṭīnuñ cem' geldigi Ādeme ta'zīm içündür yāḥod şulb-i pākinden gelecek seṭīn i'tibāriyle واحد كالف ḳā'idesin tefhīm içündür demek mümkündür. Nitekim Ādemuñ ṭinden ḥilḳatī طین من خلقه و ان قال ربك للملائكة انى خالق بشراً من طین āyet-i celālet-rehīninden ma'lūmdur. Vech-i arzda ḥilāfeti خلیفة جاعل فى الارض و ان قال ربك للملائكة انى جاعل فى الارض خلیفة ma'zmununuñ beynlerinde muḡāyeret 12 بندگانرا دولت شاهى دهد [Ü43b] zāhirdür, tekrār veya te'kīd ḳabīlinden olmadığı bāhirdür. *İşāret*: Ma'lūm ola ki Ḥalīḳ-ı 'ālem ṭıynet-i pāk-i benī-Ādemi esmā vü şıfātına mazhar ḳılmaḡıla insānı selāṭinde olan ḳuvvet ü ḳudret ve meḥābet ü şevket ve emsālī şıfat-ı pūr-ḥālet ile mevşūf bir sultān-ı zī-şān ḳıldı kim min-ḥayṣi'l-ma'nā selāṭīn maḳāmında kām-rān ve perde-i ḡaybetden ḳāk olan ḥāk-i vücūdını eflākdan tābān eyleye. Pes nāzımuñ bu mısrā'ı ma'nā-yı evvelde oldıḳda zāhir ve ma'nā-yı şāniyei taḥammüle ḳādirdür.

﴿ نجم را رجم شياطين میکند ﴾ Yıldızı şeyṭānlara recm ider. **Necm**, 'Arabīdür; bunda «yıldız» ma'nāsınadır. 'İnde'l-Arab kevākib için ism-i 'alemdür. [S57b] Lākin ma'rūf zıkr olındıḳda «şüreyyā» murād iderler, münker zıkr olındıḳda şüreyyānuñ ḡayrını zıkr iderler. Ve ba'zılar küçüḡine «necm», büyüḡine «kevkeb» dimişlerdür. Ve gāhī necm, «vaḳt» ma'nāsına ve «aşl» ma'nāsına ve «her şey'üñ vazīfesi» ma'nāsına ve «nebātātadan, bilā-sāḳ yire yayılan ot» ma'nāsına gelür. **Rā**, edāt-ı mef'uldür. **Recm**, fetḥle «taş atmaḳ» ma'nāsına ba'dehū «taş atup öldürmek» ma'nāsına ve daḥı «redd itmek» ma'nāsınadır. Bunda murād ma'nā-yı āhirdür. Ve gāhī «zann ile söz söylemek» ma'nāsına gelür ki; «zann ile söz söyledi» diyecek maḥallde رجم بالغیب söyledi dirler. Mā-ba'dine muzāfıdur, muzāfun-ileyh olan **şeyāṭīn** cem'dür; müfredi şeyṭāndur. Şeyṭān, شطن يشطن (şeṭane, yeṣṭanu)dan fey'āl vezninde munşarıfıdur ve nūnı aşıyyedür. Ma'nāsı «raḥmetden dūr olıcı» dimekdür. Ve 'inde'l-ba'z شاط يشيط (şāṭa, yeṣṭu)dan müştakḳıdur. Fa'lān vezninde ḡayr-ı munşarıfıdur ve nūnı zā'idedür. Ma'nāsı «helāk olıcı» dimekdür. 'Alā-

¹² Ü38a ve S51b'ye isābet eden mısra.

kile'l-iştikākayn şeyāṭinden murād, menşūşu'l-ʿadāvet olan ʿazāzīl ve melʿūnuñ evlād-ı fāsīd-nihādlarıdır. Yoksa ʿArabuñ: “Her ins ü cinn ve devābbdan ʿutüvv ü temerrüd şāhibine «şeyṭān» ʿıtlāk olunur.” didikleri gibi degüldür. *Fāʿide*: Ehl-i sünnet ve'l-cemāʿat ʿindinde şeyāṭīn [Ü44a] ve melāʿike-i kirām ḥāricde mevcūdlardur, lākin ebşārdan muḥteflerdür. Ammā ekşer-i felāsife ve cemāhīr-i kaderiyye ve kāffe-i zenādika bunları bi'l-külliyeye inkār idüp: “Şeyṭāndan murād nefis-i emmāre ve vesvās-ı ḥannāsdan murād kuvve-i vāhimedür. Ve melāʿike-i semāviyyeden murād ʿaql u fikr ve kuvvā-yı rūḥāniyye ve kuvve-i ʿaqliyye ve ʿilmiyye ve ʿameliiyyedür.” dimişlerdür, kezā ḥaḳḳaḳa İmāmü'l-Ḥaremeyn fī-kitābihi'l-müsemma bi'ş-Şāmil. **Mi-koned**, «ider». *Tafşıl*: Maʿlūm ola ki bu mışrāʿ-ı pākde زينا السماء الدنيا بمصابيح وجعلناها رجوماً للشياطين nazm-ı mübīne işāret vardır. Beyānında Şeyḥ-zāde ḥazretleri Ḳatādeden böyle rivāyet ider ki: “Kevākib ü nücūmuñ ḥāḳḳında üç ḥikmet zāhirdür. ḥikmet-i ūlā, semāya zīnet; ḥikmet-i sāniye, şeyāṭīne recmiyyet; ḥikmet-i sālişe, berr ü baḥrde ʿilm-i evḳāta ihtidā için ʿalāmet oldığıdır.” Pes āsmāna zīnet olduğu beyānı budur ki; çünki benī-Ādem mesācid ü maʿbedlerin [S58a] envāʿ-ı sirāc-ı vehhāc ile zeyn idecekleri ʿilm-i ezelīde maʿlūm olmağın cenāb-ı Mennān insāna menn idüp, sākin olacaḳları dār-ı dünyānuñ saḳfı yirinde olan semāʿ-ı dünyāyı sirācdan müsteʿār olan nücūm-ı pūr-envār ile ziyādār-ı zīnet ve bu ʿitibār ile ḥikmetin izḥār u minnet eylemişdür. Ve kevākib-i zīnet-meʿāvibüñ cümlesi semāʿ-ı dünyāda olmaḳ iḳtizā eylemez. Zīrā semāvāt şeffāfe olmaḳ ḥasebiyle, semāvātde olan kevākib cümleten semāʿ-ı dünyādan bedīdār ve semāʿ-ı dünyāya zīnet-şīʿardur dimişlerdür. Ve necmüñ recm-i şeyāṭīn olduğının beyānı böyledür ki; gürūh-ı şeyāṭīn pīş-ez-īn semāya ʿurūc u vülūcdan memnūʿ degüller idi. Gāh u bī-gāh semāya varup sükkān-ı āsmān miyānelerinde yā vaḥy-i İlāh müzākere olınan aḥbārı istimāʿ ve üzerine vāfir dūrūḡ-ı bī-fürūḡ zamm idüp yir yüzindeki kāhinlere ḥaber virürler idi. Vaḳtā ki ḥazret-i İsa ʿaleyhi's-selām bi-emrillāhi'l-Meliki'l-ʿAllām semāʿ-ı rābiʿa refʿ olındıkda şeyāṭīn-i mefsedet-āḡīn remy-i şühüb ile [Ü44b] semāʿ-ı rābiʿa ʿurūcdan menʿ olunup, semāʿ-ı sālişi güzer idemezler idi. Baʿdehū Faḥr-i ʿālem şalla'llāhu ʿaleyhi ve sellem ḥazretlerinin ʿālem-i dünyāya teşrīf-i devlet-redīfi yaʿnī mevlūd-i şerīfi gicesinde şeyāṭīn-i melāʿīn bi'l-külliyeye semāvāta ʿurūcdan remy-i şühüb ile memnūʿ u merdūd ve ebedü'l-ābād maṭrūd oldılar. Ḳaldı ki recm, ʿayn-ı necm degüldür. Belki semāda ḳārr olan nücūmuñ nārından muḳtebes olan āteş-i pūr-süzdur. Ve bu nār-ı ḳaviyye ʿindinde aḡleb-i ʿunşur-ı ḥılḳat-i şeyāṭīn olan nār-ı zaʿīfedür. Nār-ı ḳaviyye ise nār-ı zaʿīfeyi ihlāk u mużmaḥıll eylemek zāhirdür. Nitekim yevm-i ḳiyāmetde nār-ı şedīde-i düzaḥ ile cümle-i şeyāṭīn ʿazāb olınacaḳdur. Pes bu taḥḳīḳ-i ḥaḳīḳ üzre nāzımuñ kelāmındaki necm ve recm beyānumuzda olan āsmān lafzları maʿānī-i ḥaḳīḳīlerinde müstaʿmeldür. Lākin bu elfāzlarda istiʿāre ve mecāza dem-sāz olan meşāyih-ı şūfiyyeye göre nāzımuñ bu kelāmını şeyḥāne teʿvīl ile taʿbīr mümkündür. Budur ki: Uşşāḳ-ı sūḥte-dilān olan ʿābid ü zākirlerin ḥāne-i ḳulūblarında şerāre-i āteş-zene gibi envār-ı ʿāṭ zuhūr ve berḳ-i lāmiʿvārī ziyā- [S58b] pāş-ı nūr olur. Pes dil-i muḥterik, ʿaşıḳ-ı sūḥte-mişāl olmağın ol envār-ı lāmiʿadan derūnına iḳtibās-ı nūr ider. Ol zamān iblīs olacaḳ düzd-i pūr-telbīs, derūn-ı ʿaşıḳdaki nūruñ inṭifāsı için ḥıfyeten ol menfez-i envār olan maḥallere vaḳʿ-ı enmele-i ḥiyel sevdāsına düşer. Ol zamān و لن يطفئوا نور الله ولو كره المشركون müfādinca bi-tevfīḳı'llāhi teʿālā āsmān-ı maʿnevī olan ḥāne-i ḳalb-i ʿaşıḳda

çerāğ-ı rūḥānī zāhīr olur ki, aña necm-i ma'nevī dirler. Pes ol necm-i ma'nevīnün tūlū'ından şeytān-ı lā'īnün ḥile vü ḥud'ası zuhūra çıkup ve ol nūr-ı İlāhīnün semtinde tırmağa iktidār ḳalmayup, şühüb-i sākīb ile mercūm olan melā'īn gibi merdūd u ma'rūd olup bir daḥı ol ḳalb-i pūr-envār [Ü45a] ve ol ḥāne-i imān-ı zīnet-āṣāra duḥūl idemeyüp vaż'-ı engüşt-i mel'anet eylemekden maḥrūm olur.

﴿ از زمین خشک روپاند کياه ﴾ Ḳurı yirden ot bitürür. **Ez-zemīn-i ḥuṣk**, izāfetle «ḳurı yirden» dimekdür. Zīrā «ez» lafzı min-i cārre ma'nāsınadır. Zemīn lafzında «zem», fethle «şovuk» ma'nāsınadır; yā ḥarfı nisbet içündür; nūn nisbet-i mezkūrı te'kid için. Pes topraḡuñ ṭab'atı bārid olmaḡ itibārıyla zemīn, «yir» ma'nāsına olmuştur. 'Arabīsi «arż»dur. Bilā-nūn yā'-i nisbī ile aşlı üzre «zemī» daḥı luḡatdır. Ḥuṣk, zamm-ı ḥā ve sūkūn-ı şīn ile ve kāf ile bunda «ḳurı» dimekdür. 'Arabīsi «yābis»dür. Ve gāhī iştīlāḥda «pūr ve nā-kes ve dūrūşt-ṭab'» ma'nalarına isti'māl olunur. **Rūyāned**, muzārī'-i müfred-i ḡāyibdür; «bitürür» dimekdür. Maşdarı «rūyāniden»dür. **Giyāh**, kesr-i kāf-ı 'Acemī ile aşl-ı luḡat-i Fārisīde «ḳurı ot» ma'nāsınadır. Lākin soñra yirde ṣābit olan muṭlaḡ ot ma'nāsına isti'māl eylemişlerdir. Āḥirindeki ḥānuñ ḥazfıyle «giyā» daḥı luḡatdır. Nitekim *naẓm*:

سر مردم نه دیکر بار خیزد

کيا باشد که ان هر بار خیزد

beytinde vaḳı'dür. Ve daḥı «mihr-giyā» didikleri gibi. Mihr-giyā, «maḥabbet otı» dimekdür. Aşlı «giyāh-ı mihr» idi, li-ecli'l-'alemiyyet taḡdīm ü te'hīr ve ba'dehū ḥā ḥarfı terḥīm olunup «mihr-giyā» olmuştur. [S59a] Mihr-giyā bir otdur ki, anı toşbaḡa didikleri ḡayvān bilür. Ḳaçan dişisi kendüye rām olmasa mezkūr otı bulup, aḡzıyla getürüp üzerine ḳor. Ol sā'at kendüye anı rām ider. Nitekim *naẓm*:

بر مهر تو سبزه خط سر نه برآورد

نشاخت دلم خاصیت مهر کيا را

bu ma'nāya dālldür. Pes ḥulāṣa-i kelām, ḡazret-i Ḥaḡḡ şol Ḳādir-i muṭlaḡdur ki zemīn-i yābisi inbāt-ı nebātāt ile lābis ider. Nitekim insān ve ḡayvānuñ intifā'ına şālih olan nebātātın inbātını 'ibāda menn itmek ḡikmeti zımnında Ḳur'ān-ı kerīimde فانبثنا فيها حبا و عبا و قضا و زيتونا و نخلا و حقائق غلبا buyurmuşdur. *Fā'ide*: Ma'lūm ola ki nāẓımuñ bu mışrā'ı irād ve inbāt-ı nebātātı Ḥudāya isnādında ḡaşr-i ecsādı münkir olan Dehr-i 'inād-i'tiyādı redde işāret vardır. Zīrā ol ṭā'ife-i ḡayr-ı ḥā'ife [Ü45b] zu'mlarında: “Bu nebātāt u eşcāruñ ḡayāt u fenāsı bahār u şitānuñ āṣārıdur ve bahār u şitā devr-i felek iktizāsıdur. Ḳadīm zamāndan böyle gelüp, böyle gider.” dirler, ne'üzü bi'llāhi te'ālā. Ḳaldı ki beyne'l-'ulemā meşhūr olan انبت الربيع البقلا daki isnād-ı mecāzī ile bunuñ farḡı zāhirdür, ḡaflet olmaya. Ve meşāyḡ-ı şūfiyye raḡimeḡümü'llāḡ ḡazaratı mesbūḡu'z-zikr Dehrīleruñ büstān-ı zāhīr ḡaḡḡında bu ḡüne tekellūm-i nā-hemvār ile ḡudretu'llāḡı inkārların ḡörüp, *meşnevī*:

کورئ ايشان درون دوستان

حق برويانيد باغ و بوستان

هر کلی کاندرونيو بود

آن کل از اسرار کل کويا بود

müfâdınca; anlarıñ körlükleri için Hakk te‘âlâ, ‘ulemâ vü evliyâlarıñ kulübında bağ-ı îmân (u) büstân-ı ‘irfân bitürdi kim ol kavmüñ dimağı bu bağ-ı ma‘nevîden râyiha-i hikmet-i İlâhî ve şemme-i ma‘rifet-i nâ-mütenâhî ahzîyle Kâdir-i muflakuñ kudretin itkân ve hikmetin iz‘ân eyleyeler, dimişlerdür. والسلام على من اتبع الهدى .

﴿ اسمانها را هم او دارد نگاه ﴾ Gökleri hem ol hıfz tutar. *Āsmānhā-rā*, «gökleri» dimekdür. Zîrâ *āsmān*, «gök» ma‘nâsınadır; ‘Arabîsi [S59b] «semā»dur. Aşlı «beñzeyici» ma‘nâsına ism-i fâ‘il-i murahham olan «mān» lafzı ile «degirmen» ma‘nâsına olan «ās» lafzından mürekkebe olmak üzere «mān-ı ās» idi. Ba‘dehü ‘alemiyyet için kâ‘ide-i terkîb tağyîr olunup «āsmān» olmışdur. Pes göge, āsmān didikleri tedvîrde degirmene müşābeheti münāsebetiyledür. Āhîrindeki hā, edât-ı cem‘dür. Rā, edât-ı mef‘ûldür. **Hem**, ma‘rûfdür. **O**, zamîrdür; Hudāya rāci‘dür. **Dāred**, «tutar» ma‘nâsına muzāri‘-i müfred-i gāyibdür. Maşdarı «dāšten»dür, «tutmak» ma‘nâsına. **Nigāh**, kesr-i nûn ve feth-i kâf-ı ‘Acemî vü elif ü hā ile «hıfz u nazar» ma‘nâsınadır. Ve hâz-f-i elif ile «nigeh» dağı lûgatdür. Pes bunda يمسك السموات ilā-āhîrî’l-āyeh maзмünına telmîh vardır. Fi’l-ḥaḳḳıka semāvâtı bilā-‘amed kıyām, a‘zam-ı kudret-i Rabbü’l-enām ve ağreb-i şun‘ u hikmet-i ḥazret-i Melik-i ‘allāmdur. *Fā’ide*: [Ü46a] Ma‘lûm ola ki cümle eşyâda mü’essir-i ḥaḳḳî ancak ḥazret-i Hakkıdır. Pes devr-i eflāk ḥasebiyle kevākib-i şüriyyeye te’sîrât isnād idüp: “Bi-emri’llāh yāḥod bi-taḳdîri’llāh şöyle oldu.” dimemek küfrdür, dimişlerdür. (...) İmdi devr-i eflāk ile aḥterāna ḥaḳḳıaten te’sîr isnādı küfrdür. Ammā erbāb-ı taḳvîmüñ düstûr-ı kavā’id üzre istiḥrâc-ı aḥkāmda, meşelâ «ḥamse-i müteḥayyire» ta‘bîr itdikleri kevākib-i ḥamseden birinüñ şems ile bir burcda cem‘ine «ihtirāk» ıstılâh idüp naḥs ‘add eyledikleri ve bunun [S60a] ḥilâfına sa‘d ta‘bîr eyledikleri bi-‘itibârî’l-kā’idedür. واللہ اعلم بالصواب. “Böyle bir ‘ilm pür-fā’idedür.” didikce anlara zararı yokdur, dimişlerdür. Qaldı ki nâzımuñ kelâmındaki «āsmān» lafzı, ma‘nâ-yı ḥaḳḳîsinde isti‘mâle göre ma‘nâ henüz mürûr eylediği üzredür. Lâkin erbāb-ı şüfiyye işāreti üzre āsmānda ma‘nâ-yı mecāzî i‘tibār itmek dağı mümkündür. Nitekim buyurmuşlardur, *naẓm*:

اسمانهاست در ولایت جان

کار فرمای اسمان جهان

در ره روح پست و بالا هست

کوههای بلند و دریا هست

Ya‘nî vilâyet-i cānda āsmānlar vardır ki cihān āsmānınuñ kâr-fermâsıdır. Ve rûḥ yolında pest ü bālâ, ya‘nî merâtib-i ‘ulvî vü süflî vardır. Ve kūh-ı bülend ü deryâ vardır. Kūh-ı bülendden murād, himmet ü ‘azâ’im ve temkîn ü sekîne ve veḳârdur. Deryâdan murād, esrâr-ı ‘ulûm u ma‘ârifdür. Pes buña göre ma‘nâ-yı mışrâf-ı nâzım; hem ol Hudâ cān vilâyetinüñ āsmānları olan kulüb-ı ehl-i îmânı [Ü46b] zeyğ ü hızlândan hıfz tutar dimekdür. Qalbün ‘ulûvv-i ḳadri ve zînet-i envâr-ı ma‘ârif ile bedri ḥuşuşan devr-i āsmānâsâ teḳallübâtı ḥasebiyle āsmān ve vilâyet-i cān olduğu nümâyândur.

﴿ هیچ کس در ملک او انباز نی ﴾ Hiç bir kimse anuñ mülkinde şerîk degüldür. **Hiç kes**, «hiç bir kimse» dimekdür. Zîrâ «hiç» lafzı, Fâriside muṭlaḳ ma‘dûm ma‘nâsınadır kim bunda murād dağı budur.

Ve gāhī «azacı» ma'nāsına olur. Kes, «kimse» ma'nāsına ma'rûfdur; sibāk-ı nefyde vāki^c nekre-i müfîdetü'l-umûmdur. **Der-mülk-i o**, izâfetle «anuñ mülkinde» dimekdür. Zîrâ «der» lafzı, zarfıyyet içündür. Mülk, zammıla «taht-ı taşarrufında olan nesne»ye dirler. «O» lafzı, zamîrdür; Hudâya râci'dür. **Enbâz**, feth-i hemze ile «ortağ» ma'nâsınadır. 'Arabîsi «şerîk»dür. Nitekim *naẓm*:

اوست در قدرت بصنعش بی نظیر

نیست انباز و وکیل هم وزیر

beytinde vāki'dür. Ya'nî ol Allâh, şun'-ı bâhiriyle kudretde bî-naẓîrdür ve şerîk ü vekîl ü vezîri yokdur. **Nî**, kemâ-merre edât-ı nefydür. Bunda «nîst» yirindedür, ma'nâda «yokdur» dimekdür. Pes bunda *فی الملک* [S60b] ولم یکن له شریک âyet-i şerîfine telmîh vardır.

﴿ قول او را لحن نی و ساز نی ﴾ Anuñ kelâmına şavt ve tertîb-i hûrûf yokdur, ya'nî bu kabîlden degüldür. **Ẕavî-i o-râ**, «anuñ kelâmına» dimekdür. Zîrâ Ẕavî bunda «kelâm» ma'nâsınadır, lafzî vü nefsîden 'ammdur. Türkîde «söz» ve Fâriside «sühân»dur. Bunlar dañı 'Arabîdeki «kelâm» gibi 'ammdur ve her biri söylenmişe ve söylenmemişe itlâk olunur. Pes söze ba'de't-tekellüm «sühân-ı güfte» dirler. Ve Ẕable't-tekellüm «sühân-ı nâ-güfte» dirler. **Lañn nî**, «şavt degüldür» dimekdür. Zîrâ lañn bunda «şavt» ma'nâsınadır. Nitekim اقرؤالقران بلحونالعرب ħadis-i şerîfde «luñûn-ı 'Arab»dan murâd «eşvât-ı 'Arab»dur, dimişlerdür. **Nî**, kemâ-merre nefy içündür; «nîst» yirindedür. **Vü sâz nî**, «ve tertîb degüldür» dimekdür. Zîrâ vâv 'atıfedür. Sâz lafzı Fâriside on ma'nâya gelür. Evvelâ, ma'rûf «çeng»dür. Sâñî, «intizâm-ı ħâl»; sâlis, «mühimmât-ı seferiyye»; râbi', «ĥarekât u sekenât»; ĥâmis, «silâh-ı ceng» ki; sâz u selb dirler. Sâz, Fârisî; selb, 'Arabîdür. [Ü47a] Sâdis, «tedârük-i ziyâfet» ma'nâsınadır. Sâbi', «mekr ü ĥile»; şâmin, «nef' ü fâ'ide»; tâsi', «mişl ü mânend» ma'nâsınadır. 'Âşir, «sâhten»den müştakğ «düzme» ma'nâsına olmağın emr ve vaşf-ı terkîbîde dañı olur. Pes mā-nañnū fihide «düzme» ma'nâsınadır. Ĥattâ çalgı çalıciya «sâzende» didikleri, çaldığı nesnenüñ devrin düzdigi içündür. İmdi tertîb dañı düzmenüñ levâzımı oldığı zâhirdür. **Nî**, ke-zâlik edât-ı nefydür. Ba'zı nüşhada sâz yerine «âvâz» vaqî'dür. Âvâz «şadâ» ma'nâsınadır. Buña göre lañnüñ 'atf-ı tefsîridür, lâkin sâz nüşhasında fâ'ide-i zâ'ide vardır. (...[S61a]...)

Na't-ı Pâk-i Faḥr-i Cümle-i Kâ'inât

Ola ki beyân-ı sâbık üzre nâzım-ı merḥûm bu kitâbını besmele ve ḥamdele ile ibtidârdan soñra Faḥr-i kâ'inât 'aleyhi efḍalü't-teḥıyyātuñ medḥ-i şerîfine âğâz ve şalât ü selâma dem-sâz olmışdur. Zîrâ İmâm Fâkeḥânîñ Şerḥu'r-Risâle nâm 'icâlesinde: Her bir emr-i zî-bâle mübâşeretde cenâb-ı Ḥaḳḳa ḥamd u şenâ ve Faḥr-i ekrem şalla'llâhu 'aleyhi ve sellem ḥazretine şalât ü selâm ile ibtidâr eylemek müsteḥabbdur, buyurmuşdur. Binâ'en 'aleyh nâzım eyidür:

﴿ سيدالكونين و ختمالمرسلين ﴾ [Ü47b] Kevneynüñ ulusı ve mürselinüñ ḥâtemidür. **Seyyidü'l-kevineyn**, «dünyâ vü 'uḳbānuñ ulusı» dimekdür. Zîrâ seyyid, «ulu ve 'azîmü'l-ḳadr ve mevlâ» ma'nâsınadır. Aşlı «sevyid» idi, vâv yâya ḳalb ve ba'dehü idğâm olunmağıla seyyid olmuşdur. Cem'i

محمد افتاب عالم افروز
 ثنا کویش منم ازجان شب و روز
 محمد [S63a] سرور اولاد ادم
 محمد مهترین هر دو عالم
 محمد اختیار انس و جانست
 محمد مهتر پیغمبرانست
 محمد را کسی سایه ندیده
 براقش جبرئیل از جان کشیده
 محمد شاهباز قاب قوسین
 زده بر پشت پای از فقر کونین
 محمد ان حبیب خاص رحمان
 محمد کان لطف و بحر احسان
 محمد در دو عالم کامرانست
 از ان رو خاتم پیغمبرانست
 محمد بود کادم اب و کل بود
 محمد را همه تن جان و دل بود
 محمد شد فراز ماه پروین
 فلکها بهر سرور بسته این
 محمد دین و ایمان داد مارا
 ز حق تشریف و قران داد مرا
 محمد داد مارا کام و مقصود
 نموده راه مارا سوی معبود

Terceme li-şārihihi'l-faḳīr:

Muḥammeddür çü mihr-i 'ālem-efrūz
 Şenāsın eylerem cāndan şeb ü rüz
 Muḥammed server-i evlād-ı Âdem
 Muḥammed mefḥar-i ehl-i dü-'ālem
 Muḥammed iḥtiyār-ı ins ü cāndur
 Muḥammed server-i peygamberāndur
 O zātuñ görmedi zıllın çü dāde
 Burāqın Cebre'l cāndan keşīde
 Muḥammed şāh-bāz-ı قوسین قاب
 Urupdur pūşt-i pāy ez faḳr-ı kevineyn
 Muḥammeddür ḥabīb-i ḥāşş-ı Raḥmān

Muhammed kân-ı luṭf u baḥr-i iḥsân
 Dü-âlemde Muhammed kām-rândur
 Anuñçün Ḥâtem-i peygamberândur
 Nebî olmuş idi ol Faḥr-i âlem
 Henüz âb u gil içre iken Âdem
 O bālâ-devrdür ez-mâh u pervîn
 Felekler bağladı anuñçün âyîn
 Muhammed bize virdi dîn ü îmân
 Getürdi çünki Ḥaḳḳdan bize Ḳur’ân
 Muhammed bize virdi kām u maḳşûd
 Bize gösterdi rāh-ı süy-ı Ma’bûd
 Bulayum dirseñ iy Rûḥî necâtı
 O Faḥr-i âleme eyle şalâtı

﴿ آخر آمد بود فخر اولین ﴾ Āḥir geldi, evvelînün faḥri idi. [Ü49b] **Āḥir**, medd-i hemze ve kesr-i ḥâ’-i mu’ceme ve sükûn-ı rā’-i mühmele ile ‘Arabîdür; «şon» ma’nâsınadır. Fârisîsi «pâyân»dur. Evveline ḥarf-i zarf taḳdîriyle «der-âḥir» dimekdür. **Āmed**, «geldi» ma’nâsına mâzî-i müfred-i gâ’ibdür. **Bûd**, cûd kâfiye ve veznindedür; bunda «idi» ma’nâsınadır. Ve gâhî «bûden» ma’nâsına gelür, «var olmak» dimekdür. Ve gâhî mâzî-i muḥakkî murâd olınarak isti’mâlinde ‘Arabîdeki كان(kâne) kelimesi gibi ef’âl-i tāmmeden itibârile «bûd» ve ef’âl-i nâkışadan itibârile «şod» ma’nâsına olur. [S63b] **Faḥrû’l-evvelîn**, «selefde güzër idenlerün mâ-bihî’l-iftihârı» dimekdür. Zîrâ faḥr, «şeref ve faẓl ve ‘add-i me’âşir ve iftiḥâr itmek» ma’nâlarınadır. Bunda mâ-bihî’l-iftihâr ma’nâsı rüşendür. Mâ-ba’dine muzâfdur. El-evvelinde «el», ḥarf-i ta’rîfdür. Evvelîn cem’dür, müfredi «evvel»dür. Evvel, ism-i tafḍıldür; mü’enneşi «ülâ»dur. Cem’i «evvelün ve evâ’il»dür. Pes ḥulâşa-i ma’nâda; Faḥr-i kâ’inât zamân itibârıyla egerçi âḥirde geldi, ammâ ‘ulüvv-i şânı ḥasebiyle evvelîn-i kirâm kendü ile iftiḥâr idinürler idi yâḥod şeref ü şânda evvelîn üzerine fâ’ik idi dimekdür. Buña göre faḥr, şeref ü faẓl ma’nâsında müsta’mel olmuş olur. Niteki *kaşîde*:

فاق النبيين في خلق و في خلق

ولم يدانوه في علم و في كرم

ma’nâ-yı mezkûrî mü’eyyiddür. Ma’lûm ola ki nâzımuñ bu mısrâ’-ı pâkinde محمد و اخرهم اول المرسلين ادم و اخرهم اول النبيين في الخلق و اخرهم في البعث hadîs-i şerîfî üzre evvelînden murâd, mürselîn ve âḥirînden murâd, ḥâtemü’n-nebiyyîn idigi zâhirdür. Lâkin ḥilḳat cihetinden evvel-i sulṭân-ı enbiyâ idigi اول ما خلق الله نوري او روى و داہی و داہی بين الماء والطين و داہی اول المرسلين ادم و اخرهم اول النبيين في الخلق و اخرهم في البعث haber-i münîfinden hüveydâdur. Qaldı ki her şeyde ol ‘ünvân ile mu’anven olanlaruñ beyânında Evveliyyât-ı ‘Arab ve Evveliyyât-ı ‘Acem nâmında başka başka kitâblar taşnîf itmişlerdür ki meşhûr ve her birinde evvel kimler idigi mestûrdur. Ve bunlardan mâ-adâ ba’zı evveliyyât eḥādîs-i şerîfe ile mübeyyendür. Ez-cümle İmâm Münâvî rahimehu’llâhuñ Deḳâ’ıku’l-Ḥaḳâ’ikında [Ü50a] eḥādîs manṭûḳınca bûzhiş-i

evveliyyātuñ baʿzıları bunlardır ki naql bi'l-ma'nā tarīkıyle ber-vech-i ātī beyān olunur: Hilkatde evvel-i nebiyyīn, Fahr-i ʿālemdir. Evvel-i ʿilm, maʿrifetdür. Evvel-i huşamā'-i rüz-ı cezā, hem-sāyedür. Evvel-i me'kūlāt-ı cinān, hāmil-i arzayn olan hūtuñ yüregidür. Evvel-i nāzır-ı cemāl-i İlah, Rasūlu'llāhdur. Evvel-i vārid-i havz-ı Kevser, ibtidā şeref-i İslām ile müşerref olanlardır. Evvel-i dīnde mefkūd olan, emānetdür. Evvel-i harāb-ı arz, her yerūñ cānib-i yemīnidür baʿdehū yesāridur. Evvel-i mütেকellim-i aʿzā der-rüz-ı cezā, ādemūñ faḥz ü keffidür. Evvel-i eşrāt-ı [S64a] sāʿāt, şemsūñ mağribden tūlūʿidur. Evvel-i tuḥfe-i mü'min, baʿde'l-mevt üzerine namāz kılanuñ mağfiretidür. Evvel-i menzil-i āḫiret, kabrdür. Evvel-i fitne-i Benī-İsrā'īl, nisādur. Evvel-i süre-i mā-ünzilet, süre-i Müddeşşirdür. Evvel-i merfūʿ ez-nās huşūʿdur. Evvel-i mūhā, besmeledür. Evvel Mīzāna vaʿʿ olınan, ḥusn-i ḥulḥdur. Evvel-i kātib, baʿde-Ādem İdrīs ʿaleyhi's-selāmdur. Evvel-i mü'ezzin-i semā, Cebrā'īl ʿaleyhi's-selām; evvel-i men şallā, ma'a'n-nebiyy şalla'llāhu ʿaleyhi ve sellem ḥazret-i ʿAlī raḫıya'llāhu ʿanhdur. Evvel سبحان ربی الاعلى diyen ḥazret-i İsrāfīl ʿaleyhi's-selāmdur. Evvel kıyāmetde ḥukm olan, ḫan daʿvālarıdur. Evvel-i men yuhāseb ḥazret-i ʿÖmer raḫıya'llāhdur. Evvel-i men yünşiku'l-ḫabr ve evvel-i müşfiʿ ve evvel-i dāḫilū'l-cennet, Fahr-i ʿālem şalla'llāhu ʿaleyhi ve sellemdür. Evvel-i ḫā'il-i ammā baʿd, ḥazret-i Dāvūd ʿaleyhi's-selāmdur.

﴿ آنکه آمد نه فلك معراج او ﴾ Ol Seyyid-i sādāt ki toḫuz felek anuñ mi'rācı geldi. **Ān ki**, «o Seyyid-i ʿālem ki»; **āmed**, «geldi»; **nūh felek**, «toḫuz felek» dimekdür. Zīrā nūh, zamm-ı nūn ve sūkūn-ı hā ile esmā'-i a'dāddan «toḫuz» ʿadedine dālldür. Felek, fānuñ ve lāmuñ fetḫaları ve kāfuñ sūkūniyle «gök» dimekdür, her birine şāmildür. Cem'ī «eflāk»dur. ʿArabī ve Fārisīde müstaʿmeldür. Nitekim «āsmān ve sipīhr ve çerḫ-i gerdūn ve çerḫ-i mīnā ve çerḫ-i nīlūferī» dirler ve niçe ta'bīrleri daḫı vardır. Ekşer-i mütেকellimīn ʿinde felek cism-i ḫıyemīdür ve ʿinde baʿzuhūm kürevīdür. [Ü50b] Lākin cümlesi ḫarḫ u iltiyāma kābiliyyetine ḫā'illerdür. Ve ber-mantūḫı naẓm-ı Celīl yedidür dimişlerdür. Ammā ḫāṭibet-i ḫukemā küreviyyetine zāhiblerdür. İçlerinden ḫukemā'-i İslāmiyye olanlar ḫarḫ u iltiyāma kābiliyyetin muḫırrlardır. Sā'irleri ikrār itmeyüp kābiliyyet-i ḫarḫ u iltiyāmı ve bu ʿilāve ile melā'ike-i kirāmı ve mi'rāc-ı Seyyidü'l-enāmı inkār itmişlerdür, نعود بالله من ذلك . Ve ʿadedi de toḫuzdur. Yedisinde kevākib bulunur, lākin şāmin ve tāsiʿde yokdur diyüp «felek-i atlas» didikleri kevākibden ḫulūvvine binā'endür, dimişlerdür. Ve ʿinde'l-müneccimīn taḫsīm-i burūc üzre eflāk yigirmi dördtür ve nūfūs-ı felekiyye otuz ikidür dirler. Bunuñ mebnā ʿaleyhi ʿilm-i hey'etdür. [S64b] Ma'lūm ola ki ibtidā şāriḫ-i Hey'āt-ı Felekiyye ve muşannıf-ı Kitābü'l-Luḫūnu's-Şemāniyye olan ḫakīm Baṭlamyus, kūrre-i meṭbū'a-i ḫayāt üzre uşṭurlābı taşnīf eylemişdür. Beyānı şöyledür ki: Eflāk toḫuz olup evveli felek-i Ḳamerdür ki kūrre-i arza ḫarīb ve ʿanāşır-ı erba'ayı muḫīṭ ü mümāssdur, eflākuñ aşḫarıdur. Anuñ üzerinde felek-i Uṭārid ve anuñ üzerinde felek-i Zühre ve anuñ üzerinde felek-i Şems ve anuñ üzerinde felek-i Müşterī ve anuñ üzerinde felek-i Zuḫal ki felek-i sābiʿdür ve anuñ üzerinde felek-i şāmin ki felekü'l-burūcdur, felekü's-sevābit daḫı dirler. Zīrā cem'ī-i kevākib-i şābite andadur. Eflāk-ı seb'a-i mezkūrede zikr olınan birer kevkebdür, birden ḡayrı yokdur ki anlara «seb'a-i seyyāre» dirler. Her birinūñ bir ḫareket-i maḫşuşası vardır. Ve mezkūr felek-i şāmini on iki kısma taḫsīm kılup her birine birer burc ve

birer ism virmişlerdür ki anlar; H̱amel ve Sevr ve Cevzā ve Sereṭān ve Esed ve Sünbüle ve Mīzān ve ‘Aḳreb ve Ḳavs ve Cedy ve Delv ve H̱ütdur. Bunların altısı şarḳī ve altısı ğarbīdür. Ve bu altının üçü şu‘ūd ve üçü ẖübūṭladur. Ve her bir üçe otuz derece ta‘yīn olup ṭoḳsan derece şu‘ūd ve ṭoḳsan derece ẖübūṭdur ki Şems her gün bir dereceden ṭulū‘ ider. Ve derecāt-ı mezkūrede ṭulū‘ itdikce şu‘ūd ḥasebiyle gün uzanur ve ẖübūṭ ḥasebiyle gün kısalur. [Ü141a]¹³ Yüz seksen günde bir, rûz ile şeb mûsāvī olur. Ya‘nī bir defa burc-ı H̱amele ve bir defa burc-ı Mīzāna taḥvīl itdikce ki biri bahār ve biri güz fashīdur; mûsāvāt vāḳī‘ olur. Ve altı kevkebūn daḥı mezkūr burclara taḥvīli felekinūn ḥareketine ğöredür. Şems her bir burcda otuz gün meḳṣ itmegin üç yüz altmış günde devrin tamām ider. Ḳamer her bir burcda iki buḳuḳ gün meḳṣ itmekle otuz günde devresin tamām ider. Ve kevākib-i ḥamse-i bāḳīye daḥı her biri ḥareket-i maḥşūşasıyle on iki burcı devr ider. Felek-i şevābit üzerinde felek-i tāsi‘ ki felekū’l-eḫlāk [S65a] ve felekū’l-a‘zam ve felekū’l-aṭlas daḥı dirler. Zīrā anda şevābit ü seyyāreden bir kevkeb yokdur. Bi-emri’llāh cem‘-i eḫlāke ḥākim ve cümlesin muḥīṭdür. Buña felekū’l-eşīr daḥı dirler, münserī deverāniyyetdedür ve sür‘at-ı ḥareketi şol mertebedür ki yigirmi dört sâ‘atda ya‘nī bir gün ve bir gicede devrin tamām ider. Ve seyri şarḳdan ğarbadur. Ve sâ’irī olan eḫlāk-ı seb‘anūn ḥareketi ve seyri kimi rehāvīdür ve ğarbdan şarḳadur, ve kimi ḥamāyilīdür. Ve mezkūr felek-i a‘zamuñ devri serī‘ ve sâ’irinūn devri baḫī olmaḡıla, devr ü ḥareketleri şāhid degüldür, kezā fī-Ferheng. Ve ekser-i şu‘arā daḥı erbāb-ı hey’ātuñ işṭilāḥ u elḳābları üzre eḫlākı «tis‘a» ile ta‘bir eylemişdür. Pes nāzımuñ bunda «nūh felek» dimesi buña mebnīdür. **Mīrāc-ı o**, izāfetle «anuñ ālet-i ‘urūc» dimekdür. Zīrā mīrāc, kesr ile ism-i āletdür ve «mīrec» daḥı lügatdür. Cem‘i «me‘āric ve me‘ārīc» gelür. Fārisīde daḥı müsta‘meldür, aña «nerdubān» daḥı dirler. «O» lafzı, zamīr-i ġāyibdür, Seyyidū’l-kevénye rāci‘dür. Mīrāc-ı şerīf , rūḥānī veyā cismānī olmasında ve ‘adedinde ve vāḳtinde beyne’l-ulemā eḳāvīl vardur. (...[Ü141b]...) Ve daḥı ‘adedinde ba‘zıları yedi dimişlerdür. Lākin eşḥaḥ-ı aḳvāl üzre mīrāc-ı şerīf-i Faḥr-i ‘Ālem ikidür. Biri rūḥānīdür ki sāl-i ba‘şinde, taḳrīben altı māh teḳaddüm ḥuce-i [S65b] pāk-i Ümmühānīde vāḳī‘ olmuşdur. Ve biri daḥı cismānīdür ki ba‘şinin on ikinci sālinde hicretten bir sene muḳaddem māh-ı Reb‘u’l-evvelūn yigirmi yedinci gicesi Ḥaṭīm ile Ḥacer-i Esved miyānesinde iken vāḳī‘ olmuşdur. Nitekim şadr-ı şerīfinūn şaḳḳı daḥı ikidür. Biri nev-bāve-i ḥadīḳa-i tufūliyyetde ikendür ve biri leyle-i İsrādadur. Ve semāvāt u mā-fevḳahāya ‘urūc-ı devlet ve ba‘deḥū ‘avdet-i ‘ālīleri Burāḳ ile oldıḡı meşhūr-ı āfākdur. Burāḳ, Cinān devābbından bir baḡlden küçük ve ḥımārdan büyük ḥayvāndur. Levni aḳ ve meşyinde berḳden esra‘ idigi ‘aleyhi’l-ittifākdur. Bedeni misk-i ezferden ve ayakları yāḳūtdan ve elleri lū’lū’dan ve şadri zebercedden ve ḳulaḳları za‘ferāndan ve serci nūrdandur. Vāḳtā ki ol şadr-ı bedr-i kā’ināt ‘aleyhi eḫḫālū’t-teḥiyyāt ḥazretleri şad hezār ‘izz ü veḳār ile şeb-i mīrācda üzerine süvār oldıḡda, cānib-i yemīninde ḥazret-i Cebra’īl ‘aleyhi’s-selām rikābdār-ı Faḥrū’l-ebrār ve pīşḡāhında ḥazret-i İsrāfīl ‘aleyhi’s-selām niçe biñ melā’ike-i kirām ile cünbiş-nümā-yı refṭār ve ḥizmet-i ‘aliyyede oldıḡlarına kesb-i sürūr-ı bī-şumār iderek

¹³ Metin Ü51a yerine Ü141a’dan devām etmektedir.

āyet-i şerîfî mantûkınca der-hâl
Sıhân-ı asrî be'ide lîla min-ı mesjîd al-haram alı-mesjîd al-ıqıvı
Beytu'llāhî'l-harāmdan Mescid-i Akşāya şeref-endāz-ı mevkibe-i iclāl buyurdıkda, *beyt*:

بحق چون پیشوای انبیا اوست

یقین سر دفتر اهل فنا اوست

müfâdınca ol İmām-ı hüdā ḥazretleri ervāh-ı pāk-i enbiyāya imāmet ile iki rek'at namāz edāsından soñra
[Ü142a] bu ālāy-ı şevket-nümā ile cānib-i semāvāta hıram ve seyr-i 'acāyibāt-ı melekūt ile seyr-i 'arş ve
teferrüc-i Dārü's-selām eyledi. Ba'dehü şm dñı ftdlı fkan qab qosın or adnı āyet-i şeref-nümāsı
mantûkınca ihraz-ı kurb-ı şerāfet ve mahrem-i harīm-i ḥāşş-ı Cenāb-ı 'izzet oldı. Nitekim *naẓm*:

رسول مشرق و مغرب امام انس و ملک

که بساط شرف شهسوار کونین است

زهی بلند کمانی که در صف دعوی

همه نشانه او قلب قاب قوسین است

buyurmuşlardır. Bunda ḳalb, «miyāne» ma'nāsınadır. «Ḳābe kavseyn», şereften kināyedür. Pes فاوحي
mısdāḳınca bilā-vāsıta maẓhar-ı vaḥy-i ḥazret-i Mevlā oldı. Ve vaḥy-i bī-vāsıtanuñ
[S66a] beyānında müfessir-in-i 'izām niçe ma'āni-i şerife 'ıyān buyurmuşlardır. Şerḥ-i Muḳaddemede
eyidür: Ol daḥı şerīfden murād, sūre-i Baḳaranuñ āhiri olan امن الرسول ilā-āhiri'l-āyeh āyet-i şerīfesidür ki
bilā-vāsıta-i Cibril Faḥr-i 'āleme anda vaḥy olmuşdur. Ve Vānī 'aleyhi raḥmetü's-Şamedānī 'Arā'isinde
eyidür: Ḥazret-i 'Āyişe razıya'llāhu 'anhādan rivāyet olındığı üzre Ḥudā-yı müte'al ol Rasūlinuñ ḥışāl-i
ḥazretine eyitdi kim: "Yā Muḥammed ! Eger 'itāb olmasayidi ümmetüñe ḥisāb olmaz idi." Bir rivāyetde:
"Yā Muḥammed ! Ümmetüñe ḥaber vir ki, eger bir kimse kendülere iḥsānı için severlerse ben
'azametimle aña ehlem, ve 'ibādumı severem. Ve eger kendülere cefāsı için bir kimseden istiḥyā iderler
ise ben 'azametimle aña evlāyem." Rivāyet-i diğerde والقاسم بين الجنة والنار diyü vaḥy olunmuşdur. Ve
rivāyet-i diğerde: "Yā Muḥammed! Sen cennete girmedin sā'ir enbiyā'-i kirām girmez ve senüñ ümmetüñ
cennete girmedin ümem-i sā'ir girmez." diyü vaḥy olunmuşdur. Ve rivāyet-i diğerde: "Yā Muḥammed!
Seni meyāmīn-i Kevşer ile taḥşış eyledüm. Ehl-i Cinān mā' ve leben ve ḥamr ve 'asel ile senüñ
mihmānuñdur." diyü vaḥy olunmuşdur. Ve rivāyet-i diğerde ḥazret-i Fāṭimetü'z-zehrādan mervīdür ki
Ḥudā eyitdi: "Yā Muḥammed! Ben 'ibādumuñ rızḳına zāmin oldum. Ḥāl bu ki ümmetüñ aña 'itimād
itmezler. Ve āteşi 'idām için ḥalk itdüm, anlar nāra duḥūle cehd iderler. Ben kendülerden 'amel-i ğudüvvi
taleb iderim, kendüler benden rızḳ-ı ğudüvvi taleb iderler. Ḥāl bu ki rızḳların ğayra virmem. Ve anlar
ğayruñ ru'yeti [Ü142b] için baña tā'at iderler. Ḥāl bu ki mu'izz ü müzill benüm. Ve anlar recāyı benden
idüp ḥavfi ğayrdan iderler. Ve kendülere mün'im-i ḥaḳıḳi ben iken şükri ğayrlara iderler." diyü vaḥy
olunmuşdur. Ve rivāyet-i diğerde: "Yā Muḥammed ! Saña ümmetüñüñ sülüşin baḥş eyledüm ve sülüşanın
daḥı ḳıyāmetde baḥş iderim." diyü vaḥy olunmuşdur. Ve rivāyet-i diğerde: "Yā Muḥammed ! Ümmetüñüñ
ḳıyāmetde ḥisābları dirāz olmamak için mālların dünyāda az eyledüm. Ve ḳulūbları ḳasvet bulmamak
için 'ömrlerin ğāyet tūl eyledüm. Ve dünyādan bilā-tevbe ḥurūc eylememeleri için mevtlerin füc'eten

kılmadum. Ve kabırde meks ü habsleri çok [S66b] olmamak için kendüleri âhir zamânda getürdüm.” diyü vahy olunmuşdur. Ve rivâyet-i diğerde: “Yâ Muhammed ! Ümmetüñ itâat ve işyân iderler. Tâatları rızâm iledür ve ma’sıyyetleri kazâm iledür. Pes rızâm için olanı anlardan kabûl iderem ki ben Kerîmem. Ve kazâm ile olanı anlardan mağfîret iderem ki ben Raḥîmem.” diyü vahy olmuşdur. Ve rivâyet-i diğerde: “يامحمد عش ما شئت فانك ميت واحبب من شئت فانك مفارق وعمل ماشئت فانك مجزىبه” diyü vahy olunmuşdur. Ve rivâyet-i diğerde: “Yâ Muhammed ! Halkdan kaç-ı ümîd eyle ki ellerinde bir nesne yokdur. Ve hemîşe şöhetüñi baña haşr eyle ki merci’üñ bañadur. Ve kalbüñi dünyâyâ müte’allik kılma ki seni dünyâ için halk itmedüm.” diyü vahy olunmuşdur, intihâ. *Fâ’ide*: Ma’lûm ola ki Fahr-i ‘âlemüñ Mescid-i Harâmdan Mescid-i ‘Âksâya şeb-i İsrâda teşrîf-i şerîfin inkâr iden ne’üzü bi’llâh kâfir olur. Zîrâ naşş ile sâbitdür, naşşuñ münkiri ise kâfirdür. Ammâ Mescid-i Aşkâdan semâvâta ‘urûcın inkâr iden kâfir olmaz, mübtedi’ ü fâşık olur. Zîrâ bu eḥādîs-i gayr-ı mütevâtire ile sâbitdür. Gayr-ı mütevâtirüñ münkiri ise mübtedi’dür, kâfir degöldür.

﴿ انبيا و اوليا محتاج او ﴾ Enbiyâ vü evliyâ anuñ muhtâcîdur. **Enbiyâ**, cem’dür; müfredi «nebî», aşlı itibârıyla mehmûzdur ve Nâfî böyle kırâ’et buyurmuşdur. Lâkin cumhûr bu mişillüde hemzeyi yâya tebdîl ve idgâm buyurmuşdur. Fa’ıl vezninde, «muḥbir» veyâḥod «muḥber» ma’nâsınadır. Zîrâ ikide daḥı nebî hakkında şâdıkdur. Ve ‘inde’l-ba’z teşdîdile fa’ıl veznindedür, «rifat» ma’nâsına olan «nübüvvet»den me’hûzdur. Fârisîde «peygamber»dür. [Ü143a] **Vü evliyâ**, mâ-ḳabline ma’ṭûfdur. Cem’dür, müfredi «velî»dür. Velî, «dost» ma’nâsınadır. Pes evliyâ, Hudânuñ dostları dimekdür, murâd ma’lûmdur. **Muhtâc-ı o**, izâfetle «anuñ muhtâcî» dimekdür. Muhtâc, iftîâl bâbından ism-i fâ’ildür, ma’nâsı ma’rûfdur. «O» lafzı zamîrdür, kemâ-merre Seyyid-i ‘âleme râcî’dür. Ve âhirinde edâ’-i ḥaber taḳdîriyle «ost» demek zâhirdür. Pes enbiyâ’-i ‘izâm ve evliyâ’-i kirâmuñ H’âce-i kevneyn ve Rasûlu’ [S67a] s-şakâleyn ḥazretine ihtiyâcî لولاك لما خلقت الافلاك mażmûn-ı pâki delâletince cümle-i mevcudâtuñ mevcûdiyyeti Fahr-i ‘âlemüñ ‘âleme teşrîfi ḥurmetine oldığından ve daḥı ol müşeefa’ ü şâhib-i şefâat-i kübrâ olup ve nûş-ı havz-ı kevserinde cümle-i havâşş kendünüñ mihmân-ı hâşşî oldığından ve ezḥân-ı pâk-i havâşşda ma’lûm olan kemâlât-ı Seyyidü’s-sâdât ḥasebiyle niçe enbiyâ kendünüñ ümmeti olmağı recâsında olduklarındandır.

﴿ شد وجودش رحمة للعالمين ﴾ Anuñ vücûdî ‘âlemîne rahmet oldı. **Şüd**, bunda «oldı» ma’nâsına ef’âl-i ‘âmmeden mâzîdür. Ve gâh «gitdi» ma’nâsına da olur. **Vücûdeş**, «anuñ vücûdî» dimekdür. Vücûd ma’rûfdur ve âhirinde «şîn» zamîrdür, Fahr-i ‘âleme râcî’dür. **Raḥmeten lil-‘âlemîn**, «‘âlemîn için rahmet» dimekdür. Raḥmet, ‘Arabîdür ve Fârisîde daḥı ta’cîmen müsta’meldür. Luḡatde «hunüvv-i ḳalb ve re’fet ve ta’attuf ve meyl» ma’nâsınadır. Pes bu ma’nâlaruñ Hudâda ‘adem-i cereyânından bunda zıkr-ı melzûm ve irâde-i lâzım tarîkıyle mecâzen «in’âm u iḥsân» murâd olunur. Ve daḥı Hudâyâ nisbet olınan keyfiyyât-ı nefsâniyyelerüñ her birinde böyle mecâz itibârı lâzımdur. Meşelâ, ḡazab ve ḥilm ve ḥayâ gibi ki, cümle ma’ânî-i lâzımleri murâddur. İmdi bunda رحمة للعالمين وما ارسلناك الا āyet-i mübînine telmîḥ vardır. Ve bu āyet-i şerîfüñ beyânında Kâḍî ‘İyâz ‘aleyhi rahmetü’l-Feyyâz eyidür: Ḥazret-i Muhammed

şalla'llāhu 'aleyhi ve sellemün hayâtı ve vefâtı rahmetdür. Nitekim hadîs-i şerîfinde حياتى خير لكم انا اراد الله رحمه بامة فيض نبيها vârid olmuştur. Vefât-ı şerîfinde olan hayruñ beyânı وما كان الله معذبهم hadîs-i şerîfinden, [Ü143b] ve ümmet-i ma'şûm hakkında Pes mü'mine rahmet olduğu, anlara sebîl-i haqqı irâ'et ile hidâyetdür. Nitekim انما انا مهداة hadîs-i şerîfî buña dâlldur. Ve münâfîkîne rahmet olduğu, anlara katlden emân virdigidür. Kâfirlere rahmetün ma'nâsı, azâblarınun [S67b] kıyâmete te'hîridür. Ve dağı rivâyet olunur ki Fahr-i 'âlem şalla'llāhu 'aleyhi ve sellem, hazret-i Cebrâ'îl 'aleyhi's-selâma su'âl buyurup: "هل اصابك من هذه الرحمة نبى" didikde hazret-i Cebrâ'îl eyitdi: "Yâ Rasula'llāh! Ben âkıbet fikriyle gâyet bîmnâk idüm. Vaqtâ ki cenâb-ı vâlâ-nişânına nâzil olan Kır'ân-ı 'azîmü's-şânuñ beyân-ı midhat-nişânında انه لقول رسول كريم ذى قوة عند ذى العرش مكين مطاع ثم امين ayat-i mübîni ile Haqq te'âlânun üzerüme senâ 'inâyeti bâ'is-i zevâl-i fikr-i 'âkıbet olmağın bi-berekâtî'l-Kır'ân mazhar-ı rahmet ve nâ'il-i emân olmuştum." diyü buyurmuşdur, intihâ. Ve bu mışrâ'a işâretde dimişlerdür:

صدر عالم افتاب صدر دين
قدر او را عرش اعظم چون زمين
يك پياده در ركابش عقل كل
يك سوار اندر صفش روح الامين
در ازل منشور او فخرالبشر
تا ابد طغراش ختم المرسلين
من چه كويم وصف او جبار كفت
وصف پاكش رحمة للعالمين

Ya'nî ol şems-i şer' u dîn-i mübîn olan Şadr-ı 'âlem şalla'llāhu 'aleyhi ve sellemün qadr-i vâlâsı şol mertebe a'lâdur ki tãrem-i a'lâ-yı qadrine nisbet 'Arş-ı a'zam, mânend-i zemîndür. Ve o şadr-ı kâ'inatun rikâb-ı müste'tâbında 'aql-ı küll ile ta'bîr olınan 'Arş-ı mecîd bir pâyededür. Ve hayât-süvâr olan Rûhu'l-emîn, şaff-ı gâzevât-ı nuşret-âyâtında yek-süvâr ve hizmetine dil-dâdedür. Ve ol Sultân-ı taht-ı nübüvvetün ezelde menşûrî «Fahrü'l-beşer» ile meşhûr olmağın tuğrâ-yı garrâ-yı kıbâle-i risâleti, tâ-ebed «Hatmü'l-mürselîn»dür. Pes ben 'âciz, o memdûh-ı Hudânun vaşf-ı ulyâsın lisân-ı beyân ve zebân-ı serî'ü'l-cereyân ile niçe taqdîr ü tahtîr ideyüm ki, anuñ vaşf-ı şerîfinde hazret-i Melik-i Mu'tin: وما ارسلناك رحمة للعالمين buyurmuşdur.

﴿ مسجد او شد [Ü144a] همه روی زمين ﴾ Dükeli yir yüzi anuñ mescidi oldu. **Mescid-i o**, izâfetle «anuñ secdegâhı» dimekdür. Mescid, fetḥ-i mîm ve kesr-i cîm ile mef'il vezninde, ism-i mekân-ı 'Arabîdür; ma'nâsı ma'rûfdur. «O» lafzı zamîrdür, Fahr-i 'âleme râcî'dür. **Şüd**, «oldı»; **Heme rûy-ı zemîn**, izâfet ile «cemî' yir yüzi» dimekdür. Zîrâ [S68a] heme lafzı bunda «cümle» ma'nâsınadır ki aşlı «hem»dür. Âhîrindeki hâ, ma'nâ-yı aşlî-i 'âmmiden ma'nâ-yı hâşş-ı 'alemiyyete naql içündür. 'Arabîde

ma'nā-yı mezkūrı «küll» ile ta'bīr ider ve Türkīde «dükeli» ile ta'bīr iderler. Rūy, zamm-ı rā ve işbā'-ı vāv ile «yüz» ma'nāsınadır ki 'Arabīsi «vech»dür. Ve dağı «arğa muqābili olan yüz» ma'nāsına isti'māl olunur. Ve mecāzen cānib-i zāhire «yüz» dirler. Meşelā arz-ı musaṭṭaḥuñ cānib-i zāhirine «rūy-ı zemīn» dirler, mā-naḥnū fihi gibi. Zemīn, ma'rūfdur. Pes bu mısra'ıñ ḥulāsa-i ma'nāsında murād; vech-i arz cem'ān ümmetine secdegāh oldu ki ümem-i sālīfe gibi meşelā şahrāya gitdiginde [Ü52a]¹⁴ mihrāb u mescid nakle muḥtāc olunmadı yāḥod ümmeti ümem-i sā'irden keşir oldu yāḥod kaffe-i nāsa belki cümle-i maḥlūḳāta rasūl ba's olındı dimekdür. (...)

﴿ آنکه یارش بود ابو بکر و عمر ﴾ Ol Faḥr-i 'ālem ki anuñ yāri idi Ebū Bekr ü 'Ömer. **Ān ki**, «Ol Seyyidü'l-'ālem ki»; **yāreş būd**, «anuñ yāri idi» dimekdür. Yār lafzınuñ ma'nā-yı aślīsi «mu'tin ü muşāḥib»dür, eşḥāb-ı bā-şafāya «yārān» didikleri bundandır. Kaçan āḥirine yā ḥarfī dāḥil olup «yārī» dinse, «mu'āvenet» ma'nāsına olur. Elifī yāya tebdīl idüp «yārā» dirler, ol zamān ma'nāsı yardım için mecāz olan «ḳudret» olur. Āḥirindeki şīn ḥarfine muzāfdur. Şīn zāmīr-i gāyibdür, Faḥr-i 'āleme rāci'dür. Būd kelimesi, «idi» ma'nāsınadır. Ve dağı muzāri'uñ āḥirine merbūṭ olmak üzere edāt-ı ḥaber olan «est» ma'nāsına [S68b] olmak dağı muḥtemeldür. **Ebū Bekr** ism-i şerīfi 'Abdu'llāh bin 'Osmān Ebā Ḳuḥāfe bin 'Amr bin Sa'd bin Teym bin Mürre. Yedinci atada Faḥr-i 'ālem şala'llāhu 'aleyhi ve sellem ulaşur ve kendüye «şiddīḳ» tesmiyesi Ḥudādandır. Nitekim ḥadīs-i şerīfde یا ابا بکر تسماک الله الصدیق vārid olmuştur. Ve dağı «atīḳ» tesmiye olunmuştur. Nitekim ḥadīs-i şerīfde من اراد ان ينظر الى عتيق فلينظرالى ابى بکر vārid olmuştur. Ve müşāhedüñ [Ü52b] cümlesinde Faḥr-i kā'ināt ile bulunmuştur. Ḥattā Cāhiliyyet ve İslāmda Faḥr-i 'ālemden mufāreḳat eylemedi dirler. Ricālden, evvel şeref-i İslām ile müşerref olan ve leyle-i Mirācdā Faḥr-i 'ālemüñ Mekke-i mükerrermeden Mescid-i Akşāya teşrīfin ibtidā taşdīḳ iden kendüdür. (...) Pes kendüye siddīḳ tesmiyesinüñ bir vechi dağı budur dimişlerdir. Şekl ü sīmāda beyāz u naḥīf ve 'arızaynı ḥafīf bir zāt-ı şerīf idi. Ve ḥilye-i cemāl olan liḥye-i mübārekin ḥinnā vü kütüm ile zeyn ider idi. Faḥr-i 'ālemden soñra yir yüzinde eḫdāl-i nās kendüdür. Kendünüñ ve ebeveyninüñ ve veledinüñ ve veled-i veledinüñ Faḥr-i 'ālem ile şoḥbeti olmuştur. Beyne'l-Eşḥāb bu devlet ile kām-yāb olmak ancak kendüye maḥşūşdur. Ve Faḥr-i 'ālem şalla'llāhu 'aleyhi ve sellem āḥir-i 'ömr-i şerīfinde kendüye imāmet tefvīz itmegin vefāt-ı Faḥr-i kā'ināta degin mihrāb-ı sa'ādet-penāh-ı Rasūlu'llāhdā ḳā'im-i maḳām olup on altı vaḳt namāzda imāmet ile pīşvā-yı Eşḥāb-ı kirām olmuştur. Bu vechle imāmete muḥtār-ı Faḥrū'l-ebrār oldığı ba'de vefātü'n-Nebī ḥilāfetine işāret-i 'aliyyedür, diyü buyurmışlardır. Ḥazret-i Siddīḳuñ mevlidi Mekke-i mükerrermedür. Eşḥāb-ı Fīl tārīḥinden iki sāl dört māhdan birkaç gün muḳaddem 'ālem-i dünyāya teşrīf ile vaḳ'-ı ḳadem buyurmışdır. Ba'de vefātü'n-Nebī müddet-i ḥilāfeti iki sāl dört māhdur. Sāl-i Hicretüñ on üçüncü senesi Cemāzi'l-āḥirinüñ yigirmi altıncı gicesi leyle-i işnāda [S69a] ba'de'l-maḡrib ḳable'l-işā 'āzim-i dārū'l-beḳā ve vāşıl-ı cennetü'l-me'vā olmuştur. Fe-'alā-hāzā 'ömr-i şerīfi altmış üç olmuştur. Ve ba'de vefātūhu vaşıyyeti üzere kendüyi hemser-i 'ıffet-perveri olan Esmā binti

¹⁴ Metin Ü144a'dan sonra Ü52a'dan devām etmektedir.

‘Umeys razıya’llāhu ‘anhā gısl idüp hâzret-i ‘Ömer-i Fârûk razıyallāhu ‘anh namâzın [Ü51a]¹⁵ kıldırdı. Eşhâb-ı kirâmdan halk-ı keşir kendüden vâfir rivâyet buyurmuşlardır. **Ve ‘Ömer**, Ebû Bekr üzerine ma‘tûfdur. ‘Ömer, emîrü’l-mü’minîn ‘Ömer bin el-Haṭṭâbdur. Hâzret-i Fârûk dinmekle ma‘rûf ve Ebû Hâfṣati’l-‘Adevi’l-Kureyşî ile meşhûrdur. Ba‘ṣ-i Nebevî’nün altıncı sâlinde ve bir rivâyetde beşinci sâlinde şeref-i İslâm ile müşerref ü be-nâm oldı. Ol vaktde ricâlden kırk kimesne ve nisâdan on bir kimesne İslâm ile müşerref olmuşlar idi. Gürûh-ı pür-şükûh-ı İslâmiyânun kırkıncısı hâzret-i Fârûk idi dirler. Pes fırka-i İslâmiyân ve dâ’ire-i ehl-i îmân hâzret-i Fârûk ile tekemmül-i ‘aded-i erba‘în itmegile zümre-i İslâmiyân ceyb-i ihtifâdan serîr-âverde-i devlet ve izhâr-ı şecâat ve ibrâz-ı menşûr-ı ‘adâlet kıldılar. Zîrâ kazâ’-i İlâhîde maşrıqdan mağribe dek feth-i dünyâ ve izhâr-ı dîn-i Muştafâ, Çehâr-yâr-ı güzîn ile temkîn bulacağın hâzret-i Rabbü’l-‘âlemîn ol Hâtemü’n-nebiyyîn hâzretine bildürmegin, kifâyet-i nuşret-i dîn-i İslâm hâzret-i Fârûkun merkez-i dâ’ire-i Eşhâb-ı kirâm olmasına mevķûf olduķda Sultân-ı enbiyâ şalla’lāhu ‘aleyhi ve sellem اللهم اعز الدين بعمر بن الخطاب ve fî-rivâyetihî da‘avât-ı icâbet-gâyât ile İslâm-ı ‘Ömer için dergâh-ı Hudâya münâcât buyurmuşdı. Pes du‘â-yı Rasûl’llāh maķbûl-i İlāh olmağın hâzret-i Fârûk şeref-i İslâm ile müşerref olmuşdur. Ve İslâm-ı ‘Ömer ile Fârûk tesmiyesi beyânında birkaç vech naķl eylemişlerdür. Evceh olan İmâm Tirmizî’nün Esâmî-i Ricâl nâm kitâbında beyân buyurduğıdur. İmâm-ı müşârun ileyh eyidür: İbnü ‘Abbâs razıya’llāhu ‘anh eyitmiş ki; hâzret-i ‘Ömer razıya’llāhu ‘anhdan Fârûk ismiyle tesmiye [S69b] olduğınuñ vechini su’âl eyledüm. Cevâb-ı müsteṭâbında buyurdı kim: Vaktâ ki hidâyet-i Bârîyle hâzret-i Hamze razıya’llāhu ‘anh benden se rûz muķaddem şeref-i İslâm ile müşerref ve Fahr-i ‘âleme hem-dem olmuşıdı. Ol eyyâm-ı sa‘d-encâmda Hâlıkü’l-berâyâ ve fâlıkü’l-ḥabbi ve’n-nevâ olan hâzret-i Mevlâ celle ve ‘alâ İslâm için şadrumı münşerih kılmağın زكركم الله لا اله الا هو له الاسماء الحسنى kılmağın şerîfin [Ü51b] dilde yâd ve bunuñ berekâtından maşhar-ı inşirâh-ı fu’âd olduğımda hûbûb-ı nesâ’im-i tevṫik-i İlâhî ile baña rûy-ı zemînde simât-ı fâyiḥa-i Fahr-i kâ’inâtdan hoşter bir nesîm-i feyz-eşer ve meşâmm-ı cânuma andan ziyâde ıtır-sây olur bir misk-i ezfer bulunmadığından ol bâğbân-ı gülşen-i İlâhî’nün gül-i hoş-bûy-ı şöḥbetine telâķî ve haber-i ğâliye-eşeriyle ta‘ṫir-i meşâmm itmegüñ iştîyâķı rubûde-i ârâm-ı dil-i müştâķânem olmağın ḥ’âher-i iffet-perverüme eyitdüm: “‘Acebâ Seyyidü’l-beşer ve Şeff’-i rûz-ı maḥşer ne tarafda mesned-ârâ-yı devlet ü minassa-pîrâ-yı şöḥbetdür?” Pes hemşîrem eyitdi: “Şimdi ol sultân-ı taḫt-ı iştîfâ hâzret-i Muḥammedü’l-Muştafâ Şafâ kurbinde olan Dâr-ı Erķam bin Ebi’l-Erķamda encümen-ârâ-yı yârân-ı şafâ vü şem‘-i cem‘-i iḥvân-ı ehl-i vefâdur.” Pes *naẓm*:

Yâ Rab der-i mesdûd-ı temennâmı küşâd it

Dest-i emelüm ḥalka-zen-i bâb-ı murâd it

diyerek cünbiş-i pây-ı şitâb ile der-i Dârü’l-Erķama vuşul bulup dest-i ıztırâb ile daķķ-ı gülmiḥ-i bâb-ı kabûl eyledüm. Nâ-gâḥ tarrâķa-i ḥalka-i der, derûn-ı dârda olan Eşhâb-ı kirâmı âğâh-ı haber itmegin, ol meclis-i semâ-sîmâda kevâķib-i şüreyyâsâ bir yire cem‘ olan Eşhâba hâzret-i Hamze eyitdi: “Ne haber?”

¹⁵ Metin Ü52b’den sonra Ü51a’dan devâm etemektedir.

Eyitdiler ki: “جاء عمر” Pes benüm şitâb ile bâba geldigümi ol Şems-i felek-i risâlet olan cenâb-ı Câmî’u’l-aḥbâba haber virdiler. Ol ân-ı celâlet-iḳtirânda ol Serdâr-ı meydân-ı mürüvvat ü vefâ ve Sultân-ı merdân-ı fütüvvat-fezâ ḥazretleri ol beyt-i sa’âdetden devlet ü şevket ve şalâbet ü mehâbet ile ḥâric-i derde baña yakın gelüp mübârek dest-i râst-ı ‘inâyetiyle mecâmî-i şiyâbumdan benî zabt u zebûn idüp bir def’a cünbiş gösterdikde [S70a] kendi kendümi zabt ile pâ-ber-câ olmağa iḳtidârum ḳalmayup nâka-i mazbûṭu’l-alâḳavârî pîşgâh-ı mu’cize-penâh-ı Rasûlu’llâhda dizüm üze inâḥa-pezîr oldum. Ol zamân ḥazret-i Ḥabîb-i Raḥmân lisân-ı mu’ciz-beyânıyla وما انت بمنة يا عمر ya’nî “İy ‘Ömer ḥalâşa çäreñ yokdur.” diyü buyurmağın hidâyet-i Bârî yârî olup tûṭî-i zebânuma شاهد ان لا اله الا الله وحده لا شريك له kelime-i şehd-âmîz-i tevḥîd-i ḥalâvet-baḥş-ı İslâm olup ḳabûl-i îmân ile taḥlîş-i girîbân u cân eyledigimde [Ü53a]¹⁶ meclis-i sa’âdetde cünbiş-nümâ-yı ‘ayn-ı seyrân olan fırka-i İslâmiyân şâdân olarak benimle tekbîre âgâz ve tehlîle bir gûne dem-sâz oldılar ki başka mülâḥaza ile raşad-nişîn-i mirşad-ı Mescid-i Ḥarâm olan bî-gâneler tekbîr ü tevḥîdümüzün şadâ-yı mehâbet-iḥtîvâsın istimâc idüp müteḡayyirü’l-bâl oldılar. Pes eyitdüm: “Yâ Rasûla’llâh ! Bizler ḥaḳḳ üze degülmüyüz?” Eyitdi: “Belâ yâ ‘Ömer ! Nefsüm ḳabza-i ḳudretinde olan Ḥudâ ḥaḳḳıyçün ölürseñüz ḥaḳḳ üze ölürsüz ve ḳalursañuz ḥaḳḳ üze ḳalursuz.” Ol zamân eyitdüm: “İy Server-i sâdât ve iy Eşref-i mevcûdât ! Tâ-be-key ‘uzlet-nişîn-i zâviye-i inzivâ olup iḥtîfâ idelüm? İmdi Cenâb-ı vâlâ-şânuñı risâlet ile ba’s iden Ḥudâ-yı müte’âl ḥaḳḳıyçün ser-ber-âverde-i ceyb-i iḥtîfâ olup izḥâr-ı kevkebe-i İslâm ile ibrâz-ı mevkibe-i şeref ü nâm idevüz.” diyüp ḥâzır olan fırka-i İslâmiyânı iki şaff kılup şaffuñ birinde Ḥamze-i şâḥib-ḳırân-ı zamân ve birinde bu bende-i Sübhân ḳıyâm idüp, ol rehber-i dîn-i mübîn olan Faḥrû’l-mürselîn ḥazretinün yemîn ü yesârında bu vechle tertîb-i âlây-ı devlet ve tanzîm-i nizâm-ı şevket ile dâmen-der-miyân-ı cümle-i yârân ve ḥâşşaten ol Mefḥar-ı ‘âlemiyân ile ḥıram-âver-i süy-ı Mescid-i Ḥarâm olup, ḡırîv-i şîrâne-i Eşḥâb-ı kirâm ve şadâ-yı mehâbet-iḥtîvâ-yı eş-şalâtü ve’s-selâmü ‘alâ-Seyyidi’l-enâm ile izḥâr-ı şevket-i İslâm ve ‘ilân-ı şalâbet-i îmân u iḥtîşâm eyledigimizde, şanâdîd-i Ḳureyş nâ-kâm ve mebhût u süst-endâm oldılar. Ol ân-ı galebe-iḳtirânda «Fârûḳ» [S70b] tesmiyesiyle nâmdâr ve muşâḥib-i ḥazret-i Faḥrû’l-eberr oldum didi, intihâ. Ve daḥı Dâvûd bin el-Ḥaşîn ve Zührî raḳıya’llâhu anḥumâ eyidürler ki: لما اسلم عمر نزل جبرائيل فقال يا محمد استبشروا اهل سماء باسلام عمر Ya’nî ḥazret-i ‘Ömer-i Fârûḳ raḳıya’llâhu ‘anh şeref-i İslâm ile müşerref oldıḳda ḥazret-i Cebra’îl ‘aleyhi’s-selâm nâzil olup eyitdi: “Yâ Muḥammed ! İslâm-ı ‘Ömer ile birbirlerine istibşâr eylediler.” Ve ‘inde’l-ba’z nâm-ı Fârûḳ ile tesmiyenün vechi فلا و ريك لا يؤمنون [Ü53b] حتى يحكموك فيما شجر بينهم ba’zı ‘ulemânun beyânı üze ḥükm-i Rasûlu’llâha râzî olmayan bir münâfiḳı ḳatıl eyledigi içündür dimişlerdür. Ve ‘ilm ü fezâyil-i ‘Ömer ḥâric-i ḥîṭa-i beyândur. Nitekim ‘Abdu’llâh bin Mes’ûd raḳıya’llâhu ‘anh eyidür: “Zannum odur ki ‘Ömer-i Fârûḳun ‘ilmini bir mîzânun kefesine vazc ve sâ’ir aḥyâ’-i arzuñ ‘ulûmını diğerk kefesine vazc ile vezn eyleseler, ‘ilm-i ‘Ömer sâ’irlerün ‘ulûmı üzerine râciḥter ola” intihâ. Ve müşâhedün cümlesinde ḥazret-i Risâlet-penâh ile hem-dem ü hem-râh olmışdur. Ve beynel-ḥulefâ

¹⁶ Metin Ü51b’den sonra Ü53a’dan devâm etmektedir.

ibtidā «emīru'l-mü'minīn» ile mülakkaab olan kendüdür. Ve Ebū Bekrden sonra mesned-ārā-yı hilāfet olmağın 'adl ü 'adālet ve izhār-ı şevket ü şecā'at, Mısr ve Şām ve 'avāşım-ı 'Anṭakiyye ve havālīhā ve bilād-ı Rūmdan ba'zı arāzīleri ve Diyārbekr ve 'Ayntāb ve Ermine-i şuğrā ve kübrā ve medā'in-i 'Irāk ve havālīhā ve Āzerbeycān ve Āvān ve Ma'rekān ve Şīrvān ve Cīlān ve Ḥorāsān ve nehr-i Ceyhūna dek bilād-ı Fārsı ve havālīlerin feth idüp nām-ı nusret-nizāmıyle zīnet-baḥş-ı menābir-i ḥuṭabā-yı kirām olmuştur. Ve bu fütūḥāt-ı nuşret-āyātdan muḥaddem hengām-ı hilāfet-i Ebū Bekri's-Şiddīkda bi-emri'llāh vaḳtūn 'adem-i müsā'adesinden bu kadar fütūḥāt olmamışdı. Zīrā vaḳt-i hilāfet-i Şiddīkda ḥaremeyn-i şerīfeynden mā-'adā ḳabā'il-i 'Arabuñ niçeleri mürtedd olmağın انا سندالاسلام و ابو بكر سيف الردة ḥadīs-i şerīfī mışdāḳınca ḥazret-i Şiddīk anları ḳatl ile bilād-ı İslāmı taḥṭir ve 'Irāk u Şāmı giriftār-ı ḳabza-i feth ü teşhīr buyurmışdı [S71a] dir, intihā. Ve 'ömr-i 'Ömer ber-mücib-i eṣaḥḥ-ı ḥaber altmış üçe bālīg oldıḳda Medīne-i münevverede Hicretūñ yigirmi üçüncü sālinda zi'l-ḥıccenūñ yigirmi altıncı günü yevm-i erbi'āda, Muğīre bin Şu'benūñ ḡulāmı Lü'lü' nām bir bed-endāmuñ yedinde şehīden maẓhar-ı raḥmet ü cennet-i Rabb-i mecīd olmuştur. Müddet-i hilāfeti on sāl, altı māhdur. Ḥazret-i Fārūḳdan sonra ḥalīfe-i Faḥr-i cihān ḥazret-i 'Osmān bin 'Affāndur. *Nükte*: [Ü54a] Nāzımuñ şeyḥayn ḥazretlerin mısrā'-ı vāḥidde bu tertīb üzre ityānında bu siyāk üzre müretteben vārid olan ba'zı eḥādīs-i şerīfeye işāret vardır. Nitekim Faḥr-i 'ālem şalla'llāhu 'aleyhi ve sellem bir ḥadīs-i şerīfide şeyḥayn ḥazretlerine müretteben işāret idüp: “Bunlar enbiyā ve'l-mürselinden mā-'adā olan ehl-i Cennātuñ iḥtiyārınuñ seyyidleridür” dimişdür. Ve ḥadīs-i diğesinde: “Her nebīnūñ yir ehlinden ve gök ehlinden ikişer vezīri vardır. Ehl-i semādan benüm vezīrlerüm Cebrā'ıl ve Mīkā'ıldür. Ve ehl-i arzdan vezīrlerüm Ebū Bekr ile 'Ömerdür” diyü buyurmışdur. Ve ḥadīs-i diğesinde: عمر منى بمنزلةالسمع والبصر buyurmışdur. Ve ḥadīs-i diğesinde: عمر سراجا اهل الجنة buyurmışdur. Pes bunlardan ve emşāli eḥādīs-i şerīfeden, Ebū Bekrūñ 'Ömer ile müretteben mezkūriyyeti ve ḥasbe't-taḳdīm Ebū Bekrūñ 'Ömer ve sā'ir Eşḥāb-ı şoḥbet-perverden efḍaliyyeti zāhir ü nümāyāndur.

﴿ ان سر انگشت او شق شد قمر ﴾ O Seyyidü'l-kevineynūñ mübārek barmağı işāretinden ay dü-pāre oldı. **Ez-ser-i engoşt**, bu kelāmuñ mecmū'ı işlāḥ-ı Fārisīde aṣl «tegāfūlāne ve ḡönülsüz» ma'nāsına müsta'meldür. Nitekim Ebu'l-Ma'ānīnūñ *beyt*:

انتظار ان هلال ابرو كشيدهم روز عيد

مرحبا کرده وليكن از سر انگشت کرد

beytinde bu ma'nāca: Yevm-i 'idde ol hilāl-ebrūnuñ intizārın çekdüm. Baña merḥabā eyledi, lākin nīm-nigāh u tegāfūlāne ile eyledi dimekdür. Pes bunda nāzımuñ murādı «nīm-işāret-i 'aleyhden» dimekdür. Bu kelām mā-ba'dine muzāfdur. Muzāfun-ileyh olan «o» zāmīr-i ḡāyibdür, müfreddür. Faḥr-i 'ālem şalla'llāhu 'aleyhi ve selleme rāci'dür. **Şakḳ şod ḳamer**, «ay iki pāre oldı» dimekdür. Zīrā şakḳ fethle luğat-i 'Arabīde «yarmaḳ ve ayırmaḳ ve yırtmaḳ» ma'nāsınadır. Lākin bunda «münşakḳ» ma'nāsınadır. [S71b] Şulāşīnūñ mezīd ma'nāsına geldiği meşhūrdur. Ve şod «oldı» ma'nāsınadır. Ḳamer, «ay» didikleri kevkēbūñ adıdır. Seb'a-i seyyārenūñ birisidür. Tulū'ından üç güne dek «hilāl» dirler, [Ü54b] ba'dehū

beyāz olduğu için āhir-i şehre dek «kamer» dirler. Aydınlığı dünyāda olan giceye ‘Arabuñ «leyle-i kamer» didigi bundandır. Cem’i «ekmār» gelür, Fārisisi «māh»dur. Pes inşikāk-ı kamer-i mu‘cize-eşerde haber-i mu‘teber böyledür ki: Bi‘set-i Hayru’l-beşer şalla’llāhu ‘aleyhi ve sellemün beşinci sâinde Mekke-i mükerrerede ehl-i Mekke Fahr-i Kā’ināt ‘aleyhi efḍalü’t-teslīmâtıdan izhār-ı mu‘cize ile kamerün inşikākın taleb eylediler. Ol ān-ı sa‘adet-iktirānda ol Şems-i felek-i risālet mübārek barmağıyla māha nīm-i işāret buyurmağın māh-ı felek hasbe’l-işāre dü-pāre oldu. Ve hāzret-i Enes razıya’llāhu ‘anh rivāyeti üzre māhuñ her pāresi Cebel-i Hırānuñ bir tarafına inüp, cebel-i mezkūr māhuñ iki pāresinün miyānesinde vāḳi‘ oldu dimişlerdür. Ve İbnü Mes‘ūd razıya’llāhu ‘anh eyidür: Māhuñ bir pāresi cebel-i mezkūruñ başında kıyām ile nūr-pāş olup dīger pāresi cebelün damına nüzül u ārām ile izhār-ı burhān eyledikde ol Fahr-i ‘ālem şalla’llāhu ‘aleyhi ve sellem bu mu‘cize-i bāhireyi görenlere: شهدوا kelām-ı harf-nişābiyle ḥiṭāb buyurdu. Ya’nī “Bu mu‘cize-i bāhireye şahid oluñuz” diyü da‘vā-yı nübüvveti bu huccet ile işbātına işhād ve beyān-ı maḳşūd-ı murād eyledi. Yāḥod “Bu mu‘cize-i bāhireye nazar idüñüz” diyü buyurdu, dimek dahı ma’nādur. İmdi ‘āme-i eşhāb-ı kirām ve kāffe-i ‘ulemā-i ‘izām ‘indinde inşikāk-ı kamerün keyfiyeti böyledür. Hattā Ḳatāde hāzretleri eyidür: “Inşikāk-ı kamer mu‘cizesi Mekke-i mükerrerede iki defa şādır olmuşdur. انشقت الساعة و انشق الغمر ilā-āhiri’l-āyeh anda nāzil oldu.” diyü buyurmuşdur. Lākin Tābi‘inden Ḥasen-i Baṣrī raḥimehu’llāh: “Inşikāk-ı kamer kıyāmetde olacaḳdır.” diyü buyurmuşdur. Ammā eşaḥḥ-ı aḳvāl cumhūruñ beyānidur ki zikr olındı, intihā. *Fā’ide*: Kitābü’l-İberde hāzret-i Ḥayderden naḳl-i mu‘teber böyledür ki: “Miyān-ı dā’ire-i kamerde olan sevād nedür?” diyü kendüden su’āl olındıḳda eyitmiş ki: “Hāzret-i Cebrā’ıl ‘aleyhi’s-selāmuñ māhı meshinden bir eşerdür. Zīrā Ḥudā-yı müte‘āl şems ile kamerün [S72a] nūrların yitmiş cüz’ ḥalk idüp ba‘dehü nūr-ı kamerden altmış tokuz cüz’ini bi-vāsıta-i Cibrıl mesh itdirüp şemsün [Ü55a] üzerine zamm itdirmişdür. Ve şafḥa-i kamerde olan sevād ḥurūf-ı muḳaṭṭa‘a ile جملا harfleridür.” diyü cevāb eylemişdür, intihā. Ve İbnü ‘İmād: “Şafḥa-i kamerde olan sevāda nāzar idüp bu vech ile görüp okudum” diyü i‘timād virmişdür dirler. Lākin zurefā-yı şuarādan ba‘zı fāzıllar sevād-ı mezkūrı ber-vech-i ātī beyān idüp birkaç ta‘bīr ile taḥrīr eylemişlerdür.

Nāzm:

Rāst geldüm gice aḡyār ile şaḳḳu’l-kamere
Didüm iy māh ! Nedür ‘ārızuñ üstinde bere
Nāz ile ḥande idüp didi o ḥurşid-cemāl
Şehper-i Rūḥ-ı emīndür ki tokındı kamere

Nāzire:

Didüm iy Zühre-cebīn ! Dün gice şaḳḳu’l-kamere
Yā nedür mihr-i cemālünde görinen bu bere
Didi kim: Ḳıldı eşer hāzret-i maḥbūb-ı İlāh
Başdı ayaḡını mi‘rāca çıkarken kamere

Nāziretü’l-faḳīr:

Seyr idüp bu gice ḥāl-i ruḥ-ı şaḳḳu’l-kameri

Didüm iy şem'-i şeb-ārā ! Ne bu vechünde bere
 Didi mi'rāca 'urūcında ḥabīb-i Ḥaḫḫuñ
 Eşer-i na'l-i Burākı ki toḫundı ḫamere

Nazîre:

Seyr-i bāğ içre irişdüm gice şaḫḫu'l-ḫamere
 Didüm iy māh-ı şeb-efrüz nedendür bu bere
 Giderüp perde-i vech-i ḥaseni Yūsufveş
 Didi engüşt-i Nebîdür ki toḫundı ḫamere

intihā. Pes bu ebyāt-ı laṭife içinden kıṭ'a-i āḫirenüñ maḫāma münāsebeti nezā'irden ziyāde idigi ḥaḫḫı degüldür. İmdi nāzım şeyḫayn ḥazretlerinüñ yār-ı faḫr-i 'ālem idiklerin icmālen beyān ve müretteben ismlerin 'ıyāndan soñra evşāf-ı şeriflerinüñ zübdesini beyān ve tafşilen 'ıyān murād itmegin yene icmāldeki tertib üzre ḥazret-i Ebū Bekrūñ vaşfını, vaşf-ı 'Ömer üzre taḫdîmen buyurur:

﴿ آن یکی اورا رفیق غار بود ﴾ Ol biri Faḫr-i 'āleme maḡara yoldaşı idi. **Ān yekī**, «ol biri» dimekdür. Bi-ḫarîneti's-sibāk murād ḥazret-i Ebū Bekr idigi 'aleyhi'l-ittifāḫdur. **O-rā**, «oña» dimekdür ya'nī Faḫr-i 'āleme. **Refîḫ-i ḡār**, izāfetle «maḡara yoldaşı» dimekdür. Zîrā refîḫ «yoldaş» ma'nāsına'Arabîdür, Fārisîde daḫı müsta'meldür. Maḫşûş-ı Fārisîsi «hem-rāh»dur. Ḡār, 'Arabîdür; [Ü55b] Fārisîde daḫı müsta'meldür. Bunda «maḡara» ma'nāsınadır. [S72b] Fārisîde aña kesr-i hemze ve sükûn-ı şîn ve feth-i kāf ve sükûn-ı fā ve tā ile «işkeft» daḫı dirler. Ve feth-i hemze ile «eknān» daḫı dirler. Lākin 'Arabîde ḡār «maḡara» ma'nāsına geldigi gibi ḡāḫice bir ağacın adıdır ki yimişine «ḫabbū'l-ḡār» dirler. Ve daḫı «ḡayret ve fesād ve büyük leşker» ma'nalarına gelür. Ve batn ile ferce «ḡārān» dirler. **Būd**, «idi» dimekdür. *Keyfiyyet-i refāḫat-ı ḡār*: Ma'lûm ola ki bi'setüñ on dördinci sâlinde Faḫru'l-ebrār şalla'llāhu 'aleyhi ve sellem الحديث رايت في المنام اني هاجر من مكة الى ارض بها نخل الحديث ru'yet-i ru'yā-yı mu'cize-redîfin 'ıyān eyledikte, küffār-ı ḫāksār bu ru'yā-yı ḫayr-āsārdan ḥaberdār olmaḡın ol arz-ı naḫlistānuñ Medîne-i münnevve olacaḡın iz'ān ve Ensār-ı 'ālî-şānuñ fırka-i İslāmiyāna i'ānet ideceklerin ḡann-ı ḡālibleriyle ıḡān idüp be-her-ḫāl cümleten muḫtaribü'l-bāl oldılar. Pes tedārük-i hicret-i İslām ḫaḫḫında bā'is-i keşret ve kendülerüñ ḫaḫḫlarında zaḫmet olur diyü def'inüñ ṭarîḫın beynlerinde meşveret için Mekke-i mükerremede Ḳuşayy bin Kilābuñ li-ecli'l-müşāvere binā-kerdesi olan Dāru'n-Nedve nām maḫalle cem' olup 'aḫd-i meclis-i meşveret kıldılar. Şanādîd-i Ḳureyş bu ḫuşûşa dā'ir meşvedete dem-sāz ve me'ānete āḡāz üzre iken ol ān-ı nekbet-iḫtirānda nā-gāḫ şeyṭān 'aleyhi'l-la'ne ol gürüh-ı mekrūhuñ dā'ire-i pür-nā'irelerine vāşıl ve bir pîr-i ṭa'ne-tedbîr ḫıyāfesinde meclislerine dāḫil olup su'āl-i muḫaddere cevāb ilḫābıyla eyitdi: “Necdden gelürem. Sizlerüñ bunda encümen-ārā-yı me'ānet oldıḫlarıñızı istimā' idüp geldüm. Bu cem'iyyetden bir murāduñuz olmaḫ gerekdür. Ḳavl-i za'îf ve re'y-i saḫîfünizi benden ketm itmeñüz. Bir pîr-i müşkil-küşā-yı me'ānet ve tedbîr-ārā-yı umûr-ı meşvedetim.” diyü me'lûn kendü kendüyi ol dār-ı idbāruñ bāzār-ı meşvedet-şî'ārında ol ḫadar şatdı kim, meşāmm-ı küffār (u) müşrikîn ol kelimāt-ı serḡîn-āḡinden bûy-ı āşnāyı bulup sebeb-i cem'iyyet olan meşveretlerin ol la'ne i'lām ve keyfiyyet-i [Ü56a] ḫālî yegān yegān taḫrîr-i tām̄m ve herkes fîkr-i

fāsidine intihāb eylediği re’y-i şahīfin aña bu vechle ihbār u ifhām idüp, [S73a] içlerinden Ebu’l-Buhterī nām bir bed-kelām eyitdi: “Benüm re’yüm oldur ki ol t̄alib-nevā-yı hicret ve şāhib-da’vā-yı nübüvveti bir beyte koyup hemān bir āb u nān virecek kereden mā-‘adā bāb u revzenlerin sedd ü bend eylemekdür.” Ol zamān şeytān-ı la’īn eyitdi: “Bu re’y-i fenādur. Zīrā yārān u mu‘āvinleri gelüp kendüyi hālāş iderler.” Ba‘dehū Hişām bin ‘Amr eyitdi: “Benüm re’yüm ol t̄alib-i hicreti Mekkedden ih̄rācdur.” Pes yene şeytān-ı la’īn eyitdi: “Bu dağı re’y-i hasen degüldür. Zīrā taşrada dağı ziyāde kuvvet bulup bizlere ziyāde zahmet virür.” Ba‘dehū Ebū Cehl-i la’īn ki muḳaddemā ismi ‘Ömer ve ‘ulūm-ı ‘aqliyyede mahāretinden nāşī künyesi «Ebu’l-h̄ikem» iken ‘adem-i īmān ile ‘inād u tuḡyānı ‘ilāvesiyle «Ebū Cehl» tesmiyesiyle şöhret bulmuşıdi. Bu dağı eyitdi: “Re’y oldur ki ḳabā’il-i ‘Arabuñ her бүтүнından birer ‘allām-ı bī-raḥm getürelim. Her biri bir seyf ile ḥamle vü hücüm eylesünler. Murād ḥuṣūl-pezīr oldıḳda mādde-i ḳabā’ilüñ cümlesi şerīk olur. Böyle oldıḳı şüretde Benū-Hāşim cümle-i ḳabā’il ile da’vāya ve pā-dāş için muḥārebe vü heycāya ḳudret bulamaz.” didikde şeytān-ı la’īn eyitdi: “Ebū Cehlüñ bu re’yin istiḥsān idüp böyle eylemeñiz gerekdür.” diyü her birlerine gūn-ā-gūn iḡvā vü iḡrā kıldı. Pes fitne-i nā’imenüñ iḳāzına tedārük-i tāmm ile munṭazır-ı vürūd-ı tārīk-i şām oldılar. Ol zamān ‘ālem-i esrāru’l-ḥafıyyāt cānibinden peyk-i Raḥmān nāzil olup Faḥr-i kā’ināt ‘aleyhi efḍalü’t-teḥıyyātu bi-emr-i İlāh bu keyfiyyetden āgāh idüp: “Yā Muḥammed ! Bu leyle-i mübāreke Mekke-i mükerrermeden Medīne-i münevvere tarafına hicret buyurmañız için emr-i Rabb-i ‘izzet olmuşdur.” didi. Ol zamān rehber-i Muhācirīn ü Enşār olan Server-i aḫyār şalla’llāhu ‘aleyhi ve sellem ḥazretleri emr-i hicreti ḥazret-i Şıddıḳ ile Ḥayder-i Kerrāra ḥaber idüp: “Ḳanḳı t̄alib-i cennetdür ki bu leyle-i hicretde dā’ire-i mekān-ı iḳāmet-[Ü56b] nişānumda merkez-nişīn-i ḳarār ve maḫhar-ı rızā-yı ḥazret-i Perverdgār ola?” diyü buyurıḳda, işbu işāret-i pür-beşāret üzre bī-muḥābā *naẓm*:

شیر یزدان کز نهیب خنجرش

خصم را بفسرد خون در خنجره

[S73b] بود از آسیب او پیش اجل

جان دشمن از غزا در غرغره

اوست قلب لشکر اسلام ازان

مهر دین بی مهر او نامد سره

بر فراز قدر عالی منظرش

من نکویم آسمان را کنکره

چون کم از یکنقطه موهوم شد

در محیط مرکزش نه دائره

ile meşrūḥ ve medāyih-i sā’ire ile memdūḥ olan şāhib-i ḥancer ve seyf-i zū’l-feḳār a’nī bihi ḥazret-i Ḥayder-i Kerrār kendi cān-ı şīrīnini rāh-ı selāmet-i Faḥru’l-mürselinde īṣār ve ka’be-i maḥabbet-i ḥātemü’n-nebiyyinde ḳurbān olmaḡı ihtiyār idüp, maḳarr-ı ḥazret-i Peyḡamberde iḳāmete āmade vü ḳazā-dāde oldı. Fe‘alā-hāzā ḥazret-i ‘Aliyyü’l-Murtaẓānuñ bu mertebe bālā-nişīn-i evc-i īṣār oldıḡımuñ

beyânında şâhib-i İhyâ rivâyet-i şâhîha ile bir mufaşşal hadîs-i şerîf naql eylemişdür. Bu fakîr dahı naql bi'l-ma'nâ olmak üzre yüz on beş beyt ile nazm idüp, nazm-ı ma'hûda Kaşîde-i 'Aliyye ile nâm virüp ol yâdgârı zîver-i mecmû'a-i eş'âr eylemişdüm. Hülâsası hazret-i Hayder-i Kerrârı ol şeb-i hicret-i Fahru'l-ebrârda a'dâdan hıfz hîsmeti için hazret-i Bârî Cibrîl-i emîn ile İsrâfîl 'aleyhi's-selâmı tâbe-şubh pâsbân eylemişdür, intihâ. Vaktâ ki hazret-i 'Aliyyü'l-Murtażâ dâ'ire-nişîn-i hazret-i İlâh oldıkda ol Bedr-i münîr-i kevneyn şalla'llâhu 'aleyhi ve sellem emr-i zû'l-celâle şedd-i niţâk-ı imtisâl idüp refîk-i şefîki olan hazret-i Ebû Bekri's-Şiddîk razıya'llâhu 'anh ile cünbiş-nümâ-yı hicret ve şavb-ı me'mûra hırâm-âver-i 'azîmet olup ibtidâ'-i sefer-i hayr-eşerde etrâf-ı âlî-şânın dâ'ire-miğâl ihâta iden küffâr-ı hâksâr pâsbânlarınuñ körlükleri için mübârek dest-i mu'cize-peyvestiyle arz-ı beyzâ'-i Mekke-i [Ü57a] mükerrime zâdeha'llâhu şerefâdan bir miqdâr hâk-i pâk alup, ol hâk-i tâbnâkûn üzerine يس والقران الحكيم nazm-ı kerîmin فهم لا يبصرون âyet-i şeref-nümûnına degin tilâvet idüp ba'dehû ol gubâr-ı mu'ciz-âşârı vüçuh-i a'dâ'-i müşrikîn ve mefârîk-ı düşmenân-ı dîne nişâr buyurdu. Pes dest-yâr-i tevfiğ-i Bârî ile nişâr-kerde-i Fahru'l-ebrâr olan gubârdan her kankı bedkârûn ser-i şe'âmet-şî'ârına zerre miqdâr işâbet eyledi ise der-sâ'at cümlesi müş-ı kürvârî kuvvet-i bâsıradan [S74a] dür olup, ol Sems-i felek-i risâlet ve bedr-i mînâ-yı nübüvveti ve refîk-i şiddîkını ru'yetden mehcûr ve fehm ü idrâk keyfiyyetinden bî-şu'ûr oldu. Hattâ bu gubâr-ı mu'ciz-âşârdan hışşamend olan eşrârûn cümlesi soñra meydân-ı ma'reke-i Bedrde tu'me-i şemşîr-i âbdâr-ı gûzât ve mazhar-ı kahr-ı Hâliku'l-arzı ve's-semâvât olmışlardır. Çün ol hazret-i habîb-i İlâh ile hazret-i Şiddîk hem-râh olup Mekke-i mükerrmeden hürûc ve râh-ı ma'şûda vülûc buyurdıkda der-âkab pâsbânlarınuñ sâ'iri olan ba'zı eşrârûn ihbârıyla şanâdîd-i Kureyş hicret-i Ahmed-i muhtârdan haberdâr olup der-hâl işr-i Fahru'l-ebrâra düşdiler. İçlerinden hazret-i Sürâka razıya'llâhu 'anh gibi ba'zı, müsâbaqat iden mu'cize-i Rasûlu'llâh ile mazhar-ı hidâyet olup sâ'irleri şeytân ile refâkat ve fütâde-i hâmun-ı dâlâlet olmağın teftîş-i hâl-i cihet-i 'azîmet-i şâhib-i hicrete ikdâm eylediler. Ma'a-hâzâ Fahru'l-ebrâr şalla'llâhu 'aleyhi ve sellem hazret-i Şiddîk razıya'llâhu 'anh ile cânib-i yemîn-i Mekke'de vâkı', şehre bir sâ'at bur'diyyeti şâyî' Cebel-i Sevr dimekle meşhûr bir küh-ı lâmi'ûn bir gâr-ı sa'âdet-âşârında ârâm u qarârı ihtiyâr buyurmuşıdi. Ve 'aķtübü'l-karâr ol gâr-ı pür-envârûn bâb-ı devlet-medârı üzre be-ilhâm-ı Bârî 'ankebût pûd u târ ihzârı ile perde-sâzlık hizmetin ibraz idüp ve ol perde-i hıfz-ı İlâhî sâyesinde bir kebûter-i Harem lâne-sâz-ı iķâmet ve zîr-i şeh-bâlinde beyza-nevâz-ı sa'âdet olup şevķ-i hizmet-i şulţân-ı her dü-serâyile nevâ-sâz-ı zevķ ü şafâ olmuşıdi. Hattâ hâlâ Beytu'llâhî'l-harâmda âşyân-nişîn olan hamâm-ı lâzımü'l-ihtirâmlar bâb-ı gârda hizmet-güzâr olan kebûter-i hoş-bâl ü perûn [Ü57b]neslindendür dimişlerdür, kezâ fî-Şerhi'l-Kaşîde li-'Aliyyi'l-Kârî. Pes ol ol Hayru'l-enâmûn cihet-i 'azîmetini teftîşe ikdâm iden a'dâ'-i dîn, delâlet-i şeytân-ı la'în ile ol gâr-ı pür-envârûn üzerine gelüp her ne kadar nazar-ı diğķat-eşer ile istibşâr eylediler ise ne Fahru'l-ebrâr ve ne huzûr-ı şerîfnde hizmet-güzâr olan yâr-ı gârını göremeyüp ve şeyh-i Necdînûn her bâr küffâra [S74b] gârı işâretinûn bir fâ'idesi olmadı. Zîrâ bâb-ı gârda olan perde-i işmet-i Perverdgar ve âşyân-ı hamâme-i hikmet-şî'âr-ı mu'cize-âşârı berekâtından şeytân-ı la'înûn sa'yı inkâr-kerde-i eşrâr olmuşıdi. Pes ol merkez-nişîn-i dâ'ire-i hıfz-ı Bârî, yâr-ı gârı ile ol gârda bi-emri'llâh üç gün üç gice qarâr buyurdu. Ve müddet-i mezkûrda hazret-i 'Abdu'r-

Raḥmān bin Ebī Bekri'ş-şiddīk rażıya'llāhu 'anhu ve 'an-ebeveyhi her şeb Faḥru'l-ebrār ve peder-i büzürgvārınun seyr-i dīdār-ı ziyā-medārlarıyla iktisāb-ı envār için gāra gelüp Kureyş miyānelerinde vukū'-yāfte olan kıl ü kālī hikāyet ü iḥbār ve hengām-ı şehirde yine Mekkeye 'avdete ibtidār ider idi. Ve ḥazret-i 'Abdu'r-Raḥmānı vaḳ'a-i gārdan ḥaberdār iden ḥazret-i Şiddīkuñ menīḥa olan aḡnāmı terbiyesine me'mūr, Führe nām 'atīkī idi. Zīrā Faḥru'l-ebrārın gāra duḡulinden Führe ḥazretleri āḡāh idi. Pes Ser-kāfile-i enbiyā, gārdan ḥurūc murād-ı 'ālīleri oldıḡda ḥazret-i Führe varup Cebel-i Şevr etrāfında ḥayme-niştīn-i ihtidā olan Benī-Deylemden bir merd-i fütüvvet-şiyemün iki re's develerin istīcār idüp ḡāk-i pāk-i server-i aḡyāra getürüp cānib-i Medīneye şedd-i raḡle is'āf-ı himmet gösterdi. Ol ān-ı sa'ādet-niştānda şütrānuñ birine Faḡr-i ebrār şalla'llāhu 'aleyhi ve sellem süvār olup ve birine ḥazret-i yār-ı ḡār ile Führe ḥazretleri ber-vech-i irdāf süvār olup, rehberī-i Rehnü-mā-yı dīn ü İslām ile semt-i hicrete sevk-i inaḡ-ı itizām buyurdılar. Vaḡtā ki Medīnetü'r-Rasūle vuşüllerinde dāru'l-hicreti ḡudūm-ı şeref-lüzūmlarıyla pūr-nūr ve 'umūmen ahālī-i Medīneyi sürūr u ḡubūr buyurdıḡdan şoñra etrāfda ve ḡāşşaten Beytu'llāhi'l-[Ü58a] ḡarāmda bulunan fırḡa-i İslāmiyān emr-i hicrete şedd-i riḡāl-i imtişāl idüp pey-der-pey mesāfe-i seferi pāy-ı şevḡ ile ḡayy iderek Medīne-i münevvereye hicret birle nā'il-i 'izz ü devlet ve maḡhar-ı envā'-ı fevz ü nuşret oldılar, intihā. İmdi ḥazret-i Şiddīkuñ yār-ı ḡār-ı Rasūlu'llāh oldıḡı bu icmālden mübeyyendür. Nitekim āyet-i kerīmede اذنهما فى الغار ثانى اثنين vārid olmuştur. Ve ḡadīs-i şerīfde ماظنك باثنين الله ثالثهما [S75a] يا ابا بكر gelmiştür. Ve binā'en 'aleyh medḡ-i şerīfde Ḥasen-i Kāşifī bu meżāmīne imā diyüp böyle buyurmuştur, *medḡ*:

ان محرم راز اسمانى
 ان محرم كعبه معانى
 ان همدم خاص ثانى اثنين
 ان خواجه چار سوى كونين
 در مسند حكم امير اعدل
 در اخر جهد امام اول
 صديق طريق استقامت
 سالوك معارج كرامت
 صاحب قدم مقام تجريد
 سر دفتر جمله اهل توحيد
 او را قدم از دم يقين بود
 زان پيشرو مقام دين بود
 در جمع مقربان صادق
 حقا كه جز او نبود سابق

intihā. «Ka'be-i me'ānī»den murād zāt-ı Muḡammed 'aleyhi's-selāmdur. Ma'lūm ola ki Faḡru'l-ebrār ile Şiddīk ḥazretlerinin şeb-i hicretde olan refāḡati ve ḡārda olan şoḡbetinün sevāb-ı fażīleti ḡāric-i ḡadd-i

beyāndur. hattā ḥazret-i ‘Ömer-i Fārūḳ rażıya’llāhu ‘anhdan: “Yā ‘Ömer ! Senüñ t̄ā‘āt u ‘ibādātuñ ile ḥazret-i Şıddıḳ rażıya’llāhu ‘anhuñ ‘ibādetinüñ nisbeti ne gūnedür?” diyü su’āl olındıḳda cevābda: “Ḥazret-i Ebū Bekri’ş-Şıddıḳuñ Faḥru’l-enbiyā ile hemān ğarda yār-ı vefādārlıḡınuñ şevābı, benüm ‘ibādātuma mu‘ādıl belki daḡı ziyādeye ḳābildür.” diyü buyurmuşdur dirler.

﴿ وان ذكر لشركش ابرار بود ﴾ Ve ol biri serdār-ı leşker-i ebrār idi. **V’ān diger**, «ve ol āḡarı» dimekdür. Murād ḥazret-i ‘Ömer rażıya’llāhu ‘anhdur. **Leşker-keş**, aslı «asker çekici» ma’nāsına tertīb-i tavşıfıdır. Bir cüz’i «asker» ma’nāsına olan leşkerdür. ‘Askere Fāriside «sipāh» daḡı dirler. Lākin sipāh, müfrede ve cem‘a ıtlāḳ olunur. Ammā leşker, mecmū‘-ı sipāha ıtlāḳ olunur. Ve bir cüz’i daḡı çekici ma’nāsına olan «keşende» kelimesinden muraḡḡam olan ism-i fā‘ıldür. Pes bunda murād «ser-asker» ma’nāsına ‘alem mecrāsına cārī olmaḡdur ve mā-ba’dine muzāfıdır. **Ebrār**, [Ü58b] cem‘dür. Müfredi fetḡ-i bā ve sükün-ı rā’-i müşeddede ile «berr»dür, ma’nası «şāliḡ ve eyü, şāḡib-i şalāḡ kimesne» dimekdür. İmdi ebrārdan murād «Eşḡāb-ı kirām» ‘aleyhim rızvānu’llāhi’l-‘Azīzi’l-‘Allāmdur. **Būd**, «idi» ma’nāsına olmaḡ daḡı muḡtemeldür. İmdi bundan murād ḥazret-i Fārūḳuñ ḳable’l-ḡilāfe [S75b] ve ba’dēhā olan şec‘at u kerāmet ve ğazā vü fütūḡātda ser-asker-i eşḡāb-ı kirām ve fātiḡ-i bilād-ı İslām idigine işāretdür. Nitekim Kāşifî buyurmuşdur, *medḡ*:

چو بر تخت خلافت یافت فاروق
شد اعلام هدا را سر بعیوق
سپهسالار دین کز رای عالی
جهانرا داشت از بیداد خالی
چنان بنیاد ظلم از بیخ بر کند
که کرک ار میش دامن سر در افکند
زهی روشن دلی صاحب سکینه
که نمودش نهاوند از مدینه

Ya’ni çünki ḥazret-i Fārūḳ mesned-ārā-yı taḡt-ı ḡilāfet oldı, i‘lām-ı hüdā ser ber-āverde-i ‘ayyūḳ oldı. Ol sipēh-sālār-ı dīn-i mübīndür ki, re’y-i ‘ālīsiden nāşī cihān zulm ü sitemden ḡālī oldı. Ve zulmüñ bünyādını kökinden bir gūne ḳal‘ itdi kim gurgān, dāmān-ı mīşāna baş egdi. Ne güzel bir rüşen-dil şāḡib-i sekīne vü veḡārdur ki, berekāt-ı kerāmetiyle kendüye Medīneden Nihāvend görinmişdür, intihā. Bundan murād, ḥazret-i Fārūḳ minber-i Medīnede ḡuṡbe-ḡ‘ān-ı Eşḡāb iken Nihāvend semtine ğazāya me’mūr ‘askerine: “یا ساریة الجبل” diyü nidā idüp ‘asker-i İslām daḡı niçe yüz biñ fersaḡ mesāfe-i ba‘ideden şadā-yı Fārūḳı istimā‘ ile cānib-i cebele ilticā ile ğazā ve maḡzar-ı fevz ü zafer oldıḡlarıdır. Pes leşker-keş-i ebrār olmaḡ mecmā‘-ı evşāf-ı ḡamīde olmaḡın nāzım bu vaşfı, evşāf-ı ḡamīde-i sā’iresi üzre tercīḡ ve bunuñla iktifā buyurmuşdur.

﴿ صاحبش بودند عثمان و علی ﴾ Anuñ şāḡibi idiler ‘Osmān ve ‘Alī. **Şāḡibeş**, izāfetle anuñ şāḡibi dimekdür. Şīn, zamīr-i Faḡr-i ‘ālem şalla’llāhu ‘aleyhi ve selleme rāci’dür. Şāḡib, Fāriside «vezīr ve mu‘temedü’d-devle ve dost ve yārāna» dirler. ‘Arabīde daḡı bu ma’nālarda müsta‘meldür. Bu maḡāmda

ma‘ānī-i mezkûrenüñ her birin murād itmek cā’izdür. *Fā’ide*: Ma‘lûm ola ki «şāhib» lafzı müfreden isti‘māl [Ü59a] olındıkda ma‘ānisi ānifen zıkr olunandır. Ammā mürekkeben isti‘mālinde erbāb-ı Fürs ‘indinde başka başka ma‘naları vardır. Meşelâ «şāhib-raşad», bir hâkîmüñ nāmıdır ki, bir küh-ı bülendüñ kullisine tûlen irtifā‘ı [S76a] yedi yüz zirā‘ bir ‘imāretde oturup, seyyārāt-ı sevābitüñ tûlû‘ u gurûbına nazar ider idi. Ve «şāhib-ıyār», gāyetde zîrek ve saḥī bir vezîrüñ nāmıdır. Ve «şāhib-kırân», şol mevlûda dirler ki maskat-ı re’si vakt-i kırân-ı ‘azîmde ola ve burc-ı kırân, anuñ tâlî‘i ola, kezâ fi’l-Edevât. Ve «şāhibî», bir nev‘a muḥaṭṭat cāmedür. Ve «şāhib-hayāt», ḥazret-i ‘İsâ ‘aleyhi’s-selāmdur. Ve «şāhib-kāfi», İsmā‘îl nāmında bir şāhib-i fazîlet vezîr-i ‘ālî-cāhuñ nāmı idi. Ve bunıñ emşālî mürekkebātuñ tafşîlî Ferheng-i Şu‘uridedür. **Büdend**, «idiler» ma‘nāsına māzînüñ teşniyesidür, cem‘i daḥı bu şîğa üzredür. Fürsde teşniye ile cem‘üñ farkları ma‘nādur, lafz degüldür. **‘Osmān**, emîru’l-mü’mînîn bin ‘Affānuñ ‘alemidür. Künyesi Ebû ‘Abdi’llāh el-Emeviyyü’l-Kureşîdür. Faḥr-i ekrem şalla’llāhu ‘aleyhi ve sellemüñ Dār-ı Erḳama teşrîfinden muḳaddem şeref-i İslām ile müşerref ü mükerrerem olmışdur. zû’l-ḳarābe-i Nebiyy-i ekremdür. Zîrâ Faḥr-i ‘ālem şalla’llāhu ‘aleyhi ve sellem Muḥammed ibni ‘Abdi’llāh bin ‘Abdi’l-Muṭṭalib bin Hāşim bin ‘Abdi Menāfuñ dört evlād-ı ‘ālî-nijādı var idi. Biri Hāşim ve biri Muṭṭalib ve biri ‘Abdü-şems ve biri Nevfel idi. Peyḡamber-i ‘ālî-şān Hāşim evlādlarındandır. Ve ‘Osmān bin ‘Affān ‘Abdü-şems evlādlarındandır. Ve daḥı ḥazret-i ‘Osmān, Faḥr-i ‘ālem ḥazretleriyle arz-ı ḥabeşiyeye hicret-i şerîfnde berāber idi. Ve Faḥr-i ‘ālemüñ kerîme-i muḥteremeleri ḥazret-i Ruḳıyyeyi evvel nikāḥ idüp ba‘de-vefātihā ḥazret-i Ümmü Külsümi nikāḥ buyurmuşdur. Ol sebebden kendüye ‘Osmānu Zü’n-nüreyn tesmiye olınmışdur. Ve hengām-ı ḡazā’-i Bedrde izn-i Rasûlu’llāh ile Medîne-i münevverede ḳalup ḥātunı ḥazret-i Ruḳıyyenüñ bî-mizāclığı ḥasebiyle ḥizmetinde olmaḡın ‘özri maḳbûl ve yene Bedrîlerden ma‘dûddur. Binā’en ‘aleyh ḡazā’-i Bedrüñ māl-i ḡanā’iminden kendü için Faḥr-i ‘ālem şalla’llāhu ‘aleyhi ve sellem sehm ifrāz buyurmuşidi. Ve daḥı ḥudeybiyede olan Bey‘atü’r-Rızwān vaktinde nizām-ı muşālāḥa için [Ü59b] Mekke-i mükerreremeye irsāl buyurılıp bey‘at-ı Faḥru’l-enāmda ḥāzır bulunmadığından, Faḥr-i ‘ālem mübārek yed-i şerîfini diğerk yed-i mübārekinüñ üzerine vaz‘ idüp: [S76b] “Bu dest-i peyvestüm ‘Osmān bin ‘Affān içündür.” diyü buyurmuşidi. Ve icmā‘-ı Eşḫāb-ı kirām ile Ḳur’ân-ı kerîmüñ süre-i şerîfelerin ‘alā-hāza’n-nizām tertîb buyurmaḡın kendüye «cāmî’u’l-Ḳur’ân» dinmişdür. Ve şemā’il-i şerîfî beyānında İmām-ı Tebrîzî eyidür: Beyāzu’l-levn ve orta boylu idi. Ve rivāyet-i diğerkde esmeru’l-levn ve raḳīḳu’l-beşere ve ḥasenü’l-vech ve yaşşı yağrınlu, keşîrû şa‘rû’r-re’s ve ‘azîmü’l-liḥye idi. Hicret-i Rasûlu’llāhuñ yigirmi dördinci sālinde ḡurre-i Muḥarremü’l-ḥarāmda mesned-ārā-yı ḥilāfet olup bilād-ı Maḡribi ve Ma‘mûriyyeden diyār-ı Rûma dek Afrîḳıyye ve Tārābülüsü’l-ḡarb ve ḥavālîlerindeki bilādı ve Māverā’ü’n-nehr ve Türkistān ve emşālî bilādları feth idüp giriftār-ı ḳabza-i taşarruf-ı İslām eylemişdür. Ba‘dehü fırḳa-i İslāmiyānuñ ilā-yevmi’l-ḳıyām rāḥatına dāll olur himmetler buyurmuşdur ve kendüden ḥalk-ı keşîr rivāyet eylemişdür. Vaktā ki taḳdîr-i İlāhî yirini bulacaḳ oldıkda mısr-ı Ḳāhire ḳavminden Esvedü’n-Necîbî nām bir nā-kāmuñ yedinde ve bir rivāyetde bir ḡayr-ı Mısrînüñ yedinde nüş-ı cām-ı şehadet ḳılmışdur. Müddet-i ‘ömr-i şerîfî seksen ikidür ve fî-rivāyetihî seksen sekizdür. Leyle-i sebtde ‘āzim-i Dāru’s-selām olup Baḳṭu’l-muḥtereme defn olınmışdur.

Müddet-i hilâfeti on iki seneden bir kaç gün nokşandır. Ba‘dehû hazret-i ‘Aliyyü’l-Murtazâ mesned-nişîn-i hilâfet oldu. **U(ve) ‘Alî**, ‘Osmân üzerine ma‘tûfdur. ‘Alî emîru’l-mü’mînîn bin Ebî Tâlibdür. Her vechle mazhar-ı rızâ-yı Faḥr-i ‘âlem olduğu hasebiyle ‘Aliyyü’l-Murtazâ dinmişdür. Künyesi Ebu’l-Hasen ve Ebu’t-Türâb el-Ḳureyşîdür. Ekser-i aqvâlde t̤â’ife-i zükürdan, evvel şeref-i İslâm ile müşerref olan kendüdür. Hengâm-ı İslâmında sinn-i sa‘âdetleri on beş ve fî-rivâyetihî on altı ve fî-rivâyetihî on ve fî-rivâyetihî sekize varmışidi. Müşâhedûñ cümlesinde Faḥr-i ‘âlem ile bulundu, illâ hengâm-ı gaza’-i Tebükde [Ü60a] hâzır degül idi. Ol demde izz-i Rasûlu’llâh ile hem-h‘âbe-i ‘âlî-şânî hazret-i Fâtîmetü’z-zehrânûñ yanında kalmak üzere karar virildikde eyitdi: “Yâ Rasûla’llâh ! Beni nisâ vü şıbyân miyânelerinde teḥallûf mi buyurursuz?” Pes ol demde Faḥr-i ‘âlem şalla’llâhu ‘aleyhi [S77a] ve sellem kendüye: *الا ترضى ان تكون منى بمنزلة هارون من موسى انه لاني بعدى* hadîs-i şerîfiyle hitâb-ı müsteṭâb kılmışidi. Şemâ’ilde mübârek levni buğday teñlü idi. Ve ‘azîmü’l-‘ayneyn ve orta boylu ve qarınlu bir zât-ı mehâbet-simât idi. Ve keşîru’ş-şar ve ‘azîmü’l-liḥye idi. Mübârek re’si ve rîş-i sa‘âdeti sefid idi. Hengâm-ı hilâfetinde cümle-i havâric ve niçe eşrârı tu‘me-i şemşîr-i zü’l-feḳâr idüp maḡrib ü maşriḳda nice gaza ile mazhar-ı fütûḥât u fevz-i zafer olmuşdur. Binâ’en ‘alâ-zâlik «esedu’llâh» ile mülakḳab olmuşdur, «Ḥayder» didikleri daḡı bu ma’nâcadur. İbnü ‘ammi’r-Rasûldür. Faḥr-i ‘âlem şalla’llâhu ‘aleyhi ve sellem niçe eḥâdîs-i şerîfe ile kendüyi medḡ buyurmuşdur. Ez-cümle *على اخى فى الدنيا والاخرة* hadîs-i şerîfi ve daḡı *على امام البررة و قاتل الفجرة* hadîs-i münîfi ve daḡı *حب على براءة من النار* hadîs-i laṭîfi gibi, kezâ fî’l-Münâvî. Ve saḳî-i havz-ı Nebîdür. Nitekim *على صاحب حوضى فى القيمة* hadîs-i şerîfi bu beyânda kâfidür. Ve ‘Alî feza’-il-i ḥadden bîrûn ve kıyâsdan efzûndur. Nitekim nâzım, beyt-i âfîde taşriḥ buyuracaḡdur. Ve ibtidâ’-i hilâfeti hicret-i Nebevîñ otuz beşinci sâli şehr-i Zî’l-ḥiccenûñ on sekizinci günü yevm-i cum‘ada idi. Müddet-i hilâfeti dört sene toḡuz mâhdan bir kaç gün nokşan olmuşdur. Bitakḡdîrî’llâhî te‘âlâ şehr-i Kûfede yevm-i cum‘anuñ vaḡt-i şabâḡında ‘Abdu’r-Raḡmân bin Mülcemî’l-Murâdî ol ḡudâvendḡarî zaḡmdâr itmegin, ol zaḡmdan müte’eşşir üç gün soñra ‘âzim-i Dâru’s-selâm olmuşdur. Sâl-i vefâtı hicretüñ kırkıncı sâlinde Ramazân-ı şerîfûñ on yedinci gününde idi. Müddet-i ‘ömr-i şerîfi altmış üç ve fî-rivâyetihî altmış [Ü60b] beş ve fî-rivâyetihî altmış yedi ve fî-rivâyetihî elli sekize bâliḡ idi. Kendüyi şübbân-ı ehl-i cennetüñ seyyidleri olan veledeyn-i muḡtermeyni hazret-i Ḥasen ve hazret-i Ḥüseyn ve daḡı ‘Abdu’llâh bin Ca’fer rızvânü’llâhî ‘aleyhim ecma‘în ḡasıl idüp namâzın hazret-i Ḥasen razıya’llâhu ‘anh kıldırđı. Ve hengâm-ı seḡerde defn olındı dirler. Ve kendüden ḡalk-ı keşîr, ḡaşşaten hazret-i [S77b] Ḥasen ve Ḥüseyn ve Muḡammed ve niçe Eşḡâb u Tâbî‘în rivâyet-i eḡadîs-i şerîf eylemişdür. *Fâ’ide*: Esâmî-i Ricâl nâm kitâbda eyidür: ‘Ahd-i evvelde ‘Ömer bin Ḥaṭṭâb ile müsemmâ altı kimesne idi. İçlerinden biri hazret-i Fârûḡdur, ḡayrısı sâ’ir kimesnelerdür. Ve daḡı ‘Osmân bin ‘Affân ile müsemmâ iki kimesne idi. Biri hazret-i Zü’n-nüreyndür, âḡarı âḡar kimesnedür. Ve daḡı ‘Alî bin Ebî Tâlib ile müsemmâ altı kimesne idi. İçlerinden biri ibnü ‘ammi’r-Rasûl ve sâ’iri âḡar kimesnelerdür, intihâ. Binâ’en ‘aleyh nâzım Çehâr-yâr-ı ḡüzîñüñ her birini evşâf-ı vazıḡa ile beyân buyurmuşdur. Nitekim eyidür:

﴿ بهر آن کشتند در عالم ولی ﴾ O Faḥr-i ‘ālem için velī oldılar. **Behr-i ān**, «anuñ için dimekdür. Zīrā behr, fetḥ-i bā’-i muvaḥḥide ve sükūn-ı hā’ ve rā’-i mūhmele ile beş ma’nāyadur. Bunda ma’nā-yı ūlā murāddur ki taḥṣīṣ için olan lām-ı cārre ma’nāsıdır ki «be-cihet-i ān» ve daḥı «berāy-ı ān» dimekdür. s̄ānī «rār» ma’nāsınadur. s̄ālīs «ḥıṣṣa» ma’nāsınadur. Rābī‘ şehir adıdır. Ḥāmīs şu‘ā’-ı kamer ü nūcūmdur, intihā. Mā-ba’dine muzāfdur, muzāfun-ileyhi olan «ān» ism-i işāretdür. Müşārun ileyhi Seyyidü’l-kevineyn ‘aleyhi’ş-şalātü ve’s-selāmdur. **Geştend**, fetḥ-i kāf-ı ‘Acemī ile māzīnūñ teşniyesidir, cem‘i daḥı birdür. Ma’nāsı «oldılar» dimekdür. Fā’ili tahtında müstetirdür, mercı‘i ‘Osmān ile ‘Alīdür rażıya’llāhu ‘anhümā. **Der-‘ālem**, «‘ālemde» dimekdür. **Velī**, «dost» ma’nāsınadur. Pes bunda لكل نبی ان علیا منی و انا منه و هو hadīslerine ve daḥı خلیل و خلیلی عثمان ve daḥı ولی فی الدنيا والاخرة [Ü61a] hadīs-i şerīfine telmīḥ vardır. Ve daḥı velī lafzı, «ḳarīb ve ibnū ‘amm» ma’nalarına daḥı gelür. Bunda bu ma’nāyı irāde daḥı rüşendür. Zīrā ‘Osmān ile ‘Alī rażıya’llāhu ‘anhümānuñ Faḥr-i kā’ināt ‘aleyhi efḍalü’t-teḥıyyāya ḳarābetleri ma’lūmdur. Belki bu ma’nā evvelkinden ezherdür, vechi gayr-ı ḥafīdür. Pes nāzım yine tertīb üzre her birinūñ sıfat-ı lāzımelerin beyān ile izāḥ için eyidür:

﴿ آن یکی کان حیا و حلم بود ﴾ Ol biri ḥayā vü ḥilm ma’deni dimekdür. **Ān yekī**, «ol biri» dimekdür. [S78a] Murād ‘Osmān bin ‘Affān rażıya’llāhu ‘anhur. **Kān-ı ḥayā**, izāfetle «ḥayā ma’deni» dimekdür. Zīrā kān, kāf-ı ‘Arabī ile «ma’den ve merkez» ma’nāsınadur. ḥayā’, fetḥ-i ḥā’-i mūhmele ile bunda «utanmaḳ» ma’nāsınadur. Fārisīde «şerm» ile ta’bīr olunur, ḥayā daḥı müsta’meldür. **Ḥilm**, ḥayā üzre ma’ṭūfdur. Ḥilm, kesr-i ḥā’-i mūhmele ve sükūn-ı lām ve mīm ile aṣl-ı ‘Arabīdür. «Sükūnet ve veḳār ve yavaşıḳ ve ‘uḳūbet itmek istedikde ‘aceleyi terk itmek» ma’nāsınadur. Fārisīde daḥı «nermī ve luṭf-i ṭab’» ma’nāsına müsta’meldür. **Būd**, «idi» ma’nāsınadur. «Est» ma’nāsına olmaḳ daḥı muḥtemeldür. Pes bunda Faḥr-i ‘ālemin ḥazret-i ‘Osmāna ḥıṭāb idüp: ان فيك لخصلتين يحبهما الله الحلم والحيا diyü buyurduğu hadīs-i şerīfe telmīḥ vardır. Ve evṣāf-ı ḥamīde-i ‘Osmān bī-ḥadd ü bī-pāyāndur. Lākin içlerinden eşheri ḥayādur ki عثمان حيا تستحي منه الملائكة hadīs-i şerīfi aña dālldür. Ve binā’en ‘aleyh medḥ-i ‘Osmānda Kāşifī bu ma’nāya imā idüp buyurmuşdur, *naẓm*:

زهی بر سپهر شرف کوکبی
که بودش همی با دو اختر قران
همه قول او همچو فعلش صواب
همه جود او چون حیا بیکران
نه درگاه دین بود رایش سبک
نه از بار کس کشت طبعش کران
جهان صفا صوفی پاک رو
امام زمین و امام زمان
چو از صبغة الله شد او سرخ او
بمعنی سیه کشت روی جهان

[Ü61b] intihā. Pes «dü aḥter»den murād ḥazret-i Ümmü Külsüm ile ḥazret-i Ruḳıyye radiya'llāhu 'anhümādur. «Çün ḥayā'-i bī-kerān» kavlinde ḥayā, «yağmur» ma'nāsınadır. «Ne ez-bār-ı kes geşt» ḥilmine işaretdür. «Şūfī-i pāk-rū», ḥayāya işaretdür. «Be-ma'nā siyeh geşt rüy-ı cihān», ma'nada niçelerin rüyı siyāh oldu demek ṭā'inānuñ ḥālını beyāndur. Pes ol ma'den-i ḥilm ü ḥayā ve maḥzen-i cūd u 'aṭā olan zī'n-nüreyn rażıyallāhu 'anhuñ evşāf-ı cemīle vü menākıb-ı celīlesi meşhūr-ı 'ālemiyān olmağın bunda bu miḳdār ile iktifā kılındı.

﴿ آن یکی باب مدینه علم بود ﴾ Ol biri 'ilm şehrinüñ bābı idi. **Ān yekī**, «o biri» dimekdür; işāret [S78b] ḥazret-i 'Alī rażıya'llāhu 'anhuyadur. **Bāb-ı medīne[-i] 'ilm**, tetābu'-ı izāfet ile «'ilm şehrinüñ kapısı» dimekdür. Zīrā bāb, bunda 'Arabīdür; «kapu» ma'nāsınadır. Aşlı «bevb» idi, vāv elife ḳalb olup «bāb» olmuştur. Fārisīsi «der» lafzı ile mu'abberdür. Medīne, 'Arabīdür; «maḳarr ve büyük şehir» ma'nāsınadır. Cem'ī «medā'in» gelür. Pes fethle medenī, «şehrlü» dimekdür. Lākin erbāb-ı luğat medīne-i Rasūle nisbetde «Medenī» dirler. Medīne-i mutaşavvere nisbetde «medīnī» dirler. Medā'in-i Kisrāya nisbetde «medā'inī» dirler. Ḳaldı ki lafz-ı medīne mā-ba'dine muḫāf olmaḳda āḫirinde hemze gerek iken bilā-hemze okundığı zarūret-i vezn içündür. 'İlm, elsine-i şelāse de müsta'meldür. Luğatda «bilmek» ma'nāsınadır. İştılāḫda «inkişāf-ı tām» ma'nāsınadır. Tafşīlī inşā'a'llāh ḳarīben beyān olunur. **Būd**, kemā-merre «idi» ma'nāsınadır; «est» ma'nāsına olmaḳ daḫı muḫtemeldür. Pes bunda انا مدينة العلم ḥadīṣ-i ana daralḥikme و على بابها ḥadīṣ-i ana daralḥikme و على بابها فمّن اراد العلم فليأت الباب ḥadīṣ-i ana daralḥikme و على بابها ḥadīṣ-i ana daralḥikme و على بابها فمّن اراد العلم فليأت الباب laṭīfine işāret vardur. Ma'lūm ola ki ḥazret-i Ḥayder-i Kerrāruñ evşāf-ı cemīlesi ḥadden bisyār iken nāzımuñ 'ilm ü faẓlını beyāna taşaddīsi, 'ilmüñ cemī'-i evşāf-ı cemīle üzerine rüḥḫāniyyetini iş'ar içündür. Ve keyfe lā ki 'ilm-i şerīfün [Ü62a] faẓīleti ḥaḳḳında Faḫru'l-ebrār şalla'llāhu 'aleyhi ve sellemden beş biñ sekiz yüz eḫādīs-i şerīfe vürüdını kütüb-i eḫādīsden rivāyet eylediklerin 'Aliyyü'l-Ḳārī ve sā'irden naḳlen işāret buyurmuşlardur. Ve ḥazret-i 'Alīnün 'ilm ü faẓl u kemālī zıkr olınan ḥadīṣ-i şerīfeynden nümāyāndur. Ḥulāşa şān-ı 'Alī 'ālīdür. Lākin medḥ-i şerīfinde ḥadd-i şer'ī tecāvüz eylememek ve bundan ḡayrı ḥazret-i Ebū Bekr ve 'Ömer ve 'Osmān rızvānu'llāhi 'aleyhim ḥaḳḳlarında ḥāşā nā-hemvār kelimāt söylemek Revāfızlık ḥālidür. Nitekim bundan aḳdem Sulṭān Maḥmūd ca'ala'llāhu meşvāhu dāru'l-ḥulūduñ hengām-ı saltanatında diyār-ı 'Aceme elçi paşa ma'iyyetiyle ba's buyurılan faḫru'l-ulemā'i'l-izām ḳazī-asker-i İslām 'Abdu'llāh Efendi ve Ḥalīl Efendi ḥazretlerinden [S79a] istinsāḫ eyledigimiz mūmzā vü maḥtūm fetvā-yı şerīf-i Şeyḫu'l-İslām şüreti böyledür ki zıkr olunur: Bu mes'ele beyānında e'imme-i Ḥanefiyyeden cevāb nicedür ki, Şāh İsmā'īl taḫt-ı hükminde olan diyār-ı 'Acemde mütemekkin Revāfız ḥazeleḥümü'llāhi te'ālā, Ebū Bekr'i's-sıddīḳ ve 'Ömeru'l-Fārūḳ ve 'Osmān Zū'n-nüreyn rızvānu'llāhi 'aleyhim ecma'tın ḥazērātınıñ ḥulefā'-i 'ale'l-ḥaḳḳ oldukların inkār idüp ve ḥazret-i 'Aliyyü'l-Murtaẓā rażıya'llāhu 'anhdan mā-'adā Eşḫāb-ı kirām rızvānu'llāhi te'ālā 'aleyhim ecma'tın ḥazērātına ve 'Āyişe-i Şıddīḳa rażıya'llāhu te'ālā 'anhā ve 'an-ebeveyhā ḥazretine ḥāşā şümme ḥāşā kelimāt-ı nā-hemvār ile ṭa'n ve 'alenen sebbi kendülerine 'ibādet bilüp ve Ḳur'ān-ı 'aẓīmü's-şāndan niçe āyāt-ı kerīmeye ḳavā'id-i 'Arabiyyeden ḥāric de'b-i zenādıḳa üzre re'y-i fāsıdleriyle ma'nālar virüp ve kefare vü münāfiḳtın ḥaḳḳlarında olan āyāt-ı Ḳur'āniyyeyi ne'üzü bi'llāh Eşḫāb-ı kirām-ı mezkūruñ ḥaḳḳlarındadır

diyüp ve Ehl-i Sünnetden olan müslimînün katllerin mübâh ve nisâlarından esîr itdiklerinün bilâ-nikâh vaṭ'ların hâlâl bilüp, cennetde bilâ-keyf ru'yetü'llâhı inkâr idüp, muḥâldür diyü 'ulemâ'-i dâlleşi bu vech üze fetvâlar virüp re'îsleri olan şâh ve sâ'ir ḥukkâm-ı güm-râhları ve sâ'ir sâmi'leri bu aḳvâl-i kâside vü ef'âl-i fâsideyi ḥaḳḳ itikâd [Ü62b] eyleseler, bu maḳûle itikâd iden melâ'înün temekkün itdikleri diyârlar dâru'l-ḥarb olup, kendülerün üzerlerine aḥkâm-ı mürteddîn icrâ olunur mı? Beyân buyurup müşâb olına. El-cevâb: Va'llâhu a'lem bi's-şavâb; diyârları dâr-ı ḥarbdur ve üzerlerine aḥkâm-ı mürteddîn icrâ olunur, ketebehü'l-fakîr 'Abdu'llâh. Ve bu şüretde müslimînden bir tã'ife, melâ'în-i mezbûrünüñ ol diyârları üze hücum eyleseler, zıkr olınan mefâsidleri mürtekib ü muṭtekid olanların ricâl ü nisâ vü şıbyân u emvâllerinün ve ol diyârda mütemekkin olup küfr-i aṣlî ile kâfir olan keferenün nüfus u emvâllerinün ḥükm-i şer'îsi [S79b] ne vechledür? Beyân buyurıla. El-cevâb: Va'llâhu a'lem bi's-savâb melâ'în-i mezbûrünüñ İslâma gelmeyen ricâlleri 'alâ-tarîķi'l-istîşâl katl ve nisâ vü şıbyânları istirkâḳ olunup, mâlleri mâl-i ğanîmetdür. Ve nisâ vü şıbyânı katlden ğayrı tarîķ ile İslâma cebr olunur. Ve nisâlarınun İslâma gelmedikce vaṭ'ları hâlâl olmaz. Ve ol diyârda ḥükm-i aṣlî ile kâfir olanlar ḥarbî ḥükminde olmaları ile ricâl ü nisâ vü şıbyânı istirkâḳ olunur. Ve mâlleri mâl-i ğanîmetdür. Lâkin ricâl ü nisâ vü şıbyânı İslâma cebr olunmaz ve İslâma gelmeyen Kitâbiyye nisâlarınun vaṭ'ları hâlâldür. Ancaḳ ol diyârda Sünniye ta'arruzdan ihtirâz gerekdür, ketebehü'l-fakîr 'Abdu'llâh. Ḥulâsa-i kelâm çehâr-yâr-ı güzîn rızvânü'llâhi 'aleyhim ecma'in ḥazerâtınun birbirleri üze rütbe-i fazîletlerin nâzımın tertîbi üze iz'ân u tḳân idüp her birlerinin ḥilâfetlerin ikrâr ve kendülere cân u dilden muḥabbet ile esâmîleri zıkr olındıḳda du'â-sâz-ı rızvân olmaḳ nişâne-i ehl-i îmândur. Yoksa Kızılbaş-ı bed-ma'âşuñ ḥâlleri yamandur. *Rivâyet-i şîrî*: Sürḥ-serân kendi ḥâl-i tebâhına nigâh etmeyüp her ḳanḳısını söyletsen ensâbda ḥazret-i 'Alî raḳıya'llâhu 'anha intisâb iddi'â ider, ne'üzü bi'llâh. Ḥattâ 'Abdu'r-Raḥmân-ı Câmî raḳimehu'llâh ḥazretinün 'aşrında olan bir şâh-ı güm-râh-ı Sürḥ-ser bu vechle 'Alevî iddi'âsiyle faḥr-âver olmaḳın [Ü63a] Câmî ḥazretleri bir şeb-i mübârekde ḥazret-i Ḥayderi ru'yâda görüp, bu keyfiyyeti ber-vech-i su'âl ḥaber virüp, aḫz-i cevâbile ḥ'âbdan bîdâr oldıḳda ru'yâ-yı şerîfin keşîde-i silk-i nazm-ı muṭteber kılup böyle buyurmuşdur, *Câmî*:

یک شبی در خواب دیدم من علی المرتضی
 کفتم ای شاه ولایت و ابن عم مصطفی
 شاه سرخ سر همی کوید کز اولاد توام
 کفتم لا والله لا بالله لا تالله لا

intihâ.

﴿ آن رسول حق که خیرالناس بود ﴾ Ol Rasûl-i ḥaḳḳ ki nâsın ḥayırlısı idi. **Ān Rasûl-i ḥaḳḳ ki**, «ol ḥaḳḳ olan Rasûl ki» dimekdür. Yâḥod «ol Ḥaḳḳuñ Rasûli ki» demek daḫı ma'nâdur. Lâkin [S80a] ma'nâ-yı evvelün leṭâfeti ve maḳâma münâsebeti şâniden ziyâde idigi ğayr-ı ḥafîdür. **Ḥayru'n-nâs**, «benî-Âdemün ḥayrlısı» ya'nî «ziyâde eyüsi ve kerîmi» dimekdür. Zîrâ bunda ḥayr lafzı, «eyülük ve kerem» ma'nâsına olmaḳ zâhirdür ve bi-mu'âveneti'l-maḳâm âḫir ma'nâsı murâd olınmaḳ ezherdür. Ve

gāhī lafz-ı hayr, «māl» ma'nāsına olur. Lâkin bunda münâsebeti yokdur. Nâs, aşlında «enâs» idi, taḥḫifen hemzesi ḥazf olunmuşdur. «Benî-Âdem» ma'nāsına ism-i cinsdür, kemā fi'l-Keşşâf. Lâkin erbâb-ı lûgat 'indinde cem'dür. Nâsa, nâs tesmiyesi ناسى ادم فنى ذريته ḥadîs-i şerîfinden ma'lûmdur. Nitekim şâ'ir bu ma'nâya işâretde, *naẓm*:

لاتسنين ملك العهود فانما

مميت انسانا لانك ناسنى

diyü buyurmuşdur. Ve nâs lâfzında olan elif lām-ı istiğrâka ḥaml olunmaḡ laṭîfdür. Her bir nâsdan aḫyar olmaḡ; efdalü'l-enbiyâ ve'l-mürselîndür dimege daḡı işâret olmuş olur. Qaldı ki nâzımuñ hayru'n-nâs kelâmında «enfe'u'n-nâs» vaşfiyle Faḫr-i âlemi medḡa işâret bulunduḡı zâhirdür. **Bûd**, «idi» dimekdür. [Ü63b] Mecâzen «est» ma'nāsına olmaḡ daḡı rûşendür.

﴿ عم پاكش حمزة و عباس بود ﴾ Anuñ pāk 'ammîsi Ḥamze ve 'Abbâs idi. **'Amm-i pākeş**, tetābu'-ı izāfet ile «anuñ pāk 'ammîsi» dimekdür. 'Amm, 'Arabîdür; Fārisîde daḡı müsta'meldür. Ma'nâsı «birâder-i peder»dür ve maḡşuş-ı Fārisîsi fetḡ-i hemze ve sükûn-ı vāv ve fetḡ-i dāl-i mühmele ve sükûn-ı rā'-i mühmele ile «evder» lafzıdır. Pāk, «ṭāhir» ma'nâsınadır. Bundan murād ırkınıñ ve zâtlarınıñ her vechle pāk u ṭāhirligidür. Âḫirindeki zamîr Faḫr-i âlem şalla'llāhu 'aleyhi ve selleme râcî'dür. **Ḥamze** bin 'Abdî'l-Muṭṭalibdür, razıya'llāhu 'anh. Künyesi zamm-ı 'ayn ile Ebü 'Umâredür ve 'ammü'r-Rasûldür ki Faḫr-i âlem kendüyi medḡ idüp ḥadîs-i şerîfinden حمزة عمامى خير اخوتى على و خير عمامى buyurmuşdur. Ve Faḫr-i âlemüñ raḡā'a qarındaşıdır. Nitekim حمزة اخى من الرضاة ḥadîs-i şerîfi bu ma'nâya dâlldür. Bi'setüñ ikinci sâlinde şeref-i İslâm ile müşerref olmuşdur dirler. Lâkin Esâmî-i Ricâl nâm kitâbda beyân oldıḡı üzre Faḫr-i âlem [S80b] Dâr-ı Erḡamda iken ḡazret-i Fārûḡdan üç gün muḡaddem şeref-yâb-ı İslâm olmuşdur ve Bedrîdür. Uḡud ḡazâsında Vaḡşî bin Ḥarb yedinde şehîd-i âzim-i Dāru's-selâm olmuşdur ve «seyyidü's-şühedâ»dur. Nitekim حمزة سيد الشهداء يوم القيمة ḥadîs-i şerîfi bunu nâṭıkdur. Ve kendüyi melâ'ike-i 'izâm ḡasl itmişdür. Nitekim ḥadîs-i şerîfde حنظلة و حمزة انى رأيت الملائكة تغسل حمزة و حنظلة vârid olmuşdur. Ve müddet-i 'ömr-i şerîfinden ihtilâf vardır. Bir rivâyetde Seyyidü'l-enbiyâdan dört yaş esenn idi. Ve bir rivâyetde iki yaş idi. Ve meṭâf-ı ḡudsiyân olan mezâr-ı şerîfi maḡall-i icâbet-i du'âdur. Ve kendüden ḡazret-i 'Alî ve 'Abbâs ve Zeyd bin Ḥāriḡe rivâyet-i eḡādîs eylemişdür. **Vü**, 'âṭıfedür. **'Abbâs** bin 'Abdî'l-Muṭṭalibdür. 'Amm-i pāk-i ḡabîb-i ekremdür. Ve sinn-i şerîfi Faḫr-i âlemden iki sene esenndür. Beyne'l-'Arab ibtidâ Ka'be-i 'ulyâyı envâ'-ı kâlâ ile iksâ kılan vâlide-i muḡtereme-i 'Abbâsdur. Sebebini beyânda eyidürler: ḡazret-i 'Abbâs tıfl iken bir gün yitdi. [Ü64a] Bulınmasına vâlidesi iksâ'-i Beytu'llāh nezrin itdi. Pes tıflını bulup nezrini yirine getürdi dirler. Ve ḡazret-i 'Abbâs eyyâm-ı cāhiliyyede re'tsü'l-ḡavm idi. Mescid-i Ḥarāmuñ 'imâret ü siḡâyeti kendünüñ 'uhdesinde olmaḡın Beytu'llāhi'l-ḡarāma ihtirām ve Ḳureysi 'imâretine sevḡ-i tām ider idi. Ve İslâmı sâ'irlere nisbeten ḡadîm idi. Lâkin ḡavminden ketm ider idi. ḡattâ ma'reke-i Bedrde bulunan ḡuzâta Faḫr-i âlem şalla'llāhu 'aleyhi ve sellem tenbîh idüp: “Ma'rekede her kim 'Abbâsa müşādîf olur ise ḡatline iḡdām eylesün. Zîrâ mükrehen gelmişdür” diyü buyurmuşıdır dirler. Pes nefes-i ḡudsiyye-i Faḫr-i âlem berekâtında nâ-gāḡ

meydân-ı ma'rekede kendüye Ebu'l-Yeser Ka'b bin 'Amr hazretleri muşadif olup kendüyi hayyen giriftâr-ı kemend ve esîr ü bend eyledi. Pes seyr-i bâğa gelüp hüsni cemâl-i bâğbâna aşık olan merd-i şadık gibi ve dağı Mâlik bin Du'ruñ çâh-ı Ken'ândan talebkâr-ı mâ iken, ta'alluk-kerde-i delv-i sa'âdeti olan mâh-ı Ken'ânî ile nâ'il-î âb-ı hayât-ı ebedî olduğu gibi ve şâh-bâz-ı evc-pervâzuñ cüyende-i [S81a] şikârî iken giriftâr-ı dâm ve sâ'id-nişîn-i dest-i ihtirâm olduğu gibi hazret-i 'Abbâs cenge gelmişken bi-hidâyeti'llâh sulh-ı ebediyyeye nâ'il ve şeref-i dâreyne vâsıl olup nefsinî fidâdan sonra âzim-i Ka'be-i mükerreme ve ba'dehû muhâciren teşrif-sâz-ı Medîne-i münevvere oldı. Ve tarîk-i dîn-i mübînde çok hizmeti bulundu. hattâ kıyâmete degin dîn-i mübîne zâhîr ü mu'indür dirler. Ve bu ma'nânun beyânında eyidürler ki: Hazret-i 'Abbâsuñ evlâd-ı âlî-nijâdınun taraf-ı âlîlerinden her ne kadar hilâfet-i şurî munkatıf oldı ise, nesl-i pâkinden olanların hilâfet-i ma'neviyye ile zâhîr-i dîn olmaları ba'îd degüldür. Zîrâ egerçi İmâm Münâvî rivâyetiyle hadîs-i şerîfde فاطمة المهدى من ولد فاطمة vârid olmuştur. Lâkin yine İmâm-ı müşârun ileyhûn rivâyeti ile hadîs-i şerîf-i diğerde المهدى من ولد عباس من عمى vârid olmuştur. Buña göre Muhammed-i Mehdî hazretlerinin evlâd-ı 'Abbâsdan zühûrî nümâyândur. Mehdî hazretlerinin ise [Ü64b] vaqtile dîn-i mübîne i'ânet birle âvâze-i devlet ü şadâ-yı şevketi âlemi tutacağı bî-reybdür. Hülâşa-i kelâm evlâd-ı 'Abbâs mu'în-i dîn-i İslâmdur. Nitekim 'Abâdile-i erba'anun ser-efrâzı olan 'Abdu'llâh bin 'Abbâs razıya'llâh hazretleri cümle-i evlâdınun mümtâzıdır ki vâlidesi Lübâbe binti'l-Hârişdür. Hâlası ümmehât-ı mü'minînden Meymüne razıya'llâhu 'anhâdur. Ve Fahr-i âlemün kendüye hikmet-i vefka du'â itmesi berekâtında ümmet-i Muhammedün hibr-ı müdaqqık vü âlim-i muhaqqıktır. Ve haqqında Fahr-i âlemün عباس یعنی ابنه نعم ترجمان القرآن hadîs-i şerîfi etemmü'l-medâyıhdur. Ve şemâ'ilde fesâhat-ı kelâm ve şabâhat-ı vechi beyânında miskiyyetü'r-revâyıhdur. hattâ kemâl-i rüşdi ilâvesiyle hazret-i 'Ömer razıya'llâhu 'anh ekser-i umûr-ı mu'azzamâtı kendü ile istişâre buyururlardı dir, intihâ. Ve hazret-i 'Abbâsuñ ömr-i şerîfleri seksen sekize vardıkda hicret-i Nebevînün otuz ikinci sâlinde, Receb-i şerîfün on ikinci günü, yevm-i cum'a âzim-i Dâru's-selâm olup Baķî-i muhtereme defn olındı. Veled-i âlî-şânı olan hazret-i 'Abdu'llâh yetmiş bir yaşına vardıkda hicret-i Nebevînün altmış [S81b] sekizinci sâlinde eyyâm-ı hükümet-i İbnü Zübeyrde âzim-i dâr-ı Cinân oldı. Mezâr-ı şerîfi Tâ'ifde vâkıf olmuştur.

﴿ هر دم از ما صد درود و صد سلام ﴾ Her zamân bizden yüz şalât u yüz selâm. **Her dem**, «her zamân» dimekdür. Zîrâ her, fetḥ-i hâ ve sükûn-ı râ'-i mühmele ile bunda ifâde-i umûm içündür, «her câ» ve «her kes» didikleri gibi. Ve dağı «buğday arasında biter, ekli muzırr nesne» ma'nâsına olur. Dem, fetḥle Fâriside yigirmi ma'nâya gelür. Bunda «zamân ve vaqt» ma'naları mülâyimdür. Nitekim «her bâruñ» ma'nâsı «her vaqt»dur. **Ez-mâ**, «bizden» dimekdür. Ez, 'Arabîdeki «min-i cârre» ma'nâsınadır. Mâ, nefsi mütekellim-i ma'a'l-gayr edâtıdır. Pes nâzımın mütekellim-i vahde maķâmında ma'al-gayr edâtını getürmesi tekşîr-i şalât u selâm nüktesi için olmaķ zâhirdür. **Şad durûd**, «yüz teḥiyyât» dimekdür. [Ü65a] Murâd keşretten kinâyedür. Şad, esmâ'-i a'dâddan yüz 'adedi için mevzû'dur. Durûd, «teḥiyyât u şalavât» ma'nâsınadır. Nitekim *naẓm*:

يا سيدالانام بعز جناب تو

ورد زبان ماست درود تو صبح و شام
نزدیک تو چه تحفه فرستیم ما ز دور
در دست ما همین صلواتست والسلام

kıf'a-i cevâhir-niżâmında «durûd», ma'na-yı mezkûrda vürûd bulmuşdur. **U(ve) şad selâm**, «ve yüz selâm» dimekdür. Selâm, «küdürâtdan necât» ve dağı «maķâm-ı ekmele naķş viren nesnelerden selâmet» yâhod «ba'de duĥülü'l-Cenneh ĥavâşş-ı «ibâdîne Ĥudânuñ virecegi selâm» ma'nâlarınadur. Qavlü'l-Bedî' Fî-Faşli's-Şalât 'Ale'l-ĥabîbî's-Seftî' nâm kitâbda meşûr olan تزل الملائكة من صلى على فى كتاب لم تزل الملائكة من صلى على فى كتاب لم تزل الملائكة nâm kitâbda meşûr olan تزل الملائكة من صلى على فى كتاب لم تزل الملائكة nâm-i Seyyidü'l-enâmile na't-ı şerîfe ihtimâm ve şalât selâm ile mazhar-ı istigfâr-ı melâ'ike-i kirâm olmaĥa iķdâm buyurmuşdur. Ve her kitâbda bu vechle na't-ı Ĥ'âce-i kevneyn idüp, encâmını şalât u selâm ile itmâm buyurmak de'b-i şerîfdür. (...[S82a, S82b, Ü65b]...)

Rasūl üzerine ve Āl ü Eşhābınuñ üzerlerine tamām olsun. ﴿بر رسول و آل و اصحابش تمام﴾

Ber-Rasûl, «Rasûl üzerine» dimekdür. Ber, «‘alâ» ma‘nâsinadur. Rasûl ma‘rûfdur. Bunda murâd Seyyidü’l-kevneyn ve Rasûlû’s-sa‘âleyndür. **U(ve) Âl u Eşhâbeş**, «dağı Âl ü Eşhâblarınıñ üzerlerine» dimekdür. Vâv-ı ‘atf ile âl lafzı, Rasûl üzerine ma‘tûfdur. Âl, bunda ‘Arabîdür. Aşlı «ehl»dür, hâ kelimesi hemzeye kalb olınup «âl» olmışdur. Pes bu takrîrce âlden murâd, «ehl ü ‘ıyâl» olmak zâhirdür. Ve ma‘nâsında karâbet melhûz olduğu hasebiyle Eşhâb lafzınıñ üzerine taqdimе nükte virilmek mümkündür. Lâkin erbâb-ı luğat ‘indinde âl, ehl ü ‘ıyâl ü etbâ‘dan ‘amm olmak câ’izdür. Ve dağı ba‘zılar Âlden murâd, ümmet-i merhûmedür yâhod fuğahâ-yı mâziyyedür dimişlerdür. Bu ma‘nâca muğallidîne Âl dinilmez. Ve ba‘zılar eyidür: Âl-i Rasûlû’llâh [Ü66a] iki kısım üzredür. Kısım-ı evvel min-ciheti’n-neseb olanlardur ki anlar; evlâd-ı ‘Alî ve evlâd-ı Ca‘fer ve evlâd-ı A‘kıl ve evlâd-ı ‘Abbâs ve evlâd-ı Hâris bin ‘Abdi’l-Mu‘tṭalibdür, rızvânû’llâhi ‘aleyhim ecma‘ın. Kısım-ı s̱anî min-ciheti’d-dîn olanlardur ki, anlar cümle mü’min-i taḳîlerdür. Ancaḳ Ehl-i Beyt-i Rasûlû’llâhı ḥazret-i Fâtıme ve ḥazret-i ‘Alî ve ḥazret-i Ḥasen ile Hüseyne taḥşîş iden Şiya‘dur. Bunıñ tafşîli و يطهرکم اهل البيت انما يريدالله ليذهب عنكمالرجس اهل البيت و يطهرکم âyet-i şerîfinüñ tefsîrinde Kâḍî Beyzâvî beyân idüp: Ehl-i Beyt-i Rasûlû’llâh bu zıkr olınan zevât-ı ḥamîde-şıfât ve ezvâc-ı tāhirâtdan ‘ammddur dimişlerdür, intihâ. Ve Âl-i Beyte bi’t-tab‘ şalât u selâm ile maḥabbet lâzime-i zimmet-i ehl-i dîn-i İslâm u milletdür. Nitekim *naẓm*:

يا آل بيت رسول الله حيكم
فرض من الله فى القرآن انزله
يكفى لكم من عظيم الفخر انكم
من لم يصل عليكم لا صلوة له

buyurmuşlardır. U(ve) Eşhâb, âhirindeki şîn-ı zamîre muzâfıdır. Zâmir-i mezkûr Fahr-i âleme râcî'dür. Vâv âl üzere ma'fûfdur. Eshâb lafzı «şâhb»uñ ism-i cem'îdür, yoksa «şâhib»uñ [S83a] cem'î degüldür. Pes şâhib müfreddür, cem'î «şâhb»dur. Ve sahbun cem'î «eşhâb»dur. Eshâbun cem'î «eşâhib»dür, «şâhâbeler» dimekdür. Şahâbe aslında maşdardur, sonra Şahâbî için ism kılınmışdır. Şahâbî şol müslime dirler ki,

Faḥr-i kā'ināt 'aleyhi efḍalü't-teslīmātı ḥaḳıḳaten veyā ḥükmen göre. Ve ba'zılar eyidür: Ol ḥazret ile tül-i şoḥbeti daḥı ola. Ve ba'zılar eyidür: Ol ḥazretten ḥadīs daḥı rivāyet eyleye. Ammā İmām-ı A'zam 'indinde Şaḥābī şol kimesnedür ki Faḥr-i 'ālem şalla'llāhu 'aleyhi ve selleme mülākī ola ve müslim ola ve şoḥbet ile mevtinüñ miyānesine riddet taḥallül itmeyüp İslām üzre fevt ola, intihā. Ma'lūm ola ki Eşḥāb-ı kirāmı görenlere «Tābī'n» dirler. Tābī'ni görenlere «Tebe'-i Tābī'n» dirler. Qaldı ki طوبى لمن رأى و طوبى لمن رأى من رأى و امن بى ولمن رأى من رأى و امن بى لهم و حسن ماب ḥadīs-i müsteḥābınuñ zāhiri, ṭubā vü cennetüñ bu tã'ife-i şelāseye inḥişārın gösterür. [Ü66b] Lākin ru'yetden murād, ru'yet-i 'ilmiyye olursa ilā-ğayri'n-nihāye bu sa'adet ü ṭayyibet, her bir vāriş-i 'ilm-i Nebevī ve her bir 'ālim-i sırr-ı Muştafevī olanlara ve anları görenlere ḥāşıl olur. Pes bu taḥḳıḳ-i ḥaḳıḳ üzre Faḥr-i 'ālem şalla'llāhu 'aleyhi ve sellemden 'ilm iḳtibās idenlerden şümme ve şümme 'ilm aḥz idenlerüñ 'ilmi mā-dāme 'ilm-i evvel oldıḳca eñ āḥirdeki 'ālim-i 'āmilden aḥz-i 'ilm itmek, güyā evvelki 'ālimden aḥz itmek gibidür. Ve anuñ meslekine sülük itmek sünnet-i şerīf üzre gitmekdür dimişlerdür. **Tamām**, 'Arabīdür; ma'nāsı ma'rūfdur. Ma'lūm ola ki tamām olan nesnede ziyādeye ḳābiliyyet bulunur. Lākin «kemāl» bunuñ ḥilāfına mülābisdür. Ḥattā اتممت عليكم نعمتى āyet-i şerīfi 'Arafātda nāzil oldıḳda Eşḥāb-ı kirām Faḥru'l-enāmuñ āḥirete 'azīmetinüñ ḳurbiyyetin fehm itmeleriyle ḡāyet maḥzūn oldılar. Ba'dehü nüzül-i āyet-i mezkūrdan seksen bir gün soñra Faḥru'l-enām 'ale's-şalāti ve's-selām devlet ile 'āzim-i Dāru's-selām oldı dirler, kezā fi-ḥāşiyeti'l-Ḳāḍī. İmdi nāzımuñ bunda «tamām» lafzı irādı, şalāt [S83b] u selāmuñ dā'imā izdiyādını imā içündür. *Li-şāriḥi'l-faḳīr*:

İy Rasūl-i ekrem ü zāt-ı mükerrrem ! Es-selām

İy ḥabīb-i ḥazret-i Ḥallāḳ-ı 'ālem ! Es-selām

İy vücūd-ı bā'is-i ḥalḳ-ı cem'ı-i kā'ināt !

Es-selām iy aşl-ı Ādemden mufahḥam ! Es-selām

Es-selām iy Seyyidü's-sādāt-ı faḥru'l-evvelin !

İy risālet taḥtına sultān-ı a'zam ! Es-selām

Ḥātemiyyet ḥātemi naḳş oldı nām-ı pākūne

İy gürüh-ı enbiyā vü rusle Ḥātem ! Es-selām

Es-selām iy vāḳıf-ı esrār-ı ḳurb-ı pür-şeref !

Es-selām iy rāz-ı ادنى او ya maḥrem ! Es-selām

Es-selām iy maḥzar-ı āyāt-ı pāk-i mu'cizāt !

Es-selām iy Ḥ'āce-i kevineyn ü a'lem ! Es-selām

Ümmetüñden Rūḥ-i bī-çāre eyler yā Rasūl !

Rūḥ-ı pāk ü Āl ü Eşḥābuña her dem es-selām

Der-Beyān-ı Menāḳıb-ı E'imme-i Dīn raḥimeḥümü'llāhi te'ālā

Ma'lūm ola ki ذكر الصالحين كفارة الذنوب ḥadīs-i şerīfi mişḍāḳınca nāzım setr-i 'uyūb ve keffāret-i zünūbi içün dergāh-ı Ḳāḍī'l-ḥacāta münācātdan muḳaddem zıkr-i şuleḥā ile temhīd buyurur:

{[Ü67a] Ol ‘aẓīmü’l-kadr imāmlar ki ictihād itdiler. **Ān**, ism-i işāretdür. **İmāmānī ki**, cem’dür. Müfredi «imām»dur ki «muḳtedā» ma’nāsınadır, «metbū» gibi. Bunda murād budur. Ve gāhī «ṭarīḳ» ma’nāsına gelür. Nitekim انهما ليامام مبین āyet-i şerīfinde «ṭarīḳ» ma’nāsınadır. Ve gāhī «kitāb» ma’nāsına olur. Nitekim يوم ندعوا كل اناس بامامهم āyet-i şerīfinde kitāb ma’nāsınadır. Āhīrindeki yā harfī taẓīm içündür. Ki lafzı rābıṭadur. **Kerdend**, «itdiler» ma’nāsına māẓīnūn cem’-i gā’ibidür. **İctihād**, ifti’āl bābından masdardur. Luġaten «dürtüşmek» ma’nāsınadır. Ammā ıstılāḥda «edille-i erba’adan istinbāt-ı aḥkāmā ‘ālim-i muḳtedir olmak»dur. Ya’nī kitāb u sünnetde olan delāletüñ cem’isini ve şerā’iṭ ü aḳsāmıla vüçüḥ-ı kıyāsa ve muvāfaḳat u muḫālefet-i icmā’ı bilmekdür. Pes bunda müctehidüñ ta’rīfī ma’lūm olur lākin Ḳuhistānīde ve Kitābü’n-Naẓmda eyidür: Bu ta’rīf cem’-i aḥkāmda müctehidüñdür. Ammā ḳuzāt u müftiler müctehid gerekdür didiklerinüñ ma’nāsı üzre müctehid aña dirler ki, [S84a] ḳavlinüñ şıḥḥatını beyānda kitāba veyā sünnete veyā kıyāsa mensüb olan ḥucceṭ-i ḳaviyyenüñ ityānına ḳādir ola. Ve ba’zılar eyidür: Bu iḳtidārdan mā’adā a’ḍāt-ı nāsa daḥı ‘ārif ola. Zīrā ekser-i aḥkām ‘ādet-i nāsa mebnīdür dimişlerdür. Ve İbnü Kemāl ‘aleyhi raḥmetü’l-Müte’āl eyidür: Fuḳahā-yı müctehidīn tabaḳāt-ı seb’a üzredür. Tabaḳa-i ūlā, şer’de ictihād idenlerinüñ tabaḳasıdır. Bunlar İmām-ı A’zam ve İmām Şāfi’ ve İmām Mālik ve İmām Aḥmed-i Ḥanbel ve silklerine sālİK olanlardır ki uşūl ü fūrūda bilā-taḳlīdī’l-ġayr, ḳavā’id ḥasebiyle edille-i erba’adan istinbāt-ı aḥkām eylemişlerdür. Tabaḳa-i sāniye, mezāhibde müctehidlerüñ tabaḳasıdır. Bunlar İmām-ı A’zamuñ eşḫāblarından Ebū Yūsuf ve Muḫammed ve Süfyān-ı Şevrī ve Ebu’l-Ḥaseni’t-Taḫāvī ve emsālleridür ki İmām-ı ḥümāmuñ taḳrīr eylediği ḳavā’id muḳteẓāsınca edille-i erba’adan istiḥrāc-ı aḥkāmā ḳādirlerdür. Bunların İmāma muḫālefetleri fūrūdadur yoksa ḳavā’id-i uşūlde İmāma muḳallidlerdür. Ve taḳlīdleri ḥasebiyle Şāfi’ ve emsālinden mümtāzlardur. Zīrā Şāfi’ ve emsālī ḳavā’id-i uşūlde bizüm İmāma muḳallid degöldür. [Ü67b] Tabaḳa-i sāliṣe, kendü için şāḫib-i mezhebden rivāyet olmayan mesā’ildeki müctehidlerüñ tabaḳasıdır. Bunlar Ḥaşṣāf ve Ebū Ca’feri’t-Taḫāvī ve Ebū Ḥaseni’l-Kerḫī ve Şems-i e’imme el-Ḥalvānī ve Şems-i e’imme Seraḥsī ve Faḫr-i İslām Pezdevī ve Faḫru’d-dīn Ḳādīḥān ve emsālleridür ki bunların şeyḫa uşūl ü fūrūda muḫālefetleri olmayup, lākin kendüde ‘alā-ḥasbi’l-uşūl naşş bulunmayan mesā’ilde ḳavā’id-i mebsūṭa muḳteẓāsınca aḥkām istiḥrācına ḳādirlerdür. Tabaḳa-i rābi’a, muḳallidinden eşḫāb-ı taḫrīcüñ tabaḳasıdır. Bunlar Rāzī ve Bezzāzī ve āḫirīler gibilerdür ki aşlā ictihāda ḳudretleri yokdur. Lākin ihāṭa-i uşūl ve zabṭ-ı me’ḥazları ḥasebiyle şāḫib-i mezhebden veyā eşḫābınuñ birinden menḳülen muḫtemelü’l-emreyn olan mübhemi ta’yīne ve zü’l-vecheyn olan mücmeli tafṣīle ḳādirlerdür. Zīrā bunlar uşūlde olan re’ye tanzīrleriyle emsāl ü nezāyirin fūrūda [S84b] muḳāyese idenlerdür. Ba’zı mevāzı’da şāḫib-i Hidāyenüñ «kezā fī-taḫrīci’l-Kerḫī» didiği ve daḥı «kezā fī-taḫrīci’l-Bezzāzī» buyurduğu bu ḳabīldendür. Tabaḳa-i ḥāmise, muḳallidinden temyīze ḳādir olan eşḫāb-ı tercīḥüñ tabaḳasıdır. Anlar Ebū Ḥasen-i Ḳudūrī ve şāḫib-i Hidāye ve emsālleri gibidür ki şānları ba’zı rivāyātı ba’zısınuñ üzerine; bu ūlā yāḥod bu eşāḫḫ yāḥod bu evṣāḫ yāḥod bu kıyāsa evḫāḫ yāḥod bu nāsa erfāḫ diyerek tafḍīl eylemekdür. Tabaḳa-i sādise, ūlā vü ḳavī ve za’f ü ez’af ve zāḫir-i rivāyet ve zāḫir-i mezhebüñ beynlerin temyīze ḳādir olan muḳallidīnüñ tabaḳasıdır. Bunlar şāḫib-i Kenz ve şāḫib-i Muḫtār ve şāḫib-i Viḳāye ve şāḫib-i

Mecma' gibi müte'ahhîrinden mütün-ı mu'tebere eşhâblarıdır ki bunların kütüblerinde aqvâl-i merdûde vü rivâyât-ı za'ife bulunmaz. Tabaka-i sâbi'a, tabâkât-ı sâbıkadaki mezkûrâtan birisine kıdır olamayup yemîni şimalden ve şimali yeminden ve gâssı seminden temyîz idemeyen mu'kallidînün tabakasıdır ki şânları حاطب فى الليل ولهم الويل oldığı [Ü68a] mu'kadderleri ne güne olacağı bî-iştibâhdur, intihâ. Pes nâzımuñ şâhib-i ictihâd olan imâmândan murâdı tabâkât-ı ma'kbûleden idigi beyân-ı âtîden ma'lûmdur. Ve dağı zikr-i e'immede terhîm beyne'l-ulemâ müste'habb ve de'b-i kadîm olmağın «raḥimehumu'llâh» yirinde nâzım cümle-i mu'teriza-i du'â'ıyye îrâd idüp buyurur:

﴿ رحمت حق بر روان جمله باد ﴾ Haḳḳ te'âlânun rahmeti cümlesinün cânına olsun. **Raḥmet-i Haḳḳ**, «Haḳḳ te'âlânun luṭf u ihsânı» dimekdir. Lafz-ı rahmet, Haḳḳa muzâfdur. **Ber-revân-ı cümle**, izâfetle «cümlesinün cânı üzre» dimekdir. Zîrâ ber kelimesi «alâ» ma'nâsınadır. Revân, bunda «cân» ma'nâsınadır. Ve gâhî «reften»den müştak olmak üzre «gidici» ma'nâsına olur. Ve gâh «gidicilikde salınmak» ma'nâsın dağı murâd iderler, meşelâ «âb-ı revân» ve «serv-i revân» gibi. Ve gâhî «câ'iz» ma'nâsına ve gâhî «râyic» ma'nâsına ve gâhî «hemân» ma'nâsına olur. Cümle, 'Arabîdür; [S85a] «cemî» ma'nâsınadır. **Bâd**, bunda emr-i gâ'ibdür; «olsun» dimekdir. «Bûden»den müştakdur.

﴿ بو حنيفه بود امام با صفا ﴾ İmâm-ı bâ-şafâdur Bû Ḥanîfe. Ya'nî İmâmân-ı müctehidînün biri budur. **Bû Ḥanîfe**, İmâm-ı A'zam-ı hüâm-ı eḫamuñ künyesidir. Künye, «eb» ile veyâ «ibn» ile muşaddar olan isme dirler. Beyne'l-'Arab evvel-i evlâduñ ismiyle künye iderler ve bu künye kıyâsîdür. Lâkin luğat-i 'Arabîyyede «eb» ile muşaddar olan semâ'î kelimâtların başka başka ma'naları vardır. Meşelâ «ebu'l-meymûn» 'asel, «ebu's-sâyîg» pâlûze, «ebu'l-'avn» ḥurmâ, «ebu'l-mereh» şeytân, «ebu'l-lehv» ṭanbûr, «ebu'n-nacî» ḥalvâ, «ebu'l-emîn» tokluk, «ebu'l-fazîl» altun, «ebu'l-kibr» gümüş, «ebu'l-ḥaḍîb» laḥm, «ebu'l-ḥazîn» balıkcıl kuşu, «ebu'l-melîḥ» ṭurgay kuşu, «ebu'l-ğiyâs» şu, «ebu'l-ḥayât» mişlühü, «ebu'l-müsâfir» peynir, «ebü'l-münkız» feres, «ebu'l-ḥarş ve ebu'l-ḥâriş ve ebu'l-eşbâl» arslan, «ebu'l-ka'ka'» kuzgun, «ebü cāmî» şofra, «ebü nâfir» sirke, «ebü şâbir» milḥ, «ebu'l-ḥaşîn» tilkü, «ebu'n-necm» mişlühü, «ebü eyyûb» deve, «ebü kıys» çaḳal, «ebu'l-muhtâl» katır, «ebu'l-veşâb» berâğîs, «ebü (be)râkış» bir nev'a kuşdur ki bir günde elvân-ı muhtelif [Ü68b] ile muhtelif olur. «ebü kalemûn» bir nev'a kumâşdur ki göze dürlü dürlü görünür. Ba'zılar «gülistânî kemḥâ»dur dirler. «Ebü câbir» etmek, «ebü cemîl» tere otu, «ebü ca'de» kurd, «ebü ḥumeyd» ayu, «ebü ḥâlid» kelb, «ebü ca'fer» zübâb, «ebü zağfel» fîl, «ebü zür'a» ḥınzîr, «ebü ziyâd» ḥımâr, «ebü süleymân» ḥorûs, «ebü 'amr» açlık, «ebü 'aşım» sikbâc aşu, «ebü 'ikrime» gügercin, «ebü zübâb» fâre, «ebü zeneḥ» maymundur, intihâ. Ve dağı Fârisîde dağı «eb» ile maşdar-ı semâ'î kelimât-ı muhtelifetü'l-me'ânî vardır. Meşelâ «Ebü İşâḳ» bir tâ'ife-i meşhûredür. Pes Nîşâbü'da bir kaç yirde firûze ma'deni olmağın ol ma'dene «Bü İşâḳî» dirler. Meşhûr olan pîrûze ol ma'denden çıkar. Ve dağı «bü'l-'acebî» ḥoḳḳa-bâz dimekdir. Ve dağı «Bü Yaḥyâ» melekü'l-mevt ma'nâsınadır, 'Arabîde dağı müsta'meldür, intihâ. Qaldı ki İmâm-ı hüâm-ı ism-i şerîfi Nu'mân bin Şâbit [S85b] bin Züṭâ el-Küfidür. Ceddi olan Züṭâ Ḥamzetü'z-Zeyyâtuñ raḥtındandır ve Kâbilîdür. Ve dağı Züṭânun ḥaḳḳında Benî-Temîm bin Şa'lebenün mu'tekıbidür didiklerin redd itmişlerdir. Eşahḥ olan ḳavl üzre İmâm-ı hüâm-ı ecdâd-ı 'izâmı cümle aḫrârdur, üzerlerine rıkkıyyet

cārī olmamışdır, kezā kâle'l-İmāmi't-Tebrizī. Ve Manzūme şerhi Hākā'ıkda eyidür: İmām Ebū Hānife Nu'mān bin Şābit bin Tāvus bin Hürmüz bin Nūşirvāni'l-ʿādıldür. **Būd**, bunda «est» ma'nāsına olmağ rüşendür. **İmām-ı bā-şafā**, «şāf-derūn u hālīşu'l-ʿamel olan İmām-ı hāmīde-hışāldür» dimekdür. İmām, ma'rūfdür. Bā harfī «ma'a» ma'nāsınadır. Şafā, Fārisīde müstaʿmeldür; «zıdd-ı keder ve şāfī olmağ» ma'nāsınadır. Bunda murād budur. Ve gāhī «Mekke-i mükerrermede bir mevzī'ün ismi ve taş» ma'nāsına gelür. Ve ʿArabīde bunlardan mā-ʿadā «esmā-i enhārdan bir ismdür» dimişlerdür.

﴿ آن سراج امتان مصطفی ﴾ Ol İmām-ı hümām hāzret-i Muştafānuñ ümmetlerinüñ sirācıdır. **Ān**, İmāma işāretdür; mübtedādür. Mā-ba'di haberdür. **Sirāc**, kesr-i sīn-i mühmele ile ʿArabīdür. Türkīsi «çıra», Fārisīsi «çirāg»dur. Ve «şu'lelü olan fetile» dağı sirāc dirler. [Ü69a] Ve ʿinde'l-ba'z «zīyā» ma'nāsınadır. **Ümmetān**, cem'dür; müfredi «ümme»dür. Ümme, «cemā'at ve tarīkat ve dīn» ma'nālarına gelür. Bunda cemā'at ma'nası murāddur. Pes ʿinde'l-ʿArab ümme, lafzan ve ma'nen vāhiddür diyen lūgate binā'en ümme-i Muḥammedūñ keşretini işʿār için nāzım «ümme» lafzını müfred getürmeyüp, cem-i Fārisī üzre īrād buyurmuşdur. Mā-ba'dine muzāfdür. **Muştafā**, Faḥru'l-enbiyā şalla'llāhu ʿaleyhi ve sellemūñ eşher-i esmā'-i şerīfesindendür. ʿAlemyyetden kaç-ı nazar lūgate ma'nası «muhtār ve münteḥab»dur. Pes Faḥru'l-enbiyā ʿaleyhi's-salātü ve's-selāmuñ, beyne'l-enām kurb-ı ḥāşşa vuşul ve maḳām-ı maḥbūbiyyete mevşūliyyetde mümtāz ve cem-i mevcūdāt üzre ser-firāz oldığı ḥasebiyle «Muştafā» dinmişdür. (...[S86a]...)Ve İmām-ı hümāma sirāc-ı ümme ta'bīrinde bir nūkte-i daḳıka dağı vardır. Budur ki: Sirāc, zūlmetde ḳalmış başır u dīdevār içündür. Tā ki gözile sirācuñ nūrın görüp nūr-ı sirācı rehber idine. Yoksa a'mālar için sirācuñ bir fā'idesi yokdur. İmdi İmām-ı hümāmuñ sirāc-ı vehhāc oldığı, zūlmet-i cehli izāle [Ü69b] ve dīde-i ʿamel ile ḥaḳḳı görmek murād iden ümme-i müstefīd içündür. Yoksa a'mā gibi bī-başar olan güm-rāhlara göre degüldür dimege işāretdür. *Menāḳıbu'l-İmām*: Esāmī-i Ricāl nām kitābda meşūrdur ki İmām-ı hümām hicret-i Nebevīnūñ seksen sālinde dünyāya gelmişdür. Ve İmām şaḡīr iken pederi şābit, hāzret-i ʿAlī kerrama'llāhu vechehūñ maḥallesine varup görüşmegin şābite ve zūriyyetine berekāt ile du'ā olınmışdur. Ve İmām-ı hümāmuñ vaḳtinde Eşḫāb-ı kirāmdan dört kimse var idi. Biri Enes bin Mālikdür ki Başrada [S86b] idi. Ve biri ʿAbdu'llāh bin Ebī Evfādur ki Kūfede idi. Ve biri Sa'dū's-Sā'idīdür ki Medīne-i münevverede idi. Ve biri Ebu't-Tufeyl ʿĀmir bin Vāşiledür ki Mekke-i mükerrermede idi. Lākin bunlardan birine mülākī olmadı ve kendülerden ʿilm aḥz eylemedi. Zīrā İmāmuñ üstādı Ḥammād bin Süleymān idi. Ve dağı ʿAṭā bin Ebī Revāḥ ve Ebū İshāḳı'l-Bey'ī ve Muḥammed bin el-Münkedir ve Nāfī' ve Hişām bin ʿAmr ve Semmāk bin Ḥarb ve bunların emşālini dīñledi. İmāmuñ ʿilm ü faẓl vü kemāli ḥadden bīrūn idi. Ḥattā Şāfī' hāzretleri eyidür: İmām Mālike eyitdiler: “Ebū Hānīfeyi gördüñ mi?” Eyitdi: “Belī. Öyle gördüm ki eger bir kimseye “bu ʿamūd altundur” dise idi, ityān-ı ḥuccet ile işbāta ḳādir idi.” Ve dağı Şüreyk-i Neḥa'ī eyitdi: İmām-ı hümām tavīlū's-şamt ve dā'imū'l-fıkr ü mülāzīmū'z-zıkr idi. Ve nās ile mücādele itmez idi. Bundan murād ʿilm-i bāṭın ve ʿilm-i zāhir ve mühimmāt-ı dīne iştiḡalde idi dimekdür . Böyle olmağ ise evzāḥ-ı emāret-i zühddür. Ve Ebū Ḥāmidī'l-Gazālī Eyidür: İmām-ı hümām aşlında nısf-ı leyli iḥyā ider idi. Bir gün bir kimse İmāmı gider iken görüp bir āḫara eyitmişki: “Bu İmām dā'imā gicenūñ küllīsini

ihyâ ider.” Pes İmâm bu kelâmı ol kimseden istimâc eyledikten sonra: “Ben ‘ibâduñ hüsni-zannınıñ hilâfınca olmağa Hudâdan hayâ iderem” diyü ilâ-âhiri’l-‘ömr leyâlîniñ küllisini tamâm ihyâ ider oldı, intihâ. Ve Dürrü’l-Muhtârda eyidür: Menâkıb-ı İmâm hâric-i hıta-i tahrîr-i aklâmdur. Hattâ menâkıbı beyânında Sıbt İbni Cevzî iki mücelled kebîr kitâb taşnîf idüp ol muşannefâta, Kitâbü’l-İntişâr li-İmâmi [Ü70a]E’immeti’l-Enşâr diyü nâm virmişdür. Ve dağı manâkıbatı beyânında ‘ulemâdan medâyıh-ı vâfire vardır. Hülâsa-i kelâm İmâm-ı hümâm Kur’ân-ı ‘azîmden sonra a‘zam-ı mu‘cize-i Fahru’l-enâmdur. Ve iştiâr-ı mezhebi menâkıbına dâll ve kâfidür ki her kelâmın e’imme-i a‘lâmdan biri ağız eylemişdür. Ve bi-‘avni’llâhi te‘âlâ zamânından bu âna gelince ve bundan böyle bi-emri’llâh semâdan hazret-i ‘İsâ ‘aleyhi’s-selâm vech-i arza nüzûl ve mezheb-i İmâm üzre hüküm idinceye dek aḥkâm-ı İlâhîde olan hükmi eşḥâb u etbâ‘ına münḥaşırdur. Beyne’l-‘ulemâ bu güne ihtisâş [S87a] kendüye ‘inâyetu’llâhdur. Ve keyfe lâ ki merdân-ı meydân-ı mücâhede olan İbrâhîm-i Edhem ve Şakîḳ-i Belḫî Ve Ma‘rûf-ı Kerḫî ve Ebâ Yezîd-i Beştâmî Ve Fuḍayl ibni ‘İyâz ve Dâvûdu’t-Ṭâ‘î ve Ebû Ḥâmidî’l-Leffâf ve Ebû Bekri’l-Verrâḳ ve Ḥalef ibni Eyyûb ve ‘Abdu’llâh bin Mübârek ve Vekî‘ bin Cerrâḥ ve emsâlleri evliyâ’-i ‘izâm, mezheb-i İmâma ittibâc-ı tamm eylemişlerdür. (...[Ü70b]...) Ma‘lûm ola ki ḳavl-i İmâmı reddden [S87b] murâd, ‘adem-i ḳabûl ile bilâ-ictihâd mükâbere ve hilâf-ı şer‘ te’vîlât ile aḥkâm-ı İlâhîde mücâdeledür. İmdi eşḥâbınıñ ba‘zı fûrû‘da ictihâd muḥâlefetleriyle su‘âl vârid olmadıḡı ke’s-şems nümâyân müstaḡnin ‘ani’l-beyândur. Ve sebep-i ihtilâfda beyân böyledür ki: Bir gün İmâm-ı hümâm yevmen mine’l-eyyâm şıbyândan birini buz üzerinde bâzîce-künân görüp kemâl-i şefḳatinden nâşî ol tıfl-ı yahçe-bâza dil-nevâzlık ile: “Oḡlum ! Buz üzerinde oynama, tâ ki düşüp bir yirüñ incinmeye” diyü buyurmaḡın intâḳ-ı gayb yollu ol şabî eyitdi: “Yâ İmâm ! Mezâlık-ı aḳdâmdan sen ḫazere ihtimâm eyle ki ‘âlimüñ suḳûṭı, ‘âlemüñ suḳûṭıdur.” Ol demde İmâm-ı hümâm telâmîzlerine ‘aṭf-ı zimâm-ı kelâm idüp: “İy benüm aḫbâb-ı zevi’l-ihtirâmum ! ḫaçan benden bir zelev nümâyân olsa baña anı i‘lâm idivirüñ.” diyü sipâriş-i tamm buyurmuşıdi. Pes anlar dağı fûrû‘da ictihâd ile her biri bir rivâyeti ağız u tercîḫ iderler idi. Bu dağı kemâl-i ittiḳâ ve medâric-i ‘ulyâ-yı ‘ilme irtikâsınıñ âşâridur. Vaḳtâ ki Ḥalîfe Maṣṣûr, İmâm-ı hümâmı Kûfeden Bağdâd-ı biḫişt-âbâda naḳl eyledi. Ba‘de’l-iḳâme eyyâm-ı Hârûnda Ebû Hübeyre, İmâmı Bağdâd ḳâzılıḡına teklîf ü teşdîd eyledi. Pes İmâm-ı A‘zam, ḳazâyı ḳılâde-gerden-i ḳabûl ḳılmadıḡından on gün zarfında İmâma yüz şavt urdurdı. Ba‘dehü yine ḳabûlinden rû-gerdân oldıḡda ḫ‘âḡ u nâ-ḫ‘âḡ sebîlin taḫliye eyledi. Ba‘dehü Ḥalîfe Maṣṣûr İmâmı ‘Irâḳa ḳâzî eylemek murâdında oldı. Anı dağı ḳabûl eylemedıḡından, ol ser-levḫa-i kütüb-i zühd ü taḳvâyı ḫabse emr eyledi. Bir nice zamân ḫabsde ‘ibâdete der-kâr olup [Ü71a] hicret-i Nebevîniñ yüz ellinci sâlinde bi-emri’llâhi te‘âlâ maḫbûsen ‘âzim-i cennetü’l-me’vâ oldı. Müddet-i ‘ömr-i şerîfi yetmiş seneye bâliḡ idi. (...[S88a]...) Mezâr-ı şerîf-i İmâm, Bağdâd-ı behişt-âbâdda Ḥazrân nâm maḫalldedür. Ve merḳadı isticâbet-i du‘â ile meşḫûr u ma‘rûfdur, raḫimehu’llâhi te‘âlâ raḫmeten vâsi‘a. Pes nâzım beyt-i evvelüñ mısırâc-ı şânisinde İmâmânuñ cümlesine icmâlen birden raḫmet ile du‘â eylemişken, maḳâm-ı tafşilde İmâm-ı hümâmıñ şânına ta‘zîmen zıkrını sâ’irler üzerine taḳdîm ve du‘â-yı maḫşûş ile taḫşîş ba‘de’t-ta‘mîm idüp buyurur:

﴿ باد فضل حق قرین جان او ﴾ Hakkıñ fazl u in‘āmı anuñ cānına qarīn olsun. **Bād**, bunda emr-i gāyibdür; «olsun» dimekdür. **Fazl-ı Hakk**, izāfetle «Hakk te‘ālānuñ efzāl u in‘āmı» dimekdür. Zīrā fazl, bunda «in‘ām u ihsān» ma‘nāsın müş‘ir olan «efzāl» ma‘nāsınadır. Hakk, ism-i Bārīdür. **Qarīn-i cān-ı o**, izāfetle «anuñ cānına qarīn» dimekdür. Qarīn, «muqārīn» ma‘nāsınadır. Cān, ma‘rūfdur. O, zamīrdür; İmām-ı hümāma rāci‘dür.

﴿ شاد باد ارواح شاکردان او ﴾ Anuñ şāgirdlerinüñ rûhları şād olsun. **Şād**, «mesrūr»; **bād**, «olsun» dimekdür. Ma‘lûm ola ki kaçan «şād» lafzı «bād» lafzı ile mürekkeben istimāl olınsa, «müsiqide bir perdenüñ veyāhod bir nevānuñ ismi» murād olunur. [Ü71b] Nitekim hakīm Süzeninüñ *naẓm*:

دو خانه توایی چکاوک زنم

یکی شاد باد و یکی نوس باد

beytinde murād böyledür. **Ervāh-ı şāgirdān-ı o**, tetābu‘-ı izāfet ile «anuñ şāgirdlerinüñ rûhları» dimekdür. [S88b] Ervāh, rûhuñ cem‘idür. Rûh, ma‘lûmdur. Şāgirdān, cem‘-i Fārisīdür; müfredi «şāgird»dür. Şāgird Fārisīdür, ma‘rūfdur. Türkide dahı müsta‘meldür. ‘Arabīsi «tilmīz»dür. Şāgird virilen nesneye ‘Acem «şāgirdāne» dirler. O, zamīrdür; kemā-merre İmāma rāci‘dür. Pes şāgirdāndan murād, İmāmuñ eşhābı olup ve beyne’l-eşhāb ictihād u fazl-ı ziyād ile mümtāz u ser-firāz Ebū Yūsuf ile İmām Muḥammed olup ve Ebū Yūsufuñ ḥasbe’l-faẓl ve’l-kaẓā İmām Muḥammed üzerine rütbesi oldıgın iş‘ār içün nāẓım eyidür:

﴿ صاحبش بو یوسف قاضی شده ﴾ Anuñ muşāhibi Ebū Yūsuf-ı kâzī olmışdur. **Şāhibeş**, izāfetle «anuñ dost u yārānı ve mu‘temedi» dimekdür. Zīrā şāhib, ma‘nā-yı mezkūrda oldıǵı beyān olınmışıdi. Āhırindeki şīn, zamīr-i gā‘ibdür; İmāma rāci‘dür. **Bū Yūsuf-ı kâzī şode**, «Ebū Yūsuf-ı kâzī olmış» dimekdür. Bū Yūsuf, evvelinde olan hemze taḥfifen ḥazf olınmışdur. Lafz-ı mezkūr İmām-ı müşārun ileyhüñ künyesidür. Aşl-ı ism-i şerīfī Ya‘qūb bin İbrāhīm bin Hüseyni’l-Enşārīdür. Kâzī, ‘Arabīdür; «ḥākim» ma‘nāsınadır. Kaẓādan müştakdur. Kaẓā, luġatde «ḥüküm» ma‘nāsınadır. Ve dahı «edā ve ifrāğ ve ilzām ve inhā ve vaẓ’ ve taqḍir ve imzā» ma‘nalarına gelür. Ammā ıstılāḥda «kaṭ’-ı ḥuşūmet» ma‘nāsınadır ve Fārisīde kâzī müsta‘meldür. Maḥsūs-ı Fārisīsi «şadr»dur. Şode, «olmuş» ma‘nāsına ism-i mef‘uldür. Āhır-i mışrā‘da «būd» veyāhod edāt-ı haber gözetmek muḥtemeldür. Me’āl-i ma‘nā ma‘lûmdur. *Fā’ide*: Kitābü’l-Cevāhirde olan naql-i haber-i mervārīd-eşer üzre İmām Ebū Yūsuf, efḥam-ı eşhāb-ı İmām-ı A‘zamdur. Ve ‘ale’d-devām mülāzım-ı meclis-i İmām idi. ḥattā bir gün bir maḥbūbı olan oǵlı bi-emri’l-lāh fevt olmaǵın, techīz ü tekfinini aḥbābından birinüñ ru’yetine ihāle idüp, kendüsi meclis-i İmāmı fevt eylemedi dirler. Ve dahı Ādābu’l-Müte‘alliminde İbrāhīm bin Cerrāḥdan naql olunur ki eyidür: ḥālet-i nez’-i Ebū Yūsufda ḥāzır-ı bi’l-meclis idüm. Nā-gāh İmām Ebū Yūsuf gözlerin açup eyitdi: “Yā İbrāhīm ! Efāl-i ḥaccda, remy-i ḥicār rākiben mi efḍaldür yoksa māşiyen mi efḍaldür?” Eyitdüm: [S89a] “Māşiyen efḍaldür.” İmām eyitdi: “Ḥaṭā itdūñ. Zīrā ba‘dinde vaḳfe olan remyde māşiyen efḍaldür. Ba‘dinde [Ü72a] vaḳfe olmayanda rākiben efḍaldür.” Pes bu cevāb aḳabinde kendüm kıyām idüp zehāb eccl içün bāba vuşūlimde İmām ‘āzim-i Dāru’s-selām oldı dimişdür. İmdi İmām Ya‘qūbuñ ‘ilm-işerīfe

tevağguli bundan ma'fumdur. Ve Haḳāyıkda eyidür: Ḥāfızu'd-dīnün kendi ḥaṭṭıyle gördüm, yazmış ki; 'ilm-i şerîfî 'Abdu'llāh bin Mes'ūd zer' eyledi, 'Alḳame saḳy eyledi, İbrāhīm-i Neḥa'ī ḥaṣād itdi, Ḥammād bin Süleymān döğdi, Ebū Ḥanīfe daḳṭı eyledi, Ebū Yūsuf ḥamīr eyledi. Muḥammedü's-Şeybānī ḥubz eyledi. Pes nās daḳı ilā-yevmi'l-kıyāme tenāvül üzre oldı, intihā. Ve daḳı ma'fūm ola ki ḥaḳḳ ile ḳazā farz-ı kifāyedür. Ve ḳazāya şālīḥ fakden bir kimesne bulınsa ol kimse ḳazā içün şer'an müte'ayyındır. Ammā kendüden ğayrı bir eşlaḥ kimse bulınsa yāḥod üftāde-i vādī-i ḥayf olmaḳdan ḥavf eylese aña ḳazāda bulunmaḳ mekrūhdur. Ve 'āciz ü nā-ehl olsa, ana ḳazā ḳaṭ'an ḥarāmdur. İmdi ehl oldıḳdan soñra ḥaḳḳ üzre ḳazā, eḳvā-yı ferā'iz ve a'lä-yı 'ibādātandur. (...) [S89b] Ve İmām-ı A'zamuñ ḳazāyı 'adem-i ḳabūli bir ḳaç esbāba mebnīdür. Esbābdan ezheri مع الحشرون والعلماء يحشرون مع الانبياء ḥadīs-i şerîfiyle 'amelen, enbiyā' ve mürselīn ile ḥaşr olmaḳa mübāderetdür. Ḳaldı ki ba'zıların beyānı üzre İmām-ı A'zamuñ vefātından soñra İmāmeyn-i hümāmeyn raḥimeḥümü'llāhi te'ālā, Dāvūd-ı Tā'ī ḥazretlerinin meclisinde mesā'il-i şer'iyye müzākere buyururlar idi. Dāvūd-ı Tā'ī İmām Muḥammedün kelāmını istiḥsānda: "Söz, İmām [Ü72b] Muḥammedün sözidür" dir idi. Ammā İmām Ya'ḳūbuñ kelāmın istiḥsānda: "Söz budur ki söylemedük" diyüp nām-ı Ebī Yūsufi añmaz idi. Ve aşlını Dāvuddan su'āl eylediklerinde cevābda: "İmām Ebū Yūsuf 'ilmün neticesini ḥubb-ı cāha çıkarup, taḳlīd-i ḳazāda üstādına iki cihet ile muḥālefet eyledi" dir idi dirler, intihā. Lākin ḥaḳıḳata naḳar olınsa, *naẓm*:

İmām Yūsuf gibi olursa ḳāzī

Ḳazāsından olur Mevlāsı rāzī

mazmūnı üzre İmām Ebū Yūsuf dā'imā raḥmet ile yād olınacaḳ ḳāzī idigi menāḳıbından ma'fumdur. ḥattā ḳazāyı taḳlīd buyurduğu, nefis-i pāk-i üstād-ı 'ālī-nijādıdır ki; bir gün İmām Ebū Yūsuf İmām-ı hümāmdan ḳazāyı 'adem-i taḳlīdün sebebin su'āl buyurmağın cevābında İmām-ı hümām kemāl-i ittiḳāsından nāşī ḳazādan teḥāşşis inmā birle: "Deryā 'amīḳ ve sefīne ḥarīḳ ve mellāḥ bī-ḥayr oldıḳda, sefīne-süvārānuñ ğarīḳ olacağında iştibāḥ yoḳdur" diyü buyurmuş. Ol zamān İmām Ya'ḳūb ādāb ile istifsār zımında: "Deryā bī-pāyān ve keşti cedīdü'l-bünyān ve nā-ḥudā, üstād kār-dān olursa nicedür?" didikte İmām-ı hümām leb-cünbān-ı tebessüm olup: "Yā Ebā Yūsuf ! Zannum budur ki encām-ı kār ḳāzī olursun" diyü buyurmağın, nefes-i ṭayyibe-i üstād-ı kerāmet-mu'tād berekātından böyle oldı dirler. İmdi nāzımuñ İmām Ebū Yūsufi «ḳāzī şode» kelāmıyle tavşīf eylediği, İmāmı efḥam-ı şān ile ta'rīf ve kerāmet-i üstāda işāretdür dimek, sā'irlerün serd eylediği ḥikāyeden ḥoşdur. Ḥulāşa, ehlinde olan ḳazā çok mu'teber nesnedür. Nitekim Nābī-i merḥūmuñ *beyt*:

[S90a] Bundan ḳazānuñ aña 'ulüvv-i cenābını

İmzāları taşaddur ider ḥuccet üstine

didigi midḥat-ı ḳazāda kāfī ve rifat-ı ḥāl-i ḳuzātı beyānda vāfīdür.

﴿ و ز محمد نوالمنن راضى شده ﴾ Ve daḳı İmām Muḥammedden Zü'l-minen olan Allāh rāzī

olmuş ola. **Ve'z-Muḥammed**, «İmām Muḥammedden» dimekdür. Pes İmām Muḥammed bin Ḥasen bin 'Abdi'llāh bin Tāvus bin Hürmüz melik-i Benī-Şeybānīdür. Niçe seneler meclis-i İmām-ı A'zama mülāzemet ve iktisāb-ı 'ilm ü kemāl ü faẓilet ḳılımışdur. Ve ḥizmet-i 'ilmde bezl-i vücūd ve şarf-ı emvāl-i

nā-ma'dūd eylemiştir. hattā muḳaddeminde tedbīr-i hıfz-ı emvāl-i için üç yüz vükelası var idi. Bu miḳdār emvāl-i bisyārī ʿilm-i şerīfe şarfa mübāderet idüp bir köhne libāsa ḳanāʿat ḳılmışdı dirler. [Ü73a] Faẓl u faẓīleti daḥı aña göre idi. Nitekim İmām Şāfiʿi rahimehu'llāhi te'ālā: اخذت وفتر يعير من العلم من محمد بن الحسن dir idi dirler, kezā fī-Ādābu'l-Müte'allimīn. Ve Şerḥ-i Manzūmede eyidür: İmām Muḥammed rahmetu'llāh, İmām Ebū Yūsufuñ yedi üzre tefāḳkuḥ buyurmuşdur, intihā. İmdi İmām Muḥammedüñ İmām-ı A'zamā ḳarābeti ve meclis-i ʿālīlerinde niçe sāl mālen ve bedenēn ḥizmeti var iken İmām Ebū Yūsufuñ Muḥammed üzerine taḳdīmine sebebüñ biri daḥı, Ebū Yūsufuñ bu vechle mertebe-i faẓīletidür. Ancaḳ İmām Muḥammede nāzımuñ tarzıye ile du'āsı, ḳuzātı ʿadem-i taḳlīdi için olduğına siyāk delālet ider. Ve terḥīm maḳāmında tarzıye irādında olan mübālaganuñ vechi ḡayr-ı ḥafīdür. **zū'l-minen rāzī şode**, «minnetler şāhibi olan Mennān rāzī olmuş» dimekdür. Zīrā zū, ʿArabīde «şāhib» ma'nāsınadır. Aslı iki vāv ile leff-i maḳrūndur. Mā-ba'dine muzāf olduğu için vāv-ı şānī ḥazf olunmuşdur. Ve izāfeti esmā'-i sitte-i mu'telle-i muzāfa içinden zāhiredür. Aḥavātı gibi zāmīre muzāf olmaz, tafşīli kütüb-i naḥvdedür. El-minen, cem'-i mu'arrefün bi'l-lāmdur; müfredi «minnet»dür. Minnet, kesr-i mīm ve feth-i nūn-ı müşeddede ve sūkūn-ı tā ile [S90b] «ta'dād-ı ni'am» ma'nāsınadır. Ve bu daḥı iki kısım üzredür. Kısım-ı evvel menn-i tenbīhīdür ki, Mevlā-yı müte'āl ḳullarına virdiği ni'metleri li-ḥikmetin ta'dād ider; bu maḳbūldür. Kısım-ı şānī menn-i tevbiḥīdür ki, ʿibād birbirine eylediği in'ām u iḥsānı ta'dād idüp minnet eyler; bu mezmūmdur. Nitekim nazm-ı kerīimde لا تبطلوا صدقاتكم بالمن والانى gelmiştir. Rāzī, «ḥoşnūd» ma'nāsınadır. Şode, kemāmerre «olmuş» ma'nāsına ism-i mef'ūldür. Āḥirinde «bād» lafzı gözetmek ile «olmuş olsun» demek ḥoşdur.

﴿ شافعى ادريس مالك با زفر ﴾ Şāfiʿi İdrīs ve Mālik [Ü73b] Züfer ile. **Şāfiʿi İdrīs**, ya'nī imāmānuñ biri daḥı İdrīs-i Şāfiʿidür. Ma'lūm ola ki İmām Şāfiʿi rahimehu'llāhuñ künyesi ile ism-i şerīfi; Ebū ʿAbdi'llāh bin İdrīs bin el-ʿAbbās bin ʿOsmān bin Şāfiʿ bin es-Şā'ib bin ʿUbeyd bin ʿAbdi Yezīd bin Hişām bin el-Muṭṭalib bin ʿAbdi Menāfi'l-Ḳureyşiyi'l-Muṭṭalibīdür. Pes ecdād-ı ʿālī-nijādında Şāfiʿi rāziya'llāhu ʿanh tıfl iken Faḥr-i ʿālem şalla'llāhu ʿaleyhi ve selleme ulaşmışdur. Pederi Şā'ib Benī-Hāşimūñ ʿalemdārı idi. Yevm-i Bedr-i kübrāda giriftār-ı pençe-i ḡuzāt olmaḡın nefsinı fidā eyledikten sonra şeref-i İslām ile müşerref oldu. Ḳaldı ki İmām Şāfiʿi'nüñ toḡdığı maḥallūñ beyānında eḳāvīl vardır. Hicret-i Nebevīnūñ yüz elli birinci sālinde ʿinde'l-ba'z Ġazze şehrinde toḡup iki yaşına vardıkda Mekke-i mükerrremeye naḳl olındı. Ve ʿinde'l-ba'z Aşkalānda toḡdı. Ve ʿinde'l-ba'z Yemen şehrinde toḡdı. Ve ʿinde'l-ba'z diḡer maḥallde toḡdı. Ve dünyāya teşrīfi İmām-ı A'zamuñ sāl-i vefātında olduğu ehl-i tevārīḡ ʿindeinde meşhūrdur, kemā kāle'l-Beyḥaḳī. Lākin İmām-ı A'zamuñ yevm-i vefātında toḡdığı ba'zuñ ḳavlidür. Fe-ʿalā-hāzā Şāfiʿiyyü'l-mezḥeb olana Ḥanefiyyü'l-mezḥeb tarafından laṭife yoluyle: “Bizüm İmām dünyādan gitmedikce sizüm İmām dünyāya gelemeydi.” demek münāsib degüldür. Eger ta'n u taḥḳīr ile dir ise ne'uzū bi'llāh ol kimseye küfr ḳorḳılır. *Menāḳıb-ı İmām Şāfiʿi*: Muḥammed bin Ḥakīm eyidür: İmām [S91a] Şāfiʿi rahm-i māderde iken vālidesi bir gice ru'yāsında Müşterī yıldızını kendüden toḡmış

görüp ba'de'l-intibāh bu ru'yāyı bir mu'abbir-i āgāha ta'bīr itdürdikde mu'abbir eyitmiş: "Senden bir 'ālim-i celilü'l-ı'tibār toğar." dimişidi, intihā. Ve İmām Şāfi' eyidür: Bir gice 'ālem-i ru'yāda Faḥru'l-enām 'aleyhi's-salātü ve's-selāmı gördüm. Eyitdi: "Sen kimsin?" Eyitdüm: "Yā Rasūla'llāh ! Raḥt-ı sa'ādetüñdenem." Eyitdi: "Berü gel !" Pes emr-i şerīfe imtişāl eyledigimde mübārek dehān-ı [Ü74a] ḥikmet-nişānından bir miqdār āb-ı ḥayāt alup ve ağızımı açup, ol zülāl-i pür-feyz ü iḥsānı dehānuma ve lebān u lisānuma sürdi. Ve daḥı امش بارك الله فيك diyü buyurdi, didi. Bu ru'yānuñ ta'bīri المؤمن واقعة mışdāqınca zāhir ü nümāyāndur. Ve daḥı yine İmām eyidür: Mekke-i mükerremede eyyām-ı şabāvetimde bir gice 'ālem-i ru'yāda bir mehābet şāhibi zāt-ı şerīfī nāsa imāmet ider gördüm. Pes namāzı itmām ve yemīn ü yesāra selāmdan şoñra nāsa tevcīh-i vecche-i iḳbāl ile ta'līm-i 'ilme āgāz eyledi. Pes ben daḥı yakın varup eyitdüm: "Baña daḥı ta'līm eyle." Ol zamān āstīn-i sa'ādet-nişānından bir mīzān iḥrāc idüp, ol mīzānı baña iḥsān idüp eyitdi: "Bu daḥı sañadur." Vaḳtā ki ḥ'ābdan bīdār olup bu ru'yānuñ ta'bīri fikrine üftāde idüm. Ol zamān Mekke-i mükerremede bir ehl mu'abbir bulup bu ru'yāyı kendüye 'arz itdigidimde ta'bīrinde eyitdi: "İlme imām ve şāhib-i ta'dīl-i sünen-i 'aleyhi's-selām olursın. Zīrā imām-ı Mescid-i Ḥarām, efḍal-i e'imme-i enāmdur. Ve mīzān şey'ün ḥaḳıḳatine 'ālimi müş'irdür" intihā. Ve daḥı naql-i şāḥiḥ böyledür ki İmām Şāfi' evā'il-i aḥvālinde gāyet faḳīrū'l-ḥāl idi. ḥattā kendüyi ta'allüme teslīmlerinde mu'allime virecek ücrete ḳudretleri olmadıḡından, mu'allim-i mekteb İmāmuñ ta'līminde tehāvün ider idi. Lākin şıbyān-ı sā'irine cidd ü sa'y ile sebaḳ-āmūz oldıḡça, Şāfi' ḥazretleri ol sebaḳ-ı ders ü Ḳur'ānı ezberden telaḳḳun idüp, mu'allim-i şıbyān gāhī taşraya gitdikde, Şāfi' ezberinde olan ile şıbyāna sebaḳ-āmūz-ı ders ü Ḳur'ān olur idi. Pes mu'allim bu keyfīyyetden āgāh oldıḡda [S91b] bu mu'āveneti ücrete mu'ādil bilüp, şıbyāna ḥalīfe eyledi. Vaḳtā ki mektebde az zamānda ḥatm-i Ḳur'ān ile ser-levḥa-i mekteb-i şıbyān oldı. Bu ḥālī beyānda İmām eyidür: Ol ānda yedi yaşında idüm. Ba'de'l-ḥatm Mescid-i Ḥarāma ḥıram idüp 'ulemā ile mücālese ve istimā'-ı eḥādīs [Ü74b] ve müzākere-i mesā'il-i 'ilm ider idüm. Ve dersümi taḥrīr içün kırḫāsa iḳtidārım olmadıḡından dersümi üstüḥ'ān-pārelere ḳayd ider idüm. Ve Müslim bin Ḥalid raḥimehu'llāhdan tefāḳḳuh idüp ḥıfz-ı eḥādīse tevaḡḡul-i tām̄m ider idüm. Binā'en 'aleyh bir kimseden emāneten İmām Mālikūñ Muvattā nām kitābın alup bir ḳaç günde ezber idüp yine kitābı şāhibine virdüm. Ol zamānda İmām Mālik Medīne-i münnevverede ta'līm-i 'ulūm ider idi. ḥasbe'l-iştıyāḳ meclis-i 'ālīlerine varmaḡa heves-kār oldıḡumdan vālī-i Mekkedden Medīne ḥākimine bir mektüb alup, ḥulāşasında: "Muḥammed-i Şāfi'yi İmāmü'l-müslimīn Mālik bin Enes ḥazretlerine bulıḡdırasın" diyü taḥrīr ve İmām Mālik ḥazretine daḥı bir başḳa tavḫıye-nāme aḡz idüp Medīneye geldüm. Pes Medīne ḥākimine olan mektübü virüp ol daḥı mefḥūmına muṭṭalī' oldıḡda eyitdi: "Cüvān-ı pākīze-sūḥan! Baña ḥāfiyen Mekkeye gitmek bāb-ı Mālike varmaḡdan ehvendür." Ben eyitdüm: "Gitmege ne ḥācet ? Emīrūñ emri İmāmı bu meclise getürmekdür." Ḥākim eyitdi: "Heyḫāt ki İmām buraya gele. Bāb-ı sa'ādet-me'ābına tereddüdümüzde ḥāric-i bāba gelse cāna minnetdür." diyerek ḥākim-i Medīne ile bāb-ı Mālike varup ḥalḳa-zen-i gülmīḥ-i der-i sa'ādeti olduḡ. Ba'de'l-ba'd içürden bir kenīzek-i Hindü-ḳıyāfe bāba gelüp: "Nedür ?" diyince ḥākim eyitdi: "Mevlāña söyle bir def'a taşra teşrīf buyursunlar." Pes cāriye-i mezbūr varup meḳs-i vāfırdan şoñra gelüp eyitdi: "Mevlām eyidür; eger

mes'eleleri var ise tahrîr eylesünler, nazar idelüm. Ve illâ sâ'ir maşlahat-ı şer'iyeleri var ise inşâ'a'llâhu te'âlâ yevm-i hamîsde taşra çıkaram ol zamân gelüp görüşsünler. Şimdiki hâlde vaqtimiz yokdur, gitsünler.” intihâ. Pes hâkim eyitdi: “Mevlâña söyle; vâlî-i Mekke-i mükerrermeden kendüye mektûb u sipâriş vardır. Bir def'a kapuya teşrîf buyurmaların [S92a] niyâz iderüz.” Cârîye bu haberi İmâma [Ü75a] tebliğinden soñra evvelen taşraya bir kürsî getürdiler. Ba'dehû mehâbet-i tamm ile İmâm hazretleri gelüp kürsî üzre qarâr ve hâl-i hâkimi istifsâr buyurdılar. Ol zamân vâlî-i Mekkenüñ tavşîye-nâmesin yed-i İmâma teslîm ve dest-i şerîfin telşîm eyledik. Ba'de'l-feth kırâ'ete âgâz idüp, vaqtâ ki fakîri ta'rîfde maḥalline geldikde mektûbı elinden birağup eyitdi: “Sübḥāna'llāh! Hem-nām-ı Rasûl-i İlāh olan merd-i âgâh hiç vesîle-h'vâh olur mı?” Ol zamân ilerü varup eyitdüm: “اصلحك الله. Benüm ḥasb-i hâlüm kezâ ve kezâdur.” Pes Mâlik şâhib-i firâset olmağın baña bir sâ'at kadar nazar idüp eyitdi: “İsmüñ nedir?” Eyitdüm: “Muḥammeddür.” Eyitdi: “واجتنب المعاصي فانه سيكون لك” Eyitdüm: “نعم” Ba'dehû kerâmeten eyitdi: “Yâ Muḥammed! Qalbüñe ilkâ-kerde-i Ḥudâ olan nûrî, ma'şîyyet ile iṭfâdan ḥazır eyle ve yarınki gün gelüp Muvattâ okuyanlar ile derse ḥazır ol.” diyüp baña Muvattâ tedârükine işâret buyurdi. Ben eyitdüm: “Muvattâ bi-ḥamdi lillâh ḥıfzımdadır, ben ḥıfzan okurum.” “Ne güzel !” diyüp yevm-i mezkûruñ ferdâsı meclis-i Mâlike ḥazır olup âdâb ile bed'-i ders ve ḥıfzum dersüme müderris oldı. Ammâ eşnâ'-i dersde üstâza melâlet virmemek içün aralıkda tevaḥḫuf murâd ider idüm. Ol zamân bi-inâyeti'llâh talâkat-i lisân ile kırâ'etümden İmâm ḥazır idüp: “Oku” diyü ta'lîmde izhâr-ı şevk buyurur idi. Pes ilâ-vefâtî'l-İmâm Medîne-i münevverede ikâmet ile taḥşîl-i 'ilme ihtimâm eyledüm didi, intihâ. Ve daḥı 'Abdu'llâh bin Aḥmed-i Ḥanbel eyidür: Pederüm Aḥmed dâ'imâ İmâm Şâfi'îye du'â ider idi. Aşlını su'âlimde: “Yâ Abda'llâh! Şâfi'î nehâr içün şems ve nâs içün âfiyet gibidür. Nazar eyle ki bu ikiden bir ḥalef ü bir ıvâz var mıdur? Ya'nî Şâfi'î, mişli nâ-yâb olan bir zât-ı âlî-cenâbdur.” didi. Ve daḥı Şâlih bin Aḥmed bin Ḥanbel eyidür: Şâfi'î bir gün pederüm Aḥmed-i Ḥanbelüñ yanına geldi. Pes pederüm pîr-i nâ-tüvânlığı ile icrâ-yı merâsim-i [Ü75b] ta'zîmde cünbiş-nümâ-yı kıyâm olup ve bî-muḥâbâ Şâfi'înüñ dîdelerin bûs ve kendi [S92b] mesnedine iclâs birle pîşgâhında âdâb ile cülûs idüp bir sâ'at miqdârı su'âl-i mesâyil ü aḥz-i cevâb ile me'nûs oldı. Ba'dehû Şâfi'î meclisden kıyâm ile cânib-i bâba ḥıram ve merkebine süvâr olınca pederüm maḳâm-ı ḥizmetde olup pîşrev-i rikâb-ı müsteṭâbı oldı. Ve bu keyfiyyet resîde-i sem'-i aḥbâb olmağın Yahyâ bin Mu'tin raḥimehu'llâh pederimüñ yanına gelüp: “Yâ Aḥmed! Pîrlik hengâmında niçün böyle eyledüñ?” didikde pederüm eyitdi: “Yâ Yahyâ! Sen daḥı Şâfi'înüñ cânib-i âḥir-i rikâbında revân ola idüñ müntefî' olur idüñ.” didi. Ve eyitdi kim: “Zamân-ı Şâfi'îde İslâm üzerine taḥmîl-i minnete sezâ Şâfi'î kadar bir zât-ı vâlâ görmedigümden 'aḳîbü's-şalât du'âlarımda اللهم اغفر لي ولوالدي ولمحمد بن ادریس الشافعی dirim.” didi, intihâ. Ve yene Ahmed-i Ḥanbel eyidür: Şâfi'î eyidür idi kim: “İlm-i şerîf ancak dîk'-i yed ve mezîd-i zaḥmet ile ḥâşıl olur.” Nitekim Şâfi'înüñ yegeni Ebû Muḥammed eyidür: Şâfi'î kadar taḥşîl-i 'ilminde zaḥmet-keş kimse görmedüm. Zîrâ her gice otuz ve gâh kırk def'a çerâğ ıḳâd idüp tahrîr-i mesâ'il ider idi. Ve her tahrîrüñ 'aḳabinde çerâğı söyindirüp mütelaḳḳıyen tefekkür-i mesâ'il-i 'ilmiyye ider idi. Ve iṭfâ'-i

çerāguñ aşlını su’āl eyledigimizde: “Zulmet-i mesken bā’ış-i cilā-yı kalbdür.” diyü cevāb idüp temşilinde: “Mü’min qarındaşuñna sırran naşihat ke-zālik irā’et-i sebıl-i hayr u şeref ü zinetdür. Ammā ‘alāniyyeten va’z, takrır ü hıyānetdür.” dir idi. Ve dağı hamīdī raḥimehu’llāh eyidür: Şāfi’nüñ zühd ü seḥāsı ḥadden ziyāde ve dā’imā bezl ü işāra dil-dāde idi. ḥattā Şan‘ādan Mekkeye ‘avdetinde mendilinde on biñ altun var idi. Mekkenüñ taşrasına geldikde bir miqdār meks ü ārām ile altunuñ cümlesin ol fuḳarāya in‘ām idüp ba‘dehū dāḥil-i Beytu’llāhi’l-ḥarām oldu. Ve dağı Müzenī raḥimehu’llāh eyidür: Şāfi’ ḥazretleri ḳadar ol zamānda bir ekrem-i nās görmedüm. Ḥattā bir leyle-i ‘ıdde [Ü76a] kendü ile bāb-ı mescide kendüye bir mes’ele ‘arz idüp mükāleme iderek gider iken bir kimse kendüye bir kīse-i pür-nuḳūd getirüp teslim eyledi. Ba‘dehū yine müzākere-i ‘ilm iderek gider idik. Nā-gāh eṣnā’-i rāhda [S93a] bir faḳır ilerü gelüp eyitdi: “Yā İmām! Hemser-i ‘ıffet-perverüm toğurdı. Yedümde bir nesne yokdur ki levāzımın görem.” Ol zamān İmām elinde olan kīse-i pür-nuḳūdı cümleatn ol faḳıre iṭā vü iḥsān eyledi, intihā. Ma‘lūm ola ki Şāfi’ raḥimehu’llāh ‘ilm-i şerīfī İmām Mālikden ve Süfyān bin ‘Uyeyneden ve Müslim bin Ḥālidden aḥz idüp ve ḥalk-ı keşir den rivāyet-i eḥādīs eyledi. Ve kendüden dağı Aḥmed bin Ḥanbel ve Ebū Nevvār İbrāhīm bin Ḥālid ve ḥalk-ı keşir aḥz-i ‘ilm ve rivāyet-i eḥādīs eylediler. Hicretüñ yüz toḳsan beş sālinda Bağdāda varup iki sene Bağdādda iḳāmetden soñra Mekke-i mükerreremeye ‘avdet eyledi. Ba‘dehū Hicretüñ yüz toḳsan sekizinci sālinda yine Bağdāda varup bir māh meksden soñra mısr-ı Ḳāhireye sefer idüp, Mısrda bir zamān ārām idüp, Hicretüñ iki yüz dördinci sālinda selḥ-i Receb-i şerīfde leyle-i cum‘anuñ ‘işā’-i aḥırinde ‘āzim-i Dāru’s-selām oldu. Ḳabr-i şerīfī Mısrda Ḳarāfe-i suğrā nām mahallededür. Maḥall-i mezkūrda olan du‘ālaruñ müstecāb idigi meşhūr-ı beyne’l-enāmdur. (...) **U(ve) Mālik**, mā-ḳabline ma‘ṭūfdur. Bundan murād Mālik ibni Enes bin Ebī ‘Āmiri’l-Eşbahīdür. Künyesi Ebū ‘Abdi’llāhdur. [Ü76b] Zamān ve ḳadr u ‘ırfān u ‘ilmde muḳaddemü ‘ulemā’-i’l-ümme ve şeyḫü üstādü’l-e’immedür. Hicretüñ toḳsan beşinci sālinda toğmuşdur. Ve Hicretüñ yüz yetmiş toḳuzuncı sālinda Medīne-i münevverede vefāt itmişdür. Bu beyāna göre sinn-i sa‘ādetleri seksene vārid olmuş olur. Lākin İmām Vāḳidī ḳavlince sinn-i İmām toḳsana bālig olmuşdur. Ḥulāsa-i kelām Mālik imām-ı [S93b] Ḥicāz ve fiḳh u ḥadīsde imāmu’n-nās dinmekle meşhūr u mümtāzdu. ḥattā İmām Şāfi’ kendinüñ eşḫābindan olmaḳ beyān-ı fażiletinde kāfidür. Ve İmām-ı müşārun ileyh ‘ilm-i şerīfī, Zührī ve Yaḥyā bin Sa‘īd ve Nāfi’ ve Muḥammed el-Münkedir ve Hişām bin ‘Urve ve Zeyd bin Şābit ve Reb‘a bin ‘Abdi’r-Raḥmān ve bunlaruñ aḳrānlarından aḥz eylemişlerdür. Ve kendüden dağı ḥalk-ı keşir aḥz-i ‘ilm-i vefir eylemişdür. Kendüye «e’imme-i bilād» dinmek müstefāddur. Ḥattā ‘Abdu’r-Raḥmān bin Mehdī eyidür: Süfyān-ı Şevrī ḥadīsde imāmdur, lākin sünnetde degül. Ve dağı Evzā’ raḥimehu’llāh sünnetde imāmdur, lākin ḥadīsde degül. İmām Mālik bin Enes ḥazretleri cāmī’u’l-emreyn ve imāmu fi-hāzeyni’l-işneyndür. Ve dağı İmām Mālik ‘ilm-i şerīfe ḡāyet ta‘zīm ider idi. ḥattā rivāyet-i ḥadīs-i şerīf murād itdiginde vuḫū’ ile mesned-ārā-yı firāş olup ba‘de-tesrīḥu’l-liḫye revāiyı-ı ṭayyibe ile teṭayyüb ve cülūsında heybet ü veḳār ile merā’i-ı ādāb u te’eddüb ider idi dirler. Ve ehl-i ehvādan bir kimse kendüye gelse, ol şāḫib-i cedel-i pür-ḫalele ḫitābında: ”انى على بينه من دينى واما انت فشاك اذهب الى شك مثلك فخاصمه” diyüp zeyl-i beyānda: “Kendi nefsine bī-hayr olandan nās ḥaḳḳında ḫayrı olmaz.” diyü ḥatm-i kelām ider idi. Pes İmāmuñ

ma'den-i hayr u menāfi' idigi beyne'l-enām şāyi'dür. Nitekim Ebū 'Abdi'llāh 'aleyhi rahmetü'l-İlāh eyidür: Bir gice ru'yāmda Faḥr-i 'ālem şalla'llāhu 'aleyhi ve sellemi gördüm ki şeref ü devlet ile oturur ve İmām Mālik pīşgāh-ı sa'adet ü maḳām-ı hizmetinde ṭurur. Faḥr-i kā'ināt 'aleyhi ekmelü't-teḥiyyātuñ huzūr-ı 'ālī-şānında vāfir misk olmağın mübārek dest-i iḥsān-peyvestiyle ol misk-i laṭifden ḳabza[Ü77a] layup İmām Mālike iṭā buyurur, Mālik daḫı nāsa virür. Pes ḥ'ābdan bīdār olup, bu ru'yāyı İmām Muṭarriḫ tarafına naḳl ü beyānında eyitdi: "Bu ru'yānuñ ta'bīri İmām Mālik ḫāzretlerinin 'ilm ü ma'rifet ve ittibāc-ı sünnet ile nāsa bā'is-i menfe'at oldığıdır." didi. Ve daḫı İmām Şāfi' eyidür: Bir gice 'ammüm ru'yāsında görmüş ki bir münādī; yüz biñ ehl-i 'ilmī fevt oldı diyü nidā ider. Pes ol giceyi [S94a] zabṭ u ḫisāb eyledik. Ol gice İmām Mālik rahimehu'llāhuñ vefātı gicesine geldi. İmāmuñ ḳanā'at u 'iffeti beyānında eyidürler: Hārūnū'r-Reşīd Medīne-i münevvereye gelüp İmām Māliki gördikde, İmāma üç biñ altun 'aṭıyye 'arz eyledi. İmām redd idüp ḳabūl eylemedi. Ve Hārūn miyāne-i şoḫbetde İmāmuñ Medīneden ḫurūc ile emşār-ı sā'ireye naḳline terğīb itmegin, İmām ber-maṇṭūḳ-ı ḫadīs-i şerīf; Medīnenüñ ehl-i fehme göre ḫayrlı oldığın naḳl ü rivāyet ile Medīnede iḳāmet buyurup: "Dünyā için Faḥr-i enbiyā 'aleyhi efḫalü't-taḫāyāyı fidā eylemem." didi. Ve daḫı Şāfi'den menḳūldür, eyidür: İmām Mālike Ḥorāsāndan bir esb-i bād-pā ile vāfir hedāyā geldi; ḳabūl eylemedi. Ol vaktde eyitdüm: "Yā İmām! Şāyed bu esbe rākib olursuz?" Eyitdi kim: "Türbe-i Rasūl-i kibriyā olan arz-ı muḳaddesde rākiben gezmege ḫayā iderim." İntihā. **Bā-Züfer**, «Züfer ile» dimekdür. Bā, «ma'a» ma'nāsınadır. Züfer bin el-Hüzeyl bin el-Kerḫīdür. Telāmīz-i İmām-ı A'zamdandır. Ğayet şerīf bir zāt-ı laṭīfdür. Nitekim züfer, luğatde «seyyid ve ulu kimse» dimekdür. Ḳaldı ki İmām-ı ḥümāma muḫālefeti ictihāda mebnīdür. Ve mesā'il-i seb'ada ḳavli müftā bihdür. Tafşīli kütüb-i fuḳahāda meşṭūr ve maḫalleri muşarraḫ u meşḫūrdur.

﴿ يافت زيشان دين احمد زيب و فر ﴾ Dīn-i Aḫmed bu imāmlardan zīnet ü revnaḳ buldı. **Yāft**, mażī-i müfred-i gāyibdür; ma'nāsı «buldı» dimekdür. Maşdarı «bulmak» ma'nāsına «yāften»dür. **Ziṣān**, «ez-İşān» kelimelerinden muḫaffefdür. Ez, ḫarf-i cerrden «min» ma'nāsınadır. İşān, bunda zamīr-i ḡā'ib-i munfaşılıñ cem'idür, mercī'i imāmlardur. [Ü77b] **Dīn**, kesr-i dāl-i mūhmele ile luğatde «'ādet ve ṭā'at ve ṭarīḳ ve 'alāmet ve cezā'» ma'nālarındur. İştīlāḫ-ı şer' de «zū'l-ıḳūlī iḫtiyārlarıyle bi'z-zāt ḫayr olan nesneye delālet ve sevk idici vaż'-ı İlāhī»dür. Pes be-vaż'-ı İlāhī meṭā' oldığı ḫasebiyle «dīn» dirler ve kitābet ü imlā oldığı ḫasebiyle «millet» dirler. Ve Şāri' anı izḫār itdiği için «şerī'at» dirler. Pes bunlar zāten birdür, iṭibāren [S94b] muḡāyirlerdür. Ve ma'lūm ola ki ma'nā-yı luḡavī üzre dīn lafzı ḫaḳḳda ve bāṭılda müsta'meldür. Nitekim, dīn-i İslām ve dīn-i Naşārā ve dīn-i Yehūd dinür. Zīrā كل حزب بما لديهم فرحون misdāḳınca her ṭā'ife kendi dīnine iṭā'at üzredür. Ve daḫı lafz-ı dīn ḫaḳḳa ve āḫād-ı ümmete izāfetle müsta'mel olup, meşelā dīnu'llāh ve daḫı dīn-i zeyd dinür; mā-naḫnü fīhīde «dīn-i Aḫmed» dindigi gibi. Lākin millet lafzı bu vechle muzāfen isti'māl olunmaz. **Aḫmed**, zāhiren nām-ı Faḫru'l-enām 'aleyhi efḫalü's-salātu ve's-selāmdur. Buña göre ḫāşıl-ı ma'nā; «dīn-i Faḫru'l-enām bu imāmlardan revnaḳ buldı» demek olur diyü nāzımuñ kelāmın bu vechle ba'zılar beyān idüp, bu taḳḫırce nāzım İmām Aḫmed-i Ḥanbel zikrine taşaddī eylemiş olur dinürse; İmām-ı mūmā-ileyhūñ mezhebinüñ 'adem-i şuyū' ilāvesiyle Aḫmed-i Ḥanbel zıkr olunmaḳda māni' yoḳdur diyü cevāb ḳaydında olmuşlardır. Lākin çeşm-i ḫaḳīḳat-bīn

ile nazar olinsa nâzımuñ kelâmını bu vechle beyân idüp, beyt-i şerâyi' ü aḥkâmuñ erkân-ı erba'ası e'imme-i erba'adan 'ibâret iken zamânında efḍal-ı nâs olan Aḥmed-i Ḥanbelüñ metnî'l-esâs ve maşûnu'l-indirâs olan mezhebine «ğayr-ı şâyi'» demek inşâf degüldür. Velez müselleme ba'zı bilâdda 'adem-i şuyû'-ı mezhebinden nâzımuñ nâm-ı Aḥmed bin Ḥanbeli 'adem-i zikri lâzım gelmez idigi ezherdür. İmdi nâzımuñ kelâmındaki Aḥmedden murâd «Aḥmed bin Ḥanbel»dür. Pes nâzımuñ bu ta'bîrden murâdı Aḥmed bin Ḥanbelüñ dîni ya'nî 'ilm-i fezâ'il ü müstenbatı olan kütüb ü meşâ'il ol imâmlaruñ enfâs-ı pāklerinden şöhet ü zîb ü zînet buldıgına işâret içündür. Zîrâ İmâm Mâlik, İmâm Şâfi'ünñ üstadı ve İmâm Şâfi', İmâm Aḥmed Ḥanbelüñ üstadıdır. **Zîb**, «zînet» ma'nâsınadır. **U(v)**, «atf» içündür. **Fer**, fetḥ-i fâ ve sükûn-ı râ'-ı mühmele ile Fâriside beş ma'nâya gelür. Ma'nâ-yı evvel «şükûh ve revnak ve şur'le ve tarâvet ve [Ü78a] intizâm-ı ḥâl»dür. Ma'nâ-yı şânî «nûr»dur. Nitekim nûrânî olan âdeme «fermend» dirler. Ma'nâ-yı şâlis «şadâ ve âvâz»dur. Ma'nâ-yı râbi' [S95a] isti'lâ için olan bir lafzuñ ma'nâsıdır ki Türkide «üst» dimekdür. Ma'nâ-yı ḥâmis «seylâb»dur. Pes bu mâkâmda ma'nâ-yı mezkûrenüñ ekseri murâd olunmak câ'iz ve medḥa mülâyimdür. *Menâkıb-ı Aḥmed ibni Ḥanbel*: Esâmî-i Ricâl nâm kitâbdaki eşḥaḥ-ı aḳvâl üzre imâm-ı mûmâ-ileyh; Ebü 'Abdi'llâh Aḥmed bin Muḥammed bin Ḥanbel eş-Şeybâniyyü'l-Mervezîdür. Hicret-i nebeviyyenüñ yüz altmış dördinci sâlinde Bağdâd-ı behişt-âbâdda toğup, hicretüñ yüz kırk birinci sâlinde Bağdâdda 'âzim-i Dârü'l-cinân u vâsıl-ı liḳâ'-i Raḥmân olmışdır. Müddet-i 'ömr-i şerîfi yetmiş yedi senedür. Fıḫ u eḥâdiş ve zühd ü vera' u 'ibâdetde İmâm idi. Ve şaḥîḫ ü saḳîm ve mecrûḫ u mu'addel kendü ile bilinmiş bir güzide-i enâm idi. Bağdâdda peydâ olup şuyûḫ-ı kâmilinden 'ulûm u eḥâdiş aḫz eyledi. Ba'dehü Kûfe ve Başra ve Mekke ve Medîne ve Yemen ve Şâm-ı cennet-meşâmm ve Cezîreye seyr ü sefer eyledi. Ve ol 'aşruñ fuḫâlâlarıyle şöhet ve iktisâb-ı 'ilm ü fazîlet idüp Yezîd bin Hârûn ve Yahyâ bin Şa'idi'l-Ḳaṭṭân ve Süfyân bin 'Uyeyne ve Muḥammed bin İdrîsi's-Şâfi'î ve 'Abdu'r-Razzâḳ bin Hümâm ve sâ'ir fuḫâlâdan istimâ' eyledi. Ve kendüden daḫı oğulları 'Abdu'llâh ve Şâliḫ 'amm-zâdesi Ḥanbel bin İshâḳ ve sâ'irlerden Muḥammed bin İsmâ'îli'l-Buḥârî ve Müslim bin Ḥaccâci'n-Nişâbüri Ve Ebü Zür'a ve Ebü Dâvûdi's-Sicistânî ve emsâlleri rivâyet ü istimâ' eylemişdür. Fezâ'ili keşîre ve ḥaşâ'ili vefîredür. Mu'temedü'l-ḳavl olan müctehidîn-i 'izâmdandır. Ve re'y-i mezhebi bilâd-ı İslâmiyyede şâyi' u münteşirdür. Ve kemâlâtı müsellemu'l-külldür. Nitekim İshâḳ bin Râheveyh eyidür: احمد بن حنبل حجة بين الله و بين عبده فى ارضه Ve daḫı İmâm Şâfi'î fezâ'il-i Aḥmedi beyânda: “Bağdâddan çıḳdum çıḳalı İmâm Aḥmedden etḳâ vü evra' ve ezhed ü a'lem bir kimse zann itmeme” buyurmuşdur. Ve daḫı Ebü Zür'a eyidür: “Aḥmed bin Ḥanbel biñ kerre biñ eḥâdiş-i şerîfe ḥıfz eylemişidi.” Ve daḫı Ebü Dâvûdi's-Sicistânî eyidür: “İmâm Aḥmedüñ meclis-i sa'âdetinde aşlâ umûr-ı dünyâ müzâkere olunmaz idi. Cümle müzâkere umûr-ı [S95b] 'uḳbâ idi.” Ve daḫı Muḥammed bin Mûsâ eyidür: Bir vaktde Ebe'l-Ḥasen bin 'Abdi'l-'Azîze Mışırda müteveffâ aḳri[Ü78b]bâsından yüz biñ altun mîrâş düşdi. Meblağ-ı mezkûrdan üç biñ altunı ifrâz idüp; “Bunı 'iyâlüne şarf eyle” diyü İmâm Aḥmede 'arz eyledikde Aḥmed raḥimehu'llâhu te'âlâ: “Benüm kifâyetüm vardır” diyüp ḳabûl eylemedi. (...[S96a, Ü79a]...)

﴿ روح شان در صدر جنت شاد باد ﴾ Anlaruñ cānları cennet şadrında şād olsun. **Rūh**, cān maʿnāsına maʿrūfdur, mā-baʿdine muzāfdur. Muzāfun-ileyh olan **şān** lafzı Fürsde yedi maʿnāya gelir. Evvelā; zamīr-i cemīʿ-i ġāʾibdür ki bu maḳāmda murād budur, mercīʿi mesbūkuʾz-zıkr olan imāmlardur. Maʿnā-yı şānī; «zenbūruñ ʿasel itmesi»dür. şālīs; «ḫāne-i zenbūr»dur. Rābīʿ; «bilegü taşı»dur. ḫāmis; «şānīden»den emr ve vaşf-ı terkībdür. Sādis; «bir nevʿ beyāz cāme»dür ki Hindüstānda işlenür. Sābiʿ; «köşgerler ḳālībı»dur. **Der**, zarfiyyet içündür. **Şadr**, Fārisīde istiʿmālinde üç maʿnāya gelir. Evvelā, «ḫānelerde mesned-i kibār ve maḳarr-ı ehl-i ʿitibār olan maḫalle» dirler. Nitekim bu maḳāmda bu maʿnā zāhirdür. şāniyen, «vezīr» dimekdür. şālisen, «ḳāzī» maʿnāsınadır. Ammā ʿArabī istiʿmālinde dāʾimā müzekkerdür; maʿnāsı «her nesnenüñ evveline» dirler. Meşelā, şadr-ı nehār gibi. Ve daḫı «rucʿ ve sīne-i insān ve bālā-yı ḫāne» maʿnāsınadır. **Cennet**, şadruñ muzāfun-ileyhidür ve ʿArabīdür. Muṭlaḳā «bağ u bustān» maʿnāsınadır. Cemʿi cennāt gelir. Lākin baʿzı erbāb-ı luġat engürdan mā-ʿadā eşcār-ı müşmireyi ḫāvī olan bustāna «cennet» ile tesmiye idüp, eşcār-ı engūra münḫaşır olan bustāna «firdevs» tesmiye idüp bu vechle cenneti, firdevsden fark eylemişlerdür. Ammā ehl-i ʿörf ʿindinde bu fark yokdur, cennāt cümleye şāmindür. **Şād bād**, «sürür olsun» dimekdür; sebaḳa tafşilehü.

﴿ قصر دین از علم شان اباد باد ﴾ Dīnūñ köşki anlaruñ ʿilminden maʿmūr olsun. **Ḳaşr-ı dīn**, ḳaşr bunda «köşk» maʿnāsınadır ve dīn lafzına muzāfdur. Ve izāfeti [S96b] lecīnūʾl-māʾ ḳabīlindendür. Pes maʿnāsı «müzeyyen köşk gibi olan dīn-i Muḫammedī ve şerʿat-i Aḫmedī». **Ez-ʿilm-i şān**, «anlaruñ [Ü79b] ʿilminden» dimekdür. Ez lafzı «min» maʿnāsınadır. ʿİlm, maʿrūfdur; mā-baʿdine muzāfdur. Muzāfun-ileyh olan şān, bunda zamīr-i cemīʿ-i ġāyibdür. Mercīʿi kemā-merre imāmlardur. **Ābād bād**, «maʿmūr olsun» dimekdür. Ābād, luġat-i Fārisīde sekiz maʿnāya gelir. Evveli, «maʿmūr» maʿnāsıdır; bu maḳāmda zāhir olan budur. şānī, «hemīşe» maʿnāsıdır. şālīs, «āferīn»; rābīʿ, «nām-ı kaʿbe»; ḫāmis, «güznel ve eyü»; sādis, «ḫoş-āmed»; sābiʿ, şahrā-yı ḫurrem-ābād gibi ki bunlarda binā şart degüldür. şāmin, istiʿāre tarīkıyle mecāzen «ġam-ābād» ve «miḫnet-ābād» dirler. Bunlardan binā murād olmaḳ cāʾizdür. Zīrā ḳaçan bir nesnenüñ ʿimāretde vuzūhın murād eyleseler ābād dirler. Ve ḳaçan ḫarābelikte nihāyet bulmuş dimegi murād eyleseler ābād lafzını ḫarāb lafzı ile mürekkeben «ḫarāb-ābād» dirler. Pes bu maḳāmda maʿnā-yı evvel zāhirdür. Ve maʿnā-yı bāḳıyeden mülāyim olanlar bāhirdür. Bād, «olsun» dimekdür, merre tafşilehü.

Münacāt

﴿ پادشاهما جرم مارا در گذار ﴾ İy pādşāh! Bizüm şuḳlarımız yarlıġa. **Pādşāhā**, āḫirindeki elif nidā içündür. Maʿlūm ola ki kelimāt-ı Fārisīde, ḫurūf-ı maʿānīden olmaḳ üzre vāḳıʿ olan elif-i sākine gāḫ mā-naḫnü fīhi gibi nidā için olup münādānuñ āḫirine lāḫıḳ olur. Ve baʿzı kerre edāta lāḫıḳ olup münādāsı ḫazf olunup ve gāḫ istiġāşe için olur. Meşelā, «derdā» ve «ḫasretā» gibi. Ve gāḫ istifhām için olur. Meşelā, medd ile «āyā çi?» ve ḳaşr ile «eyā çi?» gibi. Ve gāḫ temennā için olur «eyā būd» gibi. Ve gāḫ istimrār için olur. Lākin elif-i istimrār āḫir-i kelimeye maḫşuş olmayup kelime-i duʿā miyānında vāḳıʿ olur. Meşelā, «bimīrād» «ölsün» dimekdür; «rīzād» «dökülsün» dimekdür. Ve gāḫ taʿaccüb için olur. Maʿnāda «bu ne?» demek olur. Ve gāḫ nisbet için olur. Zīrā nisbet harf-i yāya maḫşür olmayub elif ile

dağı olmak ‘inde’l-müte’ahhırin cā’izdür. hattā bu daḡıḡadan bī-ḡaber olanlar سخت زورمندا که افتاده mışrā’ındaki «zūr-mendā» kelimesin cem‘ zann idüp, zūr-mendāndan muḡaffefdür diyüp elifūn [S97a] nisbet ma‘nāsın fehm itmemişdür. Ve gāh mülāzemet ve gāh [Ü80a] muḡābele ve gāh vāv-ı ‘aṭf ma‘nāsına olur. Ve gāh mürekkebāt beynine teveşşül için olur. Meşelā, «ser-ā-pā» gibi. Ve gāh zā’id olur. Nitekim ḡavāfi-i eş‘ārda elifler böyledür. Ve gāh tenbīh için olup memdūden ef‘āl ü meşādır evā’illerine dāḡil olur, intihā. Pādşāh lafzı mürekkebdür. Ma‘nā-yı terkībisi «şāhib-i cihān» dimekdür. Bir cüz’i pād lafzıdır ki fetḡ-i bā’-i ‘Acemī ve elif ve sükūn-ı dāl ile «nigehbān» ve «dāfi’-i zarar» ve «ulu» dimekdür. Ve bir cüz’i «şāhib» ma‘nāsına olan şāhdur. Pes lafz-ı mezkūr şāh-ı cihān için ‘alem olmuşdur. Ammā bunda murād ḡafız ve ḡākim ve ḡādir olan pādşāh-ı bī-zevāl celle celālühüdür. İmdi bunda esmā’ullāhuñ ḡayrı tevḡifī olduğu mezhebe imā vardır. Tafşīli sābıḡda zıkr olunmuşdur. ḡulāşa-i ma‘nā: İy ḡākim-i lā-yezāl! ve iy Ḳādir-i bī-zevāl. **Cürm-i mā-rā**, izāfetle «bizüm şuçumızı» dimekdür. Cürm, zamm-ı cīm-i ‘Arabī ve sükūn-ı rā’-i mūhmele ve mīm ile «şuç» ma‘nāsına ‘Arabīdür. Fārisī de daḡı müsta‘meldür ki «gūnāh» ile ta‘bīr iderler. Mā-rā, nefis-i mütেকellim-i ma‘al-ḡayr zamīri olan mā kelimesiyle, edāt-ı mef‘ul olan rā ḡarfinden mürekkebdür. Pes nāzımuñ nefis-i mütেকellim-i vaḡde maḡāmında ma‘al-ḡayrı ihtiyārında من عم بدعاء المؤمنين والمؤمنات استجب له ḡadīs-i şerīfine imtişāl nüktesine işāret vardır. **Der-güzār**, emr-i ḡāzırdur, «güzāştēn»den müştāḡdur. «Geç» ya‘nī «yarlıḡa» dimekdür.

(ما کنهکاري و تو آمرزگار) Biz gūnāḡkārınız ve sen mūbālaḡa yarlıḡayıcısın. **Mā gūnehkārīm**, «şuç işleyicileriz» dimekdür. Zīrā gūnehkār terkīb-i tavşīfī olmaḡıla «şuç işleyici» dimekdür. Āḡirinde olan يم(īm) nefis-i mütেকellim-i ma‘al-ḡayr ‘alāmetidür ki lāḡıḡ olduğu kelimenūñ āḡiri mā-naḡnū fihi gibi meksūr oldıḡda hemzesiz يم(īm) gelür. Ve illā يم lafzınuñ evveline bir hemze getirüp يم dirler. Nitekim «kerde’īm»de böyledür, kemā-seyecā’. **Vāv**, ‘aṭf edātıdır. **Tu**, zamīr-i ḡitāb-ı müfreddür; ḡitāb Ḥudāyadır. **Āmurzgār**, mūbālaḡa-i ism-i fā’ildür. ‘Arabīsi ḡaffārdur. *Fā’ide*: Ma‘lūm ola ki ḡār kelimesi kāf-ı ‘Acemī ile edāt-ı mūbālaḡa olmaḡın gāh mā-naḡnū fihi gibi emr-i ḡāzıruñ āḡirine lāḡıḡ olur ve gāh [S97b] fi’l-i māzīnūñ [Ü81a]¹⁷ āḡirine lāḡıḡ olur. Meşelā, perverdgār gibi. Pes nāzım raḡmetu’llāhi te‘ālā bu beyt-i laṭifinde evvelā cürmini iḡrār ile itizār ve şarṡ-ı tevbe-i iş‘ār buyurmuşdur. Nitekim Mūferriḡ-nāme kitābında bu nikāta imā ile terār-be-tekrār cürmini itirāf ile mūnācāt ve ma‘zeret-ḡ‘āh-ı dergāh-ı Ḳāḡi’l-ḡacāt olmuşdur ki bu gūnāḡkār anı bu vechile terceme eylemişdür. *Terceme li-şāriḡihi’l-faḡīr*:

Gūnehkār u bed-ef‘āliz İlāhī
Senūñ luṭfuña ancaḡ yok tenāhī
Gūnehkārız Ḥudāyā eyle maḡfūr
‘Azīzā ḡıl ḡāḡāretten bizi dūr
Gūnehkārız bize ḡıl dest-ḡirī
Baḡışla bizd’olan cürm-i keşīri

¹⁷ Ü80b boştur; ancak metinde eksiklik yoktur.

Günehkâriz kamu bî-hûş u zârız
 Kabâyîh bizde senden setr umarız
 Günehkâriz velî oldık peşimân
 Nigehdâr ol bize ber-mülk-i îmân
 Günehkâriz işimiz oldu düşvâr
 Peşimânuz kabîh-ı ef'âle her bâr
 Günehkâriz Îlâhî! Eyle rahmet
 Bize râh-ı rızâñı kıl irâ'et
 Günehkâriz niçe miñnetle pür-ğamm
 Günehkâriz bulunmaz bize dermân
 Meger sen idesisin 'avfuñ ihsân
 Günehkârum eyâ Settâr u Gaffâr
 Günehkârum günehkârum günehkâr

﴿ تو نکوکاری و ما بدکردہ ایم ﴾ Sen eyü işleyicisin ve biz kötü eylemişüz. Ya'nî, yâ Rabb! 'Afv u ihsân ve rahmet ü gufrân şâhibisin. Ve bizler müznib ü günehkârlarız. **Tu**, Hudâya hitâb içündür. **Nikûkârî**, âhîrde olan yâ' hitâb içündür. Nîkûkâr, terkîb-i tavşîfidür. Aşlı kâr-ı nîküy idi. Kâ'ide-i terkîb tağyîr olunup taqdîm ü te'hîr ve izâfetden kaç' ve nîküy âhîrindeki yâ' hâzîf olınmağın nîkûkâr kalmışdur. Aşlı «eyü işleyici 'âlim ü şâlih» olana dirler. Ammâ bunda «'afv» ya'nî «'afv idici» dimekdür. Pes nâzımuñ bundan murâdı ba'zı esmâ'-i hüsnâ ile Hudâyı medh ü şenâ ve itirâf-ı zünüb ile kendü ve sâ'ir günehkârânın 'afvını recâdur. **Vü(v)**, 'atf içündür. **Mâ**, zamir-i munfaşıl-ı nefis-i mütekellim-i ma'al-ğayrdur. Ma'nâ dahı bizler dimekdür. **Bed-kerde'im**, «kötü eylemişiz» dimekdür. Bed, fethele «kötü» ma'nâsınadır. Kerde, ism-i mef'uldür. İm, 'alâmet-i nefis-i mütekellim-i ma'al-ğayrdur. [Ü81b] Ma'lûm ola ki nâzım bunda cürmini ikrâr ile recâ-sâz-ı 'avf-ı Sübhân [S98a] ve devâ-h'âh-ı derdmendân olmuşdur. (...) Pes nâzımuñ mışra'-ı evvelde olan bed-kerde'im kelâmıyle ef'âl-i kabâyîhını icmâl idüp ba'dehü li-eclî'l-istirhâm mübâlağa tarîkıyle tafşîl-i hâl-i zünüb-iştimalde cürminüñ bî-hadd ü bî-pâyân oldıgın îrâd eyleyüp buyurmuşdur:

﴿ جرم بی اندازه بی حد کرده ایم ﴾ Bî-kıyâs u bî-hadd suç eylemişüz. **Cürm**, «günâh» ma'nâsınadır, mâ-ba'dine muzâfdur. **Bî-endâze**, «bî-kıyâs» ve «bî-miğdâr» dimekdür. Bî, edât-ı nefydür. Endâze Fârisîdür; altı ma'nâya gelür. Evvelkisi, «kıyâs» ve «miğdâr»dur ki bu ma'âmde murâd budur. İkincisi, «arşun»; üçüncüsü, «lâyık, sezâ»dur; dördüncüsü, «peymâne»; beşincisi, «naqş»; altıncısı, «kuvvet ü kudret» ma'nâlarıdır, kezâ fî-Ferheng. Ba'zı nüshada bî-endâze ma'âmına «bî-pâyân» vaqırdur. Ma'nâsı «bî-nihâyet» demek olur. **Bî-hadd**, «haddsiz» dimekdür. **Kerde'im**, «eylemişüz» dimekdür. Hülâşa-i ma'nâ «iy 'afv ü ihsân issi Hudâ! Cürm ü işyânumız kıyâsdan efzûn ve hadden bîründür. İşimiz ancak 'afv u keremüñe kalmışdur» dimekdür. Ma'lûm ola ki beyân-ı cerâ'imde kişi [Ü82a] zünübını gâyet büyük görmek, eslâfuñ eşrâfinuñ kelâmlarında vâkırdur. Garaz ikrâr-ı günâh ile recâ-yı rahmet-i Îlâhdur. Nitekin Hâce Şâ'ib-i Tebrîzî eyidür:

زند پهلو بکردون کوه عصیانی که من دارم
[S98b] بصدر ریا نکردد پاک دامانی که من دارم

intihā. Pes nāzımuñ nedemden ʿibāret olan tevbe ile maʿāşīye tāʿib ü nādim olduğunu beyāna şurūʿ ile buyurur:

﴿ سالها در فسق و عصیان کشته ایم ﴾ Niçe yıllar fışk u ʿişıyānda olmışuz. **Sālḥā**, «yıllar» dimekdür. Lafz-ı mezkūr cemʿdür. **Der**, zarfıyyet içündür. **Fışk**, kesr-i fāʾ ve sükūn-ı sīn-i mūhmele ve kāf ile ʿArabīdür, «emre muḥālefet» maʿnāsınadır. Ve **ʿişıyān**, fışk üzerine maʿtūfdur. ʿİşıyān, itāʿatin zıddıdır. Ve lügatde müteğāyir ve ʿorfde mütelāzimlerdür. Ve ʿişıyān Fārisīde «bī-fermān ile taʿbīr olunur. **Geşteʿīm**, fetḥ-i kāf-ı ʿAcemī ile «olmuşuz» dimekdür. Baʿzı nüshada geşteʿīm yirine būdeʿīm vākırdur. Maʿnaları birdür.

﴿ آخر از کرده پشیمان کشته ایم ﴾ Encām-ı kār nādim olmışdan olmışuz. **Āḥir**, medd-i hemze ve kesr-i ḥāʾ-i muʿceme ile «soñra» dimekdür. **Ez-kerde peşimān**, «nādim olmışdan» dimekdür. Maʿnā-yı mecmūʿ budur. Peşimān, Fārisīdür; Türkīde daḥı müstaʿmeldür. Maʿnāsı, «nedāmet çekmek» ve «teʿessüf eylemek»dür. Bu lafzda şart-ı tevbeye işāret vardır. Zīrā tevbe-i maḥbūl nedemden ibāretdür, ve seyecāʾ tafşilehū. Geşteʿīm, «olmuşuz» dimekdür, kemā merre.

﴿ روز و شب اندر معاصی بوده ایم ﴾ Gündüz ve gıcede maʿāşī içinde olmışuz. **Rūz**, bunda «gün» maʿnāsınadır. ʿArabīsi «yevm ve nehār»dur. Ve daḥı baʿzı maḥallde «ṭālīʿ ve kuvvet» maʿnāsına daḥı gelür. Nitekim gün görmiş pīr ve ihtiyār ve sāl-ḥorde-i rüzgār olana «rüz-dīde» dirler. **U şeb**, vāv-ı ʿaṭf ile rüz üzerine maʿtūfdur. Bunda murād «gıce»dür. Ve daḥı bir nevʿ taşdur ki deryāda biter. Şuda ezüp ve kaynadup ʿakd iderler. Maʿlūm ola ki bu güne taʿbīr ile ekşeriya devām murād olunur. [Ü82b] Nitekim bir nüshanuñ devāmından ḥaber virmek maḥallinde Türkīde «gıce ve gündüz» ve ʿArabīde «lejl ü nehār şöyle oldı» dirler. **Ender**, bunda «derūn» maʿnāsınadır. Zarfıyyet içündür; «iç» dimekdür. Maẓrūfı maʿāşīdür. **Maʿāşī**, maʿşıyyetüñ cemʿidür. Ve maʿşıyyet «günāḥ» maʿnāsınadır. **Būdeʿīm**, «olmuşuz» dimekdür. Pes nāzım-ı merḥūmuñ beyt-i sābıkda [S99a] sālḥā ile taʿbīr ve bu beyt-i laṭifde rüz u şeb ile taʿbīr ve beyt-i ātīde dāʿimā ile taʿbīri terakḳī kâʿidesine işāretdür. Ḥulāşası, «dāʿim ʿişıyāna mülāzım olmışuz» dimekdür.

﴿ غافل از یؤخذ نواصی بوده ایم ﴾ Mücrimler ḥaḳḳında nāzil والاقدام فیؤخذ النواصی maẓmūn-ı ʿibret-nizāmından gāfil bulunmuşuz. **Ġāfil**, «gāflet idici» dimekdür. Ġaflet, «idrāksuzluk» maʿnāsınadır ve iki kısma münkasımdur. Biri maḥbūle ve biri mezmūmedür. Ġışmeynūñ tafşili karīben zıkr olunur inşāʾaʿllāhu teʿālā. Bunda murād mezmūmesidür. **Ez**, «an» maʿnāsınadır. **Yüʿḥaz nevāşī**, āyet-i mezkūreye işāretdür. Murād, gāyeti olan ʿazāb-ı düzaḥdur. Yaʿnī her bār maʿāşīde der-kār olmak bize mücrimler sīmāsın bağlatdı. Mücrimlerün ise aḥvālī ḥod Kurʿān-ı kerīmden nümāyān iken biz andan gāfil bulunmuşuz. Pes bizi bu varṭa-i helāke ilḳāya bāʿiṣ hemīşe gāfletdür. Yā Rabb! Ġafleti bizlerden zāʾil idüp tāʿatünde اثر السجود سیماهم فی گürühına dāḥil eyle dimekdür.

﴿ دأما دربند عصيان بوده ایم ﴾ Dā'imā günāh kaydında bulunmuşuz. **Dā'imā**, «ale'd-devām» dimekdür. Lafz-ı mezkûr elsine-i şelâsede şâyî'dür. Maḥşûsan Fâriside hemze ile «îder» daḥı dā'im ma'nâsınadır. **Der**, zarfıyyet içündür. **Bend**, feth-i bâ'-i muvaḥḥide ile Fârisidür. Türkîsi «bağ», 'Arabîsi «kayd»dur. Ve lafz-ı mezkûr gâhî mekr ü hîle ve resîmân ve güreşci oyunu ve kufl ve zerḳ ve ḳarîb ve ḡamm u ḡuşsa ve rehn ve tîmür-i çeprâz ma'nâlarına gelür. Bu ma'ânînüñ bu maḳâma mülâyemeti zâhirdür. Ve gâh lafz-ı mezkûr «besten» lafzından emr-i hâzır olur. Ve terkîb-i tavşîfde vâḳı' olur. Meşelâ, na'l-bend gibi. Ve daḥı düğüm ma'nâsına olur. Nitekim Türkîde düğme didikleri nesneye 'Acem «bendîne» dir. Ve bundan mâ-'adâ daḥı ma'nâları vardır, cümlesi yigirmi dördtür. **İşyân**, bendün müzâfun-ileyhidür. Ma'nâsı ma'rûfdur. **Bûde'im**, «bulunmuşuz».

[Ü83a] ﴿ هم قرین نفس و شیطان بوده ایم ﴾ Hem bi'se'l-ḳarîn olan nefsi emmâre ve şeyṭân-ı la'înüñ ḳarîni bulunmuşuz. **Hem**, bunda «daḥı» ma'nâsına tafşîli [S99b] ḳarîben zîkr olunur inşâ'a'llâhu te'âlâ. **Ḳarîn**, 'Arabîdür; muşâhib ma'nâsınadır. Mâ-ba'dine müzâfdur. **Nefs**, feth-i nûn ve sükûn-ı fâ' ve sîn-i mühmele ile 'Arabîdür. Luḡâtde, «cân ve ḳan ve cesed ve her nesnenün 'ayn-ı zâtı» ma'nâsınadır. Ammâ istilâhda, «ḳuvâ-yı müdrike üzerine müstemil olan ḳuvve-i ḥayvâniyye»dür. Pes kendüye ḳuvve-i 'âḳîlenün itâ'ati meleke olmazsa ḳuvve-i 'âḳîleyi istiḥdâm birle ḳuvve-i şehvâniyye ve ḡazabiyyesinün istediği nesnelere kendüyi ḳandırıcı behîme-i ḡayr-ı murtâza menzilesinde olur. Ol zamân nefsi emmâre olup müztarr oldığı hâlde girih ile ḳuvve-i 'âḳîle mü'temire olur. Lâkin ḳaçan ki 'âḳîle kendüyi râzî kılup devâ'î-i muḥtelifeden kendüyi men' eylediği vâḳtde 'âḳîlenün ḥizmetin edâ ve emr ü nehyde dā'imā râm olup mütemerrinen miyân-beste-i kemer-i itâ'at olur ise ol zamân 'âḳîle muṭma'in olup nefsi mü'temire olur. Ḳaldı ki itâ'atde temerrün ü devām göstermeyüp gâh muṭ'â ve gâh 'âşîye olur ise itâ'ati ṭursun ammâ 'âşîye oldukça hevâsına tâbi' olup soñra nâdime olur ise ol zamân nefsi levvâme olur. İmdi bu muḳaddeme üzre nefsi üç kısımdur. Emmâre, 'âşîyedür; muṭma'inne muṭ'âdur; levvâme, muḳtaşida ve muḥteliṭadır. Tafşîli inşâ'a'llâhu te'âlâ maḥallerinde beyân olunur. Bu maḳâmda nefsdan murâd emmâredür. Ḳarîne-i maḳâliyyesi ma'ṭufî olan şeyṭândur ki ma'rûfdur. Pes nefsi ile şeyṭânın sū'-i ḳarîn oldukları âyât u eḥâdîs ile şâbitdür. hattâ nefsi düzaḥ-meşrebdür ki toymaḳ bilmeyüp her bâr هل من مزيد dir. Ve şeyṭân nâr-ı semûmdan maḥlûḳdur. Böyle âteşin-meşreb ve âteş-ḥilḳat olanın sū'-i ḳarîn idikleri bedîhîdür, dimişlerdür. İmdi nâzımuñ bu beytinün neticesi: Yâ Rabb! Bizler ḳuyûdât-ı lezzât-ı cismânî ile giriftâr-ı kayd-ı işyân ve maḥbûs-ı zindân-ı tuḡyân olduğumuzdan sa'y-ı esbâb-ı yevm-i ḥisâb ve ḥasbe'l-'amel iktisâb-ı şevâbdan [Ü83b] pes-mânde ve bend-i girân-ı zünûbdan dermândelerüz. Ol bend-i işyândan ḥalâş [S100a] ve tâ'atüne iḥtişâşımız tevfiḳuña mevḳûfdur. Ve illâ sū'-i ḳarînlerimiz olan nefsi emmâre ile şeyṭân gibi düşmenânın elinde helâkimüz muḳarrerdür. Bizi bu ḳuyûdâta giriftâra sebeb anlardır. İlahî! Tâ'atüne tevfiḳuñı refîḳ ve rızâña muvâfiḳ a'mâle muḳâreneti teysîr eyle. Zîrâ itâ'atüne muvaffâḳ olduğumuzdan. **Bûde'im**, «olmuşuz» dimekdür.

﴿ بی کنه نکشته برما ساعتی ﴾ Günâhsız geçmemişdür üzerimize bir sâ'at. **Bî-güneh**, «günâhsız» dimekdür. Bî, edât-ı nefydür. Güneh, günâhdan muḥaffefdür. **Negzeşte**, «şavuşmuşdur»

dimekdür. Evvelinde olan nûn nâfiyedir. Güzeşte zamm-ı kâf-ı ‘Acemî ile ism-i mef’ûldür. Mezkûr kâf harf-i nefy duhûlünde mazmûm ve sâkin okınmağ câ’izdür. Lâkin mâ-naḥnü fîhi gibi zarûret-i vezn iktizâsında elbette sâkin olmalıdır. **Ber-mâ**, «üzerimûze» dimekdür. **Sâ‘atî**, lafzında yâ’ vahdet içündür. Ma‘nâ «bir sâ‘at» dimekdür. Pes bunda sâ‘atden murâd ma‘rûf olan sâ‘at-i ‘örfîdür. Zîrâ maḳām-ı i‘tizâr ü istirhâmda mübâlağa maḳbûldür. Sâ‘at-i ‘örfînûñ sâ‘at-i şer‘iden ebleğiyyeti ezherdür. Ve daḥı bu mısırâ’n mefhûmı üzre sâ‘ât-i ‘ömrûñ cümlesini günâhkârlığa maḳrûndur demek iddi‘â ve mübâlağadan kinâyedür. Ve bunda kizb lâzım gelmez. Zîrâ kizb ile iddi‘â beynlerinde fark vardır ki kizbûñ kâ‘ili ḳavlinûñ şıdkını da‘vâ ider. Lâkin iddi‘â bunun gayrıdır. Mübâlağadan kinâye didikleri budur. Nitekim Sa‘dû’d-dîn ‘aleyhi rahmetü’l-Meliki’l-Mu‘în Muṭavvelinde اعذب الشعرا كذبه maḳâlesin ḥallde bu minvâl üzre taḥḳîḳ buyurmuşlardır. Yâḥod nâzımûñ bu vechile ta‘bîri mısırâ‘-ı şânî mefhûmını mülâḥazasına binâ’endür ki ḥuzûr-ı ḳalb ile olmayan ‘ibâdât ve ferâğ-ı bâl ile kılınmayan şalât gûyâ günâh menzilesindedür, dimekdür. Nitekim حسنات الابواب سيئات المقربين bu taḥḳîḳa yaḳındır ki buyurur:

﴿ يا حضور دل نكرده طاعتي ﴾ ḳalb ile bir tâ‘at eylememişüz. **Bâ**, ma‘iyyet ma‘nâsınadır. **ḥuzûr-ı dil**, ḳalbûñ şevâğılından ferâğ ve ihzârından ‘ibâretdür ki, zevḳ-ı bâṭın kendü ile [Ü84a] ḥâşıl olur. İnşâ’a’llâhu te‘âlâ tafşîli aşağıda beyân olunur. İcmâlen beyânı böyledür ki, zevḳ-ı bâṭın didikleri ḳalbûñ ḥayâtından ‘ibâretdür. Kaçan rûḥ-ı insânî bu zevḳ ile ğidâ-yâb olsa tâ‘âtde vâsıl-ı lezzet-i bî-ḥisâb [S100b] olup ‘ibâdet kendüye sıklet ü kerâhet virmez. Ammâ bunun ‘aksi üzre olanuñ şûre-zemîn ḳalbi menâfi‘-i ḥuzûr ve lezzet-i nâ-maḥşûrdan ḥâlî olup ḥâşılı ḥasr u ḥusrân olur. **Ne-kerde**, kelimesinûñ âḥirinde nefis-i mütekellim-i ma‘al-ğayr için ‘alâmet olan «īm» lafzı taḳdîriyle ne-kerde’īm ya‘nî «eylememişüz» dimekdür. **Tâ‘atî**, âḥirinde olan yâ’ vahdet içündür. Tâ‘at ma‘rûfdur. Ma‘lûm ola ki ferâğ-ı bâl ile olan a‘mâlî lâ-şey ‘add eyledikleri meşhûr-ı miyâne-i havâşşdur. ḥattâ ḥuzûr-ı ḳalb ile tâ‘at rûkn-i kavî-i ḳabûl-i ‘ibâdetdür dimişlerdür. (...) Pes bâ‘is-i ḥayât-ı dil-i bî-ğıll ve bâdî-i zevḳ-ı bâṭın olan ḥuzûr-ı dil bu miḳdâr fevâ’idi câmi‘ olup bilâ-ḥuzûr-ı ḳalb olan tâ‘âte i‘tibâr yokdur demek için nâzım mefhûm-ı muḥâlîf tarîḳıyla ḥuzûr-ı ḳalbe muḳârenet üzre tâ‘ate müdâvemeti Ḥudâdan temennâ eylediği hüveydâdur.

﴿ بر در آمد بنده بکریخته ﴾ Ḳapuya geldi kaçmış ḳul. **Ber-der-âmed**, «ḳapuya geldi» [Ü84b] dimekdür. Ḳapudan murâd bâbu’llâh ve dergâh-ı rahmet-i İlâhdur. Pes bu kelimedede ber lafzı bâ’-i ilşâḳ ma‘nâsınadır. Ma‘nâda «be-der-âmed» dimekdür. Lafz-ı mezkûr her kaçan bilâ-kelime-i bâ’ isti‘mâl olinsa ma‘nâ «içerü geldi» demek olur. Hedâyâya «der-âmed» didikleri bundandır. [S101a] **Bende**, ḳul dimekdür, mâ-ba‘dine muzâfdur. Li-eclî’l-izâfe âḥirine hemze getirilmiştir. **Bigriḥte**, evvelinde olan bâ’ kelimesi zâ’iddür. Giriḥte, «kaçmış» ma‘nâsına ism-i mef’ûldür. Ḥulâşa-i ma‘nâ, emre itâ‘atden firâr ve günâh ile müsteḥaḳḳ-ı iḳâb olan ‘abd-i âbîḳ, encâm-ı kâr tevbe vü istiğfâr ile dergâh-ı rahmet-medâra geldi. Yâ Rabb! Ğufrânûñ ile rahmet ve tâ‘atüne tevfiḳ ile maḳbûl-i ḥizmet eyle dimekdür. Ma‘lûm ola ki ḥadîs-i şerîfi üzre ibâḳ üzre vefât iden ‘abd-i âbîḳ müsteḥaḳḳ-ı iḳâb idigi bî-irtiyâb oldıysa nâzımûñ dergâh-ı rahmete rücû‘ eylemesi muḳteżâ-yı ḥavf u ḥuşû‘ zâhirdür.

﴿ آب روی خود بعضیان ریخته ﴾ Kendi yüzi şuyını ‘işıyān sebebiyle dökmiş ya’nī günāh sebebiyle kendi hürmet ü i’tibār ve nāmūs u vaqārını telef ü tarmār eylemiş dimekdir. **Āb-ı rūy-ı hod**, tetābu‘-ı izāfāt ile «kendi hürmet ü vaqārını» dimekdir. **Be-işıyān**, bā’-i sebebiyyenüñ fethiyle «günāh sebebiyle» dimekdir. Bunda ‘işıyāndan murād sibāk qarīnesiyle t̄a‘atden firār idigi zāhirdür ve e‘amm murād olunmak dağı maqāma mülāyim belki eblağdur. **Rihte**, «dökmiş» ma‘nāsına ism-i mef‘üldür. Hülāşa bī-edeblik itmiş dimekdir. Bu mışrā‘ın mefhūmı mışrā‘-ı evvelde olan ‘abd-i ābıkı bu şan‘at-i zemīme ile tevķīfdür. Murād istirhāmdur. (...) *Laḥḥe*: Ma‘lūm ola ki iktisāb-ı lezzāt-ı dünyeviyye için yüzi şuyını pāy-māl idenüñ diraht-ı ümīdi bī-semer olur. Nitekim bu nükte şecere-i şaḥāfda nümāyāndur dirler. İmdi nāzimuñ netīce-i münācātı, Hudādan rahmet ve Mevlādan celb-i mağfīret olmağın garažın [Ü85a] beyāna şurū‘ idüp buyurur:

﴿ مغفرت داد امید ان لطف تو ﴾ Mağfīret ümīdin tutar senüñ luṭfindan. **Mağfīret**, «yarlıganmak» ma‘nāsınadır. **Dād**, fi‘linüñ muḥaddem-i mef‘ulidür. Dād, fi‘l-i muzāri‘-i müfred-i gā’ibdür. Tahtında [S101b] müstetir fā‘il-i zamīr, beyt-i sābıkda mezkūr olan bende kelimesine rāci‘dür. Ma‘nāsı «tutar» dimekdir. Maşdarı tutmak ma‘nāsına «dāştēn»dür. **Ümīd**, dālūñ taḥfīf ve teşdīdi ile cā’izdür. Lākin bunda zarūret-i vezn için taḥfīf olınmaludur. Ma‘nāsı tevaḥḥu‘-i ḥayrdur ki Fārisīde ümīd, ‘Arabīde recā, Türkīde umud dirler. Nitekim nevmīd olana «umudı yok» didikleri zāhirdür. Ümīdüñ muḥābili Fārisīde «bīm»dür ki tevaḥḥu‘-i şerdür. Buña ‘Acem bīm, ‘Arab ḥavf, Türk kuyūd dimişlerdür. İmdi mā-naḥnu fīhīde ümīd bi-ḥasbi’l-ma‘nā mağfīret kelimesine muzāfdur. Me’alde ümīd-i mağfīret dimekdir. **Ez-luṭf-i tu**, «senüñ luṭfindan» dimekdir. Hiṭāb Hudā-yı müte‘āledür. Ya’nī, yā Rabb! ‘İşıyān-ı bī-pāyān ile müsteḥaḥḥ-ı ‘azāb-ı nīrān olmuşuz isek de senüñ luṭfūñden ümīd-i gufrān u recā’-i ‘afv-ı ‘işıyān tutaruz.

﴿ زانکه خود فرموده لاتقنطوا ﴾ Zīrā ki Ḳur’ān-ı Kerīmde ‘azametüñle یا عبادى الذين اسرفوا على انفسهم لاتقنطوا من رحمة الله ان الله يغفر الذنوب جميعا انه هو الغفور الرحيم buyurmuşsin. **Z’ān ki**, ez-ān ki kelimesinden muḥaffedür. Ma‘nā «andan ötüri ki» dimekdir. **Hod**, «kendüñ»; **fermüde-i**, «buyurmuşsin» dimekdir. Āḥirindeki hemze hiṭāb içündür. Hiṭāb cenāb-ı Rabbü’l-erbābadur. **Lā-taḥneṭü**, bu kelām-ı şerīf henüz zikr olınan āyet-i laṭīfe imādur. Türkīde «fermüde-i» ḳavlinüñ meḳūlidür. Ma‘nāsı «ḳaṭ‘-ı ümīd eylemeñüz» dimekdir. İmdi hülāsa-i beytde ma‘nā-yı murād, ‘işıyānımız her neḳadar firāvān ise luṭfūñle iğtirār eyle gufrāna ümīd-vāruz dimekdir.

﴿ بحر الطاف تو بى پایان بود ﴾ Senüñ elṭāfuñ deryāsı bī-nihāyetdür. **Baḥr-i elṭāf-ı tu**, tetābu‘-ı izāfet ile «senüñ luṭflaruñ deñizi» dimekdir. Baḥr, ‘Arabīdür. Luğatde «yarmak» ma‘nāsınadır. Pes deñiz ve çok şu, yirleri şaḳḳ itdigi için yāḥod ‘amīḳi ve aṣağısı olduğı için baḥr dimişlerdür. Eşcāra baḥr didikleri miyāneleri meşḳūḳ olduğındandır. Ve Fārisīde deryā, türkīde deñiz ile mu‘teberdür. **Elṭāf**, cem‘dür. Müfredi luṭfdür. Luṭfūñ [Ü85b] ma‘nāsı dībācede sebḳ eylemişdür. Baḥrūñ elṭāfa izāfeti lecīnū’l-mā’ ḳabīlindendir. **Tu** kelimesi, Hudāya hiṭābdur. [S102a] **Bī-pāyān**, «nihāyetsiz» dimekdir. Zīrā bī, edāt-ı nefydür. Pāyān, nihāyet ma‘nāsınadır. **Būd**, edāt-ı ḥaber olan «est» ma‘nāsına olmak rüşendür. Bundan murād, Hudānuñ erḥamū’r-rāḥimīn idigin ‘ibāda i‘lān ve vūs‘at-i gufrān-ı

Rabbü'l-âlemîni beyândur. (...) İmdi cenâb-ı Müt'âlûñ deryâ-yı rahmetinüñ vüs'ati, derk-i hâric-i hîta-i 'uqûl-i beşerdür. hattâ bu muhîf-i âlem-i dünyâ olan bihâr-ı seb'a, deryâ-yı bî-pâyân-ı rahmete nisbet bir kaçre degüldür dimişlerdür. *Nâzm:*

Şu deñlü çokdurur yâ Rabb günâhım
Yazarsam niçe yüz biñ satra olmaz
Eger deryâ-yı bî-pâyân olursa
Bihâr-ı rahmetüñden kaçre olmaz

(...) Vüs'at-i rahmet hakkında olan âyât u ehâdîsüñ ba'zıları maḥalliyle zikr olunur inşâ'a'llâhu te'âlâ.

﴿ نا امید ان رحمت شیطان بود ﴾ [Ü86a] Senüñ rahmetüñden ümidsiz olan şeytândur. **Nâ-ümîd**, «umudsuz» dimekdür. Ya'nî kaç-ı ümîd eyleyen. **Ez-rahmetet**, «senüñ rahmetüñden» dimekdür. Ez, 'an ma'nâsınadır. Rahmet, ma'rûfdur. Âhîrindeki tâ'-i sâniyye, hitâb içündür. Muḥâtab Mevlâdur. **Şeytân bûd**, «şeytândur» dimekdür. Buña göre bûd [S102b] kelimesi «est» ma'nâsına olur, kemâ-merre. Fıkrateynde bûd, «ola» ma'nâsına olmak daḥı mülâyimdir. İmdi rahmet-i Bârîden kunûf, fi'l-i şeytândur. Bunun tafşîli inşâ'a'llâh maḥalliyle beyân olunur. Hülâşa-i kelâm rahmet-i Rabbü'l-âlemîn, kahr u gâzabına sâbık ve hemîşe müznibîne lâhıkdur. (...) Pes nâzım rahimehu'llâh sâbıkda nefis ü şeytâna qarîn oldıgım ikrâr hasebiyle maḳâm-ı istirhâmda: “Ol sū'-i qarînler meslek-i rızâ-yı Rabbü'l-enâm olan rāh-ı tāt'imüzi kaç eyledik diyü itizâra ibtidâr idüp buyurmuşdur:

﴿ نفس و شیطان زد کریم راه من ﴾ Nefs ile şeytân yolımı kaç eyledi iy kerîm Allâh. **Nefs ü şeytân**, «nefs-i emmâre ve şeytân-ı 'aleyhi'l-la'ne» dimekdür. Pes nefis-i emmârenüñ mezîd-i 'adâveti hadîs-i münîfi ile şâbitdür. Ve şeytân-ı mel'ûnuñ 'adâveti âyet-i mübîn ve hadîs-i Faḥru'l-mürselîn ile müşbetdür. Ve her birinüñ mekr ü hîlesinden 'adem-i ḥalâş zâhir ve şiddet-i 'adâvetleri hasebiyle galebeleri işbu beyt-i dil-ârâdan bâhirdür. *Hâfîz:*

دام سختت مکر یار شود خدا
ور نه ادم نبرد صرفه ز شیطان رجیم

Ya'nî dām-ı şeytân sa'b u müşkildür meger lutf-i Hudâ yâr ola. Yoksa âdem şeytân-ı racîmden ziyâde iletmez. Ya'nî anuñ [Ü86b] mekrinden ḥalâş bulmaz. (...) Kaldı ki egerçi nefse ilkâ'-i vesvese şeytân-ı la'indendür. Lâkin icrâ'-yı mel'anete nefis âlet olup şâhibine hücûm ile 'ayn-ı mazarrat oldıgından ve hucûmını def ile yedinden ḥalâş olmak, vesâvis-i şeytânı men'eden ziyâde tedârüklere muhtâc oldıgından ve isti'âze ile tard olunmayup her bâr şâhibine yâr-ı gaddâr oldıgından [S103a] nâzım nefsi şeytân üzerine taḳdîm eylemişdür. **Zed**, mazî-i müfred-i gâ'ibdür. «Urdı» ya'nî «kaç eyledi» dimekdür. Fâ'ili tahtında müstetir zamîr 'alâ-sebîl-i-bedel nefis ve şeytâna râcîdür. Maşdarı «zeden»dür, urmaḳ ma'nâsınadır. **Kerîmâ**, âhîrindeki elif nidâ içündür. Me'âlde «iy Kerîm» dimekdür. Kerîm esmâ'u'llâhdan şıfat-ı müşebbehdür. Ma'nâsı «ihsân idici ve günâhdan geçici» dimekdür. Pes esmâ'-i Celâl içinden ism-i Kerîmi ihtiyârûñ bu maḳâma mülâyemeti âşkârdur. **Râh-ı men**, izâfetle «benüm yolumı» dimekdür.

Qaldı ki nâzım ikrâr-ı cerâ'imde yûkarudan beru neſs-i mütekellim-i ma'al-ğayr ſîğâsın ihtiyâr idegelmişken recâ-yı 'afva ibtidârında neſs-i mütekellim-i vaħde ſîğâsın ityânı bir kaç veche mebnîdür. (... [Ü87a]...)

﴿رحمتت باشد شفاعتخواه من﴾ Raħmetüñ [S103b] beni senden ſefâ'at idici ola. **Raħmetet**, tâ'-i ſâniyye Hudâya ħiṭâbdur. **Bâsed**, muzâri'-i müfreddür. İſtılâh-ı Fârisîde «temennî ve tereccî» ma'nâsınadır, «ola» dimekdür. **Şefâ'at-ḥ'âh-ı**, terkîb-i tavşîfidür. Ma'nâsı «dilek dileyici»dür. 'Arabîsi ſeff'ür. Şefâ'at, dilek itmek ve esirgemek ve güneħkârı ſâliħe zamm itmekdür. Ḥ'âh, taleb ma'nâsına emrdür. Ba'de't-terkîb ma'nâsı «şefâ'at idici» dimek olur. Mâ-ba'dine muzâfdur. Muzâfun-ileyh **men** lafzıdır. Ma'nâsı ma'rûfdur. Ma'lûm ola ki Raħîmüñ raħmını ſefâ'ate vesîle ittiḥâz eylemek öteden beru de'b-i şu'arâ ve deydên-i zurefâdur. (...) İmdi ħulâsa-i ma'nâ-yı beyt de, yâ Rabb! Cenâb-ı rızâ ve raħmetüñne müvşıl olan tarîķı neſs ü şeytân kaç itmegin ħâlüm düşvâr olmuşdur.[Ü87b] Pes metâ'-i imânımı ol a'dâlaruñ şerrinden emîn ü maḥfûz ve be-her-ħâl 'ayn-ı 'inâyetüñle melḥûz olmağa raħmetüñi ſeff' ittiḥâz eyledüm. Recâm budur ki raħmetüñ bu yolda hem-râh ve bâ'is-i 'afv-ı günâhum ola, dimekdür. Nitekim buyurur:

﴿چشم دارم کز کنه پاکم کنی﴾ Ümîd tutaram ki beni günâhdan 'arî idesin. **Çeşm**, aşl-ı ma'nâsı «göz»dür ki, 'Arabîsi «'ayn»dur. Lâkin bunda «ümîd» ma'nâsınadır. Nitekim Düstûru'l-'Amel nâm kitâbda eyidür: Çeşm, ümîd ma'nâsınadır. Zâhir aşlı «çeşm-i ümîd»dür. Keşret-i isti'mâlden muzâfun ileyhi ħazf olunmuşdur, intihâ. Pes **çeşmdârem**, «ümîd tutarım» dimek olur. Çeşmdâr, terkîb-i tavşîfidür. Âħirindeki mîm, zâmîr-i neſs-i mütekellim-i vaħdedür. **K'ez-güneħ**, ki ez-günâhdan muḥaffefdür. Ki lafzı râbıṭadur. Ez lafzı 'an ma'nâsınadır. Güneħ, suç ma'nâsınadır. **Pâkem**, «beni pâk» dimekdür. **Konî**, muzâri'-i muḥâṭabdur, «idesin» dimekdür. İmdi günâhdan pâklik, egerçi seyyi'ât-ı mâziyyenüñ ħufrânından 'ibâretdür. Lâkin bi-mu'aveneti'l-maḳâm zünûb-ı mâziyyeden [S104a] taṭhîr ve fî'l-i ħabâyıl-ı müstaḳbeleden ħimâyet recâ olunmağ âşkârdur.

﴿پیش ازان کاندز جهان خاکم کنی﴾ Andan öñdin ki cihân içinde beni ħâk idesin. Ya'nî lede'l-vefât ħabrde beni ħâk itmezden muḳaddem ħayâtde iken âb-ı ħufrân ile günâhdan pâk eyleyesin ki ba'de'l-memât ħaṭâyâdan nâr ile taşfiyye ve günâh sebebiyle olacağ 'azâb ve fîtne-i mezâra düçâr olmam dimekdür. (...[Ü88a]...) İmdi nâzımuñ murâdı, beni ba'de'l-memât olacağ 'uḳubâtdan ħıfz idüp baħr-i ħufrânıñ ile günâhdan beni pâk eyleyesin dimekdür. Nitekim ba'zı nüſhada cihân yirine «laħd» vâķı'dur. Laħd mezâr ma'nâsınadır. **Pîş ez-ân k(i)**, «andan öñdin ki»; **ender-cihân**, «cihân içinde»; **ḥâkem konî**, «beni türâb eyleyesin». Ma'lûm ola ki lafz-ı ħâk, türâb ma'nâsına olduğı gibi gâĥi mezâr ve iķlîm ma'nâlarına gelür. Nitekim Şeyḫ Sa'dîñüñ *naẓm*:

ازین خاکدان بنده' پاک شد

که دریای کمتر کسی خاک شد

الا ای که [S104b] بر خاک ما بگذری

بخاک عزیزان یاد ادری

beytlerinde «hākdān» lafzından murād, iqlīm-i dünyādur. «Hāk şod» kelāmından murād türābdur. «Ber-hāk-i mā» ve daḥı «be-hāk-i ‘azīzān» kelāmılarından murād, qabr ü mezārdur. Pes nāzımuñ hāk qavlınden türāb murād olunmaq ezhərdür ki cümleñüñ vücdü ‘ākıbet hāk olacaqdur. Ammā enbiyā’-i kirām ve evliyā’-i ‘izām ve şühedā ve ‘ulemā’-i a‘lāmuñ vücdü-ı şerīfleri qabrde çürimez didikleri üzre nāzımuñ gürūh-ı evliyādan ma‘dūdiyyeti hasebiyle «hākem koni» kelāmında hākden, mezār-ı züvvār murād olunmaq daḥı mülāyimdür. Qaldı ki evliyā olandan bu maqūle münācāt şudurı cā’iz ve meşhūrdur. Nitekim erbāb-ı hāl olanlardan bu güne itizārlar vāqı’dur. (...) Pes nāzım raḥimehu’llāh ان الله يحب المصلحين بالدعاء ḥadīṣ-i [Ü88b] şerīfine binā’en münācātı bu miqdār dirāz idüp ve bu miqdār sūz u güdāzdan maqşūd ḥüsn-i ḥitām-ı nūr-ı imān ile ‘azm-i dārü’s-selām idigin ibrāz içün ḥātıme-i münācātında buyurur:

﴿ اندر آندم کز بدن جانم بری ﴾ Ol demde ki bedenümden cānumı iltürsin. **Ender-ān dem ki(k’ez)**, «ol nefesde ki» dimekdür. Murād şoñ nefesdür. İmdi ender, zarfiyyet içündür. Ān, ism-i işāretdür. Dem, «nefes» ma’nāsınadır. Ki, rābıtaadır. **Ez-beden**, «tenden» dimekdür. Ez, ‘an ma’nāsınadır. Beden, ‘Arabīdür. Fārisīsi «ten»dür. Türkīde «gögde» dirler, merre beyānuhū. **Cānem**, fetḥ-i nūn iledür. Zīrā āhirindeki mīm-i mütekellim āhirüñ fetḥin muḳtezīdür. Ma’nā «cānumı» dimekdür. **Berī**, fetḥ-i bā’-i muvaḥḥide-i aşıyye ile muzāri‘-i müfred-i muḥāṭabdur; «iltürsin» dimekdür. Maşdarı zamm-ı bā’ ile «bürden»dür. İletmek ma’nāsınadır. Bu maşdardan müştakḳ olan ef’āllerin de bā’ ḥarfıñüñ meftūḥ kılındığı zamm-ı bā’ ile kesmek ma’nāsına olan [S105a] «bürden» maşdarından müştakḳ olan ef’āllerüñ beyñlerüñ fark içündür, fe’l-yaḥfaz. Pes bunda نفس ذائقة الموت āyet-i mübīni mişdākıñca mevti ikrār vardır. Ve bu emr-i ğayr-ı ḥaffıyī īrād mışrā‘-ı şānīye temhīd içündür. Ya’nī, yā Rabb! Herkesüñ mevti ḥulūl-i ecel-i mev’ūd ile muḳarrerdür. Benüm daḥı ecelüm ḥulūl itdikde:

﴿ از جهان با نور ایمانم بری ﴾ Cihāndan beni nūr-ı imān ile iltesin. **Ez-cihān**, cihāndan ya’nī «dünyādan» dimekdür. **Bā-nūr-ı imānem**, «beni imān nūrı ile» dimekdür. Bā, ḥarf-i ma‘a ma’nāsınadır. Nūr, ‘Arabīdür, «aydınlık» ma’nāsınadır; ziyā gibi. Egerçi ba‘zı erbāb-ı luġat جعل الشمس ضياء هو الذى nazm-ı münifīyle istidlālən lafz-ı ziyā kelime-i nürdan aqvādur dimişlerdür. Lākin ba‘zılar nūr ile ziyāyı bir şaymışlardır. Nāzımuñ kelāmında daḥı böyle murād virmek maḳāma münāsibdür. (...[Ü89a, Ü89b, S105b]...)

Der-Nekūhiş-i Nefs-i Emmāre

Ya’nī bu beyān nefis-i [S106a] emmāreyi terzīl ü taḥḳīr ve giriftār-ı pençe-i teşḥīr ü esīr itmek ḥālını ‘ıyān içündür. Malūm ola ki qarīben işāret olındığı üzre nefis-i emmārenüñ mażarratı keşīre ve belıyyatı vefīre olup istişlāḥı ehemmi-ı umūrdan olmağın evvelā nefsin işlāḥına mübāderet kār-ı uḳalā idigin beyāna mübāşeret olınmışdur.

﴿ عاقل آن باشد که او شاکر بود ﴾ ‘Āqıl ol kimsedür ki şākir ola. **‘Āqıl**, «sāḥib-i ‘aql» dimekdür. ‘Aql, ‘Arabīdür. (...) İmdi ‘aql didigimiz bir nūr-ı İlāhīdür ki ma‘deni ḳalbdür. Şu‘ā‘ı dimāğdadur. Dimāğ aña fetīl ü zeyt gibidür. Qaçan ol şu‘ā‘ münḳaṭı‘ olsa şāḥibine cünūn el virür. Ḥattā ‘aql ile işāret-i

İlâhiyyeye iltifât eylemeyenün ‘aqlı zevâl-pezîr olur dimişlerdür. Meşelâ ‘aql, lafz-ı âdem gibidür. Âdemün başından ‘aql gitdikde elifi giden âdem gibi «düm» kalur. Düm, lûgatde kıyrukdur. Zenebe zillet der-kâr olmağıla haķır kalur dimekdür. Zîrâ insân sâ’ir hayvândan ‘aql ile eşref ü efdaldür. ‘Aqlı olmayan kimse hayvândan ednâ vü eđalldür. Ve dađı ‘inde’l-hukemâ ‘aql dördür: ‘Aql-ı heyûlânî, ‘aql bi’l-fîl, ‘aql bi’l-meleke, ‘aql-ı müstefâd. Bu aķsâmuñ herbirinün ta’rîf ü cihât-ı temyîzleri Şerh-i Mevâkıfuñ dîbâcesinde mübeyyendür. Ammâ meşâyih-ı şüfiyye ‘indinde ‘aql ikidür. Biri, ‘aql-ı ma’âşdur ki şâhibi, dünyâsına nâfi‘ talebde mevânî’in def’ ider. Ve biri dađı ‘aql-ı ma’âddur ki şâhibi, ‘uķbâsına nâfi‘ talebde mevânî’in ref’ idüp ‘inda’llâh maķbûl olur. Pes nâzımuñ kelâmındaki ‘aqlıdan murâd ‘uķbâsına nâfi‘ taleb ile mevânî’i râfi‘ olandur demek zâhirdür. (...) Pes bu maķâmda ‘âķıl ‘Arabîdür. Ammâ Fârisîde ‘âķıl [S106b] lafzı «tağ keçisi» ma’nâsınadır, kezâ fî-Ferheng. Bunda ma’nâ-yı Fârisîsi murâd olınmağa ihtimâl yokdur. **Ân bâşed ki**, «ol kimse ola». Ân, ism-i işâretdür. Bâşed, ma’nâsı ma’rûfdur. Ki lafzı bunda ismdür. Ma’nâsı «kimse» dimekdür. **O**, zamîr-i gâ’ibdür; ki lafzına râci’dür. **Şâķir**, ism-i fâ’ildür; «şûkr idici» dimekdür. Şûkr, zamm-ı şîn-i mu’ceme ve sükûn-ı kâf ve râ’-i mühmele ile ‘Arabîdür. Lûgatde, bir kimesneyi ta’zîmen medh ü şenâdur. Ve iştilâhda, mün’im olduğı ģasebiyle kendüye ta’zîmi müş’ir olan fî’le dirler. Kaçan şûkr Ĥudâya nisbet olınsa kaķbûl ma’nâsına olur. Şûkrüñ esbâb u envâ’ı inşâ’a’llâhu te’âlâ maķallinde beyân olunur. **Buved**, [Ü90a] «ola» dimekdür. Pes nâzımuñ ibtidâ’-i beyânda şûkre terġîbi, şûkrüñ bâ’is-i tezyîd-i ni’met ve bâdî-i celb-i rızâ-yı Rabbü’l-‘izzet olduğına binâ’endür. Ve şâķirler için tezâ’üd-i ni’am maķtû’dur. لئن شكرتم لازيدنكم vârid olmuşdur. (...) Ve dađı şûkr-i kâmil kalb ve lisân ve cevârih ile olur. Pes kalb ile şûkr kâffe-i nâs için ģayr kaşd itmekdür. Lisân ile şûkr Ĥudâya ģamd itmek ve Ĥudâdan izhâr-ı rızâdur ve lisân bunuñla me’mûrdur. (...[S107a]...) *Fâ’ide*: Ma’lûm ola ki ‘aql didigimüz mu’allim yirindedür. Kaçan insân ‘aql-ı ma’âda ittibâ’ ile taķşîl-i ģikmet eylese tadrîcen menba’-ı ģikmet olup levh-i ģâfiż iken ber-levh-i maķfûz olur. Zîrâ ģıfz itdiği ‘ulûm u ma’ârifüñ kemâle bulûğında cehl ü ģaflet ve ģaķar zeleden pâķ bir levh-i maķfûz olur. Ya’nî bu mertebede âyine-i kalbi mücellâ olmağın levh-i maķfûza muķâbeleden nâşî [Ü90b] nigâşte-i levh olan esrâr-ı İlâhînüñ bir niçesi bi-fazlî’llâhi te’âlâ bunda munteķiş olmağıla ol tâlib-i ģikmetin ‘aqlı kendi rûģından maķfûz olup bi’avni’llâh feyz-yâb olur. Ol vaķtde ‘aql kendüye bir şâķird maķâmında olup ol kimsenün rûģı ve ‘ilmi, mertebe-i ‘aqlıdan ‘âlîter ve ģaķķa vüşûli muķarrer olur. Zîrâ bu cevâriģları Ĥudâ a’mâle işâret ģalk eylediğini ve netîce-i a’mâl neyl-i ni’am-ı âģiret olduğını lisân-ı ma’nevî ile taķrîr ü ta’lîm için ‘aql, bir ‘ibâret-i İlâhîdür. Pes ol müşâr olan a’mâl için Ĥudâ saña kuvvet ü ģudret ve nefse muķâlefet ni’metlerin kerem eylediğı esrârı tefekkûr ile teşekkûr ‘aqluñ kârıdur. Pes mevhibe-i İlâhî olan kuvvet-i bedeniyye ni’metinün şûkri, bedeni tâ’ate şarfıdur ve nefis ile mücâhedeye sâ’î olmaķdur. Qaldı ki nefis için ‘ibâdet zamânında tâ’ate kuvvet ve muķâlefet-i hevâ-yı nefse ģudret der-kâr iken, nefis-i emmâre cebre gidüp: “Benim tâ’ate ģudret ü kuvvet ve istiĤâ’atim yokdur” diyü küfrân-ı ni’met ider ise kendüyü mağlûb u zebûn itmek için mücâhede gerekdür. Nitekim nâzım buyurur:

﴿ وانكهی بر نفس خود قادر بود ﴾ Ve ol vaķt kendi nefsinün üzerine ģâdir ü ģâlib ola. **V’ân**

gehî, vâv âtîfedür. Ân, ism-i işâretdür. Geh lafzı, kâf-ı ‘Acemînüñ fetĥi ve hâ’-i resmî ile ģâh lafzından

muḥaffefdür ki bunda ma'nası «vakt»dur. Âhîrindeki yâ harfî taḥsîn-i lafz için zâ'iddür. Ma'nâ «ve ol vakt-i şâkiriyyetde» dimekdür. **Ber-nefs-i ḥod**, «kendi nefsinün üzerine kâdir ü gâlib»; [S107b] **buved**, «ola». Pes nefsün mağlûbiyyeti, ahlâk-ı ḥamîde ile ittişâf ve ahlâk-ı zemîmeden ihtirâza vâbeste olup ve ahlâk-ı zemîme içinden ğaḍab, şâhibini mazhar-ı suḥt-ı Rabb eylediginden ḥuşûşiyle bundan ictinâb ehemmdür dimege mefhûm-ı muḥâlîf tarîkıyle işâret zımnında, ifrât-ı ğaḍabdan 'ibâret olan tehevvrün zıddı didikleri cümleden nâsî kazm-ı ğayz iden kimesne mazhar-ı selâmet-i dünyâ vü 'uḳbâ ve dâḥil-i defter-i 'uḳalâ idigin imâ [Ü91a] için nâzım raḥimehu'llâhu te'âlâ buyurur:

﴿ هر که خشم خود فرو خرد ای جوان ﴾ Her kim ki kendi ğaḍabını yutdı iy cüvân! **Her ki**, «her kim ki»; **ḥısm-ı ḥod**, izâfetle «kendi ğaḍabını» dimekdür. Ḥısm, keşr-i ḥâ'-i mu'ceme ile meşhûrdur. Ammâ çeşm ü peşm vezninde feth ile faşîhdür; «kaşımak» ma'nâsınadır. 'Arabîde ğaḍabdur. Ğaḍablu diyecek yirde 'Acem, ḥısmgîn; 'Arab, ğadûb dirler. **Fürû**, fâ'nuñ ve râ'nuñ zammeleri ve vâvuñ sükûniyle «aşağı» ma'nâsınadır. Nitekim fürû-mâye lafzında böyledür. Aşlı fürûd idi. Âhîrindeki dâl tahfîfen ḥazf olunmuşdur. Lafz-ı mezkûr ba'zı maḥallde taḥsîn ü te'kid için zıkr olunur. Mâ-naḥnü fihide ma'nâ-yı mezkûr murâddur. **Ḥord**, mâzî-i müfred-i ğâ'ibdür; «yutdı» dimekdür. Maşdarı «ḥorden»dür. 'Arabîsi «kazm»dur. **İy cüvân**, «iy yigit» dimekdür. İy, harf-i nidâdur. Cüvân, zâmm-ı cîm-i 'Arabî ile Fârisîdür. Tâze yigit ve sâ'ir genç olan ḥayvânâta 'ıtlâk olunur. Ve sâde-rû maḥbûblaruñ 'alemidür. Nitekim şâ'ir *beyt*:

جوان اسب و جوان سال و جوان بخت

که خدمت کردن ایشانرا بود سخت

buyurmuşdur. Pes nâzımuñ ḥiṭâbı cüvâna nisbet eylemesi; aşl yigitlik kazm-ı ğayz eylemekdür dimek nüktesin imâ içündür. Yâḥod 'unfuvân-ı şebâbet ḥükmiyle cüvân-sâl olanda ğaḍûbiyyet der-kâr olduğunu işâret içündür.

﴿ باشد او از رستکاران جهان ﴾ O cihânun kurtılmışlarından ola. **Bâşed**, «ola». **O**, zamîrdür; kâzım-ı ğayz olan kimesneye râci'dür. **Ez-restgārân-ı cihân**, «cihânun kurtılmışlarından ve nîkûkârlarından» dimekdür. Ez, min ma'nâsınadır. Restgārân, elif ü nûn ile cem'dür. Müfredi restgârdur ki ma'nası «ḥalâş olmuş ve nîkûkâr»dur. [S108a] Pes restgâr için aşağıda baḥş-i maḥşûş gelecekdür; in-şâ'a'llâhu te'âlâ maḥalliyle beyân olunur. Cihân bunda dünyâ ve 'uḳbâdan e'amm olmaḳ rûşendür. Zîrâ kazm-ı ğayz idenler العافين والكاظمين الغيظ و âyet-i şerîfî mantûḳınca mev'ûd bi'l-cinândur. (...) Pes nâzımuñ kelâmında من كف غضبه سترالله عورته ḥadîs-i şerîfine imâ vardır. Ve nefsün şehevâtı medfû' ve kendü mağlûb olmadıkca kazm-ı ğayza iktidâr bulunmadığına beyt-i sâbıkuñ bu beyt üzerine taḳdîminde nükte vardır. Ma'lûm ola ki [Ü91b] şehevâtı ittibâ' ile ğaḍab 'ayn-ı insânı aḥvâl ü naẓar-ı istikâmetde muḥavvel ider. Ya'nî bunlar âdemün başa u başîretine 'ilel-i ḥalel virtüp 'adl ü istikâmetden muḡayyer ü mübeddel eyler. Ol zamân âdem meyl-i Ḥaḳḳdan dūr ve ḥaḳıḳat-bîn olmaḳdan mehcûr olur. Nitekim ḥazret-i Mevlânânun *meşnevî*:

خشم و شهوت مرد را احوال کند

ز استقامت روح را مبدل کند

diyü buyurduğu bu ma'nacadır. Ve yine sultānū'l-ʿarīfīn Meşnevīsinde eyidür: Kazm-ı ğayza kâdir olmayan kimesnenün mişâli, nâ-hemvâre ta'am tenāvül idüp 'adem-i hazmından nâşī anı kay' kılıp dehānından hārice ihrāc iden gibidür. Ya'nī kazm-ı ğayz ile kendü kendüyi zabta kâdir olmayanın dehānından çıkan kelimāt-ı nâ-hemvār, kay' gibi fenā nesneler olmanın lede'l-hurūc dehānı telh-ābe ve mencilāb ve mağdūbun 'aleyhden daḥı zehr-āb-ı cevāb olur. Hülāşa-i kelām kazm-ı ğayz, bā'is-i selāmet-i dāreyndür. Ve hengām-ı ğaḍabda nefsi zebūn itmek kadar yigitlik yokdur. Nitekim ber-manṭūḳ-ı ḥadīs-i şerīf buyurmuşlardır, *kıta*:

Pehlevānlık degül muşāra'ada
Eylemek şiddet ile haşmı zebūn
Merd-i zūr-āzmāy odur ki ide
Nefs-i şūmı dem-i ğaḍabda zebūn

Pes nefsi emmāre ile hevā vü hevase ittibā' idenün ḥālī nedür? [S108b] diyü beyt-i sābıḳdan su'āl-i muḳadder peydā olmanın vaşl kâ'idesi üzre nāzım beyāna şurū' idüp buyurur:

﴿ آن بود ابله‌ترین مردمان ﴾ Ādemlerün dünyāda ziyāde aḥmaḳı ol kimsedür ki. **Ān buved**, «ol ola» ya'nī «ol kimse ola» demek murāddur. **Eblehterīn-i merdümān**, izāfetle «ādemlerün ziyāde aḥmaḳı» dimekdür. Zīrā ebleh 'Arabī ile Fursde müştarekdür; ḥaḳfū'l-ʿaql ve aḥmaḳ ma'nāsına. Nitekim şā'irün *beyt*:

نداند خیشتنرا ابله و کول

که کارش ناسزا با بود معقول

intihā. Ter lafzı bunda edāt-ı tafşıldır. Ve gāhī yaş ma'nāsına ve isti'āre tarīḳı ile laṭīf ma'nāsına olur. Āḫirindeki yā' nisbet içündür. Ba'de'l-yā' olan nūn mübālağa-i ma'nā-yı nisbete dālldür. Merdümān, «ādemler» dimekdür. Müfredi merdümdür.

﴿ کز پی نفس و هوا باشد دوان ﴾ Ki nefsi ü hevānūn ardınca yelici ol. [Ü92a] **K'ez pey-i nefsi**, «ki nefsiñ ardınca» dimekdür. K'ez lafzı ki ez lafzından muḥaffedür. Ki, lafz-ı mefḥūm-ı mışrā'-ı evveli şānīye rabṭ içündür. Ez, min ma'nāsınadır. Pey, feth-i bā'-i 'Acemī ve yā' ile bunda «eñse ve iz» ma'nāsınadır. Ve gāhī siñir ve pāy ve dūnbāl ve mertebe ve şān ve tāb ü ṭāḳat ma'nalarına gelür. Ve gāhī maḳām-ı ta'lilde vaḳt olur ki Türkīde «andan ötüri» ile ta'bīr iderler. 'Acem «ez-pey-i ān» dirler. Nefsde murād emmāre idigi zāhirdür. **Ü(ve) hevā**, nefsi üzerine ma'tūfdur. Hevā bunda 'Arabīdür; «mütelezzizāt-ı nefse meyl»dür. Ve 'aşḳ ve maḥabbet ma'nāsınadır. Bunda murād ma'lūmdur. **Bāsed**, «ola»; **devān**, feth ile evzān-ı mübālağa-i Fārisīdendür; «yilici» ma'nāsınadır. Maşdarı «devīden»dür. Ma'lūm ola ki nāzımuñ bu ta'bīrinde nefsiñe ittibā' idenün ḥıffet-i 'aqlına işāret nüktesi vardur. Zīrā ḥukemā nefsi ile hevāyı āb-ı revāna teşbīh ve fūssāk u süfehāyı şamana temşīl eylemişlerdür ki āb-ı revān, şamanı her ne tarafa olsa aḳıdur. Ke-zālik nefsi ü hevā süfehā-yı ḥaḳfū'l-ʿuḳūlī murādı üzre pūyān u sefīl-i ser-gerdān ider. Ammā tāmmū'l-ʿaql olan suleḥā cibāl-mişāldür. Āb her ne kadar revān olsa cibāle kārger olmadığı gibi nefsi [S109a] ü hevā daḥı şulehāyı bi-ḥıfzı'llāhi te'ālā her sūya pūyān içün yirinden ḥarekete kâdir

degüldür. Ve dağı nāzımuñ nefis zeylinde cem'an hevāyı zikri ber-vech-i ātī bu işārete mebnīdür ki 'inde'l-muḥaqqıḳın nefis didigimiz āhen yirinde ve hevā didigimiz taş yirindedür. Pes bu iki nesne merd ile zen gibidür. Bunlaruñ ictimā'ından veled zühür itdigi gibi nefis ile hevānuñ cem'inden fışk u ma'āşī tevellüd ider. Ve nice şerāre-i fesādāt zühür idüp ol fāsıḳuñ a'māl-i kabīḥası mücib-i nūrān iken fikr-i tārikinden nāşī yine bilā-tevbe tālib-i gufrān olmaḳ ḥumḳına delālet eyledigi beyān ve belki fışk üze devāmından nāşī معصية على المجنون المقيم ḥadīs-i şerīfī mantūḳınca cününına 'alāmet idigin 'ıyān içün nāzım beyt-i evveluñ me'ālını beyt-i şānī inzimāmıyle tamām-ı i'lān idüp buyurur:

﴿ وانكى پندارد آن تاريك راي ﴾ Ve ol zamān ol zūlmānī fikrlü kimesne zann ider ki. **V'āngehī**, «ve ol zamān». **Pindāred**, kesr-i bā'-i 'Acemī ile muzāri'-i müfred-i gā'ibdür; ma'nāsı «zann ider» dimekdür. Maşdarı «pindāştēn»dür. **Ān tārik-rā'y**, «ol ḳarañu fikrlü kimse» dimekdür. Ān, ism-i işāretdür. Tārik-rā'y, terkīb-i tavşīfdür; ḳarañu re'ylü ya'nī kötü fikrlü dimekdür. (...) Pes mışrā'-ı evveluñ mazmūnından ol ḥafīfū'l-aḳl u şaḥīfū'l-fikrūñ zannı nedür diyü su'āl-i muḳadder peydā olmağın mışrā'-ı şānī cevāb yirinde vāḳı'dur [Ü92b]:

﴿ خواهد آمرزيدنش آخر خدای ﴾ Āḫir Ḥudā anı yarlıgayıserdür, ya'nī zannı 'afvu'llāhdur. Ma'a-hāzā ittibā'-ı nefis ü hevā ile gümrahdur. **Ḥ'yāhed āmurzīdeneş**, «anı yarlıgayıserdür» dimekdür. Āḫirindeki şīn, tārik-rā'y olan kimesneye rāci'dür. Bu mişllü ta'bīrde [S109b] ma'nā min ḥayşī'l-mecmū' virilmek ḳā'ide-i semā'iyye-i Fārisīdür. **Āḫir**, ma'nāsı ma'rūfdur. **Ḥudāy**, ma'lūmdur. Ma'lūm ola ki *beyt*:

نون الهوان من الهوا مسروقة

فكل اسير هوئ اسير هوان

mişdāḳınca nefis ü hevāya ittibā'ından nāşī esīr-i ḳayd u zillet olan erbāb-ı 'ıyān, nuḳūd-ı 'ömri bī-hüde telef itmişken 'afvu'llāha intizārda olan aḥmaḳ u nā-dān, mişālde cümle emvālını bī-hüde itlāf ile nefsinin ve ehl ü 'ıyālını muḫtarru'l-ḥāl koyup: “Elbette bir ḥarābede yüzime bir kenz açılır” diyü intizār-ı feth-i defīnede olan ebleh gibidür dimişlerdür. Belī, 'adetā böyle kenze rāst gelinmek mümkindür lākin böyle olan kimesneye aḥmaḳ tesmiye eylemişlerdür. İmdi[Ü93a] 'ābid ü şākir ve ḳahr-ı nefse ḳādir olan 'āḳıl-ı kāmīlūñ muḳābili bulunan müttebi'-i nefis ü hevānuñ gufrānını zann ile ta'bīr bu beyāna mebnīdür. Murād bu maḳūle zannı ḥumḳdan nāşīdür dimekdür. Yoksa mürtekeb-i ma'āşī olan mü'minūñ gufrānı muḥāldür dimeḳ degüldür. Zīrā ان الله لا يغفر ان يشرك به و يغفر ما دون ذلك āyet-i şerīfī bu beyāna kāfīdür. Pes “nefis ü hevānuñ zararından emniyyetūñ tārīḳı nedür?” diyü güyā bir sâ'il su'āl itmegin anuñ cevābı içün: “Dervīşlikdür” diyü nāzım eyidür:

﴿ کرچه درویشی بود سخت ای پسر ﴾ İy oğul! Gerçi dervīşlik müşkildür. **Ger çi**, bu lafz Furs ü Türkīde şāyi'dür. Fi'l-‘aşl ger lafzı, edāt-ı şart olan eger lafzından muḥaffedür. Pes çi lafzı ile terkībinde ma'nā-yı şart tağyīr olunup su'āl-i muḳaddere cevāb teslīmī maḳāmında isti'māl içün müfreden mümehhid-i kelām olmuşdur. **Dervīşī**, «dervīşlik» dimekdür; āḫirindeki yā' maşdariyyedür. Dervīş Fārisīdür. Ma'nāda cihet-i dünyeviyyeden bir fitneye mālīk olmayana dirler. 'Arabīsī «faḳīr»dür. **Buved**, «ola» dimekdür. Ve dağı bunda edāt-ı haber olan «est» ma'nāsına olmaḳ cā'izdür. **Şaḥt**, «berk ve

muhkem» ma'nâsınadır ki muḳâbili Fârisîde «süst»dür ki ma'nâsı geñşekdür. Pes berk yüzli dimegi 'Acem «saht-rû» ile ta'bîr iderler. Ve berklige ʔatılık lâzım oldıgından ʔatı olana mecâzen saht dirler. Nitekim mâ-naḥnû fihide murâd ʔatı dimekdür. Ve gâhî saht lafzı [S110a] baḥl ve le'im ve rezl bisyâr ma'nâlarına gelür. Ve gâhî sāht fîlinüñ muḥafffe'i olup «düzdi» demek ma'nâsına mâzî olur. **İy püser!**, «iy oğul!» dimekdür. Bundan murâd tıfl-ı ʔarîḳatdır. Zîrâ nâzım bu ta'bîri çok maḥallerde idecekdür. Güyâ bu metâ'-ı dehr ü lezzât-ı pür-zehr tıfl-firîb oldıgından; iy tıfl-ı ʔarîḳat! Nefs ü hevâya dil-dâde olmayup âzâde ol ki nefsi mağlûb idüp Ḥaḳḳa mensûb olasın. Qaldı ki egerçi dervîş ü âzâdelik ʔatı müşkildür. Lâkin:

﴿ هم ز درویشی نباشد خوبتر ﴾ [Ü93b] Hem dervîşlikden hûbraḳ olmaya; ya'nî dervîşlikden eyüsi yokdur dimekdür. Bu ta'bîr elsine-i nâsda pek çokdur. **Hem**, ma'rûfdur. **Zi-dervîşî**, «dervîşlikden»; **ne-bâsed**, nefy-i istiḳbâldür, «olmaya» dimekdür. **Hübter**, «gökcekrete» dimekdür. Pes dervîşligüñ ḥaseniyyâtı meşhûr-ı enâm ve mestûr-ı cerâ'id-i evliyâ'-i kirâmdur. (...) Pes dervîşânüñ me'mûn-ı gâ'ile-i zaḥmet oldıgı bundan nümâyândur. Nitekim ḥadîs-i şerîfde راحة العنى وافقر راحة gelmişdür. Ve fakîr her neḳadar beyne'n-nâs şüretâ ḥaḳîr ise 'inda'llâh şâhib-i ʔadr-i keşîrdür. Ve fakîr 'âḳıl u 'ibret-gîr [S110b] olur dimişlerdür. Nitekim دولة الجاهل عبرة العاقل meşeli bu beyânda kâfidür. Ve daḥı fakr, mazhar-ı kemâl-i kâmilîn ve meş'ar-ı iḳbâl-i vâşîlîndür. Nitekim muḥaḳḳıḳînüñ 'arifleri ve fakr(-ü) fenânüñ vâşîfları eyidürler ki: Dünyâda mâl ü zer, külâh-ı ser yirindedür. Başında kel illeti olanuñ 'aybını külâh sâtirdür. Ammâ serinde ra'nâ kâkül bulınana külâhsızlık hûb-ter oldıgı zâhirdür, intihâ. Ve medḥ-i ḥâl-i [Ü94a] dervîşde nâzım baḥs-i maḥşûş idecekdür, in-şâ'a'llâhu te'âlâ maḥallinde her vechle tafşîli keşf ü 'yân olunur. Ḥulâşa-i kelâm dervîş-i fenâ-fi'llâh olmaḳ, eḳâlîm-i ma'nevîde şâh ve mazhar-ı kerâmât-ı İlâh olmaḳı câlibdür. (...) İmdi vuşûl ila'llâh turuḳınıñ dânen degânı âzâdegân olan dervîşândur ki anlara merdân-ı İlâhî dirler. Pes bu merâtibe vâşıl olan dervîş-i kâmil, nefsüñ ʔahrına ʔâdir ve ʔahr sebebiyle zimâm-ı nefsi zabt u rabṭda mâhir olur dimegi îmâ ʔaşdıyle nâzım eyidür:

﴿ هرکه اورا نفس سرکش رام شد ﴾ Her kim ki nefsi ser-keş aña muṭîr oldı. **Her ki**, «her kim ki»; **o-râ**, «aña» dimekdür. **Nefs-i ser-keş**, «baş çekici, yavuz nefsi» dimekdür. Ser-keş terkîb-i tavşîfidür. Ser ile keş lafzlarından mürekkebdür. Ma'nâ-yı terkîbisi, baş çekici dimekdür. Şoñra yavuz ve daḥı urup yürütmek isteseñ tûrur yürimez çamuş ḥayvâna itlâḳ idilir. Ve 'inâd âdeme ve münḥarîf kesilmiş ʔaleme daḥı ser-keş dirler. Pes bunda nefsi emmâreyi esb-i nâ-fercâma teşbîh itmişlerdür. Mâ-naḥnû fihide ke-zâlik böyledür. Zîrâ lisân-ı şer'de nefse, maṭıyye ta'bîri vâriddür. Ve nefsi ḥayvân-ı cemâḥa teşbîh beyne'l-ulemâ meşhûr ve ʔaşîde-i Bürdede bu tanzîr mestûrdur. Ve qaldı ki ba'zı nüşhada lafz-ı ser-keş yirine [S111a] «şümeş» vaḳı'dur. Şüm, «yaramaz yıldızlı, ḥayırsız» ma'nâsına 'Arabîdür. Fârisîde «bed-ṭâlî» ile mu'abberdür. Bu nüşhaya göre şümüñ âḥirindeki şîn zamîrdür. Her ki kelimesinüñ dâll oldıgı kimseye râci'dür. **Râm şod**, «muṭîr oldı» dimekdür. Râm, Fârisîde on ma'nâya gelür. Evveli, muṭîr'dür ki bunda bu ma'nâ murâddur. Şânî, şuhûr-ı Fârisînüñ dördinci günidür. Şâliş, Veyse nâm maḥbûbenüñ 'aşîḳınıñ ismidür ki aña Râmîn dirler. Râbi', 'ayyâş u ḥoş-vaḳtdur. Ḥâmis, nâm-ı şâh-ı Sinddür. [Ü94b] Sâdis, ârâm ma'nâsınadır. Sâbi', revân. Sâmin, âlât-ı ʔarabdan çengi îcâd idenüñ nâmıdır. Tâsi', şâdîḳ ve

hoşlukdur. ‘Āşir, Hindüstānda bir vādīnūn ismidür, ke-zā fî-Ferheng. Pes nefsuñ cibilliyeti hevāya mutābe‘at ile ekl ü şürbe hırş ve kalīle ‘adem-i kanā‘āt olmak hasebiyle haqqında tamām-ı irhā-yı ‘inān olınsa ekl ü şürbi ‘ādet idüp, da‘vet-i ‘ibādet ser-keş ü çamuş olur. Ve bi’l-külliyeye kendüyi ğıdādan men‘ eyleseñ bī-tāb olur ve t̄a‘at-i meyyit gibi hāmūş olup t̄a‘atden dūr olur. İmdi ifrāt u tefrītten hāzer birle kendüyi çerāġāh-ı iktışādda rıfķ ile ra‘y idüp rāh-ı t̄a‘ate sevķ eylemek gerekdür. Tā ki seyr-i ‘ibādete rām olmağıla şāhibi ħıredmend ü nīkū-nām ola. Nitekim nāzım buyurur:

﴿ ان خردمندان و نیکونام شد ﴾ Eyü adlu ‘aqlulardan oldu. **Ez-ħıredmendān**, «‘aqlulardan» dimekdür. Ez, «min» ma‘nāsınadır. Ĥıredmend, «‘aqlulardan» dimekdür. Zīrā ħıred, ‘aqlıdır. Mend, edāt-ı nisbetdür ki idmān ile olan kisbī hāleti bunuñla tavşīf idüp meşela zūrmend dirler. Ammā ħulķī olan hāleti tavşīfde elif-i mübālaġa ile izhār murād iderler; meşelā tüvānā gibi, intihā. İmdi ħıredmendān elif ü nūn ile cem‘dür. **U(ve) nīkū-nām şod**, mā-ba‘dine ma‘tūfdur. Bu lafz terkīb-i tavşīfidür. Ma‘nāsı «eyü adlu oldu» dimekdür. Me‘ālī ‘inda’llāh maķbūl olmaķdır; yoksa beyne’l-enām iştihār degüldür. Zīrā nāzım iştihārı aşağıda bed-nāmıķ ve anuñla telezzüz ‘avāmıķdır dise gerekdür. Ve ma‘lūm ola ki bu mısrā‘uñ mefhūmında bu vechle nefsinı zebūn iden kimesne [S111b] şalāh-ı hālīne maġrūr olmamaġa işāret vardur. Zīrā maġrūrdān-ı şalāha ħıredmend dimezler. Belki bed-nām ve şöhrete dil-bend dirler. Pes “nefsi zebūn itmenūñ t̄arīķı nedür?” diyü su‘āl-i muķadder peydā olmaġın nāzım cevāb t̄arīķıyle eyidür:

﴿ در ریاضت نفس بدرا کوش مال ﴾ Riyāzatda kötü nefsi te’dīb idüp kulaġını bur. Ya‘nī kendüyi zebūn eyle dimekdür. **Der-riyāzat**, «riyāzatda» dimekdür. Der, zarfiyyet içündür. Riyāzat, luġatde «tor tayı öğretmek ve taķlīl-i ekl ü şürb ile mücāhede itmek»dür. Bu ma‘nālaruñ sibāķa mülāyemeti zāhırdur. Ammā ‘orf-i meşāyihda riyāzat, sebeb-i rāhat-ı cism [Ü95a] olan kılet-i t̄a‘ām ve bā‘iş-i selāmet-i lisān olan kılet-i kelām ve bādī-i ārām-ı rūh olan kılet-i āsām ve sebeb-i rāhat-ı kalb olan kılet-i intiķām ve bā‘iş-i emniyyet-i cemī‘-i indām olan kılet-i ihtilāt-ı enām ü kılet-i menāmdan ‘ibāretdür. **Nefs-i bed-rā**, izāfetle «yaramaz nefsi» dimekdür. **Gūş māl**, «te’dīb ü tevbīh ve kulaķ burmaķ» ma‘nāsınadır. Bu maķāmda bu ma‘nālar cümle mülāyimdür. Pes nefsi esb-i nā-fercāma teşbīhlerine göre anı te’dīb ü terbiye ma‘nāsına olur. Ba‘zı nüshada nefsi bed-rā yerine «nefs-rā dih» vāķı‘dür. Ma‘naları me’ālde birdür. Lākin nüsha-i evvele göre nefsuñ bed idigi beyānı bulunmaġın nüsha-i sāniyeden ahyerdür. Nefsuñ bedligi ise naşş ile sābitdür. Ĥattā sultānū’l-‘arīfın buyurmuşdur ki: Riyāzat, āyīne-i bī-jeng olmaķdan ‘ibāretdür. Ya‘nī kalbi jengār-ı ta‘alluķ-ı cemī‘-i māsivādan āyīne-i tābnāk-āsā mücellā ve vücūdı reng-i keşret ve herbir kasvet-i kūdūretten pāk ü muşaffā kılmıışdur, intihā. Bu miķdār taķayyüdāt cümle nefsuñ bedligi bī-gāyāt olduğından nāşıdır. İmdi nefsi bu vechle terbiye gerekdür; tā ki merdān-ı İlāhī olan eşķāb-ı şān-ı nā-mütenāhīnūñ riyāzatları gibi riyāzat ħuşūle gele. Ve bu beyānı te’yīde Ĥ‘āce Ĥāfız buyurmuşdur, *beyt*:

خواب و خورت ز مرتبة عشق دور کرد

[S112a] Ya‘nī nevm ü ekl ü şürb, seni ıışķ mertebesinden dūr eyledi.

آنکه رسی بعشق که بی خواب خور شوی

Ya'ni ıışka ol vaqt irişırsin, nevm ü ekl ü şürbsiz olasın. Murād aḥvāl-i ṭabī'at maḥv olmayınca ḥālāt-ı ıışk zuhūr bulmaz dimekdür. Pes riyāzatuñ fā'idesi böyledür. Ve nāzım aşığıda qarīben bu beyāna taşaddı buyuracaqdır, in-şā'a'llāhu te'ālā maḥallinde tafşıl olunur. (...[Ü95b]...) İmdi nefsi riyāzat ile ıışlah, bā'is-i mazhariyyet-i fevz ü felāḥ idigin tizāḥ için nāzım eyidür:

﴿ تا نیندازد ترا اندر ویاں ﴾ Tā ki seni vebāl içine atmaya. **Tā neyendāzed**, nefy- istikbāl-i müfred-i mü'enneş-i gā'ibedür. Taḥtında müstetir zamīr-i mü'enneş-i semā'ī olan nefse rāci'dür. Ma'nası «ol nefis atmaya» dimekdür. Maşdarı «endāhten»dür. **Tu-rā**, «seni» dimekdür. **Ender vebāl**, «zarar u ziyān içine» dimekdür. Pes nefsuñ riyāzata me'lüfiyyetine bā'is ve şāhibinüñ selāmete me'nüsiyyetine bādī ne idigin beyān zımında nāzım eyidür:

﴿ هر که خواهد تا سلامت ماند او ﴾ Her kim ister ki o dā'im selāmet qala. **Her ki**, «her kim»; **ḥāhed**, «ister» dimekdür. Bu fi'l-i muzāri'-i müfreddür. **Tā**, bunda devām u istimrār içündür; «dā'imā» dimekdür. **Selāmet**, elsine-i selāse [S112b] müsta'meldür. Ma'nası «āfātdan emniyyet ve naḳāyış u ıuyūbdan berā'et»dür. **Māned**, muzāri'-i müfred-i gāyibdür; «qala» dimekdür. Qalmaḳ ma'nāsına olan «mānden»den müştāqdür. Yoksa beñzemek ma'nāsına olan «mānisten»den müştāq degüldür. Ba'de'l-i iştiḳāḳ mezkūr maşdarların muzāri'leri ne ḳadar veznde vāḥid ise ma'naları maşdarlarından siyāḳ u sibāḳdan fark olunur. **O**, zamīr-i gā'ibdür; her ki lafzına rāci'dür. Māned fi'linüñ fā'ilidür.

﴿ از جمیع خلق رو کرداند او ﴾ Cemī'-i ḥalḳdan yüz döndire o. **Ez**, «min» ma'nāsınadır. [Ü96a] **Cemī'**, «ḳamu» ma'nāsınadır; mā-ba'dine muzāfdur. **Ḥalḳ**, feth ile 'Arabīde «yaratmaḳ» ma'nāsınadır. Lākin maḥlūḳ ma'nāsına şāyi' ü müstā'meldür ki türki'de «il» dirler. **Rū**, zamm ile bunda «vech» ma'nāsınadır; «rūy»dan muḥaffedür. **Gerdāned**, feth-i kāf-ı 'Acemī ile muzāri'-i müfred-i gāyibdür; «döndürür» dimekdür. Maşdarı «gerdāniden»dür. **O**, kemā-merre «her ki» lafzına rāci' zamīrdür. İmdi nāzımuñ bundan murādı fī-zamānihi ḥalḳın aḥvāl-i bir fehmi olinmaz ma'nā ve ihtilāṭ-ı nāşda zarar hüveydā oldığını tīmā birle gūşe-nişīn-i ıuzlet ve nāşdan inḳitā' ile mazhar-ı selāmet olinmağa işāret buyurmuşdur. (...[S113a]...) Pes aḥvāl-i zamān böyle olinca ḥalḳdan ıuzlet belki sulṭānū'l-ārifinüñ sābıḳan riyāzātı beyānı üzre jengār-ı māsivādan āyīne-i ḳalbi pür-şafvet [Ü96b] ḳılmaḳ ile ḳuyūdāt-ı alāyıḳdan bi'l-küllīye inḳitā'a mübāderet iki 'ālemde selāmet ve bā'is-i rāḥatdur. Nitekim ḥadīs-i ıuzlet ḥaḳḳında vārid olan الزم بتركیت ḥadīs-i şerīfi ve daḥı العزلة فی السلامة ḥadīs-i laṭīfi bu beyāna şāhidlerdür. Ve ıuzlet-nişīn olmağın bā'is-i selāmet-i dāreyn oldığı keşret-i fevāi'idinden nāşidür. Ez-cümle evvelā lisānuñ ḥıfzına bā'isdür; ekşer-i ḥaṭāyā ise lisāndandır. Nitekim اکثر خطايا ابن آدم من لسانه ḥadīs-i şerīfi buña dālldür. Ḥadīs-i şerīf-i diğerde واحد فی الصمت و العزلة فی السلامة vārid olmuşdur. Ḥattā bir kimesneye; “Nāşdan ıuzletüne sebep nedür?” didiklerinde eyitdi: “Fī-zamānina ḥalḳ sürṛāḳ-ı uḳūl ve ḳuṭṭā'-ı rāḥ-ı hüdā vü ḳabūldür. Pes selāmet için ḥalḳdan ıuzlet maḳbūldür” intihā. Ḥattā uḳde-i zānūy metīn ḳılmağa, gūşe-i vaḥdetde nişīn olanuñ sırr-ı ḳadr ü şānı şükūhı mişāl-i kūh-ı bülend resīde-i ṭāḳ-ı āsmān olmaḳ nümāyāndur, dimişlerdür. (...[S113b,Ü97a]...) Ḥulāşa-i kelām zamānede ḥalḳdan rū-gerdān

olmak bâ'is-i selâmet-i her dü-cihândur. Zîrâ halk-ı zamānuñ hâl ü şānı müstāgnin 'ani'l-beyândur. Nitekim nāzım bu beyānuñ zeylinde buyurur:

﴿ مردمان را سر بسر در خواب دان ﴾ Benî-Âdemi başdan başa uykuda bil. **Merdümān-rā**, «âdemleri» dimekdür; murād cümle-i nâsdur. Bu kelime muḳaddem-i mef'ûldür. Fi'li emr-i hâzır olan **dān** kelimesidür ki ma'nāsı «bil» dimekdür. **Ser-be-ser**, «başdan başa» dimekdür. Ser-ā-ser ve ser-te-ser ve ser-tā-ser mişlidir. İnşā'a'llahu te'ālā karīben ser-ā-ser kelimesinüñ tafşilinde bunlar tamām beyān olunur. **Der**, zarfiyyet içündür. **H'āb**, feth-i hā'-i mu'ceme ve vāv-ı resmī ile bunda «nevm» ma'nāsınadır. Gāhī ru'yā ma'nāsına daḡı gelür.

﴿ کشت بیدار آنکه او رفت از جهان ﴾ Uyanmak oldu ya'nī uyandı ol kimse ki cihândan gitdi; ya'nī 'uḡbāya rıḡlet itdi. **Geşt**, feth-i kâf-ı 'acemī ile māzīdür. 'Arabīdeki صار (şāra) fi'li gibi ma'nāda «oldı» dimekdür. Maşdarı şayrûret ve inḡlāb ma'nāsına olan «geşten»dür. **Bidār**, kesr-i bā'-i muvaḡḡhide ile «uyanmak» ma'nāsınadır. **Ān ki**, «ol kimse ki» dimekdür. **Reft**, «gitdi» dimekdür; māzī-i müfreddür. Maşdarı «reften»dür. **Ez-cihān**, «dünyādan» dimekdür; ya'nī «'azm-i beḡā eyledikde» dimekdür. Pes bu beyt-i laṡıfde ḡazret-i 'Alī kerrama'llāhu vecchēhūnuñ ماتوا انتبهوا kelām-ı ḡikmet-nizāmına telmīḡ vardır. Pes bundan murād nevm-i ḡafletdür. (...[S114a]...) Ve ma'lūm ola ki nāsuñ nevm-i ḡaflete mensūbı min-vech ḡavāşşuñ ḡalīdür. Yoksa 'avām-ı cehālet-pişe emvāt ḡükminededür dimişlerdür. Nitekim ḡazret-i Kerrāruñ:

الجهل قبل الموت موت لاهله

و اجسادهم [Ü97b] قبل القبور قبور

beyt-i ābdārı bu beyāna işāretdür. Ḥattā Münhel nām şerḡ-i Şifāda eyidür: Bir 'ālim kimseye su'āl olunup; “Ulemā'-i selefüñ mevā'iz ü naşāyılı zamānlarında bulınan nāsa mü'eşşir olup 'ulemā'-i ḡalefüñ naşāyılı şimdi ḡalka mü'eşşir olmadıḡında sebeb nedür?” didiklerinde ol 'ālim kimesne cevābda eyitdi kim; “Ulemā'-i selef bīdār idi ve ol zamānuñ ḡalkı nā'im idi. Pes bīdār bulınan kimesne nā'im olanı tḡāz idebilür idi. Lākin 'ulemā'-i ḡalef nā'imlerdür ve zamānlarında bulınan ḡalk ḡalebe-i cehlden nāşī emvāt ḡükminededür. Pes nā'im olan kimesne iḡyā'-i emvāta ḡādir degüldür” intihā. Ba'de'l-vefāt nevmde bīdār olmak; şoñradan ḡasret ü nedem çekerler lākin fā'ide vırmez dimekdür. (...) Pes 'āḡıla lāzım olan ḡ'āb-ı ḡafleti çeşm-i dilden zā'il idüp موتوا قبل ان تموتوا emriyle 'āmil olmaḡdur. Tā ki encāmında nedem-i bī-fā'ideden ḡalāş olup bīdārlar devletine iḡtişāş bula. (...) *Fā'ide*: Ma'lūm ola ki ḡaḡḡkatde nevm 'ibād içün ni'met-i rāḡatdur. Pes جعل الليل سكنا و فالق الاصباح olan Ḳādir ü Fettāḡ ḡālet-i nevmde herkesüñ ervāḡın dām-ı tenden ḡurtarur ve elvāḡ-ı ezhāndan [S114b] nuḡuş-ı ḡavāṡırı ḡoparur. Pes ol ervāḡ, 'ālem-i ervāḡda fāriḡ ü āzāde olup bir kimsenüñ ne ḡākimı ve ne maḡḡımı olur. Buña «rūḡ-ı revānī» dirler ki 'inde'l-muḡaḡḡıḡın rūḡ-ı temyīz didikleri budur. Ve bundan ḡalana rūḡ-ı ḡayvānī dirler. Ve ḡālet-i nevmde bī-ḡayd u āzāde olan rūḡ-ı revānī degüldür; belki rūḡ-ı ḡayvānīdür ki ḡiss-i müşterek vāsıṡasıyle kendüi ol şūret-i ḡayāliyyede görür. Nitekim eşḡāb-ı devlet olanlar nevmde vardıklarında devletlerinden bī-ḡaber [Ü98a] olurlar. Ke-zālik zindānda olanlar daḡı böyle ki nevm ḡālinde zindāndan bī-āḡāḡlardur. Zîrā ru'yā

‘ālem-i ervāh ile ‘ālem-i ecsād beyninde olan ‘ālem-i mişālde görülür. Pes insānuñ ervāhı, ekşer-i zamānda ‘ālem-i ervāha vāşıl olup ru’yā vü hayālāt dāmından dağı āzāde olurlar. Ve ba’zı zamān li-ḥikmetin ol ervāhı, cenāb-ı Bārī ‘ālem-i hayālde bir hāl ile muḳayyed kılar. Pes bu ‘ālem, ḳuyūddan ḥālī olmadığına binā’en ‘ālem-i ecsāddan ‘add olunur. (...) İmdi ‘āriflerüñ cānı menāmsız bu gūne āzāde vü bī-ḳayd olmağın egerçi bunlar bīdār ve bu ‘āleme dīde-küşā zann olunur. Lākin bu ‘ālemden uyuyuş ve ḳuyūd-ı bedenden āzād olmışlardır. Pes bir kimsenüñ bīdār şeklinde müteḥarrik olması ve hem uyuyup ‘ālemden münḳaṭı’ olması bundan zāhirdür. İmdi ‘ārifler dünyānuñ hāl ve ḳıl ü ḳālinden ‘ale’-d-devām ḥ’ābīde ve fāriğ bulunmuşlardır. Anların cünbiş ü hareketleri [S115a] Ḥudādandır; kendi vücūdlarından degüldür. Fe’ālā-hāzā nevm ile bī-ḳayd-ı dünyā olmaḳ ‘ārifüñ ḥālinden bir şemmedür ki Ḥaḳ te’ālā bunu ‘ibādına gösterdi. Tā ki bu rāḫat-ı cüz’iyyeden anlaruñ rāḫat u ferāḡat-i külliyelerine istidlāl idüp anlar gibi bu ‘ālem-i dünyānuñ ‘ālāyık u ‘avā’ıḳından göz yumup çeşm-küşā-yı başıret-i cān ve vāşıl-ı liḳā’-i Raḥmān olalar. Ve dağı fāliḳu’l-eşbāḫ olan ḫazret-i Ḥayy u Ḳayyūm, hengām-ı şabāḫda menāma varanlaruñ ervāhını ‘ālem-i şūrete işāl ve herkesi kendi kārına şāḫib-i iştigāl eyler; tā ki bu rāḫatı hayāl ile a’māl [Ü98b] ü aḫvālde ‘adl kıllalar. Pes ‘ibāddan ḫālet-i ḥ’ābda rūḫları efkār-ı şeyṭāniyye vü mekā’id-i nefsāniyyeden maşūn olanlar hengām-ı seḫerde bīdār oldıḳda kendülerin ḡill ü ḡışşdan pāk bulurlar. Ammā bunun ‘aksi olanlar nevminden ḳālḳdıḳda kendülerin müstaḡraḳ-ı tūfān-ı ḫavādiş-i zamān bulup ālūde-i çirḳāb-ı ḡaflet ü āşām ve dil-dāde-i hayālāt-ı dünyā vü evḫām olup vesāvis-i şeyṭāndan nāşī diline gelen kelāmı tekellūm ile ‘ömr-i nāzenīnini bī-hūde telef ve rūzını şām ider. Pes bu maḳūle ḥ’āb-ı ḡaflete ḡarīḳlaruñ intibāḫları vābeste-i ḫulūl-i mevt idigi bī-iştibāhdur.

﴿ آنکه رنجاند ترا عذرش پذیر ﴾ Ol kimse ki seni incidür; anuñ ‘ömrini ḳabūl eyle. **Ān ki**, «ol kimse ki»; **rencāned**, «incidür» dimekdür. «Rencānīden»den müştāḳ muzārī’-i müfred-i ḡā’ibdür. **Tu-rā**, «seni»; **‘özreş**, «anuñ ‘özr dilemesini» dimekdür. ‘Özr, zammile «şuçın ve ḡüstāḫlığın dilemek» ma’nasınadır. Āḫirindeki şīn zamīrdür; ān ki lafzına rāci’dür. **Pezīr**, emr-i ḫāzır «ḳabūl eyle» dimekdür. Ma’lūm ola ki ‘özr dilemek ve muṭlaḳā ‘özr ma’nāsını Fārisīde «pūziş» lafzıyla dağı edā iderler. Murtezirin ‘özrin ḳabūl idiciye pūziş-pezīr didikleri bundandır.

﴿ تا بیایی مغفرت بروی مکیر ﴾ Tā maḡfīret bulasın anuñ üzerine ṭutma; ya’nī ‘ömrini ‘adem-i ḳabūl ile anı perīşān-ḫāṭır eyleme. **Tā**, «tā ki»; **bi-yāyī**, «bulasın ma’nāsına muzārī’-i müfred-i muḫāṭabdur. Evvelindeki ḫarf-i bā’, istikbāl içündür. **Maḡfīret**, «yarlıḡanmaḳ» ma’nasınadır. **Ber-vey**, «anuñ [S115b] üzerine» dimekdür. Ber kelimesi «alā» ma’nasınadır. Vey lafzı zamīr-i ḡā’ibdür; muṭerize rāci’dür. **Me-gīr**, nehy-i ḫāzırdur; «ṭutma» dimekdür. Maşdarı «giriḡten»dür. Ma’lūm ola ki sābıḳan beyān olıdığı üze bā’iş-i restḡārī olan ḳazm-ı ḡayz ve iṭfā’-i nā’ire-i ḡadāba ekşer sebeb-i tāmm, muṭezirüñ ‘ömrini ḳabūl ve şıfat-ı ‘afv ile mevşūf olmağın nāzım raḫimehu’llāhi te’ālā bu vechle bu beyti beyān-ı sābıḳa ilḫāḳ buyurmuşdur. Pes ḳazm-ı ḡayz, vābeste-i ḳabūl-i iṭizār-ı muṭezirīn oldığı ان المعذرة meşel-i meşḫūrıyla [Ü99a] meşḫūrdur. Ḥafīza, feth ile ḡadāb itmek ma’nasınadır. İmdi bu evānī-i elfāzdan mütereşşih olan reşḫāt-ı zülāl-i ma’nā üze lehb-i nār-ı ḡadāb, āb-ı iṭizār ile munṭafī

olur. (...[S116a, Ü99b]...) Pes bu beyt-i laṭifüñ mefhūmına naẓar idüp nāsa zulm eylemek itizār ile def ve vebāli ref olur imiş diyü zulme ictisār eylememek için zulmüñ zararların beyāna şurū idüp nāzım buyurur:

﴿ حق ندارد دوست خلق آزار را ﴾ Hāḳ teālā ḥazretleri, ḥalḳ incidici dost tutmaz. **Hāḳ**, ism-i celāldür. **Ne-dāred**, nefy-i istiḳbāl-i müfred-i gā'ibdür; «tutmaz» dimekdür. **Dost**, ma'rūfdür; Türkide ve Fāriside müsta'meldür. 'Arabīsi «ḥalīl» ve «ṣadīḳ»dur. **Hāḳ-āzār**, terkīb-i tavṣīfdür; «ḥalḳ incidici» dimekdür. Āḫirindeki **rā**, edāt-ı mef'uldür. Pes bunda لا يحب الظالمين ان الله naşşına telmiḥ vardır. Ma'lūm ola ki zālīm aṣlā sevilmez. Nitekim Muḥāzarāt nām kitābda فلان اظلم من الحية meşel-i sā'irinüñ beyânında eyidür ki: Yılan, kendü nefsi için zemīni teşķīb ile kūnām-sāz olmayup bilā-zahmet güci yetdiği ḥaşerāt-i arzuñ kūnāmını ḡaḍab idüp anda muḳtīm olur, intihā. Fe'alā-hāzā herbir ḥalḳ-āzār olan zālīm-i bed-girdār, ḥayye-i kec-refṭār gibi ḥalḳuñ emvāl ü emlākini cebren aḥzi itiyādından nāşī, mārāsā derunı pür-zehr-i zulm-i feşād olmağın “yılan sevilmez” meşel-i meşhūrī üzre zālīm-i mār-meşreb ü bī-mezhebi Ḥudā sevmez. Pes sābıkan beyān oldığı üzre zālīm mu'tezir oldıḳda 'özrinüñ ḳabūline sebep bā'is-i ḡufrān-ı Rabb idigindendür; yoksa zālīmüñ 'inda'llāh ve 'inde'n-nās maḳbūl ü maḥbūbiyyetinden degüldür. Anuñçün nāzım eyidür:

﴿ نیست این خصلت یکی دیندارا ﴾ [S116b] Bu ḥaşlet bir dīndār için yokdur. **Nīst**, «yokdur»; **īn ḥaşlet**, «bu ḥūy u ḥulḳ» dimekdür. Zīrā īn, ism-i işāretdür. Ḥaşlet, feth-i ḥā'-i mu'ceme ile 'Arabīdür. Aşl ḥulḳ-ı ḥasen ma'nāsınadır. Lākin bunda ḳā'ide-i tecrīd üzre yalnız ḥulḳ u ḥūy ma'nası murāddur. **Yekī dīndār-rā**, «bir dīndār için» dimekdür. Dīndār, vaşf-ı terkībīdür; «dīn tutıcı» dimekdür. Āḫirindeki **rā** kelimesi ta'līl için olmaḳ zāhirdür ve edāt-ı mef'ul olmaḳ daḫı mülāyimdür. Ma'lūm ola ki nāzımuñ bu mışrā'ımuñ me'ālī kemāle maşrūfdür. Ya'nī bu zālīm ḥaşleti, bir mü'min-i kāmīl şıfatı degüldür. Nitekim ḥadīs-i şerīfde و لسانه [Ü100a] من سلم المسلمون من يده vārid olmuştur ki murād «müslim-i kāmīl» dimekdür. İmdi ḥalḳa zulmden teḥāşī elzemdür. Zīrā zulmüñ mażarratı keşire ve ḡavā'ili vefīredür. (...) Pes zālīmüñ ḳalbi ḥarābezār ve kendüsi mel'ūn u eşirrādan şümār olinması zulmüñ aḳbaḫ-ı ef'ālden olmağına dālldür. Binā'en 'aleyh bu ḥūydan ḥazer elzemdür. Nitekim nāzım buyurur:

﴿ از ستم هرکو دلیرا ریش کرد ﴾ Zulmden her kimse ki öbür göñli mecrūḥ eyledi. **Ez-sitem**, «zulmden» dimekdür. Ez, «min» ma'nāsınadır. Sitem, bunda «cevr ü zulm» ma'nāsınadır ve ba'zı maḥallde «görüp bilmek» ma'nāsına ve daḫı 'Arabīdeki «amden» ma'nāsına olur. **Her k'o**, «her ki o» kelimelerinden muḥaffefdür. Ma'nası «her o kimse ki» dimekdür. O kelimesi zamīrdür; her ki lafzına rācīdür. **Dilī-rā**, «bir göñli» dimekdür. Dil, «göñül» ma'nāsınadır. Āḫirindeki yā', vaḥdet içündür. Rā, edāt-ı mef'uldür. **Rīş kerd**, rā'-i mühmelenüñ kesresin fethaya imāle ile «yara ve çıban» ma'nāsınadır. Lākin bunda «cerāḥat» ma'nāsına olmaḳ mışrā'-ı şānīdeki ān cerāḥat kelāmından nümāyandır. Kerd, «eyledi» dimekdür. Yene buyurur:

﴿ آن جراحت بر وجود خویش کرد ﴾ Ol yarayı kendü vücūdı üzre eyledi. **Ān cerāḥat**, [S117a] «ol yarayı» dimekdür. Cerāḥat, «yara» ma'nāsınadır. Pes yaradan murād, zulmen olmaḳ üzre ḥaḳīḳī ve

hükmden e‘amm idigi zāhirdür. **Ber-vücūd-ı h‘iṣ**, «zālim kendi vücūdı üzerine»; **kerd**, «eyledi» dimekdür. Hülāṣa-i kelām zālimūn maẓlūma eyledigi zulmūn zararı dāreynde zālime rāci‘ olup hūkūḳ-ı ‘ibāddan geçildiği hasebiyle ol zulmden zālim mes’ul ve mu‘āteb ü mu‘āḳab ve ihḳāḳ-ı ḥaḳḳ ile meṭālīb olur dimekdür. Hattā zālimūn bu maḳūle zulme mübādereti ḥaḳīḳat-bīn olmadığından nāṣidür dimişlerdür. Zīrā المؤمن مرآة المؤمن mışdāḳınca mü’min mü’minūn [Ü100b] mir’atıdır. Nitekim “il ilūn āyīnesidür” dirler. Pes zālim olan aḥmak, eyledigi zulmi kendi vücūdunuñ āyīnesi olan maẓlūmuñ vücūdında ḥaḳīḳat göziyle göremeyüp ve zararı kendüye olacağıın fehmi idemediğinden, mü’min karşıdaşını zaḥmdār u dil-rīṣ idüp, kendi eliyle dimāḡ-ı hūzūrını mecrūḥ u taḥdīṣ ider. Pes maẓlūmān-ı ṣāf-dilān āyīne gibidür. Āyīneye ḥançer-keṣīdelik, kiṣinūn kendi vücūd-ı şüret-nümūdına ḳaṣd eylemekden ‘ibāret idigi nümāyāndur. Nitekim ṣā‘rūn *beyt*:

با صاف دل مجادله باخویش دشمنیست

هرکه کشد بر آیینہ خنجر بخود کشد

beyti bu ma‘nāyı mü’eyyeddür. Hattā meṣāyih-ı ‘izāmūn ḥukemā vü zırafāṣı, kiṣinūn her a‘mālını dīvāruñ zemīne düşen sāyesine teşbīh idüp: “Ol sāye ānen fe-ānen yine ol dīvāre rücū‘ ider” dimişlerdür, kemā-seyecā’. Pes nāẓımuñ bu beytinde āyetinūn zeylinde vāḳı‘ olan فعلیها ومن اساء seyecā’. Pes nāẓımuñ bu beytinde āyetinūn zeylinde vāḳı‘ olan فعلیها ومن اساء seyecā’. Pes nāẓımuñ bu beytinde āyetinūn zeylinde vāḳı‘ olan فعلیها ومن اساء seyecā’.

﴿ هرکه دریند دل آزاری بود ﴾ Her kim ki gönül incidicilik ḳaydında ola, ya‘nī mükessir-i ḥāṭır u zālim ola. **Her ki**, «her kim ki»; **der-bend-i dil-āzārī**, izāfetle «gönül incidicilik» ḳaydında dimekdür. Dil-āzār, terkīb-i tavṣīfidür. Āḥirindeki yā’ maṣdariyyedür. **Buved**, «ola» dimekdür; bāṣed gibi. Pes nāẓımuñ bunda murādı ne ṭarīḳ ile olursa olsun zālimlik ve ḥāṭır-ṣikenlik ḳaydında olanuñ encām-ı aḥvālını beyāndur. Nitekim buyurur:

﴿ در عقوبت کار او زاری بود ﴾ Uḳūbetde anuñ işi zārlik ola. **Der-‘uḳūbet**, «‘uḳūbetde» dimekdür. Uḳūbet, zamm-ı ‘ayn ile «miḥnet ü ‘azāb» ma‘nāsınadır. Eger kes-i ‘ayn ile olan ‘ıḳāb [S117b] gibi olmak murād olunur ise. Ammā zamm-ı ‘ayn ile olan ‘uḳāb gibi olur ise «dār ağacları» ma‘nāsına olur dimekdür ki; siyāset olınacak kimesneyi ārāste(?) çeküp işkence veyā ṣalb iderler. Bu maḳāmda bu ma‘nālaruñ herbiri mülāyimdür. **Kār-ı o**, izāfetle «anuñ işi» dimekdür. Kār, ma‘rūfdür. O, zamīr-i gā’ibdür; dil-āzār olan kimseye rāci‘dür. **Zārī**, «zārlik» dimekdür; zār eylemek ve inleyici ve riḳḳat-i ḥāl ma‘nālarınadur, kemā-seyecā’ tafṣīlehū. Āḥirindeki yā’ maṣdariyyedür. **Buved**, «ola» dimekdür. [Ü101a] Pes dil-āzār olan ‘uḳūbete giriftār u zār olacağı gibi maẓhar-ı intikām-ı hazret-i Melik-i ‘Allām olur dimege imādur. Zīrā “maẓlūmuñ inkisārı yirde ḳalmaz” dimişlerdür. Nitekim ṣā‘irin *beyt*:

İnkisār-ı fuḳarā ṣanma ki ḥāk üzre ḳalur

Anı biñ ‘izzet ile zīver-i ‘arṣ eylerler

kelāmı bu işāretde kāfidür. Ber-dāṣte-i ‘arṣ-ı Raḥmān olan inkisāruñ ise ne gūne kārger olduğu Nābī-i merḥūmuñ *beyt*:

Bir nefesde aldurur bi brgh-ı devleti

Ehl-i derdn op-ı h-ı inkisrın grmşz

diy şehdeti bu davnn ibtına vfidr. İmdi inkisr almadan hzer gerekdr. Nitekim hds-ı şerifde
 vrid olmqşdur. Htt dil-zr olanlarn atleri merdddur
 dimiqlerdr. Nitekim şirn ıa:

هزار روز بروزه هزار شب بنماز

هزار طاعت شبها هزار بیداری

هزار سال پیاده طواف کعبه کنی

قبول نیست اگر خاطری بیازاری

ıası bu beyna dlldr. Pes hl  şnı byle olann azb u abda iinn zrlıı nmyn u mstanın
 anil-beyndur. İmdi nzmun bu beyndan şora; “pes nie itmek gerekdr?” diy tfl-ı arkat
 tarafından sul-i muadder peyd olmaın vaql idesince cevba taadd idp buyurmqşdur ki:

﴿ ای پسر قصد دل آزاری مکن ﴾ İy oul! Dil-zrlı niyyetin eyleme, yan zlmi aşd eyleme.

İy pser, «iy oul!» dimekdr. Murd, tfl-ı arkatdr. **aşd-ı dil-zr**, izfetle «dil-zrlı aşdnı»;
me-kon, «eyleme» mansına nehy-i hzrdur. Pes nzmun aşd-ı avlinde zulmden tahzre gyet-i
 mblagaya [S118a] iaret vardur. Murdı, zulme niyyet eyleme; anda aldı ki bil-fil zlim olasın
 dimekdr. *Fide*: Malm ola ki aşd, niyyet mansınadır. Pes masyyeti aşd eylemekde nefsdde vı
 olan hlt beş mertebe zredr. Zr evvel nefse ilk olınana hcis dirler. Badeh nefsdde cereynına
 havtır dirler. Badeh fil ile adem-i fil beyninde tereddd vuına hds-ı nefis dirler. Badeh ilemek
 aşdnı tercha hemm dirler. Badeh bu aşdn uvvet  cezmine [101b] azm dirler. İmdi bu hlt-ı
 hmiseden hcis ile abd, muhze olmaz, icman. Zr bu mertebede fil yodur. Abdn anda udreti
 mutaavver degldr. Badeh olan havtır, bunun badinde olan hds-ı nefis ile daı m-dm tekellm 
 amel olunmadıca yine abd muhze olunmaz. Ve bu mertib-i selse ile hsent aşddda ke-zlık ecr
 yodur. Amm hemm didigimz mertebede, hsentda hsene yazılır. Amm seyyie yazılmayup nzar
 olunur; eger ol nesne lillhi terk olunur ise hsene yazılır. Ve ill iqlenr ise seyyie-i vhide yazılır.
 Amm azm didigimz hlet ile indel-mun abd muhz olur. Ve indel-ba hem merfdan
 ılnmışdur. Ve daı Bezzziyyenn Kitbl-Kerhe vel-İstisnında meştrdur ki; hemm ile azm-i
 muammem ılmadıca şibi im olmaz. aan abd bir seyyieye azm eylese azm-i gnh ile im
 olur; yoksa cevri ile fil-i gnhnca im olmaz. Meger ki nez billh kfr gibi nesne ola. Zr kfre
 mcerred azm ile aşd iden fil-hl kfir olur, intih. Bu başn bu vechle beyn Eşbh şerhi Hmevde
 daı meştrdur. İmdi nzmun kelmındaki aşd lafz azm-i muammem mertebesine haml olunmaq
 mşraqı şnnn mefhmından rşendr. Nitekim nzm buyurur:

﴿ وز خدای خویش بیزاری مکن ﴾ Kendi Hdndan bzrlı eyleme. Pes zhir-i ibreye gre

man-y mşraq budur; lkin murd Hd-y mtele kendinden bzrlı eyleme yan dil-zrlıa aşd ile
 mste-ı hrmn-ı rahmet-i Rahmn olma dimekdr. **Vez Hd-ı h**, «ve Hd-y mtele

kendiñden» dimekdür. Zîrâ vâv ‘atıfedür ki mışrâ^c-ı şânîyi mışrâ^c-ı [S118b] evvel üzre ‘atf itmişdür; ‘illeti ma‘lûl üzre ‘atf kabîlindendür. Ez kelimesi ‘an-ı cârre ma‘nâsınadır. Ma‘nâda h^vış kelimesine dâhıldır. Ma‘nâ-yı mecmû‘ «kendiñden» dimekdür. Hudây lafzı mekon fi‘linüñ mef‘ûl-i mu‘kaddemidür. **Bîzârî**, bîzâr, ism-i müfred-i Fârisîdür. Ma‘nâsı «melâlet ve nefret ve terk»dür. Âhîrindeki yâ’ maşdariyyedür. Qaldı ki melâlet ü nefret şîfat-ı nefsânîyyedendür; Hudâ-yı müte‘âle itlâkı ğayr-ı şâhîhdür diyü su‘âl olunmaya. Zîrâ bu mişüllü şîfat ğâyetine mehmûldür, kemâ-merre fi’d-dîbâce. İmdi melâlet ü nefretüñ ğâyeti, teberrâ vü rahmetden teb‘iddür. Mâ’il-i zulm ü sitemüñ [Ü102a] rahmet-i Bârîden dūr ve ‘inâyet-i Perverdgârîden mehcūr olacağı kütüblerde meş‘ūr u meşhûrdur. İmdi kâsd-ı sitem idenüñ belâsı bu oldıysa nâzımuñ tıfl-ı tarîkate hîtâb ile nuşh-ı müste‘âb idüp buyurur:

﴿ خاطر كسرا مرنجان ای پسر ﴾ İy oğul! Bir kimesnenüñ hâtırını incitme. **Hâtır**, ‘Arabîdür; qalbe halecân iden nükteye dirler. Cem‘i havâtır gelür. Ve ğâh zîkr-i hâl irâde-i ma‘hall kâ’idesi üzre hâtırdan qalb murâd olunur. Nitekim mâ-nañnü fihide murâd böyledür. Mâ-ba‘dine muzâfdur. **Kes**, «kimse» dimekdür. Lafz-ı mezkûr siyâk-ı nefyde vâkı‘ nekre olmağın ‘umûm ifâde ider. **Râ**, edât-i mef‘ûldür. Fîli **me-rencândur** ki «incitme» demek ma‘nâsına nehy-i hâzırur. **İy püser**, «iy oğul» dimekdür. Ma‘lûm ola ki hâtır-şikenlik qadar bir haşlet-i bedter olmaya; her kimüñ hâtırı olur ise olsun. ‘Ale’l-huşuş âzürde eyledigîñ mü’mîn qarındaşuñ ola. Bunuñ tafşîli aşağıda in-şâ’a’llâh beyân olınacakdur. Qaldı ki bir kimsenüñ nazargâh-ı Rabbü’l-erbâb olan hâne-i hâtırını harâb ü yebâb itdikden soñra anı bir dahı nevâziş-i bî-hisâb ile ta‘mîre şitâb eyleseñ evvelki gibi ‘umrân bulmayacağı meşhûr-ı miyâne-i ehl-i ‘irfândur. Nitekim Nâbî rahîmehu’llâhuñ *beyt*:

Kenâd itseñ yene ‘ayb-ı şikâf-ı kâse bâkîdür

Olur tarz-ı nevâziş bî-nemek âzârdan soñra

kelâmı işbât-ı müdde‘âda kâfîdür. Hûlâşa-i kelâm hiçbir kimsenüñ qalbini incidüp hâne-i hâtırın harâb itme.

﴿ ورنه خوردی زخم بر جان ای پسر ﴾ Ve illâ cân üzre yara yirsün. **V’er ne**, kelime-i Fârisiyyedür. [S119a] ‘Arabîdeki «ve illâ», Türkîdeki «yoğsa» kelimelerinüñ mevqı‘inde müsta‘meldür. Pes ma‘nâ «ve illâ» dimekdür. Ya‘nî rencîş-i hâtır-ı dîğerrândan hâzer itmeyüp dil-âzâr olursañ. **Hordî**, muzâri‘-i müfred-i muhâtabdur; ma‘nâ-yı şartı mutazammın olan v’er ne kelimesinüñ cezâsıdır. Mâ‘nâsı «yirsün» dimekdür. **Zahm**, ism-i müfred-i Fârisîdür; «yara» ma‘nâsınadır ki ‘Arabîsi «cerâhât»dür. Bu ma‘kâmda murâd budur. Ba‘zı ma‘hallde âhû-yı sefid ma‘nâsına da olur. **Ber-cân**, «cân üzre» dimekdür. Ber, kelime-i isti‘lâ’iyyedür; cân ma‘rûfdur. Pes nâzımuñ zahmi câna ta‘alluğ itdirdigi; âharuñ cânını ne ğüne incidür iseñ ke-zâlik sehm-i intikâma cânüñ nişâne vü hedef ve cerâhât ile telef olur yâhod sen dahı andan [Ü102b] ziyâde müte’ellim olursın dimege işâret içündür. Zîrâ cânüñ incinmesi eş‘ab ve bunuñla ziyâde elemden kinâye eyledikleri meşhûrdur. **İy püser**, ma‘rûfdur. Ma‘lûm ola ki hâtır-âzâr olan sitemkârüñ cân üzre zahmdârlığı cerâhât-ı dâreynden ‘ammdur ve ekşerinüñ cânı hedef-i sihâm-ı intikâm olageldigi meşhûd u meşhûr-ı enâmdur. Nitekim beyne’z-zurafâ’, ma‘târihu’l-ezkiyâ’ olan ebyât-ı ğâmîza-

i şu‘arâdan işbu beyt-i dil-ârânun halli bu beyânda müşkil-küşâ ve fu‘karâ vü zu‘afâdan inkisâr alan seng-dilânun hâl-i tebhâna tamâm îmadur ki budur, *beyt*:

Hâzır ol bezm-i mükâfâta eyâ mest-i gurûr

Rahne-i seng-i siyeh penbe-i mînâdandur

Penbe-i mînâ, penbe-i hurde-i mînâ ma‘nâsına ıstılâhdur. Seng-i siyeh haqîkâtime mahmûldür ki «kara taş» dimekdür. Pes eğerre-i ahhâb-ı ma‘ârif-nişâbdan bir yâr-ı şâdık-ı hurde-bînün şehr-i Şîrâzda, kâr-hâne-i şîşegerânda meşhûd-ı ‘ayn-i yakîni olduğu üzre hurde-i mînânun sahkını seng-i siyâh ile iderler imiş. Lâkin ol hurdelerün ‘amele gelmek mertebe sahkı ol seng-i siyâhuñ elde vücûdı kalmayacak kadar darba muhtâc imiş. Ve hurde her darb olındıkça ol sengi yimek hâşşası imiş. İmdi seng-dil zâlimün kesr eylediği zarar-ı şûrî ma‘nâda kendü vücûdına ‘â’id olmak bundan hüveydâdur. Haqîkâtime nazar olınsa sebep-i idbârları, inkisâr aldıkları ve mazlûmun nâle-i istirhâmın gûş-ı cândan dūr ve seng-dil olmağdan nâşî yanlarında merhamet menfûr olup, [S119b] bu vechle halkı dergâh-ı Kâdî’l-hâcâta şaldıklarıdır ki ol dergâhuñ ise sâ’ili gayr-ı mahrûm idigi beyân-ı sâbıkdan ma‘lûmdur. Nitekim Hâdîkatü’s-Sü‘adâda bu kıt‘a-i dil-ârâyı iğtirâs ile Fuzûlî-i merhûmun ravza-i naşîhatine servâsâ sâye-bağış olmuştur, *beyt*:

Hâzer kıl nâle-i mazlûmdan iy seng-dil zâlim

Ki tîr-i âhuñun peykânı gerdündan güzâr eyler

Sinân-ı berkdur âh-ı tazallüm ihtirâz it kim

Egerçi seng-dilsin zahmı anuñ taşâ kâr eyler

müfâdıncâ zulmün nefse te’sîrinde olan aqvâviyyet, mazlûmun tazarru‘da eşeddiyyet ve icâbet-i du‘âsına a‘veniyyetden nâşî tahzîr-i tamm ile hazret-i Fahru’l-enâm ‘aleyhi’s-şalâtü ve’s-selâm hadîs-i cevher-nizâmında كان كافرا و ان [Ü103a] و دعوة المظلوم diyü buyurmuşdur. Eger kâfirün du‘âsı mu‘teber olmak lâzım gelür. Ma‘a-hâzâ Kur’ân-ı ‘azîmde لا في ضلال الكافرين وما دعاء الكافرين الا في ضلال diyü su‘âl olunur ise: Kâfirün du‘âsınun ‘adem-i itibâriyyeti, nârdan necâtı haqkıındadır; yoksa dünyâda du‘âsı mu‘teberdür diyü cevâb buyurıldığı Şerh-i Meşâriğda meşhûrdur. Pes hâtır incitmek egerçi esbâbı çokdur, lâkin:

جراحات السنان لها التيام

ولا يلتام ما جرح اللسان

mışdâkıncâ bir kimsenün ‘alem-i nâm-ı nâmûsını ta‘n u teşnî ser-nigün ve şemşîr-i zebân ile cesed-i ırz u vaqârını mecrûh u âlûde-i hûn eylemek cümleden eşedd olduğu içün nâzım eyidür:

﴿ نام مردم جز بنیکویی مبر ﴾ Kişinün nâmını eylikden gayrıya iletme. **Nâm**, Fârisîdür. Türkîsi

addur; mâ-ba‘dine muzâfdur. **Merdüm**, Fârisîdür; «âdemoğlanı» ma‘nâsnadır ki «kişi» dimekdür. Nitekim kişi-zâdeye ‘Acem, merdüm-zâde dir, *beyt*:

Gözüm yaşına rahm it sürme derden

Ki merdüm-zâdedür düşmiş nazardan

Ve dahı merdüm lafzı «merdümek» ma‘nâsına isti‘mâl olunur. Lafz-ı merdümek mürekkebdür. Bir cüz’i merdüm ve bir cüz’i kâf-ı taşğırdür. Ma‘nâsı «merdümcük»dür. Türkî dilinde «bebek» didiklerinün adıdır

ki gözde görünür merdümün ba'de't-terkib ismi olmuştur. Ma'nā-yı aṣlī ile bu ma'nāya münasebet zāhirdür, kezā fi'd-Deḳā'ik. **Cüz**, «gayrı» ma'nāsınadır; kemā-merre ba'dine [S120a] muzāfdur. **Benikūyī**, evvelindeki ḥarf-i bā' şıladur. Ma'nāda cüz lafzının evvelinde melhūzdur. Āhîrindeki yā' maşdariyyedür. Nīkū, «eyü» dimekdür; nīkūyī, «eyülük»dür. Bu lafzın tafşılı in-şā'a'llāhu teālā qarîben beyân olunur. **Me-ber**, nehy-i ḥāzırdur; «iletme» dimekdür. Hülāşa-i kelām bir kimsenün nāmını kötülük ile yād itme. Hūzūrda ne gūne medḥ ü iḥsān yüzün göstürürseñ ğıyābda kezā öyle ol. Tā ki her hâlde maḳbül-i enām olasin. Nitekim mısrā'-ı şānī ile nāzım buyurmuşdur:

﴿ کر همی خواهی که کرسی معتبر ﴾ Eger isterseñ ki hemîşe şāhib-i itibār u maḳbül olasin. **Ger**, edāt-ı şartdur. **Hemī**, «dükeli»; ḥ'āhī, muzāri'-i müfred-i muḥātabdur; «isterseñ» dimekdür. **Ki**, rābıţadur. **Gerdī**, feth-i kâf-ı 'Acemīyle muzāri'-i müfred-i muḥātabdur; «olasın» [Ü103b] dimekdür. Maşdarı şayrûret ü intikāl ma'nāsına olan «kerdiden»dür. **Mu'teber**, ifti'âl bâbından ism-i mef'ûl-i 'Arabîdür; «maḳbül» ma'nāsına şamildür. Fārisîde bu ma'nâyı sîn ve rā'nuñ fetḥaları ve hā'-i resmī ile «sereh» lafzıyla ta'bîr iderler ki maḳbül dimekdür. Ma'lûm ola ki ḥalkı eyülük ile yād iden hemîşe şāhib-i şān u keşîrû'l-iḥvān u mu'teber-i ehl-i zamān olur. Nitekim ḥazret-i 'Alī raḫıya'llāhu 'anhūñ من عذب لسانه كثر kelām-ı şerîfinden nümâyândur. Ve daḫı keşîrû'l-iḥvān olan merd-i pākîze-lisānuñ itibārı dünyāda zāhir ve 'uḳbāda mazḥar-ı fevāyid olacağı ḥazret-i Faḫru'l-'ālem şalla'llāhu 'aleyh-i ve sellemün يا انس kelām-ı şerîfinden nümâyândur. Ve daḫı keşîrû'l-iḥvān olan merd-i pākîze-lisānuñ itibārı dünyāda zāhir ve 'uḳbāda mazḥar-ı fevāyid olacağı ḥazret-i Faḫru'l-'ālem şalla'llāhu 'aleyh-i ve sellemün يا انس kelām-ı şerîfinden nümâyândur. İmdi ḥalk ile dost olmağıñ şartı ḥalkı eyülük ile yād idüp dostluğa ḥalel vormemekdür. Tā ki saña yār-ı şādık ve dāreynde dost-ı muvāfiḳ olalar. Ve illā ḥalkı kötülük ile yād idersen 'inda'llāh raḫmetden dūr ve 'inde'n-nās bî-ḳadr ü ḥaḳîr ü ḥ'ār olursuñ dimege işâret vardır. Ma'lûm ola ki beyt-i sābıkdan faşl ḳāidesi üzre su'āl-i muḳadder peydā olup ke-ennehu: “Merdümānı eyülük ile yād itmek elinden gelmeyen ne itmelüdü?” diyü su'āl olmağın cevābında: “Eyülük elüñden gelmez ise bârî kötülük eyleme” demek [S120b] ile nāzım-ı merḥûm cevāb maḳāmında buyurmuşdur ki:

﴿ قوت نیکی نداری بد مکن ﴾ Eyülük kuvvetin tutamazsañ kimseye kötülük eyleme. **Ḳuvvet**, 'Arabîdür; «berklik ve muḥkemlik» ma'nāsınadır. Zāfuñ muḳābilidür. Fārisîsi «zür»dur. Mā-ba'dine muzāfdur. **Nikī**, āhîrindeki yā' māşdariyyedür; «eyülük» ma'nāsınadır. **Ne-dārī**, muzāri'-i menfî-i müfred-i muḥātabdur. Ma'nāda fi'l-i şartdur. Taḳdîr-i kelām «eger ne-dārī» dimekdür. Ma'nāsı «eger tutamaz iseñ». **Bed me-kon**, bedī me-kon yirinde olmağıla; «kötülük eyleme» dimekdür. Cezā'-ı şartdur. Ma'lûm ola ki beyteyn-i mezkûreynün mefāhîmleri üzre bu naşîhat ile mütefettiḥ olmaḳ kibār u şığāra lâzımdur. Ḳaldı ki şığār olan nām-ı merdümānı eyülük ile yād ve iḥsānı itiyād itmegün şartı beyân-ı sābıkdan ma'lûmdur. Lākin kibāra göre nām-ı merdümānı eyülük ve iḥsān ile yād ve idemediği şürette ḥalka is'â'etden ihtirāzı itiyād itmegin ḥālî böyledür ki: Meşelā ḥākim bulunan kimesneye [Ü104a] göre merdümāndan murād; kendüden muḳaddem mesned-ārā-yı hükümet olan hükkāmdur. Pes anlaruñ nāmıların ḥayr ile yād itmek, ḥalkı 'adl ü dād ile dil-şād ve herkesi bir gūne nevāziş ü iḥsān ile ber-murād itmek ile olur. Ve eger bu devlete nā'il olamaz ise bârî zulm ü siteme mā'il olmamaludur. Zîrā ḥalka

ihsānı yok iken büm-ı şüm gibi her kındığı cāyı taḥrīb ve mār-ı zehr-ālūdāsā her fırsat buldığı kimesneyi ledğ ile taʿzīb ü ihlāki taşvīb iden kimesne kendi vücūdına sitem-i bī-kerān itmiş olur. Anuñçün nāzım eyidür:

﴿ بر وجود خود ستم بيحد مكن ﴾ Kendi vücūdınun üzerine ḥaddsiz sitem eyleme. **Ber-vücūd-ı ḥod**, «kendi vücūdınun üzerine» yaʿnī kendi kendiñe. **Sitem(-i) bī-ḥadd**, izāfetledür. Muẓāf olan lafz-ı sitemün āḥirinün bunda sākinen okundığı zarūret-i vezn içündür. Maʿnā «nihāyetsiz ezā vü cefā»; **me-kon**, «eyleme» dimekdür. Maʿlūm ola ki nāzımın bī-ḥadd kelāmında mübālağa nüktesine işāret vardır. Murādı, azacık kötülüğün cezāsı keşir ü ʿasir olur dimekdür. Nitekim dünyāda bi-ğayrı ḥaḫḫ nāsa cefākāruñ muʿazzeb biʿn-nār olacağın beyānda ان الله يعذب الذين يعذبون الناس في الدنيا ḥadīs-i [S121a] dūrer-bārı Hişām bin Ḥakīm bin Ḥizām rażıyaʿllāhu ʿanh rivāyetiyle sābitdür. Pes dünyāda olan ʿazāba nazaran āḥiret ʿazābının şedid ü bī-ḥadd idigi vāreste-i kayd u beyāndur. Pes eyülük itmek ve idemedigi ḥalde kötülükden ḥazer yolına gitmek ḥuzūr u ğıyābdan ʿamm oldığın işʿār ve ber-muḫteẓā-yı zamān ḥalkı ẓahruʿl-ğayb, faşl u ğıybet ve ḳadḥ u mezemmetün keşreti ve cezāsının şiddetine bināʿen isāʿet envāından ğaybeti taḥşışa ibtidār ve ğıybetden ihtirāz naşihatine āğāz idüp nāzım buyurur:

﴿ رو زبان از غيبت مردم ببند ﴾ Git halkın ğıybetinden dili bağla. **Rev**, feth-i rāʿ-i mūhmele ve sükūn-ı vāv ile emr-i ḥāzırdur; «git» dimekdür. Maşdarı gitmek maʿnāsına «reften»dür. **Zebān**, zāʿ-i muʿcemenün fethiyle meşhūrdur. Zamm ile faşīhdür. Maʿnā-yı ḥaḫīḳisi ālet-i tekellüm olan ʿuẓv-ı maḥşūşdur ki Türkide «dil», ʿArabide «lisān» dirler. Bunda murād budur. Ve gāḥ istiʿāre tarīḳıyla laʿnet maʿnāsına istiʿmāl iderler. Nitekim ʿindeʿl-ʿArab lisān lafzında bu istiʿāre şāyiʿdür. Ez-cümle dībācede zıkr olınan لسان اهل الجنة ilā-āḥirihi [Ü104b] ḥadīs-i şerīfdeki lisāndan murād luğatdür. Ḥattā Türkün dil lafzında bu istiʿāre cārīdür. Nitekim ʿacemī olan kimesneye «dil bilmez» dirler. **Ez-ğıybet-i merdüm**, izāfetle «halkın ğıybetinden» yaʿnī nāsı ğıybet itmekden dimekdür. Ez, ʿan-ı cārre maʿnāsınadır. Ğıybet, kesr-i ğayn-ı muʿceme ile ʿArabīdür. Maʿnāsı bir meşṭuruʿl-ḥāl kimesnenün ardınca müsāvīsın söylemege dirler ki eger ol kimse anı işidür olsa incine. Nitekim ḥadīs-i şerīfde الغيبة ذكرک اخاک بما يكره gelmişdür. Qaldı ki buña ğıybet dindigi ol söylenen söz şıdḳ olduğına göredür. Ve illā kizb olur ise aña bühṭān dinür. Ve daḥı lafz-ı ğıybet Fāriside müstaʿmeldür. Gāḥī mecāzen «püstīn» lafzıyla ğıybet murād iderler. Merdüm, maʿlūmdur; cins-i nās murāddur. **Bü-bend**, evvelinde olan bāʿ-i zāʿidenün zammı ve baʿdehū olan bāʿ-i aşıyyenün fethiyle emr-i ḥāzırdur; «bağla» dimekdür. Maşdarı fethile «besten»dür. Ḥulāşa-i kelām, lisānının ğıybetden ḥıfz eyle yaʿnī āḥarda gördigin ʿayb u noḳşanı kendi nefsünde bilüp anuñ işlāhıyla muḳayyed ol.

﴿ تا نبینی دست و پای خود ببند ﴾ Tā ki kendi elüñi ve ayağını kayda görmeyesin. **Tā**, «tā ki»; **ne-bīnī**, muẓārī-i [S121b] menfī-i müfred-i muḥāṭabdur; maʿnāsı «görmeyesin» dimekdür. **Dest ü pāy-ı ḥod**, «kendi elüñi ve ayağını» dimekdür. Dest, el; vāv, ʿāṭıfe; pāy, dest üzerine maʿṭūfdur ve mā-baʿdine muẓāfdur. Ayaḳ maʿnāsınadır. **Ḥod**, «kendin» dimekdür. **Be-bend**, evvelindeki bāʿ-i meftūḥadur ve zarfiyyet içündür. Bend, feth-i bāʿ-i muvaḥḥide ile bunda ismdür. Maʿnāsı Türkide «bağ», ʿArabide

«kayd»dur. Bundan murād, bend-i ‘uṣāt için dūzaḥda olan kayd-ı nikāl ve selāsil ü aḡlāldür ki keyfiyyeti maḥallerinde mübeyyendür. Ehl-i ‘azābı āteşde ol kayd ile muḳayyed kılarlar. İmdi nāzımuñ, tā ki kendi etrāfını kayda giriftār görmeyesin didigi; ğıybet iden müsteḥaḳḳ-ı ‘azāb ve giriftār-ı kayd-ı ‘ıḳāb olur dimege işāret içündür. Ma‘lūm ola ki ğıybet şer‘an ḥarāmdur. (...[Ü105a]...) Ḥattā meşāyih-ı sūfiyye eyidürler: Ğıybet idenüñ ‘ayn-ı ḳalbinde nūr-ı başıret olmaz ve zātında firāset bulunmaz ki nūr-ı İlāhī ile nazar idüp ol kimsenüñ hūner-i kemālātın göre. Belki nār-ı ḳaṭī‘a ile nazar itmegin ancaḳ ol kimsenüñ ‘uyūb u noḳşanın tekellüm ider. Pes bu varṭadan ḥalāş olmaḳ, ḥalḳdan inḳıṭā‘ idüp tedric ile nār-ı nefsi ve lehb-i ṭabī‘ati söyündürüp, ḳalbi nūr-ı şer‘at ve ziyā’-i ṭarīḳat ile rüşen ḳılmaḡa vābestedür. Tā ki nār-ı mezkūr munṭafī oldıḳdan şoñra nūr-ı İlāhī vücūdında tecellī idüp, ol nūr-ı İlāhī ile nazarda eşyaları mazāhir-i İlāhī görüp ‘ayb-bīnlikden ḥalāş bulasın ve ḥaḳıḳat-bīnlikde şāḥib-i ihlāş olasın, intihā. (...[S122a, Ü105b]...) Pes beyt-i sābıḳ maзмünüyle ‘āmil olmayup tekellüm-i ğıybete mā’il olanuñ cezāsı ‘azāb u ‘ıḳāb idigin te’kīd ve ğıybete muṭlaḳu’l-lisān olan envā‘-ı ‘uḳūbet ile mu‘āḳab olmaḳdan ḥalāş olamaz dimegi te’sīs zımnında nāzım eyidür:

﴿ هر که از غیبت زبانش بسته نیست ﴾ Her kim ki dili ğıybetden baḡlu degül. **Her ki**, «her kim ki»; **ez-ġıybet**, «ġıybetden»; **zebāneş**, «anuç dili» dimekdür. Zebānuñ muḳāfun ileyhi olan şīn, zamīr-i ġā’ibdür; her ki lafzına rāci’dür. **Beste**, feth-i bā’-i muvaḥḥide ile ism-i mef’uldür; «baḡlanmış» dimekdür. **Nīst**, ma‘nā-yı ‘aṣlīsı «yoḳdur» dimekdür. Bunda «degüldür» demek murāddur.

﴿ آنچنان کس از عقوبت رسته نیست ﴾ Ancılayın kimse ‘uḳūbetden ḳurtulmuş degüldür. **Ānčünān**, «ancılayın» dimekdür. Aşlında «ānčünān» idi. Edāt-ı teşbīh olan çün lafzı ḳaçan bir ism ile tereküb idüp andan cüz’ vāḳı‘ olsa, lafz-ı «çün»dan vāvuñ ḥazfī cā’iz olmak ḳā’idesince bundan ḥazf olup ānčünān olmuştur. Ve ba‘zı maḥallde bilā-ḥazfı’l-vāv «čünān» şāyi‘u’l-isti‘māldür. Bu cevāz «čünīn» lafzında daḡı cārīdür. Pes vāvuñ işbātiyle čünān isti‘māl eyledikleri *beyt*:

مكن بد که چون ان نبینی جزا

نیکوکار باشد بنیکی سزا

beytinde vāḳı’dur. Ve daḡı «čünīn» isti‘māl eyledikleri *beyt*:

چنین بود [S122b] کیتی و چون این بود

کهی مهربانی کهی کین بود

beytinde şāyi’dür. **Kes**, fethile «kimse» dimekdür. **Ez-‘uḳūbet**, «‘uḳūbetden»; **reste**, fethile ism-i mef’uldür; «ḳurtulmuş» dimekdür. **Nīst**, kemā-merre «degüldür» dimekdür. *Nükte*: Nāzımuñ zulmden men‘ zeylinde ğıybetden men‘ beyān eyledigi, zulmüñ el ile oldıḡı gibi dil ile olmasını İmā ve ğıybet iden ma‘nāda zālīmdür dimegi muḡṭabuñ, mazlūm-ı lāzımu’l-intişār oldıḡın işāret nūkteleri içündür. (...[Ü106a]...) Ve daḡı kizb ve nemīme ve ğıybet gibi aḡlāḳ-ı zemīmeden ḥalāş sūkūt ile ihtisāsa vābeste idigin İmā zımnında baḡs-i sābıḳı beyān-ı fevā’id-i sūkūt ile irdāf idüp nāzım buyurur:

Der-Fevā’id-i Ḥāmūşī

﴿ ای برادر کر تو هستی حق طلب ﴾ İy qarındaş! Eger sen haqqı taleb idici isen. **İy birāder**, «iy qarındaş» dimekdir. Bu taʿbīr rūsūm-ı nāşihīn üzredür. Yāhūd المؤمن اخ المؤمن hadīs-i şerīfine telmihandır. Yāhūd ıstılāh-ı erbāb-ı tarīkat üzredür ki anlar ibtidāʾ-i sülükde olana püser ve evsaṭ-ı sülükde olana birāder ve intihāda olana pīr ve mürşid ve ʿazīz taʿbīr iderler. Nāzımuñ ekşer-i maḥallde bu resme riʿāyeti olacaqdır. **Ger**, edāt-ı şartdır. **Tu**, zamīr-i hitābdur. **Hestī Haqq-taleb**, maʿnāda «ṭālib-i Haqq isen» dimekdir. Hestī kelimesinüñ ahirindeki yāʾ bu maḳāmda hitāb içündür. Haqq taleb kelāminuñ [S123a] ahirine merbūtdur. Haqq-taleb, terkīb-i tavşīfidür; meʿalde ṭālib-i Haqq demek olur. Haqqdan murād bāṭıluñ muḳābilidür yāhūd ism-i celāldür. Pes murād-ı evvele göre: «Eger sen bāṭıldan gürizān ve haqqı cūyān isen» demek olur. Murād-ı sāniye göre: «Eger sen Haqq teʿālā celle şānuhū ve ʿamme nevāluhū hazretin taleb idici isen demek olur. Fe-ʿalā-kileʾt-taḳdīreyn talebkār-ı Haqq her vechile ʿināyete eḥaqq ve neyl-i saʿādet eylaqdır. Pes her müʾmin bu talebde olmak hoşdur. Haqqdan gayrıya ṭāliblerüñ her hālde eli boşdur. (...[Ü106b]...) Hūlāşa-i kelām eger sen ṭālib-i Haqq isen:

﴿ جز بفرمان خدا مکشای لب ﴾ Haqquñ buyruğundan gayrıya leb-küşā olma. **Cüz**, «gayrı» maʿnāsınadır. **Be-fermānda** olan bāʾ-i ilşāk meʿalde cüz lafzınuñ evvelinde melhūzdur. Fermān, bunda «buyruq» maʿnāsınadır. Aḥkām-ı pādşāhī yazılan menşūra daḥı dirler. Mā-baʿdinde olan **Hudā** lafzına muzāfdur. Pes fermān-ı Hudā, evāmīr-i İlāhīden ʿibāretdür. Evāmire imtişāl lāzım olduğu gibi nevāhīden ictināb ke-zālik lāzımdur. Ve evāmīrūñ cümlesi hükmd e birdür. Lākin bi-ḥasbiʾl-ʿamel birbirinden eḥabb ü eşedd ü efḍali vardır. Ez-cümle hıfz-ı lisān eḥabb-i aʿmāldür. Nitekim hadīs-i şerīfde احب الاعمال اشد الاعمال vārid olmuştur. Ve eşedd-i aʿmāl her hālde zıkr-i hazret-i müteʿāldür. Nitekim احب الاعمال من كان يؤمن بالله واليوم الآخر فليقل خيرا او ليصمت hadīs-i şerīfi bu maʿnāya dālldür. **Me-k(ü)şāy**, nehy-i hāzırdur; [S123b] «açma» dimekdir. **Leb**, tudaḳ maʿnāsınadır; bunda murād budur. Ve gāh kenār maʿnāsına da gelür. Meşelā, leb-i cū ve leb-i deryā ve leb-i sāgar gibi. Pes nāzımuñ bundan murādı, şerʿan tekellüme izn olmayandan sākit ol dimekdir. Nitekim hadīs-i şerīfde من كان يؤمن بالله واليوم الآخر فليقل خيرا او ليصمت vārid olmuştur. Tekellüm-i ḥayr aʿmāl-i kavliyyenüñ cümlesine şāmindür. Fermān-ı Hudādan gayrıya leb-küşā olmayan müʾmin-i kāmıldür. Pes bu işāret üzre ḥāmūş olmak hoşdur. Nitekim *beyt*:

اگرچه نطق در هر نکته صد تنگ شکر دارد

ولی شهد خموشی در نظر شأن دگر دارد

mazmūnı bu beyānda mişāl-i şekker-i pür-nuşdur. Hattā her ṭālib-i meṭālibe üstād lāzımdur didikleri bahşde ḥasbeʾl-istiʿdād mālīk-i semʿ-i bāṭın olan sālīk-i mübtedīye evvelā sükūt idüp kelām-ı mürşidi istimāʿ [Ü107a] gerekdir. Tā ki istiʿdādı zāʾil ve neyl-i maḳşūd içün olan saʿyi bāṭıl olmaya. Pes sālīkūñ evvel mertebesi lisān maḳāmında bir ḥüsn-i taʿbīre kādir üstād-ı kāmīl bulmaqdır. Ve cān u dilden anuñ kelāmına ḳulaḳ urmaqdır. Tā ki ḥüsn-i taʿbīr ü esrār-ı tarīkati maʿlūm idine. Ve illā ol sālīkūñ encām-ı kelāmı elfāz-ı mühmele gibi bī-meʿāl olur. Meşelā şabī māderinden süd emer iken bir niçe müddet ḥāmūş olup tekellüm vaḳtine dek sākiten cümle vücūdı gūş olur. Ve eger aralıḳda söze gūşdār olmaz ise “tey

tey” diyü bî-hüde söz söyler ve kendü kendüyi cihānuñ dilsizi eyler. İmdi sâlik bundan āgāh ve sükût üzre sâlik-i rāh-ı rızā-yı İlāh olmak gerekdür. Nitekim nâzım buyurur:

﴿ کر خبرداری ز حی لایموت ﴾ Eger hayy ü lā-yemūt olan Hudādan haberdār iseñ. **Ger**, edāt-ı şartdur. **Ḥaberdārī**, «haber ʔutıcı iseñ» dimekdür. **Ḥaberdār**, «āgāh» maʿnāsına terkīb-i tavşīfidür. Āhîrindeki yā’ ʔiṭāb içündür. **Zi-hayy-i lā-yemūt**, mevt ü fenādan ve cereyān-ı zamān ile teğayyürden münezzeh hayy-i ebedīden dimekdür. Murād, eger maḳām-ı müşāhedeye vāşıl iseñ dimekdür. Nitekim Bāyezīd-i Beşāmī ravvaḫa’ llāhu rūḫahu’s-sāmī ḫazretleri ‘ulemā’-i zāhire ʔiṭāb ile: “Sizler ‘ilmi, meytan ‘an meyyit aḫz idersiz. Ammā biz hayy-i lā-yemūtdan oḫuruz” diyü buyurmuşdur. Murādı, maḳām-ı müşāhedeye vāşılardanız dimekdür dimişlerdür.

﴿ بر دهان خود بنه مهر سکوت ﴾ Kendi aḡzıñuñ üzerine sükût mührin [S124a] koy. **Ber-dehān-ı ḫod**, «kendi aḡzıñuñ üzerine»; **bi-nih**, bā’-i meksûre-i zā’ide ile emr-i ḫāzırdu; «vāz’ eyle» dimekdür. Nihāden maşdarıdır. **Mühr-i sükût**, izafetle «sükût mührini» dimekdür. Mühr, zamm-ı mīm ile Fûrs ü Türkde müstaʿmeldür. Sükût, şamt gibi epsem olmak maʿnāsınadır. Lākin bazıılar ikisin birbirinden fark idüp: Sükût, söyler iken epsem olmaḫdur; şamt, ibtidā’-i emrden epsemlikdür dimişlerdür. Pes nâzım bu beyt ile; eger vāşılinden iseñ من وصل الحق كل لسانه müfādınca esrār-ı İlāhiyyeyi keşf itmeyüp, aḡzuña vāz’-ı mühr-i sükût [Ü107b] eyle dimege ĩmā buyurmuşdur. Ve buña terk-i güft-gü dirler. Bu mertebenüñ mālikleri egerçi lisān-ı maḳālī ḫatm eylemişlerdür. Lākin zebān-ı bālleri maʿnā-āşnā olmaḫıla mühr-i sükût anlara cām-ı cihān-nümā olmuşdur. Nitekim Şā’ib:

از ترک گفتگو دل بامعنی آشنا شد

مهر خموشی من جام جهاننما شد

bu maʿnāya şāhiddür. Ve daḫı beyt-i nâzımda ḳıl ü ḳālden geḫüp aʿmāle mülāzemet eyle dimege işāret vardır. Nitekim Ḥ’āce Şā’ibüñ *beyt*:

دل سیهکاری سرآمد روزکارت چون قلم

از سر گفتار بکذر بر سر کردار شو

خار بی کل چند خواهی بود از تیغ زبان

بی زبان بی پیشه خود کن کل بی خار شو

ebyāt-ı leṭāfet-āyātından bu maʿnā hüveydādur. Ve daḫı zıkr-i ḫafīden ḫālī ve şun’-ı ḳudreti tefekkürden lā’übālī olma dimege işāret vardır. **Zıkr-i ḫafī** ise خیرالذکر الخفی و خیرالرزق مایکفی ḫadīs-i şerīfine göre ezḳāruñ ḫayırlusıdır. Pes ḫamūş olan lebūñ ḳısmeti, ḡidā-yı rūḫ ve ḫāmūşuñ maḫḫar-ı āşār-ı fütūḫ oldığı *beyt*:

غداى روح بود قسمت لب خاموش

قدح ز باده کلفام میشود فربه

mażmūnından nümāyāndur. Ḥattā meşāyılḫ-ı şūfiyyeden naḳl ü rivāyet ber-işāret böyledür ki: Derūni hevā ile memlū ve aḡzı muḫkem baḫlu olan sebū her neḳadar ‘amīḳ şuya ilḳā olınsa ḡarīḳ olmayup sū-be-sū vech-i mā’da seyrān ider. Pes deryā-mıḫal olan dünyā-yı mehāliki tārik olan dervīş-i fenā-fi’ llāhuñ kūze-i

vücūdî hevâ-yı mahabbet ile memlû ve maḳālât-ı mâ-lâ-ya'nîden mühr-i sükût ile dehânı maḥtûm u baḡlu oldıḳda herbir mehâlikden me'mûn olup beyân-ı esrâr-ı İlâhiyyeden ḥamûş ve ser-â-pâ çeşm ü gûş olaraḳ setr-i âlem-i bâlâ eyler dimişlerdür. İmdi [S124b] ḥamûşluḡuñ fevâ'id-i keşîre vü 'avâ'id-i vefîredür. (...[Ü108a]...) Pes ḥamûşluḡuñ fevâ'id-i mezkûresi üzre dehânına vaż'-ı mühr-i sükût iden dünyâ vü 'uḳbânüñ her bir belâlarından necât buldıḡını îmâdan soñra nâzım, taşrîḥ-i a'zam-ı fâ'idede buyurur:

﴿ ای پسر پند نصیحت کوش کن ﴾ İy oḡul pend ü naşîḥati işit ya'nî ḳabûl eyle dimekdür. **İy püser**, «ey oḡul»; **pend ü naşîḥat**, ma'lûmdur. Pend, Fârisîdür. Naşîḥat, 'atf-ı tefsîrdür; 'Arabîdür. Türkîde «öḡüt» dirler. **Gûş kon**, emr-i ḥâzırdur; «istimâ' eyle» ya'nî «ḥıfz eyle» dimekdür. Pes bunda naşîḥatden murâd, mısrâ'-ı şânînüñ mefhûmıdır ki nâzım buyurur:

﴿ کر نجاتی بایدت خاموش کن ﴾ Eger saña necât gerek ise sâkit ol. **Ger**, egerden muḥaffef edât-ı şartdır. **Necâtî**, âhîrindeki yâ'-i maşdariyyedür. «Ḳurtılmaḳlıḳ» ya'nî âfât ve 'âhât ve her belıyyâtdan ḥalâşlıḳ demek murâddur. **Bâyedet**, «saña gerek ise» dimekdür. Maşdarı «bâyesten»dür. Âhîrindeki tâ' ḥiṭâb içündür. **Ḥamûş kon**, «epsem ol» dimekdür. Ma'lûm ola ki bu beytden murâd; mâ-lâ-ya'nî tekellûmden sâkit ü şâmit olup âfât-ı lisândan ḥalâş ve selâmet-i dâreyn ile ihtîşâş bul dimekdür. Pes sâkit ü şâmitüñ sâkin-i dârü'l-emân oldıḡı *beyt*:

از خموشی مشت خاکی بردهان قال زن

[S125a] تا قیامت خیمه در دارالامان حال زن

maẓmûnından nümâyândur. Nitekim من صمت نجی ve daḡı men meẓâmîni üzre şâmit ü sâkitüñ necâtını beyânda niçe eḥâdîs-i şerîfe beyân buyurmuşlardır. Ez-cümle الصمت رفع العبادة ve daḡı الصمت زین للعالم و ستر للجاهل [Ü108b] ḥadîs-i şerîfleridür ki me'ânî-i münîfeleri âşkârdur. Pes sükût her maḥallde nâzûkdür. Ḥuşuşan kâmiller ḥuzûrında ḥamûşluḳ ḥoşdur.

Sikender-seyr iseñ de sedd-i nuṭḳ it pîş-i kâmilde

Felâṭûn-ı ḥaḳîḳat-bîne naḳl-i mâ-cerâ olmaz

dimişlerdür. Zîrâ kâmiller firâsetle mürîdüñ âyîne-i ḥâṭırında şüret-nümâ olan keyfıyyâtı bi-izni'llâh istibşâr iderler. Ḥattâ meşâyıḥ-ı sūfiyye 'indinde 'ârifler, mu'arraf-i ḥavâṭır ve cevâsîs-i zamâyirdür dimişlerdür. (...) Ve daḡı nâzımuñ bu beyti üzre şer'an ve 'örfen sükût idecek maḥallerde sükût bâ'is-i necâtdur. Şer'an sükûtuñ lüzûmı olan emâkin ü evḳât maḥallerinde mübeyyendür. Ez-cümle Tarîḳat-i Muḥammediyyede olan beyân-ı âfât-ı lisândur ki anları tekellûmden ihtirâz, sükût ile ser-firâz olmaḳ gerekdür.

Bî-maḥall güftâra âḡâz eyleme mecnûn gibi

Bî-hüde sözdür kişinüñ ḳadrini bî-vezn iden

Sâkit ol kim ḳaṭ'-ı güftâr oldı nev'-i âdemüñ

Künc-i ḳalbin gevher-i ḥikmetle meşḥûn eyleyen

Pes ‘bu naşâyıh ile mütenaşıh olmayup, keşret-i kelāma mübtelā belki mā-lā-ya‘nī tekellümin dilde sermaye eyleyen süfehānuñ hālleri niçedür?’ diyü su‘āl peydā olmağın faşl kı‘idesiyle nāzım cevāba āğāz idüp buyurur:

﴿ هرکرا گفتار بسیارش بود ﴾ Her kim ki anuñ sözi keşir ola. **Her ki-rā**, āhırde olan rā zā’idedür; ma‘nā «her kim ki» dimekdür. **Güftār**, zamm-ı kâf-ı ‘Acemī ile «söz»dür, sühan gibi. ‘Arabīsi «kelām»dur. Ve ‘inde’l-ba‘z kı‘ide-i Fārisī üzre, nūn-ı maşdar mevkı‘ine elif ve rā’-i mühmele ziyādesiyle ma‘nā-yı maşdarī aḥz olınmağın [S125b] lafz-ı güftār maşdardur. «Tekellüm» ma‘nāsınadır. Nitekim «fītār» lafzı, zehāb-ı laṭif ma‘nāsına maşdardur didikleri gibi. Pes bu maḳāmda ma‘nā-yı münāsib zāhirdür. **Bisyāreş**, kesr-i bā’i ‘Arabī ile «çok» ma‘nāsınadır. Āhırindeki şīn, zamīr-i gā’ibdür. Güftār kelimesinüñ āhırine merbūtdur. «Her ki-rā»da olan her ki lafzına rāci‘dür. **Buved**, «ola» dimekdür. Hūlāşa, her kim ki keşret-i kelāma mübtelā ola:

﴿ دل درون سینه بیمارش بود ﴾ [Ü109a] Ānuñ ḳalbi, derūn-ı sīnede ḥaste ola ya‘nī ḳalbi fesāda vara. **Dil**, «göñül» ma‘nāsınadır ki ḳalb dimekdür. **Derūn-ı sīne**, izafetle sīne içinde dimekdür. Zīrā derūn lafzında, «der» kelimesi iç ma‘nāsınadır. Vāv ile nūn nisbet içündür. Sīne, «gögüs» dimekdür ki ‘Arabīde şadr dirler. **Bīmār**, «şayru» dimekdür; ḥaste gibi. Bunda murād, marīz dimekdür. Ve gāh isti‘āre tarīkıyle çeşm-i dil-berāna daḥı bīmār dirler lākin ḥaste dimezler. Āhırinde olan şīn zamīrdür; keşirü’l-kelām olan nesneye rāci‘dür. Ma‘nāda dil kelimesinüñ āhırine merbūtdur. Taşvīr-i ‘ibāre «dileş» dimek olur. **Buved**, kemā-merre «ola» dimekdür. Ma‘lūm ola ki ḳalbün illet ü fesādı, bā’is-i fesād-ı ceseddür. Nitekim ḥadīs-i şerīfde ان فی الجسد لمضغه انا صلحت صلح الجسد كله و انا فسدت فسد الجسد كله الا وهی القلب vārid olmuşdur. İmdi marīz olan kimesne gıdā-yı laṭifī ḳabūl itmedigi gibi bīmār olan ḳalb daḥı gıdā yirinde olan füyūzāt-ı İlāhiyyeyi ḳabūlden ḳalup ve kendüye olan naşâyıh u mevā‘ızı hevāya şalup, ālūde-i ḳasvet ve maḥrūm-ı rahmet olup bu keyfiyyet-i fesād, cesede sirāyet ile cesedi daḥı pūr-illet ve maḥrūm-ı füyūz-ı ḥazret-i Rabbü’l-izzet kılar. Fe-‘alā-hāzā mübtelā-yı keşret-i kelāmuñ ḳalbi ‘alīl olur dimek; illet-i ḳalbdan nāşī cümle-i cesedi pūr-illet ve tābi‘-i ḳasvet olur dimekten ‘ibāret olmuş olur. İmdi muḥarrefü’l-mizāc olan muḥtāc-ı ilāc olmağın ḳalb-i ‘alīle şifā-baḥş olur devā ile müdāvā gerekdür. Pes devā’-i şifā-sāz, mā-lā-ya‘nīden sükūt üzre zikru’llāha āğāz eylemekdür. Nitekim ḥadīs-i şerīfde لكل شئ شفاء و شفاء القلوب İmdi bī-hūde kelāmı tekellümden ihtirāz iderek şerāḥe İmdi bī-hūde kelāmı tekellümden ihtirāz iderek şerāḥe şerīfiyle ‘amelen zikru’llāha müdāvim olanuñ ḳalbi şıḥhatde dā’im ve cesedi her bir ‘ilel-i ma‘nevīden şaḥīḥ ü sālīm olup mazhar-ı füyūzāt-ı İlāhī ve nā’il-i sa‘ādāt-ı nā-mütenāhī olur. Ḳaldı ki nāzımuñ taḳlīl-i kelāmından murādı, mā-lā-ya‘nīyi bi’l-küllīye terk ile ḥamūş olmaḳ idigin i‘lān ve şınfeynün ḥāl ü şānların beyān için buyurur:

﴿ عاقلانرا پیشه خاموشی بود ﴾ ‘Āḳıllara şıfat u ‘ādet ḥamūşluḳdur. [Ü109b] **‘Āḳılān-rā**, «āḳıllara» dimekdür. ‘Āḳılān cem‘dür; müfredi ‘āḳıldur ki beyānı sebḳ eylemişdür. Rā kelimesi edāt-ı mef‘ūldür. **Pişe**, bā’-i ‘Acemī ile «şan‘at u hüner» ma‘nāsınadır. Piş, cihāt-ı sittenüñ birisi olan oñ ma‘nāsınadır. Āhırinde olan hā’ ihtişāş içündür. Pes şan‘at ehli işi oñine alup işlediginden ötürü lisān-ı

Fārisīde aña «pīşeger» dirler. **Ḥāmūşī**, āhîrîndeki yâ' maşdariyye olmağıla ma'nāsı «epsem olmak» dimekdür. Ḥāmūşī, epsem ma'nāsınadır. Bilā-vāv ḥāmuş mişlühüdür. **Buved**, «ola» dimekdür; est ma'nāsına olmak dağı rūşendür. Ma'lûm ola ki 'aql dînuñ kıvāmıdır. Bî-'aql olanuñ dîni kâmil olmaz. Nitekim ḥadîs-i şerîfde لعقل قوام الدين ولادين لمن لاعقل له vârid olmuştur. Pes nâzımıñ; ḥāmūşluk 'uqalâ şan'atıdır didigi, ehl-i dîn ḥaşletidür demekden kināye olur. Ve 'aql didigimiz mevhibe-i Ḥaqq ve dāreynde güzîde-i a'māle mülḥaḥdûr. (...)

﴿ پيشه' جاهل فراموشی بود ﴾ Cāhiluñ şan'at u hünêri unutmaqlıkdur ya'nî gâfletdür. **Pīşe-i cāhil**, izāfetle «cāhiluñ hünêri» dimekdür. Muḳābele qarînesiyle cāhilden [S126b] murād, bî-'aql mecnûn dimekdür. Nitekim Büzürc-mihr buyurmuşdur: اذا رايت الرجل يكثر الكلام فاستيقن بجنونه Ya'nî bir kimesneyi mükşirü'l-kelām görseñ anuñ cünûnını yaqîn eyle. Murād; 'aql olan enfās-ı nāzenînini bî-hüde yire zāyî' eylemez dimekdür. [Ü110a] Ve dağı ḥazret-i Ḥayder-i Kerrār razıya'llāhu 'anhuñ کلام اذا تم الكلام اما تم العقل نقص kelāmı bu ma'nâyı işbâtta tāmmdur. (...) Netîce-i kelām, bî-hüde kelimât ile mübtelâ-yı keşret-i kelāmuñ 'aqlına kelāl tārî olmağın bu maḳûle kimesneler mecânîni cehālet-âgîn ve ḥumeḳādan ma'dûd idigi imzâ-kerde-i ehl-i yaqîndür. **Ferāmūşīde**, yâ' maşdariyyedür; «gâflet ü nisyân» ma'nāsınadır. Ve iktizāsına göre bila-vāv ferāmūş, mişlühü cā'izdür. **Buved**, «ola» dimekdür. Ḥāşıl-ı kelām menāfi'-i sükûtı cāhil olan gâfiluñ 'âdeti ḥamūşluğı ferāmūş itmek ola dimekdür. Ma'lûm ola ki cāhiluñ 'adem-i kemālî kelāmından nümāyân ve şehāfet-i maḳālinden nāşî rüsvâ-yı cihân olur dimişlerdür. Nitekim *beyt*:

بی کمالیهای مردم از سخن پیدا شود
پسته بیمغز چون لب را کند رسوا شود

müfādınca lübbi olmayan fustuḳuñ leb-küşālîḳda rüsvālîğı zāhirdür. Ve dağı meşâyîḳ-ı şüfiyye 'indeinde cāhil, dünyāya ziyāde maḥabbeti olana dirler. Pes maḥabbet-i dünyāya mübtelâ olanuñ kıl ü ḳālî keşîr ve dām-ı belāda eşîr olduğı hüveydādur. Bu ma'nāca cāhiluñ başı belālu olur. Nitekim موكل بالمنطق البلاء bu beyānda kāfîdür. Ḥattâ bu mişllü cāhil ü ḡayr-ı 'aql ile mükālemeyi terk ve kec edāsını istimā'dan teğāfûl ḥoş olduğı şu'arâ-yı selefden 'Āmî raḥimehu'llāhuñ *beyt*:

با صد جواب بسته زبانم که چاره'
کج بحث را بغیر تغافل نمیشود

beyt-i laṭîfî ile istişhād buyurmuşlardır. Ve kec-baḥşden murād cāhildür. Bu maḳûle cāhiluñ dendānın şikest itmekden ḡayrî çāresi yokdur. Zîrâ kec-baḥşlığı, keş-düm mişāldür. Düm-i 'aḳrebde olan girihüñ küşâyîşi ancak seng ile olur dimişlerdür. Nitekim Mirzâ Vahîd 'aleyhi'r-raḥmeti'l-Meliki'l-Mecîd buyurmuşdur:

نیست جز دندان شکستن چاره' کج بحث را
از دم عقرب کره نتوان کشود الا بسنگ

intihâ. Pes nâzım raḥimehu'llah muṭlaḳ sükûtuñ [S127a] lüzûmını beyân zeylinde şânına ihtimâm için şer'an sükûtı [Ü110b] vâcib olanı beyāna taşaddî idüp buyurur:

dürüg-ı âteşbâra ictisâr iden cāhil-i bî-iz‘ān dā’ire-i ‘ālemi nā’ire-i fesād ile büryān ve âteş-i sūzān ile çok yirleri vîrān ider, intihā. Pes “tekellüm-sāz-ı kelimāt olmağın tārīkı nedür?” diyü su’āl-i muḳadder peydā olmağın [Ü111b] faşl kâ’idesince nāzım birāderāna ḥiṭāb idüp buyurmuşdur ki:

﴿ ای برادر جز ثنای حق مگو ﴾ İy qarındaş Hāḳḳuñ şenāsından ğayrı söyleme. **İy birāder**, «iy qarındaş!» dimekdür. Ḥiṭāb evāsıta sülūkda olan iḥvān tārīkına oldığı beyān olınmışıdı. **Cüz şenā-yı Hāḳḳ**, tetābu‘-ı izāfet ile ma‘nā «Hāḳḳ te‘ālānuñ şenāsından ğayrı» dimekdür. Şenā, ‘Arabīdür; ögmek ma‘nāsınadır. [S128a] Medḥ mişlühüdür. **Me-gü**, nehy-i ḥāzırdur; «söyleme» dimekdür. Ma‘lūm ola ki lisān kişinūñ cemālīdür. Nitekim ḥadīs-i şerīfde جمال الرجل اللسان vārid olmışdur. Ve cemāl ise Hāḳḳ ile olan şavāb-maḳālden ‘ibāretdür. Nitekim ḥadīs-i şerīfde الجمال صواب المقال بالحق gelmişdür. Pes Hāḳḳ ile olan şavāb-maḳāl medḥ ü şenā-yı ḥazret-i Melik-i müte‘āldür. Çünki ḥüsn-i kelām, şenā-yı Rabbü’l-enāmdan ‘ibāret oldıysa; kuluñ kavli Hāḳḳ ile me’lūf ve dā’imā Hāḳḳa maşrūf olmağ gerekdür. Binā’en ‘aleyh nāzım eyidür:

﴿ قول حق را از برای حق مگو ﴾ Kelām-ı ḥāḳḳı daḳḳ-ı eclün dime. **Ḳavl-i ḥāḳḳ-rā**, «gerçek ve toĝrı sözi» dimekdür. Yāḥod ḥuşūşiyle Ḳur‘ān-ı şerīf ve ḥadīs-i münīfi üzre murād daḥı muḥtemeldür. **Ez-berāy**, Fārisīdür; ‘Arabīdeki lām-ı cārre ve min-i eclıyye ma‘nāsınadır ki Türkīde «içün ve ötür» dirler. Mā-ba‘dine muzāfdur. **Daḳḳ**, feth-i dāl-i mühmele ve sükün-ı kâf ile dervīşānuñ geydikleri ḥırḳa-i peşmīne ki tüyleri şalınur ve daḥı söze itirāz ve dilencilik ma‘nāsınadır, kezā fî-Şeref-nāme. Ve daḥı fā’idesiz söz söylemek ve kināye ile söylemek ma‘nāsınadır. Pes bu maḳāmda bî-hüde söz ve kināye murāddur. **Me-gü**, kemā-merre «dime» dimekdür. Ḥulāşa Hāḳḳuñ kelāmını yāḥod Kelām-ı Hāḳḳı kināyeye şarf eyleme. Meşelen, aĝniyā ve emşālī ḥükkāma kināye tārīkı ile ğamz zımnında خذ من اموالهم āyet-i şerīfin irād ile kendi ḥāne-i dīnūñ ber-bād-ābād eyleme dimekdür. Ḥattā Ḥalebü’ş-şehbāda bu vechile ḥalḳı ḥükkāmuñ dāmına düşiren bir kimesnenūñ, encāmında diline [Ü112a] bir ‘illet gelüp ne‘üzü bi’llāh dili kökinden düşdiğini görenler ḥaber virmişdür. Yāḥod emr-i ma‘rūf ve nehy-i münker eylemek şüretiyle bir müslimānı giriftār-ı pençe-i sitem-i şihne-i şehre eylemeyesin dimekdür. Bu daḥı ‘Ayntābda meşhūdumuz olmışdur. Yāḥod Kelām-ı Hāḳḳı cerre ālet veyā izḥār-ı faẓl u faẓilet ile riyāya mübāderet ve ğayra itirāz eyleme dimek muḥtemeldür. Nitekim nāzım buyurur:

﴿ هر که در بند عبادت میشود ﴾ Her kim ki izḥār-ı kemāl için ‘ibādet ḳaydında olur. **Her ki**, «her kim ki»; **der-bend-i ‘ibādet**, «‘ibādet ḳaydında»; **mīşved**, «olur».

﴿ هر چه دارد جمله غارت میشود ﴾ Her ne tutarsa cümle yaĝmā olur. **Her çi**, «her ne»; **dāred**, muzāri‘-i müfred-i ğā’ibdür; «tutarsa» dimekdür. **Cümle**, [S128b] «cemī» ma‘nāsına elsine-i selāsede müsta‘meldür. **Ġāret**, ‘Arabīdür; «yaĝmā» ma‘nāsınadır. Cem’i ğārāt gelür. Fārisīde daḥı bu ma‘nāda müsta‘meldür. Tā’nuñ ṭavīl yazıldığı bu isti‘māle dāıldür. Tārāc u yaĝmā mişlühüdür. **Mīşved**, kemā-merre «olur» dimekdür. Ma‘lūm ola ki nāzımuñ bu beytinde murādı birkaç vech muḥtemeldür. Evvelā beyt-i sābıḳ muḳābelesiyle şenā-yı Hāḳḳda olmayup medḥ-i maḥlūk zımnında tertīb-i ‘ibārāt-ı belīĝa ḳaydında olanūñ mā-ḥaşalı tārāc u yaĝmā olur dimekdür. Ḥuşūşā ki memdūḥı, zaleme vü füseḳa maḳūlesi

ola. Pes bu maqûle kimesneleri medh ü senâ bâ'is-i mazhariyyet-i gâdab-ı Mevlâdur. Nitekim hadîs-i şerîfde ان الله ليغضب اذا مدح الفاسق vârid olmuştur. Zîrâ medhuñ cevâzı harâma ta'arruz ve fesâda mü'eddî olmamak ile meşrûtdur, *kıta*:

Medh-i maḥlûk ile ṭab'uñ niçe bir

Süḥan-ârâlık u ḥod-râlık ide

Demidür tütî-i gūyâ-yı kalem

Şükr-i Ḥâlîkda şeker-ḥâlîk ide

Şâniyen, tenkîḥ-i elfâz u 'ibârâta iştiğâl ile fahret ü tehzîb-i maḥâlât ile şöhret ve kıyâsât-ı 'aqliyyede lezzet bulan 'avâm ṭâ'ifesi, havâşsuñ zevk aldıkları 'ulûm-ı dîniyye ve esrâr-ı ledünniyye(ye) behre-yâb olamaz ve 'ömr-i girân-mâyesin aña şarfdan intifâc bulamaz dimekdür. Ḥattâ 'ibârât-ı bî-fâ'ideye şârif-ı evkât olan a'zam-ı meşâ'ibe mübtelâdur. Nitekim Eflâṭûn: اعظم المصائب فوات الوقت بلا فائدة buyurmuşdur dimişlerdür. Zîrâ mâ-lâ-ya'nîye şarf-ı evkât sebebiyle [Ü112b] kalbde olan hâlât-ı ḥasene zâ'il ve mâ-lâ-ya'nîye dâ'ir maḥâşidlar zâyi' u bî-ḥâşıl olur. Şâlişen, senâ-yı Ḥaḥḥ ile zıkr ü fikr erbâbına göre kayd-ı 'ibârâtta olanuñ mâ-ḥaşalı hebâdur dimekdür. Zîrâ 'inde'l-meşâyıḥ ḥazret-i İlâhîyi fikrde şîr ü kâfiye âdâba muḥâlifdür. ما زاع البصر و ما طغى nazmı müfâdınca edeb, maḥbûb-ı ḥaḥḥîñuñ ğayrına başâr-ı başîret meyl ü tecâvüz eylemeyüp dâ'imâ fikr-i maḥbûbda olmaḥdur. Ḥattâ erbâb-ı fikrûñ 'indinde 'ibârât-ı belîğa ile kavâfî-i eş'âr, ḥadâ'ik-ı ma'ânî ve riyâz-ı ma'ârif-i câvidânîñuñ dîvârı üzre ḥâr meşâbesindedür dimişlerdür. Ve illâ tefekkür-i ḥazret-i İlâhîde kaṭ'-ı nazar birle merâtib-i sâ'ireden meşelâ nat'-ı Fahr-i 'âlem ve ilâhiyyât ve münâcât emsâlinde nazm-ı şâfi ve eş'âr-ı kavâfî maḥbûldür. Ve bunlaruñ [S129a] ğayrı 'ibârât-ı menşûre-i nâfi'alarda muḥassenât-ı bed'îyyeye dâ'ir icâz u ihtîşâr u feşâḥat u belâġati ḥâvî kelâm-ı dürrer-bâruñ tertîbi ma'ḥûldür. Lâkin ḡadr-i ḥâcetden ziyâdeye tevâġgul ile taẓyîr-i evkât memnû'dur dimişlerdür. Nâzımuñ kayd-ı 'ibâretde olanuñ mâ-ḥaşalı hebâ olur didiği bu ma'nâca olmaḥ daḥı rüşendür. Ḥulâşa-i kelâm şer'a muṭâbık olan nazm u nesrde tertîb-i 'ibârât mezmûm degüldür. Nitekim haberde احسن الشعر كحسن الكلام و قبحه كقبح الكلام vârid olmuştur. Ve daḥı şu'arâ-yı İslâmiyye ve gerek şu'arâ-yı câhiliyyenüñ şîrinde fuḥş bulunmadıkda ol eş'âr-ı âbdârı istimâ'uñ cevâzına hadîs-i şerîfde işâret ü imâ ve ikrâr-ı Vaḥdâniyyet ve ba'ṣi ḥâvî eş'âr-ı cevâhir-âsârı Fahr-i 'âlem şalla'llâhu 'aleyhi ve sellemüñ istihşân ile istimâ'ı Şaḥîḥ-i Müslimde olan işbu hadîs-i şerîf ile sâbit ve bu vechile keşîde-i silk-i imlâ kılınmışdur. Beyânı şöyledür ki râvî-i hâza'l-hadîs olan Süreyd bin Süreydi'n-Neḥrî razıya'llâhu 'anh eyidür: Birgün Fahrü'l-ebrâr bir ḥayvâna süvâr olup beni irdâf buyurup eyitdi: هل معك من شعرامية بن الصلت Eyitdim: نعم يا رسول الله Ol vaḥtda Fahr-i 'âlem eyitdi: هبه Pes bir beyt inşâd itdim; yine eyitdi: هبه Pes bir beyt daḥı [Ü113a] inşâd itdim. Yene eyitdi: هبه Pes yine ol şâ'ir-i ḥaḥâyık-ġüftâruñ eş'ârından yüz ebyât inşâd itdim, diyü buyurmuşdur. هبه (hibeh) kesr-i hâ' ve feth-i bâ' ve ba'de bir hâ'-i sâkine ile «sözi istizâde» maḥallinde müsta'mel olan kelimedür. Pes bî-hûde kelimât ile tertîb-i 'ibârât, kesret-i kelâmı mürîş olduğından; zarar-ı kesret-i kelâmı i'lam içün nâzım raḥimehu'llâhu te'âlâ buyurur:

﴿ دل ز پر گفتن بمیرد در بدن ﴾ Göñül çok söylemekden bedende ölür. **Dil**, «göñül» dimekdür; ‘Arabîde «qalb»dür. **Zi-pür güften**, «çok söylemekden» dimekdür. **Zi** kelimesi min-i cârre ma’nâsına olan ez kelimesinden muhaffedür. Pür, zamm-ı bâ’-i ‘Acemî ve sükûn-ı rā’-i mühmele ile «aşıl memlû» ma’nâsınadır. Pes memlû olmağa keşret lâzım gelmegin ma’nâ-yı lâzımıyle «çok» ma’nâsı murâddur. Güften, «söylemek» ma’nâsınadır. **Bümired**, bâ’-i mazmûme-i istikbâl ile fîl-i muzâri-i müfred-i gâ’ibdür; «ölür» dimekdür. Fîl-i mezkûrûn maşdarı [S129b] ölmek ma’nâsına «mürden»dür. Bundan muzâri‘ aḥzî murâd olındıkda maşdar nûnını ḥazfden soñra mîm ile rā’nuñ beynine bir yâ getirürler. Ve li-ecli’l-yâ’ mîmüñ zammesin kesreye tebdîl idüp mîred dirler. Bu vechile iştiḳāk nâdir ve kıyâsa muḥâlifdür, kezâ-fî’l-Mefâtiḥ. **Der-beden**, «gövdede» dimekdür. Der, zarfiyyet içündür. Beden, ‘Arabîdür; Fârisîde «ten»dür.

﴿ کرچه گفتارش بود در عدن ﴾ Egerçi anuñ sözi ‘Aden incüsi ola. **Ger çi**, egerçi dimekdür. **Güftäreş**, «anuñ sözi» dimekdür. Güftâr, zamm-ı kâf-ı ‘Acemî ile «tekellüm» ma’nâsına maşdardur, kemâ-merre beyānuhü. Âḥirindeki şîn, zamîr-i gâ’ibdür; keşirü’l-keḷām olan mütekellime râci’dür. (...) **Buved**, «ola». **Dürr-i ‘Aden**, izāfetle ‘Aden incüsi dimekdür. Dürr, ‘Arabîdür; «incü» ma’nâsınadır. Cem’i dürer gelür. Taḥfîf-i rā’ ile Fârisîde müsta‘meldür. Lâkin bunda rā’-i müşeddede iledür. ‘Aden, ‘ayn ve dâl-i mühmelelerüñ fetḥaları ve nûnuñ sükûniyle Yemen diyârında bir şehriñ ismidür. İncünüñ laṭîfi andan olur. Nitekim vilâyet-i Bedaḥşānda, Bedaḥş nāmında sürḥ[Ü113b]-reng bir cebelden ḥâşıl olan cevher-i nefîs ü la’l-i laṭîfe la’l-i Bedaḥşî dirler. Ve daḥı Tātār ile ma’rûf bir ṭā’ifenüñ vilâyetlerinden misküñ a’lâsı ḥâşıl olduğından nāfe-i miski anlara nisbet idüp misk-i Tātārî dirler. Ve misküñ a’lâsı ḥudûd-ı Çinde Tibet nam şehirden daḥı olur. Ve daḥı billür cinsinüñ a’lâsı olan billür-ı âbî kendüden olan Tengest nām maḥalle billürü vaşf u nisbet idüp; billür-ı Tengestî dirler. Ve bu mişllü mensûbatı laṭîfe Fûrsde meşhûrdur. İmdi ma’lûm ola ki keşret-i kelâmdan qalb fütür belki mevt ü qubûr ḥâşıl olduğu ‘inde’l-meşâyih meşhûrdur. Ve mevt-i qalb kadar bir belâ-yı ekber yoḫdur. Zîrâ qalbi meyyit olan kimesne fikret ü kudret-i İlähiyyeden dūr ve ḥayât-ı qalb şāhiblerininüñ maḫzar olduğu füyûzât-ı nâ-mütenâhiden mehcür dimişlerdür. İmdi beyt-i esbaḫuñ mü’eddâsı üzre sükût ‘uḫalâ kârı, keşret-i kelâm cühelâ eṭvārındur. Nitekim Ḥ’âce Şā’ib-i Tebrîzî eyidür, *ḫat’a*:

عقل میدان سخن بر عاقلان کرد(ه)ست تنک

ور نه مجنون با در دیوار میکويد سخن

[S130a] میشود کوتاه باندک روزکاری عمر او

هرکه صائب چون قلم بسیار میکويد سخن

Pes ḥayât-ı qalb ile qābil-i feyz-i İlähî olan ‘âqıl u kāmillerüñ ḥālî kılllet-i kelâm ile iṭiyād itmekdür. Ve qalb-i meyyit ile nâ-puḫte ve ḥāmlaruñ aḥvālî, keşret-i kelâm ile kendi zātını ifsād itmekdür. Nitekim:

مهر بر لب زن که برخامی دلیل ناطقست

باده چندانى که در میخانه میکويند سخن

diyü buyurmuşlardır. Qaldı ki bî-hüde kelâma âgâz idenüñ sözi haqîkat veyâ mecâz üze dürr-i ‘Aden gibi şüretâ ser-fîrâz olsa yine ‘inde’l-‘uqâlâ maqbûl ü ma’kûl degüldür. Nitekim nâzım eyidür:

﴿ هر که سعی اندر فصاحت میکند ﴾ Her kim ki feşâhate sa’y ider. **Her ki**, «her kim ki». **Sa’y**, ‘Arabîdür; «cehd ü ikdâm» ma’nâsınadır. **Ender**, zarfîyyet içündür. **Feşâhat**, «lûgatde rûşen ü hâliş olmak» ma’nâsınadır. (... [Ü114a]...) Pes kelâm-ı feşîh ve mütekellim-i feşîhüñ ta’rîfleri bundan ma’lûmdur. Ammâ belâgat mütekellimde oldıkdâ بلیغ کلام تألیف ملکه یقندر بها ile ta’rîf olunmuşdur. Buña göre her bir belîga feşîh dinür. Zîrâ feşâhat ta’rîf-i belâgatde me’hûzdur. Lâkin her feşîha belîg dinmez. Ve dağı kelâmda olan belâgat, kelâmuñ muqtezâ-yı muţâbaqatiyle mu‘arrefdür. Hâlden murâd feşâhat-i kelâm ile bilece vech-i maşşûş üze tekellüme dâ‘î olan emrdür. **Mikoned**, muzâri‘-i müfred-i gâ’ibdür; «ider» dimekdür.

﴿ چهره دل را جراحت میکند ﴾ Qalbün çehresini cerâhat ider. **Çehre**, bālâ-yı cebheden esfel-i zeķana dek yüzün cümlesine dirler. Hattâ kızıl beñizlüyi «âteş-çehre» ile ta’bîr ü teşbîhleri gibi. Aķ beñizlü olanuñ çehresin aya teşbîh ile «mâh-çehre» dirler. Şürete dağı çehre dinür. Ve naķş u şüret dîvârda isti‘mâl ile naķķâşa «çehre-küşâ» ve «çehre-pervâz» didikleri bundandır. Âhîrindeki hemze mâ-ba’dine izâfet içündür. **Dil**, «göñül»; **râ**, edât-ı mef’ûldür. **Cerâhat**, «yara» ma’nâsınadır. [S130b] **Mikoned**, «ider». Ma’lûm ola ki kelâm-ı müseccâf u mevzûn ve maķâl-i feşâhat-meşhûn, tekellûf ü taşannu‘ u taşallufdan hâlî olursa maqbûldür; huşûşâ ki hitâbât u tezâķîrde ola. Zîrâ bunlarda ķulûb-ı ehl-i dili teşvîķ ve aķvâl-i ķabż u bastı taķķîķ vardır. (...[Ü114b]...) İmdi künc-i dilde maķzûn olan sühan-ı fevâ’id-âşâr her neķadar feşîh olsa ol ķadar ‘itibâra seżâvâr olur. Ammâ sühan-ı bî-fâ’idenüñ feşâhatine sâ‘î olan muştalihân-ı zamân, ķalb-i şaķîhin mecrûh ve kendü kendüyi nazar-ı ‘itibârdan maţrûh ider. Nitekim hadîs-i şerîfde ما اعطى عبد سيئا من طلاقه لسان värid olmuşdur. Ve hadîs-i diğerde ان الله يبغض ان الله يبغض el-hadîs şâdir olmuşdur. Pes celb-i şöhret ve iķrâz-ı zînet ve riyyâ ve hubb-i şenâ ve cem‘-i dünyâ içün her kelâmına zîb ü zînet virerek feşâhate sa’y u ikdâm ve kendü maķâlâtına nizâm u intizâm kaydında menķûb u mecrûhu’l-ķulûb olan ma’yûbları nâzım bu vechile beyândan aķdem keşret-i kelâma mübtelâ olan ‘avâmuñ ķalbleri mürde olur. Ve feşâhate sâ‘î olan havâşş, cerâhat-i ķalb ile âlûde olur dimegi bu beyt ile ‘ıyân eylemişdür. Bundan murâdı havâşş-ı feşâhat-iķtişâş, keşret-i kelâm sebebiyle mürde-dil olan ‘avâm ile berâber olur dimekdür. Zîrâ cerâhat-i ķalbün te’şîriyle imâte-i ķalb âşķâr ve şaķibinüñ işi düşvârdur. Pes selâmet-i ķalb isteyen, sa’y-i feşâhat-i kelâm-ı mâlâ-ya’nîyi selb idüp mazhar-ı hûsn-i İslâm olmaķdır. [S131a] Nitekim hadîsi şerîfde من حسن الاسلام المرء مالايعنيه värid olmuşdur. İmdi sükûtdan nâzûk nesne yoķdur. Nitekim nâzım eyidür:

﴿ رو زبانرا در دهان محبوس دار ﴾ Yüri dili ağızda maķbûs tut. **Rev**, fethile emr-i hâzırdur; «git» dimekdür. Maşdarı gitmek ma’nâsına «reften»dür. **Zebân-râ**, «dili» dimekdür. Bu kelime âhîr-i mîşrâ’daki «dâr» fi’linüñ muķaddem-i mef’ûlidür. **Der-dehân**, «ağızda» ya’nî ağız içinde dimekdür. **Maķbûs**, ma’rûfdur. **Dâr**, emr-i hâzırdur; «tut» ma’nâsınadır. Ma’lûm ola ki lisânı femmde ķabs içün Hudâ-yı müte‘âl dehânı [Ü115a] ķal’a-mişâli halk idüp isnân nâmında otuz iki ķufl ile muķaffel ve

taşrasın lebler hişarıyle mükemmel kılmışdır. Pes ‘ākıl u kāmīl olan ol zindān-ı İlāhiden lisānın irhā ile maẓhar-ı belā-yı her dü-serā olmamak gerekdir. Zīrā erbāb-ı temsīl, lisān-ı insāna; hem āteş ve hem hırmen ta‘bīr itmişlerdür. Āteş ta‘bīri, ağız tūfenginden peydā olıcı ve fesādāt ile ḥasenātı maḥv u iḥrāk idici olduğındandır. Ve ḥaṭāyāyı tekellüminden kināyedür. Ammā hırmen ta‘bīri mezra‘a-i ‘ālemde, hırmen-i a‘māl-i ḥaseneye sebep olduğu ḥasebiyledür. Pes ‘ākıl olan hırmen semtinden āteş şavuşdurmamaludur. Ve āteş-meşreb olandan ḥazer itmek gerekdir. İmdi lisānı ḥabs bu vechile kelimāt-ı fāsīde tekellümünden men‘den kināyedür. Yāḥod lisān bir ḥayvān-ı muḡteris-mişāl nesnedür; her gördigine ḥücūmdan ḥālī degüldür. Ve zararı bi’l-āhare şāḥibine rāci‘dür. İmdi bu mişllü ḥayvān-ı vaḥşet-nişānı ḥabs lāzımtır olduğu gibi lisān-ı zarar-resānı ke-ẓālīk zindān-ı dehānda ḥabs eylemek ḥoşterdür dimişlerdür. Yāḥod zūlm-i fesād i‘tiyād iden mücrimīni işlāḥ-ı nefis için ḥabs eylemek, şāḥ-ı ‘adālet-penāḥ işidür. Pes lisānuñ fesādi vāreste-i kayd u beyāndur. İmdi sulṭān-ı ‘akla şevāblu olan bu mişllü fāsidi ḥabs ile işlāḥ eylemekdür dimişlerdür. Yāḥod lisān mişāl-i bülbul-i gülīstāndur. Her bār küşāyış-i bāḡ-ı ‘ālemi gördikce fiḡān-ı şekvādan ve feryād-ı bī-cādan ḥālī olmadığından mā-‘adā her dem bir nihāl-i gülde lāne-sāz ve her sā‘at kendi hevāsına münāsib maḡāle ile ser-āḡāz ve heves vādīlerinden pervāz itmekdedür. İmdi bu maḡūle mürḡ-ı hevādārı giriftār-ı kafes ve eṭrāfını ālūde-i ḥār u [S131b] ḥas eyledikleri gibi bülbul-i lisānı daḡı kafes-i dehānda maḡbūs eylemek gerekdir dimişlerdür. Qaldı ki lisānı yalnız zindān-ı dehānda maḡbūs u ḥabs-i medīd eylemek müfīd degüldür. Belki تبدیل الشکل لاجل الاكل şūretinden vücūdi tecrīd ile ḥalkdan ye’s-i ümīd veyā ‘uzlet eylemek gerekdir. Anuñçün nāzım buyurur:

﴿ وزن خلائق خویش را مایوس دار ﴾ Ve maḡlūklardan kendiñi me’yūs u nā-ümīd tut. **V’ez-ḥalāyık**, «cümle maḡlūḡdan» dimekdir. Vāv, ‘aṭf içündür. Zī, kelimesi ez lafzından muḡaffefdür. Ḥalāyık, ḥalkuñ cem‘idür. Ḥalk, il ma‘nāsınadır. **Ḥ’iṣ-rā**, «kendiñi» dimekdir. Me’yūs, «nā-ümīd»; **dār**, «tut» dimekdir. Ma‘lūm ola ki ekşer lisānın [Ü115b] muṭlaḡu’l-inān idenler ḥalāyıkdan celb-i menāfi‘ ve ref‘-i mazārr ümniyyesinde olurlar. Pes lisānı maḡbūs ve kişi kendi zātını muṭlaḡā ḥalāyıkdan me’yūs itmek gerekdir. Zīrā nāfi‘ u zārr, ancak ḥazret-i Perverdḡardur. Her şey’i kendüden istemek gerekdir. Ḥattā ḥadīṣ-i şerīfde سلوا الله حوايجكم حتى الملح استعفف من السؤال vārid olmuştur. Ve ḥadīṣ-i diğerde ما استطعت gelmiştir. Pes tamām muṣṭarr olmadıkça su‘āl mezmūmdur; ol daḡı miḡdār-ı kifāyet ile meşrūtdur. Ḥulāṣa-i kelām ḥalāyıkā ‘arz-ı iḡtiyāc ile bir nesne ümīdinde olmak ḥaṭā-ender-ḥaṭādur. Nitekim ekābirān-ı ‘aşruñ ḥāl ü şānları beyānında İbnü Yemīn buyurmuşdur, *kıṭ‘a*:

کسی که چشم کرم دارد از اکابر عصر

نظر بحالت او میکنم ز روی قیاس

بعینه مثل آن حریص محرومست

که باز می نشناسد ز فربهی اماس

Ya‘nī, ekābirān-ı zamāndan ümīdvār-ı iḡsān olanuñ ḥālīne vech-i kıyāsdan nazar iderüm ki anuñ meşeli şol ḥarīṣ-i maḡrūmdur ki; semizlik ile ‘illet-i veremi birbirinden fark eylemez dimekdir. Nezāketle, bu mişllü kimesne muḡaḡḡaḡ aḡmaḡdur dimege işāret vardır. (...[S132a]...) Pes ḥāl ü şānları böyle perīşān

olanlardan ümniyye-i kerem ü ihsân, leb-i mâr-ı pür-zehrden âb-ı hayât talebiyle yeksândur. İmdi halâyıkı kendiñden dūr ve kendiñi halâyıkdan mehcūr idüp, küşe-gîr-i ‘uzlet ve halkdan kaç-ı ümîd-i ragbet itmek gerekdür. Nitekim nâzımuñ [Ü116a] mısrâ-ı şânideki ‘ibâresinüñ zâhiri ‘uzlet-nişin ol dimege dağı muhtemeldür. (...) Pes aḥvâl-i ḥalâyık bu vechile muhtell olup kendülerden kerem ü ihsân meslûb ve her biri bu ‘ayb ile ma‘yûb olduḡın istibşâr iden merdân-ı İlâhî anlardan itibâr alup, il âyinesinde kendi ‘aybını görüp ıslâhına sa‘y itmek lâzım olduḡın imâ zımnında şarâhaten eyidür:

﴿ هر که او بر عیب خود بینا شود ﴾ Her kim ki kendi ‘aybını görici olur. **Her ki**, «her kim ki».

O, zāmîrdür; her ki kelimesine rāci‘dür. Ma‘nâ «o kimesne» dimekdür. **Ber-‘ayb-ı ḥod**, izâfetle «kendi ‘aybı üzerine» ya’nî «kendi ‘aybını» dimekdür. ‘Ayb, her nesnenüñ kıymetine ve zâtına noḡşân viren nesnedür. **Bînâ**, sıfat-ı müşebbehedür; «görici» dimekdür. **Şeved**, muzâri‘-i müfred-i gâ’ibdür; «olur» dimekdür.

﴿ روح اورا قوتی پیدا شود ﴾ Anuñ rûhına kuvvet-i ‘azîm peydâ olur. **Rûḥ-ı o-râ**, «anuñ rûhına» ya’nî «ḡalbine» dimekdür. Zîrâ ḡalb didigimiz şadruñ yesârında bir pâre laḡm-i mücevveddür [S132b] ki ma‘den-i rûḡdur. Ve anda bir siyâḡ ḡan vardır ki aña ḡalb-i cismânî diler. Ve anuñ vâsıtasıyla bedene müte‘allik olan ḡalb-i rûḡânîdür ki eger faẓl-ı İlâḡ ile maẓhar-ı nûr-ı kuvvet olur ise sa‘âdet şâḡibinüñdür. Ve illâ ḡızlân ile âlûde olur ise ne‘ûzû bi’llâḡ ḡışâve-gîr-i zulmet-i ḡasvet olup şâḡibine bâ‘is-i nekbet olur. Bu keyfiyyet ekşeri kendi ‘aybını hûner kıyâsıyla cessâs-ı ‘uyûb-ı nâs olanda olur dimişlerdür. **Ḳuvveti**, kuvvet-i ‘azîme dimekdür. Ḳuvvet, berklik ve muḡkemlik ma‘nâsınadır. Âḡirindeki ya’ [Ü116b] ta‘zîm içündür. Pes rûḡuñ metâneti, ḡalbuñ kelime-i nâciyye üzre şebâtı ve ḡayât-ı ebedî ile ḡayâtından kinâyedür. Böyle olan rûḡ ḡıfz-ı İlâḡide maḡfûz ve ‘ayn-ı ‘inâyetu’llâḡ ile hemîşe melḡûz olur. **Peydâ**, Fârisîdür; aḡl ma‘nâsı maẓhardür ki muḡâbili, maḡfî ma‘nâsına olan pinhândur. Lâkin bunda bi-ma‘ûneti’l-maḡâm «zâḡir» ma‘nâsınadır ki âşkâr dimekdür. **Şeved**, kemâ-merre «olur» dimekdür. Ma‘lûm ola ki kendi ‘aybını görici olmak, kibr ü gurûr u ‘ucb ile pür-ḡuşûr olmakdan ümniyyete bâdî ve her ḡâlde selâmete bâ‘isdür. Pes böyle olan merd-i ḡayûruñ nişânı, sâtir ü ḡalîm olup âḡaruñ ‘uyûbını setr idüp ḡabâyıḡ-ı ḡayr-ı tesâmûḡ ile iḡmâz ve kendi ‘aybını ıslâḡa sa‘y ile âḡardan men‘-i lisân-ı itirâz kılmaḡdur. Nitekim bu ṭâ’ifenüñ sa‘âdeti beyânında طوبى لمن شغل عيبه عن عيوب الناس ḡadîs-i şerîfi ve dağı لميمت حتى يبتلى به bu maḡûle ricâle, şâḡib-i ḡayr-ı ḡışâl ve merd-i ḡamîde-fi‘âl ıtlâḡ olunmuşdur. (...) Ḳaldı ki bunlaruñ ḡilâfına sâlik olan merd-i ḡalîk, âḡara eyledigi ṭa‘n u ‘uyûb u zûnûbe mübtelâ olmadıkça ḡarîn-i mevt-i mehâlik olmadıḡı من غير اخاه بذنب ḡadîs-i şerîfiyle sâbitdür. Ḥattâ bir merd-i nâ-hemvâr saña ta‘dâd-ı ‘uyûb ile dil-âzâr olduḡda aña muḡâbele itmeyüp:

من خجلم از عمل خام خویش

تو بملامت مکنم سینه ریش

maẓmûniyle aña cevâb ve bu vechile izḡâr-ı hicâb eylemek kâmiller kârıdur dimişlerdür. İnşâ’a’llâḡu te‘âlâ [S133a] bu baḡş maḡallinde tafşîl olunur.

Der-Beyân-ı İhlâş Der-A'mâl

Pes nâzım aqvâlün hâlin beyân 'aķabinde a'mâlî beyâna şurû' eylemişdür.

﴿ هر که باشد اهل ایمان ای عزیز ﴾ Her kim ki ehl-i imân ola iy 'azîz. **Her ki**, «her kim ki»; **bâsed**, «ola»; **ehl-i imân**, «kâmil iman şâhibi» dimekdür. **İy 'azîz**, «iy 'azîz olan kimesne!» dimekdür. 'Azîz, aşl kavî ve ğâlib ve şerîf ve 'azîm ma'nâsınadır. Lâkin [Ü117a] ıstılâh-ı sūfiyyede; 'ilm ü faẓl u kemâlde mümtâz-ı akrân ve hışâl-i hamîdede müşârun bi'l-benân olan meşâyıh-ı kibâra ıtlâk olunur. Ve bu ta'bîri nâzım ekşer-i maħallde îrâd buyuracaķdır.

﴿ پاک دارد چار چیز از چار چیز ﴾ Dört nesneyi dört nesneden pâk tutar. **Pâk**, «tâhir»; **dâred**, «tutar»; **çâr çîz**, «dört nesne»; **ez-çâr çîz**, «dört nesneden» dimekdür. Âti'l-beyân olan eşyâ'-i erba'a; ħalb ve lisân ve baṭn ve a'mâldür ki, ħased ve kızb ve ğıybet ve ħarâm ve riyâdan pâk olmaludur. Nitekim buyurur:

﴿ ان حسد اول تو دل را پاک دار ﴾ Evvel sen ħalbünü ħasedden pâk tut. **Ez-ħased**, «ħasedden» dimekdür; 'Arabîdür. Ma'nâsı; kendüde şalâh-ı dünyevî olan ni'met-i Mevlânuñ bir kimseden zevâlin istemekdür. Yâhod ħable'l-vuşûl ol ni'metün 'adem-i vuşûline olan maħabbeti 'adem-i inkârdur. Ve bu vechile inkâr bi'l-ittifâķ lâ-be'sdür. Lâkin 'adem-i vuşûl-i ni'mete olan maħabbetün eşeri ħavlen veyâ fi'len cevâriħden zâhir olur ise ħaseddür ve ħarâmdur. Ammâ bu vechile cevâriħden eşeri zâhir olmaz ise ħurmetinde ve şâhibinün âşim olmasında ihtilâf vardır. Ammâ zevâlin murâd itmeyüp ol ni'metün mişlini murâd veyâ temennî eylemek ğıbtadır. Ğıbta umûr-ı dînde mendûbdur lâkin umûr-ı dünyevîde mezmûmdur. Hattâ muħaħķıķın 'indeinde muṭlaķâ ğıbta câ'iz degüldür. (...) **Evvel**, ma'fûmdur. **Tu**, zamîr-i ħitâbdur; «sen» dimekdür. **Dil-râ**, «ħalbi» dimekdür. **Pâk**, «tâhir»; **dâr**, [S133b] «tut» dimekdür. Ma'fûm ola ki ħased aḥvâl-i ħalbiyyedendür. Ķalbi andan pâk itmek evvelâ emrâz-ı ħalbi bilmege mevķûfdur. [Ü117b] Ve nâsî mir'ât eylemek ol marâza 'ilâc-ı şânî idigi ma'rûfdur. Ve marâz-ı mezkûr sū'-i ħulķdan peydâ olunur. Zîrâ şâhibi bir zenbden çıķmaz illâ zenb-i âĥara düşer. Böyle bir zenb-i a'zamdur. (...) Ve 'inde'l-meşâyıh râh-ı Ĥaħķda ħased ħadar bir düşvâr 'aķabe yoķdur. Zîrâ şeytân-ı la'ınün maṭrûdiyyeti ħased belâsındandır. Ve ħased ħâne-i vücûd-ı pâk-i insânî mülevveş ider. Ol zamân cesed, menzil-i ħased olur. Anuñ taṭhîri, âb-ı 'ilm ü 'irfâna menûtdur ve mü'min bu ħânenün taṭhîrine sa'y ile me'mûrdur. Zîrâ mü'min ka'beden eşref ve ħalbi maḥzen-i nûr-ı İlâhîdür. Ol maḥzenün tılısmı cesed-i ħâkîdür ki, derûnında olan ħazîneyi göstermez ve şeytân-sîret olanlara anuñ feth ü müşâhedesine [Ü118a] yol virmez. İmdi ħazret-i Ĥalîlu'llâh, taṭhîr-i Beyt-i İlâh ile me'mûr olduĝı gibi Beytten eşref olan ħâne-i ħalbi, mü'min olan [S134a] kimesne ħâzûrât-ı eḥâdîs-i nefsanî ve ercâs-ı vesâvis-i şeytânî ve devâ'î-i hevâ vü heves ve ednâs-ı ħased ve sıfât-ı redî'e-i pür-ĥâr u ħasdan pâk idüp ħavl-i beyt-i ħalbde tâ'if olan erbâb-ı sülûk-i iştibâķ-ĝüzîn ve maķâm-ı ħalbe vuşûl ile televvünât-ı nefsi ħatldde muķîm olan 'âkıfın ve mertebe-i rızâ ve maķâm-ı tecellâ-yı şafâya bâliĝ ü ĥâzî' ve vahdetde ķânit olan râķî'n zümresine dâĥil olmaķ gerekdür. İmdi mehâlik-i mezkûreyi celb iden ħasedi ħalbünden selb eyle.

﴿ خويشتن را بعد از ان مؤمن شمار ﴾ Andan sonra kendü kendini mü'min-i kâmil say. **Hı'tisten-râ**, âhîrindeki râ', edât-ı mef'ûldür; ma'nâ «kendini» dimekdür. **Ba'd-ez-ân**, «andan sonra» dimekdür. Ya'nî kalbünü hasedden pâk itdikden sonra dimekdür. Ân ile işâret buñadur. **Mü'min**, ism-i fâ'ildür, «mu'tekıd» dimekdür. Bundan murâd mü'min-i kâmidür. Ve dağı lafz-ı mü'min, vâhibü'l-emn ma'nâsınadır; esmâ'-i hüsnâdandır. Pes mü'min-i muvaḥḥidüñ ismi, esmâ'-i hüsnâ ile bir şîğada vâkıf olmağ; mü'minüñ mazhariyyet-i gufrânına dâldür diyü Şerḥ-i 'Aynü'l-'Amelde, 'Aliyyü'l-Kâri niçe aḳvâl ü aḥbâr rivâyet eylemişdür. **Şumâr**, emr-i ḥâzırdur; «şay» dimekdür. Ma'lûm ola ki nâzımuñ bu beyti; İmân, buḥl ü şuḥḥ ve ḥased ile bir ḳalbde cem' olmaz diyü mervî olan ḥadîs-i şerîfe mebnîdür. Bu mişllü terḥîbât şer'de keşîrdür. Belki ḥâsîd, şirk-i ḥafîden ḥâlî olmaz diyü tefâsîrde olan taḥḳîka mebnîdür. Beyânı böyledür ki ḥâsîd نحن قسمنا maḳsûm olan ḥıṣṣa-i ni'mete râzî vü şâkir olmayup ne'ûzü bi'llâh maḥsûduñ ni'metine nâzır oldıḳca: “Bu ni'mete müsteḥaḳḳ benüm gibi ehl iken, Ḥudâ anı ol kimseye virdi” demek ma'nâsınca ḥâşâ Ḥudâya cehl işbât itmiş ve şirk-i ḥafî yolına gitmiş olur dimişlerdür, intihâ. Ve İmâm-ı Râzî raḥimehu'llâh eyidür: Ḥased ondur; toḳuzu 'ulemâda ve biri sâ'irlerdedür. Ve 'ilm ondur; toḳuzu 'Irâḳda ve biri eṭrâfdadır. Ve İmân ondur; toḳuzu Yemende ve biri eṭrâfdadır. [Ü118b]¹⁸ Ve 'aḳl ondur; toḳuzu ricâlde ve biri nisvândadır. Ve berakât ondur; toḳuzu Şâmda ve biri sâ'ir buldândadır. Ve meşâ'ib ondur; toḳuzu şuleḥâda ve biri ehl-i dünyâdadır. Ve zillet ondur; toḳuzu Yehûd tâ'ifesinde ve biri sâ'ir nâsdadır. Ve tevâzu' ondur; toḳuzu [S134b] tâ'ife-i Naşârâda ve biri sâ'irlerdedür, intihâ. İmdi bundan fehm olındığı üzre ḥased, keşîrü'l-vuḳû'dur. Ve ḥâne-i ḳalbi muḥarrib olıcı bir marâz-ı şüm u ciger-süz olan bir nâr-ı semümdur ki meskeni, ḳulüb-i küffâr ve ḥâsîd hemîşe ol 'illet-i bî-dermân ile bîmârdur. (...) İnşâ'a'llâhu te'âlâ aşağıda ḥasedüñ dağı mufaşşal beyânı zıkr olmaḳdadur, ve mina'llâhi't-tevfîḳ.

﴿ پاک دار از کذب و از غیبت زبان ﴾ Dili kızb ü ḡıybetden pak tut. **Pâk dâr**, «arı tut»; **ez-kizb**, «yalandan»; **ez-ḡıybet**, kızb üzre ma'tûfdur; ma'nâ «ve dağı ḡıybetden» dimekdür. **Zebân**, edât-ı mef'ûl taḳdîriyle «zebân-râ» yirindedür. Ma'nâ «dili» dimekdür. Ma'lûm ola ki münkerât ve envâ'-ı mühlikâta menşe' olan a'zâ sekizdür ki anlar: yed ve ricl ve 'ayn ve üzñ ve lisân ve baṭñ ve ferc ve ḳalbdür. Ve dağı lisânüñ altmış âfâtı vardır; âfât-ı mezkûrenüñ içinden kızb ü ḡıybet ba'zıdır. Cümlesinden ḥuşûşıyla kızb ü ḡıybetden lisânı pâk tutmağ ehemm ü elzemdür. Zîrâ lisân cirmi şaḡîr lâkin cürmi kebîr olan bir düşmândur ki bundan ḥazer vâcibterdür. مایلفظ من قول الا لديه رقيب عتيد âyet-i mecîdi bu beyânda kâfidür. (...[S135a]...) Ve kızbüñ envâ' ve mülḥaḳâtı vardır. Ḥattâ yapma ru'yâ söylemek ve niyyetinde ḥulf var iken bir kimesneye bir nesneyi va'd eylemek ve her istimâ' eyledigin söylemek kızbden ma'dûddur dimişlerdür. Ancağ ıslâḥ-ı zâtü'l-beyn ve irzâ'-i zevceyn ve zâlim elinden mazlûmı taḥlîş için kızb söylemek câ'izdür. Ve ḥarbde ke-zâlik böyledür dimişlerdür. Pes kızbüñ muḳâbili olan şıdḳ-lı lisân evvelâ sükûta mülâzemet ile dâreynde belâ ve envâ'-ı 'azâb ü 'ıḳâbdan selâmet bulmaḳdadur. Pes lisân-ı şer'de şıdḳ, lisânı kızbden taḥḥîrden 'ibâretdür. Ve taḥḥîrüñ müselleḥ tarîḳı sükûtdur. Ve dağı bir şey'üñ şıdḳı ma'lûmuñ olmadıḳca anı tekellüm itmemeḳdür. Zîrâ şıdḳı ma'lûm olmayan şey'i taḥaddüş ḥaḳḳında

¹⁸ Ü nüshasında Ü118b-145a arasında metin eksiktir.

هَدِيسِ-ي شَرِيفِ اِله زَعَرِ وَاقِعِ اُولَمِشْدُور كِي بُوْدُور روى مسلم عن ابى هريرة كفى بالمرء كذبا ان يحدث بكل ما سمع
 Ya'ni bir kimse için kizb söylemek olsa ancak her işitdiği sözi, şâdık mı veyâ kâzıb mı diyü mübâlât
 itmeyerek nakl ü ihbâr ider olsa ol kimseye bu keyfiyyet kizb yöninden kifâyet ider. Zîrâ bir kişinuñ her
 bir istimâ'e eylediği şâdık olmaz dimekdür. (...[S135b]...) *Su'âl*: Şu'arâ vü zırafâdan mübâlağa-güy olan
 'urafâ hakkında meşelâ:

Ger dirse Fuzûlî ki güzellerde vefâ var
 İnanma ki şâ'ir sözi elbette yalandur

beyt-i rengininuñ müfâdı üzre ve dağı

'Aceb mi hâne-harâb olsa Şâbitâ şâ'ir
 Kimuñ ya beytini ma'mûr ider felekde dürüg

beyt-i nezâket-âgîninuñ mışdâkı üzre dağı

Pâdşâh-ı mülk-i nazmem dirse 'Âlî gamm degül
 Serverâ ma'zûr tut şâ'ir bulunmaz lâfsız

mazmûn-ı belâgat-maqrûnı üzre ve niçe bunlaruñ emşâli ebyât-ı şâdıkât üzre ve kaşâ'id ü gazeliyyâtta
 olan mübâlağat-ı şâ'irâne üzre felekde şu'arâdan yalancı kimse yokdur. Hattâ Sa'dü'd-dîn 'aleyhi
 rahmetü'l-Meliki'l-Mu'în Muṭavvelinde اعذب الشعر الكذب buyurmuşdur. Böyle olduğu hâlde şu'arânuñ
 aḥvâli neye müncer olur? Ma'a-hâzâ bunlaruñ her biri ḥazâ'in-i ma'ârifüñ miftâhı ve her biri zamânınuñ
 sulṭân-ı şâhib-i şalâhıdır. Bu su'âl olunur ise cevâb böyledür ki: Şu'arânuñ güftâr-ı dürer-bârı
 mübâlağadan kinâye ve iddi'âya maḥmûldür. Pes kizb ile kinâyenüñ beynlerinde fark zâhirdür ki kizbuñ
 kâ'ili sözinuñ sıdıkını da'vâ idüp işbâtına ityân-ı yemîn-i gamûs ile me'nûs olur. Ammâ şu'arâyı söyletseñ
 maḳâlesinuñ nefsu'l-emre muṭâbaḳatin da'vâ itmeyüp mübâlağadan kinâyedür dir. Pes mübâlağa-güy
 olan bed'ü'l-beyân, yalan 'ıtlâḳ olunmadığı maḥallinde meştûrdur. Qaldı ki sâbıḳda beyân olıldığı üzre
 ğıybet, ḥarâm-ı kaç'î ile ḥarâmdur. İmdi ol kelâm-ı ğıybet-nişâb, resîde-i sem'î-i muḡtâb olur ise; istiğfâr
 ve ol kimse ile istiḫlâl lâzımdur. Ve illâ yalnız tevbe-i ḥâliş kafîdür dimişlerdür. İmdi lisânı ğıybetden
 taḥḥîr; hiç ğıybet kelâmı söylememek ve maḥallinde ṭurmamak ve ol maḳûle kelâma ḳulaḳ urmamak ve
 eger kendüden şudûr itmiş olur ise der-'aḳab tevbe eylemekden 'ibâretdür. (...[S136a]...) Ve keyfe lâ ki
 kizb ile ğıybet şâhibinde kemâl-i imân bulunmaz. Nitekim eḥâdis-i şerîfe ve aḥbâr-ı münîfe ile
 müfâdlarınca kizb, mücânib-i imândur. Ve ğıybet ü nemîme imânı budanmış şecer gibi bî-agşân ider,
 şadaḳa Rasûlu'llah. Binâ'en 'aleyh nâzım mışrâ'-ı şânîde eyidür:

﴿ تا كه ايمانت نيفتد در زيان ﴾ Tâ ki imânuñ zarar u ḥüsrâna düşmeye. Murâd, kizb ü ğıybete
 ısrâr sebeb-i sū'-i ḥitâmdur dimekdür. **Tâ ki**, ma'rûfdur. **İmānet**, āḫirindeki tâ', ḥiṭâb içündür. Ma'nâ
 «imânuñ» dimekdür. **Ne-yüfted**, nefy-i istikbâldür; «düşmeye» dimekdür. **Der-ziyân**, «zarara» dimekdür.
 Zarar, hâl ü istikbâlden e'ammudur. Cümlesi, za'f u imân ve ḥasbe'l-ısrâr sū'-i ḥitâma sebebiyyet-i
 ḥusrânîdür, ne'üzü bi'llâhi min-zâlik.

﴿ پاک اگر داری عمل را از ریا ﴾ Eger 'ameli ri'yadan pāk tutar iseñ. **Pāk eger dārī**, eger pāk dārī
 ta'bîriyle kelâmda taḳdîm ü te'hîr vardur. Eger, edât-ı şartdır. Dārī, muzâri'-i müfred-i muḥâtabdur; fi'l-i

şartdır; «tutarsa» dimekdür. Pāk, «tāhir» ma'nāsınadır. **Amel-rā**, «ameli» dimekdür. Amel, ayn ve mīmün fethalarıyla Arabīdür; «iş ve güç» ma'nāsınadır. Murād, amel-i āhiretdür. Cem'i a'māldür. Ve amelde kavī olana «ibnū amel» dirler. Amelün Fārisīsi «kār»dur ve kesr ile «kiyā» daşı dirler. Rā, edāt-i mef'uldür. **Ez-riyā**, «riyādan» dimekdür. Riyā, elsine-i selāse de müsta'meldür. Luğatde ma'nası ma'rūfdur. Ammā ıstılāh-ı şer' de amel-i āhiret ile nef-i dünyā murād itmek yāhod nefisine ikrāh ile [S136b] melce'i yoğiken amel-i āhiretün delilini veyā kendini nāsa i'lāmdur. Bunlar riyā'-i ehl-i dīndür. Nāzımuñ daşı murādı budur. Ammā ehl-i dünyanuñ riyā'sı, a'māl-i dünyā ile kulüb-i nāsda menzilet bulmağa muhabbetdür, intihā. Ma'lūm ola ki riyā, āfet-i kalbdendür. Ve daşı mā-bihī'r-riyā beşdür. Evvelkisi; bedendür ki ehl-i dīne nisbeten meşelā izhār-ı za'f ve hüzal ile güyā riyāzāt u kesret-i 'ibādetden bī-mecāliyyet göstermekdür. Ve ehl-i dünyāya nisbeten nezāfet ve izhār-ı levn-i şāf ile itidāl-i kāmēt ve emsālın irā'etdür. İkincisi; meşelā ehl-i dīne göre hey'āt-i şüfiyāne ve ehl-i dünyāya göre kıyāfet-i kibārāne ile teşekkıldür. Üçüncüsü; aqvāldür ki ehl-i dīne göre meşelā va'z u naşihat ve güyā evrād u ezkāra müdāvemēt şüretiyle leblerin hareket itdürmekdür. Ve ehl-i dünyāya göre ebyāt u eşār-ı hikmet-āşār ve feşāhat u belāgate ibtidārdur. Dördüncüsü; ehl-i dīne göre dirāz-ı namāz u niyāz ve ehl-i dünyāya göre hālet-i meşiiyyetde dāmen-keş olarak meraḥ u tecennünle ilgardur. Beşüncüsü; ehl-i dīne göre kendüye mürşid disünler için bir yire azīmetinde eşḥāb u telāmizleriyle gitmekden maḥzūziyyetdür. Ve ehl-i dünyāya göre kendüye her vechile kuvvete mālīkdür disünler için bir yire etbā ile azīmet ve dīde-i dünyāda melhūz-ı ayn-ı itibār olmağa maḥabbetdür. Pes amel-i dünyā ile riyā eylemek tezvīrden ḥālī oldıkda ḥarām degıldür; lākin şer'an mezmūmdur. Ammā amel-i āhiretün cümlesinde riyā ḥarāmdur. *ان اخوف ما اخاف عليكم الشرك الا صغيرا*. Nitekim āyet-i şer'fi ma'nā-yı münifinden bu murād-ı müstefāddur dimişlerdür. (...[S137a]...) İmdi riyādan ictināb u ihtirāzda dikkāt-i tām m gerekdür. Zīrā riyā, debīb-i nemlden aḥfādur. Binā'en aleyh ḥātıra ḥuṭūrında kendü ile ḥibā beyninde olan tereddüd-i ātī ve bağıyye-i şeyṭāna dā'ir olan ḥālātı fehmede mücāhede vü muḥārabeye ihtimām ve lisān-ı cünbān ile zikr-i Sübhāna iştiğāl-i tām ehem ü elzemdür dimişlerdür. Ve keyfe lā ki şüret-i şalāḥa mütelebbis olan nefsi levvāmenün 'ibārātı olan kelimāt-ı ḥavāṭırda riyā-pişelik, kand-i cüllābī içine zehr ta'biyesine beñzer. Ve meşhūrdur ki nuḳre-i sīmün zāhiri egerçi beyāz dur, lākin anı ta'dād veyā bir zamān anı merhūn-ı ceyb ü cüzdan eyleyenün elbette dest-i tābnāki ve ceyb-i cāme-i pāki siyāh olur. Ke-zālik a'māl ile riyānuñ ḥālleri böyledür; ihtirāzında dikkāt gerekdür. Eger bu vechile ameli riyādan pāk tutarsa:

﴿ شمع ایمان ترا باشد ضیا ﴾ Senün İmānuñ şem'ine ziyā vü nūr olur. **Şem-i imān-ı tu-rā**, tetābu'-ı izāfet ile ma'nası «İmānuñ şem'i» ya'nī şem gibi olan imānuñ dimekdür. Bundaki izāfet bilüceyni'l-mā' kabīlindendür. Şem, feth-i şīn-i mu'ceme ve sūkūn-ı mīm ile Fārisīdür. Ammā feth-i şīn ve kesr-i mīm ile Arabīdür ki «mūm» dimekdür, kezā fi's-Sūdī 'ale'l-Ḥāfiz. Ve luğat-i Aḥteride eyidür: Şem, fetḥateyn ile ve 'inde'l-ba'z teskīn-i mīm ile mūm ma'nāsınadır, intihā. **İmān**, ma'rūfdur. Tu-rā, aşı vāv ile tū-rā idi; vāvı ḥazf olınmışdur. Ve bu kā'ide-i Fārisiyye Tuḥfetü'l-Mülūkden naklen beyān olınmışdur. **Bāşed**, «ola». **Ziyā**, Arabīdür; merre tafşilehū rüşen ma'nāsına Fāriside daşı şāyi'dür. İmdi

şem‘-i ĩmānuñ pür-zıyā olması şāhibinüñ şāhib-i ihlāş olan meşābīḥ-i hüdā olmağından ‘ibāretdür. Pes bunda طوبى للمخلصين اولئك مصابيح الهدا ḥadīs-i şerīfine ĩmā vardır demek mümkündür. Fe-‘alā-hāzā mefhūm-ı muḥālīf-i ma‘nā-yı beyt üzre; riyā çirk-ābıyle ālūde olan ‘amelūñ ‘āmilinüñ sirāc-ı ĩmānında nūr-ı hüdā bulunmayup; ḥāne-i ĩmān olan ḳalbi, zūlmet-i riyā ile siyāh ve kendüsi maẓhar-ı gāzāb-ı İlah olur dimege işāret vardır. Pes mūrā’ī bu vechile mezmūm ve sīreti [S137b] şūretinden şūmdur. Ḥattā riyā vü sālūsī ile şūretā delḳ-pūş olan zāhid-i ḥuşḳ ḥaḳḳında:

کند چو شیخ ز حیوانی اینقدر پرهیز
بحیرتم که چرا در لباس حیوانند

buyurmuşlardır. Ve daḥı

زاهد چه بلایی توکه این رشته تسبیح
از دست تو سوراخ بسوراخ کریزد

Ya‘nī, iy zāhid-i ḥuşḳ! Sen ne belāsın ki bu rişte-i sübhā-i şalāḥ-nişān senüñ elūñden delükden delüğe gūrīzan olur dimişlerdür. Ve keyfe lā ki riyā-pīşe olan cemā‘at-i cāmī‘ ve kāse-i çeşm-i sālūsī ile şeqābet-kūn-i sāḥa-i şavāmī‘ olan zūhhādı, zinādan mütevellid tıfl-ı ḥarāmuñ endāḥte-i gūşe-i mescid kılan rūsbi vü ḳaḥbeye teşbīḥ idüp Mīrzā Vahīd dimişlerdür ki:

اشک ریای زاهدان ریخت بخانه خدا
قحبه بمسجد افکند طفل حرام زاده را

Belki mūrāyīnūñ meşūb-ı riyā olan a‘māl-i müzaḥrafātı, maşrūḥ-ı zāviye-i mescid olan veledü’z-zinādan eşedd ve nazar-ı raḥmetden eb‘ad idigi zāhir ü bāhirdür.

﴿ چون شکم را پاک داری از حرام ﴾ Çün ḳarınını ḥarāmdan pāk tutasın. **Çün**, «çünkü»; **şikem**, kesr-i şīn-i mu‘ceme ve feth-i kāf-ı ‘Arabī ve sūkūn-ı mīm ile Fārisīdür. Türkīsi «ḳarın» ve ‘Arabīsi «baṭn»dur. Nitekim yemegi ziyāde çok yiyen kimesneye Fārisīde «şikem-bende»; ‘Arabīde «‘abdü’l-baṭn»; Türkīde «ḳarın ḳulı» dirler. Āḥirindeki **rā**, edāt-ı mef‘ūldür. **Pāk**, «ṭāhir»; **dārī**, «tutasın»; **ez-ḥarām**, «ḥarāmdan» ya‘nī maṭ‘ūmāt u meşrūbāt-ı muḥarrameden dimekdür. Pes herkes için ḥāle muvāzabet ve ḥarāmdan mücānebet itmek lāzımdur. Zīrā gıdā-yı ḥarām ile perverde olan cesed cennetden maḥrūm oldığı ان الله حرم الجنة على غذى الحرام ḥadīs-i şerīfinden ma‘lūm u meczūmdur. Ḥattā ekl-i ḥarām ile ṭā‘at ḡayr-ı maḳbūledür diyü ‘Aynü’l-‘İlmde meşṭürdür. İmdi her mü’mine ṭaleb-i ḥalāl, ḡaraż-ı lāzımü’l-imtişāldür. Ḥattā ṭaleb-i ḥalālde kedd-i yemīn ü ‘araḳ-ı cebīn ile zaḥmet-ḳarīn olmaḳ bā‘iş-i maẓhariyyet-i ḡufrān idigi مغفورا بات ḥadīs-i şerīfinden nümāyāndur. (...[S138a]...) Ma‘lūm ola ki nāzımuñ kelāmındaki ḥarām li-‘aynihi ve ḥarām li-ḡayrihiden ‘amm ve her birlerinden ictināb ehemmdür. Ve fevḳa’s-şiba’ idḥālū’t-ṭa‘ām daḥı bu ḥarāmuñ mülḥaḳātından idigi inşā’a’llāḥ ḳarīben maḥallinde beyān olınur.

﴿ مرد ایمان دار باشی والسلام ﴾ Merd-i ĩmāndār olursun ve’s-selām. **Merd**, feth-i mīm ve sūkūn-ı rā’ ve dāl ile «er» ma‘nāsınadır ki ‘Arabīsi «racūl»dür. **İmāndār**, terkīb-i tavşīfīdür; «ĩmān ṭutıcı» dimekdür. **Bāşī**, muzāri‘-i müfred-i muḥāṭabdur; «olursun» dimekdür. **Ve’s-selām**, bu kelāmda birkaç

te'vile ihtimāl vardır. Evvelā; vāv «ma'a» ma'nāsına olmağıla selām, meşāḳḳ-ı dāreynden necāt bulmak ma'nāsına olur. Nitekim ḥadīs-i ġarībde فی النار و دبدبة فقد و فی شر لقلقة و قبقبة و vārid olmuştur. Laḳlaḳ, «lisān»; ḳabḳab «baṭn»; debdeb «zeker»dür. Pes bunların şerrinden viḳāyet ve muḥāfazalarına müdāvet, nīrāndan selāmet ve sebeb-i duḥūl-i cennetdür. (...) Sāniyen; vāv, ḳasem için olup selāmdan ism-i Allāh murād olunmaktadır. Şālişen; 'ādet-i erbāb-ı kelām üzre ḥitām-ı maḳāl-i şeref-iḥtitāmda ve's-selām didikleri gibi olmaktadır. Murād; ictināb-ı ḥarām, emr-i lāzımü'l-ihtimāmdur ve müctenib-i ḥarām, Rüstem ü Sāmāndan ziyāde merd-i ḳaviyyü'l-İslāmdur dimektir. Nitekim ḥazret-i Mevlānā kitāb-ı Meşnevī ve ḥiṭāb-ı ma'nevīsinde, ictināb-ı ḥarām iden merdānı medḥ ve kitāb-ı diğerde

عنان بازچان نفس از حرام
بمردی ز رستم گذشتند سام

diyü buyurmuştur.

﴿ هرکه دارد این صفت باشد شریف ﴾ Her kim ki bu şıfatı tutar şerīf [S138b] ola. **Her ki**, «her kim ki»; **dāred**, «tutar»; **īn şıfat**, «bu şıfatı» dimektir. Īn ile işāret ḳarībe mevzū' olmağın müşārun ileyihi baṭnı ḥarāmdan taṭhīrdür. Ḳaldı ki mezkūr ictibāriyle eşyā'-i erba'a-i mezkūreye işāretdür dimektir daḥı mümkündür. Şıfat, nişān ve 'alāmet ma'nāsındur. **Bāsed**, «ola»; **şerīf**, şāḥib-i rütbe-i 'ālī ve 'azīz dimektir. Murād şeref-i dāreyn ile müşerref ola dimektir.

﴿ ورنه ندارد ایمان ضعیف ﴾ Ve eger tutmaz ise īmān-ı za'īf tutar. **Ver**, ve eger kelimesi gibi edāt-ı şartdur. **Ne-dāred**, nefy-i istikbāldür ve fi'l-i şartdur; «tutmazsa» dimektir. Meḥūlī maḥzūfdur; taḳdīr-i kelām «īn-rā» dimektir. **Dāred**, cüz'-i şartdur; «tutar» dimektir. **Īmān-ı za'īf**, «ḳuvvetsiz īmān» dimektir. Bu kelām, mezheb-i Ḥanefī üzre īmān ziyāde ve nokşān olmaz; lākin ḳuvvet ü za'fa ḳābildür didiklerine mebnīdür. Pes nāzımuñ beyān-ı icmālī 'aḳabinde tafşīle şurū' idüp aḥz bi'l-ḳurb ḳāidesi üzre rābi'uñ ḥālin beyān buyurmuştur ki:

﴿ هرکه باطن از حرامش پاک نیست ﴾ Her kim ki anuñ derūnı ḥarāmdan 'ārī degüldür. **Her ki**, «her kim ki»; **bāṭn**, zāḥirüñ muḳābilidür; «iç» ma'nāsındur ki Farisīde derūn ile ta'bīr olunur. **Ez-ḥarāmeşde** olan şīn, zāmīr-i bāṭn kelimesinüñ āḥirine ma'tūfdur. Ta'bīr; bāṭneş, «anuñ derūnı»; ez-ḥarām, «ḥarāmdan»; **pāk nīst**, «'ārī degüldür» dimektir.

﴿ روح او را ره سوی افلاک نیست ﴾ Anuñ rūḥı için eflāk cānibine yol yoḳdur. **Rūḥ-ı o-rā**, «anuñ rūḥı için». **Reh**, «yol» ma'nāsındur; «rāḥ»dan muḥaffedür. **Sūy-i eflāk**, izāfetle «eflāk cānibine» dimektir. **Nīst**, «yoḳdur». İmdi derūnı ālūde-i çirk-āb-ı ḥarām olanuñ cānı cānib-i 'ulūvve 'urūcdan maḥrūmdur dimek birkaç vech mebnīdür. Evvelā bu mişllü ḥarām-ḥoruñ ḥayevātında a'mālī ve ṭā'āt için mekān-ı ba'ideye seyr ü sefer ile ālūde-i evsāḥ u ḡubār ve bu vechile zaḥmeti mezānn-ı icābet-i da'vet 'add idüp tekrār tekrār “yā Rabb!” maḳālesiyle teferruḥ-ı bī-ḥisāb eylese, anuñ rūḥı müşābehesinde olan ṭā'āt u da'vātı ḳande müstecāb olur dimek istib'ādına īmādur. (...[S139a]...) Pes bāṭnı ḥarāmdan nā-pāk olanuñ rūḥı müşābehesinde olan ṭā'āt u 'ibādātı ve niyāz u da'vātı rehyāb-ı cānib-i eflāk-i icābet olmaz. Ve memātında cānı semāvāta 'urūc ve a'lā-i ılliyīne vüṣūl ile miyāne-i ervāḥ-ı ehl-i şalāḥa vülūcdan dūr

olduğunu beyandır. Nitekim bunun beyânında aḥbār-ı keşîre vârid olmuştur. Sāniyen; bu kelām meşâyıḥ-ı şūfiyye ‘inde olan taḥkîk-ı maḳām üzredür. Budur ki; ‘inde’l-meşâyıḥ hiss ikidür. Biri hiss-i dünyevîdür ki, bu cihân şüretinüñ ‘imâretinüñ esbâbidur. Bundan murād zâhiren ve bâtinen dünyâyâ müte‘allik olan idrākâtur. Ve biri hiss-i dînîdür ki andan murād, nerdbân-ı âsmân-ı ma‘nevî ve mirkât-ı derecât-ı uhrevî didikleri idrākât-ı ‘irfâniyye vü îkâniyyedür. Pes mürşidân-ı tarîkat, bu idrākât eşhâbınun vukûc bulan hâlelin ‘ilâc ile işlâh idici eṭṭibbâ-yı şifâ-baḥşlardur. Anlara tabîbân-ı Îlâhî dinildiği bu ma‘nâcadur. Pes hiss-i şūrînün şihhati tenün ma‘mûrlığındandır. Ammâ kısım-ı sâni olan hiss-i dînînün şihhati bedenün vîrânlığındandır. Fe-‘alâ-hâzâ rûhuñ tarîkı, cismi evvel vîrân [S139b] idüp ba‘de yine ma‘mûr itmekdür. Ya‘nî sâlik-i râh-ı câna göre, ol râhuñ hükmi meşelâ ekl ü şûrb-i ḥarâm gibi evvelâ shevât-ı nefsâniyyeyi cismden dūr ve lezâ‘iz-i rûhâniyye-i ‘irfâniyye ile cismi pür-nûr ve ḳalbi ma‘mûr itmekdür. Tâ ki ‘urûc-ı âsmân-ı ma‘nevîye şâyân ola. Zîrâ ervâḥ, ‘âlem-i bâlâdan teşrîfi ‘ilâvesiyle şâhibini âsmân-ı rûhânî cânibine cezb üze iken rûhuñ tarîkına muḡâyir harekât ile ittibâc-ı shevât iden ten-perest, mertebe-i esfelde âb u nân-ı ḥarâm ile ḳadrini pest idüp şîfat-ı hayvânî üze her eline gireni tenâvül ile mertebe-i esfelde ḳalur. Binâ’en ‘aleyh rûh-ı pür-fütûḥı için âsmân-ı ma‘nevî cânibine yol olmaz. Ve ḥarâma müvellîc oldıḳca felâḥ ‘âlemini bulmaz dimekdür. Nitekim H^vâce Hâfız-ı Şîrâzî

ترسم که صرفه نبرد دور باز خواست

نان حلال شیخ و آب حرام ما

buyurmuştur. Buña göre ekl ü şûrb-i ḥarâm mâni‘-i seyr-i semâ’-i kerâmet ve mezâḥim-i ‘urûc-ı ‘arş-ı velâyetdür. Ḥattâ pāk-derûn olmayanuñ çeşm-i hayâlî, semâ ve ‘arş-ı ‘ulûvv-i iştimalî ru’yâda daḡı göremez dimişlerdür. Zîrâ ḥâlet-i nevmde seyr-i ‘arş-ı Raḥmân ve rûḥı hengâm-ı bîdâra dek secde-i Sübhân iden ancak pāk-derûn olan şuleḥâdur dimişlerdür.

﴿ چون نباشد پاک اعمال از ریا ﴾ Çünkü a‘mâl-i riyâdan pāk olmaya. **Çün**, «çünkü»; **ne-bāşed**, feth-i nûn-ı nâfiye ile ma‘nâ «olmaya» dimekdür. **Pāk**, mefûl-i ne-bāşeddür. **A‘mâl**, cem‘-i ‘ameldür; ne-bāşedün fâ‘ilidür. **Ez-riyâ**, «riyâ vü süm‘adan» dimekdür. Ma‘lûm ola ki luḡat-i Fâriside eşhâb-ı riyâyâ «dîn-fürüşân» dirler. Ve fi’l-ḥaḳîḳa erbâb-ı riyâ, dîn-fürüşlardur ki ânifen beyân u ta‘rif ve aḳsâmı ‘ıyân olunmuşdı. Ve ‘inde’l-meşâyıḥ ḥuzûr-ı ḳalb ve niyyet-i ḥâlîşa ile olmayan ‘ibâdât riyâdan ma‘dûddur. Nitekim ahd-i evvelde bir kimesne namâza âḡâz ve ferâḡdan soñra Faḥr-i ‘âlem şalla’llâhu ‘aleyhi ve sellem ol kimseye: قم صل فانك لم تصل buyurmaḡın ol kimesne erkân-ı şalâtıda ḳuşûr itmek ḡanniyle istînâf ve ityân-ı erkâna is‘âf eyledi. Ba‘de yine Faḥr-i kâ’inât ‘aleyhi ekmelü’t-teḥiyyât ḥazretleri ol kimseye لا صلوة الا بحضور القلب buyurmuştur dimişlerdür. Murād; şalât-ı kâmile ancak ḥuzûr-ı ḳalb ve niyyet-i ḥâlîşa ile olur dimekdür. Ḥattâ İbnü Cevzî Muḥtaşarında [S140a] eyidür: Her şalâtıda fâtiḥa-i şerîfe ḳırâ’etiyle اهدنا الصراط المستقيم âyetinüñ ma‘nâ-yı şerîfi: Yâ Rabb! Namâzumuzu ehl-i riyânun niyyet-i ḥâlîşasız olan namâzına ḳarışdırma dimekdür diyü tefsîr buyurdıḳların taşrîḥ eylemişdür. Pes riyâ ile meşûb olan ‘amel ma‘yûb oldıysa:

﴿ هست ببحاصل چو نقش بوریا ﴾ Būriyā naqşı gibi bî-fā'idedür. **Hest**, bunda edât-ı haber olan «est» ma'nâsınadır. Est ile hest birbirinin ma'nâlarına geldiği keşîrdür; «**bî-hâşıl** est» dimekdür; ya'nî «bî-fā'ide»dür. **Çü naqş-ı būriyâ**, izâfetle «būriyâ naqşı gibi» dimekdür. Çü edât-ı teşbîhdür. Naqş bunda ma'nâ-yı meşhûrî üzredür. Ve gâh Fârisîde kuş çağırıkları beftere ma'nâsına isti'mâl olunur. Lâkin bunda murâd degüldür. Būriyâ, Fârisî vü Türkîde müsta'meldür. 'Arabîde zamm ile «būrî» dirler ki cem'î «bevārî»dür. Murâd būriyâ haşîridur ki anı fuqarâ-yı dervîşân döşenürler. Fârisîde aña fetḥ-i bâ'-i muvaḥḥide ile «belâc» dirler. Pes būriyâda menkûş olan şuver-i şecer, bî-şemer olduğu hasebiyle ol naqşdan fâ'ide yokdur. Nitekim bî-nef' olan nesneye 'Arab «daḳḳu'l-haşîr» ta'bîr eylemişlerdür. Ve 'Acem «naqş-ı būriyâ» ile edâ iderler. Ve bu güne teşbîhde taḥşîşuñ vechi budur ki ba'zı nuḳûşuñ maḥallinden ḳal' u izâlesi yesîrdür. Lâkin naqş-ı būriyânuñ ḳal'ı ğayet 'asîr olmağın izâlesi ancak maḥallinuñ iḥrâḳıyle olur. Ve iḥrâḳa ḳâbiliyyeti sâ'irlerden ziyâdedür. Anuñçün Türkîce; “fûlânuñ başına būriyâ yaḳılır” diyü darb-ı meşel eylemişlerdür. Nitekim şâha şikâyeti olan Rûm diyârında gerdenine haşîr taḳup yaḳar. Diyâr-ı 'Acemde şekvâcî kâğıddan câme geyüp, huzûr-ı şâhda ol kâğıddan câmeyi iḥrâḳ eylediği gibi. Pes riyâ ile âlûde olan a'mâlûñ 'adîmü'n-nef' olması, maḳbûl-i dergâh-ı İlâh olmayup şâyeste-i iḥrâḳ bi'n-nâr oldığını izhâr içündür. (...)

﴿ هرکرا اندر عمل اخلاص نیست ﴾ Her kim ki 'amelinde iḥlâş yokdur, ya'nî riyâ-pîşedür. **Her ki-râ**, [S140b] «her kime ki»; **ender 'amel**, «'amel içinde»; **iḥlâş**, kesr ile riyânuñ muḳâbilidür. Ḥattâ Ḥamevî raḥimehu'llâh eyidür: İḥlâş 'abd ile Rabbûñ beyninde bir sır-ı İlâhîdür ki aña melek muṭṭalî' olamaz ki taḥrîr eyleye ve hevâ-yı nefsanîyye anı fehîm idemez ki şâhibin râh-ı ḥilâfa meyl itdüre ve şeytân anı iz'ân idemez ki ilḳâ'-i vesvese eyleye, intihâ. Pes iḥlâş didigimiz, îmân u a'mâlde itḳân emrine çespân olan nesnedür. (...) Ḥattâ kırk şabâḥ iḥlâşkâr olanuñ ḳalbinde, lisânı üzre yenâbî'-i ḥikmet zuḥûr ider diyü ḥadîs-i şerîfde vârid olmuştur. Pes a'mâlde bî-iḥlâş olan:

﴿ در جهان از بندگان خاص نیست ﴾ Cihânda ḥâşş kullardan degüldür. **Der-cihân**, «cihânda» dimekdür. Cihân, dünyâ vü 'uḳbâya şâmildür. **Ez-bendegân-ı ḥâşş**, izâfetle «ḥâşş kullardan» dimekdür. Ez, min ma'nâsınadır. Bendegân, cem'dür; müfredi ḳul ma'nâsına bendedür. Ḥâşş, 'Arabîdür; muḳâbili «'amm»dur. Luġatde ma'nâsı ma'rûfdur. İştîlâḥ-ı şer'ce, niyyetinüñ şîḥḥat ü fesâdına 'âlim olundur. 'inde'l-meşâyîḥ, maḳbûl-i dergâh-ı Ḥudâ olan merd-i ḥulûş-intimâdur. **Nîst**, «degüldür» dimekdür. Pes riyâ-pîşe olan 'avâmu ke'l-hevâmmdur ki ḥaḳḳlarında اولئك كالانعام بل هم اضل dinmek revâdur. (...[S141a]...) Pes şâhib-i iḥlâş olan muḥlişuñ zımnen ta'rîfini beyân ve şarâḥaten muḥlişânuñ ḥâl ü şânın 'ıyân için fezleke maḳâmında nâzım eyidür:

﴿ هرکه کارش از برای حق بود ﴾ Her kim ki 'ameli Allâh için ola. **Her ki**, «her kim ki»; **kâreş**, «anuñ 'ameli» dimekdür. Kâr, iş ma'nâsınadır. Âḫirindeki şîn zamîr-i ğâyibdür; her ki kelimesinüñ mâ-sadaḳı olan kimesneye râcî'dür. **Ez-berây-ı Ḥaḳḳ**, «Ḥaḳḳ için» ya'nî ḥâlişan li-vechî'llâh; **buved**, «ola».

﴿ کار او پیوسته با روتق بود ﴾ Anuñ işi muttaşıl ḥüsn-i leṭâfet ile ola. **Kâr-ı o**, «anuñ işi» dimekdür. Kâr kelimesi, zamîr-i ğâ'ib olan o kelimesine muzâfdur. Zamîr-i mezkûr, 'ameli ḥâlişan li-

vechi'llāh olan kimesneye rāci'dür. **Peyveste**, «muttaşıl» ma'nāsınadır. Bundan murād, ma'nā-yı lāzımı olan devāmdur; me'âlde «dā'imā» demek olur. **Bā**, bunda muşāḥabet içündür. **Revnaq**, «ḥüsn ü behcet ve zīb ü leṭāfet» ma'nāsınadır. İmdi muḥlişuñ 'amelinüñ maḳrūn-ı ḥüsn olması a'māl-i ḥasene vü ef'āl-i müstaḥsene olmaḳ ve her ḥâlde māye-i tevfiḳ-ı İlahī bulmaḳdan 'ibāretdür. **Qaldı** ki eşyā'-i erba'adan ba'zısınıñ icmāliyle iktifānuñ vechi zāhirdür.

Der-Beyān-ı Siret-i Mulūk ve 'Adl-i Şāhān-ı Pākīze-Sülūk

Pes nāzımuñ bu kitābı te'lifinden murādı herkesüñ intifā'ı için olup ve daḫı عادات الناس علی müfādınca şalāḥ-ı selāṭin bā'is-i şalāḥ-ı re'āyā olup ve 'adl-i şāhān, bā'is-i 'imāret-i büldān ve sebeb-i emn ü emān-ı hem-künān olmaḡın nāzım anlaruñ daḫı şalāḥ-ı kārları ve beyān-ı sūd ü ziyān u ḥüsrānlarıyla tezāyüd-i itibārların murād idüp buyurur:

﴿ چار خصلت ای برادر در جهان ﴾ İy qarındaş! Cihānda dört ḥüy. **Çār**, esmā'-i a'dāddan dört 'adedine mevzū'dur. Mā-ba'dine muzāfıdır. **Ḥaṣlet**, feth-i ḥā'-i mu'ceme iledür; 'Arabīdür; «ḥulḳ ve ḥüy» ma'nāsınadır. **İy**, harf-i nidādur. **Birāder**, münādādur; «qarındaş» dimekdür. Murād, aḥḡ-i āḫiretdür. **Der-cihān**, «dünyāda» dimekdür.

﴿ پادشاهانرا [S141b] همی دارد زیان ﴾ Sultānlara dükeli zarar tutar, ya'nī zararlıdur dimekdür. **Pādşāhān**, elif ü nūn ile cem'dür; müfredi pādşāhdur. Ma'nası beyān-ı sābıḳdan ma'lūmdur. Bunda murād, pādşāh-ı 'ālem-penāhdur. **Rā**, edāt-ı mef'ūldür. **Hemī**, «dükeli» dimekdür. **Dāred**, muzāri'-i müfred-i ḡā'ibdür; «tutar» dimekdür. **Ziyān**, Furs ü Türkīde şāyi'dür; 'Arabīsi zarar ve ḥüsrāndur. Pes eşyā'-i erba'adan biri budur ki:

﴿ پادشاه چون در ملا خندان بود ﴾ Pādşāh çünkü āşkāre meclisde gülici ola. **Pādşāh** ve belki vükelāsi olan ḥukkām vālā-maḳām. **Çün**, «çünkü»; **der**, zarfiyyet-i mecāzī içündür. **Melā**, feth-i mīm ile 'Arabīdür; «müşāvere için müctemī' olan cemā'at ü meclis» ma'nāsınadır. Müfredi yokdur. **Ḥandān**, şıfat-i müşābehettür; «gülici» dimekdür. Maşdarı «ḥandīden»dür. 'Arabīsi «ḍaḥḳ»den müştāḳ olan «ḍaḥḫāḳ»dür. **Buved**, «ola». Ma'lūm ola ki 'inde'l-'Arab gülmek üç kısımdur. Her biri için bir lafz vaz' olunmuşdur. Biri dişleri görünmez ve gülmegi sen işitmez, bilā-şavt gülmekdür; buña tebessüm dimişlerdür. Ve biri şavt ile olup ve şavtıñı hemān sen işitmek üzere gülmekdür; buña dıḡḳ dimişlerdür. Ve biri şavtıñı sen ve yanında olan işitmek üzere gülmekdür; buña ḳahḳaha dimişlerdür. Ve sebeb-i dıḡḳ u tebessüm, umūr-ı ḡarībeye derk ü ta'accübden nāşīdür. İmdi tebessüm şer'an cā'izdür ve memdūhdur. Nitekim ḥazret-i Ādem şafıyyu'llāh ḳabūl-i tevbesinden āḡāḥ oldıḳda tebessüm buyurmuşdı. Fahr-i 'ālem şalla'llāhu 'aleyhi vesellem ḥazretlerinüñ dehān-ı ḥıḳmet-beyān ve beşere-i beşāret-nişān-ı nūr-efşānı mütebessim oldıḡından mā-'adā aḡyānen tebessüm buyururlar idi. Ancaḳ ḥīn-i tebessümde dehān-ı devlet-beyānına vaz'-ı benān-ı sa'ādet eylediḡi ḥadīs-i şerīf ile 'ıyān ve şöhret bulmuşdur. Qaldı ki dıḡḳ ve mā-fevḳı olan ḳahḳaha şer'an mezmūmdur. Ve mezmūmiyyetine mefsedet-i şalāt u vuzū' oldıḡları kifāyet ider dimişlerdür. Ve daḫı dıḡḳ ḳalbi öldürür. Nitekim لاكثر والضحك فان كثرته يميت القلب ḥadīs-i

şerîfiyle keşret-i dıhkden nehy vârid olmuşdur. Hıuşûşâ ki dıhk-i mezkûr fî'l veyâ kavî-i zenb zımnında ola. Pes dâhikân zenb işleyen bâkiyân nâra dâhil olacağı وهو يضحك دخل النار وهو يبكى [S142a] hadîs-i şerîfî ile sâbitdür. İmdi mü'minüñ handesi tebessümden yukarı olmamak gerekdir. Nitekim hadîs-i şerîfde ضحك المؤمن التيسم el-hadîs vârid olmuşdur. Ve illâ handân olan şâhib-i hıffet, âhâd-i nâsdan ise qadr ü behâsına kıllat ü zillet tārî ve eger şâhlardan ise lâ-cerem noqşân-ı heybet ile câme-i revnâk-ı saltânatdan 'ārî olacağı bî-reybdür. Nitekim nâzım eyidür:

﴿ بی‌کمان در هیبتش نقصان بود ﴾ Şeksiz heybeti noqşân olur. **Bî-gümân**, «şeksiz» dimekdir.

Bî, edât-ı nefy; gümân, zamm-ı kâf-ı 'Acemî ile «şekk» ma'nâsınadır. **Der**, bunda zâ'iddür. **Heybet**, «âzamet ve celâl ve haşmet» ma'nâsına 'Arabîdür. Fârisîde «şükûh», Türkîde «yaraşıklık» ma'nâsınadır. Âhîrindeki şîn, zamîr-i gâ'ibdür; pâdşâha râcî'dür. **Noqşân**, 'Arabîdür; «eksik» ma'nâsınadır. Fârisîde «kem»dür. **Buved**, «olur» dimekdir. Ba'zı nüshada buved maqâmına şevad vâq'dur. Şevad, muzârî-i müfred-i gâ'ibdür; ma'nâsı «olur» dimekdir. Ma'lûm ola ki bâ'is-i noqşân-ı mahâbet-i sultân olan dıhkûñ, qahqaha-i bî-kerândan selâfîni men' ü tahzîrûñ fâ'ideleri kendülerine râcî'dür. Öyle olunca kendülere hayr-ı h'âh olanuñ naşîhatinden incinmemek gerekdir. İmdi şâh-ı 'âlem-penâh olan dıhkûñ ve qahqahanuñ esbâbından hâzer itmek gerekdir. Esbâbından biri meşelâ, ihtilâf-ı nâs ile müzâha istînâsdur. Keşret-i müzâh ise muskıt-ı heybet ve mûriş-i hıkd u 'adâvetdür. Ve biri dağı devlet ve saltânata igtirâ(r) ile şâd u handân olmaqdır. Bu dağı her vechile mezmûmdur. Ve çok gülen çok ağlar didikleri meşhûr u ma'lûmdur. Nitekim şu'arâdan bir merd-i şâhib-i zekâ buyurmuşdur, *kaṭṭa*:

İy dil-i münbasî! Qatı gülme
Hande zımnında girye munzamdur
Münkalibdür cihan-ı bûkalemün
İnbisâfı ğamm ile müdgamdur

Ve H'âce Şâ'ib-i Tebrîzîñ *beyt*:

خنده صبح بخوناب شفق پیوسته است
هیچکس شاد کردید که غمناک نشود

beyt-i laṭîfinden hüveydâdur. Ve h'âce-i müşârun ileyh bir maḥall-i diğerde *beyt*:

مهر زن بر دهن خنده که در بزم جهان
سر خود میخورد آن پسته که خندان باشد

[S142b] diyü buyurmuşdur. (...) Hâşıl-ı kelâm beyne'l-enâm handan olan şâh-ı cihân bî-heybet ü şân ve encâmında giryân olmak muḥarrerdür. Hattâ selâfîn-i mâziyyeden Ahmed Hân zevâl-i saltânatiyle Qahqaha nâm kal'ada habs der-zindân oldıkdâ lisân-ı şâh-ı müşârun ileyhden su'âl tarîkıyle *kaṭṭa*:

از کردش چرخ واژگون میکریم
از جور زمانه بین که چون میکریم
با قد خمیده چون صراحی شب روز
در قهقهه‌ام ولیک خون میکریم

ķıřa-i dil-ārāsın taķrır buyurdıķlarında:

دی روز که کارت همکی قهقهه بود
یارای تو رای سلطنت صد دمه بود
امروز درین قهقهه با کریه بساز
کان قهقهه را نتیجه بی قهقهه بود

Ya'nī iğtirār-ı devlet ile muķaddemā ķahķaha-künān-ı ģandānlıģınıñ neticesi Ķal'a-i Ķahķahada ģabs-i zindān olmuřdur; bugūn Ķal'a-i Ķahķahada girye-sāz ol diyū cevāb tezbır eylemiřdur, kezā-fi't-tevārīķ. Pes ķār ģařletūñ śānīsı budur ki zıķr olunur:

﴿ باز صحبت داشتن با هر فقیر ﴾ Girū her faķır ile řoķbet tıtmak ya'nī herbir kes ile hem-meclis olup oturmaķdur. **Bāz**, bunda «girū» ma'nāsınadır. Niķe ma'nāları vardır; tafřılı mūrūr eylemiřdur. **řoķbet**, luġat-i Fārisīde ūķ ma'nāya gelir. Ma'nā-yı evvel, bir meclisde oturmaķdur ve bunda murād budur. İkincisi, țarafeynden āřnālık ve dostluķdur. Üķuncisi, cimāf itmek ma'nāsıdır, intihā. Lafz-ı mezkūr dāřten iķūn muķaddem-i mef'uldür. **Dāřten**, «tıtmak» ma'nāsına mařdardur. **Bā**, ma'fa ma'nāsınadır; **her faķır**, «herkes ile» dimekdür. Zırā herkese faķır itlāķı انتم الفقراء الى الله والله هو الغنى ایتم الفقراء الى الله والحمد ayet-i řerīfiyle cā'izdür. Pes řāķ olan ģıffetden nāřī herkes ile řoķbetden mařhar-ı zillet olur. Nitekim nāzım eyidür:

﴿ پادشاهانرا همی دارد حقیر ﴾ Pādřāķları dūkeli zelīl ū ģaķır tıtar. **Pādřāķān-rā**, «sultānları» dimekdür. Bu kelime gelecek dāred fı'linūñ muķaddem-i mef'uldür. **Hemī**, «dūkeli»; **dāred**, «tıtar»; **ģaķır**, dāred fı'linūñ mef'ul-i śānīsıdır. Ĥaķır, «zelīl» dimekdür. İmdi ģulāřa-i kelām, herkes ile řoķbet řāķlara ģöre mūcib-i zilletdür. [S143a] Zillet ile dirilmekden ise 'izzet ile ūlmek evlādur dimiřlerdür. Nitekim Ĥ'āķe řā'ibūñ beyt:

بعزت مردان از بی‌اعتباری زیستن خوشتر
چراغ روز را پروایی از کشتن نمی باشد

beyt-i ra'nāsı bu beyānda kāfīdür. İmdi erbāb-ı itibāra sūķūnet ū veķār lāzımdur. Ķaķan bunuñ zıddı olan tıř ū sefeh ū ģıffete 'ittibāf ile istīnās-ı nās ūzre mūla'-ı řoķbet-i her-faķır olmak řāķibini zelīl ū ģaķır ve ģuřūřā pādřāķları, ķeřm-i re'āyāda řaġır ideceġi vāreste-i ķayd-ı ķalem-i taķrīrdür. Ve ba'zı nüřhada mıřrā'-ı śānī bedeline ﴿پادشان را عیب دارد کوش کیر﴾ vāķıf olmuřdur. Ma'nāsı; pādřāķlara 'ayb tıtar ķulaķ ur, ya'nī bunu ģıfz eyle dimekdür. Ĥařlet-i śālīř:

﴿ با زنان بسیار اکر خلوت کند ﴾ Pādřāķān-ı cihān eġer zenān ile ziyāde ģalvet ider ise. **Bā**, «ma'fa» ma'nāsınadır. **Zenān**, cem'dür; «avratlar» dimekdür. Müfredi «zen»dür. Kesr-i bā'-ı muvaģķhide-i ařliyye Fārisīdür ki 'Arabīsı «keřır»dür. **Eġer**, edāt-ı řařtdur. **Ĥalvet**, ma'rūfdur; elsine-i řelāřede mūsta'meldür. **Koned**, muzāri'-ı müfred-i ġā'ibdür ve fı'l-i řařtdur. Ma'nā «ider ise» dimekdür. Ma'lūm ola ki řāķān-ı cihāna lāzım u lāzib olan, tedbır-i ģūķm ve umūr-ı memleket ile 'āleme sāye-efġen-i 'adl ū 'adālet itmekdür. Ve her bār luřf ū iģsān ve merģamet yolına ġitmekdür. Būyle olan merd-i pūr-řevketūñ ģalveti, ancak 'uķalādan erbāb-ı meřveret ve 'ulemādan ehl-i nařıģat ile olmak ġerekdür. Pes bunların

hılâfınca, âkl-ı dînde nâkışât ve luṭf ü merḥametden berî ve şâlihât olan müfsidât-ı memâlik ve mülkiyât-ı mehâlik maḳûlesi zenân ṭā'ife-iyle ḥalvet-i keşîr ve ülfet-i vefîr meslekine sâlik olan mâlik:

﴿ خويشتن را شاه بی حرمت کند ﴾ Kendüsini ḥurmetsiz şâh ider. **H'ışten-râ**, «kendüsini» dimekdür; koned fi'linüñ muḳaddem-i mef'ûlidür. Râ, edât-ı mef'ûldür. **Şâh-ı bî-ḥurmet**, izâfet ile «ḥurmetsiz pādşâh» dimekdür. Şâh, ma'rûfdur. Bî, edât-ı nefydür. Ḥurmet, bunda veḳâr u sükûnet 'izz ü rif'at ma'nâlarınadur. **Koned**, şart-ı mezkûruñ cezâsıdur; «ider» dimekdür. Ḥulâşa-i kelâm ṭā'ife-i nisâ ile keşret-i ḥalvet, bâ'is-i izâle-i ḥurmetdür. Zîrâ anlar ile ülfet ittibâ'-i şehvetden nâşîdür. İttibâ'-i şehvet ise şâhibin fi'l-meşel şâh ise de [S143b] 'abd-i zıḳḳdan ezell ider. Nitekim ḥazret-i Kerrârûñ عبد الشهوة اذل güftâr-ı dürer-bârı bu beyânda kâfîdür. Ve daḫı nisâ ile keşret-i ḥalvet anlara mütâba'at ve emrlerine itâ'ati müstelzimdür. Anlara itâ'at ise sebeb-i zillet ve mücib-i uḳûbetdür. Nitekim من اطاع güftâr-ı dürer-bârı bu beyânda kâfîdür. Ve daḫı anlar ile mücâleset bâ'is-i tezâyüd-i cehl ü ḡafletdür. Cehl ü ḡaflet ise 'ayn-ı zillet ve bî-ḥurmetlikden 'ibaretdür diyü Tenbîhü'l-Ġâfilinde meşûrdur. Ḥattâ tezkire-i Ḳurṭubîde ḥazret-i 'Alî kerrama'llâhu vechehûdan rivâyet ile menḳûldür, buyurmuşdur ki: Ṭā'ife-i nisvânı bir emre muṭṭalî' ve bir ḥâl ü mâle emîn ve bir kâr-ı 'asîrûñ tedbîrine tevkîl eylemeñüz kim; anları bu vechile ihmâl ü imhâlde her biri mülki fesâda virüp mâlike 'âşîye olurlar. Ḥalvetde bî-dîn ve şehvâtta bî-vera' olmaḡın zâtlarında mürüvvet-i yesîre ve cibilliyetlerinde ḥîle vü ḥud'a keşîredür. Ve içlerinde şüretâ şâlihâtı fâcirât ve ṭâlihâtı 'âhirât ve ma'sûmâtı ma'dûmât ve kendülerinde ḥışâl-i selâse-i Yehûdiyye mevcûdâtıdur ki; zâlimât olup tûrurlar iken tazallum iderler. Ve kâzibât iken yemîn-i ḡamûs ile tekellüm iderler. Ve bir şey'e kemâl üzre râḡibât iken imtinâ' u istiḡnâ yüzün gösterürüler. Şerlerinden Ḥudâya isti'âze idiñüz diyü naḳl olunmuşdur, intihâ. Ve ḥadîs-i şerîfde اللهم انى اعوذبك من شرالنساء vürüdiyle ümmete ta'lîm-i isti'âze vârid olmuşdur. Ve daḫı şâh-ı cihân olana keşret-i ḥalvet ile rûy-ı dil bulan zenân elbette umûr-ı memlekete dâ'ir recâ vü ilticâ ve belki tevellî-i emre ibtidâr u ictirâ'dan ḥâliye olmazlar. Ma'a-hâzâ ḥadd ile ḳavedüñ mâ'adâsında nisânüñ ḥukûmeti şer'an câ'iz iken anlara tevellî-i umûr-ı ḥukûmet idenüñ âşim oldığı Dürede meşûrdur. Ve daḫı ḥadîs-i şerîfi üzre anlara ḥukûmet tevliyetinde olanuñ 'adem-i felâḫı meşûrdur. Ve mülûk-i mâzîyyeden niçeler 'avrat belâsına dūçâr olup devlet ü salṭanatuñ târmâr olduğu maḥallerinde mübeyyen ve keşret-i ḥalvetlerinüñ zarar u ḥusrânı niçe delâ'il ile müberhendür. Ḳaldı ki anları bi'l-küllîye [S144a] terk daḫı şer'an mezmûm olduğunu imâ için «bisyâr» kelâmın ityân buyurmuşdur. Ḥaşlet-i râbî' 'adl ü iḥsândur. Nitekim nâzım buyurur:

﴿ هرکرا فر جهاندارى بود ﴾ Her kime ki cihândârlıḳ şevketi ola; ya'nî pādşâhlıḳ şevketin isteye. **Her ki-râ**, «her kime ki»; **ferr-i cihândârî**, izâfet ile «cihândârlıḳ revnaḳı» dimekdür. Ferr, feth-i fâ' ve li-ecli'l-izâfe teşdîd-i râ ile; letâfet ve şevket ve revnaḳ ve zînet ma'nâsınadır. Cihândâr, pādşâha itlâḳ olunur; âḫirindeki yâ' maşdariyyedür. Ma'nâ pādşâhlıḳ dimekdür. *Fâ'ide*: Ma'lûm ola ki Fârisîde ma'nâ-yı nisbet ḥarf-i yâ'ya maḥşûş degüldür. Ġayrisi ile de olur. Ez-cümle dâr kelimesidür ki cihândâr ve ḥışşadâr ve 'arzadâr ve silahdâr ve emsâli kelimelerde vâḳı'dur. Ve lafz-ı dâr egerçi «dâştan»den müştâḳ tûtıcı

ma'nāsına ism-i fā'il-i murahhamdur. Lākin mezkūr ismler ile terkīb olındıqda hıfz ma'nāsı murād olunur. Pes cihāndār, cihān şaqlayıcı ya'nī cihān hālkını hıfz u himāyet idici dimekdür. Bu i'tibār ile şāhlara 'alem olmuşdur. Hattā Hudā-yı müte'āl hāfız-ı hāqīkī oldığı için Hudāya cihandār ta'biri *beyt*:

جهانرا جهاندار دارد خراب

بهانه سیاوش و افراسیاب

beyti ile istiṣhād olunmuşdur. **Buved**, «ola» dimekdür.

﴿ میل او سوی کم ازای بود ﴾ Anuñ meyli zulm itmemek tarafına ola. **Meyl-i o**, izāfet ile «anuñ meyli» dimekdür. Meyl fethiledür; ma'rūfdur. O, zamīr-i gā'ibdür; cihāndāra rāci'dür. **Sūy-i kem-āzārī**, izāfetle «adem-i zālیمیyet tarafına» dimekdür. Sūy, cānib ma'nāsınadır. Kem-āzārī, yā'-i maşdariyye ile terkīb-i tavṣīfide vāqı'dur. Aşl ma'nāsı bi-ḥasbi'l-lafz «az incitmeklik»dür. Lākin bu maḳūle terākībden bi'l-küllīye 'adem murād olunmağın bunda hīç incitmeklik murāddur. **Buved**, «ola» dimekdür. Ma'lūm ola ki re'āyāya ri'āyet ü berāyāya himāyet revnaḳ-ı salṭanat ve sebeb-i beḳā-yı 'izz ü devlet ve bā'is-i devām-ı mecd ü şān (ü) şevket olduğundan, cāndārılığın şartı kem-āzārılıqdır. (...[S144b]...) İmdi mücerred lāf-ı sulṭānī ile cihānbānīlik olmayup şerā'ıtına ri'āyetün lüzümü

نکته بر جای بزرگی نتوان رد بکذاف

مکر اسباب بزرگی همه اماده کنی

mefhūmından ma'lūm olmağın aḳvā-yı erkān-ı salṭanat, 'adl ü dād u merḥametdür. Nitekim nāzım buyurur:

﴿ عدل باید پادشاهانرا و داد ﴾ Pādşāhlara 'adl ü iḥsān gerekdür. **'Adl**, «her nesneyi yirlü yirince itmek» ma'nāsına 'Arabīdür. Fārisīde daḥı müsta'meldür. **Bāyed**, «gerek» dimekdür. **Pādşāhān**, ma'rūfdur. **Rā**, edāt-ı mef'ūldür. **Vü dād**, vāv 'āṭıfedür; 'adl üzre ma'ṭūfdur; «i'tā vü iḥsān» ma'nāsınadır. Pes bunda والاحسان يأمر بالعدل الآية telmihıyyet nümāyāndur. Pes nā'il-i devlet-i emāret olan zāt vālā-şānuñ şāhib-i 'adl ü iḥsān ve tenfız-i aḥkāmda pür-tāb u tevān ve üzerine lāzım olan ḥuḳūḳ-ı emāreti edāya sā'ı ve şer' ü ḳānūna mer'ı olmak lāzımdır. Tā ki 'inda'llāh me'cūr olup ان المقسطین علی منابر İllā tenfız-i umūr u aḥkāmda zā'ıf ü bī-ḳudret olana emāret ḥaṭarlarından ḥazer için ol da'ıyyeden güzere hoşterdür. (...[S145a]...) Ma'lūm ola ki şāhān-ı 'ālempenāhān fi'l-meşel şübān maḳāmındadır; re'āyā vü berāyā aḡnām yirindedür. Elbette şübān ḳoyunları ḳurd mekrinden hıfz u himāye itmelüdür. Tā ki vezā'if-i muḳaddere-i sulṭānī kendüye ḥalāl ola. Nitekim şā'ir buyurmuşdur, *ḳıṭ'a*:

شهی که حفظ رعیت نگاه میدارت

حلال باد خراجش که مزد چوبانیست

و کرنه راعی ملکست زهر مارش

که هرکه میخورد او جزیه' مسلمانست

intihā. Böyle olduğu hâlde himāyet ü ‘adl ü ‘adālet üzre olmayan cihāndāruñ yidigi kendüye zehr-i mār olsun ki o cizye-i müselmāndur dimek olur. Bu mişllü sultānuñ işi pāymāl ve devleti serī‘u’z-zevāl olur dimişlerdür. Nitekim H^vāce Sa‘dīnūñ:

نکند جورپیشه سلطانی

چون نیاید ز کرک جوبانی

beyti bu beyānda kāfīdūr. Pes ‘adl ü ihsān, sebeb-i beḳā-yı ‘izz ü devlet-i sultān ve mūcib-i sūrūr-ı dil-i ‘ālemiyāndur. Nitekim buyurur:

﴿ تا ز عدلش عالمی کردند شاد ﴾ Tā ki anuñ ‘adlinden ḥalḳ-ı ‘ālem ḥurrem olalar. **Tā**, «tā ki»;

zi-‘adleş, «şāhānuñ ‘adlinden» dimekdür. Zi, ez lafzından muḥaffefdür; min-i cārre ma‘nāsınadır. ‘Adl ma‘rūfdur. Āḥirindeki şīn, zamīr-i müfred-i ḡā’ibdür; ‘alā-sebīl-i-bedel şāhānuñ her birine rācī’dür. ‘**Ālemī**, āḥirindeki yā’-i nisbet ile «ḥalḳ-ı ‘ālem» dimekdür; cem‘i ‘āvālimdür. Eşnāf-ı ḥalḳa ‘Arabīde ‘ālemūn dirler. Bunda murād budur. Fārisīde bāde meclisine daḥı ‘ālem dirler, kemā-merre beyānuhū. **Gerdend**, feth-i kāf-ı ‘Acemī ile cem‘-i ḡā’ib-i muzāri’dür; şayrūret ma‘nāsınca «olalar» dimekdür. **Şād**, «mesrūr» dimekdür. Nitekim mesrūrū’-bāl diyecek maḥallde ‘Acem dil-şād dirler. Pes nāzımuñ murādı şāhlaruñ ‘adli kāmīl ve dādı herkese şāmīl gerekdür ki eşnāf-ı ḥalḳ-ı ‘ālem, ol ‘adl ü ihsān sebebiyle şād u ḥurrem olalar dimekdür. Zīrā şāh-ı ‘ālem-penāh olan ḥalīfetu’llāh ve ni‘met-i İlāhuñ sāyesi dil-āsāy-ı mazlūm olmaḡuñ lüzūmı ظل الله یاوی الیه کل مظلوم [S145b] ḥadīs-i şerīfinden ma‘lūmdur. (...) İmdi re‘āyāya ‘adl ü ihsān, kār-ı cūvān-merdāndur. Nitekim Şā’ib:

اگر افتاده را همچو مور از خاک بر داری

بکیش من بهست از طاعت روی زمین کردن

buyurmışdur. Ya‘nī; mūr gibi bir üftādeyi yukarı tutar iseñ benüm mezhebumde rüy-ı zemīnūñ t̄‘atinden hoşdur dimekdür. Merḥametūñ ḥālī böyledür. Şāh kerīm ü raḥīm oldıḳda etbāe daḥı ittibāe yūsretiyle ḥalīm ü selīm olurlar. Nitekim meşayıḡ-ı muḥaḳḳıḳīñ eyidürler ki: Bu ‘ālem-i şūret bir cesed-i müsevvā gibidür. Ve selāḡīn mānend-i ḳalb-i şafvet-āḡīndür. Ve ḥādimān-ı saltanat mānend-i cevāriḥdür. Ḳalb meşābesinde olan sultān kaçan şalāḡ üzre olsa a‘zā yirinde olan erkān-ı devlet belki cemī’-i ra‘iyyet daḥı şālīḡ olurlar. (...[S146a]...)

﴿ کر کند آهنگ ظلمی پادشاه ﴾ Eger pādşāh bir ḡulm ḳaşdın ider ise. **Ger**, edāt-ı şart olan

egerden muḥaffefdür. **Koned**, muzāri’-i müfred-i ḡā’ib ve fī’l-i şartdur; «ider ise» dimekdür. **Āheng**, on ma‘nāya gelür. Ma‘nā-yı evvel «ḳaşd»dur; bu maḳāmda murāddur. Ma‘ānī-i bāḳıyyesi Ferheng-i Şu‘ūrīde meştūrdur. Mā-ba’dine muzāfdur. **Zulmīde** yā vaḥdet içün(dür). Yā’-i mezkūrı ḡulme şarf ile «ber-ḡulm» dimek, şāha şarf ile «ber-pādşāh» dimekdür; eblaḡdur. Vech-i eblaḡıyyet zāhirdür. Zulm, bir nesneyi va‘zınuñ ḥilāfınca ḳılmaḡa dirler. **Pādşāh**, ma‘rūfdur. Ma‘lūm ola ki şāh-ı zālīmī, bāde-ḡ‘ārīḳ sebebiyle levāzım-ı meclis-i şarāb olan kebābı, kendü uyluḡı laḡminden tedārūk iden ser-ḡoşa teşbīḡ idüp:

شاهی که بر رعیت خود میکند ستم

مستی بود که میکند از ران خود کباب

buyurmuşlardır. Rān, rā'-i mühmele ile «qaba uyluq» ma'nāsınadır. Ve bu beytün leṭā'if-i ma'ānisi zāhirdür. İmdi zulm ü sitemden mücānebet itmek lāzıme-i ḥāl-i ehl-i ḥükümetdür. Nitekim Ḥ'āce Şā'ibūn:

بزرگ اوست که بر خاک همچو سایه ابر
[S146b] چنان رود که دل مور را نیاز دارد

beyti bu ma'nāya işaretdür. Ya'nī celilü'l-ḳadr odur ki; ḥāk üzre sāye-i şehāb gibi ancılayın rāhī ola ki ḳarınca ḥāṭırın incitmeye dimekdür. Ve daḥı merḥameten bir faḳīrūn pāyinden ber-dāšte olan ḥār, rūz-ı siyeh-i mevtde şem'-i mezār oldığın ḥ'āce-i mūmā-ileyh *beyt*:

روز سیه مرک بود شمع مزارت
هر خارکه از پای فقیری بدر آیی

beytiyle beyān buyurmuşdur. İmdi zıllı ḳāşid olan şāh-ı fāsıde:

﴿ سود نکند مرو را خیل و سپاه ﴾ Aña ḥayl ü 'asker fā'ide eylemez. **Sūd**, «fā'ide» ma'nāsınadır. **Ne-k'ned**, nefy-i istiḳbāl ve cezā'-i şartdur; kāfuñ bunda sākinen oḳındığı zārūret-i vezn içündür. Ma'nāsı «eylemez» dimekdür. **Mer'verāda** mer, taḥsīn-i lafz için zā'iddür. Mā-ba'di «o(ا)»-rā»dan muḥaffefdür. Ma'nāsı «aña» dimekdür, merre tafşilehū. **Ḥayl**, Fārisīde «leşker ve ḥadem ü ḥaşem» ma'nāsınadır. Lākin 'Arabīde muṭlaḳā «at» ma'nāsınadır. Bu maḳāmda murād zāhirdür. **U(ve) sipāh**, ḥayl üzerine 'atfdur; ma'nāsı «leşker»dür. Pes zulmi ḳāşıduñ ḥālī tebāh olunca, sitemi fi'le çıkararak şāhuñ aḥvālını ḳıyās eyle dimekdür. Bunda işārāt vardır ve sitemkāra ḥadem ü ḥaşemuñ 'adem-i fā'idesi bir nice beyāna mevḳūfdur. Evvelen, sitemkār elbette bir ḳazāya dūcār olur dimekdür. Nitekim:

ز اشک و آه ضعیفان خاکسار بترس
که بود مشرق طوفان تنور پیرزنی

beytinün müfādı bu beyānda zāhir ve tafşil-i ma'nā dībācede sebḳ iden vaḳ'a-i Tūfān beyānında bāhirdür. Şāniyen, zālīmūn derdi bī-'ilācdur dimekdür. Nitekim Meşārıḳ-ı şerīf ḥadīs-i münfī üzre zālīm çam ağacına beñzer; bir kerre şadme-i bād ile devrildikten şöñra bir daḥı toḡrılmaz ve yirinde tāze şıḡvası olmaz. Lākin fuḳarā sünbüleye beñzer; teşādüm-i hevā ile egilüp yine zararlız toḡrılır, intihā. Şālisen, zālīmūn aḥzı baḡteten olup ḳabza-i intikāmdan taḥlīs-i girībāna mecālī olmaz dimekdür. Nitekim, ان الله يخذله يغلته ḥadīs-i şerīfīyle müberhendür. Rābi'an, zulm sebebiyle başına gelecek belā-yı dünyeviyeyi ḥadem ü ḥaşemi, ḡayr-ı dāfi' olduğu gibi uḳbāda olacaḳ rüsvālīga māl ü etbā'ı ḡayr-ı nāfi'dür dimekdür. (...[S147a]...) Ḥāmisen,

از تیر آه مظلوم ظالم امان نیابد
بیش از نشانه خیزد از دلفغان کما را

mışdāḳınca zālīm bu ḳadar mevkibe-i 'izz ü şān şāḥibi iken tīr-i āh-ı mazlūmdan bi-emān ve daḥı Şā'ib:

باهی میتوان از خود برآوردن جهانیرا
که یک رهبر بمنزل می رساند کاروانیرا

müfādıncı ve daḥı

غافل مشود آه ضعیفان که این نسیم

افسرد فرق دولت و اقبال می پرد

maẓmūnı üzre zālīmūñ zulminden cem‘i ve esbāb u ālāt u ‘askeri inkisārdan nāṣī tārmar olup birinde bir fā’ide vü ‘ā’ide ҡalmar dimekdür. Nitekim te’ṣīr-i inkisār bābında Nābī:

Bir nefesde ҡaldurur biñ bārgāh-ı devleti

Ehl-i derdūñ ƣop-ı āh-ı inkisārın görmişüz

diyü buyurmışdur. Ve daḥı efsūs u nedem bī-fā’ide olup mezra‘a-i ‘ālemde bir alan biñini birden virmek ‘ādetin ‘ıyānda Rāḡīb el virür:

Bire hezār virür celb iden bu mezra‘ada

Hep aldığın kef-i efsūs-ı āsiyāb döger

buyurmışdur. (...[S147b]...) nāzım eyidür:

﴿ چونکه باشد عادل و میمون لقا ﴾ Çünkü ‘ādil ü meymūn-liḳā ola. **Çünkü**, ‘illet edātıdır.

Bāsed, aṣl temennī vü tereccīde müsta‘meldür; bunda «ola» dimekdür. Fā‘ili ṣāhdur. **‘Ādil**, ism-i fā‘il-i ‘Arabīdür. Fārisīde «dādār» dirler. «‘Adl idici» dimekdür. (...[S148a]...) **U(ve) meymūn-liḳā**, ‘ādil üzre ma‘ṭūfdur; «mübārek şüretlü ve meymenettlü» dimekdür. Zīrā bu kelām mübārek ma‘nāsına olan meymūn ile, «görmek ve görüşmek» ma‘nāsına veyā mütē‘allıḳ-ı ru’yet olan şüret ma‘nāsını mebnī liḳādan mürekkebdür. Bu vechile mürekkeben müsta‘meldür. Ma‘lūm ola ki meymūn-liḳā olmaḡuñ ‘alāmeti ve ṣemerātı vardır. ‘Alāmeti, sīmāda āṣār-ı ḥayr müṣāhede olmaḡdur. Zīrā سیماهم فی وجوهم من اثرالسجود ke-zālik böyledür. Pes nazm-ı şerīfī üzre sīmādan sīrete istidlāl olunur. Nitekim يعرف المجرمون بسیماهم ke-zālik böyledür. Pes ṣālāh u fesād kişinūñ sīmāsından hüveydādur. ‘Ārifler anı sīmādan fehmi iderler. Ḥattā meṣāyih-ı muḥaḳḳıḳīñ eyidürler: Reng ü bŷy, ceres gibi ḡammāzdur. Ya‘nī bir kimsenūñ ef‘āl ü aḳvālinden derūnında muẓmer olan murādātı الظاهر عنوان الباطن miṣdāḳınca muẓher olur. (...) Pes derūnında ‘adālet ve merḡamete meyl keyfiyyeti olan ‘ādilūñ sīmāsından āṣār-ı ḥayr u ṣālāh zāhir ve bunuñ ḥilāfınca mā’il-i zulm olanuñ sīmāsi ḡīn-i cebīn ve liḳāsi ḡaḍab-āḡīn oldıḡı bāhirdür. İmdi sürür u ḡamı her kişinūñ cebhesinde nümāyān olan ḥaṭṭ-ı ma‘nevīden okudıḳları gibi ‘ārifler, sīmāya naẓar ile ‘ādilleri meymūn-liḳā ve sitemkārları bed-liḳā okumışlardır. Ve deryānuñ meḡālik-i bātını, cŷş u ḡurūṣ-ı rŷy-ı zāhirinden nümāyān ve daḥı zāhir-i būstānuñ zīnet-i bahār ile ḡulle-pŷş ve berg-i ṭarāvet-āṣār ile cāme-ber-dŷş olması ḡālībā derūnınuñ mīve-i ḡŷn-ā-ḡŷn ile meṣḡūniyyetine dāll ve evrāḡdan te‘arrīsi ḡulŷvv-i mīvesine işāret ü miṣāl oldıḡı gibi insānuñ zāhir ü bātını buña kıyāsdur dimişlerdür. İmdi meymūn-liḳānuñ ‘alāmeti, sīmāda āṣār-ı ‘adl ü iḡṣān hüveydā ve meclis-i pākinde envār-ı āḍāb u ilm ü ‘irfān peydā ve dest-i kerem-peyvesti envā‘-ı ‘aṭāyāya maṣdar bir ma‘nā bulınmaḡdur. Ve ṣemerātı, ‘adālet ü merḡameti sebebiyle devām-ı ‘ömr ü devleti ve beḳā’-i ṣān u ṣevket ve salṭanatı ḡaḳḳında re‘āyā vü [S148b] berāyānuñ da‘vāt-ı icābet-āyātına maẓhariyyetdür. Ve du‘ā-yı zu‘afā ise ne vechile kārger oldıḡı Ḥ‘āce Ṣā’ibūñ *beyt*:

دعای خاکساران میکند امداد شاهانرا

که باد شهیر موری کشدتخت سلیمانرا

beytiyle ṣābit ve mu‘teberdür. (...)

﴿ باشد اندر مملکت شه را بقا ﴾ Memleketde ol şāha devām u beḳā ola. **Bāṣed**, «ola»; **ender memleket**, «memleket içinde» yaʿnī serīr-i saltanatda; **ṣeh-rā**, «pādşāh-ı ʿādil için» dimekdür. Şeh lafzı şāhdan muḥaffedür. Rā harfī edāt-ı mefʿuldür. **Beḳā**, «devām» maʿnāsınadır. Pes şāh-ı ʿādilūn memleketde beḳāsınun maʿnāsı; mülki ʿadl ile maʿmūr ve reʿāyāyī iḥsān ile mesrūr eyledikce belā-yı nā-gehāniden maşūn ve aʿdā-yı bed-ḥʾāhānūn şūrūrından meʿmūn olup ilā-māşāʾaʾllāh mekīn-i mināşşa-i saltanat ve nişīn-i taḥtgāh-ı hükümet olur dimekdür. (...) Veyāḥod maʿnā-yı beḳā; ol şāh-ı ʿādilūn baʿdeʾl-memāt nām-ı ḥayr-āşārınun dillerde dāstān-ı zindegī şān (ü) şevket-nişānından ʿibāretdür. Pes şāhāna herkes ḥaḳḳında kerem ü iḥsān ve ḥuşūşıyle leşkere inʿām u ikrām ehemmi meḥāmmadan oldıḡın ʿflān için nāzım eyidür:

﴿ چون کند سلطان کرم با لشکری ﴾ Çün pādşāh bir ʿaskere kerem eyleye. **Çün**, ʿillet içündür. **Koned**, muzāriʿ-i müfred-i ḡāʾibdür; «ider» dimekdür. **Sultān**, maʿrūfdür. **Kerem**, «eylülük ve iḥsān»dur. Pes kerīm, «iḥsān idici» demek olur. (... [S149a]...) **Bā**, bunda ilşāḳ içündür. Āḥirindeki elif, zarūret-i veznden nāşīdür. **Leşkerīde** yāʾ vaḥdet içündür. Leşker, mecmūʿ-ı sipāhdur. Bā-leşkerī, «bir ʿaskere» dimekdür.

﴿ بهر او بازند صد جان بر سرى ﴾ O sultān için bir baş üzre farzā yüz cānları olsa fidā iderler dimekdür. Baʿzı nüşhada bu maḳāmda vāv vāḳıʿ olmaḡıla **جان و سرى (cān u serī)** bulınışdur. Buña göre; o şāh için yüz cān u baş oynarlar demek olur. Nüşha-i evvelde «serī»deki yāʾ vaḥdet içündür. Nüşha-i sāniyyeye göre zāʾiddür. Maʿneynun birbirinden eblaḡı zāhirdür. **Behr**, beş maʿnāya gelür. Bunda lām-ı taḥşīş-i ʿArabīnün ifāde itdigi ʿillet maʿnāsını müfiddür; «içün» dimekdür ve mā-baʿdine muzāfdur. **O**, zamīr-i ḡāʾibdür; sultāna rāciʿdür. **Bāzend**, muzāriʿun cemʿ-i ḡāʾibidür; «oynarlar» dimekdür. [S149b] Yaʿnī bezl iderler dimekdür. Zīrā Ferheng-i Şuʿūrīde eyidür: Bāziden, «bezl itmek» maʿnāsınadır. Ve daḡı bāzī, «oynamak» maʿnāsına maşdar degüldür; ber-ışılāḥ «gelme(?)»dür, kemā-ḳāle Kātībī, intihā. «Bāzend»ün taḥtında müstekırr fāʿili olan zamīr-i cemʿ leşkere rāciʿdür. **Şad**, «yüz» ʿadedine dālldür. **Cān**, maʿrūfdür. **Ser**, bunda «baş» maʿnāsınadır. Ve ḡāḥ evc ve heves ve serdār-ı ʿasker ve ser-i gürūh ve ser-i ḳavm ve ser-i şāʿirān ve emşālleri maʿnālarına olur. Pes sultān-ı cihāna şeref ü şān u şevket ü ʿunvān evvelā ʿadl ve sāniyen herkese ve ḥuşūşıyle leşkere kerem ü iḥsān eylemekdür. Tā ki ḥīn-i iḳtizāda leşkeriyān anuñ yolında bezl-i cān eyleyeler. Zīrā الانسان عبدالاحسان müfādınca kerem iḥrāzı ḳul ve ḥizmetkār ider. Ve kerem bir ḳayd-ı ʿazīmdür ki ol ḳayd ile muḳayyed olan kimesne, kerīmün bāb-ı ḥizmetinde ʿabd-i müʿebbed olup ibāḳ fikri ḡāḥırına gelmez. Nitekim buyurmuşlardur:

Ḳovsañ gider mi rişte-i iḥsāna bend olan

Mürḡ-ı dile kerem gibi bir maḡbes olmaya

intihā. Nāzımın zeyl-i ʿadlde beyān-ı iḥsāna mübādereti ve iḥsānūn leşkere taḥşīşinun işāreti budur ki; Ḥudā-yı müteʿāl evvelā ʿadl, sāniyen iḥsān ile emr itmişdür. Ve daḡı selāḫin ü kibāra ḥizmet öteden berü iki nesne içündür; biri celb-i niʿmet ve biri kesb-i ḥurmetdür. Bu fāʿide-i ʿāʾideden ḡālī olan, ḡādim itdigi

hizmete nâdimdür dimişlerdür. (...[S150a]...) Lâkin haqîkat-i hâle nazar olınsa erbâb-ı keremüñ in‘âmı herkese ‘âmm gerekdür ki sâyesinde herkes şâd-kam ola. Nitekim:

چو افتاب اکر میل تاج زرداری
ز هیچ ذره فروغ نظر دریغ مدار

beyt-i dürer-bârınuñ beyân-ı ma‘nâ-yı âbdârı siyâkında beyt:

İhsân aña dirler ki ola cümleye vâsıl
Ne deftere mevķûf ne muhtâc-ı raķamdur

diyü buyurmuşlardır. Qaldı ki “Şâh olanlar elbette kerem ile me’lûf ve hâlķa ihsân şıfatıyla mevşûf olur. Anlar içün naşîhate ibtidâr ve keremi hâtırlarına ihtâra ne hâcet?” dinür ise cevâb budur ki: Meredd-i hür ve kerr-i a‘vâm u şuhûr ile nüshâ-i pâkîze-i keremüñ maḥvı meşhûr oldığına binâ’en tenbîh maķâmında zikrine mübâderet buyurmuşdur. Ve keyfe lâ ki *beyt*:

Mürûr-ı dehr ile resmi bozılmış hâtṭı maḥv olmuş
Bir eski nüshâ var qalmış kerem Hâtem zamânından

diyü buyurmuşlardır. Hattâ in‘âm u ikrâm miyâne-i hâşş u ‘âmmda bi’l-küllîye mensî olup mesned-i vâlâ-yı kereme bir qurı selâm qâ’im-i maķâm oldığını mevlânâ Nâbî Efendi *beyt*:

Rûsûm-ı luṭf u kerem hâlķ içinde mensîdür
Hemân alup virilür bir selâmı qalmışdur

diyü buyurmuşdur. (...[S150b, S151a]...) Pes nâzımuñ mışrâ‘-ı şânîde mükrem olan “leşker şad cân u baş fidâ iderler” didigi, “mükrim olanlara daḥı lâzım olan budur” dimege naşîhat vardır.

Der-Beyân-ı Ahlâķ-ı Hamîde

Bu beyân ahlâķ-ı hamîdedür. Ahlâķ cem‘dür; müfredi hulķdur. Hulķ, zamm-ı hâ ile «hüy» ma‘nâsınadır ve aķsâmı üçdür. Zîrâ ol haşlet eger sebep-i faẓl u kemâl olur ise aña «hüsn-i hulķ» dirler. Fazîletdür; hilm ü seḥâ vü şecâ‘at gibi. Ve eger bâ‘iş-i naķş ve bâdî-i halel olur ise hulķ-ı qabîḥdür ve rezâletdür; cübn ü buḥl ü hıffet gibi. Ve hîç birine sebep olmaz ise hulķ-ı muṭlaķdur; ḥubâṭat ü zerâ‘at gibi. Ve ahlâķ-ı hamîde altmış sekize bâliġdür. Tafşîli Tarîķat-i Muḥammediyyede meşṭûrdur.

﴿ چار چیز آمد بزکیرا دلیل ﴾ Dört nesne ululıģa delîl geldi. **Çâr çîz**, «dört nesne»; **âmed**, mâẓî-i müfred-i ġâ’ibdür; «geldi» dimekdür. **Büzürg**, «ulu ve büyük» ma‘nâsınadır. Gerek cüssede ve gerek rütbede ve gerek yaşda olsun; cümlesinden e‘ammdur. Lâkin siyâķ qarînesiyle bunda murâd rütbe cihetinden ‘azîmdür. Âhirindeki **yâ’** maşdariyyedür. **Râ**, edât-ı mef‘ûldür. **Delîl**, «delâlet idici» ma‘nâsına ‘Arabîdür. Bunda murâd ‘alâmet ve rehber ma‘nâsınadır.

﴿ هرکه آن دارد بود مرد اصیل ﴾ Her kim ki anı ṭuta merd-i aşıl ola. **Her ki**, «her kim ki». **Ân**, ism-i işâretdür; müşârun ileyhi «çâr çîz»dür ki anlaruñ biri ‘ilme iczâz eylemek ve biri cevâb-ı bâ-şavâb vermek ve biri a‘dâdan mücânebet ve biri miyâne-i eşdiķâda hoş-nişîn ü iķâmet eylemekdür. **Dâred**, «ṭutar»; **buved**, «ola»; **merd**, fethile «er» ma‘nâsınadır ki ‘Arabîsi [S151b] «racûl»dür ki bâliġ olmaķ

şartındandır. Nā-bālīga merd dinilmez. Ve gāh bahādır ma'nāsına da olur. Mā-ba'dına muzāfdır. **Aşıl**, «hasīb» ya'nī «şerīf» dimekdür. Pes ol dördün evveli:

﴿ علم را اعزاز كردن ببحساب ﴾ İlme hisābsız izzet ü hürmet eylemekdür. **İlm-rā**, «ilm-i şerīfe» dimekdür. Murād ilm-i nāfi olmak rüşendür. İlme, ma'rūfdur. **Rā**, edāt-ı mef'uldür. **İzāz kerdn**, maşdar-ı mürekkebdür; «izzet ü hürmet eylemek» dimekdür. **Bī-hisāb**, «şayısız» dimekdür. Bī, edāt-ı nefydür. Hisāb, kesr-i hā'-i mühmele ile 'Arabīdür; «şaymak» ma'nāsınadır. Luğat-i Fārisīde ta'cīmen ma'nā-yı mezkūrda müsta'meldür. Ve gāh elifini yā'ya kalb ile «hasīb» dağı dirler. Nitekim yevm-i kıyāmete «rüz-ı hisīb» dimişlerdür. Ma'lūm ola ki hālāl ü hārām ve cümle aḥkām kendü ile ma'lūm olduğu için ilm-i şerīf zātında memdūh ve hürmeti lāzımdır. Ve keyfe lā ki Fahr-i 'ālem şalla'llāhu 'aleyhi vesellem و قل رب زدني علما emriyle me'mürdür. Hāzret-i Ādem 'aleyhi's-selām şeref-i ilm ile kıble-i sücūd-ı melā'ik olmuştur. (...) Hāzret-i Ālī razıya'llāhu 'anhuñ ilm-i şerīf hakkında Fahr-i kā'ināt 'aleyhi efḍalü't-teḥıyyātdan beş biñ sekiz yüz eḥādīs-i şerīfe mervīdür diyü buyurduğu Şerḥ-i Aynü'l-İlme meştürdür. (...[S152a]...) İlm-i şerīfe izāz u ihtirām, ilmüñ zātına rağbet ile tahşiline teşmīr-i sāk-ı ihtimām ve tekmiline sa'y-ı mā-lā-kelām idüp muḳtezāsınca 'amele şitāb ve sā'il-i mesā'ile iṭā'-i cevāb-ı bā-şavābdan ibāretdür. Nitekim nāzım eyidür:

﴿ خلق را دادن جواب با صواب ﴾ Halka şavāba muḳārin cevāb virmekdür. **Halk**, «maḥlūk» ma'nāsınadır. Türkīsi «il» dimekdür; Fārisīde bu ma'nāda müsta'meldür. **Rā**, edāt-ı mef'uldür. **Dāden**, «virmek» ma'nāsına maşdar-ı dālīdür. **Cevāb**, ism-i müfred-i Fārisīdür; «su'āl muḳābilinde söylenen kelām» ma'nāsınadır ve bunda murād budur. Ve 'Arabīde dağı bu ma'nāda müsta'meldür ki cem'i ecvibe gelür. Ammā mürekkebi [S152b] Fārisī oldıkdā cevāb, arpa şuyı demek olur. 'Arabīde dağı havz-ı mā' ma'nāsına olan «cābiyye»nüñ cem'i olduğu vāriddür, intihā. Mā-ba'dine muzāfdır. **Bā**, muşāḥabet içündür. **Şavāb**, 'Arabī vü Fārisīde müsta'meldür; «toğrı ve dürüst» ma'nāsınadır; ḥaṭānuñ muḳābilidür. Pes nāzımuñ bu beytde ilmüñ ta'līm (ü) ta'allümine sa'y idenüñ şerāfetine işāret vardır. Nitekim ḥadīs-i şerīfde و علمه ان من اخياركم من تعلم العلم و علمه vārid olmuştur. Ve sā'il-i mesā'il elbette ta'allüm-i cevāb berekātından 'ālim ü fāzıl ve şevāba nā'il ve murādına vāşıl olur. Nitekim و مفاتيحهاالسؤال العلم خزان و مفاتيحهاالسؤال ḥadīs-i şerīfi bu ma'nāya dālīdür. Pes bilā-özr terk-i ta'līm-i 'ulūm ve sā'ilin cevāb-ı bā-şavābdan mahrūm iden 'ālim-i bī-nefuñ hāl ü şānı لا ينفع به ككنز لاينفع منه ḥadīs-i şerīfinden ma'lūmdur. İmdi 'ālim olan, bildigini ta'līm ve sā'ilüñ su'āline muṭābık cevābı tefhīminden evvelā bir ğaraż-ı dünyevī niyyetinden ḥālī olmak gerekdür. (...) Sāniyen sā'ilüñ maḳşūdını luṭfile izāḥ itmek gerekdür. Tā ki defter-i büzürgvāride meştür u pāk-nijādılık ile meşhūr ola. Ve illā Nesīb-i merḥūmuñ kıṭ'a-i dil-ārāsını anuñ ḥaḳḳında okumaḳ revā ola ol *kıṭ'a* budur:

İlm ile olsa fūrū-māye ferīd-i rüzgār
Kimsenüñ maḳşūdını luṭ ile izāḥ eylemez
Bed-siriştüñ südmend olmaz fazīlet ṭab'ına
Āb-ı şīrīn bahri sükker-i zehri işlāḥ eylemez

﴿ هرکه دارد دانش و عقل و تمیز ﴾ Her kim ki ‘ilm ü ‘irfân u ‘aql u temîz tutar. **Her ki**, «her kim ki»; **dâred**, «tutar»; **dâniş**, «‘ilm ü ma‘rifet» ma‘nâsınadır. **U(ve) ‘aql**, dâniş üzerine ma‘tûfdur. [S153a] ‘Aqluñ ma‘nâsı sâbıķan zıkr olınmışdır. **U(ve) temyîz**, ‘Arabîdür; Fârisîsi «hûş», Türkîsi «ök» ve kişi nef u zararını fark ider oldıķda aña şâhib-i tem(y)îz dirler.

﴿ اهل علم و علم را دارد عزیز ﴾ Ehl-i ‘ilmi ve ‘ilmi muhterem tutar. **Ehl-i ilm**, ‘âlimdür ki aña Fârisîde, ‘ilm-dân dirler. **U(ve) ‘ilm**, ehl-i ‘ilm üzerine ma‘tûfdur. **Râ**, edât-ı mef‘ûldür. **Dâred**, «tutar» dimekdür; ma‘tûf ve ma‘tûfⁱⁿ ‘aleyhüñ üzerlerinde melhûz-ı fî‘ldür. Anlar muqaddem-i mef‘ûlleridir. **‘Azîz**, «şerîf ve muhterem» dimekdür. Pes beyt-i sâbıķuñ ma‘nâsını te’kîd birle bu beytde fâ’ide-i cedîde vardır. Murâd; ‘âlime ta‘zîm ve beyân eyledigi ‘ilme tefhîm eylemek ‘âlim ü ‘âqıl ü mümeyyiz ü kâmil kâridür dimekdür. Ve bunuñ beyânı şöyledür ki: Erbâb-ı işâret ‘indinde a‘zânüñ cümlesine sârî olan cânüñ lefâfet ü şıfâtı, bedenüñ nezâfetinden istidlâl olındığı gibi ‘aqluñ nûrâniyyeti cesedüñ cümlesin âdâba getürmesinden müstedelldür. Pes cesed-i benî-Âdemde olan edeb ü hayâ îmân ve emşâlleri olan dâniş ü temyîz ü ‘iz‘ân ve her bir hışâl-i husân cümle ‘aqluñ âşâr-ı nûrânî nişânıdır. İmdi kendüde bu âşâr bulınan ehl-i ‘ilmi ve ‘ilmi mu‘azzez tutar. Ammâ bu âşârdan behresi olmayan hilâfin işleyüp ehl-i ‘ilme ‘adâvet ü ‘ilme haķâret üzre olur ne‘üzü bi’llâh. İmdi ‘ulemâyı tevķîr elzemdür. Zîrâ انما يخشى الله من عباده العلماء. Zîrâ nazm-ı mu‘ciz-nümâsı üzre ‘ulüvv-i şânları zâhir olmağın hadîs-i şerîfde: وقروا علماء امتي فانهم نجم الارض وقرؤا العلماء اكرموا العلماء. Ve her birlerine ikrâm u ihtirâm olunmak ehemmdür. Nitekim hadîs-i şerîfde العلماء كراما gelmişdür. Ve mücâlesetlerine tereddüd ile mülâzemet lâzımdır. Zîrâ kendülere şecere-i cennet itlâķı lisân-ı şer‘de vardır. Ve sâyelerinde râhât ile semere-i ‘ilmlerinden behremend olunmağa haberde emr şâdır olmuşdır. Ve kendülere maħabbet eylemek, enbiyâ’-i kirâm ‘aleyhimü’s-selâm ile haşr olunmak devletine sebebdür. Zîrâ مع من احبه hadîs-i şerîfi mışdâķınca ‘ulemâya muħibb olan, kıyâmetde ‘ulemâ’ ile haşr olur. ‘Ulemâ ise ber-manţûķ-ı hadîs-i şerîf enbiyâ’-i kirâm ‘aleyhimü’s-selâm ile haşr olur diyü şârih-i Mülteķâ, Dürr-i Münteķânüñ Bâbü’l-Kazâ taşrih ile naķl-i hadîs-i şâhih [S153b] buyurmuşdır. Ve bu gürüh-ı pāk ile haşr olan merci‘ ü maşîri cennetdür. (...)Ve daķı erbâb-ı işâret eyidürler ki: Naķş-ı hâtem-i Süleymân ‘aleyhi’selâm ‘ilm ile pür-zîb ü fer ve ecnâs-ı ‘âlem-i muhtelifa aña müsahħar olmağın, ‘âlimlerüñ ‘ilmi ol hâtem gibidür ki nigîni ķalb-i pâkdür. Pes nigîn-i ķalbinde ‘ilm-i te’hîr ü taşarruf menķuş olan Süleymânvar taşarrufâta şâhib-i iķtidâr olur. (...[S154a]...) Hûlâşa, erbâb-ı hünere ‘izzet ü hürmet anlara pây-bend-i iķâmetdür. Ve illâ elden kaçarlar. Encâmında kaçırana mücib, nedâmetdür. Nitekim ‘Âtıf beyt:

Elden kaçırma mürğ-ı nev-âmûz-ı dest iken

Bir gün o şâh-bâz-ı melâhât tûleklenür

buyurmuşdır, intihâ.

﴿ ای برادر کر خرد داری تمام ﴾ İy ķarındaş! Eger tamâm ‘aql tütıcı isen. **İy birâder**, «iy ķarındaş» dimekdür; murâd ma‘lûmdur. **Ger**, edât-ı şartdır. **Hıreddâr**, terkîb-i tavşîfidür; «‘aql tütıcı» dimekdür. Âķirindeki **yâ**, hıķâb içündür. Ba‘zı nüshada hıreddârî yerine ķaberdârî vâķı‘dur. Buña göre

ma'nā «āgāh iseñ» demek olur. **Tamām**, ma'nāsı ma'rūf-ı enāmdur. Ma'lūm ola ki 'aql, her vechile memdūh-ı enām olduğundan 'ādet-i kirām üzre nāzım bu beytde ve emsāli maḥallerde “eger 'aql tutar iseñ şöyle eyle” diyü idecegi naşâyıhuñ kâbüline ihtimām buyurmuşdur. (...) İmdi eger 'ālim ü 'āqıl u merd-i kāmīl iseñ:

﴿ نرم و شیرین کوی بامردم کلام ﴾ Halka sözi yumşak ve tatlu söyle. **Nerm**, «yumşak» dimekdür; gerek maḥsūsen ve gerek ma'nen olsun. Bunda murād şānīdür ki «laṭīf ü hoş» ma'nāsına olur. **Ū(ve) şīrīn**, nerm üzerine ma'tūfdur; «tatlu ve lezīz» dimekdür. Nitekim acı ve tatlu diyecek yırde 'Acem «telḥ u şīrīn» dir. Pes şīr, kesre-i şarīḥa ile «arslan»dur. Lākin fetḥa-i imāle ile «sūd»dür. Ve yā'-i şāniyye nibet içündür. Nūn-ı mezkūr yā'ı te'kīd içündür. [S154b] Tatlu da insānuñ ibtidā tatdığı lezīz sūd olduğu içün aña nisbet itmişlerdür. **Gūy**, emr-i ḥāzırur; «söyle» dimekdür. **Bā**, muşāḥabet içündür. **Merdüm**, üç ma'nāya gelir. Biri ādemdür ki ma'rūfdur. Ve biri göz bebegidür. Ve biri maḥlūk ma'nāsınadır ki bunda murād budur. Nitekim insānuñ müfred ve cem'ine 'Acem merdüm ve merdümān dir. Ve 'Arab halk ve ḥalāyık dirler. **Kelām**, «söz» ma'nāsınadır; sūḥan gibi. Lafzī ve ma'nevīden e'ammudur. Lākin bunda murād ma'nā-yı luğavīdür ki insānuñ ḫalīl ü keşir telaffuz eylediği sözdür. Pes bu beyt, eşyā'-i erba'anuñ ikincisi olan “Halk-rā dāden cevāb-ı bā-şavāb” mısrā'ını tafşīl maḫāmındadır. Ve bunda بحسن الكلام عليك ḥadīs-i şerīfine telmīḥ vardır. Ma'lūm ola ki nermiyyet üzre 'uzūbet-i lisān, bā'is-i keşret-i ihvāndur. Nitekim ḥazret-i Ḥayder من عذب لسانه كثر اخوانه buyurmuşdur. (...) Ve sözi şīrīn söylemek kişiuñ düşmānın dost ider diyü *kıṭ'a*:

Hoş-kelām ol bed sözüñ dilden çıkar tedbīrini
Acı söz ile kişi çeşm-i cihān-bīnden çıkar
Tatlu söz koymaz muḥātabda yılanlıktan eser
Hoş dimişler tatlu söz ile yılan inden çıkar

buyurmuşlardır. Ve daḥı sözüñ şīrīni münāsebetiyle maḥallinde söylenendür ki ol sūḥan-ı rengīn, naql-i mecālīs-i yārān ve ḥalāvetden nāşī dillerde dāstān ola. (...) Pes ḥūnāsā rengīn ü şīrīn olan söz elbette ḥāricde şöhret birle devrān [S155a] ve reng-baḥş-ı mecālīs-i yārān olur. Ammā bī-münāsebet olan kelām, bā'is-i zarar-ı tām olur. Bu mişllü kelāmdan ḥazer ve ḥaṭarından ḥā'if olmak lāzımdur. Nitekim Ḥ'āce Şā'ib *beyt*:

دلچون برک بید از حرف بی هنکام میلرزد
چو عاقل طفل بیند بر کنار بام میلرزد

diyü buyurmuşdur. Ya'nī bī-maḥall sözden söğüt yaprağı gibi dıtrerem. Zīrā 'āqıl olan ṭam kenārı üzre bir tıflı görse ḥavfindan anuñ üzerine dıtrir dimekdür. (...)

﴿ هرکه باشد ترش روی و تلخ کوی ﴾ Her kim ki yüz eşkidici ve acı söyleyici ola. **Her ki bāşed**, «her kim ki ola». **Turş-rūy**, terkīb-i tavsīfīdür; yüz ekşidici ya'nī «utanmaz yüzlülük ve 'abūs çehrelülük gösterici» dimekdür. **U(ve) telḥ-gūy**, turş-rūy üzerine ma'tūfdur; bu daḥı terkīb-i tavsīfīdür. Ma'nāsı «acı

söyleyici» dimekdür. Ya'nî beyt-i şâbıkuñ hilâfınca [Ü145a] hareket iden kimesne menfûr-ı'l-kulüb olmağın

﴿ دوستان از وی بگردانند روی ﴾ Dostlar andan yüz çevirürler ya'nî nefret iderler. **Dostân**, cem'dür; müfredi «dost»dur; ma'nâsı ma'rûfdur. **Ez-vey**, «andan» dimekdür. Ez, min-i cârre ma'nâsınadır. Vey, zamîr-i müfred-i gâ'ibdür; merci'i «her ki o» dur. **Bi-gerdânend**, evvelindeki bâ' harf-i istiğbâl ile cem'-i gâ'ib-i muzâri'dür; «döndürürler» dimekdür. **Rûy**, «yüz»dür. Ma'lûm ola ki لين الكلام قيد القلوب darb-ı meşeli üzre nermiyyet-i güftâr, âhû-yı remîde-mişâl olan hâtırı giriftâr-ı kayd-ı mahabbet ider. Ya'nî mişkale-i kelâm-ı mülâyemet-nizâm, mir'ât-ı jeng-âlûd-ı dilde jengâr-ı küdürâtı izâle ider. Nitekim:

بشیرین زبانی و لطف خوشی

توانی که پیلی بموی کشی

bu me'âle dâlldür. Ammâ bunuñ hilâfınca turş-rûy u telh-gûy olanuñ dostları kendüden nefret ve belki aña 'adâvet iderler. Zîrâ

Turş-rûluğ sebeb-i nefretdür

Hande-rûluğ eşer-i rahmetdür

dimişlerdür. Hattâ halka beşâşet yirine çîn-i cebîn irâ'et iden, büriyâ gibi pâmâl oldıgın Şâ'ib-i şâhib-kemâl beyt:

شکفته باش که پامال میشود صائب

[S155b] کسیکه چین بجبین همچو بوریا دارد

beytiyle işbât buyurmuşdur. (...[Ü145b]...)

﴿ هرکه از دشمن نباشد بر حذر ﴾ Her kim ki düşmenden hâzer üzre olmaya. **Her ki**, «her kim ki»; **ez-düşmen**, «'adûdan» dimekdür. Düşmen lafzı, düşmândan muhaffefdür ve Fûrs ü Türkde müsta'meldür. **Ne-bâşed**, «olmaya»; **ber-hâzer**, «şakınmak üzre» dimekdür.

﴿ عاقبت بیند ازو رنج و ضرر ﴾ Encâmında andan zaḥmet ü ziyân görür. **Āḳıbet**, 'Arabîdür; «şoñ» ma'nâsınadır. Fârisîde encâm ile mu'abberdür. Pes bunda encâm-ı kâr demek murâddur. **Bîned**, muzâri'-i müfred-i gâ'ibdür; «görür» dimekdür. Ve bu fi'l-i muzâri' şevâzzdandır. Zîrâ görmek ma'nâsına olan «dîden» kelimesinden müştak degüldür. Belki «bîden» lafzından müştakdur. Ve bundan iştiğâkuñ tarîkı bîden lafzınuñ âhîrindeki nûnı, maşdar dâlinüñ üzerine taḳdîm ile bîned kılmakdur. **Ez'o**, muhaffef-i ez-o(ان)dur. Ma'nâsı «andan» dimekdür. Zîrâ ez, min ma'nâsınadır. O, zamîrdür; düşmâna râci'dür. **Renc**, «zaḥmet ü ta'ab u meşakḳat» ma'nâsınadır. **U(ve) zarar**, renc üzerine ma'tûfdur; «ziyân» ma'nâsınadır. Pes ma'lûm ola ki düşmânüñ [S156a] gâyet-i eşerri şeytân-ı la'îndür ki 'adâveti انك لکم عدو naşşıyle sâbitdür. Ve daḥı nefis-i emmâre-i mefsedet-güzîndür ki düşmânlığı اعدى عدوك نفسك اللتى بین جنبيك hadîs-i şerîfiyle sâbitdür. Ve nefsüñ a'dî'l-e'adî oldıgından kendü ile cihâda, cihâd-ı ekber dinmişdür. Ve daḥı tâ'ife-i nisâdur. Hattâ Medârik şâhibi kitâb-ı mezkûrında eyidür: Şeytân-ı la'înden ziyâde hâzeri elzem olan nisâ fâ'ifesidür ki ḥaḳḳlarında Hudâ-yı müte'âl: ان كيدكن عظيم buyurup, şeytân

hakkında: ان كيدالشیطان كان ضعيفا buyurmuşdur. Ve dağı aḍā-yı dīn olan küffār-ı hāksārdur. Ve dağı bilā-sebeb-i şerʿi insāna ʿadāvet üzre olan eşrār-ı bed-girdārdur. Ve dağı kişinüñ māl ü evlādıdır. [Ü146a] Hattā māl, şāhibine düşmān u vebāl oldıgın beyānda Behcet nām bir merd-i maʿrifet buyurmuşdur ki *beyt*:

Māl kişinüñ dostı hem düşmenidür dirler

Çekdiği felâketler kurduñ ipegindendür

Ve dağı düşmān her bir mūzī olan hayvāndur. Qaldı ki bu zıkr olınan aḍāların şağīr ü kebīr ve zaʿīf ü kavīsi ʿadāvetde seyyān olmağın her birlerinden hāzerüñ lüzūmını işʿār için düşmen lafzını nāzım muṭlaq zıkr itmişdür. Ve muṭlaqı kemāle şarf kâʿidesi bir qarīne-i şārifeye bulınmağa meşrūṭdur. Qarīne bulunmadıkda muṭlaq, ıtlāqı üzre bākī kalur. Nitekim bu maḳāmda böyledür. Ancak hāzerüñ ehemmi ü elzemi vardur. Nitekim meşāyih-i şūfiyye eyidürler ki: Hāzeri lāzım olan derūn-ı hānede bulunan düşmāndur. Yaʿnī cesed-i insānda münzevī olan nefis ile şeytāndur. Pes derūn-ı hānedeki ʿadūlardan bī-haber olup taşra kapuları sedd idenüñ renc ü zararı bī-hadd olur. İmdi āb içinde pinhān olan hārdan, dāhīl-i cevfi-i māʿ haberdār oldığı gibi gavṭager-i baḥr-i derūn olan hemezāt-ı şeyātīn ve ilhāmāt-ı melāʾikenüñ kalbūne ilkā eyledikleri igvā vü ilhāmdan haberdār olup aña göre nefis ile şeytānuñ fesād u igvāsından ihtirāz ve ilhām-ı melek üzre ḥamd ü şenāya dem-sāz olmağ gerekdür. (...[S156b]...) Pes düşmāndan ʿadem-i ihtirāza sebep birkaç veche vardur ve muḥtemeldür. Evvelen, düşmānını bilmemekdür. Bu ise cūhelā vü ḥumaḳā şıfatındandır. Bu maḳūle cāhil ü gāfilüñ zarar-keşide olması vāreste-i kayd u beyāndur. Ve gāflet ile ʿomrūñ güzērānı encāmında peşīmānlığıñ ʿadem-i fāʿidesi keʿş-sems nümāyāndur. (...) Şāniyen, düşmānuñ mülāyemetine iʿtimād itmekdür. Bu dağı ʿāqıl kārı degüldür. Nitekim *beyt*:

ز چشم نرمی دشمن فریب عجز مخور

دلیر بر سر این آب زیرکاه مرو

beyt-i laṭīfinüñ mażmūnı [Ü146b] üzre düşmānuñ nermiyyet-i çeşmine aldanmağdan fütāde-i çāh-ı ʿaciz olma. Yaʿnī şaman altında olan şuyun üzerine dilrāne yürime ki helāk olursın dimekdür. Hattā düşmanuñ tevāzuʿına iʿtimād eylemek ḥamāḳatdır diyü buyurmuşlardır. Nitekim Ğanī-i Keşmirī *beyt*:

بر تواضعهای دشمن تکیه کردن ابلهست

پای بوس سیل از پا افکند دیوار را

beyt-i rengīni ile düşmānuñ tevāzuʿını, seylüñ dīvār ayağına buse-dādılık ile dīvārı ḥarāb-ābād eylemesine teşbīh ve buña muṭtemed olanı ḥamāḳate mensūb kılmışdır. ʿAleʿl-ḥuşuş ki mülāyemet ʿarz iden düşmānuñ ʿadāveti ḳadīm olmuş ola. Ol mişllü ḥaşm-ı dīrīn-i mekr-āyīn için nīşter-i pinhān-kerde-i miyāne-i mūm ola dimişlerdür. Nitekim Hāce Şāʿibüñ *beyt*:

حذر کن زینهار از خصم دیرین چون ملایم شد

که آن مکار را در موم باشد نیشتر پنهان

beyti bu beyāna şāhiddür. Ve Nesīb Efendinüñ:

Nesīb rüy-ı dil-i düşmene gürür itme

Mülāyemet dağı gösterse ḥāra aldanma

diyü buyurduğu bu ma'nāya mebnīdür. Nitekim 'uḳalā 'indinde dört nesneye maḡrūriyyetden ḥazer lāzımtırdır. Anlar; ḥarr-ı şitā ve sükūn-ı feres ve dıḥk-i 'adū ve zühd-i nisādur diyü Muḥāzarātda meşṭūr u müberhendür. Şālişen düşmānı ḥaḳīr görmekten nāşī ihtirāzında ihtimām [S157a] itmemekdür. Bu daḥı kılllet-i fıkır ve seḥāfet-i re'y ü tedbīrden nāşīdür. (...) Ḥattā ḥaşmuñ ḳarınca ise de merdāne ol didikleri, meşel-i sā'ir üzre arslan bu ḳadar ḳuvvet ü şavlet şāhibi iken toḡurdığı yavrisını ḳarınca elinden bir yirden bir yire aḡzı ile götürüp ḳaçurur. Ḥattā yavrisın aḡzında tutup gider iken ba'zı bıldırcın didikleri ḳuş nā-gāḥ uğrında pervāz itmek ile yavrisına zarar gelmemek için şefḳat dā'iyyesiyle aḡzında ziyāde şıḳup bilmezlik ile helāk ider. Anuñçün sebebine isnād tarıḳı üzre mezkūr bıldırcın ḳuşına luḡat-i Fārisīde «şīrküş» diyü ad virmişlerdür. Ḥulāşa düşmeni ḥaḳīr görmeli degüldür. (...) Pes 'umūmen a'ḳādān ve a'ḳādān ile ihtilāṭ iden eşdikādan ḥazer lāzımtırdır. Zīrā semme ḳarışan 'asel, semm [Ü147a] ve zī'be murāfiḳ olan kelb elbette zī'b-i pūr-sitem olur dimişlerdür. (...) Nitekim Nābī-i merḥūmuñ *beyt*:

Bu zaḥm-i 'ışḳuma bādī nigāhum olmışdur

Baḥa bu tīr yine kendi terkeşümdendür

didigi bu bāba münāsibdür. (...) Ḳaldı ki düşmāndan ḥazerüñ tarıḳleri çokdur. Evvelā herkes ile ḥüsn-i zindegānī üzre olup düşmān peydā itmemekdür. (...) Ve ba'zı zırafānuñ *beyt*:

Dünyā ile sen şulḥ ol bī-ḥuccet ü bī-da'vā

İsterse cihān ḥalḳı hep şāhid-i düzd olsun

didigi bu ma'nāya mülāyimdür. Şāniyen saña 'adāvet idene nān u nemek ü nevāle i'ṫāsından [S157b] münfekk olmamaḳdur. Zīrā nemek, ciger-güzārılıḳda zehr-i ḥuşūmetden ziyādedür. Nitekim Ḥ'āce Şā'ibün bu beyānda *beyt*:

نمک ز زهر خصومت جگر گذارترست

بهر که زهر بکارت کند نواله بده

buyurduğu kāfīdür. Şālişen düşmāna müdārā itmekdür. Müdārānuñ sünnet-i şerīf olduğu vāreste-i ḳayd-ı ta'rīfdür. Binā'en 'alā-zālik Ḥ'āce Ḥāfiṡ-ı Şīrāzī:

آسایش دو کیتی معنی این دو حرفست

با دوستان تلطف و با دشمنان مدارا

buyurmuşdur. Ya'nī iki cihānuñ rāḥatı bu azacıḳ şey'üñ ma'nāsıdır ki ol, dostlar ile eyü geçinüp düşmānlar ile müdārā ḳılmaḳdur dimekdür. Nabī-i merḥūmuñ:

Temāşā-yı cemāl-i nev-'arūs-ı rāḥat isterseñ

Var evvel dīde-i 'irfānuña kuḥl-i müdārā çek

diyü buyurduğu bu ma'nāya mebnīdür. Ve fī'l-ḥaḳıḳa şeḳāvet-i 'adāvet müdārā ile vifāḳ u maḥabbete mübeddel olur. (...[Ü147b]...)

﴿ در میان دوستان مسرور باش ﴾ Dostlar arasında mesrūr ol. **Der-miyān-ı dostān**, «dostlar arsında»; **mesrūr**, ma'rūfdur. **Bāş**, emr-i ḥāzırdur; «ol» dimekdür. Bu mışrā'-ı pāk, aḥlāḳ-ı ḥamīde-i erba'anuñ dördincisine işāretdür. Mışrā'-ı şānī ve ittişālinde olan beyt-i ātī, düşmāndan ḥazerüñ luzūmını te'kīdden 'ibāretdür. Ma'lūm ola ki egerḳi dünyānuñ sürürü şurūr ile hem-implā ve kendüde mesrūriyyet

ma'dûm yollu bir ma'nâdur. Lâkin sürûr olduğu şûretde ancak miyâne-i dostânda bulunur. "Her hâlde belki dâreynde mesrûr olayum" dir iseñ, dostlar peydâ idüp miyânelerinde mesrûr ol demek bu maqâmda murâddur. (...[S158a]...) Ke-zâlik miyâne-i dostânda olan sürûr dağı ebedîdür. Zîrâ Allâh için olan maḥabbet ü uhuvvet, cennetde dağı ber-ḳarâr olacağı ḥaḳḳında nice aḥbâr vârid olmuştur. Ve miyâne-i dostânda sürûruñ zuhûrî şöyledür ki; ḳable-ḥaḳḳu'l-ebdân âlem-i ervâḥda her bir rûḥ âḡarî ile kesb-i âşnâ ve ittiḥâd u itilâf-ı rûḡânî peydâ eylemiştir. (...) [Ü148a] Pes dostân birbiriyle encümen-ârâ-yı şöḡbet oldıḳda ol ülfet-i ezeli ve şöḡbet-i bî-ḡalelînüñ bûy-ı rûḡânîsi mu'atṭar-ı meşâmm-ı cân olarak ḡarekete gelüp ol âlem-i ervâḡdaki güzêrân iden ḡâlât-ı ünsiyye müvâlât-ı fıtrıyyeden münba'is sürûr-ı ḡuzûruñ âşâr-ı berekâtından, miyâne-i dostânda her dost mesrûr olur. Lâkin dost didikleri yâr-ı şadîḳun fî-zamâninâ ḡazâ vücûdî kibrit-i aḡmerdür. Nitekim İmâm Şâfi'î raḡimehu'llâḡuñ:

صاد الصديق و كاف الكيمياء معا

لايوجدان فدع عن نفسك الطمعا

buyurduğu ve dağı:

Amân şaḡın yañılup dime Sâbit ölmüştür

Fülân ile aramızda hezâr ḡaḳḳ (u) ḡuḳḳ

İki müşâbihi var kîmyâ vü sîmurḡuñ

Biri refîḳ-ı muvâfiḳ biri şadîḳ-ı şadûḳ

buyurdıkları bu beyânda muḡarrerdür. İmdi her âḡıla lâzım olan, yâr-ı şadîḳ peydâ eylemektür. Tâ ki miyânede üstüvâr olan bünyân-ı maḡabbet ḡalel-pezîr olmaya. (...[S158b]...) Pes ḡaçan dostân arasına vardıḳda fûşat-i meydân-ı ülfet ve vüs'at-i sâḡa-i şadr-ı şöḡbetden ḡalbe küşâyiş ḡâşıl olup bi'l-bedâḡe mesrûriyyete vâşıl olunmaḳ bî-iştibâhdur.

﴿ کر خرد داری ز دشمن دور باش ﴾ Eger 'aḡıl tutar iseñ düştmandan ırâḳ ol. **Ger**, edât-ı şartdır.

Ḥîred **dârî**, fî'l-i şartdır; «tutar iseñ» dimektür. **Ḥîred**, muḡaddem-i mef'ûlîdür. **Zi-düşmen**, ez-düşmân kelimelerinden muḡaffefdür; ma'nâ «düşmândan» dimektür. Ez lafzı, mâ-ba'dinde olan dūr kelimesine müte'allıḳdur. [Ü148b] **Dūr**, «ırâḳ»; **bâş**, «ol» dimektür. Bu maqâmda dūr lafzı ile bâş kelimesine ber-vech-i muḡarrer başḡa başḡa infirâd üzre ma'nâ virilmelüdür. Yoksa mürekkeben ma'nâsı murâd degüldür. Zîrâ mürekkeb olmaḳ üzre «dūr-bâş» çâvuşlaruñ elinde olan âlet-i men'ûñ ismidür ki añunla ḡaḡlî, dîvân-ı ekâbirden girü sürerler, intihâ. İmdi 'aḡıl u kâmil olan kimesneye düştmandan ba'd olmaḳ nâzûkdür; tâ ki andan bir zarar çekmeye. Mezbûr düştman gerek câhil ü gerek 'aḡıl olsun. Ḥattâ 'aḡıl olan düştmandan 'aḡıl ile kenâre ḡılmaḳ mümkündür. Lâkin tîr-i kec-mişâl olan câhil düştman bunuñ ḡilâfidur; kendüden ḡazer ziyâdesiyle lâzımdur dimişlerdür. Nitekim Ḥ'âce Şâ'ibüñ *beyt*:

توان ز دشمن دانا کناره کرد بعقل

ز تیرکج حذر از راست بیشتر دارم

kelâmı bu beyânı mü'eyyeddür. 'Aḡılsız dost ke-zâlik böyledür; kendüden ḡazer elzemterdür. Lâkin düştmandan kendiñ ba'd olduḡuñ gibi düştmanı dağı kendiñden ba'd eylemek gerektür demek için nâzım:

﴿ در جوار خود عدو را ره مده ﴾ Kendi civārında ‘adūya yol virme. **Der**, zarfiyyet içündür. **Civār**, kesr-i mīm-i ‘Arabī ile «koñşılık» ma’nāsınadır. Ve himāyet ü ‘ināyet ma’nalarına da gelir. Mā-ba’dine muzāfdur. Muzāfun ileyhi **hod**, «kendi» ma’nāsınadır. **‘Adū**, [S159a] ma’rūfdur. **Rā**, edāt-ı mef’uldür. **Reh**, rāhdan muḥaffedür; «yol» ma’nāsınadır. **Me-dih**, nehy-i ḥāzırdur; «virme» dimekdür.

﴿ از برای آنکه دشمن دور به ﴾ Anuñçün ki dūşmān ırāk olmaḵ yegdür. **Ez berāy-ı ān ki**, «anuñçün ki» dimekdür. **Dūşmen**, ma’rūfdur. **Dūr**, āḫirinde şoden taḫdīriyle «ırāk» olmaḵ dimekdür. **Bih**, kesr-i bā’ ve sükün-ı hā’ ile «yeg» ma’nāsınadır. Āḫirinde edāt-ı haber muḫadderdür; bihest ta’bīriyle «yegdür» dimekdür. İmdi dūşmānı civāruñda yol virme ya’nī dūşmānı kendiñe yaḫın eyleme dimekdür. Zīrā dūşman dā’imā kişinüñ furşatına müteraşşid olur. Yaḫınlıkda ise furşat ve her aḫvāle itṭilā’ ḡāyet āsāndur. Ḥattā bir kimseye “zeyreklik nedür?” diyü su’āl olınmaḡın cevābında: تجرع الفصة توقع الفرصة dimişlerdür. Dūşmān daḫı vaḫtile mezākın icrā eylemek zāhirdür. Ez-cümle selāṭin-i Āl-i ‘Oşmāndan Sulṭān Murād nām bir ḥudāvendgārı, elinde esīr olan bir kral-ı pūr-ḡalāl şāhuñ elin öpmek şüretiyle yaḫın geldikde bir zehr-nāk ḫancer [Ü149a] ile şāhı ‘ale’l-ḡafle urup helāk eylediḡi tevārīḫde meşṭurdur. Ve şu‘arā-yı ‘Acemden Hā’ifinüñ *beyt*:

چو همسایه با تو شود در خروش

سرایش ستان یا سرايت فروش

buyurduğu bu ma’nāya mebnīdür. Ya’nī bir koñşı ki hücum u ‘adāvet üzre ola; selāmet iki nesneye mevḫūfdur: Biri, yā anuñ evin bir taḡrīb ile alup kendüyi civārından ba’d itmekdür. Ve biri, yā sen evüñi şatup civārından ba’d olmaḫdur dimekdür. Zīrā koñşı dūşmānlıḡı ḡāyet belādur. Ḥattā Muḫāzarātda eyidür: Zātında ‘adāvet-i cevheriyye olan dūşmānuñ civāruñda maḫzar-ı germiyyet-i iltifāt olması mādde-i ‘adāvet-i dīrneyi sālīb ve şulḡ u şalāḫı cālīb olmaz. Zīrā mā’-i bāridi kızdıрмаḡ ancak bürüdeti izāle ider; yoksa mā’-i ḥārr muḫteżā-yı taḫīṭsi üzre lede’şabb āteşi itṭādan girü ḡalmaz dimişlerdür. Ḥattā mey-i bī-cūşuñ zararından ḫazer lāzım oldıḡı gibi dūşmen-i ḡāmūşuñ zararından ḫazer lāzımlardır diyü *beyt*:

ای دل از دشمن خاموش حذر باید کرد

از کزند می بیجوش حذر باید کرد

buyurmuşlardır. (...) İmdi: [S159b]

﴿ با محبان باش دائم همشین ﴾ Muḫibbler ile dā’imā hem-nişin ol. **Bā**, muşāḫabet içündür. **Muḫibbān**, elif ü nūn ile cem‘-i Fārisīdür; müfredi «muḫibb»dür. Muḫibb, «sevici, dostluḡ idici» dimekdür. Murād, şāyān-ı ülfet olan yārān-ı rüşen-dilāndur; yoksa maḫūle-i nādān degüldür. Zīrā nādān her ḫālde muşāḫibine dūşmāndur. Nitekim ḫarīben nāzım ülfet-i nādānı helāk-i cān ile beyān buyuracaḫdur. **Bāş**, «ol»; **dā’im**, «her bār»; **hem-nişin**, «berāber oturucu» dimekdür. Ma’lūm ola ki şoḫbete lāyık olan muḫibb-i şādıḫdan a’lā bir kīmyā olmaya. Zīrā lāleye muḫārin olan şebnem, yāḫūt-ı aḫmerden rengīnter olur diyü *beyt*:

به از همصحبت شایسته اکسیری نمی باشد

ز قرب لاله از یاقوت رنگین تر شود شبنم

buyurmuşlardır. Ve dağı yārān-ı rūşen-zamīrān ile şöhet, dilde jeng ü keşāfeti pāk ve hemīşe tabʿı tāk-nāk ider. Nitekim gevherde olan āb-ı zülāl, mūrūr-ı eyyām ile müteğayyirü'l-hāl olmaz [Ü149b] diyü *beyt*:

صحبت روشن ضمیران ژنک از دل می‌برد
آب در کوهر نکردد سبز از ایستادگی

buyurmuşlardır. (...) Hattā iki yār-ı şādık u muvāfiķuñ bir yirde muvāşalat ve şöhetleri, rişte ile mūmuñ birbirlerine peyvestlerinde şemʿ peydā olmasına muʿādildür. Yaʿnī ol meclisde nūrāniyyet hāşıl ve ziyāları sāʾire şāmil olur diyü *beyt*:

مکذر از صحبت یاران موافق زینهار
رشته و موم شود شمع چو پیوست بهم

buyurmuşlardır. (...[S160a]...) İmdi ħubb-ı fiʿllāh ile muḥibb olan yārāndan münfekk ve şöhet ü ūlfetlerinden dil-teng olmamak gerekdür. Lākin sābıķan beyān olındığı üzre bu mişllü yār-ı şādık uñ şimdiki zamānda gāyet nedreti vardur. (...[Ü150a]...) Ve dağı nāzımuñ muḥibbāndan murādı, ehluʿllāh ve mışrāʿ-ı şānideki aʿdādan murādı, ʿadüvvuʿllāh olmak dağı muḥtemeldür. Yaʿnī Hudā erenleriyle dāʾimā hem-nişin olup aʿdāʾ-i dīnūñ yüzlerin görme dimek olur. Nitekim buyurur:

﴿ تا توانی روی اعدا را مبین ﴾ Mā-dāmā kādīrsen düşmānlar yüzün görme. Belki görmegi temennī itme dimekdür. Pes aʿdā yüzün görmemek, hiç düşmānuñ olmamak ile yāhod düşmānuñdan baʿtd olmak ile olur. Hattā sāʾir zararlaran māʿadā düşmān yüzine bakmak gözüñ nūrını zaʿf ider diyü buyurmuşlardır. **Tā**, bunda «mā-dām» dimekdür. **Tevānī**, muzārīʿ-ı müfred-i muḥātabdur; «kādīrsen» dimekdür. **Rüy-ı aʿdā-rā**, izāfetle «düşmānlar yüzini» dimekdür. Bu mecmūʿ-ı muḥaddem-i meʿūldür; fīʿli **me-bīndür** ki nehy-i hāzırur. Maʿnāsı «görme» dimekdür. İmdi miyāne-i dostānda ve mecālis-i muḥibbānda hem-vāre hem-nişin ve rüy-ı aʿdāyı görmekten emīn oldıkça āvāre olmayup kīl ü kālī tārik ve zād-ı āhireti mütedārik olmak gerekdür dimek kaşdıyle nāzım işbu beyt-i ātiʾl-beyānı mā-sebaķa fezleke idüp buyurmuşdur ki:

﴿ ای پسر تدبیر راه توشه کن ﴾ İy oğul! Yol zādınuñ tedbīrin eyle. **İy püser**, «iy [S160b] oğul» dimekdür. Murād tıfl-ı tarīķatdır ki aña sālīk-i mübtedī dirler. **Tedbīr**, «fıkr ve ʿākıbet-i kāra nazar ve düzüp қоşmak» maʿnāsına ʿArabīdür. Fārisīde müstaʿmeldür. Bunda murād budur. Ve gāhī ʿArabīde ķul ve cāriyeyi müdebber kılmak maʿnāsına da gelür. Bu kelime maʿnāda tüşe lafzına muzāfdur. Taʿbīr, tedbīr-i tüşe-i rāh yaʿnī «yol azığı tedbīrin» dimekdür. **Rāh**, bunda «yol» maʿnāsınadır ki murād; tarīķ-ı sefer-i āhiretdür. Va gāhī mertebe ve resm ve ķāʿide ve nağme ve nevā maʿnālarına da gelür. **Tüşe**, «azıķ» maʿnāsına oldığı āhīrindeki hāʾ-i ihtışāş sebebiyledür. Zīrā zamm-ı tāʾ ve sūkūn-ı vāv ve şīn-ı muʿceme ile tüş, aşl-ı ķūt maʿnāsınadır. Baʿzan vāvuñ ħazf ile tuş dağı dirler. Hattā semender ķuşınuñ teʿayyüşü od ile oldığı için Fārisīde adına «āzertuş» dimişlerdür. Pes azığa tüşe didikleri, ķūt maʿnāsına olan tüş için ihtışāşı oldığıındandır. Hattā ķūt, sebeb-i kuvvet oldığı içündür. Kuvvete dağı tüş dimişlerdür. **Kon**, emr-i hāzırur; «ile» dimekdür. Pes nāzımuñ bu kelāmında birkaç nesneye işāret vardur. Evvelen, bu fenādan beķāya sefer itmek muḥarrerdür. [Ü150b] Nitekim rāh zikri, buña şāhid-i pūr-ıberdür ki Şāʾib:

﴿ چار چیزاست ای برادر با خطر ﴾ İy qarındaş! Dört nesne havf u haţar iledür ya'nî haţar-nâkdür. **Çār çīz**, «dört nesne» dimekdür. Bu 'ibāre mübtedādur. Āhîrindeki edât-ı haber olan est mîsrā'eynūñ āhîrine merbûtdur; bā-haţarest dimekdür ki haber-i mübtedādur. **İy birāder**, ma'rûfdur. [Ü151b] Bā, muşāḥabet içündür. **Haţar**, zarar veznindedür; bunda «havf ve düşvârlık» ma'nâsınadır. Ve gāhî qadr ü 'azamet ve baḥş ile olan rehn ma'nâsına gelür.

﴿ تا توانی باش از اینها بر حذر ﴾ Mā-dām ki qādîrsin bunlardan ḥazer üzre ol. **Tā tevānî**, «mā-dām ki qādîrsin». **Bāş**, «ol» ma'nâsına emr-i ḥāzîrdur. **Ez'inhā**, «bunlardan» dimekdür. Hā', edât-ı cem'dür; işāret eşyā'-i erba'ayadur. **Ber-ḥazer**, «şaşınmak üzre» dimekdür. Pes ol dört nesne bunlardur ki zikr olunur.

﴿ قرب سلطان و الفت بابدان ﴾ Biri sulţāna ḳurb ve biri cūhelā ile ülfetdür. **Ḳurb**, «yakınlık» ma'nâsınadır; mā-ba'dine muzāfdur. **Sulţān**, ma'rûfdur. Vüzerā vü vükelāsı bu hükmdede birdür. **U(ve) ülfet**, «konuşmak» ma'nâsınadır; ḳurb üzerine ma'tûfdur. **Bā-bedān**, «kötüler ve cāhiller ile» dimekdür. Bā, muşāḥabet içündür. Bedān, cem'dür; müfredi «bed»dür ki «nîk»ün muḳābilidür. Bed, kötü; nîk, eyü dimekdür.

﴿ رغبت دنیا و صحبت بازنان ﴾ Ve biri dünyāya [S162a] meyl ü maḥabbet ve biri 'avratlar ile şoḥbetdür. **Raġbet-i dünyā**, «meyl ü maḥabbet-i dünyā» dimekdür. Dünyā, ma'rûfdur ve elsine-i şelāse bu lafz ile meşhûr ve ḡadr ile mevşûfdur. Ve ḥuşûşıyle luġat-i Fārisîde dünyāya; ĩn dih-i vîrān ve ĩn seylgāh ve ĩn dāmġāh ve ḥākdān-ı ġurûr ve bâġ-ı seḥā ve serāy-ı sipenc ta'bîr itmîşlerdür. **Vü(vāv)**, 'aţfdur. **Şoḥbet**, bunda «dostluk» ma'nâsınadır. **Bā**, muşāḥabet içündür. **Zenān**, cem'dür. Müfredi «zen»dür ki bunda ism olmaġıla 'avrat ma'nâsınadır. Zîrā lafz-ı zen fî'l oldıġda «darb eyle» ma'nâsına emr olur. Zenān, «'avratlar» dimekdür ki Fārisîde anlara ḥabā'il-i şeyţān dinür. Pes eşyā'-i erba'ayı nāzım icmālen beyān 'aḳabinde tafşîle şurû' idüp leff ü neşr-i müretteb ḳā'idesiyle buyurur:

﴿ قرب سلطان آتش سوزان بود ﴾ Sulţānuñ ḳurbi yakıcı âteşdür; ya'nî aña ḳurbet ḥaţarludur. **Ḳurb-i sulţān**, ma'rûfdur. Bu 'ibare mübtedādur; haberi **âteş-i sūzān**dur ki ma'nâsı «yakıcı od» dimekdür. **Buved**, «ola» yāḥod est ma'nâsına «olmak» daḥı mülāyimdür. Ḳurb-i sulţānı, âteş-i sūzāna teşbîh-i belîġ ile teşbîh; ḳurbiyyet-i sulţānuñ mehlike oldıġın beyān u tenbîh içündür. (...[Ü152a]..) Ve şu'arā-yı 'Acemden Faḥr-i Cürċānî, nāzım gibi ḳurb-i sulţānı âteşe teşbîh buyurmuşdur:

مثال پادشاه چون آتش آمد

بطبع آتش همیشه سرکش آمد

اگر بازور پیل و طبع شیرى

مكن باآتش سوزان دليرى

Ya'nî farzan pîl kuvvetiyle ve arslan ṭab'ı ile iseñ de yakıcı âteşe dilîrlik ve iḳdām eyleme. Zîrā seni yakup helāk eyler dimekdür. Ma'lûm ola ki şāḥān-ı cihān vü vüzerā vü vükelālarına yakın olmak evvelen bi-ḥasebi'd-dîn ziyānı ve iftitānı mürîşdür. Nitekim ḥadîs-i şerîfde: من اتى ابواب السلاطين افتتن و ما ازداد عبد منالسلطان قربا الازداد من الله بعدا vārid olmuştur. Ve bunun beyānında İbnü Cevzî raḥimehu'llāh

böyle buyurmuşdur ki: Selâṭīn-i zamān ve vükelâları ekṣer ḡulme mā'illerdür. [S162b] Pes bunlara ḡarīb olan fī'len veyā ḡavlen veyā sükūten ma'raḡ-ı ıṣyānda olur. Fī'len olan ıṣyān budur ki; yanlarına duḡūl iden kendülerde aḡleb olan ḡāl üze mekân-ı maḡşūbda ḡu'ūd ve ḡarāmdan mükteseb mefrūṣāt üze cülūs ve inḡinā'-i ḡahr ile tevāzu' ve taḡbīl-i dest ve telṣīm-i dāmen mişllü ma'āşīye mürtekib olur. Ammā ḡavlen ıṣyān; kizblerin taşdıḡ ve kendülerde olmayan nesne ile medḡ ü müdāhene ve kendülere izḡār-ı ḡubb u velā ve beḡālarile du'ā vü ṣenā mişllü ḡilāf-ı ṣer'de bulunmaḡ olur. Ḥattā eşerde: من دعى لظالم يعصى الله vārid olmuşdur. Ve bu maḡūle menāḡīyi mürtekib olmayan anlara ḡarīb olamaz. Nitekim ṣā'ir eyidür:

Menāşīb ehlinüñ ḡurbine āyā yol bulam dirseñ
Ḥoş āmed söyle kizb it muḡḡik-i bī-ār u ḡammāz ol
Uşūlūñ ārif-i muṡribveş uydur maḡāmāta
Ne tilden kim ḡalarlarsa aña ney gibi dem-sāz ol

Ammā sükūten ıṣyānda bulunmaḡ; kendülerde ve meclislerinde görinen isrāfāt u muḡarremāt u menāḡīleri görüp ve bilip ve işidüp ṡurur iken men'den sükūt ve ḡaḡḡı ketmen ıṣyāndan maḡzar-ı ḡaḡab-ı Rabb müsteḡaḡḡ-ı licām-ı nār-ı pür-leheb olmaḡlıḡdur, intihā. (...[S163a, S163b/Ü152b, Ü153a]...) İmdi muḡārenet-i sulṡān ile maḡzar-ı derd-i āteş-i sūzān olmaḡdan, ḡalīle ḡanā'at ile mesned-ārā-yı serīr-i selāmet belki İskender-i mülk-i himmet olmaḡ ḡoşdur. Nitekim Ḥ'āce Şā'ibüñ *beyt*:

پادشاهی نه بسیم و زر و کوهر باشد
هرکرا شد رمق هست سکندر باشد

didigi bu ma'nāya dālldür. Ve illā selāṭīn ü vükelādan sengīn-dilān-ı sitemḡerānuñ civārına istinād ile dest-i sitem-i peyvestlerine buse-dād olanuñ dehān-ı cānı tīrāsā pür-ḡūn ve dil-i perīşanı mezīd-i maḡzūn olmaḡ muḡarrerdür. Nitekim *beyt*:

ازین سنکین دلان صائب چرا چون تیر نکیریم
که پر خون شد دهانم از همان دستی که بوسیدم

beyt-i laṡīfī bu beyānda kāfīdür. Ḥattā zamānede nīk ü bedden taḡbīl-i yed ile kendüden behremend olınacaḡını bi'l-küllīye inkārda Ḥ'āce Kelīm *beyt*:

دست هرکس را بسان سیحه بوسیدم ولی
هیچ کس نکشود آخر عقده کار مرا

Ya'nī, herkesüñ elini sūbhavār taḡbīl eyledüm. Ve lākin encām-ı kār ḡiḡbir kimse uḡḡde-i umūruma ṣarf-ı nāḡun-ı himmet ile küşāyiş virmedi diyü buyurmuşdur.

(با بدان الفت هلاک جان بود) Kötüler ile ülfet, helāk-i cāndur. **Bā-bedān**, «kötüler ile»; **ülfet**, «ḡonuşmaḡ»; **helak-i cān**, izāfetle «cānuñ helāki» ya'nī sebeb-i helāk-i cān; **buved**, bunda «est» ma'nāsına olmaḡ rüşendür. [Ü153b] Ma'lūm ola ki nīk ü bed ile ülfet mü'eşşirdür. Zīrā derūn-ı sīnede ṡab'-ı nefṣānī, melā'ime mā'il ü muḡibbdür. Ḥattā zümre-i küffāruñ, ınād u cedelde ābā vü ecdādlarına taḡlīdlerinden nāşī ṡabāyi'-i küffārı Meşnevīde maymuna teşbīḡ buyurmuşlardur. Zīrā ḡayvānat içinde

maymun muḳalliddür dimişlerdür. Pes bedler ile ülfet kesb-i sū'-i ṭabīʿate sebebdür. Sū'-i ṭabīʿ şāhibinüñ cānı, mürdevār ḳābiliyyet-i şalāḥdan mahrūm olmaḳ āşkardur. Zīrā ḥasīs ile şoḥbetden, nefis ḥasīs olur dimişlerdür. Nitekim Ḥʿāce Şā'ibūñ *beyt*:

همصحبت خسیس کند نفس را خسیس

پهلوی تهی ز کاه کند کهربای من

beyti bu ma'nāda tāmmdur. Ancak nīkānuñ bedān ile şoḥbetinden [S164a] bedānuñ rusvālīgı ziyāde olur. Zīrā maḳrūn-ı şeker olan bādām-ı telḥuñ acılıgını, şeker ziyāde gösterür, *beyt*:

صحبت نیکان بدانرا خوب رسوا میکند

مینماید تلخی بادام افزون از شکر

bu beyānda ezherdur. Murād ma'lūmdur. (...) Ḥulāşa-i kelām eyüler kötüler ile ülfet itmekden zarar u ḥusrān görürler. Ve sū'-i ṭabīʿat iktisābından nāşī, helāk-i cān rütbesin bulurlar. Zīrā bed-sīre olan ehl-i mefsedet-i ḥukemā, mürdegāndan eylemişlerdür. Böyle oldığı ḥālde kendüler ile ülfete ṭalib olanı, kendi ṭabīʿatlerine cālib olurlar. Ḳaldı ki kötüler-i naşīḥat ile işlāḥ tīz elden olmaz. Zīrā nīşter-i tīz, ḥūn-ı mürdeyi sebūk-ʿinān idemeyüp efsürde ḥaḳḳında silsile-cünbānlıgıñ fā'idesi olmadığı gibi ve kec-ıynet olan māruñ pīç ü tāblıgı efsūn ile zevāl bulmadığı gibi bedāna naşīḥat kārgerlik bulmaz diyü evveli işbātda *beyt*:

نیشتتر سبک عنان نکند خون مرده را

افسرده را سلسله جنبان چه فائده

buyurmuşlardur. Ve daḥı beyān-ı şanī işbātında *beyt*:

کجی از طینت نادان بنصیحت نرود

که نیاید بفسون پیچ و خم از مار برون

buyurmuşlardur. (...[Ü154a]...) Pes bedān ile ülfetüñ bir mezāyā vü nef'i yokdur. İmdi *beyt*:

Bede yār olma şaḳın sen de gidersin araya

[S164b] Sözümi belle hele mūm yapışdur buraya

﴿ زهر دارد در درون دنیا چو مار ﴾ Dünyā yılan gibi içerüsünde zehr tutar. **Zehr**, «aḡu»dur ki ʿArabīde aña semm dirler. Lafz-ı mezkūr aʿlām-ı ḡālibeden olmaḡıla kaçan mā-naḥnü fīhi gibi muṭlaḳ zıkr olınsa veyā mār lafzı gibi bir ḳarīne bulınsa andan semm murād olunur. Ve ḡāhī zehrden ḡamm u ḡuşşa vü ḡaḋab murād iderler. **Dāred**, muzāriʿ-i müfred-i ḡā'ibdür; «tutar» dimekdür. **Der-derün**, «içerüsünde» dimekdür. **Dünyā**, ma'rūfdur; dāred fīʿlinüñ fā'ilidür. **Çü**, bunda «mişl ü mānend» ma'nāsına edāt-ı teşbīhdür. Ve ḡāhī vaḳt ma'nāsına ve edāt-ı ta'līl olur. **Mār**, bunda «yılan»dur ki ʿArabīde tā'-i efrād ile «ḥayye» dirler; erkeğine ve dişisine şāmildür. Ḡāyet büyüğine Fārisīde ejderhā ve ejdehā dirler. Aşlı «ejder»dür; āḫirindeki hā' ve elif mülḥaḳdur. Egerçi cem' şüretinde yazılır lākin cem' degüldür. Ve yılana kimse degmeyince ʿömr-i ṭabīʿisi üzre biñ yaşar ve yaşadıḳda ejder olup ayakları çıkar. Ve daḥı merd-i şecīʿa ve şāh-ı zālīme ve sancaḡuñ ʿalemine ve Ḍaḥḥāk nām bir şāha ejder dirler. Ve daḥı lafz-ı mār bundan mā-ʿadā niçe ma'nālara gelür. Ez-cümle ḡāhī māder lafzından muḥaffef olur. Ve ḡāhī bīmār ma'nāsına gelür. Bīmāristāna, māristān didikleri bundandur. Ve ḡāhī nehy-i ḥāzır olan «meyāred»

lafzından muhaffef olup ma'nası «getürme» demek olur. Ve gāhī Ġarcistāna dirler ki şāh-ı Ġarcistāna, şāh-ı mār dinmişdür. Ve gahī «zeden» lafzınıñ ma'nası gibi, urmağ ma'nasına olur. Ve gāhī hisāb u erkām ma'nasına gelür, kezā fī-Ferheng-i Şu'urī. Ma'lūm ola ki dünyādan murād: كل ما الهك عن مولاك ḥadīs-i şerīfī mantūķınca; seni Mevlādan alıķoyan nesnelerdür. [Ü154b] Yoķsa muṭlaķā bu ʿālem-i şehādetde bulunan nesneler degüldür. (...[S165a]...) Murād dünyāya maḥabbet itmemek gerekdür dimekdür. Zīrā dünyā-yı deniyyeye maḥabbet ḥaṭī'enüñ başı oldıǵı: حبال الدنيا راس كل خطيئة ḥadīs-i şerīfiyle sābitdür. Pes mişālde kendüye dil-beste olan mün'am, elbette şadefüñ mā-dām gevherdār oldıķca telḥī-i deryāyı çekdiǵı gibi āzār-ı dünyāyı çeker. Nitekim Şā'ib:

منعم از دل بستگی آزار دنیا میکشد

تا کهر دارد صدف تلخی ز دریا میکشد

mazmūnı bu beyāna şāhiddür. İmdi ekmel-zāt olana dünyāya dilbeste ve dāreynde derd ile ḥaste olmağ mutaşavver degüldür. Nitekim ḥazret-i Süleymān ʿaleyhi's-selām, maḥzar-ı devlet ü şevket-i salṭanat u şāḥib-i dārāt [Ü155a] u melik-i ʿazamet iken bir ān Ḥudāyı zıkr ü fıkr ü şükrden ḥālī olmayup ekşer-i mesākīn ile şoḥbet idüp, dünyāya iltifāt buyurmaz idi. Qaldı ki ḥalq olaldan berü kendüye Ḥudānuñ nazar eylemediǵı dünyā-yı mezmūme ve cīfe-i mel'ūneyi ʿulemā'-i ʿizām raḥimehümü'llāhi'l-Meliki'l-allām ḥazarātı çok nesnelere teşbīḥ buyurmuşlardır. Ez-cümle Yahyā bin Mu'āz raḥimehu'llāh, dirhem-i dünyāyı ʿakrebe teşbīḥ idüp: “Efsūnını bilmeyen messiyle helāk [S165b] olur” didikde “Yā imām! Efsūnı nedür?” diyü su'āl itmişler. Buyurmuş ki: “Efsūnı ḥalāldan aḥz idüp ḥaḳķını yerine getürmekdür”, intihā. Ve ba'zılar semme teşbīḥ itmişlerdür. Pes nāzım-ı merḥūm daḥı dünyāyı semme teşbīḥ idenlerden ziyāde nikāte işāret için bunda mār-ı zehr-ālūda teşbīḥ buyurmuşlardır. Nikāt budur ki; evvelen yılan sevicecek nesne degüldür ve zehr ile memlūdur. Ve zehri her-bār tevellūd üzredür ve teḳallübātı yılan gibi çokdur. Ve yılan gibi teḳallüb kılmadıķca zehr-pāş olmayıcıdur. Ve şüretā ālūde-i naķş-ı dil-fırībdür. Ve iķbālī ile idbārı müsāvidür, *beyt*:

هیچ فرقی در میان پشت و روی مار نیست

نسبت از ادبار کردن فرق تا اقبال او

buyurmuşlardır. Ya'nī māruñ zāḥir ü bāṭını beyninde farq olmadıǵı gibi dünyānuñ iķbāl ile idbārınuñ beyninde farq yokdur. Ve daḥı dünyā yılan gibi zālīm ü ğaddārdur. Zīrā حیاة من ظارب-ı meşelinüñ beyānında Muḥāzarāt şāḥibinüñ yazdıǵı üzre; yılan güci yitdiǵı ḥayvānı ininden kaçurup veyā öldürüp inini zabṭ ider imiş dirler. Ve daḥı köhneliginden nāşī ejder-meşrebdür ki dā'imā insāna düşmān ve yutmağ kaşdıyle furşata nigerāndur. Nitekim *beyt*:

Dü-tā olmış yatarsın altuñ üstüñ zehre müstağrağ

Yedi başlu bir ejdersin sen iy merdüm-rübā dünyā

didikleri bu beyānda kāfīdür.

﴿ کرچه بینی ظاهرش نقش و نگار ﴾ Egerçi anuñ zāḥirini menķūş görürsin. **Gerçi**, egerçi gibi

Fürs ü Türkde müsta'mel ü ma'rūfdur. **Binī**, muzārī'-i müfred-i muḥāṭabdur; «görürsin» dimekdür. Ḥiṭāb

nazar şânından olan kimesnelere dır. **Zâhires**, zâhir ma'rûfdur. Âhîrindeki şîn, zamîr-i gâ'ibdür; mârâ râcî'dür. **Naqş**, bunda ma'nâ-yı meşhûrî murâddur ki ma'rûfdur. Fârisîde toğan çağırıldıkları beftereye dağı naqş dirler. **Nigâr**, kesr-i nûn ve feth-i kâf-ı 'Acemî ile bunda naqş ma'nâsına 'aţf-ı tefsîrdür ve naqş ile müterâdifdür. Ve bundan mâ-'adâ dağı ma'nâları vardır. [Ü155b] Ez-cümle büt ve muğ ma'nâlarına müterâdifân olan hûb-rû vü maḥbûbâna nigâr dirler. Nitekim bûḥâneye, muğistân didikleri gibi nigâristân dağı dirler. Ve dağı zenân ṭâ'ifesiñün ḥinnâ ve çivid ile ellerine vü ayaklarına naqş itdikleri siyâh renge dağı nigâr dinür. Ve bu ma'nâ [S166a] naqşa qarîbdür. (...) Pes mârâsâ pür-naqş u nigâr olan dünyâ:

﴿ می نماید خوب و زیبا در نظر ﴾ Nazarda güzel ve yaraşık görünür. **Minümâyed**, muzâri-i müfred-i gâ'ibdür; «görünür» dimekdür. **Hûb**, «güzel»dür. **U(ve) zîbâ**, hûb üzerine ma'tûfdur. Zâ'-i mu'ceme ile bunda «müzeyyen» dimekdür. Ve gâhî dâl-i mühmele ile dîbâ didikleri altın ve gümüş ile toḡınmış ḥarîr kumâşa dağı ıtlâk olunur. Dîbâ dağı Fârisîdür ve her bir yirde bu ism ile ma'rûfdur. **Der-nazar**, «nazarda» dimekdür. Nâzımuñ der-nazar kelâmında bir nûkte-i daḡıḡa vardır. Budur ki; yılan envâ'ından iki nev'a yılan var ki ḥaşşaten nazarı her kimüñ nazârına toḡınur ise nazârından zehr-i kâtil, nâzıra sirâyet idüp fi'l-hâl nâzırı helâk ider. Ve dağı ḥamli olan ḥavâṭıñün ḥamlini isḡât iderler. Ol nev'-ânüñ biri zâhrında iki beyâz ḥaṭṭları olandur ki aña zamm-ı ṭâ'-i mühmele ve sükûn-ı fâ' ile «zi't-ṭufyeteyn» dirler. Ve nev'-i dîgeri ḡaşru'z-zeneb olandur ki aña «ebter» dirler. Sâ'ir ḡayyâtdan bunlar zarar u ihlâki ekşer olduğından Faḡru'l-enâm 'aleyhi's-selâm ḡazretleri ḡadîs-i şerîfnde ḡatli-i ḡayyât ile emri zeylinde bunlaruñ ḡatlini taḡşîş bi'z-zikr buyurmuşdur (...). Pes dünyâ dağı, bu maḡûle bir nazarı zehr-âlûd olan ma'rûdur dimege îmâ vardır. Bu nûkte-i daḡıḡaya göre der-nazar kelimesi zâhiren her neḡadar mînümâyed fi'linüñ mef'ûlün fihi ise de tenâzü' kâ'idesiyle ma'nâda mîşrâ'-ı şânîñün âhîrinde ḡözetmek ḡoşdur.

﴿ لیک از زهرش بود جانرا خطر ﴾ Lâkin anuñ zehrinden câna ḡavf u ḡaṭar vardır. Ya'nî helâke dâ'ir zarar ḡorḡusu vardır dimekdür. **Lîk**, «lâkin» ma'nâsına kelime-i istidrâkdür. [Ü156a] **Ez-zehreş**, «ol mâr-ı müzeyyenüñ zehrinden» dimekdür. Zehrüñ âhîrindeki şîn, zamîrdür; mârâ râcî'dür. **Buved**, «ola» dimekdür. Lâkin est ma'nâsıan edât-ı ḡaber olmak bunda rûşendür. **Cân**, ma'rûfdur. **Râ**, edât-ı mef'ûldür. [S166b] **ḡaṭar**, «ḡavf» dimekdür. Ya'nî ḡüsn-i zâhiri sebebiyle kendüye meyl ü maḡabbet olınmaḡa şâyân degüldür. Zîrâ naqş-ı dil-firîbine meyl idüp kendü ile mülâ'abe ve belki kendüye maḡabbet nazarıyle nazar idenüñ cânına zehrinden ḡaṭar vardır. Böyle olan mehlikeden ḡazer ve meyl ü maḡabbetden ḡüzer kılmaḡ ḡoşterdür. Ve illâ mâr-âmûz mişâli mâr ile oynayan, oyunundan elbette helâk zararın ḡörür dimişlerdür. Ma'lûm ola ki mâr-âmûz didikleri şol kimsedür ki; yılanı ṭutup ve bir ṭutuya ḡoyup ḡalka seyr itdürür. Pes şu destîsi şu yolında gider didikleri meşel üze mâr-âmûz olanuñ ekşeri yılan ledḡıyle helâk olur. Ke-zâlik mâr-ı zehr-âlûd-mişâl olan mâl-i dünyâyı cem' ile şandûḡa vü ḡazînede iddiḡâr ile ḡalka 'arz-ı kâlâ vü iftiḡâr iden ehl-i dünyâ dağı dünyâñuñ mesmûm u maḡḡûrî olmaḡ muḡarrerdür. (...) Pes bu beytüñ mefhûmı üze mâr-mişâl olan mûnaḡḡaş dünyâñuñ zehrinden câna ḡaṭar olduğî beyânından ḡüyâ bir sâ'il دواء لكل داء mîşdâḡınca yılanuñ şoḡdıḡına pād-zehr ü tiyâḡ veyâ efsûn ile

müdāvādan şifâ bulmuş çokdur. İmdi her mārūñ zehrî kâtil olmaz ve her bir meldūğ-ı mār ölmez. Bu dañı o qabilden olmak muhtemeldür diyü su’âl itmegin, nāzım cevāb tarîkıyle eyidür:

﴿ زهر این مار منقش قاتلست ﴾ Bu mūnaqqāş yılanuñ zehr ü ağısı kâtıldür. **Zehr-i in mār-ı mūnaqqāş**, tetābu^c-ı izāfet ile; lafz-ı zehr mübtedādür. Ma^cnā; «bu mūnaqqāş yılanuñ zehrî» dimekdür. **Ḳātilest**, haber-i mübtedādür. Ma^cnā; «ḳatlı idicidür» dimekdür. Pes bu mār-ı mūnaqqāşuñ kâtil idigi ecli’l-bedīhiyyātdandır. (...[S167a/Ü156b]...) Pes keyfiyyet böyle oldıysa:

﴿ باشد از وی دور هر کو عاقبت ﴾ Andan ırak ola her kim ki ‘āḳıldur. **Bāşed**, temennî vü tereccî içündür; bunda «ola» dimekdür. **Ez-vey**, «andan» dimekdür. Ez, min ma^cnāsınadır. Vey, zamīr-i ġā’ibdür; mār-ı mūnaqqāşa rāci’dür; murād dünyādür. **Dūr**, «ırak»; **her k’o**, her ki o kelimelerinden muḥaffefdür; ma^cnā «her kim ki, o kimse» dimekdür. **‘Āḳilest**, «‘āḳıldur» dimekdür. Ma^clūm ola ki nāzımuñ ‘āḳıldan murādı; ehl-i ihtiyāṭ olan kāmīl ve terk-i dünyā ile Ḥaḳḳa vāşıl olundur ki anlar *beyt*:

خار بی کلرا کل بی خار سازد احتیاط

جمع کن دامن خود فارغ ز زخم خار باش

maẓmūniyle ‘amelen bu ḥāristān-ı dünyādan dāmenkeş olup zaḥm-i ḥār-ı belādan emīn olmışlardır. Ve bu vechile dünyādan dāmen-keş olur iseñ yarın maḥşerde serv-i çemān-āsā ḥıramān ve iftiḥār ile dāmen-keş olarak revān olursın diyü yārāna *beyt*:

روی دامن‌کشان فردا بمحشر

اگر دامن ز دنیا چیده باشی

beyt-i müsteṭābı ile ḥiṭāb-ı naşīḥat-nişāb buyrulmuşdur. İmdi bu ḳuyūdāt-ı dünyānuñ zehrinden vü çāh-ı pūr-ḳahrından ḥalāş ve ‘ālem-i ‘ulūvve şu‘ūd ile ihtişāş bulmak isteyen, ḥabl-i metīn-i şerīfate temessük iden ‘āḳıllar gibi mār-ı zehr-ālūd dünyāya teşebbüsden dūr olmak gerekdür. (...) Ḳaldı ki tārik-i dünyā olanlaruñ, kifāyet miḳdārı dünyā levāzımın tedārükleri perhīzkārılıklarına zarar virmez ve anlar ḥaḳḳında mā’il-i dünyā dinmez. Nitekim *beyt*:

نمیسازد پریشان شغل دنیا وقت عارفر

صدف را شور دریا نیست منع [S167b] از کهر بستن

dinmişdür. Ya^cnī şadefūñ ḥāmil-i gevher olmasına, deryānuñ acılığı mānī^c olmadığı gibi baḥr-i şūrābe-mişāl olan dünyādan kifāyet miḳdārı levāzımuñ tedārükine meşğūliyyet ‘ārif-i bi’llāhuñ vaḳt-i ‘azīzini perīşān eylemez dimekdür. (...[Ü157a]...) Pes böyle olan kāmiller, miḳdār-ı kifāyet ni‘met-i dünyādan zarar gelmez. Zīrā zehr-i māra mişāl olan dünyānuñ ni‘metinüñ semūmiyyeti, telezzüzāt-ı nefsāniyyeye ṭālib olan ‘avām ḥaḳḳındadır. Yoksa dünyādan gürīzān olan ḥavāşş ḥaḳḳında degüldür. Ve şey’-i vāḥid, maḥallerüñ teğāyüriyle müteğāyir olmak zāhirdür. Nitekim ḳatre-i āb-ı nīsān, dehān-ı şadefde dürr-i şehvār ve fem-i mārda zehr-i pūr-ḥasār olur. Ve ḥalvā, ṭayyibe ziyān itmeyüp ḥasteye muzırr olur. İmdi nefsāniyyeti helāk iden tārik-i dünyā, ḥubb-ı dünyādan me’mūn olmağın mār-ı mūnaqqāşuñ zehrinden maşūnlardur. Ḥattā Ḥālid ibni Velīd raḳıya’llāhu ‘anh ḥazretinüñ izḥār-ı kerāmet için Ḳayşardan ilçi ile kendüye hediye gelen bir ḳumḳuma zehrî بسم الله الشافی ile nūş idüp: “Var şāhuña söyle! Ārif-i bi’llāh

olan mü'min-i kāmile zehr kār eylemez. Selāmet-i dāreyn isterse İslāma gelsün” diyü ilçiyeye hitābı ve ol zehr-i kātılūn kendüye ‘adem-i zararı meşhūrdur, intihā. Qaldı ki mār-ı münakkaş-mişāl olan dünyāya meyl ü maḥabbet nefsūn ḥālidür ve andan dūr olmak ‘aqlūn ḥālidür dimegi işāret için nāzım bu maḥāmda ‘aḳıl lafzını zıkr itmişdür. Ve bunun beyānı şöyledür ki; ḥāne-i bedende nefis ile ‘aḳl her-bār beyān-ı mā-cerā ve maḳāle-i çün ü çirā ile nizā‘ u inşidā‘dan ḥālī degüldür. Zīrā nefis-i zen-i ḥāne gibi havāyic-i beyt ve levāzım-ı mihmān [S168a] talebiyle envā‘-ı teklifāt ‘arz idüp, gāh tevāzu‘ vü gāh kibr ile murādının ḥuṣūlin ister. Ol zamān dünyāya meylde ‘aḳl kendüye mutāba‘at ider ise; *حبك الشيء يعميك و يصم* ḥadīs-i şerīfī mişdāḳınca dīde-i ‘aḳl-ı nūrānī, görmeden ḳalup, mār-ı münakkaş-ı dil-firībe maḥabbet idüp helāke varur. Ve illā nefsūn bu mekā‘idin, nūr-ı İlāhī berekātından istibşār ve fıkır-i ‘uḳbā ile der-kār oldıḳda, mār-ı zehr-ālūda [Ü157b] mā‘il olan nefsi, zār u giryān ḳoyup, dünyāya meyliden gürizān olur dimişlerdür. Ve bu muṭālebātda nefesine mutābi‘ olana mecnūn dinmege işāret vardur. Zīrā mār-ı münakkaşūn naḳşına dil-dāde ve mülā‘abesiyle çāh-ı helāke üftāde olmak mecnūnūn ve daḥı *الشباب شعبة الجنون* ḥadīs-i şerīfī mişdāḳınca tāmmü’l-‘aḳl olmayan şebābuñ ve eṭfāl-i mecānīn-intisābuñ ḥālidür. Anuñçün nāzım eyidür:

﴿ *همچو طفلان منكر اندر سرخ و زرد* ﴾ Eṭfāl gibi kızılına vü şarısına iltifāt ve meyl ü maḥabbet nazarıyle bakma. **Hemçü**, «mişl» ma‘nāsına kelime-i teşbihdür; mā-ba‘dine muzāfdur. **Ṭıflān**, cem‘-i Fārisīdür; müfredi «ṭıfl»dur. Ṭıfl, «yakında toḡmış küçük şābī ve veled» ma‘nāsınadır. İsm-i taşḡiri «ṭufeyl»dür. Lākin ṭufeyl, galebe-i isti‘māl ile uyundı ve bilā-da‘vet bir maḥalle varan kimesneye ism olmuşdur. **Me-nger**, feth-i mīm-i nāhiye ile nehy-i ḥāzırdur; «bakma» dimekdür. Nūn ḥarfīnūn sūkūnı zarūret-i vezn içündür. **Ender**, aṣl ma‘nāsı «iç»dür; zarfiyyet içündür. Lākin bunda taḥsīn-i lafz için zā‘iddür. Yāḥod tesāmūḥan edāt-ı mef‘ul olan rā yirindedür. **Sürḥ**, zamm-ı sīn-i mühmele ve sūkūn-ı rā’ ve ḥā’ ile «kızıl» dimekdür. ‘Arız ve ma‘rūza itlāḳ olunur. **U(ve)**, ‘atıfedür. **Zerd**, «şarı reng» ma‘nāsınadır. Nitekim bir şarı kimesnenūn hecvinde şā‘ir eyidür:

روی زرد و جامه زرد و ریش زرد

قلبتان در زعفران غلطیده

Ma‘lūm ola ki sürḥ u zerd ve zer ü sīm ve metā‘-ı dil-firīb, dünyādan kināyedür. Nitekim “dunyānuñ alına vü kızılına aldanma” dirler. Ve ḥuṣūşıyle altuna «kızıl» ta‘bīri keşīrdür. Pes “delü alacayı sever” didikleri meşel-i sā‘ir üze böyle bir mār-ı zehr-ālūduñ dil-firībine naẓar-ı maḥabbet ile mā‘il olan ehl-i dünyā, tāmmü’l-‘aḳl olmayan eṭfāl yirindedür. Zīrā eṭfāl, mecānīn-[S168b]mişāl sūd u ziyānın fehmden dūr ve ḥaṭar u helāki idrākden mehcūrlardur. (...) Ve keyfe lā ki nā-bāliḡ ve tekālīfden fāriḡler iken, hevā vü heves ve lehv ü la‘b-i nefse mūla‘ olmaḳdan nāşī gāhī ricāle taḳlīden biri er ve biri ‘avrat olup gelin ve güyegi oyunun oynarlar. Ma‘a-hāzā ḥāşşaten cimā‘dan bir eşerleri yokdur. Ve gāhī birbirleriyle bī-hüde ceng şūretin düzüp, taḥtadan ḳılıc u ḥancer ve ḥilāf-ı ‘ādet atların [Ü158a] kendüler götürmek şartıyle ḳamışdan at ve çūbdan rimāḥ-ı bī-me‘āl isti‘mal iderler ve sözde şāḥib-i seyf ü sinān-ı cevherdār ve rākib-i esb-i şābā-refītar geçinürler. Ve gāhī dīvāne-mişāl cem‘-i aḥcār ve ceyb ü dāmānların tārmār ve seng-

İmdi iy didever-i pür-‘aql! Temāşāgāh-ı ma‘reke-i tıfl-fırībde nazaruñı pūşīde kılup bu mār-ı münakkaşa nāzır olma; tā ki erbāb-ı başīret seni didever ‘add ideler. Nitekim:

در تماشاگاه [S169b] این معرکه طفل فریب

هرکه پوشد نظر از دیده‌وران میدانیم

diyü buyurmuşlardır. Ya‘nī, erler gibi merd-i ‘āqıl ol.

﴿ چون زنان مغرور رنگ بو مکرد ﴾ ‘Avratlar gibi levn ü koğunun mağrūrı olma. Ya‘nī, nākışu’l-‘aql şıfatıyla muttaşıl olma. **Çün zenān**, «‘avratlar gibi» dimekdir. **Mağrūr**, Fārisīde isti‘mālī şāyi‘dür; bunda «aldanmış» dimekdir. Ve dağı «mütekebbir ü mu‘accib» ma‘nalarına gelür. **Reng**, otuz üç ma‘nāya gelür. Bunda levn ma‘nāsınadır. (...[Ü159a]...) **Bū**, reng üzerine ma‘tūfdur. Bū, «büy»dan muhaffedür; «koğu» ma‘nāsınadır. ‘Atāra «büy-furūş» didikleri bundandır. **Me-gerd**, nehy-i hāzırdur. Şayrūret ve tahvīl ma‘nāsına olan «gerdiden»den me‘hūzdur; «olma» dimekdir. İmdi nāzım, mār-ı zehr-ālūduñ zāhirinde olan reng-i dil-fırīb ve derūnından fāyih rāyiha-i misk itibāriyle, metā‘-ı dünyā-yı dūnı ol reng ü rāyihaya mā’il oldukları hasebiyle, zenān gibi ol reng-i bī-mişl ü rāyiha-i mağşūşa-i zehr-iştīmāle aldanmayup, merdān gibi ol dimegi murād buyurmuşdur.

﴿ زال دنیا چون عروس اراستست ﴾ Dünyā qarısı kālüm gibi bezenmişdür. **Zāl**, Fārisīde «koca ve kocaqarı» ma‘nalarına müsta‘meldür. Pes muzāfun ileyhi olan **dünyā** qarīnesiyle bunda murād «dünyā qarısı»dur. Nitekim Zāl-i Medā’in bir koca ‘avratuñ adıdır ki Nüşirvānuñ binā eylediği tāk-ı kisrānuñ içinde bir meskeni olmağın, Nüşirvān iştirā murād eyledikde vermeyüp ve Nüşirvān dağı inkisārından hazeren cebr eylemeyüp ‘alā-hālihi koymışidi. Ve dağı Zāl-i Kūfe bir koca qarınuñ adıdır ki Mīrzā İbrāhīmüñ yazdığı rivāyet üzre tūfān-ı Nūh ‘aleyhi’s-selām ol qarınuñ tennūrından feverān [S170a] kılılmışidi. Ve Zāl-i Dāstān, Rüstēm-i Zālūñ pederinüñ ismidür. Vech-i tesmiyye anasından beyāz saçlı toğdıdır. Ve vilāyetinüñ nāmı Zāvüldür. Hūlāşa zāl-i dünyā, keşret-i isti‘māl ile pīre-zen-i dehrüñ ‘alemi mecrāsına cārī olmuşdur ki aña zāl-i dehr ve ‘arūs-ı hezār-dāmād dağı dirler. **Çün**, kelime-i teşbīhdür. **‘Arūs**, Fārisīde iki ma‘nāya gelür. Evvelkisi, «kālüm»dür ki ba‘zı Türk «gelin» ile ta‘bīr ider. ‘Arabīde ‘arūs, «gelin ve güyegi»ye itlāk itmişlerdür. Ma‘nā-yı s̄nī Hüsrev-i Pervīzüñ hāzā’in-i semānīyesinden birinüñ ismidür. Tafşīli Ferheng-i Şu‘ūrīde meşhūrdur. **‘Arāste**, «bezenmiş» ma‘nāsına «der-ārāsten»den ism-i mef‘üldür. **(E)st**, edāt-ı haber olan «est» lafzından muhaffedür. (...[Ü159b]...) Kaldı ki pīre-zen-i dehr-i dūn, hadd-i zātında delle-i hıyel-nümünāsā dekkāke ve hakkāke ve ‘ayyāre ve tarrāre ve mekkāre ve sehhāre ve haddā‘a ve gaddāre olmağın tālīblerin qatl ü helāk ve rāğıbların her vechile qahr ve çāk-çāk itmek dāmına ilkā için māsīta-i tezvīr ile çehre-i idbārına reng ü zīnet i‘tā ve müy-ı jülīdesine misk-i bī-büy-ı mefsedet tılāsiyle kendü kendüyü ‘arūsāsā ārāste vü envā‘-ı şīve-i mel‘anet ile pīrāste oldıgın taşrīh için nāzım eyidür.

﴿ هر دو روزی شوی دیگر خواستست ﴾ Her iki günde bir āhar kişi istemişdür ve ister. Ve helümme cerran varur ve helāk ider dimek murāddur. [S170b] **Her dü rüzī**, «her iki günde bir» Zīrā her lafzı ifade-i ‘umūmiyyet içündür. Dü, esmā’-i ‘adāddan «iki» ‘adedine dālldür. Rüz, «gün»dür; āhirindeki yā’ vahdet içündür. Ve ba‘zı nüshada her dü rüzī mevķı‘inde «her zamānī» vākrı‘dur. Zamān, ānāndan

mürekkeb olmağın ma'nā «her ānda bir kıoca istemişdür» demek olur. Bu nüshada olan eblāğıyyet zāhirdür. **Şūy**, zamm ile bunda «avratuñ eri» ma'nāsına ismdür. Ammā fī'l oldıkdā «ğasl eyle» ya'nī «yayқа» demek ma'nāsına emr olur; mā-ba'dine muzāfdur. Muzāfun ileyh **diger**, «ğayr» ma'nāsınadır. **Hāste**, feth-i hā' ve vāv-ı resmī ile «istemiş» ma'nāsına ism-i mef'uldür. Maşdarı «hāsten»dür; taleb ma'nāsınadır. Āhırindeki **(e)st**, kemā-merre edāt-ı haberdür. Pes böyle her lahzada niçe biñ dost u hālīli ve her lemhadā şad hezār hālīk ü kātīli olan 'acūz-ı mekr-āmūzuñ hāl ü şanın beyānda şu'arādan:

Niçe dāmāda kendin rām kılmış pīr-zendür bu
Dilā meyl eylemezseñ zāl-i dehre gerçek ersin sen

dimişlerdür. Ve dağı:

Zāl-i dünyā virse şüret kendüye erzen gibi
Aña aşlā meyl kılmaz olmayan er zen gibi

diyü buyurmuşlardur. Zīrā bu zāl-i dehrūñ zīneti ğurūr ve lu'beti pūr-mekr ü fütūr olmağın maḥabbeti maḥzūl ve şadīķı maḥtūldür. Nitekim *beyt*:

فریب مهربانی خوردم از کردون ندانستم
که دردل بشکند خاری که بیرون آرد از پام

Ya'nī; bu gerdūn u dünyā-yı dūndan firīb-i mihr-bānī [Ü160a] yiyüp bilmedüm ki ayağumdan be-der kıldığı hārī ğoñūlde şikest ider dinmişdür. Murād; dünyā bir faşl-ı bī-aşldur ki harrı berd ve berdi serddür; hayrı şerr ve nef'i zarardur dimekdür. Nitekim *beyt*:

مباش ایمن ز زخم خار صائب
اگر در پای کل خوابیده باشی

Bu ma'nāya īmādur. Murād; bu dünyānuñ nehārī leyl ve leyli veyl ve sā'ati mişāl-i seyldür dimekdür. (...) Ve le'time mā'ile ve kerīmden firāre vü hā'ile olmağın ve mekkāreligi nihāyet bulma(ma)ğın:

N'ola kızlansa el virmez[S171a]lenüp dā'im saña dünyā
Çok erden arta kıalmış kıoca zendür bī-vefā dünyā
Güm eylersin gelen mihmānuñı bir bī-mürüvvetsin
Yüri iy mihri zā'il kıahrı kāmīl pūr-cefā dünyā

mezāmīni üzre mezmūme ve her aḥvāl-i ğaddār-iştimālī kıutelāsından ma'lūmedür. (...[Ü160b]...) Pes zāl-i dünyā-yı bī-mişāl, māl-i meyyāl gibi herkesüñ 'aḳd-i muvaşalātına ṭālibe olup, ferd-i maḥşūşuñ āġuş-nişīn-i taşarrufı olmaḳ muḥāl-ender-muḥāl oldıyise:

﴿ مقبل آن مردی که شد زین جفت طاق ﴾ Maḳbūl ol kimsedür ki bu zevcden ferd oldı. **Muḳbil**, mü'min veznindedür; Fārisīde müsta'meldür. Ma'nāsı «iş [S171b] ilerü gelici, zī-iḳbāl» dimekdür ki muḳābili «müdbir»dür. Müdbir, menküb u mağlūb ve işi ğirü ğidüp ilerü gelmeyendür. **Ān merdī**, «ol bir er» dimekdür. Ān, ism-i işāret; merd, «er»; yāsı vaḥdet içündür; **ki**, rābıṭadur. **Şod**, «oldı»; **z'ın**, «ez-īn» kelimelerinden muḥaffedür. **Cüft**, kesr-i cīm-i 'Arabī ile şol 'adeddür ki kesrsiz taşīf olına. Pes bunda murād zevcdür ki muḳābili ferd ma'nāsını müş'ir olan «ṭāḳ»dur. **Ṭāḳ**, «tek» dimekdür; bunda murād budur. Ve ğāhī luġat-i Fārisīde bir āġacdur. Ve 'Arabīde kıuyu kemeri ve eyvān kemeri gibi egri ola. Ve

maḥbūbuñ kaşı egri oldığıçün ‘Acem; «ṭāk-ı ebrū» dirler. Ve çār-ṭāk, dört kemer üzre binā olduğından ṭāk tesmiye olunmuşdur. Ve ḳubbeye daḥı ṭāk dirler. Ve ḳat ma’nāsına olur. Nitekim iki ḳat olana; «zū’t-ṭākayn» dirler. Pes bu mıṣrā’uñ maзмünü; bu ‘arūs-ı hezār-dāmāda meyl ü maḥabbetden tezehhüd ile āḫirete rağbetüñ ḥayrlı oldığın işaretdür. Ḥadīs-i şerīfde: *خيركم ازهدكم فى الدنيا و ارغبكم فى الآخرة* gelmişdür. Binā’en ‘aleyh bir şā’ir-i laṭīf bu beyānda:

Cihānı bir zen-i bī-mihre beñzedür ḥukemā
Ki herkese ola va’d-i dūrūğı āmāde
Tecerrüd eyle Mesīhā gibi sebük-rūh ol
Maḥabbet itme ‘arūs-ı hezār-dāmāda

diyü buyurmuşdur. Ve fī’l-ḥaḳīḳa zāl-i dünyāya dil-dāde olmayan āzādelerüñ ‘inda’llāh ve ‘inde’n-nās maḳbūliyyeti bī-iştibāhdur. Belki kendi ḥāline göre pādşāhlardur ki zen-i dünyanuñ maḥkūm u mağlūbı olmuşlardır. Nitekim zen ne ola ki merd olan andan ötüri dād (ü) feryāda gele? Pes dünyādan teşekkī eylemek ‘acze şāhid bir ma’nādur diyü:

زن چه باشد که از مرد بغریاد آید
شاهد عجز بود شکوه ز دنیا کردن

buyurulmuşdur. İmdi kişinüñ selāmeti ol guşşa vü ḡammdan ‘ibāret olan zen-i bī-mihr ü şefḳatden nefret ve cānib-i āḫirete ṭā’at ile rağbetdür. Yoksa ol cūft-i bed-kāra mā’il olanuñ ḡammı ‘ilāc ḳabūl eylemez. Ve ol kimesne maḳbūl olamaz. İmdi maḳbūl olan merd andan gürizān olup:

﴿ پشت بروی کرد و دادش سه طلاق ﴾ Anuñ üzerine arḳa döndi; aña ṭalāk-ı selāse virdi. Ya’nī andan bi’l-külliyeye i’rāz idüp tamāmen ‘alāḳayı andan kesdi dimekdür. **Püşt**, zamm-ı bā’-i ‘Acemī ile arḳa dimekdür ki [Ü161a] ‘Arabīsi «zahr»dur. Bunda murād budur. Ve Mecma’u’l-Fürsde eyidür: Püşt, Nişābūrda bir şehrüñ adıdır. Ve ol şehir [S172a] iki yüz yigirmi altı ḳurāyı müştemildür. Vech-i tesmiye; Nişābūr aña arḳa olduğındandır. Ve daḥı nevāḫī-i Herātdan Bādḡīs nām nāḫıyyede bir ḳaryenüñ ismidür. **Ber-vey**, «anuñ üzerine» dimekdür. Zīrā ber kelimesi ist’lā içündür. Vey, zamīr-i ḡā’ibdür; zāl-i dünyā didikleri cūfte rāci’dür. **Kerd**, bunda feth-i kāf-ı ‘Arabī ile «eyledi» ma’nāsına māzī-i müfred olmaḳ zāhirdür. Lākin feth-i kāf-ı ‘Acemī ile şayrūret ma’nāsına olan gerdidenüñ mażisi olup «döndi» demek ezherdür. **Ve dādeş**, «ve aña virdi» dimekdür. Vāv āṭıfedür. Dād, «virdi» ma’nāsına māzīdür; mā-ḳablindeki kerd fī’linüñ üzerine ma’ṭūfdur. Āḫirindeki şīn, zamīr-i ḡā’ibdür. Cūft-i mezkūra rāci’dür. **Se**, feth-i sīn-i mūhmele ve hā’-i resmī ile esmā’-i a’dāddan selāse için mevzū’dur. **Ṭalāk**, lūgat-i ‘Arabīde «muṭlaḳā def’-i ḳayd» ma’nāsınadır. Ammā ıştılāḫ-ı şer’de nikāḥ ile ṣābit olan ḳaydı, lafz-ı maḥşūş ile ref’dür. Ḳaldı ki zen-i dünyāya ṭalāk virmek, ibtidā’ aḳd-i muvāşalatına meyl müstelzimdür. Merdānelik ise aña ašlā meyl itmemekdür dinmeye. Zīrā nāzımuñ i’rāz-ı vech ile taḥvīl-i zahr ma’nāsını müş’ir olan «püşt ber-vey kerd» kelāmını taḳdīm ḳarīnesiyle murād; ibtidā’ vü intihāda zen-i dünyādan rü-gerdān ve bir daḥı aña rücū eylememeye ḳaşd için selāse ile muṭallaḳa zenān ḥükminde ḳıldı dimekdür. Velez süllim bidāyet-i ḥāle meyl itmek merdün merdāneligine zarar virmez. Zīrā i’tibār nihāyet ü āḳıbetedür didikleri meşhūrdur. Nihāyet-i ḥāle zen-i dünyāya ṭalāk-ı selāse virmek. Yene kem degüldür. Zīrā bu

vechile zen-i dünyāya talāk vermek, maḥabbet-i dünyāyı cesedden ve rūhdan ve kalbden bi'l-küllîyye iḥrāc u ib'āddan ibāretdür. Nitekim talākuñ üç oldığınıñ hikmetin beyānda Kāḍīhāndan naql şöyledür ki: 'İbādāt-ı benī-Ādem üç derecedür; biri cesedde ve biri rūhda ve biri kalbdedür. Pes bir kimesne ehline bir talāk virdikde maḥabbeti cesedinden dūr olur; iki talāk virdikde rūhundan daḥı dūr olur; üç talāk virdikde kalbinden daḥı dūr olup zevc-i āḥara muḥtāc olur dinmişdür. Pes bu vechile talāk vermek maḥabbeti bi'l-küllîyye cesed u rūh u kalbden selb ve kendüye bir daḥı rucū' itmemeli demekden 'ibāretdür. Nitekim H'āce Şā'ib eyidür:

[S172b] در طلاق اهل غیرت نیست رجعت زینهار

از خدا جویان تمنا دولت دنیا مکن

Ya'nī; ehl-i gayret olanuñ talākında āşlā ric'at yokdur. Ya'nī birine zevc-i āḥar itdürmek ile ric'at, ḥilāf-ı tab'-ı pür-gayretdür. Fe-ʿalā-hāzā her umūrında Ḥudā-cūy olan merd-i [Ü161b] pür-gayret ḥaqqında devlet ü dünyā temennāsın eyleme. Ya'nī anlar mütemennī-i devlet ü dünyā degüllerdür dimekdür. Murād ma'lūmdur. Pes dünyā ile 'uqbā zarratān olmağın keffetān-ı mīzānāsā ikisin bir maḥallde cem' bī-imkāndur. Ve bir sünbūlede iki ser olmak nā-dīde-i 'ālemiyāndur. Elbette bir ḥūşede ser, bir olur. Ya'nī āḥiret ile dünyāyı cem' mümkün degüldür. Nitekim:

آخرت را جمع نتوان کرد با دنیای دون

خوشه را نشنیده صائب که سر باشد یکی

bu ma'nāya güvāhdur. Ya'nī; tālib-i dünyānuñ dünyāya meyl ü maḥabbeti āḥiretine muzırrdur. Nitekim ḥadīs-i şerīfī bu ma'nāda hüveydādur. İmdi bākīyi fānī üzerine tercīḥ ile emr-i Rāsūlu'llāha şedd-i niṭāḳ-ı imtişāl gerekdür. (...) Ḥattā ehlu'llāh ve 'āşīḳ-ı cemāl-i İlāh olan evliyā'-i kirām, Fahr-i cihān 'aleyhi'-ş-şalātü ve's-selāmuñ: ḥadīs-i şerīfiyle 'āmil ve bu vechile seyr-i cemāl-i Melik-i müte'āle vāşıllardur. Ve şā'irūñ:

Dilā! 'Uqbā dilerseñ devlet-i dünyāyı neylersin

Ġaraż dīdār ise dünyā degül 'uqbāyı neylersin

didigi bu ma'nāya mebnīdür. İmdi zāl-i dünyādan bi'l-küllîyye i'rāz ḥoşdur. Ve nāzımuñ bu beytinden tecerrüdün memdūḥıyyetine ve mücerred olanuñ ḡadrinūñ merfū'ıyyetine işāret vardur. (...) Pes zen-i dünyādan tecerrüd lāzımdur. Zīrā ol mekkāre vü ḡaddāre:

﴿ لب بپیش شوی خندان میکند ﴾ Erinūñ öñinde ṭudağın ḡandān ider. **Leb**, «ṭudaḡ»

ma'nāsınadır. Şu'arā leb-i dil-berānı, sürḡ-reng ü zī-kıymet olan la'l-i [S173a] Bedaḡşāna teşbīhan isti'mālī ziyāde kıldıklarından, isti'āre tarīḳı ile müşebbeh zıkr olunmadın la'l zikriyle leb murād iderler. La'l didikleri Fārişideki «lāl» kelimesinden mu'arreb bir cevher-i ma'denīdür ki Bedaḡşān ṭağlarında olur. Mezḡūr la'l 'ucb u kibr getürür diyü ba'zı meşāyılūñ zemmi sebebiyle, mülūk-i tebāyır'a isti'mālinden imtinā' iderler imiş. **Piş-i şūy**, izāfetle «erinūñ öñinde» dimekdür. Zīrā piş kelimesinūñ evvelinde olan bā'-i 'Arabī, zarfiyyet içündür. Piş, cihāt-ı sitteden ḡudām ma'nāsınadır. Şūy, zamm ile ismdür; «er»

dimekdür. Murād; ‘aḳd-i muvāṣalatına ḥarīdār olanuñ ḥuzurında ṭudaḡın; **ḥandān**, [Ü162a] «güllici»; **mīkoned**, «ider» dimekdür.

﴿ پس هلاک از زخم دندان میکند ﴾ Şoñra diş zaḥminden erini helāk ider. **pes**, «eñse» ma‘nāsınadır. Bunda murād «ḥandenüñ şoñında» dimekdür. **Helāk**, ma‘rūfdur. **Ez-zaḥm-i dendān**, izafetle «diş yarasından» dimekdür. **Mīkoned**, «ider» dimekdür. Ma‘lūm ola ki leb ḥandeliginüñ helāk-sāzlığı, zaḥm-i dendāna çespāndur. Zīrā resm-i ‘arūsī üzre tebaşbuş-ı kelbīye dā’ir mülā‘abe vü ḥandekünān lābe ider. Lākin ‘ale’l-ḡafle ‘āşıkı zaḥm-nāk-i helāk ider. Yaḥod ‘ādet-i mu‘āmele-i vuşlat üzre ‘āşıkını ḥande ile taḳbīl ider; lākin ısırup ledḡ-ı mār-ı zehr-pāş-āsā helāk ü ḳatlı ider bir bī-emāndur dimek nūmāyāndur. Ve nāzımuñ pes didigi kelām, ḥandesiyale helāk-sāzlıḡınuñ miyānesine bir şey ḳarışdırmayup, ‘ale’l-fevr ‘āşıkınuñ ḳaydın görür dimege işāretdür. Ve ḥandān kelāmı; bir yüze güllici dūşmāndur dimege işāretdür. (...) Ve zaḥm-i dendāna nisbeti, muḳaddemā dūnyāyı mār-ı zehr-ālūde teşbīhine mülāyimdür. Ya‘nī ne ḳadar şūreti insān gibi olsa sīreti yılan ve ḳarı helāk-i cāndur dimege imādur. Pes böyle bir mekkārenüñ ḥandesine gurūr ile kendüden emīn olarak ṭaleb-kār-ı ḥ‘āb-ı ḥuzūr olmaḡı ‘uḳalā istiḡrāb eylemişlerdür. Nitekim *beyt*:

تنکنای چرخ صائب نیست مأوای حضور
در دهان شیر و کام مار چون خوابد کسی

beyt-i laṭīfī maḳāma mūnāsibdür. (...[S173b]...) *Su’āl*: Nāzım icmālde zıkr itdigi şoḡbet-i zenānuñ zararın sā’irleri gibi tafşīl itmedigine sebep nedür? dīnürse cevāb oldur ki: Ḳurb-i sultān ve ūlfet-i bedān ve raḡbet-i zen, dūnyāda olan ḥaṭarlaruñ cümlesi zenānda mevcūddur iddi‘āsiyle bunlaruñ ḥaṭarların zıkr-i tafşīlī ile zıkrde, gūyā şoḡbet-i zenānuñ ḥaṭarların tafşīlen zıkr itmiş gibi oldıḡın imā içündür. [Ü162b] Ve fī’l-ḥaḳīḳa ṭā’ife-i zenān, bī-vefā vü pūr-cefā vü envā‘-ı ḥīle vü mekre ibtidār ile her mefsedet-i icrāda, zāl-i dūnyā ile hem-meşreb ü bī-mezheblerdür. Ve ūlfetlerinden insāna sū’-i ṭab‘at īrās olınmaḳda bedān ile siyyānlardur. Ve sultān gibi āteş-i sūzān u pūr-ziyān oldıḡların ḥazret-i Mevlānā, ricālī āba vü nisāyī āteşe teşbīh ile çend ebyāt īrād buyurmuşdur ki budur, *meşnevī*:

آب غالب شد بر آتش از نهیب
آتشش جوشد چو باشد در حجیب
چونکه دیکی حائل آمد هر دو را
نیست کرد آن آبرا کردش هوا
ظاهرا بر زن چو آب ار غالبی
باطنا مغلوبی زنا طالبی

Ya‘nī; iy şoḡbetdār-ı zenān ve iy ṭalebkār-ı ūlfet-i nisvān olan kimesne! Āb yirinde olan ricāl egerçi manṭūḳınca bi-ḥasbi’z-zāhir nisāya ḡālibdür. Lākin bi-ḥasbi’l-bāṭın āteş yirinde olan zenānuñ maḡlūbıdır. Zīrā āb, nehīb olmaḡ cihetiyle egerçi āteş üzre ḡālib oldı. Lākin āb çömlekde maḥcūb olmaḡın āteş kendüyi ḳaynadur ve oynadur. Ve her birinüñ miyānelerinde çömlek çünki ḥā’il oldıḡından āteş ol ābı yok ve hevā eyledi. Pes [S174a] sen daḡı zāhiren āb gibi āteşin olan zen üzerine

ğālibsın ammā bāṭında anuñ mağlūbısın. Zīrā aña ṭālibsın; ol senüñ maṭlūbañ oldığı cihet ile saña ḡālibdür, intihā. Ve fi'l-ḥaḳīka zevc zāhirde Rüstem-i Zāl olsa, öteden berü 'avratuñ zīr-i ḥūkmінде esīr gibi bī-mecāldür. Hattā İskendere: "Niçün te'ehhül eylemezsiz?" diyü su'āl eylediklerinde: "Ben 'āleme ḥākim iken murāduñuz beni bir 'avrata maḥkūm itmekdür" diyü cevāb buyurduğu Netāyicü'l-Fünūnda meşṭürdur. Ve meşāyih-ı muḥaḳḳıḳtınüñ taḥḳıḳı üzre, insānuñ a'ḳal ü ekmeli nisānuñ ḥaḳīkatine 'ālim ve aḥlāk-ı ḥamīdeye mülāzım olmağın zevcesinüñ mağlūbıdır. Ammā cāhil olan zevc aḥlāk-ı ḥayvāniyye vü evṣāf-ı şehvāniyyesinüñ iktizāsı üzre nisāsına izhār-ı ḡaflet ve her bār ḥuṣūnetden ḥālī olmaz dimişlerdür.

Der-ʿAlāmet-i Nīk-Baḥtī

Ya'nī; bu bāb eyü baḥtlülüğüñ ve sa'ādet 'alāmetin beyānındadır.

﴿ شد دلیل نیکبختی چار چیز ﴾ Dört nesne sa'ādetmendlige delīl oldı. **Şod**, «oldı»; **delīl**, ma'rūfdur. Bunda «'alāmet» ma'nāsınadır. Mā-ba'dine muzāfdur. **Nīk-baḥt**, aṣl terkīb-i tavṣīfıdır. Bir cüz'i nīkdür ki «eyü» ma'nāsınadır. Muḳābili kötü ma'nāsına olan beddür. Ve bir cüz'i baḥtdur. Baḥt, fetḥ-i bā'-i muvaḥḥide ile dört ma'nāya gelür. Evvelkisi, ṭālīc-i sa'ddur. Nitekim ṣā'irüñ:

طالع بخت [Ü163a] مرا هیچ منجم نشناخت

یا رب از مادر کیتی بچه طالع زادم

İkincisi, 'izz ü devlet ma'nālarınadır. Mā-naḥnū fihide murād bu iki ma'nālar üzredür. Ve ma'nā-yı ṣālīḡe daḥı muḥtemeldür ki «dede» ya'nī «cedd»dür. Rābīc, gürz ü 'amūd ma'nāsınadır. Pes nīk-baḥt, «ḥoş-ṭālīc ve pākīze-aṣl ve sa'ādetmend» dimekdür. Āḫirindeki yā', maṣdariyyedür. **Çār çīz**, «dört nesne» dimekdür.

﴿ هر که این چارش بود باشد عزیز ﴾ Her kim ki aña bu dört nişān ola 'azīz ü muḥterem ola. **Her ki**, «her kim ki»; **İn çāreş**, «aña bu dört»; **buved**, «ola»; **bāşed 'azīz**, «şerīf ü muḥterem ola» dimekdür. Bāşed, tereccī vü temennīde müsta'meldür, kemā-merre beyānuhū. Ve çār çīz didigi nesnelerüñ evveli pāk-aṣl; ṣānīsı re'y-i şavāb; ṣālīş 'azābu'llāhdan 'adem-i [S174b] emniyyet; rābīc dünyādan ḥazer olmağın leff ü neşr-i müretteb üzre nāzım evvelüñ beyānına taşaddı idüp buyurur:

﴿ اصل پاک آمد دلیل نیکبخت ﴾ Aṣl-ı pāk sa'ādetmend nişānı geldi. **Aṣl-ı pāk**, zahiren «pāk-nijād» ma'nāsınadır. Ve daḥı edīb ve şermnāk ma'nāsına isti'māl olunmuşdur. Buña göre aṣluñ pākligi, edeb ü ḥayādan kināye olmuş olur ki aña cevher-i zāfī ta'bīr eylemişlerdür. **Āmed**, māzī-i müfred-i ḡā'ibdür; «geldi» dimekdür. **Delīl-i nīk-baḥt**, «sa'ādetmendlige nişān» dimekdür. Pes kendüde ḥüsn-i zāfī bulunan şāhid-i dil-firīb gibi şerm-āver ü edīb olan pāk-nijād ve semere-i naḥle-i pāk-ābā vü ecdād her vechile nīk-ṭālīc ü sa'ādetmend ve lā'īḳ-ı mesned-i vālā-yı 'izz ü emcād idigi aṣlınuñ pākligi ile nişānlu ve 'ālī şānludur. Nitekim Ḥ'āce Şā'ib:

نخل از زمین پاک فلک سیر میشود

بال مسیح پاکئ دامن مریمست

beyt-i laṭfî bu ma'nâda hüveydâdur. Ya'nî naḥl, zemînüñ pāk olmasından ḳadd-keşîde-i 'âlem-i bālâ vü felek-seyr olur. Pes çerâğ-ı çarḥ-ı çārüm 'İsâ 'aleyhi's-selâmuñ bi-'inâyeti'llâhi te'âlâ bāl-küşâ-yı semâ'-i râbi' oldığı, mâder-i 'ismet-penâhı ḥazret-i Meryem raḫıya'llâhu 'anhânuñ dâmen-i 'iffet-pîrâmen ve zât-ı tâbnâkinüñ pākligidür. Ḥulâşa-i kelâm pākîze-aşl olan her maḳâmda [Ü163b] ve her kıyâfede memdûhu'l-fi'âl ü maḥmûdu'l-ḥışâldür. Nitekim:

جوهر ذاتی بزیب عارضی محتاج نیست
پنجه خرشیدرا نقش و نکاری کو مباشر

maẓmûn-ı pākî bu beyâna dâlldür. Ya'nî حاجت مشاطه نیست روی دلارام را müfâdı üzre; cevher-i zâtî zîb ü zîver-i 'arızîye muḥtâc degüldür. İmdi niçe âftâb için söyle naḳş u nigâr olsun? dimekdür. Ve bu ma'nâda Nâbî-i merḥûm buyurmuşdur ki *beyt*:

Zâtî gerek insânda edeb yoksa hebâdur
Taḥşîle ya ta'zîre yaḥod pende ḳalursa

(...[S175a]...)

﴿ نیست بی اصلی سزای تاج و تخت ﴾ Bir bî-asl lâ'îḳ-ı tac ü taḥt degüldür. **Nîst**, «degüldür» dimekdür. [Ü164a] **Bî-aşl**, «bed-gevher ü nâ-pāk-zâde vü bî-şerm ü edeb dimekdür. Âḫirinde olan yâ', vaḥdet içündür. **Sezâ-yı tâc**, izâfetle «tâc u devlete lâ'îḳ» dimekdür. Tâcuñ ma'nâsı dîbâcede sebḳ eylemişdür. **U(ve) taḥt**, tâc üzerine ma'ṭûfdur. Taḥt ma'rûfdur. Ḥaşılı; bed-gevher olan idbâr-ı lâ'îḳ-ı tâc-ı vaḳâr ve şâyeste-i taḥt-ı i'tibâr degüldür. İmdi çehre-i ef'âl ü ḥâli, envâr-ı âdâb u hünlerden ḥâlî olan nâ-pāk-zâdegân her ne ḳadar tâc-ı ḥâḳânî ile mütevvac ü ârâste ve kemer-i keyânî ile peyveste vü pîrâste olsa, efseri efsâr ve zâtı ḥarâsâ bî-miḳdârdur. Nitekim seg-i bî-hüner ne deñlü zer ü zîver ve ḥabl-i aṭlas ve ṭavḳ-ı mücevher ile müzeyyen olsa yine segdür; belki seg andan yegdür dimişlerdür. Pes böyle olan kimesneleri terbiye fikriyle zaḥmet-keş olmak devâ vü kâr-ı 'uḳalâ degüldür. (...[S175b]...) Ve şu'arâ-yı selefüñ ser-firâzı ve 'urefâ-yı ḥalḳuñ mümtâzı Fuẓûlî-i merḥûm daḥı, pākîze-aşl olan pür-şerm ü edeb [Ü164b] ü 'âlî-neseb ḥaḳḳında; “tevḳîr ü ihtîrâm her ḥâlde anlardan dūr ve her ne şüretde olurlar ise ta'zîm ü ikrâm kendülerden mehcür olmaz” idigin beyân ve bunlaruñ ḥilâfınca olan nâ-pāk-zâdelerüñ hâl ü şânların ‘ıyân idüp pāk-aşl olanuñ beyânında *naẓm*:

اگر سالها کوهر تابناک
فتد خوار و بیقدر بروی خاک
بر آنم که کمتر نشیند غبار
ز خاک بر آئینه اعتبار
چو از خاک خیزد همان کوهر است
شهانرا بر آرنده افسرست

buyurmuşdur. Ya'nî; gevher-i tâbnâk her ne deñlü fütâde-i ḥâk olsa türâbda ḳalmaḳla âyîne-i i'tibârına jeng [Ü165a] ü gubâr-ı kemterden zarar gelmeyüp hemân ḥâkdan ref' olındıḳda yine gevher ve efser-i şâḥân üzre merfû' olmaḡa şâyân cevher-i mu'teberdür. Ammâ aşlı bed ü nâ-pāk olanuñ şânında Fuẓûlî:

اگر سالها مردم بد سرشت
 شود همدم حوریان [S176a] بهشت
 ورن محصل پر صفا روز شب
 ز جبریل خواند فنون ادب
 بدان اعتقاد که انجام کار
 نکردد ازو جز بدی آشکار

intihā. Ve bu maḳūle kimesnelerün mesned-i devlet ü manaşsa-i ḥükūmete ḳu‘ūd u cülüslerinden zîr-i ḥükmlerinde olan ḥalkuñ ḥālî ḥarāb u yebāb olmak bî-irtiyābdur. Zîrā bed-ıynet ü büm-sîret olanuñ tab‘atı terbiye ile ta‘mîr olunmamaḳla, re‘yi saḥîf ve her tedbîri zātı gibi keşîf olup, ḥālî idbār ve yiri dāru‘l-bevār olur dimişlerdür. Ammā nîk-baḥt u şâyân-ı tâc u taḥt olan pāk-nijāduñ eyyāmında, ‘ālem şād ve re‘y ü tedbîri şavāb olmağın baḥtı küşād ve taḥtı ḥurrem-ābād olur. Pes bu ‘alā’imleri îrād için nāzım eyidür:

﴿ نیکبختانرا بود رأی صواب ﴾ Nîk-baḥt olanlaruñ re‘yi şavāb ola. **Nîk-baḥtān**, elif ü nûn ile cem‘dür. Ma‘nāsı «sa‘ādetmendān» dimekdür. **Rā**, edāt-ı mef‘ūldür. **Buved**, «ola»; **re‘y**, feth-i rā’-i mūhmele ve hemze ve yā’ ile ‘Arabīdür. Bunda «fîkr» ma‘nāsınadır. Ve Fārisīde daḥı böyle ve bilā-hemze bu ma‘nāya müsta‘meldür. Ve bilā-hemze gāḥî «emān» ma‘nāsına gelür. Ve pādşāh-ı Hinde daḥı rāy dirler. Mā-ba‘dine muzāfdur. **Şavāb**, «toğrı ve ḥaṭādan ḥālî» dimekdür.

﴿ آنکه بد رأیست باشد در عذاب ﴾ Ol kimse ki kötü fikrlüdür, ‘azābda ola. **Ān ki**, «ol kimse ki» dimekdür. **Bed-re‘yest**, «kötü fikrlüdür»; **bāşed**, «ola» dimekdür. Bu lafzuñ maḳām-ı temennî vü tereccīde isti‘māline göre nāzımuñ bu mışrā‘dan murādı; bed-re‘y olanuñ ‘aleyhine du‘ā olmak muḥtemeldür. Lākin zāhirî; bed-re‘yuñ ḥāl-i tebāh-iştimālını iḥbārdur. **Der-‘azāb**, «ıķāb u ‘itābda» dimekdür. [Ü165b] ‘Azāb-ı mezkūr, dünyevî vü uhrevīden ‘ammdur. Ḳaldı ki ‘azāb-ı dünyevî, re‘y ü tedbîr-i seḥāfet-peziñinüñ nā’iresiyle süzişger ve āteş-i nedem-i bî-fā’ide ile ḥarîḳ u der-beder oldıḡıdur. ‘Azāb-ı uhrevî ise ḥod ma‘lūmdur. Ḥattā istişāre ve ḡayride re‘y-i rüşen isteyen, pîrān u büzürgān-ı kühen-sālden istesün kim şular vaḳt-i ḥarîf ü eyyām-ı ḥazānda şāf u nazîf olur diyü *beyt*:

رای روشن ز بزرگان کهن سال طلب
 آیا صاف در ایام خزان میکردد

didikleri maẓmūn üzre büzürgān-ı kühen-sālden murād elbette pāk-nijād olmak rüşendür dimişlerdür. Ve illā nā-pāk-zāde [S176b] ve bî-aşl olan her ne ḳadar sāl-ḥürde-i rüzgār olsa nîkān pertevin ḳabūl eylemez ve her umūrda sū’-i tedbîrden ḡayrısın söylemez. Böyle bir semm-i ḳātil ü zehr-i helāheldür dinmişdür. Nitekim Ḥ‘āce Kelīmūñ:

هر بد از پرتو نیکان نبرد بهره که زهر
 میکشد کر همه از دست مسیحا باشد

beyt-i laṭîfî bu beyānda şāhiddür. Ve fi'l-ḥaḳīḳa bed-aşl olan semm-i helāhil gibi ḳātildür. Semmüñ terbiyesi gāyet müşkildür. Kendüyi ne ḳadar dest-i ṭabīb-i kār-dānda terbiye ḳılsañ elbette semmiyyetini icrā ider.

﴿ هر که ایمن از عذاب حق بود ﴾ Her kim ki 'azābu'llāhdan emīn ola. **Her ki**, «her kim ki»; **īmen**, kesr-i hemze ve feth-i mīm ile «ḡamm u endişeden ferāḡ ve ḥavfdan āsūde vü emīn olmaḡ» ma'nāsına Fārisīdür. Pes bu kelimeyi 'Arabī ḡann idüp aşlı «emīn» idi; yā' ḥarfini ḳalb-i mekān ile īmen oldu ve ma'nası «emīn»dür diyenler ḥaṭāsın bilmemişlerdür. **Ez-azāb-ı Ḥaḳḳ**, «Ḥaḳḳuñ 'azāb u 'ıḳābından» dimekdür. **Buved**, bunda «est» ma'nāsına olmaḡ rüşendür. Ma'lūm ola ki küfre mevşul olan ef'al ü aḳvālden ḥazır lāzımlardır. Zīrā ne'üzü bi'llāh küfrden aḳbah bir günāh yokdur ve 'azābı mü'ebbed olmaḡ üze gāyet çokdur. Ef'al-i müşıla-i küfrüñ birisi 'azāb-ı Ḥudādan emniyyetdür. Ve buña dā'ir olan sū'-i niyyetdür ki: افامنوا مكرالله فلا يأمن من مكرالله الا القوم الخاسرون [Ü166a] bu ma'nāya güvāh olan āyet-i ḥazret-i İlāhdur. Ve emn-i mezkūr, āfāt-ı ḳalbdendür. Bunuñ zıddı ḥavfu'llāhdur. Ḥavf-ı mezkūruñ daḡı esbābları vardur. Ez-cümle isti'zām u mehābetden nāşī oldıḳda aña lisān-ı şer'de «ḥaşyet» dinmişdür. Pes her mü'mine lāzım olan ḥavf ü ḥaşyet ile ṭā'at-güzīn olmaḳdur. Tā ki 'uḳbā ḳorḳularından emīn ola. Zīrā bir 'abdde iki ḥavf ve iki emn cem' olmaz. Ya'nī dünyāda ḥavf üze olan, 'uḳbāda emīn olur. Ammā dünyāda emniyyet-i 'azāb üze olan, 'uḳbāda maḡhar-ı ḥavf u 'ıḳāb olur. (...[S177a]...) Pes seḡat-ı İlāhdan emīn olan:

﴿ نیست مؤمن کافر مطلق بود ﴾ Mü'min degüldür; kāfir-i muṭlaḳdur. **Nist mü'min**, «mü'min degüldür» dimekdür. Bu 'ibāre ḥaberdür. Mübtedāsı mışrā'-ı evvelde olan «ān ki» kelimesidür. **Kāfir-i muṭlaḳ buved**, ḥaber ba'de ḥaberdür; ma'nā «muṭlaḳ kāfirdür» dimekdür. Kāfir lafzı, 'inde'l-'Acem fā'nuñ fethiyledür. [Ü166b] Ve 'inde'l-'Arab fā'nuñ kesriyledür. Ma'nası «sātir»dür. Nitekim dāneyi yirde zirā'at ile setr iden zürre'a ve nehāruñ nūrını zulumetiyle setr iden leyle kāfir dimişlerdür. Pes nā-müselmāna kāfir dindigi, ḥaḳḳı setr itdigi içündür. 'Arabīde cem'i küttāb vezninde küffār ve ciyā' vezninde kifār ve fecere vezninde keferedür. Fārisīde cem'i kāfirān gelür. Nitekim şā'irüñ:

آنچه در جان منست کر بر شتر بودی ز غم

می زبندی کافران در جنة المأوى علم

beytinde vāḳı'dur. Ya'nī; benüm cānumda olan ḡamm eger bir devenüñ üzerinde ola idi, deve ol ḡammıdan rişte gibi incelüp semm-i ḥıyāṭdan duḡūle ḳābil olur idi. Pes ehl-i küfrüñ cennete duḡūlleri: لايدخلون الجنة حتى يلج الجمل فى سم الخياط (hem) āyet-i şer'î üze devenüñ igne yurdisından geçmege muvaffaḳ olup ve devenüñ semm-i ḥıyāṭdan 'adem-i duḡūli egerçi ma'rūfdur ammā benüm derūnumda olan derd (ü) ḡammıyı götüren deve böyle oldıḡı taḳdīrce kāfirān cennetü'l-me'vāya duḡūl ile naşb-ı 'alem-i me'mūl iderler idi dimekdür. Şā'irüñ bundan murādı mübālaḡa ile keşret-i ḡamm-ı cānın beyāndur. Ve bu maзмūn-ı belīḡuñ 'Arab u Türk şu'arālarınıñ şer'iyyelerinde vuḡū'ı vardur. 'Arabīsi:

ولو ان ما بى من [S177b] جوى و صبابة

على جمل لم يبق فى النار كافر

ve Türkîsi:

Derûnumda olan derdi ba'îrûn üstine kıoysam

Cehennemde olan kâfir güler ehl-i 'azâb oynar

intihâ. Ma'lûm ola ki ânifen beyân olındığı üzere azâb-ı Hâkqdan emîn olan mu'tlakâ küfre qarîn olur. Küfr ise aqbağ-ı zûnûb u eşedd-i 'uyûbdur. (...[Ü167a]...) İmdi çâr çîzûn dördincisi dünyâdan hâzer olmağın nâzım tafşilen beyâna ibtidâr idüp buyurur:

﴿ عمر دنیا پنج روزی بیش نیست ﴾ Dûnyānuñ 'ömri bir beş gündür; artuq degüldür. **Ömr**, «müddet-i hayât» ma'nâsınadır. Ve «beğâ» ma'nâsınadır. Mâ-ba'dine muzâfdur. **Dünyâ**, ma'rûfdur. **Penc rûzî** kelâmı, «bir beş gündür» dimekdür. **Penc**, esmâ'-i a'dâddan beş 'adedine mevzû'dur. Rûz, gündür; âhirindeki yâ', vahdet ma'nâsı içündür. **Bîş**, bâ'-i muvaḥḥide ile «artuq» dimekdür. **Nîst**, «degüldür» dimekdür. Ma'lûm ola ki her ne kadar dünyâda mu'ammer ü bâkî olsañ encâmı mevt-i fenâdur. Pes böyle oldığı ḥasebiyle 'ömr-i dünyâyı kıllet ile ta'birde fuḫâlânûn kelâmları gayet keşîrdür. Nitekim ba'zılar âteş lehbinûn cılve-i evveli ile encâmı bir oldığı gibi berḫuñ şu'â'ı ile hayât muḥtaşar birdür diyü *beyt*:

تابش برق و حیات مختصر باشد یکی

جلوه آغاز و انجام شر باشد یکی

buyurmuşlardır. Ve ba'zılar sür'at-i 'ömri seylâb-ı sebük-[Ü167b]reftâra beñzedüp *beyt*:

نشوید کرد [S178a] خواب غفلت از چشم کران خوابم

ز بس سیلاب عمر من سبک رفتار افتاده

dimişlerdür. Ya'nî; benüm seylâb-ı 'ömrüm ol kadar serî'u's-seyr düşmişdür ki girân-ḥ'âb olan çeşmümden ḡaflet ḡubârın yaykayamaz dimekdür. Bunda olan mübâlağa zâhirdür. Ve ba'zılar sür'at-i seyr-i 'ömri, sebük-seyr olan berḫa teşbîh idüp *beyt*:

نتوان عنان برق سبکسر را گرفت

دنبال عمر رفته دویدن چه فائده

dimişlerdür. Ve ba'zılar yüz yıllık 'ömri, yüz dāneyi ḥāvî tesbîḥi bir def'a devr itmek ile berāber 'add idüp; şaḫın yüz yıllık 'ömre dil virme ki encâmı bir tesbîḥ döndürmek kadar olur diyü *beyt*:

منه زینهار دل بر مهلت صد ساله دنیا

که آخر میشود چندانکه یک تسبیح کردانی

buyurmuşdur. Ve bu minvâl üzere yüz sene senûñle ülfet iden 'ömr, bî-vefâlık idüp gideceğın i'landa ve binâ'en 'aleyh cihānda daḫı kimden vefâ ümîdin tûtarsın dimegi beyānda *beyt*:

عمر با صد ساله الفت بیوفایی کرد رفت

ازکه دیگر در جهان چشم وفا دارد کسی

dimişlerdür. Ve ba'zılar; hayât, leyl ü nehârdan 'ibâret iki esb-i sür'at-eşer ile sefer iden eyyâm-ı 'ömre niçe i'timâd itmelü diyü *beyt*:

از روز و شب دو اسبه سفر میکند حیات

ای دل چه اعتماد بایام کرده

buyurmuşdur. Hattā zīr-i felekde bir kimse mānend-i Hızr ‘aleyhi’s-selām nice ‘ömrler bulsa anuñ besātında leyl ü nehār-ı mükerrerden ğayrı hīç nesne yoǵdur diyü müddet-i ‘ömr-i Hızr-ı iki leyl ü nehār kadar ‘add eylediklerini *beyt*:

جز شب و روز مکرر در بساطش هیچ نیست
عمرها زیر فلک چون خضر اگر باید کسی

beytiyle beyān eylemişlerdür. (...[S178b, Ü168a]...) Pes nāzım rahimehu’llāh dağı bu ba’zılar ʔarīķına sālīk olup ‘ömr-i dünyāyı «penc rüz» ile ta’bīr eylemişlerdür. Murād, ‘ömr-i dünyā-yı sür’at-ihtivānın kılletin beyāndur. (...) Hattā Nūh ‘aleyhi’s-selām biñ yüz sene ve bir rivāyetde biñ beş yüz sene ‘ālemde mu’ammer olmuş iken: “Yā nebiyya’llāh! Dünyāyı niçe buldınuz?” diyü kendüden su’āl eylediklerinde cevāb-ı bā-şavābında: “İki ʔapulı bir dār gibi gördüm; birinden girüp birinden ʔurūc eyledüm” [Ü168b] diyü buyurmuşdur dirler. Hūlāşa-i kelām; fenā-yı dünyādan nāṣī binā’-yı beden ğāyet süst ü ʔa’īf olacaǵdur. Pes hengām-ı hedm-i beden olan pīrlikde ittikā’-i ‘aṣā ile ol süst bināya pāy peydā kılan ne ʔadar fā’ide bulacaǵdur. Nitekim H’āce Ṣā’ibūñ *beyt*:

تکيه چند از ضعف بر دوش عصا دارد کسی
این بنای سست را تا کی بپا دارد کسی

beyti bu ma’nāya dālldür. Ve hengām-ı pāyan-ı ‘ömrde *beyt*:

نیست در پایان عمر از رعشه پیرانرا کریز
بر فروغ خویش می لرزد چراغ صبحگاه

[S179a] mışdāķınca; ʔerāġ-ı ṣubḥgāh fūrūġınuñ üzerine ditredigi gibi pīrān dağı ra’ṣeden ʔurtılmazlar dimişlerdür. Murād; encām-ı kār ‘ömr ṣabāḥa ʔalmış ṣem’a dönecekdür. Ol ṣem’uñ ḥod ḥālī ma’lūmdur. Pes bu vechile fenāṣı meczūm beķāṣı ma’dūm olan ḥayāt-ı dünyā ve ‘ömr-i sür’at-peymāya dil-beste olmağ ve bundan lezzet bulmağ revā degüldür. (...[S179b, Ü169a]...) İmdi ḥayāt-ı ‘ömr ve beķā-yı bedenüñ ḥāl ü ṣānı böyle oldıyse, ‘ömrde i’timād ve esbāb-ı cihāna istinād itmek ğāfiller kārıdur. Zīrā esbāb-ı cihānı rīġ-i revānı teşbīh idüp *beyt*:

ای دل غافل از اسباب جهان دست بشو
از ثبات قدم ریک روان دست بشو

dimişlerdür. Pes rīġ-i revān-ı esbābı ṣebāt olan ‘ömr ve esbāb-ı cihāna dil-bend olan derd-mend-i ğāfildür ve encāmını fīkr itmez ise cāhildür. Nitekim nāzım eyidür:

﴿ غافلت آنکه پس اندیش نیست ﴾ Ğāfildür o kimse ki [Ü169b] ‘āķıbetin fīkr ardınca degüldür yāḥod ‘āķıbetin fīkr idici degüldür. **Ğāfilest**, muḳaddem-i ḥaberdür. Mu’ahḥar-ı mübtedāṣı «ān ki» kelimesidür. Ma’nā «ğāfildür o kimse ki». **Pes-i endiṣ**, izāfetle «fīkr eñsesinde» dimekdür. Ve dağı pes kelimesi endiṣ kelimesine izāfet ṣūretiyle oğumağ ʔarūret-i vezn içündür. Zīrā pes-endiṣ terkīb-i tavṣīfidür. Ma’nāṣı «‘āķıbetin fīkr idici» dimekdür demek dağı rüşendür. Ma’nāṣı beyān olinmişdur. **Niṣt**, «degüldür». Ma’lūm ola ki herkes için fīkr idecek ḥālāt üçdür. Ḥālet-i ūlā; herkesüñ ‘ālem-i dünyāda ʔable’l-vücūd ma’dūm u lā-ṣey oldıġı aḥvālidür ki fīkr itdükce ʔudret-i Ḥālīķa itkāñ ḥāṣıl ve bundan

murāda vāşıl olunur. Hālet-i şāniyye; ba‘de’l-mevt ‘ālem-i ‘uḳbāda olan bī-nihāye beḳā’-i sermedīnūñ aḥvālīdūr ki mü’mīn cennetde, ne‘ūzū bi’llāh kāfir cehennemde bāḳī vū muḥalled ḳaldığıdır. Aşl fīkr ü endīşe ile tedārūk-i tūşe idecek ḥālet-i lāzıme budur. Hālet-i şālīşe; bu iki ḥāletlerūñ miyānesinde olan eyyām-ı ‘ömr ü ḥayāt ḥāletīdūr ki aña ḥālet-i mutavaşşıta dimişlerdūr. İmdi vūcūduñdan muḳaddem olan ‘adem ile vūcūduñun ba‘de’l-mevt ḥulūdīnuñ miyānesinde olan eyyām-ı ‘ömr farzan niçe biñ sene olsa muḳaddem ü mu’aḥḥar olan ḥālete nisbet ṭurfetü’l-‘ayn ḳadar müddet-pezīr olmaz. Pes böyle olan ‘ömrūñ daḥı ḥālīni fīkr lāzımdur. Ve fuḫalānuñ ‘ömr-i dūnyāyı ber-vech-i muḥarrer ḳillet ile ta‘bīr ü teşbīhleri bu ma‘nācadur. İmdi nāzım raḥīmeḥu’llāh bu beyti ile evvelen ḥālet-i [S180a] mutavaşşıtaya, şāniyen ḥālet-i şālīşeye işāret ve ḥālet-i şālīşe üzre encām-ı kārını fīkr itmeyeni ḡaflete nisbet itmīşdūr. Ve ḡaflete sebeb, ekser-i ‘ömr-i dūnyāya iḡtirār ve ṭūl-i emel ile tesvīf-i ṭā‘at üzre izā‘a-i evḳāt mişllü ṭavr-ı nā-hemvār olduğından nāzım mīşrā‘-ı evvel ile ‘ömrūñ beş günlük ma‘nā olduğın taḥrīr ile ṭūl-i emelden taḥzīr buyurmışdūr. [Ü170a] Ḥulāşa ‘ömr-i dūnyā, serī‘u’z-zevāl ve dūnyāda beḳā muḥāl-ender-muḥāldūr. Fenāsın fīkr itmek herkese elzem ü ehemmdūr. Ḥuşūşā ki pīrlik devri resīd olmaḡıla ḳāmet dü-tā ve rīş sefid ola. Nitekim *beyt*:

موی سفید از کفن آرد پیام
پشت خم از مرک رساند سلام

dimişlerdūr. Ya‘nī; şaḳal aḡlḡı kefenden ḥaber-i tāmm getūrūr ve ḳāmet dü-tālḡı mevtden selām ulaşdurur dimekdūr. Pes bu ‘alā’imler zāḥir iken tedārūk-i zād-ı ‘uḳbāda olmayana ḡāfil dinilmişdūr, *ḳıṭ‘a*:

ترا در خواب غفلت رفت عمر خوش عنان آخر
نکردی دست و رویی تازه زین آب روان آخر
تو کز اندیشه نان بر نمی آیی بمردن هم
لحد خواهد ترا کشتن تنور از فکر نان آخر

dinmişdūr. Ya‘nī; iy ḡāfil! Ḥoş-‘inān olan ‘ömr gitdi, sen ḥ‘āb-ı ḡafletdesin ve āḡir-i kār ol āb-ı revāndan elūñi yüzūñi tāze eylemedūñ ya‘nī ḥ‘āb-ı ḡafletden bīdār olmadūñ. Ve daḥı sen nān fīkrinden mevti ḥāṭıra getürmezsin. Ma‘a-hāzā nān fīkrinden āḡir-i kār laḥd seni tennūr idiserdūr, ya‘nī mevṭūñ muḳarrer ve bu ḡafletden nāşī ḳabrde nā‘ire-i ḥasret ü nedem ile sūzişger olursun dimekdūr. Ve daḥı ‘alāmet-i inkīzā’-i ‘ömr olan rīş-i sefidden müstefīd-i ḳurbīyyet-i mevṭ olmayan ḡāfiller ḥaḳḳında *beyt*:

ازین چه سود که موی سفید کردیست
ترا چو نیست غم عاقبت سر مویی

dimişlerdūr. Ya‘nī iy ḡāfil müyuñuñ beyāzlıḡından ne fā‘ide senūñ iḳūn ser-i mü ḳadar ‘āḳıbet ḡammı yoḳdur; ya‘nī ḥīç encāmuñı düşünmezsin dimekdūr. Ḥattā mü-yı sefid, ba‘zı ḡāfilūñ tezā‘ūd-i ḡafletine sebeb olur dimişlerdūr. Nitekim *beyt*:

چنانکه شیر کند خواب طفل را شیرین
فزون غفلت من از سفید مویها

beyti bu ma'nāya dālldür. Ya'nī; beyāz-levn olan şīr-i dāye tıfluñ [Ü170b] h'ābını şīrīn eylediği [S180b] gibi müy-yı sefid, hem-reng-i şīr olmağın tıfl-ı dilüñ h'āb-ı ğafletīn efzūn itmekdedür dimekdür. Ve ğaflet, kıllet ü keşrete kâbıldür. Nitekim keşretin beyānda *beyt*:

اگر تو پنبه غفلت بر آوری از کوش

هزار پستر آرام میشود فربه

beyt-i laṭfī güvāhdur. Ya'nī; iy ğāfil! Eger sen kulağūñdan çıkarasın, ol penbden hezār pister-i rāḥat semiz ve yırığı memlū olur dimekdür. Bunda tārik-i ğaflete, ārām-ı āḥiret ile beşārete īma daḥı vardır. Ḥāşılı 'ömr-i dünyāya i'timād ile tūl-i emelden ḥazer lāzımtēdür. Zīrā ba'zı kühen-sāle: "Kaç yaşındasın?" diyü su'āl olındıķda kendi sinninüñ miķdārı ma'lūm iken ḥilāfī irtikāb ile beş on yaş nokşāniyle ḥaber virmek, tūl-i emelden nāşī ve 'ömrē i'timāddan 'adem-i teḥāşī ḥasebiyledür. Ve bu maḳūle kimesnelere zurefā 'indinde; «kendi mālını yağmā idici eski hırsız» dinmişdür. Nitekim:

این کهن سالان که می دزدند سال خویشان

کهنه دزدانند در تاراج مال خویشان

beyt-i laṭfī bu ma'nāya şāhid-i ḥāl ve düzd-i sāl olanlara kelām-ı 'ibret-me'āldür. Ḥattā ğaflet ile ḥandeye āġāz iden bu mişllü ğāfilleri şadāsıyla şāh-bāz-ı sayd-sāza rehnümālik kılan keklige teşbīh idüp:

هر غافلی که خنده باواز میکند

چون کبک رهنمائی شهباز میکند

dimişlerdür. Ke-zālik ğāfile daḥı nāġāḥ şāh-bāz-ı ecel ulaşıp giriftār-ı pençe-i mevt-i fenā kılar dinmişdür. Qaldı ki nāzımuñ bu mezkūr u meşrūḥ olan beyt-i laṭfīnūñ mażmūn-ı münifī üzre 'ömr-i dünyā-yı kıllet-iḥtivā zā'il ve 'ākıbet-endiş olmayana ğāfil dindi ise pes ne itmek gerekdür diyü gūyā bir sā'il su'āl itmegin aña cevāb tārīķı ile nāzım eyidür:

﴿ ترك لذات جهان باید گرفت ﴾ [Ü171a] Cihānuñ lezzetlerin terk itmek gerek. **Terk**, fetḥ-i tā'

ve sūkūn-ı rā' vü kāf ile «bir nesneden vāz gelmek»dür. Mā-ba'dine muzāfdur. **Lezzāt**, cem'-i 'Arabīdür; müfredi lezzetdür. Ma'nāsı «bir nesnenüñ ta'mı eyü olmaķ»dur. Ve daḥı idrāk-i mülāyim ve zıdd-ı elem ve şarāb ma'nālarına gelür. Bunda ma'ānī-i mezkūre cümle mülāyimdür. Mā-ba'dine muzāfdur. **Cihān**, bunda murād dünyādur. **Bāyed**, «gerek»; **girift**, şüretā māzī ma'nāda maşdardur ki bu mişllülere Fārisīde ism-i maşdar dirler. Ma'nāsı «tutmaķ»dur. Ma'lūm ola ki dünyāyı sābıķda mār-ı zehr-ālūda teşbīhden soñra meṭā'im ü meşārib [S181a] ü melābisine lezzāt ta'bīri ehl-i dünyāya ğoredür. Nitekim:

Ḥalvā-yı fenā zehr ile ālūdedür ammā

Baksañ yine bir gizlüce lezzet var içinde

didikleri bu ma'nāya īmādur. Pes lezzet-i dünyā, kādir-i ḥācetden ziyādeye dinmek hoşdur; yoksa "her vechile lezzātından kām alayum" diyenüñ eli ve etegi boşdur. (...) Pes ḥuzūr-ı ḳalb ile lezzāt-ı cihānı terke ibtidār bunda Behişt-i bākīden ber-ḥordār olmağa bādī olmağın; lezzet-i fāniden tā-be-key mütellezziz olursın? Pāyān-ı 'ömrde lezzet-i bākıyyeyi ele getür diyü Ḥ'āce Şā'ibūñ nāzımuñ murādı üzre *ķıta*:

با حضور دل ز لذتهای دنیا صلح کن

[Ü171b] تا هم این جا از بهشت جاودانی بر خوری

لذت باقی بدست آور درین پایان عمر

تابکی صائب ز لذتهای فانی بر خوری

diyü buyurmuşdur. Ve keyfe lâ ki terk-i lezzât-ı cihân haşlet-i pâk-i ‘arîfândur. Nitekim hâzret-i ‘Osmân bin ‘Affân razıya’llâh buyurmuşdur: ‘Alâmet-i ‘arîfân sekizdür. Budur ki; albi havf u recâ iledür. Ve lisânı hamd ü şenâ iledür. Ve ‘aynânı bükâ’ vü hayâ iledür. Ve irâdesi terk-i lezzât-ı dünyâ vü taleb-i rızâ’-i Mevlâdur, intihâ. (...[S181b]...) Terk-i lezzât-ı cihân ile bu maâmât-ı ‘ulyâya vâşıl olma; sîret-i ‘arîfâna sülûk ve arî-ı dervîşide nâ’il-i merâtib-i mülûk olan mürîdân gibi dâmân-ı erbâb-ı dilâna teşebbüse vâbeste olduğundan nâzım eyidür:

﴿ دامن صاحب دلان باید گرفت ﴾ Maâm-ı irşâda vâşıl olan şâhib-i dillerüñ dâmânın utma gerek. **Dâmen**, dâmândan [Ü172a] muaffefdür; «etek» ma‘nâsınadır. ‘Arabîsi «zeyl»dür. Mâ-ba‘dine muzâfdur. **Şâhib-dilân**, maâm-ı irşâda vâşıl olan mürşid-i kâmillerdür ki şöhetleri nâışân haında kîmyâ-yı kâmil-‘ayâr idigi

ناقصانرا صحبت کامل عیاران کیمیاست

خاک را زرساز دار رنگ طلای آفتاب

mazmûnından hüveydâ vü âşkârdur. (...) **Bâyed girift**, kemâ-merre «utma gerek» dimekdür. Ma‘lûm ola ki nâzımuñ bu mışrâ‘ında nikât-i laıfeye işâret vardur. Evvelen; sîret-i şalâhda olana mürşid gerekdür. Şâniyen; mürşid ittiâz olan aşâb-ı dilândan ola ki mürîdi maşûdına işâl eyleye. Şâlişen; mürîd evvelâ şeyhinüñ dâmânın elden oymayup himmet istemek gerekdür. Râbi‘an; şeyhinüñ haıaten dâmânı ele girmez ise dâmânları yirinde erâfların dâ’ir olan mürîdleriyle şöhetden dâmân-ı üstâda vuşûl isti‘dâdın kesb itmek gerekdür. Zîrâ mürşid-i kâmillere vuşûl kişinüñ isti‘dâdına göredür dimişlerdür. Pes:

utan bir dâmeni elbette maşûda irer dirler

Görenler Yûsufuñ dâmânını dest-i Züleyhâda

mazmûnınca erbâb-ı ulûbuñ dâmen-giri olan bi‘avni’llâh nâ’il-i maşûd olma muarrerdür. İmdi lezzât-ı cihâna meyl ile noşân olan râh-ı şâhib-dilâna sülûkden kemâl bulmaa şitâbân olma gerekdür. Nitekim:

ای دل ار ننگ داری از نقصان

جز سلوک ره کمال مکن

dimişlerdür. aldı ki taşfiye-i cân ile nefsuñ seâmet-i ma‘nevîsinden alâşa dermân iden veliyy-i şâdi u abîb-i hâzıuñ dâmânına vuşûl ile terbiyesin abûl eylemek me’mûlünde olan aşâb-ı ‘uûle lâzım olan lezzât-ı nefsâniyyenüñ terki [Ü172b] oldıın beyân [S182a] içün nâzım eyidür:

﴿ در پی لذات نفسانی مباش ﴾ Lezzât-ı nefsâniyye eñsesinde olma. **Der**, zârfiyyet içündür. **Pey**, bunda «iz» ya‘nî «eñse» ma‘nâsınadır. Ve daı «pây»dan muaffef olur. Ve siñir ve dînbâl ve mertebe ve nişân ve âat ma‘nâlarına gelür. Ve maâm-ı ta‘lilde vâı‘ olur. Mâ-ba‘dine muzâfdur. **Lezzât-ı nefsânî**, nefsuñ malûb u merzîsi olan nesnelerden ‘ibâretdür. **Me-bâş**, nehy-i hâzırdur; «olma» dimekdür. Ma‘lûm

ola ki nāzımuñ, beyt-i sâbıkda evvel lezzât-ı cihānuñ terki ile emr ve bunda lezzât-ı nefsanıyyeye i'tibârdan nehyinde iki nükteye işâret vardır. Evvelkisi; taḥşîş ba'de't-ta'mīm kı'idesine ri'āyet ü imâdur. İkincisi; dāman-ı şâhib-dilāna teşebbüsden keff-i yed ile nefis-i emmāreñiñ telezzüzâtına ittibâc eyleme ki aşḥâb-ı dilānı elden çıkarmak ile ğaflete ve düşmân-ı cān olan maḥabbet-i dünyā-yı 'adīmü'l-vefāya düşersin dimekdür. Pes 'âkıll olan telezzüzât-ı nefsaniden ḥazer itmek gerekdür. Zîrâ dünyā-yı dünüñ lezzeti, t̄alibine zilletdür. Nitekim:

Olmağ gerek meges gibi zillet-pezir-i redd

Nefs-i denī lezizden ararsa nevāle tek

diyü buyurmuşlardur ki simât-ı dünyā vü ḥ'ânçe-i fenâ ḥ'ân-ı lezzet-nümâdan tehîdür. Şâ'ib :

چرخ خجلت زمین را پرده پوشی میکند

ورنه این خوان تهی را حاجت سرپوش نیست

buyurmuşlardur. Ya'nî; çarḥ-ı gerdân u dolâb-ı âsmân bu devriyle ḥacletinden nâşî zemīnün perde-püşluğı ḥizmetin eyler ve illâ bu ḥ'ân-ı tehî üzerin örtmege ḥâcet yokdur dimekdür. Murâd ḥ'ânçe-i zemīn ḥ'ân-ı lezzet-nişândan ḥālî bir fânîdür dimekdür. İmdi böyle bu fânîye dil-bend olmağ gerekmez. Nitekim nāzım:

﴿ دوستدار عالم فانی مباش ﴾ 'Ālem-i fânîyi dost tutıcı olma. **Dostdār**, terkīb-i tavşîfidür;

[Ü173a] ma'nası «dost tutıcı» dimekdür. Mâ-ba'dine muzâfdur. 'Ālem-i fânîden murâd dünyâdur ki 'âlem-i zâ'il dimekdür. **Me-bâş**, kemâ-merre «olma» dimekdür. Pes 'âlem-i fânîñiñ fenâsı vü 'adem-i vefâsı vāreste-i kayd-ı beyândur. Binâ'en 'aleyh tenbîḥ t̄arîkıyle serî'z-zevāl ve kendüde iḳâmet muḥāl oldığın beyānda:

انما الدنيا كظل زائل

او كضيف بات ليلا فارتحل

dimişlerdür. Ve yine bu maзмün-ı bedâhet-maḥrûnuñ 'ıyânında:

ترجوا البقاء بدارالاثبات لها

سمعت بظل غير منتقل

buyurmuşlardur. (...[S182b]...) Ve yine bu ma'nâda *beyt*:

کر بدانی فریب دار فنا

دل بجان ایدت ز صحبت او

دشمنی در لباس دوست بود

که کند تکیه بر محبت او

dimişlerdür. Ya'nî; eger ḥud'a(-i) dār-ı fenâyı fehm ide idüñ, anuñ şoḥbetinden ḳalbüne tamām nefret gelür idi. "Ḥud'ası nedür?" dir iseñ: "Dost şüretinde bir düşmendür." Böyle olunca anuñ maḥabbetine kim i'timâd eyler? dimekdür. Pes fenâ-yı cihân, bundan aḳdem güzerân iden selâṭin-i zî-şân u ulemâ vü fuḳalâ [Ü173b] ve sâ'ir aḥbâb u a'dâ ve bay u gedānuñ aḥvâl-i 'ibret-me'âllerinden nümâyândur. (...[S183a,

Ü174a]...) Pes bu ‘ālem-i pür-şūr mişālde hāne-i zenbūr gibidür; be-her-hāl nīši āmādedür. ‘Ākıl olan ‘ākıbet-endīşe göre eli kendüden çekmek gerekdür:

تاکی اندیشه این عالم پرشور کنی
دست تا چند درین خانه زنبور کنی

beyti bu ma’nāda kāfīdür. İmdi:

این خانه را که طعمه سیلاب میشود
این خانمان خراب چه تعمیر میکنی

maẓmūniyle ‘āmil olan ‘ākıla bu tūme-i seylāb-ı fenā olan binā-yı bedeni telezzüzāt-ı nefsāniyye ile ta’mīrden hāzer ve ‘ālem-i fāniyi dost tūtmağdan güzër eylemek elzemterdür. Zīrā:

﴿ نیست حاصل رنج دنیا بردنت ﴾ Bu mısrā’uñ zāhiren terkīb-i ma’nāsı; egerçi zaḥmet-i dünyāyı iletmekden saña fā’ide yoğdur dimekdür. Lākin ‘inde’l-‘Acem bu şey’-i ḥaḳīr bu kadar zaḥmetini degmez dimekdür. Nitekim Fārisīde نبرزد بشیون مرده این dirler. Ya’nī «bu ölü ağıdını degmez» [Ü174b] dimekdür. Pes mısrā’-ı şānī, mısrā’-ı evveli işbāt için illet yirindedür.

﴿ عاقبت چونکه بیاید مردنت ﴾ Çünkü ‘ākıbet ölmekligüñ muḳarrerdür. ‘Ākıbet, «encām-ı kār»; **çünki**, illetdür; **bü-bāyed**, «gerek»; **mürdenet**, «mevtüñ» dimekdür. [S183b] Mürden, zamm ile mevt ma’nāsına maşdardur. Āḫirindeki tā’ ḥiṭāb içündür. Pes bunda كل نفس نائقة الموت mantūḳına telmīḥ vardır. Ve daḥı واعظا بالموت كفى ḥadīs-i şerīfī üzre mevt kadar insāna vā‘ız olmaya. Ve bunda ‘ākıbet mevtüñ muḳarrerdür dimekdür. Ne kadar ‘ömr-i tavīl ile muḳarrer olur iseñ mevtten ḥalāş yoğdur dimege işāret vardır. (...) Ve daḥı buyurmuşlardır ki:

Cümle ḥalḳ ehl-i sefer ‘ālem müsāfir-hānedür
Hīç muḳīm ādem bulunmaz bir ‘aceb kāşānedür
Bir kefindür ‘ākıbet sermāye-i şāh u gedā
Pes buña mağrūr olan mecnūn degüldür yā nedür?

Ve encām-ı kār dünyādan naşīb-i her-bay ü gedā bir kefen idigi وهولكفن من الدنيا الا حدīs-i şerīfinden āşkārdur. Ve kefenüñ encāmı mezārdur ki buyurmuşlardır:

در سرانجام سفر باش که از سنگ مزار
خیمه بیرون زده خوش قافله سنکینی

Ya’nī; encāmında sefer üzre ol ki bir ḳāfile-i sengīnī taşra hoş ḥayme ḳurmuşdur dimekdür. Ḥattā levḥ-i mezāristāndan aḥz-i işārete ‘uḳalādan beyān şöyledür ki; ferāmūş-kerde-i zīr-i ḥāk olan emvātuñ elvāḥ-ı mezārları ḥayy olanlaruñ talebi için dest-i ma’nevīlerdür ki taşra gelmişdür dimişlerdür. Nitekim:

[Ü175a] هر لوح مزاری ز فرامش کرده خاک

دستیست برون آمده بهر طلب تو

bu ma’nāya güvāh ve herkesüñ mevti bī-iştibāhdur. Pes ḥāl bu minvāl üzre oldı ise:

بدنیا دل نیندد هرکه مردست
که دنیا سربسر اندوه و دردست

برو باری بکورستان نظر کن

که این دنیا حریفانرا چه کردست

müfâdınca ser-te-ser endüh u derd olan dünyāya, merd olan kimesne dil-bend olmaz ve dünyānuñ fenāsın taḥkīk ideyin dir iseñ bir defa mezāristāna nazar-ı ʿibret ile nāzır ol ki dünyā kendi ḥarīflerine ne yapmışdır? Ve daḥı ḥulūl-i ecel-i mevʿūd ile cān-ı şīrīnūñ, ḳālīb-ı tenden ḥurūcı beyānında taḥkīk-ı ehl-i işāret şöyledür ki; çarḥ-ı gerdān besāʾiṭden iken gāḥ ḥazīz ve gāḥ miyāne ve gāḥ evc olmağıla ve kevākibleri bu vechile seyr bulmağıla [S184a] taḡyīrāt u ḥudūs u tebdilātđan ḥālī degüldür. Pes ʿanāşır-ı erbaʿadan mürekkeb ü memzūcuñ ḥālī ke-zālik böyledür. Ve ʿunşur-ı vüçüd-ı insānīde bulunan āb ve ḥāk ve āteş ve bād birbirleriyle ezđādıdır. İmdi ezđād-ı erbaʿadan mürekkeb ve ṭabāyır-ı muḥtelifeden müctemīʿuñ taḡayyür ü fenā ile mevte ḳābiliyyeti ʿaceb degüldür. Belki zāhiren imtizāc ile şıḥḥati, aʿceb ü ağrebdür. Pes ḥayāt-ı insān ol ezđād-ı erbaʿanuñ bi-irādetiʿllāhi teʿālā şulḥ u ʿitidālleri ḥasebiyledür. Ḳaçan bi-taḳḍiriʿllāh ol ezđād miyānelerinde şulḥ yirine ceng düşse, ʿitidāl zevāle varup izḥāk-ı rūḥ ile mevt taḳarrur ider. Yaʿnī, ʿanāşır-ı erbaʿadan bi-ināyetiʿllāh ḥāşıl olan bürüdet ve ḥarāret ve ruṭūbet ve yübüsetüñ ülfet-i muʿtedileleri bi-ḳazāʿiʿllāh zāʿil olmağıla müferriḥ-i zāt olan bād-ı laṭīf, müteʿaffin olur. Ve müfīz-i ḥayāt olan āb-ı şīrīn, ḡadīr-i bedende bir zamān meḳşden tīre vü telḥ olur. Ve cevher-i nūrānī olan āteş, ser-keş olduğından bir pūf demek ile munṭaʿfı olur. Ḥākūñ ḥod aḥvāli maʿlūm ve bu taḥkīk üzre mevt-i fenā meczūmdur. Nitekim:

چار طبع مخالف سرکش

پنج روزی بودند با هم خوش

کر یکی چون چهار شد غالب

جان شیرین بر آید از قالب

bu maʿnāya şāhiddür.

﴿ از تنت چون جان روان [Ü175b] خواهد شدن ﴾ Bedenüñden çünkü cān revān olıserdür. **Ez-tenet**, «cesedüñden» dimekdür. **Cān**, maʿrūfdur. **Revān ḥʿāhed şoden**, «revān olıserdür» dimekdür. Bu mişllü terākībde maʿnā-yı mecmūʿ böyle birden virilür. Pes:

حكم المنية في البرية جار

ما هذه الدنيا بدار قرار

müfâdınca sulṭān-ı mevtüñ ḥükmi ḥalāyıkda cārī ve daḥı:

Ḳaʿr-ı deryāda yirüñ sırça serāy olsa dilā

Seni ḡavvāş-ı ecel anda daḥı bulsa gerek

mışdāḳınca ḳaʿr-ı biḥārda cāy-gīr-i ḳarār olanlara daḥı emri lāḥıḳ u sārīdür. Zīrā maʿmüre-i dünyāda olan her ḥāne, nazar-ı diḳḳat-eşerde ḥāne-i zīn olmağın cāy-ı iḳāmet degüldür. Nitekim:

معموره دنیا نبود جای اقامت

هر خانه که آید بنظر خانه زین است

didikleri bu ma'nāya dālldür. İmdi her bir insān cānının kaçır-ı bedenden revān olacağın her bār yād eylemek gerekdür. (...[S184b]...) Hülāşa mevtden bir kimseye emān yokdur. Eger īmān ile ölüre iseñ mevtden saña ziyān yokdur. İmdi mevtüñi ve ser-encāmuñi fīkr eyle ki:

﴿ خاكت اندر استخوان خواهد شدن ﴾ Kemigün içinde türāb olıserdür. Ya'nī cesedün çürüyüp bā'is-i bīniş-i çeşm-i nāzırān olan hākūñ, kuhl-i Şıfāhān gibi āgīn-i sūrāh-ı mekhāle-i üstüh^vān olsa gerekdür dimekdür. Nitekim:

Keff-i mīzānuñı tōldurmaz iken kevn ü mekān

Bir avıç toprak ile iki gözün tōlsa gerek

[Ü176a] dimişlerdür. **Hāket**, kelimesinde hāk «türāb» ma'nāsınadır. āhırindeki tā', hīṭāb içündür. Kemik ma'nāsına dāll olan **üstüh^vān** lafzının āhırine merbūṭdur. Ta'bīr; «hāk ender-i üstüh^vānet» dimekdür. **Ender**, zarfıyyet içündür. Ve bu maḳāmda zarf-ı hāḳīkīdür. **Hāhed şoden**, kemā-merre «olıserdür» dimekdür. Nāzımuñ bundan murādı; ref-i ḡaflet ile küşāyış-i çeşm-i 'ibret ve tedārük-i zād-ı āhıretde ola ki encāmuñ mevt ü kubbūr ve dār-ı ḡasrete 'ubūrdur dimekdür. Hattā:

استخوان سر که پر دندان بکورستان درست

خنده دارد با کسی کورا غروری در سرست

mışdāḳınca mezāristānda meşhūd oldığı üzre ba'zı kafā-yı meyyitüñ dendānının zuhūr u inkişāfi, başda ḡurūrı olan kimesne için ḡandeden 'ibāretdür dimişlerdür. Ve herkesün kafāsi encāmında böyle olacaḳdur. Hülāşa-i kelām *beyt*:

Eḡ-i-i dār-ı fenā yir yirün altında seni

Başdan ayaḡa eger toptolu tiryāk olsan

beyt-i 'ibret-nizāmı üzre, eczā'-i beden-i insānī kabırde hāk ile yek-sān olacaḳdur. (...[S185a, Ü176b]...) Hülāşa mezāristān, ḡayy olan her bir insānı taleb üzre dehān-küşādur. İnsān ise ol laḡd-i hāk-i şikem-perverün aḡzını ejder-mişāl açdığından ḡāfıl olarak lezzāt-ı nefsāniyyeden kendi kendüyü tōldurmak fīkriyle āvāre bir şikem-h^vāredür dimişlerdür. Nitekim:

از لحد خاک شکم پرور دهان را کرده است

تو ز غفلت همچنان در بند پر دار خودی

beyt-i laṭīfi bu ma'nāya dālldür. Pes bu serāy-ı muşṭbet olan cihān hākdānının ḡālī herkesün başına toprak koymaḳdur. Sen ise başuñ ve yanuñ başına toprak koymamaḳ ḡaydındasın; imdi niçe 'āḳıl olursın? Nitekim:

جهان سرای مصیبت بود تو میخواهی

که مشّت خاکی ازین خاکدان بسر نکنی

dimişlerdür. İmdi fırsatı ḡanīmet bilüp ceyb-i ḡafletden baş çıkarp 'āleme 'ibret nazarıyle nazar ve tedārük-i zād-ı sefer eylemek gerekdür. Yoksa bir kerre rişte-i enfās-ı 'ōmr elden çıkar ise deriçe-i gevher-i dilden bir daḡı baş çıkarmaḳ mümkün degüldür. Nitekim:

نرفته است سر رشته ناز دست برون

سر از دریچه کوهر چرا بدر نکنی

dimişlerdür. Ya'nî ip ucı elde iken şakb-ı cevherden niçün taşraya baş çıkarmazsın? dimekdür. Murād; hayātuñı ğanîmet [Ü177a] bil, yoksa mevtden hālāşa çāreñ yokdur dimekdür. Nitekim nāzım eyidür:

﴿ مر ترا از دادن جان چاره نیست ﴾ Saña cān virmekden çāre yokdur. **Mer**, bunda taḥsîn-i lafz içün zā'iddür. Yāḥod taḥkîḱ ma'nāsını müş'irdür. **Tu-rā**, [S185b] «tū-rā»dan muḥaffedür; ma'nası «senüñ içün» dimekdür. **Ez-dāden-i cān**, izāfetle «cān virmeden» dimekdür. **Çāre**, üç ma'nāya gelür. Biri meded ve biri hîle ve biri yek-bār dimekdür. Bunda ma'niyeyn-i evveleyn murāddur. Ya'nî; cān virmekden bir kimseden istimdād veyā bir hîle ile āzād olmaḱ **nîst**; yokdur dimekdür. Pes dest-i ecelden bir kimse taḥlîş-i girîban-ı cān idemez ve vaḱt-i hülûl-i ecelde bir sâ'at ilerü vü girü olmayup ḱazā'ullāh ve ḥükm-i İlāh elbette yirîn bulur. (...) Ḥattā mev't der-kār iken [Ü177b] ḥayāt-ı dünyānuñ nā-güvārîlîġuñ beyānda:

با وجود مرک چون هستی کوارا میشود

تلخی ماتم کجا شیرین بخلوا میشود

Ya'nî; mev't-i zehr-fāmuñ vücūdiyle ḥayāt-ı dünyā nice haẓm olunur. İmdi telḥî-i mātem, ḥalvā ile ḱande şîrîn olur? Ya'nî; olmaz dimişlerdür. Nitekim hengām-ı mātemde ḥalvā tedārūki 'Arabistānda 'ādetdür. Pes 'āḱıla lâzım olan تموتوا قبل ان تموتوا maẓmūniyle 'amelen nef's-i emmāresin ihlāk ile pāk olup, salık-i rāh-ı rızā-yı Raḥmān olmaḱdur. Pes bu rāhuñ sālîkleri ve mertebe-i rızānuñ mālîkleri, ihlāk-i nef's ile maẓhar-ı selāmet ü nā'il-i kerāmet olmışlardur. Zîrā ihmāl-i t̄ā'āt ve tekāsül-i 'ibādāt nefse mütābe'atdan ḥāşıl olur. Nef's ḱadar ise bir mā'il-i lezzāt yokdur ve şāḥibine ḥusrānı ġāyet çokdur. [S186a] Anuñçün nāzım eyidür:

﴿ رهزنت جز نفسک اماره نیست ﴾ Senüñ yolını urıcı ve rezā'il ile emr idici nef'segizden ġayrı degüldür. **Reh-zenet**, «yoluñı ḱaṭ' idici» dimekdür. Reh-zen, terkîb-i tavşîfidür; ḱāṭı'-ı t̄arîḱ ma'nāsınadır. Ve ġāḥî muṭrib ma'nāsına gelür. Āḥirindeki tā' ḥiṭāb içündür. **Cüz nefsek-i emmāre**, «küçük nef's-i emmārenüñ ġayrı» dimekdür. **Nîst**, «degüldür». Nefsek kelimesinde olan kâf, taşġîr içündür. Ve taşġîr ile ityānı bir ḱaç nikāte işāretdür ki nef's-i emmāre ḥadd-i zātında bir şey'-i ḥaḱîrdür. Anı isti'zām, hevāsına mütāba'atüñ iḱtîzāsıdır. Daḥı:

النفس كالطفل ان تهمله شب على

حب الرضاع و ان تطفمه ينظم

maẓmūnına imādur. Ya'nî; nef's küçük şabî gibidür. Eger kendüye irḱā-yı 'inān gösterür iseñ ḥubb-ı razā' üzre mūla' olup keşret-i leben ise kendüye zarardan ḥālî olmaz. Nitekim şıbyān içün; “süd degmiş” ta'bîri meşhûrdur. Ve eger kendüyi bir hîle südden keserseñ [Ü178a] kesilür dimekdür. Nitekim:

النفس راغبه انا رغبته

و انا ترد الى قليل تقنع

bu beyana mülāyimdür. Ve daḥı nef's-i emmāre kişünün zāhiren maḥbûbı gibidür ki şāḥibi aña maṭlûbın ulaşdurmaḱ ḱaydında olur. Ve daḥı taşġîr tehekküm içündür. Yoksa ان النفس لامارة بالسوء āyet-i kerîmesi manṭûḱınca nef's-i emmāre büyük düşmāndur ve ḱarîni şeytāndur dimege bunda işāret vardır. Ve daḥı

çocuk gibi sū'-i edeb ve lehv ü la'be heves ile rezā'ile meylden hālī olmayup te'dībe muhtāc olduğunu imā içündür. Ve nefsūn te'dībi meṭālibin redd ile kendüyi ihlāk ve şeyṭāna muḳārenetden dūr u pāk itmekdür. Anuñçün nāzım bu maḳāmda nefs-i emmāre zıkrı ile şeyṭāndan iktifā eylemişdür. Zīrā nefis ıslāh oldıḳda, şeyṭān kendüye ilḳā'-i vesveseden dūr u merdūd olur. Ol zamān rāh-ı Hāḳḳa mūşıl olan, ṭā'at ile hem-rāh ve selāmetle vāşıl-ı rızā'-i İlāh olunmaḳ āsān olur. Pes nāzımuñ bu mısrā'ı nefis ile cihāduñ lüzūmına işāretdür. Ve nefis ile cihād ḡazā'-i ekberdür. Zīrā nefis-i emmārenüñ ne gūne mekkār oldıḳı ma'lūmdur. Kendüyi yola getürmek çok tedārüke muhtācdur. Mühimmātsiz cihād ise bī-fā'idedür. Ma'a-hāzā düşmān ḥadīs-i şerīfī mañṭūḳınca ḥāne-i derūnda mütemekkin ev ḥırsızıdır. Ev ḥırsızını ṭutmaḳ ise 'asīrdür. Ve 'adüvv-i maḥbūbdur. 'Ayb-ı [S186b] maḥbūb ise mestūr u maḥcūb olmaḳın her kuşūrın fehmi müşkildür. Ve rıfḳı lāzım olan maṭıyyedür. Bi'l-küllıyye muḥālefeti ve her vechile muvāfaḳatı mümkün degüldür. Yoksa şāhibin izlāl veyā ıslāh ider. Ya'nī kendüyi semirdürseñ seni pāreler ve aç ḳorsañ seni bī-çāre ider. Ve müşteheyāt-ı muḥarremātuñ encāmında çekilecek 'uḳūbāt-ı dāreyni düşünmeyüp, günāha bī-muḥābā hücumından nāşī, [Ü178b] kendüyi pistān-ı siyāhdan bī-pervā olan ṭıfl-ı zengīye teşbīh ile kendüye «nefs-i ḡulmānī» daḳı dimişlerdür. Nitekim:

نفس ظلمانی نمیدارد محابا از كناه

نیست پروا طفل زنگی را زیستان سیاه

bu ma'nāya güvāhdur. Ve bunuñ beyānı şöyledür ki; eṭfāl-i Rūmīnūñ südden inḳıṭā'ın murād iden māder-i Rūmī, ser-i pistānını siyāh-reng eylediḳi meşhūrdur. Ammā zengī beççenüñ beşere-i māderi siyāh olmaḳın, ṭıflına maşş-ı nedādan nefret ü ikrāh gelmediginden, anlara ser-i pistān-ı māderi ṭılā-yı reng-i sefid ile ḥile-sāz-ı infitām ez-leben olurlar imiş. İmdi ṭıfl-ı zengī yirinde olan nefis-i ḡulmānīyi, müştehāt-ı bā'isetü'l-'uḳūbātdan ḳaṭ'da, a'māl-i nūrānī ile reng-sāz ve bu vechile mücāhedesine āḡāz eylemek gerekdür. Ve illā rāh-ı rızāda reh-zen olan nefis-i emmārenüñ ḥār-ı 'ālāyıkı dāmen-gīr oldıḳca, sālīk kendüsinden bir yire sefer idemeyüp her vechile der-beder ve maḫhar-ı ḥusrān u zarar oldıḳın Ḥ'āce Şā'ib-i Tebrizī:

چنین كه خار علائق تراست دامنگير

سفر ز خود نتوانی بهیچ جا كردن

beyt-i letāfet-beyānıyle 'ıyān buyurmuşdur. Ḥulāşa rāh-ı maḳşūduñ reh-zeni olan nefsi ihlāk ile meslekin pāk itmeyen sālīk selāmet bulmaz ve nefse mütābī' oldıḳca felāḥı bulmaz. Ekmel-i zāt olan mücāhede ile maḳām-ı müşāhedeye nā'il ve her vechile maḳşūdına vāşıl olur dimekdür.

Der-Beyān-ı Esbāb-ı 'Āfiyet

﴿ عافیت را كر بجویی ای عزیز ﴾ İy 'azīz eger 'āfiyeti ister iseñ. 'Āfiyet, bunda «ḥuzūr ve ḥubūr ve selāmet ve sürūr» ma'nālarına imādur. Nitekim siyāḳ bu ma'nālara dālldür. **Rā**, edāt-ı mef'ūldür. **Ger**, edāt-ı şartdur; eger gibi. **Bü-cüyī**, bā'-i zā'idenuñ zammıyle muzāri'-i müfred-i muḫātabdur; «ṭaleb [Ü179a] ider iseñ» dimekdür. **İy 'azīz**, ma'rūfdur. Ma'lūm ola ki Ḥudādan 'āfiyet istemek ile her mü'min

me'mürdür. Lâkin meşâyih-ı kirâm, 'âfiyeti bir nice ta'rîf ile tavşîf itmişlerdür. Ez-cümle Şeyh Şiblî [S187a] rahmetu'llâhi te'âlâ eyitmiş: 'Āfiyet didigimiz ağzuñ âfâtdan ve nefsuñ shehevâtdan ve qalbũñ ârzûlardan ve dînuñ bid'atlerden selâmetleridür. Ve ba'zılar eyitmiş: 'Āfiyet; belâsız nefis ve cefâsız muşâhib ve zahmetsiz rızq ve riyâsız a'mâldür. Ve ba'zılar eyitmiş: 'Āfiyet ondur. Beşi dünyâdadur ki; 'ilm ve 'amel ve ihlâş ve şükr-i ne'amâ ve kazâya rızâdur. Ve beşi 'uqbâdadur ki; nârdan necât ve kıyâmetde yüz ağılığı ve recehân-ı mîzân ve cevâz-ı şırâf ve duhûl-i Cinândur.

﴿ می توانش یافتن در چار چیز ﴾ Anı dört nesnede bulmak mümkündür. **Mî-tevân**, «mümkündür» dimekdür. Âhîrinde olan **şîn**, zamîr-i gâ'ibdür; çâr çizden 'ibâret olan 'âfiyete râci'dür ve **yâften** kelimesinüñ âhîrine merbûtdur. Ta'bîr; yâfteneş dimekdür. Ma'nâ «anı bulmak» demek olur. **Der-çâr çiz**, «dört nesnede» dimekdür. Ol dört nesne bunlardur ki zîkr olunur:

﴿ ایمنی و نعمت اندر خاندان ﴾ Biri emniyyet ve bir hânedân içre ni'metdür. **İmenî**, âhîrindeki yâ' maşdariyyedür. Ma'nâ «ğamm u endîşeden ferâğ ve havfdan âsüdelik»dür. **Vü ni'met**, İmenî üzre ma'tûfdur. Fârisî vü Türkîde ma'rûfdur. Lâkin 'Arabîde kesr-i nûn ile «mâl ve yed-i vazî'a»dur. Ve feth-i nûn ile «hoş dirlikler olmak ve ten nâzûklûğı» ve zamm ile «sürür» ma'nalarınadır. **Ender**, zarfiyyet içündür. **Hânedân**, «aşl evüñ dâ'iresinde olan havlî»ya dirler ki lisân-ı 'Arabda aña harem dinmişdür. Pes 'Arablar hâtûnlarından «harem» ile ta'bîr eyedikleri gibi 'Acem «hânedân» ile ehl-i beyt murâd iderler. Ammâ hân mân bunüñ gayrıdur ki ma'nâsı «menzile beñzeyici» dimekdür. Aşl mevzû'un lehi; yörük ve 'urbân ve ekrâduñ [Ü179b] evleri idi. Şoñra keşret-i isti'mâl ile hân mân «ev ü barq» demek olmuşdur.

﴿ تندرستی و فراغت بعد ازان ﴾ Ve biri beden sağlığıdur ve ba'de ferâğatdur. **Ten-dürüstî**, âhîrindeki yâ'-i maşdariyye ile «beden sağlığı» dimekdür. 'Arabîsi şihhatdür. **Ve ba'd-ez-ân**, ta'bîriyle ma'nâ; «ve andan şoñra» dimekdür. Ân ile işâret, ferâğatden muqaddem mezkûr olan eşyâ'-i selâseyedür. **Ferâğat**, «umûr-ı dünyevî ve zarûrât-ı beşerî kaydından âzâd u fâriğ u l-bâl olmak» ma'nâsınadır. Pes emniyyetüñ bâ'is-i 'âfiyet idigi bî-reybdür. Nitekim hâzret-i Hayder-i Kerrâruñ: رفاهة العيش فی الامن kelâm-ı dürrer-bârı bu beyânda âşkârdur. Ya'nî dürr-i şehvâr-ı 'ayş, dürr-i emn içre olur. Ve kâlâ-yı girân-bahâ-yı 'ayşâ harîdâr olan, anı şehir-i dâru'l-mülk-i emnde bulur dimekdür. Ve her hâlde [S187b] emniyyet kadar nâzûk nesne yokdur. Hattâ zamânede emniyyetüñ meslûbiyyetine zehâb ile ba'zılar:

درین وحشت سرایم کوشه' امنی نشد روزی

که همچون شمع هر جا میروم سر در خطر دارم

buyurmuşdur. Pes her ân u her mekânda 'ale'l-huşûş ki hânedânda olan emniyyet-i mâl ü cân ve emniyyet-i 'ırz u îmân kadar bir devlet olmaya dimişlerdür. Hattâ bir mekânda kişinüñ mâl ü cân u 'ırzına emniyyet olmasa, ol mekânda ikâmet ve mücib-i nedâmet ve ha'tâ-ender-ha'tâdur dimişlerdür. Ve ni'met ke-zâlık her ânda 'âfiyetden 'ibâretdür. Huşûşâ ki hânedân içre mütene'im olasin, ol kadar dahı hoş devlet olmaya. Zîrâ ma'âş-ı 'ıyâl umûrında bî-kayd olmayanda huzûr-ı qalb ile namâz u niyâz bulunmaz dimişlerdür. Nitekim Şeyh Sa'dînuñ:

ای گرفتار پای بند عیال

هرکز آزاد کی مبد خیال

beyt-i leṭāfet-iṣtimālī bu ma'nāya dālldür. Ve zübde-i esbāb-ı 'āfiyet, mesned-ārā-yı dāru'l-mülk-i şıḥḥat idigi:

Salṭanat didikleri ancak cihān ğavġāsıdır

Olmaya 'ālemde devlet bir nefes şıḥḥat gibi

beytinüñ mazmūnından hüveydādur. Ve daḥı bunlardan şoñra zübde-i nişān-ı [Ü180a] 'āfiyet (ü) kūşe-ğīr-i ferāġat olmaḡdır ki العزلة سلامة ḥadīṣ-i şerīfī bundan kināyedür. Yāḥod eşyā'-ı selāse-i mezkūreye neylden şoñra nīk ü bed-i cihāndan ve mihr ü kīn-i 'ālemiyāndan ḡaṭ-ı 'alāḡa ile fāriġu'l-bāl u āzāde-ḡāl olmaḡdır. Nitekim:

آب صاف و تیره صائب دشمن آیینه است

به که فارغ از خیال مهر و کین باشد کسی

bu ma'nāya güvāhdur. Ve ferāġatden murād āzādelik olmaḡ daḥı rüşendür, inşā'a'llāh ḡarīben maḡallinde beyān olunur. Lākin siyāḡ-ı āti'l-beyānda ferāġdan murād, fāriġu'l-bāl oldıġı ezherdür. Ve ferāġu'l-bāle mālīkiyyet ise ekmel-i esbāb-ı 'āfiyet ü ecmel-i envā'-ı devletdür. Pes nāzım eşyā'-ı erba'a-i mezkūrı tafşıl zımnında eyidür:

﴿ چونکه بانعمت امانی باشد ﴾ Çünki saña ni'met ile emniyyet ola. Murād; ḡaşıl ola dimekdür.

﴿ عافیت را زان نشانی باشد ﴾ 'Āfiyet saña andan bir nişān ola. Ya'nī; behredār-ı 'āfiyet olasın dimekdür. Zīrā:

﴿ با دل فارغ چو باشی تندرست ﴾ Ferāġ-ı ḡalb ile çünki şaġ u sālīm olasın.

﴿ دیگر از دنیا نباید هیچ جست ﴾ [S188a] Girü dünyādan hīç istemek gerekmez. **Diger**, «daḥı»; **ez-dünyā**, «dünyādan»; **ne-bāyed**, «gerekmez»; **hīç**, kesr-i hā' ile «aşlā» dimekdür. **Cüst**, zamm-ı cīm-i 'Arabī ile ism-i maşdardur; «ṭaleb» ma'nāsınadır. Pes bu mezkūrāta neylden şoñra ḡaṭ-ı ṭaleb-i lezzāt-ı dünyevī ile tedārük-i zād-ı uḡrevīde olmaḡ gerekdür. Nitekim nāzım bundan şoñra muḡālefe-i nefis ile dünyādan mübā'ade ve nefis-i emmāre ile mücāhede aḡvāline şurū' idüp buyurur:

Der-terk-i hevā-yı nefis

﴿ بر میاور تا توانی کام نفس ﴾ Mā-dām ki ḡādīrsin nefisüñ murādın ḡaşıl eyleme. **Ber-me-yāver**, «ḡaşıl eyleme» dimekdür. **Tā**, bunda «mā-dām» ma'nāsınadır. **Tevānī**, «ḡādīrsin» dimekdür. **Kām**, kāf-ı 'Arabī ile «murād» ma'nāsınadır. Nitekim murād süriciye «kām-rān» dirler. Mā-ba'dine muzāfdur. **Nefs**, emmāredür. Ma'lūm ola ki النفس مولعة تحب العاجل meşel-i sā'iri üzre nefis-i emmāre telezzüzāt-ı dünyeviyye [Ü180b] ṭalebine ḡarīşa vü mecbūledür. Ve her bir müştēhāt bābında maḡbūledür. Ve her sâ'at biñ dürlü lezzāta ṭālibe vü şehevātına ḡuvvet virdikde şāḡibinüñ üzerine ḡālibedür. Anunçün beyt:

میر طاعت نفس شهوت پرست

که هر ساعتش قبله' دیکرست

dimişlerdür. İmdi kendüye muhâlefet, bâ'is-i selâmet-i dâreyndür. Ve muvâfaqat, sebeb-i vuqû'-ı dâm-ı bilâ-şeyndür. Hattâ nefsün zâtı mü'minün sicnidür. Ol sicnden halâş olmayan, kazâ-yı rızâya yol bulamaz diyü evliyâ'-i kirâmdan Süleymân-ı Dârânî: النفس سجن المؤمن kelâmıyle bu ma'nâya îmâ buyurmuşdur. Nitekim nâzım daşı eyidür:

﴿ تا نیفتی ای پسر در دام نفس ﴾ İy oğul! Tâ ki nefsün tızağına düşmeyesin. **Tâ**, «tâ ki»; **ne-yüfti**, muzâri'-i muhâtab-ı menfîdür; «düşmeyesin» dimekdür. **İy püser**, «iy oğul»; **der-dâm-ı nefis**, «nefs tızağına» dimekdür. Dâm bunda «tızağ» ma'nâsınadır. Ve gâhî çâr-pâ cinsinden yırtıcı olmayan cân-vere daşı dirler. Zîrâ yırtıcı olana «ded» dirler. Pes nefsün zâtı sicnden 'ibâret olduğına göre gün-â-gün tızağı olmak bî-iştibâhdur. Ve ol tızağı neticesi ne'üzü bi'llâh 'azâb-ı İlâhdur. Hattâ *beyt*:

دل بی ارزو اسوده از تشویش می باشد

بقدر ارزو دلہای مردم ریش می باشد

maẓmûnınca ârzû-yı dil her ne kadar olur ise şâhibinün qalbi ol kadar mecrûh olur. Pes dil-i bî-ârzû teşvîşden âsûde olur dimişlerdür. [S188b] Lâkin nefsün ekl ü şûrb ü kisveden levâzım-ı muqaddere-i şer'iyenün haddini bilmek lâzımdur. Tâ ki ol hâdden ziyâdeyi talebden kendüni men' ü ref' ile şerrinden emîn ola. (...[S189a, Ü181a]...) Pes nefs-i emmâre her bâr haram mertebesi ekl ü şûrbe tamar'kar ve her bir muharremâtuñ huşûline tâlîbe ve her bir müşteheyâta râğûbedür. İmdi 'âkıll olan kerâhiyye vü istihsân kitâbından sebak-ı hân-ı hîll ü hürmet olup nefsün me'talibât-ı nâ-şer'iyyesinden mucânebet ve tenzîf-i derûna mübâderet ile tekmi'l-i madda ve râh-ı rızâ-yı İlâhda sâlik-i câdde ola. Ol zamân leked-kûb ile nefs mağlûb ve pâkîze ez-uyûb olup, âlât-ı def'-i tedârûki zahmetden [Ü181b] halâş bulur. Nitekim buyurmuşlardur:

آنقدر با تن مدارا کن که جان صافی شود

خرمنت چون پاک گردد پای بر غربال زن

Ya'nî; nefis ü beden ile ol kadar müdârâ kıll ki cân şâf u pâk ola. Çünkü hırmenün pâk ola; ol zamân gırbâl üzre ayak çal dimekdür. Murâd ma'lûmdur. Pes mekâ'id-i nefsdan halâş için:

﴿ زیر پای آور هوای نفس را ﴾ Nefsün hevâsını ayak altına getir. Ya'nî; ma'tlûbını virme dimekdür. **Zîr-i pây**, «ayağ altına»; **âver**, emr-i hâzırdur; «getir» dimekdür. **Hevâ-yı nefis**, «nefsün meyl itdiği me'talib-i nâ-şer'iyye»dür. **Râ**, edât-ı me'fûldür. (...) Hevâ, hadd-i şer'î tecâvûzden 'ibâretdür. İmdi hevâ-yı nefsi ayak altına getürmek, iddi'âsını ibtâlden kinâyedür. 'Âkıll-ı kâmile lâzım olan budur. Zîrâ bir serî'u'z-zevâl olan hevânun nevali, müddet-i medîd-i vebâline degmez. Ve serî'u'z-zevâl-i hengâme-i hevâ vü hevesi 'ıyânda:

یک ساعتیست کرمی هنگامه هوس

زود از سر حباب هوا میرود برون

dimişlerdür ve me'âli ma'lûmdur. Pes “nefsi bi'l-küllîyye helâke mi virmelü?” diyü su'âl-i muqadder peydâ olmağın ânifen beyân olındığı üzre halâlden mendûb miqdârın virmegi işâret ile nâzım eyidür:

﴿ كم بدو ده بهره های نفس را ﴾ Aña nefis behrelerin eksik vir. Ya'ni; kendüyi şib^e mertebesi ekl ü şürb ile besleme ki toymaz ve toydıkda seni rāhat koymaz dimekdür. **Kem**, «eksik» ma'nāsınadır. **Bedo**, «be-o» yirindedür; ma'nā «aña» dimekdür. O zāmīrdür; nefse rāci'dür. **Dih**, kesr-i dāl-i mühmele ve sükün-ı hā ile emr-i hāzırdur; ma'nā «vir» dimekdür. **Behrehā**, cem'dür; «naşibler» [S189b] dimekdür. Müfredi «behre»dür. Hā, edāt-ı cem'dür. Hādan şoñra olan yā', mā-ba'dine izāfet ecli içündür. **Nefs**, ma'rūfdur. **Rā**, edāt-ı mef'ūldür. Pes nefsüñ tab'ı habīs olmağın dā'imā kār-ı hıssat-āşāra mā'ıldür. Nitekim [Ü182a] āteş has ü hāşāk ile muttaşıl zinde olur. Nitekim:

نفس خسیس دائم کار خسیس دارد

پیوسته زنده باشد آتش ژاژخایی

bu ma'nāya güvāhdur. Ke-zālik nefis, düzağ-meşrebdür. Her ne kadar kendüye ğidā virseñ: هل من مزید dimekden hālī olmaz. İmdi kendüyi rıfķ ile gözetmek gerekdür. Hattā kendüyi tā'ate sevķ için ba'zan hadd-i şer'î üze ekl ü şürb ü nevm ü kelām-ı mübāh ile tefrīh ü neşāta dā'ir ebyāt u eş'ār-ı İlāhiyyāt āşāriyle tervīh u tesliyyetüñ cevāzını Huccetü'l-İslām taşrīh idüp: روحوا القلوب فانها اذا كرهت عيت hadīs-i şerīfin irād buyurmuşdur. Nāzımuñ «kem bedo dih behrehā» ile behre-i nefsi noķşāna ve kendüye içā'-i levāzımı «kem» ile getürdigi bu nikāte işāretdür. Ve illā her me'tālibin içā' eyleseñ nefis ile şeytān murāfaķat idüp, şāhib-i nefsi rāh-ı Hāķķdan idlāl ve üftāde-i çāh-ı vebāl iderler. Nitekim nāzım eyidür:

﴿ نفس و شیطان می براند از ره ترا ﴾ Nefs ile şeytān seni yoldan iltürler. **Nefs-i emmāre vü şeytān-ı lā'īn, mī-berend**, feth-i bā' ile muzāri'uñ cem'-i gā'ibidür. «İltürler» dimekdür. Maşdarı zamm-ı bā' ile «bürden»dür. **Ez-reh**, «yoldan» dimekdür. Buña göre rāhdan murād tarīķ-ı müstaķīm olur. Ve sābıķan beyān olındığı rāhuñ, mertebe ve hūş ve resm ma'nālarına göre mertbeden murād; rütbe-i şalāh u felāh ve hūşdan murād; idrāk u temyīz-i haķķ ve resmden murād; kavā'id-i İslāmiyye olur. **Tu-rā**, «seni» dimekdür. Pes nefis ile şeytānuñ reh-zen oldıkları egerçi sābıķdan ma'lūmdur. Lākin 'illet-i gā'ibe-i kaç-ı tarīķ ne oldığın bunda taķķıķ murād olınmışdur ki budur:

﴿ تا بیندازند اندر چه ترا ﴾ Tā ki seni çāh içine atalar. **Tā**, bunda ğaraż «içün»dür. **Bi-yendāzend**, muzāri'-i cem'-i müzekker-i gā'ibidür; «ilkā ideler» dimekdür. Pes Fārisinüñ teşniye vü cem'leri, şīğa-i vāhid üze geldiginden, maķām-ı teşniyede cem' şīğalarıyla mışrā'-ı evvelde mī-berend ve bunda bi-yendāzend dinmişdur. [Ü182b] Bu kelime ķable-duħūl-i bā'-i istiķbāl «endāzend» idi. Evveline bā'-i mezkūr geldiginden ķā'ide-i Furs üze elif yāya dönmişdur. **Ender**, zarfiyyet içündür. **Çeh**, çāhdan muħaffefdür. Muṭlaķā «ķuyu» [S190a] ma'nāsınadır. Lākin bunda murād çāh-ı zindān-ı dālāletdür ki encāmı ğayyā ķuyusıdır. Zīrā ber-manṭūķ-ı āyet-i kerīm(e) izā'at-ı şalāt ve ittibā'-ı şehevāt şāhibleri ol ķuyuya ilkā ile mu'azzeb olacaķdur. Ve mezkūr ğayyānuñ harāreti şöyledür ki cehennem anuñ şerrinden ğünde yetmiş kerre Hudāya şığınur dimişlerdür. İmdi remyi nefis ile şeytāna nisbetde mecāz vardır; sebebine isnād ķabılindendür. **Tu-rā**, «seni» dimekdür. Ma'lūm ola ki nefis ile şeytānı zāhirde va'z-ı dil-pezīr ve bāṭında dām-ı şafīr ile pūr-tezvīr olan «şüret uğrıları»na teşbīh itmişlerdür. Şafīr, ağız ile olan ışıķ ma'nāsınadır. Murādları insānı mürğ-i bī-çāre gibi giriftār-ı dām-ı belā ve fütāde-i çāh-ı ķazā

eylemekdür. Pes şayduñ mülâyimi dām u çāh olamağın nāzım bu nikāte işāret için sâbıkda «dām»ve bu maķāmda «çāh» zıkr eylemişdür. Bunda kelām-ı meşâyıl şöyledür ki; vücūd-ı insānī, enbār gibidür ve şeytān-ı laʿīn müş gibidür ki ol enbārı sūrāh sūrāh itmededür. Kaçan istirāka için nefis muʿāvenetiyle derūn-ı enbār-ı derūna duhūl eylese nūr-ı t̄āʿāt ile mūnevver olan dāne-i zevkī perīşān idüp, şekeri zehr ve luṭfī kahrđan ʿibāret olan dāne-i müşteheyāt-i nefsi mürğ-ı dile ibrāz ve nefsi üzerine ibrām-sāz kılup birbirlerinin ʿānet ü mefsedetleriyle mürğ-ı bī-çāre gibi olan insānı, giriftār-ı dām-ı vebāl ve endāhte-i çāh-ı dālāl iderler dimişlerdür. Pes bu varṭaya vuķūʿ, nefis-i emmārenüñ vesvese-i şeytānı kabūl ve her müştehātı talebde mecbūliyyetinden nāşī olduğından aşl ihlāk ile işlāh ve đarb ile te'dīb idecek nefsdür dimegi t̄zāh için nāzım eyidür:

﴿ نفس را سر کوب و دائم خوردار ﴾ Nefsün başını döğ ve dā'imā ħor ħākīr tut. **Nefs-rā**, «nefsi»; **ser-kūb**, bu kelime üç ma'nāya gelür. Evvelkisi, kal'aların ġāyet yüksek yiri ki eṭrāfa müşrif ola ki maḥallinde üzerine çıkup eṭrāfa nazar ideler. İkincisi, terkīb-i tavşīfī olmağıla baş kalkıcı dimekdür. Üçincisi, Mü'eyyedü'l-Fuzalā nām kitābuñ [Ü183a] beyānı üzre ceng ü ħuşūmetde kavī olan ħarīfe dirler. Ammā işlāh-ı şuʿarāda, her kande māhir ve her şıfata kādīr ādeme dirler. Yalnız kūb lafzı beş ma'nāya gelür. Evvelen, đarb; sāniyen, tokınmaķ; şālisen, [S190b] pīl-bānların isti'māl eylediği ālet; rābi'an, bir nev'a būriyādur ki şazı ġāyet nerm olur. Ĥāmisen, emr ve vaşf-ı terkībīde vuķū'ıdur. Pes bu maķāmda ser-kūb kelimesini nefse şıfat düşürüp; nefis-i ser-kūb-rā ya'nī bām-ı kal'a-i bedende eṭrāfa nāzır olan ve ser-zeniş idici ve cengde kavī ve fenn-i fesādda māhir olan nefsi dā'imā ħākīr tut ki bu dağdağalarından emīn olasın dimek ma'ānī-i muḥtemeldür. Lākin bi-muʿāveneti'l-maķām zāhir olan ser lafzını, nefis lafzınuñ üzerine teslī ile; ser-i nefs-rā, ya'nī nefsün başını kūb; đarb eyle. **Ü dā'im**, «dā'imā»; **ħ'ār**, «ħākīr»; **dār**, «tut» dimekdür. Bu ta'bīr ziyāde zecre müsteħakķuñ başına urmaķ 'ādetine mebnīdür. Ve başa bir urmaķ vaķt olur ki nazar ve sem' ve zevķ ve şemm ħavāsslarına tamām ħalel virür. Nitekim ħazret-i Ömer rażıya'llāhu 'anhuñ vaķt-ı devlet ü hengām-ı ħükümetinde bir kimesne bir kimesnenüñ başına bir müşt đarb itmegın, đarbından ħalel-i mezkūr vākı' olup, emīru'l-mü'minīn diyāt-ı erba'a ile ħukm eylemişdür. Pes sen daḥı bu gūne đarba sa'y eyle ki nefis-i emmāre metā'-ı müzaḥrafāt-ı dünyāya nazardan ve ħılāfiyyātı istimā'dan ve mütelezzizāt-ı muḥarremeyi zevķden ve meşmūmāt-ı fenāyı istişmāmdan maḥrūm ve bu cihet ile emriñe mūm ola. Yāħod nefis-i emmāre pīç ü tāb ile insāna ıztırāb virmekde mār-meşrebdür. Pes māruñ helākinde 'ādet, başını dögmek olmağın bu vechile nefsi ihlāke sa'y eyle dimege bunda nūkte virmek mümkındür. Nefsi ihlāk kadar bir ħaşlet-i pāk olmaya. Nitekim Bāyezīd raḥimehu'llāh eyitmiş: Nefsini öldüren kefen-i raḥmete şarup arz-ı kerāmete defn ider. Ammā ħalbini öldüren kefen-i la'nete şarup arz-ı nedāmete defn ider, intihā. Ve nefsi ħākīr tutmağı devām ile rabṭ-ı irā'et, tarīķ-ı zabṭıdur. Zīrā leyl ü nehār cife-i dünyāya mūla'a vü taleb-kārdur. Ve nefis dünyādan dūr oldıkça nefis olur. Anuñçün nāzım eyidür:

﴿ تا توانی دورش از مردار دار ﴾ Mā-dām ki kādīrsin anı murdārdan ıraķ tut. **Tā**, bunda «mā-dām» ma'nāsınadır. **Tevānī**, «kādīrsin» dimekdür. **Dūr**, «ıraķ» dimekdür. Ĥġirindeki şīn, zamīr-i ġā'ibdür; ma'nāda mef'ūldür ve nefse rāci'dür. **Ez-murdār**, «cīfeden» dimekdür. [Ü183b] Murdār,

«ölmişüñ koçmış göğdesi»dür ki aña Türkîde leş dirler. Bundan murād dünyādur veyā muḥarremātdur. [S191a] Ez-cümle ḥarām mertebesi ekl ü şürbden nefsiñi uzak; **dār**, «tut» dimekdür. Zîrâ;

﴿ نفس بدرا هرکه سيرش ميکند ﴾ Yaramaz nefsi her kim ki tōk ider. Murād; şib^c üzre tutar dimekdür. **Nefs-i bed-râ**, «kötü nefsi» dimekdür. Bedligi emmāretün bi's-sü' oldığındandır. **Her ki**, «her kim ki»; **sîr**, sîn-i mühmelenüñ fethaya imālesiyle «tōk» ma'nāsınadır ki 'Arabîde «şib^c»dür. Âhîrindeki şîn zamîrdür; nefse rāci'dür. **Mikoned**, «ider» dimekdür. Ma'lûm ola ki keşret-i ekl ü şürb ile nefsi teşbî' şer'an mezmûmdur. (...)

﴿ در کنه کردن دليرش ميکند ﴾ Ol nefsi günāh eylemekde bahādır ider. **Der-güneh kerdên**, «günāh eylemekde»; **dilîreş**, «anı bahādır u şecîr» dimekdür. Dilîr, şecîr ma'nāsınadır. Âhîrindeki şîn, zamîr-i nefse rāci'dür. **Mikoned**, «ider» dimekdür. Ma'lûm ola ki nefis kaçan sîr olsa fî'l-i zenbe dilîr olur. Zîrâ şeb'âniyyet, baṭn şāhibinüñ bedenin semîn ve ḳalbin za'îf ve shevâtun sāmih ḳılar. (...) Ve semîniyyet, ḳalbün mevtine sebebdür. Zîrâ ḳalbe meşğûl olan ḥayât-ı dînî, cesedi zevb idüp semîniyyete ḳoymaz dimişlerdür. Ḳalbün imātesi ise ḥusrân-ı 'azîmdür. Ve şib^cden, semāhat-i shevatuñ ḥuşûli vāreste-i ḳayd-ı beyāndur. Zîrâ baṭnuñ şib^ci vaktinde cümle a'zâlara cû' tārî olup muḳtezâ-yı shehevât üzre fî'l-i zenbe cesâret ü cerâ'et cārî olur dimişlerdür. Ve muṭlaḳā nefsi mütelezziz nesnelerden mücānebet, belâlardan [S191b] berâ'et ve günâhlardan [Ü184a] selāmete bâ'is olmağın, mecrâ-yı lezâ'iz olan boğazı mezâyâ-yı nefsâniyyeden dūr itmek lüzûmını naşîhat içün nâzım eyidür:

﴿ حلق خودرا دور دار از هرمرزه ﴾ Kendi boğazını her lezzet-i dünyevîden ırâḳ tut. **Hulḳ-ı ḥod-râ**, dâr fî'linüñ muḳaddem-i mef'ûlidür; ma'nâ «kendi boğazını» dimekdür. **Dür**, «ırâḳ»; **dâr**, «tut»; **ez-her-meze**, «her bir lezzetden» dimekdür. Zîrâ mezze, lezzet ma'nāsınadır ki Türkîde aña tatlu dirler.

﴿ تا نیفتی در بلا و در بزه ﴾ Tâ ki belâya vü günâha düşmeyesin. **Tâ ne-yüftî**, «tâ ki düşmeyesin» dimekdür. **Der**, bunda müsâmaḥaten «ilâ» ma'nāsınadır. **Belâ**, fethile 'Arabîde «naḳmet ve imtiḥân ve yaramaz nesne» ma'nâlarındadır. Pes belâ-yı mezkûr dünyevî vü uhrevîden e'ammdur. Zîrâ boğazı derdinden boğazı ele virmişler ḥadden bîründür. Ve âḥîret belâsı ise ḳıyâsdan efzündür. Hemân selāmet, nefsiñi lezâ'ize alıḫdurmamaktadır. Yoksa tatlu, eñsesinde şāhibine çok belâ acılıḳları gösterür. **Vü der-beze**, der belâ üzerine ma'tûfdur; ma'nâ «ve günâha düşmeyesin» dimekdür. Beze, günāh ma'nāsınadır. Nitekim güneḳkâra, «bezekâr» dirler. Ma'lûm ola ki telezzüzât-i nefsâniyyeden boğazın pāk itmeyenler dāreynde belâ vü günâha giriftâr ve zevḳ-ı rûḥânîden ḥırmân ile idbâr olur. Ammâ ḳaṭ'-ı ḥükmî ile lezâ'iz-i dünyeviyyeden boğazın kesenler, nâ'il-i lezâ'iz-i 'uḳbâ ve vâsıl-ı şevâb-ı şühedâ olurlar. Nitekim şer' u 'adl üzre ḥaḳîḳaten boğazı kesilen ḥayvānuñ laḥmi, insân-ı şeref-nişāna gıdâ ve ba'de'l-hazm insānuñ bir cüz'i ḥükminde olmağıla kesb-i şeref ider. Pes fî-sebîlillāḥ ḥaḳîḳaten hulḳı bürîde olan şühedānuñ şân-ı 'âlîlerin bundan ḳıyâs eyle ki; boğazları lillāhi te'âlâ lezâ'iz-i dünyādan bürîde olmak berekâtında ber-mücib-i âyet-i سبيل الله في قتلوا ولا تحسبن الذين قتلوا ilâ-âḥîrî'l-âyeḥ merzûḳ min 'indi'llāḥ oldukları ve nûş-ı şarâb-ı şehâdet ile ezvâḳ-ı cāvidanî buldıkları bî-iştibâhdur. Pes ḥukemâ

boğazın mezāyā-yı nefsanīden kesenler bu hükmdе olur dimişlerdür. Ve böyle olanlar nā'il-i ezvāk-ı rūhānī ve vāşıl-ı rızā'-i Raḥānī olmaḳ bī-reybdür. Nitekim *beyt*:

غداى روح شد در دل شکستم هر تمنایى
لباس عافیت کر دید چشم از هرچه پوشیدم

beyt-i laṭfī bu beyāna güvāhdur. Pes bilā-idāmin yalnız āb u nān-ı ḥuşke ḳanā'at, bā'is-i ḥayāt-ı ḳalbdür. Ve ḳalb-i pāk ise zād-ı rāh-ı merdān-ı [Ü184b] İlähdur ki aña zād-ı 'āşıḳîn [S192a] ü nevāle-i 'ārifîn dimişlerdür. Ammā ten-perverān olanlar, tennür āteşinde fikr-i nāna düşmişlerdür. Nitekim *beyt*:

دل بود زاد ره مردان و ما تن پروران
در تنور آتشین از فکر نان افتاده‌ایم

bu ma'nāya dālldür. Ḳaldı ki mezāyā-yı nefsanīyyeden ḥulḳı dūr ve āb u nān-ı ḥuşke ḡıdāsın maḥşūr idenler daḫı ḥayvān gibi ḥaddi tecāvüz itmek gerekdür demek beyānında nāzım eyidür:

﴿ زآب و نان تا لب شکم را پر مساز ﴾ Āb u nāndan ḳarnı ṭudaḡa dek ṭoldurma. Ya'nī çok yimek yime dimekdür. **Z'āb u nān**, «şudan vü etmekden»; **tā-leb**, «ṭudaḡa dek»; **şikem-rā**, «ḳarnı»; **pür**, «memlū»; **me-sāz**, «düzme» dimekdür. Zīrā ber-mantūḳ-ı ḥādīs-i şerīf, Ḥudā derūn-ı ādemīde üç maḥall ḥalḳ itmişdür. Biri āb ve biri nān ve biri nefes içündür. İmdi nefese yir ḳoymayup cümlesin pür-āb u nān itmek şıfat-ı ḥayvāndur. Pes riyāzat-i şer'iyyeye ri'āyet ile cūc, nūr-ı ḥikmeti cālibdür ve şibc, tebā'ud-i İlähī ile ḳurb-i raḥmeti sālībdür. Nitekim: نورالحكمة الجوع و التباعد من الله الشيع ḥadīs-i şerīfī bu ma'naya güvāhdur. Ve şibc'ün tebā'ud-i İlähīye sebep oldıḡı, düzaḡ-meşreb olan nefes-i emmārenūñ ṭa'ām-ı ḥuṭām-mişālden ḥāşıl duḡānından derūnuñ siyāh ve mesāmm-ı ma'ārifūñ mesdūd u tebāh olmasındandır. Daḫı ḥazret-i Mevlānānuñ, birgün الامانة انا عرضنا āyetin tefsīr iderken bir ma'nā-yı laṭīf-i dīḡer beyānı var idi. Lākin bugün ekl ü şürb, beyān-ı lisānını lāl eyledi diyü buyurdıḡı Meşnevīsinde meşṭürdür. Ol ḥazretūñ ise ekl ü şürbe riyāzātı meşḥürdür. İmdi ekl ü şürbde vech-i şer'ī üzre ḥareket ve riyāzata ri'āyet ile ḳarnı arḳasına yapışanların çeng-i sīr-āheng gibi şadāsı peyveste-i ṭarab-sāz-ı 'ālem-i zāhir oldıḡı *beyt*:

از ریاضت هرکه را بر پشت می چسپد شکم
نالهاش چون چنک سیراهنک می آید برون

beyt-i leṭāfet-meşḡūnından hüveydādur. Ammā āb u nān ve lezā'iz-i bī-kerān ile ten-perverlik, ādemi şūret-i dīvār düzer. Pes ḡafletden nāşī dīvār-ı (ten)-āsānlıḡa itimād itmek gerek dimişlerdür. Nitekim:

صورت دیوار میسازد ترا تن پروری
تکیه از غفلت بدیوار تن آسانی مکن

bu ma'nāya güvāhdur. Ḥattā libās-ı ten üzre āb u nāndan baḡye-zen olmaḡı, zindāniyān-ı bī-başīretūñ raḡne-i zindānı balçık ile seddine temşīl idüp:

[Ü185a] بخیه تا کی برلباس تن زآب و نان زدن
[S192b] از بصیرت نیست کل بر رخنه زندان زدن

beytiyle beyân buyurmuşlardır. Ve fi'l-ḥaḳīḳa zindān-ı bedenden maḥbûs olan rūḥ-ı pür-fütûḥuñ, manẓara-i âlem-i envâr olan revzenlerin bu vechile sedd eylemek ehl-i başîret kârı degüldür. İmdi derûnı pür-âb u nân eylemek şıfat-ı ḥayvânî olduğundan nâzım eyidür:

﴿ **همچو حیوان بهر خود آخر مسان** ﴾ Ḥayvân gibi kendiñ için âḥur düzme. **Hemçü**, kelime-i teşbîhdür; mā-baʿdine muzâfdur. **Ḥayvân**, ʿArabîdür; her bir müteḥarrik bi'l-irâde olan cism-i nāmî vü ḥassâsa şāmildür. Lâkin bunda âḥur ḳarînesi ile ḳavâ'im-i erbaʿa şāḥibi olan ḥayvân-ı ʿalef-ḥʿâr murâddur. **Behr-i ḥod**, «kendiñ için» dimekdür. **Âḥur**, fetḥ-i hemze ve zamm-ı ḥā'-i muʿceme ve sükûn-ı rā'-i mûhmele ile «ṭavaruñ yem yidigi çukur ve ḳurne»dür ki Türkîde ʿavām taḥrîf idüp âḥur dirler. ʿArabîsi «ıştabl»dur. **Me-sâz**, kemâ-merre nehy-i ḥâzırdur; «düzme» dimekdür. Bundan murâd ḥayvân toydığın bilmez ve keşret-i eklden peydâ olacaq zararı añlamaz. Nitekim baʿzı ḥayvâna arpalama ʿilletinüñ vukûʿı meşhûrdur. Pes insân eşref-i maḥlûḳât iken ḥaslet-i çâr-pâ ile ṭabʿat peydâ idüp dînen ve ʿirfânen ve ṭıbben zararlara mübtelâ ve başından baḡlu ḥayvân gibi ıştabl-ı sefîlde merbûṭ-ı âḥûr-ı یشtiḥ olmak revâ degüldür dimekdür. Pes ʿâḳıle dâreynde nâfiʿ olan ekl ü şûrbi taḳlîldür. Taḳlîl-i maṭlûb ise şavm ile mümkündür. İmdi ʿadl-i şerʿî üzre riyâzat-ı şavma mübâderet ile ḳillet-i ekl ü şûrbe müdâvemetdedür. İmdi şā'im olamaz iseñ bārî ḳillet ü ekl ü şûrbe müdâvim ve ḥayvân şıfatından mucânebet mülâzım ol demek birle nâzım eyidür:

﴿ **روز کم خور کرچه صائم نیستی** ﴾ Gündüz ṭaʿām az yi, egerçi şā'im degilsen. **Rûz**, «gündüz»; **kem ḥor**, «az yi» dimekdür. Pes kem lafzınıñ aşl maʿnâsı olan nokşānlığa ḳillet lâzım gelmegin bunda maʿnâ-yı lâzımı murâd olunmaḳ zâhirdür. Ḥor kelimesi bunda emr-i ḥâzırdur; «yi» dimekdür. Maşdarı ekl maʿnâsına «ḥorden» gelür. İsm-i fâʿili «ḥorende»dür ki ʿiyāl maʿnâsınadır. Bu lafz ḳaçan terkîb-i tavşîfide vâḳıʿ olsa ʿalâmet-i ism-i fâʿil olan «ende» lafzı olunup baʿdehü vāv-ı resmînüñ mā-ḳabline bir elif getürilür. Meşelâ, bisyâr-ḥʿâr gibi ki «çok yiyici» dimekdür. Kem-ḥʿâr, [Ü185b] «az yiyici» dimekdür. Pes nâzımuñ ḥor kelimesinde elif getürmediği, kem lafzı ile ʿadem-i terkîbine ḳarînedür. **Gerçi**, «egerçi» dimekdür. Baʿzı nüshada bu kelimenüñ mevḳıʿine [S193a] çünki kelimesi vâḳıʿdur. Maʿnâ maʿlûmdur. **Şā'im**, ʿArabîdür; «oruc ṭutucı» dimekdür. Fârisîsi «rûzedâr»dur. **Nîstî**, «degülsen» dimekdür. Âḥirindeki yā', ḥiṭâb içündür. Pes bunda ḳillet-i ekl ü şûrb, ḳahr-ı nefste şavma muʿâdildür dimege işâret vardır. Bu maʿnâca ḳillet-i ekl ile nefsinı ḳahr iden şā'im şevâbı bulmaḳ zâhirdür. Nitekim kem-ḥʿârlığı nâzım Müferriḥâtında bu resme medḥ idüp eyidür:

ز کم خوارى بود عاقل بصد کام

نباشد به ز کم خوارى در ایام

ز کم خوارى بیابى نعمت و ناز

در نعمت بکم خوارى بود باز

ز کم خوارى نکردى در جهان خوار

ز بر خوارى کشى خوارى بسیار

Ya'nî; kem-h^vârlıktan 'âkıll her kâma nâ'il olmağın eyyâmıda bundan nâzûk nesne olmaya ve bundan der-i ni'met bâz olmağın, kem-h^vârlıktan vâşıl-ı ni'met ü nâz olursın. Ve kem-h^vârlıktan cihânda h^vâr olmazsın. Lâkin bisyâr-h^vârlıktan çok hâkâret ü rezâlet çekersin dimekdür. Pes imdi:

﴿ پر مخور آخر بهائم نیستی ﴾ Çok yime âhir behâ'im degülsin. **Pür me-ğor**, «çok yime» dimekdür. **Âhir**, «nihâyet-i kârda» demek murâddur. **Behâ'im**, cem'-i 'Arabîdür; müfredi «behîme»dür. Behîme, berr ü baħrde olan dört ayaklı hayvâna dirler. **Nîstî**, kemâ-merre degülsin dimekdür. Pes keşret-i eklüñ şîfat-ı behâ'im idigi bî-reybdür. Ve bu şîfat insâna, meşâ'ib-i dünyâ vü ma'ârif-i 'uğbâyı îrâş ider. Zîrâ keşret-i ekl ü şûrbden rûh-ı sâliküñ ma'ıyyesi olan cesede sıklet ve nefsuñ mehâliklerine îkâ'-ı ħaserâtın celb idicidir. Ez-cümle, keşret-i eklden keseli muhteżî olan; vefret-i nevm ve taẕyî'-i 'ömr ve kâsret-i ħalb ve tûl-i emel ile mevtden ħaflet hâlleri peydâ olur. Qaldı ki ħadd-i şer'iden ziyâde kıllat-ı ekl ü şûrbden daħı ħiddet-i mizâc ve sū'-ı ħulq-ı bî-'ilâc ve taħşîl-i kemâlden nefse kelâl ü melâl peydâ olur. İmdi cū' ile şib'üñ mekâ'id-i ħabiyye vü rezâ'il-i ħafiyyesinden ħazer gerekdür. Zîrâ bunlaruñ ma'nâlarında seher ü nevm; sükût u kelâm; 'uzlet [Ü186a] ü ħaltat; fakr u ħinâ; 'uzûbet ü tezevvüc ve emşâlleri nesneler vardır. Ve bunlaruñ her birinde menâfî' ü mazarrat ve fevâ'id ü beliyât bulunur. İmdi bâdi'n-naẓarda baķup: "Cū'da şerr yokdur" dimemelidir. Şib' ü cū'da ifrât u tefrîṭ mezmûm ve iktisâd mertebesi kıllatlar memdûhdur. Zîrâ şib'de kanâ'at ve nefse mâlikîyyet ve kâmf-ı şehvet ve devâm-ı şıĥḥat ve şafâ-yı bâl ile ħiddet-i zihne delâlet vardır. Ve şiddet-i [S193b] şib'de galebe-i şehvet ile şîfat-ı ħayvâniyyet ve keşret-i nevm dâ'ir kesel ü ħaflet mazarratı vardır. İmdi ħayvân gibi hemân ekl ü şûrb ile nevm kâşr-ı maṭlab itmeyüp iktisâdı elden qoymamaķ gerekdür. Nitekim nâẓım eyidir:

﴿ ای که در خوابی همه شب تا بروز ﴾ İy kimse ki dükeli gice şabâħa dek uyķudasın. **İy ki**, «iy kimse ki»; **der-h^vâbî**, âħirindeki yâ', ħiṭâb içündür; ma'nâ «uyķudasın» dimekdür. **Heme şeb**, «dükeli gice» dimekdür. Murâd her gicenüñ cemî' eczâ'larında dimekdür. **Tâ-be-rûz**, tâ intihâ'-i ħâyet içündür. Bâ, ẓarfıyyet içündür. Rûz, gündüz; 'Arabîsi nehârdur ki tûlû'-ı şafaķdan ħurûb-ı şemse dekdür. Pes ħâyet-i ma'nâyâda(?) dâħil itibârına göre maķâmdan mübâlağalık bulunduğı zâhirdür. Tâ-be-rûz, «şabâħa dek» ya'nî «tûlû'-ı şemse dek» demek olur. Nitekim zamânede ekşer-i 'avâmuñ ħâli böyledür. Ve eger dâħil itibâr olunmaz ise tûlû'-ı şafaķa dek demek olur. Nitekim ba'zı şeheri nevm ile geķürüp şafaķda bîdâr olanuñ ħâli böyledür. Ma'neyn-i mezkûreyne göre; iy giceyi tamâmen nevm ile güzër idüp şehir-ĥîzlikden bî-ħaber olan kimse demek olur. Ma'lûm ola ki giceleri nevm güzërân iden h^vâb-âlûdlar, kıyâm-ı leyl ve şehir-ĥîzlik ile me'lûf olan ehl-i sa'âdetüñ nâ'il olduğı devletden maħrûm olur. Ez-cümle, h^vâb-ı şubḥ mâni'-i rızķ olur. Nitekim الرزق الصبحة تمنع الرزق ħadîṣ-i şerîfi tercemesinde:

Qısmet-i merdüm-i şehir-ĥîzün

Genc-i ħaybden irür imidâdı

Men'-i rûzî vü telḥî-i 'iṣe

H^vâb-ı nûşîn-i şubḥdur bâdî

dimişlerdür. İmdi mü'minüñ ekşer-i evķât-ı leyâlîsi seher ve bîdârî-i şehir ile güzër itmek ħoşterdür. Nitekim bîdârî-i şehir için H^vâce Şâ'ib bir maḥallde:

شیوه' زنده دلانست درین باغ چو کل
همه شب غنچه شدن وقت سحرخیزیدن

buyurmuşdur. Ya'nî; bu bâğda gicenüñ dükelisinde gonce olup hengâm-ı seher, gülveş küşâyış-i çeşm ile seher-hîz olmak zinde-diller şivesidür dimekdür. [Ü186b] Zinde-dilândan murâd merdân-ı İlâhîdür ki hayât-ı qalbe nâ'il olmuşlardır. (...[S194a]...) Pes ma'lûm ola ki her leyl ü nehârüñ yekûn-i sâ'ati yigirmi dördür. Nevm-i itidâl bunüñ şülüşidür ki sekiz sâ'atdûr. İmdi nevmi bu miqdârdan eḳall idenüñ bedeni muḫtarib olur. Ve bundan ekser idenüñ keseli ziyâde olur. Pes kendüye nevm galebe iden kimse daḫı bu miqdârı tecâvüz itmeyüp kıyâm-ı leylî elden qoymamak gerekdür. (...) İmdi bu vechile gicelerde bîdâr olamayan, ḳaylûleden ziyâde nehârı nevm ile güzâr idenlerüñ ḥâli tebâh ve mezârı siyâh olur dimişlerdür. Nitekim bundan men'ede:

کر شب خود را نسازی ای دل بیدار روز
روز را چون شب ز خواب روز ظلمانی مکن

dimişlerdür. Ya'nî; iy dil-i bîdâr eger şebüñi rûz idemez iseñ ḥ'âb-ı rûz ile rûzuñı şeb gibi ḫulmânî eyleme [Ü187a] dimekdür. İmdi seher-hîz olmak beyânında, teheccüde kıyâm iden kıyâmında sûre-i Âlû 'İmrânuñ âhirinden on âyet okuyup du'â eylemek ḥadîs-i şaḫîḥayn ile sâbitdür. Ba'dehü iki rek'at namâz ile istiftâḥ-ı şalât gerekdür. Tâ ki ol nâfile bâ'is-i ziyâ'-i ḳabr ola. Nitekim nâzım bu beyân üzre eyidür:

﴿ بهر کور خود چراغی بر فروز ﴾ Kendi ḳabrüñ için bir çerâğ şu'lelendür. **Behr-i gür-ı ḫod**, izâfet ile [S194b] «kendi mezârüñ için» dimekdür. **Çerâḡi**, yâ'-i vaḫdet ile «bir sirâc» dimekdür. Çerâḡ Türkîde چراغ ile ma'rûfdur. Pes nâzımuñ meş'ale veyâ şem' ile ta'bîr itmeyüp çerâḡ lafzını ihtiyârında nûkte vardır. Budur ki; çerâḡ ancak fuḳarâda bulunur. Ve meş'ale şâha ve şem' aḡniyâya maḫşûşdur. Bu naşîḥat egerçi ḡanî vü faḳîre şâmildür, lâkin şâh u ḡanî vü faḳîruñ cihet-i imtiyâz u rütbede mümtâzlıḳları dünyâdadur. Ammâ ba'de'l-mevt her birleri ḳabre duḫûlde berâber ve ḳabrüñ ḫulmeti ḥâne-i fuḳarâ gibi ancak sirâc-ı maḫşûş ile münevver olur dimege işâretdür. **Ber**, zâ'iddür. **Fürûz**, zamm ile emr-i ḥâzırdur; «şu'lelendür» dimekdür. Ma'lûm ola ki bu mışrâ'uñ mefhûmından murâd şalât-ı leyl ile ḳabriñi pür-nür eyle dimekdür. Ve şalât-ı leylüñ münevvir-i mezâr idigi ḫaḳḳında aḫbâr-ı keşîre vardır. Pes şâ'irüñ *beyt*:

شب کور خواهی منور چو روز
ازینجا چراغ عمل بر فروز

Ya'nî; dilerseñ ki leyle-i muḫlime gibi olan ḳabrüñ nehâr gibi münevver ola; bundan 'amel çerâḡın şu'lelendür didigi bu ma'nâya mebnîdür. Ve ḫazret-i 'Alî razıya'llâhu 'anhuñ نور المؤمن من قیام اللیل kelâm-ı ziyâ-nizâmındaki nûruñ beyânında egerçi ba'zılar nûr-ı cebîñ şâhid-i 'ibâdet-i çeşm-i nihân-bîn-i dile bu ḡüne hüveydâdur ki, pertev-i şem'-i cemâl-i mü'min her şeb 'ibâdetde ḳâ'im olmaḫdur dimişlerdür. Ve lâkin nûr-ı mezkûr, dâfî-i ḫulmet-i ḳabr olan nûr-ı nevâfil-i leyliyye olmaḫ âşḳârdur. Ve keyfe lâ ki şalât-ı leyl de'b-i şuleḫâdur. (...) Pes hemân ekl ü şûrb ile nevme ḳaşr-ı maḫlab itmek şıfat-ı ḫayvânîdür dimegi te'kîd ve bu şıfatla mevşûf olan in'âm u iḫsân-ı müste'ândan bî-naşîbdr dimege temhîd için nâzım eyidür:

﴿ خواب و خور جز [Ü187b] پیشه انعام نیست ﴾ Yiyüp yatmak hayvan âdetinden gayrı degüldür. **H^vāb u ħor**, iştılāḥ-ı Fürsde ħored ü ħ^vāb gibi yiyüp yatmağdan kināyedür ki kâhil ü bî-ğayret kimesneler vaşında îrād iderler. Nitekim Ebu'l-Ma'ânî buyurmuşdur:

نداند غیر خورد و خواب هرگز اندرین عالم

شده آن بی‌خورد همچون خر و کاو علف خواری

[S195a] Ya'nî; ol kimse bu âlem-i fânîde yiyüp yatmağdan gayrısı aślā bilmez. Ol bî-âkl kimse ħar ve 'alef-ħ^vār olan baqar gibi olmuştur dimekdür. **Cüz pîşe-i en'ām**, izâfet ile ħayvânât âdetinden gayrı dimekdür. En'ām, fetḥ-i hemze ile cem'-i 'Arabîdür; müfredi fetḥ-i nûn ile ne'amdur ki dört ayaklı ħayvāna dirler. Fārisîde «çār-pā»dur. **Nîst**, «degüldür» dimekdür. Pes eşref-i maḥlûkât olan insāna şıfat-ı ħayvānî ile muttaşîf olmak ħayfdur diyü beyt:

دریغ آدمی زاده بی‌عمل

که باشد چو انعام بل هم اضل

dimişlerdür. Ve bu maḥûle kimesneler kıyām-ı leyl ile mükerrerem olanların devletinden maḥrûmlardur. Zîrā keşret-i ekl ü şûrbden nāşî olan nevm-i dā'imîden gayr-ı müteḥāşîlerdür. Nitekim nāzım eyidür:

﴿ خفتکارا بهره زین انعام نیست ﴾ Uyumuşlara bu in'āmdan bir naşîb yokdur. Ya'nî; kabrûn nûrāniyyeti ve bîdārānuñ devletinden bî-behrelerdür dimekdür. **Ĥuftegān**, cem'dür; «uyumuşlar» dimekdür. Müfredi «ĥufte»dür. Āḥirine 'ālāmet-i cem' içün -gān lafzı gelmegile āḥirindeki hā'-i resmî, ḥaṭṭdan ḥazf olunup ĥuftegān yazılmışdur. **Rā**, edāt-ı mef'ûldür. **Behr**, bunda «naşîb ve ḥışşa» ma'nāsınadır. **Z'în in'ām**, «bu in'āmdan» dimekdür. İn'ām, kesr-i hemze ile «iḥsān» ma'nāsınadır. İn ile işâret, beyt-i sâbıkuñ mısrâ'-ı şānîsinüñ maзмünü üzere nûrāniyyet-i mezār ve 'inda'llāḥ maḥbûl ve zî-îtibār olmağadır. **Nîst**, «degüldür» dimekdür. Pes bu beytün mısrâ'eyni āḥirlerinde olan fetḥile en'ām ve kesrile in'ām lafzlarının beynlerinde olan cinās-ı tām̄m ḥaḥf degüldür. İmdi nā'imîni ilzāmda nāzım eyidür:

﴿ ای پسر بسیار خواهی خفت خیز ﴾ İy oğul ! Çok yatsañ gerekdür; kalk. **İy püser**, «iy oğul»; **bisyār ĥ^vāhî ĥuft**, mecmû'uñ ma'nāsı «çok yatsañ gerek» dimekdür. Ya'nî kabrde [Ü188a] dimek murāddur. **Ĥîz**, emr-i ḥāzırdur; «kalk» dimekdür. Murād; fırsat elde iken dünyāda bîdār ve 'ibādetle der-kār ol dimek murāddur. Ma'nā-yı maṭlûb-ı 'ibāre budur. Qaldı ki kaçan ĥuft ile ĥîz lafzları miyānelerinde vāv-ı 'aṭf vaḥı' olup ĥuft u ĥîz dinse ma'nā-yı mecmû' «āheste ve tedrîc» dimek olur. Nitekim:

دولت انست که خفت و خیز بود

دولت رتسخیز تیز بود

beytinde böyledür. Ma'nā; devlet āheste olandur, yoksa devlet-i tîz şāḥibine kıyāmet ola. Ya'nî başa belā ve tîz zā'il ola [S195b] dimekdür. Ma'lûm ola ki nāzımuñ bundan murādı: İy püser! Sen hemān yatmadan uşanma ki kabrde çok yatsañ gerek. İmdi fırsatı ġanîmet bilüp uykuđan bîdār ve kıyām-ı leyle ibtidār eyle dimekdür. Ve kıyām-ı leyl, efḍal-i t̄a'āt olduğı kütüblerde meştûrdur. (...) Ve seḥer-ĥîz ol dimege nāzımuñ

hîz kelimesin ityânda işâret vardır demek mümkündür. Pes seher-hîz olmağın berekâtı ve tezâyüd-i hasenât ile mazhariyyet-i feyza dâ'ir hâlâtı bundan zâhirdür ki buyurmışlardır:

جهد کن پیش از طلوع صبح چشمی باز کن

تا ز فیض سر بمهر اسمانی بر خوری

(...[Ü188b, Ü189a]...) Kaldı ki kıyâm-ı leyl için bîdâr olmağın merâtibi vardır. Mertebe-i a'lâsı bir münebbihûn kavlı ü fi'line muhtâc olmaksızın uyanmağdır. Buña bîdârî-i 'uqalâ dimişlerdür. Nitekim nâzım bu mertebeye imâ için buyurur:

﴿ کر خبرداری ز خود بی گفت خیز ﴾ Eger kendiñden haberdâr iseñ söylemeksiz kalk. **Ger**

haberdârî zi-ħod, «eger kendiñden āgâh ve 'ârif-i İlâh iseñ» dimekdür. Ve bunda [S196a] من عرف نفسه kabîlinden iseñ dimege işâret vardır. Bu mecmû'-ı şartdur; cezâsı **bî-güft hîzdür**. Ma'nâ; «söylemeksiz kalk» dimekdür. Bunda güft lafzı «güften» ma'nâsınadır. Hîz, emr-i hâzırdur. Pes bu beytün mışrâ'-ı evveli fâzıla ve mışrâ'-ı şânîsi ef'âla işâret olmağın; dâ'imâ h'âbda müstağrak olup hîç uyanmayan ve uyarana ğazab kılan ğâfiller hayf u ğadre nâ'illerdür demek olur. Nitekim bazı nüshada bulunan işbu iki beyt-i ra'nâdan ma'nâ-yı mezkûr hüveydâdur. Beytler bunlardır:

﴿ هرکه در خوابست حیفت ای پسر ﴾ İy oğul! Her kim ki dâ'imâ h'âb-ı ğafletde ola; nefse hayf u ğadrdedür.

﴿ غافلانرا این وظیفست ای پسر ﴾ Ğâfiller için vazîfe budur; ya'nî hayf u ğadrdur.

﴿ خفته را ناکاه بیدارش کنند ﴾ Ol huftayi nâ-gâh uyarurlar.

﴿ اندران ساعت که بردارش کنند ﴾ Ol sâ'atde ki kendüyi yukaru iderler; ya'nî cinâzeye kaldururlar dimekdür. Hülâşa âlûde-i h'âb-ı ğaflet olan ğâfillere baġteten eccl irtup cinâzeye kaldurdıklarında uykuđan uyanur. Ammâ ol uyanmak fâ'ide eylemez dimekdür. Pes ekl ü şûrb ü nevme mübtelâlığın sebebi ittibâ'-ı shevât-ı nefsâniyye ve taleb-i lezzât-ı dünyâviyye olmağın dünyâdan kaç-ı mahabbet itmedikce bu varıalardan ħalâşlık mümkün degüldür. İmdi bu dünyâ-yı dūna dil-dâde olma ki bu belâlara [Ü189b] giriftâr olursun dimegi murâd itmegin nâzım eyidür:

﴿ دل درین دنیای دون بستی خطاست ﴾ Bu alçağ dünyâyâ göñül baġlamak ħaıâdur. **Dil**, «göñül»; **derîn dünyâ-yı dūn**, «bu alçağ dünyâyâ» dimekdür. Pes dünyânuñ ne vechile dūn idigi beyân-ı şâbık ve 'ıyân-ı lâhıkdan nümâyândur. **Bestî**, âhîrindeki yâ' maşdariyyedür, «baġlamak» ma'nâsınadır; besten gibi. **Ĥaıâst**, «ĥaıâdur» dimekdür. Ma'lûm ola ki dünyâ ve ni'metlerini, ĥukemâ'-i pîşîn ü 'uqalâ'-i dîrîn şahrâda olan serâb-ı bî-me'âle ve ru'yâda görilen şuver-i ĥayâle teşbîh idüp: “Âkıll olan şu yaldızına dil-beste olmaz ve bîdâr olan ru'yâda görilen şuvere rabı-ı ħalb kılmaz” dimişlerdür. Ve fi'n-nefsi'l-emr dünyâ, ğam-gede-i beliyât ve mecrâ-yı seyl-i ĥâdişât olmağın, zîr-i gerdūnda bir kimse ĥatırı ma'mûr bir kimseyi görmemişdür. Nitekim:

نیست این غمکده بی سیل حوادث صائب

زیر کردون دل معمور ندیده ست کسی

[S196b] beyti bu ma'nāya güvāhdur. Ḥattā ebnā'-i dünyā, dünyā-meşreb olmağın bir kimseden bir kimseye luṭf u kerem kalmadı diyü *kıṭ'a*:

Meyl eyleme nişimen-i dünyāya iy göñül!

Olmaz qarārgāh-ı hüma āşiyān-ı büm

Luṭf ü kerem kâpusı kapandı bu fânide

Şimden girü mürüvveti ğayrı kâpudan um

dimişlerdür. Ḥulāşa-i kelām *naẓm*:

لنکر درین خراب برای چه میکنی

در راه سیل خواب برای چه میکنی

تعمیر خانه که بود در گذار سیل

ای خانمان خراب برای چه میکنی

müfâdınca bu reh-güzêr-i seyl olan ḥarābe ta'mîre nâ-sezâ ve rāh-ı bî-medār-ı seylâbda ḥ'āb nâ-revā olmağıla buña dil-dâdelik ḥaṭā-ender-ḥaṭādur. Ve nāẓımuñ ḥ'ābdan bîdārılığūñ lüzümü zeylinde dünyā-yı denīye dil-bend olmak ḥaṭādur dimesi bu nikāta mebnîdür. İmdi bu maḳûle dünyā-yı dündan gürîzân olmak hoşdur. Nitekim nāẓım dimişdür:

﴿ دامن از وی کر تو در چینی رواست ﴾ Eger sen andan dāmānı divşüresin ma'ḳûldur. Bundan murād; dünyādan i'râz-ı tāmı istihsāndur. **Dāmen**, «dāmān»dan muḥaffedür; «etek» ma'nāsınadır. 'Arabîsi «zeyl»dür. **Ez-vey**, «andan» dimekdür. Ez, min ma'nāsınadır. Vey, zamîrdür; dünyāya rāci'dür. **Ger**, edât-ı şartdur. **Tu**, «sen» dimekdür. [Ü190a] **Der**, zā'iddür. **Çinî**, muzâri'üñ müfred-i muḥâtabıdır ve fi'l-i şartdur; «divşürür iseñ» dimekdür. Ve lafz-ı çinî gāhî ism-i mensüb olur; ma'nası «vilâyet-i Çine menşüb» demek olur. Nitekim âyîne-i Çinîde böyledür. Mezkûr âyîne, bir cevherdâr fülâddan düzilmiş ḥāşşalı nesnedür. Ḥāşşası Tabîb Yūsufuñ *kıṭ'a*:

آنرا که رسد از مرض لقوه کزند

باید که بیاد دارد از من این پند

آیینہ چینی بنظر آورده

در خانه تاریک نشنید یک چند

kıṭ'asınıñ maẓmûn-ı cilā-meşhûnından şüret-nümādur. **Revā**, altı ma'nāya gelür. Evvel, cā'iz ü ma'ḳûl; sâni, rāyic; sâlis, lâyıḳ; râbi', ḥuşûle gelmek; nitekim kām-revā dirler; ḥāmis, revān ki gidici dimekdür; sâdis, ḳabûl ma'nâlarıdır. Bunda cā'iz ü ma'ḳûl ve lâyıḳ ma'nâları murād olınmak rüşendür. Âhîrindeki **est**, edât-ı haberdür. Ma'lûm ola ki fenâ olan nesneden dāmen-keş olmak sîret-i şiddîḳān ve tarîḳ-ı merdāndur ki anlar *beyt*:

کل شیء ما خلق الله باطل

و کل نعیم لامحالة زائل

maẓmûnını ikrâr ile bu nefis-i zā'ilden el yuyup etek divşürmüşlerdür. Ve dünyā-yı denîden rû-gerdān olmalarıyla beliyyât-ı dü-cihāndan ḥalāş ve 'inda'llāh maḳbûliyyetle [S197a] ihtîşâş bulmuşlardır. (...)

Ḥulāṣa-i kelām dervīṣ-i fenā-fi'llāh ve 'āṣiq-ı cemālu'llāh olan, mā-sivā olmak ḥasebiyle dünyā vü 'uḫbāyı terk idüp ancaḳ cemāl-i Cenāb-ı Kibriyāya ıḳaṣr-ı maṭlab iderler. Böyle olunca dāmen-keṣ olmaḡuñ cevāzı evleviyyetde ḳalır. Pes 'āḳıl-ı kāmīl olan bundan maḥabbeti ıḳaṭ ile ḥ'āb-ı ḡafletden bīdār olmak gereḳdūr. Zīrā fevtiyle pūr-ḡamm ve gelmesi ile ḥurrem olacaḳ nesne [Ü190b] degüldür; terki lāzım olan şeydür. (...) Nitekim nāzım eyidūr:

﴿ از چه بندی دل بدنیای دنی ﴾ Alçaḳ dünyāya neden ḡöñül baḡlarsın. **Ez-çi**, «neden» dimeḳdür. **Bendī**, muzāri'-i müfred-i muḡāṭabdur; «baḡlarsın» dimeḳdür. **Dil**, «ḡöñül»; **be-dünyā-yı denī**, «alçaḳ dünyāya» dimeḳdür. Bā' ḡarfī ṣıladur. Ma'lūm ola ki dünyānuñ her vechile dün ve ehlinuñ ciḡer-ḡün oldıḡım ḡörüp bilen 'ārifler dünyānuñ kendülerden dūr oldıḡını luṭf-ı Ḥaḳḳ ile añlayup:

لطف حق مارا ز دنیای دنی دارد دریغ
ورنه دنیارا دریغ از ما نمیدارد کسی

diyü buyurmuşlardır. Ya'nī; Ḥudānuñ luṭfı bizi dünyā-yı denīden men' ider; yoksa dünyāyı bizden bir kimse men' eylemez dimeḳdür. İmdi mazhar-ı luṭf-ı İlāhī olan dünyā-yı dūna rabṭ-ı ḳalb eylemez. Zīrā kendüde beḳā vü ḡulūd nā-būddur. Nitekim nāzım eyidūr:

﴿ چون نه جاوید در وی بودنی ﴾ Çünkü o dünyā-yı dūnda olmaḳda bāḳī degülsin. **Çün**, 'illet içündür; «çünkü» dimeḳdür. **Ne('i)**, fetḡ-i nūn-ı nāfiye ve resm-i hā' ve hā'dan ṣoñra ḡayr-ı mektüb olan yā'-i ḡıṭāba dāll olan hemze ile «degülsin» dimeḳdür. **Cāvīd**, «bāḳī» dimeḳdür. **Der-vey**, «anda» dimeḳdür. Der, zarfıyyet [S197b] içündür. Vey, zamīrdür; dünyāya rāci'dür. **Būdenī**, āḡirindeki yā' ḡıṭāb içündür; ma'nāsı «olmaḳlıḡında» dimeḳdür. Pes dünyānuñ 'adem-i beḳāsını inkāra mecāl yokdur. Ve fenāya dā'ir mekr ü āli çokdur. Şöyle ki; iḡsānı lā-şey'dür ve kendüde olan 'azamet ü ḡükm ü salṭanat serī'u'z-zevāldür. Ve kim ki mekr ü ḡılesine firīfte olup kendüye meyl ü maḡabbet eylediyse vāy aña dinmişdür. Nitekim bu nikātı taṣrīḡde Ḥ'āce Ḥāfız:

زمانه هیچ نبخشد که باز نستاند
مجور سغله مروت که شیشه' لاشی
شکوه سلطنت حکم کی ثباتی داشت
ز تخت جم سخنی مانده است و افسر کی
نوشته‌اند بر ایوان جنت الماوا
که هرکه عشوه' دنیا خرید وای بوی

buyurmuşdur. Nitekim:

مده زنه‌ار دل دنیای پر رنگ
نه طهمورث بماند نه سیامک

dimişlerdür. Ya'nī; iy dil! Bu reng ile memlū dünyāya dil virme ki; [Ü191a] ne Ṭahmüreṣ ḳalır ne Siyāmek dimeḳdür. Ṭahmüreṣ, ḡazret-i Ādem 'aleyhi's-selāmuñ ikinci baṭnda olan evlādındandır. Dünyāda ibtidā ṣāḡlıḳ iden budur. Zūr-ı bāzū ile dīvleri zabṭ u rabṭ itdigi için Ṭahmüreṣ-i dīv-bend

dinmekle meşhûrdur. Ve Siyâmek dağı nâm-ı pādşâhdur ki dünyâ herbirlerin tebâh itmişdür. Ve bundan böyle gelenler cümle gidecek ve bu fenâ kendüleri mevt ile terk idecekdür. Nitekim:

Bu miñnet-hâne-i dehri düzen evvel bozar âhır
Bu bî-bünyâd olan kaşrı yapan evvel yıkar âhır
Hulûde çâre yokdur hiç ikâmet niyyetin itme
Bu mihmân-hâneye iy dil konan evvel göçer âhır

dimişlerdür. İmdi dünyâ-yı dündan hulûl-i ecel-i mev'ûd ile irtihâli yâd idüp âhîret için tedârük-i zâd itmek gerekdür. Nitekim:

Virildi çünki saña 'âriyet libâs-ı vücûd
Dilâ! Bu köhne ribât içre itme fikr-i hulûd
Metâ'-ı dehrden iğmâz-ı 'ayn ide gör
Yumulmadın bu cihânda henüz çeşm-i humûd
Getürmedin yire arkañ bu küşti-gîr-i felek
Hamîde-kâmet olup dâ'im it rukû' u sücûd

dimişlerdür. Pes 'âlem-i dünyânuñ fenâsını fehm ve 'ömr-i girân-mâyenüñ bu fenâ bâzârında şarfından hâzer ü vehm itmek gerekdür. Zîrâ 'ömr didikleri kâfile-i serî'u's-seyrüñ gubârı nümâyân degüldür. 'Ömrüñ leyl ü nehâr cüfte ulağıyla gitmesin, egle diyü *beyt*:

غبار قافله عمر چون نمایان نیست
دو اسبه رفتن لیل نهار را در یاب

buyurmuşlardır. Nitekim *beyt*:

[S198a]عندلیبی که ز تعجیل بهار اکاهست
از شکر خند کل آوازه رحلت شنود

mışdâkıncâ; ta'cîl-i bahârdan âgâh olan bülbül, şeker-hand-i gülden rihlet âvâzesin güş ider dimişlerdür. İmdi dehrüñ fenâsın ve 'ömr-i 'azîzüñ seyr-i sür'at ihtivâsın iz'ân idüp ve *beyt*:

باد دستانه مکن عمر کرامی را اسراف
انچه ارزان بتو دادند تو ارزان مغروش

müfâdıncâ müsrifâne 'ömr-i 'azîzi şarfdan hâzer birle saña erzân virdikleri nesneyi erzân şatmayup, kıymet-i 'ömr-i fehm ü idrâk ve aña göre libâs-ı takvâ-yı pāk ile zâhir ü bâtını tanzîf ü zeyn-i tâbnâk kılmağ gerekdür. Zîrâ libâs-ı hayât-ı müste'aruñ encâmında hal'î âşkâr ve zâhiri ne kadar pür-zîver kılsañ taşfiye-i derüne dâ'ir fevâ'id-i envârdan 'ârî idigi meşhûd-ı [Ü191b] 'ayn-ı ehl-i i'tibârdur. Pes zâhir-ârâyânâsâ şüret-perest olmağdan mücânebetüñ lüzûmını iş'âr için nâzım eyidür:

﴿ ظاهر خود را میا را ای فقیر ﴾ İy fakîr ü muhtâc! Kendi zâhirüñi zeyn itme. **Zâhir-i hod-râ**,

«kendi zâhirüñi» dimekdür. Zâhir, muqâbil-i bâtındur. Murâd; taşrañı dimekdür. Bu mecmû'-ı muqaddem-i mef'ûldür; fi'li «**me-yârâ**»dur ki «ârâsten»den müştakq nehy-i hâzırdur. Ma'nâsı «bezeme» dimekdür. **İy**, harf-i nidâdur. **Fakîr**, ma'rûfdur. Pes bunda zâhirin zeyn itmege iktidârı olmayanı «me-

yārā» diyü nehyüñ bir ma'nāsı olmadığından fakīrden murād muhtāc-ı Hudādur. Nitekim و الله الغنى
 و انتم الفقراء nazm-ı şerīfī bu ma'nāda hüveydādur. Yāhūd taşfiye-i derūndan lā'übālī olarak libās-ı şūfiyye
 ile zīnet-i zāhire dil-beste ve kisvet-i şeyhāne ile peyveste şūret-ārā murāddur ki bunların libās-ı şūrīleri
 perde-i 'aybdur ve kendülerün bī-kemāl oldukları bī-reybdür. Nitekim māhuñ 'ayār-ı tāmī zīr-i ebrde
 nūmayāndur diyü *beyt*:

لباس پرده عیست بی کمالانرا

که زیر ابر نماید عیار ماه تمام

buyurmuşlardır. Qaldı ki muḳteẓā-yı rūzgār üzre ehl-i ma'ārifüñ libās-ı fakrda bī-i'tibār ve zīnet-i zāhiri
 olmayan zamānede bī-revāc-ı bāzār olduğu ḥasebiyle, zīnet-i zāhirüñ lüzūmını iş'ārda *beyt*:

غلط کردم نیفتادم بفکر ظاهر آرای

بجای عقل در سر طره دستار یابستی

Ya'nī, zāhir-ārālīk fikrine düşmemekde ḡalaṭ itdüm; başda 'aql yirine ṭurre-i destār gerek idi didikleri,
 mezemmet-i ehl-i zamān içündür. Yoksa zāhir-ārālīḡı fī-nefsi'l-emr midḥat için degüldür. [S198b] İmdi
 zīnet-i zāhirden ḥazer gerekdür.

﴿ تا که بدر باطنت گردد منیر ﴾ Tā ki bedr-i bāṭnuñ münīr ola. **Tā ki**, ma'rūfdur. Bu nüṣḥaya
 göre bāṭnı semāya teşbīh ile bedrden murād ḡalb olur. Ammā ba'zı nüṣḥada ki lafzı yirine çü kelimesi
 vāḡır olmaḡın **tā çü bedr**, «on dört gicelik ay gibi»; **bāṭnet**, «derūnuñ»; **gerded**, kāf-ı 'Acemī ile şayrūret
 ma'nāsı için olan «gerdīden»den müstaḡḡ muzāri'-i müfred-i ḡā'ibdür. Ma'nāsı «ola» dimekdür. **Münīr**,
 «zıyā virici» dimekdür; gereded fī'linüñ mef'ulidür. Ma'lūm ola ki nāzımuñ bundan murādı, dünyā-yı
 dūnda beḡa olmadığı gibi libās-ı fāḡiresinde daḡı şafā yokdur. Zīrā libās-ı [Ü192a] dünyā ile zāhire zīnet
 vermek bā'is-i kāsvet-i bāṭn u ḡulmetdür. Pes zāhirde olan zīneti terk itmedikce, bāṭn bedr-i münīr (ü)
 zıyādār olmaz dimekdür. Belki bāṭnuñ bedr-i münīr gibi olması, zāhirde olan libās-ı fāḡiruñ perīşānlıḡına
 sebebdür. Nitekim Şā'ib:

از دل روشن علایقرا شود پیوند سست

ماه میسازد کتانرا بود و تار از هم جدا

Ya'nī; zāhirde olan peyvend ü 'alāyīk, dil-i rūşende süst ü perīşan olur. Zīrā mäh-ı mīnānuñ zıyāsı,
 ḥasbe'l-ḡāṣṣa kettānuñ luḡmesini arışından cūdā ider didikleri ma'nāya ḡüvāhdur. Ḥattā kettān kısmı eger
 māhuñ zıyāsına dūçār olmasa ḡıyāmete dek çürimez idi dimişlerdür. Pes nāzımuñ bu beytinde, zāhir ü
 bāṭn ve bedr ü münīr kelimeleri bu nikāte işāretdür. Ve bu beytde şūfiyāne bir işāret-i dīḡer daḡı vardır.
 Ḥulāşası; seyr-i zāhirden ḥazer eyle ki seyr-i bāṭna ḡüzer eyleyesin dimekdür. Seyr-i zāhirden murād bu
 'ālem-i şehādete mensūb olan seyrdür ki taşra ḡitmez. Ammā seyr-i bāṭn, āsmān-ı ma'nevīdedür ki anuñ
 nihāyeti yokdur. Ve āsmān-ı ma'nevī ḡalb ve 'aql ve rūḡuñ naẓargāhidur. Ve bunuñ seyri, semāvāt-i
 seb'adan 'ālīterdür. Zīrā ḡalb ve rūḡuñ seyrleri ma'a'llāh ve fī'llāhdur. Ve bu seyrüñ herbir seyrden a'lā
 idīḡi bī-iştibāhdur. Pes bu seyr ile semā'-i bāṭn, bedr-i kāmil gibi münīr olmaḡ sīretine rāḡīb olan, sā'ir

mā-sivānuñ şüret-i zîbāsına t̄alib olmamak gerekdir. Yaʿnī zīnet-i zāhirden dūr olduğı gibi, zāhiri müzeyyen olan şuverden dağı mehcūr ol dimekdir. Nitekim nāzım rahimehu'llāh eyidür:

{ طالب هر صورت زیبا مباش } Her zîbā-şüretüñ t̄alibi olma. **T̄alib**, maʿrūfdur. **Her**, ʿumūmiyyeti müfıddür. [S199a] **Şüret**, «her şey'üñ temāşılı»ne dirler. **Zîbā**, «güzel ve yaraşık» maʿnalarınadır. **Me-bāş**, «olma» dimekdir. Pes bundan murād, şüret-perest olma dimekdir. Zîrā meşelā ādem, şüret-i maḥz ile insān-ı kāmīl olamaz. Belki sîret ile olur. Ve nazar ise sîret-i pāk ü niyyet-i tābnākedür ki nitekim: لا ينظر الى صوركم ولا الى اعمالكم بل ينظر الى قلوبكم و نياتكم hadîs-i şerîfi bu maʿnāya güvāhdur. Ve bu maʿnāyı beyānda mısrāʿ:

Nağş-ı gülden eşer-i büy-ı ḥaḳīḳat gelmez

dimişlerdür. Yaʿnī meşelā dīvārda menḳūş olan şüret-i bī-cān-ı insāndan meʿāl [Ü192b] añlanmadığı bu mısrāʿuñ mażmūnından hüveydādur dimekdir. Pes her şüretde bihter olan, maʿnāda ʿālī-ḳadr olmadığını ḥazret-i Mevlānā meşnevī:

وصف صورت نیست اندر خامه‌ها

عالم و عابد بود در نامه‌ها

mażmūniyle işbāt itmişdür. Yaʿnī; eşer-i ḥāme olan nāmede şüreti tavşif yokdur. Belki sîreti taʿrif vardır. Zîrā bir kimesneyi vaşf murād olındıḳda, evşāf-ı ḥamīdesi yazılır. Yoksa şüret-i cemīlesi nağş olup gönderilmez. Meger ki mürsil ile mürselün ileyh, ehl-i şüretten nağḳāş olalar, intihā. Ve ḥukemā bu maʿnāyı temşilde eyitmişlerdür ki mü'min bir altun şanem bulsa anı büt-perest için alıkoymayup, der-ḥāl anı āteşe ilḳā birle şüret-i ʿāriyetin ḥāl ıder. Zîrā şüretlik andan ḥāşıl olacaḳ menfaʿate mānīdür. Pes mü'min-i ʿārif ḳaçan bir nā-maʿḳūl şüreti görse der-ḥāl ānuñ zımnında menāfiʿ var mı yok mı diyü aña nazar ıder. Eger menāfiʿi mutazammın ise ḳābiliyyeti ḥasebiyle şüretā olan ḳubḥını izāle idüp zer-i ḥālīş gibi anuñ maʿnāsını aḥz ıder. Ve illā şüreti, dūnyā gibi bī-maʿnā ise zīnet-i zāhirine aldanmayup anı derece-i ʿtibārdan ışḳāt ıder dimişlerdür. Nitekim beyt:

Lafz ger rāst buved yā kecrek

Hiç kayırmaz bize maʿnāsı gerek

didiklerinüñ maʿnāsı bu beyān üzredür. Ve dağı meşelā ḥacca ʿazm iden Hindī vü Rümī vü Ḥabeşīnūñ rengine baḳılmayup, cihet-i ʿazmine nazar olunur. Ve ol ʿāzim-i Beyt-i ḥarām her ne ḳadar şüretde siyāh-endām ise de anı şaḥīfe-i ʿtibārda beyāz okurlar. Ḥulāşa her şüret-i zîbā, nazar u talebe sezā degüldür dimişlerdür. Ve nāzımuñ bu mısrāʿında, ḥubb-i mecāz ile her ḥüsn-i mecāzīye t̄alib olma dimege īmā vardır. Bu dağı icmālen beyāna muḥtācdur. Budur ki; ḥubb didikleri, ḥüsn ü iḥsāndan mutaşavver olan muvāfiḳ nesneye nefsuñ meylinden ʿibāretdür. Ve ʿışḳ didikleri; [S199b] ḥüsn ü iḥsān üzerine müfriṭ ü ḡalib olan meyliden ve dağı ḥüsn ü iḥsāndan her birleri ḡāḥ başār ile ve ḡāḥ ḳalb ile idrāk olunur. Ve ḥubb-i mezkūr ḥüsn ü iḥsāna tābiʿ olur. Pes Ḥaḳḳ ḥaḳḳında bunlaruñ kemālleri ḥaḳīḳatdür. Zîrā Ḥaḳḳdan nefy ü intifāsı şaḥīḥ degüldür. Ammā şıfāt-ı ḥaḳḳ, şenb-i müsteʿār menzilesindedür. Şıfāt-ı ḥaḳḳuñ mecāziyyeti bu cihetdendir. Ve mecāz dağı iki kısım üzredür. Bir kısmı nefsanīdür. ʿAlāmeti; muḥibbūñ çok çok şemāʿil-i

maḥbūbı taʿaccüb eylemesi ve rıkkat şāḥibi olması ve maḥbūbının [Ü193a] mā-ʿadāsından münkaṭıʿ olması gibi nesnelerdür. Anuñçün المجاز قنطرة الحقيقة dimişlerdür. Ve bir kısmı ḥayvānıdır ki lezzet-i ʿacileyi taḥşilde ʿākıleyi istiḥdām üzre nefis-i emmāreye muʿāvenet ve ekser-i aḥvāle ḥaḳıḳaten ve ḥükmen fişḳ u fücūra muḳārenet eyler. Nazm:

İsm-i dil-ber ʿaceb tılısm oldu
Anda ıışḳ ehli iki kısım oldu
Kimi dāl ile lāmını gözler
Kimi bā ile rāsını özler
Kim ki kaldırdı aradan lāmı
Oldı ıışḳ ehlinüñ o bed-nāmı

İmdi dünyā gibi her bir bī-ḥüsn zātı olan şüret, neḳadar zāhirde pür-zīnet ise de aña ṭalebkār olma ki fānı-i bī-maʿnā ve ṭālibi hemişe ḥalka rüsvādur. Pes varṭadan ḥalāş murād idüp ḥarfınüñ üzerine bir kimse vaż-ı engüşt eylemesin diyen kimse burada nigīn gibi sādellikden nāşı her naḳşa vücūd virmemek gerekdür diyü *beyt*:

اگر خواهی که نکذارد کسی انکشت بر حرفت
بهر نقشی مده از سادگی تن چون نکین اینجا

diyü buyurmuşlardır. Pes:

﴿ در هوای اطلس و دیبا مباح ﴾ Aṭlas dībā hevāsında olma. **Der**, zarfıyyet içündür. **Hevā-yı aṭlas**, izāfetle «aṭlas maḥabbetinde» dimekdür. Hevā, bunda meyl ü maḥabbet maʿnāsına ʿArabıdır. Aṭlas, maʿrūf sāde toḳınmış ḳumāşuñ adıdır. Bunda murād budur. Ve felek-i tāsiʿuñ ismidür. Felek-i mezkūruñ kevākibden ḥulūvvi sebebiyle aṭlas dinmişdür. Nitekim:

Elüme girse idi aṭlas-ı çarḫ-ı gerdün
Pārelerdüm anı erbābına ṭonluḳ ṭonluḳ

beyti bu maʿnācadur. Ve daḫı bir kātibüñ ismidür. Ve daḫı bī-lıḫye olan racül-i sāde-rūya aṭlas dirler. (...) [S200a] **U(ve) dībā**, aṭlas üzerine maʿṭuf, altun ve gümüş ile toḳınmış ḥarır, ḳumāş-ı maʿrūfdur. **Me-bāş**, «olma» dimekdür. Maʿlūm ola ki kāla-yı fānı hevāsında olmaḳ, insānı der-beder ḡarık-ı baḫr-i keder itdiginden mā-ʿadā ḳalb-i ṭālibi maḳḫūr u giriftār-ı dām-ı kibr ü ḡurūr ider. Anuñçün rüşen-dil olan [Ü193b] kāmiller bu tekellüfden āzāde ve bu hevādan sāde-dillerdür. Nitekim Ḥ^vace Kelīm eyidür:

نیست جز ترک تکلف زینت روشن دلان
کر لباس اطلس است آئینه عریان بهترست

Yaʿnı; rüşen-diller için terk-i tekellüfden ḡayrı zīnet yokdur. Görmez misin ki libās-ı aṭlas daḫı olsa āyīne-i bī-cāme bihterdür dimekdür. Pes rüşen-dil olanlar, āyīnenüñ hiçbir cemāle dil-bend olmadığı gibi fırıfte-i reng u büy degüllerdür. Nitekim Ḥ^vace-i mūmā-ileyhüñ *beyt*:

روشندلان فرفته رنگ و بو نیستند
آئینه دل بهیچ جمالی نبسته است

beyti bu beyāna şahiddür. Hülāşa-i kelām, nîk-bâtm olan ārāyîş-i zāhir kaydında olmaz. Meşelâ gülîstānuñ derūnı gül ü gonce ve ezhār-ı gün-ā-gün ile meşhūn olduğundan, dīvārı naqş-ı naqqāşa muhtāc degüldür. Nitekim Kelīm:

نباشد نیک باطن در پی ارایش ظاهر

نقاش احتیاجی نیست دیوار کلسانرا

dimişlerdür. Pes zāhirin zeyn iden ekşer müstağrağ-ı baħr-i deyn ve mürtekib-i ħarām ve ġurūr ile ħıram mişllü āşāmdan ħālî olmayup, her bār ittibā'-ı hevā' ü heves ve ihtîşāş-ı ārzū-yı nefis olmağın nāzım sebep-i fikr-i ārāyîş olan hevā-yı nefsaniden ħazer ve Hudānun kulluğın ihtiyār ile 'ömrüñi güzer kııl dimek beyānında eyidür:

﴿ ان هوا بکذر خدا را بنده باش ﴾ Ārzū-yı nefsdan geç ve Hudāya bende ol; ya'ni kullığı yirine

getür. **Ez-hevā**, «telezzüzāta meylden» dimekdür. **Bügzer**, bā'-i zā'ide ile emr-i ħāzırdur; «geç» dimekdür. Maşdarı «güzāştēn»dür. **Hudā-rā**, «Allāhu zū'l-celāle» dimekdür. Bu kelime muqaddem-i mef'uldür. **Bende**, «kıl»; **bāş**, «ol» dimekdür. Ma'lūm ola ki nāzımuñ hevāyı terk eyle didiği muṭlaqdur. Pes mışrā'-ı şānī karīnesiyle bunda esbāb-ı tecemmül kaydında olma dimegi murād, muṭlaq zımnında muqayyedüñ zikri ḥasebiyledür. Yoksa Hudāya 'alā-vechi'l-kemāl kulluğ herbir hevā vü hevesi terke mevküfdur. Belki terk-i hevā 'ayn-i kulluğdur. İmdi āzādelikde 'ubūdiyyet-i Hudā bā'is-i [S200b] emān-ı her dü-serādur. Nitekim:

بندگی کردن پندیدست بازادگی

سرورا خط امان شد از خزان استادگی

dinmişdür. Ya'ni; āzādelik ile pā-ber-cāy-ı maḳām-ı 'ubūdiyyetde kıyām, pesendide-i ehl-i ħikmetdür. Zīrā serv-i āzādenüñ bu vechile kıyāmı kendüye ħazān-ı rüzgārdan [Ü194a] ħaṭṭ-ı emān olmuşdur dimekdür. Qaldı ki terk-i hevā üzre bende-i Hudā olan merdān-ı İlāhī her ne qadar maḫzar-ı mevhibe ve nā'il-i tecemmülāt-ı nā-mütenāhī olsalar ve rişte gibi ser-ā-pā pençe-gevher(?) ħarīṭalügin bulsalar yine kendi nefsleri üzerine nāza dem-sāz ve faḫrete āğāz kılmazlar. Nitekim bu erbābdan bir merd-i kāmīl dimişdür:

بر خویش نمی نازم از اسباب تجمل

چون رشته سراپای اکر در کهر افتم

Ve nāzımuñ terk-i hevāyı 'ubūdiyyet-i Hudāya maḫrūn kıldığı, terk-i hevā ile bende-i Hudā olan şüretā her neḳadar gedā olur ise ma'nāda şāh-ı vālā-ḳadrdr dimege imā vardur. Nitekim H^vāce Şā'ibüñ beyt:

توانی کوس شاهی زد در آفاق

اکر صائب خدارا بنده باشی

didigi bu ma'nāya güvāhdur. Ve terk-i hevā ile 'alā'ikdan göñül kıparanlaruñ kendi yüklerin menzil-i maḫşūda ulaşırdıkları beyānı Şā'ib:

اکر دل از علائق کننده باشی

بمنزل بار خود افکنده باشی

maẓmūn-ı laṭīfından bī-iṣṭibāhdur. Ve terk-i hevā nefsi ẓahr itmedikce ve tūl-i emeli terk ile ʿubūdiyyet yolına gitmedikce mümkün degüldür. İttibāʿ-ı hevā, gāyet-i fenādur. (...[S201a, Ü194b]...) Hevā-yı nefis ü hevesūn mülāyim ü muḳtezāları olan cāme-i fāḫiri terk ile dāfī-i ḥarr u berd olan gūṣe-i ḥucrede inzivā vü setr-i ʿavret idecek ḫırḳa vü sedd-i cūʿ kadar luḳmeya ḳanāʿat ile bende-i Ḥudā olanuñ levāzımıñ beyān zımnında nāzım eyidür:

﴿ زندگی می بایدت در ژنده باش ﴾ Saña dirlik gerek ise yamalu ṭonda ol. **Zindegī**, kesr-i zāʾ-i ʿArabī ile «dirilik» dimekdür ve ʿArabīsi «ḫayāt»dur. Zinde, beş maʿnāya gelür: Evvelā, «diri» ki ʿArabīsi «ḫayy»dur. Bunda murād budur. Ve āḫirinde hāʾ-i resmī bulunmağın āḫirine dāḫil olan yāʾ-i vaṣfınuñ mā-ḳabline bir kāf-ı ʿAcemī gelmişdür. Kāf gelmegile hāʾ-i resmī ḫaṭṭdan ḫazf olunmuşdur. Sāniyen, «faḳīr»; ṣālīṣen, Şıfāḫanda bir nehrūn adıdır ki aña «zinde-rūd» dirler. Rābiʿan, «büzürg»; ḫāmisen, Tūrān pehlevānlarından bir mübārizūn ismidür. Muḫkem ceng itmekde meşhūr olmağın aña «zinde-rezm» dimişlerdür. Böyle iken Rüstem kendüyi bir müşt ile helāk eylemişdür. **Mī-bāyedet**, «saña gerek ise» dimekdür. Bunda şart edātı muḳadder olmak ḫasebiyle rüşendür; tā ki mā-baʿdi cezā ola ki budur. **Der-jende bāş**, «yamalu ṭonda ol» dimekdür. Der, zarfıyyet içündür. Jende, feth-i zāʾ-i ʿAcemī ile birkaç maʿnāya gelür: Evvelā, «yamalu ṭon»; sāniyen, «köhnelenmiş cāme ve mefrūṣāt-ı köhne»; ṣālīṣen, «yırtılmış libās u firāş» ve sāʾirdür. Bu maḳāmda bu maʿānıñ ekseri mülāyimdür. Ḥulāşa; «libās-ı fuḳarāda ol» dimekdür. Maʿlūm ola ki sıdḳ u iḫlāş ile cāme-i muraḳḳaʿ u libās-ı köhnede olanuñ ḳalbi ḫayāt-ı ebedī vü şafā-yı sermedīde olup, vuṣūl ila ʾllāḫ ḫāşıl ider. Zīrā bu sıfat ʿāşıḳ-ı ḫaḳīḳīler kārıdır ki zāhirleri cāme-i zībādan ʿārīdür. Pes bunlaruñ maʿşūḳı Ḥayy u Bāḳī olmağıla ıṣḳ-ı ḫaḳīḳīde kendüler daḫı her bār zindelerdür. Nitekim [S201b] ḫazret-i Mevlānānuñ *meşnevī*:

عشق زنده در روان و در بصر

هر دمی باشد ز غنچه تازه تر

diyü buyurduğu bu beyāna şāhiddür. Yaʿnī; ıṣḳ-ı ḫaḳīḳī ile ḫayy olan ʿāşıḳuñ ıṣḳı cānda vü baṣadadur ki āṣār-ı maḫbūbı müşāhededen [Ü195a] baṣar-ı ʿāşıḳ lezzet vü cān-ı pür-şevḳ vişālī ile zevḳ u ḫalāvet bulmağın her nefes ḡonceden tāze vü ter olur. Ammā ıṣḳ-ı mecāzī tende olduğından ʿāşıḳ-ı mecāzī ten-perver ve cāme-i zībā fıkriyle der-be-der olduğundan māʿadā maḫbūb-ı mecāzīnūñ ḫüsni fānī vü pejmürde ve baʿdeʾz-zevāl efsürde olmak iṣṭibāriyle ḫayātda iken mürde ḫükminindedür. Pes neyl-i ḫayāt-ı ebedī, meyl-i maḫbūb-ı ḫaḳīḳī ile ıṣḳ-ı sermedīdedür. Böyle olan merdān-ı ʾllāḫ, cāme-i muraḳḳaʿdan nefret ü ikrāḫ kılmazlar. Nitekim ʿAliyyüʾl-Ḳārī Şerḫ-i ʿAynüʾl-ʿİlmde eyidür: Ḥazret-i ʿÖmer-i Fārūḳ raḫıyaʾllāhu ʿanh mesned-ārā-yı ḫilāfet iken ḳamışında üç yama ve ḫazret-i ʿAlī kerramaʾllāhu vecchū revnaḳ-efzā-yı serīr-i emāret iken pīrāheni bī-āstīn ve toḳuz yirinde ruḳʿa ile muraḳḳaʿ idigi meşhūr-ı miyāne-i evliyādur, intihā. Ve bu vechile cāme-i evliyāda olanlارun rütbe-i vālālarını ancak Ḥudā bilür. Ve bu kıyāfeden kendülere hezār iṣṭibār ḫāşıl olur. Nitekim:

درویش را از خرقة صد پاره نیست عار

محضر بقدر مهر بود صاحب اعتبار

maẓmūnından anlarıñ şān-ı ‘ālīleri āşkārdur. Ve nitekim:

لباس كهنه قدر دردمندان كم نميسازد

اكر جوهرشناسى تيغ را عريان تماشا كن

müfādı üzre cāme-i köhne ẓadr-i merdānı pest eylemez. Eger cevher-şinās iseñ tīga ‘uryān temāşā eyle didikleri bu ma’nayı işbātda bedīdārdur. Pes imdi sīret-i merdāna sālīk iseñ:

﴿ خرقه پشمينه را بردوش كن ﴾ Yūñe mensūb hırkayı be-düş eyle; ya’nī hırka-püş ol. **Hırka**, ḥā’-i mu’ceme ile cāme-i dervīşāndur ki ekşer yamalu olmağın aña Fārisīde cāme-i delḳ ve cāme-i murakḳā’ ve bādāme dirler. Āḥirindeki hemze mā-ba’dine izāfet ecliyçündür. **Peşmīne**, «yūñden örülmüş ve yūñe mensūb» dimekdür. Zīrā peşm, fetḥ-i bā’-i ‘Acemī ile koyundan ve kızudan kırkılan yūñdür ki ‘Arabīsi «şūf»dur. Āḥirindeki yā’ nisbet içündür. Yūñden tokınmış ve işlenmiş her ne olur ise peşmīn dirler. Nūn nisbet-i mezkūruñ mübālağası içündür. Hā ḥarfī, te’kīd-i ma’nā-yı nisbet içündür. Pes hırka-i peşmīne ile taḳyīd ‘ādet-i libās-ı fuḳarāya binā’endür. [S202a] Yoksa köhne kirbās ile kānī’ olana yene hırka-püş dinür. **Rā**, edāt-ı mef’uldür. **Ber-düş kon**, «omuz üzre eyle» dimekdür. Murād; libās-ı fuḳarā ile istīnās eyle dimekdür. Nitekim nesi var ise egninde olan dervīş-i bī-nevāya [Ü195b] Fārisīde «ḥāne ber-düş» dirler. Pes şūret-i fuḳarāda olan hırka-püş için sīret-i ‘āşīḳīn, dünyāda nā-murādīḳ şarābın nüş itmekdür. Nitekim nāẓım eyidür:

﴿ شربتى از نامرادى نوش كن ﴾ Murādsızlıktan bir şerbet nüş eyle. **Şerbetīde** yā’ vaḥdet içündür. Şerbet ma’rūfdur. **Ez-nā-murādī**, «murādsızlıktan» dimekdür. Āḥirindeki yā’ maşdariyyedür. Nā-murād ile nā-kām ma’nāda birdür; nā’il-i maḳşūd olamayana ıtlāḳ olunur. Nüş, bunda «içmek» ma’nāsına ism-i maşdar olmaḳ rüşendür. Zīrā nüş lafzı sekiz ma’nāya gelür: Evvelā, «bāde içmek» ma’nāsınadır ki ‘īş ü nüş dirler. Şāniyen, «bal ve şeker ve eşribe-i şīrīn»dür. Şālisen, «tiryāk u pādzeḥr»; rābi’an, gūşīden gibi «işıtmek» ma’nāsınadır. Ḥāmisen, emr-i ḥāzır ve vaşf-ı terkībīde vāḳı’ olur; bāde-nüş gibi. Sādisen, «bāde içmek» ma’nāsına ism-i maşdar olur. Sābi’an, «çam ağacı»; şāminen, «laṭīf ü hoş-meze olan nesne»dür. Pes **nüş kon**, «iç» demek olur. Ma’lūm ola ki nāẓım bunda zūhd-i ekmele īmā buyurmuşdur. Zīrā zūhd üç ḥurūfdan mürekkebdür. Zā ile zīnet-i dünyā vü cāme-i zībāyı terk ve hā ile hevā vü heves ve ārzū-yı nefsi terk ve dāl ile dünyā vü mā-fihāyı terk itmeyen zāhid-i ḥaḳīḳī olamaz dimişlerdür. İmdi nāẓımuñ bu beyte degin bu nikāte dā’ir ebyātınuñ işāreti āşkārdur. Pes nā-murādīḳ şerbetin nüş itmek, cümle ārzū-yı nefis ü lezzāt-ı dünyāyı şıdkıle terkden ‘ibāretdür. İmdi hırka-püş olan böyle olmaludur. Ve illā bu zamānede şekl ü cilāya giren ehl-i dünyāya; düzd-i şūret ve ḥoḳḳa-bāz-ı bī-hayā dirler. Nitekim:

شرمم از خرقه آلوده خود مى ايد

كه برو ياره بصد شعيده پيراستهام

Ya’nī; levş-i riyā ve çirk-āb-ı ḥubb-i dünyā ile mülevveş olan hırkamdan baña hayā ḥāşıl olur. Zīrā anuñ üzerini yüz ḥoḳḳa-bāzlıḳ yāreleriyle zīnet itmişim dimekdür. Pes merdlik da’vāsında olan bu şūretten pāk-sīret gerekdür dimege daḥı işāretdür. Ve böyle oldıḳca murādāt-ı ‘uḳbā ḥuşūl-peẓīr olmaz

dimişlerdür. Ve sîret-i ârifân dahı budur ki beyân olındı. (...[S202b, Ü196a]...) Ve dahı nâzımuñ bu mısrâfında bir ma'nâ-yı laţîf-i dîgere müstâ'ade vardur. Budur ki: İy hırka-püş olan kimesne! Bir nâ-murâddan bir şerbet nüş eyle. Ya'nî bir merdân-ı İlâhîden dâmen tutup, anuñ cām-ı terbiyesin nüş eyle ki sen dahı merdân-ı Hudâdan olasın dimekdür. Ma'lûm ola ki meşâyıh-ı şüfiyye, merdân-ı Hudâya şarâb-ı Hâkķ tesmiye itmişlerdür. Nitekim hâzret-i Mevlânânuñ *meşnevî*:

آن شراب حق ختامش مشكناب
باده را ختمش بود كند عذاب

buyurmuşdur. Murâdı merdân-ı Hudâyı medhdür. Ya'nî; merdân-ı İlâhî ol şarâb-ı Hâkķdur ki anuñ hîtâmı misk-i nâbdur. Pes bu şarâbdan nüş iden şarâb-h^vârlaruñ hâtimleri hayr u sa'âdet ü a'mâl ve neş'e-i dâ'imî ile 'anber-nişâr olmağın bu şarâbuñ hâkķında فليتنافس المتنافسون dinmek elyağ ve şarâb-h^vârân içün مثل هذا فليعمل العاملون zıkr olunmağ ehağķdur. Ammâ şüret uğrıları olan murdâr-h^vârlar, bâde-i şeytân ve mādde-i ısyândurlar. Anlaruñ hâtimleri fezâhat ü 'azâb u 'ukûbetdür. Ve meşreblerinden şâribleruñ 'âkıbeti nedâmet ü hasretdür. İmdi hûsn-i hîtâm ister iseñ şarâb-ı Hâkķ didikleri merdân-ı [S203a] İlâhî meşreblerinden şârib ve a'mâl-i hâlişayı kâsib ol. Ve illâ tebdîlû's-şekli li-eclî'l-ekmel meşreblerinden şârib olur iseñ sū'-i hîtâma karîn ve hem-râh-ı şeytân-ı la'în olursın dimekdür. Anuñçün nâzım, hırkâ-i peşmîne ile zâhiri zeyn itmegüñ şart-ı muqaddemin beyân zımnında eyidür:

﴿ ای که در بر میکشی پشمینه را ﴾ İy şol kimse ki sîneye hırka-i peşmîneyi çekersin! Ya'nî; iy hırka-püş olan kimesne! dimekdür. **İy ki**, «iy kimse» dimekdür. **Der**, zarfıyyet-i mecâzî içündür. **Ber**, aşl-ı ma'nâ-yı mevzû^{um} lehi «sînenüñ iki yanları»dur. Ve sîne ma'nâsına müsta'meldür. Bunda murâd ma'lûmdur. **Mî-keşî**, muzâri'-i müfred-i muhâtabdur; «çekersin» dimekdür. **Peşmîne-râ**, mef'ûldür. Ma'nâ «hırka-i peşmîneyi» dimekdür. Keşret-i istismâl ile peşmînedan murâd; câme-i dervîşân olan ma'rûf libâsdur. Nitekim *kıf'a*:

کسی کو خموشست و پشمینه پوش
میان شیطاين سروشى كند
نه بينى كه از جمله ميوه ها
[Ü196b] به انست كه پشم پوشى كند

beytinde vâkıf'dur. Ya'nî; şol kimse ki hamûş u peşmîne-püşdur, ya'nî hırka-püşdur; şeyâfîn-mişâl olan nâ-dân miyânelerinde gūyâ meleklik ider. Görmez misin ki cümle mîvelerden a'lâsı peşm-püş olandur dimekdür. İmdi iy hırka-püş olmak murâd iden kimesne:

﴿ پاک ساز از کبر اول سینه را ﴾ Evvelâ sîneyi kibrden pāk düz. **Pāk sâz**, «pāk düz» dimekdür. **Ez-kibr**, «kibrden» dimekdür. Kibr, nefsi âharuñ üzerine ziyâde görmege dirler. Ve kibri izhâra tekebbür dirler. Tekebbür gahî Hâkķda müsta'mel olmağın, kendü ile Hudâ tavşîf olunur. Nitekim esmâ'-i celâlüñ birisi «Mütekebbir»dür. Ammâ istikbâr bâtıla mağşûşdur; aşlâ Hâkķda müsta'mel olmaz. Nitekim şeytâna «mütekebbir» dinmişdür. **Evvel**, ma'rûfdur. **Sîne-râ**, «sîneyi» dimekdür. Bu lafz sâz kelimesinüñ

meʿūlidür. Bunda sīneden murād; derūn-ı sīnede olan ʕalb ve bāʕındur. Maʿlūm ola ki kibr ü tekebbür şerʕan ʕarāmdur. Ve ʕurmeti edille-i şerʕiyye ile şābitdür. Nitekim ʕurmetine bināʕen dinmişdür:

کریبان تو طوق لعنت تست

اکر از کبر و عجب کننده باشی

Yaʕnī; girībanuñ saña laʕnet ʕavkıdur, eger ʕucbden memlū olasin dimekdür. Ve bu beytūñ tafşılı; şeytān-ı laʕnūñ kibr ü ʕurūrı sebebiyle maẕhar-ı laʕnet-i ebedī olduğından nümāyāndur. Ve mütekebbirūñ menzili nīrāndur. Nitekim ʕadīs-i ʕudsīde: [S203b] لعنة ازارى فمن نازعنى فى واحد منهما فذفته vārid olmışdur. Ve kibrūñ esbābları keşīredür. Meşelā, ʕilm ve ʕamel ve veraʕ ve ʕaseb ve neseb ve cemāl ve māl ve ʕuvvet ve evlād ve etbāʕ ve aḥbāb u kibāra istinād ve ḥıkd ve ʕased ve riyā ve emşālleridür. Ve ḥāşşaten ʕırka-pūşānı kibre düşüren ekşer ʕilm ü ʕırfānı ve veraʕ u ʕamel ü riyādur. Ḥattā ʕırka-i fuḕarāda iken bu mişllü nesnelere ittikā ile ālūde-i kibr ü ʕurūr olan müzevvirlere «düz-d-i şüret ve mār-sīret» dimişlerdür. Şüret uğrısı oldukları arkada olan ʕırka-i mütevāzıʕlar libāsı iken, ʕırka altında kibr ü istikbār cūbbesin ihtifā kıldıklarıdır. Bu mişllü kimesnenūñ şeyḥ u dervīşligi, serīʕan başını bir belāya düşār ve beyneʕn-nās kendüyi ḥaḕīr ü ḥʕār ider. Nitekim:

از رعونت زود بر دیوار می آید سرش

میکنند هرکس که خورشید دامن بر زمین

dinmişdür. Yaʕnī; her kimse ki ʕurşīd gibi zemīn üzre dāmen-keş-i kibr ü ʕurūr olur, ruʕūnetden nāşī anuñ başı serīʕan dīvāra gelür. Murād maʕlūmdur. Ve bu bābda el-āyeh naẓm-ı ʕāzīmūʕ-ş-şānınuñ maẓmūn-ı şerīfī tamām burhāndur. Ve mār-sīret oldukları, zāhir-i cāmeleri post-ı mār gibi yamalar ile münakkaş ve şekl-i şeyḥānede tezvīrate ʕarz eyledikleri pīç ü tāb-ı şehādetile kec-reviş ve derūnları zehr-i ḥıyel ile müşevveş olduklarıdır. Ve kendiler zātında mār gibi kec-refitār iken daʕvā-yı kerāmet ve iddiʕā-yı meşḥat ile şāḥib-i beyʕat geçinüp, mār gibi mülāyemet göstererek baʕzı efsūn ile mār-gīrlige iʕtāʕ-ı ızn ile işrāb-ı şerbet eylerler. Bu ḥilelerin inkār idene, ʕulūvv ü istikbārından nāşī mār gibi çöküp üzerine atılırlar. Ve zehr-i ḥile ile anı ledğ u ihlāke ʕaşd iderler dimişlerdür. Pes kibrūñ herkes ḥaḕḕında ḥuşūşıyle ʕırka-pūşān ḥaḕḕında dünyevī vü dīnī zarar-ı keşīri [Ü197a] olduğundan nāzım, sīneyi evvel kibrden pāk eyle diyü taşfiye-i bāḥınuñ taşfiye-i zāhir üzerine taḕdīmiyle emr itmişdür. Zīrā cümle-i aḥlāḕ-ı zemīmenūñ kibr eşeddidür. Ve zarar-ı dīnī cihetiyle belāsı keşīr ve izālesi ʕasīrdür. (...[S204a]...) Ḥulāşa enāniyyet ile kibr ü ʕurūr kāfirde efzūn ve mütekebbirūñ ḥālī dīger-gün olmağın, dīndār olan dervīşde kibr olmasun diyü buyurmuşdur. Qaldı ki sāʕir nāsı kibr belāsına düşüren ekşer bāʕiş-i ḥırmān-ı devlet-i ʕukbā olan zīnet-i dünyā olmağın nāzım beyānına taşaddī idüp buyuracaḕdur. Ḥulāşa-i kelām, kişinūñ her neḕadar saʕd u devleti efzūn olur ise kibr ü naḥvetden pāk olmaḕ lāzımdur. Ḥattā sāyesi bāʕiş-i saʕadet olan hümā kuşınuñ rızḕı üstüḥʕān olmasının ḥikmetini beyānda erbāb-ı işāret ve eşḥāb-ı fiḕnatuñ kelāmı üzre; mağz-ı hümādan naḥvet-i saʕadet be-der ola diyü üstüḥʕān-ḥʕār olmaḕda seg ile hümāyı şerīk kılmışlardır. Nitekim:

تا نخوت سعادت بیرون رود ز مغزش

با سک شریک روزی کردند ازان همارا

beyti bu ma'nâyı mübeyyendür.

﴿ کر همی خواهی نصیب از آخرت ﴾ Eger âhiretten dükeli naşîb dilerseñ. **Ger hemî h'âhî**, «eger dükeli dilerseñ»; **naşîb**, «hışşa ve hazz» ma'nâsınadır; 'Arabîdür. **Ez-âhîret**, «kıyâmetden» dimekdür. Ba'zı nüshada «ez» lafzı bulunmamağın naşîb lafzı âhirete muzâf kılınmışdır. Hülâsa-i kelâm, eger ni'am-ı gayr-ı müşâbihe kıyâmetden behredâr olmağ maqşûduñ ise:

﴿ رو بدر کن جامهای فاخرت ﴾ Yüri fâhîr libâslaruñı taşra eyle. **Rev**, fethîle üç ma'nâya gelür: Biri emr-i hâzırdur ki bunda murâd budur; ma'nâ «git yüri» dimekdür. Ve biri terkîb-i tavşîfde vuķû'ıdır. Ve biri âvâz-ı hâzîndür. **Be-der**, bâ'-i 'Arabîyye-i aşliyyenuñ fethîyle «taşra» dimekdür. **Kon**, lafzıyla mecmû'ı, emr ma'nâsınadır; «taşra eyle» dimekdür. Taşra eylemek, hîç geymemek ile veyâ üzerinden ħal' eylemek ile olur. **Câmeĥâ**, cem'dür; müfredi «câme»dür. Câme, melbûs u mefrûşa 'âmmıdır. Lâkin bunda siyâķ u sibâķ ħarînesiyle melbûsât murâddur. Âhîrindeki yâ' ħarfî, mâ-ba'dine izâfet eclî içünür. **Fâhîr**, 'Arabîdür ve Fârisîde müsta'meldür; «eyü ve ceyyid» ma'nâsınadır. Âhîrindeki te[S204b] ħitâb içündür. Pes bunda mışrâ'-ı evvel şart ve mışrâ'-ı şânî cezâ olmağın mefhûm-ı muĥâlîfi üzre; [Ü197b] libâs-ı fâhîr ile mâ'il-i zînet olana naşîb-i âhîret yoķdur dimege işâret vardır. Nitekim: من كان يريد حرث الدنيا نؤخذ له أجره و ما له في الآخرة من نصيب âyet-i şerîfi bu ma'nâya kâfidür. Ve daĥı ħarîr المن ليس الحرير من لبس الحرث في الدنيا لم يلبسه في الآخرة hadîs-i münîfi, fâhîr câmeden ħarîr murâd olındığına göre tehdîde vâfidür. Ve câme-i fâhîri ħal' ile bir libâs-ı köhneye ķanâ'at, merdân-ı İlâhî kâridur. Ĥattâ anlaruñ:

ز عریانی خطر افزون بود رنگین لباسی را

من آن شمع که در فانوس بر جان بیش می لرزم

müfâdı üzre libâs-ı rengînden ne vechile vehm-nâķ oldıkları beyânında dimişlerdür. Ma'nâ-yı beyt: Şâĥib-i libâs-ı rengîn içcün ĥaţar, 'uryânlıķdan ziyâdedür. Zîrâ 'uryân olan şem'de bi'l-ķuvve olan ĥaţar-ı efrûĥtegî, libâs-ı rengîn-i fânûs ile me'nûs oldıkda fî'le ħarîn ve bilâ-mâni' iĥrâķ-ı vücûd-ı nâzenîn eylemesi meşĥûd-ı 'ayn-ı yaķındur dimekdür. Pes ben ol şem'am ki fânûsda cân üzre ziyâde dîtrerem, ya'nî fânûs-ı beden, rengîn libâs içre şem'-mişâl olan cân üzre ziyâde dîtrerem dimekdür. İmdi:

﴿ بی تکلف باش آرایش مجوی ﴾ Zaĥmetsiz ol, zînet isteme. **Bî-tekellûf bâş**, «zaĥmetsiz ol» dimekdür. Tekellûf, zaĥmetlü işe düşmege dirler. **Ârâyiş**, ism-i maşdardur; «tezyîn» ma'nâsınadır. Lâkin zînet ma'nâsına şâyi' olmışdır. **Me-cûy**, nehy-i hâzırdur; «isteme» dimekdür. Ya'nî her ĥâlde taĥşîl-i zînet, zaĥmetsiz olmaz. Zînet-i dünyâ ise zaĥmetin degmez dimekdür. Nitekim Nâbî:

Kâlâ-yı cihân germ-nigâĥ itmege degmez

El irmedi ĥayfâ diyü âĥ itmege degmez

dimişlerdür. Ve zaĥmet-i dünyâyı ber-ţaraf itmek mümkün degöldür. Zîrâ dünyâ dâr-ı 'anâdur. Pes dâr-ı meşâķķatde râĥat aramağ uķalâ kârî degöldür. Nitekim ħarĥ-ı tekellûf ĥaķķında:

تکلف مکن درسلوکی که داری

نخواهی که ازخود کنی مهمانرا

dimişlerdür. Ya'nî; iy sâlik olan kimesne! Tıttığıñ sülûkda tekellûf eyleme ki kendüñden mihmānuñı kaç idesiñ gerekdür. Zîrā ma'nāda kişinüñ zâtı dünyāda mihmāndur. Mi hmāna mürā'āt için tekellûfe düşmek mezmūmdur. İmdi her umûrda, huşûşıyla libās huşûşında tekellûfdan mücānebet ile senevî bir libāsa kânā'at itmek gerekdür. Zîrā:

عزیزتر نه از كعبه ای لباس پرست
بجامه كه بسالی رسد قناعت كن

Ya'nî; Ka'be-i mükerrerme bu deñlü muhtereme iken senede bir libāsa kânī'adur. İmdi iy libās-perest ve iy talebkār-ı [S205a] zîb ü zînet! Sen Ka'beden 'azîzter degülsin; senede ulaşan bir came ile kânā'at ve iħrāz-ı rāhat-ı āhîret eyle dimekdür. Zîrā dünyāda rāhat ma'dūmdur. Rāhat, rāhat-ı āhîret idigi meczūmdur. Anuñçün nāzım eyidür:

﴿ ترك راحت كير و آسایش مجوى ﴾ Rāhat terkini tut ve huzûr isteme. **Terk**, fetħiledür; ma'rûfdur; [Ü198a] mā-ba'dine muzāfdur. **Rāhat**, «diñlenmek» ma'nāsına; **gîr**, kesr-i kâf-ı 'Acemî ile emr-i hâzırdur; «tut» dimekdür. Maşdarı «girişten»dür. **U(ve) āsāyîş**, rāhatuñ 'atf-ı tefsîridür; «ve huzûr» ma'nāsınadır. **Me-cûy**, kemā-merre «isteme» idmekdür. Pes dünyāda her bir müzāyākaya huşûşan meşāḳḳ-ı t̄ā'ate taḥammül ile āhîrete dā'ir tedārük-i esbābı tecemmül her mü'mine lâzımdur. Ve illā dünyāda rāhat yokdur. Nitekim راحة فى الدنيا لا mazmûnı bu beyānda kâfidür. Ve daḡı لا راحة للمؤمن ریه hadîs-i leṭāfet-meşḡunı bu maṭlabda vâfidür. Ve daḡı İmām Müslim raḡimehu'llāhuñ İbnü 'Ömer rivāyetiyle taḡrîc eyledigi الجنة الكافر و الدنيا سجن المؤمن hadîs-i şer'îfı bu beyānda zāhirdür. Pes dünyā mü'mine zindān idigi, kendü için āmāde olan na'ime naẓarandur. Ve kâfire cinān idigi, kendü için āmāde olan 'azāb-ı caḡime naẓarandur. Yāḡod mü'min, şehevāt-ı muḡarremeden memnū'ıyyetde ke-ennehū zindāndadır; kâfir bunuñ 'aksidür. İmdi sücūnda rāhat nā-yāb idigi bî-irtiyābdur. (...[S205b, Ü198b]...) İmdi dünyāda āsāyîş ü huzûrı terk itmek, esbāb-ı huzûr-ı dünyevîyi aramamaḡdan 'ibāret oldıḡın ĩmā için nāzım eyidür:

﴿ در برت كو كسوت زيبا مباح ﴾ Söyle senüñ üzerüñde güzel cāme olmasun. **Der-beret**, āḡirdeki t̄ā'-ı ḡitāb ile ma'nā; «üzerüñde» dimekdür. **Gū**, zamm-ı kâf-ı 'Acemî ve sükûn-ı vāv ile emr-i hâzırdur; «söyle» dimekdür. **Kisvet-i zibā**, «güzel libās» dimekdür. **Me-bāş**, bunda «olmasun» dimekdür. Zîrā emr-i hâzırdan soñra nehy-i hâzıra nehy-i ḡā'ib ma'nāsı virilmek kâ'ide-i Fürs dendür. Bundan murād; merdān-ı Ḥudā sîretini beyāndur ki anlar kisve-i fuḡarāda şād-kām u cāme-i zībāyı üzerlerinden selb ü i'dām itmişlerdür. Ve 'arîfān-ı Mevlā resmini 'ıyāndur ki anlar kisve-i faḡruñ daḡı zībāsını tārîk olup hem-vāre zād-ı āhîrete mütedāriklerdür. Ve kisve-i 'arîf böyle gerekdür. Ve illā ḡāl, düşvār olur dimekdür. Nitekim:

سكه مردان نداری معرفت كم خرج كن
فتنها دارد بنام پادشاهان زر زدن

Bu beyānda hüveydādur. Ya'nî sikke-i merdān tutmayan, ma'rifetin az ḡarc itmelüdü. Zîrā bilā-münāsebet nām-ı pādşāḡān ile ḡarb-ı zer kılmaḡda niçe fîtneler peydā olur dimekdür. İmdi sikke-i merdān

geymege bî-liyâkat olan dervîşānuñ hālî ƣalb-zen hālî gibidür. Ƣalb-zenüñ fîtneden ‘adem-i selâmeti nümâyāndur dimişlerdür. Ve bu maƣûlelere «şûret-fürüş u eli boş» dimişlerdür. Nitekim:

Çeşm-i ‘inâyet umma o şûret-fürüşdan
Kim kendi çeşmine çekecek tûtyâsı yok
Ümmîd-i himmet eyler iseñ andan eyle kim
Hâk-i siyâha baş idecek büriyâsı yok

Pes şâhib-i himmetler didikleri kisve-i zîbâ vü câme-i h’âb-ı [S206a] râhat-efzâdan bî-ƣayd olanlardur ve devlet-i ‘uƣbâyı bu hey’ât ile bulanlardur. İmdi beden-i [Ü199a] insân encâmında hâk ile yek-sân olmaƣ ‘ilâvesiyle câme-i h’âbı hâkden düzmek ve firâş-ı nâ’imden ‘alâƣayı üzmeƣ hoşdur. Nitekim nâzım eyidür:

﴿ زیر پهلو جامه خوابت کو مباش ﴾ Söyle eyegü altında ferş olmasun. **Zîr**, «alt» ma’nâsınadır; mâ-ba’dine muzâfdur. **Pehlû**, bunda «eyegü» ma’nâsınadır. Ve dağı şehr-i İrâna dağı pehlû dirler. **Câme-h’âbet**, âhirinde olan tâ’-i hîṭâb, pehlû kelimesinüñ âhirine merbûtdur. Taḳdîr; zîr-i pehlüyet, «eyegüñ altında»; câme-h’âb, «döşek»; **gû me-bâş**, kemâ-merre «söyle olmasun» yâhod «di ki olmasun» demek bunda cā’izdür. Pes nâzım bunda hâne-ber-düş olan mücerred ü âzâdegānuñ ve her hâlde hırƣa-püş olan dervîşānuñ tavr-ı pāklerine işâret buyurmuşdur. Yoksa firâş ittiḥâzında şer’an cā’iz olan mîḳdâr-ı hâceti inkâr ƣabîlinden degüldür. Nitekim Şahîḥ-i Müslim ve Meşâbîḥ ve Cāmi’u’l-Uşûlün beyânı üzre Cābir bin ‘Abdi’llâhdan mervî olan ḥadîs-i şerîfde: فراش للرجل و فراش للمرأة والثالث للضيف والرابع للشيطان vârid olmuştur. Ma’nâ-yı şerîfuñ hûlâşası racûl ve mer’e ve zayfuñ her birlerine birer firâş kâfidür. Râbîc, zâ’id ‘ale’l-hâcetdür ve ģâliben mübâhât içündür. Ve mübâhât mezmûmdur; her mezmûm olan şeyṭāna muzâfdur dimekdür. (...) Ve bu ḥadîs-i şerîfde, âlât-ı beyt ve umûr-ı mübâhâda ƣadr-i hâcet üzerine iḳtişâr ve terk-i iḳşâr-ı levâzıma îmâ vardır. Nâzımuñ dağı murâdı bu olmaƣ muḥtemeldür. Yâhod rûsûm-i ehl-i ‘ışƣa ve ƣâ’ide-i erbâb-ı zühde îmâ buyurmuşdur. Zîrâ bu hey’ât-ı maṭbû’a râh-ı ‘âşîḳ-ı İlâh ve ƣarîḳ-ı dervîş-i fenâ-fi’llâhdur. Nitekim:

جامه خاکستری آب حیات آتش است
عشق میخواهد که خاکستر نشین باشد کسی

dinmişdür. Ya’nî; remâda mensûb olan libâs, beşere-i ‘âşîḳ derûnında olan âteş-i ‘ışƣa bâ’is-i beḳâ olan âb-ı ḥayâtdur. Pes ‘ışƣ, ‘âşîḳuñ ḥâkister-nişîn olmasını [Ü199b] ister dimekdür. Murâd [S206b] ma’lûmdur. Hûlâşa-i kelâm:

Gerek seng-i siyâh olsun gerekse atlas u dîbâ
Ġaraḳ bir bâliş-i râhat bulunmaƣdur ser altında

müfâdıncâ seng-i siyâh ile atlas u dîbâ, ƣarîk-i dünyâ ƣatında birdür. Pes “ḥal’-i kisve-i zîbâdan soñra libâs-ı selâmet-iḥtivâ nedür?” diyü su’âl olunmağın nâzım cevâb ƣarîḳiyle eyidür:

﴿ همچو صوفی در لباس صوف باش ﴾ Şûfî gibi şûf libâsda ol. **Hem-çü**, kelime-i teşbîhdür; mâ-ba’dine muzâfdur. **Şûfî**, âhirinde olan yâ’-i nisbet ile şûfa mensûb dimekdür. Şûf Fârisîde; keçinüñ uzun kılları dibinden ḥurde kılları egirüp toƣudıkları ƣumâş gibi mevcdâr nesnedür. Pes libâs-ı mezkûrî ekserî zühhâd geymegin, kendülerin aña nisbet ile şûfî dimişlerdür. Bu münâsebet-i luğaviyyeleridür. ‘Örf-i

meşâyihda şūfî kime didikleri inşā'allāh hemān beyān olınur. **Der-libās-ı şūf**, «şūf libāsda» dimekdür. Libās, geyecek ve örtünecege şāmıldür. Ba'zı nüshada bu 'ibārenüñ yirine «der-pelās u şūf» vāķırdur. Ma'nā «eski haftān ve şāl ve şūfda»; **bāş**, «ol» dimekdür. Ma'lūm ola ki şūfînüñ ta'rîfinde İmām-ı A'zam raḥimehu'llāh buyurmuşdur ki: الصوفى من صفا قلبه عن الكبر والكدر و انقطع عن البشر و استوى عنده الذهب Ya'nî; şūfî qalbi kibr ü künden şāf ve beşerden inqıṭā' ile t̄ā'ate is'āf ve 'indinde zeheb ile kesek müsāvī olandır. Ve illā kelb-i Kūfî bihter ez-hezār şūfidür dimekdür. Ve daḥı 'Avārifü'l-Ma'ārif nām kitābda eyidür: الصوفى يرى دمه هدرًا و ملكه مباحًا Ya'nî; rāh-ı Hāḫḫda cān u mālî kaydında olmayandır. Ve daḥı ḥāzret-i Mevlānā mısrā'e:

صوفى ابن الوقت باشد اى رفيق

Ya'nî; şūfî, māzî vü müstaḫbele nāzır olmaz. Tıfl-ı şaḡîr pederinüñ ḥükminde maḥkūm olduḡı gibi bu daḥı vaḫtinüñ ḥükminde maḥkūm u muḳayyed olmaḡın ḥarekâtı hemîşe muḳtezā-yı vaḫte göredür. Zîrā الوقت سيف قاطع müfādınca; vaḫt, dā'imā a'mār-ı insānı bürrān idici seyf-i şārimdür dinmişdür. (...[S207a, Ü200a]...) Ve erbāb-ı işāret: Şūfî, erbāb-ı ḥāle dirler; yoksa ehl-i ḳāle dimezler dimişlerdür. Nitekim buyururlar:

Dilümüz aḡlayamaz şūfî bizüm ḳāl ehli
Bî-zebān söyleşelüm var ise bir ḥāl ehli
Saltanat faḫr ile faḫr itmek imiş 'ālemde
Ne bilür ḳadrin anuñ memleket ü māl ehli

intihā. Nāzım libās-ı şūfda olan şūfî-i ekmelüñ şüretini beyānı zeylinde sîret-i şūfî ne idigin i'lān içün buyurur:

﴿ با صفتهای خدا موصوف باش ﴾ Ḥudānuñ şıfatlarıyle mevşūf ol. Murād; rāzî olduḡı şıfāt-ı cemīle ile dimekdür. **Bā-sıfathā-yı Ḥudā**, «merzî-i Ḥudā olan şıfatlar ile» dimekdür. Nitekim تخلقوا الله da te'vîl böyledür. **Mevşūf bāş**, «muttaşıf ol» dimekdür. Nitekim ḥāzret-i Ebū Bekri's-Şiddîḳ rażıya'llāhu 'anhuñ beyt:

ليس زهد المرء فى ليس العبا
زهده فى الترك مما يشتهى

kelām-ı laṭfî bu beyana güvāhdur. Murād; yalnız şüretüñ şūflığı kifāyet itmez; sîretde daḥı şūflıḳ gerekdür. Pes sîret-i pāk, merzî-i Hāḫḫ ile olan şıfāt-ı cemīle ile ittişāfdur. Pes bu şıfat-ı pāk bi'l-küllîye dünyādan tezehhüd ve hem-vāre encāmını fıkr ile rāh-ı vuşûl-i İlāhda olan murāduñ şıfatıdır dimegi ebyāt-ı sâbıkaya fezleke düşürüp nāzım eyidür:

﴿ مرد ره را بوریا قالین بود ﴾ Merd-i rāh içün būriyā ḳalıdır. **Merd-i reh**, «yol eri» dimekdür. Nitekim 'Arabīde ehl-i sefere «ibnū sebîl» dirler. Pes merdān-ı İlāh olan kimesneler her bār mevti zıkr ile āḡāh u mütedārik olduḡlarından kendülere merd-i rāh dinilmişdür. Zîrā bunlar miḥmān-ḥāne-i dünyāda müsāfirāne dem-güzer ve daḥı سبیل او غریب کن فى الدنيا كانک ḥadîs-i gevher-bārın ḳılāde-i gerden-i 'amel ü istihzār eylemişlerdür. Pes böyle olan merdān-ı rāha; **būriyā**, «ḥasîr-i ma'rūf»; **ḳālîn**, «ḥalı

didikleri döşeme»dür. Şağırine cīm-i taşgīr ile «kālīçe» dirler. **Buved**, bunda «est» maʿnāsına olmak rüşendür. Maʿlūm ola ki nāzımuñ bunda merd-i rāhuñ [Ü200b] kâniʿ olduğına ve ʿalāka-i dünyāya taʿalluḡ, merdānelige māniʿ olduğına ve levāzım-ı dünyā için kimseye ser-fürü eylemediklerine ve istignālarından [S207b] nāṣī faḡr (u) fenāda ḡāk-niṣīn olmağı bisāṭ-ı fāḡire virmediklerine işāret vardur. Nitekim beyān-ı ḡanāʿatlerinde:

خوشست مشق قناعت بیوریا کردن
بخواب مخمل بی دردرا رها کردن

dinmişdür. Yaʿnī; bī-derd ḡaṭīfe üzre olan ḡvābı rehā eylemek ile būriyāda meşḡ-ı ḡanāʿat eylemek hoşdur dimekdür. Nitekim Ḥvāce Ḥāfız:

خوش وقت بوریا و کدایی و خواب امن
کین عیش نیست در خور اورنگ خسروی

beyti bu beyāna güvāhdur. Maʿnā-yı beyt: Būriyānuñ ve gedālīḡuñ ve emn ü ḡuzūr olan ḡvābuñ vaḡti laṭīfdür ki, ʿiṣ u ḡuzūr pādşahlıḡ taḡtına lāyık degüldür; zīrā pādşāhlarda bu zevḡ u ḡuzūr yoḡdur dimekdür. *Beyt*:

بخسبند خوش روستایی و جفت
بذوقی که سلطان در دیوان نخفت

beyān-ı sābıḡı müʿekkiddür. Ve beḡāʾ-i taʿalluḡ-ı dünyā, merdānelige māniʿ idigi, būriyāya ḡāniʿ iken beyān-ı māniʿden hüveydādur. Nitekim:

هنوز نقش تعلق بلوح دل باقیست
ز فقر نیست که قانع بیوریا شدهام

buyrılmışdur. Yaʿnī; būriyāya ḡanāʿatüm faḡrdan degüldür. Belki henüz levḡ-i dilde naḡş-ı taʿalluḡuñ beḡāsı ḡasebiyledür ki būriyānuñ naḡşı maʿrūfdur. Buña göre būriyāya daḡı taʿalluḡ-ı ḡāṭır eyleyen merd-i kāmīl degüldür. Nitekim Ḥvāce Şāʾibūñ:

چنان خوشست بازادکی مرا صائب
که وحشت قفس از نقش بوریا دارم

beytinde nümāyāndur. Pes ḡāk-i siyāha başt idecek būriyāsı olmayan āzāde, kemāl-i ḡoşluḡdadur. Zīrā naḡş-ı būriyāda olan naḡş-ı kafesden vaḡşet-gīr olan āzādenüñ bī-ḡaydlıḡı vāreste-i ḡayd-ı beyāndur. Ḥattā ḡāk-i siyāha bī-būriyā pehlū-zen olan ehl-i istignānuñ lisānından:

کر ازادهئی بر زمین جنب رس
مکن بهر قالی زمین بوس کس

dimişlerdür. Yaʿnī; eger kemā-yenbaḡī āzāde iseñ ḡāk üzre yan gelüp ḡālī için bir kimesnenüñ ḡuzūrında zemīn-būs-ı ḡızmet olma dimekdür. İmdi nāzımuñ būriyā, merd-i rāha ḡālīdür didigi ʿādet-i fuḡarāyı beyāna göredür; yoksa mevt-i fenāsını yaḡīn iden merd-i rāh, bu taʿalluḡda [Ü201a] daḡı olmamak bī-iṣṭibāhdur.

﴿ زانک خشتش عاقبت بالین بود ﴾ Zīrā ki ‘ākıbet anuñ yaşdığı kerpiç ola. **Z’ān ki**, ‘illetdür; ma’nā «andan ötürü» dimekdür. **Hışt**, kesr-i hā’-i mu’ceme ile «kerpiç» ma’nāsınadır. Āhırinde olan şın, zamīr-i gā’ibdür; merd-i rāha rāci’dür; **bālīn** lafzının āhırine merbūtdur. Me’âlde [S208a] **‘ākıbet**, «encām-ı kār»; bālīneş «anuñ yaşdığı» dimekdür. Bāl, kuş kanadına dirler. Pes yā’ ve nūn ilhākıyle yaşdıga bālīn didikleri bāle münāsebeti olduğındandır ve vech-i münāsebet zāhirdür. **Buved**, «ola». Pes herkes encāmında hışt-ı mezārı yaşdıķ itmek muķarrerdür. Hāfız:

بسا کسا که مه مهر باشدش بالین

بعاقبت ز کل و خشت کردش پستر

Ya’nī; şems ü kāmere beñzer şırmalı yaşdıga yaşdanān niçe kimseler; ‘ākıbet anuñ pisteri gil ü kerpiçden olur dimekdür. Bundan murād; hāk olıserdür dimekdür. (...) İmdi bu hālet-i dehşet-fezāyı der-hātur eyleyen merd-i rāh, bürıyāyı kālī ‘add itmeden hālī olmayup dervīş-i fenā-fi’llāh olmaķ bī-iştibāhdur. Nitekim nāzım bu beyānuñ zeylinde hāl ü şān-ı dervīşānı beyāna taşaddī buyurmuşdur:

Der-Şıfat-ı Dervīş ü Hubb-ı Dervīşān

﴿ کر ترا عقلست بادانش قرین ﴾ Eger senüñ için ‘ırfāna maķrūn ‘aql var ise. **Ger tu-rā**, «eger senüñ için» dimekdür. **‘Aklest**de olan est kelimesi mışrā’uñ āhırine merbūtdur. ‘Aql, ma’rūfdur. **Bā**, müşāḥabet içündür. **Dāniş**, «ilm ü ‘ırfān» ma’nāsınadır. **Ḳarīn**, «muķārīn» ma’nāsınadır.

﴿ باش درویش و بدرویشان نشین ﴾ Dervīş ol, dervīşān ile otur. **Bāş**, «ol»; **dervīş**, ma’rūfdur. **U(ve) be-dervīşān**, «ve dervīşler ile»; **nişīn**, emr-i hāzırdu; «otur» dimekdür. Maşdarı «nişesten»dür. Pes nāzımın evvelā dervīş ol didiginde nikāt vardır. Evvelā faķruñ memdūḫıyyetine ĩmā vardır ki faķır, müte’affıf-i maḥbūb-ı Hūdādur. [Ü201b] Nitekim: ان الله يحب مؤمن الفقير اذا كان متعففا ḥadīş-i şerīfi bu beyānda hüveydādur. Hattā vaktine mālīk olan dervīş-i dil-rīş vaktinüñ şāhıdur dimişlerdür. Nitekim şā’ir eyidür:

Vaktine mālīk olan dervīşdür sultān-ı vakt

‘İzz ü cāh u salṭanat degmez cihān gāvgāsına

Geç otur sedd-i Sikender gibi künc-i ‘uzlete

Baş egme dehr-i dūnuñ efser-i Dārāsına

Lākin bu kişver-i vüs‘at-eşerüñ ḳadrini ancaķ zarrā vü şerrā-dīde olan āgāhlar bilür. Nitekim:

ز ابراهيم ادهم پرس قدر ملک درویشی

که طوفان دیده از آسایش ساحل خبر دارد

dimişlerdür. Ya’nī; dervīşlik mülkinüñ ḳadrini İbrāhīm-i Edhemden şor ki tūfān-[S208b] dīde olan kimse āsāyiş-i sāḫilden ḥaberdārdur dimekdür. Ve bu tā’ifenüñ hāl ü şān-ı devlet-nişānu himmet-i bülend-mekānların seyrān iden ibtidā dervīş olmaludur ki mecālīs-i dervīşāna duḫul ve anlar ile hem-şoḫbet olmağa isti‘dād kesbiyle maķbūl olına dimege işaretdür. Ve dervīşān ile şoḫbet çok fevā’idi cāmī’dür.(...) İmdi dervīşān ile hem-nişīn olmağın menāfi bundan zāhirdür. Hattā Tenbīhü’l-Ġāfilinde tenbīh-i Ebu’l-

Leys böyle olmuştur ki: Ağniyā ile mücāleseden ḥubb-ı dünyā artar; sulṭān ve vükelāsı ile mücāleseden kibr ü kāsvet artar; nisā ile mücāleseden cehl ü şehvet artar; şıbyān ile mücāleseden laḥb ü lehv artar; füssāk ile mücāleseden zūnūba cūr’et artar; fuḳarā ile mücāleseden mā-ḳasema’llāha rızā vü şŭkr artar; şulehā ile mücāleseden ṭā’āte raġbet artar; ‘ulemā ile mücāleseden ‘ilm ü vera’ artar, intihā. Pes kāmīl olan dervīṣān, faḳr u şulehā vü ‘ulemādan olmağın bu fevā’id-i cāmī’a mihr-i şoḥbetlerinden lāmī’adur. [Ü202a] Ve ma’lūm ola ki dervīṣān ḥalkāsına duḥŭlden murād, ḥizmet-i şerīflerinde bulunmak ile ḳalb-i pāk-i himmet-eşerlerine ḳurbet iktisābıdır. Nitekim ḥazret-i Mevlānā buyurmuştur, *meşnevī*:

كفت ادخل فى عبادى تلتقى

جنة من رؤيتى يا متقى

Pes nūr-ı yaḳīn ile münnevver ve ıztırābdan muṭma’inne olan nefis, ‘inda’llāh merzıyye olan nefslere rāzıyye olduğu hālde Ḥaḳḳa rucū’ idüp, ehl-i tevḥīd olan ‘ibādu’llāh zümresine duḥŭl ve anlar ile cennete vuşŭl bulmak gerektür. İmdi zümre-i ‘ibādu’llāha dāḥil olmak anların ḥidemātında der-kār ve ḳalblerin celbe ibtidārdan kināyedür dimişlerdür; yoksa yalnız duḥŭl degŭldür. (...[S209a]...) Anuñçün nāzım terġīb-i mecālīs-i dervīṣānda eyidür:

﴿ **همنشین جز بدرویشان مکن** ﴾ Dervīṣānuñ ġayrı ile muşāḥib olma. **Hem-nişin**, vaşf-ı terkībdür; «ma’iyyet» ma’nāsın muḳayyed olan hem lafzı ile «otur» dimek ma’nāsına emr-i ḥazır olan nişin kelimesinden mürekkebdür; «bile oturıcı» dimektür; mā-ba’dine muzāfdur. **Cüz be-dervīṣān**, «dervīşlerden ġayrı ile» dimektür. **Me-kon**, nehy-i ḥazrdur; «eyleme» dimektür. Pes nāzım bunda ṭarīḳat-i Muḥammediyyeye işāret buyurmuştur. Nitekim Faḥr-i ‘ālem şalla’llāhu ‘aleyhi ve sellem du’ā-yı şerīfinde: اللهم احيى مسكينا و امتنى مسكينا و احشرنى فى زمرة المساكين buyurmuştur. Ve Münebbihātda eyidür: Dört nesneyi dört nesnesiz da’vā iden da’vāsında kāzıbdür; Ḥudāyı severem diyüp meḥārimden ictināb itmemek; ve cenneti severem diyüp fuḳarāya taşadduḳ itmemek; ve āteşden ḳorḳaram diyüp zūnūbdan ihtirāz itmemek; ve Peyġamber-i ‘ālīṣānı severem diyüp mesākīn ü dervīṣān ile mücāleset ü muşāḥabet itmemek, intihā. Pes ehl-i şer’ ‘inde mücālese vü muşāḥabet ancaḳ ehlu’llāh olan dervīṣān ile gerektür; ġayrlarından inḳitā’ ile def-i şudā’ ḳılmaḳ lāzımdur. (...[Ü202b]...) Pes bu şıfāt-ı memdūḥa ile maḥmūdū’l-ḥıṣāl olan dervīṣān-ı ḥamīde-fi’ālden ġayrı ile hem-nişin olmamaḳ lāzıme-i ḥāldendür. Anuñçün nāzım eyidür:

﴿ **تا توانى غيبت ايشان مکن** ﴾ Mā-dāmā ḳādırsin anların ġaybetin eyleme yāḥod anlardan ġaybet eyleme dimek daḥı ma’nādur. **Tā tevānī**, «mā-dāmā ḳādırsin» [S209b] dimektür. **Ġaybet-i işān**, «anların ġaybetin» ya’nī «anları ġaybet»; **mekon**, «eyleme» dimektür. Ma’lūm ola ki ġaybetin nuşŭş ile ḥurmeti ma’lūmdur ve herkesi ġaybet eylemek mezmūmdur. Nitekim dimişlerdür:

بود غيبت خلق مردار خواری

ازین لقمه کن پاک کام وزبانرا

ز کوهر دهد لقمهات ابر نیسان

اکرچه صدف پاک ساری دهانرا

Ya'nî; halkı gaybet itmek ma'nâda cîfe-î^vârlıktır. Bu lûkme-i murdârdan kâm u zebânûnı pāk eyle. Eger şadef gibi dehanûnı pāk düzer iseñ ebr-i nîsân lûkmeñi gevherden virür dimektür. Murâd ma'lûmdur. İmdi huşûşıyla ehlu'llâh olan kimesneleri medh yirine kadh u ta'n idene hadd-i kazf-i ma'nevî lâzım gelmegile ol haddûñ 'aşâsı ma'nevî olur. Ol 'aşâ-yı ma'nevî zebân-ı dervîşândur ki te'sîri seyf ü sinândan eşedd ve kadh idenlere husrânı mümtedd olur. Nitekim:

زبان درازی تیغ و سنان بود چندان

کر از نیام براید عصای درویشی

bu ma'nâya güvâhdur. İmdi dervîşânûñ hayât u memâtında olanların zemm ve mezheb ü meşreblerin ta'n ile müdgâm eylemek revâ degüldür. Zîrâ soñra ol ta'nuñ عیب من mā-şadağınca husrânı zuhûr ider. Kaldı ki 'ibârede müsâmağa-i ikrâr ile «anlardan gaybet eyleme» ma'nâsınca [Ü203a] murâd; anlarûñ hem-vâre dâ'ire-i şoḥbetlerinde merkez-nişîn-i şoḥbet ve celb-i kulûblerine dâ'ir hizmetden gaybet eyleme dimektür. Zîrâ anlara maḥabbet sebab-i duḥûl-i cennetdür. Nitekim nâzım eyidür:

﴿ حب درویشان کلید جنتست ﴾ Dervîşlere maḥabbet miftâḥ-ı cennetdür. **Ḥubb-ı dervîşân**,

«dervîşlere maḥabbet» dimektür. Dervîşândan murâd; şuleḥâ'-i ümmetdür ki anlara maḥabbet sebab-i neyl-i cennetdür. Zîrâ bir kavme ihlâş ile muḥibb-i ḥâşş olan ol kavmûñ 'amellerin işlemiş olmasa da zümrelerinde olur. Zîrâ kulûb beyinde teḳârüb şâbitdür. Ve çok kerre ol maḥabbet, şuleḥâyâ muvâfaḳate mü'eddî olup anlara lâḥıḳ ve nârdan ḥalâş ile duḥûl-i cinâna lâḳ olur. Nitekim Müslim ve Buḥârî taḥrîcleri ile İbnü Mes'ûd razıya'llâhu 'anhdan mervîdür ki bir kimse Faḥr-i 'âlem şalla'llâhu 'aleyhi ve selleme gelüp eyitdi: "Yâ Rasûlu'llâh! Bir kavme lâḥıḳ olmayan kimesnenüñ; "ol kavmi severem" demek niçe olur?" Pes Faḥru'l-enbiyâ 'aleyhi's-selâm مع المرء من احب ḥadîs-i dürer-bârıyla taḥḳıḳ-ı mezkûrı iş'âr buyurmuşdur. Ḥattâ ḥazret-i Enes razıya'llâhu 'anh eyidür: "Bu ḥadîs-i şerîf ile müslimîn bir güne feraḥnâk oldılar ki bir vechile beyâna gelmez" dimişdür. [S210a] **Gilîd**, kesr-i kâf-ı 'Acemî ile «anaḥtar» didikleri âletdür ki anuñla baḡlu olan nesneyi açarlar. 'Arabîsi «miftâḥ»dur. Mâ-ba'dine muzâfdir. **Cennet**, ma'rûfdur. **Est**, edât-ı haberdür. Pes bunda حب المساكين ḥadîs-i şerîfine telmîḥ vardır. İmdi buña göre bunda dervîşândan mesâkîn murâddur. Ve bunlara maḥabbetu'llâh ve fi'llâh anlar ile uḥuvvetdür. Ve bu vechile uḥuvvet, sebab-i sükenâ-yı büyü-tı cennetdür. Nitekim من اتخذ اخافى الله نبى الله بيتا فى الجنة ḥadîs-i şerîfi bu beşârete işâretdür. İmdi bu tâ'ifeye 'adâvet mücib-i nedâmetdür. Nitekim nâzım eyidür:

﴿ دشمن ايشان سزای لعنتست ﴾ Anlarûñ düşmeni ya'nî anlara düşmân olan lacnete lâ'ıktır.

Düşmen-i işân, «anlara düşmân olan»; **sezâ**, «lâ'ıḳ» ma'nâsınadır. Âḫirindeki yâ harfî, câ'izü'l-ḥazf olan yâdur ki bunda mâ-ba'dine izâfet içün zuhûra gelmişdür. **La'net**, «ḫard ve ḫayrdan ırâḳ itmek» ma'nâsına 'Arabî ve Farisîde müsta'meldür. **Est**, edât-ı haberdür. [Ü203b] Ma'lûm ola ki dervîşânûñ her biri, zerre-i vücûd-ı beşerde pinḥân olan ḫurşîd-i enver ve kuzı postında şîr-i ner ve sâ'irlere nisbeten gerçek erdür. Pes ebr-i 'adâvet ile ol ḫurşîd-i hidâyete keşâfet ve ol şîr-i ner ile muḥâşamet iden müstevcib-i uḳûbetdür dimişlerdür. Ve daḡı beşeriyet şamanınûñ zîrinde nihân olmuş baḥr-i bî-pâyânlardır. Pes ol şûret-i kâḫî

üzerine ihānet veyā ḥaḳāret ile pā-nihāde-i ‘adāvet olan ġarīḳ-ı baḥr-i ma‘şıyyet ve ḥarīḳ-ı nār-ı la‘netdür dimişlerdür. İmdi her bir şekl-i fuḳarāda olanı ḥüsn-i zann ile merd-i Ḥudā bilmek gerekdir. Zīrā ḥüsn-i zannıdan zarar görmüş yokdur; ammā sū’-i zannuñ işm ü ḥusrānını çekmiş çokdur. Lākin mürşid ittiḥāzında tedḳīka cevāz vardır. Zīrā her bir hevā-peresti Ḥudā-perest ve her bir maḥmūr u pesti mest-i şarāb-ı elest ve her bir şüret-sāzı, pāk-bāz i‘tikādiyle mürşid ittiḥāz etmek gerekmez. Belki her kelimāti şer‘a muṭābık ve her tā‘āti rızā’u’llāha muvāfık olan ehl-i şalāḥı üstād idinmek gerekdir. (...[S210b, Ü204a]...) Ḥulāşa evliyā vü etḳıyāya ‘adāvet iden la‘īn ve helāke ḳarīn olur. Ḥāfız:

بس تجربه کردیم درین دیر مکافات
با دردکشان هر که در افتاد بدر افتاد

Deyr-i mükāfāt, «dünyā»dur. Derd-keşān/Dürd-keşān, nüş-ı cām-ı ıṣṣ-ı İllāhī iden «evliyā’ullāh»dur. Der üftād, «muḥāşame eyledi» ma‘nāsınadır. Be-der üftād, «helāk oldı» dimekdir. Ve şāriḥ-i ṭarīḳat, İbnü ‘Allān rahimehu’llāh, zevāl-i ĩmānuñ sebeblerin beyānda: “Biri daḥı ‘adāvet-i evliyā’ullāhdur” dimişlerdür. Yāḥod ṭard-ı rahmete müstaḥaḳḳdur demekden bi’l-fi‘l la‘net olunmaları lāzım gelmez dinmek daḥı cevāba şālīhdür, intihā. Pes şüretā [S211a] dervīşüñ sīretini beyān için nāzım eyidür:

﴿ پوشش درویش غیر از دلچ نیست ﴾ Dervīşüñ geyecek ve örtünecegi delḳden ġayrı degüldür.

Pūşış, āḫirinde olan şīn-ı maşdariyye ile «geyecek ve örtünecek» ma‘nāsınadır. Mā-ba‘dine muzāfdur. **Dervīş**, ma‘rūfdur. **Ġayr ez-delḳ**, «delḳden ġayrı» dimekdir. Delḳ, feth ile «cāme-i muraḳḳa»dur ki dervīşāna maḥşūşdur. **Nīst**, «degüldür» dimekdir. Lākin yalnız şüret kifāyet itmez; belki sīret şürete muvāfık gerekdir. Pes sīret-i pāk-i dervīş budur ki beyān olunur:

﴿ در پی کام و هوای خلق نیست ﴾ Murādı eñsesinde ve ḥalḳuñ hevāsında degüldür. **Der-pey-i**

kām, «murād [Ü204b] eñsesinde» dimekdir. Ya‘nī; murād-ı dünyeviyyeyi istiḥşāl ve ārzū-yı nefsañiyyeyi ikmāl ḳaydında degüldür. **U(ve) hevā-yı ḥalḳ**, «ve maḥlūḳa meyl ü ihtılātda»; **nīst**, «degüldür» dimekdir. Ba‘zı nüshada ḥā’-i mu‘ceme ile ḥalḳ yirine ḥā’-i mühmele ile «ḥalḳ» vāḳırdur. Buña göre ma‘nā; «boğazınuñ murād u hevāsında degüldür» demek olur. Pes ma‘nā-yı evvele göre; murāduñ ardınca pūyān ve maḥlūḳa teveccüh ü meyl ile müşārun bi’l-benān olan her ne ḳadar delḳ-pūş olur ise de aña ḥaḳīḳatde dervīş dinmez. Nitekim *beyt*:

ظاهر حال عارفان دلچست

اینقدر بس که روی در خلقتست

Ya‘nī; şüret-i ḥāl-i ‘arīfān cāme-i dervīşāndur. Lākin ‘alāmet-i sū’da bu miḳdār kāfīdür ki yūzi ‘ālemyāndadır. Ya‘nī teveccūhi ḥalḳadur; Ḥaḳḳa degüldür dimekdir. Ma‘lūm ola ki dervīş iki kısım üzredür. Kısım-ı evvel; āyīne-i cūd-ı Ḥaḳḳ olandır. Pes bu ta‘bīrūñ beyānı budur ki; Ḥudā-yı müte‘āl bir ālāy muḥtāc vücuda getirüp, anları mertebe-i iftikāra getirür. Pes ol muḥtāc-ı şābir, ancak kendüyi ḥalḳ iden Ḳādir-i muṭlaḳa ‘arz-ı ihtiyāc eyledikten soñra Ḥaḳḳuñ cūd-ı muḳaddesi muḳteżā-yı ḥukūmeti üzre maḫhar-ı in‘ām u iḥsān ider. Fe‘alā-hāzā ol dervīş, āyīne-i cūd-ı Ḥaḳḳ olmuş olur. Ve ḳaçan kendülerden fānī olmaḳ mertebesine varsalar, anlarıñ vücutları maḥz-ı ni‘metden ‘ibāret olup, Ḥudā-yı müte‘āl

anların berakâtiyle halka ifâza-i rahmet ider. Bunlar defter-i âlemün Hudâya dervîş dinmek ile ihrâz-ı merâtib-i yakîn iderler. Kısm-ı sâni; hilâkatleri âyine-i cûd-ı Hakk iken, ihtiyâcı mahalline arz itmeyüp Hakk kapusını halk kapusuna tebdîl ile âyine-i cûd-ı halk olanlardır ki bunlara Hudâdan dervîş dimişlerdir. Ya'nî şüretleri dervîş ve cânları pür-teşvîş [S211b] olmağın ma'nâda mürde vü efsürde ve in'âm-ı Hakk'a gayr-ı müsteħakk olan pejmürdelerdir ki kadr-i ni'met-i Hakkı bilmeyüp ve şükrin edâ kılmayüp ma'ârif-i İlâhîden bî-behre kalmışlardır. Zîrâ mürde ugrına nevâle tabakı tutulmadığı zâhirdür. Hattâ bu tâ'ife mişâlde «mâhî-i hâkî» didikleri balık şeklinde bir hayvândur ki yirde olup deryâdan nefret ider. Ve dahı mişâl-i diğerde bu mişllü dervîş, mürğ-ı hânedür; sîmurğ-ı hevâ degüldür dimişlerdir. Ya'nî mürğ-ı hâne-i dünyâdur; kâf-ı kurbet-nişîn olan 'anķâ degüldür [Ü205a] dimekdir. İmdi haķıķaten dervîş, 'anķâ-meşreb ve meyl-i mâ-sivâdan mühezzeb gerekdir. Yoksa tahşîl-i murâd-ı nefsanîyye için mahlûķa 'arz-ı iftîķâr iden, şâhib-i edeb degüldür. Nitekim nâzım eyidür:

﴿ مرد تا ننهد بفرق نفس پای ﴾ Kişi mā-dām ki nefsün depesine ayak koymaya; ya'nî nefsi ķahr u zebûn itmeye dimekdir. **Merd**, fethile «er» dimekdir; 'Arabîsi «racûl»dür. **Tâ**, «mā-dām» ma'nâsınadır. **Ne'nhed**, nûn-ı evveli meftûha vü nâfiyedür; nûn-ı şâniye nefsi kelimedendir. Meksûr iken zarûret-i vezn için sâkin kılınmışdır. Bu fi'l-i muzâri'-i menfî-i müfred-i ġâ'ibdür. Tâ ne'nhed, «mādām ki koymaya» dimekdir. **Be-farķ-ı nefis**, «nefsün depesine» dimekdir. «Be-farķ»da bā, ilşāk içündür. Farķ, «baş depesi»dür. Nefs, ma'rûf ve emmâre şıfatıyla mevşûfdur. **Pāy**, «ayak»dur; 'Arabîsi «ķadem»dür. Ma'ûm ola ki kişinün şüreti her ne ķadar merd-i rāh ve tālîb-i dergāh-ı İlāh olsa, hūzûz-ı nefsanîden gūzer, belki ol yolda terk-i ser kılup nefsinı muţma'inne mertebesine ulaşıdurmadıķca vuşûl ila'llāh hāşıl idemez ve 'uķde-i umûrına kûşāyiş viremez. Nitekim rişte-i girihdār, ķeşm-i sūzenden gūzer idemez diyü:

رشته تا دارد کره از چشم سوزن نکذرد

نکذری تا از سر خود عقده کار خودی

buyurmuşlardır. İmdi rāh-ı vuşûl-i dergāh-ı İlāhda terk-i serün ma'nâsı, 'aşıķ-ı fenā-fi'llāh olmaķdır. Bu ise evvelā nefsi emmâreyi pā-māl ve başına vaż'-ı ķadem ile her bir ârzûsını ihmāl itmege mevķûfdur. Ve bu vechile 'alā'ıķdan tahlîş-i girîbān ve tathîr-i dāmān idemeyen:

چنین که خار علائق تراست دامنگیر

سفر ز خود نتوانی بهیچ جا کردن

müfâdıncı, kendüsinden hîç bir yire sefer itmege ķadır olamaz; belki medār bārgîri gibi devr-i dā'im-i seyre mülâzım olsa, ol dā'ireden ġayrı bir yir ķaţ idemez dimişlerdir. Ve bu taķşîrâta sebeb ittibā'-ı hevā-yı nefsdür. İmdi [S212a] nefsün farķına vaż'-ı ķadem idemeyen:

﴿ ره کجا یابد بدرگاه خدای ﴾ Dergāh-ı Hakk'a ķande yol bulur. **Reh**, rāhdan muħaffefdür; «yol» ma'nâsınadır. **Kucā**, «ķanda» dimekdir. **Yābed**, «bulur»; **be-dergāh-ı Hudāy**, «Hakkın dergāhına» dimekdir. Dergāh, «icāzet kapısı» dimekdir. [Ü205b] Pes dergāh-ı haķıķî ancak cenāb-ı Hakkıñ kapusıdır. Hāfız:

کر که خواهد کر بیا و هر چه خواهد کو بکو

کبر و ناز و حاجب و دربان این درگاه نیست

mışdâkıncı ol bâbuñ tâlibine mâni^c ü mezâhim yokdur. Lâkin neyl-i meţâlîbe de şurûţ u kıyûdât vardır. Cümlesinüñ başı, nefsiñ başına bir kül elemek baʿdehü maqşûdını dilemekdür. Böyle olmadıkça ʿâşık dergâh-ı İlâha yol bulamaz didikleri bî-iştibâhdur. (...) İmdi ضمنا بما علم تصریح kıʿidesi üzre dergâh-ı İlâha sâliküñ hâl-i sülûkünü beyân için nâzım eyidür:

﴿ مرد ره در بند قصر و باغ نیست ﴾ Sâlik-i râh-ı Hâkķ kûşk ü bâğ kaydında degüldür. **Merd-i reh**, «yol eri»; **der-bend-i kaşr u bâğ**, [Ü206a] «kûşk ü bâğ kaydında»; **nîst**, «degüldür» dimekdür. Bâğ, Fârisîde maʿrûfdur ve eşcârı hâvî olan her teferrücgâha [S212b] ve mesîre mekâna ıtlâk olunur. Ve ekşer-i bâğ kaşr-ı zîbâdan hâlî olmadığından nâzım bunda bâğ münâsebetiyle kaşrı zikr itmîşdür. Ve ekşer-i kaşr-ı zîbâ dil-ber-i raʿnâsız olmadığından kaşr zikri ile; merd-i râh, kaşr ve kaşrda olan dil-rubâ kaydında degüldür dimege dahı işâret vardır. Zîrâ kaşr kaydında olmamak hem kendi şafâsı ve şafâ-yı enîs-i dil-rubâ kaydında olmamağdan kinâye idigi bî-reybdür. Ve bunlardan bî-kayd olmağın maʿnâsı, siyâk u sibâk karînesiyle bunların tedârükine düşmediklerinden bu maqûle cây-ı zîbâ ve mülâyimi olan dil-ber-i raʿnâ-yı dünyâ ile zevk u şafâya mâlik ve bu yollu râh-ı nâ-hem-vâra sâlik olmamışlardır dimege işâret ve merd-i râhuñ şâhib-i teʿemmül olduğına imâʿ-i laţîf ü beşâret vardır. Bu gürühuñ teʿemmülü, râh-ı maqşûd-ı ârâlarında nefis ile şeytânüñ idlâl t arıqleriniñ fikrini çeküp, râh-ı râstdan dür olmamağdur ve selâmet yolu bulmağdur. Yoksa râh-ı râst içre hevâdarlık ile güm-râhlık hâtarı bisyârdur. (...) Hülâsa-i kelâm merd-i râh-ı İlâhî olan dervîş-i fenâ-fiʿllâh, kaşr u bâğ-ı dünyâdan biʿl-küllîye güzër itmedikce râh-ı maqşûda sülûk ile seyr ü sefer idemez. Ve çirk-i dünyây-yı dün ve zehârif-i hevâ-yı nefis-i nâ-mevzûndan el yumadıkça ihrâz-ı merâtib-i ʿulyâ ve mişâl-i ʿİsâ, dest-i pâk-i saʿâdet-ârâyı bir kâse-i hurşîd-i enver-mişâlde eylemek müyesser degüldür dimişlerdür. Nitekim:

تا چو عیسی دست خود از چرک دنیا شسته‌ام

دست در یک کاسه چون خرشید انور میکنم

beyt-i laţîfî bu maʿnâya güvâhdur. Zîrâ kaşr u bâğ kaydında olmak merd-i râh olmağâ mâni^c ve ol kayd kişinüñ ayağına bağ olacağı şâyı^cdür. Bu bağları kaç eylemeyüp ʿalâʿiğ-ı dünyâ ile merbûţ olan kimesneye taqrî^cde:

همراه تست رزق بهر جا که میروی

در گوشه قفس [Ü206b] چه پی دانه ماندن

در سنگ لاله در جگر کل نمائد

ای خانمان خراب چه در خانه ماندن

Yaʿnî; muķîm-i hâne-i hodî olan maḥbûs-ı kafes-i nefis, her kıanda varur iseñ rızķuñ saña hem-râh iken gûşe-i dâm-ı nefisde dâne ardınca ne kıalduñ ve merd-i râh-ı tarîķın tutmayup kendüni araya şalduñ. Maʿa-hâzâ sengde olan lâle ve ciger-i hâkde gül kıalmayup, lâle dâğdâr ve gül hûnîn-i destâr olarak seferi ihtiyâr

eylemişken iy hānmān-harāb [S213a] hāne-i ḥodīde sen ne ḳalduñ? dimişlerdür. Ammā ‘alā’iḳdan bī-ḳayd olan merd-i rāhuñ vaşında nāzım dimişdür:

﴿ بر دل او غیر درد و داغ نیست ﴾ Anuñ gönli üzre derd (ü) dāguñ ğayrı degüldür. **Ber-dil-i o**, «anuñ ḳalbi üzre» dimekdür. O, zamīrdür; merd-i rāhā rāci’dür. **Ġayr-ı derd**, «ağrı vü zahmetden ğayrı» dimekdür. Murād; derd-i dil-i ıṣṣ-ı İlähīdür. **U(ve) dāğ**, derd üzerine ma’ṭüfdür; ğayr lafzı bunuñ daḳı başındadır. Ma’nā; «ve dāğdan ğayrı» dimekdür. Dāğ, insānuñ veyā ḥayvānuñ cesedine āteş veyā āteşde ḳızdırılmış timür ile yaḳdıkları nişāndur ki ‘Arabīde yā’-i müşeddede ile «keyy» dirler. Ve daḳı ba’zı meşḳ-ı ıṣṣ idenlerüñ ḳollarına yaḳdıkları dāğ-ı meşhūra dinilmişdür. Ve daḳı bir kimseden dil-gır olmağı bunuñla ta’bīr idüp: “Fülāndan dāğ oldum” dirler. Pes bunda dāğdan murād-ı nāzım, nār-ı ıṣṣ-ı İlähī ve āteş-i maḥabbet-i nā-mütenāhī ile ḥarīḳu’l-fu’ad olmaḳdur. **Nīst**, «degüldür» ve «yoḳdur» ma’nālarınadır. Ma’lūm ola ki ‘ālem tamāmen Süleymān-ı ıṣṣ-ı ḥaḳīḳīnün zīr-i nigīninde müsahḥar olmağıla, cihānda dāğ-ı ‘ālem-süz-ı ıṣṣdan ḥālī bir dil yoḳdur diyü *beyt*:

نیست یکدل در جهان بی داغ عالمسوز عشق

هست در زیر نکین عالم سلیمانرا تمام

buyurmuşlardır. Ve fi’l-ḥaḳīḳa ‘alā-vechi’l-‘umūm ıṣṣdan ḥālī bir dil yoḳdur. Lākin ol ıṣṣı Ḥaḳḳa şarfdā üç vesā’iṭ vardır. Biri pāk nazār ile bir şey’-i cemīle ‘āşıklıḳdur. Bu vechile ‘āşık bi-‘avni’llāh cezbe-i Ḥaḳḳa ulaşır dimişlerdür. Ve muḳanṭara-i ḥaḳīḳat didikleri mecāz bu resme olandur. Ve biri recā’-i cennet ve ḥavf-ı ‘azāb-ı āḫiret ile [Ü207a] Ḥudā-yı müte‘āle geregi gibi ‘ibādāt u ṭā‘āt itmegile bi-fazlı’llāhī te‘ālā vāşıl-ı mertebe-i yaḳīn olup ve ol mertebeyi güzer kıldıḳda, nūş-ı şarāb-ı ḥaḳīḳat ile mā-sivānuñ cümlesinden geçüp لوجهک الکرم du‘āsını kelīm olur. Ve biri daḳı Ḥaḳḳa ‘āşıklıḳ tevehhūmi ile ḥaḳḳa kendü kendüyi ‘āşık gösterendür. Pes böyle olan kimesne bu vehminden kāzib bir mūrāyī vü düzd-i şüret ise niçe biñ seneler bu tarz ile ‘ibādet üzre mu‘ammer olsa bu mişllü mecāz kendüyi ḥaḳīḳate mūşıl olmaz. Ve encāmında böyle mūrāyī felāḥ bulmaz. Ve eger bu vehminde şādık ise anuñ bu taḳlīdi bi-‘avni’llāh taḥḳīḳ olmağın kendüyi bir mürşid-i ḥaḳīḳat-şināsa çeker. Ve ol vāsıta ile meczūb-ı ḥaḳīḳat olur dimişlerdür. [S213b] İmdi derūnında derd ü dāğdan ğayrı nesne bulunmayan merd-i rāh, merātib-i maḥabbetu’llāhda nā’il-i rütbe-i yaḳīn ve vāşıl-ı nūş-ı şarāb-ı ḥaḳīḳat-i ‘āşıkındür ki derd ü dāğ-ı dilleri herkesüñ muḳteżā-yı ḥikmet üzre maḫzar oldığı feyza göredür. Ve dil-i ‘āşık bu süzişden bir sâ‘at ḥālī olmaz. Nitekim:

ز درد و داغ نیست یک ساعت دل عاشق

همیشه دست لب کرمست مهمان تجلی را

buyurmuşlardır; murād ma’lūmdur. Ve derd ü dāğ-ı dil-i ‘āşıkuñ fā’idesi maḥabbet-i tāmm ile neyl-i merāmdur. Ya’nī ḥāmlıḳ ṭamarların ḳaṭ ile puḫtelik bulmaḳdur. Ve puḫtelikten ise meşelā semer-i ḥāmuñ leṭāfet bulması zāhirdür. Nitekim bu ma’nāya Ḥ’āce Şā’ib:

ز درد و داغ محبت تمام کرد دل

ز پختکی ثمر خام میشود فربه

beytiyle ĩmā eylemişdir. Ve dāğ-ı dilüñ keşretini beyānda *beyt*:

داغ پنهان مرا کیست شمارد صائب
در دل سنگ شرر را نشمر دست کسی

diyü buyurmuşdur. Yaʿnī; pinhān-kerde-i derūn-ı sūznāk u dil-i pākūm olan dāğ-ı āteşnākūmi, iy Şāʿib kimse şayamaz. Nitekim dil-i sengde ħulķī olmak üzere muzmer olan şererleri kimse şayamamışdur dimekdir. Ve derd ü dāğūñ kadrini ʿāşık-larūñ cānı bilür. Nitekim Hâce-i mūmā-ileyhūñ *beyt*:

جان عاشق قدر درد داغ میداند که چیست
سکه کامل عیاران مرد میداند که چیست

beyti ile istişhād olunmuşdur. Ve fiʿl-ħaķīķa sikke-i kāmīl-ʿayārānuñ ne oldıñın ancak merd olan bilür. Ve keşret-i dāğ-ı pinhānī-i ʿāşıkān, ħāric-i ħīṭa-i beyān-ı lisān oldıñı gibi, dāğ-ı āşkār ve beşere-i bedenleri birbirlerine ħalka-i zencīrvār peyvest olmağın güyā zīr-i ħabāda zirihdār zann olınurlar. [Ü207b] Nitekim:

ز بس که در تن من داغها بهم پیوست
کمان برند زره در ته قبا دارم

beyt-i laṭīfī bu maʿnāya dālıdır. Ve dağı şeh-per-i tāvūs ārāyişe muhtāc olmadığı gibi dāğ-ı ışk didigimiz zaḥm-i pür-süz elmās u nemeke muhtāc degüldür diyü:

نیست داغ عشقرا حاجت بالماس و نمک
شهر طاووس را بهر چه آراید کسی

beyt-i laṭīfīni işāret itmişdir. Pes dāğ-ı ışk ile zaḥmnāk olanuñ zaḥmine rīze-i elmās ekmege ve nemek-pāş olmağa ħācet olmadığından, ol dāğ-ı pür-nūr sīne-i ʿāşıkānda şuʿle-pāş-ı ħubūr ve bāʿiṣ-i sürür-ı vücutları olmak *beyt*:

میشود آیا ز [S214a] نور سینهام عالم فروز
کر چراغ کشتهئی آرد کسی بر خاک من

maẓmūnından hüveydādur. Yaʿnī iy muḥāṭab! Ben ʿālem-i uķbāya bu dāğ-ı ışk ile güzēr ü seferümden soñra bir kimesne benüm mezārum üzere bir sönmiş çerāğ getürse, benüm dāğ-ı sīnemüñ nūrından ol çerāğ-ı mürde pür-süz u ʿālem-efrüz olur dimekdir. Bundan murād, merd-i rāh olan ʿāşık-ı cemālūʿllāh, evvelā bu fenānuñ kaşr-ı pür-ķuşūr ve bāğ-ı pür-ħār u bī-ħuzūrı kaydından āzāde olup baʿdehū āteş-i ışk-ı İlāhī ile puḥte vü nār-ı maḥabbet ile sūhte olmak gerekdür ki dervīş-i fenā-fiʿllāh u merd-i rāh olmağūñ şartını yirine getür. Yoksa ebnāʿ-ı dünyā gibi ʿimāret-ħāne-i ʿālemde būnyān-ı kaşr-ı dil-ārā vü seyr-i bāğ-ı tarāvet-pīrā kaydında olup, güyā dünyāda iķāmet sevdāsın idenlerüñ ħālī dīger ve merdān-ı rāhlardan bī-ħaber ve būnyād-ları encāmında ħarāb u kendüsi türāb olmak bī-irtiyabdur. Nitekim nāzım eyidür:

﴿ کر عمارترا بری بر آسمان ﴾ Eger ʿimāreti āsmān üzere iletessin. Yaʿnī; gāyet refīʿ u ʿālī binālar

būnyād idesin. **Ger**, edāt-ı şartdur. **ʿİmāret**, bunda «taʿmīri murād olınan binā» maʿnāsına olmak hüveydādur. Ve maʿmūr maʿnāsına ve taʿmīr maʿnāsına mecāzen müstaʿmeldür. Nitekim «ʿimāret-i ħāṭır»da böyledür. **Rā**, edāt-ı mefʿüldür. **Berī**, feth-i bā ile muzāriʿ-ı müfred-i muḥāṭabdur; «iletessin»

dimekdür. **Ber-āsmān**, «gök üzerine» dimekdür. Bunda olan mübālağa farza mebnîdür ve mışrâ-ı şânîde âti'l-beyân «zîr-i zemîn» lafzı ile teķābül-i ĥüsnî içündür. Ma'lûm ola ki 'âlem-i fânîde miķdâr-ı [Ü208a] kifâyet-i şer'iden ziyâde binâ bünyâd eylemek şâhibine vebâldür. Ve kıyâmetde taĥmîli ile teklîf olunur. Nitekim يوم القيامة من بنى فوق ما كفيه كلف ان يحمله ulyāya şarf-ı māl idenler:

‘Aklı yokdur şunuñ ki ‘âlemde

Taşa toprağa ĥarcider mālı

İşbu dār-ı ĥurūra neñ şıġmaz

Neñe yetmez bu ġünbed-i ‘ālî

maẓmûniyle naşâyıĥ yollu eş'ar çoķdur. Bu kıt'a-i dil-ārā gibi ve daĥı bünyân-ı refîc ashâbına reşk eylememek ĥaķķında söylenen:

Aġniyâyı ġörüp ĥased kıılma

Kısmet-i Ĥaķķ hemîşe ‘âdiledür

Bunda Şeddâdi kaçır iden bünyâd

Âĥirinde Şemûd u ‘Âd iledür

ebyât-ı leţâfet-nümâ gibi ve daĥı encâm-ı kârı beyân ĥaķķında olan niçe eş'âr-ı şu'arâ gibi ki ez-cümle İbnü Yemîn buyurmuşdur:

ای که حصن حصین [S214b] همی سازی

بس بکیوانش میکشی ایوان

تا بدانی که چیست حاصل آن

آیت اینما تکونوا خوان

Ya'nî; iy metîn ĥal'a binâ eyleyen kimse! Yeter anuñ eyvânını keyvân-ı āsmāna çekesin. İmdi تکونوا اینما ebyât-ı leţâfet-nümâ gibi ve daĥı encâm-ı kârı beyân ĥaķķında olan niçe eş'âr-ı şu'arâ gibi ki ez-cümle İbnü Yemîn buyurmuşdur. Murâd; bünyân-ı serâyı vü eyvân-ı bülend-mekânı farzâ keyvân-ı āsmāna ulaşırsañ yine encâmında mevtûñ saña vuşûli ile medfûn-ı zîr-i türâb olmañ bî-irtiyabdur. Nitekim dimişlerdür, *naẓm*:

Ādeme âĥir ĥarâm olur ĥarîmi ‘âlemûñ

Tāk-ı eyvân ile ġörme kendüñi ‘ālî-cenâb

Kaşr-ı vâlâ ile iy ‘ālî-maķām oldum şanan

Kendüñi yüksekde ġörme menzilûñ taĥt-ı türâb

Üstüĥ'ānuñile sen çetr-i ĥümâyûn itseñ

Ġür içinde mûr ĥayli ĥayme kıldı bî-tınâb

intihâ. Ve nâẓım raĥimehu'llâh bu ma'nāya binâ üzre buyurur:

﴿ عاقبت زیر زمین کردی نهان ﴾ Āķıbet yir altında nihân olursın. ‘Āķıbet, ma'rûfdur. **Zîr-i**

zemîn, «yir altında»; murâd taĥte't-türâb dimekdür. **Gerdî**, fetĥ-i kâf-ı 'Acemî ile muzâri'-i müfred-i muĥâtabdur; «olursın» dimekdür. Maşdarı şayrûret ma'nāsına olan «gerdiden»dür. **Nihân**, «gizlü»

dimekdür; muḳābili «āşkār»dur. Maʿlūm ola ki [Ü208b] bu zemīn-i şürezār-ı ʿālem ḳābil-i ʿimāret degül iken taʿmīr-i cihān ḳaydına düşmek ʿabeṣdür diyü:

بر نمی دارد عمارت این زمین شره زار
ما عبث در فکر تعمیر جهان افتاده‌ایم

buyurmuşlardır. Zemīn-i şürezār-ı beden daḫı böyledür. İmdi nāzımuñ bu beyt-i laṭfinde bir ḳaç nükteye işāret vardır. Evvelen; esbāb-ı ḡurūr ile āsmān ḳadar olan her bir ʿālī-ʿunvān encāmında zīr-i zemīnde nihān u bī-nişān olur dimekdür. Şāniyen; bünyān-ı ʿimāret-ʿunvānı ne ḳadar ʿālī ḳılsañ ve içinde kendi kendüñi ʿāleme ʿālī gösterseñ, ber-muḳteżā-yı rüzgār ol ʿimāreti terk idüp inzivā-güzīn-i ḡuşe-i zemīn-i mezār olursın dimekdür. Ḳaldı ki ol ʿimāret-i ʿulyānuñ ḫālını beyāndan nāzımuñ sükūti ke-zālik iki nükteye işāretdür. Evvelen bir ʿimāretüñ şāḫibi her ne ḳadar muʿammer olsa kendi ʿimāretinden muḳaddem ḫarāb olur dimekdür. Şāniyen; şāḫibsiz ḳalan ʿimāret āheste āheste ḫarāb olur didikleri maẓmūna işāretdür. Nitekim dil-i bī-ʿışḳuñ ḫarāb oldıḡın [S215a] temşilde *beyt*:

سرایي را که صاحب نیست ویرانست معمارش
دل بی‌عشق میکردد خراب آهسته آهسته

dimişlerdür. Ve daḫı bu ʿimāretüñ ḫukmen ḫarābı, şāḫibinüñ fevt ü mevtinden ʿibāretdür. “Fülān öldi” demek maʿnāda ḫānesi ḫarāb oldı dimekdür. Belki niçelerüñ fevti ʿaḳabinde ḫānesi maʿmūr iken bir taḳrīb ile taḫrīb eyledikleri, maʿnā-yı murādı işbātta kāfīdür. İmdi ʿimāreti ḫukmen ḫarāb ve taʿmīri ḳaydında olanuñ ʿāḳıbeti mevt ve menzili taḫteʿt-türāb olan vīrāneyi taʿmīr itmek, ḡaflet ile ṭul-i emele mütābaʿatden nāşīdür. Nitekim ḡāfillerüñ başında olan ṭul-i emeli, kebüter-ḫānede āşyān ṭutan māra teşbīḫ idüp, *beyt*:

درسر این غافلان طول امل دانی که چیست
آشیان کردست ماری در کبوترخانه

dimişlerdür. Pes ʿāḳıla lāzım olan selef-i şāliḫinüñ sīretine sülūk ile izn-i şerʿi üzre miḳdār-ı kifāyet süknāya ḳanāʿat idüp ʿömrinüñ ve vaḳt-i ḫālinüñ ḫaddinden ṭaşra binā bünyādından keff-i yed ü ferāḡat ḳılmaḳdur. Yaʿnī zehādet tarīḳına riʿāyet ḳılmaḳ gerekdür ki ol üçdür: Evvelkisi; aʿlādur ki Ehl-i Şuffe gibi mesācidden birinüñ [Ü209a] zāviyyesinde hem-vāre inzivā ile ṭāʿatdür. Şānisi; evsaṭdur ki bir ḫucce-i muʿayyenede ʿibādet ile iḳāmetdür. Sālis; ednāsıdur ki miḳdār-ı kifāyet bir muḫtaşarca ḫāne ittiḫāz itmekdür. Ḥattā bal arısı gibi muḫtaşar menzili olanuñ nev-bahār-ı ḫayātı ḫalāvet ile başa varur diyü *beyt*:

بشیرینی سر آرد نوبهار زندگانی را
چو زنبور عسل آنرا که منزل مختصر باشد

dimişlerdür. Pes dāʿireyi büyük cızmaḳ dīnde vü dünyāda ḫusrānı mūrīşdür dimişlerdür. Nitekim Hārūn-ı Reşīdün ḳaşr-ı vālā-bünyānına Behlül girüp: “یا هارون رفعت طین و وضعت الدین” diyüp baʿdeḫü eline bir feḫm alup, ol ḳaşruñ dīvārına; “Eger ḫalāldan ise Ḥudā müsrifleri sevmez. Ve eger ḫarāmdan ise Ḥudā ḫāʿinleri sevmez” diyü taḫrīr buyurdı dirler. Ve yene ol ḳaşr-ı dil-ārānuñ içine kibār-ı zühḫāddan Seleme bin Aḫmed girüp, Hārūnuʿr-Reşīde ḫiṭāben, *beyt*:

اما مكانك فى الدنيا فمتع

فليت قبرك بعد الموت المتع

buyurdıkda Hārūn hayli zamān giryān oldı dirler. Ve ‘imāret-i dünyā her ne kadar zāhirde ma‘mūr olsa ma‘nāda nāmı vīrāne ve ta‘mīri kaydında olan dīvānedür. (...[S215b]...) Pes ‘imāretinde şāh u gedā için beķā mutaşavver degüldür. Nitekim nāzım eyidür:

﴿ کر چو رستم شوکت و زورت بود ﴾ Eger Rüstem-i Zāl gibi şevket ü heybet ü kuvvetüñ ola.

[Ü209b] **Ger çü Rüstem**, «eger Rüstem gibi» dimekdür. Rüstem-i meşhūr ve beyānı yukarıda meşhūrdur. **Şevket**, bunda «heybet ü ‘azamet» ma‘nāsınadır; Fürsde vü ‘Arabda müsta‘meldür. Ve ‘Arabīde «aķrebūñ şancacaķ ignesine ve dikene ve diken batmaķa» daķı dirler, fe’fhem. **U(ve) zūret**, vāv ‘āṭife; zūr, «kuvvet» ma‘nāsınadır. Āħirindeki tā, ḥiṭāb içündür. Ḥiṭāb her bir zinde olan insāna şāliḥdür. **Buved**, «ola» dimekdür.

﴿ جای چون بهرام در کورت بود ﴾ Senüñ mekānuñ Behrām-ı gūr gibi gūrda ya’nī ķabrde ola.

Cāy, mekan ma‘nāsınadır. Me’alde **der-gūret**, lafzında olan tā’-i ḥiṭāba muzāfdur. Ta’bīri «cāyet»dür. Ma’nā; «senüñ mekānuñ» dimekdür. **Çün Behrām**, «Behrām gibi» dimekdür. Behrām, bunda Behrām-ı gūr dimegile meşhūr şāha işāretdür. Müşārun ileyh gāyet ‘azametlü şāh idi. Dā’imā gūr didikleri hayvānuñ şaydında olduķı ḥasebiyle kesret-i isti‘mālden Behrām-ı gūr dinmek kendüye ‘alem olmuşdur. Ḥattā bir gün mezkūr hayvānuñ birin şikār için ardına düşüp, hayvān uğrında bir maķāraya girüp, kendü daķı ardınca girüp, esb ü ālātile ol gārda gā’ib oldı dirler. Pes Behrām-ı gūruñ mekānı ya’nī mezarı gūrda oldı. Nitekim der-gūr, «ķabrde» dimekdür. Gūr, zamm-ı kāf-ı ‘Acemī ile iki ma’nāya gelür: Biri; tağ eşegi didikleri hayvāndur ki, Behrām-ı pādşāh şaydıyle iḥtişāş bulmuşidi. Ve bir daķı ķabrdür ki bunda murāddur. Nitekim Ḥ^vāce Ḥāfızuñ:

کمند صید [S216a] بهرامی بیفکن جام جم بر دار

که من پیمودم این صحرا نه بهرامست و نه کورش

beyti bu beyānda kāfıdır. Ma’nā-yı beyt: Behrāma mensüb olan şayduñ kemendini bırak; Cām-ı Cemi tūt. Ya’nī ‘ışķ u ṭā‘ate sa’y eyle; ğayrıdan ferāġat eyle. Zīrā ben bu şāhrāyı ṭayy itdüm; ne Behrām ve anuñ gūrı vardır dimekdür. Gūr, bunda ķabr ma‘nāsınadır; «ḥimār-ı vaḥşī» ma’nāsı īḥāmıdır. İmdi ‘ışķ u ṭā‘at ü riyāzata sa’y selāmetdür. Ve devr-i felege ve devlet-i dünyāya maġrūriyyet belā vü ḥamāķatdür. Nitekim *beyt*:

بیاور می که نتوان شد زمکر آسمان ایمن

بلعب زهره چنکی و مریخ سلحشورش

Şarāb-ı ‘ışķ getir; zīrā āsmānuñ mekrinden emīn olmaķ olmaz; çengī Zührenüñ ve sileḥ-şor Mirrīḥüñ la’biyle dimekdür. Zühre, sāzende-i felek ve Mirrīḥ kesr-i mīm ile cellād-ı felekdür ki ziyāde naḥşdur dindigi ḥaķıķat-i ḥāldür. (...[Ü210a]...) **Buved**, «ola». Pes nāzımuñ bu beytinde evvelen şevket ü kuvvete ve şāniyen salṭanat ü devlete i‘timād ve mevti men‘ ü def’a çāre yoķdur dimege işāreti āşķardur.

(...[S216b, Ü211a¹⁹]...) Pes dünyānuñ fenāsi vü ‘uqbānuñ beķası gūzerān idenlerden ve pey-der-pey gidenlerden ma‘lūm oldu ise:

﴿ ای پسر از آخرت غافل مباش ﴾ İy oğul! Āhıretten gāfil olma. Terķīb-i tertīb ve ma‘nā-yı ‘ibāre zāhırdür. Ma‘lūm ola ki āhıretten ‘adem-i gāflet, dünyāya ‘adem-i maħabbet ve tūl-i emeli terke mübāderetden kināyedür. Ve tūl-i emelūñ esbābı; ħubb-i dünyā ve mevtden gāflet ve şıhhat ü şābiyyet ħasebiyle metā‘-ı dünyāya mağrūriyyet idigi Tarīkatde mestürdür. Ve tūl-i emelūñ gavā’ili; tā‘ate kesel ve tesvīf-i tevbe ve mevti ve mā-ba‘dini ‘adem-i zıkrinden nāşī ķasvet-i ķalb ve ħırş-ı cem‘-i māldür. Pes bunların ‘ilacı hādım-i lezzāt olan mevti çok yād eylemekdür. Ve mevtiñ vā‘ızıyyetde kifāyeti ħadīs-i şerīf ile şābitdür ki: كفى بالموت واعظا و كفى باليقين غنا dur. Ve tercemesi budur ki zıkr olunur:

Saňa her dem bu cevher-i kelimāt

Olmağa zīb-i gūş-ı cān besdür

Ādeme itti‘āz-ı ‘ibret içün

Yalañuz fevt-i dıgerān besdür

Ve ma‘lūm ola ki gāflet iki kısımdur. Biri; mu‘tedile vü maķbüledür. İnsanı Ĥaķķdan gāfil eylemez. Belki meşā’ibüñ ālāmından ve mūcib-i ħayret ü dehşet olan mevānı‘-i tā‘atden gāfil eyler. Pes bu ni‘met-i İlāhıdır. Zīrā bu olmasa insān keşret-i dehşetden ve galebe-i firķatden mu‘aţţal olur idi ve ħumūd mertebesin bulur idi. [S217a] Bu mertebe ise mezmūmdur. Anuñçün [Ü211b] gāflet-i mu‘tedileyi ‘ālem-i gaybden ħikmet-i İlāhiyyenüñ irsāli meşā’ib-zedegānuñ ķulūblerin tesliyet ve ħayret rütbesine varanların rūhı revḥ ü rāḥat bulmak içündür dimişlerdür. Kısm-ı şānı; gāflet-i mütecāvize vü mezmūmedür ki, bi-ğadaḃi’İlāh ba‘zı ķulūba istilā itmegile şāħibini Ĥudādan vü tedārük-i ‘uqbādan gāfil ve zīnet-i dünyāya mā’il ve ekl ü şürb ü nevme şāğıl eyler. Ve bu gāflete meşāyih-ı ‘izām «sütün-ı ‘ālem» tesmiye itmişlerdür ki cihānuñ şüretā ma‘mūr u müzeyyen olmasına ve ehline göre revnaķ bulmasına sebep-i ‘illetdür. Nitekim لولا الحمقاء لخربت الدنيا ħaber-i münīfi mażmūnınca ħamāķat ü gāflet, bu fenānuñ zīb ü ‘imāretine bādıdır. Ammā huş-yārılık, bu ‘āleme nisbeten āfetdür ki bu fenānuñ ta‘mīr ü tezyīnine mānı‘ olur. Nitekim ħazret-i Mevlānā meşnevī:

استن این عالم ای جان غفلتست

هوشیاری این جهانرا آفتست

diyu buyurmuşdur. Pes huş-yārılık, ‘ālem-i ma‘nevīdendür. Kaķan gāflete gālib olsa, gāflet mużmaħill ü bī-eşer olur. Zīrā emşalde gāflet, mūncemid olan āb ve huş-yārılık āftāb yirindedür. Pes gāfletüñ izmiḥlālinde bu ‘ālem-i fānı ve metā‘-ı dil-fırībini nażar-ı itibārdan sāķıţ u nā-ķız olur. Ve daḣı huş-yārılık, baħr-i hidāyet-i İlāhiden bir kaţre-i mu‘tedile-i raħmetdür ki, dāfi‘-i ħ‘āb-ı gāflet ve bā‘ış-ı ‘ayn-ı başiretdür. Ve kaķan mezkūr huş-yārılık ‘ālem-i İlāhiden ziyāde gelür ise ol zamān mā-sivāya müte‘allık ‘ayb u hüner, nażar-ı ‘aşıķda cümleten maḣv u bī-eşer ķalır dimişlerdür. İmdi āħireden bu ma‘nāca gāfil olma; huş-yār ol ki nażarında metā‘-ı dil-fırīb-i dünyā nā-ķız ü bī-eşer görine. Nitekim nāzım eyidür:

¹⁹ Ü210b boştur.

﴿ بامتاع این جهان خوشدل مباش ﴾ Bu cihānuñ metā‘ıyle mesrūru’l-bāl olma. **Bā-metā‘-ı in cihān**, «metā‘-ı dünyā ile» dimekdür. **Hoş-dil**, terkīb-i tavşīfdür; me’alde «sürürü’l-bāl» dimekdür. **Me-bāş**, «olma». Pes metā‘ didikleri eşvāb u ālāt-ı dünyā, metā‘u’l-gurūrdur; kālā-yı sürür degüldür. Nitekim وما الحیوة الدنيا الامتاع الغرور āyet-i celīlū’ş-şānı bu beyāna delīl ü burhāndur. Ve dağı bir serī‘u’z-zevāl olan şey’ kālīldür. Nitekim Qur‘ān-ı celīlde sı‘at ü hazz-ı ‘iş-i küffārı beyānda قليل متاع vārid olmuşdur. Bu kelām-ı şerīfün mübtedāsı mahzūfdur. Ma‘nā; ticārāt içün [Ü212a] bilādda küffāruñ teğallūbi metā‘-ı kālīldür. Ya‘nī kaşīru’z-zamān ve serī‘u’z-zevāldür. Mā‘ında’llāha nazaran dimekdür. Ve bu beyānda hazret-i Faḥru’l-enām ‘aleyhi’s-selām ما الدنيا فى الآخرة [S217b] الامثل ما يجعل احدكم اصبعه فى اليتيم ḥadīş-i şerīfiyle haber vermişdür. Ve nāzımuñ bu kelāmında mālīk-i māl-i dünyā olan gurūr-ı gınā ile mağrūr u mesrūr olmağ gerekmez dimege işāret vardır. Zīrā metā‘-ı dil-fırīb-i fenā ile mağrūrīyyet, muḳteżā-yı gāfletdür. Ve nisyān-ı āḥirete bādī bir ḥālet-i ḳasvetdür. Ḥattā bu mişllü tevāngerān-ı cihānuñ aḥvāl-i dil-i ber-zede-sāmānın beyānda:

توانکر در دل از سامان خود آزارها دارد

بقدر فلس زیر پوست ماهی خاها دارد

dimişlerdür. Ya‘nī; tevānger intizām-ı ḥāl ü ḥāletden nāşī dilde zahmet ü renc ü miḥnetler tutar. Nitekim balıḡuñ pulları neḳadar ise balıḡ, postınuñ altında ol ḳadar kılçıklar tutar dimekdür. İmdi bu, cümle metā‘-ı gurūruñ iḳtizāsıdır. Bu mişllü dünyevī vü uhrevī ezāyı cālīb olan metā‘-ı pür-me‘ā’ib ile hoş-dil olmağ ‘āḳıl işi degüldür; belki gāfil kārıdır. İmdi şükr üzre huş-yārılığda der-kār ve şedā’id-i rüzgāra şabbār olmağ gerekdür. Nitekim nāzım eyidür:

﴿ در بلیات جهان صبار باش ﴾ Cihānuñ belālarına mübālağa ile şabr idici ol. **Der**, zarfīyyet içündür ve bu maḳmda zarfīyyetde olan nükte-i daḳīḳa ḡayr-ı ḥafīdür. Zīrā şabr, belāya vuḳū‘da zāhır olur; yoksa ḳable’l-vuḳū‘ şabruñ ma‘nāsı yokdur. **Beliyyāt**, cem‘-i ‘Arabīdür; müfredi «beliyye»dür ki «zahmet ve tecrübe ve imtiḥān» ma‘nāsınadır. Ve bunda murād budur. Zīrā elfāz-ı beliyye içün ‘inde’l-‘Arab ma‘nā-yı dığer-i ḡarābet-eşer vardır. Budur ki; Zamān-ı cāhiliyyetde ‘Arabdan bir ḥāṭırluca kimse ölüp defn olındıḳda, bu meyyit kıyāmetde piyāde ḳalmasun diyü bir deveyi getirüp ol meyyitüñ ḳabrinüñ yanına bağlayup, ölünceye dek ol deveye āb u ‘alef virmezler idi. Ve gāḥ ḳabruñ yanında bir çukur ḳazup, deveyi ol çukurdan çıkarmayup aç ve şusuz helāk iderler idi. «Beliyye» mezkūr devenüñ dağı adıdır. **Cihān**, bunda murād «dunyā»dur. **Şabbār**, mübālağa-i ism-i fā‘ıldür; «mübālağa şabr idici» dimekdür. Şabr, muşībet vuḳū‘ında nefsi ceza‘dan men‘ ile ārām ma‘nāsınadır. Mā-naḥnü fihide böyledür. Ve dağı bir nev‘a ağacuñ zamḡıdır ki ḡāyet acı olur; a‘lāsı Soḳoṭrī nām cezīrede olur. Müşhil-i şafrā ve nāfi‘-i balḡam bir devādur. **Bāş**, «ol» dimekdür. Ma‘lūm ola ki dünya belālarınıñ keşretine ve şevāb-ı şābirinüñ vefretine īmā içün nāzım belāyı şīḡa-i cem‘ ile ve şabrı vezn-i mübālağa ile [S218a] getürmişdür. [Ü212b] Pes keşret-i ecr-i şābirinde انما يوفى الصابرون اجرهم بغير حساب āyet-i şerīfi kāfīdür. Ḥattā bu āyet-i şerīfün tefsīri zeylinde ‘ulemā’-i müfessirīnden naḳl-i şāḥiḥ böyledür ki; yevm-i kıyāmetde a‘māl-i şalāt u ḥacc u zekūtuñ şevabı, ‘āmiller ‘amelleri miḳdārınca virilür. Ammā beliyyāta şābirlerüñ şabr ‘amelleri

içün iṭṭā'-i ecr bī-ḥisāb olmağın, şābirler içün neşr-i dīvān ve naşb-ı mīzān olmayup, bilā-ḥisābı ve lā-ʿazāb duḥūl-i cennet-i kām-yāb olurlar dimişlerdür. Bu şābirinüñ ʿuḳbāda olan devletleridür. Qaldı ki dünyāda daḥı şābruñ selāmet idigi meşhūrdur ve kilīd-i gencīne-i feraḥ u sūrūr idigi الصبر مفتاح الفرج bābında meşhūrdur. Ve bu maʿnāda dimişlerdür ki:

اذا ضاق درع المرء و اشتد حاله
و خفت به الآلام انقطع الجا
تداركه رب البريا بلطفه
و اعطاه من كل الشدايد مخرجا

Yaʿnī; kişinüñ dir'i teng ve ḥālī müştedd ve kendüyi ālām ihāta idüp her taraftan recāsı münkaṭıʿ oldıḳda, Ḥudā-yı müteʿāl ol kimseye luṭfiyle feraḥ ve her şedā'idden maḥrec iṭṭā ider dimekdür. Pes şedā'ide şabr gerekdür. Nitekim ḥazret-i Ḥayder-i Kerrār rażıya'llahu ʿanhunı daḥı bu nazm-ı cevāhir-āşārı şabra mülāzemet ve şābirine beşāret işāretinde tamāmdur ki buyurmuşdur:

اذا ضاق الزمان عليك فاصبر
ولا تيأس عن الفرج القريب
و طب نفسك فان الليل حبلی
عسى يأتیک بالولد النجيب

Yaʿnī; zamān üzerüne teng oldıḳı zamānda şabr eyle; ferec-i qarībden ümīdünü kesme ve ḥāṭırünü ḥoş tut ki gice yüklüdür; ümīddür ki saña bir veled-i necīb ile gele dimekdür. Qaldı ki ḥadıṣ-ı şerīfde: الايمان vārid olmağın nāzım bu beytün mışrāʿ-ı evveliyle şabra ve mışrāʿ-ı şānisi ile şükre imā ve mecmūʿıyle ḥadıṣ-ı şerīf-i mezkūra telmih idüp buyurmuşdur:

﴿ كاه نعمت شاكر جبار باش ﴾

Niʿmet vaḳtinde Cebbār olan Ḥudāya şākir ol. **Gāh**, bunda «vaḳt» maʿnāsınadır. Mā-baʿdine muzāfdur. **Niʿmet**, maʿrūfdur. **Şākir**, «şükr idici» maʿnāsına ism-i fāʿildür; mā-baʿdine muzāfdur. **Cebbār**, esmā'-i ḥusnā-yı Mevlādandır; ebniye-i mübālağadandır. Maʿnāsı, erbāb-ı luğat ʿindinde; «kāhir ve gālib ve musallaṭ ve mütekebbir ve ḳattāl»dur. Lākin Muḥtaşaru'l-İḥyāda olan beyān üzre Cebbāruñ maʿnāsı; ʿibādını emr ü nehyden diledigi şey'ün üzerine ḳahr idici dimekdür. Ve [S218b] Zeynū'l-ʿArab eyitmiş: Ol Perverdgārdur; ʿibādından şudūrın [Ü213a] murād eyledigi nesnelerün üzerine ḥalkı ḥaml eyler, intihā. **Bāş**, «ol» dimekdür. Ve meşāyih-ı şūfiyye eyidürler ki: Cebbārılık ḳaydınun kirişi ḳatıdır. Pes Ḥudānuñ Cebbāriyyet ü Ḳahhāriyyetin kemā-yenbaḡı görüp ve bilüp ve ḳabza-i ḳudretinde mecbūr u meksūr olan erbāb-ı ḥāl, nefis ü hevāları cihetinden şādlık ve āzādegān gibi āsūde ve ferāğ-ı bāle dāʿir āzādlik itmeyüp, her ḥalde Ḥaḳḳuñ belāsına şābir ve ʿaṭāsına şākir olup, fikr-i Ḥaḳḳdan bir ān dūr olmazlar dimişlerdür. (...) Maʿlūm ola ki insān her bār niʿmetden ḥālī olmadıḳı [S219a] nüktesini imā içün nāzım şükri, vaḳt-i niʿmete rabṭ eyledi. Ve illā bizlerün hemişe şükr ile meʿmūriyyeti maʿlūmdur. Ve daḥı esmā'-i ḥusnādan [Ü213b] Cebbār ismini şükr-i nicmet bābında ityān u taḥşışde olan nükte zāhirdür. Ḥulāşa-i kelām; Ḥudāya bende olan ḥavāşş u ʿavām, Ḥaḳḳuñ

belâlarına şabr ve nicmetlerine şükr gerekdür. (...) Kaldı ki bu zamānede: “Şimdi bir bende-i şâkir göremez” didigi vaqt-i zamānede belāya şâbir ve ihsāna şâkirün nedretini beyân içündür.

Der-Şıfat-ı Bed-bahtı

﴿ چار چیز اثار بدبختی بود ﴾ Dört nesne saʿadetsizlik ve şümlük nişānlarıdır. **Çār çīz**, «dört nesne» dimekdür; mübtedādur. **Āṣār-ı bed-bahtı**, «saʿadetsizlik nişānları» dimekdür; haber-i mübtedādur. **Āṣār**, cemʿdür; müfredi «eşer»dür; bunda «nişān» dimekdür. **Buved**, edāt-ı haber olan est maʿnāsınadır.

﴿ جاملی و کاملی سختی بود ﴾ Biri cāhillük ve biri kāhillük ki müşkildür. **Cāhili**, yāʾ-i maşdariyye ile «cehālet» dimekdür; eşyāʾ-i erbaʿanuñ biri budur. **Vü kāhili**, [Ü214a] yāʾ-i maşdariyye ile «beṭālet ve keselānlık» maʿnāsınadır; eşyāʾ-i erbaʿanuñ ikincisi budur. **Sahtide** olan yāʾ zāʾidedür. Saht, fetḥile [S219b] Fārisīdür; Türkīsi «berk»dür. Muḳābili «süst»dür ki; Türkīsi «gevşek»dür. Pes berklige katılık lâzım gelmegin mecāzen «saht»e katı maʿnāsı virilür. Bunda ke-zālik böyledür. **Buved**, est maʿnāsınadır. Pes cehāletün bedligi zāhirdür. Zīrā neʿūzü biʾllāh gāhī şāhibini küfre müşıldur. Nitekim envāʾ-ı küfrün birisi küfr-i cehlīdür. Hattā cāhil, hayvanātdan azgun ve şaşgundur. Zīrā hayvān cihet-i kemāli olan ekl ü şürb ü cimāʿa teveccüh ider. Ammā cāhil cehli sebebiyle kemālāt-ı insāniyye olan ʿilm ve emşālī faẓl u maʿārifete teveccühden ḥālīdür dimişlerdür. Böyle olan kimesnenün saʿadetsizliği zāhirdür. *Fāʾide*: Cehl iki kısmdır. Biri cehl-i basītdür ki şāhibi cehlīni muʿterīfdür. Pes cehlün zararın ve ʿilmün nefʿin fehmden soñra oğumak ile zāʾil olur. Ve biri daḥi cehl-i mürekkebdür ki şāhibi, cehlīni ʿilm ü kemāl itikād ider. Pes bu kısım evvelkinden ziyāde şerrlūdür. Zīrā bu ḳābil-i ʿilāc degüldür. Ve keyfe lā ki cehline, cehl ü maraz dimez ki izālesine teveccüh eyleye. Meger ki bi-ʿināyetiʾllāhi teʿālā bu güne itikādınun fesādına muṭṭalīʿ ola, intihā. Ve daḥi keselānlığın şümlüğü zāhirdür ki aña lisān-ı şerʿde beṭālet dirler; āfāt-ı ḳalbdendür ve mezmūmdur. Zīrā şāhibi, dünyāda saʿyi lâzım olan nefʿ-i āḫiret tedārükünden keselānlık ider. Bunun ʿilāci erbāb-ı cidd ü saʿy ile şoḫbet ve cāhil ü kāhil ü bāṭıldan mücānebetdür. *Nāzm*:

Kişinün ḥusn-i saʿy ü himmetidür

Zātına dāʾimā viren iclāl

Mühmil ü pāy-mal ü tenbel olur

Saʿy ü himmetde kim ide ihmāl

(...[S220a, Ü214b]...) Hülāşa-i kelām cehālet ü beṭāletden ḥazer iden saʿadetmend olur; cāhil ü kāhil olan bed-baht olur. Kaldı ki nāzımuñ cehāleti beṭāletden muḳaddem zıkr itmesi, cehāletün ḥasāreti beṭāletden ziyādedür dimege işāret içündür. (...)

﴿ بیکسی و ناکسی هر چار شد ﴾ Bī-keslik ve nā-keslik ki dördin her biri oldı. **Bī-kes**, luğatte «kimsesiz» dimekdür; bī-çāre gibi ḥāmī ve maʿiyyeti olmayana ıtlāḳ olunur. Āḫirindeki yāʾ maşdariyyedür. Nitekim:

Baḳ şu ʿālem ḫalḳına her kimsenün var kimsesi

Kimsesiz ḳaldum meded iy kimsesizler kimsesi

didikleri, bī-kes qaldum dimegi Türkçe beyândur. Nitekim:

Göñül nāmında bir gamm-ḥ^vārumuz qalmışdı ‘ālemde
O da varup ser-i kūy-ı dil-ārāda vaṭan tūtdı

bu ma‘nācadur. Ve Ḥ^vāce Kelīmūn *beyt*:

دید چون بیکسی عادل آهن شد نرم
ماند پیکان تو در سینه بغمخواری دل

beyti yine böyledür. Ya‘nī; iy maḥbūb-ı cefākārūm ve sengīn-dil olan nigārum! Bizüm bī-kesligümüzi āhen gördikde dili nerm oldı. Pes senūn peykān-ı cefānuñ sīnede qaldığı dilūme gamm-ḥ^vārlığındandır; ya‘nī bī-keslige merḥametindendür dimekdür. Ve şu‘arā-yı ‘Acemden Şafī-ḳulīnūn *beyt*:

ز فیض بیکسیها الفتی دارم بتنهایی
که کر بایار نشینم دمی دلگیر میگردم

beyti ke-zālikdür. [Ü215a] Ya‘nī; bī-keslūgūñ feyzlerinden tenhālīḳda tenhālīḳ ile öyle ülfet tūtaram ki, eger bir dem yār ile otursam dil-gīr oluram dimekdür. Ammā ıştılāḥ-ı meşāyīḳda bī-kes; bir mürşid-i kāmīle yanaşmayup, [S220b] her umūrında nefsinı reh-ber idene dīrler, intihā. Çār çīzūn bu şālīşidür. Ammā erbā‘ı **vü nā-kesī**, «daḡı nā-keslik» dimekdür. Nā-kes, luḡatde «alçaḳ ve sifle ve ḥasīs» dimekdür. Ve bu maḳūle kimesnenūn bed-baḡtlığı, bed-güherlīgīnūn iḳtizāsıdır dimişlerdür. Ve böyle denī vü ḥasīs olan nā-kes neḳadar ruṭūbet şāḡībī olsa, rüzgāruñ neḳadar teḳallübātın görse yine ādem olamaz dimişlerdür. Cāmī:

هرکه ناکس شود در اصل سرشت
بتقالیب دهر کس نشود
سک مکس را کر کنی مقلوب
قلب ان جز سک مکس نشود

Ya‘nī; aşl-ı tıynetinde nā-kes olan teḳālīb-i dehr ile ādem olamaz. Nitekim «seg-meges» kelimesini ṭard-ı ‘aḳş ḳā‘idesince ḳalb idüp ḳuyrığından oḳusañ yine ḳalbi «seg-meges»dür dimekdür. Zīrā nā-kes bir dīraḡt-i bī-şemerdür ki kendüye neḳadar söz taşların atsañ kendüden bir fā‘ide ḡasıl olmaz. Nitekim *beyt*:

گفتگوی سخت باممسک ندارد حاصلی
سنگ تا چند بر درخت بی‌ثمر انداختن

beyt-i laṭīfī bu ma‘nāyı cāmī‘dür. Ve nā-kesūñ kemāl-i denā‘etinden nāşī Ḥ^vāce Kelīm *beyt*:

مرا از شکستن چنان درد ناید
که از ناکسان خواستن مومیایی

buyurmuşdur. Ya‘nī; merhem-i bür‘ü’s-sā‘a gibi cābir-i meksūrlığı meşhūr olan mūmyāyī ma‘deni bir nā-kesūñ yanında bulınsa, baña andan bir mīḳdār mūmyā istemegūñ derdi şikesteligūñ derdinden ziyāde gelür dimekdür. **Her çār şod**, «dördūñ her biri oldı».

﴿ بخت بدرا این همه اثار شد ﴾ Bed-baht için bu dükeli ‘alā’im oldu. **Baht-ı bed-rā**, «kötü t̄ālī’a»; **in heme**, «bu dükeli» dimekdür; işāret eşyā’-i erba’a-i mezkūreyedir. **Āṣār šod**, «nişānlar oldu» dimekdür. Pes bed-t̄ālī’ olmağın husrānı vāreste-i kayd u beyāndur. Nitekim Nābī-i merhūmuñ *beyt*:

Yağsa gökden yire her dem kaṭarāt-ı āmāl

Yene bed-t̄ālī’ olan hā’ib ü hāsir bulunur

beyt-i laṭfī cümleyi cāmī’dür. Ve bed-bahtlūğün sebebiyle bunda mezkūr olan [Ü215b] cāhil ü kāhil ve bī-kes ü nā-kes her yirde bī-i’tibārdur. Ve nāzımuñ nā-kesi cümlesinden aşağıda beyānı, nā-kesüñ dūnlūğü cümlesinden ziyāde oldıgını īmā içündür. Ve fī’l-haṭīka nā-kesden alçaq kes yokdur; mertebesi daḥı zātı gibidür. Nitekim *beyt*:

خاکست جای سفله اکر بر فلک رود

معراج خار تا سر دیوار بیش نیست

dinmişdür. Ya’nī; nā-kes olan siflenüñ yiri [S221a] ḥākdür; eger feleke daḥı gitmek murād iderse. Nitekim hār u ḥasuñ mi’rācı dīvār başına degindür; ziyāde degüldür dimekdür. Ve bī-kes ü nā-kesüñ tafşīl-i ḥāllerini inşā’a’llāh karīben beyān iderüz. Pes nāzım, eşyā’-i erba’a-i mezkūreyi tamāmen beyān ‘aḳabinde, mefhūm-ı muḥālif taṭkīyle muḳābillerini beyān murād itmegin, zāhirde evvelen kāhillik muḳābili olan ‘amillik ḥāl-i sa’d-iṣtimālın beyān ve ‘amel elbette ‘ilmsiz olmaz ve ‘amelüñ ‘ilm, mebnā ‘aleyhi olmağıla, ma’nāda ‘ālim-i ‘ābidüñ ‘ibādeti sa’y-i aḥvālın ‘ıyān için nāzım eyidür:

﴿ هر که در بند عبادت میشود ﴾ Her kim ki Ḥudāya kulluḳ kaydında olur; yā’nī ‘ibādeti kāhillik eylemez.

﴿ بی شک از اهل سعادت میشود ﴾ Şeksiz ehl-i sa’ādetden olur. **‘İbādet**, «kulluḳ»dur; muḳābili «beṭālet»dür. **Sa’ādet**, «eyülük ve mübāreklük»dür ki muḳābili «şekāvet»dür. Ma’lūm ola ki nāzımuñ ‘ibādeti muṭlaḳ zıkrinde, ‘ibādetüñ ‘ilm ü ‘amele şuyū’ını ve ḳavliyye vü bedeniyye vü mālīyye aḳsāmlarına şumūlini īmā nüktesi vardır. Ve sa’ādet daḥı ḳurb-i İlāhīye vuşul ile selām u raḥmet ü berekāta maẓhariyyetden ‘ibāret olmağın ke-zālik muṭlaḳ zıkr olunmuşdur. Du‘ā’-i teşehhüd bu ma’naları cāmī’a ve şālevāt-ı Faḥru’l-enām her t̄ā’ate envār-ı lāmi’adur. (...[S221b, Ü216a]...) Pes bī-kes ile nā-kese virilen ma’nā-yı şeyḫāne üzre bīkes; mürşidsiz nefse tābī’ olandur. Nā-kes, vücūdını meşāḳḳ-ı t̄ā’āt ve ezvāḳ-ı ‘ibādātdan men’ ile hevāsına yār ve şafā-yı cismāniyyeye talebkār olandur. İmdi bu ma’nalarca bunlaruñ muḳābilleri kemā-hüve’l-me’mūr ‘ābid ü zāhid ve nefis ile mücāhidlerdür ki hevāların pāy-māl eylemişlerdür. Nitekim nāzım bu nikāte binā’en:

﴿ بر هوای خود قدم هر کو نهاد ﴾ Her kim ki kendi hevāsınuñ üzerine ḳadem ḳoydı. Ya’nī; ārzū-yı nefsi izmihlāl u ibṭāl eyledi. **Ber-hevā-yı ḥod**, «kendi ārzū-yı nefsānisi üzerine» dimekdür. **Ḳadem**, ma’rūfdur ki Fārisīde «pāy»dur. **Her k’o**, «her ki o» kelimelerinden muḥaffefdür; ma’nā «her kim ki, o kimse» dimekdür. **Nihād**, māzī-i müfred-i ḡā’ibdür; «ḳoydı» dimekdür. Ma’lūm ola ki nefis-i emmāreyi māra teşbīh eylemişlerdür. Pes mār bed-girdār oldıgından, seyr ü refṭārında kec-revlik kendüye bāl ü per olmuşdur. Rāst-revlik māruñ seng-i reh-i refṭārdur; ṭoğrı yürimeḳ cibilliyetinüñ ḥılāfidur. İmdi

her bir bed-girdār, huşûşıyla nefs-i hevādār dā'imā kec-revlige mecbûldür. Toğrı yürimek yanında nā-maḵbûl ü nā-maḵûldür. Zîrā toğrı yürimek tıynetinüñ hilâfidür. [Ü216b] Nitekim:

کجروی بال و پر سیرست بد کردار را

راستی سنک ره رفتار باشد ماررا

maẓmûnı bu teşbîhe dâldür. Pes mār gibi bir düşmen-i bed-girdār u kec-reftāruñ hevāsı daḡı kendi gibi bed ve zararı ḡāyet eşedd oldıḡın bilüp kendü ile mücāhede murādında olan, kendi hevā vü hevesi üzerine pāy-nihād olmak gerekdür ki ol kec-reftār olan nefsuñ hevā yolları mesdûd olmaḡıla seng-i reh-i reftārı olan toğrılık senglâhında maḡşûr u maḡhûr ola. İmdi hevā vü heves üzerine muḡaddem vaẓ'-ı ḡadem eylemeyen nefs ile mücāhedeye ḡādir olamaz. Binā'en 'aleyh nāẓım ol hevā vü hevesuñ taḡte'l-ḡademde maḡhûriyyetin, rûkn-i ḡavî-i mühimmât-ı cihād-ı nefs 'add idüp ba'dehû böyle iden:

﴿ میتواند کرد بانفسک جهاد ﴾ Nefscegiz ile ḡazā eylemeḡe ḡādir olur dimişdür. [S222a] **Mi-tevāned**, «ḡādir olur»; **kerd**, bunda kerden ma'nāsına ism-i maşdardur; «eylemeklige» dimekdür. **Bā-nefsek**, kāf-ı taşḡır ile «nefscegiz ile» dimekdür. Nikāt-i taşḡır-i nefs yukarıda beyān olınmışıdi. **Cihād**, «ḡazā» ma'nāsınadır. ḡazānuñ ekberi nefs ü şeyṭān ile olandur; aşḡarı küffār-ı ḡāksār ile olandur. Pes nefs-i emmārenüñ hevāların terk-i tāmm ve mücāhedesinde içdām ile ārzûların taḡt-ı aḡdām iden ḡazā seḡvābına nā'il olmak bundan ḡāhirdür. Ammā hevāsına ṭābi' olanuñ ḡālî nedür? dinür ise nāẓımuñ bu beyt-i āti'l-beyānından ma'lûm olur ki buyurur:

﴿ هرکه سازد در جهان با خواب خور ﴾ Her kim ki dünyāda yiyür yatmaḡ ile me'lûf olur. **Her ki**, «her kim ki»; **sāzed**, «düzer ve қоşar» ma'nāsına muzāri'-i müfred-i ḡā'ibdür. Buña göre sāzedüñ meṭ'ûli maḡzûf olur, meşelā; sāzed nefs-rā dîrîn. Yāḡod müsāmaḡaten sāzed, düzilür ve қоşılır ma'nāsına olur. **Der-cihān**, «dunyāda» dimekdür. **Bā**, muşāḡabet içündür. **Ḥ'āb-ḡor**, kelimeteyn beyninde olan ḡarf-i 'aṭfuñ ḡazḡfiyle terkîb-i tavşîfî i'tibār olunup «yiyüp yatmaḡ» ma'nāsı virilür. Nitekim ḡûn-āb kelimesinüñ aşlı ḡûn u āb idi. Ma'ṭûf ile ma'ṭûfun 'aleyh beyninde olan vāv-ı 'aṭfuñ ḡazḡfiyle terkîb-i tavşîfî i'tibār olunup «ḡanlu şu» ma'nāsı virilmişdür. Mā-naḡnû fihide ke-zālik aşlı ḡāb u ḡor iken ḡazḡ-i vāv ile ḡāb-ḡor dinmişdür. ḡor [Ü217a] kelimesinde «ḡā»nuñ zammesi bunda li'ecli'l-ḡāfiye fethaya imāl ile oḡınmaḡ gerekdür. ḡulāşa-i kelām her kim ki ḡayvān gibi yiyüp yatmaḡı 'ādet idüp evāmire imtişāl ve nevāhiden ictināb üzre 'ibādet ve Ḥāḡḡa iṭā'at ḡılmasa:

﴿ در قیامت نبودش ز آتش گذر ﴾ Ḳıyāmetde aña āteşden şavuşmaḡ olmaya. **Der-ḡıyāmet**, «ḡıyāmetde» dimekdür. Ḳıyāmet, 'Arab u 'Acem ü Türkde müsta'meldür. 'Arşagāh-ı ḡaşrde elli biñ sene ḡıyām ve herkesüñ ḡisāb u kitābı ihtitām buldıḡı için yevmü'l-ḡıyāma ḡıyāmet dinilmişdür. **Nebvedeş**, «aña olmaya» dimekdür. Ne-bûd, muzāri'-i menfidür; āḡirindeki şîn zamîrdür. Mışrā'-ı evvelde olan «her ki» medlûline rāci'dür. **Z'āteş**; zi ḡarfî «ez»den muḡaffefdür; min ma'nāsınadır. Āteş, ma'rûfdur; bunda cehennem āteşi murāddur. Z'āteş, «nār-ı düzaḡdan» dimekdür. **Güzer**, zamm-ı kāf-ı 'Acemî ile «şavuşmaḡ» ma'nāsına ism-i maşdardur. Pes ittibā'-ı hevā-yı nefs ile edā'-i ferā'iz ü vācibātda [S222b] kāhil olana 'afv-ı İlāhî ulaşmaz ise metn-i şırāṭı mürûra ḡādir olamayup ḡuşûrı miḡdārı 'azāb için nār-ı

Caḥīme üftāde ve mu‘azzeb olmak zāhirdür. Nāzımuñ āteşden güzer idemez didiginüñ ma‘nāsı budur. Hāşıl-ı kelām yiyüp yatmağı ‘ādet iden ‘ibādetden qalır. ‘İbādetden qalanuñ ḥālī ma‘lūmdur. Pes bu cümle hevā-yı nefesine ittibā‘un belālarıdır. Anuñçün şuarādan bir fāzıl buyurmuşdur, *nāzm*:

Niçe bir nefis temennāsı ile
Yimek ü yatmak ola dil-ḥ‘āhuñ
Eyleyüp zühed ü vera‘dan nefret
Tā‘at-i Ḥaqqdan ola ikrāhuñ
Ma‘bedüñ maṭbaḥ ola şām u seher
Müsterāḥ ola ziyāretgāhuñ
Bunuñ içün mi olupsın maḥlūk
Bu mıdur emri saña Allāhuñ

Pes āteş-i dūzaḥdan selāmet ile mürür ne ile olur? diyü su‘āl-i muḥaddere cevāb ve fezleke-i mā-sebaḳ yoluyla nāzım eyidür:

﴿ رو بگردان از مراد و آرزو ﴾ Murād u ārzūdan yüz çevir; ya‘nī i‘rāz eyle. **Rū bi-gerdān**, «yüz döndür». **Ez-murād u ārzū**, ma‘nā-yı muḥaşşal «murād-ı nefsanīden» dimekdür. Ārzū, murāduñ ‘aṭf-i tefsīridür.

﴿ پس بدرگاه خدا آور تو رو ﴾ Şoñra dergāh-ı İläha yüziñi getir; ya‘nī teveccüh eyle. **Pes**, «ārzülardan i‘rāzdan şoñra»; **be-dergāh-ı Ḥudā**, «Ḥaqq dergāhına»; **āver**, emr-i ḥāzırdur; «getür» [Ü217b] ma‘nāsınadır. **Tu**, «sen»; **rū**, «yüz» dimekdür. Ma‘lūm ola ki nāzımuñ bu beytinde, taḥliye olmadıkça taḥliye olmaz didiklerine işāret zāhirdür ki evvel ārzū-yı nefsanīden taḥliye-i derūn ile emre ba‘dehū dergāh-ı Ḥudāya teveccüh eyle diyü taḥliyeye imā buyurmuşdur. Dergāh-ı Ḥaqqā teveccüh, rızā‘ullāha muvāviḳ tātāe sa‘y eylemekden kināyedür. Ve bu vechile ḳalb ārzülardan ḥālī olmadıkça vuşul-i ni‘am-ı cinān ü seyr-i cemāl-i Sübhān içün berzaḥ-ı nārdan mürür ile sürür olmaz dimişlerdür. Nitekim:

خانه خالی پر و بالست بهر سالکان
تیر را آسان بود دل از کمان بر داشتن

beyt-i laṭīfde min-vech bu nükteye imā vardır. Ma‘nā; ḥāne-i ḥālī sālik-i rāḥ içün per ü bāldür. Nitekim kemāndan gönül ḳaldırmaḳ tır içün āsāndur. Ḥattā ba‘zı meşāyih nefsi cehenneme teşbīh idüp: “Ṭoyduñ mı?” diseñ هل من مزید mantūḳınca talebdan ḥālī olmaz. İmdi ‘ālem-i dünyāda nefis Dūzaḥdan geçmedikce ‘uḳbāda müşebbehün bih olan Dūzaḥdan mürür düşvārdur dimişdür. [S223a] Pes evvel-i cümle ārzū-yı nefsanīye vü murādāt-ı dünyāviyyeden ḳalbi taşfiye ba‘dehū dergāh-ı müte‘āle teveccüh eyle demek, ibādātuñı ḥuzūr-ı ḳalb ile eyle dimege işāretdür. Zīrā ḥuzūr-ı ḳalb ile olmayan tātāde ḥalāvet bulunmaz. Ve bī-ḥalāvet olan ‘ibādet dergāh-ı Ḥaqqā lāyık olmaz dimişlerdür. Ve daḥı bu beytden, dünyāda kāmrānlığı terk eyle ki āḥiretde kām-yab olasın. Zīrā dünyā ile ‘uḳbā zıddetāndur; ikisi ma‘an cem‘ olmaz. İmdi dünyāda ārzūdan geçmeyen āḥiret ārzūların bulmaz demek, zımmen müstefād olmağın nāzım بما علم ضمنا kı‘idesince eyidür:

﴿ کامرانی سر بناکامی کشد ﴾ Kām-rānlık nā-kamlığa baş çeker demekdür. Yaʿnî; dünyâda murâd sürmeklik, âhîretde murâdsızlığa baş çeker demekdür. Pes ʿibârede iki mefʿûlün fih taqdîriyle murâd; «kām-rānî der-dünyâ ser keşed be-nā-kamî der-âhîret» demek olur. **Kām-rānî**, «murâd süricilik» demekdür. Kām-rān, terkîb-i tavşîfîdür, maʿnâ-yı terkîbî «murâd sürici» demekdür; devletmend ve şâhîb-i ʿizz ü cāha ıtlāk olunur. Âhîrindeki yâʾ maşdariyyedür. **Ser**, «baş»; **be-nā-kāmîde** bâ ilşâk içündür. Nā-kām, «nā-murâd» demekdür; [Ü218a] âhîrindeki yâʾ maşdariyyedür. Maʿnâ, «murâdsızlığa baş»; **keşed**, «çeker» demekdür. Pes bu mışrâ-ı laţîfün maẓmûn-ı münîfi âyât ve eḥādîs-i şerîfe ile şâbit ü müsellemler olmağın:

﴿ مرد ره خط در نکو نامی کشد ﴾ Merd-i rāh, nîkû-nāmlıkda ḥaţṭ çeker; yaʿnî ʿulüvv-i nām ile iştihār istemez. **Merd-i reh**, maʿrûfdur; lâkin bunda murâd ehluʾllāh ve sâlik-i şāh-rāh-ı rızâʾ-i İlāh olmak rûşendür. **Ḥaţṭ**, Fârisîde niçe maʿnâya gelür. Ez-cümle ḥaţṭ-ı nev-ḥîz-i ḥübândur ki şuʿarânuñ baʿzısı henüz görünmiş şaḳala dir. Ve baʿzısı tâze bitmiş bıyığa dirler. Baʿzısı kaşa müşâbih olan bıyığa dir ki çâr-ebrû taʿbîrî şâhîḥ ola. Ve daḥı ḥaţṭ-ı sāğar ve ḥaţṭ-ı Bağdâdîdür ki kenâr-ı cāmda olan ḥaţṭdur ki tolu olmağdan kinâyedür. Ve daḥı ḥaţṭ-ı gerdendür ki diyâr-ı ʿAcemde kâʿide-i kâdîmleri üzre katl olacaḳ âdemün gerdânına cellâd bir ḥaţṭ çeküp ve gözlerin bağlayup ve naṭ-ı rîg üzre oturdup ve iki-üç defa istîzân baʿdehü katl ider idi. Ve daḥı ḥaţṭ-keşdür ki mıştar maʿnâsinadur. Ve daḥı kenâr-ı cüya ve bî-naẓîr nîzesi olan bir maḥalle ḥaţṭ dirler. Ve daḥı ḥaţṭ-ı buţlân ve ḥaţṭ-ı ḥaṭâ ve ḥaţṭ-ı neshdür ki ḥaţṭ-ı saḳîm üzre çekdikleri [S223b] yazudur. Pes mā-naḥnü fihide ḥaţṭdan murâd budur. **Der-nîkû nāmî**, «eyü nāmlılıkda» demekdür. Murâd ʿâlem-i dünyâda olan şöhret ve ârzûlaradan bu vechile kesb-i lezzetdür. **Keşed**, «çeker» demekdür. Pes merd-i rāh didigimiz ehluʾllāh لا يريدون علوا فى الارض âyet-i şerîfi müfâdıncâ dünyâda ʿulüvv-i şân ile şöhreti murâd eylemeyüp, ḥaţṭ-ı şöhret-i dünyevî saḳîmdür diyü üzerine ḥaţṭ-ı nesh çekmişdür. Yaʿnî dünyâ kām-rānlığına ʿadem-i ʿitibâr ile terk-i heves-i iştihār eylemişdür. Tâ ki âhîretde kām-yâb u vâşıl-ı liḳâʾ-i Rabbüʾl-erbâb ola. Maʿlûm ola ki dünyâda şöhret, bâʿîs-i âfetdür. Nitekim Ḥʿâce Şâʾibün:

پیشوایی را بلاها در قفاست

وای بر فردی که سر دفتر شود

beytinden zâhîrdür. Yaʿnî; riyâset ü şöhret ile pîşvâlığıñ eñsesinde belâlar vardur. Vay bir ferd üzre ki ser-defter ola! Pîşvâlıkda şöhretün vücûdı Nâbî-i merḥûmuñ:

Her gürûhuñ pîş-i şaffi cümleden şöhretlûdür

Saṭr-ı evvel nâmede ʿizzetlûdür rifʿatlûdür

beytinden meşhûrdur. Ve şöhretin mezmûmiyyetin beyânda kelâm keşîrdür.[Ü218b] Ḥaṭṭâ bedr-i kâmilün gündün güne hüẓâl u lâğar ve hengâm-ı selḥde bî-revnaḳ u ferligi, beyneʾl-enām müşârun biʾl-benân oldıgındandır dimişlerdür. (...) Ve kebüter-i Ḥarem [S224a] gibi hıllden taşra kadem-nih olmadıkları için bu yolda anlara taʿarrüz her vechile ḥarâmdur dimişlerdür. Qaldı ki merdân-ı İlāhînün rāh-ı rızâda vâşıl-ı maḳâm oldukları, evâmir-i İlâhiyyeye imtişâl ve nevâhîden ictinâb üzre der-kâr oldukları ʿilâvesiyle

hıtuṣvāt-ı nefṣāniyyeden inḳıṭāʿ u ārzūların ihmālleridür. İmdi sen daḥı bu mesleke çünki sülük murādındasın; böyle eyle demek maḳāmında nāzım eyidür:

﴿ امر و نهی حق چو داری ای وحید ﴾ İy vaḥīd! Çünki emr ü nehy-i Ḥaḳḳı tıṭarsın. Yaʿnī; emrini tıṭup, nehyinden kaçarsın demek murāddur. Yāḥod; emr, ṭaleb-i fīʿl; nehy, ṭaleb-i terk-i fīʿldür diyü bu taʿrīfleriniñ başlarında ṭaleb lafzın getüren baʿzuñ taʿrīfine göre: **Emr ü nehy-i Ḥaḳḳ** teʿālāyı; **çü dārī**, «çünki tıṭarsın yāḥod tıṭmaḳ murād idersin» dimekdür. Bunuñ vechi zāhirdür. **İy vaḥīd**, «iy bir kimse» dimekdür. Ve bu şīğayı ityānda nükte vardur ki; fūnūn-ı ʿilmiyyede bī-naẓır olanı medḥde; vaḥīdü'l-ʿaṣr ve ferīdü'd-dehr ve yegāne-i rūzgār ve emṣālī gibi evṣāf-ı mādiḥa irād iderler. Pes bu beytün maẓmūniyle ʿāmil olan vaḥīd-i devrān dinmege şāyāndur dimege imādur.

﴿ پس مرو [Ü219a] بروایه نفس پلید ﴾ Pes nefṣ-i pelīdün ārzū vü ḥazḳı üzre yürime. **Pes**, «emr böyle oldıysa»; **me-rev**, nehy-i ḥāzırdur; «gitme» dimekdür. **Ber-vāye-i nefṣ-i pelīd**, tetābuʿ-ı izāfet ile maʿnā; «murdār u fāḥiṣ ü bed-ʿamel olan nefṣün ārzū vü ḥazḳı üzre» dimekdür. Vāye, «naṣīb»dür; pelīd, «murdār u fāḥiṣ ü bed-ʿamel»dür. Ve nefṣ-i emmārede bu evṣāf-ı ḳabīḥanuñ vücūdı zāhirdür. Pes böyle murdāruñ ārzūsına ittibāʿ idenün idbārı:

إذا كان الغراب دليل قوم

سيهديهم الى دار البواری

maẓmūnından āṣḳār u bāhirdür. İmdi emre imtiṣāl ve nehyden ictināb üzre olan nefṣ-i pelīde ittibāʿ itmekmek gerekdür. Zīrā nefse mütābaʿat emrün ḥılāfidur; muḥālefeti Ḥaḳḳa mütābaʿatden ʿibāretdür. Yaʿnī; nefṣ-i emmāreye ittibāʿ iden evāmire imtiṣālden dūr ve ictināb-ı nevāhīden mehcūr olur. Pes şeyṭāndan telāḳḳun ile nefṣün saña evāmir ü nevāḥiyi beyān şadedinde olur ise emr ü nehy-i Ḥaḳḳı nefṣden teʿallüm ü istimāʿdan ḥazer eyle ki şüret uğrıları gibi saña şüret-i Ḥaḳḳdan görindiği elbette bir ğaraza mebnīdür. İmdi emr ü nehy-i Ḥaḳḳı ancaḳ Ḳurʿān-ı şerīfden istimāʿ gerekdür demek içün nāzım eyidür:

﴿ امر و نهی حق ز قرآن کوش دار ﴾ [S224b] Emr ü nehy-i Ḥaḳḳı Ḳurʿāndan işit. Yaʿnī; ḥıfẓ u ḳabūl eyle. **Emr ü nehy-i Ḥaḳḳ**, maʿrūfdur. **Zi-Ḳurʿān**, «Ḳurʿān-ı ʿazīmuʾş-şāndan»; **gūş dār**, «ḳulaḳ tıṭ» yaʿnī «istimāʿ u ḳabūl eyle» dimekdür. Maʿlūm ola ki Ḳurʿān-ı kerīm yüz on dört süredür. Ve āyāt-ı şerīfesi altı biñ altı yüz altmış altıdır. Ve bu āyāt-ı şerīfün biñi vaʿd ve biñi vaʿd ve biñi evāmir ve biñi nevāhī vü tehdīd ve biñi efʿāl-i ʿiber ve biñi aḥbār-ı ḳaṣaṣ ve beş yüzi ḥalāl u ḥarāma muḥtaṣṣ ve yüzi tesbīḥ ü duʿā ve altmış altısı nāsiḥ ü mensūḥ beyānlarındadır. Ve ʿadād-ı kelimāt u ḥurūf ve ʿtibārāt ile nıṣf u ʿaṣer u cizbi, İtḳān-ı İmām-ı Suyūṭinün toḳuzuncı nevʿinde tamāmen mübeyyendür. Ve daḥı nāzımuñ; “emr ü nehy-i Ḥaḳḳı Ḳurʿāndan istimāʿ eyle” dimesinde ḳırāʿet-i Ḳurʿān eyle dimege imā vardur. Zīrā Ḳurʿān-ı kerimde olan biñ āyet-i emri ve biñ āyet-i nehyi Ḳurʿāndan aḥz, iki biñ āyet oḳumağa belki bunları miyāne-i Ḳurʿānda bulayum diyene, cümle Ḳurʿānı ḥatm itmege mevḳūfdur. [Ü219b] Ve nāzımuñ bu nükteden murādı, tilāvet-i Ḳurʿāndan iḥrāz-ı şevābdan māʿadā Ḳurʿān-ı şerīf ile ittīʿāz idüp, ez-cümle dünyā-yı dünün dār-ı ğurūr olup dār-ı sürūr olmadığını teʿaḳḳul birle, nefṣün ḥılāf-ı

mezâkı olan zaḥmet-i t̄ā'āte taḥammül ve riyāzat-i şer'iyye ile tecemmül fevā'idi t̄arīḳın irā'etdür. Nitekim mışrā'-ı şānīnūñ maẓmūnı bu irādeye ḳarīndür ki buyurur:

﴿ جای شادی نیست دنیا هوش دار ﴾ Dünyā sürür yiri degüldür; te'aḳḳul eyle. **Cāy-ı şādī**, «ḥande vü sürür mevzī'i»; **nīst**, «degüldür»; **dünyā**, ma'rūfdur. **Hūş**, «idrāk ü temyīz ü iẓ'ān»dur. Türkīde andan «ög» ile ta'bīr iderler. **Dār**, emrdür; «tut» dimekdür. Pes dünyanuñ ne gūne dār-ı 'anā ve külb-i ḥuzn ü bükā oldığı egerçi sābıḳda nāẓımuñ işāreti üzre şerḥ u beyān olındı idi. Lākin bu maḳāmda, dünyāda kām-rān olan āḥiretde nā-kām olur diyü ānifen beyān olındığı üzre, dünyāda ḥandān olan 'uḳbāda giryān olur demek nüktesine īmā ve ittibā'-ı nefis ile ḥande vü sürürdan ḥazer eyle dimege işāret murād eylemişdür. Ve fi'l-ḥaḳīḳa iki başdan ḥandānlıḳ olmaz didikleri meşhūrdur. Nitekim temşīlinde buyurmuşlardur, *ḳıṭ'a*:

بسته لب باش که چون غنچه کل می افتد
رخنه در قصر حیات تو زهر خندیدن
زان سر تیر یکی غنچه یکی خندانست
تا بدانی که نباشد ز دو سر خندیدن

[S225a] Ya'nī; leb-beste olup iẓhār-ı şādmānī ile dehen-küşā-yı sürür olma ki vāḳı' olur ki ḡonce-i ḥandān gibi her gülmekden ḳaşr-ı ḥayātuñ raḥnedār olur. Ve tā ki iki başdan gülmek olmadı. Ya'nī; saña i'ḷām içün tīrūñ bir başı ḡonce-i dem-beste gibi ḥūn-āşām ve bir başı gül gibi ḥandāndur dimekdür. Ḥulāşa-i kelām 'āḳıbet-endīş olan kimse, şeker-ḥandelikden ḡavṭager-i ḥūn-ı ciger olduğından i'tibār alup, dünyāda şādlıḳdan ḥazer bula. 'İzz ü cāḥ dil-firībini tārik ve zād-ı āḥireti mütedārik gerekdür demek nāẓımuñ murādıdır. Ḳaldı ki 'izz ü cāḥ ve devlet-i dünyāyı terk da'vāsında ḳavl-i mücerred kāfī olduğundan, da'vā-yı mezkūruñ sıdḳına dāll olan 'alāmeti beyān içün nāẓım eyidür:

﴿ هر که ترک کامرانی میکند ﴾ Her kim ki kām-rānlıḳ terkinı ider. **Her ki**, «her kim ki»; **terk-i kām-rānī**, «devletmend ve şāḥib-i 'izz ü cāḥ olmağı ferāḡat»; **mī-koned**, «ider» dimekdür. Kām-rānuñ ma'nā-yı Türkīsi «murād sürici» dimekdür. Nitekim kām-bīn; «murād ḡorici» dimekdür. Ammā kāmḳār; pādşāḥ ve devlet ü 'izzet ü zīnet şāḥibi dimekdür. Ve nüşā-i Mīrzāda kāmḳār, bir şikārī ḳuşdur; ḡāyet avcı olur dimişdür. Pes nāẓımuñ [Ü220a] kām-rān lafzını ihtiyārında olan nüke bundan zāhirdür. İmdi dünyāda İbrāhīm-i Edhem gibi kām-rānlığı terk ve devlet ü 'izz ü cāḥı ferāḡatūñ melāmeti, mışrā'-ı şānīnūñ mefhūmı üzre 'ameldür. Anuçün nāẓım eyidür:

﴿ بر خلافت زندگانی میکند ﴾ Anuñ ḥilāfı üzre te'ayyüş ider. **Ber-ḥilāfeşde** olan şīn-ı zāmīr, kām-rānī lafzına rucū' üzre ma'nā; «kām-rānlığıñ ḥilāfı üzre» demek zāhirdür. Lākin merci'-i zāmīr, şarāḥaten veyā şöhreten veyā kināyeten sebḳat itmek ḳā'idesince, nefis-i emmāreye rāci' olmaḳ daḥı muḥtemeldür ve belki nükteden ḥālī degüldür. Ve nükte-i ḥafiyye ḥilāf lafzından müstefāddur ki ḥilāf, iki kimesnenūñ t̄arīḳ u maḳşūdlarınuñ muḡāyeretinden 'ibāretdür. İhtilāf; maḳşūdlarda ittiḥād, t̄arīḳlerde teḡāyüddür. Pes ma'nā; kām-rānlığı terk iden nefsuñ gitdigi yoluñ muḡālifi üzre; **zindeḡānī**, «dirilik» ya'nī «te'ayyüş»; **mī-koned**, «ider» dimekdür. Ve nefse muḡālefet mücāhededen 'ibāretdür. Ve

muḥālefet-i mezkûdan mâ-‘adâ nefis ile şeytânın emrlerine ‘adem-i ‘itâ‘at lâzıme-i ḥâldendir. Böyle olmadıkça kām-rânlığı [S225b] terki mümkün degüldür. Nitekim Bürde *mısrâ‘*:

خالف النفس و الشيطان و اعصهما

bu beyâna dâlldür. Yâḥod ma‘nâ; târik-i kām-rânî olan, murâd süricilik ḥilâfî üze te‘ayyüş eyleye. Ya‘nî devlet ü ‘izz ü cāh muḳābilinde fakr u meskenet ve mâ-ḳasema’llāha rızâ vü ḳanā‘at ile Ḥaḳḳa itâ‘at u ‘ibâdetde ola dimekdür. Nitekim nâzım bunun zeylinde şıfat-ı riyâzati beyâna şurû‘ buyurmuşdur.

Der-Şıfat-ı Riyâzat

﴿ کر همی خواهی که کردی سر بلند ﴾ Eger dükeli dilerseñ ki ‘âlî-ḳadr olasuñ. Ya‘nî; ‘inda’llāh maḳbûl olasuñ dimekdür. Bu *mısrâ‘* şartdur; cezâsı:

﴿ ای پسر بر خود در راحت ببند ﴾ İy oğul! Kendi üzerüne rāḥat ḳapusın bağla. **İy püser**, «iy oğul» dimekdür; murâd, ferzend-i tarīḳatdır. **Ber-ḥod**, «kendi üzerüne» dimekdür. Ve bu ḳayd-ı ihtirâzî idigi zāhirdür. **Der-i rāḥat**, «rāḥat ḳapusını» dimekdür; murâd, rāḥat-ı dünyevîdür. **Bü-bend**, evvelindeki bâ’-i zâ’idenün zammıyle emr-i ḥâzırdur; «bağla» dimekdür. Ya‘nî; riyâzat üze olup, ḳalîle ḳanā‘at ile tecemmül ve her bir şedâ’ide ‘ale’l-ḥuşûş tâ‘atde olan meşâḳḳa şabr u taḥammül eyle dimekdür. Ḥattâ Minhâc nām kitâbda eyidür: ‘Abdün efḍal-i a‘mâle vuşûli ve du‘âlarının ḳabûli ve murâdât-ı ḥayriyyesinin ḥuşûli, a‘mâl-i meşâḳḳat ile sedd-i bâb-ı rāḥate mevḳûfdur. Zîrâ dünyâda ‘abd-i ḥâşş-ı Ḥudâya ekşer-i şedâ’id teveccüh ider. Pes şedâ’ide şabr u taḥammül ile sedd-i bâb-ı rāḥat gerekdür ki fetḥ-i bâb-ı cennete [Ü220b] vesîle ola. Nitekim buyurmuşlardur, *naẓm*:

Cismüñi sūrâḥ sūrâḥ itseler cevşen gibi
Dil uzatma kimseye dervîş iseñ temren gibi
Cevr-i gerdüne taḥammülle olur taḥşîl-i fakr
Çignesün koy cismüñi gāv ‘alef-i hırmen gibi
Üstün olsun şüretâ sünde ḳayırmaz her ḳabâ
Tek yakîn ol yâre sen bir pâre pîrâhen gibi
Yârelerse ḥârveş düşmen seni sen yol gözet
Çekme ḥâk-i meskenetden rüyunu dâmen gibi

intihâ. Nâzımuñ sedd-i bâb-ı rāḥat eyle didigi, nefsün rāḥat ‘add eyledigi nesneyi târik ol dimege işâretdür. Yoksa sâbıkda beyân olındığı üze dünyâda rāḥatın ismi var lâkin cismi yokdur dimişlerdür. Nitekim Şâ‘ib, *beyt*:

این نه صدف ز کوهر آسودکی تهیست
آهم خبر ز عالم بالا گرفت

[S226a] buyurmuşlardur. Ya‘nî; bu eşdâf-ı tis‘anuñ rāḥatlık gevherinden tehî oldığı haberini, benüm âhum, ‘âlem-i bâlâdan aḥz itmışdür dimekdür. Bunda olan leṭâfet ḥafî degüldür. Ve bu beyâna binâ’en Nâbî-i merḥûm daḥı *beyt*:

Ser-â-pâ çeşm-i ‘ibretten geçürdüm nüşâ-i dehri

İçinde ma'ni-i ārāma dā'ir bir 'ibāret yok

diyü buyurmuşdur. Pes ma'nā-yı murād üzre sedd-i bāb-ı rāḥat idenüñ ser-bülendliğini şerḥ u beyān ve fā'ide-i cedīde ḥuşūlini 'ıyān için nāzım eyidür:

﴿ هر که بر بست او در راحت تمام ﴾ Her kim ki o bāb-ı rāḥatı tamām bağladı. **Ber best**, «bağladı» ma'nāsına māzī-i müfreddür. Ber lafzı zā'iddür. **O**, fā'ildür; **her ki** lafzına rāci' zamīrdür. **Der-i rāḥat**, ma'rūfdur. **Tamām**, bağlamağın kayıdır. Pes bāb-ı rāḥatı sedd-i tām idene:

﴿ باز شد بر وی در دارالسلام ﴾ Anuñ üzerine Bābü's-selām açıldı. Murād; açılır dimekdir. Bāb-ı Dāru's-selāmuñ muḥakkaḳa'ı-l-vuḳū' oldıñ iş'ar için muzārī' maḳāmında nāzım, māzī şīgasıyle **bāz şod**, «açıldı»; **ber-vey**, «anuñ üzerine» dimişdür. Vey, zamīr-i gā'ibdür; sedd-i bāb-ı rāḥat iden kimseye rāci'dür. **Der**, bunda kapu ma'nāsınadır; mā-ba'dine muzāfdur. **Dāru's-selām**, muṭlaḳā cinān ve beyne'l-cinān bir cennet-i maḥşūşa ıtlāk olunur. Zīrā cinān sekizdür ki biri Dāru'l-celāldur; beyāz incūdenddür. Ve biri Dāru's-selāmdur ki yāḳūt-i aḥmerdendür. Ve biri cennetü'l-Me'vādur ki şarı mercāndadır. Ve biri Dāru'n-na'ımdur ki beyāz gümüşdendür. Ve biri cennet-i Firdevsdür ki sekiz sūr arasındadır. Her iki sūruñ beyninde bir cennet olmağla ber-mantūḳ-ı ḥadīs-i şerīf, [Ü221a] cennet-i Firdevs dört cenneti ḥāvidür. İki evānileriyle gümüşdendür ve ikisi evānileriyle zeheb dendir. Ve biri Dāru'l-ḳarārdur ki misk-i ezferdendür. Ve biri cennet-i 'Adndür ki cinān üzre leme'ān idici cevāhirdendür, intihā. Bunuñ tafşılı işbu kitābuñ āḥirinde gelse gerekdir inşā'a'llāhu te'ālā. Pes şedā'id ü meşāḳḳ-ı t̄ā'ate şabr ile bāb-ı rāḥatı sedd-i tām, miftāḥ-ı Dāru's-selām idigi aḥbār u āṣār ile şābitdür. Qaldı ki cinān-ı şemāniyeden Dāru's-selāmuñ taḥşış-i nāzımda nüktereler vardır. Evvelen, dünyāda sedd-i bāb-ı rāḥat idene, uḳbāda āfātdan emniyyet ü 'āḥātdan selāmet ve ḥuzūr (u) rāḥātdan 'ibāret olan Dāru's-selāmuñ bābı meftūḥ olur dimege [S226b] işāretdür. Şāniyen, Dāru's-selām ile müsemma olan cennet-i maḥşūş, şühedālara maḥşūş olmağın, sedd-i bāb-ı rāḥat için nefis ile mücāhede üzre fevt olan şehīd şevābına nā'il ve şühedā meskeni olan Dāru's-selāma vāşıl olur dimege imādur. Ve bunda اهل الجنة يستريح انما ḥadīs-i şerīfine remz vardır. Ve Ḥudānuñ rızāsına t̄alib olan rāḥatı ancak likā'u'llāhdā bulmağa işāret vardır. Ve 'ādetu'llāh üzre bir kapu tūtuldıḳda Ḥudā önünü feth ider didikleri bu beytde olan best ile bāz kelimelerinden nümāyāndur. Nitekim:

ده در شود کشاده شور بسته چون دری

انکشت ترجمان زبانست لالرا

beytinde nümāyandur. Qaldı ki der-i rāḥatı tamām sedd eylemek 'azā'im ḳabīlinden olup ve rāḥat üzre 'ibādet ruḥşat ḳabīlinden olup ve şer'an ruḥşat var iken 'azā'ime gidilmez iken nāzımuñ bunda 'azā'imi ihtiyārı, taşfiye-i bāṭına mālikiyyet içündür. Ve ba'de taşfiyeti'l-bāṭın ruḥşat üzre 'amel māni' degüldür. Nitekim ḥadīs-i şerīfde ان الله يحب ان يؤتى رخصة كما يحب ان يؤتى عزائمه bu vechi beyān itmişdür. Ḥattā tezkiye-i ḳalb ve taşfiye-i bāṭından muḳaddem dā'imā ruḥşata meyli mezheb ittihāz idenler niçe fevā'idden maḥrūm ḳaldı dimişlerdür. Zīrā 'azā'imden peydā olacak taşfiyeye neylden muḳaddem ruḥşatı 'ādet itmek ṭab'uñ iktizāsıdır. Muḳteza-yı ṭab' olan nesnenüñ ḳubḥı zāhirdür. Nitekim fıraḳ-ı dālleden

niçe kimesneler taşfiye-i derûn ile tarîk-ı müstakîmüñ haqqıyyetin fehm idemeyüp ve tarîkat-i Muhammediyyeye gidemeyüp, tab'larınca âsân görinen haṭā yolların kendi kendülere mezheb idinüp, Haḫḫuñ ğayrını okudıklarından güm-rāh olmuşlardır. Nitekim nāzım eyidür.

﴿ غیر حق را هر که خواند ای پسر ﴾ İy oğul! Her kim ki Haḫḫuñ ğayrını okur. Ya'nî; 'amelde Hudānuñ ğayrını okur. Meşelâ, 'amelde riyâ ider yâhod bâb-ı Hudâda hizmet-i 'ubûdiyyet iddi'asında iken, umûrını 'ibâdete ta'lik idüp Haḫḫa i'timâd u tevekkûlden dūr olup 'abede-i tezellülde qalır. Pes böyle olan kimesnelerüñ [Ü221b] Haḫḫında:

﴿ کیست در عالم انو کمراتر ﴾ 'Älemde andan ziyâde güm-rāh kimdür? Ya'nî; andan ziyâde azgün olmaz dimekdür. **Kîst**, «kimdür»; [S227a] demek ma'nâsına istihâmdur. Zi'l-'uḫûlden su'âlde «kîst» dirler; ğayrında «çîst» dirler. Evvelüñ ma'nâsı «kimdür?»; şânîñüñ ma'nâsı «nedür?» dimekdür. **Der-âlem**, «âlemde»; **ez'o**, «andan»; **güm-râhter**, «ziyâde azgün ve yolın yitürmüş» dimekdür. 'Arabîsi «eḫall»dür. Pes Hudâdan ğayrıya i'timâd u istinâda sebeb, ekşer riyâset-i dünyâ olmağın ve erbâb-ı 'izz ü cāh-ı fenâ güm-rāhlığı bu yolda bulmağın nāzım terkile nuşh idüp eyidür:

﴿ ای برادر ترک عز و جاه کن ﴾ İy qarındaş! 'İzz ü cāhı terk eyle. **İy birâder**, «iy qarındaş»; **terk-i 'izz**, «şeref-i dünyâyı terk»; **u(ve) cāh**, «ve daḫı manşıb u qadr ve mertebe-i dünyâyı terk eyle» dimekdür. Pes 'izz ü cāh-ı dünyānuñ mehâliklerinüñ ba'zıların nāzım ebyât-ı âtiyelerde beyân üzredür. Hulaşa böyle keşîretü'l-mehâlik nesneyi İbrâhîm-i Edhem gibi târik olmayan lâ'îḫ-ı dergâh-ı İlâh olamadığı hasebiyle nāzım liyâḫat-i dergâh-ı İlâhı bulmağa, terki mevḫûfun 'aleyh kılıp:

﴿ خویش را شایسته درگاه کن ﴾ buyurmuşdur. Ma'nâ; 'izz ü cāhı terk zımnında kendüñi lâ'îḫ-ı dergâh-ı İlâh eyle dimekdür. Pes heves-i cāh ile qarîn-i pâdşâh olup güm-rāh u tebâh olmağdan terkile lâ'îḫ-ı dergâh-ı İlâh olmağın nâzûklığı bî-iştibâhdur. Nitekim nāzım eyidür:

﴿ خوار کرد هر که باشد جاه جوی ﴾ Her kim ki cāh-cûy ola; ḫaḫîr olur. **Ḫ'âr**, «ḫaḫîr»; **gerded**, «olur»; **her ki**, «her kim ki»; **bâşed**, «ola»; **cāh-cûy**, terkîb-i tavşîfidür; «manşıb isteyüci» dimekdür. Pes cāh-ı dünyānuñ ḫaḫîr olduğı nāzımuñ bu beytün zeylinde idecegi beyândan zâhir ve ḫaḫîr olan nesneye 'âqıl olanuñ 'adem-i meyl ü maḫabbeti bâhir oldu ise:

﴿ ای برادر قرب این درگاه جوی ﴾ İy qarındaş! Bu dergāhuñ ḫurbini taleb eyle. Ya'nî; taleb-i 'izz ü cāhdan fâriğ olup, dergâh-ı İlāhuñ ḫurbine tâlîb ol dimekdür. Dergâh-ı İlāha «în» lafzı ile işâret رحمة ان manṭûḫınca ğayr-ı maḫsûsı mubşar menzilesine tenzîl ve dergâh-ı İlâhı, bâbu'llāh ile te'vîle mebnîdür. Ve menâzil-i ḫurbi taleb, elbette bi-'avni'llāh ol rāha sülûki muḫteẓîdür. (...[S227b, Ü222a]...) İmdi dergâh-ı İlāhuñ ḫurbine tâlîblerüñ 'inda'llāh ve 'inde'n-nâs qadrleri a'ladur. Ḥattâ bir kimesne zâtında her ne kadar zelîl ise de bâb-ı İlâhîye vardıkda 'azîz olur. Nitekim:

Zillet erbâbı olur bâb-ı İlâhîde 'azîz

Ḥaḫḫ câmi'de el üstinde taşır pābûcın

dimişlerdür. Ammâ zâtında 'azîz olmağa isti'dâd şâhibi olan kimesne, 'izzeti cāh-ı dünyâdan taleb eyledikde ḫaḫîr olur dimişlerdür. Nitekim nāzım eyidür:

﴿ عز و جاهت سوى پستی میکشد ﴾ ‘İzz ü cāh-ı dünyā seni alçaq tarafına çeker. **‘İzz ü cāhet**, «seni ‘İzz ü cāh» demek murāddur. Tā hīṭāb içündür. **Sūy-ı pestī**, «alçaq tarafına»; **mī-keşed**, «çeker» dimekdür. Pes alçaklığa çekmeden murād; haḳāret cānibine çeker dimekdür. Pes haḳāretüñ yā nefsi murāddur yāḥod bā‘is-i haḳāret olan maḥabbet-i dünyā-yı dūn murād olunur. Yāḥod ‘İzz ü cāh seni ‘ālem-i esfele çeker dimekdür. Ya‘nī muvāfiḳ-ı ṭab‘-ı ḥayvānī olan ekl ü şürb ü nevm ve sā’ir muḳteżayāt-i nefsanī vü telezzüzāt-i cismāniye mübtelā idüp ḥayvān gibi ‘ālem-i esfelde ten-perverlige meftūn ider dimekdür. Anuñçün nāzım murādını bu beyān üze beyān idüp buyurur:

﴿ مر ترا برتن پرستی میکشد ﴾ Taḥḳīḳ seni ten-perestlige çeker. **Mer tu-rā**, «taḥḳīḳ seni»; **ber-ten-perestī**, «cism ü bedene ḥizmet idicilige» dimekdür. Ten-perest, terkīb-i tavṣīfīdür; «cisme ṭapucı» ya‘nī «her ḥizmetin görici» ma‘nāsınadır. Āhirindeki yā maşdariyyedür. **Mī-keşed**, «çeker» dimekdür. Ḥulāşa-i kelām ‘İzz ü cāh seni ḥayvān ṭab‘ına tevāfuḳ ile ten ḳulluḡına cāzib ve cenāb-ı Ḳudse müşıl-ı ‘İzzetden ḥācib olur dimekdür. Ḳaldı ki nāzımuñ [S228a] ten-perestī ta‘bīri النفس هی ام الاصنام ve daḡı النفس هی الصنم الكبير didikleri nikāte işāret içündür. Beyānı şöyledür ki nefsi-i emmāre şanem-i şūrī meşābesindedür. Pes ‘İzz ü cāh i‘ānetiyle ten-perver olan kimse, ümmü’l-eşnām ile bed-nām olan [Ü222b] nefse ḥizmetkār ve şanem-i kebīr ile şehīr olan murdāra perestār olur. Pes ‘İzz ü cāhı tārik olan nefsüñ meṭāliblerini tedārükden ve bu gūne meḥālikden āzāde ve iḥrāz-ı rütbe-i vālā-yı ḳurb ile ber-murād olmaḳ bī-iştibāhdur. Ammā ḥubb-ı riyāsetüñ ḥāṭırdan ḳal‘ı gāyet ‘asīrdür. Ḥattā evliyā’-i kirāmuñ mebdād-i sülüklerinde, ḥāṭırlarından eñ soñra çıkan ḥubb-ı riyāsetdür dimişlerdür. Ma‘lūm ola ki riyāset ḳulüb-i nāsa mālīk olmaḳdan ‘ibāretdür ki aña ‘İzz ü cāh ve daḡı şīt dirler. Buña maḥabbet, ḥubb-ı medḥ u senā gibi emrāz-ı ḳalbdendür. Ve ‘İzz ü cāh maḥabbetüñ esbābı üçdür: Biri; cāh ile müşteḥeyāt-ı nefsaniyeden ḥarāma tevessüldür. Pes ḥarāma vesīle oldıḡı içün ḥarāmdur. İkincisi; aḡz-i ḥaḳḳ ve i‘zāz-ı dīn ve iṣlāḥ-ı ḥaḳḳ içün tevessüldür. Pes bunda riyā vü süm‘a vü terk-i vācibāta dā’ir maḥṭūrāt bulunmaz ise ‘İzz ü cāh cā’izdür, belki müsteḥabbdur. Zīrā muḥarremātda niyyet mü’essir degüldür dimişlerdür. Üçüncüsü; ‘İzz ü cāhı kemāl zannıyle nefsüñ telezzüzidür. Bu daḡı telezzüz içün olan ḥubb-ı māl gibidür. Eger maḥṭūrātın ḥālī olur ise ḥarām degüldür; velākin mezmūmdur. Ammā lezzet-i ‘ācileye ḥırşdan ve dünyāya maḥabbetden ḥālī olur ise mezmūm degüldür. Zīrā enbiyā’-i kirām ‘aleyhimü’s-selām ve ḥulefā’-i rāşidīnüñ ‘İzz ü cāh-ı ‘ālilerinden a‘zam ü eḫḡam bir cāh yoḳdur, kezā fi’t-Ṭarīḳa. Pes nāzımuñ ‘İzz ü cāh seni ḥaḳīr ve ten-perestlige esīr ider didiḡi bu mişllü maḥṭūrāta muḳārin ve nefsi-i emmārenüñ ḥuşul-i meṭālibine mu‘āvin olan ‘İzz ü cāhdur. Ḥaḳīḳate nazar olınsa cümle ḥaṭarlar nefsi-i emmārenüñ hevā vü hevesindendür. İmdi merdlik nefsi iḥlāk ve yāḥod zillet ü meskenetde şey’-i ḳalīl ile ḳānī‘ ü pāk ü te’dīb eylemekdür. Nitekim tarīḳ-i iskāt-i nefsi nāzım eyidür:

﴿ نفس در ترک هوا مسکین بود ﴾ Nefs terk-i hevā-yı nefsaniyede miskīn olur. **Nefs**, ma‘rūfdur. **Der-terk-i hevā**, «telezzüzāta meyl ve ārzūyı terkde» dimekdür. **Miskīn**, «hīç bir nesneye mālīk olmayan»dur. Bunda murād; ḳuvvetsizlikden nāşī meskenet ü zilletde olmaḳ ma‘nāsıdır. [S228b] **Buved**, bunda mecāzen «olur» ma‘nāsınadır. Ḥulāşa hevā-yı nefsaniyeyi terkden nefsüñ maṭlūbı eline

girmemegile fişk u fücûra isti'dâdı var iken fakr u fâka sebebiyle hırkasın başına çeken fakır gibi miskîn ve riyâzata yakîn olup ğayrı tarîk ile te'dîb ve gûş-mâle hâcet-i mess eylemez dimekdür. Nitekim nâzım rahîmehu'llâh eyidür:

﴿ کوشمال نفس نادان این بود ﴾ Cāhil nefsi'n te'dîbi bu ola. **Gûş-māl-i nefsi-i nā-dān**, tetābu'ı izāfet ile «cāhil nefsi te'dîb dimekdür. Nefsi cehle nisbet, nef ü zarrını bilmeyüp dā'imā muktezā-yı cibilliyeti üzre emmāre^{tūn} bi's-sū' olduğunu iş'ardur. Ve tevbîh ü taqrî ile te'dîbe [Ü223a] sezāvār idigi gûş-māl zikrinden bed'idārdur. **İn buved**, «bu ola» dimekdür. İn ile işāret terk-i hevāyadur. Ma'lūm ola ki nefsi'n sükūneti, mekr ü hīlesini icrādan girü kalmasından kināyedür. Zîrā nef, her nefesde bir mekr üzredür. Ve her mekrinde niçe ferā'ineligi vardır. Ya'nî hīle vü mekrde gūyā bir niçe fī'avnlr tevābi'yle muhāşama ider gibidür. İmdi ol nefsi-i bedkārı hevāsınuñ terkiyle ve aña izhār-ı aşā-yı edeb ile şiddetin teskîn eyledigüñ hīnde şeytān-ı la'tin yene nefsi hālîne koymamak sevdāsına düşer. Ol zamān nefsi'n sihrini bi'l-külliyeye ibtāl ve şeytānuñ sa'yini tamāmen ihmāl ister iseñ hāzret-i Kelīm 'aleyhi's-selāmuñ Hūdāsını zikr eyle didikleri nükte-i Mevlānāya imā ve sükūnet-i nefsi'n tarîkı istiḥkāmını zikru'llāh idigin işāret birle nāzım eyidür:

﴿ چون دلت بر یاد حق ایمن بود ﴾ Çünki kalbün zikru'llāh üzre emîn ola. Ya'nî; zikru'llāh üzre kalbün āsūde vü emîn ola dimekdür. **Çün**, «çünkü»; **dilet**, «gönlün»; **ber-yād-ı Hakk**, «zikr-i Hūdā üzre»; **imen**, «āsūde-hāl ü bī-endîşe vü emîn»; **buved**, «ola».

﴿ نفسک اماره هم ساکن بود ﴾ Kabāyîha emr idici nefscegiz daḥı sâkin ola. Hülāşa-i kelām hadîs-i şerîf üzre zâkirün kalbi emrâz-ı endîşe-i fāsideden emîn ve hem nefsi sâkin olup, mekr-sâz u sihr-bâzlığa yürimez. Ya'nî zâkir olan şāḥibine zārarsız olur dimekdür. Nitekim “fūlān kimesne zārarsız” diyecek yirde “kendi hālinde bir sâkin âdem” dirler, intihā. Ve zikru'llāhda kavā'id-i keşîre vardır. [S229a] Nitekim Tenbîhü'l-Ġāfilinde bir kaç meşûrdur ki evvelen rızā'ullāhı celb, saniyen rikḫat-i kalb, sālîşen hırş-ı t̄a'at, rābi'an men'ci ma'syyet, hāmisen nefsi ile şeytān şerrlerinden emniyyetdür, intihā. Pes nefsi sâkin oldıkda şāḥibi riyāzata ri'āyet ve tevekkül ile kālîle kanā'at itmek gerekdür dimege işāret için nāzım eyidür:

﴿ هر که اورا تکیه بر صانع بود ﴾ Her kim ki anuñ için şāni'ci 'ālem üzerine i'timād u tevekkül ola. **Her ki**, «her kim ki»; **o-rā**, «anuñ için»; **tekye**, bunda «i'timād» ya'nî «taşanmak» ma'nāsınadır. Ve daḥı cāy-ı dervîşāna tekye dirler; bunda murād degüldür. **Ber-şāni'**, «hālîk-ı 'ālem üzerine»; **buved**, «ola». Pes Hūdāya mütevekkel ü mu'temedün 'alāmeti, kālîle kanā'at olmağın nāzım eyidür:

﴿ در جهان با لقمه قانع بود ﴾ Dünyāda bir luḫme ile kanā'at idici ola. **Der-cihān**, «dünyāda»; **bā-luḫme'i**, hemze-i vahdet ile bir luḫme ile dimekdür. **Ḳāni'**, «kanā'at idici»; **buved**, «ola». Hülāşa tevekkülün nişānı, kālîle kanā'atdır. Zîrā luḫme-i vāḥide kılletden kināyedür. Hattā sā'ile kāni' tesmiyesinüñ vechi, [Ü223b] kālîl ü keşîr dimeyüp bir luḫmeye rāzî oldığıdır dimişlerdür. Ve luḫme-i vāḥide zikrinde cū'ı medḥ ve şib'ci zemme işāret vardır. Ve fi'l-ḥaḳîka kıllet-i ekl ü şürbde menāfi' keşîre vardır. Hattā hāzret-i Luḫmān 'aleyhi's-selām oğlına naşîhatinde eyitmiş: Kaçan mi'de ta'am u şarāb ile

memlū olsa fikret az olup, lisān-ı hikmet aḥras olur ve aʿzā-yı ʿibādet fütür bulur diyü keşret-i eklden menʿ buyurmuşdur. (...) Pes ḳalīle ḳanāʿat, kār-ı merdān-ı İlāhīdūr. Nitekim mülk-i ḳanāʿat şāhlığın, şūrī olan salṭanata berāber tūtmışlardır. Hāfız:

کنج زر کر [S229b] نبود کنج قناعت باقیست

آنکه آن داد بشاهان بکدایان این داد

Ve daḥı bu maʿnāda ḥazret-i Mevlānānuḥ:

قناعت کن ای نفس بر اندکی

که سلطان و درویش بینی یکی

Yaʿnī; iy nefṣ! Ḳalīle ḳānīʿ ol ki sulṭān u dervīṣi bir göresin; yaʿnī beynlerinde fark olmadığını bilesin dimekdür. (...[Ü224a]...) Pes luḳme-i fuḳarā dimek, luḳme-i ḥalāl ile müterādif ve ol luḳmeden bire yaʿnī ḳalīle ḳānīʿ olan merd-i ʿārif idigi nāzımuḥ her bir güftār-ı dürer-bārından āşkārdur. Ve mā-naḥnū fihi olan beytüḥ mıṣrāʿ-ı evveli tevekkül ve mıṣrāʿ-ı ṣānīsi ḳanāʿate dāʿir olmağın tekye lafzını ityānda tekye-gāḥ didikleri cāy-ı tevekkülde gūşe-gūr olan faḳīr, ḳānīʿ gerekdür dimege daḥı işāret vardır. Ve tekye-niṣn olan ṭāʿifenüḥ ḥayrlu veyā şerrlusi خیر المومن القانع و شرهم الطامع ḥadīs-i şerīfi mişdāḳınca sīretinden fark itmişlerdür. Ḥattā tevekkül-ḥānede sākin-i ḥayruʿl-emākin iken, tekyeye gelecek vāridāta muntazır u müstaḳbil olan zamāne şeyḫinüḥ birine zırafā-yı ʿaşrdan biri ḥiṭāb idüp:

لما رأيتك قاعدا مستقبلي

فعلمت انك للهوان قرين

هون عليك و كن بربك و انفا

ان توكل شانه التكوين

مالا يكن لا يكون بحيلة

ابدا و ماهو كائن سيكون

diyü buyurmuşdur. Pes luḳme-i vāḥideden murādı ve keyfiyyet-i ṭaleb-i zādı beyān zımnında [S230a] nāzım eyidür:

﴿ اکتفا بر روزی هر روزه کن ﴾ Her günlük rızq-ı muḳadder üzre iktifā eyle. **İktifā**, iftiʿāl

bābından «kifāyetlenmek» maʿnāsına maşdar-ı ʿArabīdūr. **Ber**, «alā» maʿnāsınadır. **Rūzī**, yāʿ-ı nisbet ile «gün-be-gün taʿyīn olunan vaḳīfe-i yevmiyye» maʿnāsına idi. Şoñra taʿmīm olunup «muṭlaḳ rızq-ı muḳadder»e iṭlāḳ olındı. Anuñçün kimse kimsenüḥ rızqını yiyemez diyecek yirde ʿAcem روزی کس نمیخورد dirler. Mā-baʿdine muzāf olmağın āḫirine li-ecliʿl-izāfet bir hemze getirilmişdür. **Her**, ʿumūmiyyeti müfīddür. **Rūze**, bunda «günlük» maʿnāsınadır ki ʿArabīsi «vaḳīfe»dür. Hāʾ, iḥtişāş içündür. Ve gāḥī «şavm» maʿnāsına da gelür. Lākin bunda murād degüldür. **Kon**, «eyle» dimekdür. Pes nāzımuḥ bu kelāmında çend işāret-i laṭīfe vardır. Evvlen, yevmiyyeye ḳānīʿ ol; iddiḥār-ı ḳūt sevdāsında olma ki tevekkülde bulunasın dimekdür. Pes bunda olan ḥadīs-i şerīf-i tevekkül ḳarīben nāzımuḥ بود توکل کر

beytinde t̤zāḥ olınacaḡdur inṣā'a'llāhu te'ālā. Sāniyen, yevmiyye rızḡuñı Ḥudā kesmez; sen hemān tevekkülde ol dimege işāretdür. Ve ḡaḡḡat-i ḡāl daḡı budur. Nitekim ḡazret-i Mevlānā *meṣnevī*:

رو توکل کن ملرزان یار دوست
رزق تو بر تو رتو عاشق ترست
کر تو نشتابی بیاید بر درت
ور تو بشتابی دهد درد سرت

buyurmuşdur. Ve buña münāsib nesneler çokdur. Bi-ʿavni'llāh aşağıda maḡalliyle zıkr olunur. Şālisen, faḡḡr ü miskīn ma'īṣeti üzre te'ayyüş eyle diyü; faḡḡr-i sābir, ḡaniyy-i şākirden a'ladur ma'nāsınca faḡrı medḡa imā vardır. [Ü224b] Ve faḡruñ memdūḡiyyeti Faḡr-i 'ālem şalla'llāhu 'aleyhi ve sellemüñ ḡazret-i Bilāl razıya'llāhu 'anhe ḡiḡāben غنيا تمت فقيرا ولا ḡadīs-i şerīfinden nümāyāndur. Ve keyfe lā ki ber-manḡūḡ-ı ḡadīs-i diḡer, cennetüñ ekser-i ehli fuḡarādur. Rābi'an, kifāyet miḡdārı rızḡ seni buldıḡdan soñra anuñla iktifā idüp, ziyādesi talebiyle eñsesine düşme ki sa'y ile rızḡ artmaz dimege iktifā lafzı dālldür. Nitekim rızḡ-ı muḡadder şāḡibini aradıḡı اما يطلب العبد كما يطلب اجله ḡadīs-i şerīfiyle sābitdür. Ve ḡısmet olmayanuñ sa'y ile ele gelmediḡi niḡe āṣār u aḡbār ile mübeyyen ü zāḡirdür. Nitekim bir nesnenüñ ardına düşüp ḡurur iken andan maḡrüm olanuñ ḡaḡḡında dimişlerdür, *ḡıḡa*:

يا طلب الرزق في الآفاق مجتهدا
[S230b] اقصر عناك فان الرزق مقسوم
الرزق ياتي على من ليس يطلبه
و طالب الرزق يسعى و هو محروم

ma'nāsı zāḡirdür. İmdi her gün kifāf miḡdārına ḡanā'at, sebep-i sa'ādet ü mücib-i rāḡatdur. Nitekim ḡümā ḡuşı her gün üstüḡāne ḡanā'at itdiginden sāyesı sa'ādetle bā'ış ve devlete bādī olmuşdur. Ve buña işāreten Ḥ'āce Şā'ib dimişdür, *beyt*:

اكر با استخوان از سفره قسمت شوى قانع
عزیز اهل دولت میتوانی چون هما کشتن

﴿ کر نداری از خدا دریوز کن ﴾ Eger kifāf-ı nefis miḡdārı rızḡ ḡutmaz iseñ Ḥudādan ḡaleb ḡıl. Ya'nī ḡayrıdan isteme ki الرزق على الله dimekdür. **Ger ne-dārī**, «eger kifāf-ı nefis miḡdārı rızḡı ḡutamaz iseñ» dimekdür. Bu vechile faḡḡr ü bī-ḡāre çokdur. Ve tamām muḡḡarr olmadıḡca nāsdan su'āle şer'an izn yoḡdur. Anuñḡün nāzım eyidür: **Ez-Ḥudā**, «Rezzāḡ-ı 'ālemden»; **deryūze kon**, «su'āl eyle» dimekdür. Deryūze, Fārisīdür, «dilenmek» ma'nāsınadır; 'Arabīde «su'āl»dür. Pes zūll-i su'āle düşmekden kedd-i yemīn ü 'araḡ-ı cebīn ile rızḡ-ı kifāfı Ḥudādan ḡaleb eylemek ḡayra ḡarīn ve kār-ı ḡānī'ındür. (...) Ma'lūm ola ki Ḥudādan ḡayrıya 'arz-ı iḡtiyāc ile su'āle zillet der-kārdur. Nitekim kifāf ile ḡānī' ve zūll-i su'ālden nefsinı 'azīz idenüñ 'izzetin beyānda dimişlerdür, *ḡıḡa*:

اعز الناس نفسا من تراه
يعز النفس من ذل السؤال

و يقنع بالكفاف و لا يبال
بفضل فات من جاه و مال

Ḥattā bir kimseye bir nesne virseñ anuñ emīri olursın; bir kimseden bir nesne isteseñ anuñ esīri olursın. Ammā ‘arż-ı ihtiyāc eylemedigün kimesne şāh-ı cihān daḥı olur ise anuñ ile berāber [Ü225a] olursın dimegi İbnü Yemīn bu naẓm-ı dürer-bār ile edā buyurmuşdur, *kıṭʿa*:

بر هرکه عطا پاشی باشی تو امیر او
وز هرکه عطا جستی کشتی تو اسیر او
و انکس که نیاز خود بروی نکنی عرضه
کر شاه جهان باشد باشی تو نظیر او

intihā. Pes riyāzat, nefsi ihlāk ve ẓalbi jengār-ı hevādan [S231a] pāk itmekden ‘ibāret olmağın riyāzat beyānında nefsuñ ẓahr u helākine lāzım olan mühimmātı ‘ıyāna şurū‘ idüp buyurur:

Der-Beyān-ı Mücāhede-i Nefs

﴿ نفس نتوان کشت الا با سه چیز ﴾ Nefsi ẓahr u ihlāk eylemek mümkün degül, illā üç nesne ile. **Küşṭ**, zamm-ı kâf-ı ‘Arabī ile bunda küšten ma‘nāsına ism-i maşdardur; «ẓatl ü helāk itmek» dimekdür. Ma‘nāda nefse muzāfdur; nefis, emmāredür. **Ne-tevān**, «mümkün degül»; **illā bā-se çiz**, «ancaḳ üç nesne ile» dimekdür.

﴿ چون بگویم یاد گیرش ای عزیز ﴾ Çünki söyleyem anı ezber tut iy ‘aziz! Ya‘nī hıfz u ‘amel eyle demek murāddur. **Çün bi-güyem**, «çünki söyleyem»; **yād gireş**, şīn zāmīrdür; «se çiz»e rāci‘dür; ma‘nā «anı ezber eyle»; **iy ‘aziz** dimekdür. Ol esliḥa olacaḳ nesnelerün ikisi bunlardur ki nāẓım eyidür:

﴿ خنجر خاموشی و شمشیر جوع ﴾ Ḥançer-i sükūt olmaḳ ve kılıc-ı açlıqdur. **Ḥançer**, dört ma‘nāya gelür. Evvel, ālet-i ma‘rūfdur ve büyük bıçağa şāmildür. Şānī, ‘Acemün bir nev‘a sivri ḥançeridür ki aña Rūmda tīg dirler. Şālīş, şu‘le-i āteşdür. Rābi‘, zıyā’-i şems ü ẓamerdür. Pes mā-naḥnū fihide murād olan ma‘nā zāhirdür. Ve mā-ba‘dine muzāfdur. Ve izāfeti beyāniyyedür. Şānī vü şālīşde daḥı böyledür. **Ḥāmūşide**, yā maşdariyyedür; «sükūt itmek» dimekdür. **Vü şemşir**, evvel üzerine ma‘tūfdur; «kılıc» dimekdür. ‘Arabīsi «seyf»dür. Bunuñ Furs ü ‘Arabda esāmīsi ḥadden bīründür. Ḥattā Ferheng-i Şu‘ūrī eyidür: Şarāb u āb ve arslan ve kılıcuñ luğat-ı Fārisīde üç yüz altmış esāmīleri vardur ve cümle müsta‘meldür. Ve luğat-i ‘Arabīde bu dördün her birinün biñer esāmīleri olduğına erbāb-ı ‘Arabiyyenün ittifāḳı vardur dimişdür. **Cū‘**, ‘Arabīdür; «açlıḳ» didikleri ḥāletdür. Aç kimseye «cū‘ān» dirler. Fārisīde aç «gurisne» ve açlıḳ «gurisnegī»dür. Pes silāḥ-ı şālīş budur ki zıkr olunur:

﴿ نیزه تنهایی و ترک هجوع ﴾ Mızrāk-ı yalnızlıḳ ve terk-i nevm-i leyldür. Murād; kıllet-i nevmdür. **Nize**, «süñü» dimekdür. Āḥirindeki hemze mā-ba‘dine izāfet içün gelmişdür. **Tenhāyī**, yā’-i şānīye maşdariyye olmağıla «yalnızlıḳ» dimekdür. Tenhā lafzı bunda müfreddür. Ammā mürekkeb itibār olındığı yirde tenhā, «tenler» demek olur. **Vü**, ‘āṭıfedür. **Terk-i hücu‘**, «terk-i nevm» dimekdür. Hücu‘, «gicenün uykusına» dirler; ‘Arabīdür. [Ü225b] Ve nevmden eḥaşşdur. Pes nāẓımuñ nevm yirine hücu‘

lafzı ĩrādı min-vech nükteden ĥālī degüldür ve nüktesi zāhirdür. İmdi katl-i nefste işbu [S231b] esliĥa-i şālisenüñ ziyāde mü'essiri ĥāmūşlukdur. Ĥançer daĥı düşmen üzeriñe ğayet yakın geldikte müsta'emeldür. Ve sâ'ir silāĥa göre derūna mü'essirdür. Ve sefer ü ĥazarda şāĥibinüñ miyānında eksik olmayacak āletdür. Pes bu nüktelere ri'āyet için nāzım ĥāmūşluğu ĥançere teşbīh ve şemşir ile nīzenüñ üzerine tercīhan taĥdīm eylemişdür. Ve ĥançerden soñra ālet-i mü'essir kılıcdur ki düşmān ile senüñ miyāneñi bir miĥdār aralar. Açlık daĥı böyledür. Lākin kılıc her bār bilde baĝlu olmayup, ĝāhī çözülmek mu'tādına binā'en nefsi daĥı dā'imā cū' koymayup ĝāhī kılıcı üzerinden ĥaldurma ma'nāsınca miĥdār-ı kifāyet ta'ām ile gözetmek nüktelerini iş'ār için nāzım cū'ı kılıca teşbīh ve nīzenüñ üzerine tercīhan, şālīşden muĥaddem zıkr itmişdür. Ve şemşirden soñra meydānda āmed ü şüd iden düşmenüñ kārın görecek ālet nīzedür. Lākin nīzeyi ĥullanmaĝuñ şartı boşa şalmamak ve kendüyi gözedüp kırmamakdur. Ke-zālik tenhālık ile kılllet-i nevm, nefsi ĥahrda nīze-mişāldür. Ammā tenhālıkda olan, tenhālığı boşa şalmayup evrād u ezkār ve fikr-i ĥudret-i Perverdĝār ve icrā-yı dumū' ile der-kār ve seĥer-i leyl ile 'ibādet idüp ve nefsi bi'l-külliyye tāt'den koyacak ĥadar zaĥmete koymayup ve ĥaĥķını edā idüp bi'l-külliyye ĥandili kırmamak gerekdür demek nüktelerini ĩmā için nefsi ĥalvet ü 'uzlet ve kılllet-i nevm ile mücāhede kılmāĝı nāzım nīzeyle teşbīh buyurmuşdür. Pes bu silāĥlar ile mücāhede idenüñ nefsi bi-'avni'llāhi te'ālā şalāĥ bulur. Ammā bu silāĥlardan tehī olan veyāĥod bu tertīb üzre ĥullanmasın bilmeyenüñ ĥālī budur ki nāzım eyidür:

﴿ هر کرا نبود مرتب این سلاح ﴾ Her kimüñ için ki bu silāĥ olmaya. Ya'nī her kim ki bu silāĥ ile müsellaĥ olmaya dimekdür. Yāĥod her kim ki bu silāĥı tertīb idici olmaya dimekdür. **Her ki-rā**, «her kimüñ için ki»; **nebvəd**, «olmaya». Bu ihtimāllere göre **müretteb** kelimesi mef'ul yā ism-i fā'il şīĝasıyle okınmak cā'izdür. **İn silāĥ**, işāret esliĥa-i mezkūreyedür. Silāĥ, ālāt- cengdür; müzekker ü mü'neş olur. Pes tertībün ma'nāsı; bir şey'i, şey'-i āĥaruñ 'aĥabinde ve mertebesinde vaz' eylemekdür. İmdi ĥiç silāĥı olmayanüñ ĥālī ma'lūmdur. Lākin esliĥa-i mezkūreyi maĥallinde isti'māl idemeyüp, meşelā ĥançer maĥāmında mızrāķ ĥullanmak murādında olsa yine silāĥsız ile [S232a] idigine nāzımuñ müretteb kelāmı ĥarīnedür. Ve bunda olan le'tā'if ü mübālaĝāt ĥaĥfı degüldür. Anuñçün nāzım eyidür:

﴿ نفس او هرگز نمی باید فلاح ﴾ Anuñ nefsi hergiz felāĥ bulmaz. **Nefs-i o**, «anuñ nefsi»; **hergiz**, «aşlā» dimekdür. **Felāĥ**, «fevz ü zafer ü necāt» [Ü226a] dimekdür. Ĥulāşa-i kelām bu silāĥlardan ĥālī ve nefsüñ mekā'idinden lā-übālī olan şalāĥdan dūr ve felāĥdan meĥcūr olur dimekdür ve bunda iştibāĥ yokdur. Pes ĥançere teşbīh olınan ĥāmūşluk, mā-lā-ya'niden gerekdür. Yoksa bi'l-külliyye sükūt degüldür. Zīrā bi'l-külliyye sākitüñ üzerine nefis gelemmez. Ammā şeytān gelüp idlāle sa'y ider. Lākin Ĥaĥķ te'ālāyı zākir olan ĥalben veyā lisānen hem nefsüñ ve hem şeytānuñ şerrinden emīn olur dimege işāret ve şeytānuñ tārīķ-ı def'ini ve mekā'idini ĩmā ĥaşıdıyle nāzım eyidür:

﴿ چونکه دل بی یادللهت بود ﴾ Çünki senüñ ĥalbün bī-zıkru'llāh ola. Ya'nī sükūtuñ ĥālinde ĥalbün zākir olmaya:

﴿ دیو ملعون یار و همراهت بود ﴾ Mel'ūn şeytān senüñ muşāĥib ü yoldaşuñ ola. **Dīv-i mel'ūn**, ma'rūfdur. **Yār**, «dost u muşāĥib» ma'nāsınadır. **Hem-rāĥ**, «yoldaş»dur. Ĥāirindeki tā ĥiṭāb içündür.

Buved, «ola» dimekdür. İmdi nâzımın murâdı mücâhede-i nefis zımnında, şeytân ile mücâhedeye imâ ve âlet-i cihâduñ zıkrı'llâh idigin zımnın işâret buyurduğı âşkârdur. Ve şeytânın dostluğı düşmânlık idigin beyân için nâzım eyidür:

﴿ اهل دنیا را چو دیو آرایدش ﴾ Şeytân ehl-i dünyâyâ çünki dünyâyı bezeye, hûb göstere. **Ehl-i dünyâ**, a'mâl ü ef'âlinden ma'lûmdur. **Râ**, edât-ı mef'ûldür. **Çü**, «çünki»; **dîv**, «şeytân»; **ârâyed**, muzâri-i müfred-i gâ'ibdür; «bezer» ya'nî «müzeyyen gösterür» dimekdür. Âhırindeki şîn zamîrdür; dünyâyâ râci'dür. Murâd; şeytân ehl-i dünyâyı aldamağ için dünyâyı müzeyyen gösterür. Nitekim: قال رب بما اغويتنى لازين لهم فى الارض ولاغوينهم اجمعين âyet-i şerîfi bu ma'nâyâ dâll ü telmîhdür. Pes igvâ-yı şeytân ile zînet-i dünyâyâ aldanmağ muğarrerdür. Ol zamân:

﴿ لقمه‌های چرب شیرین بایدش ﴾ Aña laţîf ü nefîs ü lezîz lûkmeler gerek. **Lûkmehâ**, cem'dür; «lûkmeler» dimekdür. Mâ-ba'dine izâfet için hâ'dan sonra bir yâ' getirilmişdür. **Çerb-şîrîn**, miyânelerinde vâv-ı âtîfe olan nüşaya göre «yağlı ve tatlı» demek olur. Lâkin bilâ-vâv olan nüşâ üzre kelime-teyn-i mezkûreteynün her bâr böyle isti'mâlinde ma'nâ-yı çerb-şîrîn [S232b] «laţîf ü nefîs ü lezîz» ta'âmdur. Nitekim hâkîm Hâkânî'nün:

چرب شیرین نعمت دنیا

بمکس راندنش نمی ارزد

beytiyle iştihâd eylemişdür. Ya'nî; ta'âm-ı laţîf-i ni'met-i dünyâ, siñegini sürmege degmez dimekdür. **Bâyedeş**, «aña gerek» dimekdür. Zamîr-i şîn ehl-i dünyâyâ râci'dür. Pes tu'me-i nefsanîyye ise ekşer hâlâldan mümkün olmadığından, [Ü226b] taleb-i lûkmehâ-yı lezîzeye her ne taraftan olur ise pâre tedârükine düşmege muhtâcdur. Ve bu kaydda olanuñ hâli nâzımın bu kelâmından hüveydâdur.

﴿ هرکه او در بند سیم و زر شود ﴾ Her kim ki o kimse sîm ü zer kaydında olur. Ya'nî cem'-i mâl kaydında olur dimekdür. Yoksa sîm ü zer lafzlarının medlûlleri üzre cem', altun ve gümüşe maşşûş degüldür. Zîrâ bir hadîs-i şerîfde الدنانير و الدراهم و عجل امتى العجل و لكل امة عجل و لكل امة عجل vârid olmuştur. Ve hadîs-i şerîf-i diğerde المال و فتنه و فتنه امتى المال vârid olmuştur. Mâl sîm ü zere ve mâl itlâk olan nesnelere şâmindür. Pes nâzımın sîm ü zer edâsıyile ta'bîrî, nağdeyn-i mezkûreyn cümle emvâl-i râyicenün re'si vü a'lası olduğundan ve beyne'l-enâm bu ta'bîr ile şöhret bulduğına binâ'endür. Ve ekşer kenz idenlerün ancak bunlara itînâ eylediği hasebiyledür. Ve her bir maşlahat bunlar ile huşûle geldiği sebebiyledür. Nitekim zuraîfâ-yı şu'arâdan Maḥmūd-ı Meylî eyidür:

معشوقه بمن گفت که اگر زر داری

سیمین تن من همیشه در بر داری

ورنه تو زمن کام نخواهی دیدن

کر جمله کتاب عالم از بر داری

Ya'nî; ma'sûka baña eyitdi ki; eger zerün var ise dâ'imâ sîmîn tenümi sînede tutarsın; ve illâ 'âlemün kitâbın ezberlesen benden zersiz kâm alamazsın. Ve yine zuraîfâdan biri eyitmiş, lâ-edrî:

دارند خلق بسکه بصاحب اعتبار

هرکس که دو درم شد ابا زرت

Ya'nî; halk şâhib-i zeri, mu'teber oldıkda itibâr ile tutarlar ki güyâ iki dirheme şâhib olan herkes Ebâ Zerdür dimekdür. Pes ma'lûm ola ki sîm ü zer kaydında olmak anı cem' itmekdür. Ve cem'-i mâle sebeb üçdür: Evvelkisi, evlāduma vü akrībāma kılsun diyüdü. Bunun ilâcı anları Hudāya ısmarlamakdur. Böyle niyyet ile cāmî'-i māl olana cāhil dimişlerdür. Cehli, âharuñ rāhatı için kendi zahmetin yevmen fe-yevmen artur[S233a]dıgıdır. Nitekim dimişlerdür, *kıf'a*:

İy ki endîşe-i māl ile serāsîme olup
Dün ü gün dehrde âşifte geçer aḥvālūñ
Cem'-i māl eyledigūñ rāhat içündür ammā
Renci artar yüki oldıkca ağır ḥammālūñ

Pes bunun renci dünyāda baḥr-i fikrde ğarḳ-āb ve uḳbāda ḥalāldan ise yalnız ḥisābdur. Lākin 'azāb ḳorḳılmaz dimişlerdür. İkincisi, yimeyüp ve yidürmeyüp tırur iken sîm ü zerūñ vücūdiyle telezzüzdür. Bunun ilâcı 'asîrdür. Huşūşā ki şâhibi pîr ola. Pîrlikde şiddet-i hırş ma'lûmdur. Yanında buḥalāyı zemm ve eşîyāyı medḥ ve āfāt-ı mālî [Ü227a] beyānuñ mehmā emken fā'idesi olur diyü yazmışlardır. Lākin bu bâbda söz zırafānuñdur ki buyurmuşlardır:

پذیرای نصیحت نیست دل اهل تنعم را
چو کاغد چرب باشد نقش را دشوار میکیرد

Ya'nî; çerb-i ḥāl ile ni'met-i māl şâhibinūñ ḳalbi naşḥat-pezîr degüldür; zîrā kāğad yağlu olsa naḳşı güç tutar dimekdür. Murād ma'lûmdur. Ve bu vechile cem'-i māl iden, lisān-ı şer'de ğayr-ı 'āḳıl ile müsem mādur. Nitekim ḥadîs-i şer'î bu beyāna güvāhdur. Ve bu ma'nā üze böyle olan kimesneye ḥukmen cāhil ve işini cehle ibtinā kılop böyle dimişlerdür ki; kişinūñ rızḳı āsānlık ile gelür iken fikrini çeken nisādan cāhildür. Ve mevtinden soñra işine yaramayan sîm ü zeri zahîre iden bākıldur. Üçüncüsü, huşūl-i mâle mevḳūf olan lezzet-i 'ācile ve şehevāt-ı nefsanıyyeye maḥabbetdür. Bunlar cümle dünyāya maḥabbetden nāşîdür. Pes sebeb-i şānî vü şālîş üze cāmî'-i sîm ü zer olan:

﴿ در عقوبت عاقبت مضطر شود ﴾ Uḳūbetde 'āḳıbet 'āciz ü bî-çāre olur. Ya'nî 'azāba giriftār ve 'ıḳābda pür-ıztırār olur dimekdür. Ḳaldı ki sîm ü zere maḥabbet, fuḳarāya taşadduḳ veyā kıvām-ı beden veyā iḳāmet-i vācib için olur ise cā'izdür dimişlerdür. Pes muḥıbb-i mālūñ ḥālî ma'lûm olmağın faḳr ü fāḳada muḥıbb-i a'mālūñ ḥālîni beyān için nāzım eyidür:

﴿ آنکه بهر آخرت کارش بود ﴾ Ol kimse ki anuñ işi āḥiret için ola.

﴿ از خدا تشریف بسیاریش بود ﴾ Hudādan aña çok in'ām u iḥsān ve deracāt-ı 'ālî-şān ola. **Teşrif**, ḥıl'at [S233b] ve ululuk ma'nāsınadır. Bunda ma'nā-yı lāzımı olan «in'ām u iḥsān ve derecāt-ı refi' u 'ş-şān murād olunmuşdur. Zîrā nāzımuñ bu beyti الی الدرجات لهم ayet-i şer'îne telmîḥ vardır. Pes ber-muḳtezā-yı ḥikmet Hudānuñ ba'zı ḳulına māl-i keşîr i'tā ve ba'zı ḳulını

mübtelâ-yı faqr (u) fenâ kıldığınıñ beyân-ı hikmetiyle tesliyet-i hâtır-ı fuḡarâ-yı şalâh-meẓâhir için nâzım eyidür:

﴿ مال دنیا خاکسارانرا دهند ﴾ Dünyâ mālını alçaqlara virür dimekdür. Viren; Vâhid-i müte‘âldür. Pes maḡâm-ı müfredde cem‘ şîğasıyle **dehend** geldiği ta‘zîm içündür. **Māl-i dünyâ**, «dunyâ mālını» dimekdür. Bunda olan nükte-i laṭîfe ma‘lûmdur. Māl, ‘Arabîdür; şol mevcûde dirler ki ṭab‘ kendüye meyl eyleye ve kendüde bezl ü men‘ cārî ola. (...[Ü227b]...) **Hâksârân**, «alçaqlar» ma‘nâsına cem‘dür; müfredi «hâksâr»dur. Hâk, toprak; sâr, nisbet ü izâfet ma‘nâsınadır. Mecmû‘; «toprağa mensûb» dimekdür. Lâkin murâd alçaq ma‘nâsıdır. **Râ**, edât-ı mef‘ûldür. Hülâsa māl-i dünyâ denî olduğu için denîlere lâ’îḡdur. Pes māl-i dünyâ erbâbıyle ve erbâb-ı dünyâ mâliyle lâyıkların bulmuşlardır. Ve mazhar-ı meşel-ı وافق شن طبق olmuşlardır. Ve hâksârân, vüs‘at-i māl ile hoş-hâl olan fâsıḡ u fâcîr ü Yehûd u kâfir emsâllerinden ‘ammdur. İmdi dünyâ denî olmağın denîlere mâ’ildür. Yoksa ‘inda’llâh bu erbâbuñ ‘izzeti veyâ dünyânuñ hürmetinden degûldür. Zîrâ dünyânuñ ‘inda’llâh cenâh-ı bu‘ûza kadar i‘tibârî ola idi, Hüdâ dünyâdan kâfire bir içim şu içürmez idi diyü İbnü Mâce rivâyetiyle ḡadîs-i şerîf vârid olmuşdur. Ve bunda daḡı niçe hikmetler vardır ki ‘uḡûl-i benî-Âdem anı derk ü iz‘ândan ‘âcîz ve vâlih ü ḡayrândur.

[S234a] ﴿ آخرت پرہیزکارانرا دهند ﴾ Âḡireti perhîzkârlara virür. **Perhîzkâr**, ‘inde’l-‘ulemâ «vücûdını nâ-meşrû‘ nesnelerden şaḡınıcı»ya dirler. Âḡirindeki elif ü nûn, edât-ı cem‘dür. Ba‘de olan **râ**, edât-ı mef‘ûldür. **Dehend**, kemâ-merre «virür» dimekdür. Pes perhîzkar olan erbâb-ı şalâḡa âḡireti virür dimek, ni‘am-ı bâḡiyye vü devlet-i ḡayr-ı zâ’ile ile anları zevi’l-‘iḡâl u mazhar-ı seyr-i cemâl ider dimek siyâḡ u sibâḡdan hüveydâdur. Pes şeyṭânıñ saña dünyâyı müzeyyen ‘arz u irâ’et eylemesi, zîkr olınan âfâta düḡâr ve sebep-i duḡûl-i defter-i hâksâr oldıyise, yaḡînüñ olsuñ ki dostluḡı saña düşmânlıḡdur dimegi iş‘âr için nâzım eyidür:

﴿ هست شیطان ای برادر دشمنت ﴾ İy ḡarındaş senüñ düşmânıñ ancaḡ şeyṭândur. Yâḡod şeyṭân senüñ düşmânıñdur dimekdür. Pes ma‘nâ-yı evvele göre **hest**, edât-ı ḡaber olan «est» ma‘nâsınadır. Ve şeyṭân lafzınıñ âḡirine merbûtdur. Şeyṭānest ta‘bîriyle bu ‘ibâre muḡaddem-i ḡaberdür. Taḡdîm-i ḡaber ise ḡaşrı müfıddür. Ma‘nâ-yı sâniye göre «şeyṭân [Ü228a] düşmenest» dimek üzre şeyṭân mübtedâ, mā-ba‘di ḡaberdür. Hülâsa şeyṭân düşmân-ı insândur. Nitekim الشیطان لكم عدو فاتخذوه عدوا انما يدعوا حزبه şerîfine telmîḡan nâzım eyidür:

﴿ غل آتش خواهد اندر کردنت ﴾ Âteş ḡillini senüñ boynuñda ister. **ḡill**, kesr-i ḡayn-ı mu‘ceme ve lām-ı müşeddede ile bunda ayaḡa urdıkları demûrek ma‘nâsınadır. Ve ḡâḡî ḡarışmış nesneye dirler. Pes şâf olmayana ḡill u ḡışş didikleri maḡşûş ma‘nâsıncadır. Mā-ba‘dine muzâfdur. İmdi **ḡill-i âteş**, «cehennem ḡillini» dimek olur. **H‘âhed**, «ister» dimekdür. Fâ‘ili olan zâmîr-i müstetir, şeyṭâna râcîdür. **Ender-gerdenet**, «senüñ gerdenüñde» dimekdür. Bunda ṭarîḡ-ı ta‘zîbi beyâna işâret vardır ki ayaḡa urılacak ḡayd-ı âteşi gerdenüñde olmaḡ üzre ta‘zîbüñi ister dimekdür. Bu vechile ta‘zîb ayaḡa urılacak gerdene urılmaḡda olur. Ve daḡı ne‘ûzü bi’llâh ayakları gerdânlarına muḡayyed olmaḡ ile de olur. Pes

ehl-i ‘azābuñ ‘azābları içinden iğlāl-i âteşin ile mağlûliyyeti almağa bir nûkte-i dağtıkaya imā vardır, budur ki; şeytān kendinüñ tavk-ı gerden-i idbārı olan iğlālî, senüñ boynunı ister. Ya’nî kendü ile mağlûl ve ma’an endāhte-i nîrān olmañı me’mûl ider dimekdür. Nitekim ehl-i ‘azābı nāra [S234b] tarh u ilķāda birer şeytān ile mağlûl ve nevāşî vü aķdāmlarından aķz ile rusvā ideceklerdür diyü kütüb-i şer‘iyyede meştûrdur. İmdi şeytānuñ murādı böyle olduğından ġāfil ve hîle-i şeytān üzre müzeyyen görinen dünyāya mā’il olanuñ idbārı ġayr-ı zā’il olacağın i’lān zımnında nāzım eyidür:

﴿ مدبری کو رو بدنیا آورد ﴾ Şol menkûb u mendebûr ki o bed-baht dünyāya teveccüh-i veche-i maħabbet eyleye. **Müdbirî**, «bir müdbir ki» dimekdür. Müdbir, işi girü gidüp ilerü gelmeyen menkûb u mağlûba dirler. Nitekim mendebûr, siyāh-baht u bî-devletdür. Āhîrindeki yā’ vaħdet içündür. **K’o**, «ki o» lafzlarından muħaffefdür; ma’nā zāhirdür. **Rû be-dünyā**, «dünyāya yüz»; **āvered**, «getürür». Ya’nî teveccüh ü maħabbet ider.

﴿ بهره کی از عالم عقبا برد ﴾ Āhîret ‘āleminden kaçan naşîb iletür. **Behre**, «naşîb»; **key**, «kaçan» dimekdür; «metā» gibi zamāndan su’āldür. **Ez-‘ālem-i ‘uķbā**, «‘ālem-i āhîretten» naşîb ü ni‘meti ne zamāna; **büred**, «iletür» dimekdür. Pes bunda من كان يريد حرث الدنيا نؤته منها وماله في الآخرة من نصيب nazm-ı [Ü228b] şer‘fine telmîh vardır. İmdi bu mekrlerden emîn ve rızāya yakîn olmağın tarîķı nedür? diyü su’āl-i muķadder peydā olmağın nāzım cevāb yolıyle eyidür:

﴿ ای پسر با یاد حق مشغول باش ﴾ İy oğul! Zıkrü’llāh ile meşğûl ol. Tā ki fā’ide-i zıkrü’llāh berekātından şeytāndan me’mûn ve ‘arz eyledigi dünyāya meyliden maşûn olasın dimekdür. Lākin zıkrüñ şartlarından a’lāsı ħalvete maķrûn olduğın imā ve bir fā’ide-i cedīdeye işāreten nāzım eyidür:

﴿ وز خلاق دور همچون غول باش ﴾ Ve dağı ħalāyıkdan ġûl gibi ırağ ol. **Ve’z-ħalāyık**, «ve dağı maħlûķlardan»; **dür**, «ba‘īd»; **hemçûn ġûl**, «ğûl gibi»; **bāş**, «ol» dimekdür. Ėûl beyānında kelām keşīrdür. Ez-cümle Ferheng-i Şu‘ūrīde erdād kelimesinün tefsīrinde eyidür: Bu lafz merd-fırīb olan ġûl-i beyābānī ma’nāsınadır. Ėûl didikleri şekilde insān gibidür; lākin ayakları uzun olur. Ve ser-ā-pā kıllu olur. Yolcınun ve yoldan ķalmışun õñine düşüp yoldan azdurur. Ve ol dağı anı yoldaşı zann idüp ardına düşer. Beyābāna vardıkda helāk idüp yolcınun ķanın iķer, intihā. Ve ba‘zılar eyidür: Ėûl, tã’ife-i cinnden bir nev‘dür. Şaħrālarda olup eşķāl-i muħtelife ile müşekkel vü elvān-ı müteġāyire ile mütelevven olup, yolcıyı yoldan azdırup helāk ider dimişlerdür. [S235a] Ve ba‘zılar eyidür: Ėûl, beyābānda olur bir tã’ifedür ki muvāneset ü ihtilātdan ġürizāndur. Bu sebebdan kaç-ı ünsiyyetde müşebbehün bih tarîķıyle “ğûl gibi münķatır ve ħalkdan dür ol” dirler. Ve ba‘zılar eyidür: Ėûl beyābānda bir nev‘a cinndür ki ba‘zı kimesneye dostı gibi şadā idüp iqlāl ü ihlāk iderler. Ve ba‘zılar eyidür: Ėûl, tevehhüm-i nās üzre bir büyük ħayvāndur ki başı cebel ve dişi mināre gibidür; ħāl bu ki nefsü’l-emrde bir şey yokdur. Nāsa: “Seni babañ veyā ķarındaşun ister” diyü ardına düşürür bir emr-i taħayyülidür. Ve bu ba‘zın kelāmını Mecma’u’l-Emsāl şāħibi te’yīd idüp: Üķ şey mevcūdü’l-ism ü ma‘dümü’l-cismdür. Biri ġûl ve biri ‘anķā ve biri yār-ı şādıķdur dimişlerdür. Ve ħazret-i Mevlānā Meşnevīnün ba‘zı maħallerinde ġûlden, şeytān ve şeytān-sīret olan insān murād olınmışdur. İmdi nāzımun bundan murādı; ġûl ne ġüne ins ve ihtilāt-ı

nâsdan baʿd ise sen daḥı ḥalāyıkdan dūr ol ki nefsuñ şūrurından ve şeyṭānuñ mekāʿidiyle ḥalkuñ mefāsidadinden emîn olup kenârda evrād u ezkāra müdāvemmet ve mütedārik-i zād-ı āḥiret olasın dimekdür. (...[Ü229a]...) Ve nâsdan biʿl-külliyeye ʿuzlet ile şahrâlarda ezkā-ı İlahiyyeye müdāvemmet ve gāhî ḥayvānat ile muvāneset itmek erbāb-ı ḥālūñ niçelerinden vāqıʿ olmuştur. Ḥattā Ebā Yezîd-i Bestāmî revvaḥaʿllāhu rûḥahuʿs-sāmî yigirmi sene şahrâlarda giryān u müdāvim-i zıkr-i Sübhān ḥalāyıkdan kemā-yenbaḡî muvāneset eyledi dimişlerdür. Ve inḳitāʿ-ı ḥalāyık ile şahrâ vü cibâlde olmak mı efḍal, yoksa nâsa nāfiʿ olarak şehirlerde temekkün mi? [S235b] diyü Ḥanefî ʿulemâsıyla Şāfiʿ ʿulemâsınuñ beynlerinde ihtilāf vāqıʿdur. Nihāyetüʿl-emr zamānede beyneʿn-nās fesādât u nā-meşrûʿ ḥālât keşir oldıḳda nâsdan fîrârı her birleri ihtiyār eylemişlerdür. (...) İmdi fitneler zuhûrında dîni üzre ḳorḳan kimesneye ʿuzlet mendûbdur. Ammâ dîni üzerine ḳorḳmayana ḥuzûr-ı cumʿa vü cemāʿat için muḥālaṭa evlādur dimişlerdür. Ammâ bu zamanda ḥāl müşkilüdür. Meşelâ bu ʿasrumuz gibi fevāʿid-i ʿuzletten olan selâmet ḳadar bir fâʿide-i celîle olmaya dimişlerdür. Zîrâ nâs ile ḥılṭat ve herkes ile şoḥbetde olan, ḥusrân-ı dînî vü dünyevî bî-ḥadd ü bî-pâyândur. Ḥalkdan dūr olan ol ḥusrândan meʿmûn olur. Ḥattâ ḥalkdan şoḥbeti ḳaṭʿ zımnında ʿAbduʿr-Raḥmân-ı Cāmî mazmûnını terceme yoluyla şuʿarâ-yı Rûmdan Fevrî-i merḥûm buyurmuştur ki:

Fevriyâ kendi özini her kim
 Ḥalk-ı ʿâlemde âşinâ eyler
 Kimolurise muşâḥibi anuñ
 Cāmına şoḥbetin belâ eyler
 Eyü olup cüdâ düşerse eger
 [Ü229b] Derd-i hecrine mübtelâ eyler
 ʿÂḳıl oldur ki ferd-i vāḥid olup
 Ḥalkdan kendüsin cüdâ eyler

Ve bu keyfiyyâtun ḥaḳıḳat-i ḥāl oldıḳın şuʿarâ vü zuraḑâdan kimse inkâr eylememişdür. Ez-cümle Nâbî-i merḥûm:

Ḥalkdan göñlümüñ ol mertebedür vaḥşeti kim
 ʿAksüm âdem diyü mirʿâta nigāḥ eyleyemem

diyü buyurmuştur. Ve Ḥâce Şāʿibüñ bu beyti cümleden eblaḡdur:

مرا زروز قیامت غمی که هست اینست
 که روی مردم عالم دو باره باید دید

intihâ. Ve daḥı buyurmuştur:

همان بیکانهام هر چند با خلق آشنا باشم
 چو نور دیده در یک خانه از مردم جدا باشم

Ḥulâşa; ḥalāyık ile âşnâ oldıḳca ḥalkuñ raḥmetine bî-gāne oldum dimekdür. Ḥāfiz:

ببر ز خلق و ز عنقا قیاس کاریکن
 که صیت کوشه نشینان ز قاف تا قافست

ve nâsdan kenâr kesdikden şoñra ħalvet-nişîn ol dimege nâzımuñ kelâmında işâret zâhirdür. (...[S236a]...)

Der-Beyân-ı Sabr Ber-Faqr u Fâķa

﴿ فقر خود را پیش کس پیدا مکن ﴾ Kendi faķruñı kimsenüñ öñünde izhâr eyleme. **Faķr-ı ħod-râ**, «kendi faķruñı» dimekdür. Faķr bunda «ihtiyâc» ma'nâsınadır. Ve bundan mâ-ʿadâ, bir nesneye mâlik olmamak ve daķı bir kimsenüñ iyegülerin şıkmaķ ve daķı ħamîrsiz etmek ve daķı menbaʿ-ı âb ve daķı bir nevʿa koyun ve delik delmek ve çukur kazmaķ ma'nâlarına gelür. **Pîş-i kes**, «bir kimsenüñ öñünde»; **peydâ**, [Ü231a]²⁰ «maẓhar» ma'nâsınadır. Muķâbili pinhândur ki muĥtefî dimekdür. **Me-kon**, «eyleme» dimekdür. Ya'nî, muĥtâclıķuñı kimseye izhâr ve bir ferdüñ öñünde faķruñdan iştikâ veyâ ħâlüñi iclâm u inhâ eyleme. Zîrâ saña yarın cân viren Mevlâ ħamm yime ki saña nân virür diyü nâzım işbât idecekdür. Qaldı ki nâzımuñ bu kelâmında ba'zı nesneye işâret vardır. Evvelen, faķîr-i şâbir zımnenn beyâna îimâ vardır. Güyâ faķîr-i şâbir ħâlinden bir kimseye şikâyet eylemeyüp, rızķ-ı muķaddere ķanâ'at ile şabra müdâvemet iden dimekdür. Şâniyen, kişinüñ kemâli dâ'imâ mestûru'l-ĥâl olmaķda idigin i'landur. Nitekim Şâbit:

Kimseye eşķ ü ruĥ-ı zerdüñi izhâr itme

Sîm meknûz gerek iki gözüm zer maĥfûz

beyti bu beyânda kâfîdür. Şâlişen, ħâlet-i faķrda beste-leb olmaķ gerekdür dimege îimâdur. Zîrâ faķîruñ beste-lebliği, miftâĥ-ı ķufl-i rûzîdür diyü beyt:

از دهان بسته باشد قفل روزیرا کلید

پر بر آید کوزه سر بسته از دریای خم

ve daķı:

بستن لب بر در روزی کند کار کلید

کوزه از خم پر شراب ناب می آید برون

buyurmuşlardır. Murâd ma'ûmûdur. Râbi'an, ʿarz-ı ihtiyâc-ı ħayrdan menʿa îimâdur. Ve keyfe lâ ki, ʿarz-ı ihtiyâcdan saña fâ'ide olmaķ mevĥûm, lâkin ĥuşûl-i zillet ü şemâtet meczûmdur. [S236b] Ve farzan saña bir fâ'ide olsa anuñ zımnında acılık der-kârdur. Eger ʿarz-ı ihtiyâc eyledigüñ baĥr daķı olur ise dimişlerdür. Nitekim bu maẓmûn-ı pâķ Ĥ'âce Şâ'ibüñ beyt:

با کمال احتیاج از خلقت استغنا خوشست

با دهان خشک مردن بر لب دریا خوشست

beytinden nümâyândur. Ya'nî; kemâl-i ihtiyâc ile ĥalkdan istiġnâ ĥoşdur; kenâr-ı deryâda ʿarz-ı ihtiyâc-ı mâ' eyleyüp, âb ʿatâsı ile telĥ-kâm olmaķdan ĥuşķ dehân ile ölmek nâzûkdür. Zîrâ baĥruñ saña feyz u kerem idecegi âbuñ telĥlığı ma'ûmûdur. Ĥulâşa kimseye faķruñı açma.

﴿ محنت امروز را فردا مکن ﴾ Bugünüñ miĥnetini yarın eyleme. Ya'nî; dünyâda faķr u miĥnete şabr u taĥammül eyle ki sa'âdet-i âĥireti iĥrâz idesin. Ve illâ miĥnet-i faķr ile dünyâda şâķî olan âĥiretde

²⁰ Ü230a ve Ü230b boştur.

eşedd-i miḥnete mübtelâ vü bâkî olur. Pes bunda miḥnet-keş iken ‘adem-i şabr ile şekvâ-yı fakırdan nâşî âhıretde daḥî şevâbdan fakır ve miḥnete esîr olma dimekdür. **Miḥnet**, şol belâdur ki insân anuñla imtiḥân olunur; meşelâ fakır gibi. Mâ-ba’dine muzâfdur. **İmrüz**, «bu gün» dimekdür; murâd dünyâdur. Aşlı «în rüz» idi. Fârisî kelimâtından sâl ve sâ‘at ve şeb ve rüzgâr kelimelerine dâhil olan in lafzında nûnuñ mîme kalbi semâ‘idür ki; imsâl ve imsâ‘at ve imşeb ve imrüz diyüp taḥfîfen bu vechile mîmüñ mâ-ḳablindeki [Ü231b] yâ’yı ḥazf daḥî iderler. **Râ**, edât-ı mef‘ûldür. **Ferdâ**, bunda müfreddür; «yarın» dimekdür; murâd kıyâmetdür. Nitekim bu beytüñ ‘aḳabinde gelecek beyt-i nâzımdaki ferdâ daḥî bu ma‘nâcadur. Ve kıyâmet murâd olunmağa ḳarînedür. **Me-kon**, «eyleme». Zîrâ:

﴿ مر ترا آنکس که فردا جان دهد ﴾ Ol zât-ı ‘aliyye ki saña yarın cân virür. Ya‘nî; ba‘de’l-imâte seni kıyâmetde iḥyâ vü cân i‘ṭâ ider dimekdür. **Mer**, taḥsîn-i lafz için zâ‘iddür. Yâḥod mecâzen taḥkîḳan ma‘nâsınadır. **Tu-râ**, «saña»; **ân kes**, «ol kimse» dimekdür. Murâd; Mümîṭ ü Muḥyî olan Ḥâlîḳ-ı ‘âlem ve Rezzâḳ-ı benî-Âdemdür, celle celâlühü ve ‘amme nevâlühü ve lâ ilâhe ḡayruhü. **Ki**, ‘illet içündür. **Ferdâ**, «yarın» ya‘nî ḥaşr-ı ecsâd vaktinde. **Cân dehed**, «cân virür». İmdi böyle seni kitmân-ı ‘ademden şeref –i vücûda getirüp ba‘dehü seni mevt ile i‘dâm ve ba‘dehü ḥaşr cismânî ile icâd u imâ vü i‘ṭâ’-i cân iden mufîzu’l-vücûd ve’l-iḥsân olan ḥazret-i Sübhân:

﴿ غم مخو آخر یکی لب نان دهد ﴾ Ğamm yime, âḫir bir dilim nân virür. Ya‘nî; ḥâl-i ḥayâtta rızḳuñ münḳaṭı‘ [S237a] olmaz; rızḳ için ğamm-gîn olma dimekdür. **Ğamm**, «ḳayḡu ve ḡuşşa» ma‘nâsınadır. Fârisî vü ‘Arabîde müsta‘meldür. Lâkin ba‘zı tefâvütleri vardır. Budur ki; ğamm-ı Fârisî, ḡuşşa-i mâziyye vü müstaḳbele ıtlâḳ olunur. Müfredi vü cem‘i bir olur. Lâkin ğamm-ı ‘Arabî, ḡuşşa-i mâziyyedür. Zîrâ mütaḳbeline hemm dirler. Ve müfreddür; cem‘i ḡumûm gelür. **Me-ḡor**, nehy-i ḥâzırdu; «yime» dimekdür. Bundan murâd ḥâṭır-ı muḡāṭabı tesliyettür. Nitekim Türkîde daḥî tesliyet zımnında “ğamm yime, Ḥudâ Kerîmdür” dirler. **Âḫir**, ma‘rûfdur. **Yekî leb**, «bir dilim» dimekdür. Leb lafzına dilim ma‘nâsı virilmek mecâzdur. **Nân**, ma‘rûfdur. **Dehed**, kemâ-merre «virür» dimekdür. Nâzımuñ bu beytinde bir ḳaç işâret-i laṭîfe vardır. Evvelen, bir âḫara ‘arz-ı ihtiyâc birle, nân diyü cân virme; saña cân viren nân virür dimekdür. Sâniyen, rızḳ için zaḥmet-keş olma; Ḥudâ rızḳuñı ulaşıdurur dimege işâretdür. Nitekim şu‘arâdan Fiḡânî-i merḥûm eyitmiş:

فغانی فی‌المثل در عالم خاک
اکر نانرا نمی یابی و کر آب
میر حاجت بر ارباب دنیا
که روزی میرساند رب ارباب

intihâ. Ve sâlişen, rızḳ fikriyle ğamm-gîn olanları bu vechile tesliyet ve ḥayâtta oldıḳca vuşûl-i rızḳa işâretdür. Nitekim ṭarîḳ-ı âḫir ile tesliyet-i taleb-i rızḳda dimişlerdür ki:

آنکه از دندان دهانت پر ز کوهر ساخته
نیست ممکن تا لب کور از تو نان دارد دریغ

Ya'nî; ağzuñı dişlerden pür-gevher düzen Hudâ, şefîr-i kabre dek nānuñı dirîğ tutmak imkânda degüldür. Zîrâ dendân-ı insân, âsyâblar yirindedür. Ya'nî her diş muķābili ile [Ü232a] bir degirmen gibidür. Taşrada şun-ı 'abd ile maşnû' olan degirmenüñ rızķı ayağına gelüp, boğazı boş kalmayınca, maşnû-ı Bārī olan âsyābhā-yı dendân bî-nān kalmaz. Nitekim:

انکه از دندان ترا بخشید چندین آسیاب
بی دخش و اگر دنی حاشا که نان دارد دریغ

beytinüñ mü'eddāsı bunda zāhirdür. Hattâ sābıķan beyān olındığı üzre kişinüñ rızķı kendüye 'āşık oldığı, erbāb-ı işāret buğdanuñ zemīnden taşraya zuhūrı, çāk-i girībān olduğundan istişhād idüp, *beyt*:

رزق اکر بر آدمی عاشق نمی باشد چرا
از زمین کندم کریبان چاک می آید برون

diyü buyurmuşdur. Ve rızķ üzerine her ne kadar âsyāb gibi devrān eylerseñ eyle ki rızķ kademde ola [S237b] diyü âsyābdan taşra böyle āvāz gelür diyü sa'ye terğīb için vārid:

مشو فارغ ز کردیدن که روزی در قدم باشد
همین آواز می‌آید ز سنک اسباب بیرون

beyti mażmūnı ile tālīb-i kār ü kesbe ibtidār eylemek māni' degüldür. Be-her hāl rızķı viren Perverdğārdur; yoksa sendeki sa'y u devr ü kār degüldür dimişlerdür. Ve itimādumuz daķı böyledür ammā hırş ile iddiḥār-ı zeḥā'ir-i vāfireye şer'an izn yokdur. Anuñçün nāzım eyidür:

(تابکی چون مور باشی دانهکش) Niceye dek қарınca gibi dāne çekici olursın. **Tā-be-key**, «niceye dek»; **çūn mūr**, «қарınca gibi»; **bāşī**, «olursuñ»; **dāne-keş**, terkīb-i tavşīfidür; «dāne çekici» dimekdür. Ma'lūm ola ki қарınca keşīrū'l-ḥarekāt olmağın 'Arabīde ismine «nemle» dinmişdür. Künyesi «ebū meşğūl»dür. Sā'ir ḥayvanātdan bu cihet ile mümtāzdur ki; kendi cüşsesinde demüri götürür. Ğāyet kuvvetlüdür. Hattâ selefde bir kavmi, Hudâ қарınca ile helāk itmişdür dirler. Ve kendünüñ ḥavfından arslan yavrısını yirden yire kaçırur. Zîrâ arslanuñ yavrısını helāk ider. Ve cüşse-i 'azīme şāḥibi olan fīlūñ ayağına buķağı gibi cem' olmağıla fīli helāke virür. Ve taleb-i rızķda ḥīlesi 'āzīmdür. Dāne olan yiri birbirine ḥaber iderler. Ve birbiri ardınca naķl-i dāneye giderler ve dāne olan anbārın işin görürler. Zîrā şitā için yazdan zeḥā'ir cem'ine düşüp, ihtikār üzre hırş ile her biri hezār dāne iddiḥār iderler. Ma'a-hāzā senede küçügi yarım dāne ve büyügi bir dāneden ziyāde yimez. 'Ömri daķı 'alā-rivāyetin bir seneden ziyāde sürmez. Ve kilār zemīninde müddeḥar olan dānelerde ta'affūn añlasa, ol dāneleri cümleten leyle-i kamerde taşra çıkarup, tamām kırıdup yine kilārına naķl ider. Ve mezkūr dāneler zīr-i zemīnde bitmemek için vaķtiyle iktizāsına göre dāneleri taşnīf üzre [Ü232b] ikişer böler. Ve küzbüre didikleri nesneyi dört böler. Zîrâ küzbüre muñşifen zer' olunur imiş. Böyle bir ḥarīş u ḥīle-bāz ḥāyvāndur. Qaldı ki қарıncayı beyne's-şu'arā «merd-i kāni'»a teşbīh ile ez-cümle *beyt*:

سفره' اهل قناعت هر دم از نعمت پر است
روزی موران بود دائم مهیا بر زمین

didikleri senede yiyeceği rızq-ı ʔalīle nazarandur. Yoksa anbār [S238a] u kilārde müddehar olan niʕmete nazaran degüldür. Ancağ ʔalīle ʔanāʕat itdiği için kısmeti zemīn üzre dāʕim müheyyādur; aç ʔalmaz dimekdür. İmdi ʕāqıl olan kimesne hamūle-i hırş ile zaḥmet-gīr olmaz. Zīrā ʕaḳla mürācāʕat eylese hırşuñ zaḥmetinden ve ʕuḳbāda ʕuḳūbet ü ḥasretten ğayrı nesne yokdur. Zīrā ḥarīş olan meşelā dünyānuñ cümle hırmenin cemʕ idüp, kemāl-i hırşından ve mevcūdunuñ üzerine ditremesinden nāşī ḥubūbāt-ı mevcūdesinüñ cümlesini bir günde yāḥod iḳtiżāsına ve hırşına göre bir sāʕatde kilār-ı miʕdesinde der-anbār eylemek ʔābil degüldür. Yiyeceği peymāne-i miʕdesine şıgacağ ʔadar rızq yevmī-i muḳadderidür ki نحن قسمنا da taḳşīm ü taʕyīn ü taḳdīr olınmışdır. Ol muḳadder olan rızq-ı maḳşūmın āḥir yiyemez; elbette gelüp kendüyi bulur. Öyle oldıḳdan şoñra merdlik, tevekkül ile ʔanāʕat ve hamūle-i faḳrı merdāne çekmege mübāderetdedür. Ḥattā ḥarīşī zenden daḥı dün ʕadd idüp *ḳatʕa*:

روزئ مرد چون رسد آسان
زن ازو به اکر خورد دشوار
چه نهی زر زخیره از پی جهل
زر نیاید پس از حیواة بکار

dimişlerdür. Yaʕnī; merdūñ rızqı āsān ulaşur iken, eger merd düşvārlıḡın fīkr idüp iddiḥār zaḥmetine düşer ise, zen kendüden eyüdü ve kendü ʕavretten dūndur ki ḥayātından şoñra işine yaramayan altını cehāletinden nāşī zaḥīre ʔor dimekdür. Pes nāẓım ḥarīşī, ḥīle-bāz olan mūra teşbīḥ idüp maʕnāda daḥı zen-i bī-başīret yirinde ʔoymaḡın, hamūle-i faḳrı merdāne çekmege terġīb için eyidür:

﴿ کر تو مردی فاقه را مردانه کش ﴾ Eger sen merd iseñ faḳr u fāḳayı merdāne çek. Yaʕnī; yoksa ʔarınca gibi dāne çekme dimekdür. **Ger tu merdī**, «eger sen er iseñ» dimekdür. Bu kelām şartdır. Mā-baʕdi cümlesiyle cezādur. **Fāḳa-rā**, «faḳrı»; **merdāne**, ḥāʕ-i nisbet ü liyāḳat ile «ercesine»; **keş**, «çek» dimekdür. Bundan murād ṭarīḳ-ı merdān-ı İläḥīye sālīk ol dimekdür. Zīrā anlaruñ ṭarīḳı, tevekkül-i tāmm ile faḳra şabr ve mā-ḳasemaʕllāḥa rızā vü ʔanāʕatdır. Nitekim ekmeliyyet-i faḳr-ı merdānda:

خانه من چون کان پاکت از اسباب عیش
پر بر آرد میهمان چون تیر [Ü233a] در کاشانهام

beyt-i laṭfī beyān-ı tāmmdur. Ve zāḥir-i [S238b] ḥāllerinüñ bu mertebe ḥarābezārlıḡı ile bāṭınları maḡzen-i defīne-i maʕārif ü esrār-ı İläḥī oldıḡı beyt-i mezkūruñ zeylinde olan *beyt*:

با خرابیهای ظاهر باطنی دارم چو کنج
جغد باشد نیل چشم از خم در ویرانهام

beyt-i rengīni ile şābitdür. Ve fiʕl-ḥaḳīḳa merdlik ʕālemdə faḳra şabr-ı tāmm ve mezāḥim-i ṭāʕate taḥāmmül ile ʕibādetdür. Nitekim *beyt*:

همچو مردان غوطها در آب و در آتش زدیم
تا ز پیچ و تاب تیغ خود بجوهر ساختیم

dimişlerdür. Ya'nî; merdân gibi âb u âteşde niçe gāvta urdık, tâ ki pîç ü tâbdan kendi şemşîr-i şānumuza ve tîğ-ı cānumuza cevher-sāz oldık dimekdür. Murād ma'lûmdur. Bu hālâtun mevkûfun 'aleyhi tevekküldür. Anuñçün nāzım eyidür:

﴿ بر توکل کر بود فیروزیّت ﴾ Eger tevekkül üzerine senün zaferiyyetün olur ise. **Ber-tevekkül**, siyâk qarînesiyle «tevekkül-i tamm üzre» dimekdür. **Ger buved firūziyet**, «eger zaferiyyetün olursa» dimekdür. Fîrūz, zaferdür; âhîrindeki yâ maşdariyyedür. Ba'dehü olan tâ hitâb içündür. Bu cümle şartdur; cezâsı mışrâ'-ı şânîdür. Ya'nî tevekkül-i tamm üzre muzaffer iseñ:

﴿ حق دهد مانند مرغان روزیت ﴾ Hakk te'âlâ hâzreti bî-kesb ü kâr olan kuşlar gibi rızkuñı virür. Pes bunda Fahr-i 'âlem şalla'llāhu 'aleyhi ve sellemün: لو انکم تتوکلون علی الله حق توکلہ لرزقکم كما يرزق الطير یغد و خماصا و یروح بطنا hadîs-i şerîfine telmîh vardır. Ma'nâ-yı şerîf; eger sizler Hudāya tevekkül-i tamm ile tevekkül iderseñüz sizleri rızqlandırur. Nitekim kuşları rızqlandırur ki ol tayr aç oldığı hâlde şabâha dâhil olur. Ve çok oldığı hâlde meşâyâ dâhil olur dimekdür. Pes bu vechile tevekkül-i tammde olan, iddihâr-ı zehâ'irden bî-kayd olmak lâzımdur. Qaldı ki 'iyâl-bend olanuñ miqdâr-ı kifâyet bir senelik zañire tedârûki şer'an câ'izdür. (...[S239a, Ü233b]...) Ve rızk bâbında tevekkül-i ber-Hudâyı beyânda ve nâzımuñ bu beytinuñ mazmûnını işbât u 'iyânda meşâyıñ-ı şüfiyyeden tañkîk böyledür ki; cümle halkuñ cānları cevâriñ ü cesede vuşûlinden muqaddem 'âlem-i ervâhda mertebe-i vefâdan mertebe-i şafâya inince küşâ-yı rûhâniyyet olurlar idi. Vaktâ ki اهیطوا emrine imtisâlen, 'âlem-i ervâhdan 'âlem-i ecsâma nüzûl ile zindân-ı cesedde mañbûs ve ekl ü şürbe me'nûs olmalarıyle güyâ bir kimsenüñ 'iyâli nafaqasın ol kimseden taleb kıldığı gibi 'ibâdu'llâh kût u gıdâların Hudâdan isteyici oldılar ve bu cihetden cümle 'ibâd güyâ 'iyâlu'llâh oldılar. Nitekim الخلق عیالہ فاحب خلقہ الیہ احبہم لعیالہ hadîs-i şerîfi bu beyâna güvâhdur. Pes Hudâ-yı müte'âl dañı ber-mûcib âyet-i kerîm cümleñ rızkına mütekeffil olmağın âdeme tevekkül elzem oldı. İmdi kaçan âdem her umûrını Hakk'a tevfi'z idüp وکیلا mantûkıncı Mevlâyı her hâlde vekîl ittiñâz eylese me'ûneti, me'ûnet-i mürgân gibi bî-zañmet hâsıl ve kendüye vâsıl olur dimişlerdür. İmdi 'abd bu ni'metüñ şükrini ferâmûş itmemelidür. Nitekim nâzım eyidür:

﴿ ان خدا شاکر بود مرد فقیر ﴾ Fakîr olan merd Hudâdan şâkir ola. **Ez-Hudâ**, «Hudâdan» dimekdür. Ba'zı nüshada ber-Hudâ vâkırdur; ma'nâ zâhirdür. **Şâkir**, [S239b] «şükr idici»; **buved**, «ola» dimekdür. Lâkin bunda bâyed ma'nâsını tecvîz ile gerek ma'nâsınadır demek hoşdur. **Merd-i fakîr**, herkese şâmildür.

﴿ کر دهد قوتش لی نان فطیر ﴾ Eger Hudâ aña kûtı mâyesiz pişmiş bir dilim etmek vire. **Ger dehede**, «eger vire» dimekdür; edât-ı şart ile [Ü234a] fi'l-i şartdur. Cezâsı mışrâ'-ı evvelüñ mefhûmı üzre şâkiriyyetdür. Cezâ şart üzre geçmiştir. **Küteş**, «aña kût» dimekdür. Kût, «azık» ma'nâsınadır. Âhîrindeki şîn zamîrdür; merci'i merd-i fakîrdür. Ma'nâ-yı hâsıl «aña kût» dimekdür ki «anuñ kûtını» dimekten lañîfdür. **Lebîde** yâ, vahdet içündür. Leb, aşl tudağ ma'nâsınadır. Mecâzen «dilim» ma'nâsı murâd olınmağın hâsıl «bir pârçe» dimekdür. **Nân**, «etmek»dür. **Fağır** lafzını tefsîrde ba'zılar «şol nândur ki anda hamîrden mâye olmaya»; imdi buña göre nân zikri beyân içündür dimişlerdür, intihâ. Lâkin

Ferheng-i Şu'ūrî'nün beyânı üzre faṭîr, feth-i fâ ile māyesiz ḥamîrdür. İmdi buña göre nâzımuñ nân zikri beyân içündür dimege ḥācet yokdur. Belki nân zikrine ḥācet ü ityānda leṭāfet vardır ki ma'nā-yı nân-ı faṭîr, «māyesiz ḥamîruñ etmegi» demek olur. Pes nâzımuñ bu mışrâ'ımuñ kelimâtında bir kaç işâret vardır. Evvelen, lebî ta'bîri mā-düne'ş-şib' daḥı olursa dimege imâdur. Ve faṭîr didiği, baṭî'ü'l-hazm ve belki baṭna sıklet ü illet daḥı îrâş iderse dimege imâdur. Ve nân-ı mezkûrî, rızqdan 'ibâret ile kendüye bir katık zamm eylemediği ol nân-ı faṭîr ḥuşk olur ise de dimege imâdur. Murâd ne kadar böyle olur ise merd-i faṭîr bu ni'meti ḥaḳîr görmeyüp, şükür edâ ve bunu ni'met-i uzma bilmelüdür dimekdür. Nitekim İbnü Yemîn eyidür, *naẓm*:

کنجی و همدی و کتابی و خرده
از بهر ذوق نفس ز تاج و سریر به
از بهر ستر عورت خامی خرده را
از اطلس مذهب شعر و حریر به
از بهر ذوق تشنگی از پاره سفال
آب مباح سرد ز جام عبیر نه به
حلوا و نان و مرغ اگر نیست کو مباح
صحت که هست از همه نان فطیر به

Ya'nî; gûşe-i vahdet ve bir hem-dem ve bir kitâb-ı leṭâ'if-eşer zevk-ı nefis için tâc u taḥṭdan eyüdur. Ve setr-i 'avret için bir ḥām hırka şa'r u ḥarîrden mensûc olan atlas-ı müzehhebden eyüdur. Ve def'-i 'aşaş zevk-ı için hazef-pâreden nüş-ı mā'-i mübâh-ı bârid, cām-ı 'abîrden eyüdur. Ve ḥalvâ vü nân-ı laṭîf ü kebâb-ı mürğ eger yoksa söyle olmasun; şıḥḥat ki vardır, [S240a] bu mezkûrâtuñ cümlesinden nân-ı faṭîr eyüdur dimekdür. Eger ben nân-ı faṭîr ile idemem; nân-ı laṭîf ü eṭ'ime-i nefise isterem dir iseñ böyle geçinmek ḥalâldan olmaz. Elbette seni ḥarâma irtikâba ve iktizâsına göre aḡniyâ maḳûlesinden ḥuşûl-i meṭâlib-i nefis için seni tabaşbuş ile pîç ü tâba düşürür. Bunuñ ḥusrânı ise nâzımuñ bu beytinden hüveydâdur ki buyurur:

﴿ خم مشر پیش توانکر همچو طاق ﴾ Tevānger öñünde kemer gibi iki kâat olma. **Ḥam**, fethiledür; yedi ma'nāya gelür. Evvel, egri; [Ü235b]²¹ sâñî, taḳ (u) eyvân u kemer; şālîş, pîç ü tâb-ı kemend; rābî', büküm ki ḥaḳîḳat-i ma'nā «ḥamîden»den ism-i fâ'il olur. Ḥāmis, şaff; sādîs, tâb-ḥāne; sābî', kaçmaḳdur. İmdi bu maḳāmda ma'nā-yı murâd zāhirdür. **Me-şev**, nehy-i ḥāzırdur; «olma» dimekdür. **Pîş-i tevānger**, izāfetile «ḡanî öñünde» dimekdür. Tevānger, vaşf-ı terkîbîdür ki kuvvet ü ḳudret ma'nāsına olan tevân lafzı ile, kendü ile nisbet ḳaşd olan ger lafzından mürekkebdür. Mâldâr u devletmend olan kimesne ḳuvvetlü oldığı için tevānger dirler. Murâd; ḡanî dimekdür. **Hem-çü taḳ**, «kemer gibi» dimekdür. Ya'nî; aḡniyâ-yı rûzgâra bir me'mûl zımnında ḳāmetüñi iki kâat eyleme dimekdür. Zîrâ ḥadîş-i şerîfde: من تواضع غنيا لغناه ذهب ثلثا دینه vârid olmuşdur. Anuñçün nâzım eyidür:

²¹ Ü234b ve Ü235a boştur.

﴿ تا نکړدی یار با اهل نفاق ﴾ Tā ki nifāk ehline yār olmayasın. **Tā ne-kerdī**, «tā ki olmayasın»; **yār**, «muşāhib ve muʿtın ve āšnā» maʿnâlarınadır. **Bā-ehl-i nifāk**, «zāhiri bâtinına uymayanlar ile» dimekdür. İmdi tevāngerāna izhār-ı tevāzuʿ idenüñ münāfıkından maʿdūdiyyeti; harām olan tezelli irtikâbındandır. Maʿlûm ola ki bir kimse âhardan dūn görmege lisân-ı şerʿde kesr-i dād ile «zıʿa» dirler. İmdi mertebede kendüsinden dūn olana izhār-ı zıʿa az olur ise tevāzuʿ dirler. Ve eger çok olur ise aña temelluk dirler. Temellukdan ziyādeye tezelli dirler. Pes kût-ı yevmiyyesi olan kimesneden aḡniyāya bu vechile inḡnāʾ-i zāhr eyleyen mütezelli münāfıkdur dimişlerdür. Zīrā zāhirde Hūdāya kulluk daʿvāsında iken ve Hūdānuñ Razzāk-ı ʿālem olup ve kendinüñ rızkına kefil idigin bilür iken rızk içün veyā bir ḡayr-ı şerʿi olan maṭlab içün aḡniyāya bu mertebe tezelli idenüñ zāhiri bâtinına uymamış olur. Nifākuñ ise maʿnāsı budur. Yāḡod bu mertebe tezelli ile riya- [S240b] pīşelere yār olmuş olur. Riya-pīşelerüñ, ehl-i nifāk idigi bī-iştibāhdur. Pes fakīr-i şābir olan merd-i rāh ve aḡlaş-ı ʿibāduʾllāhuñ şüret ü sīreti ne gūne olmaludur diyü suʾāl-i muḡadder peydā olmaḡın cevāb tarīḡıyla nāzım eyidür:

﴿ مرد ره را نام و تنک ز خلق نیست ﴾ Merd-i rāh içün ilden nām u nāmūs yokdur. **Merd-i reh**den murād; sālik-i tarīḡ-ı āḡiret olan ʿāşık-ı fenā fiʾllāhdur. **Rā**, edāt-ı mefʿuldür. **Nām**, murād nām-ı iştihārdur. **U(ve) neng**, «ve nāmūs u ʿār». **Ez-halk**, «ilden». **Nīst**, «yokdur» dimekdür. Yaʿnī; merd-i rāh-ı ʿāşık-ı İllāhī bu yolda bī-nām u nişān olmaḡı ihtiyār kıldıklarından, ḡusn-i iştihār ile nāmdārılıktan āzāde ve zātlarında mevcūd olan maʿnā-yı tāmme şükr ile [Ü236a] dil-dādeler yaʿnī faḡra şabr ve riyażat ile olan ʿışık-ı İllāhī ʿilel-i cismāniyyeye devā oldıḡı gibi aḡlāk-ı redʿeye dāʿir olan emrāz-ı rūḡaniyyeye daḡı maḡz-ı şifādur. Nitekim ḡazret-i Mevlānā ʿışık-ı İllāhīye ḡitāb ile *meşnevī*:

ای دوی نخوت و ناموس ما

ای تو افلاطون و جالینوس ما

buyurmuşdur. Pes merd-i rāh olan şāḡib-i faḡr-ı fenā fiʾllāh لائم لومة لایخافون فی سبیل الله و لایخافون لومة لائم یجاهدون ای دوی نخوت و ناموس ما. **İz**, «min» maʿnāsınadır. **Cāmeḡā**, cāmenüñ cemʿidür; mā-baʿdine izāfet içün āḡirine bir yā getirilmişdür. **Delḡ**, «cāme-i dervīşān» ile maʿrūf olan ḡırḡadur. **Nīst**, «yok» dimekdür. İmdi merd-i rāh nām u şān ile iştihār ḡaydında olmaḡından köhne cāmeleri ilbāsdan müteneffir degüldür. Ve şöhretten dūr olmalarıyle, āfet-i şöhretten āsūde olmuşlardır. Nitekim belā-yı şöhret-i müştahirinde, mazḡariyyet-i şurūr kāfidür. Yaʿnī Faḡr-ı ʿālem şallaʾllāhu ʿaleyhi ve sellemüñ: فی الدنیا بحسب امرء من الشرائین یشار الیه بالاصابع فی الدین و فی الدنیا ḡadīs-i şerʿfi vāfidür dimişlerdür. Bināʿen ʿaleyh ekmel-i zāt olan fakīr-i şābirüñ cāme-i faḡrı kendüyi bī-nām u nişān itdikce kemāli mütezāʾid ve derece-i [S241a] ḡavāşşa müteşāʾid olur. Nitekim bu beyānda nāzım eyidür:

﴿ نفرتش از جامهای دلق نیست ﴾ Aña delḡ-ı köhne libāslardan nefret yokdur. **Nefreteş**, «aña nefret yaʿnī inḡıbāz u ʿadem-i ḡazḡ» dimekdür. Şīn, zamīrdür; merd-i rāha rāciʿdür. **Ez**, «min» maʿnāsınadır. **Cāmeḡā**, cāmenüñ cemʿidür; mā-baʿdine izāfet içün āḡirine bir yā getirilmişdür. **Delḡ**, «cāme-i dervīşān» ile maʿrūf olan ḡırḡadur. **Nīst**, «yok» dimekdür. İmdi merd-i rāh nām u şān ile iştihār ḡaydında olmaḡından köhne cāmeleri ilbāsdan müteneffir degüldür. Ve şöhretten dūr olmalarıyle, āfet-i şöhretten āsūde olmuşlardır. Nitekim belā-yı şöhret-i müştahirinde, mazḡariyyet-i şurūr kāfidür. Yaʿnī Faḡr-ı ʿālem şallaʾllāhu ʿaleyhi ve sellemüñ: فی الدنیا بحسب امرء من الشرائین یشار الیه بالاصابع فی الدین و فی الدنیا ḡadīs-i şerʿfi vāfidür dimişlerdür. Bināʿen ʿaleyh ekmel-i zāt olan fakīr-i şābirüñ cāme-i faḡrı kendüyi bī-nām u nişān itdikce kemāli mütezāʾid ve derece-i [S241a] ḡavāşşa müteşāʾid olur. Nitekim bu beyānda nāzım eyidür:

﴿ هر کرا نوق نکو نامی بود ﴾ Her kim ki nîkû-nâmlîk zevkî ola. Ya'nî; iştihâr-ı nâmdan mahzûz ola. **Zevk**, bunda «hâzz» ma'nâsınadır. **Nîkû-nâmî**, âhîrinde yâ maşdariyyedür.

﴿ خواص مشمارش که او عامی بود ﴾ Anı hâşş şayma ki o 'âmî ola. Ya'nî; 'âmîdür. **Havâşş**, 'âlim ü 'ârifdür. **Meşmâreş**, nehy-i hâzırdur; «şayma» dimekdür. Âhîrindeki şîn, zamîrdür; merci'î «her ki o»dur. **Ki**, illet maqâmında râbıtadur. **O**, zamîr-i gâ'ib-i munfaşıldur. Bu dağî «her ki» lafzına râci'dür. **'Âmî**, «câhil ü nâ-dân»dur. **Buved**, zâhir «ola» dimekdür. Lâkin bu beytde «est» ma'nâsına olması ezherdür. Ma'lûm ola ki nâmdârılıktan zevk-yâb olan kimesne kuvâ-yı nefsanîyye vü hevâ-yı cismânîyye ve vesvese-i şeytânîyyeye ittibâ' ve haqqında olan medh-i enâmı istimâ' sebebiyle nefsi [Ü236b] tefer'un idüp kibr ü gurûra başlar ve bu maqûle olan kimesnenün câhil ü nâdân ve müttebi'-i hevâ vü şeytân idigi hâzret-i Mevlânânun *meşnevî*:

نفس از بس مدحها فرعون شد

کن ذلیل النفس هونا لا تشد

beyt-i laţifinden hüveydâdur. Ya'nî; nefis çok medâyıhdan tefer'undan qalmayup: dimege menm dîker نیست başlar. İmdi: عبادالرحمن الذين يمشون على الارض هونا âyet-i şerîfinün mantûkına mazhar olmak için tehvîn birle zelîl ol, tutulma dimekdür. İmdi nîkû-namlıktan mahzûzan medh-i enâmdan zevk-yâb olanun 'âmî vü câhilliği nefse ittibâ'dandur. Hattâ nâm ile iştihâra muhibb olanun 'unvânları ancak zâhir-i efvâh-ı nâsda şöhret-i kâzibeleri hasebiyledür. Yoksa zâtlarında ol nâmun medlûli olacak bir ma'nâ yoktur. Nitekim 'avâm miyânesinde çok nâm vardur ki şerîf ü dil-pezîr ammâ ma'nâda dâm-ı gül gibidür. Meşelâ bir kimesneye zâhirde emîr veyâ şîr-i dilîr veyâ hâkim-i pür-tedbîr dirler. Ve bir kimseye muşlihu'd-dîn veyâ mu'înü'd-dîn veyâ hâfîz diyü laqab ururlar. Ma'a-hâzâ esâmîler ile müsemmâ ve bu elqâb ile mülakkağlar bu ma'nâlardan bî-haberlerdür. Pes bu mişllü nâmlarun müsemmâyâ gayr-ı muţâbakatın aňlamayup, bu esâmî müsemmâlarına muţâbıkdur diyü kıyâs ile nâm dâmında zevk-yâb olan aňmağlara 'âmî dimişlerdür. Pes meddâh u şenâ-h'ân egerçi tamar-ı hâmdan nâşî memdûhı şöhret mertebesi medh u şenâ ile nâm u şânını fâşî olur. Buña câhil dimezler. Lâkin böyle maqâle-i nîkîden mahzûziyyet bulup ve nâm-ı mesmû'ı nefsu'l-emre [S241b] muţâbıkdur diyü aňlayana câhil ü 'âmî dindi ise bunun muqâbili üzre iştihâr-ı nâm istemeyenlere hâşş dinmek bundan zâhirdür dimişlerdür. (...[Ü237a]...) İmdi nîkû-nâmlığa bâ'is olan mühimmât-ı fâniyyeye meyl ü mahabbet elde iken ben zînet-i dünyâ ve bu sebebden olacak medh ü şenâdan fâriğü'l-bâl ve merd-i hâşş-ı hüceste-i 'âlem diyenleri ilzâm ve terk-i levâzım-ı nîkû-nâm için nâzım eyidür:

﴿ کر ترا فارغ دل از زینت بود ﴾ Eger senün gönülün zînetden fâriğ ola. Ya'nî; mâ'il-i zînet olmaya. **Ger tu-râ**, taşvîr-i 'ibâre «ger dil-i tu-râ» ya'nî «eger senün qalbün» dimekdür. **Fâriğ ez-zînet**, «mutlakâ düzgünden fâriğ»; **buved**, «ola» dimekdür. Yâhod ger tu-râ, «senün için»; fâriğ-dil, ya'nî «fâriğü'l-bâl olmağ»; buved, «ola» dimekdür.

﴿ کی هوای مرکب و زینت بود ﴾ Saña kaçan merkeb ü eger hevâsı ola. **Key**, «kaçan»; **hevâ-yı merkeb**, «binek hevâsı» dimekdür. Merkeb, 'Arabîdür; mutlakâ binege ve sefîneye ıtlâk olunur. Lâkin

bundaki zīn qarīnesiyle efḥar-ı emvāl-i ‘Acem olan rükūba şāyān esbdür ki ekṣer kendüye maḥabbet ve zīnetiyle faḥret iderler. Hevā, meyl ü maḥabbet ma‘nāsınadır. **U(ve) zīnet**, vāv ‘atıfedür; «eger» ma‘nāsına olan zīn lafzını merkeb üzerine [S242a] ‘atf itmiştir. Zīn lafzının āhırindeki tā, hitāb içündür. **Buved**, «ola» dimekdür. Qaldı ki merkeb ile zīn lafzlarından ma‘nā-yı ḥaḳīḳī murād olındığına göre; zīnetden fāriḡu’l-bāl olanda esb ü eger hevāsı kaçan ola? diyü bunları zıkr ü taḥşış ekṣer erbāb-ı zīnet ü eşḥāb-ı devlet miyānelerinde bunlara şarf-ı zīnet ve bunlar ile ve zīnetleriyle faḥret ola geldigine binā’endür. Ve eger merkeb ü zīnden mecāzen iḥtişām ma‘nāsı murād olunur ise, zīnetden fāriḡu’l-bāl olanda iḥtişāma meyl bulunmaz demek olur. Nāzımın bu kelāmında tārik-i zīnet olan fāriḡu’l-bāller şüretā egerçi piyādelerdür, lākin ma‘nāda her qayddan āzādelerdür dimege beyt-i āti’l-beyānı qarīnedür ki buyurur:

﴿ روی دل چون از هوا بر تافتی ﴾ Göñül yüzini çünki hevādan çevirdüñ. **Rüy-ı dil**, «vech-i ḳalbi» dimekdür. **Çün**, «çünki»; **ez-hevā**, «telezzüzāt-ı nefsanıyyeye meylden» dimekdür. **Ber**, taḥşin-i lafz içündür. **Tāftı**, mazī-i muḥātabdur; «bükdüñ» dimekdür. Ma‘nā-yı lāzımı; «irādesiyle çevirdüñ» dimekdür. Ma‘lūm ola ki beyt-i sābıḳuñ mefhūmı üzre; zīnet-i dünyādan fāriḡu’l-bāl ve hevā-yı nefsanīden taḥvīl-i vech-i iḳbāl ile āsūde-ḥāl olmaḳ faḳr u faḳaya şabruñ berekātıdır. Zīrā faḳīr şabr-ı tām mertebesine vuşul buldıḳda, naẓarları [Ü237b] bī-niyāz ve sīm ü zer-i dünyāya meylden istiḡnā-sāz olur. Ve keyfe lā ki erbāb-ı faḳruñ ḡubār-ı ḥātır-ı şeref-me’āşirleri iksirdür. Nitekim Ḥ‘āce Şā’ibūñ *beyt*:

ز سیم و زر نظر بی نیاز ما سیرست

غبار خاطر ارباب فقر اکسیرست

beyt-i laṭfī bu beyāna dālldür. Ve erbāb-ı faḳruñ dünyāya rabṭ-ı ḳalilleri süst oldıḳca, rābiṭa-i meyl ü ‘alāḳa-i maḥabbeti kaç eylemek ol ḳadar āsān olur. İmdi anlar dünyālarının ‘adem-i intizāmın, intizāmıdan sehl ‘add eylemişlerdür. Nitekim Şā’ibūñ *beyt*:

بندهای سست را صائب توان اسان کسخت

سهل باشد کر نباشد منتظم دنیای من

beyt-i laṭfī bu beyānda kāfıdır. Ve zehārif-i dünyādan kaç-ı ‘alāḳa iden ittibā‘-ı hevā ve tūl-i emel-i mehāliklerinden emīn ve mücāhede-i nefis ile rüy-ı ḳalbini hevādan taḥvīl ve sübülü’llāha teveccühde mazhar-ı tevfiḳ-ı Rabbü’l-‘ālemīn ü vāşıl-ı Haḳḳ olur dimege işāret için mışrā‘-ı evvelde mücāhede ile nefsi meyl idecegi lezā’izden ve her hevādan mübā‘adeye imā ve daḥı والذين جاهدوا فينا لنهدينهم سبلنا ve mışdāḳınca bu mücāhedenüñ nihāyeti tarīḳ-ı [S242b] vuşul-i Haḳḳda hidāyet idigin beşāret idüp nāzım eyidür:

﴿ بعد از آن می دان که حق را یافتی ﴾ Andan şoñra bil ki Haḳḳı bulduñ. Ya‘nī; vuşul ila’llāh ḥāşıl eyledüñ. **Ba’d ez-ān**, «andan şoñra» dimekdür. Ān ile işāret mışrā‘-ı evvelüñ mefhūmınadır. **Mī-dān ki**, «bil ki»; **Haḳḳ-rā**, «Haḳḳı»; **yāftı**, «bulduñ» dimekdür. Pes hevā-yı nefsanīden irāz-ı vech-i ḳalb itmedikce Haḳḳa vuşul bulunmaz. Zīrā zīnet ü ḥayāt-ı dünyāya meyl ü maḥabbet idenlerüñ ḥālī: الذين يستحبون الحياة الدنيا على الآخرة و يصدون عن سبيل الله و يبغيونها عوجا اولئك فى ضلال بعيد āyet-i

şerîfinden nümâyândur. Qaldı ki hevâ-yı nefsanî vü zeğârif-i dünyâ-yı denîden ısrâz-ı vech huşûşını qalbe isnâd ile nâzım, müttebiʿ-i qalbi hâlik ve şâhibini Hâkkuñ gayrı olan tarîka sâlik olur dimege işâret eylemişdür. Ve fiʿl-hâkîka qalb pāk olmadıkça ʿukde-i umûr küşâyış bulmaz ve pāk olmayan qalbde mevâʿiz ü hikem tûrmaz. (...[Ü238a]...) Ve qalb mâ-sivâdan münkaṭıʿ oldıkda kendü ile Hâkkuñ beyninde olan hicâblar bi-ʿavniʾllâh ʿamel berekâtından mürtefiʿ olup, qalb göziyle Hâkka nâzır olunur. Ve ʿamel-i qalbûñ, aʿmâl-i sâʿire üzerine mufaḍḍal idigi maʿlûmdur. Nitekim erbâb-ı hâlden bir sâkit ü şâmit ʿazîze eyitmişler: “Niçün tekellüm eylemezsın?” Eyitmiş: “Qalbüm tekellümdedür” [S243a] Eyitmişler: “Kimün ile?” Eyitmiş: “Muqallibüʾl-kulûb ile”. Pes Hudânuñ keremiyle Hâkka vâşıllaruñ qalbleri hevâdan dündür. Ammâ gâfillerüñ kulûbı hızlân ile maḥcûb ve ʿirfândan mehcûrdur, neʿüzü biʾllâhi min zâlik. (...[S243b, Ü238b]...) İmdi taşfiye-i qalb ile hevâ-yı nefsanîden ısrâz idenün vuşûl ilaʾllâh hâsıl eyledigin beyân ʿaḳabinde باصداها تكشف الاشياء qāʾidesi üzre hevâya tevcîh-i vechetüʾl-qalbden nâşî cemʿ-i dünyâyâ harîş olanuñ hâlin beyân qaşdıyle nâzım eyidür:

﴿ هرکه او از حرص دنیا دار شد ﴾ Her kim ki hırş u ṭamaʿdan nâşî dünyâ ṭutıcı, yaʿnî dünyâyı cemʿ idici oldı. **Hırş**, ʿArabîdür; Türkîde meşhûrdur. Fârisîde medd-i hemze vü cîm ile «âc» ve daḥı zâ ile âz dirler. Maʿnâsı; «ṭamaʿ ve ârzü»dur. **Dünyâdâr**, terkîb-i tavşîfîdür; maʿnâsı, «ḳudreti miḳdârı mâl-i dünyâyı cemʿ idici muḥibb-i dünyâ» dimekdür. Yoksa hâkîkaten dünyâyı ḳovarak ṭutmuş ve oynayarak ütmiş yokdur. **Şod**, «oldı» dimekdür. Maʿlûm ola ki hırş, âfât-ı qalbdendür; hubb-ı dünyâdan nâşî olan ṭul-i emelden peydâ olur. Qaldı ki menşeʾ-i hırş olan ṭul-i emel, muḥarremât ile telezzûz içün olur ise ḥarâmdur. Ve illâ ne ḳadar teksîr-i tâʿât içün daḥı olur ise mezmûmdur. Ve bundan peydâ olan hırş daḥı ḥarâm içün olur ise ḥarâm ve illâ yene mezmûmdur. (...[S244a, Ü239a]...) İmdi hırşı târik ʿindaʾllâh maḳbûldür. Nitekim İbnü Yemîn eyidür, *ḳıfā*:

فرزند چه از مادر خود بسته کف آید
در حرص همانروز افتاد میان بست
آنکه که ز دنیا برود باز کند کف
کاینک همه بکذاشتم و رفت تهی دست

Yaʿnî; küçük maʿşûm anasından dünyâyâ keff-beste toḡar. Ve ol gün hemân hırşa bil bağlar. Ammâ dünyâdan irtihâlde elin açık ider ki işte cümlesin bıraḡub eli boş gider oldum diyü dimekdür. (...) Dünyâdârlıḡa harîş olmak ekşer pîrândadır ve pîrlikde hırşuñ ziyâdeliḡi ḥadıṣ-i şerîf ile şâbitdür. Ve pîrânda olan rîş ü müy-ı sefidün hırşuñ izâlesine nâfiʿ olmadıḡı Şâʾibüñ *beyt*:

حرص از طینت پیران نبرد موی سفید
این تبی نیست که ساکن بطباشیر شود

beytinden hüveydâdur. Yaʿnî; ṭînet-i pîrânda ṭabʿı olan hırşı saç ve şaḳal ağarması izâle vü ḳaṭʿ idemez. Zîrâ hırş ʿilleti bir sıtma degûldür ki ṭabâşîr ile sâkin ola dimekdür. Bunda olan Bunda olan leṭâfet zâhirdür. Ḥattâ ihtiyârlıḡuñ hâlini bu münâsebetle beyânda *beyt*:

[Ü239b] کفتم از پیری شود بند علائق سست‌تر

قامت من حلقهائی افزود بر زنجیر من

dimişlerdür. Ya'nî; 'alâ'îk bendi ihtiyârlık sebebiyle ziyâde süst olur dir idüm; vaqtâ ki pîrlîk devrinde kıddümün hamîdeliği benüm zencîrümün üzerine bir hâlka dağı arturdu dimekdür. Ya'nî [S244b] tûl-i emel ü hırşâ cüvânlıgumdan ziyâde yapışdum demek murâddur. İmdi gerek pîr ve gerek bernâ hâkķında hırş mezmûm olmağın nâzım 'umûm vechile hırşdan dünyâdâr olanuñ cezâsını beyânda eyidür:

﴿ بيکمان ازوی خدا بیزار شد ﴾ Şübhesiz andan Hudâ bî-zâr oldı. **Bî-gümân**, «şeksiz»; **ez-vey**, «hırşla dünyâdâr olandan»; **Hudâ**-yı müte'âl; **bî-zâr**, Fârisîdür; bunda «terk» ma'nâsınadır. Ya'nî; hırşla dünyâdâr olan kimesneden Hudânuñ rahmeti dūr olmağın, ol kimesne Hâkķuñ mehcûrı oldı demek hılâşa-i ma'nâdur. Nitekim: لعن عبد الدنيا و عبد الدرهم hadîs-i şerîfi bu beyânı müzîhdur. Zîrâ ma'nâ-yı şerîf:

Luţf-i 'âlem-şümûl-i Mevlâdan
Behrever gerçi ser-te-ser 'âlem
Dûrdur lîk rahmet-i Hâkķdan
'Abd-i dünyâ vü bende-i dirhem

tercemesinde hüveydâdur. Ve hârîş-ı tâma'kârûñ Hudânuñ rahmetinden dūr ve Hâkķdan mehcûr olduğına sebep; mün'îm-i hâkķî'nüñ ni'meti her ân vâsıl olur iken: “Belki bu ni'met fevt olur, şöñra zaħmet çekerem” diyü Benî-İsrâ'îlün mâ'ide-i pür-fâ'ideyi hîlâf-ı emr-i İlâh üzre iddiğârları, küfrân-ı ni'metden nâşî ni'metlerinüñ inkıţâ'ına ve kendülerinüñ şüverleri kırede vü hanâzîr şüretine tahvîl olmağa bâdî olduğu gibi, hırşâ ibtidâr ile ni'am-ı vâşılanuñ 'adem-i inkıţâ'ına câzim olmamağ ma'nâsınca dînâr u dirhemi iddiğâr ider hârîşuñ belâsı ise hûd ma'lûmdur. Pes bunlardan hâlâş murâduñ ise *beyt*:

Meges gibi hârîş-ı cîfe-i dünyâ-yı dūn olma
Maķâmuñ kulle-i Kâf-ı kanâ'at eyle 'anķâveş

dimişlerdür. Ve tâma' dağı hırşâ maķrûn ve hârîş u tāmî' her hâlde ciger-hündur. Nitekim: ایاک والطمع ایاک و الطمع hadîs-i şerîfi men'-i tâma'da zâhirdür. Hattâ tāmî' olan 'ulemâdan olur ise tâma', kalbinde olan hîkmetün zevâline sebep olduğu العلماء من قلوب الحكمة من طمع يذهب الحكمة من قلوب العلماء hadîs-i şerîfi hüveydâdur dimişlerdür. Ve binâ'en 'aleyh 'Abdu'r-Raħmân-ı Cāmî:

طمع آرد بمردان روی زردی
طمع را سر ببر کر مرد مردی

buyurmuşdur. Ya'nî; tâma', merdâna şafrat-i rûy getürür; eger merdlerün merdi iseñ tâma'ın başını kaķ eyle dimekdür. Murâd; tâma', merdân-ı İlâhî olanda bâ'is-i hicâbdur. Harf-i tâ'-i tâma' kaķ [S245a] olmadıkca merdân ma'a'llâh rütbesini bulamaz dimekdür. [Ü240a] Nitekim şayduñ giriftâr-ı dām-ı şayyâd olduğu ve mürğün hâk üzre rû-mâl zilletin bulduğu muķtezâ-yı tâma'ıdur diyü evvelün beyânında:

چشم کرسنه حلقه دامست صید را
ما خویش را خلاص ازین دام کردهام

Ve şânînüñ beyânında Şâ'ib:

بدل خوردن درین بستانرا صائب قناعت کن

که روی مرغ را بر خاک مالد دانه بر چیدن

buyurmuşdur. Ma'naları zāhirdür. Ve haqīkâte nazar olınsa bu rezā'il cümle nefsi-i emmārenüñ bāzīçelerinden idigi bāhirdür. Binā'en 'aleyh nefsiñ hālını mezīd izāh için nāzım temsil tārīkıyle eyidür:

﴿ چون شتر مرغی شناس این نفس را ﴾ Bu nefsi bir devekuşu gibi añla. **Çün**, ihfā'-i vāv ile «mişl ü mānend» ma'nāsınadır. **Şütürmürği**, yā'-i vahdet ile «bir devekuşu» dimekdür. Lāfz-ı mezkūr aşlında mürğ-ı şütür idi. 'Alemiyyet için muzāfun ileyh, muzāf üzerine taqdīm ve izāfetinden kaç olınmışdur; devekuşının 'alemidür. Ve Fārisīde şütürmürğ dindigi gibi kesr-i hemze ile «icfīl» dağı dirler. Nitekim şā'ir maḥbūbını aña teşbīh ile:

نه وفا کند بوعده نه درست جور ان شوخ

نه کشد او بار چون اشتر نه می پرد چو اجفیل

dimişdür. Ya'nī; benüm maḥbūbum ne va'dine vefā ve ne toğrıdan toğrı cefā ider. Pes devekuşu gibidür; ne deve gibi bār çeker ve ne kuş gibi uçar dimekdür. Ve 'Arabīde aña zamm-ı nūn ile «nu'āme» dirler. (...) Ve zamm-ı 'āyn ile «'ulcūm» ve feth-i zā ile «zālīm» ve «ümmü't-tārik» dirler. Ve gāyet yaşlusına «hecef» dirler. Şusuz beyābānda olur bir 'acībū'l-heykel kuşdur. Ḥayātū'l-Ḥayevānuñ yazdığı üzre kulaqları şağırdur ve āteş tenāvül ider, intihā. Ve zenbūrdan gāyet kōrkub kaçır. Lākin ne yük götürür ve ne uçar. **Şinās**, emr-i hāzırur; «añla» dimekdür; «şināhten»den müştakqdur. **İn-nefs-rā**, «bu nefsi» dimekdür. İn ile işāret, ğayr-ı maḥsūsı maḥsūs u müşāhed menzilesine tenzīl kâ'idesindecedür. Murād nefsi-i emmāredür ki devekuşu gibi:

﴿ نه کشد بار و نه پرد بر هوا ﴾ Yük çeker degüldür ve hevāya uçar degül. **Ne-keşed bār**, me'alde «ne-bār keşed» dimekdür; ma'nā «yük çeker degül» dimekdür. Zīrā «ne» lafzı nāfiyyedür. Nūn-ı nāfiyye [S245b] ficle duḥūlinde, fi'l ile muttaşıl yazılır. Ammā isme duḥūlinde nūn-ı nāfiyyeye bir elif ilhāk iderler. Ve gāh elifi ḥazf idüp yirine bir hā'-i ğayr-ı melfūza getirürler. Nitekim mā-naḥnū fihide böyledür. Keşed, muzāri'-i müfred-i ğā'ibdür; «çeker» dimekdür. [Ü240b] Bār, bunda «yük» ma'nāsınadır. Ve bundan mā-'adā yigirmi altı ma'nāya gelür. Taşīlī Ferheng-i Şu'ürīdedür. **U(ve)**, 'atf-ı cümle-ber-cümle içündür. **Ne-perred ber-hevā**, bu dağı me'alde «vü ne ber-hevā perred» dimekdür; ma'nāda «ve hevāda uçar degüldür» dimekdür. Perred, muzāri'-i müfred-i ğā'ibdür; «uçar» dimekdür. Harf-i rānuñ teşdīdi zarūret-i vezn içündür ve cā'izdür. Pes devekuşının keyfiyyeti nedür ki nefsi-i emmāre aña teşbīh olındı? dir iseñ nāzım eyidür:

﴿ کر بهر کویس بگوید اشترم ﴾ Eger aña uç diyesin deveyem dir. Ya'nī; “hīç deve uçar mı?” diyüp ayakların gösterür dimekdür. **Ger bi-per gūyeş**, «eger aña uç diyesin» ma'nāsına. Bu mecmū'-ı şartdur. Fi'l-i şartuñ ahirindeki şīn, zāmīr-i ğā'ibdür; şütürmürğa rāci'dür. Cezāsı şart-ı mezkūr **bi-gūyed üstürem** mecmū'idur. Ma'nā; «deveyem dir» dimekdür.

﴿ ور نهی بارش بگوید طائرم ﴾ Eger kendüye yük koymak murād idesüñ “bir kuşam” dir. Ya'nī; “hīç kuş yük götürür mi?” diyü te'allül ider dimekdür. **V'er**, vāv-ı 'ātīf ile edāt-ı şart olan eger

kelimesinden muhaffefdür. **Nihī**, kesr-i nūn ile fīl-i şart «koyasın» ya'nī «koymak murād idesün» demek murāddur ve vechi zāhirdür. **Bār**, «yük»; **şīn**, zamīrdür; şütürmürğa rāci'dür. **Bi-güyed**, cezādur; muzāric-i müfred-i gā'ibdür; «söyler» dimekdür. Fā'ili müstetir zamīrdür; merci'i şütürmürğdür. Ammā mef'ulī **tā'irem** kelimesidür; «kuşam» dimekdür. Zīrā tā'ir 'Arabīdür; bunda kuş ma'nāsınadır. Ve ba'zı maḥalde 'amel ma'nāsına ve şüm ma'nāsına gelür. Āhîrindeki mīm, mütekellim-i vahde içündür. Ke-zālik nefsi emmāre daḥı bu gūne te'allüliden ḥālī olmaz ya'nī «iṭ'at cevvinde ṭayerān eyle» diseñ deve gibi ayakların gösterüp deve ṭayerāna ḡayr-ı kādirdür diyü te'allül ider. Pes 'ibādāt ü ṭā'āt yükini kendüye taḥammül murād eyleseñ tā'ir bār-keş olmağa ḡayr-ı kādirdür diyü tā'irlük 'özriyle te'allül ider. Ve şütürmürğün bu vechile lede's-su'āl te'allülāta cevābı eger nuṭṭa kādîr olsa böyle dir idi dimekdür. Yāḥod و ان من شئى الا ايسح بحمده ربه āyet-i şerīfî üzre her bir cemādāt u kelb ü ḥımārdan ḡayr-ı cümle ḡayvanāt için Ḥudāyı müsebbih lisān-ı maḳāl vardır. ولكن لاتفقون تسبيحهم [S246a] buña ḡarīnedür. Yoksa lisān-ı ḡāl degüldür didikleri üzre böyle su'āl olınsa böyle cevāb ider dimekdür. Ve nefsi emmāreyi şütürmürğa teşbīḥ faḳaṭ bu te'allülde müşārekete mebnī degüldür. Belki ba'zı ḡālātda daḥı [Ü241a] mümāşeletine binā'endür ki nefsi emmāre ke-zālik şaḡırdur. Ḥattā işitmez ve āteşden 'ibāret olan ḡarāmı her bār tenāvülden kaçmaz. Mürğ-ı mezkūruñ āteş tenāvüli gibi mürğ-ı ḡulūbda serserī gezmekden uşanmadığı gibi nefsi emmāre her bār bī-ḡayd seyrāna mūla'dur. Ve şūreti şiretine muḡālīfdür. İmdi 'āḳıla lāzım olan nefsinī ḡakīmānesiyle(?) zebūn idüp bu mişllü te'allülāta kendüyi alıḡdurmamak ve daḥı ider ise işfā buyurmamakdur. Pes nefsün meḡālīki çok olduğından kendüyi işlāḡa sa'y için bunda nāzım kendüyi ṭarīḡ-ı dīḡer ile şey'-i dīḡere teşbīḥ ü tavzīḥ idüp buyurur:

﴿ چون كياه زهر رنگش دلکشست ﴾ Aḡu otı gibi levni dil-keşdür. **Çün giyāh-ı zehr**, izāfetle «aḡu otı gibi» dimekdür. Çün, kelime-i teşbīḥdür. Giyāh-ı zehrden murād; aḡu aḡacı ile ma'rūf bir nümāyişlü şūretā çiçekleri laṭīf bir şecerdür. Nitekim ba'zı nüşhada giyāh yirine dirāḡt kelimesinün vukū'ı bu murāda ḡarīne-i ḡoşterdür. Dirāḡt, kesr-i dāl-i mūhmele ve feth-i rā ve sūkūn-ı ḡā ve tā ile kesilmedik aḡaca dirler. Gerek yaş olsun ve gerek ḡuru daḥı gerek mīve virür olsun ve gerekse mīve virür olmasun. **Rengeş**, «anuñ levni» dimekdür. Reng, bunda «levn» ma'nāsınadır. Āhîrindeki şīn zamīr-i gā'ibdür; giyāh-ı zehre rāci'dür. Ba'zılar zamīr-i mezkūrı nefse ircā' itmişlerdür, lākin ūlā olan bizüm beyānumuzdur. **Dil-keş**, vaşf-ı terkībīdür; «göñül çekici» dimekdür ki 'Arabda «cāzibü'l-ḡalb» dirler. **Est**, edāt-ı ḡaberdür.

﴿ ليك طعمش تلخ و بويش نا خوشست ﴾ Lākin anuñ ṭadı acı ve ḡoḡusı fenā vü nā-ma'ḡüldür. **Lik**, kelime-i istidrākdür; «lākin» dimekdür. **Ṭa'meş**, «anuñ ṭadı» dimekdür. Zīrā ṭa'm, gerek ṭatlu ve gerek acı her nesnenün ṭadına dirler. 'Arabīdür ve Fursde bu ma'nāda müsta'meldür. Āhîrindeki şīn zamīrdür; giyāh-ı zehre rāci'dür. **Telḡ**, fethiledür «acı» dimekdür. **U(ve) būyeş**, «ve daḥı ḡoḡusı» dimekdür. Vāv 'āṭīfedür. Ve būy, «ḡoḡu»dur; āhîrindeki yā izāfetün ḡayrında cā'izü'l-ḡazfdür. Şīn ke-zālik zamīrdür. **Nā-ḡoş**, «nā-ma'ḡül ve ṭab'a nā-muvāfiḡ ve mizāca nā-münāsib» dimekdür. Bunda olan ḡā'-i mu'ceme [S246b] meftūḡan okınmak gerekdür; tā ki dil-keşe muvāfiḡ ola. Zīrā ḡā'-i mezkūra

Ferheng-i Vefā'inuñ yazdığı üzre fi'l-aşl mazmümen mervîdür. Ammâ Ferheng-i Şu'ûrînuñ beyânına göre hâ'-i mezkûra 'an-aşl meftûhdur; haş(hoş), gaş veznindedür dinmişdür. **Est**, kemâ-merre edât-ı haberdür. İmdi nefsi-i [Ü241b] emmârenüñ shevât-ı mütelezzîzesi, istiḥşâlinde muḳaddem ü mu'ahḥar şüreti rengîn ve telezzüzâta meyli ḥasebiyle dil-keşdür. Lâkin dirâht-ı zehrûñ zâtınuñ ve şükûfesinüñ hâli gibi lezzât-ı nefsanıyyenüñ dünyâda istiḥşâli zımnında çekilen merâret-i 'anâ vü büy-ı belâdan mâ-'adâ sebeb oldığı 'azâb-ı 'uḳbânuñ düşvâr-i 'ta'm u büy-ı vâreste-i kayd-ı beyândur. Ḥulâşa şüreti dil-firîb olan nefsüñ fi'l-ḥaḳîka hâli düşvâr u me'âli âşkârdur. Ḥattâ evliyâ'-i kirâmdan ḥazret-i Mevlânâ ḳuddise sırruhû ḥazretleri nefsi bir çekilmez yaya teşbîh idüp: Oḳları egridür; egri oḳ ise işe yaramaz. Ve egri oḳ ile kişi hedef-i maḳşûda ḳarîn olamaz. İmdi امرت كما فاستقم mantûḳ-ı şerîfinden ḥaberdâr olup kendini tîr-i râst eyle ki, kemân-ı nefsüñ işine yaramayup, elinden ḥalâş bulasın dimişdür. Ve nefsi işlâḥ ancak şâḥibinün be-her hâl istiḳâmetine mevkûfdur. Ve nefsi bu vechile pâk itmek gâyet 'asîrdür. Zîrâ muḳteżayât-ı nefsdan olan ba'zı şıfat-ı redî'esi vardır ki anı ḳal' itmek küh-ı Ḳâfî igne ile yirinden ḳal' itmek hâlinde şa'bterdür. Nitekim Ebû Hâşimüñ: قلع الجبال بالابر ايسر من قلع صفة الكبر buyurmuşdur dimişlerdür. Fe'alâ-hâzâ nefsüñ ḥaḳḳında olan teşbîhât-ı sâbıḳayı mezîd-i tîzâḥ ve hâl-i nâ-hem-vârını gâyetle beyân itmek için nâzım eyidür:

﴿كر بطاعت خوانيش سستی کند﴾ Eger anı tâ'ate da'vet idesin, kâhillik ider. **Ger**, edât-ı şartdur. **Be-tâ'at**, «tâ'atu'llâha» dimekdür. **Ḥ'āniyeş**, fi'l-i şartdur; «anı oḳursañ» dimekdür. **Ḥ'ānī**, muzâri'-i müfreddür. Âḥirindeki şîn, zamîr-i mef'ûldür; nefse râci'dür. **Süstī**, yâ'-i maşdariyye ile «geñşeklik» ma'nâsınadır. Murâd; tehâvün ü tekâsüldür. **Koned**, «ider» dimekdür. Bu kelime muḳaddem-i mef'ûl olan süstī ile cezâ'-i şartdur.

﴿لیک اندر معصیت چستی کند﴾ Lâkin ma'şıyyetde çâpüklük ider. **Lîk**, «lâkin»; **ender-ma'şıyyet**, «günâh itmekde»; **çüstī koned**, yâ'-i maşdariyye ile «çâpüklük» dimekdür. [S247a] Çüst, zamm-ı cîm-i 'Acemî ile çâlâk gibi «çâpük» ma'nâsınadır. Koned, kemâ-merre ider dimekdür. Ya'nî nefsi-i nâdân, tâ'ate da'vetde izhâr-ı fütür ider. Ammâ fışḳ u fücür işlemekte teklîf ü da'vete ḥâcet koymayup ḥalî vü ṭab'a(?) ḳoysañ çâpüklük ider dimekdür. Pes nâzımuñ tâ'ati, da'vet ile taḳyîd ve ma'şıyyeti muṭlaḳ zıkr eyledigi nefsüñ bu tavrını beyân nüktesine imâ içündür. İmdi bu mişllü 'âşî düşmânuñ şâyeste-i ḥabs ü zindân oldığın beyân için nâzım eyidür:

﴿نفس را ان به که در زندان کنی﴾ Ol yeg ki [Ü242a] nefsi zindânda eyleyesin. **Nefs-râ**, «nefsi» dimekdür. Bu kelime konî lafzınuñ muḳaddem-i mef'ûlidür. **Ān bih ki**, «ol yeg ki»; **der-zindân konî**, «ḥabsde eyleyesin» dimekdür. Zindân, ḥabs-ḥānenüñ adıdır. Maḥbûsa, «zindānī» dirler; zindāncı «zindānbān»dur. Pes nefsi ḥabsüñ tārîḳını i'lân için nâzım eyidür:

﴿هر چه فرماید خلاف ان کنی﴾ Her ne buyurur ise anuñ ḥilâfını eyleyesin. Ya'nî; saña her emr eyledigi kötülükden ḡayrı degüldür. Zîrâ şıfatı emmâre^{tin} bi's-sü'dur. Pes kötülüḡi eyülüḡe tebdîl eylemek, nefsüñ me'mûlinüñ ḥilâfınca gitmekden 'ibâretdür. Nefsüñ ḥabsi ise, maṭlûbını virmemekden kinâyedür. Nitekim nâzım, nefsi işlâḥuñ ilâcında eyidür:

﴿ نیست درمانش بجز جوع و عطش ﴾ Açlık ve şusuzluğdan ğayrı anuñ dermānı yoğdur. Yaʿnī; bundan ğayrı aña dermān olmaz. **Nīst**, «yoğdur»; **dermāneş**, «aña dermān» dimekdür. Dermān, Fārisīdür; bunda «ilāc u çāre» maʿnāsınadır. Gāhī ʿāciz ve ĳapuda ĳalmıř maʿnāsına olur. Nitekim Ebuʿl-Maʿānīnūñ *ķıřa*:

بکیر خستهام درمان بجستم
بگفت آن شوخ جز من نیست درمان
اگر خواهی علاجش اندرون آی
وگر نه خایهوش بیرون درمان

ķıřa-i muṭāyebe-eşerinde olan beyt-i evveldeki dermān, «ilāc» maʿnāsınadır. Şānīdeki der mān, «ķapuda ĳal» dimekdür, kezā-fi-Ferheng. Ve āhırindeki şīn, zamīrdür; nefse rāciʿdür. **Be-cüz cūc u ʿaṭaş**, «açlık ve şusuzluğdan ğayrı» dimekdür. Be-cüzdeki bā, zāʿidedür. İmdi nāzımuñ bundan murādı; nefsi şavm ile şalāha getürmekdür. Zīrā şavmda cūc u ʿaṭaş der-kārdur. Pes şavm-ı Dāvūda meşğul olanuñ nefsi ser-keşlik ve ʿadem-i iṭāʿat varṭalarına düşmekden meʿmūn olur dimişlerdür. Ve kıllat-i ṭaʿām u şarāb ile riyāzat eylemekden ğayrı nefse dermān yoğdur dimege īmā vü işāret vardır. Ve kesr-i şehvet-i nefste şavmuñ ve [S247b] riyāzatuñ baṭnı şerʿ üzre iṭāʿatūñ fevāʿid-i keşīresi vardır. Ez-cümle من اجاع بطنه haber-i münfī سیدالاعمال الجوع و ذل النفس لباس الصوف داہی ḥadīs-i şerīfī ve eẓmet fıkretü ve افطن قلبه bu beyānda kāfīdür. Ve ķahr-ı nefis ḥaķķında ḥazret-i Mevlānānuñ *mesnevī*:

نان جو حقا خداست و فسوس
نفس را در پیش نه نان سپوس

kelāmı vāfīdür. Yaʿnī; nefis için arpa etmegi nā-maʿķul u ḥayfdur. İmdi nefsūñ öñine kepek etmegin koy. Yaʿnī; kendüyi lezāʿize degül belki arpa etmegine daہی alıřdurma ki anı ʿādet idinmek ile lezzet ʿadd eylemeye dimekdür, intihā. Ve nāzımuñ cūc ile ʿaṭaşı iřlāh-ı [Ü242b] nefis için ilāc u devā buyurduğı erbāb-ı ķulübūñ bu bābda olan taḥķīķına mebnīdür ki cūc, ķalbūñ ķanını eksildüp ķalbi beyāz ider. Ve beyāz olan ķalbde nūr peydā olup şaḥm-ı ķalbi zevb ider. Ve baʿde-zevbeʿş-şāḥm miftāḥ-ı mūkāsefe zuḥūr ider. Nitekim ķasvet-i ķalbden ḥicāb şudūr ider ve her bār ķalbūñ ķanı noķşān olduķca, şehevāt ile mūmtelī olan ʿurūķda meslek-i şeyṭān olan mecārīler tengter olur. Ve mesālik-i şeyṭānı bu dermān ile tazayyuķ ķılmaķ ehl-i nüfūsuñ cümlesine elzemdür. Nitekim ḥadīs-i şerīfde ان الشيطان يجرى من اين vārid olmuřdur. Ḥazret-i ʿİsā ʿaleyhiʿs-selāmuñ kelāmında يا معشرالحواريين جوعوا بطونكم لعل قلوبكم ترى ربكم şādır olmuřdur. Daہi ecsād cūc ile ervāḥ olur; ammā şīb-i ecsād ile ervāḥ ecsād gibi olur dimişlerdür. (...) İmdi bu dermān ile nefsi tedāvī lāzımdur. Yaʿnī kendüyi aç [S248a] ve şusuz eyle.

﴿ تاكه سازى رام اندر طاعتش ﴾ Tā ki o nefsi ṭāʿate muṭīc düzesin. **Tā**, bunda maʿnā-yı ğaraż içündür; **ki**, rābıṭadur. **Sāzī**, muzāriʿ-i müfred-i muḥāṭabdur; «düzesin» dimekdür. **Rām**, «muṭīc ü yavař»; **ender ṭāʿat**, «ṭāʿat içinde» yāʿnī «ṭāʿate» dimekdür. Āhırindeki **şīn**, zamīr-i nefse rāciʿdür; sāzī fiʿlinūñ

meftûlîdür. Pes nefis-i ser-keşi râm itmek cûc u ‘aşaşa mevķûf idigin beyân ‘aķabinde nefse nuşhuñ tarîķın i‘lân ve kendüye bu vechile hîķāb olunmağı ‘ıyân için nâzım eyidür:

﴿ چون شتر در ره در آیی و بار کش ﴾ İy muķātab! Deve gibi yola gel ve yük çek. **Çün şütür**, «deve gibi»; **der-reh**, «yol içinde»; **der āyī**²², bunda ma‘nā-yı mecāzī irādesiyle «beri gel» dimekdür. Ve bunuñ beyānı şöyledür ki; der āy kelāmında der lafzı «içerü» ma‘nāsına olup ve āy lafzı «āmeden»den emr-i hāzır olmağıla ma‘nā-yı haķīķī «içerü gel» dimek idi. Hattā [Ü243a] hedāyāya der-āmed didikleri bundandır. Pes içerü gelmegile beri gelmek lāzım geldiginden «beri gel» ma‘nāsına mecāz dinmişdür. Nitekim «andan beri gel» diyecek yirde ‘Acem «ez-ān der āy» dirler. Lākin lafz-ı mezkûruñ bu ma‘nāya oldığı evvelinde harf-i bā oldığı hāldedür. Ve illā bā harf-i ile «be-der āy» kelāmında ma‘nā-yı haķīķī «ķapuya gel» dimekdür. Ammā anuñla taşra çıķmaķdan kināye iderler. Der kelimesi «taşra» ma‘nāsına da olur didikleri bu isti‘māle mebnîdür. Ammā «der āyī» kelāmının evvelindeki der kelimesini ziyādeye ve āhirinde yā’-i sâniyeyi hîķāba haml ile ma‘nā-yı mışrā‘da; «iy muķātab, yola gelmişsin, deve gibi yük çek!» dimek ğāyet rüşendür. Buña göre yoldan murād dünyādur ki, kendüye gelmekden maķşûd ṯat ve kesb-i zād-ı āhîretdür. (...) **Vāv**, ‘atîfedür. **Bār**, luğat-i Fārisîde yigirmi yedi ma‘nāya gelür; bunda «yük» ma‘nāsınadır ki ‘Arabîde himl dirler. **Keş**, «keşiden»den müştakķ emr-i hāzırdur; «çek» dimekdür. Ma‘lûm ola ki Hūdā-yı müte‘āl celle ve ‘alā, eşref-i mürekkebāt u ekber-i maşnû‘āt olan hayvānâtta sâbit eylediği āyâtını ‘ibādına ‘ıyân ve hûsn-i tadbîr ile dāll olan hîķmetini beyân için افلا ينظرون الى الابل ایet-i ‘azîmü’ş-şānı ile devenüñ hîķatini [S248b] taķşîş bi’z-zıkr eylemişdür. Tā ki ‘ibādı nazrat-ı ‘ibret-eşer ile aña nāzır olup anda olan tadbîr-i kemāl ü menāfî-i hîķmet-iştimālî mülāhaza eyleyeler ki; cimāl, bilād-ı ba‘îdelere cerr-i eşķāl eylemek için cesîme ve taķmîl-i aķmāl için cişiy ve ba‘de aķmālen bi-nefsihi ref için tûlû’l-a‘nāk halk olunmuşdur. Ve müteşebbiş-i zimām-ı kıķarı olan za‘îf ü za‘îfeye münķād ve her nebātātun ra‘yini itiyād ve ķaķ-ı mefāze-i bî-āb için bir hafta şusuzluğa taķammül idicidür. Ve lahm ve leben ve cild ve ‘azmî işe yarayıcıdır. Pes bu deķā’ıķ-ı hîķmeti teşbîhde mülāhaza ile nāzım; deve gibi yol içine beri gel ve yük çek diyü buyurmuşdur. Hattā hazret-i Mevlānā, cism-i insānı üştüre teşbîh idüp cānı «muştafā-zād» ile ta‘bîr eylemişdür. Ve ‘illet-i teşbîh-i Mevlānā; üştür hār-h^vār oldığı gibi cism daķı hār menzilesinde olan ğıdā-yı nefsanî ekline mûla‘ oldığıdır. Ve cisme süvār olan rûha mußtafā-zād tesmiyesi انا من نورالله والمؤمنون من نوري hadîs-i şerîfine mebnîdür. Ammā nāzımın murādı bunuñ ğayrıdır. Beyānı budur ki; [Ü243b] Hūdā-yı lâ-yezāl insāna medār-ı tekli‘f olan ‘aķlı kerem itmişdür. Ol ‘aķl, şütür-bān-mişāldür ki üştür-i cismün zimāmı yedindedür. Pes şütür-bān, mihār-ı üştürānı zimāmından tutup, murād eylediği yola ķeker ve mehālike ilķādan hāzer eyler. Pes ‘aķla lāzım olan daķı cesedün zimāmın elden ķomayup, selāmetlü olan rāh-ı ṯate ķeküp mehālik-i me‘āşiden ğürîzān olmaķdır. Zîrā mü’mîn, sefer-i ba‘îd olan dār-ı āhirete ṯat yükini ķekmek için halk olunmuşdur. Ve mü’mîn haķķında bu ğüne bār-keşlik, şütürānuñ bār-keşliginden ziyāde ehemm ü

²² Bu kelime S ve Ü nüshalarında آیی (āyī) şeklinde iki yā hārfi ile yazılmıştır. Özellikle S nüshasında ikinci yā’nın sonradan ilāve edildiği anlaşılmaktadır. Bu imlā vezni bozmaktadır. Emre’nin manzum tercemesi ve Bursevî şerhinin matbu nüshalarında «āy» şeklinde tek yā ile yazılmıştır.

elzemdir. Zîrâ mü'minün iktisâb eylediği menâfi' bâkîdür ve kendü nefsi içündür. Ammâ üstürânun kesbi olan menâfi' fânîdür ve âhar içündür. Ve nâzımun teşbîhinde bir nükte-i hafîyye dahı vardır. Budur ki; deve şavt-ı hasen ile okunan eşâr-ı 'Arabîden tarab bulup, ol sürür-ı şevk-âmîz ü terâne-i hâlet-engîz sebebiyle, meşelâ niçe eyyâm u leyâlîde kaç olinacak mesâfe-i ba'ideyi bir gün veya bir gicede kaç ider. Ke-zâlik mü'min olan kimesne dahı ehadîs ü âyât ve kelâm-ı meşâyıhdan hâlet-i şevk iktisâbıyla kaç-ı merâhil-i mükâşefât [S249a] ve tayy-i menâzil-i kerâmât eylemek gerekdir dimege işaretdür.

﴿ بار طاعت بر در جبار کش ﴾ Tâ'at yükini Hudânun kapusına çek. Ya'nî; emrine imtisâl ve nehyinden ictinâb eyle. **Bâr-ı tâ'at**, izâfet ile «tâ'at yükini» dimekdir. **Ber-der-i Cabbâr**, «Hudânun kapusına»; **keş**, «çek» dimekdir. Cabbâr, esmâ'-i hüsnâdandır; mübâlağa veznindedir. Luğatde ma'nâsı; kâhhâr ve gâlib ve musallaḥ ve kıttâldür. Ammâ 'inde'l-müfessirîn جبار الذى جبر خلقه على ما اراد او جبر حالها بمعنى اصلحه Pes bu ma'nâ üzere 'ibâdî tâ'ate iğrâ vü murâd irâdeden ayrılmadığı üzere hâdî vü muşlih kendüdür demek nûktelerine imâ için nâzım esmâ'-i hüsnâdan bu ism-i şerîfi ihtiyâr ile ber-der-i Cabbâr dimişdür. Keş, kemâ-merre emr-i hâzırdur; çek dimekdir. Ve bâb-ı İlâhîde olan 'ubûdiyyet-i ihlâş u tavîyet üzere olmağın lüzûmını beyân ve ri'yâ vü süm'adan hâlî olmağın ehemmiyyetini 'ıyân için nâzım eyidür:

﴿ بار این در را بجان باید کشید ﴾ Bu kapunun yükini cân u dil ile çekmek gerek. **Bâr-ı in der-râ**, tetâbu'-ı izâfet ile «bu kapunun yükini» dimekdir. «In der»den murâd bâb-ı İlâhîdür. Yükdən murâd tâ'ât u 'ibâdetdür. **Be-cân**, «cân ile» dimekdir. Harf-i bâ, muşâḥabet içünüdür. **Bâyed keşîd**, «çekmek gerek» dimekdir. Bu mişllü terâkîbde ma'nâ-yı mecmû' birden virilir.

﴿ ورنه همچون سگ زبان باید کشید ﴾ Ve illâ kelb gibi dili çekmek gerek. Ya'nî; 'ayy u 'aşaḡdan dilini çıkarmış kelb gibi olmak muḡarrerdür. **V'er ne**, «ve illâ» dimekdir ki Türkîde «yoğsa» ile ta'bîr iderler. [Ü244a] **Hemçün seg**, «kelb gibi» dimekdir. Hemçün, kelime-i teşbîhdür. Seg, fetḥ-i sîn-i mühmele sükûn-ı kâf-ı 'Acemî ile «köpek»dür. Nitekim pâdşâhların avcı köpeğin muḡâfaza birle şikârgâha yedüp giden tâ'ife-i maḡşûşaya seg-bân dirler. **Zebân**, «dil» ma'nâsınadır. **Bâyed keşîd**, «çekmek gerek» dimekdir. Lâkin bunda mecâzen «çıkarmaḡ» muḡarrerdür demek murâddur. Zîrâ hayvânât içinde zecr ü terkde za'f-ı fu'âddan nâşî teneffüs-i şedîd ile dilini taşra çıkarup şolumaḡ ancak kelbe maḡşûşdur. Nitekim Ken'âniyyün-ı Benî-İsrâ'îlden Bel'am bin Bâ'ûrânun meşelin beyânda nâzil olan âyet-i 'azîmü's-şânda: فمثل الكلب ان تحمل عليه يلهث او تتركه يلهث vârid olmuştur. Leḡs, yorgunluk ve şusuzluḡdan kelb dilini taşra çıkarup şolumaḡ ma'nâsınadır. (...[S249b, S250a, Ü244b]...)

﴿ هر که او کردن کشد زین بارها ﴾ Her kim ki, o kimse bu yüklerden gerden çeker. Ya'nî; bâr-ı tâ'ât bârını çekmege boyun egmeyüp 'âşî olur. **Her ki o**, «her kim ki o kimse»; **gerden**, «boyun»; **keşed**, «çekerek»; **z'in bârhâ**, «bu yüklerden» dimekdir. Bârhâ, cem'dür; şîğa-i cem' ile ityânda evâmîr-i İlâhînün ta'addüd ü tekerrürine işâret vardır.

﴿ باشد از نفرین برو انبارها ﴾ La'netden anuñ üzerine enbârlar ola. Bu mışrâ' ihbârdur ve inşâ olmağa muḡtemeldür. Ya'nî; evâmîru'llâhı yirine getürmeyen rahmetu'llâhdan maḡrûd u maḡrûm u

merdūd olmak muḳarrerdür. **Bāşed**, «ola»; **ez**, «min» ma'nāsınadır. **Nefrîn**, feth-i nûn ve sükûn-ı fâ ve kesr-i râ'-i mühmele ve yâ-nûn ileddür. Aşlı nefy için olan nâ harfî ile taḥsîn ma'nāsına olan âferîn kelimesidür. Pes âferînde olan elifler taḥfîfen ḥazf olunup nefrîn olmuştur. Nefrîn, ma'nâda âferîn lafzınınuñ muḳâbilidür. Pes ma'nâ-yı nefrîn; «adem-i taḥsîn ve 'adem-i maḳbûliyyet»dür. Ve aña la'net ve merdûdiyyet-i rahmet lâzım gelür. **Ber'o**, ber-o lafzlarından muḥaffedür. Ma'nâ; «anun üzerine» dimekdür. **Enbārḥā**, «enbârlar» dimekdür. Enbār, feth-i hemze ile «içine ğalle vaz' olunacak ev»e dirler, ke-mā fî-ekşer-i luġatü'l-Fürs. Lâkin Ferheng-i Şu'urîde eyidür: Enbār dört ma'nâyadur. Evvelkisi, memlû; ikincisi, ḥâne vü dîvârun yıķılmasıdır. Üçüncisi, ḥār u ḥāşāk ve zebîl emşâlidür ki mezbelede cem' ve ba'dehü çürüdüp tarlaya çekerler. Nitekim Ḥayder-i Kelüc nâm bir şâ'iri hecvde, *beyt*:

شعر رنکارنک از طبع کج حیدر کلوج

همچنین سر میزند کز توده انبار کل

vaḳı' olmuştur. Dördüncüsü, havzdur. Nitekim âb-enbār daḥı dirler. (...) [Ü245a] Pes bu ma'ânî-i erba'adan maḳâma mülâyim olan ma'nâ zâhirdür. Enbār âḥirinde olan hâ, edât-ı cem'dür. Pes nâzım muḥâṭabı tarîķ-ı ilzâma çeküp eyidür:

﴿ کرده بار امانت را قبول ﴾ Emânet yükini ḳabûl eylemişsin. Ya'nî rûz-ı ezelde emâneti

müteḥammil ve edâsına müte'ahhid olmuşsin. Buña göre kelâmda bir mef'ûlün fîḥ muḳadderdür ki «der-rûz-ı ezel» demek olur. **Kerde'i**, âḥirinde [S250b] olan hemze-i meksûre ḥiṭâba dâldür; ma'nâ «eylemişsin» dimekdür. **Bâr-ı emânet-râ**, izâfetle «emânet yükini» dimekdür. Râ, edât-ı mef'ûldür. Bu kerde'i kelimesinin mef'ûl-i evvelidür. **Ḳabûl**, mef'ûl-i şânîsidür. Ma'lûm ola ki bu mışrâ'-ı laṭîfde انا عرضنا الامانة على السموات والارض والجبال فابين ان يحملنها و اشفقن منها و حملها الانسان âyet-i 'azîmü's-şânına telmîḥ vardır. Bu âyetün tefsîrinde beyân çokdur. Bazı müfessirîn eyidür: Emânetden murâd ferâ'izdür. Ve 'inde'l-ba'z ma'rifetu'llâh ve 'inde'l-ba'z tâ'ât u 'ibâdâta dâ'ir tekâlif-i şer'iiyyedür. Nâzımın murâdı daḥı bu beyâna mülâyimdür. (...) Pes Allâh ve Rasûline iṭâ'atün şânı 'azîm olduğından âyetinün manṭûķ-ı celîli: Eger bu güne ecrâm-ı 'izâm şâḥibi olan âsmân u zemîn ü cibâle emânet-i mezkûr 'arz olınsa ve anlar daḥı şu'ûr u idrâk-i bî-ḳuşûr şâḥibleri olsalar, ol emânet-i celîlü's-şânı taḥammûlden ibâ iderler idi. Ve 'azâmetümüz ile biz daḥı kendüleri mazhar-ı şefḳat ider idik. Ḥâl bu ki insân zâ'ifu'l-bünye iken emânet-i mezkûrî taḥammûl idüp ḥuḳûķına ri'âyet iddi'âsında oldu, intihâ. İmdi:

﴿ از کشیدن پس نباید شد ملول ﴾ [Ü245b] Pes ol yüki çekmekden bî-ḥuzûr olmak gerekmez.

Ez-keşiden, «çekmekden»; **pes**, «şoñra» dimekdür yâḥod «öyle ise» dimekdür. Aşlı «sipes»dür. **Ḳâ'ide-i Fürs** üzre evvelki sîn ḥazf [S251a] olunup «pes» olmuştur. **Ne-bâyed**, nûn-ı nâfiye ile muzâri-i menfidür; «gerekmez» dimekdür. **Şod**, bunda «şoden» ma'nāsınadır; «olmak» dimekdür. Mef'ûli **ḥulûl** kelimesidür; ma'nâsı ma'lûmdur. Ma'lûm ola ki انا ظلوما جهولا nazm-ı münîfî üzre bi-i'tibârî'l-ağleb cins-i insân emânetün ḥuḳûķını edâ ve 'ahdine vefâ idemediginden zâlûm ve gene 'âķıbetine cehûl olduğın beyân-ı tâmm için nâzım eyidür:

﴿ روز اول خود فضولی کرده ﴾ Rûz-ı evvelde kendüñ fuzüllük eylemişsin. Ya'nî; götüremeyeceğün yükü taḥammülde ziyâdelik idüp, ḥaqqına ri'âyet iddi'âsında ḥaddüñi tecâvüz eylemişsin. **Rûz-ı evvel**den murâd; âlem-i ervâhda olan rûz-ı ahd ü mîsâḳdur. **Ḥod**, «kendüñ»; **fezûlî**, fethiledür; âhîrindeki yâ' maşdariyyedür. Bunda ma'nâ «ziyâdelik» dimekdür. Nitekim ehl-i lûgat 'indinde fezûlî'l-ma'ṭam; keşret-i ekldür. Fezûlî'l-manẓar; zarûret ü 'ibretsiz zeḥârif-i dünyâya nazar gibi nazar itmekdür. Ammâ fuḫahâ 'indinde bilâ-vekâlet bir kimesne umûrın görmekdür. Nitekim nikâh-ı fezûlî meşhûrdur. Ve daḥı mâ-lâ-ya'nîye meşgûl âdeme daḥı fuzûlî dirler. Bunda murâd-ı nâẓım ma'lûmdur. **Kerde'i**, «eylemişsin» dimekdür.

﴿ وان فضولی از جهولی کرده ﴾ Ve ol ziyâdeligi âķıbet-i emrûñi bilmemekden eylemişsin. **V'an fezûlî**, «ve ol ziyâdeligi» ya'nî «ḥaddüñi tecâvüz eylemegi» dimekdür. **Ez-cehûlî**, «encâm-ı kârı mülâḥaza eylememekden» dimekdür. Âhîrindeki yâ' maşdariyyedür. Cehûl kelimesi 'alîmüñ zıddıdır. Murâd beyân-ı esbaķ üzredür. Ḥattâ şâ'irândan bir fâzıl bu âyet-i şerîfe îmâ kaşdıyle *beyt*:

آسمان بار امانت نتوانست کشید

قرعة کار بنام من دیوانه زدند

diyü buyurmuşdur. Lâkin meşâyıḫ-ı şüfiyyeden ba'zı şâḥib-i ḥâl kimesne zâlüm u cehûlî te'vîlde İmâm Kâşânîden naklen buyurmuşdur ki: İnsân zâlüm oldu demek, nefesine ḳahr idici oldu; cehûl oldu demek, Ḥaqquñ mâ-'adâsını nâfî vü mâ-sivâyı nâsî oldu dimekdür. Yâḥod zâlüm u cehûl mübâlağa şîğalarıdır. Ma'nâları; insân ḥadden ziyâde zâlîm ü câhil oldu demek olur. Meşhûrdur ki انا جاوزالشيء حده انعكس ضده Pes ma'nâ-yı maḳşûd; insân emâneti ḥâmil olmaḳda 'âdil ü 'âlim oldu dimekdür dimişlerdür, intihâ. Lâkin nâẓımuñ kelâmı sebķ iden tefsîr-i meşhûra [Ü246a] mebnîdür. Nitekim buyurur:

﴿ جنبشی کن ای پسر غافل مباش ﴾ İy oğul! Sa'y u ḥareket eyle, gâfil olma. **Cünbişide** yâ' ḥarfî [S251b] maşdariyye olmaḳ zâhirdür; zâ'id olmaḳ daḥı muḥtemeldür. Cünbiş, zamm-ı cîm ile Fârisîdür; «deprenmek» ma'nâsınadır. Murâd; şa'yıdır. *Laffife*: Lafz-ı cünbiş kaçan lafz-ı «evvel» ile müsta'mel olup meşelâ; cünbiş-i evvel dinse andan ma'nâ-yı murâd; ibtidâ'-i ḥareket-i ḳalem-i ḳudret ve evvel-i ḥareket-i eflâk ve seyyârâtüñ burc-ı ḥamelden ḥareketi demek olur, kezâ fî-Şeref-nâme. **Kon**, emr-i ḥâzırdur; «eyle» dimekdür. **İy piser**, «iy oğul»; **gâfil me-bâş**, «gâfil olma»; zîrâ Ḥudâ gâfilleri sevmez anlardan râzî olmaz dimekdür. İmdi saña lâẓım olan fâ'ât u 'ibâdâta sâ'î ve ḥuḳûḳına mürâ'î olup gâfletten ḥazer ḳılmaḳdır.

﴿ چون بلی کفتی بتن تنبل مباش ﴾ Çünki 'âlem-i ervâhda belâ didüñ, 'âlem-i teklîfde bedenüñ ile tenbel ü kâhil olma. Ya'nî; iḳrâr-ı evveli yirine getir. **Çün**, «çünki»; **belâ**, feth-i bâ ve lām ve yâ ile 'Arabîdür; işbâtü li-mâ-ba'di'n-nefy ile ta'rîf olunmuşdur. Ne'am bunuñ ḥilâfıncadır. Zîrâ ne'am, taḳrîr li-mâ-ba'di'n-nefy ile mu'arrefdür. Ḳaldı ki belâ kelimesinüñ lâmı kesr ile oḳumaḳ Türkîde şayi' ve maḳâm-ı iḳrârda isti'mâlî vâķı'dur. **Güftî**, mâzîñüñ müfred-i muḥâtabıdır; «didüñ» dimekdür. **Be-ten**, «gövde ile» dimekdür. Ḥarf-i bâ' şıla içündür; ten, gövde ma'nâsınadır. **Tenbül**, feth-i tā' ve sükûn-ı nûn ve zamm-ı bâ'-i muvaḥḥide ve sükûn-ı lām ile «kâhil ve işsiz âdem» dimekdür. **Me-bâş**, nehy-i ḥâzırdur; «olma»

و اذ اخذ ربك من بنى ادم من ظهورهم ذريتهم و اشهدهم على انفسهم الست بربكم نāzım dimekdür. Pes bunda nāzım ayet-i şerîfine ĩmā ile aḥz-i mīṣākā işāret buyurmuşdur. Beyānı böyledür ki; cenāb-ı Bārī celle ve ‘alā ḥazreti benī-Ādemi ‘ālem-i ervāḥda riṣte-i ‘ahd ü peyvend-i mīṣāk ile bend eylemek murād-ı ‘aliyyesi olmağın fī-rivāyetin ‘Arafe cānibinde vāqı‘ Baṭn-ı Nu‘mān ile müsem mā bir vādide, ve fī-rivāyetin arz-ı Hindde mehbiṭ-ı Şafıyyu’llāh olan Dehnā nām bir maḥallde, ve fī-rivāyetin Mekke-i mükerreme ile Ṭā’if miyānesinde ḥazret-i Ādem ‘aleyhi’s-selāmuñ zahr-ı mübārekini yed-i ḫuddüsiyle meş idüp şümme ve şümme ilā-mā-şā’a’llāh eşlāb-ı ebnā’-i Ādemden cilveger-i menāssa-i zuhūr olacaḫ ensāl ü zürriyyātuñ aḫyār olanların Ādemüñ cānib-i yemīninde ve eşrārını cānib-i yesārından şarı qarınca şeklinde ḥārice iḫrāc idüp, her birleri içün delā’il-i rubūbiyyetin naşb idüp, iḫrār-ı rubūbiyyete muḫteẓī olan nesneyi [Ü246b] uḫüllerinde şöyel terkīb eyledi kim [S252a] cümlesi “elestü bi-rabbiküm?” ḫiṭāb-ı müsteṭābında “belā” demek menzilesinde oldılar, kezā fi’l-Kāḏī. (...) Ve ḥazret-i Cüneyd raḫımeḫu’llāh “elestü bi-rabbiküm?” ḫiṭāb-ı ‘izzetinden ervāḥ-ı benī-Ādeme bir lezzet ḥāşıl olmuştur ki ol lezzet-i ḥālet-baḫşuñ eṣeri, insān bir ḫüsn-i şavt istimā‘ eyledikde zuhūra gelür. Ḫüsn-i şavt, gıdā-yı rüḫdur didikleri bu zevḫa mebnīdür, intihā. Ve bu zevḫuñ ḫāṭırdan dūr ve şevḫ-ı iḫrār-ı dilden bu vechile maḫcüb u mestürriyyetine sebep keşret-i zünüb ile vefret-i ḡafletdür. Ve illā erbāb-ı ḫāl, ol iḫrār-ı lezzet-işitmālden bir ān ḫālī olmaz. Nitekim ol iḫrārdan kināye ile ḥazret-i Faḫr-i ‘ālem, ḥazret-i Ebū Bekri’s-Şıddıḫa: “كنا و كنا و كذا و كذا” diyü buyurdıkda [S252b] ḥazret-i Şıddıḫ: “بلى يا رسوالله” [Ü247a] ile cevap-ı bā-şavāb buyurmuşdur. Ḥattā meşāyıl-ı şūfiyyenüñ muḫaḫḫıḫı ‘indinde ‘ālem-i ervāḥda olan ḫiṭāb-ı elestü el-ān münḫaṭı‘ degüldür. Belki her ānda her cāna cenāb-ı Ḥaḫḫ: “elestü bi-rabbiküm”diyüp, anlar daḫı “belā” ile iḫrār-ı rubūbiyyet itmekdedür dimişlerdür, intihā. ‘İnde’l-faḫṭır bunuñ ma’nāsı rüz-ı evvelde bu ḫiṭāb ile muḫāṭab olanlar ānen-fe-ānen bu ‘ālem-i şehādete geldikce, lisān-ı ḫāl ile ol iḫrār üzre güyā belā ḫavlini izḫār iderler demek ola. Yoksa lisān-ı maḫāl ile belā zıkrını tekrār olmadıḫı āşkārdur. Nitekim ‘ulemānuñ: didikleri bu te’vīli mü’eyyeddir. Pes nāzım kāhilüñ ḫālını beyāna taşaddī ile eyidür:

﴿ هرکه اندر طاعتش کسلان بود ﴾ Her kim ki Ḫudānuñ ṭā‘atinde kāhil ola. **Her ki**, «her kim ki»; **ender-ṭā‘ateş**, «anuñ ṭā‘atinde» dimekdür. Ender, zarfiyyet içündür. Ṭā‘at, ma‘rūfdur; mā-ba‘dine muzāfdur; muzāfun ileyhi olan ḫarf-i şīn zamīr-i ḡā’ibdür; Ḫudāya rāci‘dür. **Keslān**, fa‘lān vezninde şıfat-ı müşebbehedür. Ma’nāsı; «kesel ü fütür izḫār idici» dimekdür. **Buved**, «ola» dimekdür; iştikāḫ-ı şāzz ile «būden» lafzından müştakḫ-ı muzāri‘dür.

﴿ حاصلش کرامی و خذلان بود ﴾ Anuñ ḫāşılı ḫalālet ü ḫızlān ola. **Ḥāşıl**, ‘Arabīdür; «her nesnenüñ baḫıyyesi»ne dirler. Āḫirindeki **şīn**, zamīrdür; keslāna rāci‘dür. **Güm-rāḫī**, «azḡunluḫ» ma’nāsınadır. Āḫirindeki yā’ maşdariyyedür. **Vāv**, atıfedür. **Ḫızlān**, masdar-ı semā’īdür; «terk etmek ve rüsvāy ve ḫaṭ‘ eylemek ma’nālarınadır. **Buved**, kemā-merre «ola» dimekdür. Ma‘lūm ola ki ṭā‘atde kesel bi’l-küllıyye terk-i ‘amel degüldür. Belki edāda fütür ve evḫātde ḫuşūrdan e‘ammdur. (...) Pes nāzım, tehāvün-i ṭā‘āt-i İlāh olanuñ güm-rāḫ idigin beyān zeylinde rāḫ-ı uḫbānuñ ḫālını ‘ıyān idüp buyurur:

﴿ راه پر خوفست و دزدان در کمین ﴾ Yol ziyāde kōrkuludur ve uğrılar pusuda. **Rāh**, «yol» dimekdür. Murād; tārīk-ı āhiredür. **Pür-ḥavfest**, «korku ile memlûdur». Murād kesret-i ḥavfı beyândur. **Ü(vāv)**, «atıfedür. **Düzdān**, zamm-ı dāl-i [S253a] mûhmele ile «düzd»üñ cem'idür. Düzd, «uğrı»dur; 'Arabîsi «sarığ»dur. Bundan murād şeyâtîndür ki ahlâk-ı nâ-marzıyye ile müteḥallık olan nefs-i emmāreye qarîn olmağın insāna [Ü247b] iṣāl-i ḥasāret için; **der-kemîn**, «pusuda»dur. Lafz-ı kemîn bu maḳāmda kelime-i başıtdür; «pusu» ma'nāsınadır. Nitekim pusu yirine kemîngāh ve kemîngeh dirler. Ammā eksik ma'nāsına dāll olan kem ile yā'-i nisbet ve nûn-ı zā'ideden mürekkeb oldıḳda kemîn; «eksiklü» demek olur. Ve ma'nā-yı terkîbiden ismiyyete naql için āhîrine bir hā'-i zā'ide ile kemîne didikleri bundandır. Ma'lûm ola ki; rāh-ı Hāḳḳı insāna ḳaṭ' için şeyâṭînün raṣad-niṣn oldıḳı فیما قال ایتهی الیّ الکریم المستقیم āyet-i kerîmünün mantûḳından nümāyândur. Ve ğaraz tārāc-ı dîn ü imāndur; yoksa sā'ir a'dā gibi māl ü cān degüldür. Ve bağıyyesi ğāyet daḳıḳdur ki rûsûm-ı a'dā üzre cihāt-ı erba'adan insāna hücûm idicidür. (...[S253b]...) İmdi rāhuñ bu ğüne ḥavf u ḥaṭar oldıḳına āġāh olana her ġāh tedārük gerekdür. Nitekim nāzım ol tedārûke işāret için buyurmuşdur.

[Ü248a] ﴿ رهبری بر تا نمانی بر زمین ﴾ Bir mürşid ilet ki yir üzerinde ḳalmayasın. Murād; yolda ḳalmayasın dimekdür. **Rehberîde** yā vaḥdet içündür. Rehber, fi'l-aşl terkîb-i tavşîfidür. Ma'nāsı; «ḳulağuz»dur ki 'Arabîde mürşid ve delîl dirler. Bunda rehberden murād; t̄ā'âtdür ki şāḥibine ḳā'id-i cennāt u sebep-i ref'-i deracâtdur. Ba'zı nüṣhada rehberî yirine reh-revî vaḳı'dur. Reh-rev, sâlik ve velî ve şeb-bîdār ma'nâlarınadır. Nitekim evliyā vü sâlikân u şeb-bîdārân olanlara rāh-revân-ı seḥar dirler. Bu me'ânîde murād; yolculık it ya'nî Hāḳḳa sülûk itmege cehd eyle dimekdür. Ma'nā-yı mülâyim zāhirdür. Ve nitekim Hāfız *beyt*:

کاربان رفت و تو در خواب و بیابان در پیش

Kārbān ġitdi ve sen ḥ'ābda ve beyābān öñüñdedür.

کی روی ره ز که پرسى چه کنی چون باشی

Ḳaçan ġidersin, yolu kimden şorarsın, neylersin, nice olursın? Murād; āhîret tedārûkinde ġāfil olanlara naşîḥatdür ve bu ma'nāda *beyt*:

فرو گفت طیل شتر ساریان

بمنزل رسید اول کربان

beyt-i laṭîfî tedārük-i menzil-i 'uḳbānuñ lüzûmına tamām işāretdür. **Ber**, feth-i bā-i muvaḥḥide ve sükûn-ı rā'-i mûhmele ile emr-i ḥāzırdur. Ma'nāsı «ilet» dimekdür. Maşdarı zamm-ı bā' ile «bürden»dür. **Tā**, «tā ki»; **ne-mānî**, «ḳalmayasın»; **ber-zemîn**, «yir üzerinde» dimekdür. Yir üzerinde ḳalmaḳ, zillet ve güm-rāhî ve ḥayretten kināyedür. Ḥulāşa-i ma'nā; tā ki zelîl ü rezîl ü ḥayrân u ser-gerdān olmayasın dimekdür. Pes böyle olmamaġa rehberüñ lüzûmı āşḳārdur. Nitekim erbāb-ı sefer için الطريق الرفیق ثم النüktesi bedîdārdur. Ḥattā rehber, erbāb-ı seferüñ ḥaṭar-ı rāhına siperdür dimişlerdür. Nitekim Şā'ib:

خطر از قاطعان راه افزون راهبر دارد

که پیرو پیش رو از پیشرو دائم سپر دارد

maẓmūnından nūmāyāndur. Ve reh-revūñ lüzūmı daḡı *beyt*:

راھرو چون سیل می باید کہ بر دریا زند
پیش پای خویش دیدن راہ مارا دور کرد

beyt-i laṭīfından ʿyāndur. Ve sefer-i baʿīde ʿāzim olana sebūk-bārḡ lāzım idigin beyān için [S254a] nāzım eyidür:

﴿ منزلت دورست و بارت بس کران ﴾ Menzilūñ ıraḡdur ve yüküñ çok aḡırdur. **Menzilet**, «konacaḡ maḡallūñ» dimekdür. Zīrā menzil, ism-i mekāndur; konacaḡ yire dirler. Āḡirindeki tā, ḡiṭāb içündür. **Dūrest**, «ıraḡdur» dimekdür. **Vāv**, ʿāṭıfedür. **Bāret**, «yüküñ» dimekdür. Bār, yük maʿnāsınadır. Āḡirindeki tā, ḡiṭāb içündür. Bunda yükden murād, zūnūb u ʿuyūbdur. [Ü248b] **Bes**, feth-i bāʿ-ı muvaḡḡide ve sūkūn-ı sīn-i mūhmele ile bunda «niçe» yaʿnī «ziyāde» dimekdür. **Girān**, kesr-i kāf-ı ʿAcemī ile «aḡır» dimekdür ki ʿArabīsi «şaḡīl»dür. (...) Pes menzil-i ʿuḡbānuñ dūr ve ḡamūle-i zūnūbuñ bār-ı girān idigi meşhūrdur. Lākin ḡamūle-i zūnūbuñ taḡmīli Şeyḡ-zādenūñ beyānı üzre ḡaḡīḡīdūr. Nitekim eyidür: Şāliḡ olan müʾmin ḡabrinde ḡıyām itdikde bir zībā şüretlü ḡoş-bū nesne kendüye istiḡbāl idüp eyidür: “İy müʾmin! Ben senūñ şāliḡ ʿamelūñem, dünyāda niçe zamān ben saña bār olup rākib olmuşidüm. Bu ḡünki ḡün saña yārem. İmdi sen daḡı bu ḡün baña rākib ol” dir. Nitekim يوم نحشرالمتقين āyet-i şerīfindeki «vefden» kelimesini «rākiben» ile tefsīr itmişlerdür. Ve daḡı şaḡī vü ṭāliḡ ḡabrinden ḡıyāmında bir aḡbaḡ şüretlü bed-būy nesne kendüye gelüp: İy şaḡī! Ben senūñ ḡabīḡ ʿamelūñem dünyāda vāfir zamān baña rākib olduñ. İmdi bu ḡünki ḡün ben daḡı saña bār-ı girān olaraḡ rākib oluram diyüp üzerine biner. Nitekim وهم يحملون اوزارهم على ظهورهم āyet-i ʿāzīmüʾş-şānında buña işāret vardur dimişlerdür, intihā. Ve daḡı nāzımuñ bu mışrāʿında sebūk-bār olmaḡa terḡīb ve girān-bār olanı terḡıbe īmā vardur. (...[S254b]...) İmdi keyfiyyet böyle olunca tedārük-i ʿuḡbāya teşmīr-i dāmān birle:

﴿ کوششی کن و امان از دیکران ﴾ [Ü249a] Bir saʿy eyle, şāʿirlerden girü ḡalma. **Kūşış**ide olan şīn-ı şānī maşdariyyedür; bunda «çalışmaḡ ve saʿy itmek» maʿnāsınadır. Ve baʿzı maḡallde kūşış lafzı, yatıḡ didikleri zarf-ı şarāb ve ceng ü cidāl maʿnālarına da olur. Lākin bunda murād maʿnī-i sābıḡdur. Āḡirindeki yā ḡarfı vaḡdet içündür. **Kon**, emr-i ḡāzır «eyle» dimekdür. **Vā**, «girü» dimekdür. **Me-mān**, nehy-i ḡāzırdur; «ḡalma» dimekdür. Maşdarı ḡalmaḡ maʿnāsına olan «mānden»dür. **Ez-dīgerān**, «sāʿirlerinden» dimekdür. Sāʿir maʿnāsına olan «dīger»üñ cemʿidür. Maḡām ḡārīnesiyle dīgerāndan murād; reh-revān-ı ṭāʿat ü sebūk-bārān olan ehl-i cennetdür. والسبقون السبقون اولئکهم المقربون فی جنات النعيم ile nāʿil-i beşāret-i ḡazret-i Rabbüʾl-ʿizzet olmuşlardır. İmdi bu ḡürūḡ ile olmaḡ, saʿy-i ṭāʿat-i İlāḡ itmeḡe vābestedür. Nitekim rāḡ-ı pūr-ḡaṭarda dāmen-i saʿye miyāndan kūşāyış virmek ḡaḡḡında terk-i ṭūl-i emele ve kūşış-i ḡayr-ı ʿamele terḡīb buyurmuşlardır. (...) Pes nāzımuñ bu beyt-i sābıḡdan faşl ḡāʿidesi üzre girān-bār olanuñ ḡālī nice olur diyü suʿāl muḡadder peydā olmaḡın cevābına şurūʿ zımnında buyurur:

﴿ هرکه در ره از کران باران بود ﴾ Her kim ki yolda yüki aḡırlardan ola. **Her ki**, «her kim ki»; **der-reh**, «yolda»; **ez-girān-bārān**, «yüki aḡırlardan»; **buved**, «ola» dimekdür.

﴿ هر دمش از دیده خون باران بود ﴾ Her dem anuñ gözinden ƙan yağıcı ola. Veyā ƙan yağdırıcı ola. **Her dem**, «her nefes» dimekdür. Āhirindeki šīn, ẓamīrdür; «girān-bārān»dan olan kimseye rāci'dür. Ve ma'nāda **ez-dīde** kelāminuñ āhirine [S255a] merbūtdür; «ez-dīde'eş» ta'bīriyle ma'nāsı «anuñ gözinden» dimekdür. Zīrā dīde bunda «göz» ma'nāsınadır. Ve gāhī müşāhede ma'nāsına ve dīde-bān oturacağı dirāht veyā pūšte veyā cāy-ı bülend [Ü249b] ma'nalarına ve dīdbān ma'nāsına gellür. **Ĥūn-bārān**, vaşf-ı terkībīdür. Bir cüz'i ĥūndur ki «ƙan» ma'nāsınadır. Ve bir cüz'i bārāndur ki «yağıcı» ma'nāsına mübālağa veznindedür; maşdarı «bārīden»dür. Yāĥod «yağdırıcı» ma'nāsınadır; «bārānīden»den me'ĥūzdur. Aşlı bārān-ı ĥūn idi. Li-ecli't-terkīb kelām, tağyīr ü taqđīm ü te'ĥīr olup ĥūn-bārān olmuştur. Ma'nāsı; «ƙan yağıcı» yāĥod «yağdırıcı» dimekdür. Bu ta'bīr şidett-i bükādan kināyedir. Yāĥod yevm-i ƙıyāmetde 'uşāt yaş yirine ĥaĥīqaten ƙan ağlayacaĥdur didiklerine binā'endür. **Buved**, «ola» dimekdür. Nāẓım ol bār-ı girānuñ ne idigin min-vech beyān ẓımnında sebük-bārılığūñ lüzūmını 'ıyān idüp buyurur:

﴿ لاشه داری سبک کن بار خویش ﴾ Bir cīfe tūtarsın kendi yüküñi ĥafīf eyle. **Lāşe'**ide olan hemze vaĥdet içündür. Lāşe, Fārisīdür; «ĥayvāndan olan mürde»ye dirler ki Türkīde leş dirler. İsm-i 'āmmıdır. Ve gāhī ādem meytine daĥı dirler. Ve daĥı zebūn olan çār-pā ĥayvāna dirler. Mecma'u'l-Fürsūñ beyānınca ĥurde daĥı dirler. Ammā mā-naĥnū fihide ma'nā-yı evveldür ki 'Arabīsi «cīfe»dür. Murād dünyā-yı dündür. Nitekim الدنيا جيفة و طالباها كلاب dimişlerdür. Yāĥod mā-ye'ülün ileyh itibāriyle bundan murād; cesed-i insānuñ ĥālını beyāndur. **Dārī**, muzāri'-i muĥātabdur; «tūtarsın» dimekdür. **Sebük**, «yeyni» dimekdür ki 'Arabīsi «ĥafīf»dür. Yeyni başluya sebük-ser; ve yeyni ayakluya sebük-pāy; ve yüki yeyni olana sebük-bār didikleri lūğat-i Fārisīde meştūr ve leṭāfete ĥafīfligūñ lüzūmından nāşī laṭīf ü şīrīn diyecek yirde, sebük ü şīrīn ile edā ve sür'ati sebüklük ile ta'bīr idüp; 'alā-fevr virdi diyecek maĥallde 'Acemūñ «sebük dād» didigi meşhūrdur. **Kon**, emr-i ĥāzırdur; «eyle» dimekdür. **Bār-ı ĥ'ış**, izāfetle «kendi yükünü» dimekdür. Ya'nī; getürecegūñ bār-ı girān, 'ışyān-ı cīfe-i dünyādan nāşīdür. İmdi dünyāya 'adem-i meyl ile yüküñi yeyni idüp mā-lā-büddüñden ziyādeyi anda ṭaleb eyleme ki zaĥmetüñi degmez. Yāĥod encāmında mevt ü ƙubūr ile cesedüñ lāşe-i pūr-fütūr olacağı muĥarrerdür. İmdi kendi yüküñi ĥafīf eyle; yoksa yolda zaĥmet çekersin dimekdür. Qaldı ki yüki ĥafīf itmek ve menzil-i maĥşūda yetmek, göñlü 'alā'ıĥ-ı dünyādan ƙal'den 'ibāretdür [S255b] diyü *beyt*:

اكر دل از علائق كنده باشی

بمنزل بار خود افكنده باشی

[Ü250a] buyurmuşlardır. İmdi sebük-bār ol:

﴿ ور نه در ره سخت بینی کار خویش ﴾ Yoksa yolda kendi kārūñı ziyāde müşkil görürsin. **V'er ne**, «ve illā» dimekdür ki Türkīde «yoksa» dirler; «ve ger ne» kelimesinden muĥaffedür. **Der-reh**, «yolda» dimekdür; murād ṭarīĥ-ı āĥiretdür. **Saĥt**, bunda ismdür; aşl ma'nāsı «berk ve muĥkem»dür. Pes berklige katılık lāẓım geldiginden mecāzen «ƙatı» ma'nāsınadır ve bunda murād budur. **Bīnī**, «görürsin»; **kār-ı ĥ'ış**, «kendi işüñi» dimekdür. Ma'lūm ola ki cīfe-i dünyāya meyliden 'ibāret olan bār-ı 'ışyāñı ĥafīf

eylemek Hakkâ itâ'at ü 'ibâdetden 'ibâretdür. Ve böyle olan iki 'âlemde mazhar-ı râhatdur. Hattâ dünyâyâ 'adem-i meyleden nâşî fakr u fenâda olanuñ 'inde'l-mevt râhatı aġniyâdan efzûnterdür diyü *beyt*:

راحت مرک فقیر از اغنیا افزونترست

کفن تنک از پا برون کردن حضور دیکرست

buyurmuşlardır. Ve itâ'at üzre sebük-bâr olan, 'ibâdet-i Hakkâda pâydâr olmak gerekdür. Tâ ki anuñ ruġına her der küşâde ola diyü *beyt*:

در حلقه اطاعت حق پایدار باش

تا بر رخت کشاده شود هر دری که هست

Pes nâzım beyt-i sâbıkı mezîd tavzîh için eyidür:

﴿ چيست بارت جيفه دنيای دون ﴾ Senüñ yüküñ nedür?; cîfe-i dünyâ-yı dündür. **Çîst**, istifhâmdur. Aşlı «çi est» idi; taġfîfen «çîst» dinmişdür. Ma'nası «nedür» dimekdür. **Bâret**, «senüñ yüküñ» dimekdür. Bâr, «yük»; tâ, ġiţâb içündür. Me'al-i ma'nâ; gūyâ yüküñ nedür, bilür misin? diyü su'al 'aġabinde cîfe-i dünyâ-yı dündür diyü cevâba îmâ buyurmuşdur. Cîfe, 'Arabîdür; «ölmişüñ ġoġmış olan gövdesi»dür. Cem'î ciyef gelür. Mâ-ba'dine muzâfdur ve izâfeti beyâniyyedür. Âġirinde hemze izâfet içün gelmişdür. **Dünyâ-yı dün**, «alġaġ dünyâ» dimekdür. Dünyanuñ ne vechile dün idigi sâbıkan beyân olunmışidi. Hattâ dünyâ, zâtında dün u bî-miġdâr olduğından ednâlara mâ'ile bir ni'met-i zâ'iledür diyü *beyt*:

دنیا کند بدل سیهان میل بیشتر

از شش جهت بهند رود هر زری که هست

buyurmuşlardır. İmdi böyle bir dünyâ-yı dündür.

﴿ کز پی آن کشته زار و زبون ﴾ Ki andan ötürî zâr u zebûn olmuşsin. **K'ez-pey-i ân**, «ki andan [S256a] ötürî» dimekdür. Ve «anuñ eñsesinde» demek daġı ma'nâ-yı mülâyimdür. K'ez, «ki ez» lafzlarından muġaffedür. Pey, bunda maġâm-ı [Ü250b] ta'îlde vâġı' olmak zâhirdür. Sâ'ir ma'naları sebġ eylemişdür. Mâ-ba'dine muzâfdur. **Ân**, ism-i işâretdür; müşârun ileyhi, cîfe-i dünyâ-yı dündür. **Geşte'i**, feth-i kâf-ı 'Acemî ile «olmuşsin» dimekdür. «Geşten»den me'hûz ism-i mef'ûldür. Âġirindeki hemze 'alâmet-i ġiţâbdur. **Zâr**, bir ġaç ma'nâya gelür. Evvlen, nâlân gibi iñleyici dimekdür. Ve daġı zârîden gibi iñlemek ma'nâsına olur. Ve daġı riġġat-i ġâl dirler ki aşlı nizâdur. Ĥâl-i zâr didikleri bundandır. Bu ma'nâ 'Arabîden me'hûzdur. Nitekim: شكوت الى الزمان تحول حالى bu ma'nâya dâlldür. Bu maġâmda murâd rüşendür. Ve daġı ism-i mekân itibârıyla; gülzâr ve çemenzâr dinmişdür. Ba'zı nüshada zâr yerine ġor vâġı'dur. Ĥor, vâv-ı ma'dûle ile zelîl ü ġaġîr ma'nâsınadır. Bunda murâd budur. Ve daġı [Ü251a] âsân ve şûġ ve endek ve ġorende ma'nâlarına gelür. Meşhûrî bir evvelkinüñ ismidür ki Şeh-nâmede ġoġ gelür. **U(vâv)**, âtîfedür. **Zebûn**, feth-i zâ-yı 'Arabî ile «'âciz ü za'îf»dür. Maġlûb ma'nâsına olmak meşhûrdur. Ammâ Mîrzâ İbrâhîmde; bir metâ'ı behâsın almadın virmege dirler. Ve Şeref-nâmede; esîr ma'nâsına olmak meşhûrdur. Ve bu maġâmda bu ma'nâya olmak ġâyet mülâyimdür. İmdi bu maġûle cîfe belki cîfeden daġı dün olan dünyânuñ ardına düşen zâr u zebûn olmak vâreste-i ġayd u beyândur. (...) Pes bu

güne bār-ı murdārı bi'l-küllîyye terk ile iḥrāz-ı ḳurb-ı Cenāb-ı Ḳuds eylemek her vechile aḥsen ve vācibdür. (...) Pes nāzımuñ beyt-i sābıḳdan faşl ḳā'idesi ile, imdi ne itmek gerekdür ki bār-ı girānı taḥfif ve dil-i pür-derdi talḳif idevüz diyü su'āl-i muḳadder peydā olmağın cevāb ṭarīḳı ile eyidür:

﴿ وقت طاعت تیزو چون باد باش ﴾ Ṭā'at vaktinde yil gibi tiz yürüyici ol. **Vaḳt**, 'Arabīdür; «zamān» ma'nāsınadır. Ma'nāsında zarfiyyet melḥūzdur [S256b] ve mā-ba'dine muzāfdur. **Ṭā'at**, ma'rūfdur. Ve bu maḳāmda mu'ayyen ve maḥdūd olmaḳ zāhirdür. Zīrā şey'-i maḥdūda «mevḳūt» dirler; kendi için vaḳt ta'yin olunmaḳ ḥasebiyle. Nitekim Ḳur'ān-ı kerîmde موقوتا āyet-i şerîfin mefrūzan fi'l-evḳāt ile beyān buyurmuşlardır. **Tiz-rev**, terkib-i tavşîfidür; «serî'u's-seyr» dimekdür. Aşlı «rev-i tiz» idi. Rev, fethile emrdür; «git» demek ma'nāsına. Tiz lafzı mef'ûli idi. Mef'ûl fi'linüñ üzerine taḳdîm ü terkib olunmağın tiz-rev olmuştur. Tiz, imāle-i ḥarf-i yā ile aşl «nāfız» ma'nāsınadır ki Türkîde «geçer» dimekdür. Nitekim lafz-ı mezkûr tîre şîfat oldıḳda delmek ve tîga şîfat oldıḳda kesmek murād olup meşelâ beyt:

تیز مکن تیغ سخن در دهان

تا نبرد حلق ترا ناکهان

dirler. Bunun muḳābili zamm-ı kāf-ı 'Arabī ile «künd»dür; ma'nası ḡayr-ı nāfız dimekdür. Ḥattâ lisānı [Ü251b] bir nāfız nesneye teşbîh zımnında tiz ile tavşîf idüp söylerler. Ve ta'cîl ma'nāsında daḥı isti'māl iderler. Nitekim bunda murād böyledür. **Çun bād**, «yil gibi» dimekdür. Bu kelām tiz-rev kelāmının mütemmimidür. **Baş**, emr-i ḥāzırdur; «ol» dimekdür.

﴿ وز همه کار جهان آزاد باش ﴾ Ve cihānuñ cümle işinden fāriḡ ol. **V'ez heme kār-ı cihān**, tetābu'-ı izāfet ile ma'nā; «cihānuñ cümle işinden» dimekdür ki ma'nāda cümle ile ta'bîr olunur. Aslı «hem»dür. Âḥirindeki hā, ma'nā-yı aşlıden ma'nā-yı ḥāşş-ı 'alemiyyete naḳl için gelen hā'lar ḳabîlinden dūr. Kār, «amel» ya'nî işdür. Cihān bunda «dünyā» dimekdür. **Āzād**, «fāriḡ» dimekdür. **Baş**, emr-i ḥāzırdur; «ol» dimekdür. Ma'lûm ola ki nāzımuñ, mısrā'-ı evvelde ṭā'at lafzını ta'mîmi ḥasebiyle ma'nā-yı mısrā'-ı evvel, her bir ṭā'ate müsāra'at eyle dimekdür. Nitekim ماعذروا الى مغفرة من ربكم āyet-i şerîfin Muḳātil ḥazretleri bu vechile tefsîr buyurmuşdur. (...[S257a]...) Pes عجلوا بالصلاة قبل الموت mışdāḳınca ṭā'ate müsāra'at ve kesel ile terk ü tehāvün ve vaktinden iḥrāc yollu tekāsülden mücānebet ḥoşdur; ḳazāası vardır diyü te'hîre ḳoyan bî-namāzlaruñ yüzi ḳara vü elleri boşdur. (...[Ü252a]...) İmdi bu vechile ṭā'at-i muvaḳḳati vaktinde edāya müsāra'at ve ḳazāya ḳoymaḳdan mücānebetüñ lüzümü ma'lûm oldı. Ḳaldı ki zurefā-yı şu'arādan bir zarîfün şîr:

نمازرا بحقیقت قضا بود ممکن

ولیک صحبت جانان قضا نمیدارد

beyt-i laṭîfi zāhiren zarāfet ve ma'nāda cānāna müte'allîḳ olan kār-ı imrûzı ferdāya şalma dimege işāretdür. Yoksa şoḥbet-i cānāna, ṭā'at-i muvaḳḳati fidā eyle demek degüldür. Nitekim te'hîrden taḥzîr iden kāmiller ve kār-ı imrûzı ferdāya ḳoymayan 'āmillerden bir merd-i Ḥudā buyurmuşdur:

کار امروز مینداز بفردا زنهار

که بفردا چو رسی نوبت کار دگر است

ve dahı *beyt*:

ساقیا عشرت امروز بفردا مفکن

باز دیوان قضا خط امانی بمن آر

Der-Beyān-ı Hışāl-i Zemīme

﴿ چار چیز دیگر ای نیکو سرشت ﴾ İy yahşı tab'lu! Dört nesne dahı. **Çār çiz-i diğer**, «dört nesne dahı»; **iy nîkû-sirişt**, «iy yahşı tab'lu» dimekdür. İy, harf-i nidâdur ve mâ-ba'di münâdâdur. Nîkû, hûb ve yahşı dimekdür. **Sirişt**, kesr ile bunda ismdür; «müzâc ve tab' ve 'unşur ve hûy» ma'nâsinadur.

﴿ هست از جمله علائق نیک زشت ﴾ Cümle halkdan şudur itmek pek qabîhdür. **Ez-cümle** [S257b] **halâ'ik**, «cümle maḥlûḳâtdan» dimekdür. Ya'nî; cümle halâ'ikdan evvel dört nesnenün şudurı ve zuhûrî; **nîk zîşt**, «ziyâde kötü» dimekdür. Nîk, aṣl ma'nâda «hûb»dur ki muḳâbili «bed»dür. Lâkin bunda mecâzen ziyâde dimekdür ki Türkîde «pek» lafzı ile ta'bîr iderler. Zîşt, «çirkin» dimekdür. Ve eşyâ'-i erba'anun evveli ḥased; şânîsi 'ucb; şâlişi 'adem-i kazm-ı gayz; râbi'i buḥldür. Nitekim bu tertîb üzre nâzım eyidür:

﴿ زان چهار اول حسد کینی بود ﴾ Ol dörtten evvel ḥaseddür ki ol bir kîndür. **Z'ân çehâr**, «ol dörtten»; **evvel**, ma'lûmdur; mübtedâdur; [Ü252b] **ḥased**, haberidür. Ḥased ma'rûfdur ve şer'an ḥarâmdur. Ammâ gıbta, umûr-ı dînde mendûb ve umûr-ı dünyevîde mezmûmdur. (...) Ve ḥasedün ğavâ'ili sâbıkan beyân olunmuşdur. Ve ol ḥased didikleri nesne; **kînî buved**, «bir kîndür». Kîn, Fârisîdür; deründaki buğz u 'adâvetden 'ibâretdür. Nitekim Mîr Nizâmînün *beyt*:

بدر کن از دلت کین و عداوت

مکن از بهر دنیا را خصومت

beytinden mefhûmdur. Ve âhîrinde olan harf-i yâ vahdet içündür. Nisbet için olmak dahı muhtemeldür. Buved, bunda «est» ma'nâsinadur. Nâzımun ḥasedi beyânda; ol bir kîndür didigi, menşe'-i ḥasedi 'iyâna işâret içündür ki aña lisân-ı şer' de kesr ile «hıḳd» dirler; ğavâ'ili on birdür, kemâ-fî't-Ṭarîḳat.

﴿ زان گذشتی عجب خود بینی بود ﴾ Andan geçdün; ya'nî andan sonra çâr çizün şânîsi 'ucbdür ki ol kendi özin görıciliktür. **Z'ân güzeştî**, «andan şavuşduñ». Murâd; «andan sonra» dimekdür. **'Ucb**, zamm-ı 'ayn-ı mühmele ile luğat-i 'Arabîde «kendüsin görüp ululanmak»dur. İştîlâhda; 'amel-i şâilî ile istikâmetdür. **Ḥod-bînî**, âhîrindeki bâ'-i maşdariyye ile «özin görıcilik» dimekdür. Ḥod-bîn, terkîb-i tavşîfidür; 'Arabîsi «mu'cib»dür. **Buved**, bunda «est» ma'nâsinadur. 'Ucbün mezmûmiyyeti beyânında eḥâdîs-i keşîre vardur. Ez-cümle: **هکذا العجب العجب** kelâm-ı laṭîfî ve şâ'irün *beyt*: şerîfidür. Ve ḥazret-i 'Alî **هلاک المرء فی العجب** kelâm-ı laṭîfî ve şâ'irün *beyt*:

در دو عالم همی شود مذموم

نکند [S258a] سود ظالم خود بین

şîr-i münîfî (...[Ü253a]...)

﴿ خشم خود دیگر فرو نا خوردنست ﴾ Dağı kendi gâdabını aşağı yutmamaqdır. **Hışm-ı hod**, izâfet ile «kendi gâdabını» dimekdür. **Diger**, «dağı»; **fürû**, zamm-ı fâ ile «aşağı» dimekdür. Aşlı fürûd idi; âhirdeki dâl kaçır olunmuşdur. Muḳâbili «ferâ»dur. **Nā-ḥordenest**, «yutmamaqdır» dimekdür. Bundan murād kazm-ı gayz ve def-i gâdab itmek dimekdür. Sābıkan beyân olındığı üzre gâdab didikleri nesne, nefsuñ menfûrı olan şıḳleti defde nefis için ḥâşıl olan bir harekedür ki, ḳalbde olan ḳanuñ galeyânından ‘ibâretdür ki fi’l-ḥâl teşeffîden ‘acz sebebiyle bâtında setr ü ihfâdan bir ‘uḳde peydâ olur ve andan hıḳd u ‘adâvet ḥâşıl olur. Pes gâdabuñ ifrâtına tehevvr dirler. Tehevvr didigimiz ‘unf u ḥiddet ve ziyâde şiddeti müşmirdür. Ve gâdab mezmûmdur. (...[S258b, Ü253b]...) Ve nâzımuñ ‘adem-i kazm-ı gayzı herkes ḥaḳḳında ḳabîḥ ‘add eylediginde nükte-i ḥafıyye vardır. Murâdı; gâdab didikleri ḥüy-yı mezmûma mübtelâ, elbette düḳâr-ı ḳazâ olur; eger kazm eylemez ise dimekdür. Kazm-ı gayz eylemeyen hışmgınānuñ, kıştzâr-ı a‘mâl ve mezra‘a-i vücûd-ı bî-melâli ve ḥırmıni her aḥvâline ebr-i belâdan âteş-i sūzân rîzân olmaḳ ve telḥ-rûlîḡı miḳdârınca tîḡ-ı ḳazâdan zâtına zehr-i ḳahr cüyân olmaḳ âşkârdur. Nitekim Ḥ’âce Şâ’ibüñ:

بگشت خشمکینان آتش از ابر بلا ریزد

بقدر تلخ رویی زهر از تیغ قضا ریزد

beyt-i laṭîfinden bu ma‘nâ bedîdâr olmuşdur.

﴿ خصلت چارم بخیلی کردنست ﴾ Dördinci ḥaşlet baḥîllık eylemekdür. **Ḥaşlet-i çârüm**, «dördinci ḥaşlet»; **baḥîlî**, âhirinde olan yâ’-i maşdariyye ile «baḥîllık»; **kerdenest**, «eylemekdür» dimekdür. Ma‘lûm ola ki buḥl didikleri nesne, imsâk-i mâlde bir melekedür. Eşeddi, şer‘an veyâ mürüvveten veyâ fütüvveten bezl iḳtiżâ ider iken nefisinden buḥl eylemekdür. Ḳaldı ki bezl iḳtiżâ iden maḥalalde iḳtişâd [S259a] u ‘adâlet memdûḥdur. Zîrâ ifrâtına şer‘an isrâf dirler; isrâf ḥarâmdur. Ta‘rîfi; şer‘an ve mürüvveten imsâki vâcib olan yirde bezl eylemekdür; tefrîṭına buḥl dirler. Sebeb-i buḥl ekşer taşadduḳ veyâ kıvâm-ı beden veyâ ikâmet-i vâcib için olmayan mâle maḥabbetdür ki maḥabbet-i dünyâdan nâşîdür. Pes buḥl ü isrâf şer‘a muḥâlif olan yirde kerâhet-i tenzîhî ile mekrûhdur, kezâ-fî-Muḥtaşari’l-İhyâ. Ve nâsuñ ḡâyet ebḥalî, nām-ı Faḥru’l-enām ‘aleyhi efḍalü’s-selâmi istimâ‘da şalât u selâma ihtimâm eylemeyendür. Nitekim ḥadîs-i şerîfde ان ابخل الناس من ذكرت عنده فلم يصل على vârid [Ü254a] olmuşdur. Baḥîlân ḥaḳḳında belâ ve ‘aleyhlerine dâ’ir bed-du‘â çokdur. (...) Ve baḥîllık ḥüyunuñ mezmûmiyyeti ve buḥl ile mükteseb olan mâlüñ düḳâr-ı ḥadîs veyâ munteḳıl-i vâriş idigi beyân-ı sābıḳdan ma‘lûmdur. Nitekim bu mazmûna İmâda Ḥ’âce Şâ’ib iki beyt-i laṭîf îrâd buyurmuşdur ki anlar budur:

توانگری که باشد بخیر اقبالش

نصیب مردم بیکانه میشود مالش

گذشت خواجه و چون عنکبوت مرده هنوز

مکس شکار کند رشتہای آمالش

intihā. Hattā «medh, müşābih-i zemm» kāʿidesi üzre H^vāce-i mūmā-ileyh bir beyt-i laṭīfnde:

بخل از کرم بهست که بیحاصلان بخل

در هر جواب بنده آزاد میکند

diyü buyurmuşdur. Hasbe'z-zāhir buhlūñ keremden eyü oldığı şöyledür ki insan mışdāğınca erbāb-ı kerem, keremi ile ahrārı bende ider. Lākin baḥl olan erbāb-ı imsāk ve men'-i ihsāndan nāṣī ṭālibānına her bār “Ḥudā bi-dād” demek ile ribka-i rıkkıyyete bend olacak kimseleri ol kayddan āzād idüp, raqabe-i ahrār olamaz dimekdür. [S259b] Velākin erbāb-ı kerem daḥı keremine iğtirāren, ihsān-didesi olacak kimseye dürüşti izhārından hāzer gerekdür. Zīrā bu maḳūle kerīmden, mülāyemet ile def'-i sā'ilān iden ḥasīs yegrekdür diyü beyt:

باشد از ملایمت مردم خسیس

اهل کرم درشتی اگر با کدا کند

buyurmuşlardur. Ve fī-zamāninā ehl-i keremūñ hālleri bu gūne idigi bī-iṣtibāhdur. Belki ehl-i cihānuñ himmetinde resm-i 'aṭā, resīde-i rütbe-i ḥaṭā oldığı zurefānuñ:

رسم دهش ز همت اهل جهان مخواه

طفلند و دستشان بدهن آشناترست

beytinden nūmayāndur. Zīrā ebnā'-i cihān, tıfl-meşreblerdür. [Ü254b] Anlaruñ dest-i kerem-peyvestleri, kendi dehānlarıyle ziyāde āṣnādur. Ve buhl ü imsāke ekseriyyā 'illet, efzāyiş-i ruṭūbet-i ehl-i devletdür didikleri vaḳ'a-i Kārūndan nūmayāndur. Nitekim ebnā'-i cihāndan, resīde-i rütbe-i vālā-yı ḡinā olanlaruñ devleti efzāyiş buldıḳca şadā-yı ihsānları şunda ḳalsun; ruṭūbet-i māl, zātların pür-kelāl ve zebān-ı şöhetlerin lāl eylemişdür. Binā'en 'aleyh H^vāce Şā'ibūñ beyt:

دل ارباب تنعم ز نوا می افتد

جام لبریز چو کردد ز صدا می افتد

buyurdığı beyt-i laṭīfūñ ma'nā-yı dilārāsına Rāḡıbu'l-vezīr beyt:

Kāse-i faḡfūr leb-rīz olıcaḳ virmez şadā

Şervet efzāyiş bulınca aḡniyā ḥissetlenür

beytiyle īmā buyurmuşdur. Hıṣāl-i mezkūre, ḥāşşaten ḥaşlet-i buhliden ḥazerūñ lüzümü zāhir olmaḡın nāzım te'kīden li-sābıḳ eyidür:

﴿ ای پسر کم کرد کرد این خصال ﴾ İy oḡul! Bu ḥaşletlerūñ çevresine az ṭolan. Murād; ḥiç

ṭolanma dimekdür. **İy püser**, «iy oḡul»; **kem**, fetḥ-i kāf ve sükūn-ı mīm ile «eksik» dimekdür. **Gerd**, fetḥ-i kāf-ı 'Acemī ile emr-i ḥāzırdur; «ṭolan» dimekdür. Maşdarı «gerdiden»dür. **Gird**, kesr-i kāf-ı 'Acemī ile «degirmi» ma'nāsınadır. Mecāzen «cem» ma'nāsına müsta'meldür. Pes degirmilige çevrilmek lāzım geldiginden gird-i āba «girdāb» dirler; kendüde şu çevrilüp degirmilendigi için. Ve iki ḳat dā'ireye daḥı gird-ā-gird dirler. İmdi bu maḳāmda gird kelimesi «dā'ire» ma'nāsına olmaḳ rüşendür. Mā-ba'dine

muzâfıdır. Muzâfun ileyhi olan **în hıṣāl**, «bu haşletler» demekdür; işâret hıṣāl-i erba‘a-i mezkûreyedir. İmdi, bu hıṣāl-i erba‘anın dâ’iresine tolanma.

﴿ ان برآی آنکه زشت است این فعال ﴾ Anuñçün ki bu fi‘âl-i qabîḥdür. **Ez-berây-ı ân ki**, «anuñçün ki» ma‘nâsınadır; mısrâ‘-ı evvelüñ maзмününü işbâta ‘illetdür. **Zişttest**, «çirkindür». **În fi‘âl**, [S260a] «bu işler» demekdür. Fi‘âl, kesr-i fâ ile cem‘dür; «işler ve ‘ameller» demekdür.

﴿ غل و غش بکنار چون زر پاک باش ﴾ Gıll u gıṣṣı terk ile altun gibi pāk ol. **Gıll**, kesr-i ğayn-ı mu‘ceme ve teşdîd-i lām ile Fārisîde «karışmış nesne» ma‘nâsınadır; zıddı «şâf» dur. Binā‘en ‘aleyh mağṣûş olan nesneye gıll u gıṣṣı dirler. Ve gıṣṣı, gıll üzerine ma‘tûfdur. **Gıṣṣı**, kesr-i ğayn-ı mu‘ceme ile Fārisîde «hıyânet» ma‘nâsınadır. Bunda murād zâhirdür. Ma‘tûf ile ma‘tûfun ‘aleyh muḳaddem-i [Ü255a] mef‘ûldür. Fi‘li **bügzâr** kelimesidir ki «terk» ma‘nâsına emr-i hâzırdur. **Çün zer**, «altun gibi» demekdür. Zer, altun ve akçaya dirler. Akça, Türkîde müsta‘mel olduğu gibi Fārisîde daḥı ma‘nâ-yı mezkûrda müsta‘meldür. Nitekim şâ‘irüñ *beyt*:

مژدگانی کل از غنجه برون می آید

صد هزار اقبه بریزند در ختان بهار

beytinden âşkârdur. **Pāk bāṣ**, «pāk ol» demekdür. Pāk bunda «tâhir» ma‘nâsına ve gâh Fārisîde «tamām» ma‘nâsına ve daḥı «heme» ma‘nâsına gelür. Nitekim Sührâbuñ mâteminde vâlidesinüñ lisânından Firdevsî eyidür:

در خانها را سیه کرد پاک

Bunda pāk lafzı heme demekdür. Pes nâzımuñ bu mısrâ‘ı îrâddan murâdı hıṣāl-i erba‘a-i qabîḥa ile âmîḥteligi terk ve ḥâliş altun gibi pāk ol ya‘nî qalbünü kûdürât-ı qabîḥadan taḥîr ü taṣfiye eyle demekdür. Qaldı ki bu vechile taḥîr, qalb-i mağṣûşı merhûn-ı pûte-i riya‘ât ve maḳrûn-ı kânûn-ı kâr-ḥâne-i ḥikmet idüp, nâr-ı nedâmet ile pür-süz ve hevâ-yı maḥabbet ile şu‘le-efrûz kılup, zuhûra gelen evsâḥ-ı ğıll u ğıṣṣı ve kederden şâf ve zer-i ḥâliş gibi kâl eylemege is‘âf gerekdür. Tâ ki sūḳ-ı ḥaḳîḳatde miḥakk-zede-i qabûl ve naẓar-ı fâḳıdda maḥbûb u maḳbûl ola. Yoksa bâṭını âlûde-i ğıll u ğıṣṣı olan zerüñ zâhiri sikke-şûret ve her ne kadar pākîze-kıyâfet olsa bâzâr-ı rûzgârda nuḳûş-ı zâhirisine i‘tibâr olunmaz. Anuñçün nâzım; “altun gibi pāk ol” didiginde, ol altunuñ maḳrûbiyyetine ta‘arruż buyurmadı. Qaldı ki bunda erbâb-ı kulûb, bî-‘uyûb ve altun gibi zerd-rûy u pākîze-üslûb gerekdür dimege îmâ vardır. Ve altundan murâd; tibr olmak, mısrâ‘-ı şâniden rûşendür. Ya‘nî, ḥâk-i pāk ol demekdür. Ve erbâb-ı taṣavvufuñ nefse riya‘ât ile cefânüñ sebebi tâ ki zer-i qalb, kûdürât-ı nefsâniyye ve ğıll ü ğıṣṣı-ı cismâniyyeden pāk ola didikleri ma‘nâ-yı mezkûrcadur. Nitekim ḥazret-i Mevlânâ Meşnevîde [S260b] buyurmuşdur:

بهر آنست این ریاضت این جفا

تا بر آرد پوته از نقره جفا

Cefâ, evvelde fetḥiledür; ma‘lûmdur. Şânîde zammiledür; «zebed» ma‘nâsınadır. Pes nâzımuñ zer ta‘bîri, qalb irâdesiyledür; Mevlânânuñ nuḳre ile sîm ta‘bîri ruh irâdesiyledür. Ta‘bîreynde olan leṭâ‘if, ehline ma‘lûmdur. Ve pāk olan merdûñ ekmeliyyeti beyânında nâzım eyidür:

﴿ پیش از انکه خاک کردی خاک باش ﴾ Andan öndin ki [Ü255b] hāk olursın; hāk ol. **Piş ez-ān ki**, «andan muḳaddem ki» dimekdür. **Hāk kerdī**, «toprak olursın» dimekdür. Bundan murād; perverde-i ni‘am-ı dünyā olan ten, ḳarīn-i mevt ü fenā olmaḳ muḥaḳḳaḳdur dimege imādur. Pes bundaki hāk, hāk-i bedenden ‘ibāretdür. İmdi **Hāk bāş**, «toprak ol» ya‘nī mütevāzī‘ ve ṭarīḳ-ı ḥubb-ı İlāhīde fānī ol dimekdür ki buña lisān-ı şūfiyyede maḥv dirler; nihāyeti şahvdur. Murād; evşāf-ı beşeriyyet olan nefsāniyyet ve gıll ü gışşa dā‘ir ḥıyāneti kendünnden dūr idüp موتوا قبل ان تموتوا emriyle ‘āmil ve mertebe-i fenā-ender-fenāya varmaḳ ile ḳurb-i Haḳḳa vāşıl olmaḳı beyāndur. *Hikāyet*: Rivāyetdür ki bir naḥv-ḥ‘ān kimesne bir vaḳtile sefer-i deryā murād idüp, sefīne-süvār oldıḳda ḥod-perstlikden nāşī mellāḥa eyidür: “Ādem! Sen zamānuñda hīç naḥv oḳuduñ mı?” Mellāḥ eyitdi: “Lā” Pes naḥv-ḥ‘ān eyitdi: “Vāh ki ‘ömrüñüñ nişfını zāyi‘ itmişsin” Ol zamān mellāḥ egerçi ḳatı dil-teng oldı. Lākin şabr ile sūkūt eyledi. Nā-gāḥ hubb-ı bād-ı muḥālif ile sefīneleri bir girdāba düşdi. Mellāḥ bülend-āvāz ile eyitdi: “İy naḥv-ḥ‘ān efendi! Hīç deryāda şināverlik bilür misin?” Eyitdi: “Lā” Pes mellāḥ eyitdi: “İy naḥvī! ‘ömrüñüñ cümlesi fenāya gitdi. Zīrā keştī bu girdābuñ ḡarīḳı olmaḳ muḳarrerdür. İmdi bu maḥallde maḥv gerek; naḥv gerekmez” intihā. Pes bu ḳışşadan ḥışşa budur ki; esrār-ı İlāhī deryāsında şikeste olan keştī-i vücuda, ‘ilm-i naḥv yirinde olan ḳıl ü ḳālūñ fā‘idesi olmaz. Belki fā‘ide ‘ilm-i maḥvdadur. Zīrā āb-ı deryā, mürdeyi baş üzre tutar. Evliyā-yı kirāmuñ rüy-ı deryāda māşiyyen devr eyledigi bu ma‘nācadur ki anlar, mertebe-i maḥv u fenāda kāmīl ü Haḳḳa vāşıllardur. Ammā zindevi ḡarḳ u helāk eyler idi. Hāk olmazdan evvel hāk olan pākler, emīn-i varṭa-i helāk olmuşlardur. Ve mütevāzī‘ olan daḥı ref‘u’ş-şān idigi من تواضع رفعه الله [S261a] ḥadīş-i şerīfinden nümāyāndur. Ve ḥadīş-i şerīf-i diğerde بعض على لا يبغي تواضعوا حتى لا يبغى بعضك ان الله اوحى الى ان تواضعوا حتى لا يبغى بعضك على بعض ḥadīş-i şerīf-i diğerde بعض على لا يبغي تواضعوا حتى لا يبغى بعضك ان الله اوحى الى ان تواضعوا حتى لا يبغى بعضك على بعض vārid olmuşdur. İmdi mütevāzī‘a «ḥākī-meşreb» ta‘bīri, bu mışrā‘da hāk bāş emrinden mütevāzī‘ ol ma‘nāsını irādeye münāsebet zāhirdür. Ba‘zı nüşhalarda bāş kelimesi yerine «şev» kelimesi vāḳırdur. Ma‘naları [Ü256a] birdür.

﴿ حرص بكنار و قناعت پيشه كن ﴾ Hırşı terk eyle ve ḳanā‘ati ‘ādet eyle. **Hırş**, ma‘rūfdur. **Bügżār**, emr-i ḥāzırdur; «geç» ya‘nī «terk eyle» dimekdür. **U(vāv)**, ‘āṭıfedür. **Ḳanā‘at**, ma‘rūfdur. **Pişe kon**, «‘ādet ü sıfat eyle» dimekdür. Pes hırş ile ḳanā‘at birbirlerine zıddlardır. Hırşuñ mezmūmiyyeti ma‘lūm u meşhūrdur. Ḥattā ḥarīşı ilzāmda Muḳaṭṭa‘āt şāḥibi *naẓm*:

روزئ مرد چون رسد آسان
زن ازو به اكر خورد دشوار
چه نهی زر زخیره از پی جهل
زر نباید پس از حیوة بكار
آدمی چون بمرد و بادش برد
بر نخیزد ز خاک دیگر بار

ebyātı ityānına ibtidār buyurmışdur. Ve fi‘l-ḥaḳīḳa teceddüd-i yevmde teceddüd-i rızḳ meczūm iken rızḳ-ı muḳadderin fikr ile iddiḥār-ı zer iden ḥarīşuñ mezmūm idigi ma‘lūmdur. Anuñçün zuraḫādan biri *beyt*:

هرچه داری شب نوروز بمی ده ساقی

غم روزی چه خوری روز نو و روزی نو

diyü buyurmuşdur. (...) Hülâşa-i kelâm harîş olanuñ ‘âkıbet mâli pâymâl ve kendüsi helâk ve giriftâr-ı vebâl olur. Nitekim H^vâce Şâ’ibüñ:

بر نمی آید بقانع زور بازوی حریص

از لعاب عنکبوتی میشود عاجز [S261b] مکس

beytinde kâni'ûñ gâlib ve harîşuñ mağlûbiyyetine delâlet vardır. Lâkin kâlîl ile iktifâ dâ'imâ gerekdür ki aña kanâ'at dine. Anuñçün nâzım kanâ'ati [Ü256b] pîşe eyle diyü bu nükteye işâret buyurmuşdur. Qaldı ki hırşî terk ve kanâ'ati 'âdet eylemek kişi encâmını ve mevt ü fenâsını yâd ile âhîret içün tedârük-i zâd eylemekden peydâ olur dimege işâret ve harîşânı ilzâma mübâderet içün nâzım eyidür:

﴿ آخر از مردن یکی اندیشه کن ﴾ Āḥir ölmekden bir fikr eyle. Yaʿnî; encâm-ı kârûnî mevt ü fenâ oldıgım fikr eyle ki hırşı târik ve iʿtiyâd-ı kanâʿat birle tedârük-i zâd-ı ʿuḡbâya sâlik olasın. **Āḥir**, «âķibet», **ez-mürden**, «ölmekden»; **yekî endîşe kon**, «bir fikr eyle» dimekdür. Zîrâ mevtüñ vürüdî bedîhîdür ki an ḥadîs-i münîfî mezâmîn-i ḥadîs-i şerîfî ve daḥı ساع غاية و غاية كل ساع الموت كل نفس نائقة الموت celîlelerinden tenbîh zâhirdür. Ve bunda nâzım اكتروا ذكر هادم اللذات ḥadîs-i şerîfine telmîḥ eylemişdür. Mevti çok çok zıkr idüñüz dimekdür. Mevti çok zıkr itmek, encâm-ı kârı mülâḥazadan ʿibâretdür. (...[S262a, Ü257a]...) İmdi sîret-i enbiyâya iḡtizâ iden, eyyâm-ı ʿömr-i ʿazîzin ḥazret-i Dâvûd ʿaleyhi's-selâm gibi taḡsîm ve zıkr-i mevt ile kanâʿati ihtiyâr ve zâd-ı ʿuḡbâyı tetmîm eylemek gerekdür. Ammâ sîret-i ḥʿacegân-ı dünyâya ittibâʿ iden ḥarîşân gibi ʿömrini ḥʿâb u ḥʿâr ile hırş-ı cemʿ-i zere taḡsîm eyleyenüñ ḥâlini mâlinden fehmi itmek gerekdür.

Der-Beyān-ı ‘Alāmet-i Müdbirī

{ چار چیز آمد نشان مدبری } Dört nesne müdbirlige nişan geldi. **Nişan**, kesr-i nūn ile bunda «alāmet» maʿnāsınadır. **Müdbir**, mücrim veznindedür; Fāriside «menkūb u maḡlūb» maʿnāsına müstaʿmeldür ki «işi girtüye kalup ilerü gelmeyene» dirler. Āhirindeki yā maşdariyyedür.

﴿ یاد کیرش کر تو روشن خاطری ﴾ Anı yād tūt eger sen rūšen-dil iseñ. **Yād gîreş**, «ol dört nesneyi zıkr ile añ» dimekdir. Şîn, zamîr-i gâ'ibdür. Lafzı itibârıyla «çâr çiz»e râcî'dür ki müfred gelmişdür. **Ger**, egerden muhaffefdür. **Tu**, hitâb içündür. **Rûşen**, meşhûr olan zamm-i râ iledür. Lâkin Şerh-i Cevherede cevşen veznindedür diyü fethile olmasın beyân buyurmuşlardır. Ma'nâsı «zıyâ vü aydın»dur. Pes aydınlık nehârûñ lâzımı olmağıla rûz-ı rûşen dirler. Ve sâ'ire dahı şıfat düşürüp; rāh-ı rûşen ve mā-nañnū fihiniñ aşlı gibi hâţır-ı rûşen dirler. İmdi hâţır-ı rûşen terkîbinde, terkîb-i tavşîfî kıâ'idesince taqđim ü te'hîr ve kaç-ı izâfetle rûşen-hâţır demişlerdür. Vâzıhu'l-fıkr olan içün 'alemdür. Âhîrindeki yâ, hitâb içündür.

﴿ مدبری باشد بابله مشورت ﴾ Aḥmak ile meşveret müdbirlik ola. Ya'nî; menkübiyyet ü bed-bahtlık hâletlerine sebeb ola. **Müdbirî**, «bed-bahtlık»; **bâşed**, «ola»; **be-ebleh**, «aḥmak ile» dimekdür. Evvelde olan harf-i bâ muşâhabet içündür. **Meşveret**, ma'rûfdur. Evvelâ ma'lûm ola ki nîk ü bed bir

maşlahatı ru'yetinden muḳaddem 'uḳalā ile meşveret sünnetdür. Ve senüñle müşāvere murād idene rāst-gūy olmak gerekdür. Pes rāst-gūyluḳ ancak 'uḳalādan me'müldür. Nitekim المستشار موتمن [Ü257b] ḥadīs-i şerīfinüñ tercemesinde *terceme*:

İtme her şahşı rāza maḥrem sen
Maḥrem-i istiṣāre ile ḥazer
[S262b] Müsteşār ola mü'temen tā ki
Olmaya reh-nümā-yı şavb-ı ḥaṭar

dinmişdür. Buña göre, ṭā'ife-i nisvān ile olan meşveretüñ ḥilāfınca 'amel gerekdür didikleri, ol ṭā'ifenüñ nāḳıṣatü'l-'uḳūl olduğına maḥmüldür. Cüvānān maḳūleleri ke-zālik şāyān-ı meşveret degüllerdür. Zīrā الشباب شعبة من الجنون ḥadīs-i şerīfi üzre anlarda tamāmiyyet-i 'aḳl mutaşavver degüldür. İmdi ḥumeḳā vü eblehānuñ şāyān-ı meşveret olmadıkları bundan nümāyāndur. Eblehānuñ pīr ü cüvānı ḥükmd e yek-sān ve anlar ile meşveret bā'is-i idbār u nekbetdür didigümüz bundan nümāyāndur. Qaldı ki bir umūrda meşveret eyledigüñ kimesnede 'aḳl u kemāl ve iki ricāl lāzımdur. Biri, ḥaḳḳ-gūyluḳda elmāsāsā cevher-düz ve biri şüret-i şıḏḳı senüñle sır u 'alāniyyede mütteḥid ü dil-fürüz olmaḳdur. Tā ki şahīfe-i dil, müşāvereden izāle-i ḡubār-ı keder eyleyeler. Böyle olan dost-ı kāmilüñ kelāmı ferd-i kāmil olmaḳın müşāvir, ol ferd-i kelāmı cümle-i dilde müzāvece itmek gerekdür ki ol umūrda nefice nümāyān ve gül-bün-i bāḡ-ı devleti ḥandān ola. (...)

﴿ هم بجاهل دادن سيم و زرت ﴾ Hem cāhile māl virmeklikdür. **Hem**, bunda «daḡı» dimekdür. **Be-cāhil**, «cāhil ile» dimekdür. Bunda cāhilden murād; sefih ü nāḳıṣu'l-'aḳldur. Bā, şıla içündür. **Dāden**, maşdardur; «virmek» ma'nāsınadır. Mā-ba'dine muzāfdur. **Sīm ü zer**, «gümüş ve altın»dur. Pes bu mıṣrā'-ı pāküñ mebnā 'aleyhi; esta'īzū bi'llāh ولا تؤتوا السفهاء اموالكم التي جعل الله لكم قياما و ارزقوهم ḥadīs-i şerīfine imādur. [Ü258a] Ḥiṭāb-ı şerīf, rüşdi olmayan süfehānuñ evliyāsınadır. Emvālüñ evliyāya izāfeti, emvāl evliyānuñ taşarrufında olduğu [S263a] ḥasebiyledür. Pes bī-rüşd olanlara süfehā tesmiyesi 'aḳllarını istiḥfāfen ve nefsleri üzerine ḳavvām kıldığını istiḥcānendür. Zīrā sefeh, «nokşān-ı 'aḳl» ma'nāsınadır. Rüşdi olmayana māl i'tāsından nehy, telefleri ihtimālindendür. Anlara ancak nafaḳa ve levāzım-ı zarūriyye-i sā'irelerin i'tāya me'mūr olan evliyāları anları taṭyīb için tekellüm-i ḳavl-i ma'rūf ile me'mūrlardur. Ḳavl-i ma'rūf anlara ḥiṭābda; mālūñuzı sizüñ için ḥıfz u ḥimāyet ve telefden şıyānet iderüz dimekdür. Qaldı ki ḥadd-i rüşde bülūḡlarında mālların kendülere teslim lāzımdur. Ḥadd-i şerī yigirmi beş yaşına bülūḡlarıdır ki ol sinde dede ḥükmine girerler, intihā. Ve nāzımuñ kelāmındaki cāhilden ta'mīm ḳaşd olunmaḳ daḡı muḥtemeldür ki; işinüñ idāresine ḳādir olmayanlara māl virmek ve ol maḳūle kimesneleri işe kullanmaḳ menkübluḡa sebebdür. (...)

﴿ هر که پند دوستان نکند قبول ﴾ Her kim ki dostlaruñ naşīḥatini [Ü258b] ḳabül eylemez. **Her ki**, «her kim ki»; **pend-i dōstān**, izāfetle «dostlaruñ naşīḥatini» [S263b] dimekdür. **Ne'kned**, nefy-i istiḳbāl-i müfred-i ḡā'ibdür; «eylemez» dimekdür. Kāfuñ sükūnı ile oḳınması zarūret-i vezn içündür. **Ḳabül**, ma'rūfdur. Pes bunda birkaç nesneye imā vardır. Evvelen, ādeme lāzım olan dostlar şāḥibi

olmağdur. Sāniyen, ol dost ittiḥāz itdigüñ kimesne saña ḥayr-ḥāh u nāṣih olmağ lāzımdur. Sālisen, dostuñ naṣihātini qabūl itmek gerekdür. Ve illā:

﴿ در حقیقت مدبرست آن بوالفضل ﴾ Ol nā-maḥkūl kimesne ḥaḳīḳatde müdbirdür. **Der-ḥaḳīḳat**, «fī-nefsi'l-emr» dimekdür. **Müdbirest**, «idbārdur» dimekdür. Bu kelām muḳaddem-i ḥaberdür; mübtedāsı **ān bū'l-fuḍūl**dur ve ma'nāda «ziyāde nā-maḥkūl» dimekdür. İmdi dostlaruñ pendini 'adem-i qabūl, ziyāde nā-maḥkūl idigi āṣkārdur. Nitekim Mevlānānuñ Meṣnevīsinde:

پیش عزت باشدت ای نادره

چون شدی تو حمرة مستنفره

beyt-i laṭifinden zāhirdür. Nitekim mev'ızayı qabūlden firār iden küffarı Qur'an-ı kerîminde Hudā کانهم beyt-i laṭifinden zāhirdür. Nitekim mev'ızayı qabūlden firār iden küffarı Qur'an-ı kerîminde Hudā ile beyān eylemişdür. Ma'nā; ke-ennehum anlar vaḥṣī merkeblerdür ki arslardan yaḥod sayyāddan firār eylediler dimekdür. Ḥattā Mevlānānuñ beyt-i sābıkın beyānda ṣāriḥler, ḥımār-ı vaḥṣīnūñ ṣayd u ḳatlinūñ cevāzına firārın nükte virüp, ḥımār-ı ehlī zimāmından yedilüp ve sā'ıḳuñ sözine göre yürüdiginden zebḥ ü ḳatlden ḳurtulmuşdur dimişlerdür. Ke-zālik küffāruñ qabūl-i mev'ıza-i imāniden firārları, ḳatilleriyle seby-i evlād ü 'ıyāl ve ḥıll-i aḥz-i māllarına sebeb olmuşdur. Ve pend-i dostanı qabūl itmeyenlere mütemerrid dirler. Ve bu temerrüd ü ibāya sebeb, ekṣer kibr ü 'ucüb u riyyā vü ḥıkd u ḥased ü ḥırṣ u ṭama' u ittibā'-ı hevā mişllü aḥlāk-ı nā-merzıyyedür. Ve ḥaḳḳ olan pendi inkār idene ṣer'an mekābir dirler. Mekābirenūñ mezmūmiyyeti ma'lūmdur. Nāzımuñ bu beytinde, pendümi qabūl itmeyen müdbirdür dimege işāreti vardur dinmek mümkündür. (...[S264a, Ü259a]...) Qaldı ki naṣihāt ṣadedinde olan kimesnenūñ ḥaḳīḳī dost olduğunu bilmek diler iseñ evvelen kendi ḳalbūñe mürāca'at eyle. Nitekim buyurmuşlardur:

Āgāh olayum dirseñ eger ḥāline yāruñ

Āmāc-ı siḥām-ı nigeḥ it yoḳla derūnuñ

Sāniyen, ol dostluğ iddi'ā iden kimseyi, istiḳrāz ile tecrîbe miḥakkine sürmek gerekdür. Nitekim buyurmuşlardur Ṣā'ib:

معیار دوست دغل روز حاجتست

قرضی برای تجربه از دوستان طلب

Pes senden mālını dirîğ u men' tutanuñ dostluğı, bünyān-ı bī-esāsāsā sāḥtedür. Ve sāḥte dostluğa ise i'timād gerekmez. Nitekim:

تکیه بر دوستی ساخته خلق مکن

کین بنایست که نا ساخته زیر و زبرست

diyü buyurmuşlardur. Fi'l-ḥaḳīḳa bu maḳūle dostuñ naṣihāti kendi gibi bī-üstvār ve 'adem-i qabūl-i gūftārına sezāvār olur. Ammā ḥaḳīḳī dostuñ pendini 'adem-i qabūl, bā'is-i idbār ve andan incinmek kendi ḡalaṭını iḳrārdur. Nitekim:

ز دوست دوست نرنجد بهیچ تقصیری

اگر برنجد او کوید دوستم غلطست

diyü buyurmuşlardır. Ve çār çīzūñ rābī'i budur ki nāzım eyidür:

﴿ هرکه از دنیا نکیرد عبرتی ﴾ Her kim ki dünyādan bir 'ibret tıtmaz. Ya'nī dünyāya 'ibret nazarıyla bakmaz. **Her ki**, «her kim ki»; **ez-dünyā**, «dünyādan»; **ne-gīred**, «tutmaz»; **'ibretī**, yā'-i vaḥdet ile «bir 'ibret» dimekdür. Yā'-i mezkūrı ta'zīm için kılmak daḥı mülāyimdür. 'İbret, kesr-i 'ayn-ı mühmele ile «geçmiş nesnelere i'tibār nazārın şarf itmek» ma'nāsınadır. Bunda daḥı murād budur. Ammā feth-i 'ayn-ı mühmele ile «göz yaşı» ma'nāsınadır. İmdi: فاعتبروا يا أولى الابصار emriyle cihāna şarf-ı nazār-ı i'tibār gerekdür. Zīrā dünyā bir vīrāne-i 'ibret-hānedür. Ḥattā كفى بالموت واعظا ḥadīs-i şerīfi mazmūnınca; mevt-i dīgerān kadar 'ibret olmaya dimişlerdür. Nitekim *terceme*:

Saňa her dem bu cevher-i kelimāt
Olmağa zīb-i gūş-ı cān besdür
[Ü259b] Ādeme itti'āz-ı 'ibret için
Yalıñız mevt-i dīgerān besdür

nazm-ı münifī bu ma'nāda zāhirdür. Ve dīger ḥadīs-i şerīfde من وعظ بغيره [S264b] vāķı'dur. Nitekim ma'nā-yı şerīfde *terceme*:

Bu raşad-hāne-i fenāda odur
Merd-i nīk-aḥter ü sa'ādetmend
Görüp ekdār-ı dīgerānı çeke
Dīde-i i'tibāra sürme-i pend

buyurmuşlardır. Ve eslāfuñ ḥāl-i şān-ı 'ibret-nişānını tefekkür ü tedebbürüñ lüzūmında nāzım Müferriḥ-nāmesinde *beyt*:

چرا عبرت نکیری از زمانه
که خواهی شد تو نیز آخر فسانه

diyü buyurmuşdur. (...) İmdi dünyādan 'ibret almayan idbār olmağın:

﴿ هست ازان مدبر جهانرا نفرتی ﴾ Cihān ḥalkına ol müdbirden nefret-i 'aẓīm vardır. **Hest**, «vardur»; **ez'ān müdbir**, «ol müdbirden» dimekdür. Müdbir, muḳbilūñ muḳābilidür; ma'nāsı ma'rūfdur. **Cihān-rā**, ḥazf-i muzāf ile «ḥalk-ı cihān-rā» ya'nī «cihān ḥalkına» dimekdür. Murād; kendi zamānının ḥalkına dimekdür. Cihān, dünyā ma'nāsına olmak daḥı mülāyimdür. Nefretide yā, ta'zīm içündür. Nefret, fethile tağılup kaçmak ma'nāsınadır. Pes nazār-ı 'ibretten ḥālī olan idbār-ı lā'ubālīden ḥalkuñ nefreti birkaç veche muḥtemeldür. Evvelen, sīmāsında nişāne-i idbār olduğından yaḥod kendüde başār-ı fikret ü nazār-ı 'ibret bedeli nazār-ı şehvet bulduğundan menfūr-ı enām ve her meclisde müstesḫal-i ḥavāşş u 'avāmm olduğına binā'endür. Yāḥod ḥazfden selāmet ūlā olmak ḳā'idesince, cihāndan nefsi dünyā murādınca; ol idbār, zeḥārif-i dünyāya meyl ü maḥabbet itmegin dünyā kendüden nefret idüp 'āleme 'ibret ider demek ola. Ḳaldı ki eşyā'-i erba'anuñ icmālen beyānı ḥitāmında nazmuñ müsā'adesince tafşīl-i zararlarına şurū' ḳaşdıyle nāzım eyidür.

﴿ مشورت هر کس که با ابله کند ﴾ Her kim ki aḥmak ile müşāvere ider:

﴿ ديو ملعونش سڪ كمره كند ﴾ Şeytân-ı laṭn ol kimesneyi güm-râh kelb ider. **Dīv-i melʿūn**, «şeytân-ı [S265a] laṭn» dimekdür. Âhîrindeki harf-i [Ü260a] **şīn**, ebleh ile meşveret iden kimesneye râciʿdür. **Seg-i güm-reh**, «yolını yitürmüş kelbe» dirler. Güm-reh, güm-râhdan muḥaffedür. **Koned**, fîl-i muzâriʿdür; «ider» dimekdür. Maʿlûm ola ki ḥadîs-i sâbık manṭûkınca ʿâkıl ve esrâr virilmege emîn ü kâmil gerekdür ki ol emrûn ḥayrlusını saña irâʿet ile ḥayra delâlet eyleye. Ebleh ise kendi ḥayr u şerrini temyîz idemez; saña ne kadar râh-ı ḥayrı irâʿet idecekdür. Ḥattâ maḥrem-i râz olanuñ aʿkal u ekmel olmasının fâʿide-i ʿazîmesi, kendü ile olan meşveret-i şoḥbetüñ deḳâyıkına vâkıf olduğından, aḡyâr olandan evvel şoḥbet-i lâzımüʾl-istitârı setre dâʿir işâretiden alup, ol râzı zîver-i bâzâr-ı iştihâr vü fütâde-i yâr u aḡyâr eylemedigidür. Nitekim Faḥr-i ʿâlem şallaʾllâhu ʿaleyhi ve sellem ḥazretleri, eşḥâb rızvânuʾllâhi ʿaleyhim ile meşvereti bir vechile mestür ider idi kim, aḡyâr andan ḥaberdâr olamaz idi. Ve deʿb-i laṭîf-i eşḥâb-ı kirâm daḡı böyle idi kim meşveretlerinden aḡyâr ḥaberdâr olmamak içün reʿy-i laṭîflerin bir mişâle binâ idüp söylerler idi. Ḥattâ bezm-i meşveretlerinde bir münâfık bulınsa Faḥr-i ʿâlem şallaʾllâhu ʿaleyhi ve sellem bir zûʾl-vecheyn ḥadîs-i belîğ tekellüm buyurur idi kim, ʿurefâ-yı eşḥâb-ı zeviʾl-elbâb ol maḳâl-i remz-iştimalüñ setrine vâkıf ve murâd-ı Rasûluʾllâhi ʿârif olup, aña göre ḥareket buyururlar idi. Nitekim meclis-i şerîfde Faḥr-i kâʾinât ʿaleyhi efḍalüʾt-teḥıyyâtuñ اوکوا آنیتکم و اغلقوا ابوابکم ḥadîs-i şerîfinüñ esrâr-ı ḥafıyyesine itılâʿda evânî-i cenânların taḥmîr ve eşkıye-i dehânların rabṭ u îkâ buyururlar idi. Ve buña müşâbih rumûza âşnâ olmaḡıla sükût ihtiyâr iderler idi. Ammâ ebleh-mişâl olan nâ-maḥremân-ı esrârdan ḥuşamâ vü aḡyâr bu maḳûle külâle-i maḳâlenüñ bûy-ı rumûzın iştımâm idemeyüp zâhirine giderler idi, intihâ. İmdi bu maḳûle eblehânüñ mürşidi şeytân olup ve şeytânüñ reh-nümâlıkda muḍıll ü mübṭıl olduğundan kendü ile hem-râh olanuñ güm-râh olacağı bî-iştibâhdur. Ve güm-râha iş tanışanuñ seg-i güm-râh olmasında reyb yokdur. Ve bu taʿbîrde ebleh ile meşveret iden ḥaḳķında zemmi belîğ vardır.

﴿ آنكه مال خود دهد با جاملان ﴾ Ol kimse ki [S265b] kendi mālın cühelâ vü bî-rüşd olan süfehâya virür. **Ān ki**, «ol kimse ki»; **māl-i ḥod**, «kendi mālını» dimekdür. Yâ ḥaḳıḳaten yâḥod izâfeti ednâʾ-i mülâbeseye ḥaml ile «sefih-i bî-rüşdüñ mālını» dimek daḡı muḥtemeldür. Taşarrufı yed-i evliyâda olduğundan māl gûyâ evliyânüñ olmuş olur. **Dehed**, «virür» dimekdür. İʿâda sebep-i maḥşûş [Ü260b] şart degüldür. İnfâḳ u muʿâmelât ve sâʾirden ehemmdür. **Bâ-câhilân**, «cühelâya vü süfehâya» dimekdür.

﴿ آنچنان کس کی شود از مقبلان ﴾ Ancılayın kimse kaçan maḳbüllerden olur? Yaʿnî olmaz dimekdür. **Ān çünân kes**, «ancılayın kimse» dimekdür. **Key**, «kaçan»; **şevd**, «olur»; **ez-muḳbilân**, «muḳbillerden» dimekdür. Muḳbilân cemʿdür; müfredi muḳbildür. Müdbirüñ zıddıdır. Muḳbil olmayan müdbir olur. Zîrâ beyinlerinde vâşıta yokdur. Pes bu beytün mefhûmını işbâtda beyân-ı illete taşaddî ile nâzım eyidür:

﴿ زر جو ابله را همی آید بکف ﴾ Mâl çünki aḡmaḳuñ eline dükeli gele. **Zer**, «altın ve aḳça»dur. Siyâḳ u sibâḳ ḳarînesiyle «mâl» dimekdür. Maʿnâ-yı māl maʿlûmdur. Nâzımuñ beyt-i sâbıkda māl ve bunda māl taʿbîri ʿibârede tefennün yâḥod māl içinden ele vü ceybe şıḡar naḳd-i râyic olduğundan mâʿadâ,

eblehānuñ rağmında māl ancak altundan ‘ibāret olduğunu ĩmā içündür. Zīrā eblehān māl-ı sâ’irden bî-hayrāndur. **Çü**, «çünkü»; **ebleh-rā**, ta‘bīr-i kelām be-kef-i ebleh-rā olmağın «aħmaķuñ avıcına» dimekdür. **Hemī**, «dükeli» dimekdür. Bundan murād cümleten dimekdür. **Āyed**, «gelür». Ya’nī aħmaķuñ eline māl külliyyen gelür dimege işāretdür. İmdi bunda bî-rüşd olan süfehāya behā’-i nafaķaların kendü yedlerine virmemek ve meşelā hisābı üzre aylık ve yıllık şu kadar eyledi diyü nafaķaların pīşīn edā itmemek ve levāzımların tefriķa tarīķıyle görmege ĩmā vardır. Zīrā cühelānuñ eline her ne girer ise:

﴿ ميکند اسراف و ميسازد تلف ﴾ İsrāf ider ve telef düzer. Ya’nī isrāf u izā‘at ü itlāf ider. **Mī-koned**, «ider» ma‘nāsına muzāri‘-i müfred-i ġā’ibdür. Fā‘ili zamīr-i müstetirdür; eblehe rāci‘dür. **İsrāf**, ma‘rūfdur. **U(ve)**, ‘atf içündür. **Mī-sāzed**, muzāri‘-i müfred-i ġā’ibdür; «düzer» dimekdür. Ke-zālīk fā‘ili eblehdür. Ma‘lūm ola ki māl-i pāk hadd-i zātında Ĥudādan ni‘met ve bezr-i mezra‘a-i [S266a] āhiretdür. Zīrā cümle menāfi‘-i şer‘iyye vü fevā’id-i fer‘iyyede mer‘iyyedür. Ve sebep-i nizām-ı ‘ālem ve bā‘is-i medār-ı ma‘āş-ı enām u ümem olmağıla şalāh-ı dāreyn olan hacc ve ġazevāt ve fezā’il ve ‘ibādāt u tā‘ātuñ ālātı olan kıvām-ı ebdāna dā’ir ġidā vü libās u mesken emşāline menūṭ ve merdānuñ zūll-i su’ālden necāt ve fir‘-i hayrāt ile iħrāz-ı merātib ü vuşul-i deracāt ve ‘āmmе-i ‘ibāda nāfi‘ binā vü ribāt ve mesācid ü medāris [Ü261a] ü ‘imārāt ve mülākāt-ı ekārib ü eħibbā ve kazā’i hācāt-ı fuķarāya māyedür. Hattā bu menāfi‘i mülāhaza hasebiyle zurefā-yı şu‘arādan bir merd-i zarīf:

ای زر تو خدا نۀ و لیکن بخدا

ستار عیوب و قاضی الحاجاتی

diyü buyurmuşdur. İmdi bu menāfi‘i cāmi‘ olan māl-i tāhiri ‘ayb yire harc ve maħallinüñ ġayrına şarf ile isrāf u itlāf eylemek haram-ı kaṭ‘ī idigine ان المبذرين كانوا اخوان الشياطين āyet-i mübīni şāhid ü ‘ādıldür. Ve kavm-i hālīkīnün niceleri isrāf ile mezmūm olmuşlardır. Ve ribānuñ ĥurmetine ‘illet, nāsuñ emvālin telef ü ziyā‘dan şıyānetdür. Ve laħs-i kıṭ‘a-i ta‘ām ve ref‘-i süķāṭa-i simāt ile rīze-i ta‘āma ihtirām ve isrāfdan ihtirāz ve kibr ü ġurūrdan ba‘ıdiyyet ve iħyā’-i sūnnet ü celb-i bereket içündür. Böyle olduğu hālde hālī isrāf u itlāf olan eblehāna māl virmekden berī vü hālī olmaķ gerekdür. Ve isrāf ile itlāfi eblehāna nisbetde, anlaruñ bî-hüde meşārif ile fā’ide vü zararlarına ġayr-ı ‘ārif olduklarına ĩmā vardır. Ve altun didigimiz nesneyi zabṭ u taşarruf ve maħalline şarfda olan te‘assūf ü tekellüfi def‘ ancak ‘uķalā işıdır. Yoksa altun kadar bir elde ve avıçda ṭurmaz nesne yokdur. Anuñçün kendüyi zencīr-i zerrīn ile bend ve kabza-i teşhīr-i erbāb-ı tedbīri aña peyvend itmişlerdür. Nitekim *beyt*:

Ḥāşılı altunı teşhīr itdiler tedbīr ile

Gördiler ṭurmaz gider bend itdiler zencīr ile

beyt-i dil-ārāsı bu ma‘nāda kāfıdır. Bu ma‘nāca itlāf-sāz u isrāf-perdāz-ı eblehān, zencīr kıran dīvānelerden olduğu nümāyāndur. Muķbil olan anlara māl virmez; viren müdbirler bir dağlı mālūñ yüzün görmez.

﴿ نشنود از دوست ابله پند را ﴾ Aħmaķ olan kimesne dostdan naşīḥat istimā‘ u qabūl eylemez. **Ne’şneved**, [S266b] nūn-ı nāfiye ile nefy-i istikbāldür; «işitmez» ya’nī «sem‘-i qabūle qarīn kılmaz»

dimekdür. Harf-i şîn, fi'l-aşl meksûrdur; bunda zarûret-i vezn için iskân kılınmışdır. **Ez-dost**, «dostdan»; **ebleh**, ma'rûfdur; ne-şineved fi'l-inûñ fâ'ilidür. Meftûli **pend-râ** mecmû'idur. Ma'nâ «naşîhatı» dimekdür. Hülâşa pend-i dostânı kabûl, kâr-ı ehl-i 'uqûldür. Ammâ ebleh olan nâ-dân, istimâc-ı pend-i dostândan rû-gerdân olup:

﴿ ان جهالت بكسلد پيوند را ﴾ Cehâletden nâşî dostluk bağıını üzer. **Ez-cehâlet**, «câhillikdan»; **bü'gseled**, «üzer» dimekdür. Bu kelime bâ'-i istiğbâl ile [Ü261b] fi'l-i muzâri'-i müfred-i gâ'ibdür. Zamm-ı kâf-ı 'Acemî ile «güsîhten»den müştakktur. Mâ'nâsı «üzme»dür; bi'l-küllîyye kırmak degüldür. Fi'l-i mezkûrda kâfuñ sükûnı zarûret-i vezn içündür. **Peyvend**, feth-i bâ'-i 'Acemî ile «bağ ve 'alâka» ma'nâsınadır. Aşlı pey-bend idi; harf-i bâ vâva dönüp peyvend olmuşdur. **Râ**, edât-ı meftûldür. Ma'lûm ola ki العوام كالهوام ma'zmunına mâ-şadağ-ı tamm olan ebleh-i nâ-dânun evvelâ dostlığında devâm u sebât اعتقاد العوام كذب الحمار تقدم ساعة و didikleri dâll ve dağı يزول تارة darb-ı meşeli zîver-i mecmû'a-i Mecma'u'l-Emsâldür. Zîrâ bu fâ'ife kaçan müstehât-ı tabî'ilerine muvâfiğ bir kimse bulsalar, aña mağabbet ü itikâd ile meyl ü meveddet iderler. Kaçan mezâklarınıñ hılâfınca bir naşîhat gûş veyâ bir fi'l-i hikmete duş olsalar itikâdların ifsâd ve andan rucû'a rağbet gösterüp ħabl-i mağabbeti munşarım ve 'alâka-i meveddet ü ħulleti münfeşım kılarlar. Ya'nî fâ'ide vü zararların bilmezler ve naşîhat-i 'uğalâyı diñlemezler. Ve nâzımuñ ebleh-i merķūmı kaç-ı peyvend ile mezemmeti, erbâb-ı teşbîh 'inde meşhûr olan nükteye işâret içündür. Zîrâ idbârı itiyâd iden eblehânı mü-tâba beñzedüp, belki mü-tâbdan bedterdür dimişlerdür. Zîrâ mü-tâb, resen-bâf olmakda dâ'imâ girü giderler. Ammâ resenun nihâyetinde turup tâze 'amele ibtidâr iderler. Ammâ ebleh olan idbâra: "Bu kârûñ müdbirlikdür" diseñ işğâ itmeyüp dâ'imâ girü gidüp bir yirde qarâr kılmaz. Ve dağı üzerine sürseñ idbâr ile iğbâli 'adem-i 'ilminden nâşî, peyvend-i pendi kırup firâr eyler. İmdi 'âkıllı olan [S267a] ol maķûle ebleh-i nâ-dândan inķıfâ'-ı 'alâka idüp ħadîs-i şerîfiyle 'amel ü intifâ' bulmak gerekdür dimişlerdür. Ĥattâ işinun nâfi'u'l-aĥvâlini ve kârınun idbâr u iğbâlini bilmeyen ebleh-i nâ-dândan kinâye mevķı'inde vü meşel ma'razında Mevlânâ ĥazretlerinun *meşnevî*:

سخت درماند امیر سست ریش

چو نه پس بیند پیش از احمقیش

diyü buyurdığı bu beyânda kâfidür dinmişdür. Süst-rîş, «gevşek şaķallu» dimekdür. Ebleh ĥaķķında bu ta'bîr, ĥîn-i naşîhatde şaķalın oynadarak [Ü262a] kendü kendüye şomurdanarak, naşîhat peyvendin kaç'a mübâderetden kinâyedür.

﴿ عبرتی کیر از زمانه ای جوان ﴾ İy cüvân! Zamâneden bir 'ibret tut. **'İbretî**, yâ'-i vaĥdet ile «bir 'ibret» yâĥod yâ'-i ta'zîm ile «'ibret-i 'azîm»; **gîr**, «tut» dimekdür. **Ez-zamâne**, «zamânedен» dimekdür. Zamânede hâ, ma'nâ-yı 'âmmdan ma'nâ-yı ĥâşşa naķl içündür. Zîrâ zamân lafzı, vaķtun ĥalîl ü keşîrine itlâğ olınan ismdür. Ve dağı nâzımuñ ez-zamâne ĥavlinde ĥazf-i muzâf taķdîri ile ez-ehl-i zamâne demek muĥtemeldür. Buña göre murâd; bu zamânemüzün ehlî gibi ĥalâl u ĥarâmdan lâ'ubâlî ve

zulm ü fesāduñ intişārından nāṣī her birlerinüñ aḥz ü iṭṭāsı, ‘adl ü istikāmetden ḥālī olduğından ‘ibret-gīr ol demek olur. (...) Yāḥod nefis-i zamāneden ‘ibret-gīr ol dimekdür. Zamāne dünyāya ıtlāk olunmuşdur. **İy cūvān**, «iy yigit» dimekdür. İy, ḥarf-i nidādur. Cūvān, zamm-ı cīm-i ‘Arabī ile luḡatde tāze yigit ve genc ḥayvān ma‘nāsınadır. Bunda murād ma‘nā-yı evveldür. Ve daḥı sāde-rū maḥbūblara cūvān dirler. Nitekim Ferheng-i Şu‘ūrī ma‘nā-yı mezkūrda isti‘mālin *beyt*:

جوان اسب و جوان سال و جوان بخت
که خدمت کردن ایشانرا شود سخت

beytiyle istiṣhād buyurmuşdur. Şābit-i merḥūmuñ:

Cūvān-ṭab‘uma Şābit sūḥan begendüremem
Efendi genc beḡe ḥizmet eylemek güç imiş

didigi bu maзмūndan me’ḥūzdur. Ammā meşāyih-ı şūfiyye ‘indinde cūvān, evāsıṭ-ı sülükde olandır. Ve bu beyān üzre nāzımuñ cūvāna ḥiṭābında nükte vardır. (...[S267b, Ü262b]...) Nāzımuñ ḥiṭābı cūvāna eylediginde, ‘aşıḳāna işāret-i diğēr daḥı vardır. Budur ki; zamāneden ‘ibret-gīrlık eyyām-ı cūvānīde maḥbūl ve ‘inde’l-‘uḳalā ma‘ḳūldür. Yoksa hengām-ı pīrīde eşk-rīz-i nedāmet olmaḳ, kiştzārı bī-maḥall siḳāyet itmek gibidür. Anuñ ise ‘adem-i nef‘i zāhir ü bāhirdür dimişlerdür. Nitekim şā‘irüñ:

باران بی محل ندهد نفع کشت را
در وقت پیری اشک ندامت چه میکند

beytinden ma‘nā-yı murād müstefāddur. Ḥulāṣa-i kelām zamāneden ‘ibret-gīrlıkde şarf-ı naẓar ile ihtimām eylemek ‘uḳalā vü cūvān-ı şulehā kārıdur:

‘Āḳıl iseñ iṭtibār al iy cūvān

﴿ تا نباشی از شمار ابلهان ﴾ Tā ki aḥmaḳlar zümresinden olmayasın. **Tā**, «tā ki»; **ne-bāṣī**, «olmayasın»; **ez-şumār-ı eblehān**, «eblehler zümresinden» dimekdür. Şumār lafzı bunda zümre ma‘nāsınadır. Eblehān cem‘dür; müfredi «ebleh»dür; ebleh ma‘rūfdur. Ba‘zı nüshada eblehān yerine müdbirān vāḳı‘dur. Ma‘nāsı ma‘rūfdur. Pes zamāneye ‘ibret göziyle nāẓır olmayanuñ ḥumḳ u idbārı zāhirdür, *li-şāriḥihī*:

İşbu dār-ı fenānuñ aḥvālın
Fikr idüp bu ḥarābe-ḥāneye baḳ
Vaḳtini bir daḳṭıḳa fevt itmez
Devr iden sā‘at-i zamāneye baḳ

﴿ هرکرا از عقل اکامی بود ﴾ Her kim ki ‘aḳldan āḡāhlık [S268a] ola. **Her k’irā**, «her kime»; **ez-‘aḳl**, «aḳldan»; **āḡāhī**, yā’-i maşdariyye ile «ḥaberdārılık» dimekdür. **Buved**, «ola» dimekdür. Ve her k’irā kelimesindeki ḥarf-i rā ve āḡāhīde olan yā zā’ide olmaḳ üzre, buved kelimesinüñ est ma‘nāsına olması daḥı terkīb-i mülāyimdür.

﴿ نزد او ادبار کمرامی بود ﴾ Anuñ ‘indinde idbār güm-rāhlık ola. **Nezd-i o**, izāfet ile «anuñ yanında» dimekdür. O, zamīr-i ḡā’ibdür; ‘aḳldan āḡāh olan kimseye rāci‘dür. [Ü263a] **İdbār**, ma‘rūfdur.

Güm-rāhī, yā'-i maşdariyye ile «azgunluk» dimekdür. **Buved**, «ola» dimekdür; yāhod «est» ma'nāsınadır. Pes 'inde'l-ıkalā, idbār didigümüz nesnenün güm-rāhlık olduğu aşkardur. 'Ākıl olana bā'is-i idbār olacak ef'alden hāzer itmek elzem ve güm-rāhlıktan ictināb eylemek ehemmdür.

Der-Beyān-ı Düşmān-rā Ĥor Ne-Bāyed Dāşt

﴿ چار چیز آمد بزرگ و معتبر ﴾ Dört nesne haqīkatde ulu ve mu'teber geldi. **Çār çīz**, «dört nesne»; **āmed**, «geldi» ma'nāsına māsī-i müfreddür. **Büzürg**, bā'-i 'Arabī ve zā'-i mu'cemenün zammeleri ve rā'-i mühmele ve kāfuñ sükunlarıyla «a'zīm ve büyük» ma'nāsınadır; gerek cüssede ve gerek yaşda ve gerek mertebede olsun 'āmmudur. Ke-zālik ulu ma'nāsına olan lafz-ı sūtürk gibi cüssede büyüğe maḥşūş degüldür. Ve lafz-ı büzürg Fārisīde muqābili «küçek»dür ki ma'nāsı kesr-i kâf-ı 'Acemī ile Türkīde «gici»dür. Ve gāhī muqābili mecāzen «ḥurd» olur ki ma'nā-yı Türkīsi «ufağ»dur. Mā-naḥnū fihide ke-zālik muqābil-i mecāzīsī murād olındığı mısrā'-ı şānīden müstefāddur. **U(ve) mu'teber**, büzürg üzerine ma'ṭūfdur ve ma'nāsı ma'rūfdur.

﴿ می نماید خرد لیکن در نظر ﴾ Lākin ol dört nesne bādī-i nazarda ufağ ve sehl görünür. **Mī-nūmāyed**, muzārī-i müfred-i gā'ibdür; «görünür» dimekdür. Tahtında müstetir fā'ili zamīrdür; çār çīze rāci'dür. **Ḥurd**, zamm-ı ḥā'-i mu'ceme ve sükun-ı rā'-i mühmele ve dāl ile «ufağ» dimekdür. Nitekim uvatdı diyecek yirde 'Acem ḥurde kerd dirler. Ve daḥı daḥīk nükteye isti'āre tarīkıyle «ḥurde» dirler. Nükte-dāna, ḥurde-dān didikleri bu cihet iledür. Ve ḥurd lafzınuñ Fārisīde muqābili «kelān»dur ki «iri» ma'nāsınadır. Nitekim Firdevsīnün *beyt*:

عدو را بکوچک نباید شمرد

که کوه کلان دیدم از سنک خرد

beyti ile müsteşheddür. Ma'nā-yı beyt-i mezkūr; 'adūyī haqīr 'add eylememek gerekmez. Zīrā ki iri tağı ufağ sengden müctemī' görürem [S268b] dimekdür. **Līkin**, 'Arabīdeki lākin gibi kelime-i istidrākdür. **Nazar**, bādī'n-nazarda dimekdür.

﴿ زان یکی خصمست و دیگر آتشت ﴾ Andan birisi düşmendür ve daḥı āteşdür. **Z'ān yekī**, [Ü263b] «andan birisi» dimekdür. Ān ile işāret çār çīzedür. **Ḥaşmest**, «düşmendür » dimekdür. Ḥaşm, feth-i fā'-i mu'ceme ile 'Arabīde vü Fārisīde müsta'meldür; «'adū» ma'nāsınadır. Āḥirindeki «st», est lafzından muḥaffedür; edāt-ı ḥaberdür. **U(ve) dīger**, «ve āḥarī» ya'nī birisi daḥı; **āteşest**, «āteşdür» dimekdür. Āteş, ma'rūfdur. Est, edāt-ı ḥaberdür. Kemā-merre eşyā'-i erba'anuñ ikisi bunlardur. Ammā üçüncisi budur ki beyān olunur:

﴿ باز بیماری کز و دل ناخست ﴾ Girü ya'nī biri daḥı ḥastelikdür ki andan gönül nā-ḥoşdur. **Bāz** bunda «girü ve yene» ma'nāsınadır. **Bīmārī**, «ḥastelik» dimekdür; āḥirindeki yā maşdariyyedür. Bīmār, ḥastedür; bunda murād budur. Ve gāhī çeşm-i dil-berāna daḥı bīmār dirler; lākin ḥaste dimezler. **K'ez-o**, aşlı «ki ez-o»dur; ba'de't-taḥfīf k'ez-o olmuşdur; «ki andan ya'nī ol ḥastelikden» dimekdür. **Dil**,

«göñül»; **nā-ḥoşest**, «nā-ḥoşdur» dimekdür. Tab‘a muvāfiḳ olmayana ve mizāca dürüst olmayana nā-ḥoş dirler. Āhırinde olan est, edāt-ı haberdür.

﴿ چارمین دانش که آراید ترا ﴾ Dördincisi ‘ilmdür ki seni bezer ya’nī müzeyyen ider. **Çārumīn**, çārum «dördinci» dimekdür. Yāsı nisbet için ve nūn, nisbet-i mezkūrı mü’ekkiddür. *Laṭife*: Çārum lafzı kaçan çarḥ ile maḳrūn olup çarḥ-ı çārum dinse, andan «semā’-i rābi‘a» murād olunup bunuñ üzerine çerāğ lafzı dāhıl olup çerāğ-ı çarḥ-ı çārum dinse, andan «ḥazret-i ‘İsā» ‘aleyhi’s-selām murād olunur. Nitekim Na‘t-ı Şerīf-i Nebīde şā‘ir-i bī-naẓīrūn biri *beyt*:

چراغ چرخ چارم کر نکیرد شعله از نورش

نیاویزد چراغ معجزه طاق رسالترا

diyū buyurmuşdur. Ma‘nā-yı beyt ma‘lumdur. **Dāniş**, «‘ilm ü ‘irfān» ma‘nāsınadır. Ma‘rifetlüye dānişmend didikleri bundandır. **Ki**, ‘illet için rābiḩadır. **Ārāyed**, muzāri‘-i müfred-i gā’ibdür; «bezer» dimekdür. Zīnet eylemek ma‘nāsına olan «ārāsten»den müştakḳdur. **Tu-rā**, «seni» dimekdür. Aşlı vāv ile tū-rā idi. Taḥḩifen vāv ḥazf olunmuşdur. Ve ‘ilm ü ‘irfānuñ, şāḩibine zeyn idigi müstağnin ‘ani’l-beyāndur.

﴿ این همه تا خرد ننماید ترا ﴾ Bu dükeli şaḩın [S269a] saña küçük görünmeye. **Īn heme**, «bu dükeli» dimekdür; [Ü264a] işāret çār çīz-i mezkūradur. **Tā**, bunda taḩzīr içündür; Türkīsi «şaḩın», ‘Arabīsi «el-ḥazer»dür. **Ḩurd**, «ufaḩ ve sehl»; **nenmāyed**, nefy-i istikbāl-i müfred-i gā’ibdür; «görinmeye» dimekdür. **Tu-rā**, kemā-merre «saña» dimekdür. Pes nāzım eşyā’-i erba‘a-i mezkūrenün leff ü neşr-i müşevveş kā‘idesince gāvā’ilin beyāna şurū‘ idüp buyurmuşdur ki:

﴿ هرکه در چشمش عدو باشد حقیر ﴾ Her kim ki anuñ naẓarında düşmān ḩaḩīr ola. Ya’nī ‘adūsını bir şey’e saymayup andan ḩazer üzre olmaya. **Her ki**, «her kim ki»; **der-çeşmeş**, «anuñ naẓarında» dimekdür. ‘**Adū**, ‘Arabīdür; müfreddür; cem‘i a‘dā ve e‘ādī ve ‘idāt gelür. Ma‘nāsı «düşmen» dimekdür. **Bāsed**, «ola». **Ḩaḩīr**, «zelīl ü şağīr» ma‘nāsınadır.

﴿ از بلای او کند روزی نغیر ﴾ Ol düşmanuñ belāsından bugün fiğān ider. **Ez-belā-yı o**, izāfetle «anuñ belāsından» dimekdür. O, zamīrdür; muḩaḩḩar ‘add olınan ‘adūya rāci‘dür. **Koned**, «ider» dimekdür; muzāri‘-i müfred-i gā’ibdür; fā‘ili, zamīr-i müstetir her ki lafzınuñ medlūline rāci‘dür. **Rūzī**, yā’-i vaḩdet ile «bir gün» dimekdür. **Nefīr**, fetḩ-i nūn ile luğat-i ‘Arabīde «şavt» ma‘nāsınadır. Bi-mu‘āveneti’l-maḩām bunda murād nāle vü fiğāndur. Ma‘lūm ola ki ‘adūnuñ kücügi ve büyügi zararda berāberdür. Her birin muḩaḩḩar görmekten ḩazer gerekdür. Belki vaḩt olur ki şağīrinden olan zarar, kebīrinden ekşer olur. “Ḩaşmuñ ḩarınca ise de merdāne ol” didikleri meşhūrdur. ḩattā arslan, ḩarınca ḩorḩısından yavrusını yir yir ḩaçırdığı Ferheng-i Şu‘ūrīde meştūrdur. Nitekim şā‘iruñ:

لا تحقرن صغيرا فى مخاصمة

ان الذبابة قد ادمت مقله الاسد

mazmūnı bu ma‘nālara dālldür. Ve yene şā‘iruñ:

ولا تحقرن عدوا رماك

و ان كان فى ساعد به قصر

فان السيوف تحز الرقاب
و تعجز عما تنال الابر

beyti hoş-me'âldür ki ma'nâsı; saña rāmī olan düşmānı haķır görme, her ne kadar sâ'idlerinde kaçır olur ise. Zîrā süyûf-ı kârger rîkâb-endâzlıkde pür-hüner iken, ignelerüñ gördüğü işde 'âcizterdür dimekdür. Ve Şeyh Sa'dî'nüñ *ķat'a*:

چو کردی با کلوخ انداز پیکان
سر خود را بنا دانی شکستی
[Ü264b] چو تیر انداختی بر روی دشمن
[S269b] حذر کن کاندر آماجش نشستی

ķıř'ası bu maķāma münāsibdür. Ma'nâsı; çünkü kesik atıcı ile ceng eyledüñ; bilmezlik ile kendi başuñı şikest eylediñ. Çünkü düşmān muvācehesinde düşmāna oķ atduñ; hāzer üzre ol ki anuñ nişānesi yirinde oturduñ dimekdür. Ve bunuñ emsālî eş'ār-ı lâzımü'l-ı'tibār bisyārdur. Hülāşası düşmāndan hāzer lâzımterdür; gerek aşğar ve gerek ekberdür.

﴿ ذره آتش چو شد افروخته ﴾ Bir zerre âteş çün şu'elennmiş oldu. **Zerre**'i, âhîrindeki hemze vaħdet içündür. Zerre, feth-i zāl-i mu'ceme ve rā'-i mülhmele-i müşeddede-i meftūha ve resm-i hā ile «şu'ā'-ı şemsde görinen ğubār»a dirler. Ve ziyāde küçük kırmıncaya dirler ki yüz dānesi bir arı deñlü ola. Lafz-ı mezkūr 'Arabîdür; müfreddür; cem'i «zerr»dür. Ve «ebū zerr» bundan mükennādur. Ve ğāyet küçük ādeme daħı dirler. Bu maķāmda murād ma'lūmdur. Mā-ba'dine muzāfdur. **Āteş**, ma'rūfdur. **Çü**, 'illet maķāmında «çünkü» dimekdür. Ba'zı nüşhada çü mevķı'ıne «ki» lafzı vaķırdur; ma'nā birdür. **Şod**, ef'āl-i nāķışadan «oldı» ma'nāsınadır. **Efrūhte**, ism-i mef'uldür; «şu'elennmiş» ma'nāsınadır; «efrūhten»den müştakķdur.

﴿ بینی ازوی عالمی را سوخته ﴾ Andan bir 'ālemi yanmış görürsin. **Bînî**, muzāri'üñ müfred-i muħātabıdur; «görürsin» dimekdür. **Ez-vey**, «andan» dimekdür. Ez lafzı, «min» ma'nāsınadır. Vey zamîrdür; zerre-i âteşe rāci'dür. **Ālemî-rā**, «bir 'ālemi» dimekdür. Ālem, feth-i lām ile maħlūķātuñ her birine şāmıldür. Āhîrindeki yā harfî vaħdet içündür ve mübālağa kaçdıyle ta'zîm için olmak daħı mülāyimdür. Lafz-ı rā, edāt-ı mef'uldür. Ve kaçan lafz-ı 'ālem lafz-ı āb ile mürekkeben isti'māl olunup, 'ālem-i āb dinse andan bāde meclisi murād olunur. **Sūhte**, ism-i mef'uldür; dört ma'nāya gelür: Evvelkisi, yanmış dimekdür. İkincisi, bizden yanmış kav ki kaçmaķdan âteş alır. Bu maķāmda ma'neyn-i mezkūreyn enseb ü eblağdur. Ve üçüncisi, tartılmış dimekdür. Dördüncisi, Hüsrev-i Pervîzüñ hāzā'-in-i semānîyesinden birinüñ adıdır. Tafşîlî Ferheng-i Şu'ürîdedür. Pes maħsûs u müşāhed olan [Ü265a] âteşüñ zerresini haķır görmemelüdür. Zîrā bir zerre âteşden 'ālem-i keşîrüñ iħrāk [S270a] u ihtirākında iştibāh yokdur. Ve ğayr-ı maħşûş olan âteş-i şehvet ve nār-ı ğađab ve âteş-i zulm ve âteş-i fesād u fitne ke-zālık böyledür ki zerre-i nā'ire-i shevāt-i nefsanîyye, şāhibini her hālde sūzān ve ğudāhte-i pūte-i 'azāb-ı nîrān ider. Nitekim ittibā'-ı shevāt idenler haķķında ilkā-kerde-i ğayyā olunmaķ meştūr-ı Kır'an-ı 'azîmü's-şān olmuşdur. Ve zerre-i nār-ı ğađab ile şāhibinüñ mazhar-ı maķt-ı hāzret-i Rabb ve sūzende-i

nār-ı zāt-ı leheb olması sābıkda beyān olmuşıdı. Ve zerre-i nā'ire-i zulm ü te'addī ve fitne-i fesāda mü'eddī hālāt, her ne kadar qalıl olsa, ol sitemkārūñ hālını tebāh itmek bī-iştibāhdur. İmdi āteş-i zulmi taḥkīr revā degüldür. Nitekim:

الظلم نار فلا تحقر صغيرتها

فرب جذوة نار احترقت بلدا

buyurmuşlardır. Ve daḥı Ḥamīdī-i merḥūmuñ eş'ār-ı dürer-bārlarından:

نه پند اریکه آه دردمندان بی اثر باشد

که چرخ از کرمی این شعله دائم بر حذر باشد

فروغ دولت ظالم مثال شعله شمعست

که اوج اعتبارش از سر شب تا سحر باشد

kıt'ası üzre ve daḥı:

من از طغیان طوفان و شرار شعله دانستم

که دولت بر طرف از دست ظالم زود میگرد

ebyātı üzre zālīmūñ zerre-i nār-ı zulmı kendinūñ 'ömr ü māl ü devleti iḥrākına bādī vü zevāl-i 'izz ü rif'atine bā'is olacaḡı zāhirdür. Ḥattā eşer-i zulm evvelā zālīme ulaşur. Görmez misin ki tır-endāzlar elindeki kemān hedefden muḡaddem fiḡān ider dimişlerdür. Nitekim Şā'ib eyidür:

اول بظالمان اثر ظلم میرسد

پیش از هدف همیشه کمان ناله میکند

﴿ علم اگر اندک بود خوارش مدار ﴾ 'İlm eger az olsa anı ḡaḡır ü zelīl tıutma. **'İlm**, ma'rifdur; her 'ilme şāmıldür. **Eger**, edāt-ı şartdur. **Endek**, «qalıl» ma'nāsına; **buvud**, «ola» dimekdür. Bu cümle şartdur; cezāsı ḡāreş me-dār mecmū'ıdur. Ma'nā anı «ḡaḡır tıutma» dimekdür. Ḥār, vāv-ı ma'düle ile «zelīl ü qalıl» ma'nālarınadur. Āḡirindeki şīn ḡarfı zamīrdür; 'ilme rāci'dür. Me-dār, nehy-i ḡāzır-ı müfreddür; «tıutma» dimekdür.

[Ü265b] ﴿ زانکه دارد علم قدر بیشمار ﴾ Zīrā 'ilm sayısız ḡadr ü ḡurmet tıutar. **Z'ān ki**, «andan ötürü ki» dimekdür. Bu ma'nā Fārisīde zīrā lafzı ile de edā olunur. 'İllet beyānında müsta'meldür. **'İlm**, kemā-merre ma'rifdur. **Dāred**, muzāri'-i müfred-i ḡā'ibdür; «tıutar» dimekdür. **Ḡadr**, feth-i ḡāf ve sükūn-ı dāl-i mühmele ve rā ile 'Arabīdür; «her nesne [S270b] nūñ miḡdārı ve meblaḡı ve ta'zīm» ma'nālarınadur. Ve bunda murād ma'lūmdur. Ve lafz-ı mezkūr, feth-i dāl ile Fārisīde, ḡüreş tıutanlaruñ bir maḡşuş lu'bine dirler. Bunda murād sükūn-ı dāl ile ma'nā-yı evveldür ki Fārisīde daḡı müsta'meldür. **Bī-şumār**, «bī-ḡisāb» dimekdür. Ma'lūm ola ki 'ilm-i şerīf, zātında ne vech memdūḡ nesne oldıḡı āyāt u eḡādīs ile mübeyyen ü meşrūhdur. Pes 'ilm-i şerīfi ḡaḡır görmek kār-ı cūhelā vü ḡaḡā-ender-ḡaḡādur. Binā'en 'aleyh 'ulemāyı taḡfīf ü taḡkīr küfrdür didikleri bu ma'nāca hüveydādur. 'İlme tevḡīr ne mertebe lāzım ise 'ulemāyı tevḡīr ke-zālik lāzımdur. Nitekim ḡadīs-i şerīfde: وقروا علماء امتی فانهم نجوم الارض vārid ve ḡadīs-i şerīf-i dīgerde العلماء مصابيح الجنة و خلفاء الانبياء şādır olmuşdur. Egerçi bu maḡūle 'ulemādan murād 'ilmiyle 'āmil olan kāmillerdür. Lākin beşeriyet ḡasebiyle 'ālimden şudür iden ḡünāhuñ 'afvı 'ilm

berakâtına mercûdur. Ve ‘ilm-i şerîf hâdîdür. Be-her hâl şâhibin tarîk-ı müstekîme cezb eyler dimişlerdür. Pes şân-ı ‘ulemâ ‘âlidür. Hâkklarında علماء الله انما يخشى الله من عباده العلماء âyet-i ‘azîmü’ş-şânı kâfî ve dağı hadîs-i celîlü’l-‘unvânı medhlerinde vâfidür. Hattâ ‘ilm ile tefâhur, ‘ilmüñ şerâfetinden nâşî memdûh ve mâl ile tefâhur mâluñ âfetinden nâşî mezmûmdur dimişlerdür. Nitekim bu ma’nâda İbnü Yemîn *kıra*:

تفاخر بعلمست مر مردرا
نمی شاید از مال فخر آوری
چو دانش نداری تو با مال جاه
بنزدیک دانا ز خر کمتری

diyü buyurmuşdur. (...[S271a, Ü266a]...) Kaldı ki fî-zamâninâ kendi ismini yazamaz olan yaramaz ve eline bir kâgâd virseñ me’âline varamaz câhillerüñ ‘ilmi hâkîr görmesi maẓmûnından nâşîdür ve şüret-i hâlleri zeyy-i ‘ulemâda olduğundan her birleri zâtlarında har-ı lâ-yefhem iken a’lemiyyet da’vâsında olması kıl ü kâl-i bî-me’âllerinden nâşîdür. Anların mübâhâtlerine i’timâd câ’iz degüldür. Nitekim Şâ’ib, ‘imâme-i büzürg ile da’vâ-yı fazl u fazîlet iden ceheleyi, şadâsı bisyâr olan günbed-i mücevvefe teşbîh ile ecvef oldukların *beyt*:

مخور صائب فریب فضل از عمامه بزرگ
که از بی مغزئ کنبد صدا بسیار میجنبد

beytiyle imâ buyurmuşdur. Ve şüret-i hâllerinüñ zeyy-i ‘ulemâda olmasından kendülere bir fâ’ide ‘â’ide olmaz. Zîrâ şüret-i bâl ü per ile muşavver olan mürğuñ, pervâza bî-iqtidâr idigi Kelîm:

اهل صورت هیچ از سامان توانکر نیستند
طائر تصویر پر دارد ولیکن بی پرست

beyt-i laţîfinden âşkârdur. Ve ebkâr u efkâr ile şâhid-i ‘ilmüñ ıkd-ı muvâşalatına harîdârlığa bî-iqtidâr olduklarında, bâzâr-ı ‘ulûmda ‘arz-ı kâlâ-yı ma’ârif iden h’âceğân-ı ‘irfânüñ meclisinden leb-cünbân-ı baḥş murâdında olsalar zebânlarında kelâl ü bestegî zâhir ve mişâl-i lâl olmaları bâhirdür. Nitekim:

زبان جاهلان از لب کشودن بسته میکردد
صباح عید دامادی شب مرکست عنین را

beyt-i dil-ârâsı bu beyânda kâfidür. Ve bu maḳûle cehelenüñ nâmları fülân efendi diyü nâm-ı ‘ulemâ’-i a’lâm ile hem-nâm olmağıñ bilâ-‘ilm ü ‘amel fâ’idesi olmadığı:

کرنه همکار بانیکان ز همنامی چه سود
یک مسیح ابرء اکمه کرد و دیگر اعورست

beyt-i laţîfinden hüveydâdur. Pes bu mişlü cehale, ‘ilmüñ qadrini bilmemekden [Ü266b] nâşî kendülerde qadr ü vaḳâr u i’tibârüñ ma’dûm idigi ehline ma’lûmdur.

﴿ رنج اندک را بکن غمخوارکی ﴾ Azacığ olan ‘illete ğamm-h’ârîlîk eyle ya’nî ‘ilâcî kaydında ol.

Renc-i endek-râ, «azacığ zaḥmete»; **bü-kon**, zamm-ı bâ’-i zâ’ide ile emr-i hâzırdur; «eyle» dimekdür.

Ğamm-h^vāregī, «ğamm yiyicilik» dimektür. Bu kelime guşşa ma'nāsına olan [S271b] ğamm lafzı ile yiyici ma'nāsına ism-i fā'il olan h^vārende lafzından muraḥḥam h^vār kelimesinden mürekkebdür. Horende, «ıyāl» ma'nāsına ism-i fā'ildür. Kaçan bu lafzdan 'alāmet-i ism-i fā'ilün ḥazfıyle terkib-i tavşifide vukū'ı murād olınsa vāv harfinden sonra bir elif ziyādesiyle «h^vār» dinmek kavā'id-i muṭtaride-i Fürs dendir. Ğamm-h^vāruñ āhirinde olan kāf u yā harfleri, h^vācegī ve bendegī kelimelerindeki kāf u yālar gibi edāt-ı maşdardur. İmdi bir 'illet ve zahmet-i kalil iken anuñ 'ilac u devā'sı kaydında ol; bunda ne vardur? dime. 'İlletün küçügi büyügi olmaz.

﴿ ورنه بيني عجز در بيجارگی ﴾ Yoksa çaresizlikde 'acz görürsin. Ya'nī; sonra def'inde 'aciz ü bī-çāre olursın dimektür. **V'er ne**, «ve illā» dimektür ki Türkide andan «yoğsa» lafzı ile ta'bīr olunur. Ma'nā-yı murād; eger renc-i kalil için ğamm-h^vārlik eylemez iseñ; **bīnī**, «görürsin»; **'acz**, «'aciz» dimektür. Zīrā 'acz feth-i 'ayn ile maşdar-ı 'Arabīdür; «za'f u sütlük» ma'nāsınadır. Nitekim لا تلبثوا Mu'cize bunda cīmün kesri ve fethi ile okınmak cā'izdür. Ma'nā-yı şerif; iktisāb-ı ma'ışetde 'aciz olduğunuz belde de iḳāmet eylemeñ dimektür. 'Aciz Fārisīde, güci olmayan ādeme dirler. **Der-bī-çāregī**, «çāresizlikde» dimektür. Der, zarfiyyet içündür. Bī-çāre, 'aciz ü ğarīb ü bī-kes ma'nāsınadır. Bī-vāre, mişlühüdür. Āhirine maşdar-ı edātī olan kāf u yā gelmegile āhirde olan hā'-i resmiyye ḥazf olınmışdır. Ba'zı nüshada bī-çāregī yerine bī-māregī lafzı gelmişdir. Buña göre ma'nā; ve illā hastelikde 'acz görürsin demek olur. Ma'lūm ola ki 'illet her ne kadar az olur ise de def'ine müdāvā lāzımdur. Ve mu'alece kişinün tevekküline māni' degüldür. Ancak 'ilac, sebeb-i zāhir-i şifādur; yoğsa şāfi-i ḥaḳīḳī Hudādur diyü i'tikād gerektür. Nitekim:

وللطبيب له في الطب معرفة

مادام في اجل الانسان [Ü267a] تأخير

حتى اذا انقضت ايام مدته

حارالطبيب و خائنه العقاقير

bu beyānda kāfīdür. 'Aḳāḳīr, germiyyetlü olan dārū ma'nāsınadır. İmdi müdāvā mevti dāfi' degül iken ṭabīb, müraca'at-ı eceli gelmeyene göre 'illetün ziyāde olmaması ve tezāyüd-i 'illet ile 'ibādetden kalmaması içündür. Hattā bir şehirde ṭabīb-i ḥazıḳ bulunmasa ol şehirde iḳāmet cā'iz degüldür. Zīrā [S272a] beden şaḥīḥ olmadıkça 'ibādet-i kāmilenün istiḥşālī müte'assir olur dimişlerdür. Velākin ṭabībde ḥazāḳat ü İslāmiyyet şartdur dimişlerdür. (...) Nāzım beyt-i sābıkı mezīd-i izāḥ için buyurmuşdur:

﴿ درد سر را کر نجويد کس علاج ﴾ Baş ağrısına eger bir kimse 'ilac taleb eylemeye. **Derd-i ser-rā**, «baş ağrısına» dimektür. Mecmū'ı fi'l-i şart olan ne-cüyedün muḳaddem-i mef'ulidür. **Ger**, eger kelimesinden muḥaffef edāt-ı şartdur. **Ne-cüyed**, nefy-i istikbāl-i müfred-i ğā'ibdür; «istemez» dimektür. **Kes**, feth-i kāf ve sükūn-ı sīn-i mühmele ile «kimse» dimektür. **'ilac**, 'Arabīdür; «bir nesneyi zā'il eylemege» dirler; devāda bu mevcūddur. Pes şart-ı mezḳūruñ cezāsı budur ki zikr olunur:

﴿ خوف آن باشد که بد کردد مزاج ﴾ Anuñ mizacı kötü olur diyü ḳorḳula. Taşvīr-i 'ibāre; ḥavf bāşed ki mizāc-ı ān bed gerded dimektür. **Ḥavf**, «ḳorḳu» ma'nāsına mübtedādur. **Bāşed**, «ola» ma'nāsına

haberdür ki rābı̄tadur. **Bed**, «kötü»; **gerded**, «olur» dimekdür. [Ü267b] Maʿnāsında taḥvīl muʿteber olan «gerdiden»den müştakḳ-ı muzārīʿdür. Ḥattā ʿaraba didikleri ālete gerdūn didikleri döndüğü içündür. Ve buña teşbīhan felege çarḥ-ı gerdūn dirler. Ve daḥı çarḥ lafzın ḥazf ile felege yalnız gerdūn daḥı dirler. Nitekim:

Anuñçün böyle gerdān oldu gerdūn

Ki añlanmaya ger dānā vü ger dūn

dimişlerdür. İmdi derdsiz ne olacaḳ diyü ʿadem-i ʿilāc, bāʿiṣ-i sūʾ-i mizāc oldığı beyāna muḥtāc degüldür; gerek ḥaḳīḳaten derd-i ser olsun ve gerek aña beñzer bir keder olsun ʿammdur. Ḥattā āḫaruñ efsāne-i derd-i serin [S272b] istimāʿa zurefā rızā virmemişlerdür. Nitekim bir ḥuṣūṣı beyānda muḥātaba; “eger ser-i saʿādeti taṣdīʿ olmaz ise” diyü iʿtizār meṣhūr-ı miyāne-i şıḡār u kibārdur. Ve bu maʿnā üzre derd-i ser-i dīgerāndan derd-i ser peydā olacaḡın iʿlānda ve bu mişllü nesneyi istimāʿdan gürizān olmağı beyānda zurefā-yı şuʿarādan bir merd-i laṭīf, *beyt*:

كل همان به كه بهر حرف نيندازد كوش

ور نه درد سر مرغان چمن بسيارست

buyurmuşlardır. Pes eşyāʾ-i erbaʿa-i mezkūreden, ʿadūdan ḥazer ve āteşüñ define ihtimāmı ekşer kılmāḡuñ lüzūmindan nāṣı şānlarına ihtimām için nāzım teʾkīd-i mā-sebaḳ ḳaṣdıyle eyidür:

﴿ باش از قول مخالف بر حذر ﴾ Ḳavl-i muḥālifden ḥazer üzre ol. **Bāṣ**, emr-i ḥāzırdur; «ol»

dimekdür. **Ez**, «an» maʿnāsınadır. **Ḳavl**, ʿArabīdür; maʿrūfdur. Mā-baʿdine muzāfdur. **Muḥālif**, ism-i fāʾil-i ʿArabīdür. Ḳaldı ki ḳavlūñ muḥālife izāfeti lāmiyye olur ise muḥālifden murād ʿadū olmaḳ üzre maʿnā; ʿadūnuñ ḳavlınden ḥazer eyle ve iʿtimādından güzer kılmak demek olur. Ve eger izāfet-i mezkūr beyāniyye yāḥod mevşūfuñ şifata izāfeti ḳabīline ḥaml olunur ise maʿnā bir kimseye zebān-dirāzlık ile muḥālif söz söylemekden ḥazer eyle ki ʿadāvete bāʿiṣ olmaya demek olur. Nitekim Şāʾib:

بوی خون می آید از تیغ زبان اعتراض

خرده گیری عاقبت تخم عداوت میشود

diyü buyurulmuşdur. Maʿnā-yı beyt maʿrūfdur. **Ber-ḥazer**, «iḥtirāz üzre ol» dimekdür. Maʿlūm ola ki kişinūñ ʿadūsı kendüye eyüsin söylemez. Anuñçün zuraḑādan biri dimişdür, lā:

تلخی از زهر و حلاوت ز شکر مطلوبست

[Ü268a] دشمن آن به كه بخوبی نكند یاد مرا

Yaʿnī; zehrden maṭlūb olan acılık, şekerden maṭlūb olan ḫalāvetdür. İmdi düşmen ise zehrden ʿibāretdür. Zehrden ḫalāvet ḥāşıl olmadığı ḥasebiyle düşmene ol yegdür ki, bizi ḥūbluḳ ile yād eylemeye dimekdür. Düşmānuñ ḫālī böyledür. Hemān Ḥudā şerrlerinden emīn ve kendülerin şāʿirūñ, Ğanī:

دشمنترا همچو میخ خیمه میخواهم مدام

تن بخاک و سنک بر سر ریسمان بر کردنش

maẓmūn-ı icābet-maḳrūnına ḳarīn eyleye, āmīn! Pes ḫālī böyle olan muḥālifūñ sözinden ḥazer lāzımterdür. Selāmet, anları söyletmemek ve sözlerine iʿtimād itmemekdür. Maʿnā-yı muḥtemele göre

āhara zebān-dirāzlık ile muhālif söz söylemek dağı fenādur. Zīrā “söz sözi getürür” didikleri [S273a] meşel üzre, muhālif söz söyleyen derd-i sere mübtelā vü giriftār-ı kayd u belā olmak muḳarrerdür. Kişinüñ selāmeti, ‘ömrinüñ şu gibi sözsüz güzër eylesindendür. Yoksa zebān-dirāzlığı sebebiyle fevvārede ser-nigünluḳ ile, derd-i ser der-kārdur. Nitekim şā‘irün bu ma‘nāyı iş‘ārda, lā:

خوشست عمر که چون آب بی سخن کزرد

زبان درائی فواره درد سر دارد

beyt-i laṭīfinüñ me‘ālī āşkārdur. İmdi ḳavī-i muhālifden ḥazeri ḳable’l-vuḳū‘ taḳdīm-i lāzıme-i ḥālden olmağın nāzım eyidür:

﴿ پیش از آن کز پا در آیی ای پسر ﴾ İy oğul! Andan öñdin ki zelīl ü ‘āciz ü muḳṭarr olasin. **Piş ez-ān ki**, «andan muḳaddem ki»; **ez-pā der āyī**, bu kelimāt Fārisīde bu vechile müctemi‘an isti‘māl olunup, bunuñla miḥnet ü meşāḳḳatde olmağdan kināye olunur. Nitekim «ez-pāy üftādī» terkibinde böyledür. Zāhiren ma‘nāsı «ayağdan ṭaşra gelesin» ya‘nī «zelīl ü ‘āciz olasin dimekdür. **İy püser**, «iy oğul» dimekdür. Pes nāzımuñ bu beytinden bu mişllü ‘āḳıbet-endiş olmağa naşīḥat-i iş‘areti vardır. Nitekim dimişlerdür:

Fā’id(e) itmez görüle dest-i teḥassür berhem

Kār-ı evvelde kişi ‘āḳıbet-endiş gerek

﴿ آتش اندک توان کشتن بآب ﴾ Azacıḳ āteşi şu ile söndürmek mümkündür. **Āteş-i endek**, «azacıḳ āteşi»; **tevān**, «mümkündür»; **küşten**, zamm-ı kāf-ı ‘Arabī ile «depelemek ve helāk itmek» ma‘nāsınadır. Pes söndürmekde bu ma‘nā mevcüddür. [Ü268b] **Be-āb**, evvelde olan bā’-i meftūḥa sebebiyyedür; küšten lafzına müte‘allıḳdur. Āb, şudur. *Laḳfe*: Āteşün āb ile inṭıfāsında ḥāşıl olan şadā-yı pür-süz, ba‘zıların didiği gibi yalnız āteşün veyāḥod yalnız ābuñ degüldür. Belki her birleri ḥilāf-ı cins yollu zıddlarıyla cem‘ oldıklarında her birlerinden ḥāşıl olan sūriş-i şekvā vü feryād-ı bī-cādur.

﴿ وای از آن ساعت که کیرد التهاب ﴾ Vāy ol sâ‘at ki yalıñlanmaḳ ṭuta. Ya‘nī; ol zamān definde ‘aciz ü ıztırār çekmek der-kārdur dimekdür. **Vāy**, Fārisīdür; vāh ve dağı vāḥ dirler; ḥayf eylemek maḥallinde müsta‘meldür. Türkīde dağı şāyi‘dür. **Ez-ān sâ‘at ki**, «ol zamāndan ki» dimekdür. Sâ‘at bunda zamāndan ‘ibāretdür. Zamān, ānātdan mürekkebdür ve ān mā‘lumdur. **Gired**, kesr-i kāf-ı ‘Acemī ile «giriten»den müştakḳ muzari‘-i müfred-i gā’ibdür; «ṭutar» dimekdür. Ba‘zı nüşhada gır ma‘nāsına [S273b] yābed gelmişdür. Yābed, «bulur» dimekdür. **İltihāb**, ifti‘āl bābından maşdar-ı ‘Arabīdür; «od yalıñlanmaḳ ve şu‘elenmek» ma‘nāsınadır. Lehebden me’ḥūzudur. Leheb, od yalıñıdır. Aña lisānū’n-nār dağı dirler. Ebū Lehebe ebū leheb tesmiyesi işrāk-ı cemālī içündür. İmdi her bir āteşi az iken āb-ı münāsibi ile söyindürmek hengām-ı ḳilletinde āsāndur. Ammā ‘alev-gır oldıḳda inṭıfā vü itfāsı ‘asir idigi nümāyāndur; gerek nār-ı maḥsūs olsun ve gerek ḡayr-ı maḥsūs olan nār-ı ‘adāvet ü nār-ı ḡadab ve ḥuşūşıyla nār-ı ‘ışḳ olsun. Ḥattā ‘ışḳ āteşiyle eşk-rīz-i çeşm-i ḥūn-bār olan uşşāk ḥaḳḳında; “anlar ḡarīḳ iken muḥterīḳlardur” dinmişdür. Nitekim *mısrā‘*:

فهل رأيت غريقا و هو محترق

mıṣrā'ı bu ma'nāda kāfī ve Selīmūn *beyt*:

اگر دریا ز اشکم دم زند آشوب میخواهد
و اگر آتش کند دعوی بآهم چوب میخواهد

beytinūn maẓmūnı bu īmāda vāfīdūr. Qaldı ki mezkūr āteşlerūn az iken itfāsına ihtimāmuñ lüzūmı āteş-i 'ıṣṣ-ı ḥaḳīḳīnūn gayrında idigi bī-reybdūr. Zīrā:

'Iṣṣ her dilde bulunmaz dil-i dānāda olur
Şeb-çirāğı arama cūda o deryāda olur
'Iṣṣı tursun ḳo mecāzī ise de sīneñde
Āb-ı engūr ḥum içre tūrarak bāde olur

dimişlerdür. Ve āteş-i 'ıṣṣ ile sūzān olmak uṣṣāḳuñ muḳteẓā-yı şānları olduğından [Ü269a], gülşen-i 'ıṣṣ-ı yārda aḡyāruñ 'adem-i ihtirāḳın ḥār olduğına nisbet eylemişlerdür. Nitekim Hilālīnūn *beyt*:

یار ما هرگز نیازارد دل اغیار را
کل سراسر آتشت اما نسوزد خار را

beyt-i dil-ārāsından ma'nā-yı murād hüveydādūr.

Der-Beyān-ı Fūrū Ḥorden-i Ḥıṣm u Ğaḍab ve Ānçı Ez'o Rūsivāyī Ḥīzed

﴿ ای پسر هرکس که دارد چار چیز ﴾ İy oğul her kimse ki dōrt nesneyi tūtar.

﴿ چار دیگر هم شود موجود نیز ﴾ Ol dōrtten dōrt āḥar nesne daḡı mevcūd olur. Ya'nī; dōrt nesne, dōrt nesneyi müşmir olur. Anlar beyān-ı ātī üzre; cedelden feẓāḥat ve ḡaḍabdan nedāmet ve kibrden 'adāvet ve tekāsüliden ḥaḳāretūn ḥuşūlleridūr. Nitekim nāẓım buyurur:

﴿ عاقبت رسوایی آید از لجاج ﴾ Ve 'inād u lecācdan 'āḳıbet rūsivāylıḳ gelür. [S274a] 'Āḳıbet, «encām-ı kār» dimekdür. **Rūsivāyī**, yā'-i ṣāniye maşdariyyedür. Rūsivāy, «gizlü nesnenün şuyū'ı» ma'nāsınadır ki 'Arabīde feẓāḥat ile beyān olunur; Fürs ü Türkde müsta'meldür. Lafz-ı mezkūruñ ma'nası Ḥ'āce Kelīmūn *beyt*:

بگذر ز نام و ننک که رسوایی آورد
پیوسته رو سیاه نکن بهر نام بود

beyt-i rengīninden hüveydādūr. Ya'nī; nām u nengden güzer eyle ki bu da'vā rūsivāylıḳ getürür. Nitekim mührūn hemīşe rü-siyāḥ oldıḡı nām eclī içündür dimekdür. **Āyed**, muzārī'-i müfred-i ḡā'ibdür; «gelür» ya'nī «peydā olur» dimekdür. Maşdarı «āmeden»dür ki gelmek ma'nāsınadır. **Ez-lecāc**, «bī-hüde cedel ü itirāzdan» dimekdür. Pes bī-hüde baḡṣ ü itirāzdan, rūsivāylıḡuñ ḥuşūli zāhirdür. Her ḥālde mülāyemet, şāḥibine gubār-ı kederi dāfī' ü selāmetdür. Nitekim Ğanī-i Keşmīrī eyidür *beyt*:

وضع ملایم بود تیغ زبانرا سپر
تیره نسازد نفس آیینۀ آب را

Ya'nī vaz'-ı mülāyemet, cünne-i seyf-i lisāndur. Nitekim āyīne-i āba nefes-i ruṭūbet-perver keşāfet ü keder viremez. Ammā āyīne-i meşhūrda, nefesden muḡayyer olmak der-kārdur. Zīrā kendüde mülāyemet

yoğdur dimekdür. İmdi cedel-kārhlık bā'is-i rüsvālīkdur. 'Āqıl olan cedelden dūr ve lecācuñ cevābında sūkūt üzre maḥşūr olur. Nitekim İmām [Ü269b] Şāfi' eyidür *kıta*:

اذا نطق السفينة فلا نجبه
و احسن ما يكن ذلك السكوت
فان كلمته فرجته عنه
و ان تتركه نا كمد يموت

Kemed, taḥrīk ile ḥüzn ma'nāsınadır. Ve nerm-lisān olan kimesnenüñ, mücādil ü lecūc olan dūrüşṭān miyānesinde hoş-ḥāl ve hem-ḥāneliklerinde selīmü'l-bāl olacağı Selīmüñ *beyt*:

بنرمی با درستان میتوان ساخت
زبان همخانه دندان ازان شد

beytinden nümāyāndur. Fi'l-ḥaḳīka lisān-ı mülāyemeti sebebiyle dendān gibi dūrüşṭānuñ mücāveretiyle bir ḥānede sākin olmuştur.

﴿ خشم را نکند پشیمانی علاج ﴾ Ğaḍaba peşimānlık 'ilāc eylemez. Ya'nī; ğaḍabdan soñra nedāmet ḥāşıl olur; lākin soñ peşimānlık aşşı kılmaz dimekdür. **Ḥısm-rā**, «ğāḍaba»; **ne'kned**, nefy-i istiḳbāl-i müfred-i ġā'ibdür; «eylemez» dimekdür. Bunda zarūret-i vezn için kāf sākin okınmalıdır. **Peşimānī**, āḥirdeki yā'-i maşdariyye ile ma'nāsı zāhirdür. **'İlāc**, «devā» ma'nāsına ma'rūfdur. Sābıqda beyān olındığı üzre icrā'-i [S274b] ğaḍab, bā'is-i maẓhariyyet-i ğaḍab-ı Rabb olduğundan mā'-adā encāmında te'essüf-i bī-fā'ide mücerrebdür. İmdi 'āqıl olan علو الاقتدار من علو الاقدار 'āmil olmaludur. Ve ğaḍabdan nāşī 'ibāda dūşnāmdār olmağın zararını yine şetm idene rāci' idigin beyānda Şā'ib:

دهن خویش بدشنام میالا زنهار
کین زر قلب بهرکس که رهى باز دهد

buyurmuşdur. Ya'nī; kendi dehānuñ dūşnām-ı enām ile zinhār telvīs eyleme ki ol ḳalb altını her kime virür iseñ girü saña redd ider dimekdür. Bunda murād ma'lūmdur. Kötü söz ile kötü aḳça yine şāḥibinüñdür didikleri meşhūrdur.

﴿ بی کمان از کبر خیزد دشمنی ﴾ Şeksiz kibrden 'adāvet peydā olur. **Bī-gümān**, «bī-şekk»; **ez-kibr**, «kibr ü ġurūrdan»; **ḥīzed**, muzāri'-i müfred-i ġā'ibdür; aşl «ḳalkar» ma'nāsınadır. Bunda ma'nā-yı lāzımı «irādesiyle peydā olur» dimekdür. **Dūşmenī**, āḥirindeki yā'-i maşdariyye ile «dūşmānlık» dimekdür. Pes kibr ü ġurūrdan 'adāvet ḥuşūlī zāhirdür. Nitekim şeyṭān-ı 'aleyhi'l-la'ne kibrden nāşī Ādem 'aleyhi's-selāma ve evlādlarına ilā-yevmi'l-ḳıyām 'adū olmuştur. Pes kibr, şıfat-ı şeyṭāniyyedür; ġavā'ili keşiredür. İzālesine sa'y itmek gerekdür. Lākin izālesi, esbābını 'ilme mevḳūfdur. [Ü270a] Esbāb-ı kibr yedidür; ilm ü 'ibādet ü neseb ü cemāl ü kuvvet ü māl ü etbā'a mağrūriyyetden nāşidür. İmdi 'āqıl olan evvelen 'ilm-i ḥaşyet ü tevāzu' ve niyyet-i ḥālīşa ile 'amele maḳrūn olmağın lüzūmını bilmek gerekdür. Ve sāniyen, 'ibādetüñ ḳabūl ve 'adem-i ḳabūlī müteyakkın olmadığın añlamak gerekdür. Ve sālişen, neseb ile tekebbürlük, ġayruñ kemāliyle te'azzüz idigin fehmi itmek gerekdür. Rābi'an, cemāl ile tekebbürlük,

بقدر آنچه فرمان میبری فرمان روا کردی

beyt-i laṭīfından [Ü271a] zāhirdür. Daḥı lıis llaṭṣan ala ması Daḥı naẓm-ı münifinden bāhirdür. Pes nāẓım raḥımeḥu'llāḥü te'ālā, eşyā'-i erba'a-i mezküreyi meẓid-i tẓāḥ için tafşiline şurū' idüp buyurur:

﴿ چون لجوجی در میان پیدا شود ﴾ Çünkü miyānede mu'ānede peydā ola. **Çun**, «çünkü»; **lecūcī**, yā'-i maşdariyye ile «mu'ānede» ma'nāsınadır. Zīrā Fāriside feth-i lām ile lec ve lecūc iki ma'nāya gelür. Ve biri 'ināddur ki bu maḳāmda ma'nā-yı murāddur. Ve biri daḥı depmedür ki aña Fāriside leked daḥı dirler. Pes lecūcī «'inādılık» dimekdür. **Der-miyān**, «aralıkda» dimekdür. **Peydā**: Ma'lūm ola ki erbāb-ı Fūrs ẓatında peydā lafzı pinhān ile ve nihān lafzı āşkār ile ve hüveydā lafzı rāz ile ve pūşide lafzı bāz ile muḳābillerdür. Lākin gāḥī zarūret-i şirde peydā lafzı nihān muḳābilinde isti'māl ile «zāḥir» ma'nāsına olur. Nitekim bu maḳāmda bu vechile müsta'meldür. **Şeved**, «olur» ma'nāsına muzāri'-i müfred-i gā'ibdür.

﴿ بنده از شومئ آن رسوا شود ﴾ Kul anuñ şūmluğından rüsvāy olur. **Bende**, «kul»; **ez-şūmī-i ān**, «ol inādliğüñ şe'āmetinden» dimekdür. Şūm, yaramaz yıldızlu ḥayırsız kimseye dirler. 'Arabide şīn-ı mu'cemenüñ zammı ve hemzenüñ sükūniyle «şu'm»dur ki «yūmn»üñ naḳtızıdır. Bunuñla murād; 'adem-i muvāfaḳatdur ve Fāriside müsta'meldür. Āḥirindeki yā maşdariyyedür; mā-ba'dine izāfet eclı için yādan soñra bir hemze getirilmişdür. Ān, lecūclüğe işāretdür. Ve daḥı ma'lūm [S276a] ola ki teşe''üm ancak 'avretde ve dārda ve feresdedür. 'Avretüñ şūmı; ḥulḳı bed ve mehri ağır yāḥod 'aḳīm olandır. Dāruñ şūmı; dīḳ ve cārı bed olandır. Feresüñ şūmı; ğayr-ı münḳād yāḥod üzerinde ğazā olmayandır. Nitekim İmām Müslim Şaḥīḥinde eyidür: روی ابن عمر ان رسوالله عليه السلام قال لا عدوى ولا طيره وانما الشؤم فى ثلاثة المرءة والفرس والدار bu ḥadīs-i şerīfūñ beyānında 'ulemā buyurmuşlardur ki; eşyā'-i şelāse de olan şūmluḳ ḥükmi 'alā-vechi'l-ğalebedür; yoksa ẓaṭ'ı degüldür. Ve bu üç nesne ile taḥşışun bi'z-zikrūñ 'illeti bunlaruñ şāḥibine zarar-ı keşir ulaşdığıındandır. Yāḥod bunlara ibtilāda olan şūmluḳdan insāna āfetüñ ẓarīb idigin bilüp bunlardan [Ü271b] müfāraḳat olınmaḳ içündür. Pes nāẓımuñ lecūclüğüñ şūmluğından bende rüsvāy olur didigi bu 'illetde müşārik olmağıla şūm lafzını irād eylemişdür; te'emmül olına. **Rüsvā şeved**, «rüsvāy olur» dimekdür. 'Āḳıl olan rüsvāylıḳdan ḥazer eylemek gerekdür. Qaldı ki böyle mu'ānidüñ itirāzına dūḳār olana lāẓım olan, 'adem-i muḳābele ile sükūtdur. Zīrā ayağıñı ışıran kelbe muḳābele ile pāy-ı kelbi ışıрмаḳ 'uḳālā işi olmadığı *ḳıṭ'a*:

وان سب اياك ذو حفة

فلا ترجعن بمثل عليه

فان غص رجلحك كلب فما

لك ان تغص جزاء يديه

didikleri ḳıṭ'a-i dil-ārādan hüveydādur.

﴿ خشم خود را چونکه راند جاهلی ﴾ Çünkü bir cāḥil kendi ğaḍabını icrā eyler. **Ḥışm-ı ḥod-rā**, izāfetle kendi ğaḍabını dimekdür. **Çun ki**, 'illet içündür. **Rāned**, muzāri'-i müfred-i gā'ibdür; «sürer» dimekdür. Sürmege icrā lāẓım gelmegin, icrā eyler dimek murāddur. **Cāḥilī**, yā'-i vaḥdet ile «bir cāḥil»

dimek olur. Cāhil lafzını ĩrādda, ğađabını icrā eylemek cūhelā kārıdır; ğađabnāk olan her ne kadar ‘ālim dađı olur ise ma‘nāda ma‘rifetden ‘ārīdūr dimege işāret vardır.

﴿ جز پشیمانیش نبود حاصلی ﴾ Aña peşimānlıktan ğayrı bir hāşıl olmaya. **Cüz peşimānīş**, «aña peşimānlıktan ğayrı» dimekdür. Āħirinde olan şīn, zamīr-i ğā’ibdür; ğađabın sâ’ık olan cāhile rāci’dür; **nebved** fīlinüñ āħirine merbūtdur. Ta‘bīr «ne-buvedeş»; «aña olmaya» dimekdür. **Hāşılı**, yā’-i vaħdet ile «bir fā’ide» dimekdür. Pes şöñ peşimānlığuñ bī-fā’ide idigi meşhūrdur.

﴿ هر که کرد از کبر بالا کردندش ﴾ Her kim ki kibrden nāşī boynunı yüksek eyledi. **Her ki**, «her kim ki»; **kerd**, fetħ-i kāf-ı ‘Arabī ile māzī-i müfred-i ğā’ibdür. [S276b] «eyledi» ma‘nāsınadır. **Ez-kibr**, «kibrden nāşī» dimekdür. **Bālā**, bunda «yüce» ma‘nāsınadır. Ve bundan mā-‘adā dōrt ma‘nāya gelür. Biri, kıdd ü kımet ve biri fark-ı ser ve biri güzel ve biri yedek at ma‘nālarınadır. **Gerdeneş**, «boynın» dimekdür. Gerden, boyundur. Āħirindeki şīn, zamīrdür; her ki lafzınıñ medlūline rāci’dür.

﴿ دوستان کردند آخر دشمنش ﴾ [Ü272a] Anuñ dostları āħir-i kār düşmen olurlar. **Dostān**, cem‘dür; müfredi dostdur. Mısrā’uñ āħirindeki şīn, dostān lafzınıñ āħirine merbūtdur. Ta‘bīr dostāneş; ma‘nāsı «anuñ dostları» dimekdür. **Kerdend**, muzārī’uñ cem‘-i ğā’ibdür; «olurlar» dimekdür; maşdarı taħvīl ü şayrūreti müş‘ir olan «gerdiden»dür. **Āħir**, «encāmında» dimekdür. **Düşmen**, ma‘rūfdur. Pes kibr ile gerden-efrāz olanuñ dostları, dostluğı düşmānlığa taħvīl ile her taraftan üzerine hücum eylemek Şeyh Sa‘dīnūñ:

هر که از کبر کردن اندازد
دشمن از هر طرف برو تا زد
سعدی افتاده است و آزاده
کس نیاید بچنگ افتاده

kıřa-i nāzükinden hüveydā vū beyān-sāzdur.

﴿ کاملی را هر که سازد پیشه ﴾ Her kim ki keslānlığı ‘ādet düzer. **Kāhili-rā**, «kāhillığı» dimekdür. **Her ki**, «her kim ki»; **sāzed**, «düzer» ya‘nī «eyler» dimekdür. **Pīşe’i**, hemze-i vaħdet ile «bir ‘ādet ü şan‘at» dimekdür. Pes bu kelimeyi ĩrādda, keslānlığı mu‘tād eylemeyüp, lā-‘an-‘kaşdin kendüden kehālet şudūr idene bu ma‘nāca kāhil dinmege işāret vardır. Ammā keseli mu‘tād idinen:

﴿ آید از خواری بیایش تیشه ﴾ Hāķāretden anuñ ayağına bir tīşe gelür. Ya‘nī; rezīl ü zelīl ve ğor u ğacīl olur dimekdür. Hāķāret-i mezkūr hāķāret-i dāreynden e‘ammdur. **Āyed**, «gelür»; **ez-ĥ‘ārī**, «hāķāretiden»; **be-pāyeş**, «ol kāhilūñ ayağına»; **tīşe’i**, hemze-i vaħdet ile «bir keser ve balta veyā külüng» dimekdür. Murād; kārı kesād ve ĥālī pür-fesād olur dimekten kināyedür. Bu ta‘bīr Türkīde dađı vardır. Nitekim “fūlān fūlān ĥuşuşda fūlānuñ ayağına balta oldu” ya‘nī revācına ma‘nī oldu dirler.

﴿ خشم خود را کر فرو خورد کسی ﴾ Eger bir kimse kendi ğađabını aşığı yutmaya. Ya‘nī kaẓm-ı [Ü273a]²³ ğayz eylemeye dimekdür. **Hışm-ı ĥod-rā**, izāfetle «kendi ğađabını» dimekdür. **Ger**, egerden muħaffef edāt-ı şartdur. **Fürü**, fā’nuñ ve rā’-i mühmelenüñ zammeleriyle ve vāv ile «aşığı» dimekdür.

Laḥḥfe: Fūrū lafzı Fārisīde kaçan ten lafzı ile mürekkeben istiḥmāl olup fūrū-ten dinse tevāzuḥ maʿnāsına olur. Ve kaçan [S277a] dāšte lafzı ile mürekkeb olup fūrū-dāšt dinse maḳāmāt-ı mūsikīde āḥir-i neḡamāt murād olunur. Maḳāmāt-ı mūsikīde uşul dördtür: Rāst ve ʿIrāk ve Zīr-efkend ve İşfehāndur. Rāstuñ daḥı ferʿi ikidür; biri Zengule ve biri ʿUşşāḳdur. Ve ʿIrākuñ daḥı ferʿi ikidür; biri Māye ve biri Būselikdür. Ve Zīr-efkendüñ daḥı ferʿi ikidür; biri Büzürg ve biri Rehāvīdür. Ve İşfehānuñ daḥı ferʿi ikidür; biri Ḥuseynī ve biri Nevādur. Her iki ferʿden bir āvāz mütevellid ve münşecib olur. Meşelā Māye ile Būselikden Ḥicāz tevellüd ider. Tafşıl-i şuʿbeler Risāle-i Mūsikīde taleb olına, kezā-ft-Ferheng. **Neʿhvred**, nūn-ı nāfiyenüñ fetḥi ve zarūret-i vezn için ḥāʾ-i muʿcemenüñ sükūnıyla nefy-i istiḳbāl-i müfred-i ḡāʾibdür. Ve bu maḳāmda fīʿl-i şartdur; «yimez ise» dimekdür. **Kesī**, fīʿl-i mezbūruñ fāʿilidür. Yāʾsı vaḥdet içündür; maʿnā «bir kimse» dimekdür.

﴿ عاقبت بیند پشیمانی بسی ﴾ Āḳıbet niçe peşimānlık görür. **Āḳıbet**, maʿlūmdur. **Bined**, muzariʿ-i müfred-i ḡāʾibdür; «görür» dimekdür. **Peşimānī**, yāʾ-i maşdariyye ile «peşimānlık» dimekdür. **Besī**, āḥirindeki yāʾ-i nisbī ile «niçe» dimekdür. Nitekim «besā» kelimesinde elif, nisbet içündür. İmdi ḡadabuñ icrāsınunñ encāmı peşimānlık oldığı maʿlūm ve soñ peşimānlıḡunñ ʿadem-i fāʾidesi meczūmdur.

﴿ هرکه او افتاده و تن پرورست ﴾ Her kim ki o ūftāde ve ten besleyicidür. Yaʿnī kāhil ve tenbellik ile yan gelüp ekl ü şürb ile vücūd besleyici dimekdür. **Her ki**, «her kim ki»; **o**, zamīrdür «o kimse» dimekdür. **Ūftāde** ve hemzesiz fūtāde ve vāv ile ūftāde bir maʿnāyadır; «düşmüş» dimekdür. ʿĀşık maʾşūḳınuñ düşküni oldığı için “fūlān fūlānuñ ʿāşıkıdır” diyecek maḥallde “ūftādesidür” dirler. **Vü(vāv)**, ʿatf içündür; mā-baʿdini mā-ḳabline ʿātıfdur. **Ten-perver**, terkīb-i tavşīfidür; «vücūd besleyici» dimekdür. Bundan murād; «ekl ü şürbe [Ü273b] muvella» dimekdür. **(E)st**, edāt-ı haberdür, «est»den muḥaffedür.

﴿ نیست انسان کمتر از کاو و خروست ﴾ İnsān degüldür; öküz ve eşekden kemterdür. **Nist**, aşl maʿnāsı «yoğdur» demek idi. Bunda meʿāl hasebiyle «degüldür» dimekdür. **İnsān**, maʿrūfdur; «benī-Ādem» dimekdür. **Kemter**, «eksikrek» yaʿnī «ziyāde eksik ve bī-ḳadr» dimekdür. Mısrāʿuñ āḥirinde olan edāt-ı haber bu kelimenünñ āḥirine merbūtdur. Taʿbīr «kemterest» dimekdür. **Ez**, «min» maʿnāsınadır. **Gāv**, kāf-ı ʿAcemī ile «ehlī olan öküz»e dirler; işe yaramak şartıyla. Zīrā çiftten kaçan [S277b] öküzle Fārisīde «berze-gāv» dirler. İmdi kāhil olan, çiftten kaçan öküz gibi olmaḡın işe yarayan öküzden ve yük çekici merkebden kemter oldığına bunda işāret vardır. **U(vāv)**, ʿatf içündür. **Ḥar**, ehlī olan eşekdür. Yabānīsine «gür» dirler. Pes merkeb her ne ḳadar bī-idrāk u şuʿūr ise yük çekdiği hasebiyle maḳbūldür. Nitekim Saʿdī:

مسکین خر اگرچه بی تمیزست

چون بار کشد همی عزیزست

beyt-i laṭfī bu maʿnāda kāfīdür. Ammā tenbel-ten olan kāhil, ḥardan kemter oldığı bu beyānda zāhir ve fehīme vāfīdür.

²³ Ü272b boştur.

Der-Beyān-ı Çār Çîz Ki Beḳā Ne-Dāred

﴿ چار چیز ای خواجه کم دارد بقا ﴾ İy ḥ^vāce! Dört nesne az beḳā tutar. Ya'nî; bî-beḳā ve serî'u'z-zevāldür. **Çār çîz**, «dört nesne»; **iy**, kelime-i nidādur. **Ḥ^vāce**, Ferheng-i Şu'urînüñ beyānı üzre; «ḥudāvend-i ḥāne ve şāhib-i māl ve vezîr ü ḥākim ve şeyḥ» ma'nalarınadır. Ve Sūdînüñ Şerḥ-i Ḥāfîzda beyānınca «efendi» dimekdür. Ve ba'zı ehl-i luḡatüñ 'indeinde ḥurūs ve ḥüdhüd tācına dirler. Binā'en 'aleyh ta'zîm kaşdıyle 'azîz olan kimseye ḥ^vāce ta'bîr iderler. Nitekim şāhānuñ ve küberānuñ ḥarem-serāy-ı devletlerinde ḥādîm olana ḥ^vāce-serā dirler. Pes bu maḳāmda ma'nā-yı mülāyim zāhîrdür. **Kem**, «eksik»; **dāred**, «tutar»; **beḳā**, «devām» ma'nāsınadır.

﴿ کوش دار ای مؤمن میمون لقا ﴾ İy güzel liḳālu mü'min! Kulaḳ tut. Ya'nî; istimā'e eyle. **Güş dār**, «kulaḳ tut»; **iy**, harf-i nidādur; münādāsı **mü'min**dür ki ma'nası ma'rūfdur. **Meymūn-liḳā**, ba'zı nüshada nîkū-liḳā vāḳı'dur. Nüşhateyne göre ma'nā birdür. Murād; mü'mini eyü yüzölçü ile tavşîfdür. Liḳāsı meymenetlî ve eyü dimek; ru'yeti hoş dimekdür. Eşyā'-i erba'a-i [Ü274a] âti'l-beyanuñ biri cevri sulṭāndur; ve biri 'itāb-ı dostān ve biri maḥabbet-i nisvān ve biri meveddet-i nādān-ı nā-cinsāndur. Pes bu tertîb üzre nāzım beyān idüp buyurur ki:

﴿ جور سلطانرا بقا کمتر بود ﴾ Sulṭān-ı zālīmüñ cevri beḳā ziyāde eksik ola. Zîrā zālīm tîz muẓmaḥill olmaḡıla zulmi daḡı bî-beḳā olur dimege mebnîdür. Nitekim *mısrā'*:

Zālīmüñ zulmine bakma 'ömrünüñ noḳşānıdur

dirler. Faḥr-i 'ālem şalla'llāhu 'aleyhi ve sellemüñ ḥadîs-i şerîfî mantûḳınca zulm iden şanevber şecerine müşābihdür ki bir kerre yıḳıldıkda bir daḡı toḡrılamaz ve yirinde nihāl-i [S278a] tāze şıḡvası bitmez. Amma maẓlūm sünbüle gibidür; hevā ile egilüp yene toḡrınlur dinmişdür. Ḥulāşa zālīmüñ devleti serî'u'z-zevāldür ve ḳabẓa-i intîḳāmdan ḥalāşı muḥāldür. Nitekim يعلی للظالم اذا اخذ لم يفلته ḥadîs-i şerîfî bu ma'nāya dālldür. (...) Pes bu mezāmîn-i rengîn üzre üftādegāna zulm eyleyen zālīmān-ı ser-keşānuñ şermende ve serîr-i devletden efkende olacağı ve kendünüñ zevāliyle zülminüñ bî-beḳālîḳ bulacağı nümāyāndur. Nitekim Ḥ^vāce Şā'ibüñ *beyt*:

ظلم بر افتادگان شرمندگی می آورد

سرکشان سر پیش اندازند چوکان زدن

beyt-i laṭîfiyle müberhendür.

﴿ پس عتاب دوستان خوشتر بود ﴾ Pes dostlaruñ 'itābı hoşter ola. **Pes**, fetḥ-i bā'-i 'Acemî ile bunda «şoñra» ma'nāsınadır. **'İtāb**, bunda kesr-i 'ayn-ı mühmele ile 'Arabîdür; «ḡaḍab tarîḳıyle ḥiṭāb ve incinecek yirlerin añmaḳ» [Ü274b] ma'nāsınadır. Ammā kaçan zamm-ı 'ayn ile olsa, Fārisîde ḥārā didikleri ḳumāşuñ muḥterî'i olan şaḡşuñ ismidür. Nitekim ḥārānuñ mevedār u laṭîfine «ḥārā-yı 'Utābî» dirler. **Dostān**, cem'dür; müfredi «dost»dur. **Hoşter**, edāt-ı tafḍîl ile «hoşraḳ»; **buved**, «ola» dimekdür. Pes dostān tarafından olan 'itāba daḡı beḳā olmadıḡı hüveydādur. Ḥattā *mısrā'*:

Yārdan cevri ü cefā luṭf (u) keremden yegdür

dimişlerdür. Nitekim ضرب الحبيب زبيب meşeli bu ma'nāya şahiddür. Hülāşa dostuñ dosta 'itāb u hıṭābı tenbīh ü te'dīb ile da'vā-yı maḥabbet [S278b] zımında olur. Ol ise māye-i devlet ü ser-māye-i sa'ādetdür. 'Itāb-ı dostāndan mütemādī muḡberr olan dost degüldür. Zīrā her binā ḥalel-peẓīr olur, lākin binā-yı maḥabbet her bār üstüvārdur. Nitekim:

خلل پذیر شود هر بنا که می بینی
مکر بنای محبت که خالی از خللست

dimişlerdür. Ve nitekim sâbıkda:

ز دوست دوست نرنجد هیچ تعقیری
اگر برنجد او کويد که دوستم غلطست

beytiyle tafşıl-i ḥāl-i dostān olınmışıdi.

﴿ دیگر ان مهری که باشد ان زنان ﴾ Daḡı ol bir sevgi ki 'avretlerden ola. **Dīger**, «daḡı»; **ān mihri**, «ol bir maḥabbet» dimekdür. Mihr, kesr-i mīm ile «maḥabbet» ma'nāsınadır. Āhirindeki yā vaḥdet içündür. Bu maḡāmda yā'-i vaḥdet ityānında olan nükte-i daḡıḡa ḡaḡı degüldür. **Ki**, rābıṭadur. **Bāşed**, temennī vü tereccī içündür; «ola» dimekdür. Bunda daḡı nükte-i laṭīfe vardır. **Ez-zenān**, «avretlerden» dimekdür. Zenān, cem'dür ve müfredi «zen»dür.

﴿ بی بقا چون صحبت ناجنس دان ﴾ Şoḡbet-i nā-cins gibi anı bī-beḡā bil. **Bī-beḡā**, «devāmsız»; **çun şoḡbet-i nā-cins**, «ḡılāf-ı cinsüñ şoḡbeti gibi» dimekdür. Çun, edāt-ı teşbīḥdür. Şoḡbet, bunda dostluḡ ma'nāsınadır. Nā-cins, ḡılāf-ı cins dimekdür. Ma'lūm ola ki her cinsüñ zevḡı kendi cinsiyledür. Ve cins iki kışmdur; biri ḡasen ve biri ḡabīḡdur. Ve bu kışmeyne müste'idd kısm-ı şālīs vardır. Lākin merdüddür. Kısm-ı evvel ma'nen ve şūreten hem-cins olandır. Meşelā, hem-cins olan iki 'ālim kimseler gibi. Kısm-ı şānī; ma'nen cinsligi, şūreten ḡılāf-ı cins olandır. Meşelā, iki 'ālimüñ birisi zeyy-i 'ulemāda olmayup şekl-i 'avāmda olmaḡ gibi. Bundan her ne ḡadar zevḡ ḡāşıl olur ise de ḡabīḡdür dimişlerdür. Ammā her vechile bī-zevḡ ve bi'l-külliyeye merdüd olan kısm-ı şālīs şūretā cinsligi, ma'nen nā-cins olandır. Meşelā, nān şeklinde zehr ve iḡsān şeklinde ḡahr ve insān hey'etinde ḡayvān ve ehl-i 'irfān şūretinde olan nā-dān emşālleri gibi. Pes nāzımuñ “dostluḡında devām yokdur” didiḡi nā-cinsden murād; [Ü275a] merdüd olan kısm-ı şālīsüñ mā-şadaḡları olmaḡ zāhirdür. Zīrā ma'nāda vü şūretde ḡılāf-ı cins ancak ḡayvanātda bulunur. ḡayvān ile ise şoḡbetüñ ma'nası yokdur. Belki ḡayvān ile dostluḡ, merdüd olan nā-cinsüñ şoḡbetinden [S279a] ḡoş olmaḡa bunda nükte aramaḡ ḡābildür. İmdi ādemüñ hem-şoḡbeti ma'nen ve şūreten hem-cins gerekdür ki ol şoḡbetde devām ile zevḡ-ı tāmm bulına. Ve ba'dehū feḡaṭ ma'nen hem-cins ile şoḡbet yine māni' degüldür. Ammā feḡaṭ şūretde müşāhebet olanuñ şoḡbetinde şafā vü beḡā olmaz. Zīrā yalnız şūretde müşāhebetüñ lezzeti 'āriyetdür ve encāmı ṭarafeyne şıḡlet-i nefretdür. Nitekim şayyāduñ şūrī olan şafirine fırıfte olan mürḡ-ı nā-murād, kendi cinsinüñ şadāsı zannıyile gelüp giriftār-ı dām-ı şayyād nefretten nāşī ızṭırāb ile feryād ider. Ve daḡı serābuñ şūretā āba müşāhebetinden nāşī, teşneye ibtidā'-i ru'yetde bir zevḡ gelür. Ammā te'ayyün oldıḡda serābda ma'nā-yı şarāb olmadıḡın bilüp andan müteneffir olur. Ḥattā şūretā şeyḡ olan kezzāb u müdde'i-i nā-şavāblar daḡı بكسر اب قیعة

يحبسه الظمان ماء حتى اذا جاء لم يجده شيئا kabîlindendür. Zîrâ âb-ı hayât-ı haqîkîniñ tullâbına, anlar serâb-ı cehl ü dâlâl iken şarâb gibi görünüp, encâmında tâliblerin vâdî-i hayretde ‘atşân u fütâde-i berârî-i hızlân itmeleriyle şoḥbetlerinde devâm u şebât bulunmaz. Mihr ü maḥabbet-i t̤ā’ife-i nisvân daḥı böyledür. İmdi mihr-i zenân ve maḥabbet-i nâ-dâna ‘adem-i i’timâd elzem ve şoḥbeti, kemâl-i ittiḥâdün olan hem-cinsün ile i’tiyâd eylemek ehemmdür. (...) İmdi şoḥbet-i nâ-cinsün ḥâli böyle olunca kendüye müşâbih olan mihr-i zenânun ḥâli [Ü275b] müstağnin ‘anî’l-beyândur. Ve tafşîli beyân-ı âtîden inşâ’a’llâh ‘ıyân olur. Pes nâzım, mezkûr çâr çîzün ba‘de’l-icmâl tafşîline şurû‘ idüp buyurur ki:

﴿ با رعیت چون کند سلطان ستم ﴾ Re‘âyâya çünki sulṭân zulm eyleye. **Bâ-ra‘ıyyet**, «ra‘ıyyeye» dimekdür. Ra‘ıyyet, ma‘rûfdur. **Çun**, «çünki»; [S279b] **koned**, «ider»; **sulṭân**, ve vükelâsı bir hükmedür. **sitem**, kesr-i sîn-i mühmele ile bunda «zulm ü te‘addî» ma‘nâsınadır. Ve gâhî, görüp bilmek ve kaçd ma‘nâlarına olur.

﴿ مرو را باشد بقا در ملک کم ﴾ Ol sulṭân için mülkde beḳâ az ola. **Mer’verâ**, mer o-râdan muḥaffefdür. Mer, taḥsîn-i lafz için zâ’iddür; o-râ, «o sulṭân için» dimekdür. **Bâsed beḳâ**, «beḳâ ola»; **der-mülk**, «mülkde» dimekdür. Der, zarfiyyet içündür. Mülk, zamm-ı mîm ile «bir kimsenün taşarrufında olan nesne»ye dirler. Bu maḳâmda ‘Arabîdür. Zîrâ Fârisîde bir nev‘a kara dâne ve mercümege ve teḥıyyet ü selâma da mülk dirler. **Kem**, «eksik» ma‘nâsınadır. Bunda murâd, ma‘nâ-yı mecâzî ile «az» dimekdür. Ḥulâşa “maḫlûmun âhı indirür şâhı» didikleri meşel üzre âh-ı serd-i zu‘afâ, mülk ü salṭanatuñ zevâline sebep idigi hüveydâdur. Nitekim Ḥamîdî eyidür *kıṭa*:

دل جمعی پریشان میشود از حرف بیجایی
نمی بینی که مرک چراغ از یک نفس باشد
بر آرد از دماغ ظالمان آه ضعیفان دود
همان در کله نمرود اواز مکس باشد

intihâ. Ve nâzımun bu beytinde ثبات الملك فی العدل maẓmûnına mefhûm-ı muḥâlîf ḳâ‘idesince îmâ vardır.

﴿ کرترا از دوستان آید عتاب ﴾ Eger saña dostlardan ‘itâb gele. **Ger**, edât-ı şartdur. **Tu-râ**, «saña»; **ez-dostân**, «dostlardan»; **âyed**, fi‘l-i şartdur; «gele» dimekdür. **‘İtâb**, ma‘rûfdur.

﴿ کم بقا باشد چو خط بر روی آب ﴾ Vech-i mâ üzre yazı gibi devâmsız ola. **Kem beḳâ**, «devâmsız»; **bâsed**, «ola»; **çu ḥaṭṭ ber-rüy-ı âb**, «vech-i mâ üzre olan yazı gibi» dimekdür. Ḥaṭṭ, bunda yazı ma‘nâsınadır. Evvel-i ḥaṭṭât ḥazret-i İdrîs ‘aleyhi’s-selâmdur. Ve ḥaṭṭ-ı Kûfîyi ‘Arabiyyeye iḥrâc iden İbnü Muḳledür ki mulûk-i pîşîn iltifât iderler idi. Pes ḥüsn-i ḥaṭṭ zuhûrından sonra [Ü276a] ḥaṭṭât İbnü Eyyûbdur ki ta‘rîb-i ḥaṭṭı ziyâde eyledi. Ba‘dehû Yâḳût-ı ḥaṭṭât gelüp fenn-i ḥaṭṭı tekmîl eyledi. Qaldı ki bir şey’ün sür‘at-i zevâlin beyânda ‘Arab كالمشق فی هوا ve daḥı وجه الماء ile ta‘bîr eyledikleri, gerek hevâda ve gerek vech-i mâ’da ḥurûfuñ ‘adem-i tecessûmine binâ’endür. Nâzımun bu ta‘bîri ke-zâlikdûr ki dostdan zuhûr-yâfte olan ‘itâb mânend-i ḥaṭṭ-ı ber-rüy-ı âbdur. Ve ḥaṭṭun şu üzerinde ‘adem-i tecessûmi bî-irtiyâbdur. Nitekim Ḥ‘âce Şâ‘ibün:

در دل صاف نمائد اثر تیغ زیان

زخم [S280a] این آینه چون آب بهم می آید

beyt-i laṭīfinden ma'nā-yı mezkūrı ĩmā vardır.

﴿ چون بناجنسان نشیند آدمی ﴾ Çünkü bir âdem hılâf-ı cinsler ile oturur. **Çun**, «çünkü»; **bi-nā-cinsān**, evvelde olan ḥarf-i bā muşāḥabet içündür; ma'nā «nā-cinsler ile» dimekdür. Nā-cins ma'rūfdur. **Nişined**, muzarî-i müfred-i gā'ibdür; «oturur» dimekdür; masdarı «nişesten»dür. **Âdemî**, yâ'-i vahdet ile «bir âdem» dimekdür. Yâ'-i nisbete ḥaml daḥı muḥtemeldür. Bunda nâzımuñ âdemî zikrinde, nā-cins olan muşāḥibi ḥayvân menzilesine tenzile ĩmā vardır. Zîrâ ḥayvân insânıñ, tafşîl-i sâbık üzre gūyâ hılâf-ı cinsidür.

﴿ کمترک بیند از ایشان همدمی ﴾ Anlardan iş ve muşāḥıblığı ziyâde eksik görür belki hiç hem-demlik görmez dimekdür. **Kemterek**, âhîrindeki kâf-ı taşğîr ile ma'nā «ziyâde azacıḳ» dimekdür. **Bined**, «görür»; **ez-İşân**, «anlardan» dimekdür. Ez, «min» ma'nâsınadır. İşân, zamîr-i gā'ibün cem'idür; nā-cinsâna râcî'dür. **Hem-demîde**, yâ maşdariyyedür. Hem-dem «iş ve muşāḥib» ma'nâsınadır. Bunda murâd; anlarıñ şoḥbetlerinde vefâ yokdur dimekdür. Âdemüñ hem-şoḥbeti ise vefâdâr gerekdür. Nitekim:

مشو هممشرب و هم بزم زنه‌ار

بآن کس که نمی باشد وفادار

dimişlerdür. Hem-meşreb, evzâ u etvâr u aḥlâḳda muvâfıḳ olana dirler. Hem-bezm, hem-meclis dimekdür. Pes nâzım bu beyti işbâtta temşîl tarîkıyle:

﴿ زاغ چون فارغ ز بوی کل بود ﴾ Zâg çünkü gül ḳoḳusından fâriḡ ola. **Zâg**, Fârisîde «ḳarḡa» dimekdür ki 'Arabîsi «gürâb»dur. Bunda murâd budur. Zîrâ Fârisîde yayıñ kiriş geçdiği yire daḥı dirler. Ve müsiḳîde [Ü276b] bir laḥndur. Ve 'Arabîde meyl ma'nâsına gelür. Nitekim ما زاغ البصر ḳavlinde «mā-sivāya nazarı meyl itmedi» dimekdür. Ve daḥı زاغ الشمس ḳavlinde مالت الشمس الى الزوال dimekdür. **Fâriḡ**, «boş bir işden târik» ma'nâsınadır. **Zi-büy-ı gül**, izafetle «gül ḳoḳusından» dimekdür. Zi, ḥarfî ez kelimesinden muḥaffedür; «an» ma'nâsınadır. Büy, ḳoḳu ma'nâsınadır. İzâfetüñ gayrında âhîrindeki yâyı ḥazfile bû daḥı dirler. Gül, bunda meşhûr u ma'rûf olandır. Ve her çiçeḡe gül dirler; ta'yîni muzâfun ileyhi iledür. Meşelâ gül-i zanbaḳ ve gül-i nesrîn gibi. Ve gâhî isti'âre tarîkı ile şerâre-i âteşe ve çerâḡa daḥı gül dirler. Nitekim:

برک میریزد ز کل دائم خزان خواهد رسید

میهمان آید بخانه چونکه کل بارد چراغ

beytinde mısrâ'-ı [S280b] evvelde gül-i meşhûr ve mısrâ'-ı şânîde şerâre murâddur. **Buved**, «ola».

﴿ نفرتش از صحبت بلبل بود ﴾ Bülbülüñ şoḥbetinden aña nefret ola. Zîrâ beynlerinde cinsiyyet yokdur dimekdür. **Nefreteş**, «aña nefret» dimekdür. Ve nefret, ṭab'uñ bir nesneden ikrâhına dirler. Âhîrindeki şîn zamîrdür; zâḡa râcî'dür. **Ez-şoḥbet-i bülbül**, «bülbülüñ şoḥbetinden» dimekdür. Bülbül, elsine-i selâşede ṭayr-ı meşhûr ma'nâsınadır. Ve Fârisîde bübüle hezâr daḥı didikleri kütüb-i luḡâdde meşhûrdur. Lâkin İbnü Kemâl, Deḳâ'ıḳu'l-Ḥaḳâ'ıḳ nâm kitâbında beyt:

صد هزاران کل شکفت بانک مرغی بر نخواست
عندلیبان را چه پیش آمد هزارانرا چه شد

beytini îrâd idüp, hezâr-ı evvel «biñ»dür; hezâr-ı şânî «bûlbüle beñzer bir kuş»dur. Ve ol kuş bûlbülün gayrı idigine bu beyt şâhid iken, Baḥru'l-Ġarâ'ib şâhibi ikisin birbirinden fark itmeyüp gâlaṭa düşmüşdür, intihâ. Ammâ Ferheng-i Şu'ûrî'nün ıstılâḥ-ı Fûrde “چون آخر حرفست در ابجد” âḥir-i ḥarf-i ebced hezârdur ve hezârdan bûlbül murâd olunur” diyü beyânı, kütüb-i luġātuñ ve Baḥru'l-Ġarâ'ib şâhibinün kelâmların te'yîd ider, fe'fhem. **Buved**, «ola» dimekdür. Evvelen zâġuñ bûlbûlden nefretinün beyânı şöyledür ki; iki âşnânun şoḥbetine sebep hem-zebânlıkdur. Hem-zebânlık ekşer-i zamâna göre şartdur. Zîrâ aşl-ı maḥremiyyet cân u dilün âlem-i ezelde te'ârûflerinden nâşîdür. Nitekim الارواح جنون مجننة آه bu ma'nâda şâhiddür. Ve keyfe lâ ki, iki hem-zebân [Ü277a] olmayan kimesneler hem-dil oldıkdâ birbirlerine maḥrem ü muḥibb olurlar. Meşelâ, sâde Türk ile Hindî'nün âşnâlıkları gibi. Ve iki Türk hem-zebânlar iken, hem-dil olmayınca vâkt olur ki birbirlerine, deve bayṭara baḳar gibi baḳarlar ve birbirlerinin cânın şıḳarlar. Ve daḫı mıṣrâ'e

همدلی از همزبانى بهترست

dimişlerdür. Ve hem-dil iki kimesnenün birbirlerinin lisân-ı ḥâlini fehmi ile sır-ı derûnına maḥrem olmağa dirler; lisân-ı maḥremiyyetün ḥâli böyledür. Bu ḥâl hem-zebânlıġuñ gayrıdur ki ol, lisân-ı maḳâl ile olan muşâḥabetden 'ibâretdür. Pes hem-dil olmaḳ bundan ûlâ vü uḫrâdur. Zîrâ beyt:

Cedelkârân ḳarîn-i şoḥbet-i erbâb-ı ḥâl olmaz

Miyân-ı meclis-i işrâḳıyânda ḳıl ü ḳâl olmaz

mışdâkıncâ meşelâ, ıstılâḥ-ı meşâyıḫı bilüp, esrâr-ı derûnların fehmi eyleyen ancak dil âşnâsıdur. Ammâ lisân-ı ḥâllerine 'ârif ve mâ-fi'l-bâllerine vâḳıf olan [S281a] her ne ḳadar ıstılâḥ-ı lisâniyyelerin edâya gayr-ı ḳâdir ise de maḥremiyyet mertebesine vâsıllardan ma'dûdiyyeti zâhirdür. Ve yalnız hem-zebân olandan evleviyyeti bâhirdür. Ehl-i ḥâl 'indinde لسان الحال انطق من اللسان المقال dūr. Ve ehl-i bâl 'indinde لسان البال انطق من لسان الحال dūr. Ve lisân-ı bâl şâhiblerinin esrârına lisân-ı maḳâl degül belki lisân-ı ḥâl şâhibleri vâsıl olamaz dimişlerdür. Ḳaldı ki beyne'n-nâs “fûlân ehl-i dil” didikleri, lisân-ı 'aşra 'ârif dimekdür; yoksa beyân-ı sâbıḳa göre degüldür. İmdi zâġ-ı bed-şadâ ve ġurâb-ı belâ-ender-belânun bûlbül-i ḥoş-nevâzdan nefreti, bâ'is-i şûriş-i 'andelîb olan râyıḥa-i dil-firîb-i gülden bî-naşîb ve daḫı beyt:

Hezâruñ ḥâlini fehmi eylemez zâġ

Ne bilsün derdmendün ḥâlini saġ

maẓmûnı üzre bûlbül ile hem-dil ü hem-zebânlıġı olmadıġındandır. Zâġ ile nâ-cinsün bu ḥâlde ittiḥâdı, beyân-ı mezkûrdan müstefâddur. Fe'alâ-hâzâ câhil ü nâ-dân daḫı zâġ gibi bûy-ı ma'rifetden bî-naşîb olmaġın, 'âlim ü dânanun şoḥbetinden müteneffir olmaḳ mücerredür. Ḳaldı ki zâġ-ı rû-siyâḥ mişâli olan nâ-cins-i ġüm-râhuñ vücûd-ı sıḳlet-âlûdlarından nefret, bûlbül ve mişâli olan erbâb-ı dil tarafından olmaḳ iḳtizâ ider iken [Ü277b] beyt:

Ḳahr-ı dehr ile olur bûlbül ġurâba hem-nişîn

Yine şekvâyı gurâb eyler garâbet bundadır

müfâdıncı nâzımuñ nefreti zâğ tarafına nisbet eylediği, zâğ ve mişâli olan nâ-cinsi mezemmet nüktesine işâret içündür. Yoksa cehele maķûlesinüñ meşelâ ‘ulemâdan nefret eylediği, zümre-i ‘ulemâ anları na‘l-i vâj-gün ile gönülden sürüp iz yitürür didiklerinden nâşîdür. Nitekim bu beyânda Meşnevîde nice ebyât ve Şeyh ‘Abdü’l-Kâdirüñ bir hikâye-i garîbesiyle, şerhinde ebyât vardır. Havfen mine’t-taṭvîl bu maķâmda bu miķdâr beyân ile iktifâ kılınmışdır. Ve zâguñ gülzârda iķâmet ve nağme-i bülbül ile terbiyet olınmasından zâğa bir fâ’ide ‘â’id olmaz. Zîrâ zâtında ķâbiliyyet ü istiḍâd yokdur. Pes aña ħâristân ile gülîstân ve nağme-i ħâr ile şadâ-yı ‘andelibân seyyândur. Nitekim ħazret-i Mevlânânüñ *meşnevî*:

نقش ماهی را چه دریا و چه خاک

رنک هندو را چه صابون و چه زاک

beyt-i tâbnâki bu beyânda kâfidür. İmdi naķş-ı mâhî gibi olan bî-fehmlere, deryâ vü ħâk ya‘nî şûret ile ma‘nâ müsâvîdür. Ve Hind ü ‘Arab gibi olan [S281b] ħara yüzlülere, ħara boya ile şâbûn berâberdür. Ya‘nî; terbiyet ü irşâd-ı şâbûn ile anları yusañ veyâĥod zâk-i istiṣķâl ü idlâl ile anları boyasañ anlara birdür. Zîrâ aşlında siyeh-rû vü bed-ĥûlardur; işlâĥa ķâbil degüllerdür. *Laḫḫe: Beyt*:

İnkılâbât-ı dem-i faşl-ı şitâdan söz açup

Güllere mürġ-ı seher naķl-i ser-encâm eyler

müfâdıncı bülbülüñ inkılâbât-ı dem-i faşl-ı şitâdan söz açup, terennümü faşl-ı güle maĥşûş olduğına nükte beyân eylemişlerdür. Bülbüli söyleden güldeki ġuşdârlıķdur. Fe‘alâ-hâzâ bülbülân-ı ma‘rifet ü nağme-serâyân, bāġ-ı fazîlet içün ġülistân-ı raġbet ü bostân-ı ülfetde ġül gibi müstemi‘ ü müsterşid olmadıķca zâğ gibi müteneffirler içün leb-cünbân-ı beyân-ı ĥikmet olmayup, sükûtı ihtiyâr iderler. Ve bülbülüñ sükûtı cibillî olmadığı gibi, ķulûb-ı mürşidîne min-ķibeli’llâĥ telķîn-i ĥikmet fehmi müsme‘îne ġöre olduğu ĥaberde gelmişdür. İmdi nâ-cins ile şoĥbetden dūr olmaķ ĥoşter ve zimâm-ı ülfetlerin kaç itmek her ĥâlde mu‘teberdür. Zîrâ:

﴿ صحبت ناجنس جان کاهی بود ﴾ Nâ-cinsüñ şoĥbeti cân eksildicilik ola. **Şoĥbet**, bunda «bir

meclisde oturmaķ» [Ü278a] ma‘nâsına olmaķ rüşendür; mâ-ba‘dine muzâfdur. **Nâ-cins**, ma‘rûfdur. **Cân-kâĥide** yâ’ maşdariyyedür. Cân-kâĥ terkîb-i tavşîfidür; aşlı kâĥende-i cân idi. Kâĥende, «eksildici» ma‘nâsına ismi fâ’ildür. Maşdarı «kâsten»dür; eksiltmek ve eksilmek ma‘nâlarınca müte‘addî vü lâzım olur. Pes «kâĥende»den edât-ı ismi fâ’ilüñ ĥazfî ve taķdîm ü te’ĥîr-i ‘ibâre ile cân-kâĥ olmuşdur; ma‘nâsı «cân eksildici» dimekdür. Āĥirindeki yâyı ta‘zîme ĥaml daĥı muĥtemeldür. **Buved**, «ola» dimekdür. Ma‘lûm ola ki nâ-cinsüñ şoĥbetinde meclise şıķlet der-kârdur. Pes

‘İyândur zarar-ı iķtîrân-ı şîşe vü seng

Ĥılâf-ı cins ile ülfet belâ degül de nedür?

didikleri bu beyânda âşķârdur. Erbâb-ı kemâlüñ şîşe-i ĥâtırı ise *beyt*:

دلیست در بر من را ز آبکینه نازکتر

که کر غبار نشیند ازو شکسته شود

müfâdınca bir gubârdan münkesir olur. Şoḥbet-i nâ-cins ise ḥacer ile berâberdür. Ve keyfe lâ ki, ḥılâf-ı cins ile hem-meclis olmak ber-mantûḳ-ı âyet-i celîl zebḥa mu‘âdildür. Nitekim şâ‘irüñ *beyt*:

چاک خواهم زدن این دلق ریایی چکنم

روح را صحبت ناجنس عذابست الیم

beyt-i laṭîfî bu beyânda kâfidür. Ve şoḥbet-i mezkûruñ [S282a] ‘azâb-ı cân idigin beyânda menḳûldür. *Hikâyet*: Nüşîrvân bir vâktde ḥukemâya su’âl buyurmuş ki: “Bir kimse ḥâline göre bir ḥiml-i şaḳîlî götürür ve ḥammâlvârî menziline yetürür. Ammâ meclisde ṭab‘ınuñ ḥılâfı olan bir şaḳîlûñ şoḥbetin çekemeyüp, andan nefret ü firâr ider. Bunda ḥikmet nedür?” didikde cevâbında ḥukemâ eyitmişler kim: “Ḥiml-i şaḳîlî götürmek cümle a‘zânûñ mu‘âveneti iledür. Ammâ şaḳîl olan nâ-cinsüñ ḥiml-i şoḥbeti rûḥadur. Rûḥ-ı laṭîf, sıḳlet-i keşîfe müteḥammil olamaz” demişlerdür, intihâ; kezâ-fi’l-Ḥafîd. İmdi her ḥâlde râḥat, ḥalkdan inḳıṭâ‘ ile ferd-i vâḥid olmaḳda idigi meşḥûd-ı ‘ayn-ı ehl-i başîret ve tecrûbet-kerde-i erbâb-ı ‘uzletdür. Nitekim Fevrî-i merḥûm buyurmuşdur, *naẓm*:

Fevriyâ kendü özini her kim
Ḥalk-ı ‘âlemde âşnâ eyler
Kim olursa muşâḥibi anuñ
Cânına şoḥbetin belâ eyler
Eyü olup cüdâ düşerse eger
Derd-i hecrine mübtelâ eyler
‘Âḳıl oldur ki ferd-i vâḥid olup
Ḥalkdan kendüyi cüdâ eyler

(...[Ü278b]...)

﴿ جمله را زین حال اکامی بود ﴾ Cümleye bu ḥâlden âgâhlıḳ ola. **Cümle**, «cem» ma‘nâsınadır; edât-ı mef‘ûldür. **Z’in ḥâl**, «bu keyfiyyetden» dimekdür. **Āgâhî**, yâ’-i maşdariyye ile «ḥaberdârlıḳ»; **buvud**, «ola» dimekdür. Pes bu mısrâ‘uñ maẓmûnı bir iki veche muḥtemeldür. Evvelen, şoḥbet-i nâ-cinsüñ cân-kâh oldığı cümleye ma‘lûm olsun ki, anlaruñ şoḥbetine dūḥâr olmaya dimekdür. Ba‘dehû ne itmek gerekdür? diyü [S282b] su’âl-i muḳadder peydâ olmaḳın nâẓım cevâb tarîḳıyle eyidür:

﴿ چون ترا ناجنس آید در نظر ﴾ Çün nâ-cins olan senüñ naẓaruña gele. Ya‘nî; nâ-gah kendüye muşâdif olasın. **Çun**, «çünkü»; **tu-râ**, ta‘bîr der-naẓar-ı tu-râ olmaḳın ma‘nâ «senüñ naẓaruña» dimekdür. **Nâ-cins**, ma‘rûfdur. **Āyed**, «gelür» dimekdür.

﴿ ای پسر چون باد از وی در گذر ﴾ İy oḡul! Andan hevâ gibi şavuş. Ya‘nî; ṭurup kendi ile mükâleme eyleme dimekdür. **İy püser**, «iy oḡul»; **çun bād**, «yıl gibi» dimekdür. Çun, bunda mişl ma‘nâsına kelime-i teşbîhdür. Bād, Fârisîde on bir ma‘nâya gelür; bu maḳâmda yıl ma‘nâsınadır. Ma‘ânî-i baḳıyyesi; nâm-ı firişte ve daḫı mâḥ-ı şemsînüñ yigirmi ikinci günü ve daḫı ṭâbûd ve daḫı sūḥan ma‘nâsından kinâye ve daḫı âḥ demek ve daḫı medḥ u senâ ve daḫı nâm-ı ḥazîne-i Keyḫusrev ve daḫı tünd ü tîz ve daḫı kibr ü naḫvet ve daḫı bādâ kelimesinden muḥaffef olmaḳ üzere «olsun» ma‘nâsına geldigidür. **Ez-vey**, «andan» ya‘nî «nâ-cinsden» dimekdür. Vey, zamîrdür; [Ü279a] nâ-cinse râcîdür. **Der**

güzer, «şavuş» demek ma'nāsınca emr-i hâzırdur. Evvelindeki der zā'iddür. Pes nāzımuñ çun bād ta'bîri mürürda sür'atden kināye ve hevā hübüb idecegi maḥalli kimseye haber virmediği gibi sen daḥı gidecek maḥalli ol nā-cinse haber virme dimege işāret içündür. Qaldı ki ol nā-cins seni müstağrağ-ı biḥār-ı kerem eylemek ihtimālî daḥı var ise anuñ sıkketine maḥşüb iḥsānından iftirākı āsāndur diyü bu nazmı āvīze-i gūş-ı 'ālemyān eylemişlerdür. Ol nazm-ı dürer-bār budur:

اذا كان عطايك الف بحر
مسيرة كل بحر الف نيل
سار حل عن ديارك الف يوم
مسيرة كل يوم الف ميل
اذا حل الثقليل بارض قوم
فما للساكين الا الرحيل

Ve eger ol nā-cins senden aḥz-i ḥikmet ve taleb-i ma'rifet kaydında ise de yene andan sür'at ile nefret gerekdür. Zīrā hem-rāz u hem-zebān olmayana iṭā'-i ḥikmet ol ḥikmete zulmdür diyü beyān buyurmuşlardır. Nitekim ḥadīs-i şerīfde لا تعطوا الحكمة الى غيرها فتظلموها ولا تمنعوا عن اهلها فتظلموها vārid olmuştur. Ḥattā esrār-ı İlāhiyye, 'inde'l-evliyā' emānetu'llāh olup ve evliyālar ümenā'-i İlāh olduğından اهلها الى اهلها ان تؤدوا الامانات الى الله يأمرکم ان تؤدوا الامانات الى الله mantūkıncı emānet-i [S283a] şerīfî ancak ehline edā iderler ve ehli olmayandan cüdā vü sükūt üzre giderler. Nitekim ḥazret-i Mevlānānuñ:

هرکه او از همزبانى شد جدا
بى زبان شد کرچه دارد صد نوا

beyt-i dil-ārāsı bu beyānda kāfidür.

Der-Vaşf-ı Çār Çiz Ki Ez-Çār-ı Diğer Tamām Mî-Şevad

{ چار چیز از چار دیگر شد تمام } Dört nesne diğer dörtten tamām oldu. **Çār çiz**, «dört nesne»; **ez-çār-ı diğer**, «sā'ir dörtten»; **şod tamām**, «tamām oldu» dimekdür. Ol eşyā'-i erba'a 'amel ve niyyet ve dīn ve ni'metdür. Ve bu tertīb üzre bunları mütemmim eşyā'-i erba'a; 'aql ve 'amel ve riyāzat ve şükrdür.

{ چون شنیدی یاد میدار ای غلام } Çünkü işitdūñ anı yād tut. Ya'nî; ḥāṭırdan çıkarma. **Çun**, «çünkü»; **şenīdī**, māzīnūñ müfred-i muḥāṭabıdır; «işitdūñ» dimekdür. **Yād**, «ezber ve aḥmak»; **mî-dār**, «tut»; **iy gūlām**, «iy bende» dimekdür. [Ü279b] Gūlam, on yaşını güzēştelemişe ıtlāk olunur; 'Arabīdür ve Fārisīde müsta'meldür. Nitekim maḥbūb-dost olana «gūlām-bāre» dirler. Bāre, bā'-i 'Arabī ile Ni'metu'llāh'ıñ beyānında ḥarīş dimekdür. Deḡā'ıḳ'ıñ beyānında ata dirler; ma'nā ma'lūmdur. Halk taḥrīf idüp; «gūlām-bara» dirler. Zen-bāre daḥı böyledür. Ḥattā gūlām-bārelik töhmetinden istiḥlās için Mirzā Uluğ Beg *beyt*:

غلامباره نیم من ندارم این مذهب
هلاک چادر کشته لچک پوشم

dimişdür. Bu beyt egerçi Mîr-i merķūmuñ zene meylin îmā ider. Lākin tevriye tarīķiyle maʿnāda; zenden ol kadar nefretüm vardır ki gördükde helāk oluram dimege işāret mümkindür. Çāder ü leçek, püş-ı evşāf-ı zenāndur.

﴿ دانش مرد از خرد کیرد کمال ﴾ Kişinüñ ʿilm ü ʿirfānı ʿaqlıdan kemāl tutar. **Dāniş-i merd**, izāfetle «kişinüñ ʿilm ü ʿirfānı» dimekdür. Dāniş, ʿilmdür. Merd, feth-i mīm ile ḥadd-i bülūğı şavışana dirler. Türkīde «er», ʿArabīde «racül»dür. **Ez-ḥired**, «ʿaqlıdan» dimekdür. Nitekim *beyt*:

سپهر اول کند چشم خرد کور
پس آنکه بر خردمند افکند زور

beytinde ḥired, ʿaql u başîret maʿnāsınadır. **Gîred**, muzārîʿi müfred-i gāʾibdür; «tutar» dimekdür. Maşdarı «giriten»dür. **Kemāl**, maʿrûfdur. Tamām ile kemāl beyninde fark sâbıkda beyân olınmışdı. Pes ʿaqlıda ne kadar tamāmiyyet olsa ʿilmde ol kadar kemāliyyet olur. İmdi ʿaqluñ aʿzam-ı âlet-i taḥşîl-i kemāl idigine iştibāh yokdur. Nitekim:

Ālāt ile taḥşîl olur [S283b] insāna kemālāt
Bulmadı kemālātı şu kim oldı kem ālāt

﴿ ان عمل نیت همی یابد جمال ﴾ ʿAmelden niyyet dükeli cemāl bulur. **Ez**, «min» maʿnāsınadır. ʿ**Amel**, lûgatde «kār ve iş» maʿnāsınadır. Pes bunda ʿamelden murād; ḥaḳīḳat-i lûgaviyye üzre fāʾilden ʿan ḳaşdin şādır olan her bir efʾāl-i ihtiyāriyyedür dinmek vāḳıʿı beyāndur. Lākin bunda, kendü ile Ḥudāya tekarrüb meşrûʿ olan ṭāʿat murād olınmaḳ lâzımdur. Yāḥod bunda ʿamel, ṭāʿat ü mübāḥdan ʿammıdur dinmek daḥı muḥtemeldür. Buña göre mübāḥ daḥı niyyet ile ṭāʿate geçer. Lākin nevāhî bundan ḥāricdür. Zîrā nevāhîde niyyetün nefʿi olmadığı icmāʿandur. **Niyyet**, «ḳaşd-ı ḳalb»e dirler. Nāzımuñ niyyeti müfred getürdiği ʿamele muṭābıḳandur. (...[S284a, Ü280a, Ü280b]...) **Hemî**, «dükeli»; **yābed**, «bulur»; **cemāl**, «ḥüsn» maʿnāsınadır. Pes ʿamelüñ ḥüsnî, niyyetüñ ḥüsnine mevḳûfdur. Niyyet-i ḥüsn, riyādan maşûn ve ḥulûşa maḳrûn olundur. (...[S284b]...)

﴿ دینت از پرهیز کامل میشود ﴾ [Ü281a] Dînüñ zühd ü veraʿdan kāmîl olur. **Dînet**, «dînüñ» dimekdür. Dîn ve îmān ve İslām ve şerʿat zāten bir ve ʿtibāren muḡāyirlerdür. Āḥirindeki tā ḥitāb içündür. **Ez**, «min» maʿnāsınadır. **Perhîz**, Fārisîdür; «ictināb» maʿnāsınadır. ʿİndeʾl-eṭṭbbā miʿdeyi nā-muvāfıḳ taʿāmdan taḥzîr ve ʿindeʾl-ʿulemā vüçüdî nā-meşrûʿ nesnelerden şaḳınmaḳ ve ʿindeʾl-evliyā muḥarremāt u müşebbehātüñ cümlesinden nazarı ḳaṭʿ eylemekdür. Nitekim Uşûlüʾl-Erbaʿîn nām kitābda ḥazret-i ʿAlî kerremaʾllāhu vechehūdan rivāyet ü naḳl ile eyidür: Bir kimse muḥarremāt u müşebbehāta bilā-ʿtibār nazar eylese ve ol ḥarām u şübhelüyî yimese ve eklini temennî itmese, kırık güne dek ʿibādetinde ḥalāvet bulamaz. Ve eger yimeyüp ṭurur iken eklini temennî eylese, kırık seneye dek ʿibādetinde ḥalāvet bulamaz dimişlerdür, intihā. Ve bir luḳme ḥarāmı terk, biñ rekʿat nāfile namāzdan efḍaldür. Ve belki nevāhîden bir zerreyi terk ibādet-i şaḳaleynen efḍaldür. Nitekim ḥadîs-i şerîfde: ترك ذرة عما نهى الله افضل من عبادة الثقلين vārid olmışdur dimişlerdür. Perhîzkarlık bu beyāndan zāhirdür. (...[S285a]...) **Kāmîl**, «kemāl bulıcı» dimekdür. Bundan murād; dінде kuvvet ḥāşıl olur dimekdür. Zîrā

‘inde’l-Ḥanefiyye dīn, zā’id ü noqşān olmaz. Belki şemerātı olan fā‘atūñ kıllat ü keşreti ḥasebiyle za‘f u kuvvete kâbıldür. **Mi-şevved**, «olur» dimekdür.

﴿ نَعْمَتًا شُكْرًا شَامِلٌ مِشْوَدٌ ﴾ Senüñ ni‘metüñe şükr şāmil olur. Ya‘nī; şükr ile ni‘metüñ [Ü281b] ziyāde olur. **Ni‘metet-rā**, «senüñ ni‘metüñe» dimekdür. Ni‘met, ma‘rūfdur; āhırinde olan tā, ḥiṭāb içündür. Rā, edāt-ı mef‘üldür. **Şükr**, ma‘rūfdur. **Şāmil**, «iḥāṭa idici» dimekdür. Şeml, ezdāddan olup cem‘ ve tefrīk ma‘nāsına olmak ḥasebiyle bu maḳāmda «cāmi‘» ma‘nāsı murād olunmak daḥı mülāyimdür. **Mi-şevved**, kemā-merre «olur» dimekdür. Nāzımuñ bu kelāmında لئن شكرتم لازيدنكم āyet-i şerīfine telmiḥ vardır. Ve şükrüñ beyān-ı medḥinde niçe āyāt u eḥādīs ü āşār vardır. Nitekim sābıqda bir miḳdārı beyān olunmışıdı. Ḥattā medḥ-i şükrde نصف صبر و نصف شکر ḥadīs-i şerīfi kâfidür dimişlerdür. Şükrān ziyāde-i ni‘mete ve küfrān zevāline dāıldür. Nitekim *beyt*:

شكر نعمت افزون میکند

كفر نعمت از كفت بیرون كند

dimişlerdür. Pes nāzım evvelen icmāl, sāniyen tafşīl اوقع فى النفوس tafşīl olduğu kâ‘idesince eşyā’-i erba‘a-i mezkûreyi mütemmimātile ba‘de’l-icmāl, tafşīl murād itmegin buyurur:

﴿ هست دانش را کمالات از خرد ﴾ ‘İlm ü ‘irfāna kemālāt ‘aḳldandır. Yāḥod; ‘ilm ü ‘irfāna ‘aḳldan kemālāt vardır demek hem-ma‘nādur. **Hest**, «vardur» dimekdür. Lākin ma‘nā-yı evvele göre bunda edāt-ı ḥaber olan est ma‘nāsına olmak rüşendür. Hest ile est birbirlerinin ma‘nāsına geldiği çokdur. **Dāniş**, ma‘rūfdur. **Rā**, edāt-ı mef‘üldür. **Kemālāt**, kemālūñ cem‘idür; bunda cem‘ şġasıyle geldiği ‘ilm ü ‘irfān için kemālāt-ı keşire olduğunu işāret içündür. Ve kemālāt-ı mezkûre ‘aḳldan nāşīdür. Nitekim nāzımuñ ez-ḥired didiği bu beyān içündür. ‘Aḳl didigimiz nesne, nūr-ı İlāhī ve mevhibe-i Ḥaḳḳdur. Nitekim ḥadīs-i şerīfde العقل هبة الله vārid olmuştur. Pes bu mevhibeye maḫhar olan ‘ālim ‘āmil gerekdür. Zīrā ‘aḳl hibe-i Müte‘āl olduğu gibi seyyidü’l-a‘māldür. Nitekim العقل سيد الاعمال [S285b] ḥadīs-i şerīfi bu ma‘nāya dāıldür. Ve nāzım daḥı bu işārāta ri‘āyet birle dimişdür.

﴿ نیت را بی عمل كس ننكرد ﴾ ‘Amelsiz olan niyyetüñe bir kimse bakmaz. Ya‘nī itibār itmez dimekdür. **Niyyetet-rā**, «niyyetüñe» dimekdür. Niyyet ma‘rūfdur. Āhırindeki tā, ḥiṭāb içündür. Rā, edāt-ı mef‘üldür. **Bī-‘amel**, «‘amelsiz» dimekdür. Bu kelime mā-ḳablinde olan [Ü282a] niyyet lafzınuñ şıfatıdır; yāḥod niyyetden ḥāldür. **Kes**, «kimse» ma‘nāsınadır; nekredür; siyāḳ-ı nefyde vuḳū‘ı ḥasebiyle ‘umūm ifāde ider. **Ne’ngered**, «bakmaz» dimekdür. Aşl-ı kelimedden olan nūn-ı sāniye zarūret-i vezn için bunda sākin olmuştur. Ma‘lūm ola ki nāzımuñ bundan murādı, beyān-ı sābıḳı üzre her ‘amele niyyet lāzım olduğu gibi her niyyete daḥı ‘amel lāzımdur. Pes evvelkine göre her fī‘l-i meşrū‘ ve mübāḥ ve mendūb ve vācib ve sünnet ve farz ḥaḳīqaten veyā ḥükmen kendü ile teḳarrüb ḳaşd olunmadıkça bulunmaz veyāḥod maḳbūl olmaz veyāḥod şevābı olmaz didikleri üzre niyyetde ta‘yīn şartdır. (...[S286a, Ü282b]...) İmdi nāzımuñ bunda her ‘amelsiz olan niyyet, naḫar-ı itibārdan sāḳıṭ ve ḡayr-ı maḳbūldür didiginüñ ma‘nāsı; kendi ile müşāb u mücāzāt olunmayacak ve kendü ile Ḥudāya teḳarrüb ḳaşdı bulunmayacak bī-hüde niyyet ḡayr-ı

mu‘teberdür demekdür. Yāhūd ferā’iz ü vācibātda mücerred niyyet kāfī olmaz; belki ‘amelden ma‘rūn gerekdür ki, ol niyyet ma‘būl ü ma‘mūl ola demekdür.

﴿ شکر نعمت را کمالی میدهد ﴾ Şükr itmek, ni‘mete [S286b] ‘azīm kemāl virür. **Şükr**, ma‘rūfdur ve terkībde mübtedādur. **Ni‘met-rā**, «ni‘mete»; **kemālī**, «‘azīm kemāl»; **mī-dehed**, muzāri‘-i müfred-i gā’ibdür; «virür» demekdür. Tahtında müstetir fā‘ili, zamīr-i mübtedā olan şükre rāci‘dür. Ni‘met lafzı ile kemālī kelimesi mī-dehedüñ mu‘kaddem-i mef‘ülleridür. Pes bunda لا يزيدكم [Ü283a] لئن āyet-i ‘azīmü’ş-şānına telmīh vardır. İmdi nāzımuñ «kemālī» kelāmında olan yā harfini ta‘zīme haml ile «‘azīm kemāl» virür demek; şükr eylemek, mübālağa ile efzāyiş-i ni‘mete bā‘is ü bādī olur demekden ‘ibāret olur. Mefhūm-ı mu‘hālif-i mısrā‘-ı evvel üzre küfrān-ı ni‘met ile şükrdan gāflet eylemek, bā‘is-i zevāl-i ni‘met idigin taşrīh u beyān için nāzım buyurur:

﴿ غافلنا کوشمالی میدهد ﴾ Gāfillere gūşmallık virür. Murād; şükrdan gāflet ile küfrān-ı ni‘met idenlere demekdür. **Gāfilān**, cem‘-i Fārisīdür; müfredi gāfildür. Elif ile nūn edāt-ı cem‘dür. Gāfilūñ ma‘nāsı ma‘rūfdur; şükrdan gāflet idicilere dinmek üzere. **Rā**, edāt-ı mef‘üldür. **Gūşmāl**, lafzı bunda müfreddür; «te’dīb ve tevbīh ve taqrīr» ma‘nāsınadır. Āhirindeki yā harfi maşdariyyedür. Ma‘nā; «gūşmallık» ya’nī «te’dīb» demek olur. Lafz-ı mezkūr gāhī mürekkeb itibār olunup ma‘nāsı «kulaq burıcı» demek olur. Nitekim H‘āce Selmānuñ *beyt*:

زود بر بط را معنی کوشمالی درود

این بود فریاد شان کوشمال آمد بدید

beyt-i laṭifinden ma‘nā-yı mezkūr iştihād olınmışdır. Pes şükr-i ni‘metden gāflet idenlerüñ gūşmallığı ne vechile oldığın min-vechⁱⁿ hafā olmağın, hafā’-i mezkūrı ref‘a mübāderet ve kaşd-ı izāh ile maqşūda işāret için nāzım eyidür:

﴿ شکر ناکردن زوال نعمتست ﴾ Şükr eylememek zevāl-i ni‘metdür. **Şükr nā-kerden**, mecmū‘ı mübtedādur; ma‘nāsı «şükr eylememek» demekdür. Terkīb-i tavşīfide vākı‘ ve ‘alem mecrāsına cārīdür. Aşlı nā-kerden-i şükr idi; ma‘nā-yı ‘āmmıdan ma‘nā-yı hāşş-ı ‘alemiyyete naql için muzāfun ileyhi olan şükr lafzı muzāf olan nā-kerden kelimesinüñ üzerine taqdīm ve izāfetden kaç ile şükr nā-kerden dinmişdür. Pes ‘adem-i şükr-i ni‘meti gāflete nisbetde nükte vardır. Nüktesi; müstağrak-ı baħr-i ni‘met iken mün‘ımı zıkr itmemek ziyāde hamākat ü gāfletten nāşīdür dimege işāretdür. Zevāl, «ayrılmağ ve eksilmek» ma‘nāsınadır; mā-ba‘dine muzāfdur. **Zevāl-i** [S287a] **ni‘metest**, mecmū‘ı mübtedā’-i mezkūruñ haberidür. Lākin bu hamlde gāyet-i mübālağa vardır. Nitekim ‘Arabīde رجل عدل dinmişdür. Murād; terk-i şükr, hemān zevāl-i ni‘metden ‘ibāretdür demekdür. Yoksa terk-i şükr, zevālūñ ‘aynı olmadığı zāhirdür; belki sebep-i zevāldür.

﴿ بهره شاکر کمال نعمتست ﴾ [Ü283b] Şākirūñ naşib ü hışşası kemāl-i ni‘metdür. **Behre-i şākir**, izāfetle mübtedādur ve ma‘nāsı «şākirūñ hışşa vü naşibi» demekdür. **Kemāl-i ni‘metest**, mecmū‘ı haberdür; ma‘nāsı «kemāl-i ni‘metdür» demekdür. Bu ‘ibārenüñ hamlinde ke-zālik mübālağa vardır. Pes

şükr, bâ'is-i efzâyiş-i ni'met olduğu beyân-ı sâbıkdan nümâyândur. Ve küfrânun, sebeb-i zevâl-i ni'met olduğu müstağnin 'ani'l-beyândur.

﴿ علم را بی عقل نتوان کار بست ﴾ 'İlme 'aqlsız kâr bağlamak olmaz. Ya'nî; 'ilme 'amelsiz ümîdvâr olmak bî-fâ'idedür. **'İlm-râ**, «'ilme»; **bî-'aql**, «'aqlsız»; **netvân**, «mümkün degül»; **kâr best**, «kâr bağlamak» dimekdür. Kâr, iş ve güç ma'nâsınadır. Best, bunda «besten» ma'nâsınadır ki bağlamak dimekdür. Ma'lûm ola ki 'inde'l-muḥakkıḳîn 'uḳûl için beş mertebe vardır. Mertebe-i evvele; mertebe-i rûḫ-ı ḥassâsî dirler ki ḥavâss-ı ḥamse-i zâhirenüñ îrâdın telâḳḳî-i ḳabûl eyler. Mertebe-i şânî; mertebe-i rûḫ-ı ḥayâlîdür. Ḥavâss-ı ḥamsenüñ îrâd eylediği şeyleri ḥıfz idüp, vâḳt-i ḥâcetde anı âti'l-beyân mertebe-i şâliş şâḥibi olan rûḫ-ı 'aqla 'arz eyler. Zîrâ anuñ mertebesi bundan a'lâdur; şıbyânda bu ma'nâ yokdur. Anuñçün bidâyet-i vücûdında gördüğün ferâmûş eyler. Şâliş, mertebe-i rûḫ-ı 'aqlıdır. Ḥiss ü ḥayâlden ḥâric olan ma'nâyı idrâk eyler; ma'ârif-i zarûriyye-i külliyye gibi. Bu ḥâlet şıbyân u behâyimde bulunmaz. Râbi', mertebe-i rûḫ-ı fikrîdür ki envâ'-ı te'lîfât ile 'ulûm-ı 'aqliyyeyi aḥz ve miyâne-i ma'lûmâtında derc idüp, anuñla ebvâb-ı ma'ârif ü 'ulûmun istiftâḫına ḳâdir olur. Bu ma'nâca 'aql, 'aql-ı 'ulemâdur. Pes bu merâtib-i erba'ada olan 'uḳûle; 'uḳûl-i beşerî dirler. Ḥâmis, mertebe-i rûḫ-ı ḳudsîdür ki enbiyâ'-i kirâm 'aleyhimü's-selâma maḥşûşdur. Ve bu rûḫ-ı ḳudsîden envâr-ı ḡaybî vü esrâr-ı lâ-reybî mütecellî olur. Süfîlerün «'aql-ı İlâhî» didikleri bu mertebede olan ervâḫ-ı ḳudsîyyeden 'ibâretdür. Ve bu 'aql-ı 'âlem-i İlâhî, merâtib-i ma'nâda pervâz eylediği cihetden tûyûra teşbîh eylemişlerdür. Cenâḥları; ḳuvvet-i 'ilmiyye vü ḳuvvet-i 'ameliyyedür. Ve şevḳ u maḥabbet ü velâyet ü kerâmet [S287b] ve emsâlleri olan pâkîze şıfatlar cümle-i ecniḥa gibidür; bunlar ile evc-i ma'ânîde pervâz iderler dimişlerdür, kezâ-fi'l- 'Avârif. İmdi nâzımun bu maḳâmda 'aqlıdan murâdı; mertebe-i râbi'de olan 'aql-ı 'ulemâdur ki neticesi anuñla 'amel eylemekdür. [Ü284a] Zîrâ 'amelsiz 'ilm bî-fâ'idedür. 'İlm-i lâ-yenfa'dan Ḥudâyâ sığınmak gerekdür. Ve ol maḳûlelerden mübâ'ade lâzımdur. Anuñçün nâzım eyidür:

﴿ پیش بی عقلان نمی باید نشست ﴾ 'Aqlsızlar ḥuzûrında oturmak gerekmez. **Pîş-i bî-'aqlân**, izâfetile «'aqlsızlar öñünde» dimekdür. **Ne-mî-bâyed**, nefy-i istikbâl-i müfred-i ḡâ'ibdür; «gerekmez» dimekdür. **Nişest**, bunda nişesten ma'nâsınadır; «oturmak» dimekdür. Pes مجالسة العالم ḥadîs-i şerîfindeki âlimden murâd; 'âḳıl u kâmil ü âmil olmağın, 'ilmiyle âmil olmayan 'ulemâ'-i sū' bî-'aql tesmiyesine şâyân ve bî-nef' olmaḳda mecânîn-i zarar-'unvândan ma'düdiyyetleri nümâyândur. Anuñçün nâzım anları bî-'aqlân ile ta'bîr ve mücâleselerinden men'a mübâderet eylemişdür. Ve illâ bî-'aqlândan şırf mecânîn murâd olunmağun bunda ma'nâsı yokdur. Zîrâ anlar ile mücâlesenün zararını beyâna ḥâcet yokdur. Binâ'en 'aleyh nâzım eyidür:

﴿ بی خرد دانش و بالست ای پسر ﴾ İy oğul! 'Aqlsız 'ilm günâhdur. Murâd; 'amelsiz dimekdür. **Bî-ḥîred**, «'aqlsız» dimekdür. Murâd «'amelsiz»; **dâniş**, «'ilm ü 'irfân»; **vebâlest**, «günâhdur»; **iy püser**, «iy oğul» dimekdür. Pes 'ilm-i bî-'amelün günâh idigi bî-iştibâhdur. Nitekim ḥadîs-i şerîfde: العالم لم یغیر vârid olmuşdur. Ḳaldı ki 'ulûm-ı âḫirenün ḡayrı 'ulûm ile mübâhî

olanların günāhı: هاديس-ي شريفيندن nūmayāndur. Nitekim şā'ir eyidür:

يا من تقاعد عن مكارم
ليس التفاخر بالعلوم الفاخرة
من لم يهذب علمه اخلاقه
لم ينتفع بعلومه في الآخرة

Pes āhirinde 'adem-i nef' ve şevābdan ve ta'zīb-i nīrāndan 'ibāretdür. Nitekim ḥadīs-i şerīfde ان في جهنم vārid olmuştur. İmdi bu maḳūle 'ālim-i ḡayr-ı 'āmil mürğ-ı şikeste-bāl gibi āşyān-ı ḡudse pervāzdan maḥrūm olacağı ma'lūmdur. Nitekim nāzım eyidür:

﴿ علم مرغ و عقل بالست ای پسر ﴾ İy oğul! 'İlm kuşdur, 'aql kanatdur. Pes bu mışrā' da teşbīh-i belīg var; zīrā 'ilm kuşa [S288a] beñzer, 'aql kanada dimekdür. **'İlm**, mübtedādur; **mürğ**, haberidür; «kuş» ma'nāsınadır. **U(ve) 'aql**, 'ilm üzerine ma'tūfdur; mübtedādur. **Bālest**, haberidür; ma'nā «kanaddur» dimekdür. Bāl, kanad ma'nāsınadır. Per daḡı böyledür; birbirinüñ maḡallinde isti'māl olunur. [Ü284b] Kütüb-i luḡatde böyledür. Ammā İbnü Kemāl ikisin birbirinden fark idüp: Bāl, aql kanaddur; per, kanadda biten yelekdür dimişdür. **İy püser**, «iy oğul» dimekdür. Pes nāzımuñ bu kelāmında العلم صيد kendüyi taḡşıl ü şayduñ ālātı 'aql idigi nāzımuñ zāhir-i kelāmından hüveydādur. 'Āḡıla lāzım olan evvelā farz olan 'ilm-i ḡālını taleb eylemekdür. Nitekim ḥadīs-i şerīfde اطلبوا العلم من المهد الى اللحد vārid olmuştur. Ḥattā ḡazret-i Dāvūd 'aleyhi's-selāma: "Yā Dāvūd! Na'leyn ve 'aşāñı temürden kılup, delinüp kırılincaya dek 'ilmi taleb eyle" diyü vaḡy-i İlāhī olmuştur. Ve ḡazret-i Süleymān 'aleyhi's-selāmi ḡazret-i 'Alīm celle celālühü, 'ilm ve mülk ve māl miyānelerinde muḡayyer kıldıḡda ḡazret-i Süleymān 'aleyhi's-selām, 'ilm-i şerīfi iḡtiyār buyurmuşdur. Ba'dehü mülk ü māl aña tābi' olmuştur. Pes 'ilm, vaḡdetde enīs ve ḡalvetde celīs ve bā'is-i vuşul-i devlet-i dāreyndür. İmdi böyle olan 'ilm-i şerīfi taḡşıl, 'aqluñ i'ānetiyle oldıḡı zāhirdür. Ve 'ālimüñ, bāl-küşā-yı 'ālem-i 'ulvī olması, bāl-i 'aql didikleri 'amele mevḡūf idigi bāhirdür. (...[S288b]...)

﴿ هر که علمی دارد و نبود بر آن ﴾ Her kim ki bir 'ilm tutar ve anuñ üzerine [Ü285a] olmaz. Ya'nī; muḡtezāsınca 'amel kılmaz. **Her ki**, «her kim ki»; **'ilmī**, yā'-i vaḡdet ile «bir 'ilm» dimekdür. **Dāred**, «tutar» ya'nī «oḡur ve bilür». **U(ve) nebved**, «ve daḡı olmaz»; **ber-ān**, «ol 'ilm üzerine» ya'nī «muḡtezāsı üzre 'amel eylemez» dimekdür.

﴿ از طریق عقل باشد بر کران ﴾ 'Aql ṭarīḡından kenār üzre ola. Ya'nī revīşi 'uḡalā revīşinde olmadıḡından ṭarīḡ-ı 'aql dan dūr ve güm-rāhlardan ma'dūd ola dimekdür. Yoksa üzerinden teklīf sāḡıt olan merfū'u'l-ḡaleme mecnūn demek degüldür. Zīrā mecānīnün merci'i A'rāfdur. Ammā 'ilmiyle 'āmil olmayanlar لهم العذاب mazmūnının taḡtında dāḡillerdür dimişlerdür. **Ez-ṭarīḡ-ı 'aql**, «'aql yolından»; **bāşed**, «ola»; **ber-kerān**, «kenār üzre» dimekdür. Ber, isti'lā içündür. Kerān, fetḡ-i kāf-i 'Arabī ile kenār ma'nāsınadır. İmdi 'ilm 'amele maḡrūn gerekdür. Ḥattā 'ilmsiz 'amelüñ teşbīhinde,

‘ulemā vü hûkemādan kelām çokdur. Ez-cümle ‘ilm-i bî-‘amel, reng-i meşşâta gibi serî‘u’l-mahv ve ‘l-fenâdur. Şâhibine fâ’idesi olmaz; belki hûsrândan gayrı bir nesne bulmaz dimişlerdür. Ve dağı ‘ilm ‘amele maḳrûn olursa, ‘ālime mu‘în ü yâr olur. Ammā ‘amele maḳrûn olmaz ise şâhibine bār olur. Nitekim Medârik şâhibi eyidür: Evvele göre ‘ilm, şâhibinüñ ḥammālî olup anı götürüp ‘anâsı yüyürür . Ammā sâniye göre كمثل الحمار يحمل اسفارا manṭûḳınca ‘ilm-i bî-‘amelün ḥammālî olur, intihâ. (...[S289a]...)

Der-Beyân-ı Ān ki Ba‘d-Ez-Reften Bâz [Ü285b] Gerdânîdeneş Muḥâlest

﴿ چار چیزست انکه بعد از رفتنش ﴾ Dört nesnedür ol ki ol gitdikden şoñra. **Çâr çîzest**, «dört nesne». **Ān ki**; ān, ism-i işâretdür; müşârun ileyhi «çîz»dür. Ki, lafz-ı rābîṭadur. Yâhod ān ki kelimesi «ān çî» ma‘nâsına olmaḳ dağı muḥtemeldür. Ma‘nâ «ol nesne» dimek olur. **Ba‘d**, fi’l-aşl zurûf-ı mekāniyyedendür; zamân için isti‘âre kılınmışdur; mā-ba‘dine muzâfdur. **Ez**, «min» ma‘nâsınadır. **Reften**, feth-i rā’-i mühmele ile «gitmek» ma‘nâsına maşdardur. Āhirindeki şîn, zamîr-i gâ’ibdür; çâr çîze râci‘dür. **Ba‘d-ez-refteneş**, ma‘nâda «ol nesnenün gitmekliginden şoñra» dimekdür.

﴿ از محالاتست باز آوردنش ﴾ Muḥâlâtandur anı girü getürmek. **Ez-muḥâlâtest**, «muḥâlâtandur» dimek ma‘nâsına muḳaddem-i haberdür. Muḥâlât, cem‘dür; müfredi «muḥâl»dür ki zamm-ı mîm ile «vücûdî ‘adîmü’l-îmkân»dur dimekdür. **Bâz âverdeneş**, «anı girü getürmek» dimekdür. Mu’ahḫar-ı mübtedâdur. Bâz, girü; âverden, getürmek ma‘nâsına maşdardur. Āhirindeki şîn, zamîr-i çâr çîze râci‘dür. Ma‘lûm ola ki beyân-ı âfî üzre o dört nesnenün biri kelâm ve biri ḳazâ’-i Melik-i ‘Allâm ve biri kemândan ayrılan siḥâm ve biri ‘ömr-i güzeste-i enâmdur. Ancaḳ dehândan ḥurûc iden kelâmuñ ve mermî olan siḥâmuñ ḥâllerin icmâlen beyândan şoñra, ḳazâyı beyânda kelâmı mümeşşil ve ‘ömr-i güzeste-yi beyânda siḥâmı mümeşşil idüp, ba‘dehü herbirlerini tafşile âgâz olınacaḳdur. Nitekim nâzım eyidür:

﴿ چون حدیثی رفت ناکه بر زبان ﴾ [S289b] Çünki bir söz nâ-gâh dil üzerine gitdi. Ya‘nî lisândan şudür eyledi. **Çun**, «çünki»; **ḥadîsî**, «bir ḥaber» dimekdür; āhirindeki yâ vaḥdet içündür. **Reft**, «gitdi» dimekdür. **Nâ-geh**, «nâ-gâh»dan muḥaffefdür; «añsızın» ma‘nâsınadır. **Ber-zebân**, «dil üzerine» dimekdür.

﴿ یا که تیری جست بیرون از کمان ﴾ Yâhod bir oḳ ki yaydan taşra şıçradı. **Yâ**, bunda emreynün beyninde teşkîk ma‘nâsını müfiddür ki Türkîde «yâhod» ‘Arabîde kelime-i «ev» ile ta‘bîr olunur ki ta‘lîl için rābîṭadur. Ta‘bîrde **tîrî ki**, «bir oḳ ki»; **cest**, feth-i cîm-i ‘Arabî ile mâzî-i müfred-i gâ’ibdür; «şıçradı» dimekdür. Ve kemân, feth-i kāf-ı ‘Arabî ile yay dimekdür; ‘Arabîsi «ḳavs»dur. Ḳaçan āhirine bir hâ’ getirilüp kemâne dinse çıkırıḳçıların matḳabında yaya beñzer nesne ma‘nâsına olur. Ol hâ’ya hâ’-i teşbîh dirler.

﴿ باز چون آری حدیث گفته را ﴾ Söylenmiş sözi girü nice getürürsin. [Ü286a] **Bâz**, «girü»; **çun** **ārî**, «niçe getürürsin»; **ḥadîs-i güfte-râ**, izâfetle «söylenmiş sözi» dimekdür. Ḥadîs, ma‘rûfdur. Güfte, söylenmiş ma‘nâsına ism-i mef’ûldür. **Râ**, edât-ı mef’ûldür. **Laḳfe**: Fârisîde sūḥan ve ‘Arabîde kelâmuñ Türkîsi «söz»dür. Pes ‘Arabîde kelâm, lafzî vü nefsiye şâmil oldığı gibi Fârisîdeki sūḥan ve Türkîdeki söz

ke-zâlik söylenmişe şāmıldür. İmdi söylenmiş söze «sühan-ı güfte» ve söylenmemişe «sühan-ı nâ-güfte» dirler. Pes nâzımuñ hadîs-i güfte didigi bu taḥkîka mebnîdür. İmdi söylenmiş sözi girü getürmek muḥâl idigi aşkârdur.

﴿ كس نكراند قضای رفته را ﴾ Bir kimse sebkat itmiş kaçâyı döndiremez. **Kes**, «kimse»; **ne-gerdāned**, «döndiremez»; **kaçā-yı refte-rā**, «gitmiş kaçâyı» ya'nî sebkat eylemiş hükmi-İlâhîyi dimekdür. Kaçā bunda eşyanuñ ezel-i âzâldan ebedü'l-âbâda dek üzerine cārî olan hükmi-küllî-i icmālî ma'nâsınadır. Ammâ zālîke'l-hükümüñ, evkât-ı mu'ayyenede eşyâ' üzerine olan şuver-i tafşîliyyesine kader dirler. Kaçā, mā-ba'dine muzāf olmağın aşlında hemzeye münkalib olan yā ḥarfine 'avdet eylemişdür. Refte, gitmiş ma'nâsına ism-i mef'uldür. Bunda murād; sebkat eylemiş dimekdür. Rā, edât-ı mef'uldür. Ma'lûm ola ki kaçā vü kaderuñ beyânında beyne'l-ulemâ tafşîlât vâkı'dur. (...[S290a, S290b, Ü286b, Ü287a]...) Pes Hudâ-yı lem-yezelüñ لا معقب لحكمه والله يحكم لا يفتى الحذر عن القدر şalla'llahu 'aleyhi ve sellemüñ لا يفتى الحذر عن القدر şâ'ir-i fezâ'il-i meşâ'irüñ:

احذر و لاحذر ينجيك عن قدر

لا بد مما جرى فى اللوح والقلم

beyt-i münîfî üzre nâzımuñ; kaçā'-i İlâhiyye redd olmaz didigi zâhirdür. Nitekim; kaçā geldikte, mäh-ı 'ilme ḥusûf ve mihr-i 'aqla küsûf el virür dimişlerdür. Ve maẓmûn-ı القضا ضاق bu beyânda hüveydâdur. Pes bunda mecûs-ı hâzihi'l-ümme olan Kaderiyyeye redd vardır. Zîrâ anlar: “Şurûr u ma'âşî kaçā'-i İlâhiyyeden degüldür; belki 'abdüñ nefsi anı icâd eyler” dimişlerdür. Pes ḥâlîkiyyet şıfatında cenâb-ı Hakkâ şerîk koşdıkları için, 'ulemâdan ba'zıları: الايمان بالقدر نظام التوحيد hadîs-i şerîfî 'ilâvesiyle anları tekfîr eylemişlerdür. Ve ba'zıları: لا تكفر احدا من اهل القبلة diyü tekfîrlerinde tevakkûf eylemişlerdür. Ma'lûm ola ki bu mes'elenüñ bahşî ibtidâ huzûr-ı Süleymân 'aleyhi's-selâmda, miyâne-i mürgânda vâkı' olmışdur. Şöyle kim; mürgân pîşgâh-ı hikmet-penâh-ı ḥazret-i Süleymân 'aleyhi's-selâma geldiklerinde, [S291a] hüdhüdün zîr-i zemînden kırk zîrâ kadar yirde mestür olan âbı görmek ḥâşîyyeti ibrâz olındıkda zâğ-ı ḥased-pîşe, hüdhüdün bu kelâm-ı ḥaḳîkat-nizâmın lâf u güzâfa ḥaml ile: “Eger hüdhüde bu nazar dâ'im ḳâ'im ola idi bir avıç ḥâküñ zîrindeki dâma giriftâr olmaz idi” diyü mu'arazaya âğâzında hüdhüd-i râst-gü: اذا جاء القضا غشى البصر maẓmûnına muṭâbık cevâb-ı bâ-şavâb ile kaçānuñ hükmini münkir olan zâğ-ı ifḥâm kıldıkda, bu kelâm-ı ḥaḳîkat-beyân pesendide-i ḥazret-i Süleymân olmuşidi, intihâ. Ve ba'dehü bir gün ḥazret-i İbnü 'Abbâs razıya'llahu 'anh ḥavâşş-ı eşyâ beyânında, güher-senc-i gencîne-i taḥkîk olur iken tã'ife-i ḥavâricden Nâfiru'l-Ezrak nâm kimesne eyitdi: “İy meḥḥar-i nâs-ı hikmet-şinâs! Hüdhüd-i jerf-bîn, naḳr-ı zemîn eyledikte âbuñ baş-ı arza bu'd u kurbîn derk ider diyü buyurduñuz. İmdi bir avıç ḥâküñ zîrinde pinhân olan dâmi görmeyüp, niçün giriftâr olur?” diyü itirâza ibtidârında, ḥazret-i Abbâsuñ zebân-ı mu'ciz-beyânlarından: اذا جاء القضا kelâm-ı hikmet-nizâmı ser-zede olmuşdur. Binâ'en 'aleyh tîr-i hârâ-güzer-i kader, siper-i âhenîn-i tedbîre kârger ve hükmi-nâ-gürizân-ı kaçā ile sem' ü başâr, kûr u ker olur dimek maḥallinde bu kelâm-ı mu'teber îrâd olunur. Pes kaçā' vü kadere imân getüren tã'ife-i İslâmiyân, hüdhüd yirindedür ve fıraḳ-ı muḥtelifenüñ

elsine vü mezāhiblerine ‘ārif ve vāriş-i ‘ulūm-ı enbiyā olan ‘ālim-i vākıfuñ meclisi, meclis-i Süleymān yirindedür. Ve kaçā vü қaderi münkir olan, Қaderiyye vü emşālleri yirindedür. Fe‘alā-hāzā kaçan; “erbāb-ı şuhūd-ı [Ü287b] esrār-ı vücūda bizler ‘ārifiz ve merātib-i kevnîyyede müstetir ü nā-būd olan āb-ı ma‘nāya vākıfiz” diyü da‘vā şeklinde olsalar, Қaderiyye-mezheb ü Mu‘tezilî-meşreb olan zāgān-ı münkirān, inkāra ibtidār ve itirāza ictisār eylediklerinde, hüdhüdān-ı ma‘rifet ve dānendegān-ı āb-ı hayāt-ı haqīkat olanlarıñ dağı cevābı kemā-merredür. Ve kaçā’-i İlāhiyyenüñ redde imkānı olmadığın beyānda Mevlānā қaddesa’llāhu sırrahū ḥazretleri Meşnevîsinde, ḥazret-i ‘Aliyyü’l-Murtezāyı şehīd iden rikābdār-ı Ḥayder-i Kerrār İbnü Mülceme: “Sen қātıl-i Ḥayder olacağsın” diyü Fahr-i ‘ālemüñ haber virdigi sırra, ḥazret-i Ḥayder:

کفت پیغمبر بکوش چاکرم

کو برد روزی ز کردن این سرم

maзмūnın maқālesi üzre āgāh olup ve mezbūr [S291b] rikābdār ḥazret-i Ḥaydere gelüp: “Yā ‘Alī! Beni evvel sen қatl eyle” diyü her gāh recā eyler iken ḥazret-i Ḥayder, جف القلم بما انت لاق müfādı üzre kaçā-yı Haққа ḥīle-perdāzlıq olmaz diyü kaçāya rızā virmişdür dimişlerdür, intihā. İmdi işbu ezā’-i müşkilü’d-devāya teslîmden gayrı çāre yokdur. Nitekim, *beyt*:

در زیر تیغ حادثه بر دست و پا مزن

کین درد را بجز سر تسلیم چاره نیست

dimişlerdür. Ḥattā kaçāya rızā vü teslîm gösterenüñ başına ebr-i belā, bāl-i Hümā olur. Nitekim şā‘irüñ:

هرکه تسلیم بفرمان قضا میکرده

بر سرش ابر بلا بال هما میکرده

beyt-i lāṭifinüñ maзмūnı bu ma‘nāya güvāhdur. Ve dağı:

چون کشیدی پای بر دامن تسلیم و رضا

تیغ اگر چون کوه بارد بر سرت پروا مکن

Ve dağı bu maзмūn-ı leṭāfet-nümünü düstürü’l-‘amel eylemek beyānında *kıṭ‘a*:

Hemīşe nāfiz olur ser-nüvişt-i ḥukm-i kaçā

Dimeñ ki ṭālib olan sa‘yde қuşūr eyler

Nihāde қıl ser-i teslîmi levḥ-i taқḍire

Muқadderāt-ı İlāhī gelür zuḥūr eyler

didikleri kāfi ve teslîmde vāfidür dimişlerdür. (...[Ü288a]...)

﴿ باز کی کردد چو تیر انداختی ﴾ Çünkü oқı atduñ, kaçan girü döner? **Bāz**, «girü»; **key**, «kaçan»; **gerded**, [S292a] «döner»; **çu endāḥti**, «çünkü oқı atduñ» dimekdür. Pes siḥām-ı mermî girüye dönmez.

﴿ همچنين عمری که ضایع ساختی ﴾ Buncılayındur şol bir ‘ömr ki zāyi‘ düzdüñ. Ya‘nī; telef eyledüñ. **Hem-çunīn**, «buncılayın» dimekdür; ya‘nī endāḥte olan tır gibi girü dönmez. **‘Umri ki**, «bir ‘ömr ki»; **zāyi‘ sāḥti**, «telef düzdüñ» dimekdür. Pes nāzımuñ bu beyānı, ḥukemānuñ medār-ı ‘ömr-i

nāzenīn olan beden-i insānı, terkeşe ve enfāsı, tîre teşbîh eylediklerine mebnîdür. İmdi atılan oğ giri dönmedigi gibi enfās-ı ‘ömr-i telef-kerde dağı giri dönmez; belki insānuñ cümle-i ‘ömr-i bir oğ atmak kadar dur. Zîrâ hadîs-i şerîfde ساعة الدنيا vârid olmuştur. İmdi ‘ömr-i âdem ol sâ’atden bir dem kadar ancak olur. Pes nâzımuñ zamân-ı ‘ömr-i bir oğ atmak kadar ta’bîri bu nükteye imâdur. Ve keyfe lâ ki sūr’at-i ‘ömr-i beyānda Ğanî-i Keşmîrî eyidür, *kıfā*:

ای دل بریک شیشه ساعت نگاه کن
غافل مباش از سفر کاربان عمر
معلوم شد ز جنبش نبض که یکنفس
در دست اختیار نباشد عنان عمر

Ya’nî; iy dil! Rîg-i şîşe-i sâ’ate nazar kıl ve kârbân-ı ‘ömrüñ seferinden gâfil olma. Zîrâ nabzımuñ cünbiş ü harekâtından ma’lûm oldu ki ‘inân-ı ‘ömr, dest-i ihtiyârda degüldür. Ve nitekim bir şâ’ir eyidür:

حیاتک فاعلمنها رأس مالک
و مالک ان عقلت ریح ذالک
فکل ان شئت کل الریح منه
و الا الدهر یأکل رأس مالک

Pes re’s-i māl-i ‘ömrüñ ribh-i mezra’a-i dünyâda iktisâb olunan şevâbdur. Böyle olmadıkda husrân-ı mâye vü helâk-i sermâye bî-irtiyâbdur. Ol mâyenüñ bir dağı rücû’ eylemeyecegi yakîn-kerde-i ulû’l-elbâbdur. (...[S292b, Ü288b]...)

﴿ هرکه بی اندیشه گفتارش بود ﴾ Her kim ki anuñ sözi fikrsiz olur. **Her ki**, «her kim ki»; **bî-endîşe**, «fikrsiz»; **güftâreş**, «anuñ sözi» dimekdür. Zîrâ güftâr, bunda zamm-ı kâf-ı ‘Acemî ile «söz» ma’nâsınadır. Âhîrindeki şîn zamîrdür; her ki lafzınuñ medlûline râci’dür. **Buved**, «olur» dimekdür. Ma’lûm ola ki fîkr ü mülâhaza ile olan kelâm, bünyân-ı raşînü’l-erkân ve dîvâr-ı metînü’l-esâsâ şâsuñü’l-inhidâm ve’l-indirâs idigi Şeyh Sa’dînuñ *beyt*:

اول اندیشه وانکهی گفتار
پای پست آمدست و پست دیوار

beyt-i laţîfinden bedîdârdur. Pes söyleyecek sözi tekellûmden evvel te’emmül güzeldür. Nitekim müte’ellimînden bir merd-i zarîf, bir meclisde sükût üzre endîşeger-i güftâr ve sem’-küşâ-yı aqvâl-i şıgâr u kibâr iken kendüyi istinţâk murâd itdiklerinde *beyt*:

زیان در دهان پاسبان سرست
چه کویم چو ناکفتم بهترست

beyt-i laţîfî ile itizâra âgâz buyurmuşdur dirler. İmdi fikrsiz söz söyleyen ve tekellûmde mülâhaza eylemeyene, keşret-i hasâretten nâşî vefret-i nedâmet der-kâr oldıgım iş’âr içün:

﴿ پس ندامتہای بسیاریش بود ﴾ Şoñra aña çok nedâmetler ola. **Pes**, «şoñra»; **nedâmethâ**, cem’dür; müfredi «nedâmet»dür; «peşîmânlık» ma’nâsınadır. Âhîrindeki hâ, edât-ı cem’dür. Mâ-ba’dine izâfet ecli içün edât-ı cem’den şoñra bir yâ getirilmişdür. **Bisyâr**, «çok» dimekdür. Âhîrindeki şîn,

zamîrdür; endişesiz söz söyleyen kimseye râcî'dür. **Buved**, «olur» dimekdür. İmdi nâzımuñ mışrâ'-ı evvelde güftârı müfred getürüp, mışrâ'-ı şânide nedâmeti cem' ve dağı bisyâr ile tavşîfinde, fıksız olan söz bir iken meşelâ nedâmeti biñ olur dimege işâret vardır. Ve nedâmet-keşîdelige iştibâh yokdur. Ez-cümle; «niçün bu sözi söyledüm? Söylemelü degül idi» diyü peşimânlık der-kârdur. Ve söylenen sözi bir dağı girü döndürmek düşvârdur. Nitekim buyurmuşlardır:

سخن گفته ديگر بار نيابد بدهان
اول اندیشه کند مرد که عاقل باشد
تا زمان ديگر اندیشه نيابد کردن
که چرا کفتم اندیشه باطل باشد

Ve nâzımuñ bu beytinde lisânı fuḥşıyyâtdan hıfza dağı işâret vardır. Zîrâ fuḥşıyyât söyleyenün nedâmeti sâ'ir nedâmetlerden eşeddür. Nitekim buyurmuşlardır:

[S293a] واحفظ لسانک لا یأتی بفاحشة
ان اللسان علی الافاق مقتحم
لا يرجع السهم یوما ان رمیت به
کالسهم لیس بمرجوع الی الوتم

İmdi nedâmet-keşîdelikden ḥalâşuñ çâresi ancaḳ sükûtdur. Nitekim ḥazret-i 'Aliyyü'l-Murtezâ razıya'llâhu 'anhuñ *ما ندم من سکت* kelâm-ı dürer-bârı müfâdıncâ ḥoḳḳa-i güher-âgîn-i dehânı, hemîşe ser be-müḥr-i sükût olan, hergiz engüşt-hâ-yı nedâmet olmayacağı nümâyândur. (...)

﴿ تا نکفتی میتوانی گفتنش ﴾ Mā-dām ki bir sözi söylemedün, anı söylememege ḳâdirsin. **Tā**, «mā-dām»; **ne-güfti**, «söylemedün»; **mī-tevānī**, «ḳâdirsin»; **güften**, «söylemek» ma'nâsınadır. Âḫirinde olan şîn zamîrdür; «ḳavl» ma'nâsına dâll olan güften kelimesinden münfehim olan kelâma râcî'dür.

﴿ چون بکفتی کی توان بنهفتنش ﴾ Çünkü söyledün ḳaçan ol sözi gizlemege ḳâdir olursın. Ya'nî olamazsın; zîrâ rucû'ı muḥâldür dimekdür. Yâḥod *کل سر جاوز الاثنین شاع* mışrâ'ınuñ müfâdıncâ, ol kelâm elbette şuyû' bulur dimekdür. Ḥattâ işneynden murâd; iki lebledür dimişlerdür. Ve şuyû'ı vaḳtinde ol söz râst ise ne güzel, ve illâ da'vâ-yı bî-aşla dâ'ir olan süḥan-ı müberhen ve ḥarf-i kec, zûr-ı reg-i gerden ile râst u müstaḥsen olmadığı, *beyt*:

سخن دعوی بی اصل مبرهن نشود
حرف کج راست بزور رک کردن نشود

maẓmûniyle mebnîdür.

﴿ عمر را می دان غنیمت هر نفس ﴾ 'Ömri her nefes ḡanîmet bil. [Ü289b] **Umr-râ**, «'ömri» dimekdür. **Mî-dân**, «bil»; **ḡanîmet**, [S293b] Fâriside «ḡazîleruñ eline giren māl»a dirler. Ve ḡâḥ ḥuşûmet ma'nâsına gelür. Lâkin bunda müsâmaḥaten «bâd-i hevâ» demek murâddur. (...) **Her nefes**, «her bir nefes» dimekdür. Nefes, fetḥateyn ile 'Arabîdür; şoluḳ alup virmek ma'nâsınadır. Anuñçün her baḡarsaḳ şâḫibine müteneffîs dirler. Pes 'ömri ḡanîmet bilmekden murâd; âḫiret içün iktisâb-ı ḡayru'z-zâd eyle dimekdür. Nitekim Şeyḫ Sa'dî buyurmuşdur ki, *beyt*:

خیری کن ای فلان غنیمت شمار عمر
زان بیشتر که بانک برآید فلان نماند

Ya'nî; iy fülân kimesne! 'Ömri ġanîmet 'add idüp, bir ĥayr eyle andan muqaddem ki fülân qalmadı. Ya'nî 'âzim-i ûqba oldu diyü şadâ zuhûra gele dimekdür. İmdi 'ömri her nefes ġanîmet bil. Zîrâ:

﴿ چون رود دیگر نیاید باز پس ﴾ Çünkü 'ömr gider, girü ardına dönmez ve gelmez. **Çun**, «çünkü»; **reved**, muzâri'-i müfred-i ġā'ibdür; «gider» dimekdür; fā'ili zāmîr-i müstetirdür; 'ömre rāci'dür. **Diger**, «dağı»; **ne'yāyed**, nefy-i istiḳbāldür; «gelmez» dimekdür. **Bāz**, «girü»; **pes**, bunda «eñse ve ard» ma'nāsınadır. Ve «şoñra» ma'nāsına olmağ dağı mülāyimdür. Ma'lûm ola ki 'ömrüñ 'adem-i rucû'ını beyānda ĥukemādan teşbihāt-ı keşîre vardır. Ez-cümle:

بر لب جوی نشین و کذر عمر ببین
کین اشارت ز جهان کذران مارا بس

maẓmûn-ı 'ibret-nümûnı üzre, 'ömri āb-ı revāna beñzedüp, giden sene cūyān iden āb-ı revān bir dağı ırmağa 'avdet eylemediği mişâlde olan 'ömr dağı girü gelmez. Eyyām-ı 'ömri ġanîmet bil diyü *beyt*:

ایام نو جوانی غافل مشو ز فرصت
کین آب بر نکردد دیگر بجوی پاران

dimişlerdür. (...[S294a, Ü290a]...)

﴿ هیچ کس از خود قضا را رد نکرد ﴾ Hiç bir kimse kendüden qazā'-i İlāhiyyeyi redd eylemedi. **Hiç kes**, «aşlā bir kimse»; **ez-ḥod**, «kendinden»; **qazā-rā**, «ḥükm-i Ḥudāyî»; **redd**, «men' ü ref'»; **ne-kerd**, māzî-i menfîdür; «eylemedi» dimekdür. Pes qazānuñ reddine 'adem-i kudret ma'lûmdur. Qazāya rızā vü teslîmden mā-'adā çāre olmadığı beyān-ı sābıqdan ve dağı kelām-ı lâḥıqdan nümāyāndur. Nitekim:

انا عقد القضاء عليك عقدا
فليس يتحلله الا القضاء

maẓmûniyle qazāya gerden-i teslîm ü rızā uzadanlar *beyt*:

چاره سر کشتکی جز لنکر تسلیم نیست
سر برون از عقده کرداب کردن مشکست

terānesiyle dem-sāz-ı tefvîz olmuşlardır. Qaldı ki 'inde'l-meşāyîḥ tevekkül, bidāyet-i ḥāl-i erbāb-ı sülûk ü şîfat-ı mü'miniyyetdür. Teslîm ü rızā, şîfat-ı evliyādur. Tefvîz, nihāyet-i aḥvāl-i merdān-ı eḥaşşu'l-ḥavāşşdur. Pes nāzım şîfat-ı evliyāya îmā birle beyān-sāz-ı teslîm ü rızā olup bu kitābında buyurmuşdur:

﴿ هر که راضی از قضا شد بد نکرد ﴾ Her kim ki qazādan rāzî oldu, kötû eylemedi. Zîrâ 'arîfîn-i bi'llāh olan kāmîlînüñ tārîkı; qazāya rızā ve belāya şabra ve mevti yāda ve şükr-i ni'amāt ve tāt-i bî-riyā ve îşār ve qanā'at ve ef'āl ü şîfāt u zātında Ḥaqqı tevḥîde ve izhār-ı 'ubūdiyyet ile teslîm ü inḳiyāda ve bilā-ta'b tecerru'-ı merāre ile zehr-ābe-i derd ü miḥnete taḥammüldür. (...[S294b, Ü290b]...) Pes Ḥaqquñ rızāsı, rızā-yı qazāsına menûṭ idigi bî-iştibāhdur.

﴿ هر که میخواهد که باشد در امان ﴾ Her kim ister ki emānda ola. Yaʿnī; ʔazā vü belādan emīn ve dāʿire-i emānda nişin ola.

﴿ مهر میباید نهادن بر دهان ﴾ Ağız üzerine mühr-i sükūt koymak gerektür. Pes bunda سلامة الانسان فى حفظ اللسان maẓmūnına telmīh olduğu nümāyāndur. Feʿalā-hāzā:

از خموشی مشت خاکی بر دهان قال زن

تا قیامت خیمه در دار الامان حال زن

beyt-i laṭīfinūn bu beyāna delāleti müstağnin ʿaniʿl-beyāndur. Pes nāzımuñ ānifen güftāra āgāzda, muḳaddemen teʿemmül ü endişenūn lüzümünü beyāna dem-sāzlık aḳabinde, selāmet sükūtda olduğu ibrāz içün bunda naşihat-perdāzlığı olmuştur. (...) Pes bu ebyāt-ı şafā-baḥşuñ mezāmīni üzre merd-i ḥamūşuñ belādan emīn olacağı nümāyāndur. Zīrā ekşer belā, dilinden nāşī olur. Nitekim مؤكل بالمنطق ḥadīs-i şerīfinūn tizāḥında *naẓm*:

Keşret-i ʔāle ibtilāda olan

Mübtelā-yı ʿaceb belā oldu

Mübtelā-yı belā olan ekşer

ʔıl ü ʔāl ile mübtelā oldu

dinmiştir. Pes ebyāt-ı nāzımdan naşihat-gır olanuñ tarafından imdi ne itmek gerektür? diyü suʿāl peydā olmağın nāzım fezleke tarīķında cevāba ibtidār ile buyurmuştur ki:

﴿ میسرزد کر عمر را داری عزیز ﴾ Yarar eger ʿömr-i ʿazīzi tutar iseñ. **Mī-sezed**, «lāʿık olur» dimektür. Bu muḳaddem-i cezādur. **Ger**, edāt-ı şartdur. **Umr-rā**, «ʿömri» dimektür. Bu lafz dārī [S295a] kelimesinūn muḳaddem-i [Ü291a] mefʿulidür. **Dārī**, fiʿl-i şartdur; «tutarsañ»; **ʿazīz**, «muḥterem» dimektür. Pes ʿömrüñ zātında ʿizzeti, girān-ı kıymetinden maʿlumdur ki dünyā vü mā-fihā kadar emvāl ü cevāhir-i nefise ile bir nefes ʿömr alınmak mümkün degüldür. İmdi böyle girān-kıymet olan nesneyi ʿazīz tutup, hevā vü hevese şarf itmemek elyak u eḥaḳḳdur. Ve bir miḥmāndur ki ihtirāma müsteḥaḳḳdur. Zīrā:

﴿ چون رود بیشش نخواهی دید نیز ﴾ Çünkü gider, daḥı artık anı görmeyisersin. **Reved**, «gider»; **bīşeş**, «anı artık» dimektür. Bīş, artık maʿnāsınadır. Āḫirindeki şīn zamīrdür; ʿömre rāciʿdür. **Ne-ḥʿāhī did nīz**, böyle yirlerde mecmūʿa birden maʿnā virmek ʔavāʿid-i Fürsdenür. Maʿnā-yı mecmūʿ daḥı «görmeyisersin» dimektür. Murād; «göremezsın» dimektür.

Der-Şıfat-ı Ḥāmūşī

﴿ حاصل آید چار چیز از چار چیز ﴾ Dört nesne, dört nesneden ḥāşıl gelür. Yaʿnī; peydā olur dimektür.

﴿ یاد گیر این نکته از من ای عزیز ﴾ İy ʿazīz! Bu nükteyi benden yād tut. Yaʿnī; ezber ü ḥıfẓ eyle. **Nükte**, zamm-ı nūn ve sükūn-ı kāf ile Fārisīde iki maʿnāya gelür. Biri noḳṭadur ve biri nişānedür ki parmak ucuyle veyā bir çüb u ağaç ile toprak üzerinde olan eşere dirler. Maʿnā-yı şānī, luğat-i ʿArabiyyede daḥı meşṭürdür. Ve işlāḥāt-ı ʿArabiyyede, mesʿele-i laṭifeye nükte dirler. Pes bunda bu maʿnāya olmak

rüşendür. Ve nāzımuñ zıkr idecegi çār çizüñ, mesā'il-i laṭifeye dā'ir oldığı beyânından ma'fumdur. Nitekim eyidür:

﴿ خامشی را هرکه سازد پیشه ﴾ Her kim ki sükûtlüğü 'âdet eyleye. Ya'nî; ekşer-i evkâtı sükût üzere güzer eyleye. **Hāmuşî**, «epsemlik» ma'nāsınadır; âhîrindeki yā maşdariyyedür. **Rā**, edāt-ı mef'uldür. Zîrā bu kelime sāzed fi'linüñ muḳaddem-i mef'ulidür. **Her ki**, «her kim ki»; **sāzed**, «düzer» ya'nî «eyler». **Pişe'i**, «şıfat u 'âdet» ma'nāsınadır; âhîrindeki hemze vaḥdet içündür.

﴿ کردد ایمن نبودش اندیشه ﴾ Emîn olur, aña bir fikr ü ḡamm olmaz. **Gerded**, «olur» ma'nāsınadır; maşdarı «gerdiden»dür. **İmen**, kesr-i hemze ve fetḥ-i mîm ile «fāriḡ ve ḡavfdan āsûde» ma'nāsınadır. **Nebvedeş**, «aña olmaya» dimekdür; şîn zamîrdür; her ki lafzına medlûl olan kimseye rāci'dür. [S295b] **Endişe'i**, «fikr» ma'nāsınadır; âhîrindeki hemze, kemā-merre vaḥdet içündür. Pes beyân-ı sābık üzere herkesüñ fikr-i kederi ekşer lisânından şudür iden sözden olmağın sükût ihtiyâr idende fikr-i keder olmayup herşeyden emîn olacağı nümâyândur. Nitekim beyt:

زبان تا بود کویا تیغ میبارید بر فرقم

[Ü291b] جهان دار الامان شد تا زبان در کام ورزیدم

Ya'nî; dilüm gūyā oldıḳca depem üzere tîḡ yaḡdurdı. Ammā dilümi damaḡumda hıfz idelden cihān baña dāru'l-emān oldı dimişlerdür. Ve daḡı kişi her ne ḳadar sūḡan-dān ise de perdedār-ı ḡurde-i rāz-ı nihān olmaḡ için ḡonce-mişālî bî-zebān olmaḡ gerekdür. Nitekim beyt:

با صد زبان چو غنچهٔ کل بی زبان شدم

تا پرده‌دار خردهٔ راز نهان شدم

beytinüñ ma'nası buña şahiddür. Lākin bu mażmûna mā-şadaḡ düşen ehl-i Haḳḳ bu keyfiyyeti ḡüşe-nişîn-i 'uzlet olmaḡa mevḳûf buyurmuşlardır. Nitekim beyt:

مرابی همدمی مهر لب و بند زبان کشته

و کر نه همچونی فریادها در استین دارم

dimişlerdür. Ve sükût hālinde olan ḡalāvet ve ber-muḳteżā-yı kısmet, ol zevḳden lezzet bulan ehl-i ḡālūñ andan şoñra lebleri birbirinden cüdā ve lisānı gūyā olmaḡ müşkildür. Hemān iş sükûtdan ḡalāvet-yāb olmaḡdadur. Nitekim H'āce Şā'ibüñ beyt:

این چاشنی که قسمت من شد ز خامشی

مشکل که بعد ازین شود از هم جدا لبم

beytinüñ ma'nası bu beyānda etemmdür. İmdi hıfz-ı lisān bā'is-i selāmet-i insān olmağın nāzım eyidür:

﴿ کر سلامت بایدت خاموش باش ﴾ Eger saña selāmet gerek ise epsem ol. Ya'nî; sükûta mülāzemet eyle ki her hâlde selāmet bulasın dimekdür. **Selāmet**, «uyûb u naḳāyışdan berā'et ve āfātdan emniyyet; **bāyedet**, «saña gerek ise»; **hāmūş bāş**, «sākit ol» dimekdür. İmdi eşyā'-i erba'adan biri sükûtdur ki, selāmeti müşmirdür. Pes nāzım beyt-i evvel ile hāmūşluḡuñ bā'is-i emniyyet oldıḡın ihbār 'aḳabinde fezleke tarîḳıyla, kendüye selāmet lāzım olan sükûtı ihtiyâr eylesün dimek maḳāmında, ḡā'ibden muḡāṭaba iltifāt yāḡod baḡsüñ evvelinde muḡāṭab olan 'azîze ḡiṭāb buyurmuşdur. Bunda سلامة

olunur. Merd, er ma'nāsınadır; racül 'Arabīsīdūr. Bu kelimeyi irādda leṭāfet vardır, şöyle ki: Seḥāvet, kār-ı merdāndur; kār-ı zenān degüldür demek olur. Nitekim Şeyḥ Sa'dīnūñ *beyt*:

جوانمرد اگر راست کویی ولیست

کرم پیشه شاه مردان علیست

beyt-i laṭīfī bu beyānda güvāhdur. Ve fi'l-ḥaḳīḳa seḥāvet kār-ı merdāndur. Belki mişāl-i kār-ı neyzenāndur ki, zenān ol kārda maḥrūmāndur. Nitekim:

'Aceb merdānedürler nāy-zenler

[Ü292b] Anuñçün üfleyemez nāy zenler

laṭīfesi maẓmūnından herkes āgāhdur. **Yābed**, «bulur»; **serverī**, yā'-i maşdariyye ile «ululuk ve metbū'yyet» demekdür. Pes eşḫyānuñ maẓhar-ı iḥsānı olan aḥrār-ı müslimīn, ol muḥsinīne 'abīd olmaḳ maẓmūnından bedīdārdur. Bu ma'nāca, merd-i saḥīde serverlik āşkārdur. Ve seḥādan nāşī anuñ nām-ı nīki elsine-i 'ālemdə peydā olur. Nitekim Nābī:

Eşer-i luṭfini seyr eyle seḥānuñ ki henüz

Nām-ı Ḥātem dehen-i nāsda yād olmadadır

diyü buyurmışlardur. Ve daḥı ḥīn-i i'tāda, dest-i eşḫyā gonce ve ba'de'l-i'tā gül-i şikūfte-mişāl olduğına *beyt*:

پنجه دست سخا در جانب دست کدا

وقت رفتن غنجه و هنگام بر کشتن کل است

beyt-i laṭīfī dālldür. Ve seḥāvetüñ medḥinde çok sitāyiş zıkr itmişlerdür. (...) Qaldı ki fevā'id-i mezkūreyi cāmi'a olan seḥāvet ü iḥsānda niçe şerā'it zıkr itmişlerdür. Ez-cümle ḥīn-i i'tāda, beşāset-i çehre vü besāmet-i cemāl şartdır. Nitekim:

باش چون [S297a] مینای هنگام ریزش خنده رو

وقت احسان روی خودرا تلخ چون دریا مکن

dinmişdür. Pes hengām-ı iḥsānda mīnā-meşreb ḥande-rūluḳ ḥoşdur. Yoksa deryā gibi telḥ-rūluḳ gösterenüñ bu da'vāda eli boşdur. Ve daḥı ol iḥsānda, mübāhāt u iftiḥār ile iḥsānını Zeyd ü 'Amra iẓḥār veyāḥod bir kimseye olan iḥsānı maḥrūn-ı riyyā vü āzār eylememek gerekdür. Ḥattā bu maḳūle āvāze-gīr olan iḥsānı, deheni āb-zede olmaḳ ḥasebiyle feryād-sāz olan çerāğa teşbīh birle, böyle çerāğ ile istifāzā-i nūr eylemekden zūlmet evlā ve bu ma'nāca seḥādan buḥl yegrekdür didikleri, *beyt*:

بخل بهتر ز سخایی که بآوازه بود

تیره کی به ز چراغیست که فریاد کند

beyt-i laṭīfinden müstefād u hüveydādur. Ve kerem-dīde olan kimesne daḥı muḥsine du'ā ile ḥamd ü senā vü şükr-i na'mā eylemek lāzımdur. Nitekim ḥadīs-i şerīfī bu beyānda kāfī ve ma'nā-yı ḥadīs-i mezkūrda *terceme*:

[Ü293a] Muḳteẓā-yı cezāsı iḥsānuñ

İltizām-ı şurūṭ-ı şükrāndur

İtmemek şükr-i ni‘met-i halkı

Muṭlaḳā terk-i şükr-i Yezdāndur

Terceme-i dilārā, beyān-ı merāmı vāfıdır. İmdi naḳşı medḥ nāḳḳāşa rāci‘ olduğu gibi ni‘met-i halka şükr daḥı ni‘met-i Hālīka şükri müş‘irdür. Şükr-i ni‘met ise o ni‘metün ziyāde olmasına sebebdür. Binā’ en ‘aleyh nāzım, seḥāvet ‘āḳabinde bu ma‘nāya işāret için buyurmuşdur:

﴿ شکر نعمترا دهد افزونتری ﴾ Şükr ni‘mete ziyāde efzūnluk virür. Türkîsi ziyādereklik virür dimekdür. **Şükr**, mübtedādur; **ni‘met-rā**, dehed fi‘linün muḳaddem-i mef‘ûli evvelidür; **dehed**, «virür» dimekdür. **Efzūnteride** yā’ maşdariyyedür; «ziyādereklik» dimekdür; dehed fi‘linün şānīsıdır. Me’āl-i mışrā‘ ma‘lūm ve tafşili beyān-ı sâbıḳdan mefhūmdur. Pes nāzım eşyā’-i erba‘ayı icmālen beyāna ḥıtām ‘āḳabinde tafşiline ihtimām murād idüp buyurmuşdur ki:

﴿ هرکه او شد ساکن و خاموش کرد ﴾ Her kim ki, o kimse sâkin oldı ve dilini sâkit eyledi. **Her ki**, «her kim ki»; **o**, zāmīr-i gā’ibdür; her ki lafzının medlûline rāci‘dür; ma‘nāda «o kimse» dimekdür. **Şüd**, «oldı»; **sâkin**, müteharrikün muḳābilidür; bunda «şāḥib-i veḳār» murād olunmak âşkârdur. **U(ve) ḥāmūş**, sâkin üzerine ma‘tūfdur; «sâkit» ma‘nāsınadır. **Kerd**, «eyledi» dimekdür; bunda ber-mef‘ûl-i muḳadderdür. Meşelâ ḥod-rā [S297b] yāḥod zebāneş-rā gibi. Zīrā kerd fi‘li bunda iki mef‘ûle muḥtâcdur. Mef‘ûl-i evveli muḳaddem olan ḥāmūş lafzı ve mef‘ûl-i şānīsı taḳdīr eyledigimiz lafzların birisidir. Ba‘zı nüshada «sâkin» yerine «sakit» vāḳırdur; me’āl ma‘lūmdur. Pes bunda ḥāmūş olanda ḳavlen ne gūne sükût bulunur ise fi‘len daḥı sükūnet ü vaḳāruñ lüzūmına işāret vardır. İmdi böyle olan kimse:

﴿ از سلامت کسوتی بر دوش کرد ﴾ Omzı üzre selāmetden bir kisvet eyledi. Ya’nī; kisvet-i selāmeti ber-düş eyledi dimekdür. Pes libās, her bir nāsuñ vücūdından ḥarr u berdi dāfi‘ olduğu gibi ḥıfz-ı lisān her bir insān için āfāt u ‘āḥātuñ vürūdına māni‘ olıcı kisve-i selāmet idigi vāḳırdur, *beyt*:

Tecrübe eyledük āfāḳı ser-ā-ser ḳatı çok

Dehrde epsem oturmak gibi bir ḳā’ide yok

İmdi Ḳāsım-ı Meşhedīnün *beyt*:

بغیر از خاموشی ندارد نامه‌ام نقشی

کنارم کر بجای صوم در کاغذ زبانمرا

beyt-i laṭīfinün mażmūnı üzre sükūtı i‘tiyād idenün selāmet-i ḥālī bed‘dārdur.

﴿ کر همی خواهی که باشد در امان ﴾ [Ü293b] Eger isterseñ ki hem-vāre emānda olsun.

﴿ رو نکویی کن تو با خلق جهان ﴾ Gīt sen cihān halkına eyülük eyle. **Rev**, fetḥ-i rā’-i mühmele ile emr-i ḥāzırdur; «gīt» dimekdür. **Nikūyī kon**, «eyülük eyle»; **tu**, zāmīr-i ḥiṭābdur. Ḥiṭāb-ı mezkūr, her ḥiṭāba şālīḥ olana şālīhdür. **Bā-ḥalk-ı cihān**, «cihān halkına» dimekdür. Murād; herkese eyülük eyle dimekdür. Nitekim *beyt*:

Eylük aña dirler ki ola cümleye vāşıl

Ne deftere mevḳūf u ne muḥtāc-ı raḳamdur

maẓmūnı şābıķan beyān olınmıř idi. Ve eyölük iden sākin-i dāru’l-emān olmak, eyölük zāyî olmaz didikleri maķāle-i meřhūradan nümāyāndur. Nitekim *ķıta*:

Gözi yařına raķm eyle faķıruñ
Senüñ de ĥālüne raķm ide Ĥālık
Dimiřler eylügi eyle řuya řal
Bilür Ĥālık n’ola bilmezse balık

ķıtařasından bu beyāna delālet zāhirdür. Ĥattā Ĥadīs-i Erba‘ın řāriķi Oķcı-zāde merķūmuñ řerķ-i mezkūrında meřtūr olan ĥikāye-i ġarībe üzre; ecinneden birini bir benī-Ādem bir vaķtile bir mehlekeden ĥalāř idüp ba‘de-zamān ol kimse ĥacca gider iken rufeķādan dūr ve řahrā-yı bī-pāyānda ĥayrān u mehcūr iken bir arslan [S298a] zuhūr idüp, iřāret ile ol kimesneyi arķasına teklīf ü taķmīl idüp selāmetle ĥuccāca ulařdurdıķda: “Yā Rabb! Bu arslanuñ baña bu vechile bedraķa-i selāmet olduķına ĥikmet nedür?” dir iken, ol arslan meger muķaddemen ĥalāř eylediķi ecinneden olduķın lisāniyle beyān ve muķābele-i iķsānını edā iķün arslan řūretiyle gelüp kendüyi selāmete iřālın ‘ıyān idüp bu beyt-i laťifi kendüye söylemiřdür. Ol beyt budur:

الخير ابقى و ان طال الزمان به
والشرا خبث ما اوعيت من زاد

intihā. Ve daķı ĥalka eyölük eylemek řadaķadan ma‘dūd idigi صدق معروف ĥadīs-i řerīfiyle sābitdür.

﴿ هر کرا عادت شود جود و کرم ﴾ Her kim ki cūd u kerem ‘ādet ola. Cūd, bunda «cömerdlik» ma‘nāsı ile ma‘rūfdur. Pes bunda nāzımuñ ‘ādet zıkrinde nükte-i laťife vardur ve leťāfeti ĥafı degöldür. Ma‘lūm ola ki cūd u kerem, ĥıřāl-i enbiyā’ ‘aleyhi’s-selāmdur. Nitekim Faķr-i ‘ālem řalla’llāhu ‘aleyhi ve sellem ĥadīs-i řerīfinde ان الله جعلنى عبدا كريما ولم يجعلنى جبارا عنيدا buyurmıřdur. Ve ĥıřāl-i evliyā’dur, nitekim: ما جبل ولى الله الاعلى السخا وحسن الخلق ĥadīs-i řerīfi bu beyānda hüveydādur. Nitekim ĥadīs-i řerīfde الا ان كل جواد [Ü294a] فى الجنة حتما على الله و انابه زعيم evliyā’dur, nitekim: ما جبل ولى الله الاعلى السخا وحسن الخلق ĥadīs-i řerīfi bu beyānda hüveydādur. Ve ĥıřāl-i ĥabīb idigi bī-iřtibāhdur. Ve ĥıřāl-i řāhān-ı cihāndur. (...) Ve daķı ĥıřāl-i erbāb-ı ‘izz ü iķbāl ve eřřāb-ı mecd ü řeref ü iclāldür. Nitekim ĥazret-i Ĥayder-i Kerrār rażıya’llāhu ‘anhuñ delālet-i kelām-ı cevher-āřarı üzre, sāye-i dirāķt-ı āsmānsā-yı luťf-i kerīm ظل الكرىم فسىح [S298b] mıřdāķınca ġāyetde vasī ve pāye-i rifat-i iķsān-‘amīmine, sīmurġ-ı bülend-pervāz-ı ĥayāl, dest-yārī-i bāl-i iķdām ü nīrū-yı ķavādim-i ihtimām ile iřiřmekden refī’dür. Pes bu ĥařlet-i memdūķa (ile) muttařıf olan řāķīb-i cūd u keremüñ ‘inda’llāh ve ‘inde’n-nās muķterem olacaķı nümāyāndur. Nitekim nāzım eyidür:

﴿ در میان خلق كرد محترم ﴾ Beyne’n-nās muķterem olur. Ya‘nī herkesüñ ‘indeinde maķbūl olur. Pes ‘inde’n-nās kendüyi muķterem ķılmaķ ‘inda’llāh muķterem olmaķdan nāřıdır. Zīrā bir ķulını Ĥudā-yı müte‘āl sevdikde, herkese sevdürür dimiřlerdür. Ve řaķīnün ĥabību’llāh idigi ĥadīs-i řerīf ile sābitdür.

﴿ هرکه کار نیک وبا ید میکند ﴾ Her kim ki eyü ‘amel veyā kötü ‘amel ider. **Kār-ı nîk**, «eyü ‘amel» dimekdür. U **yā**, «yāḥod» demek ma‘nâsiyle nîk üzerine ma‘tûfdur; kâr lafzı yine bunda melhûzdur. Ta‘bîrde «u yā kâr-ı bed»; «yāḥod kötü ‘amel»; **mî-koned**, «ider» dimekdür.

﴿ آن همه می دان که باخود میکند ﴾ Ol dükeliyi bil ki kendüsine ider. Ya‘nî; gerek ḥayr u gerek şer her ne işler ise kendü nefisine ider dimekdür. Pes bunda **āyet-i** من عمل صالحا فلنفسه ومن اساء فعليها **āzîmü’ş-şânına** ve ber-manṭûḳ-ı āyet ḥazret-i İbnü ‘Abbâsuñ: **الناس مجزيون باعمالهم ان خيرا فخير وان** **kelām-ı** ‘ibret-nişânına telmîḥ vardır. Ve bu ma‘nâda ḥazret-i Mevlânâ *meşnevî*:

کرچه دیوار افکند سایه دراز

[Ü294b] باز کردد سوی او آن سایه باز

diyü buyurmuşdur. Ma‘nâ; egerçi dîvâr uzun sāye bırağur ānen fe-ānen yine kendüye rücû‘ ider dimekdür. İmdi nîk ü bed herkes ne ider ise kendüye ider. Nitekim şâ‘iruñ *beyt*:

هرکه او نیک میکند یابد

نیک و بد هرچه میکند یابد

beyti nâzımuñ mezkûr beytiyle hem-ma‘nâdur. Pes ne itmek gerekdür? diyü su‘âl-i muḥadder peydâ olmağın nâzım cevâb tarîkıyle eyidür:

﴿ ای برادر بنده: معبود باش ﴾ İy ḫarındaş! Bende-i ma‘bûd ol. Ya‘nî; Ma‘bûd bi’l-haḳḳuñ ‘ubûdiyyetinde bulınup, ‘amel-i ḥayr işle.

﴿ تا توانی باسختا وجود باش ﴾ Mā-dām ki ḳādîrsin cûd u seḫā ile ol. Ya‘nî seḫā vü cûdı elden ḳoyma. **Tā**, bunda «mā-dām» ma‘nâsınadır; istimrâr içündür. **Tevânî**, «ḳādîrsin» dimekdür. Ḳudret, bunda iḳtidâr ma‘nâsınadır. İmdi mā-dām ki iḳtidârıñ vardır; **bā-seḫā vü cûd bāş**, «seḫā vü cûd ile ‘āmil ü şāğıl ol». Bā, bunda ma‘ıyyet ü muşāḥabet ma‘nâsınadır. Seḫā ile [S299a] cûduñ farḳları beyân-ı sâbıḳlardan mebnîdür. İmdi nâzımuñ bu beytinden zımnen; “baḥîl olma” demek müstefâd olmağın pes **ḳā’idesine binā’en** ve buḥlûñ gâyetle mezmûmiyyetin beyāna i’tinā’en buyurmuşdur ki:

﴿ باش از بخل و بخیلان بر حذر ﴾ Buḥlden ve baḥîllerden ḫazer üzre ol ya‘nî ihtirâz eyle. **Bāş**, «ol»; **zi-buḥl**, «şıfat-ı buḥlden» dimekdür. Buḥl, ma‘rûfdur ve ‘āmmıdır. ‘Amel-i ma‘rûf ve ḥuḳûḳu’llāh edâsında olan men‘a şāmıldır. **U(ve)**, ‘atf içündür. **Baḥîlân**, cem‘dür; müfredi baḥîldür. **Ber-ḫazer**, «ihtirâz üzre ol» dimekdür. Ma‘lûm ola ki şıfat-ı buḥl mezmûm ve buḥalânıñ mezmûmiyyetleri ma‘lûmdur. Pes cehd ile māl artmaz ve cûd u seḫā ile eksilmez. Nitekim buyurmuşlardur *naẓm*:

فلا الجود يفنى المال و الجد مقبل

ولا البخل يبقى المال و الجود مدبر

Ḥāl böyle iken buḥl, mālî ibḳā ider ve seḫā mālî ifnâ kılar diyü cûdı idbârlık ‘add iden idbâr u bî-‘atâ olan mālîdârları **ظلال صيف مالها قطر** **ḍarb-ı meşeli** üzre ebr-i bî-bārâna teşbîḥ itmişlerdür. Ve şoḫbet mü’essir oldığı ḫavfindan nâşî baḥîlân ile hem-şoḫbet olma dimişlerdür. Nitekim şâ‘iruñ *naẓm*:

اصبحت اخا كرم تحظ بصحبته
فالتابع مكتب عن كل مصحوب
كالريخ آخذة مما تمر به
نتنا من النتن او طيبا من الطيب

maẓmūnı bu ma‘nāya şāhiddür. Binā’en ‘aleyh buḥalāyı medḥa ‘inde’ş-şîr cevāz yokdur. (...[Ü295a]...) Pes buḥalādan kerem ü cūd u ‘aṭā gelmek mümkün degüldür. Zīrā şıfat-ı buḥl zātında müstaḥarr olanı bir nesne fetḥ u ıslāḥ idemez. Ḥattā mey-perestānda isrāf-ı māl der-kārdur; meger ki zātında dest-i ‘atāsı ‘uḳde-i buḥl ile ma‘ḳūd ola; anı nāḥun-ı mey-i ‘uḳde-küşā açamaz. Belki ruṭūbet-i mey, girih-i dest-i denā’et peyvestine şiddet virür dimişlerdür. Nitekim Şā’ibūn *beyt*:

بخل ممسك از می افزونتر شود
چون کره تر کشت محکمر شود

beyti bu ma‘nāya dālldür. Pes böyle olan denîleri:

دارد از چوب کدا قفل دهان سک کلید
دیدن سائل بخیلانرا بفریاد اورد

beytiyle zemm itmişlerdür. Ya‘nî; [S299b] ‘aşā-yı gedā miftāḥ-ı ḳufl-i dehān-ı segān olduğu gibi baḥlīlān ru’yet-i sâ’ilāndan feryāda gelüp ‘av‘ave-i redde dem-sāz olur dimekdür. Binā’en ‘aleyh egerçi her bir sâ’ili redd ile me’yūs-ı iḥsān iderler. Lākin me’yūs-ı keremi olan kimseyi daḥı al-ḥasan عبد الاحسان beytiyle zemm itmişlerdür. Ya‘nî iḥsānı olmaz ki bir kimseyi ḳayd-ı ruḳyete idḥāl ile serverlik bula dimişlerdür. Nitekim bu maẓmūnı zarīfāne edā ile Sā’ib edā idüp *beyt*:

بخل از کرم بهست که بیحاصلان بخل
در هر جواب بنده ازاد میکند

(...) İmdi buḥlden ve buḥalādan ḥazer eyle:

﴿ تا نسوزد مر ترا نار سقر ﴾ Tā ki seni nār-ı saḳar yaḳmaya. **Tā**, «tā ki»; **ne-sūzed**, «yaḳmaya»; **mer tu-rā**, [Ü295b] «seni»; **nār-ı saḳar**, «saḳar nāmında olan āteş» dimekdür. Yāḥod bundan murād dūzaḥ dimekdür. Nitekim nāzım Müferriḥātında:

بخیلی از همه کاری بتر دان
بود دوزخ یقین جای بخیلان

didigi ḳarīne-i murād-ı mezkūrdur. (...[S300a]...) Pes nāzımuñ beyānı üzre baḥlīli nār-ı saḳar ile ta‘zībe göre buḥl-i mezkūrı ferā’iz ü vācibāta dā’ir evāmīr-i İlāhiyyede olan buḥle ḥaml ḥoşdur. Ve emr-i İlāhīde buḥl iden kimesnenüñ ma‘rūf olan seḥā vü keremden dūr olacağı zāhirdür. Böyle olan baḥlīlūñ iki ‘ālemde yūzi ḳara vü eli boşdur.

﴿ چار چیزى بر دهد از چار چیز ﴾ Dört nesne dört nesneden şemere virür. **Ber**, feth-i bâ'-i muvaḥḥide ve sükûn-ı râ'-i mühmele ile «bâğ u bostānuñ ḥāşılı»na dirler. Bunda mecāzen şemere vü mahşûl ma'nâsı murâddur. **Dehed**, «virür» dimekdür. Hülâşa, dört nesne dört nesneyi muntic olur dimekdür.

﴿ نشنود این نکته جز اهل تمیز ﴾ Bu nükteyi ehl-i idrâkden gayrı kimse istimâc itmez ya'nî sem'-i kabûle almaz. **Nükte**, bunda «mes'ele-i laṭîfe» ma'nâsınadır. **Cüz**, «gayr» ma'nâsınadır. **Ehl-i temîz**, «hüşmend ü şâhib-i idrâk dimekdür.

﴿ هر که زو صادر شود این چار کار ﴾ Her kim ki andan bu dört fi'l şâdır ola.

﴿ بیند آن چار دکر بی اختیار ﴾ Ol kimse bî-iḥtiyâr dîger dördi görür. **Bîned**, muzâri'-i müfred-i gâ'ibdür; «görür» dimekdür; maşdarı «dîden»dür. **Ān**, «ol kimse» dimekdür. **Çâr-ı dîger**, «âḥar dördi» dimekdür. Bu kelâm bîned fi'linüñ mef'ûlidür. **Bî-iḥtiyâr**, «iḥtiyârsız» dimekdür. İhtiyâr, ızırârüñ muḳâbilidür. Murâd; elbette görür dimekdür. Ol eşyâ'-i erba'a-i [Ü296a] âti'l-beyân ve muntic-i çâr-ı dîgerānuñ evveli, 'âkıbet-endîş olmamaḳdur ki peşimānlığı müşmirdür. İkincisi, kârında iḥtiyâṭ itmemekdür ki dūçâr-ı sıḳlet-i ḳalb olmağı munticdür. Üçüncisi, mu'âne de bā-sultāndur ki kârūñ vîrānlığın müşmirdür. Dördüncisi, ḥalḳa muḥālefet ile nâ-sâzkârlıḳdur ki dostānuñ kendüden nefret ü firârını munticdür. Pes nâzım bu vechile beyāna şurûc idüp buyurur:

﴿ هر که در پایان کاری ننکرد ﴾ [S300b] Her kim ki bir kârūñ encāmına nâzar eylemez. **Her ki**, «her kim ki»; **der**, zâ'iddür; **pâyân-ı kârî**, «bir işüñ encāmına» dimekdür. Kârî lafzındaki yâ' harfî vaḥdet içündür. **Ne'ngered**, nefy-i istikbaldür; «bakmaz» dimekdür.

﴿ عاقبت روزی پشیمانی خرد ﴾ 'Ākıbet bir gün peşimānlıḳ yir. **'Ākıbet**, ma'rûfdur. **Rûzî**, «bir gün» dimekdür. Rûz, gündüz; yâsı vaḥdet içündür. **Peşimānîde** yâ maşdariyyedür; «peşimānlıḳ» dimekdür. **Ḥored**, muzâri'-i müfred-i gâ'ibdür; «yir» dimekdür; maşdarı «ḥorden»dür. Pes encām-ı kârını düşünmeyenüñ soñra nedāmet-keşîdeligi mücerrebdür.

﴿ هر که نکند اختیاط کارها ﴾ Her kim ki işlerüñ lâ'ıḳ olanuñ eylemez. Ya'nî; ḥarekât-ı reddiyye vü ef'al-i nâ-merziyye ile olur. **Her ki**, «her kim ki»; **ne'kned**, zarûret-i vezn için kâfuñ sükûniyle okınmaludur; «eylemez» dimekdür. **İḥtiyâṭ**, 'Arabîdür; «lâ'ıḳ olanı itmek» ma'nâsınadır; mā-ba'dine muzâfdur. **Kârḥā**, «işler» dimekdür. Kâr, iş ma'nâsınadır. Āḫirindeki hâ, edât-ı cem'dür.

﴿ بر دلش آخر نشنید بارها ﴾ Encām-ı kâr anuñ ḳalbine niçe bār oturur. Ya'nî ḳalbine bār-ı girân sıḳlet ü niçe zaḥmet vârid ü mekîn olur. Yaḥod niçe perdeler ḳarîn olur dimekdür. Zîrâ bār kelimesi, luğat-i Fârisîde yigirmi yedi ma'nâya gelür. Ma'ânî-i ma'düdeden bunda «yük» ma'nâsına yâḥod «perde» ma'nâsına olmaḳ mülâyimdür. Ma'nâ-yı evvele göre kârında iḥtiyâṭ itmeyenüñ ḳalbine bār-ı sıḳlet vürüdü der-kâr ve her-bār mağmûm u mehmûm olması bedîdârdur. Yaḥod âyine-i ḳalbine gubâr-ı ekdâr vürüdından ḳalbi perdedâr-ı küdüret olup, ru'yet-i şafâdan mahrûm olmaḳ âşkârdur. **Ber-dileş**, «anuñ ḳalbi üzre» dimekdür. Ber, 'alâ ma'nâsınadır; dil, gönüldür. Āḫirindeki şîn zamîrdür. İhtiyâṭtan dūr olan kimseye raci'dür. **Āḫir**, «encāmında» dimekdür. **Nişined**, muzâri'-i müfred-i gâ'ibdür; «oturur»

dimekdür. Bu fi'li irâdda, kalbine vârid olan bârlar kalbinde müstekarr u mekîn olur dimege işâret vardır. Zîrâ oturmak qarârdan 'ibâretdür. **Bārḥā**, cem'dür; bunda daḥı dil-nişîni olan bâruñ keşretini iş'âr için cem' getürmişdür. İmdi bu daḡdaḡadan emniyyet için kişi her bir umûr u ḡuşûşda ihtiyâṭ itmek herkese lâzımdur. Nitekim Ḥ'âce Şâ'ib *beyt*:

باحتیاط ز دست خطر پیاله بکیر

مباد آب حیاتت [Ü296b] دهد بجای [S301a] شراب

beyti ile erbâb-ı idrâke bu ma'nâ-yı zülâl-ihtivâyı işrab buyurmuşdur. Ve daḥı Ḥ'âce 'Abdü'l-Mevlâ *beyt*:

پا در حریم محفل دلها شمرده نه

آهسته باش تا نرنی شیشه‌ها بهم

beyti ile ihtiyâṭa nuşḥ buyurmuşdur. Ya'nî; harem-serây-ı mahfel-i kulûbda pâ-nihâd-ı şümürde ol ve âheste ol ki şîşeleri birbirine urmayasın ve kırmayasın. Zîrâ şîşe-i dil şikest oldıḡdan soñra peyvend müşkilter olur dimekdür. Ve fi'l-ḡaḡıḡa göñlüñ ḡâli sâ'ire beñzemez. Nitekim Şâbit buyurmuşdur, *beyt*:

Ḡarîbdür bu göñül ḡâli Şâbitâ çok olur

Şeḡâb-ı feyz yağarken dile ḡubâr düşer

ve daḥı şîşe-i dil ḡâyet nâzûkter olmaḡın ednâ-yı ḡubâr ile muḡberr ü şikeste olur. Nitekim şu'arâdan Melik-i Ḳummî buyurmuşdur, *beyt*:

دلیست در بر من ز آبکینه نازکتر

که کر غبار نشیند ازو شکسته شود

Ve zücâc-ı ḡâtır kesrden soñra ta'mîr bî-nemek oldıḡı şâ'iruñ:

Şikeste-ḡâtır idüp soñra ta'mîr itmegüñ mişli

Kenâd itmek gibidür raḡne-i faḡfûr-ı Mâçîni

beyt-i laṭîfinden ve Nâbî-i merḡûmuñ *beyt*:

Kenâd itseñ yene 'ayb-ı şikâf-ı kâse bâḡîdür

Olur tarz-ı nevâziş bî-nemek âzârdan soñra

maẓmûn-ı münîfinden hüveydâdur. İmdi her kârda ḡuşûşıyle kulûbı 'adem-i inkisârda ihtiyâṭ lâzımtardür.

﴿ هرکه او استیزه با سلطان کند ﴾ Her kim ki okimse sulṭân ile mu'ânede ider. **İstîze**, kesr-i hemze ile «'inâd u cedel» ma'nâsınadır. **Bâ**, muşâḡabet içündür. **Sulṭân**, ma'rûfdur ve vûkelâsı olan ḡukkâm bu ḡükmdedir. Pes sulṭân ve vûkelâsından biri ile mu'ânede ḡaydında olan:

﴿ کار خود را سر بسر ویران کند ﴾ Kendi kârını başdan başa vîrân u ḡarâb ider. Ya'nî işi başa varmayup ḡarâb u yebâb olur. **Kâr-ı ḡod-râ**, izâfetle «kendi işini» dimekdür. Bu kelâm kendi fi'linüñ muḡaddem-i mef'ûlidür. **Ser-be-ser**, «başdan başa» dimekdür; ser-te-ser ve ser-tâ-ser mişlühüdür. **Vîrân**, ma'mûruñ zıddıdır. Nitekim Ferhengüñ *beyt*:

هر لحظه دلم را پسری کرد تصرف

ویران شده چون وقف بر اولاد نکورست

beytinden ma'nā-yı mezkūr hüveydādur. Ekşer vaqfuñ vīrān-şüdeligi meşhūr-ı elsine-i 'ālemyāndur. **Koned**, «ider» dimekdür. Ma'lūm ola ki اطيعوا الله و اطيعوا الرسول و اولوالامر منكم āyet-i 'azīmu'ş-şānına imtişālen sulţāna itā'at lāzımdur. Qaldı ki emrlerine itā'at şer'a muţābaqat ile muqayyeddür [S301b] diyü anlara 'adem-i inkıyād ile tıqād-ı nā'ire-i 'inād iden kendi kārını ve hāne-i dil ü cānını ser-te-ser hārāb-ābād eylemek muqarrerdür. Hūlāşa sulţāna ve taraflarından gelen hukkām-ı zī-şāna tıqād ile terk-i 'inād [Ü297a] hoşdur. Hattā gıyāblarında anlara sögmek şer'an menhīdür. (...) İmdi ka'be-i itā'atde harem-nişīn-i emān iken haddini tecāvüz ile dā'ireden taşra hareket iden hıllı mütecāviz olan kebüter-i harem gibi giriftār-ı kayd-ı şayd olmak muqarrerdür. Nitekim H'āce Şā'ibūñ *beyt*:

کسی که می نهد از حد خود قدم بیرون

کبوتریست که می آید از حرم بیرون

beytinūñ maẓmūn-ı leţāfet-meşhūnından ma'nā-yı mezkūr nūmāyāndur. Ve nāzımuñ bu ma'nāyı iş'arda ba'zı nüshalarda çend ebyātı görilmegin, ebyāt-ı mezkūreyi taḥrīr ü beyān ve şerḥ u 'ıyān münāsib görilmişdür. Ol ebyāt bunlardur ki zıkr olunur, *nüşḥa*:

﴿ هرکه با سلطان دلیری کرد مرد ﴾ Her kim ki sulţān ile bahādırlık eyledi, öldi. Ya'nī; sulţāna karşı koydı, cānından oldı dimekdür. Nitekim mışrā'-ı şānī, mışrā'-ı evveli bu vechile müzīḥdur.

﴿ در هلاک مال و جان خود سپرد ﴾ Māl ü cānını helāke ışmarladı. Ya'nī māl dan ve cāndan oldı dimekdür.

﴿ هرکه او باغی شود با پادشاه ﴾ Her kim ki pādşāh-ı İslāma bağı idici ve emrinūñ hılāfınca gidici olur.

﴿ روز او چون تیره شب گردد سیاه ﴾ Anuñ günü bulanık gice gibi siyāh olur. Ya'nī; gündüzi gicesinden seçilmez ve ālām-ı kūdūret-i bağıyden gözi açılmaz dimekdür. Pes nüsha beytleri tamām olmağın yine hāme-cünbān-ı taḥrīr-i şerḥ u beyān olup, eşyā'-ı erba'anuñ dördincisini 'ıyāna geldik:

﴿ هرکه کشت از خوی بد ناساز کار ﴾ Her kim ki kötü hūydan nāşī ḥalḳ ile dirlik ve düzenlik eylemeyici oldı. Ya'nī; sū'-i ḥulḳdan ḥalḳ rāzī olmadı dimekdür. **Her ki**, «her kim ki»; **geşt**, «oldı»; **ez-hūy-ı bed**, «yaramaz hūydan nāşī» dimekdür. **Nā-sāzkār**, «dirlik ve düzenlik eylemeyici» dimekdür. Zīrā sāzkār, «yaraklı ve düzenlü» ma'nāsınadır. Ammā kār lafzı muqaddem olup kār-sāz dinse, «iş düzici» ma'nāsına olur idi. Pes [S302a] evvelinde olan edāt-ı nefy ile nā-sāzkār, «ḥalḳ ile düzenlik eylemeyen muḥālif»e dinmişdür. Ve bu keyfiyyet, sū'-i ḥulḳuñ muḳtezāsı oldığı nāzımuñ ez-hūy-ı bed kelāmından müstefāddur. Ve böyle olan bed-hūy u idbāruñ, belā-yı siyāh u ḡaḍab-ı İlāh olduğından, herkesūñ kendüden nefret ü firārı āşkardur. Nāzım eyidür:

﴿ دوستان از [Ü297b] وی کنند بی شک فرار ﴾ Lā-cerem dostlar andan firār iderler. Zīrā bed-hūlūğı sebebiyle, menfūr-ı kulūb-ı eḥibbā olur. Ma'lūm ola ki herkese ḥüsn-i ḥulḳdan nāşī ḥalḳ ile ḥüsn-i imtizāc lāzımdur. Ve ḥüsn-i imtizācuñ ma'nāsı, ḥalḳa mütāba'at ile eyü geçinmekdür. Nitekim Nābī:

Ḥ'āhişger olma rāḥata kayd-ı ḥayāt ile

Tā 'aḳd-ı şulḥ itmeyicek kā'ināt ile

diyü buyurmuşlardır. Pes ‘āqıl olan ma‘ḳūle ḳā’il gerekdür. Nitekim H^vāce Şā’ibūñ *beyt*:

در کلستان بلبل و در انجمن پروانه باش
هر کجا دام تماشایی که بینی دانه باش

beyt-i laṭīfī bu ma‘nāda kāfī ve daḥı zurefā-yı şu‘arādan bir merd-i kāmīlūñ *beyt*:

هر کرا رد جوهر با کفر و دین هممشربست
چوب کاهی تختۀ نرد و کهی منبر شود

maẓmūn-ı münīfī bu maḳāmda vāfīdūr. Nerd, «ṭavla» didikleri lu‘bdur. Minber, ma‘rūfdur. Lākin her vaktini ihtilāṭa ḥaşr idüp şiddet-i imtizāc ile her cem‘uñ şem‘i olmaḳ daḥı maḳbūl degūldür. Zīrā bu ma‘nāca, şiddet-i āmīziş ile imtizācuñ ḥālī iḥrāk-ı vüçūd-ı tābnāk ve eşk-rīzī-i çehre-i pāk olmaḡa bā‘is idiḡi encūmen-ārā-yı enām olan şem‘-i sūzānuñ ḥālinden nümāyāndur. Nitekim Şā’ibūñ *beyt*:

ندارد حاصلی امیزش خلق

که شمع از انجمن کریان بر آید

kelām-ı cevher-nizāmı bu beyānda şāhiddür. Ḳaldı ki ba‘zı nüshada beyt-i mezkūruñ mevḳı‘inde beyt-i dīḡer vāḳı‘ olmaḡın taḥrīr ü beyānı münāsib görülmüşdür. Ol beyt budur ki zikr olunur:

﴿ چون سؤال اورد کردد خوار مرد ﴾ Kişi çünkü su’āl getürdi, ḥor u ḥaḳīr olur. **Su’āl**, bunda

«arż-ı ihtiyāc ile nāsdan bir nesne istemek» ma‘nāsınadır. Pes su’āl zımnında elbette ḥaḳāret der-kārdur ve rezālet bedīdārdur. Ḥuşūşā ki rüzgāruñ ḥālī böyle ola. Nitekim H^vāce Kelīm eyidür *beyt*:

از بستگی کار درین روزگار تنک

چیزی اگر کشاده شود دست سائل است

İmdi su’āl ḥaḳāretinden ḥalāş, her maṭlūbı dergāh-ı Ḥaḳḳdan [S302b] ṭaleb ile ḥaḳḳdan ümīdi ḳaṭ‘a menūṭdur.

﴿ ماند تنها هرکه استخفاف کرد ﴾ Yalnız ḳaldı her kim ki ḥaḳḳı istiḥfāf eyledi. Ya‘nī; dostları

kendüden nefret itmegın dostsuz ḳaldı demek murāddur. Pes ḥaḳḳa çeşm-i ḥaḳāret ile nazar itmek menfūr-ı ḳulūb-ı enām olmaḡa sebebdür. Ve gāhī ḥaḳīr ‘add itdiḡüñ faḳīr ‘ında’llāh ‘ālī-ḳadr ve nazara şāyān olmaḳ keşīrdür. Ve bu maḳūle ḥurdāna ziyāde iltifāt, eşḥāb-ı başīretüñ ḥālīdür dimişlerdür. Nitekim H^vāce Aḳā Rızānuñ *beyt*:

بخردان التفات اهل بینش بیشتر دیدم

سها منظور مردم دیده ور [Ü298a] باشد ز کوبها

beyt-i dil-ārāsı bu beyānda mānend-i Sühā zıyā-baḥş-ı evc-i ‘alādur. Sühā, zamm-ı sīn ile bir ḥurde yıldızdur ki anı herkes görmez; ru’yeti ziyāde ḥıddet-i başar şāḥibine müyesserdür. Ve daḥı başında hevā-yı kibr olup kāḡad-ı bād gibi ḥaḳḳdan yüksek uçanuñ, boğazında urḡan ile maşhara-i ehl-i seyrān oldıḡı H^vāce Muḥlişuñ *beyt*:

همچو²⁴ کاغد باد هر کس را هوایی در سرست

²⁴ Beyitte kāḡad-bād şeklinde izāfetsizdir.

از برای سیر هر دم در رسمانش دهند

beyt-i laṭīfinden nümāyāndur. Kāgad-ı bād didikleri, şan'atle ma'mûl bir varakdur ki kendüyi rîsmân ile hevâya şalup, pervâz itdürüp seyrine dem-sâz olurlar.

Der-Beyân-Terk-i Zînet-i Zâhir

﴿ سر چه ارایی بدستار ای پسر ﴾ İy oğul başuñı destâr ile ne bezersin. **Ser**, bunda «baş» ma'nâsınadır. **Çi ārâyî**, «ne bezersin?» dimekdir. Çi, kesr-i cîm-i 'Acemî ile «ne» demek ma'nâsına edât-ı istifhâmdur. Ārâyî, muzâri'-i müfred-i muhâtabdur; bezemek ma'nâsına olan «ārâsten»den müştakktur. **Be-destârda** bā, muşāḥabet içündür. Destâr, «şarık ve dülbend ve dest-māl» ma'nâlarına gelür. Bunda ser lafzı qarînesiyle, herkesüñ 'örf-i beledi ve mezākı üzre başa şarılan nesne murâddur. **İy püser**, «iy oğul» dimekdir. Bundan nâzımuñ murâdı; zâhiriñi ne zînet idersiñ? Pes zâhir-ārālîk ile ḥod-nümālîk âdemoiyyet degüldür. Belki âdemoiyyet; terk-i zînet-i zâhir ile celb-i ḥâṭırdan 'ibâretdür dimekdir. Nitekim *beyt*:

آدم نشود کسی بدستار

ای جان پدر دلی بدست آر

didikleri beyt-i cevâhir-âşâra işâret zımnında nâzım buyurmuşdur:

﴿ کر توانی دل بدست آر ای پسر ﴾ Eger kâdir iseñ bir göñli ele al. Ya'nî; bir ḥâṭırı celb ü ta'mîr [S303a] eyle dimekdir. **Ger**, edât-ı şartdur. **Tüvânî**, fî'l-i şartdur; ma'nâsı «kâdir iseñ» dimekdir. **Dil**, «göñül» ma'nâsınadır. **Be-dest**, «ele» dimekdir. Evvelindeki bā ilşâk içündür. Dest, bunda el ma'nâsınadır. **Ār**, emr-i ḥâzırdur; «getür» dimekdir. Bu fî'l müte'allıḳâtiyle ceza'-ı şart-ı mezkûrdur. Pes her bir mâlik-i zînet-i zâhire, merd-i kâmil dinmeyüp sîretinde ve zâtındaki ma'rifet ve cibilliyetindeki insâniyyetine nazar olunmak gerekdir. Nitekim Ḥ'âce Şâ'ibüñ *beyt*:

مغز تحقیق ز ارباب عمامم مطلب

انچه در سر نتوان یافت ز دستار مجو

beyt-i laṭīf bu beyâna dâlldür. Ve yine ma'nâ-yı mezkûrı işbâtta Nâbî-i merḥûmuñ *beyt*:

Lâzım gelürdi serv ü çenâr ola mîvedâr

'İlm ü hünerde medḥali olsa kıyâfetüñ

beyt-i münîfî şâhid-i ḥâldür. İmdi merd-i kâmil bir vechile celb-i ḥâṭır devletine nâ'il olundur. Ḥuşûşâ ki ol ta'mîri qaydında olduḡuñ ḥâṭır, zâtında maḥzûn u meksûr bulına. Böyle ḥâṭıruñ ta'mîri, nevâziş-i ḥâṭır-ı ma'mûrdan elzem ve şevâbı [Ü298b] sâ'irden a'zamdur. Nitekim من ادخل علی مؤمن سرورا فکانما سرنی ḥadîs-i şerîfi bu ma'nâyı işbâtta etemmdür. Ve böyle ḥâṭırı 'imâret, ḥışâl-i ḥamîde-i erbâb-ı iḳbâl ü devlet ve zekât-ı câh u 'izz ü rif'at idigi *beyt*:

چو روزگار بکام تو کشت و دولت یار

بکوش تا دل آزده' بدست آری

beyt-i dil-ārâsından hüveydâdur. Keyfe lâ ki mü'minüñ ḳalbi beyt-i İlâh idigi bî-iştibâh ve ol beyti ta'mîr 'imâret-i Ka'beden şevâblu olduḡı *naẓm*:

دل بدست آور که حج اکبرست
 از هزاران کعبه یک دل بهترست
 کعبه بنیاد خلیل از رست
 دل نظرگاه جلیل اکبرست

ḳıṭʿa-i dil-peṣṣirūn maẓmūnından maʿlūmdur. Hattā terk-i zīnet ile Kaʿbevārī senede bir libāsa ḳanāʿat ve Kaʿbe-i ḥāṭır taʿmīrine ihtimāma işāret zımnında Ḥ^vāce Şāʿib, taʿmīr-i ḥāṭır-ı meksūrī taʿmīr-i Kaʿbeden eẓzūn ʿadd eylemişdür. İşāret buyurdığı ḳıṭʿa-i dil-ārā budur, *naẓm*:

عزیزتر نه از کعبه ای لباس پرست
 بجامه که بسالی رسد قناعت کن
 چه کل در آب بتعمیر کعبه میکیری
 خراب کشته دلی را برو عمارت کن

Pes raḥne-i ḥāṭır-ı meksūra hīç olmaz ise dühn-i lisān ile merhem-sāy-ı iltiyām olmaḳ ehemmi meḥāmmıdandır dimişlerdür. Zīrā raḥne-i dil ḥālī bir şey'e ḳıyās degüldür. (...[S303b]...) Pes zīnet-i zāhirden ferāğ, izāle-i esbāba mevḳūf ve bāʿis-i zīnet-i ʿizz ü māl ü cāh idigi maʿrūf olmağın, izāle-i esbāba ihtimāma işāret murādīyle nāẓım buyurur:

﴿ تا نکردی ترک عز و مال و جاه ﴾ Mā-dām ki ʿizz ü māl ü maṣnīb-ı dünyeviyeyi terk eylemeyesin dimekdür. **Terk**, «ferāğat» maʿnāsınadır. **ʿizz ü māl ü cāh**, maʿrūflardur. Pes nāẓımuñ bundan murādı ʿizz ü māl ü riyāset, bāʿis-i zīnet ü ḥasāret olmağın anlara maḥabbet gerekmez; zīrā ḥubb-ı riyāset şerʿan memnūʿdur dimekdür. Maʿlūm ola ki ḥubb-ı riyāset üç kısmıdır. Biri yalnız cāh u müşteheyāt u muḥarremāt için olandır. Bu ḥarāmdur. Kısm-ı şānī, iʿzāz-ı dīn için olandır. Bu daḥı ikidir. Şöyle ki eger riyā vü sümʿadan ḥālī olur ise müsteḥabbdur. Ve eger kemāl ḳannıyle telezzüz-i nefis için olur ise ve ḥubb-ı māl gibi ḥaṭardan selāmet bulursa ḥarām degüldür; lākin şerʿan mezmūmdur. Zīrā şāḥibin, nifāḳ [Ü299a] ve telbīs ve kızḳ ve zīnet-i zāhire meyle düşürür. İmdi ʿilācı, fenāsın ve sürʿat-i zevālin mülāḥaza ile kendüyi terk eylemekdür. Nitekim bunda nāẓımuñ terkile nuşḥ eyledigi işbu ḥarām veyā mezmūm olan kısmıdır. Ammā bilā-ḥubb olan riyāset-i memdūḥa, şān-ı ʿālī-i enbiyā'-i kirām ʿaleyhi's-şalātü ve's-selāmdur. Pes ḥarām u mezmūm olan ʿizz ü cāha ve māl-i ḥaṭar-penāha ʿadem-i maḥabbet ve terkine saʿy ü himmet, ehemmi ü elzemdir. Zīrā dünyevī vü uhrevī ḥaṭarı bisyār ve ḥāl-i ḥükümet düşvārdur. Nitekim Saʿdī:

نکهبانی ملک و دولت بلاست
 کدا پادشاهست و نامش کداست

maẓmūnı bu beyānda güvāhdur. Ve daḥı *naẓm*:

تا بود در سرت کلهداری
 یکدمت بصداع نکذارند
 پای در دامن قناعت کش
 تا ز جیب تو دست وا دارند

kıf'a-i haqīkat-me'ālī bī-iştibāhdur ki külāhdār-ı cāh olanuñ ser-i devlet-efserin taşdı'den hālī ve ceyb-i himmetine idhāl-i dest-i su'ālden dūr [S304a] u lā'übālī olmazlar. Bu dağdağalardan hālāş olmağ ve halkuñ elinden kurtılmağ, ayağı dāmān-ı kanā'ate çeküp, cümleden ferāgate mevķūfdur. Ve belki mülk-i ferāguñ bu vechile sulţānlığı, niçe devlet ü cāh-ı cihāniyāndan a'lā vü evlā idigi ehl-i tecrīd 'inde meşhūr u ma'rūfdur. Nitekim İbnü Yemīnūñ:

دو نیم نان اکر از کندمست ویا از جو
دوتای جامه اکر کهنه‌است ویا از نو
بچار کوشه دیوار خود بخاطر جمع
که کس نکوید از اینجای خیز و انجارو
هزار بار نکوتر بنزد ابن یمین
زفر سلطنت کیقباد و کیخسرو

naẓm-ı dil-ārāsı bu beyāna tamām şāhid-i hāldür. Ma'nāsı; hınţa veyā şa'irden sāhte iki pāre nān ve 'atīķ u cedīdden iki ķat cāme-i bī-'unvān ile kendi ķār-gūşe-i dīvārında cem'-i hātur-ı melābis olup, bir kimse bundan ķalk ve anda git dimemek, İbnü Yemīnūñ 'inde Keyķubād ve Keyķusrev nām pādşāhlarıñ revnaķ-ı salţanatlarından hezār bār güzeldür dimekdür. (...[Ü299b]...) İmdi mā-dām ki anları terk eylemeyesin:

﴿ از همه بر سر نیایی چون کلاه ﴾ Baş üzre külāh gibi dūkeliden 'ālī gelemeszin. Ya'nī; 'ālī-ķadr olamazsın dimekdür. **Ez-heme**, «dūkeliden»; **ber-ser**, «baş üzerine»; **ne-yāyī**, nefy-i istiķbāl-i müfred-i muķātabdur; «gelemeszin» dimekdür. **Çun külāh**, «külāh gibi» dimekdür. Çun, edāt-ı teşbīhdür. Külāh Fārisīde, yūñden ve keçeden yapılmış bōrk-i ma'rūfuñ adıdır. Nitekim H'āce Şā'ibūñ [S304b] *beyt*:

ز سر کلاه نمد را چه گونه بر دارم
که زیر تیغ حوادث همین سپر دارم

beyt-i leţāfet-eşerinde bu ma'nācadur. Külāh-ı nemed, «keçe külāh» demek olur. Ve gāhī muţlaķ zıkr olup yine bu ma'nā murād olunur. Ammā cüz'-i āķar ile isti'māl olındıķda evvel-i cüz'ler ile başka başka külāhlar murād olunur. Meşelā; külāh-ı Teterī dinse, cündīleriñ cengde geydikleri bir nev'a külāh murād olunur. Ve külāh-ı şāhī yāķod şāķib-külāh ve ma'nāda mūmāşilleri zıkr olındıķda, tāc-ı şāhī murād olunur. Nitekim Kaşşābuñ *beyt*.

مرا ترک طلب سرمایه صحب کلاهی شد
که کچکول کدایی واژگون شد تاج شاهى شد

beyt-i dil-ārāsında şāķib-külāhīden sulţānlık ma'nāsı murāddur. Ve fi'l-ķaķīķa kāse-i deryūze olan keçkül-i su'āl, terk-i talebden nāşī mūn'akis oldıķda şekl-i tāc-ı şāhī nūmāyān ve bu sıfatda olan gedāyān-ı cihān, cihāna gūyā sulţāndur. Pes nāẓımuñ bunda külāhdan murādı, başda olan taķyedür ki başdan 'ālıdır. İmdi tārik-i 'izz ü māl ü cāh olmayanuñ, 'ında'llāh 'ālī-ķadr olmayacağı beyān-ı sābık ḥasebiyle bī-iştibāhdur.

Pes terk-i zīnet-i zāhirī ile teḳayyüd lāzımdur ki merd-i İlähī ṭarīķında teʿabbüdde olmış ola. Merdlik budur. Yoksa:

﴿ نیست مردی خویش را آراستن ﴾ Kendüñi bezemek erlik degüldür. **Nist merdī**, «erlik degüldür»; **ḥiṣ-rā**, ārāsten kelimesinüñ muḳaddem-i mefʿülüdür; maʿnāsı «kendüñi» dimekdür. **Ārāsten**, «bezemek» maʿnāsına maṣdardur. Maʿlūm ola ki kişi kendin bezemek, ḥod-nümā vü zāhir-ārālıķdur. Bunlar ise şerʿan ve ʿörfen ve ṭabʿan mezmūmdur. Zātında ʿirfān olanda bu dāʿiyenüñ olmadıķı şüret-i ḥālinden maʿlūmdur. Merd-i İlähīde bu şıfat olmaz. Nitekim Şāʿib:

نقش هستی نتوان در نظر عارف یافت

عکس در بحر محالست که نمایان باشد

beytinden hüveydādur. Ve daḥı Şāʿib:

آنکس که مایه‌دار بود خودنمایی نیست

هرکز سخن کلی بسر باغبان نداشت

maẓmūn-ı rengīni maʿnāʾ-i murādı müşʿirdür. İmdi ḥod-nümālıķıñ ḥālī ve zāhir-ārālıķıñ bī-meʿālī böyle oldıķından terk-i zīnet-i zāhirüñ lüzümü zāhir ve terk-i zīnet itmek, [S305a] şāḥibinüñ [Ü300a] ḥavādiş-i rüzgārdan maşūn olacaķı **Ḥʿāce Kelīmüñ beyt**:

تا نبود این تاج زرین بر سرش آسوده بود

شمع افتاد از هوای سر فرازی در کذار

beyt-i laṭifinüñ meʿālinden maʿlūmdur. Yaʿnī; şemʿuñ ḥālinden iʿtibār almaludur ki, mā-dāmā başında tāc-ı zerrīn olmadıķca āteş-i sūzān ile giryān ve miḳrāş-ı meclis ile ser-bürīde olmaḳdan der-emān u āsūdedür. Pes şemʿ, ser-firāzlıķ hevāsiyle sūzişgerlige düşmiş dimekdür. Ve **Ḥʿāce-i mūmā-ileyh** beyt-i dīgerinde *beyt*:

نشکنی کر خویش را باری خود ارایی مکن

نیستی چون بت شکن بتکر نمی باید شدن

diyü buyurmuşdur. Maʿnāsı; eger kendüñi teber-i riyyāzat ile kesr idemezseñ bārī kendüñi bezeyici olma. Çünki büt-şiken degilsin, büt yapıcı olmaḳ gerekmez dimekdür. Bundan murād maʿlūmdur. Pes kendü üzerine zīnet virmek zenān işidür; merdān işi degüldür. **Ḥod-rālıķıñ** encāmı ḥusrān u helāk-i cāndur. Nitekim nāẓım eyidür:

﴿ قصد جان کرد هرکه او اراست تن ﴾ Her kim ki bedenini bezedi ḳaşd-ı cān eyledi. Yaʿnī; kendi helākini murād eyledi. **Ḳaşd-ı cān**, «irāde-i helāk»den kināyedür. **Kerd**, mazīdür; «eyledi» dimekdür. **Her ki**, «her kim ki»; **o**, «o kimse»; **ārāst**; māzī-i müfred-i ḡāʾibdür; «zīnet eyledi» dimekdür. **Ten**, «beden» maʿnāsınadır; ārāst fiʿlinüñ mefʿülüdür. Pes bundan murād; giriftār-ı ḳayd-ı zeyn-i beden olandur. Gāḥ Ḥaḳḳdan dūr ve ḳurb-i raḥmetden mehcūr oldı dimekdür. Ve bu vechile merdūdiyyet, helāk-i cāndan ʿibāret oldıķına iştibāh yoḳdur. Nitekim nāẓım Tezķiretü'l-Evliyāʾ nām kitābında eyidür: Zāhirin zeyn itmegüñ āteşe ḳurbiyyeti, kişiyē şāḥ ṭamarınuñ ḳurbiyyetinden ziyādedür, intihā. Pes bundan faşl

ķā'idesiyle, sālīk ne itmek gerekdür diyü su'āl-i muķadder peydā olmağın nāzım cevāb ıarķı ile buyurmuşdur ki:

﴿ نیست در تن بهتر از تقوی لباس ﴾ Tende taķvādan hūbter libās yoķdur. **Nīst**, «yoķdur»; **der-ten**, «bedende»; **bihter**, «ziyāde eyü»; **ez-taķvī**, «taķvādan» dimekdür. Ķā'ide-i Fūrs üzre taķvī, vāvuñ kesriyle oķunur. **Libās**, «geyecek ve örtünecek nesne»den e'ammudur. Pes bunda و لباس التقوی ذالک خیر و لباس التقوی فان خیر [S305b] الزاد التقوی Nitekim āyet-i şerīfine telmīh vardır. Taķvā, zād-ı āhıretüñ hayırlıdır. Nitekim āyet-i celīlū's-şāniyle müşbetdür. Ķaldı ki taķvā lūğatde farı-ı sıyānetden 'ibāretdür. Ammā ıışılāh-ı şer'ce ma'na-yı 'āmm ve ma'na-yı hāşşı vardır. Ma'na-yı 'āmm; āhırete zararlı olan nesneden ictinābdur. Bunun dağı a'lā vü ednā mertebeleri vardır. A'lāsı ķalbi Ħaķķdan meşğul iden şeylerden tezeħhüd ve cemī' cesediyle Ħaķķa, inķıtā'-ı tām birle Ħudāya te'abbüddür. Taķvā-yı haķıķı didikleri dağı budur. [Ü300b] Bu mertebeye vuşul riyāzat-ı keşireden soñra huşul olur. Ammā ednāsı şirkden ictinābdur. Bu ma'nāca taķvā her mü'min-i muvaħhidde bulunur. Ma'na-yı hāşş; fı'l ve terkden nāşı nefsi 'uķūbete müsteħaķķ kılan nesnelerden ictinābdur. Ehl-i şer'inde müte'ārif olan dağı budur. Lākin nāzımuñ kelāmındaki taķvādan murād; taķvā-yı kāmildür. (...) İmdi libās-ı taķvāyı koyup, libās-ı dünyā için teklīfe düşmemek gerekdür. Zīrā:

﴿ در تكلف مرددا نبود اساس ﴾ Tekellüfde merd için esās olmaya. **Der-tekellüf**, «zaħmetde» dimekdür. Zīrā [S306a] tekellüf zaħmetlü işe dirler. Ve riyā ma'nāsına gelir. Pes bunda kayd-ı zīnetde olanuñ zaħmet-keş olmasına işāret vardır. Ve fı'l-haķıķa böyledür. Anuñçün merdān-ı rüşen-dilān bu gūne teklīfı terk ile şafā bulup *beyt*:

نیست جز ترك تكلف زينت روشندان

كر لباس اطلس است آيينه عريان بهترست

diyü buyurmuşlardır. Ya'nı; rüşen-dilāna terk-i tekellüfden ġayrı zīnet yoķdur. Zīrā libās-ı atlas dağı olsa āyinenüñ 'uryānlığı yegrekdür dimekdür. Pes merdānuñ ħālī budur. Anuñçün nāzım bunda merd zıkrine mübāderet buyurup dimişdür: **Merd-rā**, «merd olana»; **ne'bved**, «olmaya»; **esās**, 'Arabīdür; «dīvār temeli»ne dirler. Pes zīnet-i zāhirīde tekellüf-i merdānuñ bī-esās idigi ķarīn-i 'ilm-i [Ü301a] ħavāşş-ı nāsdur. Zīrā kayd-ı zīnet ile tekellüfe düşen 'avām-ı nās, ġarīķ-ı baħr-i iflās olmağın kendi ħālını bilmez ve ġayruñ aħvālın añlamazlardandır. Zamānenüñ ise ħālī ma'lümdür. Zīnet-i zāhire her bār me'lūf olan, ma'rūf olur. Ma'rūfiyyet ise meşhūriyyete mevķüfdür. Şöhret ise şāhibine belādur. Ve encām-ı ķār nā-murād olacağı meşhūd-ı dīde-i bāy u gedādur. Nitekim bu ma'nālara iki beyt ile imā idüp nāzım buyurur:

﴿ هر كه او در بند آرایش بود ﴾ Her kim ki o zīnet ķaydında ola. **Her ki**, «her kim ki»; **o**, «kimse»; **der-bend-i ārāyiş**, «zīnet ķaydında» dimekdür. Bu maķāmda der-bend ķavlinde olan der kelimesi, zarfiyyet içündür. Bend, kayd ma'nāsınadır. Ammā kaçan der-bend kelime-i vāhid olsa, tağda ve ba'zı yirlerde zaħmetle geçilen ıar yire ve dağı kilīd ü miftāhsız kendü ile ķapu bağlanan nesneye ve dağı kendi nefsi ķaydında olur dimekdür. Ve dağı bir şehr-i 'azīmüñ adına dirler. Ārāyiş, zīnet ma'nāsınadır. **Buved**, «ola» dimekdür.

﴿ در جهان فرزند آسایش بود ﴾ Dūnyāda zu‘mınca ibnū’l-ḥuzūr olur. **Der-cihān**, «dūnyāda»; **ferzend-i āsāyiş**, «rāḥat oğlu» dimekdür. Bunda murād ma‘lumdur. **Buved**, «ola» dimekdür. Pes zīnet-i zāhirī kaydıyle muḳayyed olan, zu‘mınca dūnyāda ibn-i ḥuzūr olur. Lākin encāmı, ol zīnetūn zevālīyle mehcūr ve ḥusrān-ı ‘uḳbāya dā’ir nā-murādılık ile maḳhūr olur. Nitekim nāzım eyidür:

﴿ عاقبت جز نامرادی نبودش ﴾ ‘Āḳıbet aña murādsızlıktan ḡayrı olmaya. **‘Āḳıbet**, «encām-ı kār» dimekdür. Bundaki ‘āḳıbetü’l-emr ma‘nāsınca dūnyā vü ‘uḳbāda ḡorecegi [S306b] aḥvāle şümül için ‘āḳıbeti ‘umūma iḥāle hoşdur. Zīrā zu‘m-ı sâbıḳda olanuñ başında birkaç dürlü nā-murādılık muḥtemeldür. Nitekim nāzımuñ **cüz nā-murādī**, «nā-murādılıktan ḡayrı»; **ne’bvedeş**, «aña olmaya» didigi e‘ammdur. İmdi zīnet-i zāhire dil-bend olup, dūnyāda āsāyiş iddi‘āsında olanuñ ḥayātda iken ‘āḳıbeti nā-murādılık olmağıla her bār icrā-yı mezāḳı olacaḳ libās-ı ḥuzūrdan bir vechile dūr ve ol zevḳdan mehcūr olur. Zīrā dūnyānuñ hezār teḳallübâtı vardır. Nitekim Cāmī kendi zamānınuñ bāy u gedāsınuñ teḥavvül-i ḥāl ü şānları beyānında *beyt*:

بمنعم نه زر بفت و نه کیش ماند

نه صد پاره خرقة بدرویش ماند

diyü buyurmuşdur. Kīş, Fārisīde bunda «kürk» ma‘nāsınadır. Ma‘nā; zamāne mün‘imlerinde ne zer-beft ve kürk ḳaldı ve ne dervīşde ḥırḳa-i şad-pāre ḳaldı dimekdür. Ve dūnyānuñ ḥuzūr-ı şafāsı bī-beḳā ve encāmı mevt ü fenā olmağıla ‘āḳıbetde nā-murādılık der-kārdur. Ve daḥı zīnet ü āsāyiş-i [Ü301b] dūnyāya dil-dādeligüñ encāmı sū’-i ‘āḳıbete ve ḳıyāmetde ‘uḳūbete sebeb olmağıla nā-murādılık āşkārdur. Nitekim nāzımuñ mısrā‘-ı şānideki kelāmı bu ma‘nāya ḳarībdür.

﴿ بهره از عیش شادی نبودش ﴾ ‘Īş ü sürürdan aña bir naşīb olmaya. **Behre’i**, āḥirindeki hemze vaḥdet içündür. Behre, «naşīb» ma‘nāsınadır. **Ez-‘Īş-i şādī**, «sürür dirliğinden» dimekdür. ‘Īş, dirlik; şādī, sürür ma‘nāsınadır. **Ne’bvedeş**, «aña olmaya» dimekdür. Pes bunda *ومن كان يريد حرث الدنيا نؤته منها* bunda āyet-i şerīfine telmīḥ vardır. ‘Īş-i şādī kelāmı bu işārete ḳarīnedür; zīrā sürür ancak sürür-ı āḥiretdür. (...[S307a]...) İmdi nāzımuñ ‘Īş-i şādī kelāmını sürür-ı āḥiret ve duḥūl-i cennete ḥamlde bu sürürdan vāyedār olmayanuñ ḥālī düşvār idigi āşkārdur. Pes zāhire zīnet virmek ‘aḳabinde kendü kendüyi ögmegüñ belāsını nāzım beyāna şurūf murād itmegin «ḥod sitāyī pīşe-i şeyṭān buved» diyecegi beyt ile ānifen mūrūr iden beytūñ miyānesinde ba‘zı nüshada şadede münāsib iki beyt bulunmaḡın şerḥi münāsib görilmişdür. Ol beytler bunlardur ki zikr olunur:

﴿ آن درک کاندز جحیم اسفل بود ﴾ Ol deriñ esfel çukur ki caḥīm içredür. **Ān derek esfel ki** ta‘bīriyle ma‘nā «ol ‘amīḳ esfel çukur ki» dimekdür. Zīrā derek; «esfel, deriñ ve aşağı çukur»a dirler. Cem‘i «derekāt» gelür ki merātīb-i nüzüle dirler. Muḳābili derecātdur ki merātīb-i şu‘ūda dirler. **Ender caḥīm esfel buved**, «caḥīm adlu düzaḥuñ içinde ola».

﴿ منزل هر کامل و تنبل بود ﴾ Her kāhil ü tenbelüñ menzildir. Pes kāhil ü tenbellik, ārāyiş ü āsāyiş ile der-kār ve ḥod-sitāyī ile istikbār idenlerüñ levāzımından oldığı āşkārdur.

[Ü302a] ﴿ هرکه خود را نیک داند بد بود ﴾ Ol kimse ki kendü kendüyi eyü diyü da‘vâ ider; kötü ola.

﴿ در قبول خلق جوید رو بود ﴾ Halkuñ kendüyi qabûl eylesini ister; ‘inde’l-Hâlîk merdûd olur dimekdür. Ve bu ma‘nânun vukû‘ında iştibâh yokdur. Nitekim H‘âce Muhlîş buyurmuşdur, *beyt*:

باعث دوری ز حق غیر از قبول خلق نیست
تا خریداری نباشد بنده پیش صاحبست

Ya‘nî; Hakkdan dür olmağın sebebi halkuñ qabûlinden gayrı degüldür. Zîrâ bendenün mâ-dâme müşterîsi olmadıkça şâhibinün yanında dur dimekdür. İmdi ‘inde’-n-nâs maqbûl olayum diyen ‘inda’llâh merdûd olmak şâbitdür, temmet ebyâtü’n-nüşâ. Pes kendü kendüsün eyüdür demek fı‘l-i şeytândur. Nitekim nâzım eyidür:

﴿ خود ستایی پیشه شیطان بود ﴾ Kendü kendüyi ögmek şeytân şıfatı ola. **Hod-sitâyî**, yâ‘-i maşdariyye kendü kendüyi ögmek dimekdür. Ve hod-[S307b]pesend ve hod-nümâyî ma‘naları ke-zâlikdür. **Pîşe-i şeytân buved**, «şeytân şan‘atı ola» dimekdür. Buved, bunda est ma‘nâsına olmak dağı mülâyimdür. Pes şeytânun hod-sitâyî idigini nâzım hemân beyân buyuracağdur. Ancak bunda hod-sitâlık âdem kârı degüldür dimege işâret vardır. Nitekim mısrâ‘-ı şânî bu işârete karînedür.

﴿ آنکه خود را کم زند مرد آن بود ﴾ Ol kimse ki kendüsini nokşân urur; ol kimse merd ola. **Ān ki**, «ol kimse ki»; **hod-râ**, «kendüñi»; **kem zened**, «eksik urur». Ya‘nî; tevâzu‘âne harekât ile kendü özin aşağı mertebede görür. **Merd**, «er»; **ān buved**, «ol kimse ola» dimekdür. Nitekim şâ‘ir eyidür:

مرد باید که هر کجا که رود
عزت خویشتن نکه دارد
خود ستایی و ابله‌ی نکند
هرکه کبر منیت بگذارد

Ya‘nî; er gerekdür ki her kande varsa kendü ‘izzetini hıfz idüp yitürmeye. Ne güne? dirseñ kendü özin medh ve hamâkatden nâşî haddinden taşra hareket itmeyüp, benlik ve kibre dâ‘ir nesneleri kıya dimekdür. Hattâ hod-nümâlıktan hâzer içün sözüñi ve qadrini aňlamayana sözini aňlatmak içün kendüñi medha ızn virmediklerini şu‘arânun zurefâsı meżâmîn-i rengîn zımnında imâ birle buyurmuşlardur, *beyt*:

در بساط نکته دانان خود نمایی شرط نیست
یا سخن دانسته کو ای مرد عاقل یا خموش

Hulâşa hod-sitâlık fenâdur. Ve hod-sitâ olana ahmağ demek her vechile sezâdur. Zîrâ کل انا، یترشح بما فيه میشدâkınca herkese şâhid-i çehre-nümâ şekl ü sîmâdur. Nitekim Kâsım-ı Meşhedînün *beyt*:

چهره صاحب صفا را حاجت مشاطه نیست
چشم و ابرو خود خط و خالست روی [Ü302b] ساده را

beyt-i dil-ârâsınun mażmûnı bu beyânda hüveydâdur dimişlerdür. Pes nâzım beyt-i sâbıkı tafşîle şurû‘ idüp buyurur:

﴿ كفت شيطان من ز آدم بهترم ﴾ Şeytân-ı la‘în: “Ben Âdemden yegrekem” didi. Bunda mel‘ûn u merdûduñ ber-mantûk-ı âyet انا خير منه didigine işâret vardur. Pes böyle dimek sebebiyle:

﴿ تا قیامت کشت ملعون لاجرم ﴾ Kıyâmete dek lâ-şekk mel‘ûn oldı. **Tâ kıyâmet**, «kıyâmete dek»; **geşt**, «oldı»; **mel‘ûn**, ma‘lûmdur. **Lâ-cerem**, ‘Arabîdür; «lâ-şekk» dimekdür. Pes bunda فاخرج منها dek»; **geşt**, «oldı»; **mel‘ûn**, ma‘lûmdur. **Lâ-cerem**, ‘Arabîdür; «lâ-şekk» dimekdür. Pes bunda انا خير منه âyet-i şerîfine telmîh vardur. Pes bunuñ beyânında [S308a] müfessirîn-i ‘izâmuñ yazdıkları şöyledür ki: Hâlık-ı ‘âlem ve Rezzâk-ı benî-Âdem celle ve ‘alâ hazretlerinüñ irâde-i ‘aliyyesi üzre iblîs-i pür-telbîs evâ’il-i ahvâlinde zemîn ü âsmânda nice biñ yıl ‘ibâdete müdâvemet ve melâ’ike-i kirâma ta‘lîm-i ‘ilm ve va‘z u naşîhat idüp, pâye-i ‘Arş-ı a‘lâda yâkûtdan bir minber üzerinde karar ve başı üzerinde bir ‘âlem kendüye sâyedâr olmağın riyâset-i zemîn ü âsmâna sezâvârlık iddi‘âsıyla enâniyyete düşüp, eger emr-i hilâfet sâ’ire tefvîz olur ise ibâ eylemek fikrin ider idi. Pes melâ’ikden bir cem‘at, şulehâdan bir kimsenüñ mel‘ûn olacağın Levhde mektûb olmış görüp isti‘âze ile iblîsden taleb-sâz-ı du‘â oldılar. ‘Azâzîl cevâbında: “Bu size ve bize degüldür. Ben anı niçe senedür görürem ve kimseye dimezem» didi. Pes melâ’ik iltimâs-ı du‘âda mübâlağa itmegin, ‘azâzîl dergâh-ı Hâkka el kaldurup: “Yâ Rabb! bunları la‘netden emîn eyle” diyüp gurûrından nâşî kendü nefsinı du‘âda yâd itmeyüp, encâmında bu belâya kendü mübtelâ oldı. Hattâ bir gün bâb-ı cennete varup bu keyfiyyeti bâb-ı cinânda mektûb olmış görüp, emr-i Mevlâya imitsâl itmeyene biñ sene la‘net okıdı. Ve her ne zamân başın secdeden ref‘ eylese لعن الله على ابليس diyü yazılmış görüp kendü dağı la‘net ider idi. Pes Hudâ-yı lâ-yezâlüñ irâdesiyle hazret-i Âdem ‘aleyhi’s-selâmuñ fînet-i pâk-i tâb-nâki ma‘kûlât u maḥsûsât u müteḥayyilât u vehmiyyâtdan olan müdrikâtuñ envâ‘ını idrâke müste‘idd kuvâ-yı mütebâyine ve eczâ’-i muhtelifeden taḥmîr ve bu hey‘ât-ı laṭîfe üzre taṣvîr olunup kırk sene yirde kararı müddetinde ol kâlib-ı pâki melâ’ik ziyâret için me’mûr olup, ziyâret iderler idi. Birgün ‘azâzîl bir nice etbâ’ıyla gezer iken kâlib-ı pâk-i Âdeme uğrayup barmağıyla ol kâliba urdı. Pes aña bîgâne eli işâbetden nâşî, kâlib-ı pâkden bir şadâ zühûr eyledi. Ol zamân ‘azâzîl eyitdi: “Ğamm yimeñ! Bu mücevvedür, bunda kuvvet-i mâsike-i [Ü303a] şabr za‘îf olur” diyüp, cevfine duḥûl idüp ‘âlem-i mevcûdâtta her gördigini anda müşâhede idüp ve anda bir der-beste maḥzen-i ‘acîb görüp ne kadar cehd eyledi ise kapısı [S308b] bağı olmaḥ ḥasebiyle ol hazîneye duḥûl idemedi. Ol hazîne kalb hazînesidür. Dil-i Âdem ‘azâzîli redd itmegin merdûd oldı. Dil nazargâh-ı Hudâdur didikleri bu ma‘nâcadur. Hattâ bir kâmilüñ gönlinde düşmege nisbet, ‘arşdan zemîne düşmek evlâdur dimişlerdür. Pes ‘azâzîl taşra gelüp, etbâ’ına şûret-i ḥâli haber virüp, hazîne-i kalbe giremediginden muḡberr oldı. Ve “Hudâ bunu üzerimize tercîh ider ise ne idersiz?” diyü su‘âlinde eşḥâbı cümle: “Emr-i Mevlâya mütâba‘at iderüz” didiler. ‘Azâzîl ‘adem-i mutâba‘at fikrinde oldı. Pes hazret-i Âdem ‘aleyhi’s-selâma rûḥ-ı pâk nefḥ olunup, merkez-nişîn-i ‘âlem-i melekût oldıḳda اكلها و علم آدم الاسماء mantûk-ı üzre eşyâlaruñ zevât ve havâşş ve esmâsını ve uşûl-i ‘ilm ü kavânîn-i şınâ‘at ve keyfiyyet-i âlâtını ma‘rifeten ilhâm-ı iḥsânile Hudâ-yı müte‘âl, Âdem ‘aleyhi’s-selâmı şeref-i ‘ilm ü fezâ’il ile cümle maḥlûkâtdan mümtâz ve ser-efrâz eyleyüp, ba‘dehü melâ’ike-i kirâma emr-i hilâfetden ‘aczlerin ifhâm ḥikmeti zımnında، انبئوني باسماء هولاء ile emr ü ḥiṭâbda cümle melâ’ik-i heft-

ārānuñ سبْحَانَكَ لَاعْلَمُ لَنَا إِلَّا مَا عَلَّمْتَنَا أَنْتَ أَنْتَ الْعَلِيمُ الْحَكِيمُ tesbīhine ibtidār ile inbā'-i esmāda olan 'aczlerin ikrār eylediklerinde emr-i Mevlā ile ḥazret-i Ādem 'aleyhi's-selām anlara esmā'-i müsemmeyyatı inbā itmegün يعلمون والذين لا يعلمون müfādınca melā'ike-i kirāmdan a'lem ü efḍal ve cümleye üstād-ı ecell oldıḳda, ḳadr-i üstāda ri'āyet birle emr-i Bārī ile, her pāresi niçe yıllık yol ḳadarı olmaḳ üzere bir taḥt-ı 'ālī müretteb idüp, Ādemi ol taḥt-ı 'ālīye bindürüp ve mübārek güş u gerdānına cevāhir-i cināndan muraşşā' ḥulā vaz' ve engüşterine cevāhirden engüşterin taḳdılar. Ve düş-ı devletine ilbās-ı ḥil'at-ı sa'ādet ve ser-i mübārekine vaz'-ı tāt-ı kerāmet birle cebhe-i mübārekinde nūr-ı Muḥammedī lema'āniyle ol taḥt-ı 'ālī ve baḥt-ı me'ālīyi, melā'ike-i kirām gerden-i itā'ate taḥmīl ve eṭrāf-ı semāvātı geşt ü güzār ve 'arş-ı a'lānuñ berāberinde istiḳrāra emr olındılar. Ba'dehū 'Ādem 'aleyhi's-selām ḳible-i sücūd olmaḳ üzere cümle melā'ik Ādeme secde ile me'mūr olup, her birleri emr-i Mevlāya ser-fürü-yı imtişāl ile cebhe-sāy-ı zemīn-i 'ubūdiyyet [S309a] oldılar. Ancak 'azāzīl secdeden imtinā' idüp: اَنَا خَيْرٌ مِنْهُ مَانِي'İN beyānda cevābına cesāret idüp, gūyā Ādem üzerine 'alā-zu'mihī fazlınıñ ta'līlinden: دِيُوْهُنْ مِنْ طِينِ اَخْلَقْتَنِي مِنْ نَارٍ وَخَلَقْتَهُ مِنْ طِينِ aḳliyye ile ṭarīḳ-ı istikbārı ibtidā ṭarīḳ koyan kendü olup, bu ḳıyāsında cümle [Ü303b] fazl u fazīleti 'unşur ile itibārında ḡalaṭ idüp, şöyle ki: مَا مَنَعَكَ أَنْ لَا تَسْجُدَ لِمَا خَلَقْتَ بِيَدِي āyet-i şerīfi üzere fazīlet bi-itibāri'l-fā'il oldıḳından ve daḥı نَفَخْتُ فِيهِ مِنْ رُوْحِي mışdāḳınca fazīlet bi-itibāri's-şüre oldıḳından ve Ādem 'aleyhi's-selām a'lem-i melā'ik ve Ādemde olan ḥavāşş sā'irde olmamaḳdan nāşī fazīlet bi-itibāri'l-gāye oldıḳından 'azāzīl ḡāfil olup, ḳıyāsāt-ı 'aḳliyyesi kendüye pūz-bend oldı. Pes emre imtişāl iden melā'ik secdede yüz yıl ḳadar ḳarār ve bir rivāyetde beş yüz yıl istiḳrārdan soñra başların ḳaldurup gördiler; 'azāzīl ṭurup Ādem cānibine naḳar ider ve şūreti dīv şekline dönmiş. Ol zamān melā'ik şūkrāne bir secde daḥı eylediler. Ḥālen secdenüñ her rek'at-i şalātde iki oldıḳı bundandır dimişlerdür. Vaḳtā ki 'azāzīl dergāh-ı Celīlden maṭrūd olıcaḳ cānib-i İllāhiden nidā geldi kim: “Ḥod-bīnūñ ḥizmeti maḳbūl olmaz ve āstāne-i kibriyāda mütekebbire yir bulunmaz. Semā' ü cennetden aḡaḳı in! İstikbāruñ sebebiyle her ānda mihān ve endāḡte-i zemīn-i imtiḡānsın. Semā' ü cennet, ḡāşī' u ḡāzī' u muṭī' u mütevāzī' yiridür; mütekebbirler yiri degüldür. Āteş, şāfi vü laṭīf ü pūr-ziyā olmaḡın cevher-i ḡāḳden a'lādur diyü fıkr-ı saḳīm ve ḳıyās-ı 'aḳīm ile temessüküñ ḡalaṭdur. Zīrā nāruñ ḳarı dā'imā ızṭırāb ve ḡāḳüñ ḡālī dā'imā sükündür. Ehl-i ızṭırāb, ehl-i sükūn ile berāber olmaz ve cinānda āteş bulunmaz. Ve āteş ta'zīb-i düşmenāna sebeb ü maḡalldür. Ve meḳān ḡasebiyle ḡāḳe muḡtācdur; lākin ḡāḳ āteşe muḡtāc degüldür. Ve ḡāḳ sebeb-i 'imāret; āteş, bā'is-i ḡarāb u ḡasāretdür. İy mel'ūn! Sen ḡamūş ol! Aḡleb-i māddeñ olan āteş, mādde-i ḡalīḡam olan ḡāḳ-i pāk ile münāzara ve ityān-ı burḡān eylesünler” diyü buyrıldıḳda āteş, ser-tā-pā zebān ile zebāne-sāz-ı mücādele [S309b] olup eyitdi: “Benüm şāfā'-i şūret ve ziyā'-i sīretümden ḡiceler gündüz ḡibi olur. Ben bir şāḡneyem ki ser-i şem'de nişīn olsam, dāfi'-i deycūr-ı zulumāt oluram. Ve bir merd-i peḡlevānem ki ref'-i tīḡ-ı zebān eylesem çend ḡāşāki ḡāḳister iderem. Ve ben maḡzar-ı tecellī-i Ḥudā ve delīl-i ma'rifet-i ḡudāyem ki ḡāl-i fazlumda çehre-nümādur.” Pes ḡāḳ eyitdi: “İy āteş! Senüñ ḡāruñ dā'imā 'ālem-i mübāḡātī bālāya ḡaldurmaḡdur. Benüm ḡārum, tāt-ı 'ızz-i bī-

ğāyātı tevāzu‘-ı zemīne biraḳmaḳdur.” Pes nār eyitdi: “İy ḥāk! Ben gevher-pāş-ı nūr-ı şubḥ u şām ve maḫzar-ı zuhūr-ı انى المذākınca maḳḳām-ı intikāmem. Niçe sāl maḫabbet küresinde sūzān oldum. Ḥāk eyitdi: “İy nār! Bisyār zebān-dirāzlıḡa ibtidār itdūñ. Her bār kendi başuñla oynarsın. Bilmez misin ‘izzet ḥ‘ārılıḡda ve rif‘at tevāzu‘dadur? Ben anuñçün ‘azīzem ve gözde yirüm vardır ki ḥāk-pāyem ve ḥalkuñ bār-ı girānuñ çekerem. Ve defīne-i āsmānuñ ḥazā’ini ve Ka‘be-i ṭavāf-ı ḥalk-ı cihānī ve ḡāḫ k‘ā’im-maḳām-ı āb-ı ṭahūram.” Pes nār eyitdi: “İy ḥāk! Ben senūñle baḫş idemem. Zīrā ben ‘ulüvve çekdikce sen aşāḡı gidersin. [Ü304a] İmdi iy ḥāk! Bir sen söyle ve bir ben söyleyem” diyüp, eyitdi: “İy ḥāk! Benüm şafā-yı nūrum var” Ḥāk eyitdi: “Benüm şevḳ-ı likā-yı pūr-sürürüm var” Nār eyitdi: “Ben şā‘id-i küre-i nārem.” Ḥāk eyitdi: “Ben istikāmetde zīr-i bārem.” Nār eyitdi: “Ben zıyā-baḫş-ı şeb-i tārem.” Ḥāk eyitdi: “Ben basīṭ-ı zemīni envā‘-ı ezhār ile müzeyyenem.” Nār eyitdi: “Ben maḫall-i imtiḥān-ı cevherem.” Ḥāk eyitdi: “Ben ḥazīne-i cevāhiri sātirem.” Nār eyitdi: “Ben ḡıll u ḡışş-ı izḫār iderem.” Ḥāk eyitdi: “Ben ‘aybları setr iderem.” Nār eyitdi: “Ben sühūlet ile muḫkem ṭaşlardan muḫric-i cevāhirem.” Ḥāk eyitdi: “Ben münbit-i ḡülhā-yı ḡün-ā-ḡünem. Ve ben mādde-i aşliyye-i ḫalīfe-i āl ve merḳad-i pāk-i ḫazret-i Rasūlu’llāh ve miḫrāb-ı ehl-i münācāt ve secde-ḡāḫ-ı erbāb-ı ṭā‘atem. Pes faḫl u ḫāşā’işum bisyārdur. Lākin tevāzu‘umdan nāşī ḫamūşam. İy nār! Emr-i Perverdgār ile beni ṭahrīk itmeseñ bunları daḡı zıkr itmezdüñ.” *El-ḫışşā*: ‘Azāzīl maṭrūd olıcaḳ evvel aña la‘neten ṭaş uran Cibrīl ‘aleyhi’s-selām, andan Mīkā’ıl ve andan İsrāfīl ve andan ‘Azrā’ıl ‘aleyhi’s-selām ve andan semā’-i dūnyāya gelince cümle melā’ike-i kirām olup döğerek ve söğerek anı zemīn-i baḫr-i cezā’ırde esfel-i sāfilīne indürdiler. [S310a] Pes baḫrden baş çıkardıḡda yüzi siyāḫ ve gözleri göḳ ve yırtlaz, şöyle çirkīn olmış ki kendüyi cümle mevcūdāt istikbāḫ u istikrāḫ iderlerdi. Pes mel‘ūn, yevm-i vaḳt-i ma‘lūma dek ‘adem-i mevṭi ve ‘adem-i ‘uḳūbeti Ḥudādan istimḫāl itmegin li-ḫikmetin mel‘ūna mühlet virildi. İmdi enāniyyet belāsı bundan ma‘lūm olımışdur. Binā’en ‘aleyh enāniyyete dāll olan «ene» lafzını isti‘māl lede’s-şer‘ pesendīde degüldür dimişlerdür. Nitekim Tenvīru’l-Meşābīḫde ḫazret-i Cābirden rivāyet-i şaḫīḫa ile mervīdür ki ḫazret-i Cābir eyidür: Birḡün Faḫr-i ‘ālem şallāhu ‘aleyhi ve sellemüñ der-i devlet-medārına varup ādāb ile ḫalka-zen-i kelīçe-i bāb oldıḡumda, ol ḫazret: “من نأ” ile iḫerüden nidā buyurmaḡın: “Ene!” didüm. Ol zamān bu kelāmum pesendīde-i Faḫr-i cihān olmamaḡıla, ke-ennehü ene kelāmumı eyü görmediginden: “Ene ene” diyü şehd-i kelām-ı mu‘ciz-beyānı mükerrer buyurdılar, intihā. (...[S310b, Ü304b]...)

﴿ ان تواضع خاك مردم ميشود ﴾ Tevāzu‘dan nāşī ṭopraḳ ādem olur. Nitekim eşref-i maḫlūḳāt olan Ebu’l-beşer ḫāḳden ḫalk oldı dimeḳdür. Pes bu sebebden ḳālīb-ı insāna ıştılāḫ-ı Fārisīde raşadgeh-i ḫākī dinmişdür. **Ez-tevāzu‘**, «tevāzu‘dan nāşī» dimeḳdür. Tevāzu‘, ‘Arabīdür. luḡatde alçaḳlıḡ göstermege dirler. Ma‘lūm ola ki kibrüñ zıddına ıştılāḫ-ı şer‘de kesr-i ḡād ile «zı‘a» dirler. Ma’nāsı; nefsi āḫardan dūn görmekdür. Bunuñ mülāyimleri üçdür: Birine tevāzu‘ dirler ki pes-i pāyede olana alçaḳlıḡı az göstermekden ‘ibāretdür. Bu memdūḫdur. Ve birine temelluḳ dirler ki ‘ilmüñ ḡayrında dūn olan kimesneye ziyāde alçaḳlıḡ göstermekden ‘ibāretdür. Bu mezmūmdur. Bundan daḡı ziyādesine tezellül dirler. Bu ḫarāmdur. **Ḥāk**, ma‘rūfdur. **Merdüm**, «ādem»; **mī-şevved**, «olur» dimeḳdür. İmdi tevāzu‘

hoşdur. Zîrâ tevâzu^c kadar devlete akreb ʔarîk yokdur. Hemân Yûsuf-âsâ menzil-i evvelde kendüni çāha birağ didikleri Şā'ibüñ *beyt*:

ندارد راهی از افتاد کی نزدیکتر دولت
چو یوسف خویش را در منزل اول بچاه افکن

beyt-i laṭifinden mübeyyen ü müberhendür. Pes medḥ-i tevâzu^cda maḳāl-i hoş-me'al çokdur. Ez-cümle Ḥ^vâce Şā'ib eyidür *beyt*:

ز دست خود سلیمان داد پای تخت مورانرا
[S311a] تواضع با حقیران نقص در دولت نمیباشد

Ya'ni; ḥazret-i Süleymân 'azamet-i mülk ü ḳadr [Ü305a] ü şān şāḥibi iken mûrlara dest-i ḡāyetiyle ri'āyet eyledi. Pes ḥaḳîrlere tevâzu^c devletüñ naḳşına bâ'is olmaz; belki tezāyüdine bādî olur dimekdür. Ve daḥı yine Ḥ^vâce mûmā ileyh eyidür *beyt*:

از راه تواضع بفلک رفت مسیحا
باز راه تنزل کن و خرشید مکان باش

ma'nā-yı beyt zāhirdür. Ve daḥı Ḥ^vâce Kelīm eyidür *beyt*:

خاکساری بیشتر از فیض قسمت میبرد
کلبه دیوار کوتاهان پر از مهتاب بود

Ya'ni; tevâzu^cluḳ feyz-i İlāhiden ziyāde kısmet celb ider. Zîrâ küçük ḥuce ki dīvārları kûteh ola meh-tāb ile pür olur dimekdür. Ve daḥı yine ḥ^vâce-i mûma ileyh eyidür *beyt*:

سر بلندی هر کجا کمتر سلامت بیشتر
باد نتواند ستم بر سبزه نوخیز کرد

Ya'ni; her ḳande ser-bülendlik kemter olur ise anda selāmet ekşer olur. Zîrâ bād-ı zarar-ziyād sebze-i nev-ḥîz üzerine zarar itmeḡe ḳādir olamaz dimekdür. Ve daḥı Nābî-i merḥûm eyidür *beyt*:

Miyân-ı cāhda bî-gāne-i tevâzu^c olan
Miyân-ı nāsda bî-i'tibār olur giderek

Fi'l-ḥaḳîḳa erbāb-ı cāhuñ tevâzu^cı, kendünüñ ziyāde i'tibārına bādî olur. Meşelâ şerîf ü vazî'a ḳıyām ile ihtirām eylemek gibi. Nitekim Şā'ib eyidür *naẓm*:

بر سبکروحان کران نبود ز جا بر خواستن
بر کران جانان بود مشکل ز جا بر خواستن
سرفرازی میفزاید آتش سوزنده را
پیش پای هر خس و خاری بپا بر خواستن

Ya'ni; yirinde ḳıyām itmek sebük-rûḥlar üzre ağır olmaz. Lākin girān-cān olanlaruñ üzerine yirinde ḳıyām ağır olur. Görmez misin ki her ḥas u ḥāra āteş-i süzendenün ḳıyāmı, ser-firāzlıḡını ziyāde ider dimekdür. (...) Ḳaldı ki tevâzu^cı şer'a taṭbîḳ ile maḥallinde icrā ve maḥalline göre eylemenüñ şartını bu vechile taḥḳîḳ lâzımdur diyü böyle buyurmuşlardır [S311b] *naẓm*:

کسی کو طریق تواضع رود

کند بر سریر شرف سلطنت

ولیکن محلش بدان مکن

ملک سیرت و در که شیطنت

تواضع بود با بزرگان ادب

بود با فرومایگان مسکنت

Ya'nî; ʔarîḳ-ı tevāzu'a sâlik olan kimesne serîr-i şeref üzere saltanat ider. Lâkin maḥallini bilüp aña göre tevāzu' kıl; dergeh-i şeytanetde melek-sîret olma. Zîrâ ulular ya'nî ʔadr-dân olanlara tevāzu' eylemek edeb ü faẓiletdür. Ammâ fûrû-mâyelere tevāzu' eylemek tezellül ü meskenetdür; böyle itmeli degüldür dimekdür. İmdi nâzımuñ bu kelâmında من تواضع لله رفعه الله maẓmûnına telmîḥ vardır. Ve mıṣrâ'-ı şânî ile [Ü305b] من تكبر وضعه الله و maẓmûnına işâret birle buyurmuşdur ki:

﴿ نور نار از سرکشی کم میشود ﴾ Āteşün zıyâsı ser-keşlikden nâşî zâyî' ü maḥv olur. **Nûr-ı nâr**, «āteşüñ aydınlığı» dimekdür. **Ez-ser-keşî**, «baş çekicilikden ve tünd-hüylükden»; **güm**, zamm-ı kâf-ı 'Acemî ile «zâyî' ü maḥv»; **mî-şevved**, «olur» dimekdür. Nitekim Şevket buyurmuşdur beyt:

مرا این نکته روشن از زبان شمع مجلس شد

که می آید بپایان سر کشی بالا نشینانرا

Ya'nî; zebân-ı şem'-i meclisden baña zâhir oldı ki; ser-keşlik, bālâ-nişîn olanları pâyâna getürür. Murâd; gerden-fırâzlık, ser-keşlikden nâşî bî-encâm ve maḥv-ı endâma sebebdür. Nitekim şem'de bu hâl nümâyân ve lisân-ı hâlinde ıyândur dimekdür. Ve bu ma'nâda beyt:

‘Ulüvv isterseñ ol fevvâre, âb-ı âteşin olma

Fişek nâ-bûd olur bālâya şiddetle şu'ûdından

beyt-i laṭîfî güvâhdur. Pes nâzımuñ bundan murâdı tevāzu'ıñ muḳâbili olan kibr ü ser-bülendlik iddi'asında olan ser-keşân, encâmında maḥv u bî-nâm u nişân olur. Nitekim bu şıfat şeytânıñ kibrden nâşî hızlânına ve maḥv-ı ʔâ'ât-ı bî-pâyânına sebep olmışdur. Qaldı ki nâzımuñ kelâmında nûr lafzı, nâr lafzına muzâf olmaḳ hoşdur. Zîrâ فسجد الملائكة الا ابليس âyet-i şerîfinüñ tefsîrinde istisnâ'î muttasıldur didiklerine خلقت الملائكة من النور و خلق الجان من النار ḥadîs-i şerîfî ile su'âl vürüdında, cevâb-ı müfessirîn böyledür ki; nûrdan ḥalḳ olan melâ'ike, nârdan ḥalḳ olan cinne bi'z-zât muḫâlif degüldür. Belki muḫâlefetleri 'avârız-ı şıfâtdadur. Zîrâ nûr, bir cevher-i muzîdür. [S312a] Nâr daḫı ke-zâlik cevher-i pür-zıyâdur. Ancaḳ şu kadar var ki âteşüñ zıyâsı mükedder ve duḫân ile maḡmûrdur. Ve kendüye farṭ-ı ḥarâret ve iḫrâḳ şıfatı muḳârenetinden nâşî kendüden ḥazer olınur. İmdi kaçan nâr didigimiz cevher-i muzî', mühezzeb ve kedürâtdan muşaffâ olsa maḥz-ı nûr olur. Ve ne vaḳt 'âdet-i ülâsına 'avdet eylese keyfiyyet-i kadîme tecdîd olunmaḡıla tîz elden nûrı munṭafî olup, duḫân-ı sırf ʔalur, intihâ. Pes âteş-i maḥsûsda olan zıyânıñ ser-keşlikden maḥvı zâhir ve şeytânda bu ma'nânıñ vücûdı bâhirdür ki evâ'il-i aḫvâlinde 'ibâdât ile mühezzeb ve nûr-ı maḥz dinmeḡe şâlih bir zât-ı a'ceb iken 'avârız-ı istikbâr sebebiyle nârıñ 'âdet-i ülâsı olan kûdürâta rucû ile zıyâsı mükedder ve şafvet-i hâli maḥv u muḡberr ve helâk-i küfr ü la'net ile zîr ü zeber olmışdur dimeḳ laṭîfdür. Ammâ ba'zılar nâzımuñ nûr ile nâr kelâmıñıñ

miyânesinde vāv-ı ‘atf taḥayyül idüp ma‘nā-yı mışrā‘da; nūr u nār ser-keşlikden maḥv olur diyüp tevcihinde, ḳable-ḥalk-ı Ādem ‘aleyhi’s-selām nūrdan maḥlūk olan melā’ik ve nārdan maḥlūk olan ‘azāzīl ü ecinne, tecellī-i zāta [Ü306a] tāḳat getüremeyüp maḥv olurlar idi. Pes Ādem ḥalk olındıḳdan soñra, ol ḥālet kendülerden mürtefī‘ oldı. Ammā Ādem, ḥāk-i keşifden ḥalk olınmağın tecellīlere tāḳat getirüp maḥv olmadı dimişlerdür, intihā. Ve bu tevcihūñ maḳāma ‘adem-i mülāyemeti zāhirdür. Zīrā nūr-ı nāruñ maḥvı, nārun helākiyledür. Ve bunda nūrdan murād şu‘ledür. Nitekim nūrı beyānda şāriḥ-i Meşnevī eyidür: Nūr üç nev‘ üzredür. Nev‘-i evvel, nūr-ı başa; nev‘-i s̄anī, nūr-ı şems ü ḳamer; nev‘-i s̄ālīs, şu‘le-i çerāğ-ı enverdür. Ve bu envāruñ cümlesinden a‘lā olan nūr-ı başiretdür ki aña و اشرفت الارض بنور ربها maẓmūnından fā’iz nūr-ı Ḥudā munzamm oldıḳda ma‘rifetu’llāh ḥāşıl olur. Pes nāzımuñ nūr-ı nār didiği bu envāruñ ḡayrı oldıḳına imādur. Zīrā ser-keşlik sebebiyle maḥviyyet ancak nūr-ı nāruñ ḥālidür.

﴿ رانده شد ابليس از مستکبری ﴾ İblīs-i ‘aleyhi’l-la‘ne müstekbirlikden nāşī sürilmiş oldı. Ya‘nī; dergāh-ı İlāhdan maṭrūd oldı. **Rande şod**, maẓī-i meḥūldür. Zīrā ism-i mef‘ūle şod kelimesi muḳārin oldıḳda māẓī-i meḥūl dinür; şeved lafzı geldikde muzāri‘-i meḥūl olur. Sā’ir [S312b] ef‘allerūñ şīğasında gelse, ol ef‘ālūñ meḥūli olur. Pes rānde şod, «ḳovuldu» dimekdür. **İblīs**, ma‘rūfdur; «maḥzūn u münkesir ü ümīdsiz» dimekdür. «İblās»dan müştakḳdur. Cem‘i ebālīs gelür. **Ez-müstekbirī**, yā’-i maşdariyye ile «müstekbirlikden» dimekdür. Ve müstekbir istifāl bābından ism-i fā‘il-i ‘Arabīdür. Ma‘nāsı buṭlān vechi üzre kibr izhār idici dimekdür. Pes şeyṭānuñ istikbārınuñ beyānı tafşīl-i sābıḳdan nümāyāndur ve tekebbürlik fi‘l-i şeyṭān ve kār-ı nā-dāndur. (...) Ve daḫı ḥazret-i Mevlānānuñ Meşnevīde *beyt*:

کفت شیطان که بما اغویتنی

کرد پنهان فعل خود دیو دنی

diyü buyurdıḳı beyt-i laṭīf üzre şeyṭān istikbārından nāşī egerçi Ḥaḳḳ mel‘ūnuñ ḳalāletini ḥalk idicidir. Lākin ol la‘nete istiḥḳāḳ [Ü307a]²⁵ ve ḳalāleti kendi kāsib iken kesbini ve fi‘lini gizleyüp بما اغویتنی kelāmı ile bī-edeblik ve güstāhlıḳ itmegini mel‘ūn-ı ebedī ve maṭrūd-ı sermedī oldı dimekdür. Pes bī-edeblik daḫı fi‘l-i şeyṭānīdür. Ri‘āyet-i edeb bā‘iş-i kemāl-i insānīdür dimişlerdür. Nitekim Mevlānā ḥazretlerinūñ beyt-i mezkūruñ zeylinde *beyt*:

کفت ادم که ظلمنا انفسنا

او ز فعل خود نبد غافل چو ما

diyü buyurdıḳı beyt-i dil-ārā bu ma‘nāya imādur ki Ādem ve Ḥavvā ḡufrānların recāda: “Yā Rabb! Biz nefslerimize zulm eyledik. Eger sen bizlere iṭā’-i şeref ve ilbās-ı envār-ı rūḥāniyye ve ifāza-i ma‘ārif-i ḥaḳıḳiyye itmeseñ, mādde-i sa‘ādet olan isti‘dād-ı aşlilerimizi telef idenlerden olur idik” dirler. (...[S313a]...) Nitekim ḳabūl-i tevbe-i Ādem ‘aleyhi’s-selām ve maḳbūliyyetin beyānda nāzım eyidür:

﴿ کشت مقبول آدم از مستغفری ﴾ Mağfıret taleb idicilikden Ādem maḳbūl oldı. **Geşt**, fetḥ-i kāf-ı ‘Acemī ile «oldı» ma‘nāsına māzīdür. **Maḳbūl**, ma‘rūfdur. **Ādem**, ‘aleyhi’s-selām; **ez-müstağfirī**,

²⁵ Ü306b boştur.

Der-Beyān-ı Eblehān

﴿ چار چیز آمد نشان ابلهی ﴾ Dört nesne ahmaqlığa nişān geldi. Ya'nī ālāmet oldı dimekdür. Beyān-ı ātī qarīnesiyle ol dört nesnenüñ evveli, kişi kendü 'aybına bakmamak; ikincisi, nāsuñ 'aybını gözetmek; üçüncüsü, buhl; dördüncüsü sū'-i hulkudur.

﴿ با تو کویم تا بیایی آکهی ﴾ Saña söyleyem tā ki haberdārlik bulasın. Ya'nī; haberdār olup, ol varṭaya düşmeyesin dimekdür.

﴿ عیب خود ابله نبیند در جهان ﴾ Ahmak cihānda kendü 'aybını görmez. **'Ayb-ı ḥod**, izāfetle «kendü 'aybını» dimekdür. 'Ayb 'Arabīdür; «her nesnenüñ zātına ve kıymetine noqşān virür nesne»ye dirler. **Ebleh**, ma'rūfdur. **Ne-bīned**, «görmez»; **der-cihān**, «dünyāda» dimekdür. Pes kendü 'aybını görmemek 'ucbden nāşīdür. Mu'cibüñ 'ayn-ı 'aql u başireti olmadıgından ma'nāda kör gibidür ve bu vechile ḥamāḳatī zāhirdür. Zīrā kendü ma'yüb iken 'aybına bakmayup:

﴿ باشد اندر جستن عیب کسان ﴾ Sā'irlerüñ 'aybını tecessüsde ola. [Ü309b] **Bāşed**, «ola»; **ender**, zarfiyyet içündür. **Cüsten**, zamm-ı cīm-i 'Arabī ile «aramak» ma'nāsına maşdardur; mā-ba'dine muzāfdur. **'Ayb-ı kesān**, izāfetle «sā'irlerüñ 'aybını» dimekdür. Ma'lūm ola ki 'uyüb-ı nāsı tecessüs, āfāt-ı lisāndandur ve ḥarāmdur. Zīrā تجسسوا āyet-i şerīfiyle kendüden nehy vārid olmuştur. Pes nāsı ta'yīb iden عیب من عاب عیب mışdākınca ta'yīb olunur. Nitekim ḥadīs-i şerīfde: لا تتبعوا عورات المسلمين فان تتبع عورتهم تتبع الله عورته ثم يفضحه ولو في جوف بيته vārid olmuştur. Hattā bu fi'l kadar şāḥibini helāke esra' [S316a] nesne yokdur. Zīrā şāḥibini ne'üzü bi'llāh küfre dek müşıl olur diyü Ebū Ḥafşdan rivāyet olunmuştur. Nitekim şāḥib-i Nüşhatü's-Şıbyān²⁶ bir kıt'asınıñ beyt-i maḳṭa'ında eyidür:

Ḥalk içinde bundan artıq 'ayb olur mı bir kese

Kendi 'aybı var iken zıkr ide 'ayb-ı dīgeri

Pes mücrim üzre setr-i 'ayb eylemek mendūbdur. Ve sātirüñ ma'āşīlerin, kıyāmetde Ḥudā setr idüp ehl-i mevḳıfa işā'at eylemez yāḥod ḥisābını görmez. (...) İmdi sa'ādet kendi 'aybınıñ işlāḥı ile meşḡūl olmaḳdadur. Nitekim طوبى لمن شغله عيبه عن عيوب الناس ḥadīs-i şerīfi bu beyānda kāfīdür. Ve şeqāvet ü belıyyāt-ı ḥalk ḥaḳḳında bed-ḥ'āh u bed-endiş ü bed-ıynet olmaḳda nitekim Ḥ'āce Kelīmüñ *beyt*:

ز موج حادثه بدخواه خلق را یمین نیست

ازین جهت سر طوفان همیشه در خطرست

beyt-i rengīni ilzāmda vāfīdür. Ve kendi 'aybını işlāḥ eylemeyen 'ayyābdan āḥara bir nesne 'ā'id olmaz; ḥusrānı ancak kendüyedür. Nitekim şā'iruñ *beyt*:

نه زلف شانه کند نه بچشم سرمه کشد

بخود نمی رسد آن شوخ تا بما چه رسد

buyurduğu beytüñ leṭāfeti bu ma'nāya dālıdır. Ḥulāşa kendü başına müdāvāsı olmayan, ḥalka ne devā idecekdür dimekdür.

اگر ز دست بلا بر فلک رود بد خو

ز دست خوی بد خویش در بلا باشد

Ya'nī; eger bed-hūy olan kimesne belā elinden felege gitse, kendi kötü hūyının elinden belāda ola. Ya'nī her yerde belāya hem-rāh ola dimekdür. Pes hūy-i bed insāna lāyık olan şıfâtdan degüldür. Nitekim nāzım eyidür:

[S317a] ﴿ مردم بد خونه از انسان بود ﴾ [Ü310b] Yaramaz huylu olan âdem insândan degüldür.

Ya'nī; şüreti her ne kadar insān ise de sîreti olmamağın, gūyā bed-hūy olan hayvān-mişâldür dimekdür. Ve bu ta'bîr beyne'n-nās şāyî'dür ki bir kötü kimesnenün zemminde; “o âdem degül” yâhod “o insān degül” dirler. Pes bed-hūluk böyle bir kabîh nesnedür. (...)

﴿ بخل شاخی از درخت دوزخست ﴾ Buhl, cehennem ağacından bir budağdur. **Buhl**, ma'rûfdur.

Şāhî, «budağ» ma'nāsınadır ve bākî ma'naları vardır. Tafşîli Ferheng-i Şu'urîdedür. Âhîrinde olan yâ vahdet içündür ve âhîr-i mısırâ'da olan edât-ı haber şāhî kelimesinün âhîrine merbûtdur. **Ez-dirâht-ı dūzah**, «cehennem şecerinden» dimekdür. Pes nāzımın bu mısırâ'ı bir hadîs-i şerîfe telmîhdür. Ol hadîsün manţûkî budur: Faḥr-i 'âlem şalla'llāhu 'aleyhi ve sellem buyurmuş ki; cūd u şehā cennette bir şecerdür. Şāhî olan ol şecerün nihāline teşebbüs ile cennete ulaşur. Ve buhl cehennemde bir şecerdür. Baḥîl olan ol şecerün nihāline teşebbüs ile cehenneme ulaşur, intihā.

﴿ وان بخیلک از سکان مسلخست ﴾ Ve ol baḥîlek selḥ-hāne kilābındandır. **Baḥîlek**de olan kâf taşğîr için; murād baḥîli taḥkîrdür. **Segān**, elif ü nūn ile cem'dür; «kilāb» ma'nāsınadır. Müfredi segdür ki «köpek» dimekdür. **Maslah**, feth-i mîm ile me'âl vezninde «tavar [S317b] yüzecek mekân»dur ki aña selḥ-hāne ta'bîr iderler. Anda olan kilāb her vechile âlûde-i çirk-âb ve kilāb-ı 'āviyât ile dūçar-ı nizā'-ı bî-hisāb olmağın, baḥîl-i hırş-âlûdı anlara teşbîh eylemişdür. Ḥattā baḥîl-i hırş-âlûd kilāb-ı mezkûrdan kemterdür. Zîrā kilāb cîfeden şib' bulup emşâliyle nizā'ı ber-ṭaraf ider. Lâkin ḥarîş cîfe-i dünyâdan kaç'an şib' bulmaz dimişlerdür. [Ü311a] İmdi beyt-i mezkûrın telmîh olduğu hadîs-i şerîf üzre müteşebbîs-i nihāl-i şecere-i buhl-i dūzahî olanın cennet ile münāsebeti olmadığını izāh için nāzım eyidür:

﴿ روی جنت را کجا بیند بخیل ﴾ Baḥîl cennet yüzini kande görür. Pes bunda baḥîlân ḥaḳḳında ziyāde tehdîd vardır. Ve eger îmān ile fevt olmuş ise cennete duḥûl-i ūlā ile duḥûlden maḥrûmiyyeti bundan nümāyândur. Ḥattā baḥîlün dāreynde ḥālî müşkildür. Zîrā imsākinden nāşî ḥāl-i hayâtta kendüye gūyā faḳr teveccüh itmegin ile'l-memāt dervîş-i bî-nevā gibi dirilür. Ve kıyāmetde aḡniyālar ḥisābıyla muḥāseb ü mu'azzeb olur diyü buyurdıkların İbnü Yemîn keşîde-i silk-i nazm idüp *naẓm*:

فاقه را کره باشد استقبال

هرکه ممسک بود بوقت حیات

در جهان میزید چو درویشان

بی نوا تا رسد زمان وفات

در حساب توانگران خواهند

چون در آید بعرضه عرصات

diyü buyurmuşdur.

﴿ پشه افتاده زیر پای پیل ﴾ Fîl ayağı altına düşmüş siñekdür. **Peşse'i**, «sivri siñek» ma'nāsınadır. Āhîrindeki hemze mā-ba'dine izāfet içündür. **Üftāde**, «düşmüş»; **zîr**, «aşağı» ma'nāsınadır. **Pāy-ı pîl**, lûgat-i Fārisîde iki ma'nāya gelür: Biri, bir nev'a pîl ayağına beñzer piyāledür ki anuñla şarāb içerler. Ve biri zengîleruñ bir nev'a silāhıdır. Pes ma'neyn-i mezkûreynüñ bu maqāmda isti'mālî mülāyim olmamağın ma'nā-yı izāfî ile pîlden; meşhûr fîl didikleri 'azîmü'l-cüsse hayvân murād olunup, baḥlîl helāk-i ma'nevî ile helākin temşîl maqşadıyle pîl ayağı altına düşmüş siñege teşbîh münāsibdür. Zîrā baḥlîlün zilleti ma'lûmdur. Pes imdi:

﴿ باش از بخل بخیلان بر کران ﴾ Baḥlîlleruñ buḥlinden ḥazer üzre ol. Ya'nî; zînhâr baḥlîl olma dimekdür. **Kerān**, feth-i kâf-ı 'Arabî ile «kenār» ma'nāsınadır.

﴿ تا نباشی از شمار [S318a] ابلهان ﴾ Ahmaqlar zümresinden olmayasın. Pes eşyâ'-i erba'a-i mezkûre, kâr-ı eblehândan ma'dûd iken nâzımuñ; buḥl şıfatında olma ki eblehlerden olmayasın diyü fezleke-i ebyâtta bu vechile taḥşîşi, buḥl şıfatınuñ ziyāde nâ-pesend olduğına işâret içündür.

Der-Beyân-ı Terk-i Dünyâ ve Der-Beyân-ı 'Āfiyet Ez-Belâ

﴿ از بلا تا رسته کردی ای عزیز ﴾ Tâ ki belâdan kırtılmış olasın. Ya'nî; belâdan ḥalâş olmak maṭlûbuñ ise. **Ez-belâ**, «belâdan» dimekdür. Belâ, ma'rûfdur. Muṭlaḳ zıkr olınmağın ıtlâkı üzre bâkî olmak kıā'idesince bunda «dünyevî vü uhrevî belâsından» [Ü311b] dimekdür. **Tâ**, «tâ ki»; **reste**, «kırtılmış»; **gerdî**, «olasın» dimekdür. **İy 'azîz**, ma'rûfdur.

﴿ باز باید داشتن دست از دو چیز ﴾ İki nesneden eli girü tutmak gerek dimekdür. Siyâḳ kıârînesiyle ol iki nesnenüñ biri nefis ve biri dünyâdur.

﴿ رو تو دست از نفس و دنیا باز دار ﴾ Git, sen nefis ve dünyâdan eli girü tut. **Rev**, feth-i râ'-i mühmele ve sükûn-ı vâv ile emrdür; «git» dimekdür. **Tu**, ḥiṭâb içündür. **Dest**, ma'rûfdur. **Nefsden** murād; emmâredür. **U(ve) dünyâ**, nefis üzre ma'ṭûfdur. **Bâz**, «girü»; **dâr**, «tut» dimekdür.

﴿ تا بلاها را نباشد با تو کار ﴾ Tâ ki belâlaruñ senüñle işi olmaya. Pes nefis-i emmâre ile dünyâyı elden bırakmayan, belâları kendi üzerine ihtiyâr eylediği âşkârdur. Ve nâzımuñ belâ kelimesin cem' getürdigi; tâbi'-i nefis ü dünyâ, düçâr-ı envâ'-ı belâ olur dimege îmâdur. Qaldı ki dünyâyı elden koymamak, kıayd-ı hırşa ibtilâdan 'ibâret olmağın, hırşuñ zararın işâret kıaşdıyle nâzım eyidür:

﴿ و در بحرص و از کردی مبتلا ﴾ Ve eger hırş u cem'-i dünyâyâ mübtelâ olur iseñ. **Ve'r**, «ve eger» dimek üzre ḥarf-i 'aṭf, edât-ı şartdan mürekkebdür. **Be-hırş**da bâ, ilşâḳ içündür. Hırş, ma'rûfdur. **U(vâv)**, 'aṭf-ı tefsîr edâtıdur; «ez-hırş» ma'nāsınadır. **Āz Gerdî**, kâf-ı 'Acemî ile muḥâtabdur; «olasın» dimekdür. **Mübtelâ**, ma'rûfdur. Ma'lûm ola ki insân bi'z-zât hırşa mecbûldür; ḥuşûşâ ihtiyârlıḳ 'âleminde ola. Nitekim buyurmuşlardur:

ریشته نخل کهن سال از جوان افزونترست

بیشتر دلبستگی باشد بدنيا پیر را

Ya'nī; naḥl-i kühen-sālūn şaçakları, tâze fidânının şaçaklarından ziyâde olur. Zîrâ dünyâyâ [S118b] dil-bestelik pîrlar için ziyâdere ola dimekdür. Ve daḥı buyurmuşlardır, Kelîm:

آدمی پیر چو شد حرص جوان میکرد
خواب در وقت سحرگاه کران میکرد

Ya'nī; âdem pîr oldıkça hırşî cüvân olur. Zîrâ vaqt-i seherde uyku ağır olur dimekdür. Şeb-i târkûn vaqt-i sehere resîdeligi pîrlîkden kinâyedür. Ve bu maẓmûn ḥadîs-i şerîfden me'hûzdur. Ve daḥı hırşuñ taḥarrurı ile ḳalb ḳaralur. Ve siyâh oldıktan soñra izâle-i hırş 'asîr olur. Nitekim buyurmuşlardır, Muḥliş:

حرص دنیا کی رود بیرون ز دلهای سیاه
نیست امید رهایی مور پا در قیر را

Ya'nī; siyâh-dillerden hırş-ı dünyâ ḳaçan taşra gider? Ya'nī gitmekden 'uşret vardır. Zîrâ ayağı âlûde-i zift olan mûruñ ḥalâşına ümîd yokdur dimekdür. [Ü312a] Ve hırşâ ibtilâlügüñ ḥâli şöyledür ki her gördigine meyl ü heves ile dest-res olmaḳ ḳaydına giriftâr olur dimişlerdür. Nitekim H'âce Kelîmüñ *beyt*:

حریص چشم طمع دارد از کریم و لثیم
مکس بخوان شه و کاسه کدا افتد

beyti bu beyanda kâfîdür. Ya'nī; ḥarîş-çeşm olan kimesne kerîm ü le'imden ṭama'dâr olur. Zîrâ ol kimse meges-mişâldür. Meges ise süfre-i ni'met-i şâh u gedâyâ üftâde olur dimekdür. İmdi böyle olan gedâ-çeşmüñ başından envâ'-ı belâ eksik olmaz. Nitekim buyurmuşlardır, *beyt*:

بخرم دیکران هرکه میپرد چشمش
هزار رخنه فزون در دلش چو غربالست

Ya'nī; hırmen-i ḥalḳa göz diken kimesnenüñ gönlinden ḡırbâl gibi hezâr raḥne füzûn olmuştur dimekdür. Ya'nī ḳalbi sūrâḥ-sūrâḥ ve kârı belâ-yı şad-hezâr ile âh u vâh olur. Nitekim nâzım eyidür:

﴿ با تو رو آرد ز هر سو صد بلا ﴾ Saña her cânibden niçe belâ teveccüh ider. **Bâ-tu**, «saña»;

rû âred, «teveccüh ider»; **zi-her sū**, «her taraftan»; **şad belâ**, «yüz belâ» dimekdür. Bundan murâd; belânuñ keşretin beyândur. Zîrâ Fâriside bu ta'bîr keşîrdür. İmdi ḥarîşuñ üzerine belânuñ teveccühinde iştibâh yokdur. Evvelâ ḥarîşda buḥl der-kârdur. Baḥîlûñ ise ḥâl ü me'âli ḳazâyâ dūçâr olmaḳ, ḥazret-i 'Alînüñ بشر مال البخيل بحادث او وارث kelâm-ı dürer-bârından bedîdârdur. Ve kişide hırş ziyâde oldıkça belâlar daḥı ziyâde olur. Ol zamân ḥalâş müşkilter olur. Nitekim şâ'iruñ [S319a] *beyt*:

از زنخدان تو دلرا نیست امید نجات
دلو ما در ساعت سنکین بچاه افتاده‌است

beyt-i rengîninden bu ma'nâyâ delâlet zâhîrdür ve ma'nâ-yı beyt bâhîrdür. Ḥattâ ḥarîşa hırşî belâdur; evvelâ ol belâyı def' lâzımdur ki belâlaruñ elinden ḥalâş ola. Ma'a-hâzâ dünyâ vü mâ-fihâ kendünüñ olsa yine hırşî def' imkânında degüldür dimişlerdür. Nitekim Mîrzâ Vahîdüñ *beyt*:

زدنیایی نکردد حرص کم دنیا پرستانرا
که صفرا نشکند از آب لیمو رنگ لیمونرا

beytinden hüveydâdur. Ya'nî; dünyanın hırışı dünyâ vü mâ-fihâ ile noqşân-pezîr olmaz. Zîrâ ekşi limonun hâşşası def-i şafrâ iken, kendi renginün şafrâviyyetin ref ile şafrâ-şikenlige kâdir degüldür dimekdür. Pes böyle olduğu için aşılma ve şıkılma başında der-kârdur. Ve harîşun sefer ü hâzarda hıfz-ı mâli vü fikr-i hâli kaydıyla dil-fiğârlüğü âşkârdur. Lâkin bunlardan hâlî olan her yirde lâ'ûbalî olur. Nitekim [Ü312b] nâzım eyidür:

﴿ آنکه نبود هیچ نقدش در میان ﴾ Ol kimse ki anuñ miyânında hîç naqd olmaya. **Ān ki**, «ol kimse ki»; **ne'bved**, «olmaya»; **hiç**, «aşlâ»; **naqdeş**, «anuñ naqdi»; **der-miyân**, «bilde» dimekdür. Bunda ekser-i 'âdete îmâ vardır. Huşûşâ ki bî-kâr veyâ sâfir olanuñ naqdi miyânında maḥfûz olur. Qaldı ki naqd kelimesi 'Arabîde; «züyûfin iḥrâc ile ta'dâd» ma'nâsınadır. Ammâ Fârisîde «ḥâzır» ma'nâsınadır. Elde olan nesneye «naqdîne» didikleri bundandır. Qaldı ki işlâh-ı Fârisîde maḡşûş olan aqçaya naqd-i şeb der-miyân²⁷ dirler. Pes bunda nâzımın hulâsa-i kelâmı; kîsesinde dirhem-i maḡşûş daḥı olmaya dimege îmâ vardır. Egerçi zâhirî, kîse-tehî olan dimekdür.

﴿ هر کجا باشد بود اندر امان ﴾ Her kânde olur ise emânda ola. Ya'nî; me'mûn u maşûn ola dimekdür. Pes bu vechile me'mûnü'l-gâ'ile olan kimesneler, *naẓm*:

اری دنیا لمن هی فی یدیہ
عذابا کلما کثرت لیدیہ
اذا استغنیت فی شیئی فدعه
و خذ ما انت محتاج الیه

kıṭ'a-i dil-ârâsiyle 'âmil ve daḥı *beyt*:

اذا جاءت الدنيا عليك فجدیها
على الناس طرا فانها تنقلب

müfâdıncâ taḡallübât-ı dünyâ vâriddür diyü şarf-ı dünyâya kı'ıl [S319b] olan müstaḡnî-i 'âlem ve güzîde-i benî-Âdemdür. Bunların dünyâdan bu vechile bâki yokdur. Nitekim *beyt*:

Cihân ger âteş-i sūzân olursa gamm degül Nefî
İçinde âteş-efrûz olacaḡ bir buriyâmız yok

dinmişdür. Ve bu beytün mâ-şadaḡı olana şâhib-i himmet ıtlâḡ olındığı bi'l-ittifâḡdur. Nitekim Nâbî-i merḡûmun *beyt*:

Ümmîd-i himmet eyler iseñ andan eyle kim
Ḥâk-i siyâha başı idecek buriyâsı yok

beyt-i laṭfî bu beyânda kâfidür. Ve bu gürûhuñ ser-fîrâzı iki cihândan el çeküp gûşe-nişîn-i selâmet ve 'âşîḡ-ı dîdâr-ı ḡazret-i Rabb-i 'izzet olandır. Nitekim *beyt*:

بیش از دودش بخواہش دراز نیست
من این دودست راز دو دنیا کشیدہام

²⁷ Her iki nüshada da, bizce teknik bir hata ile, «naqdest der-miyân» şeklindedir.

beyt-i dil-ārāsının mā-şadağı bu ma'nada vāfidür. Bunlar nefs ile dünyâyı terk idenlerden a'ladur. Ve nefs-i dünyâyı terk iden dağı āsüde ez-belādur. Nitekim nāzım eyidür:

﴿ نفس و دنیا را رها کن ای پسر ﴾ Nefs ü dünyâyı şalıvir. Ya'nî; nefse mütāba'at ve dünyāya maḥabbet ile anları elde tutma dimekdür. **Rehā kon**, «şalıvir» dimekdür. Murād; terk eyle dimekdür. Bu ta'bīr Türkīde dağı şāyī'dür. Nitekim bir 'avreti "ḥal' veyā ṭalāk eyle" diyecek maḥallde "ipini koyuvir" veyā "kendüyi şalıvir" dirler. Dünyā didikleri ğaddāre ve nefs-i emmārenün taṭlīkasız idigi beyān-ı sābıqdan hüveydādur. Pes eger nefs ü dünyâyı terk eyledün [Ü313a] ise:

﴿ باز رستی از بلا و از خطر ﴾ Girü belā vü ḥaṭardan ḥalāş olduñ. **Bāz**, «girü»; **restī**, fetḥ-i rā'-i mühmele ile «kurtıldıñ» dimekdür. **Ez-belā**, «belādan»; **vü ez-ḥaṭar**, «ḥavf u helākden» dimekdür. Pes nefs ü dünyâyı terk idenün belā vü ḥaṭardan ḥalās u emniyyeti bī-iştibāhdur. Zīrā farazā nefs ü dünyā tāze gül olsa, eñsesinde ḥārī olmak āşkārdur. Nitekim *beyt*:

چکنم کنج ز رو رنج نکه داشتنش

هر کجا تازه کلی از پی او خاری هست

mazmūnı bu beyānda bedīdārdur. Ma'a-ḥāzā nefs ü dünyā ḥārdan 'ibāretdür ve 'ayn-ı ḥār meşakḳatdür. Nitekim evliyā'-i kirāmdan Naşr-ābādī eyidür: Nefs ü dünyā kişinün siccīnidür. Çıkmayan selāmet ü rāḥat-ı ebedī bulamaz. İmdi bunlara muḥālefet ve kendülerden mübā'adet gerekdür. Nitekim evliyā'-i kirāmdan Süleymān-ı Dārānī eyidür: Nefse muḥālefet, [S320a] esās-ı 'ibādet ve dünyādan mübā'adet 'ayn-ı selāmetdür. Ve Ebū 'Aliyyi'd-Deḳā'īk eyidür: Nefse bir ḥaṭve muḥālefet, sebep-i vuşul-i maḳşūd u emniyyetdür. Pes nāzım beyt-i sābıķı işbāt kaşdıyle eyidür:

﴿ ای بسا کس کز برای نفس زار ﴾ İy niçe kimse ki nefsinden ötüri nālān u 'ācizlerdür. Ya'nî; nefs elinde esīrler dimekdür. **İy besā kes ki**, «iy niçe kimse ki» dimekdür. İy, ḥarf-i nidādur; münādāsı maḥzūfdur. Murād nidāya şāliḥ olana nidādur. Besā, niçe ma'nāsınadır. Āḥirindeki elif, mübālağa edātıdır. Kes, kimse dimekdür. Ki kelimesi 'illetdür. **Ez-berāy-ı nefis**, «nefsinden ötüri» dimekdür. **Zār**, bunda «nālān u 'āciz-i ser-gerdān» dimek murāddur.

﴿ در بلا افتاد و کشت از غم نزار ﴾ Belāya düşdi ve ğammdan za'f ü naḥīf ü rikḳat-i ḥāl şāḥibi oldu. **Der-belā üftād**, «belāya düşdi»; **u geşt ez-ġamm**, «ve ğammdan oldu»; **nizār**, kesr-i nūn ile «arık u naḥīf» dimekdür. İmdi nefs elinden bu vechile belāya dūçār olan bisyārdur.

﴿ از برای نفس مرغ نا مراد ﴾ Nefsi ecli içün mürġ-ı nā-murād. Ya'nî dāne ile teḳāzā-yı nefsi içün ümīdsiz olan kuş dimekdür. **Mürġ-ı nā-murād** kelimesi mübtedādur; ḥaberi mısrā'-ı şānīde āmed cümlesidür.

﴿ آمد و در دام صیاد اوفتاد ﴾ Geldi ve i'tiyāduñ tuzağına düşdi. Ya'nî; hevā-yı nefsine ittibā'ı kendüyi çeküp dām-ı belāya düşürdi dimekdür. **Āmed**, «geldi»; **u der-dām-ı şayyād**, «ve dağı avcının tuzağına» dimekdür. Dām, bunda tuzaḳ ma'nāsınadır. Şayyād, avcıdır. **Üftād**, mażī-i müfred-i ğā'ibdür; «düşdi» dimekdür. Pes mürġ-ı bülend-pervāzı ittibā'-ı nefis giriftār-ı dām-ı belā vü ḳarīn-i kār u ḳazā idigi

gibi Һarīṣuñ ḥāl ü ṣānı daḥı böyle olmaḵ hüveydādur. Ve her ne ḳadar [Ü313b] zūr-ı bāzūsı olsa Һarīṣ olan ḳānıuñ maḡlūbı ve esīridür dimişlerdür. Nitekim *beyt*:

بر نمی آید بقانع زور بازوی حریص
از لعاب عنکبوتی میشود عاجز مکس

beyt-i laṭīfı bu beyanda güvāhdur. Ammā ḳānıe olanda refāh-ı ḥāl bī-iṣṭibāhdur. Nitekim *beyt*:

سختی نمیرسد بقناعت رسیدگان
در لقمه هما نشود استخوان کره

diyü buyurmuşlardır. Me'al-i beyt ma'lūmdur. İmdi āḳıl olana Hümā-yı ḥuceste gibi ḳānıe olup serçe gibi cānını rehn-i dāne eylememek lāzımdur. [S320b] nitekim *beyt*:

چو همای خجسته قانع شود
نه چو کنجشک جان بدانه کرو

diyü buyurmuşlardır. Girev, kesr-i kāf ve fetḥ-i rā ve sükūn-ı vāv ile rehn ma'nāsınadır. Ḥattā yüz aç ṭoyurmaḵdan kiṣi kendü aç gözini ṭoyurmaḵ evlādur dimişlerdür. Nitekim *beyt*:

زان به بود که سیر میکنی صد کرسنه را
چشم کرسنه خود اگر سیر میکنی

diyü buyurmuşlardır. İmdi:

﴿ تا دلت آرام یابد ای پسر ﴾ Tā senüñ göñlüñ ārām u rāḥat bula iy oḡul! **Tā**, bunda ḡaraḡ içündür. **Dilet**, «senüñ göñlüñ» dimekdür. **Ārām**, «ḳarār ve ḥuzūr ve rāḥat» ma'nāsınadır. **Yābed**, «bula» demek ma'nāsına «yāften»den müṣṭaḳḳ-ı muzāri'-i müfred-i ḡā'ibdür. **İy püser**, «iy oḡul» dimekdür. Pes bunda ḥuzūr-ı ḳalbe mālīk olmaḵ ḡaraḡuñ ise dimege işāret vardur. Zīrā ḥırṣuñ terki bā'is-i ārām-ı ḳalb idigine iṣṭibāh yoḵdur. Nitekim Ḥ'āce Ṣā'ibüñ *beyt*:

تاکی جهل چاره حرص از طلب کنی
از خار چند علاج جرب کنی

beyt-i laṭīfnde buña delālet vardur. Ya'nı; niçeye dek cehlden nāṣı talebden ḥırṣa çāre-sāz olursuñ. Ve niçe bir ḳaşınmaḵdan uyuza 'ilāc idersin dimekdür. Ya'nı; Һarīṣ olan kimesne uyuz 'illetine mübtelā olmaḡa beñzer. Ḥırṣdan dūr olmayan, o 'illetüñ be-her-ḥāl ızṭrābından ḥalāṣ bulmaz ve ārām-ı ḳalbe nā'il olmaz. İmdi ārām-ı ḳalb ḡaraḡuñ ise iy oḡul!:

﴿ بود و نابود جهان یکسان شمر ﴾ Cihānuñ varını vü yoḡını berāber 'add eyle. **Būd**, bunda «vücūd» ma'nāsınadır. **U nā-būd** kelimesi, būd üzerine ma'ṭūfdur. Ya'nı; vücūd ile 'adem ma'nāsınadır; mā-ba'dine muzāfdur. **Cihāndan** murād; dünyādur. **Yek-sān**, «bir üslūb üzre» dimekdür. Berāberlik ma'nāsına oldıḡı ma'nā-yı lāzımı ḥasebiyledür. Zīrā fi'l-aṣl yek, bir dimekdür. Sān, üslūb dimekdür. Ve Türkīde «düpdüz» ile ta'ḃır olunur. **Şümür**, emr-i ḥāzırdur; «ṣay» dimekdür. Pes sükūnet-i ḳalb böyle olmaḵdadur. Yoḵsa ḥırṣ u ṭama'dan nāṣı, dünyanuñ varlıḡıyla mesrūr ve yoḵluḡıyla maḡzūn olan, ızṭırābdan ḥālī olmaz. Ḥattā yoḵluḡdan ṣākī olup çerḥuñ [Ü314a] elinden bākī olanuñ ḥālī daḥı müṣṭedd olur dimişlerdür. Nitekim Ḥ'āce Ṣā'ibüñ *naẓm*:

زبان شکوه بخشم زمانه افزاید

که [S321a] خس با آتش سوزان زبانه افزاید

مکن ز چرخ شکایت که توسن بدرک

لکد بکجروئ تازیانه افزاید

naẓm-ı dil-ārasından maʿnā-yı murād hüveydādur. İmdi ʿāqıl olan būd u nā-būd-ı cihānı berāber ʿadd ile bāb-ı ıztırābı sedd itmelüdur. Zīrā keşret-i niʿam-ı dünyādan kişinüñ naşîbi muḳadderden ziyāde olmaz. Nitekim *beyt*:

نصیب خلق زیاد از نعم نمیکردد

ز بحر آب کهر بیش و کم نمیکردد

dinmişdür. Pes İbnü Yemīnün *beyt*:

منم لالابالی چو این یمین

نه از هست شادان نه از نیست باک

beytinüñ maẓmūn-ı pāki üzre ḳayd-ı dünyādan lāʿübālī olup, varlığından şādān ve yokluğundan bāk itmemek gerekdür. Ve nefsün iskāti bu hāldedür. Yoksa şāhibini her dürlü belāya giriftār ve her fīl-i nā-meşrūʿa irtikāb ile icrā-yı mezākı için zulme ictisār itdürür. Anuñçün nāẓım eyidür:

﴿ از عذاب و قهر حق ایمن مباش ﴾ Ḥaḳḳ teʿālānuñ ʿazābından ve ḳahrından emīn olma. Ez-ʿazāb u ḳahr-ı Ḥaḳḳ, «Ḥaḳḳuñ ʿazāb u uḳūbetinden ve ḳahrından ve tedmīrinden»; **imen me-bāş**, «emīn olma». Yaʿnī Ḥudā müntaḳımdür; intiḳām ider. İmdi:

﴿ در پی ازار هر مؤمن مباش ﴾ Her müʿmini incitmek eñsesinde olma. **Der-pey-i āzār-ı her müʿmin**, «her müʿmini incitmek eñsesinde» dimekdür. Der, zarfıyyet içündür. Pey, bunda eñse maʿnāsınadır. Āzār, incitmek maʿnāsınadır; ʿArabîsi zulmdür. Her lafzı, ʿumūm ifāde ider; kelime-i Fārisīdür. Müʿmin, maʿrūfdur. **Me-bāş**, «olma» dimekdür. Maʿlūm ola ki zulm, zātında ḳabīh ve zālīm her hālde ğayr-ı müsterīhdür. Anuñçün teḫāşisinde; ḳarınca başını ağrıtmā taʿbīr iderler. Nitekim Ḥʿāce Şāʿibün *beyt*:

بر سر موران بود دست حمایت پای من

از سبکرو جان کسی نکدشته چون من بر زمین

beyti bu maʿnāda güvāhdur. (...) Pes ʿāqıl olana zulmden ihtirāz idüp ṭop gibi bī-ser ü pā olmaḳ kişinüñ iḳtidārında iken, çevgān gibi zaḥm-sāz-dilān olmamaḳ gerekdür diyü *beyt*:

چوکان مشو که از تو خرد زخم بردلی

تا همچو کویی بی‌سر و بی‌پا توان شدن

maẓmūnıñ ĩrād buyurmuşlardur. Ḥattā diraḥt-ı mīvedār [Ü314b] olamaz iseñ serv-i bīdāsā bārī sāyedār ol diyü *beyt*:

کر نداری میوه [S321b] افکندنی چون سرو بید

غیرتی کن سایه باری بیفکن بر زمین

buyurmuşlardur. Nitekim *beyt*:

Bu ʿālem būstānında budur maḵbūl-i ins ü cinn

Ne senden kimse incinsün ne sen bir kimseden incin

didikleri meşhūrdur. Zīrā ḥāṭır incitmegūñ belāsi vü taʿmīr-i ḥāṭır eylemegūñ şevāb u cezāsı beyān-ı sābıḵdan maʿlūmdur. Nitekim *beyt*:

کعبه را در یافت هر که خاطری معمور کرد

شد سلیمان هرکه دست خود حصار مور کرد

maẓmūnı taşrīḥ-kerde-i ehl-i ʿulūmdur. Qald ki zulm, herkesūñ ḥaḵḵında nā-meşrūʿ iken nāẓımuñ mü'min zikrine taşaddīsı, mü'mine mü'min zulm eylemelü degüldür diyü şerāfet-i mü'mine işāret ḵaşdında olmışdur. (...[S322a, Ü315a]...)

﴿ در بلا یاری مخواه از هیچ کس ﴾ Belāda ḥalāşuñ içün hīç kimseden muʿāvenet-ḥ^vāh u istimdād ḵaydında olma. **Der-belā**, «belāda» dimekdür. Murād; belā vaḵtinde dimekdür. **Yārī**, āḫirindeki yā'-i maşdariyye ile «yardımcılık» maʿnāsınadır. Lākin lafz-ı mezkūrdan bu maʿnāyı aḥz mecāzīdür. Zīrā yār lafzınuñ maʿnā-yı aṣlīsı «muşāḥib»dür. Eşḥāb-ı şafāya yārān didikleri bundandır. Ve istiʿāre tarīḵiyle maḥbūba yār dirler. Pes ḥaḵīḵaten yardımcılık maʿnāsına dāll olan lafz «yāver» kelimesidür, kezā fi'd-Deḵā'ıḵ. **Me-ḥ^vāh**, nehy-i ḥāzırdur; «isteme» dimekdür. **Ez-hīç kes**, «hīç kimseden» dimekdür. Pes şābir-i kāmīl olan kimesne āḥardan istiʿānet ü istimdād itmek gerekdür.

﴿ زانکه نبود جز خدا فریاد رس ﴾ Zīrā ki Ḥudādan ḡayrı ḵalımışlara yetişici olmaya. **Z'ān ki**, «zīrā ki»; **ne'bved**, «olmaya»; **cüz Ḥudā**, «Ḥudādan ḡayrı»; **feryād-res**, terkīb-i tavşīfīdür; «ācizlere irişici» dimekdür. Pes meşā'ibi dāfīʿ ve belıyyātı rāfīʿ ancaḵ Ḥudādur. Nitekim buyurmuşlardur *naẓm*:

اذا ضاق درع المرء و اشتد حاله

و حفت به الآلام و انقطع الرجا

تداركه رب البرايا بلطفه

و اعطاه من كل الشدائد مخرجا

(...) Ve daḥı buyurmuşlardur, *beyt*:

ز مخلوق کاری کشایش نکیرد

دل اندر خدا بند کر کار خواهی

Yaʿnī; bir kāruñ küşāyişine maḥlūḵ ḵādir degüldür. Eger küşāyiş-i ʿuḵde-i umūrını diler iseñ ḵalbūñi Ḥudāya bağla ve ancaḵ ol dergāha ağla dimekdür. Zīrā *naẓm*:

Bir belā gelse itme ḡamm izḥār

Bulunur anda ḡālibā iki şerr

Dōstlar bī-ḥuzūr olur ḡāyet

Düşmen eyler ḡulūvv birer ikişer

[S322b] dimişlerdür. Pes şabruñ ḥāl ü şānı maʿlūm ve şābirūñ iʿtibārı Ḥ^vāce Şā'ibūñ *beyt*:

چون لعل هرکه خون جگر خورد صبر کرد

زیب کلاه کشش اقبال میشود

beyt-i cevāhir-āṣārından mefhūmdur. [Ü315b] Lākin bir kimesne senden isti‘ānet ü istimdād eyledikte: “Ādem! Benüm elümden ne gelür? Hüdā def eyleye!” yāhod “Haḳḳ mu‘īnūñ ola” diyü ye’s ile redd itmek ādem kārı degüldür. Elden geldiği kadar istimdād idene i‘ānet ü imdād eylemek gerekdür. Zīrā i‘ānet kār-ı erbāb-ı himmetdür. Nitekim H‘āce Şā’ibūñ *beyt*:

تیره روزان جهانرا بچراغی در یاب
تا بس از مرک ترا شمع مزاری باشد

ma‘nā-yı beyt ma‘lūmdur. Pes nāzım yukaruda, seni āzār idenūñ ‘özrinūñ kabūlini naṣīhat eylediği hasebiyle bu maḳāmda; kimesneyi incitme ve incitdigūñ ‘özrini dileyüp isti‘fā kaydında ol dimege mübāderet kaşdıyle bunda buyurur ki:

﴿ هر که را رنجانده عذرش بخواه ﴾ Her kim ki incitmişsin ‘özrin dile.

﴿ تا نباشی خصم تو در عرصه‌گاه ﴾ Tā ki meydān-ı maḥşerde senūñ ḥaşmuñ olmaya. Ya‘nī; mezālīm-i ‘ibādı kıyāmete koymayup dünyāda istiḥlāl eyle ki kıyāmetde maẓlūm saña da‘vācı olmaya dimekdür. **Tā ne-bāşed**, «tā ki olmaya»; **ḥaşm-ı tū**, izāfetle «senūñ ḥaşmuñ» dimekdür. Ḥaşm, feth-i ḥā’-i mu‘ceme ile ceng ü cidāl idene dirler. Müzekkeri, mü’enneşi ve cem‘i birdür. Zīrā aşlında maşdardur. Lākin ba‘zı ‘Arablar teşniyesinde ḥaşmān ve cem‘inde ḥaşūm dirler. **Der**, zarfıyyet içündür. **‘Arşagāh**, «meydān-ı kıyāmet»e dirler. Zīrā ‘arşa, feth-i ‘ayn ve sükūn-ı rā’-i mūhmele ile Fārisīde açık yire dirler; ve ‘Arabīde ke-zālik. Pes meydān-ı kıyāmetde bu ma‘nā mevcūd olmağın, mekān ma‘nāsına olan gāh lafzıyle mürekkeben meydān-ı kıyāmete ‘arşagāh dinmişdür. Ma‘lūm ola ki mezālīm-i ‘ibādı yüklenmek müşkildür. (...[S323a]...) Hattā bir dirhemlik ḥaḳḳ için altmış yıllık maḳbūl t̄ā‘at seväbı alınur diyü Eşbāh-ı Neẓā’irde meşūrdur. Pes zālīmūñ ve mezālīmūñ ḥālī böyle oldığın fehmden şoñra ḥālūñe el vireni işle diyecek maḳāmda buyurmuşlardır ki Kelīm:

مور بی آزار دائم خون خود را میخورد
خانه پر شهد میخواهی برو زنبور باش

[Ü316a] Ya‘nī; nemle-i bī-āzār dā’imā kendi zādına faḳīrāne k̄āni‘ olur. Eger şehd ü ‘asel ile memlū ḥāne isterseñ yūri var zenbūr ol dimekdür. Murād yā faḳīr-i k̄āni‘ veya ḡanī-i pervāz ol dimege işāretdür. Qaldı ki ḡinā, ḥaḳḳ-āzārılığda degüldür; belki ḳanā‘atdedür. Nitekim nāzım eyidür:

﴿ کر غنا خواهد کسی از ذو المنن ﴾ Eger bir kimse minnetler şāḥibi olan Mennān celle ve ‘alādan baylıq dilerse:

﴿ در قناعت میتوانش یافتن ﴾ Ol ḡināyı ḳanā‘atde bulmağa ḳādir olur. Zīrā ḳanā‘at bir kenz-i lā-yefnādur ve her kesūñ ḳısmeti ber-muḳteẓā-yı قسمنه نحن dur. Pes ceḥd ile rızḳ artmaz. Nitekim İbnü Yemīn eyidür, *naẓm*:

رزق مقسومست و هم وقتش معین کرده‌اند
پیش از آن و بیش ازین حاصل نمیکردد بجهد
هرچه می آید ز نیک و بد بدان خرسند باش
کانچه خواهی ز آسمان نازل نمیکردد بجهد

سوسن آزاد چون از قول محرم آمده است
کرچه دارد ده زبان قائل نمیکردد بجهد

Ya'nî; rızq maḵsûmdur ve vaḳti mu'ayyendür. Ne ḵısmetden ziyāde ve ne vaḳtinden muḵaddem ḥuṣûl-peẓîr olur. İmdi nîk ü bed her ne gelürse aña ḵānî^c ol. Zîrâ her ḥ^vâhişüñ âsmāndan nāzil olmaz. Nitekim süsen-i âzāduñ şu ḵadar zebānı var iken ḵavlden ḥırmāniyyetinden nāşî tekellüm ile ḵā'il olamaz dimekdür. Pes ğınâ ḵanā'atdedür; yoksa cem'-i mālda degüldür. Nitekim dimişlerdür Şā'ib:

روده تنک به یک نان تهی پر کردد
نعمت روی زمین پر نکند دیده تنک

Ya'nî; ṭar olan bağırsak bir nān-ı sāde ile ṭolar. Ammâ dîde-i teng, ni'met-i rüy-ı zemîn ile ṭolmaz. Çāresi ḵanā'atdür dimekdür.

Der-Sitâyiş-i 'Aql u 'İrfân

﴿ هر که اعقل هست و دانش ای عزیز ﴾ Her kim ki 'aql u 'irfânı vardır.

﴿ دور باید بودنش از چار چیز ﴾ Dört nesneden [S323b] aña ırak olmak gerek. Ol eşyâ'-i erba'ânüñ biri nâ-ma'ḵûl kimesneye umûr ısmarlamaḵ ve biri nâ-sâz kimesneye âdemlik itmek ve biri fesād u zulm-i 'ibāda meyl itmek ve biri ḥafîflik itmekdür. Nitekim nāzım eyidür:

﴿ کار خود باناسرا نکند رها ﴾ Kendi işini nâ-sezāya ihāle eylemeye. **Nâ-sezā**, «lā'ik olmayan»a dirler. **Nekned**, «eylemeye» dimekdür; fā'ili zāmîr-i müstetir 'ākıl u dānişmende rāci'dür. Aşağıda ke-zālik böyledür. **Rehā**, fethile «ḥavāle eylemek ve ısmarlamaḵ»dur. Ḥulāşa bir umûruñ ru'yetine lā'ik olmayana iş ısmarlama. Zîrâ bu eşrât-ı sâ'atdendür. Nitekim الساعة فانظر الساعة buña şāhiddür. Ve daḥı Müslim ve Buḥārî ittifāḵlarıyla 'Ömer bin el-Ḥaṭṭāb rażıya'llāhu 'anhudan mervî olan ḥadîs-i şerîfüñ ma'nâ-yı münîfi üzre bir gün ḥazret-i Cibrîl-i emîn bir racûl-i ğarîb şeklinde meclis-i Faḥru'l-mürselîne gelüp, ḵavme ismā^c u i'lām için Faḥr-i 'ālem 'aleyhi's-selāma İslām ve İmān ve İhsānı isti'lām ve ber-mantûḵ-ı ḥadîs-i Faḥru'l-enām her birinüñ cevāb-ı cevāhir-nizāmın ifhāmında, ḥazret-i Cibrîl ol cevābları taşdıḵ ile tebcil zeylinde ḵıyām-ı ḵıyāmetin vaḳtinden daḥı [Ü316b] isti'lāmında Faḥr-i 'ālem 'aleyhi's-selām, ma'rifet-i vaḳt-i ḵıyāmet Ḥudāya muḥtaşş olduĝın beyānda ḥazret-i Cibrîl 'aleyhi's-selām emārāt u 'alāmet-i sâ'atden istiḥbārda, ḥazret-i Faḥru'l-ebrār emārāt-ı ḵıyāmeti bu vechile beyāna ibtidār idüp: **ḥadîs-i belāĝat-nişāniyle ḥatm-i kelām-ı dürr-nişār** buyurmuşdur. Ya'nî; 'alāmāt-ı ḵıyāmet ve eşrât-ı sâ'atdendür ki; veled vālidesine muṭîr olmaya. Ḥattâ ol veled vālidesinüñ seyyidi ḵān olına. Ve daḥı yalın ayak çıplak faḵîrleri, 'acзде aĝnām gibi olan ḥalkuñ üzerine mülük u ḥukkām olmuş göresin. Ya'nî; seyr ü sefer ü 'ışde 'āciz olanlar gibi dînde muḵaşşır olanları, bünyān-ı ref'îa ile tefāḥur idici oldukları ḥâlde koyun gibi 'āciz olan ḥalka rā'î vü mālîk ü ḥākim göresin. Ḥulāşa emāret eclāfa tevfiẓ olunmaḵ emārāt-ı ḵıyāmetdendür. Zîrâ bu taḵdîrce zamān mün'akis ve eşrāf zelîl olmaĝa delîldür dimekdür. Pes اعطالقوس باريها maẓmûnına [S324a] 'amelen kārî ehline tevfiẓ 'ākıl kārîdur. (...)

﴿ مردمی نکند بجای نا سزا ﴾ Nā-sezā kimseye ādemlik eylemeye. Ya'nī; 'āqıla [Ü317a] lāzım olanuñ biri budur. **Merdümī**, yā'-i maşdariyye ile insāniyyet ma'nāsınadır. **Ne'kned**, «eylemeye» dimekdür; fā'ili, mezkūr 'ārif ü 'ākıldur. **Be-cāy**, «yirine» dimekdür. Bā' ilşāk içündür. Cāy, mekân ma'nāsınadır. **Nā-sezā**, ma'rûfdur. Ma'lûm ola ki nā-sezāya olan insāniyyet zāyî' olur. Belki muḳābelesinde zararı vāqı' olur. Zīrā nā-sezānuñ hāli eslāfile olan muāmelesinden ma'lûm olur. 'Āqıl olan nef' u zarar ḥuşûşını āharuñ hālinden itibār itmek gerekdür. Nitekim Muḥliş:

عاقل آنست که در تجربه نفع و ضرر

ز حریفان دکر بهره خود بر دارد

beyti bu beyānda kāfîdür. Ḥulāşa insāniyyet muḳābilinde insāniyyet ider zamānede nādirdür. Nitekim Muḥliş:

پس قحط مردمیست درین دیر دون اساس

نسناس در حساب مضاعف بود ز ناس

beyt-i laṭfî bu ḥisābda tamāmdur. Nesnās, şekl-i insānda bir ḥayvān-ı zarar-resāndur ve 'aded-i [S324b] ḥurūfda nāsuñ muzā'afı oldığı müstağnin 'ani'l-beyāndur. ذهاب الناس و بقى النسناس didikleri ḳaḥṭ-ı ricālî müş'ir ḍurūb-ı emşāldendür. Ḥattā ādemiyyet būy-ı gül gibi dīdelerden nihān olmağın, ādem olmaḳ ma'nāsını taḥşîl isti'dād ile degüldür diyü Ḥ'āce Kelīm beyt:

آدمیت همچو بوی کل نهان از دیدهاست

معئ آدم شدن تحصیل استعداد نیست

buyurmuşdur. Böyle olduğu hālde her kimseyi ādemiyyet bilür diyü serṭ-u'l-istimād olup aña ādemiyyet itmemek 'āqıl kārıdur. Nāzımuñ bu beyti çār çizüñ ikisini beyān içündür. Pes ḡalişi beyānda buyurmuşdur:

﴿ عقل داری میل بدکاری مکن ﴾ 'Aql ṭutar iseñ bed-kārlığa meyl eyleme. **'Aql dārī**, bunda edāt-i

şart taḳdīriyle «eger 'aql ṭutarsañ» dimekdür. **Meyl-i bed-kārī**, «bed-kārlığa meyl»; **me-kon**, «eyleme» dimekdür. Bed-kārlığūñ envā'ı çokdur. Ez-cümle fişḳ u fesād ve ḡulm-i 'ibād gibi. Pes nāzımuñ meyl lafzını irād eylemesinde: Ef'āl-i ḳabāyīḥa ḳalbūñi teveccüh itdürme; ḳande ḳaldı ki bi'l-fī'l işleyesin? dimege işāret vardur. Zīrā meyl, ma'nāda ḳalbūñ teveccühine dirler. Pes nāzım rāb'i beyānda buyurur:

﴿ زین چو بگذشتی سبکساری مکن ﴾ Çünkü bundan geçdün ya'nī bunuñla 'amel itdün; ḥaṭflik

eyleme. **Z'īn**, ez-īn kelimelerinden muḥaffedür. Ma'nā; «bundan» dimekdür. İşāret mesbūḳu'z-zıkr olan nesneydür. **Çu bügzeştī**, «çünkü şavuşduñ» ya'nī «amel itdün» dimekdür. **Sebük-sārī**, āḫirindeki yā' maşdariyyedür; «yeyni başluluk» dimekdür ki buña lisān-ı şer'de ḥıffet dirler ki kendüye lāzım olmayacak işde bulunmaḳdur. Meşelā; āmed ü şüdegāna gözile nazar ve lisānile su'āl ve cevāba isti'cāl ve baş ve göz ve ḳulaḳ ile her şey'e iltifāt u istimā' ve çok çok elini taḥrīk ve zıkrî müstehcen maḥallini ferk ü ḥakk ve rīş ü destāra cā-be-cā nıẓām ve esvāba intizām [Ü317b] virmek gibi; bu cümle sefeh ü ḥıffetden nāşīdür. Bunuñ muḳābili sükūnet ü veḳārdur. Ve ḥalvet ü celveti berāber olmaḳdur; lākin kendüde kibr ü riyā olmamaḳ şartındandır. Pes sebük-serlik mezmūmdur. Nitekim Ḥ'āce Şā'ibūñ beyt:

سبکساران بشور آیند از حرف بیمغزی

بفریاد آورد اندک نسیمی گلستانی را

beyt-i laṭīfinden hüveydādur. [S325a] ve daḡı sebük-serlik ile muḡābili sükūnetūñ iṭibār ve ‘adem-i iṭibārı ḡ^vāce-i mūmā ileyhūñ *beyt*:

مخزن کوهر صدف از نه کزینی میشود

کف سبک در بحر از بلا نشینی میشود

beytinün ma'ânâ-yı laîfinden nümâyândur. Ya'nî; şâdefiñ mağzen-i gevher oldığı, kâfir-ı bahri ihtiyâr ile sükûnet ü vaqârındandır. Ammâ keff-i deryânun sebûk-rev ü bî-i'tibârlığı bahrde sebûk-sârlığından nâşî bâlâ-nişîn olmasındandır dimekdür. Pes nâzım eşyâ'-i erba'ânun hıtâmında 'âkıl u 'ârif olana birkaç a'mâl ü e'âl-i hasene ifâdesi zımnında hitâb idüp buyurur:

﴿ تا شوی پیش از همه در روزگار ﴾ Tā ki zamānede cümleden ilerü olasın. Yaʿnī; pīšvā-yı aqrān olmak murāduñ ise dimekdir. **Tā ševī**, «tā ki olasın»; **pīš ez-heme**, «dükeliden ilerü ve muhterem»; **der-rüzgār**, «zamānede» dimekdir. Zīrā rüzgār Fārisīde iki maʿnaya gelür: Evvelkisi, zamān ve ʿaṣr ve cihān ve hevā maʿnāsına mütedāvil sözdür. İkincisi, müddet ve fırsat maʿnalarıdır. Bunda murād evveldür; yaʿnī zamān ve ʿaṣr ve cihān maʿnāsıdır.

﴿ دست بر نان و نمک بکشاده دار ﴾ Eli nān u nemek üzre açığ tut. Yaʿnī; hālķa iṭʿām-ı ıaʿām ile ikrām eyle dimekdür. **Dest**, «el» maʿnāsınadır. Bunda taķdīr edāt-ı mefʿūl ile «dest-rā» demek murāddır. **Ber-nān u nemek**, «ekmek ve tuz üzerine» demek maʿnāsı muķteżā-yı cibāredür. Lākin bu taʿbīr ıaʿām u şarābda müstaʿmeldür. Veyāhūd nān-ı ʿazīz ü idāmda nemek lezīz daļı olur ise iķtidāruñ üzre bezlden ķalma dimege işāretdür. **Bü'ķşāde dār**, evvelde olan bā' zā'idedür; maʿnā «açıķ tūt, imsāk üzre olma» dimekdür. Pes *beyt*:

دست در دامن در بای کرم نه ور نه

تشنه می میری اگر چشمه حیوان شده

maẓmūnınca encāmı mülāhaza ile dāmān-ı baħr-i şehāya dest-nihād olmak gerekdür. Ve eşhiyānuñ pīşvā-
y-ı enām olacağı و رد السلام عليك بحسن الكلام و بذل ھاđīs-i cevāhir-niẓām ve daħı ھاđīs-i Faħru’l-enām ‘aleyhi’s-selāmdan zāhirdür. Zīrā eşhiyā, efđal-i şadaķa olan kebd-i cāy-ı
işbāc (ile) memdūh olmuşlardur. Nitekim افضل الصدقة ان تشبع كبدنا جايعا ھاđīs-i şerīfı bu beyānda
şāhiddür. Lākin eşhiyānuñ bu şevābı iħrāzı riya vü süm’a vü minnet [S325b] ü ğaraż maķūlelerinden
ħalveten mevkūfdur. Böyle olan şehāvete cūd dinmedigi ma’rūfdur. Nitekim H’āce Sā’ibüñ *beyt*:

نیست تا یک از غرضها در سخاوت سود نیست

[Ü318a] در تلاش نام سیم و زر فشاندن شود نیست

beyt-i laṭifinden bu beyāna delālet vardır. Ya'nī; mā-dām seḫāvet aḡrāzdan pāk olmadıkça andan fā'ide yoktur. Pes nāmdārlık telāşıyla sīm ü zer saçmak cūd u seḫā degüldür dimekdir.

﴿ تا تو باشی در زمانه دادگر ﴾ Tā ki zamānede ‘ādil olasın. Ya‘nī; ġarazuñ sıfat-ı ‘adl ile muttastf olmak ise. **Dādger**, «‘adl idici» dimekdür.

﴿ زیر دستانرا نکو دار ای پسر ﴾ İy oğul! Zîr-destāni eyü tüt. **Zîr-destān**, cemʿdür; müfredi zîr-i dest lûgatde «kıl ve cāriye ve hizmetkâr ve reʿāyâ» maʿnâsınadır. Âhîrindeki **râ**, edât-ı mefʿûldür. **Nikû dâr**, «eyü tüt» yaʿnî hâkklarında riʿāyet ü şefkat ü merhâmet eyle dimekdür. Pes nâ-tüvân olan zuʿafâya merhâmet ile şefkat ü nevâzişlerle her birlerine riʿāyet hoşdur. Zîrâ nâ-tüvân dehân-ı şekvâ ile mülk-i mâliki rahnedâr itmek Hʿâce Şâʿibüñ *beyt*:

رحم کن بر ناتوانی کر دهان شکوه مور
میتواند رخنه در ملک سلیمان افکند

beyt-i laṭîfînüñ maẓmûnından âşkârdur. Pes zuʿafâya merhâmetüñ fâʿidesi ve zaḥmetüñ zararî erbâb-ı hükûmete râciʿdür. Nitekim Şâʿib:

بر ضعیفان رحم کردن رحم بر خود کردندست
وای بر شیرى که آتش در نیستان افکند

maẓmûnından bedîdârdur. Ve ʿadâlet-i mezkûrda her şâḥib-i hükûm birdür.

﴿ هرکه در پند خود آمد استوار ﴾ Her kim ki kendi naşîhatinde üstüvâr geldi. Yaʿnî; kendi söziyle ʿâmil oldı. **Her ki**, «her kim ki»; **der-pend-i ḥod**, «kendi naşîhatinde»; **âmed**, «geldi»; **üstüvâr**, beş maʿnâya gelür; muḥkem ü metîn ve muʿtemed ü emîn ve inanmak ve tamâm olmak ve berâber olmak maʿnâlarıdır. Bu maʿnâlar ekserî bu maḳâmda mülâyimdür.

﴿ پند اورا دیگران بندند کار ﴾ Naşîhatine sâʿirler ʿamel bağlarlar. Yaʿnî; sözi müteʿessir olur dimekdür. **Pend-i o-râ**, «anuñ naşîhatine»; **dîgerân**, «sâʿir kimesneler»; **bendend**; bâʿ-i ʿArabî ile «bağlarlar» dimekdür. **Kâr**, «ʿamel» maʿnâsınadır. Pes sözi müʿessir olan nâşîhuñ söziyle ʿâmil olmayan âyet-i şerîfinüñ maẓmûnınca kalb ve semʿ ve başarı maḥtûm [S326a] olanlardan idigi maʿlûmdur. İmdi söz diñlemeyenüñ sözi diñlenmez didikleri Hʿâce Şâʿibüñ *beyt*:

تو که هرکز سخن اهل سخن نشنیدی
چون سخن ساز و سخن فهم و سخندان شده

beytinüñ maẓmûnından mefhûmdur. Nâzımuñ bu kelâmına göre vaʿza izn vardır. Lâkin vaʿzuñ rûkn-i aʿzamı, vâʿiz evvelâ [Ü318b] kendi söziyle ʿâmil olmaḳdur. Ve illâ sözi teʿşîr eylemeyüp kendü sözinden melûl olur. Nitekim nâzım eyidür:

﴿ هرکه از گفتار خود باشد ملول ﴾ Her kim ki kendi sözinden melûl ola. Yaʿnî; kendi pendî ile ʿamel eylemeye.

﴿ قول اورا دیگران نکند قبول ﴾ Anuñ sözini sâʿirler qabûl eylemezler. Pes nâzımuñ bu kelâmında *beyt*:

لا تنه عن خلق و تاتی مثله
عار علیک اذا فعلت عظیم

beytinüñ maẓmûnına îmâ vardır. Ḥattâ Bustānuʿl-ʿÂrifinde eyidür: Vâʿiz vakte munṭazır ve müstemîʿ atamron الناس بالبر و تنسون: rahmete munṭazırdur dinmişdür. Ve İbrâhîm-i Naḥîfî rahimehuʿllâh eyidür:

āyāt-ı celālet-nişānı ما ارید ان اخالفکم الی ما انہیکم ve dahı لم تقولون مالا تفعلون ve dahı انفسکم یا معشر القصاص لا تقصوا قد فقه الله Ömer-i Fārūkuñ misdākınca kaşşāslık mekrūhdur. Ve dahı hāzret-i Ālāhî Fārūkuñ kelāmı üzre kaşşāslıktan nehy vārid olmuştur. Bunlara göre zamāne vā'ızlarınuñ hālî müşkildür. Nitekim *beyt*:

Nedür dirseñ eger kim vā'ızuñ ser-māyesi iy dil!

Dükenmez söz, utanmaz yüzle dā'im diñmez ağlar göz

dimişlerdür. Lākin İbnü Cevzī eyidür: Qavmüñ bilmedigin bildürmek için va'za ızın vardır. Belki 'aşı olanı 'ısyāndan nehy vācibdür. (...)

﴿ هر چه باشد در شریعت ناپسند ﴾ Her ne ki şer'atde nā-ma'kul ola. **Her çi**, «her ne»; **bāşed**, «ola»; **der-şer'at**, «şer'atde» dimekdür. Şer'at, lügatde şuyuñ tarîkına dirler. Pes Hüdānuñ 'ibād için dīn vaz' eylediği tarîk şer'dür. Hattā Faḥr-i 'ālem şallahu 'aleyhi ve sellem hāzretlerine şer'-i İslāmdan su'āl olinmağın cevābında: “Bir nūrdur ki Hūdā anı mü'minüñ kalbine kazf ider. Kalb anuñçün meşrūh olur” diyü buyurmuşdur. 'Alāmeti nedür? didiklerinde buyurmuş ki: “Dār-ı hūlūda inābet ve dār-ı gūrūrdan tecāfī ve mevte gelmezden evvel isti'dāddur, intihā. Ammā ıstılāh-ı meşāyih-ı [S326b] şūfiyyede şer'at ve haqīkatden murād; kişiden murād oldığı vech üzre 'ubūdiyyeti ikāmetdür. Pes şer'at ki kendi için haqīkat olmaya 'ātıledür ve her haqīkat ki kendi için şer'at olmaya o bātıledür diyü tafşıl-i maqālede eyitmişlerdür ki; şer'at, vezā'if-i 'ubūdiyyeti ikāmetdür. Ve haqīkat, müşāhede-i rubūbiyyetdür. Ve dahı şer'at mücāhededür ve ammā haqīkat müşāhededür. Ve bu ikinüñ miyānelerinde tebāyün yokdur. [Ü319a] Zīrā Hūdā-yı müte'āle vüşulüñ tarîkı için zāhir ü bātin vardır. Zāhiri şer'at ve bātinı haqīkatdır. Ve bu iki nesneyi ایاک نعبد و ایاک نستعین cāmi'dür dimişlerdür, intihā. **Nā-pesend**, «nā-ma'kul» dimekdür.

﴿ کرد او هرگز مکرر ای هوشمند ﴾ İy hūşmend! Hergiz anuñ yöresine tolanma. **Gird**, kesr-i kâf-ı 'Acemī ile «degirmi» ma'nāsınadır. Pes müdevverlige dā'ire ve yöre lāzım gelmegin bunda «yöre ve taraf» ma'nası murāddur. Mā-ba'dine muzāfdur. **O**, zamīr-i gā'ibdür; her çi medlūline rāci'dür. **Hergiz**, «aşlā»; **me-gerd**, nehy-i hāzırdur; «tolanma» dimekdür. **İy**, harf-i nidādur. **Hūşmend**, «temeyyüz ü başiret şāhibi» dimekdür. Nitekim Ferheng-i Şu'urī ma'nā-yı mezkūrı istişhādda *beyt*:

بعقل از چند مردم هوشمندست

نداند موی ریش خود که چندست

diyü buyurmuşdur. Pes nāzımuñ bu ta'bīrinde, nā-ma'kulüñ çevresine yakın olma; kande kaldı ki dā'iresinde bulınasın? dimege işāret vardır. Nitekim محارمه حمی و حمی الله hadīs-i şerifinde bu imā zāhirdür. İmdi meslek-i pāk-i tarîk şer'-i tābnākdur. (...)

﴿ تا صواب کار بینی سر بسر ﴾ Tā ki ser-be-ser kārūñ toğrısını göresin.

﴿ بر مراد خود مکن کار ای پسر ﴾ Kendi murāduñ üzre iş eyleme. Ya'nī; bir maşlahatuñ şavāb oldığın görüp bildikden soñra 'inād idüp hılāfına dā'ir murāduña gitme. Zīrā el-haqq^u ehaqq^u bi'l-

mesāciddür. Rābi‘an, kār iderken zikr-i Ḥudādan dūr olmamaqdur. Lākin ol zikr tervīc-i metā‘ için olmamak gerekdür. Sādisen, kārında ḥarām u şübühātın ḥazer itmekdür, intihā. Ve ṭaleb-i kūt-ı ḥalāl her müslime farzdur. Nitekim ḥazret-i Luḡmān oğlına eyitmiş ki: İy oğul! Kesb-i ḥalāl ile müste‘īn ol ki ḥalka muḥtāc olmayasın. Zīrā nāsa iḥtiyāc, riḳḳat-i dīn ve za‘f-ı ‘aql ve zihāb-ı mürüvveti mūrīşdür. Ve nāsuñ seni istiḥfāfını müstelzimdür, intihā. [Ü320b] Ve Aḥmed-i Ḥanbelden su’āl itdiler ki: “Rızḳum beni bulur diyü zāviye-niṣīn-i beyt olana ne buyurursın?” Eyitdi kim: “Ol kimse ان الله جعل رزقى تحت ظل ان الله جعل رزقى تحت ظل رحى ḥadīs-i şerīfinden ḡāfil ve ‘āleme cāhil imiş” intihā. Ve daḡı Ebū Süleymān-ı Dārānī eyidür: Bizüm yanumuzda ‘ibādet, pāyın kendüye çeküp āḡarı kendü için it‘ābdan degöldür. Belki iki raḡīf iktisāb ba‘dehū ‘ibādete mübāderetdür, intihā. Qaldı ki ṭaleb-i kūt-ı ḥalāle itirāz ile: “Zamānede ḥalālden ancaḡ āb-ı Fūrāt [S328b] ile ḡaṣṣ ü nebāt qaldı; mā‘adāsını mu‘āmelāt-ı fāsīde fesāda virdi” diyü şübühāt u ḥarāmı tevesṣū‘ iden cāhildür. Zīrā ḥadīs-i şerīfde: الحلال بين و الحرام بين و بينهما مشبهات vārid olmuşdur dimişlerdür. Ve ṭaleb-i kūt-ı ḥalāl ḡaḡḡında eḡādīs-i beşāret-me’āl çokdur. (...) Binā’en ‘aleyh nāzım Müferriḡātında eyidür, *naẓm*:

حلالی کن طلب کر مرد راهی
 که بینی از حرامش صد تباهی
 کند قوت حرامت مفلس زار
 حلالی طیبی از کدی بدست آر
 حلالی خواه کان بر تو حلالست
 تنت را از حرام او وبالست
 حلالی کو بحق راحت نماید
 که از رزق حرامت جان بکاهد
 حلالی جوی تانت پاک سازی
 مقام خویش بر افلاک سازی
 حلالی کن طلب کاندر کلامست
 بتر از چیزها قوت حرامست
 حلالی کن بدست ای مرد هشیار
 چو مردان از حرامش تن نکه دار
 حلالی کن طلب علمت شود بیش
 که از ترک حرام آسوده درویش
 حلالی کو ز کسب و کار باشد
 تن از قوت حرامش زار باشد
 حلالی کن طلب یوسف بدوران
 اگر خواهی خلاص از بند زندان

intihā. Yūsuf, nām-ı nāzımdur. (...)

﴿ سومین رفتن بود بر راه راست ﴾ Üçüncüsü tarîk-ı müstaķīm üzre gitmekdür. Bundan murād tarîk-ı Hâķķdur. Pes bu tarîk, tarîk-ı Muḥammediden ve rāh-ı şer'-i Aḥmediden 'ibāretdür. Ve bu tarîk üzre hidāyet talebiyle herkes me'mürdür. Nitekim her bār اهدنا الصراط المستقیم āyet-i şerīfiyle du'ā Kūr'ān-ı kerimde meşhūrdur. Ve rāh-ı rāsta gitmek rāstlar kārıdır. Nitekim *beyt*:

در جهان از راستی نبود بزرگانرا کریز

[Ü321a] دستگیری از عصا بهتر نباشد پیرا

beyt-i dil-ārāsından ma'nā hüveydādur. Ve rāh-ı rāsta gitmek hidāyet-i Hâķķa mevķūfdur. Yoķsa [S329a] zūr ile delāletūñ bī-fā'ide oldığı ma'rūfdur. Nitekim *beyt*:

براه راست دلالت مکن مرا صائب

که زه بخویش نکیرد کمان پر زورم

beyt-i laṭīfnde bu ma'nāya īmā vardur. Qaldı ki Nābī-i merḥūmuñ *beyt*:

Kemān-mişāl kec ol maķşaduñ teķārrüb ise

Atılma oķ gibi yābāne istiķāmetile

diyü buyurdığı ḥāl-i 'aşr u zamānını beyān zımnındadır; yoķsa egrilik ve egri yürimek mezmūm idigi ma'lūmdur.

﴿ رستگارست آنکه این خصلت وراست ﴾ Kırtulmuş ve nīkūkārdur ol kimse; anuñ için bir ḥaşlet vardur. İn kelimesiyle işāret eşyā'-i selāse-i mezkūreye, mezkūr itibārıyla olmaķ yāḥod qarībi olan ḥaşlet-i selāse olmaķ muḥtemeldür. V'u-rā, «o-rā» kelimesinden muḥaffefdür; ma'nāsı «aña» dimekdür. St, edāt-ı haberdür yāḥod «hest» ma'nāsınadır. Pes eşyā'-i selāseye dā'ir ḥışāl üzre olanuñ dāreynde selāmeti ve nīkūkārılığı zāhir ü bāhirdür. Pes eşyā'-i selāseye 'āmil olana birkaç şart-ı lāzıme vardur. Ez-cümle tevāzu'-pīşe olmaķ gerekdür dimegi īmā için nāzım sābıka tezyīl birle eyidür:

﴿ کر تواضع پیشه گیری ای جوان ﴾ İy yigit! Eger tevāzu'ı şan'at u 'ādet tutar iseñ dimekdür. Pes bunda ḥıṭābı cüvāna eyledigi tevāzu', herkes ḥaķķında lāzımdur. Lākin 'unfūvān-ı şebābetde iken tevāzu' herkesuñ kārı olmadığın īmā nüktesi içündür.

﴿ دوست دارند همه خلق جهان ﴾ Dükeli ḥaķķ-ı cihān seni dost tutarlar dimekdür. Pes nāzımuñ bu kelāmı fevā'id-i tevāzu'dan ba'zıdır; zīrā tevāzu'uñ fevā'idi çokdur. Nitekim Ḥ'āce Şā'ibūñ *beyt*:

افتادگی بر آورد از خاک دانه را

کردن کشی بخاک نشاند نشانه را

beyt-i laṭīfı tevāzu'uñ luṭfine ve muķābili olan kibrūñ zararına bürhāndur. Ya'nī; tevāzu', dāneye nümāyiş ile riḥat virür. Ve daḥı kibr itmek hedefi ḥāke düşürüp zillet virür dimekdür. Qaldı ki ehl-i dünyāya, dünyā için ser-fürülüķ tevāzu' sayılmaz; belki aña lisān-ı şer'-de züill dirler. Anuñcün nāzım bunda nehy ile naşīḥat idüp buyurur:

﴿ سر مکن در پیش دنیا دار پست ﴾ Ğanī vü mālđār öñinde başuñı alçaķ itme. Ya'nī; tevāzu'āne anlara ser-fürü kılma dimekdür. Ser, «baş»; mekon, «eyleme»; der-pīş-i dünyādār, «dunyā tıttıcı ya'nī

māldāruñ öñinde» dimekdür. Dünyādār, terkīb-i tavşīfidür; [S329b] dünyā tıttıcı, maldār dimekdür. **Pest**, «alçaq» dimekdür. Hülāsa; maldārāna baş egme! dimekdür. Luğat-i ‘Arabīde buña teṭa’ṭa’ dirler.

﴿ وړ كنى بى شك رود دینت ز دست ﴾ Ve eger baş eger iseñ bilā-şekk dīnūñ elden gider. Ya‘nī; sende kemāl-i [Ü321b] īmān bulunmuş olmaz dimekdür. ḥadīs-i şerīfine telmīḥ vardır. İmdi dünyā için dünyādārāna temelluḡ cā’iz degüldür. Ve zamānede kendülere olan tezellül ü temelluḡdan bir fā’ide yokdur. Nitekim H‘āce Şā’ib eyidür, *beyt*:

داشت صائب چاره جویی در بدر دائم مرا

پشت بر دیوار راحت دارم از بیچارگی

Ya‘nī; çāre-cūyluḡ beni hemīşe der-be-der kıldı. Şöyle ki bī-çārelikden dīvār-ı rāḥata arḡa virürem dimekdür. Murād; cihānda çāre-cūya imdād ider ehl-i himmet ḡalmadı dimekdür. Nitekim nāzım Müferriḡātında eyidür, *naẓm*:

نمانده در بزرگان همت جود

همیشه در زبان خلق از پی سود

نمانده در مسلمانان دیانت

مسلمانان همه اندر خیانت

نمانده راستی در اهل اسلام

طلبکار حرام از صبح تا شام

نمانده قاضیان را دین پرستی

همه در عجب و در پندار و مستی

نمانده عدل در شاهان دیندار

ز عالم شد مسلمانی بیکبار

نمانده فقر درویشی بدرویش

بسی از اهل دنیا حرصشان بیش

نمانده عالمانرا علم و کردار

همه از بهر دنیا بسته زنار

intihā. Zūnnār, her bir örilen ip ve iplik ve ibrişim mişllü nesnelere ‘āmmıdır. Ve ḡuşuşıyle ruhḡān u kıssīslerūñ miyānelerine bağladıkları ipdür ki on iki ḡavāriyyūna işāret için anda on iki yirinde on iki düğümi vardır. Şu‘arānuñ zūlf-i ḡūbānı zūnnāra teşbīḥ eyledigi, mürġ-ı dil-i ‘uşşāḡı muḡkem bağladıkları içündür, kezā fī-Ferheng-i Şu‘ūrī. Ammā Ta‘rīfātda zıkr olındığı üzre; zūnnār, bir ibrişimden ma‘mūl ḡaytdır ki anı zımmīler vasaṭlarına bağlarlar. Ve eger şūfdan ma‘mūl olursa aña «küştīc» dirler. Bu zūnnāruñ ḡayrıdır. Ve dünyāya heveskārı zūnnār ile ta‘bīr, dünyāya muḡkem bel bağladıkları ḡasebiyle isti‘āredür. İmdi dünyādār olana bāḡup anlara ḡasret-keş olmamak gerekdür. Zīrā dünyādārāna esbāb-ı cihāndan ḡalan, ancak ḡasretdür. Nitekim nāzım ḡarīben bu ma‘nāya işāret buyuracaḡdur. Böyle olan kimse[S330a]leri ṭama‘ zımnında medḡa cevāz yokdur. Anuñçün nāzım eyidür:

﴿ بهر زر مستای دنیا دار را ﴾ Altun için zengini medh eyleme. **Behr-i zer**, «altun akça için»; **me'stāy**, nehy-i hāzırdur; «öğme» dimekdür. Maşdarı öğmek ma'nāsına sūtüdüdür. **Dünyādār**, ma'rūfdur. **Rā**, edāt-ı mef'uldür. Pes muhibb-i dünyā olmağ fışkı müstelzim olmağın, fāşıkı medha izn yokdur. Nitekim اهتز العرش اذا مدح الفاسق غضب الرب و لذلك اهتز العرش dimişlerdür. Ve hāzret-i Mevlānā Meşnevīde, *meşnevī*:

می بلرزد عرش از مدح شقی

بد کمان کردد ز مدحش متقی

beytiyle bu ma'nāya imā buyurmuşdur. Ya'nī; medh-i şakīden 'arş lerzān ve anı medhden müttakī olan bed-gümān olur; [Ü322a] ya'nī müttakī olan kimesnenün mādiha sū'-i zann eylemesine bā'is olur; bu dağı bir günāh-ı dīgerdür dimekdür. Belki muṭlaqā bir kimesne haddinden ziyāde mübālağa ile medh eylemek memdūhuñ helākine sebebdür. Zīrā çok kerre memdūhı 'ucb varṭasına vuḳū'a muḳzī olur. Binā'en 'aleyh nehyinde işbu ḥadīs-i şerīf vārid olmuşdur: عن ابی موسی انه قال قال رسول الله لقد اهلكتم او قطعتم ظهر الرجل یعنی المطری فی المدحه «Ya'nī» lafz-ı racūli tefsīr içündür. «Muṭrā» binā'-i mechūl üzere ḥadden ziyāde memdūh ma'nāsınadır. İmdi mübtelā-yı faḳr olan ehl-i ma'rifete cāy-ı selāmet, mā-ḳasema'llāha her ne ise ḳanā'at ve bu ḳıṭ'a üzere şükr-i ni'am-ı ma'rifet itmekdür:

رضیا قسمه الجبار فیما

لنا علم و للاعداء مال

فان مال یعنی عن قریب

و علم الله باق لایزال

Ḳaldı ki aḡniyāyı ṭama' zımnında medhden bir fā'ide 'ā'ide olacağı evvelen mevhūmdur. Farāzan saña bir cā'ize-i medh virseler yine maḳbūl degüldür. Nitekim nāzım eyidür:

﴿ تاچه خواهی کردن این مردار را ﴾ Tā bu murdārı ne itmek istersin. Ya'nī; ne itseñ gerek?

dimekdür. **Tā**, bunda taḥzīr içündür; «el-ḥazer» dimekdür. **Çi ḥ'āhī kerdēn**, «aceb ne itmek dilersin?». Bu mişllü terkībde mecmū'a birden böyle ma'nā virilür. Me'ālde; «ne itseñ gerek?» dimekdür. **İn murdār-rā**, «bu murdārı» dimekdür. Murdār cem'dür; bunda جيفة الدنيا mażmūnına imā vardır. Ma'lūm ola ki nāzımuñ kelāmında in ile işāret olınan altun, dünyādan 'ibāretdür. Lākin zerden murād māl oldığı ḥasebiyle, māl kendi zātında mezmūm degüldür. Zīrā kendü ile niçe fevā'id-i dīniyye [S330b] ḥāşıldur. İmdi māl vebāl oldığı, ḥaḳḳından gelemeyüp anuñla vebālde bulınmağa sa'y idenler içündür. İmdi bu ma'nāca olan ḡinādan faḳr evlādur ve faḳīr-i şābir anlardan bir ḥācet itmemek, zübde-i ḥāl-i merd-i Ḥudādur. Böyle olan faḳīr, himmet-baḥş-ı cümle-i aḡniyādur. Nitekim *beyt*:

فقیری پیشه کن از اغنیا حاجت مخواه اینجا

که از درویش همت میکند در یوزه شاه اینجا

beyti bu beyānda hüveydādur. Ve dağı ḥaḳḳuñ 'aṭıyyesi, çirk-āb-ı dünyā oldığı ve murdārdan bir nesne ḥāşıl olmadığına nāzımuñ kelāmında işāret vardır. İmdi ni'meti Ḥālīḳdan istemelü; ḥaḳḳdan istemelü

miḳdār-ı kifāyet aḥz ve maḥall-i şerʿisine şarf itmekdür. Ve daḥı aḡniyāda ḡaflet ü hırş u ṭamaʿ ḡālib ve kimesneye nefʿ ü luṭfları olmamaḡın emvāt ḥükmindedür diyü *nazm*:

اذا يخل الصديق عليك يوما
بشيء انت محتاج اليه
فصور شخصه فى الارض قبرا
و قل قدما لا اسفا عليه

buyurmuşlardır. Lākin ḥaḳḳ-ı ḥaḳīḳ olan aḡniyā mürde-dilān oldukları için meyyitātdan ʿadd olunmuşlardır. Zīrā ḳalbi meyyit olan meyyit ḥükmindedür. Nitekim Ḥʿāce Şāʿib eyidür, *beyt*:

شرم از حضور مرده دلان جهان مکن
این قوم را تصور سنک مزار کن

Yaʿnī; cihanuñ mürde-dilleri ḥuzūrından şerm itmeyüp anları seng-i mezār taşavvur eyle dimekdür. Murād; cemādāt yirine koy dimek olur. İmdi aḡniyā ile mücālese dostluḡdan ḥazer gerekdür. Zīrā şoḥbet müʿeşşir ü ṭabʿat-sārīḳdur. Anlar ile muḥālaṭa mā-ḳasemaʿllāha ʿadem-i ḳanāʿati ve ḡünā-ḡün mażarratı mūrīşdür. Pes ülfet zinde-dilān ile gerekdür. Anlardan fevāʿid-i uḥrevī ḥāşıl olur ve anlar gibi zinde-dil olmak devleti ele gelür. Zīrā seyl deryāya ḳarışmak ile deryā olur ve dāne [S331b] mezraʿa-i pāke düşmek ile kendüden sebze vü kişt ü menāfiʿ peydā olur. Ve müm ü heyzüm nāra muḳārenetle şurʿledār-ı envār olur ve sürme göze muḳārenet ile bāʿiṣ-i bīniş-i başar olur. Ḳaldı ki böyle maʿānīyi cāmīʿ zinde-dil bulmayana hem-şoḥbet ancaḳ Ḳurʿān-ı şerīf ve eḥādīs-i münīfdür dimişlerdür. Zīrā Ḳurʿān u ḥadīşde lezzet bulamayan zinde-dilān didigimiz evliyā şoḥbetinden daḥı lezzet bulamaz dimişlerdür. Pes nāzım muḥāṭabı ilzām için beyt-i sābīḳ ʿaḳabinde buyurur ki;

﴿ مال و زر بیحد بدست آورده کیر ﴾ Ḥaddsiz māl ve altunı ele getirilmiş farz eyle. **Māl ü zer**, «māl ve altunı» dimekdür. Zer kelimesi, ʿaṭfuʿl-ḥāşş ʿaleʿl-ʿāmm ḳāʿidesince māl üzerine maʿtūfdur. **Bī-ḥadd**, «ḥaddsiz» dimekdür. Bu kelime māl ü zeruñ şıfatıdır. **Be-dest**, evvelinde [Ü323b] olan bāʿ harfı şıladur. Dest el maʿnāsınadır; be-dest [Ü325a]²⁸ «ele» dimekdür. **Āverde**, ism-i mefʿuldür. Götürilmiş dimekdür. **Gīr**, kesr-i kāf-ı ʿAcemī ile «ṭut» dimekdür; yaʿnī «farz eyle».

﴿ بعد از آن در کور حسرت برده کیر ﴾ Andan şoñra ḳabr-i ḥasrete iletmış farz eyle. **Gūr-ı ḥasret**, «ḥasret ḳabri» dimekdür. Gūr, kelimesinuñ ḥasrete izāfeti beyāniyyedür. Ve bunda mübālaḡa vardır. Murād; ḳabrüñ dār-ı ḥasret oldıḡın beyāndur. Ḥasret, elsine-i selāşede müstaʿmeldür. Maʿnāsı nedāmet ve bir nesnenüñ fevtinden veyā ʿadem-i vuşūlinden ḡuşşa ile teʿessüf çekmege dirler. Ḥattā Fārisīde munbar ṭolmasına «ḥasretüʿl-mülük» didiklerinüñ vech-i tesmiyesinde, mülük aşcı dükkānına varmak imkânında olmadıḡından dimişlerdür. **Bürde**, ism-i mefʿuldür; «iletmış» dimekdür. Zāmm-ı bāʿ-ı aşliyye ile «bürden»den müştakḳdur. Maʿlūm ola ki maḳūlelerini gül-fürüşāna teşbīh idüp encām-ı kār gül-fürüşānuñ elinde ḳalan ancaḳ gülden ḥār oldıḡı gibi māl-dārān için ḳalan ancaḳ ḥasretdür. Nitekim Ḥʿāce Şāʿibuñ *beyt*:

²⁸ Ü323bʼde tek satır mevcuttur. Ü324a ve Ü324b boştur.

ز اسباب جهان حسرت بدنیا دار می ماند

ز کل آخر بدست کل فروشان خار می ماند

beyt-i laṭīfī bu maʿnāya šāhiddür. İmdi nāzımuñ bu kelāmı بـمـجال لیس فرض المحال کـāʿidesince farz-ı muḥāle mebnīdür. Zīrā mālını ḳabre götürmüş yokdur ve götürmek mümkün degüldür. Ve bu güne farzıyyāt, ilzām içündür. (...[S332a, Ü325b]...) Ḥattā dūnyādārānı tezek yuvalayan siyāh böcūge teşbīh itmişlerdür. Şöyle; mezkūr böcek yuvaladığı tezegi delüğine tıkamayup, taşrada terk idüp, yalnızca dāḥil-i sūrāḥ ve çekdigi zahmete peşimān olur. Ke-zālik dūnyādārānuñ cemʿ itdigi çirk-āb-ı dūnyā yirinde ḳalmayup, kendüsi yalnızca dāḥil-i sūrāḥ-ı ḳabr-i ḥasret olur. dimişlerdür. İmdi mülk ü mālūñ meʿālī maʿlūmdur. İcānet-i ḥāl ve rufekāt-i der-meʿāl için ḥüsn-i aʿmālūñ lüzūmı meczūmdur. Nitekim Müslim ve Buḥārī ittifāklarıyla Ḥazret-i Enes raḫıyaʿllāhu ʿanhudan mervīdür: قال قال رسول الله يتبع الميت ثلثة: اهله و ماله و عمله فيرجع اثنان و يبقى واحد يرجع اهله و ماله و يبقى عمله Yaʿnī; meyyitūñ hengām-ı fevt ü eyyām-ı mevtinde eñsesine üç şeyʿ tābīʿ u pey-rev olur ki anlar ehli ve mālī ve ʿamelidür. Der-ḥāl anlardan ikisi rucūʿ-sāz ve biri bāḳī [S332b] vü meyyite hem-rāḥ-ı dil-nevāz olur. Pes düşen ehl ile mālī ve ḳalan ʿamelidür dimekdür.

Der-Beyān-ı Zikr-i Ḥaḳḳ²⁹

﴿ باش دائم ای پسر با یاد حق ﴾ İy oğul! Dāʿimā Ḥaḳḳ teʿālānuñ zikri ile ol. **Dāʿim**, maʿrūfdür. **İy püser**, «iy oğul»; **bā-yād-ı Ḥaḳḳ**, «Ḥaḳḳ teʿālāyı añmak ile» Murād; zikruʿllāhdur. Bu mısrāʿ muḳaddem-i cezādur; şartı mısrāʿ-ı sānīdür.

﴿ کر خبرداری و عدل و داد حق ﴾ Eger Ḥaḳḳuñ ʿadl ü dādından ḥaberdār iseñ. Murād; من عمل āyet-i şerīfinūñ manṭūḳından āgāḥ iseñ dimekdür. İmdi iḥrāz-ı şevāb-ı bī-ḥisāb eylemek isteyen yād-ı Ḥaḳḳ ile meşgūl olmaḳ gerekdür. Zīrā āyet-i şerīfde mezkūr olmuştur. Ve feẓāʿil-i zikr ḥaḳḳında eḥādīs-i keşīre vardur. (...[S333a, Ü326a]...) Ve zikrde efḍal olan zikr-i ḥafīdür. Yoksa zamāne mürāyīlerinūñ mecālis-i ehl-i dūnyāda sūbḥa-gerdān u leb-cūnbān oldukları maḳbūl degüldür. Nitekim bu mişllü şüret uğrılarınıñ tesbīḥini beyānda *beyt*:

زاهد چه بلایی تو که این رشته تسبیح

از دست تو سوراخ بسوراخ کریزد

diyü buyurmuşlardır. Ve ḥuşūşā ki ḥulūş ile riyāyı fark iden kāmiller yanında tesbīḥ ʿarz idüp celb-i dūnyāya dām-sāz olanların ḥaḳḳında *beyt*:

مرغ زیرک دام را در دانه می بینند عیان

در حضور مو شکافان سبجه کردانی مکن

²⁹ Başlık Ü nüshasında Der-Şıfāt-ı Zikr-i Ḥaḳḳ şeklindedir.

Ya'nî; mürğ-ı zîrek dāneden dāmı 'ıyān görürler. İmdi mü-şikāfān yanında sübhā-gerdānlık eyleme diyü tenbîh buyurmuşlardır. İmdi tesbîh ü tehlîl ancak 'adl ü dād-ı Haqqı hâtırâ ihtâr ve hülûş-ı qalb ile evrād u ezkârdan 'ibāretdür. (...[Ü326b]...)

﴿ زنده دار از ذکر صبح و شام را ﴾ Zikru'llāhdan şubh u mesāyı diri tut. Ya'nî; ihyā eyle. **Zinde**, kesr ile «diri» dimekdür. **Dār**, emrdür; «tut» dimekdür. **Ez-zikr**, «zikru'llāhdan» dimekdür. **Şubh**, ma'rûfdur. Luğat-i 'Arabîde evkâtı on dört ism ile tevsîm eylemişlerdür. Şöyle; yevmüñ evveli fecr, ba'dehü subh, ba'dehü [S333b] gādā, ba'dehü bükre, ba'dehü duhā, ba'dehü daḥve, ba'dehü hecîr, ba'dehü zuhr, ba'dehü zāhîr, ba'dehü revāh, ba'dehü 'aşr, ba'dehü mesā ki āḥîr-i nehārdur; ba'dehü eccl ki gürübüñ kabîlîdür; ba'dehü 'ışā'-i evvel, ba'dehü 'ışā'-i ahîrdür. **U(ve) şām**, şubh üzerine ma'fûfdur. **Rā**, edât-ı mef'ûldür.

﴿ در تغافل مکزانیام را ﴾ Tegāfûlde geçürme eyyāmı. **Der-tegāfûl**, «tegāfûlde» dimekdür. Tegāfûl, tefā'ul vezni üzre maşdardur; 'Arabîdür; «kendü kendüyi gâfil göstermek» ma'nâsınadır. Murād; gâfletde dimekdür. **Me'gzerān**, «şavuşdurma» ma'nâsına nehy-i hâzırdur. Maşdarı «güzerāniden»dür; şavuşdurmak ma'nâsına müte'addîdür. **Eyyām-rā**, «günleri» dimekdür. Eyyām cem'dür; müfredi «yevm»dür. Yevm, 'Arabîdür; luğatde muṭlak vakt ma'nâsınadır. Ammā işṭilāḥ-ı 'örfde, tülû'-ı şemsden gürûba dek olan zamāna dirler. Ve 'örf-i şer'ede, tülû'-ı fecr-i şâniden gürûb-ı şemse dek olan vakte dirler. İmdi nāzımuñ mışrā'-ı evvelde şubh u şām zikri, devām-ı evkât-ı eyyām içündür. Yāḥod 'âdet-i vezā'if-i ekser-i zākîrîn üzre şabāḥ ile ahşamda zikre müdāvim ol dimekdür. Zîrā bu iki vakt melā'ike-i nehār ile melā'ike-i mesānuñ ictimā'ları vakti olmağın, evkât-ı müstecābü'd-de'āvātdandur dimişlerdür. (...[S334a, Ü327a]...) Ve daḥı nāzımuñ mışrā'-ı şânide “eyyāmı tegāfûlde geçürme” didiği, zikru'llāhdan gâfil ü mütekâsil olmayup, zikri neşât üzre eyle dimege işāretdür. Nitekim ḥazret-i Cüneyd eyitmiş ki: Maḥabbetüñ 'alāmeti, zikru'llāhda devām-ı neşâtıdır. Ya'nî; bedenine her ne kadar fütür gelir ise qalbine fütür gelmemekdür. Zîrā zākire maḥbûbı keselden eḥabb gerekdür, intihā.

﴿ یاد حق آمد غذا این روح را ﴾ Zikru'llāh bu [Ü327b] rûḥa gıdā geldi. Ya'nî; gıdā-yı cāndur. **Gıdā**, luğat-i 'Arabîde kesr-i ğayn-ı mu'ceme ve zāl-i mu'ceme ile «ta'ām-ı şarābdan kişün gıdālandığı nesne»ye dirler. Lākin Fārisîde dāl-i mühmele iledür. **În rûḥ-rā**, «bu rûḥa» dimekdür. İn lafzıyle işāret, ğayr-ı maḥsûsı maḥsûs menzilesine tenzîl kâ'idisine mebnîdür. Ma'lûm ola ki lezzât idrākâte tâbî'dür. Ve insān bir ālāy kuvā vü ğarāyız ü ṭabāyı cāmî'dür ve bunlaruñ her biri için bir lezzet vardır. Ol ğarāyız, mukteżā-yı ṭabî'î üzre umûrlardan bir umûr için maḥlûḳdur. Meselā şehvet-i ta'āmuñ ğarîzesi, kıvām-ı bedene bâ'is olan gıdāyı taḥşîl içündür. Ve şehvet-i nazaruñ ğarîzesi, ru'yetde olan başar lezzeti içündür. Lezzet-i sem' ke-zālıkdür. Ve qalbde daḥı bir ğarîze vardır ki aña gāḥ nûr-ı İlāhî ve gāḥ 'aql ve gāḥ başîret-i bâṭına ve gāḥ nûr-ı îmān ü yakîn tesmiye iderler. Ve bu ğarîze-i qalb bi-ṭab'ihā ḥaḳāyık-ı umûrı 'ilm için ḥalk olunmuşdur. Pes mukteżā-yı ṭabî'îsi 'ilm ü ma'rifetdür ve qalbdaki lezzet budur. Ve lezzet-i qalbî, ḥavâss-ı bâṭınî ile derk olunur. Ve bu ma'ânî-i bâṭına, zevk-ı selîm şāḥiblerinüñdür. Ve bu lezzât, lezzât-ı zāhireden nāzûkdür. Ve bu mertebe 'ārifîn ü vâsılîn içündür ki anlar tebettûl ü teferrüd ve zikr ü fikr ile biḥār-ı ma'rifete münkāmîs olup, lezzât-ı zāhîriden keff-i yed idüp, ri'yâz-ı ma'rifetden mütemettîr

ve kaçf-ı semerātile müntefic olup, hıyāz-ı maḥabbetden nūş-ı āb-ı ḥayāt-ı ebedī iderler. Zīrā mevt, maʿrifetullāhuñ maḥallini ʿadem idemez. Ve maḥall-i maʿrifet ise rūḥdan ʿibāret ḳalb-i selīmdür. Ve rūḥuñ ğıdāsı, nişāne-i maʿrifet ve bāʿis-i neşv ü nemā-yı maḥabbet olan zıkrı'llāhdur. Ve lezzeti maʿrifete ve cemālu'llāha vuşlat lezzetidür ki, cümle lezzātuñ aʿlāsıdır ve her bir dil-i mecrūhuñ merhem ü devāsıdır. [S334b] Nitekim nāzım eyidür:

﴿ مرهم آمد این دل مجروح را ﴾ Bu ḳalb-i mecrūḥa merhem geldi. **Merhem**, «devā ve ilāc»dur. **Āmed**, «geldi» dimekdür. **Īn dil-i mecrūḥ-rā**, «bu mecrūḥ olan ḳalbe» dimekdür. Ḳalbūñ mecrūḥıyyeti, maḥabbetu'llāhda ḳuşūr ve maḥabbeti mā-sivāya maḥşūr eylemekden ʿibāretdür. Zīrā zıkr ü fikre bāʿis olan maḥabbet-i kāmile-i Ḥaḳḳ, sāḥa-i beyzā'-i ḳalbden dirāḥt-ı maḥabbet-i mā-sivāyı ḳalʿ ve ʿurūḳ-ı ʿalā'ıḳ-ı dünyeviyyeyi kaçf ile olur. Şöyle ki; ḳalb ibtidā'-i ḥılḳatinden ḳābil-i ḥudā vü müsteʿidd-i şafā ve ḥāne-i maḥabbet ü nazargāh-ı Ḥudādur. Her kaçan maḥabbet-i mā-sivā ile mükedder ü muğberr olsa, nazar-ı rahmetden maṭrūḥ ve zaḥm-ı dūrī ile mecrūḥ olup merheme muḥtāc olur. Pes merhem-i bür'ü's-sāʿa zıkrı'llāh idigi bī-iştibāhdur. Ol zamān ḳalb muṭma'in olur ve şıḥḥat bulur. Nitekim لا يذكر الله bu beyānda kāfīdür. Ve nāzımuñ merhem taʿbīrinde; sālik-i mecrūḥ bir pīr-i hünermendūñ terbiyesine muḥtācdur dimege imā vardır. Zīrā zaḥmdārāna merhem-sāy olmak üstād-ı kārđān işi olduğı müstağnin ʿani'l-beyāndur. Pes nāzım zıkr-i ḳalb ile zākir [Ü328a] olanuñ nişānın ve fevā'idin beyān için eyidür:

﴿ یاد حق کر مونس جانت بود ﴾ Zıkrı'llāh eger senūñ cānuña mūnis ola. **Yād-ı Ḥaḳḳ**, «zıkrı'llāh»; **ger**, «eger»; **mūnis-i cānet**, «cānuña mūnis» dimekdür. Mūnis, «öğür» dimekdür ki Fārisīde andan «ğamm-gūsār» ile taʿbīr iderler. **Buved**, «ola» dimekdür. Yaʿnī; zıkrı'llāhdan eger cānuña lezzet-i üns ḥāşıl olur ise:

﴿ کی هوای کاخ و ایوانت بود ﴾ Saña kaçan kūşḳ ü çardaḳ maḥabbeti ola?. Yaʿnī; olmaz dimekdür. **Key**, «kaçan»; **hevā-yı kāḥ**, «kūşḳ maḥabbeti» dimekdür. **U(ve) eyvān**, kāḥ üzerine maʿṭūfdur; kesr-i hemze ile ʿArabī, feth ile Fārisīdür; maʿnāsı maʿrūfdur. Āḥirindeki tā, ḥıṭāb içündür. **Buved**, «ola» dimekdür. Ḥulāşa; zıkrı'llāh mūnis-i cānı olanda zīnet-i dünyāya meyl ü maḥabbet bulunmaz dimekdür. Nāzımuñ kāḥ u eyvān zıkrı, ekşer bunlarda zīnet der-kār olduğına binā'endür. İmdi dā'imā cānı zıkrı'llāh ile enīs eylemek gerekdür. Zīrā:

﴿ کر زمانی غافل از رحمان شوی ﴾ Eger bir zamān Ḥudādan ğāfil olasın. Yaʿnī; fikr-i müsem mādan dūr ve zıkr-i esmādan mehcūr olasın. **Ger**, edāt-ı şartdur. **Zamānī**, «bir ān» dimekdür. Zīrā zamān, ān maʿnāsınadır; āḥirindeki yā vaḥdet içündür. **Ġāfil**, [S335a] «ğaflet idici»; **ez-Raḥmān**, «Raḥmāndan» dimekdür. Raḥmān, şıfat-ı müşebbehedür ve ʿinde'l-baʿz şīğa-i mübālağadandır. Ve rahīmden eblağdur. Zīrā raḥmān ancak Mün'im-i ḥaḳīḳīde müstaʿmeldür. لا زلت رحمانا diyenler teʿannüd itmişlerdür. Ve lafz-ı raḥmān, ʿinde'l-cumhūr ʿArabīdür. Ve ʿinde'l-baʿz fi'l-aşl ʿArabīdür. Zīrā Ḳureyş, kelime-i raḥmānı istimāʿlarında وما الرحمن؛ diyü suʿāl eylemişlerdür. Baʿdehü ʿArabıyyede istiʿmāl eylemişlerdür dimişlerdür. Lākin istiʿmād cumhūruñ ḳavlinedür. Ve maʿnāsı; dünyāda herkesuñ rızḳını

virici ve āhıretde mü'minîn ü mü'mināta rahmet idici dimekdür. Ve ba'zı muhakkıķın 'indinde rahmān, 'azamet-i rahmete; rahīm, devām-ı rahmete dālldür. Yāhōd ma'nā-yı rahmān, istendikte içtā ider; ma'nā-yı rahīm, istemeyene gāḍab ider dimekdür. Yāhōd rahmān u rahīm, rahmeti çok ve in'āmına ḥadd yok dimekdür dimişlerdür. **Şevī**, feth-i şīn ve kesr-i vāv ve sükün-ı yā' ile muzāri'uñ muḥāṭabıdır; «olasın» dimekdür. İmdi nāzımuñ rahmāndan gāfıl olasıñ didiği, zıkr-i Ḥaḳḳdan gāflet idesin dimekdür. Zīrā zıkrden gāflet, Ḥudāyı añmaḳdan gāfletüñ 'aynıdır. Ve bu vechile gāfıl maḥabbetu'llāhda bulunmaz. Zīrā muḥıbb olan maḥbūbınuñ her bār zıkrinde vü fikrinde gerekdür. Nitekim من احب شيئا اكثر من ذكره ومن ذكر مايتعلق به dimişlerdür. İmdi her ne zamān zıkr-i Rahmāndan gāfıl olsañ:

﴿ اندر آن دم همدم شیطان شوی ﴾ Ol demde şeytānuñ muşāḥibi [Ü328b] ve işi olursın. Bunda gāyet-i terḥīb vardır. Zīrā; şeytān saña muşāḥib olur dimeyüp, sen şeytāna muşāḥib olursın dimek çok sözdür. Şeytāndan murād; herkese musallaṭ olandır. Ve bunda ḥannās-ı pūr-vesvās murād olunmaḳ zāhirdür. Zīrā ḥāne-i ḳalbinı kemāl-i vechi üzre nūr-ı tā'āt ile pūr-nūr eylemeyenüñ derūnında mel'ūn-ı mesfūr mekān-sāz olur. Kaçan ḳul اعوذ بالله من الشيطان الرجيم dise ḥāne-i ḳalbden siñerek taşra ḳapuya varup, isti'āzenüñ ḥıtāmında yeñe siñerek yirine gelür dimişlerdür. Pes nāzımuñ bu beytinüñ ma'nası bu beyāndan zāhirdür. İmdi şeytāndan ḥalāşuñ çāresi, her zamān zıkr-i Rahmāna müdāvim olmaḳdır. Bu vechile devām-ı zıkr lisān ile mümkin degül ise ḳalb ile zıkrüñ [S335b] imkānı nümāyāndur dimişlerdür. Yāhōd devāmıdan murād keşretdür. Nitekim nāzım eyidür:

﴿ مؤمنا نكر خدا بسيار كوی ﴾ İy mü'min! Ḥudānuñ zıkrini çok söyle. **Mü'minā**, elif-i nidā ile «iy mü'min!» dimekdür. **Zıkr-i Ḥudā**, «Ḥudānuñ zıkrini»; **bisyār gūy**, «çok söyle» dimekdür. Bunda «iy mü'min!» ya āyet-i şerīfine telmīḥ vardır. (...)

﴿ تا بیابی در دو عالم آب روی ﴾ Tā ki iki 'ālemde ḥurmet ü 'izzet bulasın. **Tā bi-yābī**, «tā ki bulasın»; **der-dü-ālem**, «iki 'ālemde» ya'nī dünyā vü 'uḳbāda dimekdür. **Āb-rūy**, 'ār u gāyret ü 'izzet ü ḥurmetden kināyedür. Pes keşret-i zıkrü'llāhuñ dünyā vü 'uḳbāda bā'is-i āb-rūy idigine āyāt u eḥādīs güvāhdur. Lākin bu vechile zıkr-i maḳbūlüñ ādāb u şerā'itine ri'āyet şartdır. Nitekim nāzım eyidür:

﴿ نكر را اخلاص ميباید نخست ﴾ Zıkrü'llāha ibtidā ihlāş gerek. **İhlāş**, ḳalbi taşfiye ve Ḥudā seni görür gibi tā'āt itmege dirler. **Nūḥost**, zamm-ı nūn ve zamm-ı ḥā'-i mu'ceme ile «ibtidā ve evvel» ma'nāsınadır.

﴿ نكر بی اخلاص کی باشد درست ﴾ İhlāşsız olan zıkrü'llāh kaçan dürüst ola. **Dürüst**, dāl ve rā'-i mūhmelelerüñ zammeleriyle «bütün ve şağ» ma'nāsınadır. Ma'lūm ola ki sa'ādet-i ebediyyeye vuşul 'ilm ü 'amel-i bī-riyāya vābeste olmağın eyitmişler ki: Cümle nās hāliklerdür; illā 'ālimler degül ve 'ālimler hāliklerdür; illā 'āmiller degül [Ü329a] ve 'āmiller hāliklerdür; illā muḥlişler degül ve muḥlişler ḥaṭar-ı 'azīm üzredür; zīrā niyyetsiz 'amel 'inād ve ihlāşsız niyyet ri'yādur ve taḥḳıksız ihlāş hebādur. Nitekim: و قد منا الى ما عملوا من عمل فجعلناه هباء منثورا āyet-i şerīfı bu ma'nāya dālldür. İmdi a'mālde 'abdüñ vażıfesi evvelā niyyeti ma'rifet ba'dehü sıdḳ u ihlāşa muḳārenetdür. Ve bu cümle [S336a] ihlāş, bā'is-i menba'-ı yenābı' ḥükmindedür. (...) İmdi ihlāsuñ zıkr ü a'mālde ne vechile lāzım oldığı

ma'lûm olmuştur. Hattâ her umûr(ı) maḳrûn-ı ihlâş olmayan, ol kârda ihtîşâş bulamaz dimişlerdûr. Nitekim bâb-ı muvâlât ve faşl-ı muvâşâtta Nâbî-i merhûm *beyt*:

Tek olmasun merâsim-i ihlâş ber-ṭaraf

Lâ-be'sdür merâsime dâ'ir ḳuşûrumuz

diyü buyurmuşdur. Ve ihlâşkâr olanuñ ihlâşı cevır ü cefâ ile zâ'il ü nâḳış olmadıḡı H'âce Şâ'ibüñ *beyt*:

موج از شکست روی نمیتابد از محیط

اخلاص ما بجور و جفا کم نمیشود

beyt-i laṭîfinden hüveydâdur. Ya'nî; mevc-i baḫr şikestelikden nâşî muḫîṭden yüz çevirmez. İmdi cevır ü cefâ sebebiyle bizüm mevcâsâ ihlâşumuz daḡı nâḳış olmaz dimekdür. Lâkin her bir da'vâ-yı ḡulûş idenüñ ḳavl-i mücerredine 'amel maḳbûl degüldür; belki miḫakk-i tecrübeye urmaḡ gerekdür dimişlerdûr. Nitekim *beyt*:

در خلوص منت ار هست شکی تجربه کن

کس عیار زر خالص نشناسد چو محک

diyü buyurmuşlardur. Pes nâzım zıkrüñ envâ'ın beyâna şurû' idüp buyurur:

﴿ ذکر بر سه وجه باشد بی خلاف ﴾ Zıkr üç vech üzredür ḡılâfsız.

﴿ تو ندانی این سخن را از کذاب ﴾ Sen bu sözi ḡüzâfdan bilmeyesin. **Güzâf**, «ḳavl-i bâıl»

ma'nâsinadur.

[S336b] ﴿ عام را نبود بجز ذکر لسان ﴾ [Ü329b] 'Avâm-ı nâs içün lisân zıkrinden ḡayrı olmaya.

'Âmm, bunda zıdd-ı ḡâşşdur. Ve ḡâḫ sâl ma'nâsına gelür. Pes 'avâm-ı nâs فی ایس ما یقولون بافواههم يقولون بقلوبهم kabîlinden olmaḡın anlaruñ zıkrî ancaḡ lisândadur; yoksa 'an-şamîmi'l-ḳalb ve'l-cenân degüldür. Lâkin zıkr-i ḡavâşş bunuñ ḡayrıdur. Nitekim nâzım eyidür:

﴿ ذکر خاصان باشد از دل بیکمان ﴾ ḡavâşşuñ zıkrî ḳalbden ola şekkısız. **Zıkr**, kesr-i zâl-i

mu'ceme ile lisâna maḡşûşdur. Ammâ zamm ile ḳalb ile olandur. İmdi bunda zammile okınmaḡ rûşendür. Mâ-ba'dine muzâfdur. **Hâşân**, ḡâşşuñ cem'idür. ḡâşş bunda, maḡabbetu'llâḫ u ma'rifet-i İlâḫ ile ihtîşâş bulandur ve zıkrî 'an-şamîmi'l-ḳalb olandur.

﴿ ذکر خاص الخاص اندر سر بود ﴾ ḡâşşu'l-ḡâşşuñ zıkrî maḡabbetden ola. **Zıkr-i ḡâşşu'l-ḡâşş**,

mübtedâdur; ḡâşşu'l-ḡâşşı 'alem mecrâsına cârîdür. Bunlar zümre-i 'ârifindür ki bunlara sâlik-i münteḫî dirler. Zümre-i ḡâşân bunlara nazaran mübtedîlerdür. (...) **Ender-sırr**, «sırr u aḡfâda» ya'nî cenânî-i ḳulûb ve ḡafâyâ-yı şudürda dimekdür. Sırr, kesr-i sîn ile 'Arabîdür. **Buved**, «ola» dimekdür. İmdi ḡâşşu'l-ḡâşş olan vâşıllaruñ من وصل الحق كل لسانه maẓmûnınca lisân-ı maḡâl ve belki lisân-ı ḡâlleri her ne ḳadar ḡamûş olsa, lisân-ı bâlleri zıkr-i İlâḫî ile cûş u ḡurûşda olur dimişlerdûr. Lisân-ı bâlüñ, lisân-ı ḡâlden bâlâter idigi sâbıḳda beyân olınmışıdı.

﴿ هر که ناكر نيست او خاسر بود ﴾ Her kim ki o zâkir degüldür, o ḡâsir ola. **Her ki zâkir nîst**,

«her kim ki zâkir degüldür» dimekdür. 'Adem-i zıkr, bi'l-küllîyye terk veyâ şartına 'adem-i mürâ'âtdan e'ammdur. **O ḡâsir buved**, «o kimse sermâyeyi zâyî' idici ve zarar görıcı ola» dimekdür. Pes bunda:

لا تكثرُوا الكلامَ بغيرِ ذِكْراللهِ فإن كثرةَ الكلامِ بغيرِ ذِكْراللهِ تعتسى القلبُ
lā-ya'nī zikrine mütedārik olan, kāsāvet-i kalb [S337a] hasāretine dūçār olmak āşkārdur. Nāzım zikrūn üç
vech üzere oldıgın beyān 'aķabinde şerā'ı tın 'ıyāna şurū' idüp buyurur:

﴿ ذِكْرُ بِي تَعْظِيمُ كَفْتَنِ بَدَعْتَسْت ﴾ Ta'zīmsiz zikru'llāh söylemek bid'atdır. **Zikr-i bī-ta'zīm**,
hūzū' u hūşū'suz ve ma'nā-yı esmāyı te'emmülsüz ve müsemmanuñ kemāl-i kudret ve celāl ü 'aẓametın
mülāhazasız, [Ü330a] zıkr şüretinde hāy-hūy itmekden 'ibāretdür. **Güften**, «söylemek»; **bid'atest**,
«bid'atdır» dimekdür. Bid'at, kendüde vaẓ'-ı şer'ī bulunmayan muhdeşe dirler. Lākin bid'atūñ hasene vü
seyyi'esi vardır. Bundaki bid'at seyyi'edür ve her bid'at-i seyyi'e dālāletdür ve her bir dālālet nārdadır.
Nitekim هَادِثُ-ي شَرِيفِ bu beyānda bed'idārdur.

﴿ وَانْدِرَانِ يَكْ شَرْطِ دِيكَرِ حَرَمْتَسْت ﴾ Ve anda ya'nī zıkrde bir şart-ı dıger hürmet ü ta'zīmdür.
Hürmet, «ihtirām u i'zām» ma'nāsınadır. İmdi Hudā-yı müte'al zātında ve şıfātında vācibū't-ta'zīm
olmağın, ism-i şer'ifin zıkrde dağı ta'zīm ü ihtirām lāzımdır. (...) Pes zikru'llāh lisāna maķşūr olmağın her
bir 'uẓvuñ zıkr-i maķşūşı oldıgın beyān kāsıdıyle nāzım eyidür:

﴿ هَسْتِ مَرِ هَرِ عَضُو رَا ذِكْرُ دَكْر ﴾ Tahkīkan her 'uẓv için bir zıkr-i dıger vardır. **Hest**,
«vardur»; **mer**, «tahkīkan»; **her 'uẓv-rā**, «her 'uẓv için» dimekdür. 'Uẓv, 'Arabīdür; cevārihuñ her birine
şāmildür. Lākin nāzımuñ murādı a'ẓā'-i seb'adur. Nitekim mısrā'-ı [S337b] şānīde taşrīh eylemişdür.
Zikr-i dıger, «zikr-i āhar» dimekdür. Dıger lafzı dıgerden muħaffedür.

﴿ هَفْتِ اَعْضَا رَا سَتِ ذِكْرُ اِي پَسَر ﴾ Yedi a'ẓā için 'ale'l-infirād zıkr vardır iy oğul! **Heft a'ẓā-**
rā, «yedi a'ẓā için» dimekdür. A'ẓā'-i seb'a beyān-ı ātī üzere zıkr olınacaķdır. Heft, yedi 'adedine dāıldür;
esmā'-i a'dāddandır. *Laḥfe*: Kaçan heft lafzı mükerrer isti'māl olınup heft-heft dinse, āvāz-ı seg
ma'nāsına olur. Ve kaçan miyāneye der lafzı tavassuť idüp heft-der-heft dinse, ārāyış-i rüy-ı 'arūs olan
zīnet-i seb'a murād olunur ki anlar; gözinde sürme, kaçında vesme, [Ü330b] yüzinde sepd-āb, yañağında
göl-güne, zülfinde ğāliye, ellerinde hınnā, kollarında bilezikdür. **st**, «est»den muħaffed edāt-ı haberdür;
hest ma'nāsına olmak dağı rüşendür. **Zikrī**, yā'-i vahdet ile zıkr dimekdür. **İy püser**, «iy oğul».

﴿ يَارِئِ هَرِ عَاجِزِ اَمْدِ ذِكْرِ دَسْت ﴾ Elüñ zıkrı her 'ācize yardım eylemekdür. **Yārī**, āhırindeki yā'-
ı maşdariyye ile mu'āvenet ma'nāsınadır. Mā-ba'dine izāfet için bir hemze getirilmişdür. **Her 'āciz**, «her
bī-çāre» dimekdür. **Āmed**, «geldi»; **zikr-i dest**, izafetle «elüñ zıkrı» dimekdür. A'ẓā'-i seb'anuñ biri
budur. Ma'lūm ola ki yedüñ mā-ħalaķa lehi olan a'māl-i hasene çokdur. Ve cümlesinden a'lāsı,
mu'āvenet-i bī-çāregāndur. Ve mu'āvenet idenüñ hāķķında beşāret-i keşire vardır. (...) İmdi i'ānet-i
'ācizān, sünen-i enbiyā'-i 'izām ve tarīķ-ı evliyā'-ı [S338a] kirāmdur.

﴿ ذِكْرُ پَا خَوِشَانِ زِيَارَتِ كَرْدَسْت ﴾ Ayağın zıkrı aķribāları ziyāret eylemekdür. **Zikr-i pā**,
izafetle «ayağın zıkrı»; **h'ışān**, cem'dür; «hışımlar dimekdür; müfredi «h'ış»dur. **Ziyāret kerdnest**,
«ziyāret eylemekdür» dimekdür. Ma'lūm ola ki ayağın mā-ħalaķa lehi olan a'māl-i hasenenüñ a'lāsı
ziyāret-i aķribādur ve ziyāret hıżmetinde bulunmaķ zıkr-i pādur. Ve ziyāret-i aķribādan murād şıla-i
raħmdur. Ve şıla-i raħm, işāl-i ihsān eylemek ve isā'etle kať-ı raħmdan dūr olmaķdan 'ibāretdür. Ve şılası

vācib olan rahmuñ beyânında ‘ulemā’ dan maḳāle-i keşire vardır. (...[Ü331a]...) Ve dahı muḥibb-i şādıkı ziyāret bunda dāhıldır. *Zirā mısrā*:

Muḥibb-i şādıkı yegdür kişinüñ akrībāsından

didikleri meşhūrdur. Ve ziyāret-i merdān ve ziyāret-i ‘ulemā’-i devrān ve sā’ir ziyāretgāh-ı ‘ālemyān hizmetinde ayağūñ zākir oldığı ziyāret-i ḥ^vīşāna kıyāsen hem-çünāndur. (...[S338b]...)

﴿ ذکر چشم از خوف حق بگریستن ﴾ Gözüñ zikri Allāh korkusından ağlamakdur. **Zikr-i çeşm**, izāfetle «gözüñ zikri» dimekdür. **Ez-ḥavf-ı Hakk**, ağlamak ma’nāsına olan **bügrīsten** lafzına müte’līḳdur. Ḥavf-ı Hakk, ḥazret-i Mevlānuñ celāl ü ‘azametin ḥayāl ve ḥicābı ḥavfindan girye eylemegi beyāna dāıldır. Zirā sā’ir aḥvālden ḥavf itmek ‘ābid ü zāhid kārıdur. Lākin ḥicāb-ı Mevlādan itmek, ‘ārif-i ḥāşşu’l-ḥāşş kārıdur. Bu ḥavfdan nāşī ağlamak gözüñ zikridür dimişlerdür. Bu vechile bükā rahmetdür. Nitekim ḥadīs-i şerīfde vārid olmuştur. Ve ‘uḳbāda ḥandān olayum diyen dünyāda giryān gerekdür. Nitekim *beyt*:

Āḥiret ister iseñ dünyede giryān ol kim

Ḥ^vābda ağlayan iy dil uyanup gülse gerek

dimişlerdür. Dahı *naẓm*:

هیچ دانی که وقت زادن تو

همه خندان شوند و تو کریان

جهد آن کن که وقت مردن تو

همه کریان شوند و تو خندان

diyü buyurmuşlardır. [Ü331b] Ya’nī sen dünyāya geldikde ağlar idüñ, ḥalk etrāfında gülerler idi. Pes sa’y eyle ki öldigüñ vaktde ḥalk ağlayalar ve sen gülesin dimekdür. Bu ma’nāyı ‘Arabīde naẓm idüp buyurmuşlardır, *naẓm*:

ولدتك امك باکيا مستصرخا

والناس حولک یضحکون سرورا

فاجهد لنفسک ان تكون اذا بکوا

فی يوم موتک ضاحکا مسرورا

Fe’alā-hāzā girye yirine ḥandeyi i’tiyād eylemek göz zikrinden maḥrūm idigi bundan ma’lūmdur. Nitekim i’tiyād-ı ḥande bā’iṣ-i imāte-i ḳalb oldıgıñ کثرة الضحک یمیت القلب ḥadīs-i şerīfiyle işbāt idüp tercemesinde *terceme*.

Leb-küşāyān-ı farṭ-ı ḥande olan

Mürd-ṭab‘ān-ı cehldür ekşer

Olma mu’tād-ı ḥande-i ser-şār

Ki dil-i zindeñi imāte ider

diyü buyurmuşlardır. İmdi gözüñ zikri ḥavf-ı Hakkdan giryān olmak ve dahı āyāt-ı Hakkā nazar eylemekdür. Nitekim nāẓım eyidür:

﴿ باز در آیات او نگرستن ﴾ Girü Hâkkuñ âyâtından nazar eylemekdür. **Bâz**, bunda [S339a] «girü» dimekdür; ya'nî «yene»; **der-âyât-ı o**, «onuñ âyâtında» dimekdür. Âyât, cem'-i 'Arabîdür; müfredi âyetdür. Âyet bunda «alâmet» ma'nâsınadır ve «cemâ'at» ma'nâsına gelür. Nitekim âyet-i Qur'ân dimek; cemâ'at-i hurûf ve ile'l-inkıta' kelâm-ı muttasıl dimekdür. O lafzı zamîrdür; Hâkka râci'dür. **Ni'grîsten**, kesr-i nûn ile maşdardur; «nazar itmek ve bakmak» ma'nâsınadır. Bunda murâd; nazar-ı 'ibret ile 'azamet ü celâl-i Hâkka fikretür. (...[Ü332a]...) Pes nâzımuñ gözi fikr üzerine taqdiminde الذين يذكرون الله قياما و âyet-i şerîfine ri'âyet nüktesine işâret vardır. Ve dahı zikr-i çeşmede, mısırâ-ı evveli sâni üzre taqdiminde kişi gözini tıfl-ı hevâ-perestâsâ hevâyâ nazardan keff ü ihâfe ile evvelâ giryân itmedikce âyât-ı Hâkka nigerân olmaz dimege işâret vardır. Ve fi'l-hâkka göz âlât-ı muhârikedendür. Müştahâte [S339b] nazar itdikce qalbi tahrîk ider. Qalb dahı şehveti tahrîk idüp, şâhibini düçar-ı sihâm-ı belâ ider. Nitekim hadîs-i şerîfde النظر سهم مسموم من سهام ابليس vârid olmağın tercemesinde:

Ru'yet-i zülf ü hâl ü nâ-mahrem
Dâne-i mekr ü dâm-ı 'ısyândur
Her nazar bir hadeng-i pür-semmdür
Belki zehr-âbedâr-ı şeytândur

diyü buyurmuşlardır.

﴿ استماع قول حق دان ذکر کوش ﴾ Kulağın zikri qavl-i Hâkka istimâ' bil! **İstimâ'-ı qavl-i Hâkka**, «qavl-i Hâkka istimâ'» yâhod Hâkkuñ kelâmını istimâ' dimekdür. **Dân**, emrdür «bil» dimekdür. **Zikr-i gûş**, «kulağın zikri» dimekdür. Pes qavl-i Hâkka, kelime-i tevhi'ddür ve Hâkkuñ kelâmı meşelâ: âyet-i şerîfidür. İmdi bu kelimeyi istimâ' ve qabûl, zâkirün zikrini ve mezkûrun fikrini bilüp emre imtişâl eylemekdür. Nitekim nâzım eyidür:

﴿ تا توانی روز شب در ذکر کوش ﴾ Mâ-dâm ki kâdirsin gice vü gündüz zikre çalış. Ya'nî, zikri çok eyle dimekdür. **Tâ tüvânî**, «mâ-dâmâ kâdirsin»; **rûz (u) şeb**, «gice-gündüz» dimekdür. Bundân murâd; ekser-i evkâtda dimekdür. **Der-zikr**, «zikru'llâha»; **kûş**, zamm-ı kâf-ı 'Arabî ile emrdür; «çalış» dimekdür.

﴿ اشتیاق حق بود ذکر دلت ﴾ Qalbün zikri Hâkka iştîyâkdur. **İştîyâk-ı Hâkka**, izâfetle «ru'yet-i cemâlu'llâha ârzümendlik» ma'nâsınadır. **Buved**, «ola» dimekdür; «est» ma'nâsına olmağ dahı mülâyimdür. **Zikr-i dilet**, tâ'-i hitâb ile «qalbinün zikri» dimekdür. Pes zikr-i qalb, beyne'l-'ârifîn vicdâniyyâtıdır. Şöyle ki; ravza-i fu'âd-ı âşık'inde mağrûs olan şecere-i mahabbetdür ki perveriş-yâfte-i âb-ı ma'rifet olmağın, aşı bân-ı sırda sâbit ü ber-qarâr ve fer'î semâ'-i himmetde sâye-bağş u mîvedâr olmağın حين اكلها كل میشدâkınca her bâr andan mîve-çîn olan şâdıqlara ol semere-i pür-şevk bir zevkdur. Pes ol zevkten, âşık için ma'sûka iştîyâk-ı qalb hâsıl olur. Zîrâ mahabbet elbettde iştîyâk(ı) mûriş olur. Ve buñun semeresi âşık-ı şâdık hâkkaında ancak uqbâda zâhir olur. Zîrâ idrâk-i bâşırnuñ kemâli uqbâyâ vâbestedür. Qaldı ki Fahr-i âlem şalla'llâhu aleyhi ve sellemün leyle-i Mi'râcda ru'yet-i

[S342a] ﴿ هرکرا این نیست هست از مفلسان ﴾ Her kimse için bu yokdur; sevâbdan müflis olanlardandır. **Her ki-râ**, «her kimse için ki»; **în** ile işâret, zıkr-i lisân olan kıra'et-i Qur'ânadur. **Nîst**, «yokdur»; **hest ez müflisân**, «müflislerdendir» dimekdir. Bunda hest, edât-ı haber olan «est» ma'nâsınadır. Müflisân, cem'-i Fârisîdür; müfredi müflisdür. Müflis, müdbir veznindedür; [Ü334b] fûlsden me'hûz olan iflâsdan aḥz olunmuşdur. Zamm-ı fâ' ile fûls, «pul» ma'nâsınadır. Cem'-i kılleti; eflûs ve cem'-i keşreti; fûlûs gelür. Pes müflis-i dünyâ ma'lûmdur. Ammâ müflis-i âhîret sevâbdan berî olandır. Nâzımuñ kelâmı müflis-i âhîreti beyândur. Ve ba'zı nüshada «her ki-râ în hest hest ez mü'minân» vaqı'dur. Ma'nâsı; her kimüñ için ki zıkr-i lisân olan kıra'et-i Qur'ân vardır; ol kimse mü'minlerdendir. Ya'nî; kemâl-i îmân şâhiblerindendir dimekdir. (...) Pes a'zâ'-i seb'anuñ bu vechile ezkârına muvaffak olmak, maḥz-ı ni'met-i Mevlâ olmağın tezâyüd-i itmâm-ı ni'met-i mezkûr için lisânı şükr-i zıkr ile zâkir itmek daḥı zıkr-i lisândan ma'dûddur dimegi işâret için nâzım eyidür:

﴿ شكر نعمتهای حق میگو مدام ﴾ Haḥḥuñ ni'metlerinüñ şükrini dâ'im söyle. Pes bunda و ان āyet-i şerîfine binâ'en envâ'-ı ni'met-i Mevlâ lâ-yü'add ve lâ-yuḥşâ idigine îmâ için nâzım ni'meti, şîğa-i cem' ile getürmüşdür. **Müdâm**, bunda «devâm» ma'nâsınadır. Ba'zı maḥallde «şarâb» ma'nâsına gelür, müdâme gibi.

﴿ تا کند حق بر تو نعمت را تمام ﴾ Tâ ki Haḥḥ te'âlâ üzeriñe ni'meti tamâm eyleye. Ya'nî; [S342b] şükr, bâ'is-i tezâ'üd-i ni'met olmağın şükrüñ sebebiyle tezâ'üd-i ni'mete mazhar olasın dimekdir. Ma'lûm ola ki her maṭlûba ni'met dirler. Lâkin ni'metüñ haḳîḳîsi ni'met-i âhîretdür ki kendüsi dâ'im ve sürûrî bâḳîdür. Sâ'irlere ni'met dindigi mecâzdur. (...[Ü335a]...) İmdi nâzımuñ ni'metden murâdı; dâreynde 'aḳlen ve tıbben ve ṭab'an ve şer'an nâfi' olan ni'metdür. Ve bu vechile olan ni'metüñ ḡâyeti sa'âdetdür. Pes şâkirüñ şükri, bâ'is-i füzûn-ı sa'âdet olur dimekdir. Ve şükr ile ḥamd muḳârin olmak gerekdir. Anuñçün nâzım eyidür:

﴿ حمد حق را بر زبان بسیار دار ﴾ Haḥḥ te'âlânuñ ḥamdini lisân üzre çok tut. Ya'nî; ekser-i evḳâtda ḥâmid ol dimekdir. (...[S343a]...)

﴿ تا شوی از نار حرمان رستگار ﴾ Tâ ki maḥrûmluḳ nârından ḥalâş olasın. **Nâr-ı ḥirmân**, «maḥrûmluḳ âteşi» dimekdir. Bundan murâd; terk-i ḥamd, sevâb-ı âhîretten ḥirmâne bâdî veyâḥod nâr-ı ḳaṭ'a didikleri üzre seyr-i dîdâr-ı Perverdgârdan ḥirmâne bâ'isdür dimege işâretdür. **Restgâr**, «ḥalâş-yâfte ve nîkûkâr» ma'nâlarınadur. Bunda murâd; «ḥalâş olıcı» dimekdir. İmdi:

﴿ لب مجنباں جز بذکر کردگار ﴾ Hudânuñ zıkrinden ḡayra ṭudaḳ oynatma. **Leb**, «ṭudaḳ»; **me-cünbân**, «depretime» dimekdir; nehy-i hâzırdur. **Cüz be-zıkr-i Kirdgâr**, «Hudânuñ zıkrinden ḡayrıya» dimekdir. Kirdgâr, fâ'il-i muṭlaḳ ma'nâsınadır; ism-i Hudâdur.

﴿ زانکه پاکانرا همین بود است کار ﴾ Andan ötüri ki pâklerin 'ameli buncılayın olmuşdur. **Z'ân ki**, 'illetdür; **pākân**, cem'dür ve «pâkler» ma'nâsınadır. Bundan murâd; murâdân-ı Hudâ olan pâkîze-sîret evliyâdur. **Râ**, edât-ı mef'ûldür. **Hemîn**, bunda «buncılayın» dimekdir. Gâhî «ancaḳ» ma'nâsına olur. **Büdest**, «büde est»den muḥaffedür; «olmuşdur» dimekdir. **Kâr**, «amel» ma'nâsınadır. Ḥulâşa-i kelâm;

her bār zıkr-i Mevlāya ibtidār evliyālar kārıdur ve zākırūñ dā'ire-i devletleri haqqında niçe medāyih cārıdır. (...[S343b]...)

Der-Beyān-ı Düşmen Dāšten ü Vām Kerden

﴿ آدمی را چار چیز آرد شکست ﴾ İnsāna dört nesne şikestelik getürür. **Ādemī-rā**, «benī-Ādeme» dimekdür. [Ü336a] **Çār çiz**, «dört nesne» dimekdür. Mezkûr olacak nesneleri nāzım icmālen beyt-i āfide beyān idecekdür ki anlar tafşıl olunur. **Āred**, «getürür»; **şikest**, ma'nāda maşdar olmağıla bunda şikesten gibi «şınıklık» ma'nāsınadır.

﴿ با تو کویم کوش دار ای حق پرست ﴾ İy Haqq-perest olan kimse! Saña diyeyüm, kulağ tut! **Haqq-perest**, terkib-i tavşifidür; «Haqqa tapıcı» dimekdür. Murād; Haqqı qabul idici ve hizmet-i Haqqda bulınıcı dimekdür. Pes ol dört nesne bunlardır ki zıkr olunur:

﴿ دشمن بسیار و وام بیشمار ﴾

﴿ شغل بیحد و عیال با قطار ﴾ 'Adū-yı keşir ve deyn-i bī-'aded ü şuğl-i bī-hadd ü 'ıyāl-i keşirdür. Bu kelām çār çiz-i icmālen mübeyyindür. Nāzım her birini tafşıl idecekdür. Ancak tafşilde linüktetin bu tertibi tağyir ile beyānda taqdim ü te'hîr buyuracaqdır. **Düşmen-i bisyār**, mübtedā'-i mahzūfuñ haberidür. Taqdir-i kelām «yekî düşmen-i bisyārest» dimekdür. Ma'nāsı «'adū-yı keşir»dür. **U(ve) vām-ı bī-şumār**, mā-qabline ma'tūfdur; eşyā'-i erba'anuñ biri dağı «deyn-i keşir»dür dimekdür. Vām, Fārisīdür; «borç» ma'nāsınadır. [S344a] Bī-şumār, ma'nāda «bī-'aded» dimekdür. **Şuğl-i bī-hadd**, «haddsiz şuğl» dimekdür; biri dağı budur. **'ıyāl-i bā-qaṭār**, mā-qabline ma'tūfdur; ma'nāsı «'ıyāl-i keşir» dimekdür. 'ıyāl, kesr-i 'ayn ile cem'dür; 'Arabīdür; müfredi fetḥ-i 'ayn ve kesr-i yā'-i müşeddede ile «'ayyıl»dür. Ma'nāsı «nafaqası lāzım olan kimesneler»dür. Fārisīde dağı müsta'meldür. Bā, muşāhabet içündür. Qaṭār, 'Arabīde kesr-i kāf ile deve qaṭārına dirler. Ammā Fārisīde 'ammdur. Şöyle ki; altı mehār deveye ve beş re's qaṭıra qaṭār dinmek mu'tāddur. Mehār, deve yularına ve sā'ir hayvān yularına dirler. Māhār mişlühüdür. Lākin küttāb ıstılāhında bir deveye, «bir mehār» dirler. Pes 'ıyāl-i bā-qaṭār dimek; 'ıyāl-i keşir dimekten kināyedür. Pes nāzım tafşile şurū' idüp buyurur:

﴿ وای مسکینی که غرق وام شد ﴾

Vāy miskīn ki müstağraq-ı deyn oldı. **Vāy**, Fārisīde hayf mahallinde isti'māl olunur; vāḥ ve vāh gibi. **Miskīnī**, āhırindeki yā'-i vaḥdet ile «bir miskīn» dimekdür. Luğatde «faḳīr» dimekdür. Ammā 'inde'l-fuḳahā miskīn; hīç bir nesnesi olmayandır. Pes āyet-i sefīne tercemendür, ke-zā fī-Dürri'l-Müntekā Şerḥu'l-Mültekā. Faḳīr, nişābdan dūr olan mālīke dirler. **Ki** lafzı, rābıṭadur. **Ġarḳ-ı vām şod**, «ġarḳ-ı baḥr-i deyn» oldı dimekdür. Murād; ziyāde borçlandı dimekten kināyedür.

﴿ هر دمى از غصه خون آشام شد ﴾

Her demde guşşadan ḳan içici oldı. **Her demī**, bunda zarfıyyet melhūzdur. Ma'nā; «her bir nefesde» dimekdür. **Ez-guşşa**, «ḳayğudan» dimekdür. Guşşa, 'Arabīdür; zamm-ı ḡayn-ı mu'ceme ile «ḳayḡu vü elem» [Ü336b] ma'nāsınadır. Ve diken ma'nāsına gelür. Nitekim غصة طعاما ذا āyet-i şer'fını «zā-şevk» ile tefsir itmişlerdür. **Hün-aşām**, terkib-i tavşifidür; «ḳan yudıcı» dimekdür. Bu ma'nā, mezīd-i zahmetden kināye olduğı meşhūrdur. **Şod**, «oldı»

dimekdür. Pes medyün-ı müstağrakda bu ma'nānuñ vücdı zāhirdür. Hattā Ravzatü'l-Ulemāda dinmişdür ki: Ğumūm-ı dünyā dört nesneden 'ibāretdür. Evvelkisi, kız evlād şāhibi olmağdur; ne kadar bir dāne de olur ise. İkincisi, deyndür; ne kadar bir dirhem de olur ise. Üçüncisi, ğurbetdür; ne kadar bir ğün dağı olur ise. Dördüncisi, su'āldür; ne kadar bir ħabbe dağı olur ise, intihā. İmdi elden gelince deynden ħazer itmek hoşterdür. Zīrā ħadīs-i şerīfde شين الدين vārid olmışdur. Tercemesi budur ki zıkr olunur, *naẓm*;

Pençe-i [S344b] saht-gīr-i deyne esīr

Olma var ise dīnde temkīnūñ

Şaķın evsāl-ı deynden zinhār

Lekedār itme cāme-i dīnūñ

Ve dağı Zū'n-nūn-ı Mısrī eyidür: Bir rāhibden naşīhat istedigümde eyitdi kim *pend*: سيج في العرض و اذكر Ya'nī; 'ālemde seyāhat eyle ve yevm-i āĥireti yād eyle ve farz edā eyle ve nāsdan ihsān u karz talebinde olma. Ve nitekim şā'ir eyidür:

Bu iki pendümi her kim ki benüm tıtmaz ise

Bil ki eyyām-ı ħayātı dükeli şerrde geçe

Duĥter kışır ise baķmaya 'avret yüzine

Borç idinmeye eger va'desi maĥşerde geçe

Ya'nī; va'desi, va'de-i kıyāmet dağı olur ise borçluluğūñ encāmı nedāmetdür. Hattā medyūnen fevt olan meyyitūñ, ħazā'-ı deyni vaķtine deĝin kabırde ĝiriftār-ı ħayd olacağı Faĥr-i 'ālem şalla'llāhu 'aleyhi ve sellemūñ ħadīs-i şerīfiyle ṣabitdür. (...)

﴿ هرکرا بسيار باشد دشمنش ﴾ Her kim ki anuñ 'adūsı keşīr ola.

﴿ خيره كردد هر دو چشم روشنش ﴾ Anuñ her bir mūnevver gözi ŧonuğ ve ħarañu ola. **Ĥire**, Fārisīdür; yedi ma'nāya gelür. Evvel, ħarañu ve ŧonuğ; sālī, lecūc; sālīs, mūteĥayyir; rābī, herze ve bī-sebeb; ħāmis, ta'accüb ve ziyāde şūĥ dīde; sādīs, fā'idesiz; sābī, a'zānuñ uyuşuķluğı ma'nālarınadur. Kötü fıkrlıye, ĥire-re'y ve başı dönmiş şaşĝun ādeme, ĥire-ser didikleri bundandur. [Ü337a] Pes bu maķāmda ma'nā-yı mülāyim zāhirdür. **Rūşen**, «mūnevver» ma'nāsınadur. Pes keşīru'l-a'dā olan kimesnenūñ dü-çeşm-i pūr-żiyāsınuñ ĥirever olması, düşmān yüzine nażar bā'is-i sebep-i noķşān-ı nūr-ı başar olduğından yāĥod işābet-i ĥuzn ü kederden nāşī būkā vü zararadan za'ıf-i başar bulunduğındandur. İmdi bunun muķābili üzre dostı keşīr olanuñ başarına, tezāyüd-i nūr-ı vaķār ile mūnevverlik gelmek ezherdür. Nitekim Kelīm:

نهال دوستی بنشان که کام دل بیار آید

درخت دشمنی بر کن که رنج بیشمار آید

[S345a] diyü buyurmuşdur. Ya'nī dostluğ nihālını dik ki ol nihāl, kām-ı dili ħāşıl ider. Düşmānlıķ diraĥtını ħopar ki ol renc-i bī-şumār ĝetürür dimekdür. Ve düşmānun gözini kör idüp üzerinden mażarratını def'de tevāzu' ilāc bulmuşlardur. Nitekim Şā'ib eyidür, *beyt*:

خاک باشد از مصافم چشم دشمنرا نصیب

کردهام تا خاکساری را حصار خویشتن

Ya'nî; benümle cengde düşmānuñ naşīb-i çeşmi hāk oldı; tā hāksārılığı kendüme hışār idelden berü dimekdür. Hāksārılık, tevāzu' ma'nāsınadır.

﴿ هرکرا اشغال بسیارش بود ﴾ Her kim ki anuñ işğālî çok ola. **Bisyār** lafzınuñ āhırinde olan şın, zamīrdür. **Her ki** lafzınuñ medlūline rāci'dür ve ma'nāda **işğāl** lafzınuñ āhırine merbūtdür. Ta'bırde; işğāleş, «anuñ işğālî» dimekdür. Bisyār, «çok» dimekdür.

﴿ هرکرا اشغال بسیارش بود ﴾ Zamānede anuñ kārı işi zārılık ola. **Zārī**, «iñlemek» ma'nāsına ola. Āhırindeki yā maşdariyyedür. Pes dünyāya dil-beste olan keşīru'l-işğālūñ zār u dil-haste olması vāreste-i kayd u beyāndur. Qaldı ki giriftār-ı kayd-ı keşret-i 'ıyāl olmak, 'adū ve deyn ve işğālūñ her birlerini cāmī' oldığı nüktesin iş'ār içün nāzım keşret-i 'ıyālūñ zararını tafşılde sūkūt eylemişdir. Evvelen, evlād u 'ıyālūñ şāhibine 'adāvetleri zāhir ve bī-gāneden düşmāna hācet koymadıkları bāhirdür. Ve keyfe lā ki nāzımuñ icmālde anları kaçār lafzıyla beyānı, anlar çār-pā-mişāldür dimekdür. Şöyle ki; şāhibini ekser deve tepmesi ve kaçır çiftesiyle müte'ezzī iderler. Ve şüretde dost, haqıqatde düşmānlıkları hasebiyle koyun başlu kırdırlardur. Ve kaydlarına giriftār olan, āhır-i 'ömre dek maḥbūs ve ümīd-i ḥalāşdan me'yūsdur. Şāniyen, şāhibinūñ faqr u fākası ma'lımları iken teklīf-i mā-lā-yuṭāqların istiḥşāl, şāhibini medyūn-ı müstağrak eylemek zāhirü'l-ḥāldür. Binā'en 'alā-zālik zurefādan birisi buyurmuşdur, *naẓm*:

و الله سئمت من البيت

ليت اراه خاليا ليت

فى كل يوم [Ü337b] الف تصديعة

و اخرها قارورة الزيت

Şālisen, şāhiblerinūñ her ne kadar ruṭubet-i ḥālî olsa teklīflerin yirine getürmekde ol kadar [S345b] işğāl-i keşīreye dūçar olmaḥ āşkārdur ve dürlü dürlü zaḥmetleri erbābına bedīdārdur. İmdi sa'ādet-i dāreyn mücerredlikdedür. Hiç olmazsa rāḥat-ı cüz'ī, kılllet-i 'ıyāldedür. Nitekim احد اليسارين قلة العيال ḥadīs-i şerīfi bu beyānda dālldür.

Der-Şıfat-ı Zenān u Şıbyān Mī-Güyed

﴿ چار چیزست از خطاها ای پسر ﴾ İy oğul dört nesne ḥaṭālardandır. **Çār çiz**, mübtedādur; **est** kelimesi **ez-ḥaṭāhā** kelimesinūñ āhırine merbūtdür. Ḥaṭāhā, cem'dür; müfredi «ḥaṭā»dur. Ḥaṭā, bunda «yañlış» ma'nāsınadır ve bir şehriñ adıdır. İbrīşim ve misk ve kāfūruñ a'lāsı andan olur. Ol şehre Fārisīde cīm ile «Cevcev» daḥı dirler.

﴿ گوش دارش با تو گویم سربسر ﴾ Kulak tut; saña başdan başa söyleyem. Yāḥod anı saña söyleyem dimekdür. Zīrā **gūş dār** kelimesinūñ āhırinde olan şın-ı zamīr be-her-ḥāl çār çiz'e rāci'dür. Lākin dār lafzına mef'ul olmak yāḥod **gūyem** lafzınuñ mef'ulî olmak muḥtemeldür.

﴿ اول از زن داشتن چشم وفا ﴾ Evvelā nisā ṭā'ifesinden vefā ümîdin tutmaqdır. **Çeşm**, bunda «ümîd» ma'nâsınadır; vefâya muzâfdır. **Vefâ**, «sözi ve 'ahdi yirine getürmege» dirler. Ṭā'ife-i nisâda ise vefânun nâ-dîde idigi işbu nazm-ı pesendîdenün maẓmûn-ı nâ-şinîdesinden hüveydâdur, *naẓm*:

در دیده مور مسکن مار که دید
در کردن اهل خرقة زنار که دید
ای بی خبر از اسب و زن وفا طلبی
اسب و زن و شمشیر وفادار که دید

ma'nâ-yı kıṭ'a zâhirdür. Pes 'avretten vefâ me'mûl itmek, kâr-dân u hîredmendân kârı degüldür. Belki mışdâkıncı tîz aldanan sâde-dilân kârıdır dimegi iş'âr için nâẓım eyidür:

﴿ ساده دل را بس خطا باشد خطا ﴾ Şâf-derûn u bön olan kimseye çok ḥaṭâ ola. Ḥaṭâ'-i şânî, te'kîd lafzı olmağıla ma'nâ; ḥaṭâ üzre ḥaṭâ ola dimekdür. **Sâde-dil**, «bön» ma'nâsınadır ki beyne'n-nâs aña şâf-derûn ta'bîr iderler. Sâde-levh mişlühüdür. **Râ**, edât-ı mef'ûldür. **Bes**, feth-i bâ'-i muvaḥḥide ile «hayli» dimekdür. Ma'lûm ola ki nisâdan vefâ [Ü338a] me'mûli, zehrden şifâ me'mûline beñzer dimişlerdür. Ve dahı Müşelleşâtda nisâyı bî-vefâlar cerîdesinün ḥâtimesi [S346a] kılup:

ثلثة ليس لها الوفاء
السيف و الفرس و النساء

buyurmuşladur. Şöyle ki; seyf ve feres ve nisâdan her biri dost u düşmân dimeyüp her birlerinin ḥâcetlerin kaẓâ iderler. Ḥattâ nisânun 'adem-i vefâsı, ḥîle vü nifâk ile tîz elden girye-i şûrîlerinden hüveydâdur. Pes anlara i'timâd câ'iz degüldür. Nitekim Nâbî:

Sirişk-i çeşmine ehl-i nifâkuñ i'timâd itme
Esâsında binânun reşḥ-i âb olsa metîn olmaz

dinmişdür. Ve eslâfda olan ḥâl-i 'ibret-me'âllerin beyânda Firdevsî buyurmuşdur ki *kıṭ'a*:

آدم بيهشت يافت حرمان از زن
يوسف ببلای چاه زندان از زن
صد ملك سليمان شده ويران از زن
سيمرغ بكوه قاف پنهان از زن

intihâ. Ammâ çâr çîzün ikincisi budur ki zîkr olunur.

﴿ ایمنی از بد خطای دیکرست ﴾ Yaramaz kimseden emîn olmaḡ ḥaṭâ-yı dîgerdür. **İmenî**, yâ'-i maşdariyye ile «emniyyet ve fâriḡu'l-bâl ve âsüdelik» ma'nâsınadır. İmdi yaramaz kimesneden dūr olmaḡ lâzımdur. Ḥattâ anlardan ba'diyyet mücerred zararlarından selâmet içündür. Zîrâ bedân u nâ-dân ile muḡârenet, seng ile sebûnun şoḡbetlerine beñzer dimişlerdür. Nitekim şâ'iruñ *beyt*:

مجوى صحبت دونان كزو همى ترسم
كه همچو صحبت سنك و سبو شود ناكاه

didikleri bu beyâna dâlldür. Pes çâr çîzün üçüncisi budur ki zîkr olunur.

﴿ صحبت صبیان ازینها بدترست ﴾ Şabîlerüñ şoḥbeti bunlardan ziyāde kötüdür. **Şoḥbet**, «mücālese ve dostluk ve cimā» ma'nalarına gelir; mā-ba'dine muzāfdur. **Şıbyān**, şabînüñ cem'idur; ma'nası ma'rūfdur. Lākin bunda sāde-rüyān murād olunmaḵ rüşendür. **Ez'inhā**, «bunlardan» dimektür. Ya'nî; zenden vefā-ḥ^vāh ve yaramazdan emîn olmaḵdan dimektür. Īnhā, ism-i işāretdür; cem'īdür. Teşniye maḵāmında daḥı bu şīğa müsta'meldür. **Bedterest**, «kötürek ya'nî ziyāde beddür» dimektür. Pes sāde-rüyān ile evvelen bilā-ğaraḵ mücālese ithāma bā'ışdır. Pes cāy-ı töhmetden ḥazer lāzımdur. Nitekim اتقوا مواضع التهم ḥadīs-i şerīfī bu beyānda şāhiddür. Ve mücāleseleri sebe-i cünbiş-i şehevātdur. Anunçün ḥālet-i meşylerinde anlara pey-revlikden [Ü338b] nehy vārid olmuştur. Nitekim ḥazret-i Dāvūd 'aleyhi's-selāmuñ: امش خلف الاسد و الاسود ولا تمش خلف المرأة والامرء kelām-ı şerīfī bu ma'nāya güvāhdur. Şāniyen, şoḥbetüñ dostluk ma'nāsınca sāde-rüyān ile şoḥbet [S346b] hemişe mücālese-i bī-ğaraḵdan ḥaṭādur. Zīrā be-her-ḥāl naḵar vebāli der-kārdur. Zīrā naḵar-ı şehvet-eşer, siḥām-ı iblīsden bir sehm-i mesmūmdur. Ve kākül ü ḥāl-i ḥübānuñ dāne-i mekr ü dām-ı şeyṭān idigi ma'lūmdur. Pes ba'zı zurefānuñ *beyt*:

نصیب الفتی فی الروض شتم و نظرة
وما الرعى الا فی طباع البهائم

didigi naḵar vebālini def' idemez. Zīrā naḵar, mezālīḵ-ı aḳdāma bā'ış bir ma'nādur. Ve nazḵāre-i sīmīn-bedenānda, düçār-ı zelaḵ-ı ḳadem olan, ḳıyāmete degin kendü kendüyi tıtmaga ḳādir olamaz dimişlerdür. Nitekim Ḥ^vāce Şā'ibüñ *beyt*:

تا قیامت نتوانست گرفتن خود را
هرکه لغزید ز نظاره سیمین بدنان

beyt-i nezāket-ı unvānı bu beyānda vāfidür. Ve anlara bilā-ğaraḵ dīl-bend olmaḵ, ḳişinüñ inḥıṭāṭ-ı ḳudretine bā'ış oldığı Ḥ^vāce Sa'dīnūñ:

چو خواهی که قدرت بماند بلند
دل ای خواجه در ساده رویان مبند

beyt-i pendinden nümāyāndur. Ve naḵar-ı ḥübān, bā'ış-i 'amel-i 'ışyān olduğından Fuzūlī:

İy göz ol nergis-i ḥün-ḥ^vāra nigāh itme daḥı
Özüñi 'āşī-i dergāh-ı İlāh itme daḥı

diyü buyurmuşdur. Ve bundan mā-ādā 'ışḵ 'alāḳasıyle āteşe düşmek ḥālī olağandır. Anunçün şā'ir *beyt*:

'Āḳıl geçinen 'ışḵ-ı cüvanāna düşer mi?
Göz göre varup āteş-i sūzāna düşer mi?

diyü buyurmuşdur. Ḳaldı ki; o ḥāle varınca ben gözümü ḡamz ile men' iderüm demek ile cevāb-sāz olanlara *beyt*:

محبوب را ز صحبت جانان چه فائده
پوشیده چشم را ز کستان چه فائده

diyü muḳābele eylemişlerdür. Ve şoḥbet eyledigün sâde-rûnuñ şüret-i ḥālî her ne kadar âlûde-i şerm ü ḥayâ olsa, yine murğ-ı dil-i ‘aşıḳânı şayd u giriftâr-ı kayd eylemek der-kârdur dimişlerdür. Nitekim *beyt*:

ز چشم شرمکین دلبران ایمن مشو صائب
که شاهین چشم خونخواری کند در چشم پوشیدن

beyt-i laṭfî bu ma‘nâya şâhiddür. Pes şoḥbetün ma‘nâ-yı şâlişi üzre, anlar ile kâr-ı mekrûh sevdâsında olmak, bâ‘is-i rusvâ-yı ‘âlem idigi âşkârdur. Nitekim İbnü Kemâl buyurmuşdur:

İsm-i dil-ber ‘aceb tılısm oldu
Anda meyl ehli iki kısım oldu
Kimi dâl ile lâminı gözler
Kimi bâ ile râsını özler
Kim ki kaldırdı aradan lâmı
Ehl-i [S347a] ‘ışḳ içre olmadı nâmı

intihâ. Çâr çîzüñ dördincisi budur ki zıkr olunur:

﴿ کام نفس بد بر آوردن خطاست ﴾ Yaramaz nefsün murâdını ḥâşıl eylemek ḥaṭâdur.

﴿ زانکه دشمنرا بپرور دن خطاست ﴾ Zîrâ ki düşmeni beslemek ḥaṭâdur. Pes nefsün ne gûne düşman idigi beyân-ı sâbıḳdan nümâyân ve düşmânı beslemek besleyene belâ olduğu müstağnin ‘ani’l-beyândur.

[Ü339a] Der-Beyân-ı Ḥaḳḳ-ı Vâlideyn ve Farz Be-Cây Âverden

﴿ چار چیزست از عطاى کریم ﴾ Dört nesne ḥazret-i Kerîmün ‘aṭâlarındandır. ‘Aṭâhâ, cem‘dür; müfredi «‘aṭâ»dur. ‘Aṭâ, «baḥşîş ü iḥsân» ma‘nâsınadır. **Kerîm**, ism-i celâldür.

﴿ باتو کویم یاد کیرش ای سلیم ﴾ Saña söyleyem, anı ezber tut iy selimü’ṭ-tab‘.

﴿ فرض حق اول بجای آوردنست ﴾ Evvel Ḥaḳḳuñ farz itdigini yirine getürmekdür. **Farz-ı Ḥaḳḳ**, «Ḥaḳḳ te‘âlânun farzını» dimekdür. Farz, luğatde «taḳdîr ve Ḥudânuñ ‘ibâda emr ile icâb itdigi»dür. Ammâ ıstılâḥ-ı şer‘de, şübhesiz delîl ile sâbit olana dirler. Farzuñ fi‘linde şevâb, terkinde ıḳâb ve inkârında ittifâḳan küfr vardır. **Evvel**, bunda ibtidâ ma‘nâsınadır. Murâd; çâr çîzüñ evveli dimekdür. **Be-cây âverdenest**, «yirine getürmekdür». Ya‘nî; vaḳtinde edâ itmekdür dimekdür. Pes edâ’-i ferâ’iz, ‘ubûdiyyetün ma‘nâsıdır. Nitekim: یا ابا هريرة اد الفرائض فانت انا عابد ḥadîs-i şerîfî bu ma‘nâda şâhiddür. (...[S347b]...)

[Ü339b] ﴿ والدین از خویش راضی کردنست ﴾ Vâlideyni kendiñden râzî itmekdür. **Vâlideyn**, taḡlîb ḳâ‘idesi üzre «baba ve ana»dur. Ve zîrâ fi’l-aşl vâlid, baba ve vâlide, anaya dirler. Pes herkesün toḡdıḡı yire mevlid, toḡdıḡı vaḳte mîlâd ve toḡan ma‘şûma veled dirler; gerek oḡlan ve gerek kız olsun. **Ez-ḥ’îş**, «kendiñden» dimekdür. **Râzî**, «ḥoşnûd»; **kerdenest**, «itmekdür» dimekdür. Ma‘lûm ola ki vâlideyne itâ‘at lâzımdır. Nitekim âyet-i ‘azîmü’ş-şânda: فلا تقل لهما اف ولا تنهرهما وقل لهما قولا كريما vârid olmuştur. Ve anlara itâ‘at ile rızâlarında bulunmak için ḥadîs-i şerîfde: اطع اباك vârid olmuştur. Ve

iṭāʿatleri tezāyüd-i ʿömre sebebdür. Nitekim من بر بوالدينه طوبى له و زاد الله فى عمره ḥadīs-i şerīfī buña dāldür. Ve daḥı ḥadīs-i şerīfde الجنة تحت اقدام الامهات vārid olmuştur. Ve bu ḥadīs-i şerīfün tercemesinde:

Fāʿiz-i rahmet ol ki māderine
Her dem ikrām u iltifātdadur
Şahn-ı gülşen-serāy-ı ḥuld-i berīn
Zīr-i aḳdām-ı ümmehātdadur

Pes bu ḥadīs-i şerīfe göre vālidenün ḥaḳḳı vālid ḥaḳḳından aʿzamdur. Fe-ʿalā-hāzā vālideyne ʿāḳḳ olan Ḥudānuñ emrine iṭāʿat itmiş olmaz ve Ḥudā ol kimseden rāzī olmaz. Nitekim ḥadīs-i şerīfde لا يحب ان الله بوا ان الله لا يحب vārid olmuştur. Ḥattā vālideynine bārr olanuñ evlādı kendüye bārr olur diyü ḥadīs-i şerīfde بروا vārid olmuştur. Ḥattā vālideynine bārr olanuñ evlādı kendüye ʿāḳḳ olur demek olur. Lākin veledün vālide ʿāḳḳ olduğunu beyānda Fenerī Oḳcı-zāde, Ḥadīs-i Erbʿaīn Şerhinde bir laṭīf kıṭʿa irād buyurmuştur. Ol kıṭʿa budur, *naẓm*:

دانی سبب ز چیست که فرزند با پدر
منت ندارد ار چه فراوان دهد عطا
یعنی بدین جهانکه محل حوادثست
در محنت وجود تو آورده مرا

Yaʿnī; bilür misin nedür ki baba oḡlına her ne kadar ʿaṭāyā vü ikrām eylese, oḡlı anı minnet şaymayup, yine kendüye ʿāḳḳ olur? Güyā bu maḥall-i ḥavādiş olan miḥnet-ḥāne-i dünyāya beni getürmege sebep sensin diyü anuñ nizāʿın icrā ider dimekdür. Ḥulāşa vālideyne bārr olmak lāzımdur. Qaldı ki ṭıbbā-ı insān zātında veledine meyl ü şefḳat üzre olmaḡın “evlāduñıza şöyle muʿāmele idüñüz” diyü tavsiyeye ḥācet iḳtiżā eylemedi. Yoksa vālideyn üzerinde veledün daḥı ḥaḳḳı vardır. Nitekim ḥadīs-i şerīfde: اكرموا اولادکم و احسنوا ادايهم [Ü340a] vārid olmuştur. Ḥattā vālidün veledde galebe-i maḥabbetinden nāşī, taʿlīm ü teʿdībinden müsālehesi ḡālib olduğundan اهلکم و اهلکم نارا āyet-i şerīfde müfessirīn-i ʿizām: “Anları taʿlīm ü teʿdīb idüñ” dimekdür diyü maʿnā virmişlerdür. Zīrā bī-eb taʿlīm olan veled cāhil kalur. Ve bī-edeb olan nā-terāşīde olmaḡın āteşe lāyık olacaḳ aḳvāl ü efʿāle māʿil olur dimişlerdür. Pes veledün vālid üzerinde olan ḥuḳūqları çokdur. Ez-cümle, ismini güzel itmek ve tekellüme āḡāzında «Lā-ilāhe illaʿllāh» ve daḥı فتعالى الله الملك الحق āyet-i kerīmesi ve daḥı süre-i Ḥaşruñ āḫirin telḳīn itmek ve ḥayra terḡīb ve şerrden taḥzīr eylemek ve yedi yaşında İslāmını taşḫīḥ ve kelime-i küfr tekellümünden ihtirāza tenbīh ve namāza mübāşeret itdürmek ve sünnet itmek ve bülūḡa vardıkda teʿhhüline saʿy itmek ve nafaḳalarında taẓyīḳ eylememek ve ʿaṭıyyede beynlerin tesviye eylemek gibi dimişlerdür. Ancak bāzārdan mīve getürdikde evvel kıza vireler diyü taşrīḥ buyurmuşlardır.

[S348b] ﴿ حکم دیگر چیست با شیطان جهاد ﴾ Diğer emr nedür?; şeyṭān ile cihād itmekdür.

Ḥük-m-i diğer, «ḥük-m-i āḥar» dimekdür. Ḥük-m, bunda «emr» maʿnāsınadır. Yaʿnī; «ḥük-m-i İlāhīnün biri daḥı» dimekdür. **Çist**, kelime-i istifhāmdur; «nedür?» demek maʿnāsınadır. Yaʿnī; eger “nedür?” dir iseñ

cevābı **bā-şeytān cihād**, «şeytān ile mücāhededür» dimekdür. Ma'lûm ola ki mü'minüñ kalbi kal'a-mişäldür. Şeytān kal'aya duhul iden 'adū gibidür. Ol kal'anuñ medāhıl ü ebvābın şāhib-i kal'a bilüp, 'adūdan muhāfaza eylemek gerekdür. Yoksa düşmān ol medāhilden kal'aya duhul eyledikde hāl düşvār olur dimişlerdür. Ol medāhıl, şāhib-i kal'ada olan ahlāk-ı redī'elerdür ki anlar; hased ve hırş ve gāḍab ve şehvet ve hiddet ve zīnet ve şib' ve tāmā' ve ta'cīl ve hubb-ı māl ve mezhebinde ta'aşşub ve 'avāma göre zāt u sıfātu'llāhdan bahş ve müslimīne şū'-i zann ve emşālleridür. Bu medāhiller cünūd-ı şeyāṭīne ebvāb-ı vāsī'adur. Pes bu medāhili mukābilleri olan ahlāk-ı hamīde ile sedd ve 'adūyı duhılden redd eylemek gerekdür. İmdi kal'a-i kalb mahfūz oldıkdan şöñra şeytān yine hud'adan girü tırmaz. Zīrā aç kelbe beñzer; yiyecek bulınca git dimek ile gitmez. Ol zamān ālāt-ı dāfī'a ile tārda muhtācdur. Ol ālāt, taqvā ve zikr-i ḥazret-i Mevlādur ve her bār Hudādan sebāt-ı kalb istemekdür. (...[S349a, Ü340b]...) İmdi mücāhede-i mezkūre, çār çizüñ şālīşi olmağın nāzım rābī'ı beyānda buyurur:

﴿ چارمشی نیکی بخلق نا مراد ﴾ Çār çizüñ dördincisi nā-murād olan ḥalka eyülük itmekdür. **Nikī**, yā'-i maşdariyye ile «eyülük ve ihsān» ma'nāsınadır. **Nā-murāddan** murād; «faḳīr ü bī-çāre vü nā-kām»dur. Ma'lûm ola ki ihsānuñ ḥasen oldıgına, ihsānda olan elifler şāhideyn-i 'ādileyndür dimişlerdür. Pes ḥalka ihsān eylemek, 'atāyā-yı Mennāndandır. Ve ihsānuñ tarīḳı firāvandır. Qalīl ü keşīri ihsān dinmek seyyāndur. Nitekim: تسمک فی وجه اخیک صدقة ḥadīs-i şerīfī bu beyānda bürhāndur. Ve taşadduḳ u ihsān ḥışāl-i eşḥāb-ı kirāmdur. (...[S349b, Ü341a]...)

Der-Tezāyüd-i 'Ömr Mī-güyed

﴿ میفزاید عمر مرد از چار چیز ﴾ Kişinüñ 'ömri dört nesneden artar. **Mī-fezāyed**, «artar»; **'ömr-i merd**, izāfetle «merdüñ 'ömri» dimekdür. 'Ömr, ma'rūfdur. Merd, racül ma'nāsınadır. Murād; insān dimekdür. Zīrā āti'l-beyān olan çār çiz, zükūr u ināşuñ hālinde müsāvīdür. İmdi nāzımuñ merd lafzını īrādı, ricālūñ şerefiyyeti içündür. Yāḥod pend-i āṭiyi tutmak er kārıdur dimek nüktesini iş'ardur. **Ez-çār çiz**, «dört nesneden» dimekdür. Ve 'ömrüñ artması ḥayātdan mütemetti' olmağa sebebdür. Yāḥod 'ömr artsa bunlar ile artmağa sezādur dimekten 'ibāretdür.

﴿ این نصیحت بشنو ای جان عزیز ﴾ İy cān-ı [S350a] 'azīz bu naşīḥati işit. Ya'nī; kabūl eyle.

﴿ اول آوردن بکوش آواز خوش ﴾ Evvelā kulağa nāzūk āvāz getürmek. **Āvāz**, «şadā» ma'nāsınadır. [Ü341b] **Hoş**, bunda zarūret-i vezn-i kāfiye için ḥā meftūḥ(ḥaş) okunmalıdır. Ma'nası; «nāzūk ü laṭīf»dür. Ma'lûm ola ki şavt-ı ḥasen gıdā-yı rūḥdur. Nitekim Sa'dī:

به از روی حق بست آواز خوش

که آن حظ نفست و این قوت روح

dinmişdür. Ve şavt-ı ḥasen gıdā-yı rūḥ oldıgı vicdānīdür; delīle ḥācet yokdur. Ve aşlı bezm-i elest 'āleminde ervāḥuñ sem'ine ilḳā olınan lezzet-i ḥiṭāb-ı Rabb-i 'izzetdür ki ḥüsn-i şavt istimā'ında ol lezzet-i rūḥānī cūşa gelür dimişlerdür. Ve ḥüsn-i şavtda olan te'sīrāt insāna ve belki ḥayvāna sārīdür. Nitekim üştürüñ ḥüsn-i şadādan raḳs-āver oldıgı meşhūrdur. Ḥattā ḥazret-i Dāvūd 'āleyhi's-selāmuñ du'ā ve Zebūr

ķırā'etinden ħüsn-i şadāsını istimā' için insān ve tūyūr u vuhūş cem' olup ve lezzet-i şadā-yı pākine 'adem-i tākātden nāşī meclis-i sa'adetlerinde çok kimseler teslīm-i rūĥ iderler idi dimişlerdür. Pes āvāz-ı ĥoş rūĥānī olmağın sāmī'ni şevķa getürüp 'ālem-i ervāĥa cezb ider. Ĥattā Faĥr-i 'ālem şalla'llāhu 'aleyhi ve sellem ümmete teblīğ-i risālet ve ta'līm-i rāĥ-ı hidāyet 'aķablarında şān-ı rāĥatı ümmete i'lān ĥikmeti için: "ارحنا يا بلال" dir idi diyü rivāyet itmişlerdür. Ve leyle-i ta'rīside eşĥāb-ı ķirāmuñ şabāĥ namāzına ķalkamayup ķazāya mübāşeret eyledikleri, ol gice rāĥ-ı seferüñ te'abından mā-'adā ĥazret-i Bilālūñ emr-i Rasūlū'llāh ile temcīdinüñ lezzetinden nāşī oldu diyü buyurmuşlardır. Ve ĥazret-i Bilālūñ lezzet-i ĥüsn-i şavtı şöyle idi kim; Faĥr-i 'ālem şalla'llāhu ve sellemüñ devlet ile 'uķbāya rıĥletinden soñra ancak miyāne-i eşĥābda iki def'a ezān okudı. Evķāt-ı sā'irede okumamasını niyāz buyurdılar. Zīrā şadā-yı Bilāl, Faĥr-i 'āleme olan dāğ-ı firākı tāzelediginden, istimā'ına eşĥāb tākāt getüremediler dinmişdür.

﴿ وانكى ديدن جمال ماه وش ﴾ Ve andan sonra ay gibi olan cemālī görmek. **V'ānehī**, «ve andan sonra»; **diden**, «görmek» ma'nāsına maşdardur. **Cemāl**, ma'rūfdur. **Māhveş** ve mehveş, «ziyāde güzel maĥbūb»a dirler. Pes nāzımuñ cemālī mehveşle tavşīfide dil-berde ĥüsn ü ān gerekdür [S350b] ve ol daĥı māĥ-ı āsmān gibi zātī gerekdür dimege işāret vardur. Zīrā meşşāta işi olan kesme vü vesme ĥīle-perdāzlıkdur. Nitekim:

حاجت مشاطه نيست روى دل ارام را

dimişlerdür. Ĥattā ĥīle-i meşşāta ile olan ĥüsn-i cemāl, māĥ-ı siyām gibi bī-encāmdur [Ü343a]³⁰ dimişlerdür. Māĥ-ı siyām didikleri, bir 'amelī māĥ şekli bir nesne idi kim anı Naĥşeb nām şehr ķurbinde S(iy)ām nām bir tağda, Muķanna' nām bir ĥakīm şu'bede ile peydā eylemişidi. Dört fersaĥ yire dek ziyā virür idi. Altmış giceye dek şüret-nümā oldu. Ba'dehū 'amelī māĥ olmağın bi'l-küllīyye zā'il oldu. Pes ĥūbānuñ ru'yet-i cemālī bā'is-i efzāyiş-i nūr-ı başardur. Nitekim ĥadīs-i şerīfde: النظر الى الخضرة يزيد فى البصر و النظر الى المرأة الحسناء يزيد فى البصر vārid olmuşdur. Bundan murād nazarı ĥalāl olana nazardur. Ve bu ma'nāyı Müşellesātda vāķı' olan:

ثلاثة يذهبن عن قلب الحزن

الماء و الخضراء و الوجه الحسن

daĥı cāmī'dür. Ve her laţīf olan nazār bā'is-i efzāyiş-i nūr-ı başār idigi şā'irüñ bu ķıţ'asından eźherdür:

نور چشم آدمى افزون شود از هشت چیز

كر مىسر مىشود بروى نظر مىكن هر آن

بر زر و بر مصحف و شيخ كبار و شاه عدل

روى خوب و خط خوب و سبزه و آب روان

Ma'naları nümāyāndur. Ķaldı ki bu mişllü ĥalāla nazāruñ fā'idesi, nefsi iķnā' ile nā-maĥreme nazardan imtinā'dur. Nitekim bir yirde mütesāvi'l-fezā'il kimseler bulınsalar içlerinden 'avreti güzel olan imāmete eĥaķķdur dimişlerdür.

³⁰ Ü342a ve Ü342b boştur.

﴿ سیوم آمد ایمنی بر مال و جان ﴾ Üçüncisi māl ü cān üzre emîn olmağ geldi. Pes māl ü cāna emniyyet, bā'is-i efzāyis-i 'ömr ve sebeb-i rāḥat idigi bī-iştibāhdur. Nitekim nāzım te'kīd-i ma'nā ıaşıdıyle eyidür:

﴿ میفزاید عمر مردم را ازان ﴾ Ādemüñ 'ömrü andan ziyāde olur. Āḥir-i mısrā'da olan **ān**, mısrā'-ı evvelüñ mefhūmına işāretdür.

﴿ آنکه کارش بر مراد دل بود ﴾ Ol kimse ki anuñ işi göñlinüñ murādı üzre ola.

﴿ در بقا افزونیش حاصل بود ﴾ Devām ü şebātda aña ziyādelik ḥāşıl ola. **Beḳā**, bunda «devām» ma'nāsınadır. **Efzūn**ide yā' maşdariyyedür. Pes kişinüñ her tedbiri taḳdīre muvāfiḳ olmağ bā'is-i devām-ı ḥayāt idigi bī-reybdür. Ve mü'minüñ mu'ammer olması fazīletine dālldür. Nitekim ḥadīs-i şerīfde: افضل الناس المؤمن المعمر gelmişdür.

[S351a] Der-Beyān-ı Sebeb-i Noḳşān-ı 'Ömr

﴿ عمر مردم را بکاهد پنج چیز ﴾ Ādemüñ 'ömrini beş nesne eksildür. Ya'nı; ma'nī-i temettü'-i ḥayāt olur. **Bü-kāhed**, bā'-i istiḳbāl ile muzāri'-i müfred-i ḡā'ibdür; «eksildür» ma'nāsına müte'addidür. Maşdarı «kāsten»dür; eksilmek ve eksiltmek ma'nālarınca lāzım ve müte'addi olur.

﴿ یاد دارش چون شنیدی ای عزیز ﴾ Çünkü işitdūñ, anı ezber tut iy 'azīz. **Şinīdī**, māzīnūñ müfred-i muḥātabıdır; «işitdūñ» dimekdür. İşıdecek [Ü343b] henüz beyān olınacağ iken nāzımuñ maḳām-ı muzāri'-de māzī getürdigi, söyleyecegi muḥaḳḳağ oldığına yāḥod her müstaḳbel, mürür-ı 'ömr ile māziden ma'dūd oldığına işāret nüktesi içündür.

﴿ شد یکی زان پنج در پیری نیاز ﴾ Ol beşden biri ihtiyārılıkda ihtiyāc-ı gayrdu. **Pīrī**, āḥirindeki yā' maşdariyyedür; «ihtiyārılık» dimekdür. Ve ḡāḥ pīr, mürşid-i tarīḳate ıtlāḳ olunur. Lākin bunda murād degüldür. **Niyāz**, zāhir-i ḥācet recāsına dirler. Ammā ḥāceti, ḥācet ister, yüzinden itmeyüp gizlü i'lām ile başka yüzden göstermege Fāriside «nüḥüfte niyāz» dirler. Nitekim şā'irüñ:

ز بیم آن شه عشوه شدم نهفته نیاز

مباد طبع لطیفش که میشود مغیر

beytinde böyledür. Ma'lūm ola ki ādem erzel-i 'ömrü bülūḡında tıfl-ı nāzenīn-meşreb ve kār u kesbe bī-iḳtidār ve daḥı: حب اثنین فی حب طول الحیوة و كثرة المال ḥadīs-i şerīfi mışdāḳınca tūl-i emel ve cem'-i māl fikriyle ızırāba dūḡār olduğundan ḳanā'at-i ḳalīl üzre olmayup, faḳrından nāşī beyne'n-nās su'āle irtikāb ile rezīl olur. Pes bu vechile rezālet-i ihtiyāc, noḳşān-ı 'ömrine ya'nı baḳıyye-i 'ömrden temettü' bulmamağa bādī olur. İmdi ihtiyār maḳūlesine ikrām lāzımdur. Zīrā anlaruñ 'inda'llāḥ ḳadrleri vardır. Nitekim: من شاب شيبة فی الاسلام كانت له نورا يوم القيامة ḥadīs-i şerīfi şānlarında kāfi ve daḥı: ان الله يستحي ان يعذب الشيخ الكبير ḥadīs-i münīfi ri'āyetlerinde vāfidür.

﴿ پس غریبی وانکهی رنج دراز ﴾ Şoñra ḡarīblik ve müddet-i medīdede ḥastelikdür. Ya'nı; penc çizūñ ikincisi bunlardır dimekdür. **Pes**, «şoñra» dimekdür. **Ġarībī**, yā'-i maşdariyye ile «ḡarīblik» dimekdür. [S351b] Luḡat-i 'Arabiyyede ḡarīb, vaṭanından dūr olan bī-āşnāya dirler. Ġurbet, vaṭandan

intikāle dirler. Tağrīb, beleden nefye dirler. İğtirāb, eḡāribinüñ gayrını tezevvüce dirler. Pes ġarīb, Fārisīde daḡı maʿnā-yı mezkūrda müstaʿmeldür. Ve gāh ʿacīb maʿnāsına gelür. Nitekim; “ġarīb hāleti vardur” dirler. **Vʿāngehī**, «ve andan şöıra» dimekdür. **Renc-i dirāz**, «uzun hastelik» dimekdür. Renc, Fārisīde «emek ve zaḡmet ve maraḡ» maʿnāsınadır. Dirāz, «uzun» maʿnāsınadır. Nitekim Māverāʿüʿn-nehrde bir nehre «Dirāz-dür»³¹ diyü tesmiyenüñ vechi nehr-i mezkūruñ başı ġāyet ırak ve uzun uzak oldıġıdır. Maʿlūm ola ki ġurbetüñ fevāʿidi çokdur. Nitekim Kāsım-ı Meşhedīnüñ *beyt*:

نیست قدری هیچکس را در دیار خویشان
آب تا در کل بود آبست و در مینا کلاب

buyurdıġı ve daḡı Hʿāce Şāʿibüñ *beyt*:

کامل هنران در وطن خویش غریبند
در پشت صدف کوهر شهوار یتیمست

didigi ebyāt-ı laṭīfler mışdāķınca, kişinüñ kendi beldesinde ḡadri yokdur. Zīrā āb, mā-dām gülde oldıķca ābdur. Ammā mīnāya naķlinde gül-ābdur. Ve daḡı [Ü344a] şadefinde olan dürr-i şehvār bī-ḡadrdür. Ammā püşt-i şadefe ḡurūc u naķlinde dürr-i yetīmdür ki, şarrafān-ı rüzgār yanında zī-iʿtibārdur. Ḥattā ġurbetde raġbet ḡarfı mevcüddur dimişlerdür. Lakin ġurbetüñ zaḡmet-i gün-ā-günü daḡı maʿlūmdur. Nitekim: السفر قطعة من السقر ḡadīs-i şerīfī bunda şāhiddür. Bināʿen ʿaleyh kişinüñ ḡānesinde çekdiġi zaḡmet, ġurbetde olan şafāsından evlādur dimişlerdür. Ancak taḡşīl-i ʿilm ü kemāl ve puḡtelik, baḡr-i ġurbetüñ zaḡmetlerin çekmege mevķūfdur. Nitekim Şāʿib:

نیست ممکن پختکی تحصیل کردن در وطن
خامی عنبر کجا از جوش دریا کم شود

diyü buyurmuşlardur. Yaʿnī; vaṭanda puḡteligi taḡşīl mümkün degüldür. Ve illā ʿanberüñ ḡāmlıġı, cüş-ı deryādan ḡande kem olur idi? Yaʿnī; ʿanber ḡāmlıġın deryāya düşmek ve āḡara sefer itmek ile giderür dimekdür. Şöyle ki Serendīb semtinde leb-i deryāda olan cibāl-i şāhiķanuñ el irişmez ḡayalarında bal arısı mekān tutup, çıkardıġı baluñ ger mūmı deryāya düşüp, bilād-ı sāʿire semtine aķup vardıķda, anı sāḡile ḡarīb maḡallerde cemʿ idüp şatarlar. [S352a] ʿAnber ol mūmdandur dimişlerdür, intihā. Ammā böyle olmayan ve zātında istiʿdād bulunmayana, kendi ḡānesi hoşdur. Zīrā hünersiz ādemüñ ʿusretde eli vü etegi boşdur. Nitekim Kāsım:

هر کسی در منزل خود پادشاهی میکند
نیست جای بهتر از دار الشفا دیوانه را

dimişlerdür. İmdi kişi kendi irādetiyle ġurbeti ihtiyār itmeyüp ḡānesinde ḡuzūrın aramak gerekdür. Nitekim:

حضور خانه خود مغتنم شمار که تیر
بزور میرود از خانه کمان بیرون

³¹ El altındaki sözlüklerde (msl. Luġatnāme, Steingass...) *dirāz-rūd* درازرود şeklindedir.

beyt-i cevāhir-meşhūnı bu beyānda kāfīdür. Ve daḥı müddet-i medīde hasteliğün daḥı ḥālī maʿlūmdur. Pes şiddet-i ʿilletden mevte temennī itmek şerʿan cāʿiz degüldür. Nitekim ḥadīs-i şerīfde: لا يتمنى احدكم الموت نitekim ḥadīs-i şerīfde: لا يتمنى احدكم الموت vārid olmuşdur. İmdi bu mişllü hastenüñ ʿiyādesiyle ḥatırın celb, şerʿan ve ṭabʿan ve ʿörfen lâzımdur. Nitekim Ḥ^vāce Kelīm eyidür, *beyt*:

زکوة صحت جسمت خسته پرسیدن

نکاهبانئ عمرست پیش پا دیدن

Yaʿnī; ḥaste ḥatırın şorماق zekāt-ı şıḥḥat-i cisimdür. Ayağı altında olana naẓar itmek nigāḥ-bānī-i ʿömrdür dimekdür.

﴿ هرکه او بر مرده اندازد نظر ﴾ Her kim ki meyyite naẓar birağur.

﴿ عمر او بی شک بکاهد ای پسر ﴾ Anuñ ʿömri bilā-şekk eksilür. Pes nāzımuñ **mürdeden** murādı; maşlūb u maḳtūl olmaḳ zāhirdür. Zīrā bu mişllü meyyite naẓar, noḳşān-ı ʿaḳla daḥı sebebdür. Ve nāzıra, ḡamm ve hemm ve ḥüzni elem īrās itmegın mağmūm u mehmūm u maḥzūnuñ ḥayātdan ʿadem-i temettüʿi zāhirdür.

﴿ پنجم آمد ترس و بیم از دشمنان ﴾ Beşincisi düşmānlardan ḳorḳu ve ḳuyu geldi. **Ters**, «ḳorḳu»; **u(ve) bīm**, tersüñ ʿatf-ı tefsīridür. [Ü344b] Pes düşmānları çok olmaḳ ve düşmān ḥavfından muẓtarib olmaḳ, bāʿiṣ-i noḳşānī-i ʿömr idigi zāhirdür. Ve ekşer düşmāndan ḳorḳmaḳ, Ḥudādan ḳorḳmamaḳdan nāşī olmağın, Ḥudādan ḳorḳmayanunñ noḳşāniyyet-i ʿömri bāhirdür. İmdi eşyāʾ-i ḥamse-i mezkūreden mübāʿadet lâzımdur. Zīrā:

﴿ عمر را اينها همی دارد زیان ﴾ Bunlar ʿömre ziyān u ḥusrān tutar. **İnhā**, ism-i işāretüñ cemʿidür. Müşārun ileyhi eşyāʾ-i ḥamse-i mezkūredür. **Ziyān**, maʿrūfdur. Ve gāḥī zindegānī maʿnāsına gelür. Pes ḥavf ez-ʿadānuñ noḳşāniyyet-i ʿömre sebebiyyetin mezīd-i tizāḥ için nāzım eyidür:

﴿ هرکه او از دشمنان ترسان بود ﴾ Her ol kimse ki düşmānlardan ḳorḳucı ola. **Tersān**, şıfat-ı müşebbehe-i Fārisīdür; «ḳorḳucı» dimekdür.

﴿ کار او هر لحظه دیگر سان بود ﴾ [S352b] Anuñ işi her laḥza āḥar dürlü ola. Yaʿnī; muẓtaribüʾl-bāl ve müşevveşüʾl-aḥvāl ola. **Her laḥza**, «her göz açup yummada» dimekdür. Bunda zarfıyyet melḥūẓdur ve bunda ḡāyet-i mübālağa vardır. **Diğer sāl**, «āḥar gūne» dimekdür. Zīrā diğer bunda «āḥar» maʿnāsınadır. Sāl, Fārisīde «vech ve nevʿ» maʿnāsınadır. Bunuñ beyānı şöyledür ki; insānda olan eczāʾ-i ʿanāşır-ı erbaʿa birbirlerine zıddlardır. Ülfetleri, iʿtidāl-i mizāca mevḳūfdur. Ḳaçan bu mişllü ḥavf ile ḳalbe ıztırāb ve her laḥzada bir gūne pīç ü tāb-ı bī-ḥisāb vuḳūʿında ʿanāşırın ülfetleri zaʿīf ve binā-yı beden inhidāma māʾil ü saḥīf olur. İmdi ne itmek ile ʿilāc mümkin olur? diyü bundan suʾāl-i muḳadder peydā olmağın cevāb ṭarīḳıyle fezleke-i ebyātda nāzım eyidür:

﴿ از خدا ترس و مترس از دشمنان ﴾ Ḥudādan ḳorḳ; düşmenāndan ḳorḳma.

﴿ کز همه دارت خدایت در امان ﴾ Ki Ḥudā seni emānetde tuta. **Emān**, Fārisīde üç maʿnāya gelür.

Biri, «mühletdür» ki aña ḥıfz lâzım gelür; bunda murād budur. Ve biri zinhār maʿnāsıdır ki şaḳın

dimekdür. Ve biri mağāradur. Pes bunda: *من خاف من الله خوف الله كل شيء و منه و من لم يخف الله* hadīs-i şerīfine işāret vardır.

Der-Beyān-ı Şe’āmet-i Dürüg u Hıṣāl-i Bî-Fürüg

﴿ دور شو از پنج خصلت ای پسر ﴾ İy oğul beş haşletden ırak ol.

﴿ تا نریند آب رویت در نظر ﴾ Tā ki nazarda ‘izzet ü ħurmetin zāyi’ olmaya. **Tā ne-rīzed**, «tā ki dökilmeye» ya’nī «telef olmaya»; **āb-ı rūyet**, «yüzünüñ şuyı» ya’nī «‘izzet ü ħurmetüñ» dimekdür. Āhırdeki tā, hitāb içündür. **Der-naẓar**, «halkuñ naẓarında ve yanında» dimekdür. Ve mezkūr olacağı eşyā’-i erba’anuñ biri kizb ve biri ulular ile mu‘ānede ve biri edebsizlik ve biri sebük-sārılık [Ü345a] ve biri irtikāb-ı ħabāset olmağın, evvelkisini beyāna şurūf idüp nāzım buyurur:

﴿ اولاً کم کوی با مردم دروغ ﴾ Evvelen ādeme yalanı eksik söyle. Ya’nī; hīç söyleme dimekdür.

Kem gūy, «eksik söyle» ya’nī «hīç söyleme» dimekdür. Bunda beşeriyet hasebiyle, ādemden kizb şādır olmamağ nādirdür; bārī az söylemelü dimek nüktesine īmā vardır. **Bā-merdüm**, «ādeme» ya’nī «nāsa» dimekdür. **Dürüg**, zamm-ı dāl-i mühmele ile «yalan» dimekdür.

[S353a] ﴿ زانکه کردی از دروغت بیفروغ ﴾ Zīrā ki kizbden bī-ziyā vü bī-‘itibār olursın. **Z’ān ki**, «andan ötüri ki»; **gerdī**, feth-i kāf-ı ‘Acemī ile «olursın» dimekdür. **Ez-dürüget**, «yalanuñdan»; **bī-fürüg**, «şu’lesiz» ya’nī «‘itibārsız» dimekdür. Pes bunda *الكذب يسود الوجه* hadīs-i şerīfine telmīh vardır. Ma’lūm ola ki kizb şāhibinüñ yüzini qara itmekden mā-‘adā vaqt olur ki bā’is-i helāki olur. (...)

﴿ هرکه استیزه کند بامهتران ﴾ Her kim ki ulular ile mu‘ānede ider. **İstīze**, «‘inād» ma’nāsınadır.

Bā-mihterān, «ulu kimseler ile» dimekdür. Mihter, ziyāde ulu dimekdür. Elif ile nūn edāt-ı cem‘dür.

﴿ آبروی خود بریزد بیکمان ﴾ Şeksiz kendi yüzünüñ şuyını döker. Ya’nī; kendi eliyle ħurmetini telef eyler dimekdür. Ma’lūm ola ki herkes ile mu‘ānede mezmūmdur. Ĥuṣūṣan kibār-ı nās ile mu‘ānede gāyet kötüdür. Pes kibār-ı nās *مع اکابرکم البركة* hadīs-i şerīfī mışdāķınca ta’zīmi lāzım olan kimselerdür. Anlara ta’zīm bedeli ‘inād u cedellerinde olmağ, kişi ĥaddini bilmemekdür. Be-her-ĥāl ĥaddini bilmeyene ĥaddini bildürürler. Nitekim Ĥāfız:

ببال و پر مرو از ره که تیر پرتابی

هوا گرفت زمانی ولی بخاک نشست

Ya’nī; bāl ü pere iğtirār ile ĥaddüñi şavuşma ki, uzağa atılan ok egerçi bir zamān hevā-gīr oldı. Velākin bī-‘itibār oldı dimekdür. Tīr-i pertābī, uzağa atılan oğa dirler. Be-ĥāk nişest, bī-‘itibār oldı dimekdür. Ve daḥı Şā’ib:

از پایه خود هرکه نهد پای فراتر

مستیست که پروای لب بام ندارد

dimişlerdür. [Ü345b] Ya’nī; kendi pāyesinden ziyāde her kim ki ayağın yuğaru [S353b] qor; ol bir mest-i lā-ya’qıldür ki leb-i bāmdan pervā tutmaz ve aşığ düşer dimekdür. Ve daḥı ĥaddini bilmek pādşāhlıkdur diyü Şā’ib:

درون خانه خود هر کدا شهنشاهیست

قدم برون منه از حد خویش سلطان باش

dimişlerdür. Ve dahı kendi miqdārın fehm itmek nişāne-i saʿādetdür diyü:

پا منه از حد خود بیرون سعادت‌مند باش

نیست کمتر از هما تا جغد در ویرانه است

dimişlerdür. Pes haddinden taşra harekāt ile ʿināda düşüp mihterānuñ luṭf ile nazar u rütbe-baḥş oldığını haẓm itmeyüp haddinden ḥurūc ideni gözyaşı gibi bildirüp pā-māl iderler diyü Muḥliş:

ز لطف مردم اگر بر نظر نشانند

مروز جای که چون اشک میدوانند

buyurmuşlardır.

﴿ پیش مردم هر کرا نبود ادب ﴾ Halk ẓatında her kim ki edebi olmaya. Yaʿnī; edebsiz ola. **Piṣ-i merdüm**, «halkun öñinde» dimekdür. **Her ki-rā**, «her kimün içün ki»; **neʿbved edeb**, «edebi olmaya» dimekdür. Edeb, Fārisīde ıslāḥ-ı nefis ve ʿādet ve ʿaceb maʿnāsınadır. Nitekim ʿÖrfünñ:

ادب کی میکذارد تا بیوسم آستانش را

mıṣrāʿında bu maʿnāyadır.

﴿ کر بریزد آبرو نبود عجب ﴾ Eger ʿizzet ü ḥurmeti telef olursa ʿaceb olmaya. Zīrā:

Edeb hoşdur, edeb hoşdur İlähî

Edebsizlik ḫul eyler pādşāhi

dimişlerdür.

﴿ ای پسر با مهتران کمتر ستیز ﴾ İy oğul! Ulular ile az ʿinād eyle. Yaʿnī hîç muʿānede itme dimekdür.

﴿ در حماقت آب روی خود مریز ﴾ Ḥamāḳatde kendi yüzünñ şuyını dökem. Yaʿnī; ḥurmetünñ zāyiʿ itme dimekdür. Pes mihterān ile muʿānede ancaḳ aḫmaḳlar işidür; yoksa zīrekler işi degüldür dimege bunda işāret vardır. Ḥattā sālik-i ʿışḳ-ı İlähî olan kimesnenün mübtedî iken müntehî daʿvāsın eylemek ḥamāḳatindendür. Zīrā ḥadd-i şerʿiyi ve tarīḳ-ı merʿiyi tecāvüz itmemek üzre ḫullet maḳāmına vuşul bulmadın nāra düşmek ve şināver ü ğavvāş degül iken deryāya girmek gibidür dimişlerdür.

﴿ کر بعالم آب روی بایدت ﴾ Eger ʿālemde saña āb-ı rüyuñ gerek ise. Yaʿnī; ḳadr ü itibāruñ lāzım ise:

﴿ با ادب خلق نیکویی بایدت ﴾ Saña edeb ile halk eyülügi gerek. Pes nāzımuñ ʿālemde ʿizzet ü ḥurmet ve itibār bulmağı edeb ile ḥüsn-i ḫulḳa rabṭ eyledigi; edeb ḥüsn-i ḫulḳdan ʿibāretdür [S354a] ve edeb aḫlāḳ-ı ḥamīde ile mevşūfiyetdür dimege işāretdür. Zīrā edeb tevḫ-ı İlähî ile maḫz-ı luṭfdur diyü ḥazret-i Mevlānā Meşnevīsinde beyt:

از خدا جوییم توفیق ادب

بی ادب محروم از لطف رب

buyurmuşdur. Ve edeb, aḫlāḳ-ı ḥamīdeden ʿibāret oldığı meşāyih-ı muḫaḳḳıḳınñ:

ادبوا النفس ايها الاحباب

طرق العشق كلها آداب

didiklerinden ma'lûmdur. Ve taşavvuf ile sülûk dağı edebden 'ibâretdür diyü Ebû Hafş-ı Kebîr: التصرف: buyurmuşdur. Ve dağı sâlike lâzım olan ehl-i dil huzûrında bâtınını mü'eddeb eylemelüdür ki 'itâb-ı bâtından ħalâş bula. Ve zâhirin ehl-i zâhir katında mü'eddeb itmeliüdür ki 'itâb-ı zâhiriden âzâd ola. (...[S354b, Ü346a, Ü346b]...)

﴿ هر که آمنگ سبکباری کند ﴾ Her kim ki ħıffet ü bî-âqlık kaşdın ider. **Āheng-i sebûkbārī**, izâfetle «sebûkbārılık kaşdın» dimekdür. Āheng, «kaşd» ma'nâsınadır. Sebûkbār, «ĥafîfü'l-âql» ma'nâsınadır. Āhîrindeki yâ' maşdariyyedür.

﴿ از وی آب روی بیزاری کند ﴾ Āb-ı rûy andan bî-zârlık ider. **Bîzārī**, yâ'-i maşdariyye «uşanıklık» ma'nâsınadır.

﴿ جز حدیث راست با مردم مگوی ﴾ Ĥalka toğrı sözden ġayrı kelâm söyleme. **Ĥadîs**, muṭlaḳā «ĥaber» ma'nâsınadır. **Merdüm**, bunda «ĥalk» ma'nâsınadır. **Me-ğûy**, nehy-i ĥâzırdur; «söyleme» dimekdür. Ya'nî; ĥalka ĥaber virdikde, ĥaberüñ toğrısından ġayrını söyleme.

﴿ تا نکرد آب رویت آب جوی ﴾ Tâ yüzüñüñ şuyı âb-ı cûy olmaya. Ya'nî; âb-ı revân gibi cereyân eylemeye. Pes âb-ı revânüñ girü dönmesi muḫâl oldığı gibi eger ĥaber virenüñ âb-ı rûyı vü 'izz ü ĥurmeti gidüp bir dağı girü gelmez dimege bunda nûkte vardır. Nitekim Ĥ'âce Şâ'ibüñ *beyt*:

در حفظ آب رو چو کهر باش سخت تر

کین آب رفته باز نیاید بجوی خویش

beyt-i laṭîfinden bu ma'nâ zâhirdür.

﴿ از خلاف وان خیانت باش دور ﴾ Ĥilâf u ĥıyânetden uzağ ol. Ya'nî; ĥılâf ve emânete ĥıyânetden ba'îd ol. Zîrâ bunlar münâfık 'alâmetidür. Nitekim: [S355a] اية المنافق ثلاثة و ان صام و صلى و زعم انه ĥadîs-i şerîfi bu beyâna dâlldür. Ve ĥâ'in ü bî-âhdüñ imânı kâmil [Ü347a] olmadığı ve felâĥ bulmadığı له عهد لا دين لمن لا عهد له ĥadîs-i şerîfi ile müşbetdür. Bu mişllü münâfık ile şöĥbetden, kelb ile ülfet hoşterdür diyü *beyt*:

صد بار بود سک موافق

بهتر ز برادر منافق

dimişlerdür. Ve emânet mâldan ve meclisden e'ammdur. Pes bir şöĥbeti bir kimse ile miyânede idüp didürdikden soñra ol meclisi âĥara söylemek, ol emânete ĥıyânet itmekdür. Nitekim Nâbî eyidür *beyt*:

Ben itdigüm niyâzı idersin rağîbe fâş

İy süst-âhd meclis emânet degül midür?

Ve ba'zı nüşhada ĥıyânet mevķı'ıne ĥabâset vâķı'dur. Ma'nâsı ĥabîslikdür; gerek aķvâlde olsun ve gerek a'mâlde olsun. Ve ba'zı nüşhada şîġa-i cem' ile ĥabâ'îş vâķı'dur. Ĥabâ'îş, ĥabîşüñ cem'i oldıkda;

murdârlardan ırâk ol demek olur. Yâhod şeytândan ırâk ol demek olur. Zîrâ habâ'îş, şeytânın erkek ve mûzîsine dağı dirler. (...)

﴿ تا بود پیوسته در روی تو نور ﴾ Tâ ki muttaşıl senün yüzünde nûr ola. Pes hilâf u hıyânetden ve habâşet ü habâ'îşden dūr olanın yüzü ve qalbi pür-nûr olmak bî-reybdür. Zîrâ âyine-i qalb münevver olmadıkça 'aks-i nûr yüzde zuhûr eylemediği mahallerinde meşûr ve erbâb-ı işârât 'indinde meşhûd u meşhûrdur.

﴿ کر همی خواهی که کویندت نکو ﴾ Eger ister iseñ ki hem-vâre saña eyü söyleyeler. Ya'nî; kimseden nâ-ma'kûl söz işitmeyesin.

﴿ ای برادر هیچ کس را بد مگو ﴾ İy birâder hiç kimseye kötü söyleme. Zîrâ kötü söz, geçmez akça gibi şâhibine redd olunur. Ve belki bir sözün yirine iki işidürsün. Nitekim:

Tag halka gibi gûşuñ pendüm cevâhirin

Dervîşünün cevâbına incinme iy dede

[S355b] Ma'nâda yine kendi sözündür işitdigün

Bir söyleyenler iki işidür bu kubbeye

dimişlerdür. Bunun tafşîli yukarda sebķ eylemişdür.

﴿ تا نباشی در جهان اندوهکین ﴾ Tâ ki cihânda pür-guşşa olmayasın. **Endühgîn**, endüh-âgîn lafzlarından muhaffedür; «guşşa ile memlû» dimekdür. Zîrâ endüh, guşşa ma'nâsınadır. Âgîn, medd-i elif ve kesr-i kâf-ı 'Acemî ile «tolu» ma'nâsınadır. Nitekim hışmgîn ve emşâlinde böyledür. İmdi gamm u guşşadan me'mûn olmak diler iseñ:

﴿ از حسد در روزگار کس را مبین ﴾ [Ü347b] Rûzgârda bir kimseyi hasedden görme. Ya'nî; bir kimseye nazar-ı hased ile bakmayup mâ-ķasema'llâha râzî ol dimekdür. Pes hased didigümüz meclisde mezemmete ve meleklerden la'nete ve hâlvette guşşa vü miñnete ve 'inde'l-mevt şiddete ve maşşerde faẓîhate ve cehennemde 'ukûbete ve gâdab-ı Cebbâra muşâdifete ve sedd-i bâb-ı ni'mete bâ'îş bir kesilmez gamm ve ecrsiz muşîbetdür didikleri üzre hâsîdün guşşadan 'ibâret olacağı bî-iştibâhdur; tafşîli sebķ eylemişdür. Ve eşyâ'-i hamse bu beyt ile altı olur dinmeye. Zîrâ metn-i nâzımda nüşha keşîr olmağın tarafumuzda olan nüşhada bu beyt dağı bulunmağın şerh olınmışdır.

Der-Beyân-ı 'Alâmet-i İmân

﴿ اصل ایمان هست شش چیز ای وحید ﴾ İmanın aşlı altı şeydür iy vaḥîd! **Aşl-ı imân**, izâfetle «îmanın aşlı» ya'nî zâbıta ve mebnâ 'aleyhi dimekdür. Zîrâ aşl ve kânûn ve kâ'ide ve zâbıta bir ma'nâyadır. İmân ma'rûfdur. **Hest**, bunda edât-ı haber olan est ma'nâsınadır. **Şeş çîz**, «altı nesne» dimekdür. Edât-ı haber bunun âlîrine merbûtdur. **İy vaḥîd**, «iy 'ilmde yegâne» dimekdür; bunda murâd budur. Ve Velîd bin Muğîrenün laķabıdır. Nitekim **وحيدي خلق من ذرني** âyet-i şerîfi buña dâlldür. Ve bir şâ'ir-i bî-nazîrün maḥlaşıdır ki aña Mirzâ Vaḥîd dirler.

﴿ با تو کویم کر بدل خواهی شنید ﴾ Saña diyeyüm eger cān u dil ile işitmek isterseñ. **Şenîd**, bunda şenîden gibi «işitmek» ma'nāsınadır.

﴿ سه ازان شش با یقین خوف و رجاست ﴾ Ol altı nesneden üçü yakîn ile havf u recâdur. Pes bu üçüñ her birlerinin beyânı tafşile muhtâc [S356a] olmağın evvelden mertebe-i muḳaddemeleriyle beyân olınmışdır. Şöyle ki **yaḳîn** lügatde; bir nesnenüñ haḳîḳatine ḳalb vâḳıf olmaḳdur. Ammâ iştilâh-ı şer' de olan ma'nası ḥazret-i Kerrâr razıya'llāhu 'anhuñ: لو كشف الغطاء ما ازدت یقینا kelâminuñ mefhûmından müstefâddur. Ya'nî; meşelâ aḥvâl-i âḥiretten mevt gibi veyâ mükâşefe gibi muḡayyebâtıdan, kendü ile imân vâcib olan nesnelerden ḥicâbuñ ref'i muḳaddemen olan yakînüne ziyâdelik vormeyüp, mü'min-i beherüñ muḡâyeye vü mu'ayenesi saña müsâvî ola dimekdür. Lâkin 'inde'l-muḥaḳḳıḳîn yakînüñ birbirine nisbeten ṭabaḳâtı vardır. (...[Ü348a]...) **Ḥavf**; 'ânifen yukarıda beyân olınmışdır. **Recâ**; ümîd ma'nāsınadır. Beyânı 'inde'l-muḥaḳḳıḳîn şöyledür ki; ḳalbde olan şıfât eger şâbit olursa ol vaşfa maḳâm dirler. Ve illâ ḳalbde cevelâñı ḥasebiyle aña ḥâl dirler. Pes maḥbûb u mekrûhdan sâlike ḥâşıl olan nesne iki kısımdur. Kısım-ı evvel, ḥâlen mevcûd olandır. Aña vecd ve daḡı zevḳ ve daḡı idrâk dirler. Kısım-ı sâni, mâzîde mevcûd olandır ki [S356b] aña zıkr dirler. Ammâ istikbâlde olacaḳ nesne eger galebe ile ḡuṭûr ider ise aña tevaḳḳu' ve intizâr dirler. Ve ol intizârında olduğı nesne maḥbûb olur ise recâ dirler. Ve eger mekrûh olur ise havf dirler. Ve ol muntazır olan nesneye bir sebep lâzımdur. Zîrâ vücûdı ve inṭifâsı ma'lûm sebebdan ḡâlî olana temennî dirler. İmdi havf ve recâ kendüde tereddüd olan nesnede olur; yoksa maḳtû'un bih olan nesnede olmaz dimişlerdür. İmdi dünyâ 'uḳbânüñ mezra'asıdır. Şöyle ki; ḳalb arz yirindedür; imân, tuḡm-ı pāk yirindedür. Ve t̄â'at, ol arzuñ taṭhîr ü ḡarâşet ü şikâyet için tedârük-i mecrâ yirindedür. Bundan soñra 'abdüñ Ḥudâdan yevm-i ḡaşâd olan kıyâmete dâ'ir istekleri, şâḡib-i zer'uñ cây-ı zer'i yirindedür. Pes bu vechile şerâ'it-ı zirâ'ate ri'âyetden soñra zârî'uñ oturup, zer'i kemâle varıncaya dek bi-'avni'llāh zirâ'atüñ âfât-ı semâvî ve arâzîden maḡfûziyyetine intizârına recâ didikleri gibi mü'minüñ mezkûr ümîdine recâ dirler. Ammâ bunuñ ḡılâfı üzre iken Ḥudâdan ḡufrân u liḳâ recâ idene aḡmaḳ ve maḡrûr dirler. Nitekim şâ'irüñ beyt:

درین مزرع اکر مردم اکر زن

کسی کندی نخورد از کشت ارزن

beytinden me'al ma'lûmdur. Pes recâ bâ'is-i t̄â'at [Ü348b] olmağın aṣl-ı imândan 'add olınmışdır. (...)

﴿ پس توکل پس محبت پس حیاست ﴾ [S357a] Soñra tevekkül, soñra maḡabbet ve soñra ḡayâdur. **Tevekkül**, ḡayra i'timâd ve izḡâr-ı 'acze dirler. Pes tevekkül, ḳalbüñ müvekkel üzre i'timâdından 'ibâretdür. Müvekkelde kuvvet ve şefḳat ve hidâyet olduğına i'tikâda mevḳûfdur. İmdi Ḥaḳḳı cümle şıfât-ı celîleler ile ḳalbde itḳân itdikde tevekkülüñ ancaḳ Ḥaḳḳa olur. Ammâ bunuñ gibi yakîn ḳalbde olmayınca tevekkülde kemâl bulunmaz. Pes tevekkülüñ kemâli, kuvvet-i ḳalb ile kuvvet-i yakîne mevḳûfdur. Ve bu kuvvet ü za'f ḡâletleri için üç derece vardır. Derece-i ülâ, keḡâletu'llāh ve 'inâyet-i İlāha i'timâddur. Ve derece-i sâniye bundan aḡvâdur ki ḡâlüñ tıfluñ anası ile olan ḡâlî gibi olmaḳdur. Zîrâ tıfl mâderinden ḡayrıyı bilmez. Tevekkül umûrında ancaḳ ana demek vird-i lisânı olur. Derece-i sâliḡe bundan daḡı

aķvādur ki ħālūñ ğaşşāl öñüñde olan meyyitūñ ħālī gibi olmaķdur, intihā. Pes mütevekkil her ħāle emānadur. Nābī:

Zilzāl-i ‘avāşıfıdan emān ise murāduñ

Bünyān-ı felek-sāy-ı tevekkülde mekīn ol

didikleri İbrāhīm-i Edhemüñ menākıbından ma‘lūmdur. Şöyle tārik-i tāc u ħabā ve ‘āzim-i kūy-ı Hudā olup şahrāda bī-zād u rāhile gider iken nā-gāh iblīs-i mel‘ūn, İbrāhīmüñ yolu üzre tūrup: “Yā İbrāhīm! bī-zād u rāhile tevekkülde yolda ‘āciz ü dil-ħaste ħalursın” didikde İbrāhīm dergāh-ı Hudāya yüz tūtup: “Yā Rabb! bu düşmānuñ tasalluñın üzerimden ħaldur” diyü münācāt eyledi. Ol zamān İbrāhīme ilhām-ı Hudā meded-res olup: “Yā İbrāhīm! İblīs-i la‘īnūñ saña tasalluñına sebep vādī-i tevekkülde iken omuzuñda maħfūz olan meblağdur. Eger tevekkül-i tāmūñ [Ü349a] var ise ol meblağı tārħ eyle” dindikde İbrāhīm eyidür: “Meger ücret-i kārden dōrt dirhem artırup ħırķada ħıfz itmişdüm. Pes bunı işitdikde ol dirhemleri çıkarup şahrāya nişār idüp mel‘ūnuñ vesvesesinden āzād oldum” demişlerdür, intihā. Pes bu menākıbuñ ħitāmında nāzım Müferriħātında eyidür, *naẓm*:

توکل کن اکر دیدار خواهی

توکل کن اکر اسرار خواهی

بهر کاری توکل کن بدادار

توکل باشدت از بد نکهدار

intihā. **Maħabbet**, «sevgi» ma‘nāsınadır; murād maħabbetu’llāhdur. Pes cümle maħāmātuñ a‘lāsı maħabbet maħāmıdır. Zīrā maħabbetūñ [S357b] şemeresi şevķ ve üns ve rızādur. Ve mevķūfun ‘aleyhi; tevbe ve zūhd ve şabrdir. Ve maħabbet didigimiz, maħabbet-i Rasūlü’llāha maķrūn gerekdür. Zīrā maħbūbuñ maħbūbı, maħbūbdur. Fe‘alā-hāzā, evliyā vü ‘ulemā vü şulehāya maħabbet ke-zālīkdür. Ve maħabbetu’llāhuñ ħuşūlinde bir ħaċ esbāb vardır. Sebeb-i evvel, Hudā-yı müte‘ālī kemāl şıfātlarıyla bilmekdür. Nitekim Ĥasen-i Başrī eyidür: Hudāsını bilen Mevlāsına maħabbet ider; dünyāsını bilen dünyādan nefret ider, intihā. Pes aşl-ı īmāndan ma‘dūd olan maħabbetūn muķtezāsı üzre muħıbb olan, ‘ışķ-ı İlāhī ile mevşūf gerekdür. (...) Ĥattā ‘ışķ didikleri ħālet-i muħriķanuñ beyānında demişlerdür: Luğat-i Fārisīde ‘ışķ bir şarmaşığūñ adıdır ki her ķanğı şecere şarılsa ol şeceri elbette ķurudur. Aña leblāb ve daħı ‘aşaķa daħı dirler. Pes ‘aşıķuñ ħālī bundan ma‘lūmdur. **Ĥayā**, luğatde «utanmaķ» ma‘nāsınadır. İştilāh-ı şer‘de; irtikāb-ı ħabāyıħ ħavfından nefsi ħabs itmekdür. Pes aşl-ı īmāndan ma‘dūd olan ħayā, ħaķķ-ı ħayā ile Hudādan istiħyādur ve her mü’mīn bunuñla me’mūrdur. (...[Ü349b]...) Ve bu vechile Ĥaķķdan ħayā, maħabbetu’llāhdan nāşīdür. Nitekim من احب الله استحيى ħadīs-i şerīfi bu beyānda hüveydādur. [S358a] Ve böyle olan ‘abdi Hudā sever. Nitekim: ان الله يحب الحي المتعفف ħadīs-i şerīfi bu bābda ezherdür. Pes ħayādār olanda ‘ıffet ü ħayā’-i Ĥaķķdan nāşī günāhınuñ ğufrānına göz yaşları dōkmek lāzımdur ki mażhar-ı mağfiret ü zevķ-yāb-ı raħmet ola diyü beyt:

بمحشر کام ذوقش جرعه نوش مغفرت کردد

کنهکاریکه اشک آلوده شرمست عصیانش

dimişlerdür. Pes nâzım asl-ı îmân olan şeş çizi icmâlen beyân ‘aķabinde bunlar ile muttaşif olan evliyânun hâllerin beyâna şurû‘ idüp buyurur:

﴿ هرکرا نور یقین حاصل بود ﴾ Her kime ki nûr-ı yakîn hâşıl ola.

﴿ صاحب ایمان روشن دل بود ﴾ Münevverü’l-ķalb şâhib-i îmân ola. Pes **rûşen-dil** fi’l-aşl mürekkebdür. Münevverü’l-ķalb ma’nāsına. Bu maķāmda şâhib-i îmānuñ şıfatı olmuşdur. Pes nâzım recādārānuñ hālinde eyidür:

﴿ نامه اعمال اکر نبود سپید ﴾ Defter-i a‘māl eger beyāz olmaya. Ya‘nî; ḥasenāt üzerine seyyi’ât ġālib ola. **Nāme-i a‘māl**, izāfetle «defter-i a‘māl» dimekdür. Zîrā nāme bunda kitāb ma’nāsınadır. Ve ġāh seylāb-ı ḥaṭṭ-ı ta‘lîķ ma’nalarına gelür. A‘māl, ‘amelün cem‘idür. Pes bu nāmeden murād; kirāmen kâtibîn meleklerinün yazdıkları defter-i a‘māldür ki الشمال قعيد و انا يتلقى المتلقيان عن اليمين و عن الشمال قعيد āyet-i şerîfi mışdāķınca kâtib-i ḥasenāt saġ tarafda oturur. Ve kâtib-i seyyi’ât şol tarafda oturur. Ve kâtib-i ḥasenāt ‘abdün bir eyü ‘ameli oldıķda on yazar ve kaçan kötü ‘ameli olsa şol tarafda oturup seyyi’ât yazan meleke eyidür: “Yedi sâ‘at şabr eyle. Şāyed tesbîḥ ü istiġfār eyleye” dir. **Ne’bved sepîd**, «beyāz olmaya» dimekdür. Pes defter-i a‘mālün beyāz olması seyyi’ātuñ maḥvından kināyedür. Ol ise keşret-i ṭā‘at ile fi‘l-i ḥasenāta mevķüfdür. (...[Ü350a]...) İmdi nāme-i a‘māl beyāz olmaz ise ya‘nî kendi kendüni ḥisāba çeküp, ḥisābuñda ḥasenātuñ seyyi’ât üzerine ġālib gelmez ise Ḥudādan ümîdi kaç itmeyüp recā’-i raḥmetde ol. Nitekim nâzım eyidür:

[S358b]﴿ رو مباش از زحمت حق نا امید ﴾ Yürü raḥmet-i Mevlādan nā-ümîd olmasun dimekdür. Zîrā emr-i ḥāzırdan soñra gelen nehy-i ḥāzıra, nehy-i ġā’ib ma’nası virilmek ķā’idedür. Buña ġöre **me-bāş** fi‘linün fā’ili, ol nāme-i siyāh şāhibi olan kimse olur. Murād; keşret-i zünüb, recā’-i maġfirete māni‘ degüldür dimekdür. Nitekim bu beyānda āyāt u eḥādîs-i şerîfe çokdur. Ve raḥmet-i Ḥaķķuñ vüs‘ati ma‘lûm iken ümîdi kaç itmek küfrdür. Hemān ‘abd elden geldiġi kadar ġünāhdan ḥazer ve Ḥudānuñ raḥmet-i ġufrānını recā’-i raḥmete müstaḥzar olmaķ gerekdür. (...)

﴿ هرکه خوفی نبود اندر جان او ﴾ Her kim ki anuñ cānında bir ḥavf olmaya. Murād; ḥavf-ı İlāhî bulunmaya dimekdür.

﴿ ای پسر باشد ضعیف ایمان او ﴾ İy oġul! Anuñ îmānı za‘îf olur. Nitekim Allāhdan ķorķmayanun îmānı olmaz didikleri bu ma‘nācadur.

﴿ هرکرا نبود توکل بر خدا ﴾ Her kimün ki Ḥudā üzre tevekkülü olmaya.

﴿ شاید بروی بکریی های های ﴾ Saña lâyıķdur ki anuñ üzerine hāy-hāy aġlayasın. **Şāyedet**, «saña lâyıķ olur»; **ber-vey**, «anuñ üzerine» ya‘nî bî-tevekkül olanuñ hālîne; **bi-giryî**, yā’-i ṡāniye ḥiṭāb içündür; «aġlayasın» dimekdür. **Hāy-hāy**, hāyā-hāydan muḥaffefdür; «ehl-i mātēmün ġavġası» ma’nāsınadır. Ammā hāyā-hüy dinse, ‘arūsüñ ķutukluġı maḥallinde, erbāb-ı ṭarabuñ şûr-ı ġavġası ma’nāsına olur. Nitekim şā’irün:

فلک از مجلس انس تو پر از هایهای

عالم از کریه’ خصم تو پر از هایهای

beytinden ma'neyn-i mezkûr müsteşheddür. Pes nâzımuñ bu beytinde mütevekkil olmayanuñ hâli şöyle harâb olur ki âhar kimesneler kendinuñ hâline rahmen girye kılmak sezâ olur. İmdi kendinuñ girye vü zârı ne güne olduğu bundan ma'lûm olur dimege işâret vardır.

﴿ آنکه حب حق نباشد در دلش ﴾ Ol kimse ki anuñ kalbinde hubb-ı İlâh olmaya. Pes bunda maḥabbet, kalb-i muḥibbde olduğına [Ü350b] imâ vardır. [S359a] Ve maḥabbet-i Ḥaḳḳ üze degül iken maḥabbet da'vâsında olanlara müdde'î ta'bîr iderler. Pes böyle olan müdde'î veyâ hîç maḥabbet dâ'iresine girmeyüp maḥabbet-i mâsivâda olan:

﴿ از عمل جز باد نبود حاصلش ﴾ Amelden anuñ hâşılı hevâdan ğayrı olmaya. Ya'nî; amel-i âḥiretde tehî-dest ola dimekdür. Bu ta'bîr Fâriside çokdur. Nitekim «yelkovan» didiklerin «bâd-peymâ» ile ta'bîr iderler. Murâd; «eli boş» dimekdür. Bâd be-dest ve daḥı tehî-dest didikleri gibi. Qaldı ki bunda maḥabbet-i İlâh olmayanuñ amelinuñ hîç olmamasına yâḥod adem-i ḳabûline imâ vardır. Ve daḥı bâd kelimesi Fâriside niçe ma'nâya gelür. Evvelen hevâ ma'nâsına gelür. Nitekim ânifen beyân olındı. Ve daḥı sülḥan ma'nâsına ve âh itmek ma'nâsına gelür. İmdi buña göre maḥabbet-i İlâh olmayanuñ ameli ḳavl-i mücerred ve âḥiretde kârı âh eylemekdür dimege daḥı ihtimâl vardır. Nitekim nâzımuñ bunuñ zeylinde getürdigi beyt bu ma'nâya münâsibdür.

﴿ باش ای بنده خدا را دوستدار ﴾ İy ḳul! Ḥudâyı dost tutıcı ol. Ve nâzımuñ bunda **bende** zıkr eylemesi, ḳul olan 'ubûdiyyet ve ma'bûdına maḥabbet üze gerekdür dimege işâretdür. **Dostdâr**, terkîb-i tavşîfidür; «dost tutıcı» ma'nâsınadır.

﴿ تا رهی تو از عذابش در کنار ﴾ Tâ ki anuñ 'azâbından ḳurtulasın. **Tâ**, «tâ ki»; **rehî**, muzâri'-i muḥâtabdur; «ḳurtulasın» dimekdür. **Tu**, ḥiṭâb edâtıdır. **Ez-azâbeşde** şîn-ı zamîr Ḥudâya râci'dür. Ma'nâ; «azâb-ı Ḥudâdan» dimekdür. **Der-kenâr**, «kenârda» dimekdür. Lafz-ı mezkûr ile gâhî ḥâlet-i vuşlatda ḳucmak ma'nâsından kinâye iderler. İmdi 'abdûñ Ḥudâya maḥabbet eylemesi, emrini tutup nehyinden kaçmak ile olur. Ve illâ Ḥudânuñ 'azâbına mazhariyyet der-kârdur.

﴿ ای برادر شرم از ایمان بود ﴾ İy ḳarındaş ḥayâ imândandır. Pes bunda الحياء من الايمان و ḥadîs-i şerîfine imâ vardır. (...[S359b]...)

[Ü351a] Der-Beyân-ı Ān ki Āb-rū Ez-Ān Bi-Yefzāyed

﴿ میفزاید آبروی از پنج چیز ﴾ İzz ü ḥurmet beş nesneden artar.

﴿ با تو کویم بشنو ای اهل تمیز ﴾ Saña diyeyüm işit, iy idrâk ü başîret ehli.

﴿ چون بکار خویش حاضر بوده ﴾ Çünkü kendi işüñle meşğûl olmışsın. Ya'nî; kendüñe lâzım olmayandan ḥazer üzresin.

﴿ آبروی خویش را افزوده ﴾ Kendi 'izz ü ḥurmetüñi arturmuşsın. Mısrâ'aynuñ âḥirlerinde olan hemzeler ḥiṭâb ma'nâsını müş'irdür. Pes kendi ḥaddini bilüp kârına meşğûl veyâ me'mûr olduğu ḥizmete müteheyi' olan, kendi 'izzetini arturmak bî-reybdür.

﴿ ان سخاوت آبروی افزون شود ﴾ Selhāvetden ʿizz ü hürmet ve kıadr ü ʿtibār ziyāde olur. Ve bu ʿizz ü hürmet dünyāya maqşūr degüldür; belki āhıretde dağı ziyāde olur. Nitekim الجنة دار الاسخياء hadıs-i şerifini tercemede dimişlerdür, *naẓm*:

İy olan kârgāh-ı ʿālemde
Tālib-i dest-māye-i aʿmāl
İster iseñ kavāʾid-i dāreyn
İt nuķūd-ı semāḥati iʿmāl

﴿ وز بخیلی بی خرد ملعون شود ﴾ Ve ʿaqlsız kimse bağıllikden melʿūn olur. Pes bunda bağıllik, mezkūr ʿizz ü hürmet-i dāreynden maḥrūm u maṭrūd olmasına ve buḥl, ʿaqlsızlıkdan nāşī olduğına bunda işāret vardır. Ve bağıl olan be-her-ḥāl ḥarış olur. Ve ḥarış-i cemʿ-i dünyā olana bī-ʿaql dinmek: الدنيا دار من لا دار له و مال من لا مال له و لها يجمع من لا عقل له hadıs-i şerifinden zāhırdır. Ve bağıle melʿūn olur dindigi eşḫıyānuñ varacağı cennetden maṭrūdiyyeti ve cīfe-i melʿūne olan dünyā ile ülfet ü maḥabbeti ve şeyṭān-ı melʿūna mütābaʿati ḥasebiyledür. Ve muḳārin-i ḥikmeti aḫz eylemek meşhūrdur.

﴿ هرکرا بر خلق بخشایش بود ﴾ Her kim ki ḥalq üze baḫşāyiş yaʿnī raḥm ü şefḳati ola. **Baḫşāyiş**, «merḥamet ve kerem ve şefḳat» maʿnāsınadır.

﴿ آب روی او در افزایش بود ﴾ Anuñ ʿizz ü hürmeti ve nām u şānı ziyādelikte ola. **Efzāyiş**, āhırendeki şın maşdariyyedür. Maʿnāsı «artuḳluḳ ve ziyādelik»dür. [S360a] Pes merāḥim-eşer olan her ḥālde muʿteber olmaḳ eẓherdür. Bu ḥāl ekşer erbāb-ı ḥükümetde lāzım u lāzıbdür. Reʿāyāya raḡbet ve zuʿafāya merḥamet ile nīkū-nam u ʿizz ü rifatde şöhet ve efzūnī-i ʿömr ü devlet ile saʿādet ü iḳbāl bula. Ve dağı bu ḥaşlet, ḥışāl-i ḥamīde-i evliyādandır. (...)

﴿ باش دائم برد بار و با وفا ﴾ Dāʾimā ḥamūl ü vefādār ol. **Bürd-bār**, terkīb-i tavşīfidür; «ezā vü cefāya taḥammül idici yavaş kimse»ye dirler. **U(ve) bā-vefā**, bürd-bār kelimesinüñ üzerine maʿtūfdür; **bāş** lafzı bunuñ dağı üzerindedür. Bā kelimesi, muşāḥabet içündür. Vefā, «sözini ve ʿahdini [Ü351b] yirine getürmeg»e dirler. Evvelen ezā vü cefāya taḥammül eylemek ḥüsn-i ḥulḳuñ şemerātındandır. Nitekim Faḥr-i ʿālem şallaʾllāhu ʿaleyhi ve selleme kavmi eziyyet eyledikde: “Yā Rabb! Ḳavmimi maḡfıret eyle. Ḥaḳıḳat-i ḥālī bilmezler” diyü duʿā buyurur idi dirler. Ve selef ü ḫalefde geḫen evliyāʾ u etḳıyālaruñ taḥammülleri ḫod meşhūrdur. Nitekim Kelīm eyidür:

پارهٔ مومم بدست انقلاب روزگار
ره نخواهم ساخت هر صورت که خواهد رو دهد

ve yine şāʿir buyurmuşdur:

دشمن قوی و کار دل تنزلست
دردیکه بی دواست علاجش تحمل است

Ve ezā vü cefā-yı nās her ne kıadar bī-ḫadd ü bī-ḳıyās olsa erbāb-ı ḥāl aña taḥammül eylemek gerekdür diyü:

از جور آشنا نرمد هرکه آشناست

ساحل ز تیغ موج محابا نمیکند

buyurmuşlardır. Muḥābā, Fārisīde iḥtirāz maʿnāsınadır. Lākin erbāb-ı ḥālden olmayan bī-mecāl ü taḥammül, bisyār kişiyi bī-ḳadr u ʿtibār ider diyü *beyt*:

کند تحمل بسیار مردرا بیقدر

کمان چو تن بکشیدن دهد کباده شود

buyurmuşdur. Kebāde, Fārisīde bāʾ-i muvaḥḥide ile ol nerm kemāndur ki anuñla kemān-keşlige [S360b] meşq iderler. Nitekim Mīr Nazmīnūñ *beyt*:

کباده کرده مارا چرخ کویا

که نکزاری بهیچ از دست خود را

beytinden müstefāddur. Ḥulāşa-i kelām бүрд-барлық her vechile maʿḳüldür ve erbāb-ı ḳulüb ʿindinde maḳbüldür. (...) Ve daḡı vaʿd ü ʿahde vefā hoşdur. Vaʿd, ṭaraf-ı vāḥidden olur; ʿahd, ṭarafeynden olur. İmdi vaʿde vefā vācibdür. Nitekim ḥadīṣ-i şerīfde: värid olmağın tercemesinde demişlerdür, *naẓm*:

Her ne kim ola zīver-i nuṭḳuñ

Anı icrāya ol nesāḳ-perdāz

Farzdur niyyet-i kirāmda vaʿd

Anı farz oldı eylemek incāz

(...[Ü352a]...) İmdi бүрд-бар u vefādār ol:

[S361a] ﴿ تا بروی خویش بینی صد صفا ﴾ Tā ki kendi yüzünde niçe şafā göresin. **Tā**, «tā ki»;

be-rūy-ı ḡīṣ, «kendü yüzünde» dimekdür. Evvel olan bā ḡarfı ẓarfıyyet içündür. **Bīnī**, muzārīʿ-i müfred-i muḥāṭabdur; «göresin» dimekdür. **Şad şafā**, «niçe şafā» dimekdür. Bu taʿbīr Fārisīde keşretten kināyedür. Maʿlūm ola ki şafā-yı vech, şafā-yı ḳalbden peydā olur. Pes ruḡsār-ı āyine-i dil, ḡubār-ı kederden muşaffā olmaḳ ve mişḳala-i jeng-zedā-yı taḥammül ü vefā ile mirʾāt-ı ḳalb jengār-ı elemenden taşfiye bulmaḳ nūr-ı īmāndandır. Nitekim ḥazret-i ʿAlī kerramaʿllahu vechehūnuñ: ضياء القلب من نور اليمان kelāmı bu maʿnāya dālldür. İmdi ḡamül-i ezā ve ʿahdinde şāḡib-i vefā olmaḳ bāʿiṣ-i şafā-yı sīmā idigi bundan hüveydādur.

﴿ تا بماند رازت از دشمن نهان ﴾ Tā ki senüñ rāzuñ düşmāndan nihān ḳala. Yaʿnī; düşmān

sırruñla muṭṭaliʿ olmaya. **Rāz**, «gizlü nesne»ye dirler; gerek ḳavl olsun ve gerek fīʿl olsun. Ve rāzda maʿnā-yı iḡtifā melḡūz olmağın āşḳār muḳābelesinde istiʿmāl olunur. Ve ḳaçan mübālaḡa ḳaşd itseler rāzı, nihān ile tavşīf idüp rāz-ı nihān dirler. Ve şol kimse ki esrāra iṭṭilāʿa ḳādir olmaya «pūşīde-rāz» dirler. Pes rāzet āḡirinde olan tāʾ ḡiṭāb içündür. **Nihān**, «mestür» dimekdür; āşḳārenüñ muḳābilidür.

﴿ سر خود با دوستان کمتر رسان ﴾ Kendi sırruñı dostlarına azraḳ ulaşdur. Murād; keşf-i esrārda

dosta iʿtimād itme dimekdür. Zīrā dostuñ daḡı bir dostına söyler; ol söyledigi daḡı birine söyler. Şöyle ki ol dostlaruñ biri senüñ düşmānuñ olmaḳ iḡtimāliyle sırruñı biʿl-vāṣıta düşmāna söylemiş olursın dimekdür. Nitekim *beyt*:

سر خود با یار خود هر چند بسیاری مکو

یار را یاری شود از یار یار اندیشه کن
didikleri bu ma'nâyı müziḥdur. Ve İbnü Yemînün Muḳaṭṭa'âtında *kıṭ'a*:

پدر که جان عزیزش بلب رسید چه گفت
بکن نصیحت من یادگار جان عزیز
[Ü352b] بدوست کرچه عزیزست سر خود مکشاد
که دوست نیز بگوید بدوستان عزیز

diyü buyurduğına ma'nâ-yı mezkûrî mü'eyyiddür. Ve kitmân-ı rāzuñ medḥinde ḥazret-i Mevlânânun *Meşnevî*:

دانه‌ها چون در زمین پنهان شود
سرشان سر سبزه' بستان شود
زر و نقره کر نبودندی نهان
پرورش کی بافتندی زیر کان

[S361b] beytleri bu ma'nâda nümâyândur. Nuḳre, zamm ile ḥām gümüşe dirler. Kān, kāf-ı 'Arabî ile ma'dendür. Ve daḥı الاسرار ḥadîs-i şerîfî ve daḥı ḥazret-i Ḥayderün: ضمیر الاحرار محل صدور الاحرار قبور الاسرار kelâm-ı münîfî mışdâḳlarınca evliyâ'-i kirâmuñ kulüb-ı aḳdesleri, maḥzen-i esrâr-ı İlâhî ve mevḳı'-ı 'inâyet-i nâ-mütenâhî olmağın, bilâ-izni'llâh kimseye keşf-i rāz buyurmazlar ve esrâr-ı 'ışkı bî-gâneye ṭuyurmazlar. Ammâ müdde'ilerün ḥâli ma'lûmdur. Nitekim Nâbî eyidür:

Hüneri var ise ketm-i eşer-i 'ışk itsün
'Aybdur bülbül-i şūrîdeye feryād itmek

Ḥattâ ḥalvetde daḥı keşf-i rāza izn vermeyüp dīvârlarun kulağı var didiklerin şâ'ir *beyt*:

بخلوت نیز از دیوار می پوش
که باشد در پس دیوارها کوش

beytiyle edâ buyurmuşdur. Ve nâzımuñ kelâmında, zamânede esrâr keşf idecek dost yokdur dimege daḥı ihtimâl vardır. Ve fî'l-ḥaḳîḳa böyledür. Nitekim İmâm Şâfi'nün *beyt*:

صاد الصديق و كاف الكمياء معا
لايوجد ان فدى عن نفسك الطمعا

kelâmından nümâyândur. Ve bu ma'nâya şâ'ir *beyt*:

باعتقاد كس اى غنجه سر دل مكشا
كه بلبل تو بزاغ و زغن هم اوازست

beyt-i laṭîfiyle imâ buyurmuşdur. (...) Pes جاوز الا ثنين شاع maẓmûnını isbâtta beyân-ı sâbîḳ delîl-i tâmmdur. Ḥattâ işneynden murâd; iki ṭudaḳlardur dimişlerdür.

﴿ تا نکردی پیش مردم شرمسار ﴾ Tâ ki halk atında hacil olmayasın. Tâ, «tâ ki»; **ne-gerdî**, kāf-ı 'Acemî ile «taḥavvül» ma'nâsına olan «gerdiden»den nefy-i istiḳbâlün müfred-i muḥâtabıdır; «olmayasın» dimekdür. **Pîş-i merdüm**, izâfetle «halkun önünde»; dimekdür. **Şerm-sâr**, «hacil» dimekdür

ve şîfat ile mevşûfdan mürekkebdür. Zîrâ aşlı «şerme-i sâr»dur. Baʿde't-terkîb şerme lafzındaki hâ'-i ihtîşâş hâzf olunmuşdur. [Ü353a] Şöyle ki; şerm odur ki kişi utandıkda [S362a] baş aşağı şalar, eser-i hayâ andan zâhir olur. Aña nisbetle hacîl olana şerm-sâr dirler.

﴿ آنکه خود ننهاده باشی بر مدار ﴾ Ol nesne ki kendün kıymamış olasın yukarı tütma. Ya'nî; elün ile kıymadığını kıldurma dimekdür. Pes fuzûlâne harekâtun bâ'is-i hacâlet olacağı bî-iştibâhdur. Ve dahı kişinin kendi eliyle kıymadığı nesneyi kıldurma kı bilâ-izn bir kimsenün mâlını taşarruf eylemekden kinâyedür. Bunun envâ'ı çokdur.

﴿ ای برادر پرده مردم مدر ﴾ İy karındaş halkuñ perdesini yırtma. Ya'nî; kimsenün ırzını hetk ve sırrını keşf ve kendüyü ta'yîr ü taḥcîl eyleme dimekdür. Zîrâ kişinin perde-i ırz u nâmûsını çâk itmek anı helâk itmek gibidür. Pes helâkini cezm iden kimesne senün dahı perdeñi çâk ile kışd-ı helâki muḥarrerdür. Ve bundan mâ-adâ Hudâ müntakımdur; senün dahı perdeñi çâk ider bir ricâlini halk ider. Nitekim nâzım eyidür:

﴿ تا ندردت پردهات شخص دگر ﴾ Tâ ki bir âḥar kimse dahı senün perdeñi yırtmaya. **Diger**, kesr-i dâl ile «dîger» kelimesinden muḥaffedür. Pes ilün perdesin yırtanuñ perdesini yırtarlar. Nitekim şâ'irün *beyt*:

مدر پرده کس بهنگام جنک
که با پرده باشد ترا نیز ننک

Ba'zı nüshada bu beytün mevkı'ine beyt-i âtî vâkı'dur ki budur:

﴿ قدر مردم را شناس ای محترم ﴾ İy muḥterem olan kimesne! Halkuñ kıdrini bil ve aña. Pes nâzımuñ iy muḥterem didiği, kıdr-şinâs olana muḥterem dinmek sezâdur dimege işâret içündür.

﴿ تا شناسد دیگران قدر توهم ﴾ Tâ ki âḥarlar dahı senün kıdrüñi bileler. Ya'nî; saña ihtirâm ideler dimekdür.

﴿ با هوای دل مکن زنهار کار ﴾ Göñlüñüñ hevâsıyla şaḳın iş eyleme. Ya'nî; nefsün hevâsına mütâba'at ve bilâ-meşveret bir kâra mübâşeret eyleme dimekdür. **Zinhâr**, Fârisîde on iki ma'nâya gelür. Bunda taḥzîr ma'nâsınadır ki «şaḳın» dimekdür.

﴿ تا نیارد پس پشیمانی بار ﴾ Tâ ki şoñra aña peşimânlık bārını getürmeye. **Peşimânîde** yâ' maşdariyyedür. Yâ'dan şoñra olan şîn, zamîre muzâfdur. Zamîr-i mezkûr muḥâṭıbdan ġâ'ibe iltifât kıâ'idesince göñline mutâba'at iden kimesneye râcî'dür. **Bâr** kelimesi Fârisîde yedi ma'nâya gelür. Bunda «mîve ve ḥâşıl» ma'nâsı rûşendür. Ya'nî; tâ ki [S362b] şoñra aña diraḥt-ı nedâmetden bâr ḥâşıl olmaya dimekdür. İmdi nefse 'adem-i mutâba'at ve her işde te'ennî ve meşveret ile târik-i 'acele olan nedâmetden emîn olma kı bundan zâhirdür. Nitekim şâ'ir dimişdür, *kıṭ'a*:

مکن در مهمی که داری شتاب
ز راه تانی عنان بر متاب
[Ü353b] که ناکرده را میتوان کرد زود
چو شد کرده آنکه ندامت چه سود

Ya'nî; murād itdigün umûrda şitâb eyleme ve te'ennî tarîkından ğinânı bükme. Zîrâ olunmamış işi tîzcek eylemek mümkündür. Lâkin 'acele ile vücûd-pezîr oldıktan şofra te'essüfün fâ'idesi yokdur dimekdür.

﴿ تا زیانت باشد ای خواجه دران ﴾ İy h^vâce! Mâ-dâm ki senün dilün uzun ola. Ya'nî; sözünün nüfûzı olup icrâsına kâdir olasin dimekdür. Yâhod; iy h^vâce! Tâ ki senün dilün uzun ola ya'nî saña bir 'illet ile töhmet ve ħarf-gîrlık ile zillet virmeyeler demek ma'nâdur. Zîrâ **tâ zebânet** kelimesinün evvelinde olan tâ kelimesine mâ-dâm ma'nâsı virilmek yâhod tâ ki ma'nâsı ile 'illete ħaml olunmağ muhtemeldür. **H^vâce**, bunda «ĥâkim ve vezîr ve bâzergân» ma'nâlarına olmağ rüşendür.

﴿ دست کوتاه دار هر جانب متاز ﴾ Eli kışa tut, her cânibe segirtme. Ya'nî; her şey'e el uzatma dimekdür. **Kûteh**, kûtâhdan muħaffefdür; «kışa» dimekdür. **Me-tâz**, nehy-i ĥâzırdur; «segirtme» dimekdür. Pes her yire ve her delüğe el uzadanun ĥâli meşhûrdur.

﴿ هرکرا قدری نباشد در جهان ﴾ Her kimün içün ki cihânda bir ĥadr ü itibâr olmaya. **Ĥadrî** kelimesindeki yâ kelimesi vahdet içündür. Pes cihânda bî-ĥadr olanlar nâzımuñ sâbıkan beyânı üzre câhil ve kâhil ve nâ-dân ve kâzib ve baĥîl ve sitizedârân ve emşâlleri gibi olan bî-itibârândur. Pes böyle olanları:

﴿ زنده مشمارش که هست از مردگان ﴾ Anı diri şayma ki ol emvâtdandur. **Mürdegân**, cem'dür; «ölüler» dimekdür. Pes bî-ĥadr olanı ölü menzilesine tenzîlün ĥikmeti, cehlinden ve cehl mişllü zemâ'im-i aĥlâkdan nâşî meyyit kendi umûrını ru'yetden 'âciz ve bi't-ṭab' menfûr u müsteşkal oldığı gibi bî-ĥadr olan ke-zâlık derd yimek nüktesi içündür. İmdi 'âkıl olan kendi ĥadrini zâyî' itmemek [S363a] gerekdür. Tâ ki bu mişllü emvâtdan 'add olunmaya dimege bunda işâret vardır.

﴿ ان قناعت هرکرا نبود نشان ﴾ Her kim ki ĥanâ'atden 'alâmet olmaya. Ya'nî; ĥarîş ola.

﴿ کی توانکر سازدش مال جهان ﴾ Dünyânun mâlı anı kaçan ĥanî eyler. لو کان لابن ادم وادیان ĥadîs-i müsteṭâbına telmîḥ vardır. Fi'l-ĥaḳîḳa «ĥarîşî mâl-i cihân ĥanî eylemez, ĥarîş toymaz» didikleri bu ma'nâcadur. 'Âlemde ĥinâ ĥanâ'atdedür ve ĥinâ, ĥinâ-yı nefsdür. Nitekim غنى النفس الفقر فقر النفس ĥadîs-i şerîfî bu beyâna güvâhdur. Ve ma'nâ-yı mezkûra imâda Mevlânâ [Ü354a] buyurmuşdur, *mesnevî*:

کوزه چشم حریصان پر نشد

تا صدف قانع نشد پر در نشد

Ya'nî; kûze-i çeşm-i ĥarîşân mâl-i cihân ile tölmedi ve şâdef mâ-dâm bir ĥatreye kânî' olmadıkça pür-güher olmadı dimekdür. İmdi âdem mâ-ķasema'llâha rāzî vü kânî' gerekdür. Nitekim ĥadîs-i şerîfde من يقسمه الله استغنى vârid olmuşdur.

﴿ بر عدوی خویش چون یابی ظفر ﴾ Çünki kendi düşmânının üzerine zafer bulasın. Pes nâzımuñ **ber-adû-yı h^viş** ya'nî; «kendi düşmânının üzerine» diyü düşmânı kendiñe nisbet itdürmesinde mezkûr 'adû; 'adû-yı dîn yâhod cümle-i benî-Âdemün 'adûsı olan yılan ve sâ'ir ĥayvân maķûlesinden ihtirâz içündür. Zîrâ bu maķûle düşmâna zafer buldıkdâ anları 'afvun ma'nâsı yokdur. Pes belki senünle ĥuşûmet-i dünyeviyyesi olan 'adûnun üzerine zaferde:

﴿ عفو پیش آور ز جرمش در گذر ﴾ ‘Afvı öñe getür ve cürminden geç. Ya‘nî; suçını bağışla dimekdür. Tâ ki şîfat-ı kerem ile mevşûf ve qâdr ü şân ile ma‘rûf olasın. Nitekim hadîs-i şerîfde الكريم اذا العفو عند الاقتدار من علو الاقدار vârid olmuştur. Ve dahı العفو dinmiştir.

﴿ با تواضع باش و خو کن با ادب ﴾ Tevâzu‘ ile ol ve edeb ile hûy idin. Ya‘nî; edebi ‘âdet eyle dimekdür. Şeref-i tevâzu‘ zâhirdür ve şân-ı edeb her vechile bâhirdür. Nitekim medh-i edebde hazret-i ‘Alî kerrema’llâhu vechehû بالنسب و الادب لابلالصل و الشرف بالفضل buyurmuştur. Binâ’en ‘aleyh babaya «eb-i tînî» ve mu‘allime «eb-i dînî» [S363b] dimişlerdür. Ve edîb olan kimesne her kânde gider ise nûr-ı İlâhî ile mevsûm tâc ile mütetevvicdûr diyü beyt:

ادب تاجیست از نور الهی

بنه بر سر برو هر جا که خواهی

buyurmuşlardur. Ve nâzımuñ tevâzu‘ı edeb üzerine taqđîmî, tevâzu‘ edebden bir cüz’dür; cüz’ ise küll üzre muqaddemdür dimege işâret içündür. Ve tevâzu‘ ve edeb ile hûy idinmek erbâb-ı tevâzu‘ ve eşhâb-ı âdâb ile şöhetden peydâ olacağın îmâ içün nâzım mışrâ‘-ı şânîde eyidür:

﴿ صحبت پرهیزکاران میطلب ﴾ Perhîzkârlar şöhetini taleb eyle. **Şöhet**, bunda «dostluq» ma‘nâsınadır. Nitekim nâzım Müferrihâtında bu ma‘nâya îmâ zımnında:

مکن صحبت تو جز با دوستداران

بصحبت کن طلب پرهیزکاران

diyü buyurmuştur. **Perhîzkârân**, kâr-ı nâ-meşrû‘dan gürîzân olan ‘ulemâ vü şulehâ vü merdândur. Ma‘lûm ola ki şöhet olınacak kimsede beş haşlet lâzımdur. Evvelen, ‘aql; sâniyen, hûsn-i hulk; sâlişen, şalâh; râbî‘an, pâk-mezheb; hâmisen, kanâ‘at dimişlerdür. [Ü354b] Pes bu hışâl-i hamse perhîzkârânda mevcûd olmağın maḥabbeti anlara haşr itmîşlerdür.

﴿ برد باری جوی و بی ازار باش ﴾ Yavaşlığı iste ve zulm ü zararlız ol. Ya‘nî; âharuñ ezâsına taḥammül eyle ve sen kimseye ezâ vü cefâ itme, zararlız ol dimekdür. Ve böyle olmağ çok hünerdür. Nitekim nâzım eyidür:

﴿ تا که کرد در هنر نام تو فاش ﴾ Tâ ki hünerde senüñ nâmuñ âşkâr u meşhûr ola. **Hüner**, «ma‘rifet ü şan‘at» ma‘nâsınadır. **Fâş**, «zâhir ü âşkâr» ma‘nâsınadır. Pes hünermendlik her hâlde maḥbûl ü memdûhdur. (...) Pes nâzım, ‘âlim ü câhili teşbîh ü temşîle mübâderet ve fâ‘ide vü zararların beyâna mübâderet idüp perhîzkârân ile şöhet gerekdür didigini ma‘nâda işbât içün buyurur:

﴿ همچو تریاقتند دانایان دهر ﴾ ‘Ulemâ’-i dehr tiryâk gibilerdür. **Hemçü tiryâkand**, [S364a] muqaddem-i haberdür; ma‘nâ «tiryâk gibilerdür» dimekdür. Hemçü, kelime-i teşbîhdür; mâ-ba‘dine muzâfdur. Tiryâk, ‘Arabîdür; diryâk ve tiryâk mişlûhûdur. Fârisîden mu‘arrebdir. Zîrâ Fârisî kesr-i tâ ile «tiryâk»dur. Dâfî‘u’z-zehr bir devânuñ ismidür. Hattâ pâdzehre dahı tiryâk dimişlerdür. Luğat-i ‘Arabîde şarâba tiryâk didikleri ‘alâ-zu‘mihim zehr-i guşşayı dâfî‘ oldıgındandır, kezâ fi’l-Aḥterî. **Dânâyân-ı dehr**, mu‘ahḥar-ı mübtedâdur; ma‘nâ «‘ulemâ’-i dehr» dimekdür. Zîrâ dānāyān cem‘dür. Müfredi dānādur; ‘âlim dimekdür. Ve ‘âqıl ma‘nâsına müsta‘meldür. Dehr, fetḥ-i dāl ve sükûn-ı hâ ve rā ile ‘Arabîdür; bunda

«zamān» ma'nāsınadır. (...[Ü355a]...) Pes 'ulemā'-i dehri tiryāk-ı dāfi'ü'z-zehre teşbīhuñ beyânında muḥaqqıķın buyurmuşlardır ki: Ba'zı eşyā vardır ki şüreti leziz lākin derünü zehr-ālūddur. Pes ehl-i şüret ol eşyānuñ şüretine bakıp anı 'adem-i temyizden nāşī lutf-ı İlāhī ve ni'met zann iderler. Ve şeytāñ daḡı tırmayup: "Yiyüñüz" diyü na'ralar urur. Pes bunuñ mişllü zehr-ālūd eşyayı derkte erbāb-ı 'uķūl 'āciz olmağın zehri 'alā'iminden bilüp: خفت الجنة بالمكاره و خفت النار بالشهوات ḡadīs-i şerīfī mantūķınca eṭrāf-ı cennet şiddet ü zaḡmet ile iḡāṭa ve kenār-ı nār lezzet-i şehevātī ile iḡāṭa kılınmışdır. Şüretā lezzet añladığıñız muḡarremātuñ derünü zehr-i nār ile memlūdur; şaķın! Ve bilmeyüp ol zehr ile mesmūm olan [S364b] tiryāk-i tevbe ile zehrūñ helākinden ķurtulsun dimekdür. 'Ulemā, tiryāk-i zehr-i cehl olmuşlardır dimişlerdür. İmdi 'ulemā ile şöḡbet ve umūr-ı dīniyyede her bār anlara mūrāca'at iden, ḡalāl u ḡarāmuñ ḡālinden āḡāḡ ve ol cehele zehre vuķū'dan ḡalāş ve vuķū' bulan devā'-i bū'ü's-sā'asına ise anlardan ta'lim ile şifāda iḡtişāş bulmağā bunda işāret vardır.

﴿ قاتلند ای خواجه نادانان چو زهر ﴾ İy ḡ'āce! Cāhiller zehr gibi ķātillerdür. Pes bunda nā-dān olanlar ḡaķķında zemmi belīḡa işāret vardır. Şöyle ki anlaruñ vūcūdı yılan gibi zehrden 'ibāretdür. Yılanuñ dostluḡı olmayup ancak ķarı zarar olmağın ke-zālik zehr-i mücessem olan nā-dān daḡı şöḡbete ve maḡabbete degūldür. Kendülere muķārenet helākten 'ibāret dimekdür. **Nā-dānān**, cem'dür; müfredi nā-dāndur; «cāhil» ma'nāsınadır. **Zehr**, «aḡu»dur. Pes bu beytūñ ma'nā-yı müstefādınuñ neticesini nāzım beyt-i ātī ile beyān murād idüp buyurur:

﴿ مردم از تریاق می باید نجات ﴾ Ādem tiryākda necāt bulur. Ya'nī; 'ulemāya muķārenet ve anlara mūrāca'atda zehr-i cehlden ve semmi aḡlāķ-ı redī'eden ḡalāş bulur dimekdür. Pes bunda 'ālime ve müte'allime olan beşāret işāreti ḡayr-ı ḡafīdür.

﴿ خود کسی از زهر کی یابد حیات ﴾ ḡod bir kimse zehrden kaçan ḡayāt bulur? Ya'nī; bulamaz dimek murādınca [Ü355b] istifhām-ı (in)ķārīdür. Murād; zehr-i ķātıl olan cāhilden helāk peydā olur; bu vechile anlardan ḡazer ve cehl sıfatından ḡüzer eylemek lāzımdur dimekdür. **ḡayāt**, «dirilmek» ma'nāsınadır; mevtūñ muķābilidür. Ve mevt ile ḡayātuñ cism veyā 'araz olmasında 'ulemādan maķāle-i keşīre vardır. (...[S365a]...) Pes nāzım, tiryāk yirinde olan 'ulemādan iktisāb olınan aḡlāķ-ı ḡamīdeden şabr ve 'ilm ve ḡilmūñ şānına iḡtimām kaşdıyle eyidür:

﴿ صبر و علم و حلم تریاق دلند ﴾ Şabr ve 'ilm ve ḡilm ḡalbūñ tiryāklarıdır. Ya'nī; ḡalbde olan aḡlāķ-ı redī'enūñ sūmūmātın dāfi'lerdür ki anlar muķābele ḡasebiyle şekvā ve cehl ve ḡaḡabdur. Pes şabr ve 'ilm ve ḡilmūñ tiryāk-ı ḡalb ve muķābillerinūñ zehr-i mūḡlik oldığı bī-reybdür. ḡaldı ki nāzımuñ şabrı 'ilm ve ḡilm üzre taķdīminde, şabruñ şiddet-i lüzūm ve şeref ü şānına işāret içündür. Zīrā şabr sıfatı ancak insāna maḡşūşdur. Zīrā melā'ik-i kirāmda nefis ü şehevāt bulunmadığından anlarda şabr mutaşavver degūldür. Ve ḡayvānāt-ı sā'irenūñ noķşān-ı ḡiss ile ḡalebe-i şehvetden nāşī şabr ile mūnāsebetleri yokdur. Ammā insān ḡāl-i şabāvetde behīme gibi noķşān olup şehvet-i ḡidāya nāzır olur. Ba'dehū kendüye la'b u leḡb ve tezeyyūn şehveti ḡāzır olur. Ba'dehū şehvet-i nikāḡı tārī olup kendüyi bī-ārām ider. Lākin sinn-i temyīze vardıkda 'aķl didikleri nūr-ı ḡidāyet-i İlāhī tadrīc ile işrāķa başlar. Pes meşālīḡ-i āḡirete

irşādiyyetde ‘aqluñ istiqlālī olmadığından, ma‘rifet-i şer‘ ile hidāyet kuvvet bulur. Ol zamān nefis-i emmāre sevdiğini taleb ve huşūline ikdām ider. ‘Aql-ı mezkūr kendüyi def‘a ihtimām idüp, beynlerinde ceng vākı‘ olur. Pes ‘abdūñ kalbi shehevāta şabr ile nefsi kahr ider ise şabr nāmında olan tiryākı istīmāl ile ‘adem-i şabruñ zehri belāsından kurtılır. Ve illā ol kalb zehr-i kasāvet ile helāk olur dimişlerdür. Ve şabruñ tafşīlī mahallerinde mestūr ve ‘ilm ü hilmüñ tiryāk idigi meşhūrdur. Ve ‘ilmüñ hilm üzerine taqđīmi, insān hilm ile mevşūfiyyetüñ şerāfetin bilmedikce hilm olmaz; be-her-hāl ‘ilme muhtācdur. Pes mevķūf^{un} ‘aleyhūñ mevķūf üzerine taqđīmi ma‘lūmdur.

﴿ حرص و بغض و كینه زهر قاتلند ﴾ Hırş ve bugz ve [Ü356a] kīn zehr-i kātillerdür. **Bugz**, zāmm-ı bā ve sükūn-ı ğayn ve dād ile ‘Arabīdür; «düşmānlık» ma‘nāsınadır. **Kīne**, Fārisīdür; ‘Arabīsi «hıķd»dur. Ma‘nāsı «bir kimseye derūnda huşūmet ve kīn bağlamak»dur. [S365b] Pes bunlaruñ zehr-i kātīl olduğınun vechinde ‘ulemā dimişlerdür. Hırşuñ ğavā’ilinden semme müşābeheti zāhirdür. Nitekim İhyā’u ‘Ulūmda eyidür: Māl-i dünyāda ķūt-ı lā-yemūt geçinecek miķdārın aķz ve baķıyyesin hayrāta şarf itmek zehr-i mālūñ tiryākıdır. Zīrā miķdār-ı kifāyetden zā’id ve senden soñra baķıyye kalan mālūñ zehr ü āfātudur, intihā.

﴿ فخر جمله کارها نان دادست ﴾ Cümle kārlaruñ faķrı etmek virmekdür. Ya‘nī; ḥasbeten lillāh mahalline etmek yedürmekdür dimekdür. **Faķr**, bunda şeref ma‘nāsınadır. Pes etmek yedürmek cümle kārlaruñ şerefi olduğı ما عمل افضل من اشباع كيد جايع hadīs-i şerīfiyle sābitdür. Ve şu içürmek daķı böyledür; belki teşnegāna şu içürmek bundan daķı efdaldür. Nitekim hadīs-i şerīfde: من سقى عطشان vārid olmuşdur. (...)

﴿ در بروی دوستان بکشادست ﴾ Kapuyı dostlar yüzine açmaķdur. Ya‘nī; iķām-ı ta‘āmda dostlar haķķında kapusı ācık olmaķdur. Bu mışrā‘, mışrā‘-ı evvelde olan nān dāden kelimesini īzāķ ve etmek virmegüñ ve yimek yidürmegün şartını i‘lām içündür. Güyā kapuyı bağlayup sā’il geldikde fetḥ-i bāb ile sā’ile nān-pāre virmek her neķadar şevāb ise de bāb-ı [S366a] iḥsān üzerine dā’imā:

بابنا مفتوح لمن دخل

و طعامنا مبدول لمن اكل

yazup ve bu vechile dostānı ḥışşamend-i nān eyleyenüñ faķr u şerefi a‘lādur dimege īmādur. Ve dostlar yüzine açmaķdur diyü dostlar zıkr eylemesi vāķı‘ı beyāndur. Zīrā kişinüñ ḥānesine gelenün dostluķı etmegini yimek iledür. Ve illā aña düşmān ta‘bīr iderler. Nitekim ‘ādet-i ‘Arab böyle idi. Yāḥod kişinüñ iķām eyledigi kimse elden geldikce racūl-i taķī gerekdür. Nitekim hadīs-i şerīfde: لا تصاحب الا مؤمنا ولا يأكل طعامك الا تقى vārid olmuşdur. Pes dostān [Ü356b] dimek ile bu ma‘nāya işāret murād olunmaķ daķı mümkündür. Ve hemīşe bāb-ı iḥsānı mesdūd olanuñ bunda zemmine işāret vardır. Zīrā kapusı mesdūd olmaķ, ancak kendi ‘alafiyle geçinüp āķara nefi olmayan ğāv u ḥaruñ ḥālidür ki āḥūr kapusı üzerlerine sedd olunmaķ ‘ādetdür. Nitekim şā‘irüñ *beyt*:

در آنکه بسته بود سربر

برابر بود او بکار و بخر

beytinden ma'nā-yı mezkūr müstefāddur.

﴿ کرچه دانا باشی و اهل هنر ﴾ Egerçi 'ālim ü hünermend olasın.

﴿ خویش را کمتر زهر نادان شمر ﴾ Kendiñi her cāhilden kemter şay. Ya'nī; ben 'ālim ü hünermendem diyü kibr ü gurūra düşme dimekdür. Pes 'ucb ve kibr ü gurūruñ ğavā'ili keşire olup ve bā'isi olan esbābdan 'ilm ü hünere iğtirār ekşer ola geldiginden nāzım hāzer ile naşīhat ve kişi kendi nefsinı āhardan dūn görmegūñ lüzūmına tenbīh ü işāret buyurmuşdur. Hattā ekşeriyā 'ucb ve gurūr dört kimesnede olağandır. Anlar; 'ālim ve 'ābid ve şūfī ve ğanīdür dimişlerdür. Pes tā'ife-i 'ulemādan 'ilmine mağrūr olanlar bir kaç fırkadır. Bir fırkası: "Ulūm u ma'ārifē āgāham. Benüm 'inda'llāh ğadrüm vardır" diyü zanna düşüp cevārihin ma'āşiden men' ü şıyānet ve Hāğğa 'amel ü itā'at eylemeyenlerdür. Ve bir fırkası, 'ilmi zāhirinūñ zīnetine şarf ile kesb-i şöhrete mā'il olup bātinını ahlāk-ı zemīme çirk-ābindan pāk itmeyenlerdür. Ve bir fırkası, 'ucbden nāşī kendüde olan ahlāk-ı zemīmeyi göremeyüp: "Bende şifāt-ı zemīme yokdur" diyü iddi'ā idenlerdür. Ve bir fırkası, muğtezā-yı [S366b] 'ilmiyle 'āmil olup, zāhir ü bātin taşfiye idüp lākin zevāyā-yı ğalbinden muhtefī olan mekā'id-i şeytāniyyeyi 'adem-i tefāttundan ğāfilvārī ihmāl üzre olanlardır. Ve bir fırkası, ta'līm-i 'ilm ü va'z ile iştiğālinde kendüde 'amel yogıken ta'līmī 'amel mağāmına 'add ile 'amel iddi'āsında olanlardır. Pes mehālike düşmemek, kendi nefsinı cümleden dūn görüp işlāhına sa'y itmege mevķūfdur. Ve evliyā'-i kirāmuñ nefslerin aşığā gördikleri, mehālik-i mezkūreye düşmemek içündür dimişlerdür. Zīrā mehālik-i mezkūre müşkildür.

Der-Beyān-ı Nişān-ı Eblehān Mī-Güyed

﴿ شد دو خصلت مرد ابله را نشان ﴾ Ahmağ olan racūle iki huy 'alāmet oldı.

﴿ صحبت صبيان و رغبت با زنان ﴾ Şıbyān ile şöhet ve nisvāna rağbetdür. Bunda şöhet, «mücālese» ve rağbet, «meyl ü mağabbet» ma'nāsınadır. Pes zenān u şıbyān ile olan şöhet ve anlara rağbetüñ zararları sābığda beyān olınmışıdı, fe'rci' ileyh.

Der-Beyān-ı Zindegānī

﴿ تا خوشی درزندگانی ای ولید ﴾ Dirilikde hoşsızlık iy velīd! Nā-ğošī, yā'-i maşdariyye ile mizācuñ dürüst olmamağı; der-zindegānī, «dirilikde» dimekdür. Bu kelām nā-ğošī kelimesinūñ mef'ülün fihidür. [Ü357a] İy velīd, «iy şabī» veyā «iy 'abd» dimekdür.

﴿ مرد را از خوی بد کردد بدید ﴾ Kişiye kötü hūydan zāhir olur. Bedīd, «zāhir» ma'nāsınadır. Pes kötü hūy sebebiyle halk 'adem-i imtizācdan nāşī dirilikde kişiye nā-ğošluğūñ zuhūrī āşkār ve sū'-i hulkuñ dağı zararları bedīdardur. Şöyle ki; kötü hūy semm-i ğātil gibidür. Semmūñ mizācı tağyīr eylemesi zāhirdür dimişlerdür.

﴿ آنکه نبود مرورا خوی نکو ﴾ Ol kimse ki anuñ için eyü hūy olmaya.

﴿ مرده می دانش که نبود زنده او ﴾ Anı ölmüş bil ki, o zinde olmaya. Mī-dāneş, nūnuñ fethīyledür; āhirindeki şīn zamīrdür. Ve mī-dān kelimesinūñ mef'ulidür; seyyi'ü'l-hulğ olan kimseye

râci'dür. Ma'nâ «anı bil» dimekdür. İmdi seyyi'ü'l-hulûk olanı mürde vü meyyit 'add eyledikleri, helâk-i ma'nevî ile hâlik ve hayât-ı ebedî ve râhat-ı sermediden mahrûm olduğına işâret içündür. [S367a] Yâhod herkesüñ 'indinde menfûr olduğına îmâ içündür.

﴿ هر که کوید عیب تو اندر حضور ﴾ Her kim ki huzûrda senüñ 'aybuñı söyler. Ya'nî; 'aybuñı saña bildürür. Huzûr bunda kıyâmuñ muķâbilidür.

﴿ مینماید راحت از ظلمت بنور ﴾ Saña zulmetden nûra yol gösterürler. **Mî-nümāyed**, bunda muzâri'-i müfred-i gâ'ibdür ve müte'addidür; «gösterür» dimekdür. Fâ'ili zamîr-i müstetirdür; huzûrda saña 'aybuñı irâdet iden kimseye râci'dür. İmdi ol maķûle kimseye 'adâvet ve muķâbele ile huşûmet iķtizâ eylemez. Hattâ âķıl olan kendi 'aybını bilüp işlâhına sa'y idendür dimişlerdür. Lâkin kişi kendi 'aybını bilmek müşkildür. Bu bâbda dört kimesnenüñ birinden haber almağa muhtâcdur. Anlaruñ evvelkisi başîret şâhibi olan âlim ü âmil ve mürşid-i kâmindür ki anlar ile mücâlese 'ayb-ı şer'îye âgâh olmağı câlibdür. Ve biri daķı mütedeyyin ü hayr-ı hâh olan yâr-ı şâdîkur ki dostuñ 'aybını i'lâna dîde-bândur. Ve böyle olan yâr-ı şâdîk ve muķibb-i muvâfîķuñ vücûdları nâdirdür dimişlerdür. Zîrâ fî-zamânîna bir dosta: “Zîr-i dāmānuñda bir 'akreb vardır” dinse fî'l-hâl i'timād idüp def'inüñ kaydında olur. Ammâ 'akrebdan eşedd olan bir 'ayb-ı şer'îsin kendüye haber virseñ nefsāniyyete uyup saña 'adâvete başlar dinmişdür. Ve biri daķı kişinüñ 'adûsı olan kimesnedür. Zîrâ düşmān kişinüñ 'aybını dostından eyü görür ve bî-muķābā söyler. Ve biri daķı nâsdan ma'yuḇ olanlara nâzar ile ol mişllü 'aybdan hâzer içün hâķdan i'tibār almaķdur. Pes 'aybuñı saña bildürene du'â itmek gerekdür.

﴿ مر ترا آنکس که باشد رهنما ﴾ Ol kimse ki saña yol gösterici ola. **Mer**, taḥsîn-i lafz içün zâ'iddür. **Reh-nümā**, terkîb-i tavşîfidür; «yol gösterici» dimekdür ki 'inde'l-meşâyîḫ aña mürşid dirler.

﴿ شکر او می باید آوردن بجا ﴾ Anuñ şükriñi yerine getürmek gerek. Nitekim ḥazret-i 'Alî kerrema'llāhu vechehūnuñ عیوبنا الی امرا اهدا الی [Ü357b] رحم الله kelām-ı du'â-nizāmı bu ma'nâda tāmmdur. İmdi âdemde kemâl kendi 'aybını ecānibden su'âl ve ba'de'l-vuķûf terk-i 'ayba teşmîr-i ezyâl ve kendüyi âgâh idene du'â ve şükr ü şenâ eylemekdür. Nitekim İbnü Cevzî İḫyâsında eyitmışdür ki: Bir gün [S367b] Selmān-ı Pârsî rażiya'llāhu 'anh, ḥazret-i Fārūķ rażiya'llāhu 'anhuñ meclis-i âlîlerine gelmeğın, ḥazret-i Fārūķ andan su'âl idüp: “Yâ Selmān! Bende hîç ne 'ayb görürsin? Söyle!” didikde Selmān eyitmiş: “Yâ Fārūķ! İstimā'uma göre mā'ide üzerinde iki dürlü ķatıģı cem' ider imişsin. Ve iki sevbüñ var imiş; birin gice ve birin gündüz geyer imişsin” Ol zamān ser-firāz-ı munşifān olan Fārūķ-ı zî-şān eyitdi: “Yâ Selmān! Bunları ğayrı terk itdüm. Daķı var mıdır? Söyle!” didikde Selmān eyitmiş: “Lâ”, intihâ.

﴿ حال خود را از دو کس پنهان مدار ﴾ Kendi aḥvālūñı iki kimseden gizlü tütma. Ya'nî; şaķlama. **Pinhān**, bunda maḥfî ma'nāsınadır.

﴿ از طبیب حاذق و از یار غار ﴾ Tabîb-i ḥazîķdan ve yâr-ı şâdîķdan. **Tabîb**, ma'rûfdur. Ve 'inde'l-Arab âlim ve üstād-ı kāmile tabîb ıtlâķ olunur. Ve isti'âre tārîķı ile maḥbûba daķı tabîb dirler. **Ḥazîķ**, «māhir» dimekdür. İḫyâda meşţür olduğı üze tabîb ikidür. Biri tabîbü'l-ķulûbdur ki aña tabîbü'l-

‘uyüb dirler. Bunlar ‘uyüb-ı nefse vâkıf ve işlâhı ‘ilâcın ‘arif olan, ‘ulemâ’-i dîn ve meşâyih-ı güzîndür. Ve bunlar ‘ilm ü hikmet ve ma‘rifet ü ‘iffet ile âlûde olan hâzıklar dur. Bunlara keşf-i hâl iden menâfî’inden mahrûm olmaz. Ve biri şabîbü’l-ebdândur ki hâzâkati olduḡda anlara keşf-i hâl ve devâlarıyle istişfâ hoşdur; hâzâkati olmayanuñ eli boşdur. **Yâr-ı ġâr**, «yâr-ı şâdık»a dirler. Bunlar daḡı keşf-i esrâra sezâvârdur. Lâkin zamânede şadâkatkâr olan yâruñ vücûdı kibrît-i aḡmerdür dimişlerdür.

﴿ تا توانی با زنان صحبت مجوی ﴾ Mā-dām ki kâdîrsin ‘avretler ile şoḡbet isteme. Bunda şoḡbetden murâd dostluḡdur. Pes zenânuñ dostluḡında devâm u vefâ olmadıḡı ma‘lûmdur. Öyle olunca:

﴿ راز خود را نیز با ایشان مگوی ﴾ Daḡı kendü sırruñı anlara söyleme. Zîrâ anlar esrâra mahrem idecek kimselerden degüllerdür dimekdür. **Râz-ı ḡod-râ**, izâfetle «kendî sırruñı» dimekdür. Râz, bunda «gizlû nesne» ma‘nâsınadır; gerek kavî olsun ve gerek fî‘l olsun ve bundan ġayrıların ma‘nâsına. Ve kipri ma‘nâsına ve balçık ile yapılan dîvâra dirler. Ve bir şehrûñ nâmıdır ki İmâm Faḡr-i Râzî andandır. Ve şehr-i Sebzâra bir fersaḡ karîb bir karyenuñ nâmıdır. Ḥattâ şehzâdegândan Râz, kârındaşı Rey ile bir şehr binâ idüp [S368a] şehr-i mezkûra ism vaşfında her biri kendî ismine muzâf eylemekde nizâ‘a düşdiklerinde bir ‘âkıl nizâ‘ların kaç’ içün şehre Rey ve ehline Râz tesmiyesiyle anları ilzâm itmişdür, kezâ fî-Ferheng.

﴿ هر چه را کردست حق بر تو حرام ﴾ Her neyi ki Ḥaḡḡ senüñ üzerüñe ḡarâm itmişdür.

﴿ دور باش ازوی که باشی نیکنام ﴾ [Ü358a] Andan ırâḡ ol ki ḡoş nâm şâḡibi olasın. Ba‘zı nüshada mışrâ‘-ı sâñî ﴿ دور دار از خود که داری نیکنام ﴾ vâkı‘dur. Ma‘nâ; ol ḡarâmı kendîñden ırâḡ tut ki nîk nâm tutasın demek olur. Pes ḡarâmdan müctenib olanuñ ḡoş-nâm olması, ‘inda’llâḡ itibâr bulması âşkârdur.

﴿ چونکه بکشاید در روزی خدای ﴾ Çünki Rezzâḡ-ı muṡlaḡ rızḡ ḡapusını açar. Ya‘nî; rızḡuñı virür.

﴿ دل کشاده دار و تنکی کم نمای ﴾ Göñlî küşâde tut ve inḡıbâzı az göster. Ya‘nî; hîç münḡabıd olma dimekdür. **Tengî**, bunda yâ’-i maşdariyye ile «ṡarlıḡ» ma‘nâsınadır ki murâd; rızḡ içün inḡıbâz ve şıḡılmaḡdur. Pes bunda نحن قسمنا da olan rızḡ-ı muḡaddere râzî olup, rızḡ ḡuşuşında çîn-i cebîn ile inḡıbâz gösterme. Zîrâ başt u ḡabz Ḥaḡḡundur. Fâ‘il-i muḡtâruñ su’âl olunmaz dimege işâret vardır. Nitekim Ḥ‘âce Ḥâfîzuñ *beyt*:

رضا بداده بده وز جبین کره بکشا

که بر من و تو در اختیار نکشادست

beyt-i laṡfî bu ma‘nâya dâlldür. Ve herkesüñ rızḡ-ı muḡadderi kendüye vâşıl olur dimege bunda delâlet zâhirdür. Nitekim rızḡ ḡuşuşında ser-be-ceyb-i fikret olmamaḡ beyânında İbnü Yemînüñ:

دلا کر میتوان کردن

منه پیش سر ان کردن

ترا خود چه نان خوردن

رساند رزاق مطلق

nazmı kâfîdür. (...[S368b]...) Kaldı ki esbâb-ı taleb-i rızka teşebbüs ile sa'yuñ lüzûmına zâhib olanlar İbnü Yemînüñ *beyt*:

اگرچه رزق مقسومست مجوی
که خوش فرمود این معنی المعزی
که یزدان رزق اکر بی سعی دادی
بیمیرم که ندا کردی که هزی

istişhād buyurmuşdur. Murād; جنيا و هزى اليك بجذع النخلة تساقط عليك رطباً جنيا āyet-i şerʿfiyle istidlâldür. Bunda beyân keşîrdür. Ve niçeler feth-i bâb-ı rızķda saʿy bî-fâʿidedür diyü niçe edille îrâd eylemişlerdür. Nitekim H^vâce Kelîmüñ *beyt*:

چه سرکردان شوی از بهر روزی پا بدامن کش
که بهر دانه این سر کشتگی را آسیا دارد

beyt-i laṭfî bu beyānda güvāhdur. Ḥattā keşret-i ni'metden rızkî teng olana fā'ide yokdur; rızk-ı mukadderden ziyāde olmaz. Söyle ki bahrden vazîfe-i gevher, bir katre ābdur diyü *beyt*:

چہ سود نعمت بسیار تنک روزی را
ز بھر قطرہ آبِی وظیفہ کھرست

buyurmuşlardır. Ve rızık, [Ü358b] vaktinde küşāyış-i bāl ü per ile sâhibine ulaşır. Nitekim *beyt*:

رزی مکس روزی نباشد عنکبوت
رزق را روزی رسان یر میدهد

maẓmūnı bunda kāfī ve ilzāmda vāfīdür dimişlerdür.

﴿ تازه روی و خوش سخن باش ای اخی ﴾ İy karındaş! Laṭîf yüzlü ve hoş sözlü ol. **Tāze-rūy u hoş-sūḥan**, terkīb-i tavşîfidür. Murād; güler yüzlü ve nâzûk sözlü ol dimekdür. Pes beşâset-i cemāl ḥuşûşıyla hengām-ı in‘ām ve âvân-ı iç‘âmda lâzımdur. Nitekim ḥazret-i Ḥayder razıya’llāhu ‘anhuñ: بِشَاشَةِ عَطِيَّةٍ ثَانِيَةِ kelâmi buña şâhiddür. Ve zâyfa ikrâmda *beyt*:

ليس الكرامة فى طيب الطعام له
بل الكرامة ان تلقاه متبسم

dimişlerdür. Ve keyfe lā ki ‘abūsü’l-vechüh nānı zehr-ālūd olduğundan *beyt*:

حرامت بود نان انکس چشید
که چون سفره ابرو بهم بر کشید

dimişlerdür. İmdi iy karındaş! Sen böyle olma.

﴿ تا بود نام تو در عالم سخی ﴾ Tā ki ʿālemdē senūn nāmuñ saḡī ola. Pes bunda seḡāvetūn šarṭ budur dimege īmā vardur.

{ پر مخور اندوه مرک ای بلهوس } İy hevesi çok kimesne! Ölüm guşşasın çok yime. Ya'nî; hevâ vü hevese mütâbâ'at ve dünyâya mezîd-i ta'allukdan nâşî ölürem diyü guşşalanma. Belki [S369a] mevte istic'dâd ile âhiret için tedârük-i zâd ol. Zîrâ mevtüñ vaktiyle vürüdi meczûmdur dimekdür. **Bül-heves.**

Heves, ma'rûfdur. Pes bül-heves, kendü nefsine fâ'ideliyi arayup, gayrı kayırmayana dirler.

﴿ چونکه وقت آید نکرد پیش و پس ﴾ Çünkü vakt-i ecel gele; ilerü ve girü olmaz. Pes bunda
اكثرُوا ذكر هادم اللذات فانما جاء اجلهم لا يستأخرون ساعة ولا يستقدمون
müfâdınca mevti çok zikir etmek gerekdir. Ve mevti zikrde şevâb vardır. Zîrâ zikir-i mevî ḥubb-ı dünyâyâ
mâni^c olur dimişlerdür. Ve mevî zikrûñ fârîkî, eslâfûñ ve belki kendi vaktinûñ âdemlerinden âzîm-i dâr-ı
âḫîret olanları yâd idüp anlar gibi olacağın fikir itmekdür. Ve da'imâ mevte müste'idd olmağdur. Ve âkıl
olan budur. (...[S369b]...)

﴿ دل زغل و غش هميشه پاک دار ﴾ Dā'imā ḳalbi ḡill ü ḡışşdan pāk tūt. Ya'nî; hıkd [Ü359a] u ḥased ve ḳarışıklık ve hıyānetden ḳalbūnî pāk eyle dimekdür. Bunda 'ābide lâzım olan, taşfiye-i ḳalb ve hemîşe pāklükdür dimege işāret vardır. Pes ahlāk-ı zemîme-i mezkûreden hıkd u 'adāvet ḡāyet kötü olduğından nāzım eyidür:

﴿ تا توانی در دون کینه مدار ﴾ Mā-dām kādīrsen bāʿında kīn yaʿnī hīkđ u ʿadāvet tūtma.
Murād; bir kimseye kīn tūtma dımeğdür.

{ تکیہ کم کن خواجہ بر کردار خویش } İy efendi! Kendi ‘ilmün üzerine i‘timād eyle. **Tekye**, «ṭayanmak» ma‘nāsınadır. **Kem kon**, «az eyle». Murād; hîç eyleme dimekdür. **H’āce**, «efendi» dimekdür. Murād; ‘āmil olan ‘ābiddür. **Ber**, «alā» ma‘nāsınadır. **Kirdār**, kesr-i kâf-ı ‘Arabî ile ‘amel ma‘nāsına olan kird ile götürici ma‘nāsına olan âr lafzından mürekkeb olmağın fî’l-aşl ‘āmil ma‘nāsına idi. Soñra «amel» ma‘nāsına isti‘māl olındı. Nitekim *beyt*:

بلبل اندر قفس هجر ازان می نالد
که بدل کرد ندارد همگی گفتارست
باز بر دست شهان پای ازان می کوید
که بک، گفت ندارد همگی کردارست

nazmında böyledür ki kird ve daḥı kirdār, ‘amel ma‘nāsına Fārisīdūr. Ammā lafz-ı kirdār ‘Arabīde binā ve eṣcār ve bey‘ ma‘nālarına gelür. Murād ma‘nā-yı Fārisīdūr. Pes hāşıl-ı ma‘nā; ‘amele maḡrūr olmayup:

﴿ دل بنه بر رحمت غفار خویش ﴾ Kendi gönlünü rahmet-i Ğaffār üzre қо. **Bi-nih**, kesr-i bā'-i zā'ide ile emr-i hāzırdur; «vāz^e eyle» ma'nāsınadır. Maşdarı nihādendür. Ba'zı nüşhada Ğaffār yirine Cabbār vāķırdur. İkişi daķı esmā'-i Celāldendür. Ma'nālārı zāhir ve her birinde olan nükte bāhirdür. Ma'lūm ola ki 'amel, sebeb-i duķūl-i cennetdür. Yoksa müceb-i cennet degüldür. Zīrā duķūl-i cennet fażl-ı İlāhdur; 'ameline mağrūr olan güm-rāhdur dimişlerdür.

﴿ بهترین چیزها خلق نکوست ﴾ Cümle nesnelerün yegregi eyü hüydur. Pes hulk-ı hasenün fevâ'idi çokdur. Ez-cümle fâ'idesi mısırâ-ı sâñnün mefhûmıdır ki:

﴿ خلق خلق نیک را دارند دوست ﴾ Halk eyü hüyluyı dost tutarlar. Yaʿnî; hüsn-i hulûk şâhibine herkes maḥabbet ve kendü ile ülfet iderler dimekdür. Nitekim Faḥr-i ʿâlem şalla'llâhu [S370a] ʿaleyhi ve sellem eşhâb-ı kirâma hitâb idüp: Baña ziyâde sevgilünüz ve daḥı yevm-i kıyâmetde meclisüme

aķrebüñüz, sizlerden hulkı güzel olandur diyü buyurdığı bu beyānda kāfīdür. Evvelki feth-i hā' ile **halk**dur; «il» ma'nāsınadır. İkinci zamm-ı hā' ile **hulk**dur; «hüy» ma'nāsınadır.

﴿ رو فروتن شو همیشه ای خلف ﴾ Git iy oğul! Dā'imā mütevāzı' ol. **Rev**, feth-i rā'-i mühmele ile emrdür; «git» dimekdür. **Fürü-ten**, «mütevāzı'» ma'nāsınadır. **Şev**, feth-i şın ile «ol» dimekdür. **Halef**, hā'nuñ ve lāmuñ fethalarıyla 'Arabīdür; «kişinüñ 'aķabinde yirine kâ'im olanlardan hayrlu olan»a dirler. Cem'î ahlāf gelür. Murād oğul dimekdür. Pes tevāzu'ıñ her vechile memdühıyyetini [Ü359b] işbāt içün nāzım dimişdür:

﴿ کین بود آرایش اهل شرف ﴾ Ki bu zīnet-i ehl-i şerefür. **K'in**, ki in lafzlarından muhaffefdür ki 'illet içün rābıţadur. İn, mütevāzı'lığa işāretdür. **Buved**, «est» ma'nāsınadır. Mısrā'ıñ āħirine merbūţdur. **Ārāyış**, «zīnet» ma'nāsınadır. **Ehl-i şeref**den murād; evliyā'-i 'izām ve eşhāb-ı kirām ve 'ulemā'-i a'lām ve meşāyih-ı vālā-maķāmdur. Ve tevāzu' bunların ārāyışı idigi zāhirdür. Ve tevāzu'ıñ bā'is-i 'ulüvv-i ķadr idigi التواضع سمو المرء haberinden bāħirdür. Ĥattā Faħru'l-ebrār 'aleyhi's-şalātü ve's-selāmuñ 'āzim-i dāru'l-ķarār oldıķdan soñra vaşıyyet-i şerīfleri üzre ĥazret-i 'Ömer ve ĥazret-i Ĥayder razıya'llāhu 'anhumā, selām-ı Rasūlu'llāh ve muraķķa'-ı şerīf-i ĥazret-i risālet-penāhı, Üveys-i Ķarenī ĥazretine teblīğ buyurdıķlarında ĥazret-i Üveys, selām ile muraķķa'-ı şerīf-i Faħr-i 'ālem ihşānına nā'il ve bu vesīle ile şoħbet-i laţif-i 'Ömer ve Ĥaydere, vāşıl oldığı nı'am-ı celīlenüñ sebebi tevāzu' idigin ĥazret-i Üveys iķrār eylemişdür. (...[S370b]...)

﴿ آنکه باشد در کف شهوت اسیر ﴾ Ol kimse ki şehvet ayasında esir ola. **Keff**, «el ayası» ma'nāsına 'Arabīdür. **Şehvet**, 'Arabīdür; «nefsi hevāsına sevk iden ĥālet»e dirler; cem'î şehevāt gelür. **Esir**, 'Arabīdür; «tutsak» dimekdür; vech-i tesmiye esirüñ elleri kayış ile baėlu oldıėındandır. İmdi esir-i dest-i şehvet olan:

﴿ کرچه آزادست او را بنده کیر ﴾ Egerçi ĥurru'l-aşldur; anı ķul bil. Belki ķuldan daħı ezeldür. Nitekim ĥazret-i 'Alī razıya'llāhu 'anhuñ: عبد الشهوة اذل من عبد الرق kelāmı bu ma'nāya dālldür. Ve daħı şā'irüñ:

نون الهوان من الهوا مسروقة

فاسير كل هوى اسير هوان

didigi bu beyānda nümāyāndur. **Āzāde**, «bī-ķayd u bī-'ayb» ma'nāsınadır. Tafşīli sebķ eylemişdi. Ve 'inde'l-meşāyih İslām içinde şaķalı aķ olan 'azābdan ĥalāş bulmaķ 'ilāvesiyle, [Ü360a] ihtiyār olana āzāde didikleri, ol ihtiyārıñ 'azābdan ĥalāşı ķayd-ı şehevātde giriftār olmamaķ ile meşrūţdur dimege nāzımuñ āzādeyi muţlak göstermesinde nükte ve işāret vardır. Zīrā ولا ينظر اليهم ولا يكلّمهم الله يوم القيمة ولا يزيكهم و لهم عذاب اليم زان و ملك كذاب و فقير متكبر ḥadīs-i şerīf-i üzre fāsık olan ihtiyāra rīş-i sefidüñ bir luţfı olmadığı o nümāyāndur. Ve giriftār-ı pençe-i şehvet olanı rakīķ 'add eyledikleri, dünyā vü 'uķbā ḥaķķındadır. Zīrā umūr-ı şer'iyyede dünyāda rakīķ gibi fāsıķuñ şehādeti maķbūl olmadıėından mā-'adā yevm-i kıyāmetde ümem-i māzıyye üzerine iķtizā iden umūr-ı İlāhiyyede daħı şehādeti ķabūl olmayacaķdur diyü meşāyih-ı müteḥaķķıķın beyān buyurmuşlardır.

﴿ کر تو بینی ناکسی را دستگاه ﴾ Eger sen bir nā-kesi maldār ve şāhib-i iktidār göresin. **Destgāh**, keşret-i emvāl ü eşvāb u erzākdan kināyedür. Ve bundan [S371a] mā-adā iki ma'nāya gelür. Evveli kuvvet ü kudretten kināye ile bu mertebe kārā eli irişür ve kudreti yeter ma'nāsına isti'māl olunur. Sānī, bīz ve qumāş tokudıkları nesnedür ki 'avām tahtıf idüp «dezgāh» eyidürler.

﴿ حاجت خود را از و هرگز مخواه ﴾ Kendi hācetüñi hergiz andan taleb itme. Zīrā nā-kes māl ile kes olamaz. Ve aña 'arz-ı ihtiyāc iden zilletden ğayrı bir nesne bulamaz dimekdür. Nitekim Tālib eyidür, *beyt*:

ساغر از دوان کشیدن کسرشان همت است

کر کسی جامی کشی باری ز دست جم کشد

Pes nā-kesāna 'arz-ı ihtiyācdan men'a terakkī kaşdıyle nāzım eyidür:

﴿ بر در ناکس قدم هرگز مبر ﴾ Nā-kesüñ kapusına aslā ayak basma. Ya'nī; alçaq ādemüñ yüzini görme didikleri üzre nā-kesāndan 'alākayı bi'l-küllīyye kaç eyle dimekdür.

﴿ کر ببینی هم مپرس از وی خبر ﴾ Eger nā-kesi görür iseñ dañı andan haber şorma. Pes andan haber şormamak birkaç veche muhtemeldür. Evvelā kendüye: “Ne hālūñ?” dime. Zīrā hasīsüñ hāli eḥass-ı hayvānāt olan itüñ hālinden alçaqdur. Alçaqdan alçaq haber istemek 'uqālā işi degüldür. Sāniyen nā-kesden bir havādiş şorma ki hasāsetinden nāşī mes'üle muṭābık haber virmez. Nitekim Maḳāmāt şerhinde meşūr oldığı üzre Eş'eş nām nā-kes ma'lūmı olan bir ḥadīs-i şerīfī tamām beyān eylememişdür.

Bu nükteyi gördüm şuhuf-ı nuşh-ı pederde

Nā-kes ile yār olma seferde vü hāzarda

Bī-minnet olup nānına el şunma hasīsüñ

Ḥaṇçer gibi qalur sözünüñ zaḥmi cigerde

﴿ تا توانی کار ابله را مساز ﴾ Mā-dām ki qādırsın, ebleh ü aḥmaḳ işini düzüp қоşma. Ya'nī; işine nızām vermek sevdāsında olma dimekdür. Zīrā aḥmaḳuñ işi evvelen nızām bulmaz. Sāniyen, nızām buldığını añlamaz. Sālīşen, aḥmaḳa iş begendürmek müşkildür. Farzā begene; ḥamākatinden nāşī her işini ol vechile nızāmlamaḳda her bār seni beller. Vaḳtūñ oldığını ve olmadığını [Ü360b] fehmi itmez ve qable'l-ḥuşul yanuñdan gitmez dimişlerdür. Rābi'an, nızām virdigüñ işi be-her-hāl bozması aḡleb-i ihtimāldür.

﴿ کار فرمایش ولی کمتر نواز ﴾ Aña iş buyurur iken nevāzişini azıraḳ eyle. **Kār**, «amel» ma'nāsınadır. **Fermāy**, emr-i hāzırdur; «buyur» dimekdür. Āḥirindeki şīn zamīr-i ğā'ibdür; eblehe rāci'dür. **Kemter**, «azıraḳ»; [S371b] **nüvāz**, zamm-ı nūn ile «oḥşā» dimekdür. Ḥulāşa aḥmaḳuñ işine qarışma ammā kendüyi istiḥdām māni' degüldür. Lākin muḳābelesinde kendüye nevāzişi az eyle. Zīrā aḥmaḳ ikrāmuñ qadrini bilmez yāḥod ma'nā; aña kār-ı hasīsī buyur ki kār-ı şerīfūñ 'uhdesinden gelmez dimekdür. Kemter nüvāz demek bu ma'nāya dañı muhtemeldür. Yāḥod aña iş buyurmaḳda şıyānet eyleme ve kendüye rāḥat virme dimekdür. Zīrā aḥmaḳ iltifātı añlamaz, soñra efendisin yeglemez dimekdür.

Der-İhtirāz-ı Düşmen ü Nā-dān-Dost

﴿ از دو کس پرهیز کن ای هوشیار ﴾ İy hūş-yār olan kimesne iki kimseden ictināb eyle. **Hūş-yār**, hūş ile yār lafzlarından mürekkebdür. Hūş, Fārisīde ve Türkīde «ök»dür. ‘Arabīde andan temeyyüz ile ta’bīr iderler. Temeyyüz didikleri ‘aqluñ levāzımındandır ki anuñla ādem hayrı şerrden ve nef’i zarardan fark ider. Yār, bunda «mu‘īn» ma’nāsınadır. Pes hūş-yāruñ Türkīsi «hūş kendüye mu‘īn olmuş» demek olur. Hūş-yār, «ayık» ma’nāsınadır. Muḳābili «mest»dür didikleri bu vechiledür.

﴿ تا نبینی نکبتی در روزگار ﴾ Tā ki rüzgārda bir nekbet görmeyesin. **Nekbet**, feth-i nūn ve sükūn-ı kāf-ı ‘Arabī ile «şiddet ü meşakkat» ma’nāsınadır. Ve şecer ü hacar ve ğayrıdan olan cerāhat ma’nāsına gelür. Cem‘i fethalar ile «nekebāt»dur. Āhırindeki yā’ vaḥdet içündür ve ta’zīm için olmak daḥı cā’izdür. **Der-rüzgār**, «zamānda ve cihānda» dimekdür.

﴿ اول از دشمن که او استیزه روست ﴾ Evvel düşmāndur ki ol ‘inād u cedel yüzlüdür. **İstize-rū**, kesr-i hemze ile ‘inād u cedel ma’nāsına olan istīze ile vech ma’nāsına olan rū lafzlarından mürekkebdür. Pes böyle ‘adū-yı mücādilden ictinābuñ ṭarīḳı çoḳdur. Evvelā müdārādur; bunuñla olmaz ise şulḥa rāğib olmaḳdur. Nitekim şulḥuñ hayr idigi beyānında:

منهئ اقبال درین کهنه دیر

ولوله انداخت که الصلح خیر

diyü buyurmuşlardır. Bunuñla daḥı olmaz ise düşmānı senden veyā sen düşmāndan ırāk olmaḳ gerekdür. Nitekim:

چو همسایه با تو شود در خروش

سرایش ستان یا سرایت فروش

beyt-i laṭfī bu beyānda kāfīdür dimişlerdür.

﴿ وانگی از صحبت نادان دوست ﴾ [S372a] Ve andan şoñra cāhil ü ğayr-ı ‘āḳıl olan dostuñ şoḥbetinden ictināb eyle dimekdür. [Ü361a] **Şoḥbet**, bunda «dostluḳ» belki «mücālese» ma’nāsınadır. **Nā-dān-dost**, mürekkebdür; «şadīḳ-ı cāhil ve ğayr-ı ‘āḳıl» dimekdür. Nitekim دشمن دانا به از نادان دوست mazmūni bu ma’nādadır. عدو عاقل خیر من صدیق جاهل mışdāḳınca şadīḳ-ı cāhilden ictināb lāzımdur. Ḥattā dost ittihāz idecek kimsede dört şartuñ vücūdi lāzımdur. Evvelen, ‘aḳl; sāniyen, ḥüsn-i ḥulḳ; sālişen, ḥavfu’llāh; rābi‘an, inşāf dimişlerdür. Ve Yaḥyā bin Mu‘āz eyitmiş ki: Seni gāḥice “Beni du‘ādan unutma!” dimege muḥtāc iden ve kendü ile müdārā üzre geçinilen ve daḥı seni i‘tizāra muḥtāc iden ve daḥı zararı mücerreb olan kimesnenüñ dostluḳından ictināb gerekdür, intihā. İmdi nā-dān-dost olanda bu ḥasletlerüñ vecdānı nümāyāndur. Dostluḳundan perhīz eylemek bā‘is-i selāmet-i nekbet-i cihāndur. Pes nāzım, düşmān-ı mücādil ve dost-ı ğayr-ı ‘āḳıldan perhīz eylemegi te’kīd ve ṭarīḳın ĩmā eylemek zımnında eyidür:

﴿ خویش را از نزد دشمن دور دار ﴾ Kendüñi düşmān ḳatından ırāk tut. **Nezd**, feth-i nūn ve sükūn-ı zā’i mu‘ceme ve dāl-i mühmele ile Fārisīdür; ‘Arabīde «ind» ve Türkīde «yan» ile ta’bīr olunur.

Ve ḳaçan āhırine yā ve kāf getürölüp «nezdīk» dinse «yaḳın» ma’nāsına olur. Pes düşmāndan ictinābuñ

tırıklarından kendüñüñ irāk olması āsān olduğundan nāzım bunda bu vechi taḥṣīṣ eylemişdür. Lākin nā-dān-dostdan ictinābı beyānda, anı senden dūr u mehcūr eyle diyü dostluğundan i'rāzı münāsib görüp buyurmuşdur.

﴿ یار نادان را زخود مهجور دار ﴾ Yār-ı nā-dānı kendüñden mehcūr tut. **Mehcūr**, «terk olunmış» ma'nāsına ism-i mef'uldür. Hülāṣa-i kelām düşmānuñ zimāmı elinde olmamağın kendüñi düşmāndan dūr eyle. Lākin dostluk eylemegüñ zimāmı senüñ elinde olmağın, ṣadīk-ı cāhili kendüñden mehcūr eyle dimekdür.

﴿ ای پسر کم کوی با مردم درشت ﴾ İy oğul! Halka dürüş sözi az söyle. Murād; hīç söyleme dimekdür. **Merdüm**, bunda halk ma'nāsınadır. **Dürüş**, dāl ve rā'-i mühmelelerüñ zammeleriyle «kātı» ma'nāsına[S372b]dur ki muḳābili yumşak ma'nāsına olan «nerm»dür, kemā fī-Deḳā'ı'l-Haḳā'ıḳ.

﴿ ور بکویی از تو کردانند پشت ﴾ Ve eger kātı söyler iseñ halk senden arka dönerler. Ya'nı; i'rāz ve nefret iderler dimekdür. Nitekim: ولو كنت فظا غليظ القلب لا نفضوا من حولك āyet-i şerīfī bu beyanda kāfīdür.

﴿ بهترین خلق می دانی کراست ﴾ Bilür misin halkuñ yegregi kimdür? Buna göre **halk** lafzı feth-i ḥā ile «il» ma'nāsınadır. Ve daḥı **ki-rāst** kelimesindeki rā zā'idedür. Yāḥod ma'nā; bilür misin yegrek ḥūy kime maḥşūşdur? dimekdür. Buna göre ḥulḳ, zamm-ı ḥā ile «ḥūy» ma'nāsınadır. Ve ki-rā kelimesindeki rā ihtişāş için olur.

﴿ انکه داد انصاف و انصافش نخواست ﴾ [Ü361b] Ol kimse ki 'adl ü iḥsān eyledi ve muḳābelesinde anuñ nişfin taleb itmedi. Ya'nı; halka inşāfı ḥasbeten lillāh idüp muḳābilinde bir nesne me'mūlünde olmadı dimekdür. **İnşāf**, evvel ve sānī «'adl ü iḥsān» ma'nāsınadır. İnşāf-ı sānīnün āḫirindeki şīn zamīrdür. Ol kendüye inşāf olınan kimesneye rāci'dür. **Ne-ḥ'āst**, māzī-i menfīdür; «istemedi» dimekdür. *Li-şāriḥihī*:

Cihān halkına bir sā'at cihānda 'adl ü dād itmek

Cihan şāhına Rūḥī tāt-i şad-sāleden yegdür

﴿ چون حدیث خوب کویی با فقیر ﴾ Çün faḳīre güzel ve laṭīf söz söyleyesin. Pes faḳīre ḥüsn-i kelām, kendüyi gördikde luṭfile ḥāṭırın isti'lām ve ḳalīl ü keşīr iḥsān ile kendüye in'ām ve bir nesne bulunmadıkda ḳavl-i leyin ile kendüyi def'a itizāmdan e'ammdur. Ve faḳīre bu vechile mu'āmele-i cemīle ehemmi ü elzemdür. Zīrā ber-mantūḳ-ı ḥadīṣ-i şerīf herkes ḥüsn-i kelām tekellümine me'mūrdur. Ve kelime-i tayyibenüñ şadaḳadan ma'dūd idigi beyne'l-ulemā meşhūrdur. Nitekim nāzım eyidür:

﴿ به بود زانش که پوشانی حریر ﴾ Andan yeg ola ki ol faḳīre ḥarīr geydüresin. **Pūṣānī**, «geydüresin» ma'nāsına muzāri'-i müfred-i muḥātabdur. Ve maşdarı «pūṣāniden»dür. **Ḥarīr**, feth-i ḥā'-i mühmele ile ibrişim ve yār ve kāḡad ma'nālarına gelür. Bunda murād; ibrişimdür. Ve 'Arabīde arışı ve argacı ibrişim olan şevbe dirler. Ve 'inde'l-ba'z maḥbūḥ olan ibrişimdür. Ve andan olan şevbe ḥarīrī dirler. Pes nāzımuñ [S373a] ḥarīr geydüresin didigi, ḥarīrden ma'mūl cāme geydüresin demek olur. Ma'lūm ola ki faḳīr, 'āşīḳ-ı kerīmdür ve kerīm, 'āşīḳ-ı faḳīrdür. Eger faḳīrūñ şabrı ziyāde olur ise kerīm, faḳīrūñ

ķapusına gelüp himmet ister ve eger kerîmüñ istiğnâsı ziyâde olur ise fakîr anuñ ķapusına varup ni‘met ister. Lâkin fakîre, şabr kemâldür; kerîme, istiğnâ ‘ayb u noķşândur. Zîrâ cûd u seĥâ ve iĥsân u ‘aţânuñ nûrî gedâlardan sâti‘ olmağın seĥâ, talebkâr-ı gedâdur. Şöyle ki cemâl-i iĥsânı göstermek için gedâ âyine-mişâldür. Ve her hâlde ĥüsn-i ĥübânüñ, âyine maţlûb u mazharı idigi zâhirdür dimişlerdür. Öyle olunca nefes-i serd ve kelâm-ı bârid ile rûy-ı âyîneye ĥubâr virmemek ve gedâyı boş göndermemek gerekdür dimişlerdür. Nitekim: انا اتاك سائل على فرس و اما السائل فلا تنهر bu beyâna dâlldür. Ve ĥadîs-i şerîfde: وارد olmişdur.

﴿ خشم خوردن پیشه هر سرورست ﴾ Ğađabı yutmaķ her serverüñ şan‘at u ‘âdetidür. Pes kazm-ı ĥayz pîşe-i serverân idigi ĥazret-i Kerrâr razıya’llâhu ‘anhuñ الانتقام لاسود Ya‘nî; bir ķavme veya âdeme ĥađab iden kimesne siyâdete ve riyâsete şâyân degüldür didigi bu beyânda âşkârdur. Murâd; ĥađab ve şefķat ve buğz ve maĥabbet, Allâh için gerekdür dimekdür. [Ü362a] İmdi ‘avâm, ĥuşuşan ĥavâşş-ı enâm olan ĥukkâma göre kazm-ı ĥayz eylemek her neķadar acı ise de lâzime-i ĥâl ü şân-ı ĥalâvet-nişânlarıdur. Nitekim nâzım eyidür:

﴿ تلخ باشد از شکر شیرین ترست ﴾ Kazm-ı ĥayz acı ola, lâkin ma‘nâda şekerden ziyâde tatlıdur. Zîrâ dünyâda nedâmetden ve ‘uķbâda iĥķâķ u ‘uķûbetden selâmet bulmağa bâ‘îşdür. **Telĥ**, «acı»; **şîrinter**, «ziyâde tatlı» dimekdür.

﴿ هرکه با مردم نسازد در جهان ﴾ Her kim ki dünyâda ĥalk ile ĥüsn-i imtizâc eylemez.

﴿ زنده‌گانی تلخ دارد بیکمان ﴾ Şeksiz acı dirilik tutar. Ya‘nî; düşvârlıķ ile te‘ayyüş ider dimekdür. Zîrâ nâs ile ĥüsn-i imtizâc eyleyen nizâ‘ u şudâ‘dan ĥâlî olamaz. Ve böyle olan kimesne ĥayât-ı dünyâdan mümetti‘ ü ĥalâvet bulamaz dimişlerdür.

﴿ آنکه شوخست و ندارد شرم نیز ﴾ Ol kimse ki güstâĥ u bî-edebdür ve daĥı ĥayâ tutmaz. Ya‘nî; ĥayâsızdur. [S373b] **Şûĥ**, bunda güstâĥ u bî-edeb ma‘nâsınadır. Ve daĥı ma‘nâları vardur ki sâbıkda beyân olınmışıdi. Âĥirindeki **est**, edât-ı ĥaberdür. **Şerm**, «ud» ma‘nâsınadır ki ‘Arabîde ĥayâdur. **Nîz**, «daĥı» dimekdür. Bunuñ beyânı şöyledür ki ĥayâ didikleri nesne bir şeyde, levmden iĥtirâzen nefis kendüden münķabız olup, ol şey’i terk itmege dirler. Pes ĥayâ iki nev‘ üzredür. Nev‘-i evvel, ĥayâ’-i nefsânîdür ki Ĥallâķ-ı ‘âlem celle ve ‘alâ anı nüfusuñ cümlesinde ĥalk itmişdür. Meşelâ; beyne’n-nâs keşf-i ‘avret ve beyne’l-ĥalk cimâ‘ ĥayâ gibi. Nev‘-i şânî, ĥayâ’-i imânîdür ki mü’mini ĥavfen min-Allâh fi‘l-i ma‘âşîden men‘ itdürür. Ve mü’minüñ iktisâb ile taĥalluķ itdigi ĥayâ budur ki Faĥru’l-enâm ‘aleyhi’s-selâmuñ: ايمان بضع و سبعون شعبة و الحياء شعبة من الايمان ĥadîs-i şerîfî buña dâlldür. Pes şu‘ab-ı imân içinden ĥayâyı ifrâd bi’z-zıkr buyurdığı, ĥayâ sâ’ir şu‘abelere dâ‘î gibi olduğı içündür. Zîrâ şâĥibi dünyâ vü ‘uķbâ rûsvâlîğından ĥâ’ifen ma‘âşîden girü turur. (...)

﴿ دانکه او ناپاک زادهست ای عزیز ﴾ İy ‘azîz! Bil ki o bed-aşl u fûrû-mâyedür. **Dân ki**, «bil ki»; **o**, zamîr-i ĥâ’ib-i müfreddür, şûĥ u bî-hayâya râci‘dür. **Nâ-pâk-zâde**, «bed-aşl u fûrû-mâye»dür ki Türkîde aña «aşlı murdâr ve ĥarâm-zâde» dirler. Pes bunda العرق نراع mazmûnına imâ vardur. Nitekim Türkîde «tamar çeker» dirler. Ve fi‘l-ĥaķîķa herkes ĥalîbine göre ĥareket ider. Nitekim: قل كل يعمل على شاكلته

āyet-i şerīfine ای یحلبه و لبته ile ma'nā virmişlerdūr. Ve ḥazret-i 'Alī razıya'llāhu 'anh یخبر 'anh فرع الشئ یخبر 'anh bir nesnenüñ aşlınıñ [Ü362b] ḥālını müş'ir ve fer'uñ şalāh u fesādı, aşlınıñ şalāh u fesādını muḥbirdūr dimekdūr. Ve İbnü Yemīnün *naẓm*:

انرا که ندانی نسب و نسبت حالش
او را نبود هیچ کواهی چو فعالش
زیرا که درختی که مر او را شناسی
بارش خبر ارد که چه بودست نهالش

didigi bu taḥḳīka işāretdür. Ve bu maḳūle bī-edeb ü bī-ḥayā, ḥīz-i nā-temīz olmağın kendüden fir'i cemīl recā olunmaz. Nitekim şā'irün:

[S374a] لا ترجی فعل الجمیل من امرء
كحلت بمیل البطن مقلة ظهره

naẓmınıñ me'ālī bu beyānda hüveydādūr. (...)

﴿ از ملامت تا بمانی در امان ﴾ Tā ki melāmetden emānda ǧalasın. Ya'nī; nās arasında rūsvāyılığdan me'mūn olasın dimekdūr.

﴿ باش دائم همنشین صالحان ﴾ Dā'imā şālihler ile hem-nişin ol. Ya'nī; fāsıklardan ḥazer eyle ki mülām u müttehem olmayasın dimekdūr. Nitekim ḥadīs-i şerīfde اتقوا مواضع التهم gelmişdür. Ve şuleḥā ile şoḥbet, bā'is-i sa'adetdür. Nitekim: ان يكون اخوانه صالحين ḥadīs-i şerīfi bu ma'nāya işāretdür. Şuleḥā bulunmayan yirde ḥayrlusı, gūşe-gır-i 'uzlet olmağdur. Nitekim: الوحدة خير من جليس الموء musbetdür.

Der-Beyān-ı Çizhā Ki Ez-İşān H'ārī Peydā Şevd

﴿ چند خصلت آورد خوارى بروى ﴾ Ādeme ne ḳadar ḥaşlet muḳārenet getürür? Çend, feth-i cīm-i 'Acemī ile «niçe» dimekdūr ve «ne ḳadar» demek ma'nāsına gelür. Nitekim bu maḳāmda murād bu olmağ rūşendür. Ba'zı nüshada çend yirine heşt vāqı'dur ki ma'nāsı «sekiz»dür. **Be-rūy**, bā harfı şıladur. Rūy, bunda «vech» ma'nāsınadır. Ve vechden murād; zātdur.

﴿ با تو کویم کر همی کویى بکوى ﴾ Saña söyleyem eger dükeli söyle dir iseñ.

﴿ اول آن باشد که مانند مکس ﴾ Evvel ol ola ki siñek gibi. **Evvel**, ḥaḳārete bādī olan ḥışālūñ evveli dimekdūr. **Mānend-i meges**, «siñek gibi» dimekdūr. Bu kelimeler suhūlet-i ma'nā için mışrā'-ı şanīnün maẓmūnını mükemmil ve müşebbehün bihdür. Mānend, bunda «mişl» ma'nāsınadır. Meges, fethile «siñek» ma'nāsınadır; siñegün cümle envā'ına şāmil ism-i 'āmmdur. Ḥattā aruya daḥı ıtlāğ olunur. Nitekim eşek arusına «ḥar-meges» dirler. Lākin bunda murād ma'rūf [S374b] siñekdür ki 'Arabīde «zūbāb» dirler.

﴿ مرد نا خوانده شود مهمان [Ü363a] کس ﴾ Da'vet olunmamış, bir kimsenün ḳonuğı olur.

Merd, «er» ma'nāsınadır ki 'Arabīde «racūl» dirler. Bunda merd zikri aḡleb-i ḥāle binā'en yāḥod

istihzā'endür. Ve mā-ba'dinde olan nā-ḥ^vānde kelimesi, merde şıfat yāḥod ḥāl olmak cā'izdür. **Nā-ḥ^vānde**, «çağırılmamış» ya'nī «da'vet olunmamış» demekdür ki aña Fārisīde ṭable-ḥ^vār daḥı dirler. Nitekim ṣā'irūn *beyt*:

مراورا اثر نیست از تنک و عار
که باشد طفیلی و هم طبله خوار

kelāmında vāḳı'dur. Ve yine Fārisīde aña ḳalye-ḥ^vār daḥı dirler. Nitekim ṣā'irūn *beyt*:

صحبت تنها قنند از عارفان
برسر خوان قلیه خوار آید همان

kelāmında vāḳı'dur. **Mihmān**, kesr-i mīm ile «konuk» ma'nāsına 'alemdür. Ve mā-ba'dine muzāfdur. **Kes**, «kimse» ma'nāsına nekredür; herkese şāmildür. Nekre gelmesinde nükte vardur ve vech-i nükte ḡayr-ı ḥafīdür. Pes meges gibi da'vetsiz bir yire varanuñ ḥālını tamāmen beyān u 'ıyān içün nāzım, beyt-i dīger īrād idüp buyurur:

﴿ هر که مهمان کسی نا خوانده شد ﴾ Her kim ki nā-ḥ^vānde oldığı ḥālde bir kimsenūñ mihmānı oldı.

﴿ نزد مردم خوار و زار و رانده شد ﴾ Halkuñ yanında ḥor ve zār ve ḳovılmış oldı. **Ḥ^vār**, «ḥaḳīr ü zelīl» demekdür. **Zār**, «iñleyici» ma'nāsınadır ki aña nālān daḥı dirler. **Rānde**, ism-i mef'uldür; «ḳovılmış ve sürilmiş» demekdür. Pes bu ḥışāl-i selāse, da'vetsiz bir yire varan kimesnenūñ meges ile müşāreketi ve bu maḳūle rezāleti ḳabūlde müşābeheti olmağın nāzım beyt-i sābıḳda mānend-i meges dimişdür. Zīrā meges, gedā-çeşm ü bī-edebliğinden nāşī teklīfe ve da'vete baḳmayup ve cehāletinden nāşī ḥārr u şīrīn nesnelerden helāk veyā mülevveş olacağın añlamayup ve hevā-yı nefsine mütāba'at sebebiyle ḥalāl u ḥarām ve ṭāhir ü murdār dimeyüp ve vaz' u vaḳārını 'adem-i fehminde nāşī şāh u gedānuñ süfresini fark itmeyüp, ḥırsız gibi bir yire varup, ḥaḳāretile ile ḳonar. Ol zamān meges-rān ile kendüyi ḳovarlar. Eger ḳaçmağā iḳtidārı var ise uçar ve ḳaçar. Ve illā bir mehālike düşmiş ise ḥayyen veyā meyyiten kendüyi süriyüp ṭaşra atarlar. İmdi bu vechile rānde oldıḳdan soñra ḥaḳāret ü rezāletden ve ḳovılup ve sürilmekten i'tibār almayup [S375a] elleriyle kendü yüzlerine sille uraraḳ ve elini yüzine alaraḳ ve iñleyerek der-ḥāl ḳovıldığı yire yine tereddüd idüp yüz tırmalayaraḳ yine ṭaşra gelür. Pes bu ma'nālar da'vetsiz bir yire varanda zāhirdür. Ez-cümle kendi yüzine sille uraraḳ mübtelā-yı belā-yı nedāmet oldıḳın beyānda:

چون مکس ناخوانده هر کس بر سر خوانی رود
ای بسا سیلی بدست خود زند بر روی خویش

buyurmuşlardır. Ve nā-ḥ^vāndenūñ ḥaḳāretin temşīlde:

پرتو خرشید را با خاک یکسان کرده است
بی طلب هر جای رفتن حلقه بر هر در زند

dimişlerdür. Ve da'vetsiz bir yire tufeylī varanı mezemmetde:

اوغل فی التطفل [Ü363b] من ذباب

على طعام او على شراب
لو ابصر الرغيف فى سحاب
لطار فى الجو بلا حجاب

dinmişdür. Ve da‘vet ile varanuñ ‘izzetini beyân ve da‘vetsiz gidüp gelenüñ haķāret ü zilletini ‘ıyānda İbnü Yemīn buyurmuşdur ki *naẓm*:

ناخوانده نزد کس مرو ار مرد عاقلی
تا در بلا و رنج نماند دلت کرو
عزیزست اندرین که چرا آمدی بیا
ذلیست اندرین که چرا آمدی برو

Ya‘nī eger sen merd-i ‘āķıl iseñ bilā-da‘vet bir kimsenüñ yanına gıtme. Tā ki göñlüñ renc ü belāda merhūn olmaya. Zīrā ki med‘uvv olmaķ şüretinde: “Niçün teşrīf itmedüñ? Gel, buyur!” dinmekde ‘izzet verdur. Ammā ‘adem-i da‘vet şüretinde: “Sen yene mi geldüñ? Var git!” didürmekde zillet vardur dimekdür. İmdi ‘āķıl u kāmīl ve ma‘ķūle kâ’il olan kimesne megesüñ hālinden i‘tibār alup ve ‘uķālānuñ dürr-i şehvārāsā olan naẓm-ı ābdār ve neşr-i cevāhir-nişār-ı ma‘nīdārların gūş-ı hūşa menķūş idüp, da‘vet olunmayan yire tereddüdden hāzer ve ictināb eylemek gerekdür. Tā ki haķāretten sālīm ve rezāletten emīn ola. Nitekim Nābī-i merhūmuñ:

Bādveş eyleme her bezme şitāb
Māhveş eyleme devr-i ebvāb

diyü buyurdığı kelām-ı müsteṭāb bunda kāfī ve i‘tibārda vāfidür. Pes cālīb-i haķāret olan hışālden biri daķı budur ki zıkr olunur.

﴿ دیگر آن باشد که نادانی رود ﴾ Daķı ola ki bir cāhil gider. Yāḥod **nā-dānī** kelimesinüñ evvelinde bā ḥarfı taķdīriyle cāhillık ile gider; gerek da‘vetli ve gerek da‘vetsiz [S375b] olsun; ikisinden ‘āmmdur. Qaldı ki da‘vetsizlik ile gitmege nā-dānī kelimesin qarīne kılmāķ daķı muḥtemeldür.

﴿ کد خدای خانه مردی شود ﴾ Bir kimsenüñ hānesinüñ ketḥudāsı olur. Bu ma‘ķūle kimseye «ḥasbī fuẓūl» dirler. **Kedḥudā-yı hāne-i merdī**, tetābu‘-ı izāfet iledür. Kedḥudā, ev şāḥibine ve daķı kār-sāz olana ve daķı ‘avreti olana ve daķı delīle ve daķı pādşāha ıtlāķ olunur. Nitekim Tevālī beyānında *beyt*:

جهانرا نمانند بی کدخدای
یکی چون رود دیگر آید بجای

dinmişdür. Ve vekīl ü kār-sāz ve delīl ma‘nāsına isti‘mālī şāyi‘dür. Bu ma‘ķāmda daķı böyle olmaķ zāhirdür. Ve dālī tāya qalb ile ketḥudā demek taḥrīf-i meşhūru’l-isti‘māldür. Hānede hā, teşbīh içündür. Ve Fārisīde ḥān muṭlaķā menzīl ma‘nāsınadır; gerek insānuñ ve gerek ḥayvānuñ olsun. Nitekim kārban-serāya ḥān dinmişdür. Pes buña teşbīhan eve hāne dinmişdür ki ‘Arabīsi beytdür. Āḥirindeki hemze mā-ba‘dine izāfet eclī içündür. Merdīde yā vahdet içündür. Pes nāẓım bā‘iṣ-i haķāret olan ḥaşlet-i nā-hem-vāruñ birin daķı beyānda eyidür:

﴿ کار کردن بر حدیث آن دو مرد ﴾ Ol iki kimsenüñ sözi (üzre) iş eylemek. Ya'nî; her birlerinin sözlerine itimād ile fesāda yürimek dimekdür. Ol kimseler mışrā'-ı [Ü364a] şāniden mübeyyendür:

﴿ کز پی جهلند دائم در نبرد ﴾ Ki cehlden nāşī dā'imā ceng ve huşūmetdedürler. **K'ez** lafzı ki ezden muhaffefdür. **Pey**, bunda ötüri ma'nāsını müş'irdür. K'ez-pey-i **cehl**, «cehlden ötüri» dimekdür. Cehl lafzının āhirinde olan **nd** kelimesi end lafzından muhaffefdür; edāt-ı haber olan «est»ün teşniye ve cem'i elfāzındandır. Mışrā'ın āhirinde olan neberd lafzının āhırine merbūtdur. **Neberd**, feth-i nūn ile «ceng ve huşūmet» ma'nāsınadır. İmdi haşmeyn birbirinüñ elbette hılāfın söyler. Anlardan her kangısı bir kimesneye gelüp: «Fülān haqqūnda şöyle didi» diyü söyledikde, anların huşūmetlerin bilüp тұrur iken sözlerine itimād ile iş görmek haqārete bā'isdür. Qaldı ki haşmeyn-i mezbūreynüñ huşūmetleri cehlden nāşī ola dimekde nükte [S376a] vardır. Vechi gayr-ı hafīdür. Pes bā'is-i haqāret olan haşletüñ biri dağı budur ki zikr olunur.

﴿ هر که بنشیند زیر دست صدور ﴾ Her kim ki eşhāb-ı şudūr üzerine geçüp yuqaru oturur. Ya'nî; haddin bilmeyüp tavırn ta'addī ider dimekdür. **Zeber-dest**, bunda «yuqaru» ma'nāsınadır. Ve kuvvetlü kimseye dağı dirler. **Şudūr**, şadruñ cem'idür. Şadr, Fārisīde «vezīr ve kâzī ve bālā-yı hāne» ma'nāsınadır. 'Arabīde «her nesnenüñ evveli ve sīne-i insān» ma'nāsınadır. Pes bunda şudūr, şadr şāhibleri olan 'ālī-kadrler ma'nāsınadır. İmdi böyle kimesnelerüñ üzerine tefevvuk ile taşaddur eyleyen hor olur. Nitekim nāzım eyidür:

﴿ کر رسد خواری برویش نیست دور ﴾ Eger anuñ vechine horluq irişür ise ba'īd degüldür. Ya'nî; hor olur dimekdür. **Be-rüyeş**de olan şīn zāmīr-i gā'ibdür; şadr gözeden kimseye rāci'dür. Rüy, «vech» ma'nāsınadır. Ve bunda vechden murād zātdur. İmdi böyle olan kimesneye horluq der-kārdur. Nitekim Nābī-i merhūmuñ Hayriyyesinde *beyt*:

Qatı da'vācısı çoqdur şadruñ

Qorqaram zāyi' iderler qadrüñ

didigi bu beyānda āşkārdur. Binā'en 'aleyh bir şadrda, şadra lā'ik kimesne olmasa hayr olmaz dinmişdür. Nitekim İbnü Hāleveyh:

اذا لم تكن صدر المجالس سيدا

فلا خير فيما صدرته المجالس

didigi bu beyāna dālldür. İmdi hüner haddi tecāvüz itmekdür. Ānuñçün İbnü Yemīn dimişdür, *naẓm*:

ای عزیز ار نصیحتی کنمت

ور بد و نیک آن تفکر کن

اولا صدر شو باستحقاق

پس بمجلس برو تصدر کن

وسط کارها نکه میدار

نه ضعیفی و نه تهور کن

نه چو طاووس مجلس آرا شو

نه بويران وطن چو کنکر کن

با بزرگان ره تواضع کير

با فرومایگان تکبر کن

Ya'nî; iy 'azîz! Eger saña bir pend ideyüm; eger eyü ve eger kötü anı tefekkür eyle. Evvelâ şadra müstaḥakḳ ol; ba'dehû meclise var taşaddur eyle. Ve kârlaruñ vasaṭını ihtiyâr eyle; ne za'iflik ve ne tehevvr eyle. Ve daḥı ne [Ü364b] ṭāvus gibi meclis-ārâ ol ve ne baykuş gibi vîrânede vaṭan eyle. Ve daḥı ulular ile mücâlesede mütevâzî' ol; fûrû-mâyelere tekebbür izhâr eyle. Ya'nî; saña kibr iden [S376b] alçaqlara alçaqlık gösterme dimekdür, intihâ. Pes hışâl-i mezkûruñ biri daḥı budur ki zıkr olunur:

﴿ نیست جمعی را چو قول تو کوش ﴾ Çünkü bir cem'ıñ senüñ ḳavlüñ üzre istimâ'ı yokdur.

Ya'nî; sözüñi ḳabûl eylemezler ve seni diñlemeler. **Cem'ide** yâ vahdet içündür. Cem'den murâd; cemâ'atdûr. **Güş**, «ḳulaḳ» ma'nâsınadır. Pes bir cemâ'at için ki senüñ sözüñe ḳulaḳ yokdur demek; sözüñi istimâ' u ḳabûl için ḳulaḳ urmaları yokdur dimekdür. İmdi böyle olan cem'iyyetde:

﴿ صد سخن کر باشدت یک را مکوش ﴾ Eger senüñ vâfir sözüñ ola. Ya'nî; her ne ḳadar süḥan-

dân iseñ ol cem'a birini söyleme. **Şad süḥan**, keşretten kinâyedür. **Me-gû**, nehy-i ḥâzırdur; «söyleme» dimekdür. Âḫirindeki şîn zamîr-i müfred-i gâ'ibdür; mışrâ'-ı evveldeki «cem'ı»ye râcî'dür. İmdi lâzımü'l-ḳabûl olan kelâmı ḳabûl eylemeyenlere söylemek ma'ḳûl degüldür. Zîrâ ol söz her ne ḳadar dürr-i şemîn ise de ḥarîdârı olmayınca, ol kelâm ve mütekellimi ḥor olur dimişlerdür. Nâzımuñ müstemi'i cemâ'ate ḳaydında mütekellimüñ vâ'ız u nâşih olmasına da imâ vardır. Yoksa söz diñlemekde vâḥid ile cemâ'atüñ ḥükmi birdür ve sözüñ 'adem-i ḳabûli müstemi'ıñ 'adem-i fehminde yâḥod mütekellimüñ 'adem-i 'amelinden nâşih olur. Nitekim اتأمرون الناس بالبر و تنسون انفسكم gayr-ı 'âmilüñ sözi te'sîr eylemez dimişlerdür. Pes böyle olan vâ'ızıñ va'zından, 'adem-i va'zı evlâ idigin imâda *beyt*:

شحنه را کر درد دین بودی زدی

کردن واعظ بشمشیر خطیب

dinmişdür. Ve hışâl-i mezkûruñ biri daḥı budur ki zıkr olunur.

﴿ حاجت خود را خواه از دشمنان ﴾ Kendi ḥâcetüñi düşmânlardan isteme.

﴿ زین بتر خواری نباشد در جهان ﴾ Cihânda bundan kötörek ḥorluḳ olmaya. **Zîn**, ez-înden muḥaffefdür; «bundan» dimekdür. İn ile işâret, düşmânlardan taleb-i ḥâcetedür. **Beter**, «yaramazrak» dimekdür. Aşlı bedter idi; dâlüñ tâya ḳurb-i maḥreci olmağın dâlı tâya idgâm itdiler; teşdîd ve teşdidsiz müsta'meldür, kezâ fi-Ni'meti'llâh. Pes düşmâna ihtiyâc gâyet müşkil idigin [S377a] beyân için nâzım, ihtiyâc-ı mezkûruñ îrâs idecegi ḥorlığı beter ile tavşîf buyurmuşdur. Zîrâ şâ'irüñ *beyt*:

Çok telef kılma şaḳın 'âlemde mâlı şaḳla pek

Düşmene ḳalursa ḳalsun dosta muḥtâc olma tek

didigi üzre dosta ihtiyâc ma'ḳûl olmayınca düşmâna ihtiyâcuñ nâ-ma'ḳûl idigi zâhirdür ve düşmândan bir nesne istemenüñ rezâleti bâhirdür; ḥuşûşâ ki ol düşmân fûrû-mâye [Ü365a] ola. Zîrâ fûrû-mâye olan

سود ندارد همه اسباب راست

bu ma'nāda tāmmdur. Ve dahı şā'irūñ:

و كثرة الاكل توزي جسم صاحبها
حقا و يصبح مغرور من الوضم
فلا تكن شرها في لقمة [S378a] عملت
ان الشراهة كم تعدى الى العدم

buyurduğu bu beyāna dālldür. (...) Ve nāzımuñ bu maḳāmda bir öyün ta'ām dimesinde şavma terḡibe dahı işāret vardır ve vechi ḡayr-ı ḡafīdür.

﴿ خوش بود یار موافق در جهان ﴾ Cihānda muvāfiḳ yār ḡoş ola. Ya'nī; işe yaraya dimekdür. **Yār-ı muvāfiḳ**, «muḡibb-i şādık ve dostluḡa lāyık» dimekdür. Böyle olan yārūñ işe yaradığı zāhirdür. Belki dāreynde ḡoş olduğu bāhirdür. Buña göre nāzımuñ kelāmındaki cihān lafzını dünyā vü uḡbādan e'amm farz itmek muḡtemeldür. Zīrā dimişlerdür:

مرد را دوستان صاحب دل
زیور دین و زینت دنیااست
نعمت دهر اگرچه بسیارست
نعمتی بهتر از رفیق کجاست

intihā. (...[Ü366a]...) İmdi yār-ı muvāfiḳda hem-cins olmaḡ ve miḡakk-zede-i tecribe olmaḡ her vechile gerekdür. Yoḡsa her bir yārlik lāfını urana yār dinmez. Anuñ tecribesi İbnü Yemīnūñ bu kıt'asından hüveydādur ki buyurmuşdur, *naẓm*:

کر کسی با تو میزند لافی
که ترا دوستم بصد اخلاص
نقد او بر محک تجربه کن
تا کنی سیم راز راه رصاص

intihā.

﴿ باز مخدومی که باشد [S378b] مهربان ﴾ Girü şol maḡdüm ki şefḳatlı ola. Ya'nī; ḡādimine şefḳ ola. Pes şefḳ olan efendinūñ işe yaradığı zāhirdür; lākin bu zamānede vücdı nādirdür. Ve **maḡdüm**de yā vaḡdet içündür. Maḡdüm, fi'l-aşl ism-i mef'ül-i 'Arabīdür. Lākin «metbū' ve efendi» ma'nāsına isti'māli şāyī'dür. Dāl yirine tā ile maḡtüm demek bu maḡāmdaki ma'nāyı virmez. Zīrā maḡtüm Māverā'ün-nehr ıstılāhında «ayu» didikleri ḡayvāndur. Pes maḡdüm diyecek yirde maḡtüm demek ḡaḡādur. **Mihrbān**, kesr-i mīm ile «şefḳatlı ve maḡabbet ile görüp gözedici» dimekdür.

﴿ هر سخن کان راست کویی و درست ﴾ Her söz ki anı ḡoḡrı ve bütün söyleyesin. **K'ān**, ki ān lafzlarından maḡşūrdur. **Rāst**, «ḡoḡrı»; **dürüst**, «bütün»dür. Ma'lüm ola ki rāst u dürüst-güy olmaḡ, ḡavilde ve niyyetde ve a'mālde ve 'azm ve vefāda ve maḡāmāt-ı dīnde şıdkdan 'ibāretdür. Şıdkuñ a'lā

derecesi, maḳāmāt-ı dīnde şādıqlıktır ki anlar; ḥavf ve recā ve zühd ve rızā ve ḥubb ve tevekkülde olan şıdḳ-ı ḥaşş-ı maḳrūn-ı ihlāşdur. (...[Ü366b]...) İmdi bu vechile rāst-güy olmak:

﴿ به ز دنیا وانکه دروی نفع تست ﴾ Dūnyādan yegdür ve andan yegdür ki anda saña nef̄ vardır. Yaʿnī; dūnyādan ve her bir saña nāfīʿ olandan eyüdü dimektür. **Vʿāneh**, **dūnyā** üzerine maʿtūfdur. Min maʿnāsına olan «ez»den muḥaffef olan bunda daḥı melḥūzdur. Baʿzı nüshada vʿāneh yerine zʿāneh vaḳırdur. Buña göre maʿnā; rāst u dürüst-güyülük dūnyādan yegdür. Zīrā rāst [S379a] u dürüst-güyülüğde saña nef̄ vardır dimek olur. Buña göre dūnyāda nef̄ nā-yābdur dimege ṭhām-ı laṭīf olur. Pes şıdḳ-güyülüğün bihter idigi eḫherdür. Zīrā nihāyeti duḫūl-i cennetdür. Nitekim Şāḫīḥaynda olan: عليكم بالصدق فان الصدق يهدي الى البر و البر يهدي الى الجنة الحديث işe yaradığı bī-reybdür.

﴿ آنچه ارزانست عالم در بهاش ﴾ Ol nesne ki ʿālem anuñ kıymetinde ucuzdur. Yaʿnī; ʿālem bahāsından ziyāde bahāya sezādur dimektür. **Āncide** olan çi lafzı, bunda çiz maʿnāsınadır ki «nesne» dimektür. **Erzān**, feth-i hemze ile «ucuz» dimektür. Āḫirindeki **(e)st**, edāt-ı haberdür. Kaçan āḫirine yā dāḫil olup erzānī dinse; ucuzluk ve liyāḳat ve müselleme ve müsteḥaḳḳ-ı ʿaṭā ve dervīş maʿnālarına gelir. ʿĀlem, bunda dūnyādan ʿibāretdür. Nitekim ʿālem-i dūnyā dirlir. **Bahā**, feth ile bunda «kıymet» maʿnāsına fārisīdür. Zīrā ʿArabīde «ḥusn ü ʿān» maʿnālarınadur.

﴿ عقل کامل دان و زان دلشاد باش ﴾ ʿAql-ı kāmīl bil ve dil-şād ol. **ʿAql-ı kāmīl**, bir cevher-i yek-tādur ki aña bahā ulaşmaz dimişlerdür. Ve bundan murād; ʿaql-ı meʿāddur ki şāḫībleri ʿuḳbāya sāt ve dāʿimā mesrūrüʾl-fuʿāddur. Nitekim nāzım ʿaql-ı kāmīlden **dil-şād baş**, «mesrūrüʾl-bāl ol» dimişdür. Ve bu ʿaḳluñ şāḫībleri, maʿnāda müstaḡnī-i ʿālem ve himmet-baḫş-ı selāṭīn-i benī-ʿĀdemdür. Zāhirde olan faḳr devleti, anlarıñ bāʿiṣ-i faḫretleridür. Nitekim [Ü367a] Ḥʿāce Ḥāfızuñ *beyt*:

دولت فقر خدا یا بمن ارزانی دار

کین کرامت سبب حشمت و تمکین منست

beytinden bu maʿnā zāhirdür. Kerāmetden bunda murād; faḳrdur. Şöyle ki; عز الدنيا بالمال و عز الاخرة mazmūn-ı ḥoş-meʿālīn ve daḥı يوم القيمة بالاعمال müfād-ı raḡbet-iṣtimālī üzre, ʿaql-ı kāmīl şāḫībi, “ʿuḳbāya meyl itmeliyür” diyü meʿāşa baḳmayup, devlet-i meʿāda ṭālīb olmuştur. Ḥattā faḳr, ʿaḳldan māyesi noḳşān olmaḳdan ʿibāret ve kıllit-i ʿaql, ḥamāḳat ü seḳāmetdür dimişlerdür. Nitekim ḥazret-i ʿAlī raḫīyaʾllāhu ʿanhuñ: افقر الفقير الحمق ve daḥı قلة العقل اضنى من قلة الحمق diyü buyurdığı bu beyāna şāḫideyn-i ʿādileyndür. İmdi ʿaql-ı kāmīlün işe yaradığı bundan zāhirdür.

﴿ دشمن حق را نباید داشت دوست ﴾ Ḥaḳḳuñ dūşmānını [S379b] dost tutmaḳ gerekmez. Yaʿnī; Ḥudānuñ dostına dost ve dūşmānına dūşmān olmaḳ gerektür. Nitekim افضل الاعمال الحب فى الله و البعض الدشمن فى الله ḥadīs-i şerīfinde bu beyāna işāret-i pür-beşāret zāhirdür. İmdi Ḥudānuñ dostına dūşmān veyā dūşmānına dost olmaḳ fenādur. Ve böyle olanlarıñ ḥaşmı Ḥudādur. Ve faşl-ı ḥuṣūmetüñ vaḳtī ḥulūl-i rüz-ı cezādur ki dost dūşmān cümle bir yire varur. Ānuñçün nāzım eyidür:

﴿ باز کشت جمله چون آخر بدوست ﴾ Cümlenün rücû'ı âhîr oñadur. Yâhod dostadur ki murâd; dost-ı haqîkî olan Hudâyadur dimekdür. **Bâz-geşt-i cümle**, izâfetle «cümlenün rücû'ı» dimekdür. Cümle lafzı, dost u düşmâna ve her bir zî-rûh u revâna şâmilür. **Çun**, ta'îl içündür; «çünkü» dimekdür. **Âhîr**, «encâm-ı kâr» dimekdür. **Be-dost(bed-ost)** kelimesinde şan'at-ı cinâs vardır. Zîrâ «be-ost» ma'nâsına olup ma'nâda «oñadur» dimek ile «dostadur» dimege muhtemeldür. O, zâmi'dür; Haqka râci'dür. Dostdan murâd dağı Hudâdur. Pes bunda الماب و اليه المرجع و âyet-i müste'âbına telmîh vardır. İmdi dîvân-ı ma'nevî'nün hâlini mülâhaza idüp, aña göre hâlûne el vireni işle dimege bunda îmâ vardır.

﴿ عیب کس با او نمی باید نمود ﴾ Kimsenün 'aybını şâhibine göstermek gerekmez. Ya'nî; yüzine urmak ve başına kaçmak iktizâ itmez dimekdür. Zîrâ bu şer'an mezmûmdur. Hattâ bir kimseyi ta'yîb iden elbette ol 'ayba mübtelâ olur dinmişdür. Qaldı ki emr-i ma'rûf ve nehy-i 'ani'l-münker eylemek bu ma'nâdan hâricdür. Ve bir dosta tenhâca naşîhat itmek dağı böyledür; ya'nî mâni'i yokdur. İmdi kimseyi ta'yîb ü taqrîr itme.

﴿ زانکه نبود هیچ لحمی بی غدود ﴾ Zîrâ ki hiçbir lahm bezsiz olmaz. Ya'nî; ekserî 'aybsız âdem bulunmaz dimekdür. Zîrâ:

Beşerden şer' olupdur cüz'-i a'zam

Anuñçün sâlim olmaz ibn-i Âdem

dimişlerdür. Ve dağı *meşel*: لكل صارم نبوة و لكل جواد كبوة *meşel*-i meşhûrî ma'lûmdur dinmişdür. Şârim, «seyf-i kâfî»dur; [Ü367b] nebve «zillet»dür; cevâd «serî'u's-seyr» feresdür; kebve «vech üzerine suqûb»dur. **Laħmîde** yâ harfî vahdet içündür. Laħm, 'Arabîde ma'rûfdur. **Ġudûd**, gayn-ı mu'ceme ve dâl-i mühmelenün zammeleriyle 'Arabîdür; müfredür ve 'inde'l-ba'z cem'dür ki [S380a] müfredi ġuddedür. Ma'nâsı «bez» didikleri nesnedür ki yumşak yirlerde ahlât-ı ġalîzadan peydâ olur. Pes bunda; iy âhara 'ayyâb olan kimse! Sen dağı elbette 'aybdan hâlî degülsin; kendi 'aybuñı gör, âhara bakma dimege nükte-i daķıķa vardır. Hattâ kendi 'aybını görmek min-kıbeli'llâh hayra muvaffaq olmak nişânesidür. Zîrâ hadîs-i şerîfde: انا ارادالله بعيد خيرا زهدا في الدنيا و رغبة في الاخرة بصره يعيوب نفسه vârid olmışdur.

﴿ از خدا خواه آنچه خواهی ای پسر ﴾ İy oğul! Ol nesneyi ki isterseñ Hudâdan iste. Ya'nî *beyt*:

Ne dervîş ü ne zâhîdden ne mîr ü şâhdan iste

Yüri yokdan seni var eyleyen Allâhdan iste

Zîrâ:

﴿ نیست در دست خلاق نفع و ضرر ﴾ Ne' ü zarar ħalâyıķuñ yedinde degüldür. Ya'nî; nâfi' ve zârr ve mâni' ve mu'fî ancak Hudâdur dimekdür. İmdi ħalkdan ye's ile ka'f-ı ümîd ü recâ ve tevekkül ber-Hudâ itmek ve her ma'plûbı andan taleb gerekdür. Nitekim hadîs-i şerîfde: سلوا الله حوائجكم حتى الملح Ve maħlûķuñ birbirine iħsân u in'âmı, Hudânuñ ilhâmiyledür. Ya'nî haqîkatde mu'fî Hudâdur; 'abd aralıkda âletdür dinmişdür. Ve bu maķâma meşâyîh «ķurb-i ferâ'iz» ta'bîr iderler. Ve bundan cebr lâzım gelmez dirler. Nitekim رميت و ما el-âyeħ bu ma'nâya şâhiddür, intihâ. Ve bu beytün 'ilâvesiyle yene nâzım eyidür:

﴿ بندکانرا نیست ناصر جز اله ﴾ Kullara Hudādan ğayrī naşır ve muʿīn ve zahīr yokdur. Pes imdi:

﴿ یاری از حق خواه از غیرش مخواه ﴾ Muʿāveneti Hudādan iste; ğayrından isteme. **Yārī**, «yardım» maʿnāsınadır. Zīrā yār «muʿīn» dimekdür. Āhırindeki yā maşdariyyedür. **Hʿāh**, emr-i hāzırdur; «iste» dimekdür. **Ez-ġayreşde** olan şīn zamīr-i ġāʿibdür; Haḳḳa rāciʿdür. **Me-hʿāh**, nehy-i hāzırdur; «isteme» dimekdür. İmdi Hudādan ğayrī nāşır olmadıysa nuşret ü ʿiʿāneti ancak kendüden taleb itmek gerekdür. Nitekim İbnü Yemīn Muḳaṭṭaʿâtında buyurmuşdur ki:

کسی کش ببند بسحتی فکند
سپهر جفا پیشه منقلب
بداد ار باید پناهید بس
نباید شدن زین غمش مضطرب
که مخرج بدیدار وش از مضیق
و یرزق من حیث لایحتسب

intihā. Pes bunda *وما النصر الا من عندالله* āyet-i şerīfine telmīḥ vardır.

﴿ آنکه از قهر خدا ترسد [S380b] بسی ﴾ Ol ki ancak Hudānuñ qahrından ḥavf ider. **Tersed**, muzāriʿ-i müfred-i ġāʿibdür; «ḥavf ider» dimekdür. **Besī**, bunda «ancak» dimekdür ve «niçe niçe» maʿnāsına da gelür, [Ü368a] kemā fī-Baḥriʿl-Ġarāʿib.

﴿ بیکمان ترسد انوی هر کسی ﴾ Bī-şekk her bir kes ol kimseden qorḳar. **Ez-veyde** olan vey zamīrdür. «Ān ki»ye rāciʿdür. **Her-kesīde** yā vahdet içündür. Maʿnā; «her bir kimse» dimekdür. Bunuñ tafşīli sebḳ eylemişdür.

﴿ از بدی گفتن زبانرا هرکه بست ﴾ Her kim ki kötülük söylemeden lisānı baġladı. Yaʿnī; nā-meşrūʿ sözden dilini perhīz eyledi dimekdür.

﴿ کرد شیطان لعین را زیر دست ﴾ Melʿūn olan şeyṭānı zebūn u maḳhūr eyledi. **Zīr-dest**, aşl «ḳul ve cāriye ve ḥādim ve reʿāyā maʿnālarınadır. Pes bunda maʿnā-yı lāzımı ʿtibārīyle «zebūn u maḳhūr» maʿnāsı murād olınmışdur. Maʿlūm ola ki şeyṭān-ı laʿīnūñ ġaraż-ı pūr-marażı; insāna ḥaṭā söyletmekden tā ki o ḥaṭānuñ şāḥibi neʿūzü biʿllāh küfre ulaşa dir. İmdi nā-meşrūʿ sözden ḥazer iden kimesneye bu vechile zafer bulmayınca maġmūm u maḳhūr olması kütüb-i ʿadīdede meşʿurdur. Bunda sükūtuñ aʿzam-ı fevāʿidine delālet vardır ki sākit, ḥaṭādan meʿmūn ve şerr-i şeyṭāndan maḥfūz u maşūn olur dimekdür. Pes:

بوی کل در غنجه سر بسته ایمین از صباست
لب ببند از گفتگو خون در دل غماز کن

müfādınca sākit ve bī-hüde sözden şāmit olmak selāmet-i dāreyne bāʿışdür.

﴿ کس نیابد پنج چیز از پنج کس ﴾ Bir kimse beş nesneyi beş kimseden bulmaz. **Kes**, nekredür; siyāk-ı nefyde vāqıf olmağıla ‘umūm ifāde itmişdür; ma‘nā «hīç kimse» dimekdür. **Ne-yābed**, «bulmaz» dimekdür; «yāften»den müştakq-ı muzāri‘-i menfīdür.

﴿ یاد کیر از ناصح خود این نفس ﴾ Kendi nāşihuñdan bu sözi ez-ber tut. **Nefes**, nūn ve fānuñ fetħalarıyle bunda üslub-ı meşāyih üzre «söz» ma‘nāsınadır. Zīrā; «söz diñle» diyecek yirde «nefes qabūl eyle» dinmek şāyī‘dür.

﴿ نیست اول دوستی اندر ملوک ﴾ Evvelā mülükde dostluk yokdur. **Mülük**, cem‘-i ‘Arabīdür; müfredi melik ve melīk ve mālīkdür; «pādşāhlar» dimekdür. Ma‘lūm ola ki mülük ü vūzerā vū vūkelāsmuñ ekşer-i hālleri temşiyet-i umūr-ı enām ve fikret-i meşālīh-i havāşş u ‘avāmm ile pūr-ħuzn ü melāl olmağın [S381a] dostluğlarında vefā mün‘adimdür. Nitekim ħazret-i Ħayder rażıya’llāhu ‘anhuñ kelāmı bu ma‘nāya şāhiddür. Ħattā mülūkuñ dostluğına i‘timād, mā’-i cārīye istināda beñzer ve şāh-ı bī-vefānuñ qurbıyyeti maħbūb-ı mecāzīnūñ vuşlatına müşābihdür ki, qurbet-i şāhuñ nihāyeti ğaḍab ve vuşlat-ı ħūbānuñ ğāyeti nedāmetdür. Pes:

Vaşl odur ki olmaya soñı nedāmet yā ğaḍab

Yā civārında seni āşūde ide luṭf-ı Rabb

dimişlerdür. Bundan murād; qurb, qurb-ı ħazret-i Ħaqqdur [Ü368b] dimekdür. Yoksa mülūki mezemmet degūldür. Nitekim nāzım eyidür:

﴿ این سخن باور کن از اهل سلوک ﴾ Bu sözi ehl-i sülükden inan. **Īn sūħan**, «bu sözi» dimekdür; işāret mışrāf-ı evvelūñ mefhūmınadır. **Bāver kon**, «inan ve i‘tikād eyle» dimekdür. **Ez-ehl-i sülūk**, «erbāb-ı řarīkatden» dimekdür ki murād; evliyā’-i kirām u meşāyih-ı ‘izāmıdır. Ve ehl-i sülükden aħbāb-ı mülūk murād olınmağ dağı muħtemeldür ki anlar bu ma‘nāyı re’yü’l-‘ayn müşāhede ve tecrūbe ile söylerler.

﴿ سفلهکانرا با مروت ننکری ﴾ Siflere mürüvvet ile baqmayasın. Ya‘nī; baħīl ü alçaqlardan mürüvvet ümīdinde olmayasın ki anlarda mürüvvet olmaz dimekdür. **Siflegān**, cem‘dür; müfredi kesr-i sīn ile sifledür ki ma‘nāsı «baħīl ü denī»dür. **Mürüvvet**, vāv-ı müşeddede ile ve hemze ile cā’izdür. Luğatde «ādemiyyet» ve ıstīlāħda; «bezl-i ‘aṭā ve keff-i ezā ve şuħf-ı ‘aşerāt ve setr-i ‘avrāt ma‘nāsınadır. **N’engerī**, «baqmayasın» ya‘nī; ümīd-i mürüvvet nazarıyle nazar itmeyesin dimekdür. Pes bunda siflegāna mezīd mezemmet vardır. Zīrā mürüvetsizlik bī-dīn olanuñ ħālidür. Nitekim ħazret-i ‘Alī kerrama’llāhu vecchehūnuñ: لا مروءة لمن لا دين له kelāmı bu beyāna dālıdır. Ya‘nī; ħulle-i merħamet tırāz-ı mürüvvet ile müşerref ve teşrīf-i girān-bahā-yı fütüvvet ile müzeyyen ü müşennef olmayanuñ mezāk-ı telh-ı dili çāşnī-i şehd-i nāb-ı İslāmdan kem-vāye, belki dest-i vücūdı denā’et-ālūdı bā-mezze-i dīnden bī-māyedür dimekdür. Ve ħadīs-i şerīfde dağı كرم المومن دينه و مروتة و حسن خلقه gelmişdür. Pes bu vechile keremden ħālī olanuñ ħālī ma‘lūmdur.

﴿ هیچ بدخویی نیابد مهتری ﴾ Hīčbir bed-ḥūy ululuk bulmaz. **Bed-ḥūy**ide olan [S381b] yā'-i sāniye vaḥdet içündür. **Mihter**ide maşdariyyedür; «ululuk» ma'nāsınadır. Pes seyyi'ü'l-ḥulk olan hemişe ḥaḳırdur.

﴿ هرکه بر مال کسان دارد حسد ﴾ Her kim ki ḥalkuñ mālī üzre ḥased tutar. **Kesān**, «kes»uñ cem'idür; «kimseler» dimekdür. Nāzımuñ **ber-māl** zıkrinde, mālđaruñ maḥsūd olduğına ve māl ḳābil-i zevāl idigine işāret vardur. Zīrā ḥaseduñ ma'nāsı; ni'met-i ḡayruñ zevālını istemekdür. Pes böyle olan kimesne:

﴿ بوی راحت بر دماغش کی رسد ﴾ Anuñ dimāḡına rāḥat ḳoḳusu ḳaçan irişür? Ya'nī; ḥāsid rāḥat bulamaz dimekdür. Nitekim ḥazret-i 'Alī rażıya'llāhu 'anh: راحة للحسود buyurmuşdur. Ba'zı nüshada rāḥat yirine raḥmet vāḳı'dur. Ma'nāsı zāhırdur. **Dimāḡ**, kesr-i dāl-i mūhmele ile «beyin» ma'nāsına 'Arabīdür ve Fārisīde müsta'meldür. Āḫirinde olan şīn, zamīr-i ḡā'ibdür; «her ki»ye rāci'dür. Ve ḥasūduñ ḡūşe-nişīn-i dāru'l-emān-ı rāḥat ve ḳarīn-i ḡufrān-ı raḥmet olmadıḡı ma'lūmdur.

﴿ آنکه کذابست و میگوید دروغ ﴾ Ol kimse ki kezzābdur [Ü369a] ve ḳızb söyler. **Kezzāb**, mübālaḡa üzerine «ziyāde yalancı» dimekdür. **Dürūḡ**, zamm-ı dāl-i mūhmele ile «yalan» ma'nāsınadır ki 'Arabīsi ḳızbdür.

﴿ نیست او را در وفا داری فروغ ﴾ Anuñ içün yāḥod aña vefādārılıḳda şu'le yoḳdur. Ya'nī; 'uhdesinde tıttıcı olduğından vefādārılıḳda zıyāsı yoḳdur dimekdür. Zīrā sözine tırmaḳ ehl-i mürüvvetuñ işıdır; yalancıda ise mürüvvet bulunmaz. Nitekim ḥazret-i Ḥayder rażıya'llāhu 'anhuñ لا مروة لكذوب kelāmı bu beyānda kāfīdür.

Der-Beyān-ı Ehl-i Sa'adet

﴿ هرکرا سه کار عادت باشدش ﴾ Her kim ki üç kār anuñ 'ādeti ola. Ya'nī; üç kārī 'ādet eyleye.

﴿ در جهان بخت و سعادت باشدش ﴾ Cihanda aña baḥt u sa'adet ola. **Cihān**, bunda dünyā vü 'uḳbādan e'amm olmaḳ rüşendür. **Baḥt**, ma'rūfdur; **sa'adet**, luḡatde eyülük ve mübāreklük ma'nāsınadır. Ammā 'inde'l-meşāyıl, kendü içün fenā olmayan beḳā; ve kendü içün ḡamm bulunmayan lezzet-i sürür ve kendü ile cehl olmayan 'ilm ve kendüden şoñra faḳr bulunmayan ḡinādur ve sa'adet-i devlet-i 'uḳbādur.

﴿ تا تواند خیر بی منت کند ﴾ Mā-dām ki ḳādir olur; minnetsiz ḡayr u iḥsān ider. Ya'nī; itdigi ḡayrı kimesnenüñ başına ḳaçmaz [S382a] dimekdür. **Ḥayr**, «eyülük ve kerem ve māl» ma'nāsınadır ve her bir ḡayra şāmıldür. Pes ḡayrdan şevāb u sa'adet bulmaḳ maḳrūn-ı minnet olmamaḳ ile meşrūtdur. Zīrā menn ü ezā ḡayrı mübḥıldür. Anuñçün Nāzm-ı Kerīimde: لا تبطلوا صدقاتكم بالمن والاذی gelmişdür. Ve Sa'adī Çelebinüñ keremi medḡ ve minnetden men' içün minneti ḳadḡ zımnında buyurđıḡı, *naẓm*:

درخت کرم هر کجا بیخ کرد
گذشت از فلک شاخ بالای او
کر امید خواهی کز او بر خوری
بمنت منه اره بر پای او

ķıř'a-i lařıfı bu beyānda kāfıdır. Bīl, «kōk» ma'nasınadır; erre, «bıçķu»dur; ĥattā minnetüñ mezmūmiyyetinden ve minnet altına girmegüñ sıķletinden nāřı ĥiml-i řaķıl-i minneti yüklenmemek için buyurmuşdur, *beyt*:

نکردد راست هر پشٹی که از منت دوتا کردد
نبرد از ماه نو صائب نشاط عید خم بیرون

ve dağı *beyt*:

رنج میل آتشین و پرتو منت یکیست
چشم بینایی چرا از توتیا دارت کسی

beytinüñ ma'naları zāhir ü bāhirdür.

﴿ خویش را مستوجب رحمت کند ﴾ Kendüyi rahmete müsteħaķķ ider. Nitekim řadaķa beyānında erbāb-ı işārātuñ: řadaķa dört ĥarfdür. řād, řaķib-i ĥayruñ meķārihlerinüñ řaddına; dāl, cennete delīl olduğına; ķāf, rahmete ķurbiyyetine; hā, rızā'-i Ĥaķķ için a'māl-i řāliħaya hidāyete bādī olduğına işāretdür didikleri kāfıdır. *Beyt*:

در قیامت سپر آتش دوزخ کردد
از دم مهری اکر بر لب سائل زده

Ya'nī; kıyāmetde nār-ı cehenneme ķalkān olur; eger dirhemden sā'ilüñ lebi üzre bir mühr urur iseñ dimekdür. Pes ĥayr-ı bī-minnetüñ [Ü369b] ķā'ili, müstevcib-i rahmet olacağı beyānında bu beyt dağı vāfıdır. Ve ĥadıř-i řerīfde: تصدقوا فان الصدقة فكاكم من النار vārid olmuřdur. Āteřden ĥalāřa sebep olan řadaķa maķbūl olandur. Maķbūli; minnetden ĥālī ve maħallini bulandur.

﴿ هرکرا بینی براه نا صواب ﴾ Her kimi ki egri yolda göresin. Ya'nī; nā-ma'ķūl u nā-meřrū' olan řarīķda göresin dimekdür.

﴿ سر براهش آر تا یابی ثواب ﴾ Anuñ başını yola getür; tā ki řevāb bulasın. **Rāh**dan murād; řarīķ-ı müstaķīmdür. Āħirindeki řīn-i zāmīr «her ki»ye rāci'dür. Ve ma'nāda **ser** lafzınuñ āħirine merbūtdur ki sereř dimekdür. **řevāb**, 'Arabīdür; «muķābele-i řā'atde olan cezāya» dirler. Ve 'inde'l-ba'ż ولتكن منكم امة يدعون الى الخير و يأمرن بالمعروف و ينهون عن المنكر فاولئك هم المفلحون [S382b] «muřlaķ cezā»dur. Pes bunda āyet-i řerīfine temīħ vardır. Ķaldı ki rāh-ı nā-řavābda olanı münkerden nehy ile evvelen, 'ilm gerekdür ki ma'rūf ile emrūñ ve münkerden nehyüñ ĥadd-i řerīlerin tecāvüz eylemeye. řāniyen, nehy eyledigi münker kendüde bulunmaya ya'nī řāħib-i vera' ola. řāliřen, ĥüs-n-i ĥulķ řāħibi gerekdür. 'Unf u zecr ile bir nesneyi nehy eylemeyüp ķavl-i leyyin ile ķār-sāz ola dimişlerdür.

﴿ زحمت خود را ز مردم دور دار ﴾ Kendi zaħmetüñi ĥalkdan ıraķ tüt. Ya'nī; ĥalka sıķlet ü zaħmet ve muzāyaķa virme.

﴿ بار خود بر کس میفکن زینهار ﴾ Kendi yüküñi řaķın bir kimsenüñ üzerine bıraķma. Ya'nī; řarĥ-ı bār-ı zūlm itme; gerek kendi yüküñ olsun ve gerek āħaruñ saña řarĥ eyledigi yük olsun; e'ammdur. **Bār**, bunda «yük» ma'nasınadır. **Me-yüfken**, nehy-i ĥāzırdur; «bıraķma» dimekdür. **Zīnhār**, bunda «řaķın ve el-ħazer» dimekdür. Murād; ĥalkı ĥimāyet ve üftādegāna merħamet eyle dimekdür. Nitekim

ḥadīṣ-i şerīfde: ان الله رحيم يحب الرحيم يضع رحمته على كل رحيم vārid olmuştur. Ve dest-i ḥimāyesin merdüm-i üftādegāna dünyāda siper eyleyen kimesnenün desti, çetr-i ḥurşid-i kıyāmet olup kendi sāyesinde rāḥat bulur, *beyt*:

میشود چتر تو خورشید قیامت خود را

دست خود کر سپر مردم افتاده کنی

maẓmūnı bu beyāna dālldür. Ve bu ma'nāya imāda *beyt*:

تا نمی در جویبارت چون سیوی باده هست

بار دوش خلق از کوتاه دستیها مشو

Der-Beyān-ı Restgārī

﴿ کر همی خواهی که باشی رستگار ﴾ Eger dükeli dilerseñ ki ḥalāş bulmuş ve nīkūkār olasın.

Restgār, iki ma'nāya gelür; «ḥalāş-yāfte ve nīkūkār» dimekdür.

﴿ رخ مکردان ای برادر از سه کار ﴾ İy qarındaş! Üç kârdan yüz çevirme. **Ruḥ**, zamm-ı rā'-i mühmele ve sükūn-ı ḥā'-i mu'ceme ile bunda ruḥsār gibi [Ü370a] keşret-i isti'māl ile «rūy» ma'nāsınadır ki Türkîsi ma'rūf olan «yüz»dür. Zîrā ruḥ altı ma'nāya gelür. Evvelen, ruḥsār ma'nāsınadır. Ruḥsār müfred olmak üzere egerçi rūydan ğayrı yañağun adıdır. Lâkin keşret-i isti'māl ile rūya bedel cümle çehreye itlāk [S383a] olunur. Şāniyen, Cezîre-i Muḥitda bir 'azîmü'l-heykel kuşdur ki 'anḳā gibi vücūd-ı ḥāricîsi yokdur. Şaṭranc âlâtından ruḥ didikleri nesne anuñ ismiyle tesmiye olunmuşdur. Sālisen, at dizgini; rābi'an, bir nev'a tâc-ı şāhîdür ki aña dīhîm daḥı dirler. Hāmisen, cānib; sādisen, bir giyahuñ adıdır.

﴿ اولادیدن بود حکم قضاش ﴾ Evvelen Hudānuñ hükm-i kazāsını bilmekdür. **Diden**, aşl «görmek» ma'nāsına maşdardur. Lâkin bunda ru'yet-i 'ilmiyye irādesiyle «bilmek» ma'nāsına olmaḳ rüşendür. **Büd**, bunda «est» ma'nāsınadır. **Hüküm**, luġatde «emr» ve ıstılâḥda «tḳā» ma'nāsınadır. İzāfet-i beyāniyye mā-ba'dindeki kazā kelimesine muzāfdur. **Kazāşda** olan şîn zamîrdür; şöhet ve kināyet kâ'idisiyle mesbûk olan Hudāya rāci'dür. Zîrā hükm-i kazā ancak kendinüñdür.

﴿ بعد ازان جستن بجان و دل رضاش ﴾ Andan sonra cān u gönül ile rızasını taleb itmekdür. **Cüsten**, zamm-ı cīm-i 'Arabî ile «istemek» ma'nāsına maşdardur. **Rızā**, ma'rūfdur. Âḥirindeki şîn-i zamîr, Hudāya rāci'dür. Zîrā Hudānuñ rızasında bulunmaḳ, kazāsına rızadan 'ibāretdür. Ve kazāya rıza üç nesneye vābeste olmaḳdır. Evvelen, mü'min Hudānuñ hükm ü taḳdîrin, kendi nefsinüñ tedbîrinden ḥayrlu bilmekdür. Nitekim ḥadīṣ-i şerīfde: ما قضى الله لمومن قضاء الا كان خيرا له ve ḥadīṣ-i diġerde: ان الله بعدد خيرا ارضا بما قسم له vārid olmuştur. Şāniyen, kazā ḥasebiyle şedā'ide taḥammül ile rızā virdiġi mütevaḳḳı' oldıġı şevāb için olmaḳdır. Sālisen, âlāma taḥammüli ḥużūzāt için olmayup ancak rızā'-i Rabbü'l-âlemîni iḥrāz için olmaḳdır. Zîrā rızā'u'llāha maẓhariyyet, cem'-i lezā'izden elezzdür. Nitekim 'Ömer bin 'Abdi'l-'Azîz eyitmiş ki: Sürür ancak mevāḳı'-ı kazā vü kaderde ḳalmışdur. Ve daḥı Vāḥid bin Yezîd eyitmiş ki: Kazāya rızā, bâbu'llāhuñ a'zamı ve cihānuñ cenneti ve âlemüñ rāḥatıdır, intihā. Ve daḥı *beyt*:

مزن ز چون و چرا دم که بنده مقبل
قبول کرد بجان هر سخن که جانان گفت

mışdâkınca emr-i Hâkkı kabûl eylemek maqbûlluq nişânesidür. Rûhî:

Rızâ-yı yâr taleb kııl ki bende-i maqbûl
Efendisinûñ ıder hükmini hemîşe kabûl

İmdi restgâr olan kazâya ‘âlim ve taleb-i rızâda dâ’im olandur. Yoksa pîş-i rızâ-yı Hâkkda dem-zen olmak baħr-i bî-kerânda bî-hûde ıztırâba [S383b] düşmek gibidür. Nitekim *beyt*:

پیش رضای حق دم چون و چرا مزن
در بحر بیکران بعبث دست و پا مزن

beytinûñ müfâdı bu beyânda kâfîdür. Bu beyt eşyâ’-i selâşenûñ ikisini mübeyyindür. [Ü370b] Nitekim üçincisin beyânda nâzım eyidür:

﴿ چیست سیوم دور بودن از جفا ﴾ Üçincisi nedür?; cefâdan ırâk olmaqdır. Ya’nî; bir kimseye ezâ vü cefâ itmekden ve te’addî yolına gitmekden hâzer itmekdür. Tâ ki ihkāk-ı hâkk iddi’â iden huşamānuñ elinden hâlâş bulasın ve ehl-i şafâdan olasın dimekdür. Nitekim nâzım eyidür:

﴿ هرکه این دارد بود اهل صفا ﴾ Her kim ki bunı tutar; ehl-i şafâ ola. İn ile işâret, cefâdan ba’dine olmak zâhirdür. Lâkin mezkûr itibârıyla «se kâra» işâret olmak daħı muhtemeldür. Ehl-i şafâ, ekdâr-ı dâreynden hâlâş ve şaffet-i bâl ile ihtîşâş bulan ‘ârif-i Hudâdur.

﴿ هرکه دارد دانش و عقل و تمیز ﴾ Her kim ki ‘ilm ü ‘irfân ve ‘aql u ‘irfân tutar.

﴿ جز براه حق نبخشید هیچ چیز ﴾ Hâkkıñ rızâsı yolunuñ gayrısına hiçbir nesne bahş eylemez. Ya’nî; ihsân u i’fâsı hâlişân li-vechî’llâh olup, i’râz-ı nefsâniyyeden sâlim ü şâf olur dimekdür. Zîrâ riyâ vü süm’â vü ğaraza maqrûn olan ‘atâyâda hayr olmaz ve dergâh-ı kabûli bulmaz. Nitekim nâzım eyidür:

﴿ صدقه کالوده کردد با ریا ﴾ Bir şadağa ki riya ile bulaşmış ve süm’â ile qarışmış olur. **Şadka’i**, feteħât ile «fuḡarâya virilen ‘atıyye»dür. Żarûret-i vezn içün bunda dâl sâkin kılınmışdır. Ve âħirindeki hemze, mâ-ba’dine izâfet içündür. **K’âlûde**, «ki âlûde»den muḡaffefdür; ki lafzı râbıta-i ‘illetdür. Âlûde, «bulaşmış ve qarışık» ma’nâsınadır. **Riyâ**, ma’rûfdur.

﴿ کی بود آن چیز مقبول خدا ﴾ Ol nesne kaçan maqbûl-i Hudâ olur. Ya’nî; olmaz dimekdür. **Ān çîz**, rızâ’u’llâh ve râh-ı İlâhuñ gayrına virilen nesneye işâretdür. Ve âlûde-i riya olan ‘amelüñ ‘adem-i kabûli edille-i sem’ıyye ile şâbitdür. Nitekim ḡadîs-i şerîfde: من عمل املا اشرك فيه غيرى فهو للذى اشرك vârid olmışdır. Kendüden Hudānuñ berî oldığı kimsenüñ hâli ve a’mâli ma’lûmdur. Nitekim ḡadîs-i dîġerde: الرياء محبط الاعمال gelmişdır. İmdi ‘amelde ihlâş gerekdür ki kabûl ola. Ve illâ ol ‘amele itibâr yokdur. Nitekim nâzım eyidür:

﴿ کر عمل خالص نکردد همچو زر ﴾ Eger ‘ameli altun gibi hâliş olmaya. Yâħod [S384a] zer-i hâliş gibi olmaya dimek daħı ma’nâdur. Pes altun gibi pāk olmayan ‘amel maqbûl-i İlâh olmaz. Zîrâ:

﴿ قلب را ناقد نیارد در نظر ﴾ *Qalbi nāqıd nazara getürmez. Ya'nî; kabûl eylemez dimekdür.* **Qalb**, bunda mağşûş ma'nâsınadır. Ve bundan mâ-ʿadâ yürek ve döndürmek ve şaff bağlayan ʿaskerüñ ortası ve menâzil-i kâmerden bir menzilüñ adı ma'nâlarına gelür. Fâriside müstaʿmeldür. Ammâ ʿArabide yürek ve ʿaql ve döndürmek ma'nâlarına mağşûşdur. **Nāqıd**, «züyüfî ceyyidden seçüp çıkarıcı» dimekdür. Ve Hudāya nāqıd ıtlâkı şerʿde vardır. Nitekim haberde: [Ü371a] و اخلص العمل فان الناقد بصير gelmişdir. İmdi riyâ vü sümʿa ve emsâli ile mağşûş olan ʿamel-i ğayr-ı hâlişuñ maqbûl ve nazâr-ı ʿtibârda kabûl olmadığı bî-reybdür.

﴿ تا توانگر باشی اندر روزگار ﴾ *Mâ-dâm ki cihanda bây u mâldâr olasın. Tâ*, bunda istimrâr içündür; «mâ-dâm» dimekdür.

﴿ نفس را از آرزوها دور دار ﴾ *Nefsi ârzûlardan ırâk tut. Nefsden murâd; emmâredür ki dâ'imâ* kötü nesne ile âmir ve gûn-â-gûn ârzûlara tâlibdür. Anuñçün **ârzühâ**, cemʿ getirilmişdir. Ve keşret-i ârzûsından nâşî her ârzûsın ityân, vâfir kuvvet ü ruṭûbete mevķûfdur. Anuñçün nâzım mısrâ-ı evvelde «tevânger bâşî» demek ile bu nükteye işâret itmışdır. Ve daḡı tevângerlikde qalmaq veyâ ğınâ vü devlet bulmaq murâduñ ise, nefsi ârzûlardan ırâk tut. Zîrâ ârzûlaruñ herbirin ityâna mâl ṭayanmaz. Elbette encâmında ğanî iken faķîr ve belki medyûn u haķîr olursın dimege bir nükte-i hafıyye vardır. Nitekim:

Lezzeti inkâr olınmaz bezl ü isrâf itmenüñ

Âh zımnında eger endîşe-i vâm olmasa

dimişlerdür. Pes nefsi zelîl ü ihlâk eylemgüñ ṭarîķı ârzûsın virmemekdür. Zîrâ nefis her maṭlûbın buldıķda teferʿundan hâlî olmaz. Nitekim:

بوقت کرسنکی نفس دون کدایی کرد

چو یافت یک لب نان دعویٰ خدایی کرد

dimişlerdür.

Der-Şıfat-ı Şıdķ u Emânet

﴿ چار چیزست از کرامتهای حق ﴾ *Dört nesne Hudānuñ faẓl u iḡsânı ve inʿamâtındandır. Kerâmethâ*, cemʿdür; müfredi kerâmetdür ki luġat-i ʿArabide mekârim gibi «izz ü şeref ve inʿâm u iḡsân» ma'nâsınadır. Ve Fâriside daḡı müstaʿmeldür. Hâ'dan soñra yâ' ḡarfinüñ geldiġi, mâ-ba'dine izâfet içündür. **Haķķ**, ism-i Celâldür.

﴿ یاد دارش چون زمن کیری سبق ﴾ *Anı ez-ber eyle; çünki benden [S384b] sebaķ ṭutarsın. Yâd-dâreşde* olan şîn-i zamîr çâr çîze râci'dür.

﴿ اولاً صدق زبانت در سخن ﴾ *Evvelen sözde lisānuñuñ şıdķıdır. Ya'nî; şâdıķu'l-ķavl* olmaķlıġındur. **Süḡan**, bunda feth-i sîn ve zamm-ı hâ ile (seḡun) okınmaq gerekdür. Tâ ki mısrâ-ı sâñînüñ âḡirine ķâfiyedâr ola. Süḡan, muṭlaķâ «söz»dür.

﴿ بعد ازان حفظ امانت فهم کن ﴾ *Andan soñra emâneti hıfẓdur; fehm eyle. Hıfẓ-ı emânet*, emânete ʿadem-i ḡıyânetden ʿibâretdür. Ve emânet, emânetu'llâh ile emânet-i ʿibâddan ʿammdur. Her

birinüñ hıfzına müdāvemmet ehemmm ü elzemdür. Zīrā emānete hıyānet her neḳadar pinhān dahı olsa melāmete ve ʿuḳūbete sebebdür. Nitekim:

خیانت‌های پنهانی کشد آخر برسوایی

که دزد خانکی را شحنة در بازار میکیرد

maẓmūnı bu beyānda kāfīdür. **Fehm kon**, «fehm eyle» dimekdür. Bu ʿibāre hıfz-ı emānete ihtimāmı teʾkīd için tenbīhdür.

﴿ پس سخاوت هست از فضل اله ﴾ Şoñra şehāvetdür ki faẓl-ı Hudādandur. Yaʿnī; şehāvetüñ māyesi olan ʿaṭāyā Hudādan bir faẓldur ki anı saḥī olana bahş itmişdür. Saḥīnüñ inʿāmı, ilhām-ı Haḳḳ iledür. Pes saḥī olan bu maʿnaları mülāḥaẓa ile [Ü371b] şükrini edā ve inʿām eylediği kimseye menn ile ezā vü cefā eylememek gerekdür dimekdür. Pes bu niʿmetüñ şükrini edā ruṭūbeti olan kimesne, şarfına meʾzūn oldığı māl-ı ʿāriyeti maḥalline iʿṭādan dūr olmayup şehāvet üzre olmaḳdur ve bu vechile ʿindaʾllāh kerāmet bulmaḳdur. Anuñçün dimişlerdür:

چو آفتاب بقرصی اکر رسد دست

ز کرد خوان فلک ذره ذره قسمت کن

Hest, bunda «est» maʿnāsınadır. **Faẓl**, bunda efẓāl yirindedür; «iḥsān» dimekdür.

﴿ فضل حق دان کر نظر داری نگاه ﴾ Eger naẓarı hıfz tutar iseñ anı Hudānuñ keremi bil. Pes bunda cezāʾ şart üzre muḳaddem geçmişdür. **Naẓar**, bunda «ayn» maʿnāsına olmaḳ rüşendür. **Dārī** fiʿlinüñ muḳaddem-i meʿūl-i evvelidür. **Nigāh**, kesr-i nūn ile hıfz maʿnāsınadır ve meʿūl-i şānīdür. Murād; nā-maḥreme ve sāʾir rızāʾ-i Haḳḳa muḡāyir bakmaḳdan ʿaynı hıfz tutmaḳ ʿameline nāʾil iseñ, bu ʿameli Hudādan iḥsān ve kerem bil dimekdür. Zīrā hıfz eylemek ḡaylī müşkildür dimişlerdür. Anuñçün buyurmuşlardır, *beyt*:

نظرگاهی مرا غیر از دل روشن نمی باشد

که هرگز مرغ زیرک [S385a] غافل از روزن نمی باشد

﴿ تا توانی دور باش از سود خوار ﴾ Tā ki ḳādīrsen maṭrabāzdan ırāḳ ol. Yaʿnī; kendü ile dostluḳ eyleme. **Sūd-hʿār**, terkīb-i tavşīfīdür; «ziyāde-i ḡalāda şatmaḳ için noḳşān-ı ḡalā vaḳtinde şatun aldığı şeyʾi şaḳlayana dirler ki aña ʿArabīde muḥtekir ve Türkīde maṭrabāz dirler. İmdi maṭrabāz ile konuşma:

﴿ زانکه هست از دشمنان کردگار ﴾ Zīrā ki Hudānuñ düşmānlarındandır. Yaʿnī; Haḳḳdan dūrdur. Nitekim ḡadīs-i şerīfde: من احتكر فهو خاطئ ve fi-rivāyetihī فهو ملعون vārid olmuşdur. Ḥāṭiʾ, «āşim» dimekdür; melʿūn, «maṭrūd» maʿnāsınadır. Lākin bunda murād; derece-i ibrādan maṭrūdiyyetdür. Yoksa rahmet-i Ġaffārdan dimek degöldür diyü Meşāriḳ şāriḥi İbnü Melek beyān buyurmuşdur. Pes ihtikār ḡarāmdur. (...) İmdi sūd-hʿār ile dostluḳdan menʿ olunınca, sūd-hʿār olma ki Hudānuñ düşmānlarından olmayasın dimek evleviyyetdedür. **Hest** bunda «est» maʿnāsınadır. **Kirdḡār**, ism-i Hudādur; «fāʿil-i muṭlaḳ» dimekdür. Ve dahı ḳaşd maʿnāsına gelür. Ve bu maʿniyeynde dāl-i mühmele ve muʿceme ile oḳınmaḳ cāʾizdür.

﴿ هرکرا حق داده باشد این چهار ﴾ Her kim ki Hakk bu dördi ihsân eylemiş ola.

﴿ باشد آن کس مؤمن پرهیزکار ﴾ Perhîzkâr olan mü'min ola. Ya'nî; mü'min-i kâmil ve nâ-meşrû'dan ictinâb idici ola dimekdür.

﴿ پیش مردم هرکه رازت کرد فاش ﴾ Her kim ki âdem yanında sırruñı [Ü372a] âşkâr eyledi. **Pîş-i merdüm**, «nâsuñ öñinde» dimekdür. **Râz**, «sırr» ma'nâsınadır. Âhîrindeki tâ, hıfâb içündür. **Fâş**, «âşkâre» ma'nâsına Fûrs ü Türkde müsta'meldür.

﴿ همدم آن ابله باطل مباش ﴾ Ol bâtil ahmaquñ hem-demi olma. Ya'nî; muşâhabeti andan kaç eyle ki bâtil olan ahmaq, sırrı şaklayamaz. **Hemdem**, «iş» dimekdür ki 'Arabîsi «muşâhib»dür. Pes [S385b] her bir dostınuñ râzını hâlka keşf ü izhâr iden, dâ'ire-i hamâkat-i pür-beâletde dâhıldür dimege bunda işâret vardır.

﴿ آنکه باشد مانع عشر و زکات ﴾ Ol kimse ki 'öşr ü zekâtını virmeye. **Mâni'**, «men' idici» ma'nâsına 'Arabîdür; mâ-ba'dine muzâfdur. **'Öşr**, zamm-ı 'ayn ile kütüb-i fuğahâda mu'ayyen olduğu üzre 'âşiruñ ahzine me'mûr olduğu nesneye dirler; gerek onda bir olsun ve gerek rub'-ı 'öşr veyâ nişf-ı 'öşr olsun şâmindür. **U(ve) zekât**, 'öşr üzerine ma'fûfdur; mâni' bunun dağı başındadır. Lafz-ı zekât u şalât, Fârisîde elif ile 'Arabîde vâv ile yazılır. Zekât, luğatde «tahâret ve nemâ» ma'nâsında ve işlâh-ı şer'ce şer'an mu'ayyen olan cüz'-i mâlî niyyet-i pâk ile aşl mâldan ihrâc ve maşraf-ı şer'î olan fakîr-i müslime temlik eylemekdür. Vücûbınuñ şartı 'aql ve bülûğ ve İslâm ve hurriyyetdür. Ve sebebi mülk-i tâmm ile nâmî olan ve deyn ü hâcetden ferâğ birle nişâb-ı havelân-iştimalî bulan mâla mâlikiyyetdür. Edâsı: تمام حصنوا اموالكم بالزكاة hadîs-i şerîfi üzre bâ'is-i hıfz-ı mâldür. Ve dağı من ادى زكاة ماله فقد اذهب شرة hadîs-i şerîfi müfâdınca râfi'-i şerr-i mâldür. Mâni'-i zekât olan bu fevâ'idden mahrûmdur. Nitekim H'âce-zâde Tarîkat şerhinde eyitmişdür ki: Hudâ-yı müte'âl mâni'-i 'öşr olanuñ arzından berekâtı men' ider. Ve mâni'-i zekâtuñ mâlından hıfzı men' ider. Ve mâni'-i şadaqadan âfiyeti men' ider. Ve mâni'-i du'adan icâbeti men' ider. Ve târik-i şalâtdan hüsn-i hitâmı men' ider, intihâ. (...) Ve zekâtuñ şalâta [S386a] kemâl-i ittîşâlınden nâşî nâzım zekât zeylinde şalâtı beyâna şurû' buyurmuşdur. [Ü372b] Zîrâ Qur'an-ı kerîmde seksen iki mevzî'de zekât şalât ile ma'an zikr olunmuşdur.

﴿ وانکه غافل وار بکنارد صلات ﴾ Ve ol kimse ki namâzı gâfil gibi geçürür. **Gâfilvâr**, «gâfil gibi» dimekdür. **Bügzâred**, fi'l-i muzâri'-i müfred-i gâ'ibdür ki geçürür dimekdür. Yâhod gâfilâne edâ ider yâ'nî şurû' u erkânına ve vaktine ri'âyet itmez dimege dağı ihtimâl vardır. Zîrâ bügzâred; «edâ ider» ma'nâsına da olur. Lâkin mâni'-i zekâtuñ zeylinde târik-i şalât beyân olunmak zâhirdür. **Şalât**, luğatde ve işlâhda ma'rûfdur. Farzıyyeti(ni) münkir olan kâfirdür. Tekâsülen târiki fâşıkdur ve bî-namâz her dürlü 'ukûbete lâyıkdur. (...)

﴿ بر حذر باش از چنان کس زنیهار ﴾ Amân! Ancılayın kimseden hâzer üzre ol. Ya'nî; kendü ile ülfet ü şohbetine râğbet ve meyl ü maḥabbet eylemeden perhîz kııl dimekdür. **Zînhâr**, bunda amân dimekdür.

﴿ تا نباشی در جهان بسیار زار ﴾ Tā ki cihānda çok nālān olmayasın. Yaʿnī; husrān-ı ülfetlerinden nāṣī giryān olmayasın dimekdür. Pes bundan mānīʿ-i ʿöṣr ü zekāt ve tārik-i ṣalātuñ hāl ü meʿalleri nümāyāndur. Qaldı ki hacc, āḥir-i ʿömre dek mümteddüʾl-farzdur diyen kavle göre hacca ʿacele itmeyene tārik-i hacc dinmez. Ve şavm bir setrī ʿamel olduğından tenhāsında muftır olanuñ zāhırde hālī bilinmez idigine bināʿen nāzım bu maḳāmda hacc ile şavmı beyānda sākit olmuştur. (...[S386b, Ü373a]...)

Der-Şıfat-ı Terk-i Hışm u Qahr

﴿ در کنار از چار خصلت زینهار ﴾ Elbette bu dört hüydān geç.

﴿ تا نسوزد مرترا بسیار نار ﴾ Tā ki āteş seni çok yakmaya.

﴿ لذت عمرت اگر باید بدهر ﴾ Eger zamānda saña ʿömr lezzeti gerek ise. Yaʿnī; ḥayāt-ı ʿömrden dād alayım dir iseñ dimekdür. Baʿzı nüṣḥada lezzet yirine «müddet» vāḳıʿdur; meʿālī maʿlūmdur. Bu mıṣrāʿ şartdur; mıṣrāʿ-ı ṣānī cezāsıdır.

﴿ باش دالم بر حذر از خشم و قهر ﴾ Gaḍab u qāhrdan dāʾim ḥazer üzre ol. Yaʿnī; gaḍab u qāhruñı icrādan ihtirāz ve kaẓm-ı ḡayẓ ile ʿafva dem-sāz ol dimekdür. Zīrā ʿafv ḥaşleti, sünen-i enbiyāʾ-i ʿizām ve tarīḳ-ı evliyāʾ-i kirāmdur. Nitekim tefāsırde meştürdür ki ḥazret-i Dāvūd ʿaleyhiʾs-selām [S387a] āḥir-i ʿömri hengāmında ḥazret-i Süleymān ʿaleyhiʾs-selāmdan māʿadā olan evlād-ı kirāmına eyitdi: “İy oğlum! Sizlerden biriñüze bir kimse bir zenb eylese ne idersünüz?” Eyitdiler: “Günāhı kadar ıḳāb iderüz” didiler. Baʿdehū bu suʿālī ḥazret-i Süleymān ʿaleyhiʾs-selāmdan suʿāl buyurdıḳda Süleymān ʿaleyhiʾs-selām eyitdi: “Afv iderüm”. Baʿdehū Dāvūd ʿaleyhiʾs-selām eyitdi: “Yā Süleymān! Ol kimse bir daḥı iderse?” diyü defeʿāt ile suʿālinde Süleymān her birinde: “Afv iderüm. Tā ol zenbi bir daḥı işlemege istiḥyā idinceye dek” didikde Dāvūd ʿaleyhiʾs-selām Süleymān ʿaleyhiʾs-selāma duʿālar idüp: “İy ferzend-i dil-pesendüm! Hılāfete elyaḳ ve cülüs-ı serīr-i saltānata müsteḥaḳḳsın” didi, intihā.

﴿ چون نکردند خلق باخوی تورااست ﴾ Çünkü ḥalḳ senüñ hüyuñ ile rāst olmayalar. Yaʿnī; ḥalḳ hüyuña tābīʿ olmaya dimekdür. ʿAdem-i tebeʾıyyet, metbūʿuñ eyü olmadıḳından iḳtizā ider. Buña göre ḥalḳ hüyuñdan rāzī olmaya demek olur. **Ḥalḳ**, fetḥ-i hā ile maʿrūfdur ki Türkīsi «il»dür. **Rāst**, müstaḳīm ve toḡrı maʿnāsınadır. Pes bunuñ nefyine ʿadem-i tebeʾıyyet lāzım gelür. Böyle oldıḳda:

﴿ کر بخوی مردمان سازی رواست ﴾ Eger merdümleñ hüyü ile düzilesin; hoşdur. Hülāşa ḥalḳ senüñ hüyuña uymayınca sen ādemleñ hüyü ile müteḥallıḳ olur iseñ revādur dimekdür. **Merdümān**, «ādemler» maʿnāsına cemʿdür. Bundan murād; merdümān-ı ḥāşş olan merdān-ı Hudā olmaḳ rüşendür. Nitekim: تخلقوا باخلاق de ḥazf-i muzāf ile باخلاق اهل الله dinmiştür. Ehlüʾllāh merdān-ı İlāhdur ki cümlesi aḥlāḳ-ı ḥamīde ile mevşūf ve sīret-i [Ü373b] pākleri maʿrūfdur. **Sāzī**, «düzilesin» dimekdür. **Revā**, «lāʾiḳ»; est, edāt-ı haberdür.

﴿ ای برادر تکیه بر دولت مکن ﴾ İy ḳarındaş devlet üzre iʿtimād eyleme. Yaʿnī; dünyanuñ māl ve cemālī ve cāhına ṭayanma dimekdür. **Tekye**, «ṭayanmaḳ» maʿnasınadır. **Devlet**, maʿrūfdur. Ve sūrʾat-i

zevāl ile ʿadem-i beḳāsı maʿlūm u meşhūrdur. Nitekim sürʿat-i zevālını beyānda H^vāce Muḥliş dimişlerdür, *beyt*:

ملک دنیا را که هرکس پنج روزی صاحبست
پادشاهان عاریت دارند مال غایبست

Ve daḥı teḡayyūr-i aḥvālını beyānda H^vāce Şāʿib buyurmışdur ki:

طمع ز اختر دولت مدار یکرنگی
که هر چه سبز کند افتاب زرد کند

[S387b] Ve bir yirde ḳarār itmeyüp devr-i dāʿim gezdigini beyānda H^vāce Mirzā Vaḥīd dimişdür, *beyt*:

هر زمان دولت طلبکار مقام دیگر است
این همای خوش نشین هر دم بیام دیگر است

Pes bunda رجال و زمان دولته و maẓmūnına īmā vardır. Ḥattā devletūñ der-be-der düşmesi ve devr-i dāʿim gezmesi, kendüye lāyık bir şāḥibe talebkār olduğu içündür diyü *beyt*:

در خور خود میطلبد صاحبی
دولت از آن دریدر افتاده است

dimişlerdür. Bunda olan leṭāfet zāhirdür. Ve her neḳadar bülend olsa encāmı pesti idigin beyānda *beyt*:

پستی بود آخر ثمر دولت سر شار
بر خاک فتنه میوه ز بسیار رسیدن

dimişlerdür. Pes fütāde-i ḥāk olmak şāḥibini ihlākdan ʿibāretdür. Nitekim H^vāce Saʿdī *beyt*:

مکن تکیه بر ملک دنیا و پشت
که بسیار کس چون تو پرور دو کشت

diyü buyurmışdur. Ve devlet-i dünyāya ṭāliblere daḥı rāḥat olmaz ve devletde geḳen ʿömrde şiddetden ḡayrı bir nesne bulunmaz diyü Mirzā Muḥammed Naşr-ābādī:

جز بسختی عمر و دولت نمیدارد گذار
راه چون بر کوه افتد یکقدم هموار نیست

dimişdür. Fiʿl-ḥaḳīḳa ṭaḡa düşen yolda bir ḳadem düzlük bulunmaz. İmdi devlet, ʿuḳbā devletidür.

﴿ یاد دار از ناصح خود این سخن ﴾ Bu sözi kendi nāşıḥuñdan ez-ber eyle. Yaʿnī; muḳteżāsınca ʿāmil ol dimekdür. Bu sözden murād mışrāʿ-ı evvelüñ maẓmūnıdır. **Süḥan**, bunda fetḥ-i sîn ve zamm-ı ḥā iledür ve vechi zāhirdür.

﴿ سود نکند کر کیزی از قضا ﴾ Eger ḳazādan ḳaçasın; fāʿide eylemez. Zīrā ḳazā ve ḳaderden ḥazerūñ bī-fāʿide olduğu ḥadīṣ-i şerīf ile müşbetdür. Ḳazāya rızadan ḡayrı çāre yokdur. من آمن بالقدر امن bu beyānda kāfīdür.

﴿ هرچه می آید بدان می ده رضا ﴾ Her ne gelür ise aña rızā vir. Murād; Ḥudādan her gelene rāzī ol dimekdür. Zīrā **mī-āyed** fiʿlinüñ mefʿülü maḥzūfdur ki «ez-Ḥudā» dimekdür. **Bedān**, «be-ān»

yirindedür; ma‘nā «aňa» dimekdür. İşāret; Hüdādan gelen nesneyedür. (...[S388a, Ü375a]...) İmdi mā-kaşema’llāh dağı qazā ile oldu ise aňa rāzī vü kānī olmak gerekdür demek işāretiyle nāzım eyidür:

﴿ زانچه حاصل نیست دل خرسند دار ﴾ Ol nesneden ki saňa hāşıl yokdur; göñli kānī tut. Ya‘nī; haqqūnda huşūlī muqadder olmayanı taleb ile bī-hüde zahmete düşmeyüp muqaddere rāzī ol dimekdür. Nitekim *beyt*:

Ne deñlü sa‘y iderseñ bir murāde
Naşīb olmaz muqadderden ziyāde

dimişlerdür. Hattā Şaķīķ bin İbrāhīm raḥimehu’llāh eyitmiş ki: Beş nesneyi yedi yüz ‘ālimden su’āl itdüm. Cümlesinüñ cevābı bir vāķı oldu. Şöyle ki didüm: “‘Āķıl kimdür?” Eyitdiler: “Dünyāya maḥabbet etmeyendür”. Didüm: “A‘ķal kimdür?” Eyitdiler: “Dünyāya aldanmayandur”. Didüm: “Baḥīl kimdür?” Eyitdiler: “Huķūķu’llāhı virmeyendür” Didüm: “Faķīr kimdür?” Eyitdiler: “Mā-kaşema’llāha rāzī olmayandur; ziyādeye tālib olandur” Didüm: “Ġanī kimdür?” Eyitdiler: “Mā-kaşema’llāha rāzī ve kānī olandur”, intihā.

﴿ کوش دلرا جانب این پند دار ﴾ Cān kulağını bu naşīhatüñ cānibine tut. Ya‘nī; bu pendi cān kulağıyla istimā‘ ve kabūl eyle dimekdür. İmdi her nesnenüñ huşūlī muqaddere vābestedür. Anuñçün dimişlerdür, *beyt*:

Āb-ı ḥayāt olmayıcaķ kısmet iy göñül
Biñ yıl gerekse zūlmete seyr-i Sikender it

﴿ هرکه او با دوستان یکدل بود ﴾ Her kim ki ol dostlar ile yek-dil ü yek-cihet ola. Ya‘nī; zāhiren ve bāṭinen müttefīķ u mütteḥid ola dimekdür. **Yek-dil**, «iki göñlün bir olmasına ya‘nī ittifāķ u ittiḥādına» dirler. Pes bundan murād; dostluķda ittifāķ-ı ķalb ve şadāķat üzre olmak ve dosta olan fā’ide vü zararı kendi nefsinde bulmaķ ve fā’id ü zararlıyı dosta şıdķıla ḥaber virmekdür. Nitekim ḥadīṣ-i şerīfde: صدیق من صدقک لامن صدقک vārid olmuşdur. Ya‘nī; senüñ dostuñ, saňa şadık olandur. Yoksa her fī’lünī taḥsīn ve her ķavlünī [S388b] taşdıķ iden degüldür. Zīrā bu vechile olan keşret-i vifāķ, nişāne-i nifāķdur; ittifāķ degüldür. Ve keşret-i ḥılāf, sebep-i şikāķdur. Ḥazret-i ‘Aliyyü’l-Mürtezā rażıya’llāhu ‘anhuñ: كثرة الوفاق كثرۃ الخلاف شقاق diyü buyurdıķı bu taḥķīķa mebnīdür. İmdi şıdķıla dostluķ idüp [Ü374b] ittiḥād ķalbde olanuñ:

﴿ جمله مقصود دلش حاصل بود ﴾ Göñlinüñ cümle murādı hāşıl ola. Pes bunda merdān-ı Hüdā olan mürşidīn ile yek-dil olan mürīdlerüñ huşūl-i murādlarına beşāret ve tarīķ-ı huşūl yek-dillik idigin işāret vardur. Ve sā’ir dostānuñ ḥālī ke-zālıkdür.

Der-Beyān-ı Maķbūlān-ı Cihān u Bī-Vefā-yı Zamān

﴿ در جهان دانی که کرد معتبر ﴾ Bilür misin ki ‘ālemde kim maķbūl ü mu‘teber olur? Bunda tarīķ-ı istifhām zāhirdür. Mısrā’-ı şānī cevābdur.

﴿ آنکه او را پاک می باشد نظر ﴾ Ol kimsedür ki; anuñ naẓarı pākīze ola. Pākīze-naẓarlık zāhir ve bātından eʿammdur. Şöyle ki; zāhiren kimseye şehvet ve haķāret ve ḥased göziyle bakmaya ve bātınen dāreynde kendüye zārr u nāfiʿi bilici merd-i āgāh ola. Pes böyle pākīze-nigāhuñ iʿtibārı bī-iştibāhdur. **Pāk**, bāʾ-i ʿAcemī ile tāhir dimekdür. Baʿzı nüshada mısrāʿ-ı s̄nāī böyle vāqıʿdur: ﴿ آنکه او را پاک نبود از خطر ﴾. O kimsedür ki aña ḥavf u ḥaṭardan mübālāt olmaya. Yaʿnī; şāhib-i şecāʿat ola dimekdür. **Bāk**, bāʾ-i ʿArabī ile mübālāt maʿnāsınadır ki Türkīsi «aylanmak»dur. **Ḥaṭar**, bunda «ḥavf u düşvārılık» maʿnāsınadır. Ve bu mısrāʿda diğەر maʿnā-yı şūfiyāne vardır ki anı ehl olan fark ider.

﴿ کم کند با کس وفا این روزگار ﴾ Bu rūzgār herkese vefāyı az ider. Murād; hīç vefā itmez dimekdür. Bunda **rūzgār**dan murād; dünyādur ve dünyānuñ cümle bī-vefā idigi hüveydādur. Nitekim her vechile tafşıl-i ḥāl-i rūzgār yukarıda beyān olınmış idi.

﴿ جور دارد نیستش با مهر کار ﴾ Cevr tutar; anuñ maḥabbet ile işi yokdur. **Nisteş**, kelime olan şīn-ı zamīr, mısrāʿuñ āḫirine merbūtdur; rūzgāra rāciʿdür. Pes rūzgāruñ gaddār u cefākār u bī-mihr idigi bedīdārdur, *beyt*:

جهانرا نسبت باکس مهر و پیوند
غم و اندوه این ایام تا چند
جهان گاهی کند غمکین و که شاد
نباشد کار او جز جور و بیداد

mezāmīni üzre ḥāl ü şānı [S389a] nümāyāndur. Böyle bī-vefā vü bī-mihr ü pür-cevr ü cefāya dil-bend olmak ḥaṭā-ender-ḥaṭādur.

﴿ آنکه با تو روز غم می بست کار ﴾ Ol kimse ḡamm güninde saña kār bağladı idi. Yaʿnī; işiñe yaradı idi dimekdür. Zīrā mī kelimesi kaçan māzīye dāḫil olsa ḥikāye murād olunur. İmdi saña kötü günde bulinup, yār-ı vefādār olana:

﴿ روز شادی هم بپرسش زینهار ﴾ Şādılık güninde sen daḫı anı elbette şor. Yaʿnī; ḥāṭırın istiʿlām ve kendüye ikrām eyle dimekdür. **Bi-pürsiş**de bi-pürs, emr-i ḥāzırdur; āḫirindeki şīn zamīr-i ḡāʾibdür. **Ān ki**ye rāciʿdür; maʿnā «anı suʿāl eyle»; **zīnhār**, «elbette» dimekdür. Baʿzı nüshada bi-pürsiş yirine «be-ber keş» vāqıʿdur. [Ü375a] Maʿnā; «sīneye çek yāḥod yanuña çek» dimekdür. Murād; kendüye ikrām ve dostluğında ihtimām eyle dimekdür. Pes bunda dostuñ ve dostluğın şerāʾitini beyāna işāret vardır.

﴿ روز نعمت کر تو پردازی بکس ﴾ Niʿmet güninde eğer sen bir kimse ile tamām düzilesin. Yaʿnī; kendüye ikrām-ı tām ile ḥüsn-i imtizāc eyleyesin dimekdür. **Rūz-ı niʿmet**, «şādılık ve vüṣʿat» vaḳtinde dimekdür. **Perdāzī**, «düzilesin» dimekdür. Maşdarı, dönüp tamām eylemek maʿnāsına olan «perdāhten»dür.

﴿ روز محنت باشدت فریاد رس ﴾ Ol kimse saña miḥnet güninde meded idici ola. Yaʿnī; eyülük zāyiʿ olmaz. Ve refāhiyyetde ihşān üzre olan, şiddetde muʿinsiz ḳalmaz dimekdür. **Feryād-res**, terkīb-i tavşīfidür; «ḳalmışlara yitişici» ve «meded idici» maʿnāsınadır. Nitekim şāʿiruñ *beyt*:

فریاد بسی کردم و فریاد رسی نیست

کویا که درین کنبد فیروزه کسی نیست

beytinden müstefâddur.

﴿ چون بیابی دولتی از مستعان ﴾ Çünkü ‘ināyet-i Hâkḳdan bir devlet bulasın. **Müste‘āndan** murād; Hüdādur. Nitekim ve lillāhi’l-müste‘ān buña burhāndur. Pes bunda **devlet**, ‘atıyye-i müste‘ān ve kerem-i sübhān idigine işāret vardır. Ve mevhibe-i İlāhiyyeye şükr lâzımdur. Şükrüñ [Ü377a]³² envā‘ı çoḳdur. Birisi daḫı aḥbābı unutmamaḳdur. Nitekim eyidür:

﴿ اندران دولت مبر از دوستان ﴾ O devletüñ içinde dostlardan kesilme. Ya‘nî; devlete maḡrüren dostlardan ve nevāzişlerinden dūr olma. Zîrā devlet bî-beḳā ve serī‘u’z-zevāldür. Aralıkda dost kazanmaḳ ve dostlardan [S389b] ayrılmamaḳ nāzūk hıṣāldür. Hattā hengām-ı devletde dostlardan münḳaṭı‘ olmamaḡa sebeb, devletüñ zevāli ve yene faḳr ile devlet düşküni olmaḡuñ ihtimāli ile dostlara muḥtāc olunmaḡ ḡālib ḥāline īmā içündür. Nitekim *beyt*:

Üftādegān-ı bî-ser ü pāsın gören Münîf

Meydān-ı devletüñ leb-i bām oldıḡım bilür

maẓmūn-ı münîfî bu ma‘nāya şāhiddür. **Me-bür**, nehy-i ḥāzırdur; «kesilme» dimekdür.

﴿ مر ترا هرکس که او در غم بود ﴾ Her kese ki o senüñ için ḡammıda ola. Ya‘nî; hengām-ı ḡamm u eyyām-ı elemüñde senüñ için ḡamm-gīn ola dimekdür. **Der-ḡammıda**, der zarfıyyet içündür; ḡamm ma‘rūfdur. Bunda murād budur. Ammā kaçan der-ḡamm lafz-ı vāḥid olsa, şarābı a‘lā olan bir mevzı‘uñ nāmıdır. Ve daḫı ‘ilm-i mūsikīde bir maḳāmuñ nāmıdır ki ol maḳāmı işiden ehl-i ḡammuñ ḫüzni def olup neşāṭ bulur.

﴿ چون رسد شادی هم آن همدن ﴾ Çünkü şādlık ulaşur; ol kimse hemdem olur. Ya‘nî; kötü günde saña yār olan eyü günde daḫı ola dimekdür. Pes bunda yār-ı şādıḳı beyana īmā ve daḫı her ḡammuñ kaẓāsı sūr olduḡına işāret vardır. Nitekim *beyt*:

رواجی در قضای هر کسادیت

مرادی در پی هر نا مرادیت

bu beyānda kāfî ve her zilletüñ ‘izzet idigine *beyt*:

نلتی هر جا که باشد عزتی دارد ز پی

عرصه میخانه آخر صحن مسجد میشود

maẓmūn-ı pāki vāfīdür.

Der-Şıfat-ı Ma‘rifet

﴿ معرفت حاصل کن ای جان پدر ﴾ İy babanuñ cānı! Ma‘rifet ḥāşıl eyle. **Ma‘rifet**den murād bunda, ḥaḳḳ-ı ma‘rifet ile Hüdāyı bilmek için kişi kendi nefsinı bilmek ma‘nāsınadır ki aña ma‘rifetu’llāh dirler. **Cān-ı peder**den murād; ibtidā’-i sülükde olandır.

³² Ü375b, 376a, 376b boştur.

من عرف نفسه ﴿ تا بیابی از خدای خود خبر ﴾ Tā ki kendi Hālīkuñdan haber bulasın. Pes bunda nefse عرف maẓmūnınca; nefsüñi bil ki Hudādan haber bulasın demek murāddur. İmdi bunuñ maʿnāsı üzre nefsinı ʿāciz ü zaʿīf ve bī-istiḥkāk-ı şey ve fānī diyü bilen Rabbinüñ Qavī ve Qādir ve Kerīm ve Bākī idigine āgāh olur dimekdür. Yoksa Hudānuñ küñh-i ḥaḳīḳatın maʿrifet mümkin degüldür. Nitekim ḥadīs-i şerīfde: عرفناك حق معرفتك vārid olmuşdur. Ve bu maʿnāya bināʿen Mevlānā-yı Rūmī:

[S390a] اعتصام الوری بمغفرتک

عجز الراصفون عن صفتک

تب علينا فاننا بشر

ما عرفناك حق معرفتك

diyü buyurmuşdur. Ve daḥı عن سر الذات اشراك [Ü377b] ke-zālik bu beyāna imādur. Ve maʿrifetuʿllāh cümle lezzātuñ aʿlāsıdur. Ve kaçan maʿrifet ḥuşūle gelse, aña maḥabbet-i İlāh tābīc olup maʿrifet ziyāde oldıḳca maḥabbet ziyāde olur. Lākin maʿrifetuʿllāhı taḥşıl ve maḥabbetuʿllāhı tekmīl, ḥubb-ı mā-sivādan ferāḡa mevḳūfdur. Nitekim ʿārif-i biʿllāh olanlaruñ Cenāb-ı Qudse vuşūlleri vādī-i sebʿay-ı kaṭʿdan şoñra olur dimişlerdür. (...) Ve nāzım bu kitābındaki maʿrifet beyānı baḥşinde her birlerine işāret vardur. Nitekim beyān-ı maʿrifetde eyidür:

﴿ هرکه عارف شد خدای خویش را ﴾ Her kim ki kendi Hudāsını ʿārif oldı. Pes ʿārifüñ ıştılāḥ-ı sūfiyyede olan maʿnāsını mısrāʿ-ı şānī muʿarrifdür.

﴿ در فنا بیند بقای خویش را ﴾ Kendi beḳāsını fenāda görür. Pes bunda ʿindeʿl-meşāyih meşhūr olan maḥv u şaḥva imā vardur. İmdi bunuñ beyānı şöyledür ki: Tālib-i dīdār-ı İlāh olan ʿāşık-ı fenā-fiʿllāh, istiʿdādı mertebe-i maẓhar-ı müşāhede-i sırr-ı vaḥdet-i muṭlaḳa oldıḳda ol sālīkūñ vücūdı ḳalmayup pür-maḥv u fenā olur. Yaʿnī; كل شئ هالك الا وجهه ye mā-şadaḳ olur; tā ki vech-i bākī zuhūra gele. Ve daḥı fark u temyız [S390b] kaydından necāt bulmaḳ için ol ḡarīḳ-ı baḥr-i müşāhede, cān deryāsınuñ mevci gibi zīr ü zeber olmaḡı ister. Ḥattā deryānuñ taḥt u fevḳından ḳaḡısı ḥoşter gelür, bilemez ve tīr-i ḳazānuñ vürüd u defʿinden ḳaḡısı bihter gelür fark ḳılamaz. Nitekim ḥazret-i Mevlānānuñ *meşnevī*:

زیر دریا خوشتر آید یا زبر

تیر او دلکش تر آید یا سپر

beyti bu maʿnāya dālldür. Lākin ʿāşık bu vechile mertebe-i fenāya vardıḳda güyā ḥissiyātı ḡāʿib olmuş gibi bir ḥālet zuḥūr itmegin mertebe-i şaḥve varıncaya dek girye vü nevḥadan ḥālī olmaz. (...[Ü378a]...) İmdi bu taḥḳīḳ-ı ḥaḳīḳ üzre:

﴿ هرکه او عارف نشد او زنده نیست ﴾ Her kim ki o ʿārif olmadı o zinde degüldür. Yaʿnī; fenāda beḳā bulmaḡıla maẓhar-ı ḥayāt-ı ebedī ve nāʿil-i müşāhede-i sırr-ı sermedī degüldür. Nitekim eyidür:

﴿ قرب حق را لائق وار زنده نیست ﴾ Qurb-ı Ḥaḳḳa lāʿiḳ degüldür. Bunda **qurb**dan murād; نحن و اقرب الیه من حبل الوريد [S391a] **lāʿiḳ** kelimesinüñ ʿaṭf-ı tefsīridür.

﴿ هرکه اورا معرفت حاصل نشد ﴾ Her kim ki aña maʿrifet-i Ḥaqq ḥāşıl olmadı. Meşelâ, ʿışk-ı İlâhîden bî-behre olan müddeʿiyân gibi.

﴿ هیچ با مقصود خود واصل نشد ﴾ Kendü maḳşûdına aşlâ vâşıl olmadı. ʿAdem-i vuşûl, maḳşûd-ı dergâh-ı Ḥaqqdan merdûd u maḥrûm u maṭrûd olmağa şâmildür, neʿûzü bi'llâh. Pes nâzım ibtidâʿen beyân olındığı üzre maʿrifeti ʿiyân murâd idüp buyurur:

﴿ نفس خود را چون شناسی با هوا ﴾ Çünkü kendi nefsuñi hevâ ile añlayasın. Yaʿnî; ʿışk-ı İlâhî ve maḥabbet ile nefsuñi bilesin dimekdür. **Hevâ**, bunda ʿışk u maḥabbet maʿnâsınadır.

﴿ حق تعالی را بدانی با عطا ﴾ Ḥaqq teʿâlâyı ʿatâ ile bilürsin. Zîrâ من عرف نفسه فقد عرف ربه ʿadûr. Pes nefsinı maḥabbet ile añlayanuñ Ḥaqq'a vuşûli [Ü378b] ʿinâyet-i Ḥaqq olduğunu beyân içün nâzım **bâ-ʿatâ** dimişdür. Yâhod Ḥudâyı ʿatâ şıfatıyla bilür ve maẓhar-ı ʿatâyâ olur dimekdür. Ve baʿzı nüsha(da) işbu âti'l-beyân iki beyt daḥı bulunmağın taḥrîr ve icmâlen şerḥ olınmışdır. Beyteyn bunlardır:

﴿ بنده تا عاجز نکرد در شناخت ﴾ ʿAbd maʿrifetde ʿâciz olmadıkça. Yaʿnî; istiʿdâdı mertebe şıfât-ı celîleleriyle Ḥudâsını maʿrifetden şarf-ı kudret itmedikce والعجز عن درک الادراک müfâdınca idrâke yetmedikce:

﴿ در جهان معرفت مرکب نتاخت ﴾ ʿÂlem-i maʿrifetde merkeb çapmadı. Yaʿnî; şehsüvâr-ı meydân-ı maʿrifet ve nâmdâr-ı meydân-ı ḥaqqât olamadı ve ser-menzil-i maḳşûdı bulamadı dimekden kinâyedür.

﴿ عارف آن باشد که باشد حق شناس ﴾ ʿÂrif ol ola ki Ḥaqq-şinâs ola.

﴿ هرکه عارف نیست نبود جنس بناس ﴾ Her kim ki ʿârif degüldür o nâs cinsinden olmaya. Yaʿnî; merd-i kâmil olmaya dimekdür. Pes nâzım ḥâl ü şân-ı ʿârifânı beyâna şurûʿ idüp buyurur:

﴿ هرکه او را معرفت بخشد خدای ﴾ Her kim ki aña Ḥudâ maḡrifet bağışlar. Pes bunda maʿrifetu'llâh ʿârifeye iḥsân-ı İlâh idigine işâret vardır. **Baḡşed**, fir'ı muzâri-i gâ'ibdür; «bağışlar» dimekdür.

﴿ غیر حق را در دل او نیست جای ﴾ Anuñ ḳalbinde Ḥaqqdan ğayrı içün [S391b] yir yoḳdur. Yaʿnî; ḳalbi maḥabbetu'llâh ile memlûdur. Ve maḥabbet tecezzî ḳabûl itmemegin, maḥabbet-i mâ-sivâ içün ḳalbinde mekân bulunmaz dimekdür. Nitekim nâzım eyidür:

﴿ نزد عارف نیست دنیا را قدر ﴾ ʿÂrifüñ ʿindinde dünyâ içün miḳdâr yoḳdur. Yaʿnî; dünyâ yanında, bî-miḳdâr u bî-ʿitibârdur dimekdür. **Ḳader**, ḳâf u dâluñ fetḫalarıyle bunda «miḳdâr ve şeref» maʿnâsınadır; zîrâ mâ-sivâdandır. ʿÂrifüñ ise mâ-sivâ ile işi yoḳdur.

﴿ بلکه بر خود نیستش هرکز نظر ﴾ Belki kendi vücûdına aşlâ nazarı yoḳdur. Bu mışrâʿ, mışrâʿ-ı evvelden idrâbdur ve ʿârifüñ kendi vücûdları ḳaydında olmadıkları bî-irtiyâbdur. Zîrâ:

﴿ معرفت فانی شدن در وی بود ﴾ Maʿrifet anda fânî olmaḳ olur. Yaʿnî; aḥlâḳ-ı zemîmeden bî-eşer ve berî olmaḳ ola dimekdür. **Der-vey**, lafz-ı **maʿrifetüñ** mefʿûlün fihidür. Der, zarfiyyet içündür. Vey, zamîrdür; ʿârifeye râci'dür. Bunda mertebe-i şaḥve daḥı îmâ vardır. İmdi:

﴿ هرکه فانی نیست عارف کی بود ﴾ Her kim ki fānī degüldür; kaçan ‘ārif ola? Pes nāzım teraḳḳī kâ‘idesi üze ‘ārif-i mā-sivānuñ cümlesinden fāriğ gerekdür. Zīrā maṭlūblarınun ḥuṣūlinun şartı budur demek için buyurur.

﴿ عارف از دنیا و عقبا فارغست ﴾ ‘Ārif dünyā vü ‘uḳbādan fāriğdür. Zīrā mey-i şāf-ı vaḥdeti nüşiden böyle itmek gerekdür. Nitekim *beyt*:

می صرف وحدت کسی نوش کرد

که دنیا و عقبا فراموش کرد

dimişlerdür. Ve sâbıḳda beyân olunan اهل الدنيا و اهل الاخرة حرام علی اهل الدنيا و هما حرامان dimişlerdür. Ve meşâyıhuñ: ‘Ārif Bîşr-i Ḥāfî gibi gerekdür didiklerinun ma‘nâsı bu ma‘nâda işâretdür. Ya‘nî; ‘ārif ḥal-ı na‘leyn-i dünyā vü ‘uḳbā yāḥod ḥal-ı na‘leyn-i cismānî vü rûḥānî itmek gerekdür. Zīrā maṭlab-ı a‘lâları dîdâr-ı Ḥudâdur dimekdür. Tâlib-i dîdâr ise mā-sivānuñ cem‘isinden fāriğ olmak gerekdür. Anuñçün nāzım eyidür:

﴿ زانچه باشد غیر مولا فارغست ﴾ O neseneden fāriğdür ki Mevlānuñ gayrı ola. Bu mışrā‘un evvelinde ḥarf-i ‘aṭf muḳadderdür. Yāḥod mışrā‘-ı evveliden bedeldür. Murād; mā-sivānuñ cümlesinden fāriğdür [S392a] dimekdür. **Mevlā** zıkrinde olan nükte zāhirdür. *Naẓmî*:

Kān-ı dilden gevher-i ‘irfānı ihṛac idemez

Sînesin tîğ-ı riyāzat ile şad çāk itmeyen

Maḥrem-i ḥalvet-serāy-ı vaşl olmaz tâ ebed

Mā-sivānuñ cümlesinden ḳalbini pāk itmeyen

﴿ همت عارف لقای حق بود ﴾ ‘Ārifün himmeti liḳā-yı Ḥaḳḳdur. Ya‘nî; vişāl-i feyyāz-ı muṭlaḳdur. (...)

﴿ زانکه در خود فانی مطلق بود ﴾ Andan ötüri ki kendüsinde fānî-i muṭlaḳdur. Ya‘nî; mertebe-i maḥv u fenā-yı zemā’im üze kendüsinde bir eşer ḳalmamışdur dimekdür. (...) Pes nāzım ‘ārifānuñ ḥāl ü şānların beyân zeylinde; mā‘rifete mānî‘ olan mā-sivādur ve mā-sivānuñ ḡāyet mezmūmı dünyādur demek ḳaşıdıyle eyidür:

﴿ با چه ماند این جهان کویم جواب ﴾ Bu dünyā neye beñzer? Cevāb söyleyem. Ya‘nî; sâ’ile böyle cevāb virem.

﴿ آنکه بیند آدمی چیزی بخواب ﴾ Ol nesneye beñzer ki bir âdem ru’yâda bir nesne görür. **Ān ki** lafzı, bunda mecāzen «ān çi» yirindedür. Ma‘nâ ol nesne dimekdür. **Ādemîde**, yâ nisbet ve vaḥdet için olmak cā’izdür. **Be-ḥ‘ābda**, bā zarfıyyet içündür. [Ü380b]³³ Ḥ‘āb, «uyku ve uykuda görülen nesne» ma‘nâsına olur. Bunda ru’yâ ma‘nâsınadır.

[S392b] ﴿ چون شود بیدار از خواب ای عزیز ﴾ İy ‘azîz! Çünki ol kimse nevmden bîdâr olur. **Bîdâr**, «uyanmak» ma‘nâsınadır.

³³ Ü379b ve 380a boştur

﴿ حاصل خوابش نباشد هیچ چیز ﴾ Anuñ ru'yāsınuñ hāşılı hıçbir nesne olmaya. Ya'nî; ru'yāda gördiği nesneden ba'de'l-yağaza hıçbir fā'ide mevcūd^{ün} fi'l-hāric bulunmaya dimekdür. **H'āb**, mısrā'-ı evvelde bīdār qar'inesiyle nevm ma'nāsınadır. Ve mısrā'-ı şānīde düş ma'nāsınadır. Ve ba'zı nüshada mısrā'-ı şānī böyle vāqı'dur ki: ﴿ حاصلی نبود ز خوابش هیچ چیز ﴾ Anuñ düşinden hıçbir hāşıl olmaya dimekdür. Ve bu mazmūn bedīhīdür. Nitekim şā'irūñ *beyt*:

دوش اندر خواب می دیدم جمالی همچو شید

چو شدم بیدار از آن خوابم نکشتم مستغید

beyti bu beyāna tenbīhdür. Ve daḥı şā'irūñ:

دی شب ترا بخواب دیدم والله

لب بر لب تو نهادم تالله

بیدار شدم ترا ندیدم کفتم

لا حول ولا قوة الا بالله

didigi ke-zālikdür. Pes nāzım beyān-ı mişālden ıyān-ı mümeşşile āgāz idüp buyurur:

﴿ همچنين چون زنده افتاد و مرد ﴾ Hem buncılayın bir diri kimesne çünki düşdi ve öldi. **Zinde**, «diri» ma'nāsınadır. Āḥirindeki hemze vāḥdet içündür. **Üftād**, māzīdür; «düşdi» dimekdür. **Mürd**, zamm-ı mīm ile māzīdür; «öldi» ma'nāsınadır. Pes nāzımuñ üftād u mürd kelāmlarından; mevt ādeme füc'eten gelür, ḥaber itmez dimege imā vardır.

﴿ هیچ چیزی از جهان باخود نبرد ﴾ Kendü ile dünyādan hıçbir şeyi iletmedi. Murād; māl-i metrükeden mezāra bir nesne iletmedi dimekdür. Nitekim dimişlerdür:

باول چو خواهی کنی جمع مال

بسی رنج بر خویش باید کماشت

وزین جمله این حال مشکلترست

که اخر بحسرت بیاید کناشت

Ya'nî; dünyānuñ ḥāl-i me'ālī budur. İmdi dünyāya i'timād cā'iz degüldür. Ve anuñla mağrūr olmaḥ ıuḳalā işi degüldür. Anuñçün *beyt*:

Gurūr itme cihānuñ devletine

Necātī! Düşde sultān olmaduñ mı?

dinmişdür. Pes dünyādan senüñle giden; ḥayrāt u iḥsān u a'māl-i şāliḥadur dimegi beyān için nāzım eyidür:

﴿ هرکه او را ﴾ Her kimüñ için ki eyü 'amel olmuşdur. Ba'zı nüshada ﴿ هرکه او را ﴾ her kim ki anuñçün eyü 'amel vardır. Ma'nā; her kim ki anuñçün eyü 'amel vardır.

﴿ در ره [S393a] عقبی بود همراه او ﴾ Uḳbā yolında anuñ yoldaşı ola. Nāzımuñ **reh** ile **hem-rāh** kavlinde; dünyā müsāfir-ḥānedür, be-her-ḥāl ıuḳbāya sefer muḳarrerdür ve sefere yoldaş ve zād gerekdür, zād ve yoldaş; eyü 'ameldür dimege imā vardır. Pes nāzım dünyāyı temşil-i dīger ile izāḥ murād idüp buyurmuşdur:

﴿ این جهانرا چون زنی دان خوبروی ﴾ Dünyâyı bir güzel yüzlü ‘avret gibi bil. [Ü381a] Pes nâzımuñ pîr-zen-i dünyâyı cemîle ‘avrete teşbîhi, erbâbına kendü kendüyî güzel gösterdiğine binâ’endür. Yoksa ne güne ‘acûz-ı kâbet-bürüz idigi sâbıkan olan teşbîhâtından ma’lûmdur. Nitekim eyidür:

﴿ خويشتن آراید اندر پیش شوی ﴾ Kendüsin kıocasınıñ öñinde bezedür. **Ārāyed**, zînet ider dimekdür. Ba‘zı nüshada ﴿ خويشرا آراید اندر چشم شوی ﴾ vâkı‘dur. Ma‘nâ kendüsini kıocasınıñ nazarında bezer dimekdür. Pes ol mekkâre:

﴿ مرد را می پرورد اندر کنار ﴾ Anı kıucağda besler. **Merd**, «racûl» ma‘nâsınadır; bunda zen-i dünyâyâ ‘alâka iden kimesne murâddur. **Ender kenâr**, «kıucağda» dimekdür. Kenâr, bunda hâlet-i vuşlatdan kinâyedür. Ve kırağ ma‘nâsına gelür.

﴿ مکر و شیوه مینماید بیشمار ﴾ Bî-hadd mekr ü şîve gösterür. **Mekr**, «hîle vü efsûn u firîb» ma‘nâsınadır. U(ve) şîve, mekr üzerine ma‘tûfen bunda «hîle vü firîb» ma‘nâsına olmağ zâhirdür. Lâkin nâz didikleri şîveden e‘ammdur. Zîrâ nâz, şîve vü istîğna vü huzûr u râhat ma‘nâsına gelür. Ve dağı bir ağacdur ki aña ‘Arabîde «şanavber» dirler, kezâ-fi-Edâtî’l-Fuzalâ.

﴿ چون بیابد خفته شوی ناکهان ﴾ Çünkü kıocasını uyumuş bula nâgehân. **Nâgehân**, «bir nesnenüñ bî-vağt zuhûrî»na dirler ki Türkîde «aınsuzın» ile ta‘bîr iderler. Nâgâh mişlühûdur. Pes nâzımuñ bu kelimeyi îrâdında mekkâre-i mezbûrenüñ mekri, kıocasını bî-vağt uyutmağ üzre helâk fırsatına müterâkkipdur ve bî-emândur dimege işâret vardur. Nitekim eyidür:

﴿ بیگمان سازد هلاکش آن زمان ﴾ Ol zamânda şekksiz anuñ helâkını düzer. Ya‘nî; bilâ-emân helâk ider dimekdür. **Helâkeş**de olan şîn, zamîrdür; **şûy** merci‘idür. **Ān zamân**, yirine ba‘zı nüshada der-zamân vâkı‘dur. Evvelkine göre ol zamânda, ikinciye [S393b] göre der-sâ‘at ya‘nî fi’l-hâl dimekdür. İmdi:

﴿ بر تو بادا ای عزیز پرهنر ﴾ İy ‘azîz-i pür-hüner! Senüñ üzerine olsun. Ba‘zı nüshada **pür-hüner** yirine nâmver vâkı‘dur; «nâmlu» dimekdür.

﴿ کز چنین مکاره باشی بر حذر ﴾ Ki buncılayın mekkâreden hâzer üzre olasın. **Mekkâre**, «ziyâde mekr idici» dimekdür. Pes dünyânuñ ‘acûze vü mekkâre-i hıyel-bürüz idigi meşhûrdur. Nitekim H‘âce Hâfız eyitmişdür *beyt*:

از ره مرو بعشوه دنیا که این عجز

مکاره می نشیند و محتاله میرو

Ya‘nî; dünyanuñ firîb ü hîlesiyle şîrât-ı müstağîmden gitme. Zîrâ bu ‘acûze ki murâd dünyâdur; mekkâre oturur ve muhtâle gider. Muhtâle, «hîle idici» dimekdür. Hûlâşa; hergiz kimseye vefâsı yokdur dimekdür. **Hâzer**den murâd; kendüyî terk itmekdür. Ve târik-i dünyanuñ dil-şâd u mekr u hîlesinden âzâd [Ü381b] olmağ zâhirdür, *beyt*:

ز ترک جهان دلشاد کردی

ز درد و رنج و غم آزاد کردی

﴿ در ورع ثابت قدم باش ای پسر ﴾ İy oğul! Vera'da sâbit-ka'dem ol. **Vera'**, harâmdan tecennüb ve 'inde'l-ba'z harâm u şübühâtdan tecennübdür. Bu ma'âmde ba'zuñ kavli münâsibdür. (...) **Şabit-ka'dem**, devâm u sebâtıdan kinâyedür. Bunda sırr u 'alâniyye ve zâhir ü bâtında kabâyıhdan ictinâb 'alâ-vechi'd-devâm gerekdür dimege İmâ vardır. Pes bu vechile vera'da dâ'im ol.

﴿ کر همی خواهی که کردی معتبر ﴾ Eger dükeli dilerseñ ki mu'teber olasın. Ve ehl-i vera'uñ şeref ü i'tibârı سید العمل الورع hadîs-i şerîfinden nümâyândur. Ve vera'uñ fevâ'idi çokdur. Şöyle ki:

﴿ خانه دین کرد آبد از ورع ﴾ Hâne-i dîn vera'dan ma'mûr olur. **Âbâd**, «ma'mûr» ma'nâsınadır ki mu'kâbili harâbdur.

﴿ لیک میگرد خرابی از طمع ﴾ Lâkin tama'dan harâblık tutar. Ya'nî; hâne-i dîni tama' yıkar dimekdür. [S394a] **Mî-gîredüñ** fâ'ilî zamîr-i müstetir hâne-i dîne râci'dür. Ma'nâsı «tutar» dimekdür. **Harâb**da yâ maşdariyyedür. Harâb, ma'rûfdur. **Tama'**, «hırş u 'adem-i kanâ'at»dür. Bunda, ehl-i vera'da tama' ve ehl-i tama'da vera' bulunmaz, bunlar birbirlerine zıddândur; birinüñ hâne-i dîni ma'mûr ve birinüñki vîrândur dimege İmâ vardır. Ve dağı tama'dan hâzer eyle ki hâne-i dînüñ harâb olmaya dimege tenbîh vardır. Pes tama'uñ def'i için 'ilâc, şabr u 'ilm ü 'ameldür. Ve bunlar ise beş umûruñ vücûdına mevkûfdur. Evvel, ma'îşette itidâl ve infâkda rıfk eylemekdür. Sâni, hâlde kifâf miqdârı bulındıkda, müstakbel için mu'ztarib olmayup kaşr-ı emel eylemek ve rızkuñ vürüdını yakîn idüp, şeytân âdeme faqrı hâzırlar diyü bilmekdür. Sâlis, kanâ'atde olan 'izz ü ğınâ ve tama'da olan züll ü belâyı bilmekdür. Râbi', eslâfuñ hâlini zıkr ile süfehâ-yı mütena'imîne müşâbehethüñ üzerine şulehâ-yı kâni'ine müşâbeheti tercîh eylemekdür. Hâmis, mâluñ hâtarların ve fa'krüñ şevâbların fikr ile dünyâda kendüden dūna ve dînde kendüden yukarıya nâzar itmekdür. (...)

﴿ هر که از علم ورع کیرد سبق ﴾ Her kim ki 'ilm ü vera'dan sebak tutar. [Ü382a] Ya'nî; 'ilm-i nâfi' ve 'amel-i şâlihden sebak-gîr olur dimekdür. Ammâ 'ilm ile vera' lafzlarınuñ beyninde harf-i 'â'îf olmadığına göre her kim ki vera' 'ilminden sebak-h'ân olur demek olur. Lâkin bizim 'indümüzde bulunan nüshalarda vâv bulunmuşdur. Buña göre bunda افضل العلم الفقه و افضل الدين الورع hadîs-i şerîfine İmâ bulunur. Pes böyle olan:

﴿ دور باید بودنش از غیر حق ﴾ Aña Hâkkuñ gayrından ba'îd olmak gerek. Pes bunda Hâkık lafzından ism-i Hudâ ve dağı bâtıl mu'kâbili olan hâkık murâd olunmak muhtemeldür. İmdi şâhib-i vera' olan kimesne mâ-sivâdan dūr yâh'od her bir bâtıl nesneden ba'îd olmak ve mu'ktezâ-yı 'ilmiyle 'amel kılmağ gerekdür. Pes nâzım diraht-ı vera'uñ semeresin beyâna şurû' idüp buyurur:

﴿ ترسکاری از ورع پیدا شود ﴾ Hudâdan [S394b] mübâlağa qorqmağ vera'dan peydâ olur. **Terskâr**, «mübâlağa qorqucu» ma'nâsınadır. Âhîrindeki yâ maşdariyyedür. **Peydâ**, «zâhir» ma'nâsınadır ki mu'kâbili «nihân»dur.

﴿ هر که باشد بی ورع رسوا شود ﴾ Her kim ki bî-vera' ola rüsvâ olur. **Rüsvâ**, ma'rûfdur; dünyâ vü 'uqbânüñ rüsvâlığına şâmindür.

﴿ با ورع هرکس که خود را کرد راست ﴾ Her kimse ki kendüyi vera^c ile müstaḳīm kıldı. Ya^cnî; vera^c u taḳvâ ile tarîḳ-ı müstaḳîmden ayrılmadı dimekdir. **Râst**, bunda «çoğrı» ma^cnâsınadır. Ba^czı nüshada bu mışrâ^cuñ yirine ﴿ با ورع هرکس که او خود را بداشت ﴾ vâḳı^cdur. Ma^cnâ; herkes ki kendüni taḳvâ vü vera^c ile tutdı dimekdir.

﴿ جنبش و آرامش از بهر خداست ﴾ Anuñ hareket ü sükûnı Allâh içündür. Ya^cnî; harekât u sekenâtında riya vü süm^ca olmayup her ‘ameli ḥâlişan li-vechi’llâhdur dimekdir. **Cünbiş**, «hareket»; **ārām**, «sükûn»dur. Âḫirindeki şîn zamîrdür; «herkes»e râci^cdür. **Behr**, ta^clîl edâtıdır. Ba^czı nüshada behr mevḳı^cıne mihr vâḳı^cdur. Mihr, maḥabbet ma^cnâsınadır. Buña göre ma^cnâ; anuñ cünbiş ü ārāmı maḥabbetu’llâhdan nâşîdür. Murâd; ehl-i vera^c, Ḥudâ-dostdur dimekdir. Pes maḥabbet da^cvâsını idende vera^c lâzımdır. Zîrâ vera^c ile maḥabbet birbirlerine lâzım melzûmdur. İmdi:

﴿ انکه از حق دوستی دارد طمع ﴾ Ol kimse ki Ḥaḳḳdan dostluḳ ümîdin tutar. Ya^cnî; her kim ki Ḥudâya dostum diyü da^cvâ ider dimekdir. Bunda ṭama^cuñ ma^cnâ-yı lâzımı olan ümîd murâd olunmaḳ rûşendür.

﴿ در محبت کاذبش دان بی ورع ﴾ Vera^csız anı da^cvâ-yı maḥabbetde kâzib bil. Ya^cnî; vera^cı olmayanuñ da^cvâ-yı maḥabbeti kâzibdür dimekdir. Böyle olan kimesneye müdde^cî dirler. Pes nâzım vera^c zeylinde zühd ü taḳvâ ebyâtına şurû^c idüp buyurur:

﴿ چیست تقوی ترک شبهات و حرام ﴾ Taḳvâ nedür?; Terk-i şübühât u ḥarâmdur. **Çist**, kelime-i su’âldür ki nâzım «taḳvâ nedür?» didikden soñra, terk-i şübühât u ḥarâm diyü ta^crîf ü beyân buyurmuşdur. [Ü382b] **Taḳvâ**, ma^crûfdur. **Şübühât**, şübhenüñ cem^cîdür. Şübhe ḥalâl ile ḥarâm beyinde mültebis olundur. Pes ḥarâma iltibâsından nâşî kendüden ḥazer gerekdir. **Ḥarâm**, ma^crûfdur. Şübühât u ḥarâmuñ melbûsât u meşrûbât u mâ^cûmatdan e^cammiyyet [S395a] ü şümûlin beyân içün nâzım eyidür:

﴿ از لباس و از شراب و از طعام ﴾ Libâsdan ve şarâbdan ve ṭa^câmdan. **Ez** lafzı, bu üç mevzı^cda «min-i beyâniyye» ma^cnâsınadır. Ma^clûm ola ki bu vechile şübühât u ḥarâmı terke taḳvâ dindigi gibi zühd ü vera^c daḥı dirler. Zîrâ vera^c içün dört derece beyân itmişlerdür. Derece-i ülâ, fetvâ ḥasebiyle ḥarâm olandan ictinâbdur. Derece-i sâniye, ictinâbı müsteḥabb olan şübühâtı tecennübdür. Derece-i sâlis, ḥarâma düşmek ḥavfından nâşî lâ-be’si terk itmekdür. Derece-i râbi^ca, Allâh içün olmayanuñ cümlesinden ictinâbdur ki vera^c-ı şiddîḳîn dirler, intihâ. Pes nâzım buna gelince beyân eyledigi ebyâtıda şarâḥaten ve işâreten derecât-ı mezkûrenüñ üçünü zıkr itmegin bunda derece-i râbi^ca işâret zımnında eyidür:

﴿ هرچه افزونست اکر باشد حلال ﴾ Her ne ki ziyâdedür; egerçi ḥalâl ola. **Her çi**, «her ne» ma^cnâsınadır; libâs ve şarâb ve ṭa^câmuñ cümlesine şâmilür. **Efzûnest**, «ziyâdedür» ya^cnî; miḳdâr-ı kifâyetden artıḳdur dimekdir, eger ḥalâl ola.

﴿ نزد ارباب ورع باشد وibal ﴾ Erbâb-ı vera^c ḳatında vebâl ola. **Vebâl**, «ziyân ve yaramaz» ma^cnâsınadır. Zîrâ luḳme-i ḥalâl, bâ^cis-i tenvîr-i bâldür; ammâ ḳadr-i zarûretden ziyâdesi vebâldür dimişlerdür. Bunda beyân şöyledür: Erbâb-ı vera^c ‘indinde ḳadr-i zarûretten ziyâde olan nesne ḡidâ-yı cismânîdür ve süd yirinde, tıfl-ı cânı tesbîḥ ü ezḳâr ile melek-meşreb ü vâşıl-ı zevḳ-ı rûḥânî eylemek içün

riyāzāt ile ol südden kesmek gerekdir. Ve illā ol süd şöra āb-ṭabīʿat bir nesne olmağıla, ḳandīl-i ḳalbede ziyādār olan fetileyi fesāda virüp nūrını noḳṣān ve belki söndürür. Nitekim luḳme-i ḥarām böyle ider, intihā. Pes bu cihet ile ziyādeye, vebāldür dimişlerdür. Yoksa neʿūzū bi'llāh ḥalāla ḥarām demek degüldür. (...[S395b, Ü383a]...) Pes veraʿ, ʿilm ü ʿamel ü şıdk u ihlāş-ı bī-ḥalele muhtāc idigin beyān için nāzım eyidür:

﴿ چون ورع شد یار با علم و عمل ﴾ Çünkü veraʿ, ʿilm ü ʿamel ile yār oldı. Yaʿnī; ʿilm ü ʿamele muḳārin ü muşāhib oldı.

﴿ صدق و اخلاصت بیاید بی خلل ﴾ Saña ḥalelsiz şıdk u ihlāş gerek. **Bī-ḥalel**, «fesādsız» dimekdir. Zīrā meşelā riyā vü sümʿa yollu nesneler şıdk u ihlāşı müfsiddür. Anuñçün nāzım şıdk u ihlāşı bī-ḥalel ile şıfatlamışdur. Baʿzı nüshada mısrāʿ-ı sâni böyle gelmişdür ki: ﴿ خشیت و اخلاص باید زان محل ﴾ Yaʿnī; veraʿa ʿilm ü ʿameli maḳrūn eyledigün zamānda saña ḥaşyet ü ihlāş gerekdir dimekdir. Pes bundan beşeriyet ḥasebiyle bir kuşuruñ şudūrı muhtemel iken şıdk u ihlāş-ı bī-ḥalel niçe mümkündür. Ve şudūr-ı kuşur veraʿa māniʿ degül midür? diyü suʿāl-i muḳadder peydā olmağın nāzım bunun ʿilacın beyān ve ʿadem-i māniʿiyyetin ʿiyān için cevāb ṭarīḳıyle eyidür:

﴿ ناکهان ای بنده کر کردی کناه ﴾ İy bende! Eger nā-gāh bir günāh eyledün ise. **Nā-gehān**, «ale'l-ḡafle» dimekdir. **İy bende**, «iy ḳul» dimekdir. Nāzımuñ bunda bende lafzı ihtiyārında: ʿAbd ʿubūdiyyette gerekdir; günāh işlemek ʿubūdiyyete münāfidür; başiret üzre ol dimege imādur. Ve daḥı günāhkārāna ʿazīz veyā püser emsālî gibi taʿzīm elḳabı ile ḥitāb ḥılāf-ı ādāb oldığını işāret içündür.

﴿ توبه کن در حال عذر ان بخواه ﴾ Alā-fevr tevbe eyle ve anuñ ʿözrini dile. Pes nāzım bunda üç nesne ile teşbīh buyurmuşdur. Evvelen tevbe gerekdir ki الذنب من لا ذنب له dūr. Ve tevbe ile günāhuñ arasını açmamak gerekdir ki ḳableʿt-tevbe mevtüñ vürüdü aḡleb-i ihtimāldür. Ve ol tevbe vü istiḡfārda dergāh-ı İlāhdan ʿözr-ḥʿāh olmak gerekdir ki ol tevbe ḳabül ola demek [S396a] içündür. Ve tevbeye taʿcillük lüzümünü teʿkiden beyān ve teʿhīrüñ bī-fāʿideligin ʿiyān ḳasdıyle nāzım eyidür:

﴿ چون کناه نقد آید در وجود ﴾ Çünkü günāh naḳd-i vücūda gele. Yaʿnī; çünkü günāh şādır u ḥāzır ola dimekdir. **Günāh-ı naḳd**, izāfetle ḥāzır günāh dimekdir. Nitekim naḳduñ ḥāzır maʿnāsına [Ü383b] geldiği beyʿ-i naḳdden zāhirdür. İmdi ḥāzır u mevcūd olan metāʿ-ı günāhuñ bāzār-ı ḡufrānda revācı var iken, tevbe vü istiḡfār-ı naḳdiyye ile naḳd-i rāyic-i ḡufrāna istibdāl ʿayn-ı fāʿidedür. Zīrā tesvīf ü teʿhīr-i tevbeye fāʿide yokdur ve zarar u ḥusrānı çokdur. Nitekim nāzım eyidür:

﴿ توبه نستنه ندارد هیچ سود ﴾ Gelecek tevbe hiç fāʿide tutmaz. Yaʿnī; teʿhīrinden bir fāʿide ʿāʿide degüldür. Ve teʿhīr-i tevbe ʿabdi Mevlāsından mübʿiddür. Belki ḳableʿt-tevbe ḥulūl-i eccl-i mevʿūd sebebiyle tevbemiz ölmek muhtemeldür. Böyle olduğu ḥālde teʿhīr-i tevbeye zarar nümāyāndur dimekdir. Yoksa tevbeyi teʿhīr idenüñ tevbesi maḳbūl olmaz demek degüldür. Zīrā وهو الذى يقبل التوبة عن عباده ایet-i şerīfî ve daḥı يغفر مالم يغفر عبادہ ان الله يقبل توبة عبادہ ḥadīṣ-i laṭīfî ilā-āḥiriʿl-ʿömr ḳabūl-i tevbe-i müʿminin ü müʿmināta dāldür. **Tevbe-i nesʿe**, «gelecek tevbe» dimekdir. Nesiʿe, fetḥ-i nūn ve kesr-i sīn-i mūhmele ile ʿArabīdür; bir nesneyi vaʿde ile beyʿa dirler. Ve muṭlaḳā nā-ḥayr maʿnāsına gelür ki bunda

murād budur. Ve zarūret-i vezn için harf-i sîn bunda sākindür. Ve nāzımuñ bunda naqd ile nesi'e zikrinde olan şan'at u işāretüñ nüktesi ma'fūmdur. İmdi günāhuñ şudūrında der-ʿaḡab tevbe lāzımdur. Ve ol tevbde şābit ḡadem olmaḡ elzemdir. Nitekim buyurmuşlardır, *beyt*:

سرمايه' نجات يود توبه درست

با كشتی شكسته بدریا چه میبری

Pes nāzım te'hīr-i tevbde olan āfātı ve sebeb-i te'hīrde olan ḡaṡāyı beyān ḡaṡdıyle eyidür:

﴿ در انابت کاملی کردن خطاست ﴾ Tevbe vü rüçū'da kāhilluḡ eylemek ḡaṡādur. Pes sebeb-i te'hīr, eger günümüz çokdur soñra tevbe iderüm diyü ṡül-i emel eylemek olduğından nāzım **kāhili kerden** kelāmını mıṡrā'-ı ṡānīye rabṡ idüp:

﴿ بر امید زندگانی بی وفاست ﴾ Ḥayāt ümniyyesi üzre ki bī-vefādur dimişdür. Ḥulāṡa-i ma'nā-yı beyt; günāhdan [S396b] tevbe ile Ḥaḡḡa inābetde bī-vefā olan, ḡayāt ümīdi üzre kāhilluḡ eylemek ḡaṡādur dimek olur. Ḥayāt-ı dünyanuñ bī-vefālīḡı, sür'at-i zevāl ve nā-gāḡ mevtüñ vürüdi ihtimālinden ʿibāretdür. (...[S397a, Ü384a, Ü384b]...)

Der-Şıfat-ı Ḥizmet

﴿ تا توانی ای پسر خدمت کزین ﴾ İy oḡul! Mā-dām ki ḡādırsın ḡizmeti [S397b] ihtiyār eyle. **Ḥizmet**, zāl-i mu'ceme ile Fārisīde ve dāl-i mūhmele ile ʿArabīde müsta'meldür ve «ḡulluḡ» ma'nāsınadır. **Güzīn**, zamm-ı kāf-ı ʿAcemī ile emr-i ḡāzırdur; «ihtiyār eyle» dimekdür. Pes bunda püser ile ḡizmet zikrinde leṡāfet vardır.

﴿ تا رود اسب مرادت زیر زین ﴾ Tā ki senüñ esb-i murāduñ eger altına gide. Ya'nī; ser-menzil-i maḡşūda irişesin dimekden kināyedür. **Esb**, «at»; **zīr**, «alt»; **zīn**, ism-i müfreddür; «eger» ma'nāsınadır ki ʿArabīde «serc»dür.

﴿ بنده' چون خدمت مردان کند ﴾ Bir bende çünkü ḡizmet-i merdānı ider. **Merdāndan** murād ehlu'llāḡ olanlardır. Nitekim *ومن یسلم وجهه الی الله وهو محسن* āyet-i şerīfi anlara işāretdür dimişlerdür.

﴿ خدمت او کنبد کردان کند ﴾ Anuñ ḡizmetini devvār olan felek ider. **Künbed-i gerdān**, «devvār olan ḡubbe-i felek»dür. Merdān-ı Ḥudāya ḡizmet idenüñ ḡizmeti muḡābelesinde olan ḡizmeti felek-i devvāra nisbet mecāzıdır. Murād *من خدم خدم* mıṡdāḡınca, zīr-i felekde her maḡşūdı ḡāṡıl olur dimekdür. Yāḡod mü'essir-i ḡaḡīḡī olan Ḥudā-yı müte'ālūñ rabṡ-ı ḡikmeti üzre felek murādınca devr ider. Ya'nī; ḡasbe'l-ʿāde semādan nāzil olan menāfi'a maḡzar ve āfāt-ı semāviyyeden maṡūn olur dimege imādur. Nitekim eyidür:

﴿ بهر خدمت هرکه بر بندد میان ﴾ Her kim ki ḡizmet eclı için bil baḡlar. **Ber**, zā'iddür. **Bended**, «baḡlu» dimekdür. **Miyān**, «bil» ma'nāsınadır. Ḥizmete bil baḡlamak, mütedārik-i ḡizmet olmaḡdan kināyedür.

﴿ باشد از آفات دنیا در امان ﴾ Āfāt-ı dünyādan emānda ola. **Āfāt**, «belālar» dimekdür. Ḥādimüñ belādan me'mūniyyeti; maḡzar-ı du'ā-yı merdān olduğına ve daḡı merdān-ı Ḥudā, ḡādimini belayā

düşmekden tahzîr ve terbiye eyledigine ve menâfi'-i dâreyne mazhar olacak a'mâlî irşâd buyurduğuna binâ'endür. Nitekim eyidür:

﴿ هر که پیش مقبلان خدمت کند ﴾ Her kim ki maḳbûller huzûrında hizmet ider. **Muḳbilândan** murâd maḳbûl-i Hâḳḳ olan merdândur.

﴿ ایزدش با دولت و حرمت کند ﴾ Hüdâ anı devlet ü hürmet ile ider. Ya'nî; devletlü ve hürmetlü ider. Bundan murâd; devlet-i dâreyn ile muhterem kılar dimekdür. Nitekim Faḥru'l-enâm 'aleyhi's-selâm Medîne-i münevvereye [Ü385a] teşrîf ve ḳulüb-ı enşârı talîf buyurduğunda Ebû Ṭalḥa razıya'llâhu 'anha ḥiṭâb-ı müstetâb idüp: الشمس لنا غلاما [S398a] diyü emr buyurduğunda emr-i Rasûlu'llâha şedd-i niṭâḳ-ı imtişâl ile Ebû Ṭalḥa ḥazretleri Enes İbnü Mâlik razıya'llâhu 'anhi bulup getürdi. Pes Enes ḥazretleri Faḥru'l-ebrâra on sene hizmeti berekâtında bi-'inâyeti'llâh keşret-i mâl u evlâd u ṭavl ile bermurâd ve izz ü hürmeti müzdâd oldu. Devlet-i 'uḳbâ ise ke-zâlik. Nitekim nâzım eyidür:

﴿ خادمانرا هست در جنت مآب ﴾ Hâdimlere cennetde me'âb u merci' vardır. **Hâdimân**, cem'îdür; müfredi hâdimdür ki 'Acemde aña hizmetkâr dirler. Bunda murâd; hâdimân-ı merdândur ki bi-fazli'llâh me'âb u merci'leri; **hest**, «vardur»; **der-cennet**, «cennetde» dimekdür. (...)

﴿ روز محشر بیحساب و بی عذاب ﴾ Maḥşer güninde ḥisâbsız ve 'azâbsız. **Rûz-ı maḥşer**, mısrâ'-ı evveldeki me'âb lafzınıñ mef'ûlün fihidür; ma'nâsı «maḥşer günü» dimekdür. Maḥşeri dâ'imâ rûz ile isti'mâlleri, kıyâmetde gice olmadığındandır. Yâḥod dünyâ zulmanî olmakda gice yirindedür; kıyâmet şeb-i dünyânıñ rûzıdır dimege işâretendür. Pes hâdimüñ bu devlete neyli hizmeti berekâtındandır. Anuñçün H'âce Hâfız beyt:

سعی تا برده درین راه بجایی نرسد
مزد اگر میطلبی طاعت استاد ببر

dimişdür. (...[S398b, Ü385b]...)

﴿ خادمان باشند اخوانا شفیع ﴾ Hâdimler ihvân-ı mü'minîne şefîc olur. **İhvân**, cem'-i 'Arabîdür; müfredi «aḥ»dur; ma'nâsı «er ḳarındaş» dimekdür. Aḥ-ı dînî ve aḥ-ı tıynîye şâmildür; İslâm üzre olmaları şartdur. Zîrâ kâfire şefâ'at yokdur. **Şefîc**, şıfat-ı müsebbehe-i 'Arabîdür; «şefâ'at idici» dimekdür. Bunda şefâ'ati münkir olan Mu'tezileye redd vardır. Zîrâ ehl-i itizâl erbâb-ı kebâ'ir ḥaḳḳında şefâ'ati nefy idüp: şağâ'ir ma'fûvvdür; duḥûl-i nâr kebâ'ir ehli içündür dimişlerdür. Pes ḥazret-i Câbir razıya'llâhu 'anhdan mervî olan بالشفاعة يخرج قوم من النار ḥadîs-i şerîfi Mu'tezilîlerüñ 'aleyhlerine ḥuccetdür.

﴿ جای ایشان در جهان باشد رفیع ﴾ Anlarıñ mertebesi 'uḳbâda refîc ola. **Cây**, «mekân» ma'nâsinadur. Lâkin bunda derece murâd olındığı zâhirdür; mâ-ba'dine muzâfdur. **İşân**, zamîr-i cem'îdür; hâdimâna râcî'dür. **Refîc**, «yüksek» dimekdür; murâd «dereceleri 'alî olur» dimekdür. Nitekim **cihân** yirine ba'zı nüshada cinân geldiği buña ḳarînedür. Pes beşerîyyet hasebiyle, bir hâdimden emr-i sübhâna yâḥod hizmet-i merdâna muḥâlefet ü ḳuşûr şudûrı hâletinde hâl-i hâdim ne güne olur diyü su'âl-i muḳadder peydâ olmağın, Hüdâya [S399a] itâ'at ve hizmete her bâr müdâvemet itdıkce, zellât u ḳuşûrı ma'fûvv ü maḳbûldür demek üzre nâzım cevâba mübâderet için eyidür:

﴿ کرچه خادم عاصی و مفسد بود ﴾ Egerçi hādīm ‘āṣī vü müfsid ola.

﴿ بهتر از صد ممسک عابد بود ﴾ Vāfir mümsik-i hizmet olan, ‘ābiddən yegrek ola. Murād; hādīm hizmetde oldıķca ber-vech-i muḥarrer kuşūr ile hizmet-i merdānda bulunmayan yāḥod ‘ıṣḳ-ı İlāhī ile mest olan merdānı münkir olan ‘ābidlerden bihterdür ve ‘afva maḥhardur dimekdür. Mıṣrā‘-ı evvelde حسنات الابرار سيئات المقربين maẓmūnına ĩmā olmak daḡı muḥtemeldür. Ve mıṣrā‘eynūñ āḡirlerinde olan **buved**, «est» ma‘nāsına olmak cā’izdür. Pes hādīmānuñ ne vechile maḥzar-ı ‘atāyā-yı Sübhān oldıķların beyān tafşīlī zımnında nāẓım eyidür:

﴿ میدهد هر خادمی را مستعان ﴾ Her bir hādīme ḡazret-i Müste‘ān virür.

﴿ اجر و مزد صائمان و قائمان ﴾ Şā’imler ve kâ’imler şevābın virür. **Ecr**, feth-i hemze ile ‘Arabīdür; «şevāb» ma‘nāsınadır. Ücretten me’ḡūzdur. **Müzd**, ecrūñ ‘atf-ı tefsīridü. **Ḳā’imān u şā’imān**, cem‘lerdür; «gicelerde kâ’imler ve gündüzlerde şā’imler» dimekdür.

[Ü386a] ﴿ بهر خدمت هرکه بر بندد و کمر ﴾ Her kim ki hizmet-i merdān için kemer bağlar.

﴿ از درخت معرفت یابد ثمر ﴾ Ma‘rifet şecerinden mīvedār olur. **Diraḡt-ı ma‘rifet**den murād; büstān-ı maḡabbetu’llāḡda nābit ü şābit ve āb-ı şevḳ-ı İlāhī tāze vü ṭarī olan mürşid-i kāmīlūñ zātıdır ki anlara hizmet ve kendüler ile şoḡbet iden mürīd-i pür-irādet, semere-i ma‘rifetden behre-yāb ve maḥzar-ı feyz-i bī-ḡisāb olur. **Semer**, ‘Arabīdür; «mīve» ma‘nāsınadır. Ve bunda hādīmānuñ vāşıl-ı mertebe-i ‘ırfān ve mīve-çīn-i naḡl-i maḡabbet-i Raḡmān olmalarına işāret vardır. Ve Allāḡ erenlerine hizmet bi’l-vāşıta Ḥudāya hizmet ü maḡabbet idigine iştibāḡ yokdur. Ve bunlara Ḥudādan ‘atıyye çokdur. Nitekim nāẓım eyidür:

﴿ هرکه خادم شد جنانش میدهد ﴾ Her kim ki hādīm oldı; Ḥudā aña cinān virür. **Cinān**, kesr-i cīm-i ‘Arabī ile cem‘dür; müfredi «cennet»dür. Āḡirinde olan şīn zamīr-i ḡā’ibdür; **ḡādīme** rācī’dür. **Mī-dehendūñ** cem‘ geldiḡi ta‘zīm içündür; mu‘ṭī Vāḡid-i müte‘āldür. Fā‘ilī Ḥudāya rācī’dür.

﴿ هم ثواب غزانش میدهد ﴾ Hem aña [S399b] ḡāzīler şevābın virür. Bunda hādīmūñ, şāḡib-i riyāzat ü mücāhede ile ehl-i ṭā‘at oldıķlarına ve bu mücāhededen ecr-i ḡazā buldıķlarına işāret vardır. (...[Ü386b]...)

Der-Beyān-ı Ta‘zīm-i Mihmān

﴿ ای برادر دار مهمانرا عزیز ﴾ İy ḡarındaş! [S400a] Mihmānı ‘azīz ü muḡterem ṭut. Zīrā zuyufa ikrām sūnen-i enbiyā’-i kirām ‘aleyhi’s-selāmdur. Nitekim ḡadīs-i şerīfde ابراهيم الضيف اول من اضاف vārid olmuşdur. Ve ṭarīḳ-ı pāk-i evliyā vü eşḡiyādur.

﴿ تا بیایى رحمت رحمن تو نیز ﴾ Tā sen daḡı Raḡmānuñ raḡmetini bulasın. Ya‘nī; maḥzar-ı zıyāfet-i cinān ve nā’il-i liḳā-yı Raḡmān olasın dimekdür. Ḳaldı ki mihmān u mīzbān üzerlerine lāzım olur ādāblar vardır. Ol ādābuñ ba‘zılarına bu bābda nāẓım işāret idecekdür. Pes ol ādābı zıkr ü taḡdīm münāsib görilmişdür. *Ādāb-ı Lāzıme-i Mihmān*: Evvelen, nā-kes ḡapusına varmamaḡdur. Ve daḡı bir yire zūr ile müsāfir olmamaḡdur. Ve şāḡib-i ḡānenūñ getürdigine kānī‘ olmaḡdur. Ve baña fülān ṭa‘āmı getür

diyü hüküm ü su'âl itmekdür; meger ki şâhib-i hâne ile miyânede teklîf merfû ve bu hareketden maḥzûz olur ola. Nitekim İmâm Şâfirî ile Za'ferânî rahimehümu'llâh beynlerinde vâkı' olmuşıdı. Menâkıbı Muhtaşaru'l-İhyâda meşûrdur. Ve daḥı hânenen zuhûr iden kuşûra bakmamakdur. Ve daḥı şâhib-i hânenen izn olmadıkça gitmemekdür. Ve hîn-i vidâ'da ḥayr du'â itmekdür. Ammâ *âdâb-ı mizbân*: Evvelâ müsâfirden kaçmamakdur. Ve daḥı müsâfire terḥîb ile istiḳbâl ü ikrâm ve pâkca mekânda ḳondurmakdur. Ve daḥı her bâr besâmet-i vech göstermekdür. Ve mâ-hazardan nüzli ta'cîl itmekdür. Ve daḥı müddet-i müsâferetden soñra tedârük-i ta'âmda tekellüfe düşmemekdür. Ve süfrede ma'an oturup, mâ'ide üzerinde şöḥbet (ü) mükâleme itmekdür. Zîrâ süfre üzerinde sükût, 'adet-i mecûsiyândur. Ve daḥı müsâfir istîfâ'-i ḥazz eylemedikce ta'âmı ḳaldurmamakdur. Ve daḥı getürdigün ta'âm kifâyet miḳdârı olmaḳdur. Ve daḥı evvel 'ıyâl u evlâduñ kifâyetlerin ta'âmdan 'azl ba'cehü süfreye ta'âm [Ü387a] getürmekdür. Ve daḥı hîn-i vidâ'da mihmân ile bâb-ı ḥârice dek ḥurûc u teşyî'e eylemekdür.

﴿ مؤمنی کو داشت مهمانرا نگو ﴾ O bir mü'min ki mihmânı eyü tıtdı. Ya'nî; ikrâm eyledi.

﴿ حق کشاید باب رحمت را برو ﴾ Ḥaḳḳ celle ve 'alâ anuñ üzerine rahmet kapusını açar. **Bâb-ı rahmet**, semâdan yire rızḳ u ni'met incek bir ḳapunuñ adıdır. Ve Beytü'l-ḥarâmda bir ḳapunuñ adıdır. Ve bâb-ı cennetüñ [S400b] adıdır. Ve ma'nâ-yı izâfet ile muṭlaḳâ «rahmet ḳapusu» dimekdür. Bu maḳâmda ma'nâlar cümle mülâyimdir. Şâhib-i hâneyi mü'min ile ḳaydlediği bu fâ'idelere işâretdür. Ve müsâfir daḥı mümkün oldıkca mü'mine mihmân ola dimege imâ vardır; eger mü'min ise ve illâ her kime müsâfir olsa olur. Ve müsâfirden mü'min olmağı beyândan sükûtında nükte vardır ki; müsâfir her ne olur ise redd eyü degüldür. Mü'minüñ ta'âmı cümleye mebzûl gerekdür. Nitekim ḥadîs-i şerîfde: اكرموا الضيف ولو كان كافرا vârid olmuşdur.

﴿ هرکرا شد طبع از مهمان ملول ﴾ Her kimüñ ṭab'ı ki mihmândan melûl oldu. **Ṭab'**, Fârisîde iki ma'nâya gelir. Biri «mizâc»dur ki bunda murâd budur. Ve biri «ḥıfzı lâzım olan nesneye urdıḳları naḳş-ı mühr»dür. Ve ba'zı nüshada «ṭab'aş» gelmişdür. Şîn-ı zamîr **her kiye** râci' olur. Ma'nâ; «anuñ mizâcı» dimekdür. **Melûl**, «bî-ḥużûr» dimekdür.

﴿ ازوی آزارد خدا و هم رسول ﴾ Ol kimseden Ḥudâ vü Rasûl râzî olmaz. Zîrâ mihmâna «Tañrı müsâfiri» didikleri ma'lûmdur. İmdi Ḥudânuñ zayfindan melûl olandan Ḥudâ vü Rasûl râzî olmadığı bî-reybdür. Ve melâlet şâhibine mihmân gelmez ve gelse daḥı almaz. Pes anuñ müsâfir almaması ve mihmânüñ gelmemesi, ol kimsenüñ sū'-i ḥâline dâlldür. Nitekim ḥadîs-i şerîfde: بئس القوم لا ينزلون الضيف يأتي برزقه و يرتحل Zîrâ: الضيف يأتي برزقه و يرتحل vârid olmuşdur. Ve mihmândan melâlet ḥâşıl iden ḡayr-ı 'âḳıldur. Zîrâ: بئس القوم بئس القوم ḥadîs-i şerîfî bunda kâfidür. Ve bu ma'nâda dimişlerdür:

يا تارك البيت من الضيف

و يا هاربا منه من الخوف

ضيفك قد جاءك بزاده

فارجع و كن ضيفا على الضيف

﴿ بنده کو خدمت مهمان کند ﴾ Bir kûl ki o konuğa hizmet ider. Bunda nâzımuñ bende lafzını îrâdında olan nûkte zâhirdür. Murâd; mihmâna kûl gibi hizmet ü ri'âyet ider dimekdür.

﴿ خویش را شایسته رحمان کند ﴾ Kendüsini Raḥmāna lā'îk ider. Ya'nî; rahmet-i Raḥmāna lā'îk ider dimekdür. Şāyeste, [Ü387b] «lā'îk» ma'nāsınadır; mā-ba'dinde **Raḥmān** lafzına izāfet için âhirine hemze getirilmiştir.

[S401a] ﴿ هر که مهمانرا بروی تازه دید ﴾ Her kim ki konağı tâze yüz ile gördi. Ya'nî; besâmet-i vech ile beşâset ü ḥazz gösterdi.

﴿ از خدا الطاف بی اندازه دید ﴾ Hudâdan bî-kıyâs luṭflar gördi.

﴿ از تکلف دور باش ای میزبان ﴾ İy şâhib-i hâne! Tekellüfden dūr ol. Ya'nî; müsâfire iktidârûña göre ikrâm eyle; zaḥmete düşme dimekdür. **Tekellüf**, «zaḥmetlü işe düşmek»dür. **Mizbân**, «konuk alan kimesne»dür; mîz ile bândan mürekkebdür; «konuğu görüp gözedici» dimekdür.

﴿ تا کرانی نبودت از میهمان ﴾ Tâ ki konuḡdan saña sıklet gelmeye. **Girânî**, yâ'-i maşdariyye ile «ağırlık» ma'nāsınadır. Bunda zarûret-i vezn için mihmân lafzınuñ evvelinde olan mîmi işbâc lâzımdır.

﴿ هست مهمان از عطاهاى کریم ﴾ Konuḡ kerîm olan Mevlânuñ 'aṭâlarındandır. Nitekim müsâfir Tañrı müsâfiridir dirler. Bunda **hest**, «est» ma'nāsınadır.

﴿ هر که زو پنهان شود باشد لثیم ﴾ Her kim ki konuḡdan pinhân olur alçaḡ ola. Pes böyle alçaḡ kimesneye lecc ile konuḡ olmamağı îmâ için nâzım bu beytûñ zeylinde eyidür:

﴿ خیره بر خوان کسی مهمان مشو ﴾ Lecûc olduḡuñ hâlde bir kimesnenüñ süfresi üzre mihmân olma. 'Umûmiyyet-i hitâb için muḡâtabı ḥazf itmiştir. Münâdî-i maḡzûf kâ'idesinde «iy kes» dimekdür. **Ḥıyre**, «lecûc ve herze-gû ve şûḡ-dîde ve ŧonuḡ ve kamaşık» ma'nâlarındadır. **Ḥ'ân**, «süfrefe» ma'nâsına ve «her nesne ki içinde ta'âm ârâste iderler» itlâḡ olunur.

﴿ چون رسد مهمان ازو پنهان مشو ﴾ Çünkü konuḡ ulaşur andan pinhân olma. Ya'nî; müsâfir geldikde andan gizlenüp müteḡayyir olma ve lecc idecek rûtbeye varma dimekdür.

﴿ هر که مهمانت شود از خاص و عام ﴾ Hâşş u 'âmmdan her kim ki saña konuḡ olur. Bunda müsâfirûñ büyüğü ile küçüğü ikrâma sezâdur dimege îmâ vardır. Nitekim eyidür:

﴿ پیش او می باید آوردن طعام ﴾ Anuñ öñine ta'âm getürmek gerek. Der-aḡab müsâfire getürilecek ta'âma 'ucâle dirler. Pes 'ucâleyi ta'cîl gerekdür. Ve ḡable'l-ityân müsâfirden isti'zân hoşdur dimişlerdür. Ve mâ'ide gelinceye dek konuḡ şabr idüp mâ'idenün gelecek yolına [S401b] ḡâh u bî-ḡâh boyun uzatmamaḡ gerekdür. İmdi:

﴿ زانکه دارى اندک و بیش ای پسر ﴾ İy oḡul! Andan ki az ve çok ŧutar. [Ü388a] Ya'nî; ḡalîl ü keşîr iktidârûnda olan nesneden.

﴿ برد باید پیش درویش ای پسر ﴾ İy oḡul! Dervîşüñ ḡuzûrına iletmek gerek. **Bürd**, zamm-ı muvaḡhide ile «bürden» yirindedür; «iletmek» ma'nāsınadır. Bunda الكلفة طرح maẓmûnına îmâ vardır. Ve dervîşüñ öñine iletmek gerek ta'bîrinde; dervîş ḡapuña tereddüd eylemez ise de yanına ta'âm iletmek gerek dimege thâm-ı laṭîf vardır.

﴿ نان بده با جايغان بهر خدای ﴾ Açlara Allāh için etmek vir. Ya'nî; hasbeten lillāh fuḳarāya iṭ'ām eyle dimekdür. Bundan murād; efḍal-i şadaḳayı işle demek zāhirdür. Nitekim ḥadīṣ-i şerīfde: افضل ان تشيع كيدا جايغا vārid olmuştur. Zīrā “ādem yidürdigini toyurmalu” didikleri meşhürdür. Ve ḥazret-i 'Alī raḳīya'llāhu 'anhuḥ: kelām-ı münīfi üzre iṭ'ām-ı fuḳarāda ecr mevḫurdur. Anuñçün nāzım eyidür:

﴿ تا دهندت در بهشت عدن جای ﴾ Tā ki saña cennet-i 'Adnde mekân vire. Viren Ḥudādur. **Dehend** kelimesinüñ cenm' geldiği ta'zīm içündür. 'Adn, «bir cennetüñ ismidür» ve «tavaṭṭun u iḳāmet» ma'nāsına gelür. Bunda ma'neynüñ mülāyemeti zāhirdür ki ma'nā-yı evvele göre 'Adn lafzı behiştüñ şıfatıdır. Ve ma'nā-yı s̄anīye göre cāy-ı 'Adn demek üzre cāy lafzınuñ tetimmesindendür. Ma'nāsı; «cāy-ı iḳāmet» dimekdür. Ve 'inde'l-müfessirīn 'Adn feth-i 'ayn ve sükün-ı dāl ile cennetüñ ortası ve cümle cinānuñ efḍal ü a'lāsıdır. Kendüye 'Adn tesmiyesi ru'yetu'llāh için mevzi'-i ḳarār oldığıındandır. Nitekim maḳarr-ı cevāhire «ma'den» dinmiştür. Bunuñ beyānı şöyledür ki; a'lā-yı cinān olan cennet-i 'Adn, bir medīnede olan dār-ı mālīk menzilesindedür. Ḳaçan Ḥudā-yı müte'al mü'minlere tecellī-i cemāl murād eylese cümle ehl-i cinānı münādī ile cennet-i 'Adne da'vet ider. Herkes da'vet-i Mevlāya icābet ile 'Adne dāḥil ve herbiri merātibine göre menāzile vāsıl oldıḳda, Ḥudā-yı lā-mekân anları cemālīyle [S402a] şādān ider. (...[Ü388b]...) Pes nāzımuñ bu beytde cennet-i 'Adni ityānı; cāyī'leri iṭ'ām iden, seyr-i dīdār-ı Rabbü'l-enām ile maḫzar-ı in'ām u ikrām olur dimegi iş'ar içündür. Pes hasbeten lillāh iṭ'ām-ı cāyī'ān zeylinde ilbās-ı 'āriyān beyānına şurū' ile nāzım eyidür:

﴿ هرکه ثوبی بر تن عاری بود ﴾ Her kim ki çıplaḳuñ teni üzre bir geyecek virür. Ya'nî; bir 'uryānı kisvelendürür. **Şevb**, «ḳaṭān ve bīz yollu nesne»ye dirler. Fārisīde s̄ā'-i müşelleşe bulunmadığından meşelā; şevb ve şerā ve Süreyyā ve şakīb ve şevābit ve şemer ve şelāşe-i ḡaşşāle ve emşālī kelimeleri 'Arabīden aḫz idüp kendi luḡatleri gibi isti'māl iderler.

﴿ در دو عالم ایزدش یاری دهد ﴾ İki 'ālemde Ḥaḳḳ aña yardım ider. İ'ānetüñ envā'ı çokdur. Ez-cümle dünya vü 'uḳbāda me'āyib ü ḳabāyıḥuñ setr ider. [S402b] **Dü-ālem**den murād dünyā vü āḫiretdür. **İzid**, ism-i Ḥudādur; āḫirindeki şīn zamīr-i ḡā'ibdür; «her ki»ye rāci'dür. **Yārī**, «i'ānet» ma'nāsınadır. Ba'zı nüshada bu beytün mevḳı'ine bu vāḳı'dur:

﴿ بر تن عریان که بخشد جامه ﴾ Kim ki bir 'uryānuñ cesedine bir cāme iṭ'ā vü iḥsān ider.
﴿ حق دهد او را ز رحمت نامه ﴾ Ḥaḳḳ te'alā aña raḫmetinden bir nāme virür. Nāme-i raḫmet, düzaḫdan berā'et nāmesidür. Nitekim şā'irüñ:

همه دیانت و دین جوی و نیک رایی کن
که سوی خلد برین باشدت کذر نامه

beytiyle müsteşheddür. Güzer-nāme; seyyāḥ ve ebnā'-i sebīl maḳūlelerine bācdārān ve ḡayrıdan ta'arruż olunmamaḳ için ḥukkām-ı devlet tarafından virilen izn-nāmedür ki aña mu'āf-nāme dirler. Ve Fārisīde aña ḥaṭṭ-ı cevāz ve berāt-ı müsellemlī daḫı dirler.

﴿ کر بر آری حاجت محتاج را ﴾ Eger bir muhtâcuñ hâcetin hâşıl idesiñ. **Ber-ārī**, yā'-i hîṭāb ile huşûle getüresin dimekdür.

﴿ بر سر ان اقبال یابی تاج را ﴾ İkbāl ü saʿādetden başuñ üzre tâc bulursın. Yaʿnî; mazhar-ı ʿavn
 ü ʿināyet-i lâ-yezāl olursın dimekdür. [Ü389a] Nitekim ḥadîṣi şerîfde: من كان في حاجة اخيه كان الله في
 حاجة vârid ve daḥı ʿonne şâdır olmuştur.

﴿ هرکړا باشد بدولت بختيار ﴾ Her kim ki devlet ile bahtiyār ola. Yāhūd; her kime ki devlet ile baht yār ola dimekdür. Ammā bu maḥnāca baht ile yār lafzları munfaşıl yazılmalıdır.

﴿ خیر ورزد در نهان و آشکار ﴾ Gizlüde ve âşkarda hayra sa‘y eyledi. Ya‘nî; sırran ve ‘alâniyyen eyülük ve kereme sâ‘t oldı dimekdür. Pes sâ‘t bi’l-hayr olanuñ sa‘âdet-mend olmasında من ينفع الناس خیر hādīs-i şerīfi kâfīdür.

ای پسر هر کز مخور نان بخیل } İy oğul! hergiz bağılūñ nānını yime.

﴿ کم نشین در عمر بر خوان بخیل ﴾ ‘Ömrde baḡlülñ süfresi üzerine oturma. Murād; müddet-i ‘ömrde baḡlülñ süfresine varma dimekdür. Zîrâ bunda **kem-nişîn**, «hîç oturma» demek ma‘nâsınadır. Nâzımuñ ‘ömr zikrinde, baḡlülñ süfresine oturmağ ancak bir vâkı‘ olur; anda daḡı süfresine varma dimege tihām-ı laṭîf vardır. Zîrâ:

﴿ نان ممسك جمله رنجست و عنا ﴾ Baḡlūñ nānı cümle renc ü ‘anādur. **Mümsik**, [S403a] zamm-ı mīm ile «baḡlīl» ma‘nāsınadır. Ve sümsik vezninde olduğundan zurefâ-yı ‘Acem نان ممسك dimişlerdir. Sümsik; mechülû’n-neseb olan alçağ kimesneye dirler. Ḥattâ baḡlūñ da‘vetine «teklîf-i Semerḡandî» dirler. Teklîf-i Semerḡandî; Fâriside gönülsüz teklîf ü maḡabbete ve kapu başırıgına ve bu itibâr ile ‘avretinüñ maḡlûbı olana dirler. Baḡilde bunların bulındığı zâhirdür. **Renc**, bunda «maraż» ma‘nāsınadır. **U(ve) ‘anā** renc üzerine ma‘tûfdur; «zaḡmet ü meşekḡat ma‘nāsınadır. Pes bunda طعام البخيل mażmûn-ı şerîfine telmîḡ vardır. Buña göre nâzımuñ ta‘ām diyecek yırde **nān** ile ta‘bîrinde; mümsik yidürmek lâzım gelse ancak nān-ı huşke kıyar. Yoksa tedârük-i ta‘ām ile iṭ‘ām anuñ işi degüldür dimege ihām-ı laṭîf vardır. İmdi yimek lâzım geldikde ta‘ām-ı şahîden gâfil olma. Zîrâ:

﴿ میشود نان سخی جمله دوا ﴾ Şahînüñ ʔaʕāmı cümle devâdur. Nitekim haber-i şeref-eşerde طعام
السخی gelmişdür. Bunda **nān**, ʔaʕām maʕnāsına oldığı nümâyândur. Pes nāzım, şahînüñ ʔaʕāmı şifâ
imiş diyü bilâ daʕvet gitme dimegi beyân için eyidür:

﴿ تا نخواستند بخوان کس مرو ﴾ Mā-dām ki seni da‘vet itmeyeler; kimsenüñ süfresine gitme. Ma‘lûm ola ki da‘vetüñ ve da‘vete icâbetüñ âdâb u şerâ’îtı vardır. Pes şâhîb-i da‘vet üzerine lâzım olan âdâb; evvelen elden geldikce hasbeten lillâh etkiyâyı da‘vet eylemekdür. Şâniyen ‘umûm da‘vetinde fuķarâyı kaşd eylemekdür. Şâlişen, da‘vet-i ahbâbda [Ü389b] akribâsını ihmâl itmemekdür. Râbi‘an herkesüñ merâtibine ri‘âyet itmekdür. Hâmisen, da‘vetden mübâhât kaşd itmemekdür. Sâdisen, yârândan ve ihvan içinden ism-i nebiyy-i ekrem müsemmâ bir kimesnenüñ bulunmasına sa‘y itmekdür; tâ ki o ta‘âmda berekât bulına. Nitekim: من بركة الطعام ان يكون عليه رجل اسم نبي hadîs-i şerîfi buñâ şâhidür.

Sābi'an, meclisde müte'ezzī olacağı bildirgi kimseyi da'vet itmemekdür. Šāminen, tedārük eylediği ta'āmı hālāl mālдан itmekdür. Ammā icābetün ādābı; evvelen, icābetün vācib ü cā'iz olanuñ bilmekdür. Dāṭ-i müslimün 'urs da'vetine icābet vācibdür. [S403b] 'Ursuñ ğayrında icābet cā'izdür. Šāniyen, icābeti aġniyā da'vetine taḥṣīṣ eylemeyüp fuḳarā ile aġniyāyı bir görmekdür. Šālisen, taṭavvu'an şavmı imtinā'a 'illet eylememekdür. Rābi'an, ol meclisde münkir bulunmamaḳ ve şāhib-i da'vet zālīm veyā fāsiḳ veyā nā-kes ü baḥl il veyā da'vetiyle iftiḥār idici olmamaḳdur. Ḥāmisen, bir kimseyi daḥı bilā-izn: "Gel! Fülān yire gedelüm" diyü da'vet ile fuzūlī hareket itmemekdür. Sādisen, vardığı yirde şadr da'vāsına düşmeyüp şāhib-i ḥānenün ta'yīn eylediği mekānı iḥtiyār itmekdür. Sābi'an, icābet ile iḥyā'-i sünnet ve celb-i ḥāṭır-ı şāhib-i da'veti niyyet eylemekdür. Šāminen, da'vetde olan ta'āmuñ ḥarām idigin bildikde icābetden mübā'adet ü mücānebet itmekdür. Nitekim nāzım şarḥ-ı šāmini beyanda eyidür:

﴿ وز پی مردار چون کر کس مرو ﴾ Ve murdardan ötüri kerkes gibi gitme. **Ve'z-pey-i murdār**, «murdardan ötüri» dimekdür. Murdār, «cīfe» ma'nāsınadır. Bunda murād; luḳme-i ḥarāmdur. **Çun kerkes**, «aḳbaba didikleri kuş gibi» dimekdür. Mezḳūr kuş çaylaḳ gibi murdār-ḥ'ār olduğu için bunda müşebbehün biḥ vāḳı^c olmuştur. **Me-rev**, nehy-i ḥāzırdur; «gitme» dimekdür. Ve bunda; da'vetsiz gitme ki bilā-izn bir kimsenün ta'āmını yimeyesin; zīrā bilā-izn ekl-i ta'āmu' l-ġayr ḥarāmdur demek mümkindür.

﴿ چشم نیکی از خسیس و دون مدار ﴾ Ḥasīs ü alçaḳdan eyülük ümīdin tutma. Ya'nī; ādemlik umudında olma dimekdür. **Çeşm**, bunda «ümīd» ma'nāsınadır. **Ḥasīs**, «menfa'atsiz olan alçaḳ nesne»ye dirler. Muḳābili nāfi^c ü nefisdür. **U(ve) dūn**, ḥasīs üzre ma'tūfdur; «alçaḳ» ma'nāsınadır. **Me-dār**, «tutma».

﴿ سقف ویرانرا تو بر استون مدار ﴾ Vīran olmuş ṭamı sen direk üzre tutma. Ya'nī; bu muḥāl olduğu gibi ḥasīs ü dūndan eyülük ümīdi muḥāldür; eyülük ümīd itme dimekdür. **Saḳf**, 'Arabīde ve Fārisīde «ṭam örtüsü» ma'nāsınadır. **Üstün**, «direk» ma'nāsınadır.

﴿ کر کنی خیری تو ان از خود مبین ﴾ Eger sen bir ḥayr ider iseñ ol ḥayrı kendününden görme. Ya'nī; atāyā-yı Ḥaḳḳ ve tevfiḳ-ı Feyyāz-ı muṭlaḳdan bil dimekdür. Pes bunda; ḥasīs ü dūn şıfatıyla muttaşif olmayup, eyülükden girü ḳalma [Ü390a] dimege işāret ve ol eyüligi Ḥudādan bil dimege naşīḥat vardır.

﴿ هر که بینی نیک بین و بد مبین ﴾ [S404a] Her ne görür iseñ eyü gör; kötü görme. Ya'nī; her 'amelūñi eyü eyle; kötü eyleme dimekdür. Bunda **ki** lafzı «çi» ma'nāsınadır. Nitekim ba'zı nüshada ki yirine çi gelmiştir. Yāḥod; her gördigüne ḥüsn-i zann eyle; kötü zann itme dimege daḥı iḥām vardır.

Der-^cAlāmethā-yı Gül u Eblehān u Aḥmaḳān

﴿ سه علامت دانکه در احمق بود ﴾ Aḥmaḳda üç 'alāmet ola. **Aḥmaḳ**, «ḳalilü'l-'aḳl» ma'nāsınadır. Nitekim şāhib-i Muḥāzarāt eyidür: Liḥyenün maḥracı dimāgdandur. Pes liḥyesi ifrāt-ı ṭul ile dirāz olanuñ dimāġı az olur ve dimāġı az olanuñ 'aḳlı az olur ve 'aḳlı az olan aḥmaḳdur dimişlerdür.

Lâkin nâzımuñ kelâmında aḥmak muṭlaqâ «câhil ve Hudâdan ġâfil» maʿnâsinadur; gerek ḳaba ṣaḳal olsun ve gerek küsec-i bî-miṣâl olsun ḥumḳına ʿalâmet-i selâse delâlet ider. Nazar ʿalâmetedür; şürete degüldür.

﴿اولا غافل زياد حق بود﴾ Evvelâ Hudâyı aḥmakdan ġâfil ola. Yaʿnî; Hudâyı ve zıkr-i Mevlâyı unutmak üzere ola dimekdür. Böyle olmak ʿalâmet-i ḥamâkatdûr. Ve daḥı:

﴿كفتن بسيار عادت باشدش﴾ Çok söylemek aña ʿâdet ola. Ve daḥı:

﴿كاهلی اندر عبادت باشدش﴾ Aña ibâdetde kâhilluk ola. İmdi:

﴿ای پسر چون احمق و جاهل مباش﴾ İy oğul! Aḥmak u câhil gibi olma.

﴿يکدمی از یاد حق غافل مباش﴾ Bir dem zıkrı'llâhdan ġâfil olma. Bundan murâd; dâ'imâ Hudâyı aḥ dimekdür. Nitekim ḥadîs-i şerîfde vârid olduğu üzere Faḥr-i ʿâlem şalla'llâhu ʿaleyhi ve selleme efḍal-i aʿmâlden su'âl eylediklerinde, cevâb-ı müsteṭâbında: ان تموت و لسانک رب بذكرالله buyurmuşdur. İmdi:

﴿هرکه او از یاد حق غافل بود﴾ Her kim ki Ḥaḳḳı zıkrden ġâfil ola.

﴿از حماقت در ره باطل بود﴾ Ḥamâkatden nâşî bâṭıl yolda ola. Ğafletüñ ḥamâkat ve ḥamâkatüñ beṭâletden ʿibâret olduğu maʿlûmdur. Nitekim haberde gelmişdür ki ḥazret-i Kelîm ʿaleyhi's-selâm: “Yâ Rabb! Sevdigün ḳul kimdür?” diyü Hudâdan istiʿlâm eyledikde Ḥaḳḳ celle ve ʿalâ buyurmuş ki: “Ḳaçan bir âdeme maḥabbetümi ilkâ eylesem anda iki nişân ḥalk iderem ki melekût u semâvâtda yâd ola. Ve daḥı anı suḥtûmdan ḥıfz iderem ki ʿazâbdan âzâd ola. Ammâ kaçan bir ḳuluma suḥtı ilkâ eylesem [S404b] anda daḥı iki nişân ḥalk iderem. Şöyle ki; evvelâ beni zıkr eylemegi aña unuttururam. Ve daḥı kendüyi nefsi ile kendü beyninde ḳılarım ki meḥârima vara. Bâṭıla düşüp suḥt u ʿazâba mazḥar ola.” intihâ. Neʿûzü bi'llâhi teʿâlâ. İmdi:

﴿هیچ از فرمان حق کردن متاب﴾ Ḥaḳḳuñ buyırğından hîç yüzini çevürme. Yaʿnî; evâmiru'llâha imtişâl [Ü390b] ve nevâhîden ictinâb eylemekden aṣlâ ifrâz eyleme dimekdür. **Fermân**, bunda «buyruḳ» maʿnâsinadur. Ve gâhî aḥkâm-ı pâdşâhî maʿnâsına olur ki ana menşûr dirler. **Gerden**, kâf-ı ʿAcemîñüñ fethiyle «boyun» maʿnâsinadur. **Me-tâb**, nehy-i ḥâzırdur; «bükme» dimekdür.

﴿بهر وام ازاده را دامن متاب﴾ Borç için âzâde olan kimsenüñ dāmânını bükme. Yaʿnî; ne vechile olur ise sıḳlet virme dimekdür. Zîrâ âzâdegānuñ yedinde māl bî-ḳarâr olmağın her bār yanlarında bir nesne bulunmaz. Pes anlara sıḳletden iʿtâ'-i mühlet ve yâḥod ḥüsn-i rızâ birle ibrâ'-i zimmet ve bu bahâ ile iştirâ'-i cennet hoşdur. Nitekim Ebû Hüreyre rivâyetiyle ḥadîs-i şerîfde gelmişdür ki: من انظر معسرا او وضع له اظله الله تحت ظل عرشه يوم لا ظل الا ظله Yaʿnî; her kim bir faḳîr-i medyûna mühlet virse yâḥod deyninden tenzîl eylese Hudâ-yı müteʿâl ol kimseyi ظله الا ظله da taht-ı ʿarşda sāye-nişîn-i cennet ve ḳarîn-i kerâmet ü ḥimâyet eyleye dimekdür dimişlerdür. Kezâ fî-Mebârîḳ. Ve ḥadîs-i şerîf-i diğerde غريمك اسيرك فاحسن vârid olmuşdur, kezâ-fî-Tefsîri'l-Ḳâdî. **Âzâde**, taʿlîḳât-ı dünyeviyye ve zarûrât-ı beşeriyyeden ḳurtılmış kâmil ü bî-ʿayb maʿnâsinadur ki anlar ḥavâdişât-ı ʿâlemden maşûnlardur. Nitekim:

از حوادث دل آزاده چه پروا دارد

چهره' سرو ز بیداد خزان زرد نشد

maẓmūnı bu ma'nāya dālıdır. *Mıṣra'*

Ber-murād olmazsañ olma tek hemān āzāde ol

didikleri buña binā'endür. Lākin bu maḳāmda faḳīr-i tehī-dest ma'nāsı rüşendür, *beyt*:

بسرو گفت یکی میوه' نمی آری

جواب داد که آزادگان تهی دستند

bu beyāna kāfıdır. Pes serve āzāde tesmiyesinūñ vechi bundan zāhırdür. Lākin ba'zılar buyurmuşlardır ki: Bir gün bir kimse bir şecer-i servi ḳaṭ'a mübāşeretde iken Mecnūn ibni 'Āmir aña baḳup: [S405a] "Bu dirāht-ı serv ma'şūḳam Leylānuñ ḳadd-i bālāsına müşābih iken anı ḳaṭ' itdürmek revā degüldür" diyü ḳable'l-ḳaṭ' ol dirāht-ı servi ol kimseden iştirā ve ḳaṭ'dan āzād eyledigi için her bir serve āzāde tesmiye olmuştur, kezā-fi-Ferheng.

﴿ باطلانرا ای پسر کردن منه ﴾ İy oğul! Bāṭıllara boyun ḳoyma. Ya'nī; Ḥaḳḳa muḥālif olanlara

boyun egme. Zīrā المعصية الخالق في maẓmūnınca anlara iṭā'at u meyl cā'iz degüldür.

Ba'zı nüshada «bāṭılī-rā» vāḳı'dur; ma'nāsı «bir bāṭıl» dimekdür. Bāṭıl, Ḥaḳḳuñ ḥılāfı üzre olandır.

﴿ نقد مردم را بهر کودن منه ﴾ Merdān-ı İlāhī naḳdini her aḥmaḳa ḳoyma. Ya'nī; esrār-ı evliyā

vü dürr-i me'ārif-i bī-hem-tāyı her nādāna revā görme ve bu bābı anlara açma dimekdür. **Kūden**, aşlında «pālān bār-gīri»ne dirler. Bu i'tibār ile aḥmaḳa kūden dimişlerdür. Pes aḥmaḳ, ḥar-mişäldür. Ḥara cev gerekdür; yoksa cevāhir gerekmez dimekdür.

﴿ در قضای آسمانی دم مزن ﴾ Ḳazā-yı āsmānīde dem [Ü391a] urma. **Ḳazā-yı āsmānī**, ḳalem-i

ḳazā ile nigāšte-i levḥ-i maḥfūz ve ānan-fe-ānan semādan nāzil ü melḥūz olan aḥkām-ı İlāhīdür. Pes bundan baḥs cā'iz degüldür. Nitekim ḥaberde سر الله لا تكلّموا في vārid olmuştur. İmdi her aḥkām, müşbet-i ezeli-i Ḥaḳḳ üzre iken te'sīrāt u aḥkāmı feleke nisbet ḥaṭādur. Nitekim Ḥ'āce Ḥāfızuñ *beyt*:

راز درون پرده چه داند فلک خموش

ای مدعی نزاع تو با پردهدار چیست

bu beyānı müşīrdür. Rāz-ı derūn-ı perdeden murād ḳazā-yı İlāhīdür; ve perdedārdan murād felekdür ki ḥavādişüñ ekseri anuñ gerdişi ile zuhūr bulur. Lākin fā'il-i muḥtār olan Perverdgārdan emrsiz olmaz ve ḳazādan dem uran felāḥ bulmaz. Anuñçün bu mu'ammāyı ne keşf itmiş ve ne keşf ider vardır dimişlerdür.

﴿ هر کسی را بیش بین و کم مزن ﴾ Herkesi ziyāde gör; eksik görme. Ya'nī; herkesi 'aziz gör;

ḥor u ḥaḳīr görme dimekdür. Nitekim dimişlerdür, *beyt*:

هرآنکس که نزدیک ظنت بدوست

چه دانی که صاحب ولایت هم اوست

Pes āḥarı istiḥḳār, kibr ü 'ucbdan nāşīdür. 'Āḳıl olan müteḥāşī gerekdür.

﴿ دست خود را سوى نا محرم مدار ﴾ [S405b] Kendi elüñi nā-maḥrem tarafına tutma. Yaʿnī; nā-maḥreme el uzatma. Kānde qaldı ki muʿāmele-i nā-şerʿiyye eylesin dimekdür. Nitekim لا تقربوا الزنا ayet-i şerʿfinüñ tefsīrinde: ای بالعزم والاتيان بالمقدمات فضلا ان تباشروه buyurmuşlardır. Ve nāzımuñ zikrinde aʿzā için daḥı zinā vardır dimege imā vardır. Nitekim mü'min'in ü mü'mināt ber-mücib-i āyāt gazz-ı ebşār ve hıfz-ı fūrūc ile me'mūr olmuşlardır.

﴿ جانب مال یتیمان هم میار ﴾ Yetimlerin mālī tarafına daḥı getürme. Yaʿnī; māl-ı yetime yaḥīn olma. Kānde qaldı ki emvāl-i eytāmı taşarruf idesün dimekdür. Nitekim لا تقربوا مال الیتیم ayet-i şerʿi bu vechile müfesserdür. İmdi yetime riʿāyet ve emvālını şıyānet lâzımdır. Nitekim ḥadīs-i şerʿde يا انس یا ans vārid olmuştur. **Me-yār**, nehy-i ḥāzırdur; «getürme» dimekdür.

﴿ تا توانی راز با همدم مگو ﴾ Tā ki qādirsin sırıñı işüñe söyleme. Zīrā كل سر جاوز الاثنین شاع dur.

﴿ کر تو باشی نیز با خود هم مگو ﴾ Eger sen daḥı olasın hem kendüñe daḥı söyleme. Yaʿnī; tenhāda kendi kendüñe daḥı söylenme. Zīrā dīvārlaruñ kulağı vardır didikleri meşhūrdur. Murād maʿlūmdur. Nitekim İbnü Yemīn buyurmuşdur:

دی شب [Ü391b] سخنی بگفتم از روی نهفت

بیرون رفتم همه آنرا میگفت

من بودم و دل بود کسی غیر نبود

با دل سخن خویش نمی باید گفت

﴿ تا شوی ازاد و مقبل ای عزیز ﴾ Tā ki āzād u maḥbūl olasın iy ʿazīz! **Āzād**, bunda «kāmīl ü bī-ʿayb» maʿnāsınadır.

﴿ بی طمع می باش اگر داری تمیز ﴾ Eger idrāk ü temīz tutar iseñ bī-ṭamaʿ ol. Yaʿnī; ṭamaʿkār olma. (...[S406a]...)

Der-Şıfat-ı Fāsık

﴿ هست فاسق را سه خصلت در نهاد ﴾ Fāsıkuñ tabʿında üç ḥaşlet vardır.

﴿ باشد اول در دلش حب فساد ﴾ Evvel bu ki anuñ göñlinde maḥabbet-i fesād ola. Pes fesāduñ mezmūmiyyeti, mezemmet-i müfsidinde nāzil olan āyāt-ı şerʿfeden maʿlūmdur. Qaldı ki ḡalbde olan fesād müfādınca ḥarekāt u sekenātından nümāyāndur.

﴿ حرفتش آزدن خلق خداست ﴾ Anuñ şanʿat u ʿādeti ʿibādu'llāhı incitmek ola. Ḥaşlet-i şāniyye budur. Ammā ḥaşlet-i ḡālīşe:

﴿ دور دارد خویش را از راه راست ﴾ Kendüsini ṭarīḡ-ı müstaḡimden ırāḡ tutar. Yaʿnī; ṭarīḡ-ı şerʿ-ı Muḥammediden mübāʿadet ve güm-rāhlık ider dimekdür. Pes bunda fāsık için ḥaṭar-ı ʿazīm vardır.

Der-Şıfat-ı Şaḡī

﴿ سه علامت ظاهر آید در شقی ﴾ Şaķīde üç ‘alāmet zāhir geldi. [Ü392a] **Şaķī**, «bed-baht ve yaramaz» ma‘nāsına. Ol ‘alāmetlerüñ biri dağı budur ki:

﴿ میخورد دائم حرام از احمقی ﴾ Ahmaqlığından nāşī dā’imā ḥarām yir. Ekl-i ḥarāmı ḥamāķate nisbetde; ‘āķıl ḥarāmı ahyānen yimez, қande қaldı ki ‘ale’d-devām ekl-i ḥarām eyleye? dimege imā vardır. Ve ‘alāmet-i bāķıyye bunlardır ki zıkr olunur:

﴿ بی طهارت باشد و بی کاه خیز ﴾ Tahāretsiz ola ve vaķtsiz қalkıcı ola. **Bī-tahāret**, «tahāretsiz» dimekdür. Tahāret, necāset-i ḥaķīķī ve ḥükmiden pāklükdür. Pes kendüde bu vechile tahāret bulunmayanda t̄a‘atüñ ‘ademi āşķardur. Zīrā tahāret, miftāḥ-ı ‘ibādetdür. Bu ma‘nāca şaķī murdārdur. **Bī-gāh-ḥīz**, terkīb-i tavşīfidür; «vaķtsiz қalkıcı» dimekdür. Vaķtsiz қalkmaq; çok yatmaq ve vaķt-i t̄a‘atde nevmе müstağraq olmaқdan ‘ibāretdür ki [S406b] buña nevm-i gāfilin dirler. Ve bu mışrā‘uñ mefhūmı üzre ‘alāmāt-ı mezkūrenüñ bu da biridür. İmdi bu vechile bī-tahāret olanuñ zāhir ü bāḫını nā-pāk olmağa, bī-gāh-ḥīz kelāmı қarīnedür. (...)

﴿ هم ز اهل علم باشد در کرین ﴾ Hem ehl-i ‘ilmden firārda ola. Ya‘nī; ‘ālimden ve meclis-i ‘ilmden gürizāñ ve tābi‘-i hevā-yı nefis ü şeyṭān ola dimekdür. Pes şaķīnūñ bu vechile firārına sebeb, cehlinden nāşī ‘ilmden lezzet almadığıdır. Binā’en ‘aleyh aña şaķī-i ahmaқ dinmişdür. Ve Ebu’l-Leyṣ bunlara ehl-i nār ismiyle tesmiye idüp ‘alāyimleri ‘ubs-i vech ve fuḥş-ı lisān ve қasvet-i қalb ve қillet-i şalāt ve naқz-ı şavm ve buḥl-i yed dinmişdür, intihā. İmdi:

﴿ ای پسر مکرین از اهل علوم ﴾ İy oğul! Ehl-i ‘ilmden kaçma. Ya‘nī; ‘ālime ḥizmet ve meclis-i ‘ilme mülāzemet ve sözleriyle ‘amel ve it̄a‘at eyle.

﴿ تا نسوزد [Ü392b] مر ترا نار سموم ﴾ Tā ki seni ıssı āteş yaқmaya. Bundan murād āteş-i düzaḥdır. Zīrā Qur’ān-ı kerīimde **nār-ı semūm**, şiddet ü ḥarāret şāḥibi olan āteş ile tefsīr olınmışdır. Şiddet-i ḥarāretüñ kemāli ise nār-ı cehennemde idigi vāreste-i қayd u beyāndur.

﴿ تا توانی هیچ کس را بد مگو ﴾ Mā-dām ki қādirsin hīç kimseye nā-ma‘ķūl söyleme. Zīrā gayra nā-ma‘ķūl söyleyen, nā-ma‘ķūl işidür dimekdür.

﴿ پیش مردم هم ز باب خود مگو ﴾ Halk öninde hem kendi bābuñdan söyleme. Ya‘nī; kendi kendüñi [S407a] medḥ itme dimekdür. Zīrā temeddüḥ ekşer ‘ucb u kibr ü gürürdan nāşī olur. Ḥod bular ise mezmūmdur. Ve temeddüḥ şūretinde kizb bulunmaq dağı ağlebdür. Kizbüñ ḥālī ise ma‘lūmdur. Pes bunda تَزَكُوا انْفِسْكُمْ āyet-i şerīfine telmiḥ zāhirdür.

﴿ با طهارت باش و پاکی پیشه کن ﴾ Tahāret ile ol ve pākligi ‘ādet eyle. Pes nāzımuñ tahāretile ol didigi; necāset-i ḥükmī vü ḥaķīķiden cevāriḥ ü eşvābuñı pāk eyle ve tahāret-i kāmile ile pāklügi ‘ādet eyle dimekdür. Pāklügi ‘ādet itmek ekşer-i ḥālde āb-dest ile olmaq ve ‘ulemā’-ı āḫiretüñ ‘ādetin tutmaқdan ‘ibāretdür ki anlar ‘indinde pāklük dördür. Evvel, zāhiri nesneden taṭḥīr; şānī, cevāriḥi zünubdan taṭḥīr; şālīs, қalbi aḥlāķ-ı zemīmeden taṭḥīr; rābi‘, sırrı cümle mā-sivādan taṭḥīrdür. Sırr, bunda maḥabbetden ‘ibāretdür. İmdi maḥabbet-i mā-sivādan dūr ve ancaқ maḥabbetu’llāha maḥşūr olmaq kemāl-i taṭḥīrdür.

﴿وز عذاب کور نیز اندیشه کن﴾ Daḥı ‘azāb-ı qābrden bir endīşe eyle. Ya‘nī; ‘azāb-ı qābre sebeb olan bevliden şevb ü bedenüñi hıfz u pāk tūt dimekdür. Ve bevlüñ ‘azāb-ı qābre sebebiyyeti استنزهوا من من hadīs-i şerīfiyle sâbitdür. Nâzımuñ bu mışrâ‘ında ‘azāb-ı qābri münkir olanlara redde ve ‘avākıb-ı umūr-ı qābri fikr eyle dimege ve tahâret idecek nesneler içinde huşuşıyle bevl ve emşâli murdârlardan pāk olmağa işâret vardır. Ve tahârât-ı kâmile, dâfî-i ‘azāb-ı qābr idigine daḥı imâ vardır. Nitekim Faḳîh Ebü Yūsuf rahimehu’llâh buyurmuşdur ki ‘azāb-ı qābrden necât dört şey’e mülâzemet ve dört nesneden mücânebete mevķüfdür. Mülâzemet idecek dört şey; muḥāfaza-i şalât-ı ḥamse ve şadaqa ve kırâ’et-i Qur’ân ve zıkr-i Sübhândur. Ammâ mücânebet idecek dört nesne; kızb ve nemîme ve ḥıyânet ve bevl-i ‘ale’l-bedendür, kezâ-fi-Kitâbi’l-Ezkâr.

﴿مغفرت خواهی کره بر زر مبند﴾ Mağfîret diler iseñ altun üzerine düğüm bağlama. Ya‘nī; aqçanuñ üzerine düğümü düğüm üzerine urup buḥl ü hırş sıfatıyla muttaşif olma [Ü393a] ve yiyüp yidürmeden girü qalma dimekdür. Nitekim nâzım eyidür:

﴿چون رسد مهمان برویش در مبند﴾ Çünkü saña qonaq irişse yüzine qapu bağlama. [S407b] Ya‘nī; meşârifden qaçmaq sebebiyle müsâfiri redd ve bâbuñı sedd eyleme. Tâ ki mazhar-ı mağfîret ve nâ’il-i ‘izz ü sa‘âdet olasin dimekdür. Ve bu beytde ḥasbeten lillâh şarf olınacaq mâluñ efḍal-i maşrafi müsâfir ve müsâfire ikrâm ba‘is-i gufrândur dimege işâret-i pür-beşâret vardır. İmdi aqçası girih-bend ve bâbı mesdûd olan baḥlülüñ gufrândan ḥırmânı bundan nümâyândur. Binâ’en ‘aleyh nâzım beyân-ı baḥş-i baḥîle şurû‘ idüp buyurmuşdur.

Der-Beyân-ı Baḥîl

﴿سه علامت ظاهر آمد در بخیل﴾ Üç ‘alâmet baḥîlde zâhir geldi. Pes bunda baḥlülüñ çokdur; lâkin zâhir olan ‘alâmetleri üçdür dimege imâ vardır.

﴿باتو کویم یاد کیرش ای خلیل﴾ Saña söyleyem; anı yâd tūt. Ya‘nī; der-hâṭır u ez-ber eyle.

﴿اولا ترسان بود از سائلان﴾ Evvelâ sâ’illerden qorqıcı ola. Ya‘nī; sâ’il yüzini görmekten nefret ve bir nesne taleb ider diyü ḥaşyet ider. **Tersân**, «qorqıcı» ma‘nâsına şıfat-ı müşebbehedür.

﴿وز برای جوع هم لرزان بود﴾ Ve daḥı açlıqdan öturi ditreyici ola. Ya‘nī; kendüye açlık fâri olur diyü fikrinden lerzân olur dimekdür. **Lerzân**, «ditreyici» ma‘nâsına şıfat-ı müşebbehedür.

﴿چون رسد در ره بخویش و آشنا﴾ Çünkü yolda qarîb ü âşnâya teşâdüf eyleye. Ya‘nī; nâ-gâh yol üzerinde ḥışım u aqribâ vü aḥbâb u âşnâdan bir kimseyi göre dimekdür. Görüşmegi nâzımuñ yola qaşırında nükte-i laṭife vardır.

﴿بگذرد چون باد کوید مرحبا﴾ Yıl gibi şavışur; merḥabâ dir. Ya‘nī; السلام يحب الكلام olur diyü eglenmeyüp rûzgâr gibi şavışur ve merḥabâyı ‘aqabince söyler ve selâm u şabâḥ ile isti‘lâm-ı ḥâle qatlanmaz dimekdür. **Merḥabâ**, bunda baḥlülüñ sedd-i bâb-ı mükâlemede ḥâtime-i kelâm-ı sür‘at-nizâmını ifâde zımnında bir ta‘bîrdür. Yoksa aşl ma‘nâ-yı mevzû’un lehi üzre oldıgın beyân degüldür. Zîrâ merḥaben, maşdar-ı mîm-i ‘Arabîdür; bir fîl-i muqadderüñ mef‘ûlidür. Ta‘bîri: اتيت سعة فاستانس

dimekdür. Türkîsi; «hoş geldüñ» dimekdür. ‘İkrime rażıya’llāhu ‘anhuñ seferden kudümünde, Faḥr-i ‘ālem şallallāhu ‘aleyhi ve sellem kendüye: “مرحبا بك يا عكرمة” diyü buyurmuşdur. Pes baḥl-i mezbūruñ hevā-yı merḥabāsından ğayrı bir nesne olmaz. Anuñçün nāzım eyidür:

﴿ نبود [S408a] از مالش کسی را فائده ﴾ Anuñ mālından kimseye fā’ide olmaya. **Māleṣ**de olan şīn zamīrdür; baḥile rāci’dür. Bundan murād; ḥāl-i ḥayātında dimekdür. Zīrā baḥlūñ māl-i metrūkesi vārişlerine tamām fā’idedür.

﴿ کم رسد پاکس ز خوانش مائده ﴾ Anuñ süfresinden kimseye mā’ide ulaşmaya. Zīrā *beyt*:

کر بجای نانش اندر سفره بودی آفتاب

[Ü393b] تا قیامت روز روشن کس ندیدی جز بخواب

maẓmūn-ı laṭife-meşḥūnı üzre süfresi açılmaz ki ṭa‘āmından bir kimse ḥışşamend ola dimekdür. **Mā’ide**, bunda «ṭa‘ām» ma’nāsınadır.

Der-Beyān-ı Ḥācet Ḥāsten

﴿ حاجت خود را مجوی از زشت روی ﴾ Kendi ḥācetüñi çirkīn yüzlüden isteme. **Zişt-rūluḳ**, ‘abāset-i vechden veyā Sūdān gibi ḳabīḥu’l-manẓar olan nekbet-i idbārdan ‘ammdur. Nitekim Şeyḫ Sa’dīnūñ: بخشیدم عطای او بلقائ او

من علم الاسود المحضی مکرمه

ءاباؤه السود ام اجداده الصيد

buyurduğı meşhūrdur. İmdi:

﴿ آنکه دارد خوب روی از وی بجوی ﴾ Ol kimse ḥūb-rūy tutar; ḥāceti andan ṭaleb eyle. Zīrā ḥayrı vüçūh-ı ḥisāndan ṭaleb itmek gerekdür. Bunda **ḥūb-rūluḳ**, beşāset-i cemāl ma’nāsınadır. **Bi-cūy**, emr-i ḥāzırdur; «ṭaleb eyle» dimekdür. Nitekim buyurmuşlardur, lillāhi derrü’l-ḳā’il:

هر کرا صورتش بود محبوب

سیرتش هم ازان بود خوشتر

اکرت هست حاجت از وی خواه

که نیابی کسی ازان بهتر

Terceme:

Her kimüñ k’ola şūreti maḥbūb

Sīreti hem daḥı ola hoşter

Ḥācetüñ varsa andan eyle ṭaleb

Ki bulunmaz o kimseden bihter

﴿ مؤمنی را با تو چون افتاد کار ﴾ Çünkü bir mü’minüñ saña işi düşdi.

﴿ تا توانی حاجت او را بر آر ﴾ Ḳādirsen anuñ ḥācetin ḥāşıl eyle. Nitekim Fuẓayl bin ‘İyāz dimişdür: Ḳur’ān-ı kerīmden bir āyet-i şerīfe muḳtezāsınca ‘amel itmek bilā-‘amel biñ ḥatmden eḥabbdur. Ve dünyâyı terk itmek, ehl-i semāvāt u arzayn ile ‘ibādetden eḥabbdur. Ve ḥarāmdan bir luḳme terk

itmek, māl-i ḥalāl ile niçe ḥacc itmekden eḥabbdur. Ve bir mü'minüñ ḥācetin ḳazā itmek, baña 'ibādet-i 'ömrden eḥabbdur. **Ber-ār**, «ḥall eyle» dimekdür.

﴿ حاجت خود را جز از سلطان مخواه ﴾ Kendi ḥācetüñi sulṭānuñ ğayrından isteme.

﴿ چون بخواهی یافت از دربان مخواه ﴾ [S408b] Çünkü sulṭāndan bulsañ gerek; ḳapucıdan isteme. Bundan murād; bāb-ı Ḥudāyı koyup bāb-ı 'abde 'arz-ı iḥtiyāc idenleri ilzām için temşıldür. Ya'nī; sulṭāndan isteyüp bulacak nesneyi bevvābdan istemek ne gūne nā-ma'ḳūl ise Vāhibü'l-'aṭāyādan ṭaleb idecek nesneyi ḳuldan istemek ke-zālikdür. İmdi her nesneyi dergāh-ı İlāhiden istemek gerekdür. Ḥāfız:

هرکه خواهد کو بیا و هرچه خواهد کو بکو
کبر و ناز و حاجب و دربان درین درگاه نیست

Ya'nī aġniyā ḳapusunda olan men'c, dergāh-ı İlāhda olmaz. Ḥudā herkesüñ murādın virür, men'c itmez dimekdür.

﴿ از وفات دشمنان شادی مکن ﴾ Düşmānlaruñ vefātına sevinme. Zīrā mevt senüñ ile düşmān beyninde müşterek ve sen daḡı vaḳtiyle ölsen gerekdür. Şī'r;

الم تعلم بان الموت آت
و حكم الموت بين الناس جار
و ثوب العمر فى الدنيا يعار
فلا تفرح بثوب مستعار

Bu beytün ma'nāsını nāzım Müferriḥātında bu vechile işbāt itmegin, *beyt*:

ز مرک دشمنان شادی مکن بیش
که مارا نیز این راهست در پیش

diyü buyurmuşdur. Şādī me-kon, nehy-i ḥāzırdu; «sevinme» dimekdür.

﴿ از کسی پیش کسی دادی مکن ﴾ Bir kimsenüñ ḥuzūrında bir kimseden şikāyet eyleme. 'Adem-i şikāyet 'afv eylemek yāḥod Ḥudāya ḥavāle itmek içündür. **Dādī me-kon**, «şikāyet eyleme» dimekdür.

Der-Şıfat-ı Ḳanā'at

﴿ با قناعت ساز دائم ای پسر ﴾ İy oġul! Dā'im ḳanā'at ile düzil.

﴿ کرچه هیچ از فقر نبود تلخ تر ﴾ Gerçi hīç faḳrdan acıraḳ olmaya. Ammā şabr u ḳanā'atüñ encāmı şīrīnterdür dimekdür. Nitekim dimişlerdür *beyt*:

نیر زد عسل جان من زخم نیش
قناعت نکوتر بدوشاب خویش

Pes bunda; ḳanā'at ḥālet-i faḳrda gerekdür dimege işāret vardır. Ma'lūm ola ki dünyānuñ 'abdden inzivāsına faḳr dirler. 'Abdüñ dünyādan inzivāsına zühd dirler. Dünyanuñ vücdı 'ademinden maḥabbetlüsi iken ṭalebinde ta'ba mürtekeb olmayup: “Kendü gelen yollu olur ise ne dimelü?” dimege ḳanā'at dirler.

﴿ هر سحر بر خیز و استغفار کن ﴾ Her seher ıalq ve istiğfâr eyle. Ya'nî; teheccüd eyle dimekdür. Teheccüdde tertîb; pâk âb-dest ile evvelâ sûre-i (Âlü) 'İmrânüñ âhîrinden on âyet-i şerîfe tilâvet ba'dehü şalât ba'dehü [S409a] istiğfâra mülâzemetdür. Nitekim المستغفرین بالاسحار âyet-i şerîfinüñ beyânında seher-hîz ü istiğfâr idenlerüñ cezâları ma'ûlumdur. Ve vaqt-i seher, fuyûzât-ı İlâhiyyenüñ neşri hengâmı olmağın istiğfâr u ezkâra maḥşûş ve maḥall-i icâbet idigi menşûşdur. Qaldı ki eşhârda istiğfârüñ beyânında müfessirinde kavı-i keşîr vardır. (...)

﴿ فرصتی اکنون که داری کار کن ﴾ Şimdi ki bir fırsat tutarsın; 'amel eyle. **Furşat**, bunda zamm-ı fâ ile «nevet» ma'nâsınadır. Zîrâ kesr-i fâ ile oldıqda; 'avretler ḥayz kanını sildikleri biz parçası ma'nâsına olur. Âhîrindeki yâ, vaḥdet içündür; Furs ü 'Arabda müsta'meldür. **Eknûn**, feth-i hemze ile «şimdi» ma'nâsınadır. **Kâr kon**, «amel eyle» dimekdür. Zîrâ السحاب تمر مر الفرصة müfâdınca fırsat, serî'atü's-seyrdür. Anuñcün dimişlerdür, *naẓm*:

مده فرصت از دست اکر بایدت

که کوی سعادت ز میدان بری

که فرصت عزیزست اکر فوت شد

بسی دست حیرت بدنجان بری

Ve soñra te'essüf ü nedâmetüñ fâ'idesi olmaz. Nitekim dimişlerdür, *şî'r*:

تو این وقت فرصت غنیمت شمار

که فردا ندامت نیابد بکار

ve daḥı *beyt*:

تدبیر خود امروز کن ای خواجه که فردا

هر چند که فریاد کنی سود ندارد

﴿ همنشین خویش را غیبت مکن ﴾ Kendüñ berâber oturup ıalqan muşâhibüñi gaybet eyleme. Ya'nî; gaybet egerçi cümle ḥaqqında ḥarâm ve mezmûmdur, lâkin hem-meclis ü muşâhib oldığüñ kimesneyi, ri'âyet-i ḥuḳûḳ olmağın andan eşedd idigi ma'ûlumdur dimekdür. Ve zamânede bunüñ vuḳû'ı keşîr, nâẓım bu maḳâmda maḥşûşan [S409b] zıkr itmışdür. Nitekim Şâ'ibüñ *beyt*:

فغان که نیست بجز عیب یکدیگر جستن

نصیب مردم عالم ز آشنای هم

didigi bu ma'nâya şâhiddür.

﴿ غیر شیطان بر کسی لعنت مکن ﴾ Şeytânüñ gayrı bir kimse üzerine la'net eyleme. Zîrâ la'net eyledigüñ şer'an lâ'îḳ degül ise, ol la'net saña rücû' ider. Bu ḥaşlet-i mezmûme fî-zamâninâ tâ'ife-i nisâda çoqdur; anuñcün iflâḥ oldıkları yoqdur.

﴿ چون بود هر روز در عالم جدید ﴾ [Ü394b] Çünkü her gün 'âlemde cedîd ola. Ya'nî; âftâb maşrıqdan tûlû' eyleye.

﴿ ان کناھان توبه می باید کزید ﴾ Günāhlardan tevbe ihtiyār itmek gerek. Ya'nî; tedārük-i t̄a'āt-ı mā-fāt ile seyyi'āta tevbe eylemek gerektür. Zīrā her günün şemsi ğurūba vardıkdan sonra bir dağı dönmesi ve körimesi muhāldür. Fursatı ğanīmet bilmek gerektür. (...) **Güzid**, zamm-ı kâf-ı 'Acemî ile intihāb ma'nāsınadır. Vaqt-i şabāhda eşğāl-i dünyā-iştigāl ile tevbe eylemek şuglınun miyānesinde mütereddid olana tevbe şuglini intihāb ve tevbeyi sā'ir iştigālün üzerine tercih eyle dimektür. *Şi'r*:

عاجز بود ز حفظ عنان دست رعشه دار
تا ممکن است توبه ز می در شباب کن
پیش فلک شکایت شبهای خود مبر
صبح از بیاض کردن و انتخاب کن

﴿ هر کرا ترسی نباشد از خدا ﴾ Her kimün için kim havf min-Allāh olmaya. **Tersī**, bā'-i maşdariyye ile «korçmak» ma'nāsınadır ve lāzımdur; «tersiden» gibi. Ammā müte'addisi «tersāniden», «korçutmak» ma'nāsına.

﴿ حق بترساند زهر چیزی را ﴾ Hāḡḡ te'ālā anı her nesneden korçudur. Nitekim bu ma'nada olan ḡadīs-i şerīf de yukarıda beyān olınmışdı. **Vu-rā**, «o-rā» lafzından muḡaffedür; ma'nası «onı» ya'nî «Ḥudādan ḡavfı olmayanı» dimektür.

﴿ تا توانی حاجت مسکین بر آر ﴾ Mā-dām ki kādīrsin miskīnün ḡacetin ḡaşıl eyle.

﴿ تا بر آرد حاجت را کردگار ﴾ Tā ki Ḥudā senün ḡacetünḡi ḡaşıl eyleye³⁴. Nitekim bu beyānda olan ḡadīs-i şerīf sebḡ eylemişdir. [S410a] Pes bunda du'āya mazhar olacak 'amele ibtidār ve mesākīnün du'āları maḡbūl-i dergāh-ı Kāzī'l-ḡacātdur dimege iş'ar vardır. **Ḥācetde** tā'-i şāniye ḡitāb içündür. **Kirdgār**, ism-i Ḥudādur; «fā'il-i muḡlaḡ» dimektür. Pes ḡazā'-i ḡacetü'l-ḡayr ekşer māl ile olageldiginden mālā maḡabbetden nāşī infāḡdan girü ḡalma. Zīrā māl senden girü ḡalur demek için nāzım eyidür:

﴿ هست مالت جمله در کف عاریت ﴾ Cümle mālun elde 'āriyetdür. İmdi 'āriyeti men' nā-ḡābil ve 'adem-i infāḡı kār-ı 'āḡıl degüldür, *beyt*.

چنانکه دست بدست آمدست ملک بما
بدستهای دگر همچنین نخواهد رفت

Hest, bunda «est» ma'nāsınadır. **Māletde** tā, ḡitāb içündür; «mālun» dimektür. Tā'-i mezkūrı «aya» ma'nāsına olan keff lafzınun āḡirine rabḡ dağı vechdür. **'Āriyet**, Fārisīde müsta'mel olmağın tā'-i tavīle ile yazılmışdır. Ve muḡaffedür; lākin 'Arabīde yā'-i müşeddede iledür. Tedāvül ma'nāsına olan te'āvürden müştakḡdur; «elden ele ref' idişmek»dür ki aña 'ıḡd-ı 'āriyye dirler. Yāḡod 'aḡā ma'nāsına olan «'ariyye»den me'hūzdur. Vech-i tesmiye; kendüde temlik bulunmadığıındandır. Pes infāḡ üzre olmayanun elinden ḡayātda ḡavādiş ve memātda zuhūr-ı vāriş ile çıḡmak der-kārdur. Nitekim nāzım muḡaḡḡaḡ olan şıḡḡati beyānda eyidür:

³⁴ Ü nüshasında bu mısra' ve anlamı yoktur. Ancak şerhi mevcuttur. Sehven atlanmış olması muhtemeldir.

﴿ کر بماند از تو باشد زاریت ﴾ Eger senden qala zārluğına bā'is ola. Ya'nī; ḥasret ü ḥisāb u 'azāba bā'isdür [Ü395a] dimekdür. İmdi ḥüsn-i a'māl ile infāk-ı māl lāzime-i ḥāldendür, *beyt*:

بشهر قیامت مرو تنک دست

که وجهی ندارد بزاری نشست

Ve bunda müfādınca māl-i 'āriyet me'ālūñ ecli dāfir ve pes-mānde olan qazanana gayr-ı nāfir olduğına imā vardır. *Beyt*:

آن لحظه که دست اجل از پا افکند

نه مال بفریاد رسد نه فرزند

Bi-māned ez-tu³⁵, «senden qala» ma'nāsınadır. Murād; senden soñraya qala dimekdür. **Zārī**, «iñlemek» ma'nāsınadır; āḥirindeki tā, ḥiṭāb içündür. Ve bunda من امسى فى الدنيا و هو ضيف و مافى یده عاریة ḥadīs-i şer'ifine imā vardır. Pes āriyetūñ neticesini beyān için nāzım eyidür:

﴿ عاریت را باز می باید سپرد ﴾ 'Āriyeti girü ısmarlamak ya'nī teslīm itmek gerek. **Süpürd**, zamm-ı sīn ile «süpürden» gibi «ısmarlamak» ma'nāsınadır. Murād; ma'nā-yı redd ü teslīmdür [S410b] ve reddi muḳarrerdür. Zīrā:

﴿ هیچ کس دیدی که زر با خود ببرد ﴾ Hiç bir kimesne gördūñ mi ki; mālı kendü ile iletirdi? bunda olan istifhām, inkārīdür. Zīrā altını ma'an qabre götürmüşñ görilmediği bed'ihīdür. Ancak Ḥaḳḳ yolına infāk idenler ma'nāda altını berāber qabre götürmüşdür dimişlerdür, *beyt*:

هرکه کم کم خرده خود صرف درویشان کند

میگذارد همچو قارون جمله یکجا بر زمین

Zer, bunda «māl» ma'nāsınadır. **Bi-bürd**, bā'-i zā'ide ile mazī-i müfred-i gā'ibdür; «iletirdi» dimekdür. İmdi dünyādan fā'ide nedür? dir iseñ:

﴿ حاصل از دنیا چه باشد ای امین ﴾ Dünyādan ḥāşıl ne ola iy emīn! Ya'nī; iy dünyānuñ mūhlike olduğın fikr itmeyüp kendüden emīn olan kimesne dimek dīger ma'anīlerden rüşendür.

﴿ نه کزی کرباس و دو سه کز زمین ﴾ Biri toḳuz arşun bīz ve iki-üç zīrāc zemīndür. **Nūh gezī**, yā'-i vaḥdet ile «bir toḳuz arşun» dimekdür. Zīrā nūh, zamm-ı nūn ile «toḳuz»dur. Gez, kāf-ı 'Acemī ve zā'-i mu'ceme ile bunda arşun ma'nāsınadır ki 'Arabīsi zīrāc'dur. Zīrāc luğatde mirfaḳdan ru'ūs-i eşābī'a dekdür. Ammā 'inde'l-fuḳahā zīrāc altı qabzadır ve her qabza dört eşābī'dür ve her işba' altı şa'īrdür; zahran ilā-baṭn olmaḳ üzere. Ve her şa'īr qatır kılından altı kıldur. Buña ehl-i şer'; zīrāc-ı kirbās dimişlerdür. **Kirbās**, kesr-i kāf-ı 'Arabī ve bā'-i Fārisī ile Fārisīde muṭlaḳā «bīz»dür. Ammā Fārisīden mu'arreb olmaḳ üzere fetḥ-i kāf ve bā'-i 'Arabī ile «ḥam bīz»dür. **U(ve) dü-se gez**, «iki-üç arşun»; **zemīn**, «yir» dimekdür. Kirbāsdan murād; kefendür ki وهو الكفن ḥadīs-i şer'ifi üzre dünyādan ḥāşıl u naşīb ancak budur; eger ele girer ise. Zemīnden murād; qabrdür. Ve kirbās, bir toḳuz arşun ile ta'bīr-i meşelen(?) dimekdür. Yāḥod kefen-i kifāyete işāretdür. Ve māl-i dünyā bi'l-küllīyye

³⁵ Her iki nüshada da mısra'ın tertibine aykırı olarak, muhtemelen sehven; «ez-tu bi-māned» şeklinde yazılmıştır.

mezmûm degüldür. Hiç olmazsa kefen-i kifâyet miqdârı lâzımdur demek nüktesine imâ vardır. Nitekim şîr:

لابد للمرء من مال يعيش به

[Ü395b] و داخل القبر محتاج الى الكفن

dimişlerdür. Ve kefen dağı hemân kabre duhûl ve kabrden kalkıncaya [S411a] dekdür. Zîrâ ‘arşagâh-ı mahşerde hufâten ve ‘urâten olacaqdur. Nitekim hadîs-i şerîfde: غانكم ملاقوا الله مشاة حفاة عراة غرلا vârid olmışdur. Müşât, cem‘-i mâşîdür; piyâde ma‘nâsınadır. Hufât, cem‘-i hâfîdür; yalın ayak dimekdür. ‘Urât, cem‘-i ‘ârîdür; çıplak dimekdür. Gurlen, gayn-ı mu‘ceme ve râ’-i mühmele ile âgrelüñ cem‘idür; sünnetsiz dimekdür. Hâşıl-ı ma‘nâ; sizler nice halk olduñuz ise Hudâya öylece rucû‘ idersüz; a‘râz-ı dünyâdan üzerüñüzde bir nesne bulunmaz. Pes dünyâya ednâ-yı meyl ile meyl eylemeñüz dimekdür. Pes hâl böyle oldıysa:

﴿ هرچه داری بر ره حق آن تست ﴾ Hakk yolında her ne virdüñ ise ol senüñdür. Ya‘nî; şevâb u şafâsı sañadur.

﴿ آنچه ماند از بالای جان تست ﴾ Ol nesne ki senden kaldı cânüñ belâsıdır. Ān çi, bunda «ān çîz» yirindedür; ma‘nâsı «ol nesne» dimekdür. ‘Azâb u ‘uqâb, cân ile cesede ma‘an olur iken nâzımuñ belâyı cânâ nisbeti; elem aşı cânadur ve cân vâsıtasıyle cesededür didiklerine imâ’en ve fülânuñ başına belâ geldi didikleri gibi ıstılâh-ı şu‘arâya binâ’endür. İmdi râhat u selâmet kalîle kanâ‘atdedür demek kaşdıyle nâzım eyidür:

﴿ هرکه با اندک ز حق راضی بود ﴾ Her kim ki kalîl nesne ile Hudâdan râzî ola. Ya‘nî; kalîle kâni‘ ve mâ-kaşema’llâha râzî ola. Râzî, ‘Arabîdür; luğatde «rızâ virici» dimekdür. Ammâ ‘inde’l-meşâyih; mâluñ huşûliyle ferahlanacak kadar rağbet ile rağbet itmeyüp ve kendü ile müte‘ezzî olacak kadar kerâhet ile kerîh görmeyen fakîre «râzî» tesmiye olınmışdur.

﴿ حاجت او را خدا قاضی بود ﴾ Anuñ hâcetini Hudâ kazâ idici ola. Ya‘nî; anı ‘ibâdına muhtâc itmeyüp Hakk aña kâfi vü vâfi ola dimekdür. Pes dünyâya harîş olmmağ gerekmez diyü meşel tarîkıyle nâzım eyidür:

﴿ هست دنیا بر مثال قطره ﴾ Dünyâ bir kaçre-mişâldür. Ya‘nî; baħrden bir kaçre gibi şey’-i kalîldür. Hest, bunda «est» ma‘nâsınadır. Kaçre, ma‘rûfdur. Pes bunda ما الدنيا الا كمثل ما يجعل احدكم vârid olmışdur. Hadîs-i şerîfine telmîh vardır. Ve ba‘zı nüsha kaçre yerine cîfe ve ve mışrâ‘-ı şânîde behre ile hem-kâfiye olmışdur. Cîfe, murdâr ve behre, naşîbdür.

﴿ بگذر از وی کرچه [S411b] داری نره ﴾ Andan geç eger bir zerre tutarsan. Ez-vey, «dunyâdan» dimekdür. Zerre, ma‘rûfdur. Âhîrindeki hemze kaçredeki hemze gibi vahdet içündür. Pes bunda dünyâdan bi’l-küllîyye i‘râz u terke tenbîh vardır. Nitekim hâzret-i Hasen razıya’llâhu ‘anh ‘Ömer bin ‘Abdi’l-‘Azîz razıya’llâhu ‘anha olan naşîhat-nâmesinde buyurmuşdur ki: Ammâ ba‘d, dünyâ dâr-ı rihletdür; dâr-ı ikâmet degüldür. Ve insânüñ dünyâya nüzûli ibtilâ‘en ve imtiñânendür; hâzer eylesin. Pes tedârük-i zâd-ı âhîret ancak dünyâyı [Ü396a] terkden ‘ibâretdür. Ve dünyâda ğinâ fakrdur; dünyâyı ‘azîz tutan zelîl

ü haķır olur ve dünyâyı cem' iden rezîl ü faķır olur. Ve dünyâ bir semme beñzer ki anı bilmeyenler yir. Bu bir dâr-ı pür-taķrîr-i lâzımı't-taḥzîrdür. Sürürü ḥüzñ ile meşûb ve şafâsı kedere maşḥûbdur, ve's-selâm. Ve daḥı Mâlik bin Dîñaruñ: اتقوا السحارة فانها تسحر قلوب العلماء kelâmındaki «seḥḥâre»den murâd dünyâdur. Seḥḥâreye maḥabbet-i ülfet ḥaṭa-ender-ḥaṭâdur dimişlerdür. Dünyânuñ dâr-ı iķâmet olduḡın temsîlde nâzım eyidür:

﴿ هرکه سازد بر سر پل خانه ﴾ Her kim ki köpri başında bir ḥâne düzer. **Ser-i pul**, «köpri başında» dimekdür ki murâd; dünyâdur. Nitekim ḥazret-i 'İsâ 'aleyhi's-selâmuñ فاعبروها الدنيا قنطرة kelâm-ı şerîfi buña şâhiddür. İmdi cîsr üzerinde ḥâne-sâz-ı 'imâret ve dem-sâz-ı iķâmet olan:

﴿ نیست عاقل او بود دیوانه ﴾ O 'âķıl degül bir dîvânedür. Ve bunuñ beyânı budur ki; ḥayât-ı dünyâ ḳaṇṭara-mişâl mi'ber-i 'uḳbâdur. Ve ol ḳaṇṭaranuñ bir ḳaç rûkn-i vardur. Şöyle ki; dünyâya gelen insâna âḡûş-ı mâder ve gehvâre-i ıztırâb-eşer rûkn-i evveldür. Ve laḥd-i mezâr-ı pür-i'tibâr rûkn-i âḥardur. Bu iki rûknüñ miyânesinde ba'zılar ḳaṇṭaranuñ nişfini veyâ sülâsâtını ḳaṭ' ve ba'zısı nihâyetine ḳadem-nihâd olmaḡa bir ḥaṭvesi ḳalmış iken bu maḳûle köpriden 'ubûr ve ḳubûrdan ḡâfilâne köpri üzerinde 'imâret-ḥâne itmek ancak kâr-ı dîvânedür dimişlerdür.

Cümle ḥaḳḳ ehl-i sefer 'âlem müsâfir-ḥânedür

Hîç muḳîm âdem bulunmaz bir 'aceb kâşânedür

Bir kefendür 'âķıbet ser-mâye-i şâh u gedâ

Çün buna maḡrûr olan mecnûn degül de yâ nedür?

Ve bu güzzer-gâh-ı fenâyı köpriye teşbîh, cây-ı ârâm olmadıḡını iş'ardur. Nitekim şî'r:

چون سرانجام ازین [S412a] خرابه رباط

رخت بر بسط بایدت ناکام

پس همان به حرف واو وداع

متصل بایدت بمیم سلام

دانکه دنیا پلست و اهل خرد

بل سر پل نکردهاند آرام

mezâmîninden bu ma'nâya delâlet zâhirdür ve bu âna dek köpriyi geçenlerüñ aḥvâli bâhirdür.

﴿ از خدا نبود روا جستن غنا ﴾ Ḥudâdan ḡinâ istemek revâ olmaya. Bunda **revâ**, «lâ'îķ» ma'nâsınadır. Zîrâ:

﴿ هست مؤمن را غنا رنج و غنا ﴾ Ḡinâ mü'mine renc ü 'anâdur. Ya'nî; zaḥmet ü meşâḳḳat ve bā'is-i ḥırmânî-i ni'am-ı âḥiretdür. Ve bâdî-i bu'd-i Mevlâdur. Bunda mü'min zikriyle dünyâ gibi bir bî-me'al ve ser'û'z-zevâl nesneyi şad-hezâr ibtihâl ile Ḥudâdan istemek mü'min-i kâmil kârı degüldür; belki mü'minüñ ḡayrılarınuñ kârıdır dimeḡe beşâret ü îmâ vardur. (...[Ü396b]...)

﴿ فقر و درویشی شفای مؤمنست ﴾ Faḳr u dervîşlik şifâ-yı mü'mindür. **Faḳr**, ma'rûfdur. **U(ve) dervîşî**, yâ'-i maşdariyye ile faḳruñ 'aṭf-ı tefsîridür. Faḳruñ şifâlığı, ḡinâda olan renc ü 'anâdan selâmete bâdî devâ yirinde olduḡıdır. Ve mü'mine nisbet olındıḡı faḳr dünyâda kâfire belâ olduḡını îmâ içündür.

﴿ زانکه اندر وی صفای مؤمنست ﴾ Andan ötüri ki faḫrda mü'mine şafâ vardır. Yâḥod faḫr şafâ-yı mü'mindür demek daḫı ma'nâdur. Ma'nâ-yı evvele göre **est**, «hest» ma'nâsınadır. Ma'nâ-yı şânîye [S412b] göre ender lafzı zâ'iddür. **Şafâ** muḳâbili, kederdür. Faḫr mü'mine şafâ olduğu işbu kıṭ'a-i dilârâ-yı zarâfet-âşârdan daḫı hüveydâdur ki budur, *kıṭ'a*:

Olur bir ʿusr iki yüsre beşâret

ʿAnâdan iki ḫarf artıḳ ʿinâyet

Olur rûy-ı vefâ za'fı cefânûñ

Hısâbîdür bu söz vardır işâret

Pes derd ü miḫnet-i faḫr u fâḫa bu i'tibâr ile ehl-i i'tibâr ʿindinde mu'teber ve daḫı bâr-ı girân-ı ta'alluḳât-ı dünüviyyeden servâsâ âzâdelik başḳa bir şafâdur. Nitekim:

زیر بارند درخشان که تعلق دارند

ای خوشا سرو که از بار غم آزاد آمد

(...[Ü397a]...) Pes bâ'îş-i vukû'ı varṭa-i helâk u fitne olan mâluñ ʿilletinde keşret-i evlâduñ münâsebet ü şirketi olmaḳdan nâşî: یا ایهاالذین امنوا ان من ازواجکم و اولادکم عدوا لکم فاحذروهم āyet-i şerîfine telmîḫan nâzım eyidür:

﴿ مال و اولاد ب معنی دشمنند ﴾ Mâl u evlâduñ ma'nâda düşmânlardır.

﴿ کرچه نزدیک تو چشم روشنند ﴾ Gerçi senüñ ʿindünde rûşen-çeşmdürler. Ya'nî; senüñ nazarında egerçi nûr-ı çeşmdürürler dimekdür. Nitekim evlâda nûr-ı dîde ve pertev-i bâsıra-i ḫayât ve kurretü'l-ʿayn ta'bîri meşhûrdur. **Çeşm-i rûşenend**, «rûşen-çeşmdürürler» dimekdür. Yâḥod; «çeşm-rûşendürürler» dimekdür. Bunda daḫı mübâlağa vardır. İmdi mâl ü evlâduñ ma'nâda ʿadû olduklarıñ işbât içün nâzım eyidür:

﴿ انما اولادکم را یاد کیر ﴾ āyet-i şerîfüñ *anma amvalکم و اولادکم فتنة لكم والله عنده اجر عظیم* [S413a] maẓmûn-ı münîfın eyle ve muḳtezâsınca ʿâmil ol dimekdür. Ma'nâ-yı şerîfi; ancaḳ emvâl ü evlâduñuz sizler içün ibtilâ vü imtiḫândur. Anlara olan maḫabbetüñ üzerine maḫabbetu'llâḫı tercîḫ birle mâliküñ ḫuḳûkını edâ ve evlâduñ ber-mücib-i şer' terbiyesinde olanlar içün ʿinda'llâḫ ecr-i ʿazîm vardır dimekdür. Terbiye-i evlâduñ tafşîli İbnü Cevzîñüñ Muḫtaşaru'l-İḫyâsında meşṭûrdur.

﴿ مال و ملک این جهانرا باد کیر ﴾ Bu dünyânuñ mâl ü mülkini lâ-şey tût. Bâd, bunda «hevâ» ma'nâsınadır. Pes **bâd-gîr**, «bî-fâ'ide ve lâ-şey' menzilesinde tût» dimekdür. Nitekim Ḥ'âce Ḥâfîzuñ *beyt*:

شکوه اصفی و اسب باد منطق طیر

بیاد رفت وازو خواجه هیچ طرفه نیست

beytinde ṭurfê, «fâ'ide-i ḳalîle» ma'nâsına olmaḫın ma'nâ; Âşafa mensûb ya'nî Süleymân ʿaleyhi's-selâmuñ ʿazamet-i saltanatı ve yil atı ki anı götürüp giderdi ve kuş dili ki cem'î kuşlarıñ dilini bilüp anlara ḫükûmet eyler idi; âḳıbet yile gîtđi ve Süleyman ʿalehi's-selâm andan fâ'ide-i ḳalîle ḫâşıl itmedi dimekdür. Ve nâzımuñ āyet-i mezkûra telmîḫde tertîb-i āyete ri'āyet itmeyüp evlâdı mâl üzre bunda

taqdîmi ve beyt-i sâbıkda mālî evlād üzre taqdîmi nikâtdan hālî degüldür. Şöyle ki beyt-i sâbıkda ‘adâvetde māl evlâddan ziyâdedür. Ve bir evlâdun babaya ‘adâvetine sebep ekşeriyâ mâldür. Ve bu beytde fitne-i evlâdı, fitne-i mâldan ziyâde bilüp terbiyesine mertebe-i mâldan ziyâde sa’y gerekdür dimege îmâ ve māl ü mülki terk itmek gibi evlâdı terk yokdur dimege işâret içündür. Pes māl ü mülki lâ-şey tutmak evliyâ’u’llâh hışâlidür dimege mübâderet zımnında nâzım eyidür:

﴿ مرد ره را بود دنیا سود نیست ﴾ Sâlik-i rāh-ı İlâh olan evliyâ’ullâha varlığından fâ’ide yokdur. Ya’nî; varlık ile mesrûr olmazlar; belki varlığı kerîh görürler dimekdür. **Būd-ı dünyâ**, «dünyâ varlığı» dimekdür. [Ü397b] Pes bu maķâm-ı a’lâ-yı merâtib-i zühhâddur ki dünyanuñ vücûdıyle ferahnâk ve ‘ademiyle ğammnâk olmamaķdur. Nitekim bu beytün me’âli budur.

﴿ هرگزش اندیشه نا بود نیست ﴾ Aşlâ aña yokluķ fikri yokdur. Ya’nî; şıdķ ile tevekkülde şâf-dil ve cemîc-i hâlde Mevlâya mütevekkildür dimekdür. *Beyt*:

بفکر نیستی هرگز نمی افتند مغروران
اگرچه صورت مقراض لا دارد کریبانه

[S413b] Mağrūrāndan murād; Mevlānuñ sa‘at-i faẓl u ihsān u in‘āmına i‘timād ve mesned-i tevekküle istinād idenlerdür ki anlaruñ ‘indeinde dünyānuñ vücûd u ‘ademi seyyāndur. Nitekim nâzım eyidür:

﴿ هرکه از صدقش دل صافی بود ﴾ Her kim ki şıdķdan nâşî anuñ qalbi şâf ola. Ya’nî; lisān u niyyet ü ‘azm ü a‘māl ve maķāmāt-ı dīnde istiķāmetden qalb-i şâf şaḥibi ola. **Şâf**, «pāk» dimekdür. **Şıdķeşde** olan şīn-i zāmīr, **dil** lafzınuñ āḫirine merbûṭ ve **her kiye** rāci‘dür.

﴿ خرقة و لقمه کافی بود ﴾ Aña bir hırķa ve bir luķme kâfi ola. Ya’nî; setr-i ‘avret idecek bir bîz pâresi ve sedd-i ramaķ idecek bir luķme kifâyet-sâz ola. **Hırķa’i**, «bîz pâresine ve câme-i dervîşān»a dirler. **Luķma’i**, ma‘rûfdur. Lisān-ı meşâyıḥda buña zühdu’l-‘arîfin dirler. (...) Ve ḥazret-i Ḥasen raẓıya’llāhu ‘anh eyitmiş ki: Ḥazret-i ‘Ömer raẓıya’llāhu ‘anh ḥalife iken üzerinde on iki yerinden yamalu bir izâr ile ḥuṭbe-ḥ’ân olur idi. Bunlar cümle, dünyādan telezzüz murād itmemekden nâşîdür. Ve kifâfdan ziyâde olandan erbâb-ı kulüb müteḥâşîdür dimişlerdür. Ammâ böyle olmayanuñ hālî nedür dinür ise nâzım eyidür:

﴿ هرکه دربند زیادت میشود ﴾ Her kim ki kifâfdan artuĝuñ kaydında olur.

﴿ دور از اهل سعادت میشود ﴾ Ehl-i sa‘âdetden ırâķ olur. **Ehl-i sa‘âdet**den murād; evliyâ’-i kirām ve ‘uşşâķ-ı cemāl-i Rabbü’l-enāmdur. Pes kifâfdan ziyâdeye talebkâr olanuñ ehl-i sa‘âdetden dūr olduĝı âlûde-i hırş u âz ve nefis-perverlige dem-sâz olduĝıdur. Zîrâ ehl-i sa‘âdetün himmetleri a‘lâdur. Nitekim eyidür:

﴿ بندگان حق چو جانرا باختند ﴾ Bendegān-ı Ḥudâ çünki cān oynadılar. Ya’nî; Ḥaķķ yolında cānların fidâ eylediler dimekdür. Pes bunda erbâb-ı kulüb, cānları kaydında olduķlarına îmâ vardır. Binā’en ‘alā-zâlik:

﴿ اسب همت تا ثریا تاختند ﴾ Himmet atını tā Şüreyyāya dek çapdılar. Ya’nî; nâ’il-i qadr-i a‘lâ ve vâşıl-ı merâtib-i vālâ oldılar dimekdür. Zîrâ ehlu’llâh olanlaruñ nefis-perver olan [S414a] sifle-ĝāndan

imtiyāzı bu vechledür. **Esb-i himmet**de teşbîh-i belîğ vardır. **Şüreyyâ**, ‘Arabîden ta‘cîm olunan kelimâtındandır; «Ülker» didikleri altı yıldızlardır ki Fârisîde Pervîn dirler. **Tâhtend**, mazînûn cem‘îdür; [Ü398a] «çapdılar» dimekdür. İmdi “cân virmedikce cānān ele girmez” didikleri üzre:

﴿ تا نیاری در ره او آنچه هست ﴾ Her ne ki vardır mā-dāmā anı Hâḵk yolında getürmeyesin.

Ya‘nî; bezl eyleyesin dimekdür. **Der-reh-i o**, «anuñ yolında» dimekdür. O lafzı, zamîrdür; Hâḵk te‘ālāya rāci‘dür. **Ān çi hest**, «her ne ki vardır» dimekdür; gerek māl ü gerek cān olsun şāmildür. Lâkin ‘arîfînûn bezl idecegi cāndur; tā ki cānān vişālî ele gire. Nitekim nāzım eyidür:

﴿ آنچه می باید کجا آید بدست ﴾ Ol nesne ki gerekdür; kande ele gelür? Pes gereklü olan

nesneden murād; liqā’-i Rabbü’l-‘ibāddur ki ‘uşşāḳ cān bezl itmedikce aña nā’il olmadığı ḳavl-i ittifāḳdur. Nitekim: ان بدلاء امتی لم يدخلون الجنة بعبادة ولا بصيام ولكن دخلوها بسخاء الا نفس و سلامة الصدر
ḥadîs-i şerîfi rivāyet-kerde-i ehl-i yaḳîndür. *Şîr*:

فلک ز کشتن من داد پشت بر دیوار

چو تیر بر هدف آید کمان بیاساید

قرار نیست بجای بلند همت را

چگونه از حرکت آسمان بیاساید

Der-Beyân-ı Seḥā

﴿ در سخا کوش ای برادر در سخا ﴾ İy ḳarındaş! Seḥāya sa‘y eyle, seḥāya.

﴿ تا بیایی از پس شدت رخا ﴾ Tā ki şiddet ‘aḳabinde sa‘at u refāhiyyet bulasın. **Reḥā**, «yumuşaklık» ma‘nāsınadır. Murād; ḥüsn-i hāl ve ḥuzūr u şafādur. Zîrā eşḫıyānuñ her bir ‘aşerātın dāfi‘ Ḥudādur. İmdi seḥāveti ‘âdet itmek gerekdür anuñçün nāzım eyidür:

﴿ باش پیوسته جوانمرد ای اخى ﴾ İy ḳarındaş! Muttaşıl cüvân-merd ol. Ya‘nî; dā’imā saḥî vü kerîmü’n-nefs ol dimekdür. Zîrā **cüvân-merd**üñ ma‘nâsı budur. **İy aḥî**, zâhiren «iy ḳarındaş» dimekdür ki meşhûrdur. Ve bâbâ-yı ‘âlem olana daḥî aḥî itlâḳı ma‘rûfdur. Bâbâ-yı ‘âlem; şānı ‘ālî kimesne dimekdür.

﴿ زانکه نبود دوزخی اهل سخى ﴾ Andan ötürî ki saḥî cehennemlik olmaz. Nitekim: الجنة دار الاسخيا bu beyāna şâhiddür. Ve **düzaḥî**, Fârisîde «cehennemlik» dimekdür. Pes eşḫıyānuñ ehl-i cinān idikleri [S414b] sîmâlarından nümâyândur demek içün nāzım eyidür:

﴿ در رخ مرد سخى نور صفاست ﴾ Saḥî olan racülün ruḥında nûr u şafâ vardır. Bunda **est**, «hest» ma‘nāsınadır.

﴿ زانکه در جنت قرینش مصطفاست ﴾ Andan ötürî ki cennetde anuñ ḳarîni Faḥr-i ‘âlem şalla’llāhu ‘aleyhi ve sellemdür. **Ḳarîn**, «hem-sāye» ma‘nâsına olmaḳ hoşdur. Âḫirindeki şîn zamîrdür; merd-i saḥîye rāci‘dür.

﴿ اسخيا را با جهنم کار نیست ﴾ Saḥîlerün cehennem ile işi yoḳdur.

﴿ جای ممسک جز میان نار نیست ﴾ Baḥîlün mekânı âteşün ortasından ḡayrı degûldür. Mekân-ı baḥîlî nâra nisbet, ‘azābuñ şiddetine işâretdür. Nitekim Selmân-ı Pârsî buyurmuş ki: Baḥîl ‘âzim-i ‘uḳbâ

oldıkda zemîn ve kirâmen-kâtibîn bed-du‘â idüp: “Yâ Rabb! Bu kuluñ yirinde olan [Ü398b] mâlî kendi nefsinden ve ‘ibâduñdan men‘ ve maḥbûb itdigi gibi kendüyi daḥı cennetüñden maḥcûb eyle dirler, intihâ. Pes bundan aḥvâl ma‘lûmdur. Ve medḥ-i eşḥiyâ’-i pür-işâr olan المفلحون هم فأولئك âyet-i beşâret-âsârı üzre eşḥiyânuñ mübeşşer-i bi’l-cinân oldukları meczûmdur. Nitekim nâzım eyidür:

﴿ حق تعالی بر درجنت نوشت ﴾ Haḥḳ te‘âlâ cennet ḳapusınuñ üzerine yazdı. Pes yazılan mısrâ‘-ı şânînuñ mefhûmıdır. Anuñçün nâzım eyidür:

﴿ این که جای اسخیا باشد بهشت ﴾ Bunı ki; cennet eşḥiyâ yiridür. *Laḥḥfe*: Niğâşte-i bâb-ı cennet olan yazıda aḥbâr-ı keşîre vardır. Nâzımuñ beyân buyurduğu bir ḳavle göredür ki ḥadîs-i şerîf ile müberhendür. Ve ḳavl-i dîgerde Ḍaḥḥâk rivâyetiyle mervîdür ki bâb-ı cinânda üç satır yazı vardır: Satır-ı evvel; وجدنا ما عملنا . Satır-ı sâlis; امة مذنبه و رب غفور . Satır-ı sâni; لا اله الا الله محمدا رسول الله . Ve satır-ı sâni; لا اله الا الله محمدا رسول الله . Ve satır-ı sâni; لا اله الا الله محمدا رسول الله . Ve satır-ı sâni; لا اله الا الله محمدا رسول الله . Ve satır-ı sâni; لا اله الا الله محمدا رسول الله .

﴿ کار اهل بخل را تلبیس دان ﴾ Ehl-i buḥlûñ kârını telbîs bil. Ya‘nî; Haḥḳı setr u ḥîle vü ḥud‘a bil dimekdür. Ve baḥlîlûñ ḥîlesi, edâ’-i ḥuḳûḳu’llâhda ve şadaḳa vü iḥsânda eyledigi oyunlardan ma‘lûmdur. Ve bu oyunlarda ḥocası iblîsdür. Ve dünyâda her kim ile muşâḥib ise anuñla ḥaşr olmaḳ ḥasebiyle:

﴿ در جحیمش همدم ابلیس دان ﴾ Anı caḥîm adlu nârdâ şeytânıñ işi bil. [S415a] **Caḥîmeşde** olan şîn zamîrdür; baḥîle râci‘dür. Ve bunda baḥîl için ḥaṭar-ı ‘azîm vardır. Zîrâ şeytâna hem-dem-i der-caḥîm olmaḳ ikisi bir zencîrde muḳayyed ve ve ‘azâbda mü‘ebbed olmaḳ müşîrdür. Nitekim nâzım eyidür:

﴿ هیچ ممسک نکزرد سوی بهشت ﴾ Baḥîl cennet ṭarafına hîç şavuşmaz. Ya‘nî; Şîrâtı selâmetle geḳüp fütâde-i nîrân olur dimekdür. Nitekim: ان البخیل بعید من الله و بعید من الجنة ḥadîs-i şerîfinde buña işâret vardır.

﴿ بلکه اورا کی رسد بوی بهشت ﴾ Belki aña cennet ḳoḳusu ḳande ulaşur? İstifhâm-ı inkârî üzre ulaşmaz dimekdür. Ma‘a-hâzâ cennet-i a‘lânuñ ḳoḳusu beş yüz yıllık yoldan gelür. **Bûy**, «ḳoḳu» ma‘nâsınadır.

﴿ آنکه می خوانند مر وی را سقر ﴾ Ol nesne ki anı Saḳar oḳurlar. Ya‘nî; ḳazan-ı ‘azîmde muḳarrer olan Saḳar ki düzaḥ esâmîlerinden bir ṭabaḳanuñ adıdır. **Mer**, bunda zâ’iddür. **Vey**, zamîrdür; «ân çi» ma‘nâsına olan «ân ki»ye râci‘dür. (...[S415b, Ü399a]...)

﴿ اهل کبر و بخل را باشد مقر ﴾ Ehl-i kibr ü buḥlûñ maḳarrı vü mekânı ola. Ḳarârgâḥ ma‘nâsınadır. İmdi:

﴿ ای پسر در مردمی مشهور باش ﴾ İy oḒul! Âdamlıkda meşhûr ol. Ya‘nî; herkese seḥâvet ü insâniyyet ile meşhûr u ma‘rûf ol dimekdür. Pes âdemiyyetde şöhret bulmaḳ, insâniyyeti ‘âdetden ‘ibâretdür. Ve âdemiyyeti bu maḳâma münâsib olan ma‘nâ üzre beyân için nâzım eyidür:

﴿ از بخیلی و از تکبر دور باش ﴾ Baḥîllikden ve tekebbürden ırâḳ ol. Ya‘nî; bunların muḳâbilleri olan şîfât ile müteḥallî olup:

﴿ با سخا باش و تواضع پیشه گیر ﴾ Seḥâ ile ol ve tevâzu‘ı ‘âdet ṭut.

﴿ تا شود در وی دلت بدر منیر ﴾ Tā ki vech-i ƣalbūñ bedr-i münir ola. Pes bu muƣābele hasebiyle baƣl ü mütekebbirūñ ƣalbleri rū-siyāh olur dimege bunda işāret ve saƣl vü mütevāzıuñ ƣalbi pür-nür olmağa delālet zāhirdür. **Bedr-i münir**de teşbīh-i belīg vardır. Maʿnāsı maʿrūfdur.

Der-Beyān-ı Fı'l-i Şeytānī

﴿ چار خصلت فعل شیطانی بود ﴾ Dört hūy şeytāna mensūb olan fı'ldür. **Şeytānī**de yā nisbet içündür. **Buved**, bunda «est» maʿnāsınadır.

﴿ داند اینها هرکه رحمانی بود ﴾ Bu dördi bilür her kim ki Raḥmānīdür. **Raḥmānī**den murād; Rabbāniyyūn gibi Ḥaƣƣa intisābı olan ʿālim-i ʿāmildür. Bu murāda **dāned** kelimesinūñ delāleti zāhirdür. Zīrā bunları ecinnenūñ Raḥmānīsı bilür dimekliküñ maʿnāsı yoƣdur. Pes ol hışālūñ evveli:

﴿ عطسه' مردم چو از بگذشت یکی ﴾ Ādemūñ aƣsırması çünki birden şavışdı. Birbiri ardınca birden ziyāde iki [S416a] üç veyā daƣı artuƣ oldu dimekdür. **ʿAṭse**, ʿArabī ve Fārisīde «aƣsırmaƣ» maʿnāsınadır. Āhırindeki hemze mā-baʿdine izāfet içündür. Ƙaldı ki maʿnā-yı mezkūr üzre **bü'gzešt ez-yekī** ƣavli, ʿaṭsenūñ bir oldığı ḥālden ihtirāz içündür. Zīrā ʿaṭse-i vāhīde, العطس من الرحمان didikleri üzre Raḥmāndandır ki ibtidā'-i ʿāṭis Ādem şafıyyu'llāhdur. Neḫ-ı rūḥda, rūḥ-ı pāk dimāğ-ı şerīfine şuʿūdında şudür idüp kendüsi ibtidā: “الحمد لله رب العالمين” diyüp ve melā'ike-i kirām: “يرحمك الله” ile teşmīt buyurdılar. Baʿdehū Ādem ʿaleyhi's-selām: “يهديكم الله” ile melā'ike-i kirāma duʿā itmegin el-ḥamdü lillāh dimek sünnet-i Ādem ʿaleyhi's-selām ve teşmīt farz-ı kifāye ve baʿdehū hidāyet ile muƣābele sünnet olmuşdur. İmdi ʿale's-sebīl tetābuʿ-ı ʿaṭseler:

﴿ باشد آن از فعل شیطان بی شکی ﴾ Bī-şekk ol ʿaṭseler şeytāndan ola. **Ān** ile işāret, mütetābiʿ ʿaṭselerdür. **Bī-şekkī**de olan yā'-i şāniye, taḥsīn-i lafz için zā'ide maʿnāsına «şeksiz» dimekdür.

﴿ خون بینی نیز از شیطان بود ﴾ Burun ƣanı daƣı şeytāndandır. **Ḥūn-ı bīnī**, izafetle «burun ƣanı» dimekdür. Maʿlūm ola ki burun medāḫile-i şeytāndandır. Anuñçün mü'min uyƣudan uyandıƣda sümƣürür yollu şol eliyle burnını sümƣürmek gerekdür dimişlerdür. Ve ekşer-i ruʿāf, keşret-i ekl ü şürb ve keşret-i buḫārdan ve keşret-i nevmden nāşī olur. Bunların çoğı şeytānuñ merzīsı olup ve medāḫilinden ihrāƣ-ı deme sebeb olmağın ruʿāfa, fı'l-i şeytānī dinmişdür.

﴿ آنکه ظاهر دشمن انسان بود ﴾ Ol şeytān ki insāna ʿadāveti zāhirdür. Bu mısrāʿ şeytānuñ insāna ber mantūƣ-ı ʿāyet ʿadüvv-i mübīn oldığın beyān ve bu şıfatla mezmūmiyyetin ʿıyān ve böyle olana eʿāl ü aʿmālde ʿadem-i mutābaʿati tenbīh içündür.

﴿ خامیازه فعل شیطانست و قی ﴾ Esnemek ve daƣı ƣusmaƣ şeytān fı'lidür. Esnemenūñ fı'l-i şeytānī idigi التشاوب من الشيطان müfādıyle müberhendür. Ve daƣı **ƣayy** lafzınun medlūli olan ƣusmağun fı'l-i şeytānī oldığı, şeytānuñ merzīsı olan keşret-i ekl ü şürb ile fesād-ı miʿdeden [S416b] nāşī ve keselden fāşī oldığıdır. İmdi:

﴿ ای پسر ایمن مباش از مکر وی ﴾ İy oğul! Anuñ mekrinden emīn ve lā'übālī olma. **Vey**, zamīrdür; şeytāna rāci'dür. Pes mekrinden emniyyet, aʿmāl ü eʿālde kendüye mutābaʿatdan mübāʿadet eylemekden ʿibāretdür.

[Ü400a] **Der-Şıfat-ı Münāfık**

﴿ دور باش ای خواجه از اهل نفاق ﴾ İy efendi! Ehl-i nifākdan ırak ol. **Nifāk**, «iki dinlü ve iki dillü olmağa» dirler. Evvelkisi kāfir hükminindedür. İkincisinin hālî beyân olunacaqdır. Nitekim hadîs-i şerîfde: *vārid* olmuştur. *مثل المنافق كمثل الشاة العائرة بين الغنمين تعير الى هذه مرة و الى هذه مرة* Ma'nā-yı şerîf: Münāfıkuñ mişli, iki kıt'a ğanem miyānelerinde mütereddid olan şāt-ı ğarîbe beñzer ki ğāh bu kıt'aya ve ğāh o kıt'aya tereddüd idüp birinün yanında istikrār eylemez. Ke-zālik münāfık dağı ğāh müselmāna ve ğāh kāfirāna tereddüd idüp birinün yanında müsteķarr olmaz. Belki her birlerine: “Ben sizdenem!” dir. Pes bu şıfatda olana münāfık dirler ki mezmūmiyyet zātındadır. Ve zātunuñ mezmūmiyyeti, lafz-ı münāfıkı dağı mezmūm itmişdür. Nitekim bir mü'mine münāfık diseler kendüde nifāk bulunmadığından müte'ellim olmaz. Lākin diyene şer'an ta'zîr iktizā itmişdür. Ve zātında nifāk-pîşe olana kaçan münāfık diseler, lafz-ı mezkūr zātına muṭābık olduğundan 'akreb gibi derūnını nîş-ğorde-i elem ü ğamm eyler. Nitekim hāzret-i Mevlānānuñ *meşnevî*:

چون منافق خوانیش این لفظ دون
همچو کثر دم می خلد در اندرون

buyurduğu bu beyāna dālıdır. İmdi ehl-i nifākdan ba'ıd ol.

﴿ در جهنم دان منافق را وثاق ﴾ Münāfıkuñ maķāmı cehennemdedür bil. **Veşāk**, fetḥ-i vāv ve kesrile «buķağı ve ayak bağı» ma'nāsınadır. Münāfıkuñ bend-pā-yı cehennemde olmaķ, maķarrı cehennem olduğını müş'irdür. Nitekim: *من كان له لسانان في الدنيا جعل الله له لسانين من نار* hadîs-i şerîfi dağı ma'nā-yı mezkūrı iş'ār ider. İmdi 'ālāmeti nedür? dinür ise:

﴿ سه علامت در منافق ظاهرست ﴾ Münāfıkda üç 'ālāmet zāhirdür.

﴿ زان سبب مقهور قهر قاهرست ﴾ Ol sebebden Kāhir olan Hudānuñ kahrıyle maķhūrdur. Ya'nî; helāke maẖzar ve maẖzūl ü müdemmerdür dimekdür. Ve āti'l-beyān olan 'ālāmetler *المنافق* [S417a] آیته hadîs-i şerîfine mebnîdür. Nitekim nāẓım leff ü neşr-i müşevveş kâ'idesiyle eyidür:

﴿ وعدهای او همی باشد خلاف ﴾ Anuñ dükeli va'deleri hılāf ola.

﴿ قول او نبود غیر از کذب و لاف ﴾ Anuñ sözi yalan ve lāfdan ğayrı olmaya. **Lāf**, [Ü400b] «aşlsız öğünmek» ma'nāsınadır.

﴿ مؤمنانرا کم رعایت میکند ﴾ Mü'minlere az ri'āyet ider. Ya'nî; mü'minlere ri'āyeti şūrî ider.

﴿ هم امانترا خیانت میکند ﴾ Hem emānete hıyānet ider. Ve emānete hıyānet idende ber-maṇṭūķ-ı hadîs-i şerîf diyānet olmaz. Ve hıfz-ı emānet gibi pāk ḥaşlet bulunmaz. (...) İmdi emānet, emānet-i Hāķķ ve emānet-i 'ibāddan e'amm olmağın emāneti hıfz ehemmm ü elzemdir.

﴿ نیست در وعده منافق را وفا ﴾ Münāfıkuñ va'dede vefāsı yokdur.

﴿ زان نباشد در رخس نور و صفا ﴾ Andan ötürü yüzinde nūr u şafā olmaya. Yaʿnī; nūr-ı īmān u şafā-yı İslām olmaya dimekdür.

﴿ تا نینداری منافق را امین ﴾ Mūnāfıķı emīn zann itmeyesin dimekdür.

﴿ نیست بادا شرش از روی زمین ﴾ Anuñ şerri yiryüzinden yok olsun. Bu mışrāʿ mūnāfıķ hakkında bed-duʿādur. Şerrinüñ defʿi vücūdunuñ refʿine vābeste olduğu hüveydādur. **Nīst bādā**, «yok olsun» dimekdür.

[S417b] ﴿ از منافق ای پسر پرهیز کن ﴾ İy oğul! Mūnāfıķdan ictināb eyle. Yaʿnī; anuñla şöḥbet ve meveddet-i şūrīsine iʿtimād eyleme; kendüye maḥabbetden şaķın dimekdür.

﴿ تیغ را از بهر قتلش تیز کن ﴾ Anuñ қatli içün қılıcı keskin eyle. Bundan murād; gāyet ile andan ḥazer eyle dimekdür. Yoksa mūnāfıķ irtidādını izhār itmedikce қatli şerʿi olmadığı maʿlūmdur.

﴿ با منافق هرکه همراه میشود ﴾ Her kim ki mūnāfıķ ile hem-rāḥ olur. Yaʿnī; sālik olduğu mesleke rāḥī olur.

﴿ منزل او در تک چه میشود ﴾ Anuñ menzili қuyu dibinde olur. [Ü401a] Yaʿnī; ان المنافقين anuñ menzili қаʿr-ı çāḥ-ı cehennem olur dimekdür. **Der-tek-i çeh**, «қuyu dibinde» dimekdür. Tek, bunda қаʿr maʿnāsınadır. Çeh, feth-i cīm-i ʿAcemī ile çāḥdan muḥaffef қuyu maʿnāsına(dur). Bunda murād қаʿr-ı çāḥ-ı düzaḥdur, neʿüzü bi'llāhi min zālik.

Der-Şıfat-ı Taķvā'-i Müttāķī

﴿ سه علامت باشد اندر متقى ﴾ Müttāķīde üç ʿalāmet ola. **Müttāķī**, şāḥib-i taķvāya dirler. Taķvā maʿrūfdur.

﴿ كى شود نسبت تقى را با شقى ﴾ Taķīnün şaķī ile қақан mūnāsebet ü müşābeḥeti ola? Yaʿnī; beynlerinde bevn-i baʿīd vardır ve şaķīde olan ʿalāʾimlerün ezdādı taķīde mevcūddur dimekdür. **Taķī**, müttāķī maʿnāsınadır. Ve ʿalāmāt-ı selāşeden biri yār-ı bedden ictināb ve biri şıdķ-ı lisān ve biri ekl-i ḥalāldür. Nitekim nāzım beyānlarında müretteben eyidür:

﴿ بر حذر باش ای تقى از يار بد ﴾ İy taķī olan kimesne kötü yārdan ḥazer üze ol. Yaʿnī; yaramaz kimesneden ḥazer eyle.

﴿ تا نیندازد ترا در کار بد ﴾ Tā ki seni bir kötü işe bırakmaya. Zīrā kişinün nefsi tıfl gibidür ve taḥı sāriқdur; elbette muḥārininün ḥükmini aḥz ider. Pes kötü ile müşāḥib olan kötü yola gider; ʿāqıl olan kötüler şöḥbetin terk ider dimişlerdür. Müttāķī olan bunuñla ʿāmil olur ve daḥı:

﴿ کم رود نکر دروغش بر زبان ﴾ Lisānı üze yalan zıķri az vāķıʿ olur. **Kem reved**, maʿnāsı «az gider» dimekdür. Ve muḥtemeldür ki ḥiç gitmez demek ola. Pes kem reved ile taʿbīri; insān beşeriyet ḥasebiyle қuşūr-ı қalīlden ḥālī ola[S418a]maz dimege īmā içündür. **Durūgeş**deki şīn-ı zāmīr, **zebān** lafzınuñ āḥirine merbūḥdur; taķīye rāciʿdür.

﴿ از طریق کذب باشد بر کران ﴾ Kizb ʔarīkından kenār üzre ola. Yaʕnī; lisānı üzerine kizb cārī olmadığının aşlı budur ki; bāʕış-i kizb ve müşıl-ı hılāf olan ʔarīkda aşlā bulunmazlar dimektür. **Kerān**, bunda «kenār» maʕnāsınadır.

﴿ از حلال و پاک کم گیرند کام ﴾ Ḥalāl ü pāk olan nesneden murādı az ʔutarlar. Yaʕnī; ḥalāl u ʔahirden ziyāde kām-yāb olmazlar ve mā-lā beʕs ʔarafına varmazlar.

﴿ تا نیفتند اهل تقوی در حرام ﴾ Tā ki ehl-i ʔaḫvā ḥarāma düşmeyeler. Bunda **ehl-i ʔaḫvā, kem gīrend** ile **ne-yüftend** fiʕllerinüñ fāʕilidür. Ḥulāṣa-i beyt: Ehl-i ʔaḫvā pāk ü ḥalālden temettüʕ-i ʔalīl ile mütemettüʕ olur; tā ki ḥarāma düşmeyeler. Pes ḥarāma düşmemek, ḥalālden az kām-yāb olmaḫdadur. Zīrā ḥalālden keşret-i temettüʕ, telezzüzü cālibdür. Telezzüz ḫaydında olmaḫ ise nefis-perverlikdür. Nefis-perver olanuñ ḥarāma vuḫūʕı ekşerdür. Yāḫod mā-lā-beʕs olan nesneye yanaşmazlar ki mā-fīhi beʕs olana düşmeyeler. Nitekim ḥadīs-i şerīfde لا يبلغ الرجل درجة المتقين حتى يدع مالا باس به حذرا عما به باس vārid olmuşdur. Pes muttaḫī zünūbdan mübālaḡa^(ten) ictināb idene dirler. Nitekim bu maʕnāda olan ḥadīs-i ḫimā maʕlūmdur. [Ü401b] Ve baʕzı nüshada ne-yüfted müfred bulunmuşdur. Buna göre ne-yüftedüñ fāʕli ḥalāl u pākdur ve ehl-i ʔaḫvā meʕūlidür. Buña göre ne-yüfted düşürmeye demek olur; maʕnā maʕlūmdur. Ve ḥalāl u pākden kılet-i temettüʕ, ehl-i ʔaḫvānuñ ḫalı oldıḡı Feth-i Mübīn nām kitābda Ebū Zerr rivāyetiyle olan: لا يترك بعض الحلال خوفا ان يكون حراما ḥadīs-i şerīfiyle müberhendür. Ve yine kitāb-ı mezkūrda: وقال الحسن رضى الله عنه ادركنا قوما كانوا يتركون سبعين بابا من الحلال خشية الوقوع kelāmından zāhir ü mübeyyendür.

Der-Beyān-ı Şükr-i Nīʕmet ve Ehl-i Cennet

﴿ هرکرا باشد سه خصلت در سرشت ﴾ Her kimüñ ʔabʕında üç ḫūy ola. **Siriş**, bunda ism-i cāmiddür; «ʔabʕ u ʔīnet» maʕnāsınadır.

﴿ باشد آنکس بی شک از اهل بهشت ﴾ [S418b] Şeksiz ol kimse ehl-i cennet ola. **Behiş**de bānuñ fethi ve kesri luḡatdür; «cennet» maʕnāsınadır.

﴿ شکر در نعمتا و صبر اندر بلا ﴾ Nīʕmetlerde şükr ve belāda şabr. **Naʕmā**, fethile cemʕ-i ʕArabīdür; «nīʕmetler» dimektür. Cemʕ getürdigi nīʕam-ı Mevlānuñ bī-ḫadd idigini işʕār içündür.

﴿ میدهد آيينه دلرا جلا ﴾ Āyīne-i ʔalbe cilā virür. **Āyīne-i dil**, «göñül āyīnesi» dimektür ki ʕArabīde mirʕāt-ı ʔalb dirler. Ve ʕindeʕl-meşāyih, ekşer āyīne-i dilden defter-i aʕmāl murād olunur. Meşnevīde bu maʕnāda istiʕmālī çokdur. İmdi nīʕmetlere şākir ve belālara şābir olanuñ āyīne-i ʔalbi ve defter-i aʕmālī pür-cilā vü pür-nür-ı şafā olmaḫ vāreste-i ḫayd-ı beyān ve maḫallerinde nümāyāndur. Ve şākir-i naʕmānuñ medḫi baḡş-i şükrde beyān olunmuşıdı. (...)

﴿ هرکه مستغفر بود اندر گناه ﴾ Her kim ki günāḫ içinde tevbe vü istiḡfār idici ola. **Ender**, zarfıyyet içündür. İstiḡfāra günāḫı zarf düşürmek, istiḡfārı günāḫ ʕaḫabinde der-ḫāl eylemek nüktesini imādur.

﴿ حق زنار دوزخش دارد نگاه ﴾ Ḥaqq te‘ālā anı āteş-i cehennemden hıfz tutar. Nitekim ḥadîs-i şerîfde: العبد امن من عذاب الله ما استغفر vârid olmuştur. **Nâr-ı düzaḥ**, [Ü402a] «āteş-i cehennem»dür. Âhîrinde olan şîn zamîrdür; müstağfire râcîdür.

﴿ هر که ترسد از اله خويشتن ﴾ Her kim ki kendi ma‘bûdından ḥavf ider.

﴿ خواهد او عذر گناه خويشتن ﴾ O kimse kendi günâhınınuñ ‘özrini diler. O, zamîrdür; «her ki»ye râcîdür. [S419a] Pes bunda şart-ı tevbeye ri‘âyet ve Hudâdan ḥâ’if olan, îrâd-ı ‘özl ile ḥ’âhişger-i mağfiret gerekdür dimege işâret vardur.

﴿ معصیت را هر که پیدر پی کند ﴾ Her ki ‘işıyânı birbiri ardınca ider. Ya‘nî; ‘adem-i istigfâr ile günâha maḳarr olur dimekdür. **Pey-der-pey**, «birbiri eñsesince» dimekdür.

﴿ ایزدش از اهل رحمت کی کند ﴾ Hudâ anı kaçan ehl-i raḥmetden ider. Ya‘nî; itmez demek ma‘nâsınca istihfâm-ı inkârîdür. Zîrâ bilâ-istigfâr zünûba işrâr, sū’-i ḥâtımeyle sebebdür; ne‘üzü bi’llâh. **İzed**, ism-i Hudâdur. Âhîrindeki şîn zamîrdür; «her ki»ye râcîdür. İmdi:

﴿ ای پسر دالم باسغفار باش ﴾ İy oğul! Dâ’im istigfâr ile ol. Ya‘nî; istigfâra müdâvemet ü mülâzemet eyle dimekdür. Nitekim: من لزم الاستغفار جعل الله له من كل هم مخرجا ومن كل ضيق مخلصا ḥadîs-i şerîfî buña şâhiddür. Ḥattâ günde yetmiş kerre istigfâr itmek sünnet-i şerîfdür dimekdür. Ve keyfe lâ ki istigfâr zenbûn devâsıdur. Nitekim: لكل داء دواء و دواء الذنب الاستغفار ḥadîs-i şerîfî bu ma‘nâya dâlldür.

﴿ وز بدان و مفسدان بيزار باش ﴾ Ve kötüler ve müfsidlerden bîzâr ol. Ya‘nî; anlardan ‘alâḳayı kaç eyle dimekdür. Zîrâ yaramazlar ile konuşıdıkça tevbede şebât bulunmaz. **Bedân**, «bed»üñ cem‘îdür; «kötüler» ma‘nâsınadır. Murâd; e‘fâl-i nâ-marzıyye şâhiblerinden ve müfsidân ve âḥarî fesâd idicilerden; **bîzâr**, «uşanık ve târik»; **bâş**, «ol» dimekdür. Ḥattâ efyûna tâ’ib olan evvelâ efyûn-fürûş ile şöḥbet ü ‘alâḳasın kaç itmek gerekdür dimişlerdür. Bu mışrâ’uñ mışrâ’-ı evvel üzere ‘aṭfında bu mişllü nükteye îmâ vardur. Fi’l-ḥaḳîḳa müfsid kendi nefsinî ifsâd itmişken muşâḥibini ifsâd eylemek ma‘lûm u mücerrebdür.

Der-Fazîlet-i Şadaḳa Mî-Güyed

﴿ کر کنی خیری بدست خویش کن ﴾ Eger bir ḥayr ider iseñ kendi elüñ ile eyle. Ya‘nî; vekîl ü nâzır u etbâ‘ u huddâm elleriyle görme. Zîrâ; “il eliyle yılan tut” dimişlerdür. Ve şadaḳada efḍal olan sırran virilendür. Şadaḳa-i sırrî kendi elüñ ile olandır. Yâḥod vereşe vü vaşî re’yine ihâle ile şadaḳayı mevtûnden şöñraya [S419b] te’ḥîr ve ḡayra tefvîz eyleme. Zîrâ tenfîzi meḥûl ve seni unudacakları meczûmdur. Ve ḥâl-i ḥayâtta virilenüñ ba‘de’l-memât virilenden efḍaliyyeti ma‘lûmdur dimekdür. Pes şadaḳada maḥall ü müsteḥaḳḳını aramak lâzım olduğına binâ’en eyidür:

﴿ خير خود را وقف هر درویش کن ﴾ Kendü mâluñı her dervîşe vaḳf eyle. Bunda **ḥayr**, «mâl» ma‘nâsına olmak [Ü402b] zâhirdür. **Vaḳf-ı her dervîş**, «her faḳîre vaḳf» dimekdür. Ve vaḳfdan murâd zâhirdür. Pes beyân-ı sâbıḳa binâ’en nâzım eyidür:

﴿ یک درم کانرا بدست خود دهند ﴾ Bir dirhem ki anı kendi eli ile virürler. **Yek direm**, «bir dirhem» dimekdür. Direm, kesr-i dāl ile Fārisīdür. Aqçanuñ her nev'ine şāmıldür. Ammā 'Arabīde hā ile «dirhem»dür. Dirhem aślında on dört kırāt ağırına dirler idi. Şoñra her yirde isti'māl olındı. **K'an-rā**, «ki ān-rā» kelimelerinden muħaffedür.

﴿ به بود زان کز پی او صد دهند ﴾ Yegdür andan ki yüz dirhem virürler. Ya'nī; ħāl-i ħayātda virilen bir dirhem şadaqa ba'de'l-memāt virilenüñ üzerine yüz derece şavābludur dimekdür. Memātdan şoñraya mevķūf u maşrūf olan şadaqa vü maşrūfuñ şevābınuñ ħayātda virilenden bu mertebe dün oldıgı, şāhibinüñ māl-i mezkūra maħabbet ile sağılıgında yanından gitmesini istemedigindendir dimişlerdür. Ĥayātda virilenüñ efđaliyyeti bundan zāhirdür. (...) Pes nāzım dağı teraķķī tarīķıyle temşilen eyidür:

﴿ کر ببخشی خود یکی خرماى تر ﴾ Eger kendüñ bir tāze ĥurmā iħsān idesin. **Ĥurmā-yı ter**, «tāze ĥurmā» dimekdür. 'Arabīsi «temr»dür. Şöyle ki 'Arab ĥurmānuñ evvel zuħūrında tal', ba'dehū büyüdikde belah dirler. Ba'dehū şulandıkda büsr dirler. Ba'dehū yinnege şāliħ oldıkda ruṭab dirler. Ba'dehū kurıyup kemālin buldıkda temr dirler.

﴿ بهتر از بعد تو صد مثقال زر ﴾ Senden şoñra yüz mişķāl altun bahş eylemekden yegrekdür. **Mişķāl**, yüz arpa ağırıdır. Zīrā yigirmi kırātıdır. Ve her kırāt beş arpa ağırıdır. Pes yüz mişķālīmüz [S420a] biñ arpa ağırı olur. İmdi ħayāt ve ba'de'l-memāt virilen şadaqanuñ beynlerinde olan tefāvūt bundan ma'lūmdur. Lākin şadaqa-i ħayātuñ bu vechile efđaliyyeti içün şerā'it vardır. Ez-cümle ba'de'l-i'ṭā rucū' itmekdür. Nitekim nāzım eyidür:

﴿ هر چه بخشیدی مکن با او رجوع ﴾ Her ne bahş eyledüñ aña rucū' eyleme. Ya'nī; girü almak sevdāsında olma.

﴿ کر ز پا افتاده از دست جوع ﴾ Eger ki açlıkdan zaħmet ü ıztırārda olasın. **Ez-pā üftāde'i**, mecmū'an isti'māl olunur; zaħmet ü ıztırārda olmağdan kināyedür. Pes nāzım rucū'ıñ ħālını temşil idüp buyurur:

﴿ این بدان ماند که شخصی قی کند ﴾ Buña beñzer ki bir kimse kuşar. **Īn**, rucū'a işāretdür. **Be'dān māned**, be-ān māned yirindedür. Ma'nā; «aña beñzer ki» dimekdür. **Şāḥṣī**, «bir şaḥş»; **ķay koned**, «kuşar».

﴿ باز میل خوردن آن قی میکند ﴾ Girü ol kuşundıyı yimege meyl ider. Mışrā'-ı evveldeki ķayy, ķuşmaķ ma'nāsınadır ve mışrā'-ı şānīde «ķuşundı» ma'nāsınadır. Pes rucū' aḥvālinde müsteşnā olanı beyān içün nāzım eyidür:

﴿ با پسر کر چیزکی بخشد پدر ﴾ Eger baba oğlına [Ü403a] bir nesnecik bağışlaya. Ya'nī; bahş eylemiş olsa. **Āṭzek**, kāf-ı taşğīr ile «nesnecik» dimekdür. Āḥirindeki yā vaḥdet içündür.

﴿ میسزد کر باز کیرد از پسر ﴾ Yaraşur eger oğuldan girü ṭuta. Ya'nī; rucū' u istirdād eyleye dimekdür. Pes nāzım 'umūma naşīḥat miyānesinde, püser maķāmında olana māl ile faḥret ve pederüñ dağı olur ise virdigüñi lisāna getürme dimege işāret ķasdıyle eyidür:

﴿ ای پسر با مال و زر شادی مجوی ﴾ İy oğul! Māl ü altun ile sevinme dimekdür.

﴿ آنچه کس را داده' دیگر مکرى ﴾ Ol nesneyi ki bir kimseye virmişsin; dađı söyleme. Ya'nî; istirdād yāhōd imtinān eyleme dimekdür. Zîrâ:

﴿ شادى دنيا سراسر غم بود ﴾ Sürûr-ı dünyâ başdan başa ğammdur. Ya'nî; sürûrî ğamm ile müdġamdur. Nitekim Hâfız:

مجوى عيش خوش از دور (و)اژگون سپهر
که صاف اين سر خم جمله دردى اميزست

dimişdür. Ma'nâ; feleküñ mün'akis devrinden laţîf 'îş isteme; zîrâ bu küp başınuñ şâfî cümle dürdî ile karıcıdur; zîrâ başı aşâğı olmışdur. Murâd; [S420b] dünyâda derd ü miñnetsiz zevk u şādî yokdur. (V)âjgün, mün'akis dimekdür. Dürd 'Arabî, dürdî fârisîdür; şarâbuñ tortı ma'nâsınadır. Ve dađı sürûrî serî'û's-seyr olmağın ğammdan ma'düddur. Nitekim şî'r:

اشد الغم عندى فى سرور
تيقن عنه صاحبه انتقالا

bu beyâna güvâhdur. Anuñçüñ nâzım eyidür:

﴿ سور او را در عقب ماتم بود ﴾ Anuñ düġünü der-ʿaġab mâtem olur. Sür, «dügün»; der-ʿaġab, «ökcesin başaraġ»; mâtem, «yas»dur. İmdi ʿâķıl olan bu maġûle dünyâya dildâde olmayup, rencini çekmekden hâzer üzre olmaġ gerekdür. Nitekim şâ'irüñ, şî'r:

كويم خبرى با تو ز درويش توانكر
تا رنج نبايد كه كشى از پى دنيا
قارون بتجمل بنه ارض فروشد
عيسى ز تجرد زده بر اوج فلکها

ķıřa-i dil-ārâsı bu beyâna münâsibdür. Pes:

﴿ امر لا تفرح ز دنيا كوش دار ﴾ Dünyâ eclinden (lâ-tefraġ) emrine ġulaġ tüt. Ya'nî; lâ-tefraġ ile ʿâmil olup, dünyâ ile feraġnâk olan Ķârünuñ ġâlini Ķurʿân-ı Kerîmden istimâʿ u ġıfz eyle dimekdür. İcmâlen beyânı ber-manţûġ-ı âyât-ı mübîn ve ber-tefsîr-i müfessirîn şöyledür ki: Ķârün, ġazret-i Kelîmu'llâġ ʿaleyhi's-selâma gelüp kendi faġrından şekvâ ve tâlib-i ʿilm-i ķımyâ olmağın, ba'de ġuşûlî'l-merâm keşret-i mâlile feraġnâk u maġrûr ve ġavminüñ üzerine tefevvuk dâ'iresinde maġşûr oldıġda eyitdiler: “İy Ķârün! Dünyâ muţlakâ mezmûmdur ve sürʿat-i zevâlınden ġaflet birle kendüye maġabbetüñ bî-nefice idigi ma'lûmdur. Ve lâ-meġâle lezzeti zillet ve vuşlatı fırķat ve maġabbeti mâniʿ-i maġabbet-i ġazret-i Rabbü'l-ʿizzetdür. Bunuñla feraġnâk olanları Ĥudâ sevmez. Bunuñla maġrûr u mesrûr olma. Ve Ĥaġķuñ ni'metlerinüñ ġadrını [Ü403b] bilüp, sebîl-i ġayra sâlik ve âġirete tâlib ol. Ve dünyâdan naşîbüñi unutma ki; naşîbüñ bir kefendür. Ve saña olan inʿâmât-ı Ĥudâ muġâbilinde şükri-tâmm ve tâʿâte ihtimâm eyle. Yir yüzinde fesâd eyleme ki; Ĥudâ müfsidlerini sevmez” didiklerinde Ķârün, ʿilâve-i ʿilm ve keşret-i mâl ü câġ ile nâs üzre tafaddul [S421a] u tefevvuka istiġķâķıyyet iddiʿâsına ictisâr ve biñde bir olmaġ üzre edâya müteʿahhid oldıġı zekâtı istiksâr idüp ġazret-i Kelîmu'llâġ gibi zât-ı ʿişmet-penâġa ezâya

مثل مؤمن مثل سنبلة يحركها Faḥru'l-enām 'aleyhi's-selāmuñ *ḥadīṣ-i şerîfî mübeyyendür.* El-erze, feth-i hemze ve sükûn-ı rā'-i mühmele ba'dehū zā'-i mu'ceme ile meşhûrdur. Lâkin 'inde'l-Cevherî ve şāḥibü'l-Ġarā'ib, feth-i rā'-i mühmele ile şanevbere beñzer bir şecerdür; Şām ve bilād-ı Ermende olur. Ve 'inde'l-ba'z şecer-i şanevberdür. Tünka'ar, tünkala' ma'nāsınadır; Türkîsi «kökinden dürlür» demekdür. Nüktesi zāhirdür. Ammā ḥavāşş olan merdān-ı İlāhî murād olındıkda merdān-ı Ḥudānuñ, ārzuları olan müşāhede tarîkında çekdikleri mücāhede âlāmından mā-'adā şevk-ı nār ile ne gūne sūzān ve cām-ı 'ışk ile ne mertebe ḥūn-āşām-ı guşşa-i bî-kerān oldukları nāzımuñ Müferriḥātındaki beyânında 'ıyāndur ki buyurmuşdur, *nāẓm*:

اگر داری امید وصل دلدار
تن خود را بدرد و رنج کن یار
بلا و درد و رنج و غم کشیدن
وصالش را توان در رنج دیدن
اگر داری وصال او تمنا
بشو از درد هجرانش تو رسوا

intihā. Ve bu ma'nāda Ḥ'āce Nevāyî buyurmuşdur, *beyt*:

بروز غم کسی جز سایه من نیست یار من
ولی او هم ندارد طاققت شبهای تار من

[S422a] Pes feraḥ-ı dünyāyî isteyenlerüñ ḥālî dünyāda ġamm u ḥūzn ü elem olduğunu işbāt için nāẓım eyidür:

﴿ غم شود یار فرح جویندگان ﴾ Feraḥ isteyücilerüñ muşāḥibi ġamm olur demekdür. Ḥattā erbāb-ı ḥālūñ ġamm-şādılıkları gibidür dimişlerdür. Nitekim *beyt*:

من و مجنون دو غریبیم غم ما شادئ ماست
هرکه این نکته ندانست نه از وادئ ماست

bu beyānda kāfîdür. Ve bidāyetde ġamm nihāyetde ḥurremlige bādîdür diyü merdān-ı Ḥudā ġamma şād olmuşlardır. Nitekim *beyt*:

شاد بدانم که دل ما غمیست
کآمدن غم سبب خر میست

maẓmūnı beyān-ı murāda vāfîdür. İmdi fikr-i 'uqbā ile ġammgîn olmayanuñ ḥālî nedür? dinür ise bundan ma'lûmdur ki nāẓım buyurur:

﴿ هرکرا نبود بدل اندیشه ﴾ Her kimüñ ki ḡalbinde bir endişe olmaya. Ya'nî; fikr-i 'uqbā bulunmaya.

﴿ عاقبت بر پای بیند تیشه ﴾ Āķıbet pāy üzre bir tîşe görür. Ya'nî; āķıbet bir zarar u kederin görür demekdür. Pes fikr-i āķıbet, fikr-i bidāyet-i ḥāle mevķūf ve evvelini düşünen, āḥirini düşünmek ma'rûf olmağın nāẓım eyidür:

[Ü404b] ﴿ ان چه موجودی بیندیش ای پسر ﴾ İy oğul! Neden mevcūd olduñ?; fikr eyle. Ya'nî; bu merkez-i vücūda ne vechile geldüñ ve neden ötüri geldüñ?; bir fikr eyle ki bu fikr saña lâzımdır. Zîrâ:

﴿ هرکسی دارد غم خویش ای پسر ﴾ Her bir kes kendi ğamını yir. Ya'nî; senüñ ğammını âhîr kimesne yimez. Herkesüñ ğammı kendi başı içündür. İmdi bunu mülâhaza eyle ki:

﴿ کرد ایزد مر ترا از نیست هست ﴾ Hâlık seni yokdan var itdi. Bundan murād; bidāyet-i hâl-i hılqat-i insānîdür ki, insān ma'cūm iken evvelā anı tūrābdan ba'dehū nuṭfeden ba'dehū 'alaqadan ba'dehū muzğadan halk idüp ba'dehū sem' ü başar u hiss ü harekeden hālî cemād iken, şey'-i mezkūr ve sem' u başîr idüp ثم السيل يسره manṭūqınca ṭarīkından teysîr ile tesyîr ve merkez-i 'āleme getürdi. Ba'dehū necdine ihtidā ile terbiye ve içām ve irvā vü iksā ve yevmen-fe-yevmen kuvvet ü kudret ve 'aql u başîret ile kâbil-i hüdā vü içā'at eyledi. Nitekim bu ni'met-i pür-ḥikmet her mevcūduñ meşhūdudur. [S422b] Pes bunda ḥikmet:

﴿ از برای آن که باشی حق پرست ﴾ Andan ötüri ki sen Hakk'a ṭapıcı ya'nî; ibādet idici olasın. **Hakk-perest**, terkīb-i tavşîfidür; «Hakk'a ṭapıcı» dimekdür ki 'Arabîsi «'ābid»dür. Pes bunda وما خلقت الجن و الانس الا ليعبدون āyet-i şerîfine telmîḥ vardır. 'Abd elbette 'ibādetde gerekdür. 'İbādet ise sa'ādetdür. (...)

﴿ تا توانی بنده' معبود باش ﴾ Mā-dām ki kādîrsin bende-i ma'būd ol. Ya'nî; ma'būdun bi'l-Hakkıñ kulluġını yirine getür dimekdür. (...)

﴿ با حیا و با سخا و جود باش ﴾ Ḥayā ile ve seḥā vü cūd ile ol. **Ḥayā** imāndan idigine قال ابن هادى ile ve seḥā vü cūd ile ol. **Ḥayā** imāndan idigine قال ابن هادى Ve daḥı ḳubḥa nisbet olunmaḳ ḥavfından nāşî insāna lâhıḳ olan inkisāra mebdē' olup ve nihāyeti terk-i ḳabāyıḥ ve bunun cümlesi ḥayr idigine قال عن هادى Ve daḥı cūd lafzı seḥānuñ 'aṭf-ı tefsîri olmaḳdan; seḥā, seḥāvete ve cūd iṣār didikleri ḥaşlete işāret olunmaḳ bâhirdür. Zîrâ saḥî, «yiyüp yidüren»e dirler. Lâkin cevād böyle degüldür. Binā'en 'aleyh Ḥudāya cevād dînür; ammā saḥî ıtlāk olunmaz.

﴿ مکنز اندر خواب و خور ایام را ﴾ Günleri ekl ü şûrb ve nevmde geçürme. Murād; 'ömr-i 'azîzi tegāfülde geçürme dimekdür. Zîrâ nāzım zıkr baḥşinde bu beyti üslûb-ı dîġer ile getürüp:

زنده دار از ذکر صبح و شام را

در تغافل مکنزان ایام را

diyü buyurdıġı bu ma'nāya ḳarînedür. Ve nāzıma tekrār-ı su'ālî vārid olmadıġı zâhirdür.

﴿ زنده دار از ذکر صبح و شام را ﴾ Şubḥ u aḥşam zıkrden diri ṭut. Ya'nî; evrād u ezḳār ile şubḥı pür-zıyā ve leyli iḥyā eyle dimekdür. Pes rüz u leyālîni ġaflet ile geçürenüñ her evḳatı mürde-mişāldür dimege bunda imā vardır. Ve bunda **zıkr**, ezḳār u istiġfāra mişāldür. Ve zıkr ü istiġfār rızḳı cālîbdür.

﴿ خواب کم کن اول روز ای پسر ﴾ İy oğul! Çın şabâh uyuma. **H^vâb kem konda**, kem lafzı nehy i'tibâr olunmağın me'âlde «h^vâb me-kon» yirindedür; ma'nâsı «uyuma» dimekdür. **Evvel-i rûz**, «çın şabâh» ma'nâsınadır. 'Arabîsi zamm-ı şād ile «şubha»dur. Ol vaktde nevm mâni^c-i rızk idigi hadîs-i şerîf ile sabitdür. Ve vakt-i mezkûra nevmüñ vürüdına bâ'is esbâb-ı zâhirî vardır. Ez-cümle günâhdan 'adem-i ictinâbdur. Nitekim Süfyân-ı Şevrî buyurmuşdur ki: Bir zenbe düşmek sebebiyle beş mâh kıyâm-ı leyl ve seher-hızlıkden mahrûm oldum, intihâ. Ve dahı keşret-i ekldür. Zîrâ keşret-i ekl keşret-i şürbe ve keşret-i şürb keşret-i nevm ve keşret-i nevm keşret-i husrâna bâdîdür dimişlerdür. Anuñcün nâzım eyidür:

﴿ نفس را خوردن میاموز ای پسر ﴾ İy oğul! Nefsini yimege öğretme. Ya'nî; keşret-i [S423b] ekl ile nefis-perver olma dimekdür. **Horden**, «ekl» ma'nâsınadır. **Me-yâmûz**, nehy-i hâzırdur; «öğretme» dimekdür.

﴿ آخر روزت نکو نبود منام ﴾ Âhîr-i rûzda yatmak saña eyü degüldür. **Âhîr-i rûz**, şemsüñ gurubı vaktidür. **Menâm**, «yatmak» ma'nâsınadır; maşdar-ı mîmîdür. Vakt-i mezkûrda menâmuñ eyü olmadığını nâzım mısrâ'-ı şânî ile işbât idüp buyurur:

﴿ پیشتر از شام خواب آند حرام ﴾ Aşşamdan öñdünrek uyku harâm geldi. **Pişter ez-şâm**, «aşşamdan öñdünrek» [Ü405b] dimekdür. Pes harâmdan murâd; kerâhet-i tahrîmîdür; eger şalât-i 'aşr fevt olmadı ise. Ve illâ eşedd-i harâm ile harâmdur. Ve nevm-i mezkûruñ ba'is-i fütür-ı beden ve sebeb-i nokşâniyyet-i 'aql ve mâni^c-i iştihâ'-i ta'âm idigi mahallerinde meştûrdur.

﴿ اهل حکمت را نمی آید صواب ﴾ Ehl-i hikmete toğrı gelmez. Ya'nî; her umûrda mütqın olan 'ilm ü 'amel ehlinüñ yanında şavâb degüldür.

﴿ در میان آفتاب و سایه خواب ﴾ Güneş gölge arasında uyumaq. **H^vâb**, bunda «uyumaq» ma'nâsına ism-i maşdardur. Mağall-i mezkûrda h^vâbuñ nâ-ma'kûl oldığı şeytânüñ maşarrı olduğındandır.

﴿ ای پسر هرگز مرو تنها سفر ﴾ İy oğul! hergiz yalnız gitme. Zîrâ الطريق ثم الرفیق dır. Ve bilâ-refîk seferüñ haţarı beyân-kerde-i ehl-i tahkîkdür. Nitekim nâzım eyidür:

﴿ باشدت رفتن سفر تنها خطر ﴾ Yalnız sefere gitmek saña zarar ola. Bunda **haţar**, «zarar» ma'nâsınadır. Nitekim İbnü 'Ömer razıya'llâhu 'anhudan mervî olan: لو يعلم الناس ما فى الوحدة لما سار: hadîs-i şerîfinden hüveydâdur. Ya'nî; nâs vahdetde olan mazarrat-ı dîniyye vü dünyeviyyeyi bile idi dimekdür. Mazarrat-ı dîniyye; cemâ'at ile şalât şevâbından hırmân ve emşâlidür. Ve mazarrat-ı dünyeviyye; havâyicinde ma'iyetsizlik gibidür. İmdi gerek râkib ve gerek râhilüñ yalnız sefer eylesine bunda nehy vardır. Pes Faḥr-i 'âlemüñ râkib ve leyl ile kaydı, gicede haţaruñ keşreti lâ-siyemmâ râkib için merkebinüñ ednâ nesne ile nefreti vukûı nûktelerinin işâreti içündür. Ve bunda 'ilm, ma'rifet ma'nâsınadır. [S424a] Ma'lûm ola ki sefer ikidür: Biri beden ile vaţandan semt-i âhara gitmekdür. Buna sefer-i zâhirî dirler. Bu sefer için âdâb-ı zâhirî vardır. Pes âdâbı evvelen maqşûd-ı dünyevî veyâ dînî fâ'idenuñ celbi için olmaqdır. Ba'dehü redd-i mezâlim ve każâ'-i dîn ve idâd-ı nafaqa-i 'iyâl ve redd-i vedâyı ve tedârük-i refîk-ı şâlih ve şalât-ı istiḥâre ve yevm-i hamîsüñ vakt-i şabâhında zehâbdur. Ve biri dahı kalbüñ esfelden a'lâ-yı melekût-ı semâvâta seyridür. Seferüñ eşrefi

budur. Beyne'l-meşayıl buña sefer-i bâtin ve sefer-i sülûk dirler. Ve bu sefer gâyet şa'b olmağın mesâlikleri gūyâ münderi olmışdur dirler. Ve bu bu sefere mâlik olan sâlikûn refîkî evvelen mürşid-i kâmindür ki bu tarîkuñ reh-beridür ve üstâdlaruñ fâzîlteridür. Bu vechile üstâdı olmayanuñ üstâdı şeytân ve seferi hızlândur. Nitekim من لا استاد له فاستاده الشيطان dimişlerdür. Şâniyen, mā-sivāya mûte'allîk 'alâkayı kaç ile sebük-bâr olmağdur. (...[S424b, Ü406a]...)

﴿ دست را در رخ زدن شومست شوم ﴾ Eli yüze urmak şümdür, şüm. Ya'nî; yañağa veyâ yüze važ-ı yed eylemek bed-ţâlî'lük ve bî-ğayrlükdür. Bunda **ruḥ**, «yañağ ve yüz» ma'nāsına olmağ mülâyimdür. **Şümešt şüm**, şānî te'kiddür; «bed-ţâlî'lük ve ğayrsızlûk»dür.

﴿ استماع علم کن ز اهل علوم ﴾ Ehl-i 'ulûmdan 'ilm istimâ'e eyle. Ya'nî; fî'l-i mezkûruñ şüm oldığı 'âlim sözidür; kabûl eyle. Yâhod ehl-i 'ilmden istimâ'-ı 'ilm eyle ki bu mes'ele ma'fûmuñ ola dimekdür.

﴿ شب در آیینه نظر کردن خطاست ﴾ Gice âyineye bakmağ ğaţâdur. **Āyine**, ma'rûfdur.

﴿ روز اکر بینی روی خود رواست ﴾ Eger gündüz kendi yüzüñi görür iseñ revâdur. Murâd; âyineye nazar hoşdur lâkin şartı gündüz olmağdur. Zîrâ gice âyineye nazar, bâ'is-i noqşânî-i 'ağldur.

﴿ خانه کر تنها و تاریک بود ﴾ Hāneñ eger tenhâ vü karañu ola. **Ṭārik**, «karañu» ma'nâsınadır. Āhîrindeki tâ, ğiţâb içündür; **ḥāne** lafzınuñ âhîrine merbûţdur; «ḥāne'et» yirindedür.

﴿ مونسى بايد كه نزديك بود ﴾ Bir iş gerek ki yanußda ola. Ya'nî; böyle eve yalnız yatma. Zîrâ 'ağla zararlıdır. **Mūnis**, 'Arabîdür; Fârisîde ğamm-gūsâr dirler; ma'nâsı «ğamm def' idici» dimekdür. Buña göre âdemuñ mūnisi, laţîf olmağ hoşdur;

﴿ دست را کم زن تو در زیر زنج ﴾ Elüñi çeñe altuna koyma. **Kem zen**, «urma» demek me'âli «koyma» dimekdür. [Ü406b] **Zîr-i zenah**, «çeñe altı»dur.

﴿ نزد اهل عقل سرد آمد چو یخ ﴾ Ehl-i 'aql kıatında buzdan şavıq geldi. Ya'nî; bu fî'l 'uqalâ yanında gâyet bâriddür. **Serd**, «şavıq»; **çu yah**, «buz gibi» dimekdür.

﴿ چار پا در راه اکر بینی قطار ﴾ Dört ayaklu ğayvânı eger yolda kıaţâr görürsin. Bunda murâd; deve kıaţâridur, kemâ fî'l-kütüb. [S425a] **Der-râh**, «yolda» demek bu kelâmuñ îradı kıaţârlanmağuß tarîkı oldığı içündür. Nitekim ba'zı nüşhada der-râh yirine der-bâr lafzı gelmişdür. Ma'nâsı «yükde» dimekdür. Be-her-hâl yükde olmağ, kıaţârlanmağı müş'irdür. Kıaţâr, deve de altı ve kıaţırda beşdür, kezâ fî-Ferheng.

﴿ در میان شان نیایى زینهار ﴾ Anlaruß arasından gelmeysin. Elbette ya'nî geçmeysin dimekdür. Zîrâ nisyânı mûrişdür.

﴿ تا فرايد قدر و جاهت را خدای ﴾ Tâ ki Ḥudâ senuß kıadrüñi vü câhuñi ziyâde eyleye. **Câh**, «manşib u kıadr ü 'izz ü devlet» ma'nâlarınadır ki bunları viren Vâhibü'l-'aţâyâdur. İmdi:

﴿ روز شب میباش دائم در دعا ﴾ Gündüz ve gece dâ'imâ du'âda ol. Pes dergâh-ı icâbet-penâha du'âya müdâvemet idenüñ, teraqqî-i kıadr ü 'izzet ve tezâyüd-i 'ömr ü devleti bî-iştibâhdur. Ve eyülük ile ğalkdan du'â alanuß tezâyüd-i 'ömr ü devleti ke-zâlik bî-reybdür. Nitekim nâzım eyidür:

﴿ تا شود عمرت زیاده در جهان ﴾ Tâ ki cihânda 'ömrüñ ziyâde ola.

﴿ رو نکویی کن نیکویی در نهان ﴾ Git gizlûde eyülük eyle. **Nikûyî**, «eyülük» ma'nâsınadır; sâni evveli mü'ekkeddür. Eyülük, birr ü ihsân ma'nâsınadır. Nitekim: لا يزيد القدر الا الدعاء ولا يزيد في الحدîs-i şerîfi bu ma'nâyı nâtiq ve muvâfiq-ı ma'nâ-yı ebyât-ı sâbık u lâhıkdur. Ve ihsânı, nihânda eylemege kayd eylediği, ihsân-ı nihânîni ihsân-ı 'alâniyyeden ef'âliyyetini beyân içündür.

﴿ تا نکاهد روزیت در روزگار ﴾ Tâ ki cihânda rızkuñ eksilmeye dimekdür. **Der-rûzgâr**, bunda dünyâda dimekdür.

﴿ معصیت کم کن بعالم زینهار ﴾ Zinhâr ma'sıyyeti 'âlemde az eyle. Zîrâ günâh, bâ'is-i noqşân-ı rızq idigi bî-iştibâhdur. **Zinhâr**, «elbette» yâhod «şaşın» ma'nâsınadır.

﴿ هرکه رو در فسق و در عصیان کند ﴾ Her kim ki fışq u işyâna teveccüh ider dimekdür.

﴿ ایزد اندر رزق او نقصان کند ﴾ Hudâ-yı müte'âl anuñ rızkını eksik ider. **Ender**, bunda zâ'iddür. **Rızq-ı o**, «anuñ rızkını» dimekdür. O, zâmîrdür; «her ki»ye râci'dür.

﴿ کم شود روزی ز گفتار دروغ ﴾ Yalan sözden rızq eksik olur. Ya'nî; [S425b] yalancınıñ dağı rızqı noqşân olur.

﴿ در سخن کذاب را نبود فروغ ﴾ Sözde kezzâba zıyâ vü revnağ [Ü407a] u le'âfet olmaz. Ya'nî; kezzab dü-cihânda 'izzet bulmaz dimekdür. Pes nâzım mürîs-i faqr olan esbâbuñ beyânına şurû' idüp buyurur:

﴿ فاقه آرد خواب بسیار ای پسر ﴾ İy oğul! Çok uyku faqr getirür. **Fâqa**, 'Arabîdür; «faqr» ma'nâsınadır.

﴿ خواب کم کن باش بیدار ای پسر ﴾ İy oğul! Az uyu ve uyanık ol. Ya'nî; çok yatma; uyan dimekdür. Nâzımuñ “az uyu” didigi; miğdâr-ı şer'î kadar uyu dimege imâdur. “Uyan” didigi; ihyâ'-i leyl ve seher-hîz olmağa işâretdür. Nitekim buyurmuşlardur

قم الیل یا هذالعلک ترشد

الیکم تنام اللیل والمعمر ینفد

﴿ هرکه در شب خواب عریان میکند ﴾ Her kim ki gicede 'uryânen uyur. Ya'nî; çıplak yatur dimekdür. Nâzımuñ bunda **der-seb** didigi 'âdeten nevm gicede oldığına binâ'en(dür). Yoksa gündüzde dağı yalnızca yatan bu hükmeddür.

﴿ در نصیب خویش نقصان میکند ﴾ Kendi naşîbini noqşân ider. Ya'nî; faqra mübtelâ olur dimekdür. **Der** bunda zâ'iddür.

﴿ بول عریان هم فقیری آورد ﴾ 'Uryân bevl eylemek dağı faqrılık getirür.

﴿ انده بسیار پیری آورد ﴾ Keşret-i guşsa ihtiyârlık getirür. Zîrâ keşret-i gamm u guşşâdan dâhil-i bedende cân şıkılır. Ol sebebden harâret-i garîze intifâ-pezîr olup, eczâ'-i gıdâ'ıyyeyi nuzc-ı tāmmdan alıkor. Ve kılet-i nuzc balğamuñ ahlâf üzerine galebesin îrâş ider. Ol zamân saç u şakal sefîd ve beden kadîd olur, kezâ ft-Şeyh-zâde. Hattâ bir sâ'at gamm u hemm, bir senelik herem getirür dimişlerdür. Ve bu vechile endühnâk olmak ehl-i dünyâda keşir olduğından ve pîrlik sebebiyle kişi 'ibâdetden girü

kalıldığından nāzım: “Endūh-ı dünyā ile me’nūs olma ki t̄ā’ātden dūr u me’yūs olursuñ” dimege ĩmā buyurmuşdur. Ve pīrlıkde bu ma’nā mevcūddur. Nitekim rivāyet eylemişlerdür ki; şāhān-ı ‘Acemden biri, hengām-ı pīrīde nüdemāsına h̄itāb idüp buyurmuş ki: “İy benüm nüdemā-yı h̄āşşlarum! Pīrlık ‘askeri binā-yı bedenümi h̄arāb itmegın kuvā-yı kavī za’ıf ve a’zā-yı muhkem naḥıf oldıkdā, kūhsār-ı ser-i devlet-efserüm ālūde-i berf-i şeyb olup, bürüdetinden nāşī dimāğ-ı [S426a] serden lezzet-i fehmi sūḥan zā’il ve ālāt-ı idrākātum derk-i maḥsūsāt ve te’aqqul-i ma’kūlātından dūr u nā-kābil oldı. Ve ma’den-i rūḥ-ı ṭabī’ olan ciger, menāfī-i kīmūsdan ba’ıd ve maḥzen-i ağıdiye olan mi’de, fevā’id-i kīlūsdan ḡayr-ı müstefīd oldı” diyüp bu beyti ĩrād buyurmuşdur, *beyt*:

و انی کباز تساقط ریشه
له حسرات کلما طار و طائر

intihā.

﴿ در جنابت بد بود خوردن طعام ﴾ Cünüb iken t̄ā’ām yimek kötüdür.

﴿ نا پسندست این بنزد خاص و عام ﴾ Bu h̄āşş u ‘āmmuñ ‘indinde nā-ma’kūldür. **Īn**, mışrā’-ı evvelūñ mefhūmı üzre cenābet ḥālinde ekl-i t̄ā’ām ḥaşletine işāretdür. **Be-nezd-i h̄āşş u ‘ām**, «h̄āşş u ‘āmmuñ yanında» dimekdür. Murād; [Ü407b] herkesuñ ‘indinde nā-ma’kūldür dimekdür. Yāḥod h̄āşşdan murād, ālim; ‘āmmıdan murād, cāhildür ve cāhil, ricāl ü nisāya şāmildür. Bu ta’cīmde olan nükte zāhirdür.

﴿ ریزه نانرا میفکن زیر پای ﴾ Ekmek ḥurdelerin ayağ altına bırakma. Ya’nī; süfre kırındısını dimekdür.

﴿ کر همی خواهی تو نعمت از خدای ﴾ Eger Ḥudādan dükeli ni’met isterseñ. Ya’nī; ni’metuñ devāmını dilerseñ dimekdür. Pes böyle etmek kırındısını ayağ altına dökenuñ ve dök diyenuñ faḡra mübtelā olduğu mücerrebdür.

﴿ شب جاروب هرگز خانه در ﴾ Gice hergiz ḥānede süpürge urma dimekdür. **Cārūb**, aşl yir süpürici ma’nāsına fā’ile ıtlāḡ olunur iken mecāzen ālet-i fā’il olan süpürgeye ‘alem olmuştur. **Ḥāne-der**, der-i ḥāne ta’bīriyle ḥānede dimekdür.

﴿ خاک رو به هم منه در زیدر ﴾ Hem süpürindiyi ḡapu altına ḡoyma. Ya’nī; süpürindiyi ḡapu eñsesinde yığma dimekdür. **Ḥāk-rūbe**, «süprindi» ma’nāsınadır. **Der-zīr-i der**, evvelki der lafzı zarfiyyet içündür. İkinci der, «ḡapu» ma’nāsınadır. Zīr, «alt» ma’nāsınadır. Ma’nā-yı mecmū’; «ḡapu altında» dimekdür. Bunlar cümle faḡrı mūrışdır.

﴿ کر بخوانی باب و مامت را بنام ﴾ Eger babañı ve anañı adlarıyle ḡaḡırasın. Ya’nī; baba ve anaya ta’zīm eylemeyesin. **Bāb**, Fārisīde «baba» ma’nāsınadır; peder gibi. **Mām**, «ana» ma’nāsınadır; māder gibi. Āḡirinde olan tā h̄itāb içündür.

﴿ نعمت حق بر تو میکرد حرام ﴾ Ḥaḡḡuñ ni’meti [S426b] üzeriñe ḡarām olur. Ya’nī; faḡır olup ni’met bulamazsıñ dimekdür. Ḥattā vālideyn ḡaḡḡında terk-i du‘ā, veleduñ ḡıḡ-ı ‘ışine sebebdür dimişlerdür. Pes vālideyne ta’zīm lāzımdur. Ve vālideye vālididen ziyāde ta’zīm eylemek gerekdür.

﴿ کر بهر چوپى کنى دندان خلال ﴾ Eger her çüb ile diş hılállayasın. **Çüp**, «yonulup düzlenmemiş ağaca» dirler. Âhîrindeki yâ, vahdet içündür. **Hılâl**, maʿrûfdur; Fârisî vü ʿArabîde müstaʿmeldür. ʿArabîde cemʿi «ahılle»dür.

﴿ بى نوا کردى و افتى در و بال ﴾ Faķîr olursın ve vebâle düşersin. Maʿlûm ola ki dişleri teħallül ber-manţûķ-ı ħadîs-i şerîf nezâfetdür; ve nezâfet îmâna dâʿiyyedür; ve î mân şâhibiyle cennetdedür, intihâ. Ve daħı âzûlara şihhat ve câlib-i rızķ u niʿmetdür. Lâkin her şecer ile hılâle izn yokdur. Ez-cümle ķamış, âkile ʿilletin mûrişdür. İncir, ʿadem-i ķabûl-i duʿâya sebebdür. Ve reyĥân, vebâldür. Ve şecer-i verd, cüzẓâm ve beraş ʿilletlerin mûrişdür. Ve mersin, sũʻ-ı ĥulķ ve suʻ-ı ẓann ve vecaʻ-ı zırsı mûrişdür. Ve tarfâ, nisyân ve ʿaklda noķşânı mûrişdür. Ve süpürge çöpi ķulunc ʿilletin mûrişdür. Ve yonca ĥıkke marazın mûrişdür. Ve kezbüre nisyânı mûrişdür dimişlerdür.

﴿ دست را هرکز بخاک و کل مشوى ﴾ Eli hergiz toprak ve balķık ile yayķama. **Gil**, kesr-i kâf-ı ʿAcemî ile balķıķdur. **Meşüy**, nehy-i ĥâzırdur; «yuma» dimekdür. Zîrâ faķrı mûrişdür. İmdi:

﴿ از برای دست شستن آب جوى ﴾ El [Ü408a] yumaķ için şu iste. Yaʿnî; yalnız şu ile iktifâ eyle dimekdür. Eger elüñe şâbûn girer ise niʿmeʻl-maţlûbdur.

﴿ ای پسر در آستان در مشین ﴾ İy oğul! Ķapu işiginde oturma. Murâd; ʿatebe-i bâbdur. **Der-âstân-ı der**, evvelki der ẓarfiyyet içündür; âstân, «işik»dür. İkinci der, «ķapu» maʿnâsınadır. Maʿnâ-yı mecmûʻ «ķapu işiginde» dimekdür. **Meşîn**, me-nişînden muĥaffefdür; «oturma» dimekdür.

﴿ کم شود روزى ز کردار چنین ﴾ Buncılayın ʿamelden rızķ eksilür. **Ķirdâr**, kesr-i kâf-ı ʿArabî ile «amel» maʿnâsınadır.

﴿ در خلا جا کر طهارت مىکنى ﴾ Ĥalâ yirinde yaʿnî beyt-i ĥalâda eger ĥahâret idesin. **Der-ĥalâ câ**, der-cây-ı ĥalâ yirindedür; maʿnâ «beyt-i ĥalâda» dimekdür. **Ĥahâret**, bunda âb-dest ve istincâyâ şâmildür. Zîrâ beyt-i ĥalâda ķazâʻ-ı ĥâcet ʿaķabinde istincâ ve [S427a] âb-dest eyü degüldür. Anuñçün nâẓım eyidür:

﴿ وقت خود را دانکه غارت مىکنى ﴾ Bil ki kendü vaķtini yağmâ idersin. **Ķâret**, «yağma vü tâlân» maʿnâsına Fârisî vü ʿArabîde müstaʿmeldür.

﴿ تکیه کم کن تیز بر پهلوى در ﴾ Ķapunuñ pehlûsı üzre ĥayanma. Yaʿnî; mışrâʻ-ı bâba ittikâ eyleme dimekdür. **Pehlû-yı der**, «ķapunuñ yanı» yaʿnî «mişrâʻı» dimekdür. Tekye, «ĥayanmaķ» maʿnâsınadır. Pes **tekye kem kon** demek; tekye me-kon demek yirindedür. Maʿnâsı «ĥayanma» dimekdür.

﴿ باش دالم از چنین خصلت بدر ﴾ Dâʻimâ buncılayın ĥaşletden ĥaşra ol. Be-der bâş, «ĥaşra ol» dimekdür. «Ĥaşra ol» demekde olan îĥâm-ı laţîf ĥayr-ı ĥafîdür.

﴿ جامه را در تن نشاید دوختن ﴾ Ĥonı tende iken dikmek lâʻıķ olmaz. Yaʿnî; eşvâbı üzerüñde iken dikmek yaramaz dimekdür. **Düĥten**; «dikmek» maʿnâsına maşdardur.

﴿ باید از مردان ادب آموختن ﴾ Merdândan edeb öğrenmek gerek. **Merdândan** murâd; Ĥaķķ erenleridür ki yamalu eşvâbdan nefret itmezler ve yama iķtizâsında eşvâb üzerlerinde iken dikmezler.

Anlarda edeb budur. Sen daḥı bu edebi anlardan aḥz eyle ki faḫra mübtelā olmayasın dimekdür. **Āmūḥten**, «öğrenmek» ma'nāsınadır.

﴿ کر بدامن پاک سازی روی خویش ﴾ Eger dāmān ile kendi yüzünü pāk idesin. Ya'nī; eger etek ile yüzünüñ yağını silesin.

﴿ روزیت کم کردد ای درویش بیش ﴾ İy dervīş! Rızkuñ ziyāde eksik olur. **Dervīş**, «faḫīr» ma'nāsınadır. **Bīş**, «ziyāde» dimekdür. Ya'nī; faḫīrlikde teraḫḫī bulursın dimege imādur.

﴿ دیر رو بازار و بیرون آی زود ﴾ Bāzāra geç git ve tīz ṭaşra gel. Ya'nī; bāzāra ḥalḫdan şoñra var ve ḥalḫdan evvel gel dimekdür. **Dīr**, «geç»; **rev**, «git»; **āy**, «gel»; **zūd**, «tīz» dimekdür.

[Ü408b] ﴿ زانکه از رفتن نیابی هیچ سود ﴾ Zīrā ki tīz gitmekden hīç fā'ide bulamazsıñ. Murād; sa'y ile rızḫ ziyāde olmaz ve bāzāra tīz giden, bey' ü şirāsından berekāt u fā'ide bulmaz dimekdür. **Sūd**, «fā'ide» ma'nāsınadır.

﴿ نیک نبود کر کشی از دم چراغ ﴾ Eger çerāḡı nefesden söyündüresin; eyü olmaz. **Kūşī**, zamm-ı kāf-ı 'Arabī ile «depeleyesin» ma'nāsınadır. Murād; «söyündüresin» dimekdür. **Çerāḡ**, [S427b] Fārisīdür; Türkīde «çıra», 'Arabīde «sirāc»dur.

﴿ ره مده دود چراغ اندر دماغ ﴾ Çerāḡuñ tütününe dimāḡ içerusine yol virme. Zīrā dimişlerdür, *beyt*:

Püf diyüp söndürme gel aşlā çerāḡ

Şem' dūdından olur muḥtell dimāḡ

Dūd, «tütün»; **dimāḡ**, 'Arabīdür ma'rūfdur.

﴿ کم زن اندر ریش شانه مشترک ﴾ Ortāḫlık ṭaraḡı şaḫala az ur. Ya'nī; kimesnenüñ ṭaraḡını 'āriyyet alma ve ṭaraḡuñı āḫara 'āriyyeten virme dimekdür. **Kem zen**, «az ur» ma'nāsınadır. Lākin murād; me-zen ta'bīriyle «urma» dimekdür. **Rīş**, kesre-i şarīḫa ile «şaḫal»dur. **Şāne**, «ṭaraḫ» ma'nāsınadır. **Müşterek**, «ortaklık» dimekdür.

﴿ آنکه خاص آن تو باشد خوشترک ﴾ Ol şāne ki saña maḥşūşdur; ol ziyāde ḥoşca ola. **Ḥoşterek**, kāf-ı taşḡir ile «ḥoşcarek» dimekdür. *Beyt*:

İştirākin görme cā'iz şānenüñ

Şānesine urma el bīḡānenüñ

Zīrā faḫrı mürīşdür.

﴿ از کدایان پارهای نان مخر ﴾ Sā'illerden etmek pārelerin iştirā eyleme. **Gedāyān**, «sā'iller» ma'nāsına cem'dür; müfredi «gedā»dur. **Pārehā-yı nān**, izāfetle «etmek parçaları» ma'nāsınadır. **Me-ḫar**, nehy-i ḥāzırdur; «iştirā eyleme» dimekdür. Bunda li-ecli'l-kāfiye ḫā ḫarfı meftūḥ okunmaludur.

﴿ زانکه می آرد فقیری ای پسر ﴾ Zīrā ki faḫīrlik getürür iy oḡul!

﴿ دور کن از خانه تار عنکبوت ﴾ Ḥāneden örümcek tārını ıraḫ eyle. Ya'nī; ḫānede örümcek tārı koyma; pāk eyle dimekdür. **Tār-ı ankebūt**, «örümcek arışı» dimekdür. 'Ankebūt, örümcek didikleri ḫayvānuñ mü'ennesidür. Müzekkeri «'ankeb»dür. 'Arabīdür; Fārisīsi «ḡunde»dür.

﴿ باشد اندر ماندنش نقصان قوت ﴾ Anuñ hānede kalmasında rızq noqşānlığı ola.

﴿ خرج را بیرون ز اندازه مکن ﴾ Hırc u maşrafı hadden ziyāde eyleme. Yaʿnī; müsrif olma; isrāf müriş-i faḥrdur dimekdür. *Beyt*:

Vezne çek maşrafuñ irāduñ ile

Rāḥat ol ehl ile evlāduñ ile

﴿ ریش خشک خویش را تازه مکن ﴾ Kendi şaḫaluñı qurı iken tāze eyleme. Yaʿnī; qurı tarama. Zīrā faḫra sebebdür [Ü409a] ve mürüvvetsizliği cālībdür dimişlerdür.

﴿ دسترس کر باشدت تنکی مکن ﴾ Eger saña qüdrat ü vüṣʿat müyesser olmış ola; tırlık [S428a] eyleme. Yaʿnī; el ve göz tırlığı eyleme. Vüṣʿatüñe göre nefsuñe ve ʿıyālüñe nafaqa vü levāzım görmekte kuşur itme dimekdür. Böyle olana bī-mürüvvet dimişlerdür. **Dest-res**, «her nesneye el irişmek» maʿnāsınadır.

﴿ چونکه رهواری بره لنکی مکن ﴾ Çünkü yorgasın; yolda ağsıklık eyleme. Yaʿnī; iktidāruña göre hareket eyle; mürüvvetsizlik kıılma dimekdür. Murād; iktidārı var iken kıillet üzre bīhüde ʿözü ü ʿillet eyleyenüñ mişālī; yorga iken ağsıklık gösteren gibidür dimekdür. **Rehvār**, «yorga» maʿnāsınadır. **Lengī**, yāʿ-i maşdariyye ile «ağsıklık» dimekdür.

Der-Beyān-ı Fevā'id Mī-Güyed

﴿ تا شوی در روزگار از صابران ﴾ Tā ki rüzgārda şābirlerden olasin.

﴿ رو مکن از دیدن سختی کران ﴾ Git; kıtlık ve şiddet görmekten kenār eyleme. Yaʿnī; şedā'id-i rüzgāra taḥammülden rū-gerdān olma. **Rev**, emr-i hāzırdur; «git» dimekdür. **Me-kon**, «eyleme» dimekdür. **Kerān**, «kenār» maʿnāsınadır.

﴿ کر ترش سازی تو رو اندر بلا ﴾ Eger sen belāda yüzüñi turş düzesin. Yaʿnī; müteneffir olup yüz ekşidesin.

﴿ خویش را از صابران مشمر هلا ﴾ Hele kendüñi şābirlerden şayma. Pes muşṭbet kitmānı imkānda olandan ise anı ketmüñ ve yüz ekşitmemeñ, bir muʿamele-i ḥafıyye-i Müsteʿān ve ādāb-ı behiyye-i şābirindür. Nitekim ḥadīs-i şerīfde: من اجل الله و معرفة حقه ان لاتشكوا وجعك لاتذكر مصيبتك vārid olmuşdur.

﴿ در بلا وقتی که صابر نیستی ﴾ Belāda bir vaḫt ki şābir degülsin. Meşelā cezaʿ ü fezā ile bākī veyā kavlen ve fiʿlen şākīsin.

﴿ نزد اهل صدق شاکر نیستی ﴾ Ehl-i şıdḳ katında şākīr degülsin. **Ehl-i şıdḳ**dan murād; belālara şābir ve niʿmetlere şākīr olan merdān-ı Ḥudādur. Ve belki şabrı ile me'mūr olduḡuñ belā, izālesi ʿabdüñ yedinde olmayandır. Ve keyfe lā ki, kāfirüñ küfri zātında belādur; lākin kāfir o belāya şabr ile me'mūr müşāb degüldür. Pes şabr ile me'mūr olunan belā min vech^{im} niʿmet olmaḳ cā'izdür. Bu iʿtibār ile şey'-i vāḥidüñ üzerine vazīfe-i şabr ve vazīfe-i şükrüñ [S428b] ictimāı mümkündür. Meşelā; ḡanīñüñ mālī ḡınā cihetiyele niʿmetdür. Ammā mālī için kendüyi helāk murādında olsalar ol māl kendüye muşṭbetdür. Pes

‘inde’l-meşâyih belāya şükr olunmak, bu güne itibāra ve şabra muvaffak olmak, ni‘metinüñ şükürünü ikrār iledür. İmdi nāzımuñ kelāmı üzre şābir olmayan, ehlu’llāh ‘indinde şākir degüldür.

﴿ بی شکایت صبر تو باشد جمیل ﴾ Senüñ şekvāsız şabruñ güzel ola. Nitekim ḥadīs-i şerīfde: الصبر الجمیل الذی لا شکوی فیہ الی الخالق vārid olmuştur. Pes şabr-ı cemīle mānī‘ olan ḥalka [Ü409b] şikāyet eylemekdür. Yoksa hengām-ı muşibetde Ḥudāya yalvarmak şekvā degüldür. Ve ḳalbüñ ḥüzni ve ‘aynuñ sirişki ke-zālik şekvā degüldür.

﴿ با کسی کم کن شکایت از خلیل ﴾ Bir kimseye dostdan şikāyet eyleme. Ya‘nī; Ḥudāya muḥibb iseñ bīgāneye şekvā eyleme dimekdür. **Ḥalīl**, «dost» ma‘nāsınadır. Bundan murād dost-ı ḥaḳīḳī olan Ḥudā-yı müte‘āldür.

﴿ کر نباشد فخری از درویشیت ﴾ Eger faḳīrlıktan saña bir faḥr olmaya. Ya‘nī; faḳrı şeref bilmeyesin. **Faḥr** bunda «şeref» ma‘nāsına olmak rüşendür.

﴿ کی باهل فقر باشد خویشیت ﴾ Kaçan ehl-i faḳra senüñ hışmluğuñ ola? Ya‘nī; ḳurbiyyet ü intisāb u ülfetüñ ola dimekdür. Nitekim İmām Faḥr-i Rāzī *beyt*:

بدرویشی مفاخر باش فخری

حدیث خاتمست الفقر فخری

diyü buyurmuşdur. *Beyt*:

حافظ غبار فخر قناعت ز رخ مشوی

کین خاک بهتر از عمل کیمیاکری

(...[S429a]...)

﴿ کر همه جنبش بفرمان باشدت ﴾ Eger cümle ḥarekātuñ be-fermāne ola. Ya‘nī; her ḥarekātuñ emru’llāha imtisāl ü itā‘at ola dimekdür. **Cünbiş**, «hareket»; **fermān**, «buyruk»dur. Murād; fermān-ı Ḥaḳḳdur.

﴿ حرمت از خدمت فراوان باشدت ﴾ Saña ḥizmetden çok ḥurmet ḥāşıl ola. **Ḥizmet**, bunda Ḥudāya kulluḳdan ‘ibāret ve emre itā‘atdır. **Ḥurmet**, «ihtirām» ma‘nāsınadır. Meşelā, i‘ā‘-i cennetdür; tezā’üdi liḳā’-i Ḥaḳḳa vuslatdır. Pes ‘abd ḥurmetini zāyī‘ itmemek gerekdür. Nitekim meşâyih-ı muḥaḳḳıḳīn: ما وصل من وصل الا بالحرمة و ما سقط الا بترك الحرمة dimişlerdür. Buña göre ‘abdüñ Ḥudāya ḥurmeti emrine imtisāl ile ta‘zīmden ‘ibāretdür. İmdi ḥurmet cānibeynden olmak cā’izdür.

﴿ بنده از خدمت بعقبی میرسد ﴾ Ḳul ḥizmetden uḳbāya irişür. Ya‘nī; ‘izzet ü ikrām ve ni‘met-i dārü’s-selāma ulaşur dimekdür. Bu ‘ābidler maḳāmıdır.

﴿ لیک از حرمت بمولا میرسد ﴾ Lākin ḥurmetden Mevlāya ulaşur. Pes bu ‘ārifler maḳāmıdır ve a‘lā-yı maḳām budur. Zīrā ‘ābid ile ‘ārif beyninde olan tefāvüt ma‘lūmdur.

﴿ حرمتت در خدمت آرام دلست ﴾ Senüñ ḥizmetde ḥurmetüñ ḳalbüñüñ ārām u sükūnıdır. Bunda beyān şöyledür ki; ḥizmetden ḳalb pür-nūr olmağıla Ḥudādan gelen ḳazāya rızā ve beliyyāta şabr ve ni‘mete [Ü410a] şükr ile şebāt bulup teḳallübātdan maşūn ve ḳarīn-i şabr u sükūn olur. القلب ينقلب مثل القلب ينقلب اسمہ ابدًا طوبی لقلب سليم غير منقلب müfādınca sa‘ādet bu ḳalbüñ şāḥibi içündür.

﴿ هرکه خدمت کرد مرد مقبست ﴾ Her kim ki kemā-yenbağī hizmet eyledi; merd-i maqbūldür. Yaʿnī; maqbūl-i Hakkıdır. Pes ʿāriflerūñ maqbūl ü muhterem-i ʿindaʿllāh oldukları bu beytden maʿlumdur.

﴿ کر نکردی ای پسر کرد خلاف ﴾ İy oğul! Eger hilāf tarafına tolanmayasın. **Ger ne-gerdī**, «tolanmayasın»; **gird-i hilāf**, «hilāf dāʿiresine» dimekdür. Murād; Allāhuñ hilāfına gitmeyesin. Meşelā belāda şekvā itmeyesin dimekdür.

﴿ آنکهی زبید ترا در صبر لاف ﴾ Ol zamān şabrda lāf urmaq saña yaraşur.

[S429b] ﴿ کر همی داری فرح را انتظار ﴾ Eger dükeli feraha ve ferece intizār tutasın. Yaʿnī; def-i belā ve vürūd-ı şafā ve sürūra muntaẓır olasın.

﴿ در بلا نبود بصیرت هیچ کار ﴾ Belāda hīç şabr ile senūñ işūñ olmaya. **Der-belā** kelimesi mışrāʿ-ı evvelūñ āhirine müteʿallıkdür. Ve **neʿbved** fīline müteʿallıq olmaq daḥı cāʿizdür. Buña göre maʿnā: İy! Muntaẓır-ı feraḥ iseñ belā vaḳtinde şabra bī-tāḳat olursın demek murād olur. İmdi sürūra intizārı kayd buyurmakta olan nükte, ehline maʿlumdur.

Der-Beyān-ı Tecrīd ü Tefrīd

﴿ کر صفایی بایدت تجرید شو ﴾ Eger saña şafā gerek ise tecrīd ol. Yaʿnī; şāhib-i tecrīd ol dimekdür. **Şafā**, bunda zāhir ü bātinuñ şafāsından ʿammdur. **Tecrīd**, luğatde «şevb ü ʿalāʾıkdan ʿārī» dimekdür. Ammā iştilāḥ-ı meşāyihda; libās-ı daʿvāyı ḥalʿ u terkden ʿibāretdür.

﴿ کر خبر داری ز اهل دید شو ﴾ Eger haber tutar iseñ ehl-i başiretden ol. Ehl-i başiretden murād; erbāb-ı kılūbdur.

﴿ ترک دعوی هست تجرید ای پسر ﴾ İy oğul! Tegrīd terk-i daʿvādur. Tegrīd lafzı muʿaḥḥar-ı mübtedā, **terk-i daʿvā** muḳaddem-i ḥaberdür. Pes bunda daʿvādan murād; zamānede olan müddeʿilerūñ daʿvālarıdır ki, ḡanā vü raḳşdan ʿibāret olan eḡānī-i muṭribeden ḥāşıl olan ḥuzūzāt-ı nefsanīyyeyi ḥuzūr ʿadd itmişlerdür. Ve neḡamāt-ı eşʿardan peydā olan inziʿāc-ı ḳalbi vecd şaymışlardır. Ve hāy-hūy ḳıluḫ, ʿāşıḳını bābuʿllāha ihzār nāmın vazʿ eylemişlerdür. Ḳalb-i ʿāşıḳı āheng ile bābuʿllāha daʿvete ne ḥācet? Ḳalb dāʿimā ol bābuñ mülāzımı olmaq gerek idigin bilmemişlerdür. Ve böyle iken bī-kesb ü kārلūgi mücāhede ve dünyāya nazarı müşāhede şüretin ibrāz ile daʿvā-yı kerāmete dem-sāz olmuşlardır. Bunlara merdān-ı Ḥudā müddeʿi dimişlerdür. Evvelen tecrīd bu daʿvānuñ libās(ın) zāhir ü bātından ḥalʿ itmekdür. (...[S430a, Ü410b]...)

﴿ فهم کن معنی تفرید ای پسر ﴾ İy oğul! Tefrīdūñ maʿnāsını fehm eyle. İmdi nāzım ānifen tecrīdi resmile taʿrīf ve tecrīd, terk-i daʿvādur diyü işāret ʿaḳabinde tefrīdūñ maʿnāsını fehm eyle diyü emr ü nuşḥdan soñra tecrīd ü tefrīdūñ taʿrīfleriyle tafşlıne mübāderet idüp buyurmuşdur:

﴿ اصل تجریدت وداع شهوتست ﴾ Tegrīdünūñ aşlı vedāʿ-ı şehvetdür. Yaʿnī; ḳāʿide-i tecrīd, ehli ḳatında şehveti terkdür dimekdür. **Aşl** ve ḳānūn ve ḳāʿide ve zābıta bir maʿnādur. **Vedaʿ-ı şehvetest**, «ārzū-yı nefsanīyyeyi terkdür» dimekdür. Zīrā vedāʿ, fetḥile ʿArabīdür; «esenleşmek» maʿnāsnadur ki mufāraḳat ü terk kendüye lāzım gelür.

﴿ بلکه کلی انتقطاع لذتست ﴾ Belki inktā-ı küllī ile lezzātdan munkaṭıʿ olmağdır. Yaʿnī; mā-lā-büddüñ gayrı olan lezzāt-ı nefsāniyye ārzūların bi'l-küllīyye dilden iḥrāc itmekdür dimekdür. Buña maḳām-ı muḥibbīn dirler. Zīrā ḳalbi, şehevātuñ cümlesinden ḳaṭʿda ol ḳalbe maḥabbetu'llāh zuhūr idüp, ma'nā-yı tecrīdi bulur. Ve bu mertebeye vāşıl olan muḥibb; mīm ile mā-sivā maḥabbetinden; ḥā ile ḥubb-ı nefsdan; bā ile bedenden ḥalʿ-ı vücūd buyurdıḳda tecrīd ü tefrīd şāḥibi olur. [S430b] Nitekim nāzım eyidür:

﴿ کر دهی یکبار شهوترا طلاق ﴾ Eger şehevāt-ı nefsāniyyeye bir uğurdan ṭalāk viresin. Yaʿnī; bir daḫı kendüye rucūʿa ṭarīḳ koymayasın.

﴿ آن زمان کردی تو در تفرید طاق ﴾ Ol zamān tefrīdde ferīd olursın. **Ṭāḳ**, bunda cüftüñ muḳābili olan ferd ma'nāsına olur. Murād; ferd-i kāmīl ü merd-i ʿāḳıl olursın dimekdür. Nāzımuñ şehvet ve ṭalāk ve ṭāḳ kelāmılarınca olan leṭāfet ma'lūmdur. Pes buña maḳām-ı ʿārifīn dirler. Zīrā öyle olan kimesnenüñ ḳalbi maḥabbetu'llāh ve ma'rīfet-i İlāh ile māl-ā-māl ve bu cihetle maẓhar-ı seyr-i cemāl-i Mute'āl olur. Bu mertebeye varmayan pāye-i tecrīde vaẓʿ-ı ḳadem itmiş ve delālet maḳāmına yetmiş olmaz, *beyt*:

پا منه در ره تجرید نه چون عارف

کم شود چو بیرون رود از خانه خدا

buyurmuşlardur.

﴿ کر تو ببریدی ز موجودات امید ﴾ [Ü411a] Eger sen mevcūdāt-ı mümkinātdan ümīdi eyledüñ ise dimekdür.

﴿ آنکه از تفرید کردی مستفید ﴾ Ol zamān tefrīdden müstefīd olursın. Yaʿnī; munkaṭıʿ olursın dimekdür. Baʿzı nüshada tefrīd yirine tecrīd vāḳıʿdur. Ma'naları ma'lūmdur. Pes mevcūdātdan ḳaṭʿ-ı ümīdüñ ma'nāsını izāḥ için nāzım eyidür.

﴿ اعتمادت چون همه بر حق بود ﴾ Senüñ i'timāduñ çünki dükelide Ḥaḳḳ üzerine ola. Yaʿnī; tevekkül-i tāmīn şāḥibi olasın.

﴿ آن زمان تفرید جان مطلق بود ﴾ Ol zamān senüñ cānuñ tefrīd-i muṭlaḳ bulur. Yaʿnī; cümle ḳuyūdātdan āzāde ve vāşıl-ı Ḥaḳḳ olursın dimekdür. İmdi:

﴿ ترک دنیا کن برای آخرت ﴾ Āḫiret ecli için dünyāyı terk eyle.

﴿ وز بدن بر کش لباس فاخرت ﴾ Ve bedenüñden libās-ı fāḫiri ḳaldur. Yaʿnī; ḥalʿ-ı cāme-i zībā eyle dimekdür. Pes bunda Ḥʿāce Ḥāfız buyurmuşdur, *beyt*:

قلندران حقیقت بنیم جو نخرند

قبای اطلس آنکس که از هنر عاریست

Yaʿnī; evliyā'u'llāḥlar, hünlerden ʿārī olan ebnā'-ı dünyānuñ aṭlas ḳaṭṭānını yarım arpayā şatun almazlar dimekdür. Hünlerden murād; āḫiret için tedārük-i zāddur. Ve bu ma'nā üzre nāzım diğerkitābında *beyt*:

بجای اطلس [S431a] صوفی تمامست

درین معنی مرا صورت حرامست

diyü buyurmuşdur.

﴿ کر بیابی از سعادت این مقام ﴾ Eger sa‘âdetden bu maqâmı bulasın. **În maqâm** ile işâret, terk-i dünyâ ve hal‘-ı câme-i zîbâyadur ki buña maqâm-ı ehlu’llâh dimişlerdür.

﴿ صاحب تجرید باشی والسلام ﴾ Şâhib-i tecrîd olursın ve’s-selâm. Pes tecrîd ü tefrîd eşhâbınuñ ‘ulüvv-i maqâmâtı ve sümüvv-i derecâtlarından nâşî bunlara ehl-i sa‘âdet dinmişdür. (...[Ü411b]...)

﴿ کر ز دنیا دست شویی بهر حق ﴾ Eger hâlişan li-vechi’llâh dünyâdan el yuyasın. Ya‘nî; bilâğarañ dünyâdan vâz gelesin dimekdür. **Dest şüyî**, «el yuyasın» dimekdür. Ya‘nî; bi’l-küllîyye fâriğ olasın dimekden kinâyedür. Bu ta‘bîr Türkîde dağı [S431b] meşhûrdur. Ve bunda; dünyâ cîfedür, andan el yumağ lâzımdur dimege î mâ’-i laţîf vardur.

﴿ دانکه از تجرید کویندت سبق ﴾ Belki tecrîdden senüñ dersüñi tutarlar. Ya‘nî; defter-i tecrîd ü cerîde-i tefrîdden senden sebağ alurlar. Pes bunda; mertebe-i irşâda vâşıl üstâd olursın dimege î mâ’ vardur. İmdi:

﴿ رو مجرد باش و دائم فرد باش ﴾ Git mücerred ol ve dâ’im ferd ol. Ya‘nî; tecrîd ü tefrîde müdâvemet göster dimekdür. Zîrâ **mücerred** lafzı, tecrîde ve **ferd** kelimesi tefrîde işâretdür. Ma‘naları ma‘lûm olmuştur. Hülâşa kıyûdât-ı beşerîyyeden mücerred ve dünyâ gibi bir mekkâreye içtâ’-i talâğ ile ferd ü vâhid ol ki ser-efrâz olasın dimekdür. Nitekim İmâm Râzî buyurmuşdur, *beyt*:

الف تقدم از آن بر حروف دیگر یافت

که شد مجرد و یکتا و مستقیم احوال

İmâmuñ «yek-tâ» kavli ferd-i kâmile î mādur. Me‘âl ma‘lûmdur. Bunda ihtiyâr-ı hâlvete dağı naşîhat vardur. Zîrâ mücerred ü ferd olmağıñ levâzımı hâlvet ile tekmîl ve her maqşûd hâlvet ile tahşîl olunur. (...[Ü413a]³⁶...)

﴿ تا بهر فرقی نشینی کرد باش ﴾ Tâ ki her bir tepeye oturasın; ğubâr ol. Ya‘nî; tâ ki ‘âlî-ğadr ve nişîn-i şadr olasın, mütevâzı‘ olupkibr ü ‘ucbi terk eyle dimekdür. Zîrâ ğubâr, kendü özin bî-ğadr u nâ-çîz eylediği için rûzgârda merâtib-i ref‘a bulmağdadur. Nitekim:

Ĥāk ol ki Ĥudā mertebēñi eyleye ‘ālî

Tāc-ı ser-i ‘ālemdür o kim ĥāk-i ģademdür

mazmûnı bu beyāna dâlldür. **Be-her farğ**ide yâ vaĥdet [S432a] içündür. Farğ, «tepe» ma‘nâsınadır. **Nişîn**ide yâ ĥiţâb içündür; «oturasın» dimekdür.

﴿ کرد کیر و عجب و خود رایى مکرد ﴾ Kibr ü ‘ucb u enāniyyet tarafına tolanma. **Gird**, kesr-i kâf-ı ‘Acemî ile «ţaraf» ma‘nâsınadır. **Kibr ü ‘ucb**, ma‘rûflardur. **Ĥod-rây**ide yâ’-i şāniye maşdariyye(dür); «enāniyyet ve kendi re’yi ile iş iletmek ma‘nâsınadır. **Me-gerd**, «tolanma». Bu ta‘bîrde yöresine tolanma; ģande ģaldı ki bi’l-fi‘l bu ĥaşletlere düşesin dimekdür. (...)

﴿ قدر خود بشناس هر جایى مکرد ﴾ Kendi ģadrüñi aña; her bir yire tolanma. Ya‘ni; ģadrüñe ģalel virecek yire tereddüd eyleme dimekdür. Nitekim *beyt*:

³⁶ Ü412a ve Ü412b boştur. Metin Ü413a’dan devâm etmektedir.

سکونی بدست آوری بی ثبات

که بر سنگ کردان نروید نبات

bu beyānda şāhiddür. **Her cāyīde** yā'-i şāniye vahdet içündür; «her bir yire» dimekdür. Beyne'n-nās «hercāyī» didikleri bu ma'nāya mebnīdür ki her yire tereddüdi olana ıtlāk iderler. Her yire tereddüd hıffetden nāşīdür. Ve hıffet āfātdandur. Kişi kendi qadrini zayıf itmemek gerekdür. Ve bunuñ temşilinde nāzım eyidür:

﴿ هرکه کرد کوره انکشت کشت ﴾ Her kim ki kömür ocağınuñ semtine döndi. Ya'nī; tarafına töländi. **Gird**, kesr ile «taraf»; **küre**, «ocaq»; **enkişt**, feth-i hemze ve kesr-i kâf-ı 'Arabī ile «kömür»dür. **Geşt**, feth-i kâf-ı 'Acemī ile māzī-i müfred-i gā'ibdür; «töländi» dimekdür. Maşdarı «geştēn»dür; dönmek ma'nāsınadır.

﴿ جامه از دودش سیاه و زشت کشت ﴾ Cāmesi anuñ tütüninden qara ve çirkīn oldı. İmdi küre-i fahm yirinde olan mülevveş yire [Ü413b] varmak ve füssāk u harām-zādeler ile konuşmak buña mişāldür ki yanlarına varan muqayyed-i cerīde-i bed-fi'āldür. **Geşt**, feth-i kâf-ı 'Acemī ile bunda «oldı» ma'nāsına ef'āl-i nāķışa-i Fārisīden, māzī-i müfreddür.

﴿ آنکه با عطار میگردد قریب ﴾ Ol kimse ki 'aṭṭāra qarīb olur. **'Aṭṭār**, [S432b] «misk ü 'anber ü hoş-bū şatana» dirler. Bunda nāzım-ı merhūmuñ maḥlaş-ı pākine ve kitābında olan naşāyılı, ke'l-miski fi'r-revāyılı idigine işāret vardır. Ve bundan iştīmām-ı revāyılı-ı ṭayyibe, 'aṭṭāra yakın olmağa vābestedür. Nitekim **qarīb** kelimesinde buña delālet zāhirdür. Binā'en 'aleyh eyidür:

﴿ او همی یابد ز بوی خویش نصیب ﴾ O kimse dükeli laṭīf koqudan hışşa bulur. Pes nāzım temşil-i mezkūrı müretteben tizāh idüp buyurur:

﴿ همنشین صالحان باش ای پسر ﴾ İy oğul! Şālihlere hem-nişīn ol. Tā ki 'aṭṭār-mişāl olan kimseye qarīb ve büy-ı laṭīfnden pür-naşīb olan kimesne gibi behre-yāb-ı 'ıtr-ı şalāh u felāh olasin dimekdür. Ve şöhetüñ mü'essir idigi bī-reybdür.

﴿ هم جدا از فاسقان باش ای پسر ﴾ İy oğul! Hem fāsıqlardan cüdā ol. Tā ki küre-i enkişt dā'iresine varmağıla cāme-i pākūñi nā-pāk iden kimesne gibi cāme-i bedenüñi dūd-ı siyāh-ı fışk ile pür-jeng ve libās-ı qadr u ḥurmetüñi enkişt-reng eylemeyesin dimekdür. **Cüdā**, zamm-ı cīm ile «ayru» ma'nāsına Fārisīdür. Türkīde daḥı müsta'meldür.

﴿ جانب ظالم مکن میل ای عزیز ﴾ İy 'azīz! Zālīm cānibine meyl eyleme. Nitekim: ولا تركنوا الى الذين ظلموا فتمسكم النار bu nehyde ḥuccetdür. Rükün, ednā-yı meylüñ adıdır. İmdi āteş-i düzaḥdan ḥalāş ister iseñ anlara meyl eyleme.

﴿ ورکنی کردی از آن خیل ای عزیز ﴾ Ve eger meyl iderseñ ol gürūhdan olursın iy 'azīz! Gürūh-ı zālīmīnūñ ise ḥāl-i me'alleri ma'lūmdur. Pes nāzım bu āyet-i şerīfüñ ma'nā-yı laṭīfine telmiḥ ve zālīme meyl idenüñ sūzān-ı nīrān olacaḡın taşrīḥ idüp buyurur:

﴿ رو ز اهل ظلم بکریز ای فقیر ﴾ İy faķīr! Git; ehl-i zulmden kaç. Ya'nī; anlara qarīb ü müntesib olma.

﴿ تا نسوزی ز آتس تیز ای فقیر ﴾ İy fakîr! Keskin âteşden yanmayasın. Mısrâ'eynün âhîrlerinde **fakîr** lafzların îrâdda başka başka nükteler vardır; ednâ te'emmül ile zâhîr olur. Âteş-i tîzden murâd; delâletıyla nâr-ı cehennemdür, ne'üzü bi'llâhi min-zâlık. Zâlimîne meyl idenün hâli böyle olunca zâlimînün şöhbetleri âteşden 'ibâretdür irâdesiyle nâzım eyidür:

﴿ صحبت ظالم بسان آتشست ﴾ Zâlimün şöhbeti âteş gibidür. Pes bunun vechi âteşe sebebiyyeti ve zâliminde âteşe mahşûş ba'zı [S433a] havâşş bulunduğının mısra'-ı şânî delâletıyla işareti hasebiyledür. **Be-sânda** bâ, zâ'iddür. Sân, edât-ı teşbîhdür; «gibi» dimekdür.

﴿ زانکه خلق ازار و تند و سرکشست ﴾ Andan ki zâlim, halk incidici [Ü414a] ve yavuz u serkeşdür. Pes bu hışâl-i selâse, âteşün hâşşa-i lâzimesi olduğu gibi zâliminde dahı bu mezkûr şıfatlar mevcûd u meşhûd olmağın, şöhbet ü ülfetleri ve zât-ı pür-mazarratları âteşden 'ibâret ve me'vâları âteş olmaga işâret vardır.

﴿ از حضور صالحان صالح شوی ﴾ Şâlihler meclisinden şâlih olursın.

﴿ ورنه نشینی با بدان طالع شوی ﴾ Ve eger kötüler ile oturur iseñ yaramaz olursın. Zîrâ bu iki hâlde şöhbet mü'essirdür. Nitekim tafşîli sebķ eylemişdür. **Taliḥ**, «yaramaz ve egri» ma'nâsınadır. Pes egri ile konuşan toğrının egri olacağı elif ile lâmuñ mücâveretinden ma'lûm ve encâmı «lâ» olmağ hüveydâdur.

﴿ هرکه او با صالحان همدم شود ﴾ Her kimse ki şâlihler ile muşâhib olur. Bunda şâlihândan murâd; mutlakâ mü'minândur ki anlar ile teḥâbüb, kemâl-i îmân ve bâ'is-i duḥûl-i cinândur. Nitekim: والذى نفسى بيده لا تدخلون الجنة حتى تؤمنوا ولا تؤمنون حتى تحابون أولا ادلكم على شيء اذا افعلتموه hadîs-i şerîfi buña dâlldür. Ve ifşâ'-i selâm vücûd-ı muḥâbebe şâhid-i hâldür. Ve ifşâ'-i selâmuñ beyânında; kişi bildigine ve bilmedigine selâm virüp ve selâmını işitdürmekdür dimişlerdür. (...)

﴿ در حریم خاص حق محرم شود ﴾ Ḥarîm-i hâşş-ı Ḥaḳḳda mahrem olur. **Şeved**, «olur» dimekdür. Fa'il-i zamîr-i müstetir «her ki o»ya râci'dür. Ḥulâşa-i ma'nâ; o kimse ḥarîm-i hâşş-ı Ḥaḳḳda şâlihlerle mahrem olur dimekdür. **Ḥarîm-i hâşş-ı Ḥaḳḳdan** murâd; cenâb-ı kuds-i İlâhîdür ki aña ancak merdân-ı İlâhî vâsıl ve mazhar-ı 'inâyât-ı nâ-mütenâhî olurlar. Yâḥod [S433b] cinân-ı 'Adndür. (...)

﴿ ای پسر مکنار راه شرع را ﴾ İy oğul! Târîḳ-ı şer'î geçme. Dâ'im târîḳ-ı şer'de sâlik olup şer'î elden koyma dimekdür.

﴿ اصل یابی کر بکیری فرع را ﴾ Eger fer'î tutar iseñ aslı bulursın. **Aşl**, her şey'ün köki; **fer'**, şecerün efnân u a'lâsına dir(ler). Pes buña göre nâzımın kelâmında کلمة طيبة امثلة تر كيف ضرب الله الم تر كيف ضرب الله مثلا کلمة طيبة 37 (فى الارض) و فرعها فى السماء âyet-i şerîfine işâret vardır. Mâ-naḥnû fihe mülâyim olan ma'nî-i murâd, Tefsîr-i Kâḍîde olan taḥḳîḳden müstefâddur, fe'rci' ileyh. [Ü414b] Meşâyîḥ-ı müteḥaḳḳîḳîn 'indinde aşldan murâd târîḳat ve fer'den murâd; şer'atdır. İmdi ma'nâ; eger şer'ati tutar iseñ ḥaḳîḳati bulursın demek olur. Ve şer'at ile ḥaḳîḳat birbirlerine lâzım ve melzûmlardur.

Şöyle ki; Hakk'a mevşül olan tarîk-ı müstaķîmüñ zâhirine şerî'at ve bâtınına hâķîkat dimişlerdür. Ve sâbıķan min-vechin beyân olındığı üzre şerî'at; vezâ'if-i 'ubûdiyyeti iķâmetdür. Ammâ hâķîkat; müşâhede-i rubûbiyyetdür dimişlerdür. Ve erbâb-ı işârātuñ maķallerinde yazdıkları üzre bu bahşuñ su'âl ü cevâbı dil ile cân miyânesinde vâķı' olup, dil-i şâf cân-ı leţâfet-ittişâķa eyitmiş: "İy cân! Şerî'at ve tarîkat ve hâķîkat nedür?" Pes cân eyitmiş: "İy dil-i pāk! Şerî'at nişândur; tarîkat beyândur; hâķîkat hayâtdur" Pes dil eyitmiş: "İy cân! Bu beyân-ı latîfı artur." Ol zamân cân eyitmiş: "Şerî'at hürmetdür; tarîkat hizmetdür; hâķîkat himmetdür." Pes dil eyitmiş: "Bunlaruñ [S434a] semereleri nedür?" Cân eyitmiş: "Semere-i şerî'at, vefâdur; semere-i tarîkat, rāh-ı 'ışķ-ı fenâdur; semere-i hâķîkat, «el-beķā' ba'de'l-fenā» hasebince fenâdur; semere-i hâķîkat, beķâdur." Pes dil eyitmiş: "İy cân-ı pāk! Vefâ ve fenâ ve beķā nedür?" Cân eyitmiş: "Vefâ, dostuñ 'ahdine miyân-bestelikdür; fenâ, 'āşıķuñ kendüliginden bî-hod olmaķdur; baķā, Hakk'a ulaşmaķdur." intihâ. Pes mertebe-i beķâda olanlara beyne'l-meşâyıķ vâşılın ta'bîr iderler. Meşelâ hazret-i Mevlânâ gibi ki laķablardı; sultânü'l-'arîfin ve burhânü'l-vâşılındur. (...[S434b]...) İmdi şerî'at üzre 'âmil olur iseñ hâķîkate vâşıl olursın:

[Ü415a] ﴿ ان شريعت كر نهى بيرون قدم ﴾ Eger şerî'atden taşra kadem koyasın. Ya'nî; vezâ'if-i 'ubûdiyyeti edâ ve imtişâl-i şer'-i ğarrâdan taşra hareket eyleyesin dimekdir.

﴿ در ضلالت افتى و رنج و الم ﴾ Dâlâlet ü renc ü eleme düşersin. **Dâlâlet**, «güm-râhlıķ»dur. **Renc ü elem**den bunda murâd; 'azâb-ı 'uķbâdur.

﴿ هر كه در راه ضلالت ميروء ﴾ Her kim ki azğunluķ yolına gider. ﴿ از جهالت با بطالت ميروء ﴾ Cehâletden nâşî beţâlete gider. **Ez**, min-i beyâniyye ma'nâsınadır. **Cehâlet**, «bilmezlik» ma'nâsınadır. **Beţâlet**, «ġilâf-ı Hakk»a; **mî-reved**, «gider». Meşelâ fıraķ-ı dâllenüñ ğitdikleri rāh-ı dâlâlet gibi. Ba'zı nüşhada mışrâ'-ı şânî böyle vâķı'dur: ﴿ هر چه دارد جمله ﴾ Ma'nâ; a'mâlden her ne tutar ise cümle yağmâya gider. Ya'nî; kendüye bir nef'-i âķiret hâşıl olmaz dimekdir. Pes dâll olan kimesneye câhil ü bâtıl tesmiye olunmağa bunda işâret vardur. Ve câhil ü bâtılın işi 'atıl olacağı bî-reybdür. Ve mezâhib-i bâtılânıñ aşlı altıdur ki anlar; Kaderiyye ve Cebriyye ve Revâfız ve Havâric ve Mu'tezile ve Müşebbihe. Ve bunlaruñ her biri on iķişer fırķa olmağın cümlesi yetmiş iki olur. Ehl-i sünnnet ve cemâ'at mezhebi bunlaruñ ğayrı olmağın mezâhib yetmiş üç olur. ستفرق el-hadîs hadîs-i şerîfî mücebince, mezâhib-i bâtılânıñ cümlesi nârdadır. İllâ fırķa-i nâciyye olan Ehl-i sünnnet ve cemâ'at selâmet ile kenârdadır, intihâ. İmdi:

﴿ حق طلب و ز كار باطل دور باش ﴾ Hakkı taleb eyle ve bâtıl 'amelden ırâķ ol. Ya'nî; Hakk'a tâbi' ve bâtıl 'amelden ba'd ol dimekdir. **Ez**-cümle:

﴿ در سخا و مردى مشهور باش ﴾ Şehâda ve âdemlikde meşhûr ol. Ya'nî; şehâ ve âdemoiyyetde olmağı 'âdet eyle dimekdir.

﴿ هر كه نكزيند صراط مستقيم ﴾ Her kim ki şırâţ-ı müstaķîmi intihâb eylemez. **Ne'ğzined**, «üğürtlemek» ma'nâsına olan «güziden»den müstaķķ-ı nefy-i istikbâldür; «intihâb eylemez» dimekdir.

³⁷ Bu kelime adı geķen tefsîre aittir.

Zarūret-i vezn için kâfi sâkindür. [S435a] **Şırâṭ-ı müstaḳīm**, ṭarīḳ-ı Muḥammedîdür. Nitekim haberde gelmişdür ki: Bir gün Faḥru'l-enām 'aleyhi's-selām ḥazretleri maḥzar-ı eşḥâb-ı kirâmda mübârek engüşt-i mu'cize-nizâmiyle bir ḥaṭṭ-ı müstaḳīm naḳş idüp: "Cennet yolu budur" didi. Ba'ḍehü ḥaṭṭ-ı mezkûruñ her tarafına otuz ikişer ḥuṭûṭ-ı saḳîme çeküp: "Bu ḥaṭṭlaruñ her birinde şeyṭân oturur. Ve ṭarīḳ-ı müstaḳīm budur diyü mü'mini idlâle sa'y ider" diyü buyurmuşdur, kezâ-fî-Şerḥ-i Kırşehrî. İmdi ṭarīḳ-ı müstaḳîmi koyup ṭarīḳ-ı saḳîme giden:

﴿ در عذاب آخرت ماند مقیم ﴾ Azâb-ı âḥiretde muḳîm ḳala. Bu cümle-i haberdür; inşâya daḥı muḥtemeldür.

﴿ در ره شیطان منه کام ای اخی ﴾ İy aḫî! Şeyṭân yolına adım ḳoyma ve sa'y eyleme. **Kām**, kâf-ı 'Arabî ile bunda «adım» ma'nâsınadır ki 'Arabîsi ḥaṭvedür. **Me-nih**, feth-i mîm ve kesr-i nûn ile nehy-i ḥâzîrdur; «ḳoyma» dimekdür.

﴿ تا نکردی خوار و بدنام ای اخی ﴾ Tâ ki iy âḫî! Ḥaḳîr ü bed-nâm olmayasın. Pes şeyṭâna ittibâ'idenuñ ḥaḳâret ü bed-nâmlığı vâreste-i ḳayd-ı beyândur. Ḳaldı ki ṭarīḳ-ı müstaḳîme sâliküñ nişâni vardır. Budur ki beyân olunur:

﴿ هر که در راه حقیقت سالکست ﴾ Her kim ki ḥaḳîḳat râhına sülûk idicidür. [Ü415b] Bunda sâlik, müntehî vü mübtedîye şâmildür.

﴿ روز و شب خائف ز قهر مالکست ﴾ Gündüz ü gice Mâlik-i müte'âlûñ ḳahrından ḳorḳıcıdır. **Ḳahr**, «helâk» ma'nâsınadır. Bunda olan nikât-ı 'aşîḳâne, erbâb-ı kemâle ḥaḫî degüldür. Pes sülûk neden 'ibâret idigine min-vechin îmâ zımnında nâzım eyidür:

﴿ بر خلاف نفس کن کار ای پسر ﴾ İy oḡul! Nefsüñ ḥılâfı üzre 'amel eyle.

﴿ تا نیفتی خوار در نار سقر ﴾ Tâ ki ḥor oldığın ḥâlde nâr-ı saḳara düşmeyesin. Ba'zı nüshada ḥ^vâr yirine zâr vâḳı'dur. Ma'nâsı ma'rûfdur. Bunda nefsdan murâd nefs-i emmâredür ki altı ḥaşlet-i mühlakesi vardır. Anlar; buḥl u ḥırş u şehvet ü kibr ü ḥased ü ḡaḍabdur. **Nâr-ı saḳar**, ma'rûfdur. İmdi mehâlik-i nefis keşîr olduğından ittibâ'ı, sebep-i vuḳû'-ı nâr ve 'adem-i ittibâ'ı, selâmetdür dimege bunda delâlet zâhirdür.

Der-Beyân-ı Ân Ki Dostî-râ Ne-Şâyed

﴿ دوست اگر باشد زیان کار ای پسر ﴾ İy oḡul! Eger dost ziyânkâr olur ise. **Ziyânkâr**, «zarar işler» dimekdür ki murâd; zararlıdur.

﴿ تو طمع زان [S435b] دوست بر دار ای پسر ﴾ İy oḡul! Sen ol dostdan ümîdi ḳaldur. Ya'nî; anı terk eyle dimekdür. **Tu**, ḥiṭâb içündür; «sen» dimekdür. Ba'zı nüshada tu yirine rev vaḳı'dur ki git dimekdür. **Ṭama'**, bunda «ümîd» ma'nâsınadır. **Z'ân dost**, «ol zararlı dostdan» dimekdür. Meşelâ; dostluḡında vefâdâr olmayan dünyâ vü füssâḳ u füccâr ve sâ'ir idbârlar gibi.

﴿ هر که میگوید بدیهای تو فاش ﴾ Her kim ki senüñ ḳabâyıḫ u 'uyûbuñı âşkâre söyleye. Ya'nî; izḥâr-ı 'uyûbuñ ile seni teşḫîr-i 'âlem eyleye.

﴿ دوست مشمارش بدو همدم مباشر ﴾ Anı dost şayma ve aña hem-dem olma. Yaʿnî; şöhetinden fâriğ ol dimekdür. **Beʿdo**, «bā-o» maʿnāsınca aña dimekdür.

﴿ دوستی هرگز مکن با باده‌خوار ﴾ Bāde içici ile aślā dostluq eyleme. **Bāde-ḥʿār**, terkīb-i tavşīfidür; «süci içici» demek maʿnāsına şārib-i ḥamr için ʿalem olmuşdur ki maʿrūfdur. Lākin ʿindeʿl-meşāyih; sāgar-ı hevā ile nūş-ı bāde-i şehvet ve cām-perest-i ḡaflet olandur.

﴿ از چنان کس خویشتن را دور دار ﴾ Ancılayın kimseden kendüni ırāq eyle. Zīrā bāde-ḥʿāruñ dostluğa sezāvār olmadığı āşkārdur.

﴿ منعمی کر میکند منع زکات ﴾ Bir mālđār eger menʿ-ı zekāt ider ise.

﴿ دور از وی باش تا داری حیات ﴾ Andan ırāq ol; mā-dām ki ḥayāt tutasın. Yaʿnî; ʿömrüñ oldıqca māniʿ-ı zekātdan ırāq ol. Zīrā anlar Ḥudānuñ mebgüzıdır. Mebgüz-ı Ḥaqq olana ḳurbiyyet fenādur.

﴿ ای پسر از سورخواران دور باش ﴾ İy oğul! Maṭrabazlardan ırāq ol. Zīrā:

﴿ خصم ایشان شد خدای نور پاش ﴾ Cemīʿ-ı ʿālemi münevvir olan Ḥudā anlarıñ ḥaşmı oldı. Nitekim المعتمر ملعون maẓmūnından anlarıñ mebgüz-ı Ḥudā idikleri yukarıda beyān olınmışıdı. **Nūr-pāş**, terkīb-i tavşīfidür; «nūr saçıcı» dimekdür. Ḥudā, nūr-[Ü416a] efşān-ı cemīʿ-ı ʿālem olduğından şıfat vāḳıʿ olmuşdur. الله نور السموات والارض bu maʿnāya şahiddür.

﴿ دور شو آن کس که خواهد از تو سود ﴾ İrāq ol o kimseden; senden fāʿide taleb ider. **Süd**, bunda fāʿide maʿnāsına, ammā mırāʿ-ı şānide «süden» gibi «sürüp aşındurmak» maʿnāsınadır.

﴿ کر سر خود بر قدم های تو سود ﴾ [S436a] Eger kendü başını senüñ ayaqlarıña sürüp aşındurur ise de. Murād; dostluğı şürıdır, tabaşbus-ı kelbiyyesine itibār yoqdur dimekdür.

﴿ آنکه از مردم همی کیرد ربا ﴾ Ol kimse ki dükeli Ḥalqdan ribā tutar. Yaʿnî; ribā-ḥʿārdur. **Ribā**, kesr-i rāʾ-ı mühmele ve feth-i bāʾ-ı muvaḥḥide ile maʿrūfdur ki beyneʿn-nās fāʿide taʿbīr olunur.

﴿ زینهار اورا نکویی مرحبا ﴾ Şaḳın aña merḥabā dimeyesin. Yaʿnî; andan biʿl-küllıyye iʿrāz eyle dimekdür. Zīrā ribā-ḥʿārlar melʿündür. Melʿün ile muḳārenet fenādur. Ve bundan māʿadā anlar ile şöhet ve kendülere muḳārenet iden elbette aḥz ü iʿfāsına şehādet veyā defter ü temessükini kitābet ile ḥışşamend-i laʿnet olmaḳ muḳarrerdür. (...)

﴿ بر سر بالین بیماران کذر ﴾ Ḥastelerüñ yatağı ucına uğra. Yaʿnî; hastelerüñ ḥātırların şor dimekdür. Ve istifsār-ı ḥātır-ı marīzde ṭarīḳ-ı mesnūn idigi işbu ḥadīs-i şerīfden maʿlūmdur: قال النبي صلى الله عليه وسلم عيادة المريض ان يضع يده على جبهة و على يده و يسئل كيف هو و يدعو بهذا الدعاء اعيزك kezā fi-Tenbīhiʿl-Meḥārim. Ve daḥı edebleri vardur. Ez-cümle; ḥastelüğüñ üçüncü günü ʿıyāde eylemekdür. Ve ḥaste yanında çok oturmamak ve izḥār-ı rikḳat ile Ḥudādan ʿāfiyetin [S436b] istemekdür.

﴿ زانکه هست از سنت خیر البشر ﴾ Zīrā ki ʿıyāde-i marīz, ḥayruʿl-beşer-i şefīʿ-ı maḥşer ḥazretlerinden sünnet-i şerīfdür. Bunda **sünnet**, «ādet» maʿnāsına olmaḳ zāhirdür. Zīrā ʿıyāde-i marīz, farz-ı kifāyedür. Pes farz-ı kifāye iken Faḥr-ı ʿālem eşḥāb-ı kirāmdan marīzı olanlarıñ ʿıyādesin ādet

buyurmuşdur demek olur. Ve beyne'l-aḥbāb 'ıyāde-i marīz, inşāf u mürüvvetüñ nişānesidür. Nitekim bir zarīf dimişdür, *beyt*:

Bir kerre de şor bāri gelüp ḥasteñi zālīm

İnşāf nenüñ adı, mürüvvet neye dirler?

﴿ تا توانی تشنه را سیراب کن ﴾ [Ü416b] Mā-dām ki qadirsın şusuzı şuya qandur. **Teşne**, «şusuz» ma'nāsınadır. **Sīr-āb**, «şuya qanmış» dimekdür. **Sīr-āb kon**, emrdür; «şuya qandur» demek olur. Nāzımuñ bu kelāmında, teşneyi şulamaqda qandurmak şartındandır dimege işāret (vardur). Nitekim: *باب الجنة من سقى عطشان فارواه فتح له باب الجنة* ḥadīs-i şerīfnde olan «fe-irvā'ühū kelime-i laṭīfī bu işārete dālıdır.

﴿ در مجالس خدمت اصحاب کن ﴾ Meclislerde eşḥabuñ ḥizmetin eyle. **Mecālis**, «meclis»üñ cem'idür. Bunun cem' şīğasıyle ityānında, ḥizmeti 'ādet eyle dimege işāret vardur. **Eşḥāb**, ma'rūfdur; «şoḥbet eyledigüñ ehl-i meclis» dimekdür. Aḥbāb dimeyüp eşḥāb dimesinde, Eşḥāb-ı Şuffeye ḥizmet iden kurrā'-i heftāduñ sīretlerin i'tiyād eyle demek nüktesine imā vardur. Zīrā anlar mescid-i Rasūlü'llāhuñ suyunı ityān ve Eşḥāb-ı Şuffenüñ ḥizmet-i şerīflerini dāmen der-miyān iderler idi. Tafşīli qarīnen beyān u 'ıyān olınmışıdı. Yāḥod; şoḥbet eyledigüñ meclisde her kim olur ise ḥizmetin eyle dimege ta'mīm kaşdı içündür demek laṭīfdür.

﴿ خاطر ایام را در یاب نیز ﴾ Yetimlerin ḥāṭırın daḥı hoş aṅla. Ya'nī; ḥāṭırların ele alup nevāziş eyle. **Der yāb**, «hoş aṅla» ma'nāsınadır. Ḥāṭırların aṅlamak, meksūru'l-bāl oldıkların fehm ile kendülere nevāziş eylemegi mūcibdür. **Nīz**, «daḥı» dimekdür.

﴿ تا ترا پیوسته حق دارد عزیز ﴾ Tā ki Ḥaqq te'ālā seni dā'im 'azīz tuta. Pes devām-ı 'izzet, dāreynde mu'azzez olmağı mūş'irdür.

﴿ چون شود کریان یتیمی ناکهان ﴾ Çünkü bir yetim nā-gāh [S437a] ağlayıcı olur. **Giryān**, «ağlayıcı» dimekdür. Bundan murād; kendüyi ağladıcı yoğıken nā-gāh ağlamasıdır. Zīrā ağladıcının fi'liyle olan qarīben beyān olınacaqdur.

﴿ عرش حق در جنبش آید آن زمان ﴾ Ol zamānda 'arşu'llāh ḥareket ü ihtizāza gelür. Pes bunda *اهتز العرش لبكائه* ḥadīs-i şerīfine telmīḥ vardur.

﴿ چون یتیمی را کسی کریان کند ﴾ Çünkü bir yetimi bir kimse giryān ider.

﴿ مالک اند دوزخش بریان کند ﴾ Ḥāzin-i cehennem olan Mālik anı cehennemde büryān ider. Ta'zībi Mālike nisbetde 'azābının şiddetine imā vardur. Ve envā'-ı 'āzābdan büryān lafzının delāleti üzre; yetimi ağladanı cehennemde şiş ile kebāb ider gibi 'azāb iderler dimege işāret vardur.

﴿ آنکه خندانند یتیم خسته را ﴾ Ol kimse ki ḥaste yetimi ḥandān ider. Ya'nī; sevindürür dimekdür. **Yetimi ḥaste** ile tavşīf tarahḥumendür. Yāḥod yetimüñ mecrūḥu'l-fu'ād idigin iş'ar içündür. Zīrā ḥaste Fāriside «mecrūḥ» ma'nāsınadır. Marīza ḥaste didikleri mecāzdur.

﴿ باز باید جنت در بسته را ﴾ Kapısı baḡlu cenneti açıq bulur dimekdür.

﴿ هرکه اسرار کند فاش ای پسر ﴾ İy oğul! Her kim ki esrāruñı ifşā ider.

﴿ از چنان کس دور میابش ای پسر ﴾ İy oğul! Ancılayın kimseden ırak ol. *Beyt*:

[Ü417a] چو شمع هرکه بر افشای راز شد مشغول

بسش زمانه بمقراض در زیان کیرد

Ya'nî; her kim ki şem^c gibi ifşâ-yı râz eyledi; çok vâkı^c olur ki zamâne anuñ dilini keser. İmdi o mişllü dili kesilecekden dūr olmak gerekdür.

﴿ در جوانی دار پیرانرا عزیز ﴾ Yigitlügüñde sāl-ħorde-i rûzgār olan pîr ü ihtiyârları 'azîz tut.

﴿ تا عزیز دیگران باشی تو نیز ﴾ Tâ ki sen daħı sâ'irlerüñ 'azîzi olasın. Ya'nî; saña da ihtiyârluğüñde i'zâz u ihtirâm iderler dimekdür. Pes bunda eyülük iden eyülük bulur dimege işâret vardur.

﴿ بر ضعیفان کر بخشایی رواست ﴾ Eger zu'afâ üzerine şefkat ü merħamet idesin; revâdur. Zu'afâ kuvvetsizler dimekdür; gerek mâlen ve gerek bedenlen olsun, her birlerine şâmildür. **Baħşâyî**, muzâri'-i müfred-i muħâtabdur; «rahm idesin» dimekdür. Maşdarı «baħşûden»dür. Muzâri'-inde vâv elif ile yâ'ya kalb olunmuşdur. **Revâst**, «ma'ķıldür» dimekdür.

﴿ کین [S437b] ز سیرتهای خوب اولیاست ﴾ Ki bu evliyâlaruñ ħüb sîretlerindendür. **K'in**, «ki in» lafzlarından muħaffefdür. İn, ism-i işâretdür; müşârun ileyhi «baħşâyîş ber-zu'afâ»dur. Pes zu'afânuñ mu'ini Ĥudâ oldığından, Ĥudâ dostları, Ĥudânuñ dostlarına dostluk ider dimege bunda imâ vardur. Ve i'ânet-i zu'afâ, sîret-i ĥasene-i evliyâ oldığı ĥâzret-i Mevlânânuñ *mesnevî*:

مر ضعیفانرا تو بی خصمی مدان

از نبینی اذ جاء نصر الله بخوان

beytinden nümâyândur. Bunda murâd; bed'-i İslâmda eşĥâb-ı kirâm zu'afâ ve a'dâ'-i dîn aķviyâdan iken, Ĥudâ-yı müte'âl Rasûline nuşret virüp a'dâya ġâlib eyledi. Bu nuşretde, evliyâ'u'llâh olan eşĥâb-ı kirâm (ve) ĥâzret-i Rişâlet-penâh cân ve baş ile birbirlerine i'ânet ķıldılar. Şümme ve şümme i'ânet-i zu'afâ ħişâl-i evliyâdan oldığına نصرالله اذا جاء nâzûk güvâhdur dimekdür.

﴿ بر سر سیری مخور هرکز طعام ﴾ Toķluk başı üzerine hergiz ta'âm yime. Ya'nî; idĥâlû't-ta'âm 'ale't-ta'âm eyleme.

﴿ تا نمیرد در برت دل ای غلام ﴾ İy ġulâm! Tâ ki sîneñde ķalbüñ ölmeye. Pes keşret-i eklde maraz iki nev^c üzredür: Biri cismânîdür. Nitekim البردة رأس كل داء ve daħı الحمية دواء bu ma'nâda hüveydâdur. Berede, fetĥ ü taħrîk ile keşret-i ekl ma'nâsınadur. Ĥımye, kesr-i ĥâ ve sükûn-ı mîm ile ta'âmdan perĥîz eylemek ma'nâsınadur. Ve biri daħı maraz-ı ma'nevîdür ki ol ķalbüñ imâtesidür. Bu 'illet sâ'ir 'illetlerden ĥaţarludur ve dünyâ vü 'uķbâya zararlıdur. İmdi keşret-i ekl ile ķalbi öldürüp, mezâr-ı sîne de maķbûr ve feyz-i İlâhîden maħrûm u mehcûr eylemekden ĥâzer gerekdür. Nitekim nâzım eyidür:

﴿ علت مردم ز پر خواری بود ﴾ Âdemüñ marazı çok yiyicilikden olur. **Pür-ĥ'ârî**, yâ'-i maşdariyye ile «çok yiyicilik» dimekdür.

﴿ خوردن پر تخم بیماری برد ﴾ Çok yimek ĥastelüğüñ toĥmıdur. Ya'nî; menşe' ve mebnâ' 'aleyhidür. **Ĥorden-i pür**, «keşret-i ekl» ma'nâsınadur. **Bimârî**, «ĥastelük» dimekdür.

[Ü417b] ﴿ راحتى نبود حسود شوم را ﴾ Ḥasūd-ı şüm için bir rāḥat olmaya. Nitekim: ليس bu beyāna dāldür. **Şüm**, «bed-ṭālī» dimekdür.

﴿ كاذب بدبخت را نبود وفا ﴾ Bed-baḥt olan yalancı için vefā olmaya.

﴿ هر منافق را تو دشمن دار باش ﴾ [S438a] Her münāfiḳı sen düşmān ṭutıcı ol. **Düşmendār**, terkīb-i tavṣīfīdür; «düşmān ṭutıcı» dimekdür.

﴿ از وی و از فعل او بیزار باش ﴾ Andan ve anuñ fiʿlinden bīzār ol. Yaʿnī; münāfiḳdan ve nifāḳdan ḥazer eyle dimekdür. Vey dahı o lafzları zamīrlerdür; münāfiḳa rāciʿlerdür.

﴿ توبه بدخو کجا محکم بود ﴾ Bed-ḥūy olanuñ tevbesi kande muḥkem ola. İstifhām-ı inkārī ile muḥkem olmaz dimekdür. **Bed-ḥū**, «kötü ḥūylu» dimekdür. Meşelā; ḥīzān u fāḥiše olan zenān ve emşālleri olan bed-ḥūyān gibi kimseleruñ tevbesine ṭurduğın görmüş olmamak gerekdür. İmdi bu maḳūleleruñ tevbesine iʿtimād eyü degüldür. *Li-şāriḥihī*:

Olmaz ḥayāʾ-i dīdesi bī-ʿār olanlaruñ
Menfūr olur fiʿālī kem-eṭvār olanlaruñ
ʿAhd u yemīn ü tevbesine itme iʿtimād
Aşlı denī cibilleti murdār olanlaruñ

﴿ مر بخیلانرا مروت کم بود ﴾ Baḥīller için mürüvvet olmaz. **Mer**, bunda zāʾiddür. **Kem buved**, bunda ne-buved maʿnāsına «olmaya» dimekdür. Pes **baḥīylānuñ** bī-mürüvvet oldukları şüret ü sīretlerinden nümāyāndur.

﴿ تا شود دین تو صافی چون زلال ﴾ Tā ki senüñ dīnüñ zülāl gibi şafī ola. **Şafī**, «küdüretten pāk» dimekdür. **Zülāl**, parmak kadar bir kurd gibi nesnedür ki içi tolu şu olur. Ve ol şu şekerden ve kardan şovuk ve beyāz olur. Lākin zülāl-i mezkūr her yirde olmaz. Ancaḳ Ercis nām bir taḡda olur ki yaz ve kış cebel-i mezkūruñ başından ḳar eksik olmaz.

﴿ باش دائم طالب قوت حلال ﴾ Dāʾim ṭālīb-i kūt-ı ḥalāl ol. Pes dünyā, dār-ı tesebbüb ü iktisāb olmağın gāḥ ṭālīb-i maʿāş ve gāḥ mütedārik-i zād-ı maʿād olmaḳ gerekdür. Lākin maʿāş, ḥalāldan gerekdür ki ʿabdüñ dīni zülāl gibi pāk ola. Nitekim ḥadīs-i şerīfde المحترف العبد يحب الله يا بنى استعن بالكسب الحلال diyü gelmişdür. Ve ḥazret-i Luḳmān ʿaleyhiʾs-selām, veled-i muḥteremine: طلب الحلال جهاد فان الله يحب العبد المحترف diyü buyurmuşdür.

﴿ وانکه باشد در پی قوت حرام ﴾ Ve ol kimse ki ḥarām rızḳ ardında ola. Yaʿnī; rızḳını ḥarāmdan kāsib ola dimekdür.

﴿ در تن او دل همی میرد تمام ﴾ Anuñ cesedinde [S438b] ḳalb tamām ölü. Pes meyyit olan ḳalbuñ aḥvālī maʿlūmdur. Ve ḥadīs-i şerīfde حرم الجنة على جسد غذى الحرام diyü vārid olmuşdür.

Der-Beyān-ı Şıla-i Raḥm Mī-Güyed

﴿ رو بپرسیدن بر خویشان خویش ﴾ Kendi aḳribālarinuñ yanına ḥāṭırların suʾāle var ve anlar ile mülākāt idüp muşāḥabet eyle. **Rev**, emr-i ḥāzırđur; «git» dimekdür. **Be-pursiden**, «şormağa»; **ber-**

ḥ'īṣān-ı ḥ'īṣ, tetābu^c-ı izāfāt ile «kendi aḳribālarının yanına» dimektür. Zīrā ber lafzı bunda «yan» ma'nāsınadır. Ḥ'īṣān, «aḳribā»dur; ḥ'īṣ, «kendün» dimektür.

﴿ تا که کرد مدت عمر تو بیش ﴾ Tā ki 'ömrinün müddeti ziyāde ola. Nitekim ḥadīṣ-i [Ü418a] şerīfde صلة الرحم ترايد العمر vārid olmuştur. (...) Ve şıla-i raḥmün ma'nası; aḳāribi īṣāl-i iḥsān u ikrām idüp isā'et ile ḳaṭ^c-ı raḥmi terkden 'ibāretdür. Pes ḳaṭ^c-ı raḥm idenün ḥālını beyānda nāzım eyidür:

﴿ هر که کرداند ز خویشاوند رو ﴾³⁸ Her kim ki kendi aḳribālarından yüz döndürür. **Ḥ'īṣāvend**, «aḳribā»dur. **Rū**, «vech» ma'nāsınadır.

﴿ بی کمان نقصان پزیرد عمر او ﴾ Şekksiz anuñ 'ömri noḳşān-peziir olur. **Pezīred**, «ḳabūl ider» dimektür. **'Ömr-i o**, «anuñ 'ömri» dimektür. 'Ömr, ma'lūmdur. O, zamīrdür; «her ki»ye rāci'dür. Ḳaldı ki bu beyt-i sābıḳ, aḳribāyı gördikce 'irāz-ı vechün beyānındadır. Ammā bi'l-külliyeye kendüleri terkün [S439a] ḥālını beyānda nāzım eyidür:

﴿ هر که او ترک اقارب میکند ﴾ Her o kimse ki aḳribāların bi'l-külliyeye terk ider. Ya'nī; adların añmaz ve oldıkları yire varmaz.

﴿ جسم خود قوت عقارب میکند ﴾ Kendi cismini 'aḳreblere ḳūt ider. Ya'nī; ba'de'l-mevt cesedin fidā-yı 'aḳārib ider dimektür. **'Aḳārib**, cem^c-i 'aḳrebdür. Pes bunda ḳāṭı^c-ı raḥme, ledḡ-ı 'aḳārib ile 'azāb olındığına delālet vardır. Belki ledḡuñ mā'-adāsı vücūdı 'aḳāribi ḡidā olmaḳ zāhirdür. Ḳaldı ki ḳāṭı^c-ı raḥmün cismi yılana ḡidā olur demek, 'aḳāribden eşedd ve māruñ ḡidāsı türāb olageldiğinden, cesed-i ḳāṭı^c laḥmen ve türāben yılan yir demek daḫı mübālaḡayı beyānda efyed iken 'aḳāribi taḥṣiṣa nükte vardır. Budur ki; nīk ü bed herkes kendi münāsibiyle müvāneset ider. Pes ḳāṭı^c-ı raḥme, 'aḳāribün ḡāyet ile münāsebeti vardır. Zīrā 'aḳārib toḡdıḡda anasının ḳarnında iken anasının yüregi yiyüp ve ḳarnın yarup öyle toḡar. Ḥattā anadan kör toḡdıḡına sebep budur. Ve kendi anasına itdigini evlādından bulur dimişlerdür. Veyāḥod lafz-ı aḳārib ile 'aḳāribün ekṣer-i ḥurūfları bir olup, hemān birbirlerine baş ve göz mübādele eyleseler aḳārib, 'aḳārib olur. Yāḥod irāde-i 'aliyye-i Ḥaḳḳ ile 'azābları böyledür. 'Azābda şiddet ü za'f uḳūl-i beşerden ḥāricdür dinür. Yāḥod nāzım bunda beyne'l-meşāyih maḳūl olan nükte-i daḳıḳaya işāret buyurmuşdur. Şöyle ki; ḳaṭ^c-ı raḥm bir fi'l-i redī'dür ki 'ālem-i mişālde 'aḳreb olmaḡın, ḳāṭı^c-ı raḥmuñ cismini ḡidā idecektür dimektür. 'Ālem-i mişālden murād; ekābir-i evliyā vü meşāyih-i 'urefānuñ beynlerinde müşbet olan bir 'ālemdür ki nāmına 'ālem-i mişāl dimişlerdür. Beyānı şöyledür ki; bu 'ālem-i ecsām-ı māddiyye ile 'ālem-i ervāḥ-ı mücerrede miyānesinde bir 'ālem-i diğeri vardır ki ecsām-ı keşīfeden laṭīf ve ervāḥ-ı laṭīfeden keşīfdür. Ya'nī; tecezzī vü aḳsāma ḳābiliyyetde ecsāma müşābihdür. Ve heyūlā vü şüretten tecerrüdde ervāḥa mümāşıldür. Ve her nesne ki bu 'ālemde mevcüddür elbette anuñ mişāli ol 'ālemde meşhüddür. Yā ittiḥād şüretiyle ki meşelā şuyun mişāli [S439b, Ü418b] 'ālem-i mişālde yine şudur. Veyā tegāyür şüretiyle ki meşelā; 'ilmün mişāli, 'ālem-i mişālde süddür. Ve aḥlāḳ-ı ḥasenenün mişāli, besātīn ü reyāḥīn ve eṣmār-ı lezzet-āḡīn ve enhāru lezzeten li's-şāribīndür. Ve aḥlāḳ-ı redī'enün mişāli zulumāt u ḡayāhib ve ḥayyāt u 'aḳārib ve ḡassāḳ u ḡislīndür, kezā fi'l-Meşnevī. Pes

³⁸ Bu mısra ile müteākib mısra ve şerhleri Ü nüshasında mevcut değildir.

aķārib, bed-eʿāl oldıķda şılasını ityān lâzım mıdır veya kaç-ı mı gerekdır ve kaç-ı ne lâzım olur? diyü suʿāl-i muķādder neşyān itmegin nāzım cevāb tarıķıyle eyidür:

﴿ کرچه خویشان تو باشد از بدان ﴾ Egerçi aķribālaruñ kötülerden yaʿnī; bedān u füssāķdan ola.

﴿ بدتر از قطع رحم چیزی مدان ﴾ Kaç-ı rahmden kötörek bir nesne bilme. Yaʿnī; kaç-ı rahm anlaruñ bedliklerinden bed-rekdür. İmdi aķāribüñ her ne ķadar kaçdr-i ihsānı nādān ve ihsān muķābilinde isāʿetleri nümāyan ise de anlardan kaç-ı ihsān eyleme dimekdür. Nitekim İmām Müslim rahimehuʿllāhuñ taķrıcıyle Ebū Hüreyre rażıyaʿllāhu ʿanhudan mervīdür ki buyurur: Bir racül meclis-i Faķr-i ʿālem şallaʿllāhu ʿaleyhi ve sellem gelüp eyitdi: “Yā Rasūlaʿllāh! Benüm birkaç aķribālarum vardır ki kendülere ben şıla iderem; kendüler beni kaç iderler. Ve kendülere ihsān iderem; anlar baña isāʿet iderler. Ve ben kendülere hılm iderem; anlar baña kelām-ı kabīl söylerler.” Ol zamān Faķr-i cihān bu ķadīs-i dürr-eşān ile ol racüle böyle ķiķāb-ı ʿālī idüp buyurdi ki: لئن كنت كما قلت فكانما تسفهم المل ولا يزال معك من الله تعالى ظهير عليهم Tüsiffühüm, ifʿāl bābindan teķaʿum maʿnāsınadır. El-mell, fetḥ-i mīm ile remād-ı ḥārr maʿnāsınadır. Pes maʿnā-yı şerīf; eger senüñ maķūlūñ didigüñ gibi ise keʿenne anlara remād-ı ḥārr yidürürsin. Yaʿnī; anlara lāḥıķ olan işm, āķil-i remād-ı ḥārra lāḥıķ olan ālāma müşābihdür dimekdür. Yāḥod senüñ anlara ihsānuñ, remād-ı ḥārr yiyenüñ ḥüzñ ü ḥaķāreti gibi anları kendi neflerinde maḥzūn u muḥaķķar ider. Yāḥod senüñ anlara ihsānuñ, süziş-i ḥāķister-i germāsā anlaruñ aḥşāların süzān ider ve daḥı be-her-ḥāl Allāhu zūʿl-celāl saña [S440a] muʿīn olup anlaruñ ezā vü cefāların def ider ذلك على مادمات Sen anlara ihsān üzre oldıķca dimekdür.

﴿ هر که او از خویش خود بیگانه شد ﴾ Her o kimse ki kendi aķribāsından yād oldı. Yaʿnī; yād muʿāmelesi eyledi. **Bī-gāne**, «ecnebī» dimekdür.

﴿ نامش از روی بدی افسانه شد ﴾ Anuñ nāmı kötölük yüzinden meşḥūr oldı. **Efsāne**, bunda «şöhret» maʿnāsınadır. Ve meşel ü ḥikāye maʿnāsına gelür. Pes aķribālarını bī-gāne yirine ķoyanuñ kötölüğü meşel-i meşḥūr gibi elsine-i nāsda meşḥūr olmaķ bī-iştibāhdur.

Der-Beyān-ı Fütüvvet

﴿ چیست مردی ای پسر نیکو بدان ﴾ İy oğul! Ādemiyyet ü fütüvvet nedür eyü bil. **Merdī**, yāʿ-ı maşdariyye ile ādemiyyet ve insāniyyet ve fütüvvet maʿnāsınadır. **Bi-dān**, emrdür; «bil» [Ü419a] dimekdür.

﴿ اولاً ترسیدن از حق در نهان ﴾ Evvelā gizlüde Ḥaķķdan ķorķmaķdur. Yaʿnī; ḥavfuʿllāh, zāḥir ü bāḥında yek-sān olmaķdur. Baʿzı nüshada bu beytüñ bedeline: ﴿ چیست مردی ای پسر نیکی بدان ﴾ ﴿دیگران﴾ ترسیدن از حق در نهان vāķıʿdur. Yaʿnī; iy oğul ādemiyyet nedür diyü suʿāl ve cevābında; ḥaķa eyülük eylemegi bil. Yaʿnī; ḥaķa ihsān ve eyülük itmekdür. Girü tenhāda Ḥaķķdan ḥavf eylemekdür dimekdür.

﴿ عذر خواه آن مرد پیش از معصیت ﴾ Ol maʿşıyetden muķaddem ʿözr dileyici olan merd. [S440b] ʿÖzr-ḥāh, terkīb-i tavşıfidür; «ʿözr dileyici» dimekdür. **Ān merd**üñ şıfatıdır. **Piş ez-maʿşıyet**,

‘özl-ḥ^vāhuñ kayıdır; ma‘nāsı «ma‘siyet ve günāhdan muḳaddem» dimekdür. Ḥulāṣa kendüden günāh şudür itmezden muḳaddem Cenāb-ı Ḥaḳḳdan ‘özl-ḥ^vāh olan kimsenüñ:

﴿ باشدش طاعات بیش از معصیت ﴾ Tā‘āti ma‘siyetden ziyāde ola. Ya‘nī; itizārı hıfz-ı İlāh ile ‘adem-i işyānına sebep olmağıla tā‘āti işyānına gālib ola dimekdür. Pes bu ḥaṣletüñ fütüvvetden oldığı zāhirdür. Pīş, mısrā‘-ı evvelde bā’-i ‘Acemī ile «öñ» ma‘nāsınadır. Mısrā‘-ı s̄nīde bā’-i ‘Arabī ile ziyāde ma‘nāsınadır.

﴿ آنکه کار نیک مردان میکند ﴾ Kimse ki nīk-i merdān kārını ider. Bunda murād ma‘lūmdur. Ya‘nī; eyü merdlerüñ ‘amelini eyler ve anlaruñ yolına gider dimekdür. **Nīk-merdān**, ‘ilm mecrāsına cārīdür; merdān-ı Ḥudā gibi eyüler dimekdür.

﴿ با ضعیفان لطف و احسان میکند ﴾ Zū‘afāya luṭf u iḥsān ider. Pes zū‘afāya merḥamet ü iḥsānuñ kār-ı merdān idigi nümāyāndur.

﴿ هرکه او باشد ز مردان خدا ﴾ Her o kimse ki merdān-ı İlāh u evliyā’u’llāhdan ola.

﴿ باشد اندر تنگ دستی با سخا ﴾ İhtiyāc ve el t̄arlığında seḥā ile ola. Buña lisān-ı şer‘de īsār dirler. Bunlar *āyet-i şerīfinüñ mā-ṣadaqlarıdır*. Bu ḥaṣlet-i ḥıṣāl eşḥāb-ı kirām u evliyā’-i ‘izāmıdan maḳām-ı a‘lādur. Nitekim gāzve-i Yermükde ‘Ikrim ve Sehl bin ‘Ömer ve Ḥāriş bin Hişām ve Benī-Muğīreden bir cemā‘at-i şoḥbet-ḳarīn raḳıya’llāhu ‘aleyhim ecma‘ın ḥarr-ı Ḥicāzdan sūzān ve müşrif-i helāk olmuşlar iken miyānelerinde bir ādeme kāfī miḳdār āb-ı şāfī bulunmağın ol ābı nūş emrinde her biri nefsinün üzerine īsār ile teklīfe ibtidār ve içlerinden birinüñ nūşına intizār ile cümlesi [Ü419b] teşne-leb ‘āzim-i da‘vet-i ḥazret-i Rabb oldılar ve ol ābı ‘alā-ḥālīhī koydılar, kezā fi’t-tefāsīr. (...[S441a]...) Ve daḥı īsār-ı evliyā’ ḥaḳḳında naḳl-i rivāyet böyledür ki; Merdān-ı Ḥudādan birkaç kimesne zād-ı müsāfirāne olan nānların çıkarup bir süfreye vaz‘ ve tenāvüle āğāzlarında çirāğı pūf eylediler. Ba‘de’l-ba‘d süfreyi ḳaldurdıklarında gördiler ki herkesüñ vaz‘ eylediği nān ḥālī üzre süfrede тұtur; bir luḳmesi yinmemiş. Meger her biri nefsini āḡaruñ üzerine sırran īsār itmek ile etmegi yimemişler. İmdi:

﴿ ای پسر در صحبت مردان آی ﴾ İy oğul! Evliyā’u’llāh şoḥbetine gel ve anlar ile hem-meclis ol. **Şoḥbet**, bunda «mücālese» ma‘nāsınadır. Ve mucāleseden murād; anlara ḥizmet ve anlardan te‘allüm-i ādāb-ı fütüvvet eylemekdür. **Der āy**, «içerü gel» ma‘nāsına emr-i ḥāzırdur. Pes evliyā’u’llāha mucālese iden berekāt-ı şoḥbetleriyle evliyā’ olur dinmişdür. Nitekim Ḥ^vāce Ḥāfızuñ *beyt*:

سنگ و کل را کند از یمن نظر لعل عقیق

هرکه قدر نفس باد یمانی دانست

beytinden ma‘lūmdur. Ma‘nā; ḥacer ü fīni naḡar-ı berekātından la‘l-i ‘āḳīḳ eyler; her kim ki Yemene mensüb olan bāduñ nefesi ḳadrini bildi. Aşl bundan murād; Veysü’l-Ḳarenī ḥazretidür ki Faḡr-i ‘ālem şalla’llāhu ‘aleyhi ve sellem anun ḥaḳḳında buyurmuşlardır: *انی لاجد ریح الرحمن من قبل الیمن* Lākin bunda evliyā’ullāh murāddur. Ḥāşılı, her kim ki evliyānuñ nefesleri ḳadrini bildi ve anlar ile mucālesede ḥizmetlerin ihtiyār eyledi; ‘āḳıbet ol nefis, pāk-ḥizmet sebebiyle ‘ışḳ-ı İlāhiden müstefid ü müstefiz olup

seng ü gil meşābesinde ḥaḳīr olan kimseleri la' l ü 'aḳīḳ ṭabaḳasına [S441b] iriştirür. Ya'nî; maḳbûl-i Ḥaḳḳ itmege ḳādir olur. Nitekim nāzım eyidür:

﴿ تا نظرها یابی از فضل خدای ﴾ Tā ki faẓlu'l-lallāhdan nazarlar bulasın.

﴿ هر که از مردان حق دارد نشان ﴾ Her kim ki evliyā'u'llāhdan nişān tutar. Pes ol 'alāmet budur ki zıkr olunur:

﴿ نکزرد هیچ عیب دشمن بر زبان ﴾ Düşmānuñ 'aybını hîç dile getürmez. İmdi düşmānuñ 'aybını sātir oldıḳdan şoñra dosta 'ayb bulmadıḳları bundan zāhir ve bu daḥı fütüvvetden idigi bāhirdür. Ba'zı nüshada mısrā'-ı şānī böyledür: ﴿ نکزارند عیب مردم بر زبان ﴾ Ḥalkuñ 'aybını dile [Ü420a] getürmezler. Ya'nî; aşlā bir kimsenüñ 'aybını dile getürmezler. Belki düşmānuñ 'aybını lisāna almazlar dimekdür.

﴿ چون نخواهد مرد خصمانرا هلاک ﴾ Çünkü merd-i Ḥudā ḥaşmānuñ helākin istemez. Murād; ne ḳadar ḥaşmı keşir olur ise de dimekdür. Nitekim ḥaşmān lafzının cem' gelmesinde buña delālet zāhirdür. Ve ḥaşmānuñ helākin istememek şān-ı fütüvvet-nişānlarıdır. Çünkü:

﴿ از غم مردم شود اندوهناک ﴾ Ḥalkuñ ḡammından ḡuşşalu olur. Ya'nî; ḥalkuñ maḡmūmiyyetinden ḡammnāk olup ḥalkuñ rāḥatın isterler dimekdür. **Merdüm**, bunda «ḥalk» ma'nāsınadır. **Endūhnāk**, «ḡuşşalu ve ḳaygulu» dimekdür. Ve ḥaşmāndan āzāde oldıḳlarında erbāb-ı fütüvvetüñ ḥālī nedür? diyü su'āl-i muḳadder peydā olmaḡın cevāb ṭarīḳıyle nāzım eyidür:

﴿ می نجوید مردم انصاف از کسی ﴾ Merd-i Ḥaḳḳ, bir kimseden 'adl ü iḥḳāḳ istemez. Ya'nî; intikām için 'adl-ḥ'āh olmaz. **İnşāf**, «'adl» ma'nāsınadır. **Ez-kesī**, yā'-i vaḥdet ile «hîç bir kimseden» dimekdür. Zīrā nekre siyāḳ-ı nefyde vāḳı' olmaḡın 'umūm ifāde itmişdür. Nefy; **mī-ne-cūyed** kelimesidir. Zārüret-i vezn için edāt-ı ḥāl olan mī kelimesi ḥarf-i nefy olan nūnuñ üzerine taḳdīm olunmuşdur. Ta'birde; «ne-mī-cūyed» dimekdür. Ma'nası; «istemez»dür.

﴿ کر رسد ظلم و جفا باوی بسی ﴾ Eger kendüye niçe niçe zulm ü cefā irişür ise de. Ve bu maḳām daḥı merdān-ı Ḥudā maḳāmıdır ki buña lisān-ı meşāyihda 'afv u rıfḳ dirler. Efḍal-i aḥlāḳdandır. Nitekim عن عقبه بن عامر قال قال رسول الله عليه و سلم الا اخبر بافضل اخلاق اهل الدنيا والاخرة تصل [S442a] من قطعك ḥadīs-i şerīf bu beyāna şāhiddür. Ve bu beyānda naḳl iderler ki; bir gün İbrāhīm-i Edhemden bir süvārī 'umrānātı su'āl eyledi. Pes İbrāhīm ḳubūristānı göstermegin süvārī ḡāzaba gelüp İbrāhimi urup, başını yardı. Ol zamān süvārīye İbrāhīmüñ murādını ve İbrāhīmüñ ḥālını ḥaber virdiklerinde süvārī ızırāba düşüp İbrāhīmden ma'ziret-ḥ'āh-ı 'afv oldı. İbrāhīm eyitdi: “Beni urdıḡuñ sâ'atde Ḥaḳḳdan senüñ için cennet recā eyledüm. Zīrā ben senden ḥayr görmişiken sen benden şerr görmeñi revā görmedüm” dimişdür.

﴿ هر که پا اندر ره مردان نهاد ﴾ Her kim ki merdān-ı Ḥaḳḳ yolına ayak ḳoydı.

﴿ کی رود هرگز بدمبال مراد ﴾ Ol kimse murād ardınca hergiz ḳaçan gider? Ya'nî; gitmez. Ya'nî; murād eñsesine tābi' olmaz dimekdür. Murāddan murād; murād-ı nefsdür. **Dümbāl**, «ḳuyruḳ»dur. Ḳuyruḳ eñsede olmaḳ ḥasebiyle bunda eñse ma'nāsınadır. İmdi fütüvvet-i kāmile; murādāt-ı nefsāniyyeyi terkür. Binā'en 'aleyh nāzım eyidür:

﴿ ای پسر ترک مراد خویش کیر ﴾ İy oğul! Kendi murāduñuñ terkini tut.

﴿ بعد ازان راه سلامت پیش کیر ﴾ Andan şoñra selāmet yolını uğruñda tut. Ya'nī; keyfe mā-teşā' 'āzim-i rāh u sālīk-i ṭarīq-ı evliyā'u'llāh ol dimekdür.

Der-Beyān-ı Faqr Mī-Güyed

﴿ فقر میدانی چه باشد ای پسر ﴾ İy oğul! Bilür misin faqr ne ola? Ya'nī; faqr nedür? dimekdür.

İstifhām ṭarīkıyle:

[Ü420b] ﴿ با تو کویم کر نداری زان خبر ﴾ Saña söyleyem; eger andan haber tutmaz iseñ.

Ya'nī; haberdār degül iseñ seni aña āgāh ideyüm dimekdür. Ma'lūm ola ki nāzımuñ kelāmındaki faqrđan murād; beyne'l-evliyā maqbūl ü mergūb ve dergāh-ı Hāḳḳdan maṭlūb-ı erbāb-ı ḳulūb olundur. Nitekim sābıḳda beyān olındığı üzre H'āce Hāfızuñ *beyt*:

دولت فقر خدایا بمن ارزانی دار
کین کرامت سبب حشمت تمکین منست

beytinden buña delālet vardur.

﴿ کرچه باشد بی نوا در زیر دلُق ﴾ Egerçi hırḳa altında faḳīr ü muḥtāc ola. **Bī-nevā**, «faḳīr ü muḥtāc» ma'nāsınadır. **Der-zīr-i delḳ**, «hırḳa altında» dimekdür.

﴿ خویش را منعم نماید پیش خلق ﴾ Kendüsini ḥalḳ ḳatında ḡanī gösterür ve ḡinā izhār ider.

Mün'im, zamm-ı mīm ve kesr-i 'ayn ile ḡanī ve şāḥib-i ni'met ma'nāsınadır. [S442b] **Nümāyed**, bunda müte'addī itibār olunmağıla «gösterür» dimekdür. **Pīş-i ḥalḳ**, «ḥalḳ öñinde» dimekdür. Bu mişllü faḳīre lisān-ı şer' de faḳīr-i müte'affīf dirler. Nitekim الجاهل اغنياء من التعفف āyet-i şer'fi buña dālldür ve 'inda'llāh bunlar maḥcūbdur. Nitekim ان الله يحب المؤمن اذا كان متعففا ḥadīs-i şer'fi buña güvāhdur. Ve bu mertebeye vuşul ḡinā-yı ḳalbden nāşīdür ki ḳalb andan lezzet bulmuşdur ve şāḥibi ma'nada pādşāh olmuşdur. *Beyt*:

Ḡinā-yı ḳalb 'aceb kīmyā degül de nedür?

Gedā-yı şabr-güzīn pādşāh degül de nedür?

Nitekim nāzım eyidür:

﴿ کرسنه باشد ز سیری دم زند ﴾ Aç iken toḳluḳdan dem urur. Ya'nī; açlıḳdan kimseye şikāyet eylemez ve kimseye ḥālını ḥikāyet yoluyla. **Gürsene**, zamm-ı kāf ve sükūn-ı rā ve feth-i sīn ile «aç» ma'nāsınadır. **Sīrī**, yā'-i maşdariyye ile toḳluḳdur. **Dem zened**, «izhār ider» dimekdür. Zīrā dem yigirmi ma'nāya gelür. Ma'ānīsinden biri daḥı «zuhūr»dur.

﴿ دوستی با دشمنان خود کند ﴾ Kendü düşmānlarıyla dostluḳ ider. Ya'nī; kendüye kötülük idene eyülük ider ve 'adāvet ḳaydında olmaz. Yāḥod düşmānlara müdārā ider dimekdür.

﴿ کرچه باشد لاغر و خوار و ضعیف ﴾ Egerçi arıḳ u ḥaḳīr ü za'īf ola. Bu ḥālāt-ı şelāşe mücāhede vü riyāzatuñ iḳtizālarıdır. Belki ihlāk-i nefis bu keyfiyyetüñ muḳtezālarıdır. **Lāḡar**, «arıḳ»; **ḥ'ār**, «ḥaḳīr»; **za'īf**, «naḥīf» gibi ma'rūfdur.

﴿ وقت طاعت کم نباسد از حریف ﴾ Tâ'at vaktinde mu'âbilinden eksik olmaya. Ya'nî; kavıyyü'l-beden olandan eksik degüldür dimekdür. Murâd; tâ'atde lâğar u za'iflik ile kavıyyül-beden olandan kem degüldür. Belki tâ'atde hıffet-i beden bâ'is-i sür'at-i edâ'-i tâ'at ve sebeb-i keşret-i 'ibâdetdür dimege işâretdür. **Harîf**, feth-i hâ ile 'Arabîden ta'accüm olunmuşdur; «mu'âşir ve bir nesnenün mu'âbili»ne dirler. İmdi za'ifün mu'âbili kavîdür. Yâhüd hem-şoḥbeti olan mu'âşirinden kem degüldür demek daḥı ma'nâdur. Pes istiğnâların beyân kaşdıyle nâzım eyidür:

﴿ چون دل پر دار دو دست تهی ﴾ Çünkü tolu gönül ve boş el tutar. Ya'nî; ğmâ-yı kalbi ve fakr-ı tâmmı var iken.

﴿ مینماید در ترازو فریبی ﴾ Terâzûda semizlik gösterür. [Ü421a] Ya'nî; [S443a] terâzû-yı nazarda ağırlık gösterür; gedâ-çeşm gibi hıffet eylemez dimekdür. **Terâzû**, Fûrs ü Türkde ḥaḳıḳaten ve mecâzen müsta'meldür; ma'nâsı ma'rûfdur. Bunda murâd; terâzû-yı nazardur. Nitekim şâ'irün *beyt*:

Nigârâ ḥâk-i pâyün tütüyâsı özge dârûdur

Çekilse sürmeden eksik degüldür göz terâzûdur

didigi bu ma'nâya şâhiddür. Ve nâzımuñ kelâmında 'umûm mecâz murâd olunmak daḥı câ'izdür. Şöyle ki nâş ile tartılmaḳdan **ferbihi**, «semizlik» ya'nî «ağırlık»; **mî-nümâyad**, «gösterür» dimekdür.

﴿ ای پسر خود را بدرویشان سپار ﴾ İy oğul! Kendüni dervîşâna teslîm eyle. Ya'nî; dâḥil-i dâ'ire-i fâhire-i şoḥbetleri ol. **Dervîşândan** murâd; fuḳarâ'-i şâbirîn olan erbâb-ı yakîn ve evliyâ'-i himmet-ḳarîndür. **Sipâr**, emr-i ḥâzırdur; «teslîm eyle»; **ḥod-râ**, «kendüni» dimekdür.

﴿ تا نکه دارت ترا پروردگار ﴾ Tâ ki Rabbü'l-'âlemîn seni ḥıfz tuta. Ya'nî; cümle beliyyât ve tarîḳ-ı vuşûl-i Ḥaḳḳda olan aḳârib âfâtından Ḥaḳḳ seni ḥıfz eyeleye dimekdür. Bunda dâ'ire-i dervîşân dâru'l-emân ve ol dârda olan her belâdan dâr-ı emân olmağa imâ vardır. Nitekim nâzım eyidür:

﴿ با فقیران هرکه همدم میشود ﴾ Her kim ki fuḳarâ'-i kâmilîn ile muşâḥib olur.

﴿ در سرای خلد محرم میشود ﴾ Serây-ı ḥulde maḥrem olur. Ya'nî; serây-ı cennete vâşıl olur dimekdür. Faḳîrân, dervîşân-ı himmet-nişândan 'ibâretdür. Anlar ile şoḥbet, sebeb-i duḥûl-i cennet ve bâ'is-i celb-i rızâ'-i ḥazret-i Cenâb-ı 'İzzetdür. Lâkin derecât-ı faḳrda birbirlerinden a'lâ vü 'âlî vardır. Nitekim nâzım manzûme-i Müferriḥasında eyidür: Mâlik bin Dînâr ile Muḥammed bin Vâsî' ḥazretlerini ba'de-vefâtihimâ şuleḥâdan bir kimesne ru'yâda görür kim ikisi daḥı cennetdedür. Lâkin Mâlik bin Dînâr, Muḥammed bin Vâsî'ün uğrında rāhî vü ref'târ ile gūyâ mübâḥîdür. Pes ol şâlih kimesne ḥâtırında eyitmiş ki: “Muḥammed bin Vâsî', Mâlik bin Dînârdan fâzıl ve şâḥib-i şabr bir merd-i kâmil iken Muḥammede peyrev olmaḳda ḥikmet nedür?” Ol zamân hâtifden bir şadâ gelüp: “İy ḳul! Ḥâtıruña gelen ḥâl ḥaḳıḳat üzredür. Lâkin Mâlik faḳrda [S443b] Muḥammedden ziyâde idi. Zîrâ Mâlik ancak bir pîrâhene mâlik idi. Lâkin Muḥammedün pîrâheni iki idi. Mâlikün pîşrev-i Muḥammed olduğına sebep budur” diyü istimâ' aḳabinde bîdâr olup erbâb-ı faḳra bu beyânı yâdgâr buyurdılar.

Der-Beyân-ı İntibâh Ez-Ġaflet

﴿ از خدای خویشتن غافل مباش ﴾ Kendi Ḥudâñdan ğâfil olma.

﴿ غافلانه در ره باطل مباح ﴾ Ġāfiller gibi bāṭıl yolda olma. **Ġāfilānede** hā, teşbīh içündür; maʿnā «ġāfil gibi» dimekdür. **Reh-i bāṭıl**, «ṭarīq-ı Hakkūn gayrı olan yol»lardur.

﴿ جای کریه‌ست این جهان دروی مخند ﴾ Bu dūnyā bükā yiridür; anda gülme. Yaʿnī; ḥande yiri degüldür. Nitekim āyet-i şerīfde: فليضحكوا قليلا و اليكوا كثيرا vārid olmuşdur. *Beyt*:

Bu çeşmüm çeşmesārınınuñ ‘aceb ḥūnīn aḳar yaşı

Meger var ise ol ‘aynuñ ciger dāğındadur başı

(...[Ü421b]...)

﴿ چشم عبرت بر کشا و لب ببد ﴾ ‘İbret gözini aç ve tudağı bağla. Yaʿnī; ḥʿāb-ı ġafletden bī-dār olup çeşm-küşā-yı ‘ibret ol. Ve çūn u çirādan ḥamūş ol dimekdür. **‘İbret**, kesr-i ‘ayn ile geçmiş kimesnelere nazar ile iʿtibār itmekdür. **Ber-küşā**, emr-i ḥāzırdur; «aç» dimekdür. **Leb bi-bend**, «tudağı bağla» yaʿnī «ḥamūş ol» dimekdür.

﴿ همچو مور از حرص هر سویی مرو ﴾ Ķarınca gibi [S444a] hışdan nāşī her bir taraḫa gitme.

﴿ پند ناصح را بکوش جان شنو ﴾ Nāşīḫuñ nāşīḫatini cān ḫulağıyle işit. Yaʿnī; ḫabūl eyle. Nāşīḫatden murād; zāhiren mışrāʿ-ı evvelūñ mażmūnıdır. Ve nāşīḫdan nāzım kendüsini murād buyurmuşdur. Ve daḫı saña bu vechile her kim nāşīḫat ider ise sözini ḫabūl eyle dimege ihtimāl vardur.

﴿ ای پسر کونک نه بازی مکن ﴾ İy oğul! Oğlancık degülsin; oyun eyleme. Yaʿnī; luʿb u lehvden ‘ibāret olan dūnyā ḫayātına aldanup tāmmū’l-‘aḳl olmayan şabīler gibi luʿbe mā’il ve tedārük-i zād-ı ‘uḫbādan ġāfil olma dimekdür. **Kūzek**, «oğlancık»; **ne’i**, «degüsin» dimekdür. Āḫirindeki hemze ḫitāba dālıdır. **Bāzī me-kon**, «oyun eyleme»; murād «oynama» dimekdür. Püser ile kūzek taʿbīrinde şanʿat-ı leṭāfet vardur.

﴿ کار با شیطان بانبازی مکن ﴾ İşde şeyṭān ile şirket eyleme. Yaʿnī; ‘amelden şeyṭān ḫarışacağı işde bulınma ki şeyṭān ile şerīk olmayasın. Zīrā şeyṭānuñ ḫarışdığı işde ḫayr olmaz. Ve kendüye ṭābiʿ olan felāḫ bulmaz. Zīrā düşmāndur dimekdür. Pes düşmānuñ biri daḫı nefis-i emmāre olmağın nāzım eyidür:

﴿ نفس بدرا در کنه یاری مده ﴾ Kötü nefse ġünāḫ işde iʿānet virme. Yaʿnī; fiʿl-i zenbde kendüye muʿīn ve hevāsına ṭābiʿ olma dimekdür.

﴿ عمر بر باد از تبه کاری مده ﴾ Nā-maʿḫūl ü nā-meşrūʿdan ‘ömrüñi yile virme. Yaʿnī; ‘ömrüñi hevā vü hevese şarf u telef eyleme ki ‘ömr ‘azīzdür dimekdür. **‘Ömr**, maʿrūfdur ve ‘adem-i vefā ile mevşūfdur. Nitekim *beyt*:

چه خوش باغیست باغ زندکانی

کر ایمن بودی از باد خزانى

mażmūnından ḫālī maʿlūmdur. Ve bu maʿnāda buyurmuşlardur:

وفا ز عمر و مراد ز جهان و بهره ز مال

[Ü422a] حضور وقت ز ایام و فرصت از مه و سال

من این خیال تصور کنم فلک کوید

زهی تصور باطل زهی خیال محال

İmdi bu vechile serî'ü'z-zevāl ü bî-vefâ olan 'ömr-i 'azîzi hevâ vü heves üzre; **ez-tebehkârî**, «nâ-ma'küllükden nâşî» dimekdür. **Me-dih**, nehy-i hâzırdur; «virme» dimekdür.

﴿ هر کجا تهمت بود آنجا مرو ﴾ Her kande ki töhmet ola ol yire gitme. Nitekim [S444b] hadîs-i şerîfde: اتقوا مواضع تهم gelmişdür.

﴿ راه حق را همچو نابینا مرو ﴾ Târîk-ı Hâkka kör gibi gitme. Ya'nî; başa-ı başîr yirinde olan mürşid-i kâmil ve 'ilm ile sâlik ol ki fütâde-i mehâlik olmayasın dimekdür. **Hemçü**, kelime-i teşbîhdür. **Nâ-bînâ**, «gözi görmeyen köre» dirler. Pes rehber-i râh-ı Hâkka olan mürşid ve 'ilmi sâlik göziyle berâber bilüp şaşınmak ve muktezâ-yı 'ilm ile 'amel kılmak ve bu vechile yolda selâmet bulmak gerekdür. Zîrâ:

﴿ دشمنی داری ازو ایمن مباش ﴾ 'Azîm düşmân tutarsın; andan lâ'übâlî ve emîn olma. Düşmândan murâd; 'adüvv-i mübîn olan şeytân-ı la'indür ki yoldadur; kemîndür. Be-her-hâl ekşer-i hîlesi bî-'ilm olan 'âbid ve bî-mürşid olan sâlikedür ki anları gümrâhlığa dâ'î ve ihlâklerine sâ'îdür.

﴿ زیر سقف بی ستون ساکن مباش ﴾ Direksiz örtme altında sâkin olma. Bundan murâd temşîldür. Ya'nî; râh-ı Hâkka tedârük-i lâzime-i şer'isiz gitmek, direksiz örtme altında sâkin olmağa beñzer. Böyle olanuñ helâki ne güne muqarrer ise bilâ-tedârük râhî olanuñ helâki muqarrerdür; andan hâzer lâzımterdür.

﴿ در ره فسق و هوا مرکب متاز ﴾ Fısk u hevâ-yı nefsanî yolında merkeb çapma. Ya'nî; yelme dimekten kinâyedür. **Merkeb**, «binecek nesne»nüñ adıdır. Sefîneye dağı merkeb dirler. Pes bunda merkebden murâd; beden-i insânîdür ki nefs-i emmâre aña râkibdür. İmdi zimâmı nefs eline virmemek gerekdür. Yoksa kendi hevâsına göre ol merkebi berr ü baħrde mehâlike sürüp helâk eylemesi muqarrerdür. Ve dağı merkebden nefsuñ kendi zâtı murâd olunmak dağı rüşendür. Nitekim lisân-ı şer'ce nefse ma'ıyye dinmişdür. İmdi ol merkeb-meşreb olan nefsi hevâsına ve râh-ı fıskı çapup her murâdını huşûle getürmek şâhbinuñ helâkine sebep olacağı muqarrerdür; hâzer gerekdür.

﴿ خویشتن را سخره' شیطان مساز ﴾ Kendüñi şeytânüñ zebünü eyleme. **Suħre'**, bunda zebün ma'nâsınadır. Pes râh-ı hevâya nefs atını çapan şeytânüñ zebünü ve maħkûm u mağlûbı olmak nümâyândur.

﴿ چون سفر در پیش داری زاد کیر ﴾ Çünkü uğruñda sefer tutarsın; azık tut. [S445a] **Seferden** murâd sefer-i 'uķbâdur. **Zâddan** murâd a'câl-i şâliha vü taķvâdur. Nitekim فان خيرا لزاد التقوى âyet-i şerîfi bu ma'nâda hüveydâdur.

﴿ عمر خود را سر بسر بر باد کیر ﴾ Kendü 'ömrüñi başdan başa bād üzre tut. Ya'nî; bād gibi farz eyle ki elbette serî'an nihâyet ve karîben resîde-i gâyet olmak muqarrerdür. İmdi fırsatı fevt itmeyüp 'âmil-i hayr-ı 'amel [Ü422b] ve târîk-i tûl-i emel ol dimekdür. Ve 'ömrüñ bir bād oldığı ve ber-bād olacağında iştibâh yokdur. Nitekim H'âce Hâfız buyurmuşdur, *beyt*:

پیوند عمر بسته بمویست هوش دار

غمخوار خویش باش غم روزگار چیست

Yaʿnī; ʿömr peyvendi bir kıl ile bağıldır. Teʿaqqul eyle ve kendi tedārükünde ol; bu gamm-ı rūzgār nedür? dimekdür. İmdi tül-i emel ğafletden nāşīdūr. Nitekim *beyt*:

و کم من فتی یمسی و یصبح ضاحکا
و قد نسجت اکفاته و هو لایدری

dimişlerdūr. Pes hāl-i ʿömri fikret ile terk-i ğaflet ve vaqt-i hālī ğanīmet bilmek lāzımdır. *Naẓm*.

لا تتخذ املا بامتداد العمر
و اغنم فرصا قبل نفاد العمر
تاتیک اهله الشهور انعطفت
کالمنجل شکلا لحصاد العمر

﴿ ای پسر اندیشه از اغلال کن ﴾ İy oğul! Ağlāldan bir fikr eyle. Yaʿnī; cehennemde mücrimlerün boynına ve ayağına taķılacak ağlali fikr idüp mücrimlerden olma dimekdür. Nitekim: انا اعمدنا للكافرين ان لادنیا انکالا و حجیما و طعاما ذا غصة: Tefsīr-i Kāḍinūñ: āyet-i şerīfi bu beyāna dālıdır. İmdi bu gün ayağın ağlāl kaydı muķayyed degül iken fursatı bilüp:

﴿ نفس بد را با لکد پامال کن ﴾ Yaramaz nefsi depük ile pā-māl ve çigleyici ol. Yaʿnī; şehvātına tābi^c olmayup kendüyi zebün eyle dimekdür. Maʿlūm ola ki nāẓım bu beytde bir nükte-i daķıķaya işāret ü imā buyurmuşdur ki ol nükte, Tefsīr-i Kāḍinūñ: ان لدنیا انکالا و حجیما و طعاما ذا غصة: Tefsīr-i Kāḍinūñ: āyet-i şerīfi beyānında olan taḥķīķ-i taşavvufānedür, feʿrci^c ileyh. **Leked**, feth-i lām ve feth-i kāf ile «depmek» maʿnāsınadır.

﴿ تا نسوزی سازکاری پیشه کن ﴾ Tā ki nār-ı caḥīme yanmayasın. Halk ile ḥüsn-i imtizāci ʿādet eyle. Yaʿnī; ḥüsn-i ḥulķ ile ḥareket ve herkes ile ḥüsn-i ülfet eyle dimekdür. Nitekim penbe ile [S445b] āteş-i meyden bu maʿnā müstefāddur, Kelīm:

سازکاری همه طبع ار نبود آتش می
پنبه را از روی همدمی مینا چیست

﴿ از عذاب و قهر حق اندیشه کن ﴾ Hāḳḳ teʿālānuñ ʿazāb (u) ķahrından fikr eyle. Yaʿnī; maẓhar-ı ķahr u ʿazāb olacak efʿāl ü aķvālde bulınma ve seyyiʿülʿ-ḥulķ olma dimekdür.

﴿ جمله را چون هست از دنیا کذر ﴾ Çünkü cümle içün dünyādan irtihāl muķarrerdür. Nitekim: کل نفس ذائقة الموت āyet-i şerīfi bu beyānda burhāndur. Ol sebebden dünyāyı iki ķapulı ķārbān-serāya teşbīh ve her ķonan göçmek üzere oldığına Ḥ^vāce Ḥāfız bu vechile teşbīh buyurmuşdur, *beyt*:

درین رباط دو در چون ضرورتست رحیل
رواق طاق معیشت چه سر بلند چه پست

Yaʿnī; çünkü dünyādan irtihāl muķarrerdür; maʿīšetün ğınā ile olmuş yāḥod faķr ile olmuş ne fāʿide dimekdür. Yaʿnī; hīç tefāvüt yokdur ve bu maʿnāda buyurmuşlardur:

دنیا که در او ثبات کم بینم
با هر فرحش [Ü423a] هزار غم بینم

چون کهنه رباطیست کز هر طرفش

راهی به بیابان عدم می بینم

Ve bazı nüshada bu mısrâf böyle vâkırdur: ﴿ جمله را چون هست بر آتش کذر ﴾ Ya'nî; cümle için nâr-ı cehennem üzerinden mürûr mukarrredür. Nitekim **الا و ان منكم الا واردها** âyet-i şerîfi buña şâhiddür. Pes:

(جاي شادي نيست با چندين خطر) Bunca hařar ile dũnyā řadlıř yiri degũldũr. Ya‘nĩ; bu ‘uķbāyĩ ve ‘uķbāda olan hařarātĩ dũřũnũp dā’imā giryān ve tedārũk-i zād-ı ‘uķbā ile selāmete mũtedārĩk olmak gerekdũr. Ĥattā evliyā’-i kibārdan Mālik bin Yāsĩn ‘uķubāt-ı řırātĩ istimā‘ u yaķĩn eyledikde ĥavfindan ‘āzim-i dāru’l-ķarār oldu. Ve bir řaĝire ķerĩmesi daķı evřāf-ı řırātĩ pederinden istimā‘ı ĥasebiyle der-‘aķab ol daķı ‘āzim-i dāru’s-selām oldu diyũ İbnũ Cevzĩ beyān buyurmıřdur.

﴿ آتشی در پیش داری ای فقیر ﴾ İy fakîr! Uğruñda bir ‘azîm âteş tatarsın. Ya‘nî; cümledenüñ reh-güzârı olan nâr-ı şiddet-âsârı uğruñda görmeñ muķarrerdir. **Âteş**ide yâ, ta‘zîm içündür. Pes âteş-i dūzaħuñ ‘azameti şiddet-i harâreti ĥasebiyledür ki ĥalk olaldan berü bundan böyle ilâ-mâ-şâ’a’llâh kızdırılmaķ üzredür; illâ cum‘a giceleri degül. Ve daħı keşretinden nâşîdür. [S446a] **Ĥattâ** البحر المسجور **âyet-i şerîfinüñ** beyânında ba‘zı müfessirîn eyitmiş: Yevm-i kıyâmetde Ĥudâ-yı müte‘âl cümle biĥârı âteş idüp cehennemüñ üzerine zamm idecekdür. Ve daħı âşârda: ان هذه الارض برها و بحرها تمتلئ نارا الى gelmişdür; ne‘ûzü bi’llâh.

﴿ هیچ خوفت نیست از نار سریع ﴾ Hiç āteş-i serîʿden havfuñ yok mıdır? Bunda istifhām melhūzdur. Murād havf eyle dimekdür.

{ عقبه در راهست و بارت بس کران } Yolda ‘aḳabe vardır ve yüküñ ziyāde ağırdur. ‘Aḳ(a)be, «yoğuş ve taḡ içinde olan yol»dur ki Fārisīde girīve ve der-bend dirler. Bunda ḫarf-i kāf zarūret-i vezn sākindür. **Rāh**dan murād; ṭarīḳ-ı ‘uḳbādur. Ve şırāt murād olunmaḡ rüşendür. **Bāret**, «senüñ yüküñ» dimekdür. Bārdan murād; bār-ı girān-ı a‘māldür ki; **bes girān**, «ziyāde ağır»dur.

{ نكذرد بارت بسعی دیکران } Sā'irlerüñ sa'yi ile senüñ yüküñ şavuşmaz. Ya'ni; herkes kendi yükünü götürür. Nitekim: *ليس للانسان الا ما سعى* و bu beyānda hüveydādur. *Beyt:*

این چنین گفتست پیر معنوی

ای برادر هرچه کاری بدروی

Ya'nī; ne eker iseñ anı biçersin dimekdür.

﴿ نَارِ اِندَر پِيش رو ز رَسْتخِيز ﴾ Kıyāmet gününü önünde tutarsın. Ya'nî; rûz-ı mahşeri görmek muḳarrerdir. **Rûste-hîz**, kıyāmet adıdır ki ol gün naṣṣ-ı Qur'ân ile sâbitdür. Ve miḳdârı sinîn-i dünyâ ile elli biñ sene zamânıncadır. Pes cümle ḫalâyıḳ bu mevḳıfde cem' olacaḳdur. [Ü423b] Lâkin bunda su'adâ'-i ümmet-i Muhammede ḫıffet olacaḳdur. (...)

ربنا انك جامع ﴿ ان خدایت نیست امکان کریز ﴾ Saña Hudâdan kaçmağ imkânı yoktur. Nitekim âyet-i şerîfi bunda burhân-ı kıyâsî'dur. İmdi mevtten ve ba'de'l-mevt ba's ü haşreden ve hisâbdan firâr mümkün degüldür. İmdi:

﴿ ای پسر [S446b] راه شریعت پیش گیر ﴾ İy oğul! Tārīk-ı şerī'ati öñüñde tut. Ya'nī; sülük ü 'ibādetüñi şerī'ate uydur.

﴿ رهروی ترک هوای خویش گیر ﴾ Tārīk-ı müstekīme sālīk iseñ hevā vü hevesüñüñ külliyyen terkini tut. **Reh-rev**, terkīb-i tavşīfidür; «yola gidici» ma'nāsınadır ki «sālīk» dimekdür. Āhirindeki yā, hīṭāb içündür. **Terk-i hevā-yı h^vīş**, «kendi hevā vü hevaesüñüñ terkini»; **gīr**, emrdür «tut» dimekdür. Hūlāşa-i murād ma'lumdur. Ve bunda bir nükte-i daḳīka vardır. Budur ki; ba'zı ehl-i hevā Yehūd ṭā'ifesiñüñ, āyāt-ı şerīfde ba'zı eşḥāş u a'sāra nazaran li-ḥikmetin nāsiḥ u mensūḥuñ tegāyürin fehm itmedikleri gibi ba'zı eḥādīs-i şerīfde ehl-i hevā, şüretā olan teḥālūfi ve eşḥāş u a'sāra göre olan tegāyüri anlamayup ve şer'-i şerīfe taṭbīka kâdir olmayup hevālarına göre ma'nā virmişlerdür. Meşelā; tezevvüc ḥaḳḳında olan خیر امتی بعد المأئین خفیف الحاز قالو ومن خفیف الحاز یا ḥadīs-i şerīfinüñ tegāyürleri a'sāra nazaran idigin fehm itmeyüp teḥālūflerin ḥaḳḳı añladıklarından kendü hevālarına göre ma'nālar virüp şer'i kendülere tābi' kılup kendüler şer'a muḥālif gitmişlerdür. İmdi nāzımuñ kelāmından murād eger şırāt-ı müstakīme sālīk iseñ bu mişllü hevāya tābi' olmayup her umürda mezheb ü meşrebüñi şerī'ate uydur dimege işāret vardır.

﴿ ای برادر باش با فرمان حق ﴾ İy karındaş! Ḥaḳḳun buyrığı ile ol. Ya'nī; emr-i Ḥaḳḳa imtişāl ve nehyinden ictināb ile dā'im ol.

﴿ تا بیایی جنت رضوان حق ﴾ Tā ki cennet ve rızā'-i Ḥaḳḳı bulasın. **Cennet**, ma'rūfdur. **Rıdvān**, bunda «rızā» ma'nāsınadır ve daḥı ḥāzin-i cennetüñ ismidür. Pes bunda cennet zeylinde Rıdvān zikrinde leṭāfet vardır. Bu beytde للذین اتقوا عند ربهم جنات تجرى من تحتها الانهار خالدين فيها و ازواج مطهرة و رضوان من الله āyet-i şerīfine telmiḥ vardır. Şöyle kim tefāsīrde beyān olındığı üzre Hūdā-yı müte'āl cennet ehlinüñ ednāsına seksen biñ ḥādim [Ü424a] ve yetmiş iki ḥūrī ve yāḳūt u zebercetdür. Bir kubb-i vālā vire ki büyüklüğü Şām kurbinde vāḳı' Cābiye³⁹ nām maḥall ile Şan'ā-i Yemen arası kadar [S447a] ola. Ve a'lālarına daḥı niçe ni'metler vire. Ve bu ni'metlerüñ a'le'l-e'ālisi rızā'-i şerīfi ola. (...)

﴿ کردن از حکم خدای خود متاب ﴾ Kendi Hūdāñuñ ḥükminden boyun bükme. Ya'nī; emrine aşlā muḥālefet eyleme dimekdür. **Gerden**, «boyun» ma'nāsınadır. **Me-tāb**, nehy-i ḥāzırdur; «bükme» dimekdür.

﴿ تا نمانی رو ز محشر در عذاب ﴾ Tā ki maḥşer güninde 'azābda kalmayasın. Bunda murād; eger 'afv-ı İlāhiye maḥzar olmaz iseñ dimekdür. Yāḥod emri'llāha muḥālefet ne'üzü bi'llāh sū'-i ḥātimeye sebebdür.

﴿ تا بیایی در بهشت عدن جای ﴾ Tā ki cennet-i 'Adnde mekān bulasın. Ya'nī; cennet-i 'Adne dāḥil olasın dimekdür. **Behiştüñ** 'Adne izafeti 'āmmuñ ḥāşşa izāfeti kabīlindendür. Ve cennet-i 'Adn cennet-i sāminüñ adıdır. Dürrden ḥalḳ olınmışdur; ḳapusu altundandır ve mışrā'ıñuñ beyni semā ile arzuñ beyni kadardur.

³⁹ Her iki nüshada da kelime «Ḥābiye» şeklindedir. Ancak Şām civārında böyle bir yer ismi bulunamamıştır; Cābiye olması muhtemeldir.

﴿ شغفتی بنمای با خلق خدای ﴾ Hakk te‘ālānuñ maḥlūḳına şefkat göster. Ya‘nî; halkı esirge dimekdür. Pes bunda halkdan maḥlūḳ murād olunmağın maḥlūḳı daḥı hayvān ve insāndan e‘amm tutmaḳda mübālağa vardır. Zīrā insānı belki hayvānı esirgemek hıṣāl-i evliyādandır. Nitekim Bāyezīd-i Bestāmī ravveḥa’llāhu rūḥahu’s-sāmī, şehir-i Kirmānda ba‘zı devāya müte‘allıḳ nebātāt divşırüp Bestāma teşrīfinde ol şahrādan cem‘ itdigi nebātātuñ içinde meger bir qarınca ma‘an gelmiş. Pes hayvāna şefkat içün ol qarıncayı yine Kirmānda olan yirine ulaştırmışdır dirler, intihā. Ve belki hıṣāl-i enbiyā’-i kirām ‘aleyhi’s-selāmdandır. Nitekim ‘Arā’isde eyidür: Ḥazret-i Süleymān ‘aleyhi’s-selām kevkebe-i devlet ü mevkibe-i sa‘ādet ü saltanat ile hevā-[S447b]süvār-ı seyr-i diyār üzre iken eṣnā’-i rāhda: “Şağa ve şola bir miḳdār meyl eyle” diyü hevāya fermān buyurdılar. Ve hevā daḥı fermān-ber oldıḳdan soñra ḥikmetin ol ḥazrete su‘āl eylediler. Eyitdi kim: “Yolumuzuñ üzerinde bir kuş āşyān-sāz olmuş. Üzerinden mürürumuzda şāyed ol mürğ bī-rāḥat ve pervāza [Ü424b] dem-sāz olarak eziyyet görmesün içündür” didi, intihā. Ve insāna şefkatüñ aḥvālī ise ḥod ma‘lumdur. Nitekim Müslim ve Buḥārī ittifāḳırlıyile ḥazret-i Ebū Hüreyre raḫıya’llāhu ‘anhudan mervī olan: رجل يمشى بطريق فوجد غصن شوك على الطريق فاخرة بينما نيهل-ي شصكي بائد iden racülün ‘ameli maḳbūl ve maḡfūr olmuşdur. Bunda fe-şekera’llāhu lehū kelāmınuñ ma‘nāsı «anuñ ‘amelin ḳabūl eyledi» dimekdür. Zū‘afāya merḥamet bā‘is-i maḫhariyyet-i ḡufrāndur. Ḥattā fuḳarā’-i ibādu’llāha şefkaten melā’ike-i kirām, şitānuñ zihābına ve i‘tidāl-i hevāya inḳılāb ile nazūk vaḳtlerün iyābına feraḥnāk oldıḳları ḥaḳḳında ḥadīs-i şerīf vārid olmuşdur diyü buyurmışlardır. Ol ḥadīs-i şerīf budur: ان الملائكة لتفرح بذهاب الشتاء رحما للفقراء.

﴿ تا دهنند جای در دار السلام ﴾ Tā ki saña dāru’s-selāmda bir yir vireler. Ya‘nî; Ḥudā seni dāru’s-selām adlu cennetde cāy-gīr eyleye dimekdür. **Dehend**, «vireler» ma‘nāsınadır; mu‘tī Ḥudādur. Pes dehed maḳāmında cem‘ şīḡasıyle dehend geldigi ta‘zīm içündür. *Beyt*:

تو با خلق سهلی کن ای نیکبخت

که فردا نکیرد خدا بر تو سخت

﴿ با فقیران روز و شب می ده طعام ﴾ Fuḳarāya rüz u şeb ta‘ām vir. Ya‘nî; fuḳarāyı dā’imā iṭ‘ām-ı ta‘ām ile nevāziş eyle dimekdür. Pes **rüz u şeb** zıkrinden murād; devām ve iki öyün ta‘āmuñ cevāzını i‘lāmdur.

﴿ شاد اکر داری درون خسته را ﴾ Eger bu bī-çārenün derünını şād u ābād tutar iseñ.

﴿ باز یابی جنت در بسته را ﴾ Der-beste olan cenneti açık bulursın. Bu beyt sābıḳda zıkr ü şerḥ olunmışıdı. Lākin ba‘zı nüshada böyle bulunmağın tekrār beyān u şerḥi münāsib görilmişdür. Ve bu āna gelinceye dek nāzım üslūb-ı Ḳur’ān-ı kerīm üzre, [S448a] düzaḥ u cennetün yolların irā’et ve cennet yolu ḥāzır iken tarīḳ-ı düzaḥa gitme demek üzre naşīḥat buyurdıḳı ḥasebiyle ‘aḳl-ı ma‘ād şāḫibi olanlara tezkīr ve ‘aḳl-ı ma‘āş erbābına tenbīh-i dil-peḫzır murād itmışdır. (...)

﴿ هر که دارد این نصیحتها بجای ﴾ Her kim ki bu naşāyılı yirine getürür. Ya‘nî; bu faḳīrün pendine dil-bend ve ḳabūliyle sa‘ādetmend olur.

﴿ در دو عالم رحمتش بخشد خدای ﴾ İki âlemde Hudâ aña rahmet ihsân ider. Yâhod; eyleye ma'nâsı dağı muhtemeldür. Zîrâ murâd ihbâr olmağ ve cümle-i du'â kaşdıyle inşâ olmağ câ'izdür. [Ü425a] İmdi inşâ oldığı taqdırce; bu kitâb-ı müsteṭâbuñ içinde olan naşâyıh ile âmil olana beşârât-ı 'azîme vardır. Zîrâ nâzım gibi bir pîr-i şâhib-velâyet (ü) zât-ı pür-kerâmetüñ du'âsına mazhar olmuş olur. Evliyâ nefesine mazhariyyet kadar bir devlet olmadığı ma'lûmdur. Ve naşîhat-i mezkûresin yirine ityân iden mazhar-ı rahmet-i her-dü-âlem olmağdan murâd; dâreynde der-emân ve mazhar-ı rızâ-yı hazret-i Melikü's-şân olmağdur. (...[S448b]...) İmdi naşîhat kabûl eylememek cehâletden nâşî ve bu gûne naşîhati kabûlden nâ-dân ğayr-ı müteḥâşî ola geldiginden nâzım eyidür:

﴿ ورنه ندارد این نصیحتها بجا ﴾ Ve eger bu naşîhatleri yirine gtürmez ise:

﴿ دور ماند بی شکی او از خدا ﴾ O kimse şekksiz Hudâdan dūr ve rahmet-i her-dü-âlemden mehcūr kıla. Pes bunda inşâ murâd olındığına göre, naşâyıh-ı şeyḥi tutmayan bed-du'âsına mazhar olmağ ğâyet müşkilterdür. İmdi 'âkıll olan elden geldikce naşâyıh-ı nâzımı kabûl ve 'inda'llâh maqbûl olmağa sa'y eylemek gerekdür. Ve bunda Hudâdan dūr ola didiginde ḥaṭar-ı 'azîm vardır. Zîrâ Hudâdan dūr olmağ kadar belâ-yı 'azîm yokdur, ne'üzü bi'llâhi min zâlik. Ve bu gûne naşâyıh-ı cevâhir-âşârı kıllâde-i gerden-i kabûl eylememek, bed-bahtlık ve cehâlet ve nâ-dânlık nişânesi olduğu zâhirdür. Pes bu yâdgârında mevzû olan naşâyıh-ı ğâliye-eşer ve fevâyıh-perverüñ ma'ânî-i hoş-bûları meşâmm-ı fehmi küşâde olanlara nümâyân ve rumûz-ı hikmet-perverleri esrâr-âşnâ olan âzâdelere ğayr-ı pinhân olmağın erbâb-ı mu'ine medḥ ile terġibe eger ḥacet yokdur. (...[S449a, Ü425b]...) Pes meclis âḫirinde du'âya ibtidâr, 'âdet-i nâşîh-ı kibâr olmağın nâzım dergâh-ı icâbet-penâh-ı İlâha tevcîh-i veche du'â idüp, iḥvân-ı mü'minîni ma'an du'âda yâd ve du'âdan murâd, mazhariyyet-i rahm u ğufrân-ı Rabbü'l-'ibâd oldığın irâd zımnında çend ebyât-ı münâcât-âyât irâd idüp buyurur:

﴿ یا الهی رحم کن بر ما همه ﴾ Yâ İlâhî! Bizim üzerimize rahm eyle. **Yâ İlâhî**, «iy benim ma'bûdum» dimekdür. **Rahm kon**, emr-i hâzırdur; «rahmet eyle» dimekdür. **Ber-mâ-heme**, dükelimüzüñ üzerine dimekdür. Nâzımuñ ibtidâr-ı câyı taleb-i rahmete bend eyledigi maqşûd ez-münâcât-ı rahmet oldığın iş'ardur. Ve vüs'at-i deryâ-yı rahmete iġtirarımı ikrâr ile 'arz-ı iftikâr içündür. Ve rahmet deryâsınuñ vüs'ati, ḥâric-i ḥîṭa-i uḳûl-i beşer ve rahmet-i Bârî, şefkat-i mâder ü pederden a'zam u ekşerdür. Nitekim: *والله ارحم من والدته المشفقة* buyurmuşlardır. Ve bu maзмün-ı pāk cānib-i Ḳuddûsden olan kelâm-ı [S449b] Ma'nevînüñ me'âl-i tâbnâki olmağ üzere, hazret-i Mevlânâ *meşnevî*:

حلم ایشان کف بحر حلم ماست

کف رود آید ولی دریا بجاست

buyurmuşdur. Ya'nî; Peder ü mâderüñ ḥilm ü şefkatî, bizüm ḥilm ü rahmetümüz deryâsınuñ keffî vü ḥabâbıdur. Keff, âmed ü refṭ kabîlindendür. Lâkin deryâ-yı rahmet hemîşe kâ'im ve noqşân u zevâlden maşûn u dâ'imdür. Ya'nî; hazret-i Hâḳḳuñ rahmet ü ğazâb şıfatları ezelîdür. 'Abdüñ şefkat ü ğazâbı gibi 'arîz ve ğâh gelür ve ğâh gider kısmından degüldür. Ve bir şûrîde-dil *beyt*:

خود چه کویم پیش این در این صدف

نیست الا کف کف کف کف

diyü buyurmuşdur. Ya'ni; Erḥamü'r-rāḥimīnün si'at-i [Ü426a] rahmetini ne güne beyân ideyüm ki; dürr-i yektâ-yı rahmet-i Hudâ yanında peder ü mâderün, şadef-i re'fet ü kısr-ı şefkati degüldür; illâ keffün keffün keffün kefidür. Ve niçe merâtib andan nâzil ü zâ'ildür. Lâkin rahmet-i Bārī, dürr-i şehvārī gibi a'la-ter ü devām-perverdür, *meşnevî*:

یا غیاث المستغثین اهدنا
لا افتخار بالعلوم و الفنی
لا تزع قلبا هدیت بالکرم
و اصرف السوء الذی جف القلم

﴿ عفو کن جمله کنه ما همه ﴾ Cümlemüzün günâhların 'afv eyle. Pes 'afv, maḥbûb-ı ḥazret-i Ḥaḳḳ olduğunu imâ için nâzım taleb-i rahmet 'aḳabinde Hudâdan talebkâr-ı 'afv olmuşdur. Nitekim: اللهم انک عفو تحب العفو فاعف عني ḥaber-i beşâret-eşeri bu beyânda kâfî ve bu vechile İmâm-ı A'zamun dem-sâz-ı niyâz-ı 'afv olduğu delâlet-i beyânda vâfidür ki buyurmuşdur, *şîr*:

یا رب عفوک موجود لصاحبه
امنن علی به یا خیر یا غفار
الشمس تحرق اکبادی حرارتها
فکیف لی جلد یبصر علی النار
ان الملوک انا شابت عبدهم
من رقهم یعتقون عتق الاحرار

intihâ. Ve nâzımuñ bunda 'ibâd-ı etemmi qabûl eyle ta'bîrine zebân-küşâ-yı qabûl olmağı ma'ḳûl görmeyüp, *beyt*:

بر در کعبه سائلی دیدم
که همی کفت و میکرستی خوش
من نکویم که طاعتم ببذیر
قلم عفو بر کنایم کش

mazmûnı üzre Hudâdan 'afv talebinde olmağıla iktifâ buyurmuşdur. Ḥattâ erbâb-ı ḥâlden birisi [S450a] namâz u niyâz 'aḳablerinde du'âyı gâyet taṭvîl şüretin gösterür imiş. “Azîzum! Du'âda ne dirsın?” diyü su'âl idenlere cevâbında: “Dâ'imâ اللهم اغفر تقصیری dimekden ğayrı du'âm yokdur” diyü buyurmuşdur. Yâḥod, ḥuzûr-ı kalb ile olmayan tã'âti 'adem yirine tenzîl ü 'add eyledigini iş'âr için yâḥod erbâb-ı ḥâl olan kimesne tefriḳa-i ḥâl ü dervîşâne aḥvâli daḥı kuşûrdan 'add idegeldiklerine imâdur. (...[Ü426b]...)

﴿ عاجزیم و جرمها کرده بسی ﴾ Ācizlerüz ve çok şuçlar işlemiştüz.

﴿ مارا غیر تو دیکر کسی ﴾ Bizüm senden ğayrı bir kimsemüz yokdur. Yâḥod; senden ğayrı bir kimse daḥı yokdur ki bize mu'tin olup rahm ü luṭf eyleye dimek daḥı ma'nâdur. Ma'lûm ola ki nâzımuñ bu beytinde qabûl-i du'âda olan [S450b] şerâyıtuñ ba'zısına işâret vardır. Zîrâ isticâbet için dâ'ide vü du'âda

ve med‘uvvün bihde şerāyīṭ vardır. Dā‘ide şerā’iṭ-ı evvel; ḥāceti kazāya ancak Ḥudā kādirdür diyü bilmekdür. Ve daḥı ḥarāmdan ictināb itmekdür. Ve du‘āda şart-ı ūlā vü āḥir; şalevāt-ı şerīfe maḥrūn olmaḥdur. Ve med‘uvvün bihde şart; şer‘an talebi cā‘iz olan umūrdan olmaḥdur. Pes riḳḳat ile ḳabūl-i du‘āda isti‘cālî terk itmek gerekdür. Nitekim ḥadīs-i şerīfde: *عن أبي هريرة ليستجاب لاحدكم مالم يعجل يقول* vārid olmuşdur. Metn-i ḥadīsde «yekūlū» kelām-ı şerīfî du‘āda isti‘cālî beyān için istīnāfdur.

﴿ کر بخوانی و برانی بنده ایم ﴾ Eger ḳapuña okuyasın ve eger redd idesin bendeyüz. Ya‘nî; eger bâb-ı rahmetüñe ḳurbiyyetümūze, tevfiḳ-ı iḥsānile maḳbūl-i dergāh idesin. Emr senūñdür; bizler bendeyüz. Ve ḥükmüñe rāzî vü efkendeyüz dimekdür. Nitekim eyidür:

﴿ هر چه حکم تست از ان خرسند ایم ﴾ Her ne ki senūñ ḥükmūñdür andan rāzîlerūzdür. Nitekim Beytū’l-ḥarāmda erbāb-ı ḥālden biri āstān-ı Ka‘beye cebhe-şāy-ı ‘ac̣z ü iftiḳār olup maḳām-ı teslîmde *beyt*:

کر کشی و ز جرم بخشی روی سر بر آستانم
بنده را فرمان چه باشد هر چه فرمانی برانم

diyü buyurduğu bu beyt ile hem-ma‘nādur. Pes nāzım bu münācātında, tarīḳ-ı tevbede olan ādāba īmā buyurup, evvelā, zikr-i Ḥudā; sāniyen, rahmetini yād; şālişen, ‘afvını recā; rābī‘an, i‘tirāf-ı zenb; ḥāmisen, i‘ānet ancak Ḥaḳḳdan oldığını iḳrār; sādisen, emri kendüye tevfiḳ ve ḥükmüne rızā göstermişdür.

﴿ رحمت حق باد بر روح کسی ﴾ Ḥaḳḳ te‘ālānuñ rahmeti ol kimsenūñ rūḥı üzerine olsun.

﴿ کین نصایح را بخواند او بسی ﴾ Ki bu naşāyihı o çok okuya. **K’in**, «ki īn» lafzlarından muḥaffefdür; işāret bu kitābda olan naşāyihādur. Pes bunı çok okuya dimekte birkaç nikāta īmā vardır. Evvelen; keşret-i ḳirā’et: *من احب شيئا اكثر ذكره* mişdāḳınca maḥabbeti müş‘irdür. İmdi bu naşāyihı ḥaḳīr görmeyüp maḥabbet nazarıyle nazar itmek gerekdür dimekdür. Sāniyen; rūḥınuñ ḥayr ile yād olmasına bā‘iş idigi ḥasebiyledür. Şālişen; ez-berlemege şāyān idigin iş‘ardur. Rābī‘an; evliyā kelāmını keşret-i ḳirā’et kendüler [S451a] ile keşret-i şoḥbet maḳāmına ḳıyāmı iş‘ardur. Ḥāmisen; bu kitāb her-bār istişḥābe şāyāndur dimekdür. Sādisen; bu kitāb-ı deḳā’iḳ-nişābuñ işārātına vuşūl, yek nazar ile müyesser degüldür. Belki *فارجع البصر كرتين* manṭūḳınca tekrār nazara muḥtācdur dimekdür. Nitekim naşāyihına dā’ir maḳālesin nāzım maḥall-i dīgerde bu vechile medḥ buyurmuşdur, *naẓm*:

کسی این گفتا را قدر [Ü427a] داند
که پیوسته ز جان و دل بخواند
کسی داند که با این درد باشد
بدانش در زمانه فرد باشد
کسی داند که داند این و آن را
که هر مرغی نداند این زبانرا
کسی داند که با دردست و با سوز

ازین معنی بود دائم دل افروز
 کسی داند که با دردش بود یار
 منم دائم بدرد او گرفتار
 کسی داند که درویش دیده باشد
 بلا در راحتش بکزیده باشد
 کسی داند زبان عاشقانرا
 که در راهش فدا کر دست جانرا
 کسی داند که از عشقش بود زار
 رود هر لحظه چون منصور بردار
 کسی داند کزین می خورد یک جام
 بکل فارغ بود از ننگ و از نام
 کسی این پندها از جان کند کوش
 کزین باده زند اندر دلش جوش

intihā. Pes nāẓım-ı merhūmuñ bu ebyāt-ı leṭāfet-simātı üzre bu kitāb-ı müsteṭāb ile ‘amel, bā‘is-i vuşul-i
 merātīb-i ‘āşıķān idigi nümāyāndur, رحمه الله رحمة واسعة.

Tārīḫ

خامه چون بر موجب جف القلم
 خشک بایستاد ازین خوش رقم
 بهر دعا از لب ام الکتاب
 حرف شفاک اللهش آمد خطاب
 روح امین دست بآمین کشاد
 چرخ برین سبحة پروین کشاد
 گفت جزاک الله ازین گفت پاک
 از تو بسجاده نشینان خاک
 نقش شفاخانه روحست این
 با رقم روح شروحست این
 شرح سخنهای سر اولیا
 یوسف عطار کرامت نما
 آنکه سخنهای چو روح روان
 زنده کند زنده دل مردکان
 هر بپندش بکند کوش پند
 ایزدش اورا بدهد عز چند
 پند چو مشکست که عطار داد

روح شریفش بچنان شاد باد

Her kim ider ise bu şerhi pesend
Cām-ı ma‘ārifle ide nūş-ı k̄and
Rūhī tamām eyledi tārīhini
Rūh-ı Şurūh ile münir oldu pend
Sene 1181

İmdi gel iy t̄alib-i ‘irfān olan
Rāğīb-ı fehm-i sūhān-ı cān olan
Efser-i pend ile olup ser-firāz
Ṭabla-i ‘Atṭārdan ol ‘itr-sāz
‘Arşa-i şaṭranc gibidür bu cihān
Bağ nazar-ı ‘ibret ile her zamān
Ḥizmete şāhāne kıyām eyleyüp
[S451b] Kendi işün bunda tamām eyleyüp
Kulluk işiginde olup ruḥ-nihād
Ṭoğrı yürü kim olasın ber-murād
Ser-keş olan nefis atını eyle rām
Başına ur ağızına ağır licām
Tā seni endāḥte-i ḥāk itmedin
‘Ādet-i sū’ ile helāk itmedin
Nefs ü ‘azāzīl ile eyle cihād
Cehdūni şarf eyle sen Allāhu hād
Pīl gibi kuvvetde iken bu beden
Düşmen-i bed-ḥāha zebūn olma sen
Ṭā‘ate ferzīn-şifat āmāde ol
Ḥizmete beydağ gibi istāde ol
Gezme piyāde gibi her ḥāneyi
‘Ākıl olan neyleye vīrāneyi
Ruḥ‘adan al baş u kabz ḥāletin
Faḳr u ğinānuñ ğam ile rāḥatin
Eyleme bāzīçe-i dünyāya meyl
Bir kır aletle ider ceng ḥayl
Ġālib olur üstüne leclāc iseñ
Māte gelürsin [Ü427b] şeh-i ser-tāc iseñ
Lu‘b u lehvdin iy oğul kıl ḥazer
El-ḥazer el-ḥazer el-ḥazer

Lu'bet-i çarhı idemez kimse derk
 Oynama çarh ile oyun eyle terk
 Çünkü müşa'bid felek encām-ı kār
 Herkesi ihfāya şalar mührevār
 Eyleme devr-i feleke i'timād
 'Ömr ise esmekdedürür hem-çü bād
 'Āriyedür tende libās-ı hayāt
 Hāl' ider āhır anı dest-i memāt
 Böyledür ahvāl-i ğam-ı rūzgār
 Eyleme dünyāya şaķın i'tibār
 'Ahdine tūrmaz ķatı ğaddāredür
 Sihr ile mekr idici mekkāredür
 Anda mezāyā-yı lüb şādı yok
 Şūreti şīrīn görünür dadı yok
 Gülşeninün gülleri pūr-ħārdur
 Bülbülinün kārı ğam u zārdur
 Sünbülünün zūlf-i perīşānına
 Baķ bilesin tā ki anuñ şānı ne
 Sūrı ķamu mātem ü hem lütfi ķahr
 Rāħatı derd ü elem (u) nūşı zehr
 Kimseye ķalmaz bu fenā devleti
 Furşatı fevt itme şaķın furşatı
 Kūşe-i vahdetde varup tūt maķām
 Girme 'avām arasına ve's-selām
 Hüküm ü ķazā-yı Hāķa virgil rızā
 'Abde budur hāl-i dil-i iķtizā
 Naħnü ķasemnā sebaķın eyle yād
 Hırş u tāmā' terkinı ķıl i'tiyād
 Her ne ise ķısmetüñe ķānı' ol
 Dā'imā Hāķ rahmetine tāmı' ol
 Tā-be-seher her gice bīdār olup
 Tevbe vü ezķār ile der-kār olup
 Nevk-i müjeñle dūr ü yāķūtı del
 Gitmeye tā dīdelerüñden belel
 Sūz-ı cigerden çıkarup dūd-ı āh
 Cān u gönülden diyesin yā İlāh

ẖulzüm-i ğufrānuña ħad yok senüñ
 Luṭf ile iḥṣānuña red yok senüñ
 Raḥmetüñüñ baḥrine yok intihā
 ‘Afvuña ḳaldı işümüz iy Ḥudā
 Baḥr-i ma‘āşīde bizüz ğarḳ-ı āb
 İtdigümüz cürme hele yok ḥisāb
 Biz bir alay mücrim-i bī-ḳāreyüz
 Zenb ile āvāre yüzi ḳarayuz
 Yüzümüze urma bu yüz ḳaresin
 ‘Afvuñ ile eyle anuñ ḳāresin
 [S452a] Faḥr-i cihān ḥurmetine yā Ğanī
 Raḥmetüñ ābı ile pāk it beni
 Rūḥiye her kim ider ise du‘ā
 Aña şefīr ola Rasūl-i Ḥudā

Temmet. Dest-yārī-i tevfiḳ-ı Barī ile işbu kitāb-ı müsteṭāb bu ān-ı meyāmin-nişānda resīde-i
 ḥiṭām olmuşdur. Ḥaḳḳ sübhānehū ve te‘ālā şāriḥi Muştafā Rūḥī bin el-ḥācc İsmā‘ıl bin el-ḥacc ‘Ömer bin
 Yūsuf Çelebinüñ zünūbların ‘afva ḳarīn ve vālideyn ü esāfızlerin ğufrāna rehīn eyleyüp, bu kitāba itibār
 idenlerüñ cümlesini ber-murād ve iki ‘ālemde dil-şād eyleye; āmīn, bi-Ṭāḥā el-Emīn!

فردا كه روح دامن عمرم رها كند

وين خاك تيره بند ز بندم جدا كند

يا رب نگاه دار تو ايمان آن كسى

كين خط من بخواند و بر من دعا كند

⁴⁰قدتم كتابة هذا الكتاب المبين للمناظرين الخطاء والصواب بعون الله الملك الوهاب على يد عبد المسبب

الاسباب حسين بن حسين المنسوبين الى العينتاب غفر لهما الرحيم الثواب و لمن يقرأ منه و يصلح على خلل

السهو فيصلحه امين بحرمة سيدالانبياء والمرسلين والحمد لله رب العالمين سنة عشر ومأتين و الف

Sene 1210

⁴¹قد كتب هذه النسخة من نسخة مولف رحم الله كتبها و قرأها

Şoñ

Fī 9 Teşrīn-i evvel 317 ve fī 10 Receb-i şerīf 319 Yevm-i Şelāse

⁴⁰ S nüshasına aid istinsah kaydır.

⁴¹ Ü nüshasına aid istinsah kaydır.

METNİN İNDEKSİ

- ‘Abbās bin ‘Abdi’l-Muṭṭalib (r. a.): 95, 96
‘Abdu’llāh bin ‘Abdi’l-Muṭṭalib: 90
‘Abdu’llāh bin Aḥmed-i Ḥanbel: 107, 110
‘Abdu’llāh bin Ca‘fer (r. a.): 91
‘Abdu’llāh bin Ebī Evfā (r. a.): 101
‘Abdu’llāh bin Mübārek: 102
‘Abdu’llāh Efendi [Vassāf]: 93, 94
‘Abdu’r-Raḥmān bin Ebī Bekr (r. a.): 87
‘Abdu’r-Raḥmān bin Mehdī: 108
‘Abdu’r-Raḥmān bin Mülceṣi’l-Murādī [İbnü Mülceṣi]: 91, 337
‘Abdu’r-Raḥmān-ı Cāmī: 38, 94, 249, 269, 280, 358
‘Abdu’r-Razzāk bin Hümām: 110
‘Abdü Menāf: 2, 90, 105
‘Abdü Şems: 90
‘Abdü’l-Ḥālīk-ı Gücduvānī: 15
‘Abdü’l-Ḳādir[-i Geylānī]: 327
‘Abdü’l-Mevlā: 350
‘Ād: 29, 242
Ādābu’l-Müte‘allimīn: 103
Ādem (a. s.): 17, 20, 21, 22, 23, 24, 25, 26, 28, 32, 33, 45, 67, 72, 73, 74, 75, 98, 158, 168, 219, 289, 317, 360, 361, 365, 366, 493
‘Aden: 146, 147
Afrīkıyye: 90
Aḥmed Ḥān: 160
‘Aḥterī: 153, 425
Aḳā Rızā: 352
‘Aḳabe bin Āmir (r. a.): 525
‘Aḳā’id-i Celāl: 19
‘Aḳreb: 76
‘Alevī: 94
‘Alī (r. a.): 15, 25, 26, 33, 72, 75, 86, 87, 89, 91, 92, 93, 94, 95, 97, 101, 128, 135, 161, 168, 215, 225, 295, 330, 337, 339, 371, 421, 425, 429, 433, 438, 445, 448, 449, 474 Bkz.: Ḥayder-i Kerrār
‘Ālic: 29
Āl-i ‘Oṣmān: 175
‘Aliyyü’l-Ḳārī: 87, 93, 151, 225
‘Alḳame: 104
‘Āmī: 142
Āmū: 15
‘anḳā: 7, 238, 268, 280, 283, 451
‘Anṯākiyye: 83
A‘rāf: 334
‘Arā’is-i Vānī: 27, 32, 33, 41, 42, 44, 47, 64, 77, 533
Āşaf: 489
‘Asḳalān: 105
‘Aṯā bin Ebī Revāḥ: 101
‘Atīḳ: 80
‘Atṯār: 11, 15, 16, 515, 538
‘Āṯıf: 169
Āvān: 83
‘Avārifü’l-Ma‘ārif: 232, 333
‘Āyişe (r. a.): 77, 93
‘Ayntāb: 6, 83, 144, 540
‘Aynü’l-‘İlm: 155
‘Āzār: 66
‘Azāzıl: 68, 360, 361, 362, 365, 538
Āzerbeycān: 15, 83
‘Azrā’ıl: 24, 362
Bābil: 33, 64
Bādġīs: 188

Bağdād: 102, 108, 110, 253
 Bahā'ü'd-dīn Naqş-bendī: 15
 Baḥru'l-Ġarā'ib: 34, 326, 447, 501
 Bā'ir bin Yaḥşūn: 41
 Baḳī: 90, 96
 Başra: 101, 110
 Baṭlamyus: 75
 Baṭn-ı Nu'mān: 289
 Bāy: 10
 Bedaḥş: 146
 Bedaḥşān: 146, 189
 Bedr: 87, 90, 95, 105
 Beġavī: 45
 Behcet: 172
 Behlül: 243
 Behmen bin İsfendiyār: 10, 64
 Behrām-ı Gür ibni Yezdecird bin Şāpūr: 10, 244
 Benī-Temīm: 100
 Benī-Deylem: 88
 Benī-Hāşim/Benū-Hāşim: 86, 105
 Benī-İsrā'īl: 38, 64, 65, 66, 75, 280, 286
 Benī-Muġīre: 525
 Benū-Cānn: 23
 Bestām: 533
 Beyhaḳī: 105
 Beyşiyye: 47
 Beytu'llāh/Beytu'llāhi'l-ḥarām/Beyt-i ḥarām/Beyt-i İlāh/Beyt-i Hudā: 50, 77, 87, 88, 95, 108, 150, 222, 472, 536
 Beytü'l-Muḳaddes/Beyt-i Muḳaddes: 24, 62, 64
 Bezzāzī: 99
 Bezzāziyye [Fetevā-yı Bezzāziyye]: 132
 Bilāl: 72, 262, 408
 Billūr-ı Tengestī: 146
 Bīsütün: 6

Bişr-i Ḥāfi: 463
 Buḥārā: 10
 Buḥārī [Cāmi'-i Şaḥīḥ]: 236, 378, 390, 533
 Buḥtu'n-naşr: 64, 66
 Burāḳ: 2, 73, 76, 85
 Būstān: 3
 Bürde: 125, 256
 Büzürc-mihr: 142

 Cābir bin 'Abdi'llāh (r. a.): 231, 362, 470
 Cābiye: 48, 532
 Cālīnūs: 276
 Cām-ı Cem: 244
 Cāmi'ü'l-Uşūl: 231
 Cāru'llāh-ı 'Allāme: 482
 Cebel-i Ḥırā: 84
 Cebel-i Sevr: 87, 88
 Cebriyye: 516
 Cedy: 76
 Cem: 43, 434
 Cemād bin Seleme (r. a.): 63
 Cevcev: 402
 Cevzā: 76
 Cevherī: 501
 Ceyḥūn: 83
 Cezīre: 110
 Cezīre-i Muḥīt: 451
 Cibrīl/Cebra'il/Ruḥu'l-Emīn (a. s.): 4, 33, 38, 42, 43, 62, 73, 75, 76, 77, 79, 82, 83, 84, 87, 193, 362, 378
 Cīlān: 83
 Cüneyd: 289, 391
 Cürcānī: 178
 Cüreyc: 63, 64

 Çin: 146, 218

Çīngān: 38

Ḍahḥāk: 492

Dār-ı Erḡam/Dāru'l-Erḡam: 81, 90, 95

Dārā: 234

Dāru'n-Nedve: 85

Dāvūd (a. s.): 17, 41, 42, 46, 75, 284, 300, 334, 404, 407, 456

Dāvūd bin el-Ḥaṣīn: 82

Dāvūdu't-Ṭā'ī/Dāvūd-ı Ṭā'ī: 102, 104

Dehnā: 289

Dehrī: 25, 69

Deḡā'īḡu'l-Ḥaḡā'īḡ [İmām Münāwī]: 13, 74, 103, 185

Deḡā'īḡu'l-Ḥaḡā'īḡ [İbnü Kemāl]: 13, 19, 32, 34, 135, 325, 329, 376, 436

Delv: 76

Derī: 10

Deriyye: 10

Dirāz-dūr(?): 410

Diyārbekr: 83

Dürer: 161

Dürr-i Münteḡā: 169, 400

Düstüru'l-ʿAmel: 13, 119

Ebā Yezīd-i Beṣṡāmī: 15, 102, 139, 210, 269, 533

Ebe'l-Ḥasen bin ʿAbdī'l-ʿAzīz: 110

Ebū ʿAliyyi'd-Deḡā'īḡ: 373

Ebū Bekr e'ṣ-Ṣıddīḡ (r. a.): 15, 80, 81, 83, 85, 86, 87, 88, 89, 93, 232, 289

Ebū Bekri'l-Verrāḡ: 102

Ebū Ca'feri't-Ṭaḡāwī: 99

Ebū Cehl: 86

Ebū Dāvudi's-Sicistānī: 110

Ebū Ḥafṣ: 367, 414

Ebū Ḥafṣati'l-ʿAdevi'l-Ḳureyṣī (r. a.): 8

Ebū Ḥāmidi'l-Leffāf: 102

Ebū Ḥasen-i Ḳudūrī: 99

Ebū Ḥaseni'l-Kerḡī: 99

Ebū Ḥāṣim: 283

Ebū Hübeyre: 102

Ebū Hüreyre (r. a.): 152, 405, 477, 523, 533, 536

Ebū İṣḡāḡı'l-Beyṡ: 101

Ebū Ḳuḡāfe (r. a.): 80

Ebū Leheb: 315

Ebū Mūsā: 387

Ebū Nevvār İbrāḡīm bin Ḥālid:

Ebū Sa'īdi'l-Berdaṡ (r. a.): 10

Ebū Ṭālib: 91

Ebū Ṭalḡa: 470

Ebū ʿUmāre (r. a.): 95

Ebū ʾÜmāme (r. a.): 10

Ebū Yūsuf: 99, 103, 104, 105, 481

Ebū Zerr: 496

Ebū Zür'a: 110

Ebu'l-Buḡterī: 86

Ebu'l-Ḥasen (r. a.): 91

Ebu'l-Leyṣ [-i Semerḡandī]: 480

Ebu'l-Ma'ānī: 83, 216, 284

Ebu'l-Yeser Ka'b bin ʿAmr (r. a.): 96

Ebu'd-Derdā (r. a.): 57

Ebu't-Türāb (r. a.): 91

Ebu's-Su'ūd: 27, 35

Edāt-ı Fuṡalā: 58, 465

Ehl-i Beyt: 15, 97

Enes ibni Mālik (r. a.): 84, 101, 236, 390, 470

Ercis: 521

Ermine-i ṣuḡrā ve kübrā: 83

Esāmī-i Ricāl: 81, 91, 95, 101, 110

Esed: 76

- Eşhâb-ı Fîl: 80
 Eşhâb-ı Hicr: 39
 Eşhâb-ı Şuffe: 243, 519
 Esmâ binti ‘Umeys (r. a.): 80
 Esvedü’n-Necîbî: 90
 Eş‘as: 434
 Eşbâh-ı Neẓā’ir [Kitābü’l-Eşbâh ve’n-Neẓā’ir]: 377
 Evzā‘î: 108
 Eyyûb (a. s.): 17, 21, 47, 48

 Fâris: 10
 Fâtımetü’z-zehrâ (r. a.): 72, 77, 91, 96, 97
 Felâtûn (Eflâtûn): 140, 145, 177, 276
 Fenerî: 406
 Ferhâd: 6, 39
 Ferheng-i Cihân-gîrî: 10
 Ferheng-i Şu‘ûrî: 10, 13, 15, 18, 32, 35, 42, 52, 61, 63, 76, 90, 113, 121, 126, 163, 166, 181, 186, 263, 268, 275, 281, 283, 284, 287, 307, 309, 310, 321, 322, 326, 350, 369, 382, 386, 430, 478, 504
 Ferheng-i Vefâ’î: 283
 Ferîdûn: 15
 Fevrî: 269, 328
 Fiğânî: 271
 Fir‘avn: 37, 38, 64, 277
 Firdevsî-i Tûsî: 18, 19, 298, 308, 403
 Fuḍayl ibni ‘Îyâz: 102, 482
 Fuşûl-i Mufaşşal: 26
 Fuzûlî: 134, 152, 192, 404
 Führe (r. a.): 88
 Fûrât: 384

 Ganî-i Keşmîrî: 172, 314, 316, 338
 Garcistân: 181
 Gazâlî: 25, 31, 101

 Ġazze: 105
 Ġûl: 268
 Gülistân: 3
 Gülşenî: 15

 Ĥabâ’ikü fî-Aḥbârî’l-Cinni ve’l-Melâ’ik: 10
 Habeşe/Habeşî/ Habeşiyye: 72, 90, 222
 Ĥ‘âceğân-ı ‘Azîzân: 15
 Ĥacer-i Esved: 76
 Ĥadîkatü’s-Sü‘adâ: 134
 Ĥadîs-i Erb‘aîn Şerḥi: 346, 406
 Ĥâfîz: 41, 118, 126, 153, 156, 173, 219, 233, 234, 237, 238, 244, 261, 269, 290, 322, 412, 430, 445, 465, 470, 478, 483, 489, 499, 510, 512, 524, 526, 529, 530
 Ĥâfîzu’d-dîn e’n-Nesefî: 10, 104
 Ĥafîd: 328
 Ĥâ’ifî: 175
 Ĥakâ’ik [Manẓûme şerḥi]: 101
 Ĥākānî: 48, 265
 Ĥalebü’ş-şehbâ: 144
 Ĥalef ibni Eyyûb: 102
 Ĥâlid ibni Velîd (r. a.): 183
 Ĥalîfe Manşûr: 102
 Ĥalîl/Ĥalîlü’r-Raḥmân (a. s.): 21, 31, 32, 33, 64, 150, 354 Bkz.: İbrâhîm
 Ĥalîl Efendi: 93
 Ĥalîmî: 13
 Ĥallü’r-Rumûz ve Cevâhiru’l-Künûz: 13
 Ĥalvânî: 99
 Ĥalvetî: 15
 Ĥâm: 28
 Ĥamel: 76
 Ĥamîdî: 311, 324
 Ĥammâd bin Süleymân: 101, 104
 Ĥamze (r. a.): 72, 81, 82, 95

- ̤amzetü'z-Zeyyāt: 100
 ̤anbel bin İṣḥāk: 110
 ̤anzala (r. a.): 95
 Hārān: 34
 ̤ārīṣ bin Hiṣām: 524
 Hārūn (a. s.): 91
 Hārūnu'r-Reṣīd: 102, 109, 243, 244
 ̤āsen (r. a.): 27, 72, 91, 97, 487, 490
 ̤āsen-i Baṣrī: 84, 417
 ̤āsen-i ̤arkānī: 15
 ̤āsen-i Kāṣifī: 88, 89, 92
 ̤aṣṣāf: 99
 Hāṣim bin 'Abdū Menāf: 90
 ̤ātem [-i Ṭā'ī]: 167, 344
 ̤aṭīm: 76
 ̤avvā (hz.): 27, 366
 ̤ayātü'l-̤ayevān [Demīrī]: 281
 ̤ayder-i Kerrār (r. a.): 84, 86, 87, 91, 93, 94, 128, 142, 161, 170, 177, 206, 247, 337, 343, 346, 416, 422, 431, 433, 437, 448, 449
 ̤ariyye [-i Nābī]: 441
 ̤azrān: 102
 Herāt: 188
 Hey'āt-ı Felekiyye: 75
 Heykel-i Şems: 32
 Heyzen: 32, 33
 ̤ıẓr (a.s.): 17, 21, 54, 196
 Hicāz: 24, 39, 108, 524
 Hidāye: 99
 Hilālī: 316
 Hind/Hindūstān: 61, 111, 126, 193, 222, 289, 326, 327
 Hiṣām bin 'Amr: 101
 Hiṣām bin 'Amr [Ebū Cehl]: 86
 Hiṣām bin ̤akīm bin ̤izām (r. a.): 136
 Hiṣām bin 'Urve: 108
 ̤orāsān: 83
 ̤ucceṭü'l-İslām: 209
 Hūd (a. s.): 29, 30, 33
 ̤usrev-i Pervīz: 186, 310
 Hūşeng bin Siyāmek: 15, 57
 ̤ūt: 76
 Hübel: 30
 hūdhūd: 40, 50, 322, 336, 337
 Hümā: 7, 21, 62, 218, 228, 262, 337, 374
 ̤üseyn: 72, 91, 97
 ̤üseyn Manşūr: 15
 'Irāk: 15, 33, 35, 64, 83, 102, 151
 İbnü 'Abbās: 23, 63, 81, 337, 347
 İbnü 'Allān: 237
 İbnü Cevzī [Ebu'l-Ferec 'Abdu'r-Raḥmān bin 'Alī]: 13, 156, 178, 382, 429, 489, 531
 İbnü Ebī Şeybe (r. a.): 10
 İbnü Eyyüb: 324
 İbnü ̤āleveyh: 441
 İbnü Ġānim: 13
 İbnü 'İmād: 84
 İbnü Ka'b (r. a.): 33
 İbnü Kemāl: 9, 13, 42, 63, 99, 325, 334, 405
 İbnü Māce: 267
 İbnü Melek: 454
 İbnü Mes'ūd (r. a.): 84, 236
 İbnü Muḳle: 324
 İbnü 'Ömer: 230, 319, 502, 503
 İbnü Yemīn: 13, 148, 242, 263, 275, 279, 312, 355, 369, 375, 377, 422, 430, 431, 438, 440, 441, 444, 447, 479
 İbnü Zübeyr (r. a.): 96
 İbrāhīm (a. s.): 27, 31, 32, 33, 34, 35, 36, 40, 471
 İbrāhīm bin Cerrāh: 103

İbrāhīm-i Edhem: 102, 234, 255, 258, 417, 525

İbrāhīm-i Neḥaṭ: 104

İbrāhīm-i Naḥīfī: 381

icfīl: 281

İdrīs (a. s.): 27, 58, 75, 324

İḥyā'u 'Ulūm: 427

İkrime (r. a.): 36, 482, 524

İmām Aḥmed-i Ḥanbel: 99, 107, 108, 109, 110, 384

İmām Mālik: 99, 105, 106, 107, 108, 109, 110

İmām Muṭarrif: 109

İmām Şāfi'ī: 99, 101, 104, 105, 106, 107, 108, 109, 174, 269, 317, 422, 472

İmām-ı A'zam/Ebū Hanīfe: 98, 99, 100, 101, 102, 103, 104, 105, 109, 232, 535

İmām-ı Tebrizī: 90, 101

İmyād: 41

İncīl: 63

İrān: 15, 231

İrec: 15

İrem: 29

İsā (a. s.): 27, 61, 62, 63, 66, 68, 90, 102, 192, 239, 284, 309, 448, 488

İşhāk (a. s.): 47

İşhāk bin Rāhaveyh: 110

İskender/Sikender: 54, 140, 179, 234, 458

İsmā'īl (a. s.): 40

İsmā'īl (vezīr): 90

İsrāfīl (a. s.): 75, 76, 87, 362

İtkān [el-İtkān fī-'Ulūmi'l-Ḳur'ān]: 32, 254

Ḳaderiyye: 68, 336, 337, 516

Ḳādī Beyzāvī: 27, 31, 97

Ḳādī 'İyāz: 78

Ḳāf: 7, 270, 280, 283, 403

Kāfī: 10

Ḳāhire: 38, 90, 108

Ḳarāfe-i şuğrā: 108

Ḳaşaş-ı 'Alī el-Kisā'ī: 27, 33, 36, 41, 44

Ḳāsım-ı Meşhedī: 345, 359, 410

Kāşibe: 39

Ḳaşīde-i 'Aliyye: 87

Ḳaşşāb: 355

Ḳavlü'l-Bedī: 97

Ḳavm-i 'Ād: 29, 30, 33, 39

Ḳavm-i Lūt: 29, 34, 35

Ḳavm-i Sālih: 40

Ḳavs: 76

Kelīm/Kelīmu'llāh (a. s.): 24, 38, 260, 477, 499, 500 Bkz.: Mūsā

Kelīm (Ḥ'āce): 179, 193, 223, 224, 249, 312, 316, 352, 356, 363, 367, 371, 377, 379, 401, 411, 420, 431, 530

Kemāl İsmā'īl: 10

Ken'ān: 96

Ken'āniyyūn: 286

Kenz ['Abdu'llāh bin Aḥmed-i Nesefī]: 99

Keşşāf: 95

Kevşer: 77

Keyḥusrev: 29, 67, 328, 355

Keykāvus: 67

Ḳırşehir: 517

Ḳıtmīr: 40

Ḳızılbaş: 94

Killiz: 3

Kirmān: 533

kisrā: 93, 186

Kitābü'l-Cevāhir: 103

Kitābü'l-Ezkār: 481

Kitābü'l-'İber: 84

Kitābü'l-İntişār li-İmāmi E'immeti'l-Enşār: 102

Kitābü'l-Luhūni's-Şemāniyye: 75

Kitābü'n-Naẓm: 99

Kūfe: 27, 91, 101, 102, 110, 186

Kūfi: 232

Kūh-ı Celīl: 27

Ḳuhistānī: 99

Ḳulzüm: 37, 540

Ḳureyş: 81, 82, 85, 87, 88, 90, 91, 95, 105, 392

Kūşā: 32, 33

Ḳuşayy bin Kilāb: 85

Kürd/Ekrād: 32, 33

Lāmek bin Metūşelaḥ: 27

Lāvī bin Ya'ḳūb (a. s.): 48

Leylā: 12, 478

Leyyā binti Ya'ḳūb (a. s.): 47

Luḳmān (a. s.): 260, 384, 521

Lūṭ (a. s.): 29, 34, 35

Lübābe binti'l-Ḥāriş: 96

Lü'lü' [Ebū Lü'lü']: 83

Māçin: 350

Maḥmūd-ı Meylī: 265

Maḳāmāt Şerḥi: 434

Maḳāmātü'l-Evliyā: 13

Mālik bin Dīnār: 488, 527

Mālik bin Du'r: 96

Mālik bin Yāsīn: 531

Ma'mūriyye: 90

Manṭıḳu't-Ṭayr: 37

Manẓūme: 101

Ma'rekān: 83

Ma'rūf-ı Kerhī: 102

Māverā'ū'n-nehr: 90, 410, 445

Māzenderān: 58

Mebārık: 13, 477

Mecālis-i Ümmü Sīnā: 20

Mecma'[u'l-Enhür]: 100

Mecma'u'l-Emsāl: 268, 306

Mecma'u'l-Fevā'id: 13, 24

Mecma'u'l-Fürs: 188, 292

Mecnūn ibni 'Āmir: 478

Medārik: 171, 335

Medīne-i münevvere: 83, 85, 86, 88, 89, 90, 93, 96, 101, 106, 107, 108, 109, 110, 470

Mefātiḥu'd-Dürriyye: 63, 146

Mehdī (hz.): 96

Mekke-i mükerreme: 80, 84, 85, 86, 87, 88, 90, 101, 105, 106, 107, 108, 110, 289

Melik-i Ḳummī: 350

Meryem [binti İmrān] (r. a.): 17, 27, 62, 63, 72, 192

Meşābih[u's-Sünneh]: 45, 231

Mescid-i Akşā: 77, 78, 80

Mescid-i Ḥarām: 78, 82, 95, 106

Mesṭḥ: 63, 188, 191, 363

Meşnevī: 13, 16, 23, 44, 45, 59, 69, 122, 123, 155, 177, 179, 190, 212, 222, 225, 227, 235, 245, 262, 268, 276, 277, 284, 298, 302, 306, 327, 337, 347, 365, 387, 413, 422, 424, 461, 494, 496, 520, 522, 535

Meşārık: 13, 134, 164, 454

Meṭālib [ü'l-Āliyye]: 19

Merv: 10

Mevlānā [Celālū'd-dīn-i Rūmī]: 13, 15, 16, 44, 55, 59, 122, 155, 177, 190, 212, 222, 225, 227, 232, 235, 245, 260, 261, 262, 268, 276, 277, 283, 284, 285, 298, 302, 306, 327, 329, 337, 347, 365, 387, 413, 422, 424, 461, 494, 516, 520, 534

Mevşül: 49

- Meymüne (r. a.): 96
- Mısr: 21, 24, 31, 57, 82, 90, 108, 110
- Mikā'il: 10, 83, 362
- Minhacü'l-Fuḡarā: 28, 256
- Mir Nazmī: 421
- Mir Nizāmī: 295
- Mirrīh: 244
- Mirzā İbrāhīm: 27, 186, 293
- Mirzā Muḡammed Naşr-ābādī: 373, 457
- Mirzā Vahīd: 142, 154, 254, 371, 415, 457
- Mizān: 75
- Moskov: 57
- Muğire bin Şu'be (r. a.): 83
- Muḡammed (s. a. v.): 2, 25, 40, 45, 47, 64, 72, 73, 74, 77, 78, 79, 81, 82, 86, 88, 90, 111, 384, 480, 532
- Muḡammed bin el-Münkedir: 101, 108
- Muḡammed bin Ḥakīm: 105
- Muḡammed bin Mūsā: 110
- Muḡammed Hindūşāh-ı Naḡcuvānī: 10
- Muḡammedü's-Şeybānī/İmām Muḡammed: 99, 103, 104, 105
- Muḡāzarāt: 130, 173, 175, 181, 476
- Muḡliş: 353, 359, 371, 379, 413, 457
- Muḡtār [Dürri'l-Muḡtār]: 99, 102
- Muḡtaşaru'l-İhyā/ İhyā: 13, 87, 156, 247, 296, 429, 472, 489
- Muḡanna': 408
- Muḡātil: 40, 294
- Muḡaṭṭa'āt (-ı İbnü Yemīn): 13, 299, 422, 447
- Mūsā (a. s.): 17, 21, 27, 37, 40, 91
- Muṭavvel: 116, 152
- Muṭtezile: 337, 470, 517
- Muvattā: 106, 107
- Mūzenī: 108
- Mūdhişü'l-Ḳulüb: 13
- Mü'eyyedü'l-Fuḡalā: 27, 210
- Müferriḡ-nāme/Müferriḡāt: 13, 16, 20, 51, 72, 112, 213, 303, 348, 384, 386, 417, 425, 483, 501, 527
- Müfredātü'l-Fürs: 13
- Mültekā: 169, 400
- Münāvī: 13, 25, 72, 74, 91, 96, 185
- Münebbihāt: 235
- Münhel [Şerḡ-i Şifā]: 128
- Münif: 460
- Müsned-i Aḡmed: 72
- Müslim bin Ḥaccāci'n-Nişābūrī: 110
- Müslim bin Ḥālid: 106, 108
- Müşebbihe: 516
- Müşterī: 105
- Mü'tefikāt: 35
- Nābī: 104, 131, 133, 165, 167, 173, 192, 229, 250, 253, 256, 269, 318, 344, 350, 351, 353, 363, 372, 385, 394, 403, 414, 417, 422, 440, 441
- Nāfir: 78, 101, 108
- Nāfiru'l-Ezraḡ: 336
- Naḡşeb: 408
- Naḡş-bendī/Naḡş-bendiyye: 15
- Naşr-ābādī
- Nazmī: 463
- Nebaṭīn: 32
- Necātī: 464
- Necd: 85, 87
- Necmü'd-dīn-i Kübrā: 15
- Nefī: 372
- Nemrūd bin Ken'an: 32, 33, 34, 35, 36, 37, 319, 324
- Nesīb: 168, 172
- Nesnās: 379

Netāyicü'l-Fünūn: 191

Nevāhid: 24

Nevāyī: 501

Nevfel: 90

Nihāvend: 89

Nīl: 37, 38

Ni'metu'llāh: 10, 13, 329, 443

Nīnuvī: 49

Niṣābūr: 15, 16, 100, 110, 188

Nūḥ (a. s.): 21, 26, 27, 28, 29, 33, 66, 186, 196

Nūriyye: 25

Nuṣaybīn: 48

Nūṣīrvān: 101, 186, 328

Nūṣḥatü's-Şıbyān: 367

Oṣmān bin 'Affān (r. a.): 83, 89, 90, 91, 92, 93, 199, 398

Oḡcı-zāde: 346, 406

'Ömerü'l-Fārūḡ (r. a.): 75, 80, 81, 82, 83, 85, 89, 91, 93, 96, 210, 225, 378, 382, 429, 433, 490

'Ömer bin 'Abdi'l-'Azīz: 451, 487

'Örfī: 413

Pend-nāme: 11, 12, 15, 16

Pervīn: 6, 74, 491

Pezdevī: 99

Püşt: 188

Rāḡīb: 40, 165, 297

Raḡīme binti Efrāyim: 47

Rāmīn: 125

Ravza-i muṭahhara: 2

Ravzatü'l-'Ulemā: 401

Rāz: 430

Rāzī: 19, 22, 26, 28, 99, 151, 430, 510, 513

Reb'ra bin 'Abdi'r-Raḡmān: 108

Refref: 2

Revāfız: 93, 516

Rey: 58, 430

Risāle-i Mūsikī: 321

Risāletü'l-'Ālem fi-Vaṣfi'l-'Ādem: 26

Ruhā: 33

Rūḡī/li-şāriḡihī: 1, 2, 3, 9, 14, 15, 73, 74, 98, 112, 113, 307, 436, 452, 521, 538, 540

Ruḡıyye (r. a.): 90, 92

Rūm: 82

Rüstem-i Zāl: 56, 155, 186, 191, 225, 244

Şābit: 152, 174, 270, 307, 350

Sa'dī: 119, 163, 206, 310, 320, 321, 338, 339, 344, 354, 404, 407, 449, 457, 482

Sa'dü's-Sā'idī: 101

Sa'dü'd-dīn [-i Teftāzānī]: 116, 152

Şafā: 81

Şafī-ḡuli: 249

Şaḡīḡ-i Müslim: 145, 152, 230, 231, 236, 319, 378, 390, 532, 533

Şā'ib-i Tebrīzī: 3, 6, 9, 13, 16, 113, 139, 146, 158, 160, 163, 164, 165, 170, 171, 172, 173, 174, 176, 177, 179, 180, 181, 185, 189, 191, 196, 198, 200, 205, 207, 214, 217, 221, 224, 232, 240, 241, 253, 256, 262, 269, 270, 278, 279, 280, 290, 296, 297, 300, 302, 311, 312, 314, 317, 318, 322, 324, 342, 343, 348, 350, 351, 352, 353, 354, 355, 356, 363, 374, 375, 376, 377, 378, 379, 380, 381, 385, 386, 388, 389, 394, 401, 404, 410, 412, 414, 450, 457, 484

Sa'īd (r. a.): 63

Şa'lebe: 100

Şāliḡ (a. s.): 38, 39, 40

Sām: 28, 29, 66

Şan'ā: 107, 532

Sāriye (r. a.): 89
 Sebzvār: 430
 Sedd-i Sikender: 234
 Sedüm: 35
 Sehl bin ‘Ömer (r. a.): 524
 Seleme bin Aḥmed: 243
 Selīm: 316, 317
 Selmān: 332
 Selmān-ı Pārsī: 72, 429, 491
 Semerkand: 475
 Semmāk bin Ḥarb: 101
 Şemūd: 242
 Seraḥsī: 99
 Serendīb: 410
 Sereṭān: 76
 Seriyy-i Saḳāṭī: 28
 Sibt ibni Cevzī: 102
 Şıfāhān [Işfāhān]: 203, 225
 Şıḥaḥ: 10
 Sidre: 2, 7
 Silsiletü’z-zeheb
 Sind: 125
 Siyām: 408
 Siyāmek: 15, 219
 Soḳoṭrī: 246
 Sūdān: 482
 Sūdī Çelebi: 41, 153, 322
 Şuheyb-i Rūmī: 72
 Sūḳu’l-‘Uḳāz: 3
 Sulṭān Maḥmūd: 93
 Sulṭān Murād: 175
 Sūre-i Ālü İmrān: 215, 484
 Sūre-i Ḥaşr: 406
 Sūre-i Müddeşsir: 75
 Suyūṭī: 10, 18, 32, 64, 254

Sūzenī: 103
 Süfyān bin ‘Uyeyne: 108, 110
 Süfyān-ı Şevrī: 99, 108, 503
 Süleymān (a. s.): 17, 21, 40, 41, 42, 43, 44, 46, 47, 52, 165, 169, 181, 240, 334, 336, 337, 363, 376, 388, 403, 456, 489, 533
 Süleymān-ı Dārānī: 208, 373, 384
 Sünbüle: 76
 Sürākā (r. a.): 87
 Süreyd bin Süreydü’n-Nefī: 146
 Süreyyā: 474, 490, 491
 Şāh İsmā‘īl: 93
 Şaḳīḳ-i Belhī/ Şaḳīḳ bin İbrāhīm: 102, 458
 Şām: 35, 39, 47, 49, 50, 64, 83, 110, 151, 501, 532
 Şāmil: 68
 Şāpūr: 10
 Şātībī: 500
 Şecer-i ‘Ummān: 29
 Şeddād: 29, 242
 Şeh-nāme: 293
 Şeref-nāme: 27, 144, 288, 294
 Şerḥ-i ‘Aynü’l-‘Amel: 151, 225
 Şerḥ-i ‘Aynü’l-‘İlm: 168
 Şerḥ-i Cevhere: 300
 Şerḥ-i Ḥāfız: 322
 Şerḥ-i Kırşehir: 517
 Şerḥ-i Meṭālī: 22
 Şerḥ-i Mevākıf: 121
 Şerḥü’l-Ḳaşīde li-‘Aliyyi’l-Ḳārī: 87
 Şevket: 3, 364
 Şeybān-ı Rā‘ī: 30
 Şeyḥ-i Ekber: 34
 Şeyḥ-zāde: 23, 24, 30, 36, 68, 291, 505
 Şiblī: 206

Şîrâz: 10, 134

Şîrîn: 6

Şîrvân: 83

Şiya': 97

Şüreyk-i Neḥa': 101

Ṭabîb Yûsuf: 218

Ṭā'if: 96, 289

Ta'rifât: 386

Ṭarîkat Şerḥi [Ṭarîkat-i Muḥammediyye Şerḥi]: 455

Temîm: 3

Tefsîr-i Deylemî: 10

Tefsîr-i Kâdî: 20, 477, 515, 530

Tefsîr-i Şeyḥ Ebâ Kâsım bin Cebîb: 46

Tefsîr-i Teysîr: 36

Tevrât: 66

Tezkiretü'l-Evliyâ: 356

Tuḥfetü'l-Mülûk: 13, 61, 153

Tûr/Tûrân: 15, 225

Uḥud: 95

Uḫnûm: 10

Uluḡ Beg: 329

Uṭârid: 75

Uveyd bin Selmevân: 41

Uzeyr (a. s.): 64, 65, 66

Ülker: 491

Ümeyye bin eṣ-Şalt: 145

Ümmü Külşüm: 90, 93

Üveys-i Kârenî: 433, 524

Vādî-i Kûrâ: 39

Vādî-i Nemle: 46

Vāhid bin Yezîd: 451

Vaḥşî bin Ḥarb (r. a.): 95

Vākıdî: 108

Vehb: 46, 53

Vekîr bin Cerrâḥ: 102

Velîd bin Muḡîre: 415

Veyse: 125

Veysî: 20

Viḳāye: 99

Yāfes: 28

Yaḥyâ (a. s.): 50, 64

Yaḥyâ bin Mu'âz: 181, 435

Yaḥyâ bin Mu'în: 107

Yaḥyâ bin Sa'îd: 108, 110

Ya'ḳûb (a. s.): 12, 17, 21, 41

Yakût-ı ḥattât: 324

Yehûd: 50, 29, 105, 110, 151, 525

Yehûzâ bin Ya'ḳûb: 41

Yezîd bin Hârûn: 110

Yessâ: 41

Yûnus (a. s.): 17, 40, 48, 49

Yûsuf (a. s.): 12, 21, 47, 52, 64, 85, 199, 363, 403

Yûsuf-ı İncuvî: 10

Za'ferânî: 472

Zâl-i Dâstân: 186

Zâl-i Kûfe: 186

Zâl-i Medâ'in: 186

Zāvûl: 186

Zebûr: 407

Zekeriyyâ (a. s.): 50, 62

Zemaḥşerî: 22

Zeyd bin Ḥârîş (r. a.): 95

Zeyd bin Şâbit: 108

Zeynü'l-^cArab: 248

Zuḥāl: 75

Züfer bin el-Hüzeyl bin el-Kerḫī: 105, 109

Zühre: 75, 84, 244

Zührī: 82, 108

Züleyḥa: 199

Zü'n-nūn-ı Mısrī: 401

KAYNAKÇA

Abdurraûf el-Münâvî, (1996): *Künûzü'l-Hakâyık min-Hadîsi Hayri'l-Halâ'ık*, Daru'l-Kütübi'l-İlmiyye, Cilt: I-II, Beyrut

Âdil, Muhammed Rızâ (1375 h.ş.): *Ferheng-i İbârethâ-yı Arabî Der-Şi'r-i Fârisî (tâ-Câmî)*, Müessese-i İntişârât-ı Emîr-i Kebîr, Tehran.

Afîfî, Rahîm (1376 h.ş.): *Ferheng-nâme-i Şi'rî*, İntişârât-ı Sürûş, Cilt: 1-3, Tehrân.

Ahmed Vefik Paşa, (1306 h.): *Lehce-i Osmânî*, Mahmûd Beğ Matbaası, Dersaadet.

Ahterî Mustafa b. Şemsüddîn Karahisârî, (1310 h./1893): *Ahterî-i Kebîr*, Şirket-i Sahâfiyye-i Osmâniyye, Matbaa-i Âmire, Cilt: I-II, İstanbul.

Akkoyun, Şükrü (1999): *Şem'î: Saâdetnâme, Giriş-Metin* Yüksek Lisans Tezi, Uludağ Üniversitesi, Dan.: Yard. Doç. Dr. Kadir Atlansoy

Âmir Ahmed Hayder-Abdûlmün'im Halîl İbrâhîm (Haz.), (2005): *Lisânü'l-Arab, el-İmâmü'l-Allâme Cemâleddîn Ebi'l-Fazl Muhammed Bin Mükerrrem İbnü Manzûr*, Dâru'l-Kütübi'l-İlmiyye, Beirut.

Ateş, Ahmet-Tarzî, Abdülvehhâb (1962): *Farsça Grameri*, İstanbul Edebiyat Fakültesi Basımevi, İstanbul.

Atlansoy, Kadir (1987): *Sabâyi, Sırât-ı Müstakîm, İnceleme-Metin*, Yüksek Lisans Tezi, Uludağ Üniversitesi, Dan.: Yrd. Doç. Dr. Mustafa Kara

Ayan, Hüseyin (1993): "Cevrî İbrâhîm Çelebi", *Türkiye Diyanet Vakfı İslam Ansiklopedisi*, Cilt: 7, İstanbul: 460-461.

Başçılar, Seyfettin (1990): *Kilisli Divan Şairleri Antolojisi*, Kilis Kültür ve Dayanışma Derneği Yayınları, Ankara.

Beyzadeoğlu, Süreyya (Haz.), (2003): *Durûb-ı Emsâl-i Osmaniye, Şinasi*, Milli Eğitim Bakanlığı Yayınları, İstanbul.

Bilgin, Azmi (Haz.) (1998): *Terceme-i Pendnâme-i Attâr,Emre*, Enderun Kitabevi, İstanbul.

Ceylan, Ömür (2000): *Tasavvufî Şiir Şerhleri*, Kitabevi, İstanbul.

Çağrııcı, Mustafa (1995): "Emir bi'l-ma'rûf nehiy ani'l-münker", *Türkiye Diyanet Vakfı İslâm Ansiklopedisi*, Cilt: 11, İstanbul: 138-141.

- Çanga, Mahmut (Çev.), (1991): *Kur'an-ı Kerim Lugatı*, Timaş Yayınları, İstanbul.
- Çelebioğlu, Amil (1998): *Eski Türk Edebiyatı Araştırmaları*, Milli Eğitim Bakanlığı Yayınları, İstanbul.
- Dağlı, Yücel-Üçer, Cumhure (1997): *Tarih Çevirme Kılavuzu*, Türk Tarih Kurumu, Cilt: I- V, Ankara.
- Devellioğlu, Ferit (?): *Osmanlıca Türkçe Ansiklopedik Lûgat*, Aydın Kitabevi, Ankara.
- Dihhodâ, Ali Ekber (2006): *Lugat-nâme*, CD, Copyright 2006 by Universty of Tehran Press.
- Dilçin, Cem (1983): *Yeni Tarama Sözlüğü*, Türk Dil Kurumu Yayınları, Ankara.
- Duru, Rafiye (1998): *Bursalı İsmâil Hakkı'nın Şerh-i Pend-i Attâr'ı*, Yüksek Lisans Tezi, Ege Üniversitesi, Dan.: Prof. Dr. Tunca Kortantamer
- el-Yesû'î, Luvîs Ma'lûf (2005): *el-Müncid Fi'l-Lugati ve'l-A'lâm*, Dâru'l-Maşrık, Beyrut.
- Gençosman, M. Nuri (Çev.), (1992): *Pendname, Feridüddin-i Attar*, Milli Eğitim Bakanlığı Yay., 2. baskı, İstanbul.
- Gölpınarlı, Abdülbaki (Çev.), (1962): *Mantık al-Tayr*, Milli Eğitim Bakanlığı Yayınları, Cilt:1, 2. baskı, İstanbul.
- , (1967): *Ferideddin-i Attar İlâhiname*, Milli Eğitim Bakanlığı Yayınları, İstanbul.
- Hasan Şu'ûrî, (1314 h.) : *Ferheng-i Şu'ûrî*, Cemâl Efendi Matbaası, Cilt: 1, İstanbul.
- İnal, İbnülemin Mahmud Kemal (1988): *Son Asır Türk Şairleri*, Dergah Yayınları, Cilt: 1-4, İstanbul.
- Kaçalin, Mustafa S. (2006): "Mütercim Âsım Efendi", *Türkiye Diyânet Vakfı İslâm Ansiklopedisi*, Cilt: 32, İstanbul: 200-202.
- Kadri, Hüseyin Kâzım (1928-1945): *Türk Lugatı*, Devlet Matbaası, Cilt: 1-4, İstanbul.
- Kanar, Mehmet (Çev.) (1995): *Osmanlı Topraklarında Fars Dili ve Edebiyatı, Muhammed Emin Riyahî*, İnsan Yayınları, İstanbul.
- Kaplan, Mahmut (2002): "Türk Edebiyatında Manzum Nasihat-nâmeler" , *Türkler*, Yeni Türkiye Yay., Cilt: 11, Ankara: 791-799.
- Karahan, Abdülkadir (1954): *İslâm Türk Edebiyatında Kırk Hadis: Toplama, Tercüme ve Şerhleri*, İsatnbul Üniversitesi Edebiyat Fakültesi Yayınları, İstanbul.

Kavakçı, Yusuf Ziya (1982): *İslâm Araştırmalarında Usul*, Diyanet İşleri Başkanlığı Yayınları, Ayyıldız Matbaası.

Kedkenî, Muhammed Rızâ Şefî'î (1383 h.ş.): *Attâr-ı Nişâbü'rî, Mantıku't-Tayr*, Tehran.

Kemâleddîn Mehmed Efendi (Çev.), (1313 h.): *Mevzû'âtü'l-Ulûm, Taşköprü-zâde Ahmed Efendi*, İkdâm Matbaası, Cilt: I-II, Dersaâdet.

Keyik, Sevgi Elif (2001): *XVI. Yüzyıl Sanatçılarından Şem'i'nin Şerh-i Pendnâmesi*, Yüksek Lisans Tezi, Ege Üniversitesi, Dan.: Prof. Dr. Tunca Kortantamer

Kilisli Kadri, (1932): *Kilis Tarihi*, Yay.: Kilis Cumhuriyet Kütüphanesi Sahibi Osman Vehbi, Burhaneddin Matbaası, İstanbul

Komisyon, (?): *İslam Alimleri Ansiklopedisi*, Türkiye Gazetesi Yayınları, Cilt: 1-18.

Komiyon, (1988-2007): *Türkiye Diyanet Vakfı İslâm Ansiklopedisi*, Cilt: 1-33, İstanbul.

Konyalı, İbrahim Hakkı (1968): *Abideleri ve Kitabeleri ile Kilis Tarihi*, Fatih Matbaası, İstanbul.

Kortantamer, Tunca (1994): “Teori Zemîninde Metin Şerhi Meselesi”, *Ege Üniversitesi Fen-Edebiyat Fakültesi Türk Dili ve Edebiyatı Araştırmaları Dergisi*, Sayı: VIII, İzmir: 1-10.

Koz, M. Sabri (2002): *Yemek Kitabı*, Kitabevi, İstanbul.

Köksal, M. Fatih (2001): *Mecma'ü'n-Nezâ'ir (İnceleme-Tenkitli Metin)*, Doktora Tezi, Hacettepe Üniversitesi, Dan.: Doç Dr. Osman Horata

Kurnaz, Cemal-Tatçı, Mustafa (Haz.) (2000): *Bursalı Mehmed Tahir, Osmanlı Müellifleri I-II-III*, Bizim Büro Yayınları, Ankara.

Kut, Günay (2002): “Şîrvânî'nin Yemek Kitabı Çevirisine Eklediği Yemekler Üzerine”, *Yemek Kitabı, Haz: M. Sabri Koz*, Kitabevi, İstanbul: 76-84.

Kutlar, Fatma Sabiha (Haz.) (2004): *Dîvân, Arpaemîni-zâde Mustafa Sâmî*, Ankara

Lami'î Çelebi (Çev.), (1270 h.): *Terceme-i Nefehâtü'l-Üns*, Matbaa-i Âmire, İstanbul.

Mazıoğlu, Hasibe (1977): “Edirneli Nazmî'nin Pend-i Attâr Tercümesi”, *Ankara Üniversitesi Dil Tarih Coğrafya Fakültesi Türkoloji Dergisi*, Cilt: VII, Ankara: 47-53.

Mehmed Murâd el-Nakşibendî, (1252 h.): *Mâ-hazar, Pend-nâme-i Attâr Şerhi*, Matbaa-i Uhuvvet, İstanbul.

Mu'în, Muhammed (1378 h.ş.): *Ferheng-i Fârisî, Mü'esse-i İntişârât-ı Emîr-i Kebîr*, Cilt: 1-6, Tehran.

Mütercim Âsım Efendi, (1287 h.): *Tibyân-ı Nâfi' der-Terceme-i Burhân-ı Kâtı'*, Matbaa-i Âmire, Cilt: 1-2, İstanbul.

-----, (1305 h.): *El-Okyanûsu'l-Basît fî-Tercemeti'l-Kâmûsi'l-Muhît*, Matbaa-i Osmâniyye, Cilt: I-II-III, İstanbul

Onay, Ahmet Talat (1992): *Eski Türk Edebiyatında Mazmunlar ve İzahı*, Türkiye Diyanet Vakfı Yayınları, Ankara.

Öztürk, Mürsel (1995): *Farsça Dilbilgisi*, Murat Kitapevi Yayınları, Ankara.

Pala, İskender (?): *Ansiklopedik Dîvân Şiiri Sözlüğü*, Akçağ Basım Yayım Pazarlama A.Ş., Ankara.

-----, (2006): “Nasihatnâme”, *Türkiye Diyanet Vakfı İslâm Ansiklopedisi*, Cilt: 32, İstanbul: 409-410.

Redhouse, J. W. (1922): *İngilizce'den Türkçe'ye Lugat Kitabı*, The American Board of Missions by H. Matteosian, Constantinople.

-----, (1987): *A Turkish and English Lexicon*, Librairie Du Liban, Beirut.

Reinert, B. (1989): “Attâr, Shaikh Farîd-Al-dîn”, *Encyclopedia of Iranica*, Routle & Kegan Paul, Cilt:3, London and New York: 20-25.

Ritter, Hellmut (1961): “Plologika XVI.”, *Oriens*, Cilt: 13-14, Leiden: 227-239.

-----, (1979): “Attâr”, *İslâm Ansiklopedisi*, Millî Eğitim Bakanlığı, Cilt:2, İstanbul: 7-12.

Sâlih Nailî , (1294 h.): *Pend-i Attâr Şerhi Kenz-i Nasâyih*, Bulak Matbaası, Kahire.

Saraç, M. A. Yekta (2006): “Şerhler”, *Türk Edebiyatı Tarihi*, TC Kültür ve Turizm Bakanlığı Yayınları, C:2, İstanbul: 123-124.

Sebzvârî, Rızâ Mustafevî (1379 h. ş./2000): “Pend-nâme-i Attâr”, *Dâniş-nâme-i Cihân-ı İslâm*, Bünyâd-ı Dâ'iretü'l-Ma'ârif-i İslâmî, Cilt: 5, Tehran: 766-767.

Steingass, F. (1975): *A Comprehensive Persian English Dictionary*, Librairie Du Liban, Beirut.

Ş. Sâmi, (1306-1316): *Kâmûsü'l-A'lâm*, Mihran Matbaası, Cilt: 1-6, İstanbul.

-----, (1313 h.): *Kâmûs-ı Arabî*, Mahmûd Beğ Matbaası, Cilt: 1, Dersaadet.

-----, (1317-1318 h.): *Kâmûs-ı Türkî*, II cilt, İkdâm Matbaası, Dersaadet.

Şahin, Ahmet Metin (Çev.) (2006): *Pendnâme (Öğütler)*, Yağmur Yayınları, İstanbul.

Şahinoğlu, M. Nazif (1991): “Attâr, Ferîdüddin”, *Türkiye Diyanet Vakfı İslâm Ansiklopedisi*, Cilt:4, İstanbul: 95-98.

Şahmaranoğlu, Hasan (2003): *Kilis'in Ünlüleri*, Kent Ofset, Kilis.

Şenel, Nazlı (2004): *Attâr'ın Pendnâmesi'nin Türkçe Şerhi*, Yüksek Lisans Tezi, Kocaeli Üniversitesi, Dan.: Prof. Dr. A. Naci Tokmak.

Şeyh İsmâil Hakkı, (1287 h.): *Şerh-i Pend-i Attâr*, Matbaa-i Muhib, İstanbul.

Şükûn, Ziyâ (1984): *Farsça-Türkçe Lûgat (Gencîne-i Güftâr Ferheng-i Ziyâ)*, Milli Eğitim Bakanlığı Devlet Kitapları, Cilt: 1-2-3, İstanbul.

Tabâtabâ'î, Seyyid Mustafa (1358 h.ş.): *Ferheng-i Nevîn (Arabî-Fârisî)*, İntişârât-ı Kitâb-fürûşî ve Çâp-hâne-i İslâmiyye, Tehran.

Tahir-ül-Mevlevî, (?): *Şerh-i Mesnevî*, Şamil Yayınevi, Cilt: 1-18, İstanbul.

Tanpınar, Ahmet Hamdi (1997): *19uncu Asır Türk Edebiyatı Tarihi*, Çağlayan Kitabevi, İstanbul.

Tarlan, Ali Nihad (1981): *Edebiyat Meseleleri*, Ötüken Neşriyat, İstanbul.

Te'lif-i Penc Üstâd, (1367 h.ş.): *Düstûr-ı Zebân-ı Fârisî, Sâzmân-ı İntişârât-ı Eşrefî*.

Timurtaş, Faruk K. (1985): *Osmanlı Türkçesi Grameri*, İstanbul Üniversitesi Edebiyat Fak. Yayınları, Cilt: 3, İstanbul

Tokatlı, Ümit (Haz.) (1996): *Pîr Mehmed b. Evrenos b. Nureddin Za'îfî- Kitâb-ı Bostân-ı Nasâyih*, Erciyes Üniversitesi Yay., Kayseri.

Unat, Faik Reşit (1984): *Hicrî Tarihleri Milâdî Tarihe Çevirme Kılavuzu*, Türk Tarih Kurumu, Ankara.

Ünver, İsmail (1993): “Çeviriyazıda Yazım Birliği Üzerine Öneriler”, *Ankara Üniversitesi Dil Tarih Coğrafya Fakültesi Türkoloji Dergisi*, Cilt: XI, Ankara: 51-89.

-----, (2002): “Kemâl Ümmî”, *Türkiye Diyanet Vakfı İslam Ansiklopedisi*, Cilt: 25, Ankara: 229-230.

Yavuz, Kemal (Haz.) (1982): *Mevlana, Mesnevî-i Murâdiyye, Mu'inî Çevirisi*, Kültür ve Turizm Bakanlığı Yayınları, Ankara.

Yazır, Muhammed Hamdi [Elmalılı] (?): *Hak Dini Kur'ân Dili*, Eser Neşriyat ve Dağıtım, Cilt: 1-10.

Yılmaz, Mehmet (1992): *Edebiyatımızda İslamî Kaynaklı Sözler (Ansiklopedik Sözlük)*, Enderun Kitabevi, İstanbul.

Yılmaz, Ozan (2007): “Klâsik Şerh Edebiyatı Literatürü”, *Türkiye Araştırmaları Literatür Dergisi*, Cilt: 5, Sayı: 9, 271-304.

Zerrînkûb, Abdülhuseyn (1375 h.ş.): *Ez-Güzeşte-i Edebî-i Îrân*, İntişârât-ı Beyne'l-Milelî El-Hüdâ, Tehran.